

বাণী বসু

মেতেয়

BanglaBook.org

জাতক

**গৌ** তম বুদ্ধের জীবৎকাল তথা ভারত-ইতিহাসের এক গুরুত্বপূর্ণ সময়কে অবিকল ও প্রাণবন্ত চেহারায় ফিরিয়ে আনতে চেয়েছেন বিদগ্ধ কথাকার বাণী বসু, দু-পর্বে সুবিন্যস্ত তাঁর এই বিশাল, বেগবান, বর্ণময় উপন্যাসে। এই কাহিনীর পটভূমি এক দিকে ছুঁয়ে আছে মধ্যদেশ—অর্থাৎ আজকের বিহার উত্তরপ্রদেশের কিছু-কিছু অঞ্চল, অন্য দিকে চিরকালীন মানুষের চিরজটিল মনোলোক। এই দ্বিবিধ পটভূমিতে ভিন্ন ভিন্ন স্তরে ক্রমশ উন্মোচিত হয়েছে এই উচ্চাকাঙ্ক্ষী উপন্যাসের কথাবস্তু।

কখনও রাজনৈতিক স্তরে—যেখানে উত্তর-পশ্চিম থেকে পূবে আরও পূবে সরে আসছে ক্ষমতার ভারকেন্দ্র, গান্ধার-মদ্র-কুরু-পাঞ্চালের জায়গায় কোশল-বেশালী-মগধ, পূর্বনো সাম্রাজ্যবাদের নীতির সঙ্গে ঘটছে নতুন মৈত্রী-ভাবনার সংঘাত। এই সংঘাতের কেন্দ্রে যেমন আছেন লোকবিশ্রুত গৌতম বুদ্ধ, আছেন ভারতের প্রথম ঐতিহাসিক সম্রাট বলে খ্যাত বিম্বিসার, কোশলপতি প্রসেনজিৎ ও নানান ধুরন্ধর রাজপুরুষবর্গ, তেমনই আছেন তক্ষশিলায় বিদগ্ধ যুবক চণক, গান্ধারের বিদুষী নটী জিতসোমা, সাকেতের সঙ্কিৎসু রাজন্যকুমার তিষ্য। কখনও-বা অর্থনৈতিক স্তরে, যেখানে ক্ষমতার প্রতিসরণ ঘটছে শ্রেণীবিন্যাসেও। ধনই হয়ে উঠছে প্রকৃত ক্ষমতার উৎস। বাণিজ্যের সম্প্রসারণের সঙ্গে-সঙ্গে শাস্ত্রজীবী এবং শস্ত্রজীবীদের প্রতিযোগিতায় পিছনে ফেলে সামনে এগিয়ে আসছেন বণিক ও ধনজীবীরা।

আবার সামাজিক স্তরে এঁদের সবাইকে ঘিরে বৃহত্তর জনজীবনে কৃষিজীবী, বৃত্তিজীবী, ভূম্যধিকারী নাগরিক, ছোট ব্যবসায়ী, কবি, নটী, দাস প্রমুখের ক্ষেত্রে চলেছে শাস্ত্রত জীবনচর্যা। তবু তার উপরেও পড়ছে পরিবর্তনের নানান সূক্ষ্ম আঁচড়। বুদ্ধকথিত ভাবাদর্শ বহুভাবে প্রবেশ করছে গণচেতনায়, জাগছে কখনও অনুকূল প্রভাব, কখনও-বা প্রতিকূল প্রতিক্রিয়া। আর এই সমস্ত কিছুই মধ্য দিয়ে বয়ে চলেছে ব্যক্তিগত সুখ-দুঃখ, আশা-আকাঙ্ক্ষা, সাফল্য-বিপর্যয়, সম্পর্কের ভাঙন ও পুনর্বিন্যাসের অন্তঃশীল প্রবাহ। মনস্তাত্ত্বিক এই স্তর।

এই চতুরঙ্গ স্তরের প্রতিচ্ছবির মধ্য দিয়ে মোহনার দিকে এগিয়ে-যাওয়া এই উপন্যাসে কিংবদন্তি হয়ে-ওঠা বহু ঘটনার ও অনুরূপ পরিস্থিতির নতুনতর ভাষ্য। আধুনিক জীবনের চোখে প্রাচীন জীবনের আপাত সরলতার মিথকে ছিন্ন করে এক অতি জটিল আবেগ-অনাবেগ, প্রেম-অপ্রেম, চেতন-অবেচতনের দ্বন্দ্বময় ব্যক্তি ও যৌথ-জীবনের কথা। যথোচিত ভাষায়, এবং যথাযোগ্য আঙ্গিকে।



**বা**ণী বসুর জন্ম ১১ মার্চ, ১৯৩৯ (২৬ ফাল্গুন ১৩৪৬)। শিক্ষা ও কর্ম কলকাতায়। প্রথমে লেডি ব্রিবোর্ন, পরে স্কটিশ চার্চ কলেজ ও কলকাতা বিশ্ববিদ্যালয়ের ইংরেজি সাহিত্যের ছাত্রী। হাওড়া বিজয়কৃষ্ণ গার্লস কলেজে ইংরেজি বিভাগে দীর্ঘদিন অধ্যাপনা করেছেন। ছাত্র-জীবন থেকে লেখালেখি, অনুবাদ। তখন লেখা প্রকাশ হয়েছে শৃঙ্গুর পত্রিকায়, রূপা প্রকাশনায়। সৃষ্টিমূলক লেখার জগতে প্রবেশ ১৯৮০ সাল নাগাদ। মূলত 'আনন্দমেলা' ও 'দেশ' পত্রিকায়। বহু উপন্যাস লিখেছেন, এদের মধ্যে বিশেষ উল্লেখযোগ্য জন্মভূমি মাতৃভূমি (প্রথম উপন্যাস), অন্তর্ঘাত, পঞ্চম পুরুষ, শ্বেত পাথরের থালা, উত্তর সাধক, গান্ধবী, একুশে পা, বুকের বাইরে, মৈত্রেয় জাতক, অষ্টম গর্ভ, অমৃতা, মেয়েলি আড্ডার হালচাল, খারাপ ছেলে ইত্যাদি। এ ছাড়া গল্পের সংকলন এবং ছোটগল্পের একাধিক বই আছে। প্রধানত বড়দের লেখক হলেও ছোটদের জন্য ভিন্নস্বাদের লেখায় স্বচ্ছন্দ। তারাশঙ্কর (১৯৯১), শিরোমণি পুরস্কার (১৯৯৭), আনন্দ পুরস্কার (১৯৯৭), বঙ্কিম পুরস্কার (১৯৯৮)—পেয়েছেন এই সব উল্লেখযোগ্য পুরস্কার।

# মৈত্ৰেয় জাতক

বাণী বসু

 *The Online Library of Bangla Books*  
**BanglaBook.org**



আনন্দ পাবলিশাৰ্চ প্ৰাইভেট লিমিটেড  
কলকাতা ৯



প্রথম সংস্করণ জুলাই ১৯৯৬ থেকে দ্বিতীয় মুদ্রণ মে ১৯৯৭ পর্যন্ত  
মুদ্রণ সংখ্যা ৬০০০  
তৃতীয় মুদ্রণ এপ্রিল ১৯৯৮ মুদ্রণ সংখ্যা ৩০০০

ISBN 81-7215-480-1

আনন্দের পাবলিশার্স প্রাইভেট লিমিটেডের পক্ষে ৪৫ বেনিগাটোলা সেন  
কলকাতা ৭০০ ০০৯ থেকে ছিঃজ্যেলাখ বসু কর্তৃক প্রকাশিত এবং  
আনন্দের প্রেস অ্যান্ড পাবলিকেশনস প্রাইভেট লিমিটেডের পক্ষে  
শি ২৪৮ সি আই টি বিসি হাট ৬ এম কলকাতা ৭০০ ০৫৪ থেকে  
তৎকর্তৃক মুদ্রিত।

মূল্য ১৫০.০০

 *The Online Library of Bangla Books*  
**BanglaBook.org**

আচার্য গৌরী ধর্মপাল  
ও  
আচার্য অনিবার্গকে

## নিবেদন

‘মৈত্রেয় জাতক’ বুদ্ধের জীবন কথা নয়। ঐতিহাসিক রোম্যান্স তো নয়ই। এই জাতক একটি সময়কালের পুনর্নির্মাণ, যে কাল আজকের সংকটমুহুর্তে নিঃসন্দেহে ফিরে দেখার যোগ্য। অবশ্যই কল্পনাশ্রমী এ নির্মাণ, কিন্তু ঐতিহাসিক তথ্যসমূহকে অবমাননা করে নয়। ইতিহাসের গর্ভে যেখানে যেখানে অনিশ্চয়তা, পরস্পরবিরোধ ও নীরবতা, যুক্তিসিদ্ধ কল্পনা সেই ফাঁকগুলোতেই স্বেচ্ছাচারী হয়েছে। যেমন বিশ্বিসারের বংশ নির্ণয়, অভয় বা জীবকের পরিচয়, আনন্দের বয়স, এবং সাধারণভাবে ছোট ছোট ঘটনার কালক্রম। ঘটনাবলীর পেছনের মোটিভ-নির্ণয়ও ছিল গবেষণার কেন্দ্র, যদি একে ন্যূনতম গবেষণার মান দেওয়া যায়। এই চিত্র পূর্ণ এমন দাবি করি না। বিশেষত জ্ঞাতকপুত্র বর্ধমান মহাবীরকে তেমন কোনও তাৎপর্যপূর্ণ ভূমিকায় দেখানো গেল না, এ দুঃখ রয়েই গেল। কিন্তু ইতিহাস, কথাকাহিনী এমন কি বিজ্ঞানের জগতেও কোন চিত্রই বা পূর্ণ? আসল কথা যথাসম্ভব খোলা মন ও মুক্ত দৃষ্টি নিয়ে কাজ করা গেছে কি না।

অশ্বঘোষ, ললিতবিস্তর, অবদানশতক এবং সাম্প্রতিককালে রবীন্দ্রনাথ সবার চোখেই বুদ্ধ করুণার অবতার। সবার আগে অবশ্যই তিনি আধ্যাত্মপুরুষ। কিন্তু আধ্যাত্মিক কৃতির মূল্যায়ন তো অনাধ্যাত্মিক মানুষের ক্ষমতার বাইরে! সুতরাং, আধ্যাত্মিকতাকে তাঁর ব্যক্তিত্বের পশ্চাৎপট বলে মেনে নিয়েই একজন অত্যন্ত গুরুত্বপূর্ণ মানুষ হিসেবে তিনি এ-যুগের বিচারে এবং সে যুগের চোখে কীভাবে প্রতিভাত হন, অর্থাৎ বিগ্রহের ভেতরকার মানুষ অমিতাভ কেমন, কী তাঁর তাৎপর্য তা দেখার বিশেষ আগ্রহ ছিল, আরও আগ্রহের বিষয় সেই দেশ ও সেই কাল যা তাঁকে সম্ভব করেছিল, সেইসব মানুষ যারা তাঁকে বন্ধুতা অথবা শত্রুতা দিয়েছিলেন, এবং সবার পেছনে সেই জীবনের পটভূমি যা সাধারণজনের যাপিত।

দেখা গেল সিদ্ধার্থ একজন অসাধারণ বুদ্ধিমান (চতুরও বটে), অসামান্য দৈহিক রূপ ও ব্যক্তিমায়ী সম্পন্ন (পুরুষদেরও মাথা ঘুরিয়ে দেবার মতো), সময়ে সময়ে কৌতুকপ্রিয় (মোট্টেই সর্বদা ধ্যানগম্ভীর নন), দারুণ প্র্যাকটিক্যাল ও স্থিতধী (উপস্থিতবুদ্ধি তাঁকে বহুবীর বাঁচিয়েছে) অথচ ট্র্যাজিক মানুষ। আজকের ভাষায় তাঁকে শোধানবাদী বললে বোধহয় ভুল হবে না। সমাজের পাশাপাশি বাস করতে করতে যে সম্ভব তিনি গড়েছিলেন তাতে সমাজ শক্তি ও রাজশক্তির সঙ্গে বহু আপস ও রফা ছিল। তাঁর প্রধান সামাজিক প্রাসঙ্গিকতা হল—অতিকলুষ ও অতিভোগ এই উভয়বিধ বদভ্যাসের মাঝামাঝি এক মধ্যপন্থার সুপারিশ। তাঁর কালের বিচারে এ পদক্ষেপ যদি বৈপ্লবিক না-ও হয় অন্তত তা বিশেষ কাণ্ডজ্ঞান ও মনস্তত্ত্বজ্ঞানের পরিচয় দেয়। বৈজ্ঞানিক যুক্তি ব্যবহার করে তিনি উপকরণশুদ্ধি (স্নানে পাপ মোচন ইত্যাদি), অনর্থক অনুষ্ঠান (অগ্নিহোত্র ইত্যাদি) অধিবরণ সোমের দেবত্ব—ইত্যাদি খণ্ডন করলেন, কিন্তু আবার বললেন সুকর্মে স্বর্গ বা দেবযোনি, কুকর্মে নরক বা তির্যগ যোনি প্রাপ্তির কথা, কর্মফল জন্ম থেকে জন্মান্তরে প্রসারিত হবার কথা। ভেবে দেখলে এই পরস্পরবিরোধের একটা ব্যাখ্যা দেওয়া সম্ভব। এই মহামানব যিনি মানুষের কল্যাণের জন্য নিজের উদ্যোগে লোকগুরুত্ব ভূমিকা নেন তাঁর লক্ষ্য ছিল সংযত, সজাগ, কর্তব্যপরায়ণ, সহনশীল, করুণাময়, নিরসিক্ত এক সমাজ-ব্যবস্থার পত্তন। ‘সম্মা আজীব’ অর্থাৎ সং-জীবিকার প্রতিও তিনি জোর দিয়েছিলেন। শ্রেষ্ঠীদের ধনোপার্জনও এই সং-জীবিকার মধ্যে পড়ে (ব্যবসা বাণিজ্যের কুটিল গতির কথা তখনও যথেষ্ট জানা ছিল না)। জীবনযাপনে যাতে অসুবিধের সৃষ্টি হয় এমন সংস্কার ত্যাগ করতে তাঁর যতটা উদ্যোগ ছিল, সুকর্মে প্রবর্তনা ও আশা জাগ্রত রাখবে এমন সংস্কার ত্যাগ করতেও তাই বোধ হয় ততোটাই উদ্যোগ দেখিয়েছিলেন।

বর্ণভেদ তিনি নিজে মানতেন না, তাঁর সম্ভবও মানত না, কিন্তু সমাজশরীর থেকে বর্ণভেদ উঠিয়ে দেবার জন্যও তো কই উঠে পড়ে লাগেননি! অবশ্য জন্মের বদলে গুণকর্মের ওপর নির্ভরশীল বর্ণভেদের কথা বিশেষত ব্রাহ্মণত্বের কথা তিনি বহুবীর বলেছেন। অর্থাৎ শ্রমভাগের একটা কাঠামো হিসেবে বর্ণভেদের ভূমিকা হয়তো তিনি পুরোপুরি অস্বীকার করতেন না।

অপর দিকে আত্মা তিনি মানতেন না, ঈশ্বর সম্পর্কে ছিলেন নীরব। আবারও আত্মবিরোধ।

কেননা আত্মা ও ঈশ্বরে বিশ্বাসের মতো আশাপ্রদ ও শুভসংস্কার আর কী-ই বা থাকতে পারে ? তবে কি তিনি ধ্যানযোগে অনাদ্যন্ত শূন্যেরই মুখোমুখি হয়েছিলেন, এবং সে কথা সোজাসুজি সামান্য জনের কাছে প্রচার করা ভালো মনে করেননি ? জীবনের বৃহত্তম দার্শনিক 'চালাকি'টি তিনি করলেন এই ঈশ্বরসম্পর্কিত প্রাণে ? ঈশ্বরতত্ত্ব নিয়ে অনর্থক বাদানুবাদ সর্বাঙ্গসুন্দর ইহ জীবনের পরিপন্থী মনে করেই কি তিনি তাঁর আবিষ্কৃত শূন্যতত্ত্ব গোপন রাখলেন ? তিনি কি পৃথিবীর প্রথম এগজিস্টেন্শিয়ালিস্ট ? এবং তাই-ই আনন্দকে তাঁর জীবনের শেষ নির্দেশ দিলেন 'আত্মদীপো ভব' ? একি প্রকারান্তরে বলা নয় তোমাকে পথ দেখাবার কেউ নেই, জীবন এবং মরণের মুখোমুখি দাঁড়াও, নিজের জোরে, নিজের নির্বাচনের দায় স্বীকার করে ।

গৌতম বুদ্ধের রাজনৈতিক প্রাসঙ্গিকতা আরও চমকপ্রদ ও বৈশ্বিক । এখানে লক্ষণীয়, তাঁর বৈরাগ্য ছিল একটা ইতিবাচক মনোভাব থেকে উৎপন্ন । দারা-পুত্র-পরিবার আর ভালো লাগছে না—এমন নয়, দুঃখনিবৃত্তির একটা উপায় খুঁজে বার করবোই—এমনি । শাক্য ও কোদিয়দের মধ্যে রোহিণী নদীর জল নিয়ে বিবাদ (গঙ্গার জল নিয়ে) পঃ বঙ্গ ও বাংলাদেশ, কাবেরীর জল নিয়ে তামিলনাড়ু ও কর্ণাটক স্মরণীয়) ও অনবরত রক্তক্ষয় নাকি তাঁর বৈরাগ্যের অন্যতম কারণ (অন্তদণ্ড স্তম্ভ—জাতক অট্টকথা) । তা হলে যে নিরাময়ের সন্ধানে তিনি বেরিয়েছিলেন রাজনৈতিক নিরাময়ও তার অন্তর্গত হওয়া অসম্ভব নয় ! এবং জীবনের অনেকটা সময়ই যে তিনি কোশলপতি, মগধরাজ বা বৎসরাজের সংস্পর্শে কাটালেন সেটাও নেহাত কাকতালীয় নয়, বরং সচেতন ও সাভিপ্ৰায় হতে পারে । আসলে অভ্যন্তরীণ নীতিতে গণতান্ত্রিক ও বৈদেশিক নীতিতে পারস্পরিক মৈত্রীর একটি তত্ত্ব তিনি রাজপুরুষদের কাছে ক্রমাগত পেশ করে যাচ্ছিলেন । অর্থাৎ যে রাজনীতি জিনিসটা বরাবর ভেদনীতির ওপর প্রতিষ্ঠিত তাকে তিনি তার বিপরীত মৈত্রী নীতির ওপর প্রতিষ্ঠিত করবার চেষ্টা করছিলেন । একজন প্রতিভাবান গণরাজকুমার হিসেবে বোড়শ মহাজনপদের অফুরান বৈরিতার পরিপ্রেক্ষিতে মৈত্রীতত্ত্বের উপযোগিতা অনুভব করা তাঁর পক্ষে খুবই সম্ভব ছিল । কিন্তু তিনি পারেননি । কেন ? জিনিসটা যুগধর্মের বিরোধী এই বলে, এই 'কেন'র একটা দায়সারা উত্তর দেওয়া যায় । কিন্তু আসল কথা, গৌতম যা বোঝেননি, তা হল রাজনীতির সামনে এসব ক্ষেত্রে এক দ্বিতীয় এবং সহজতর বিকল্প বরাবর থেকে যায়—তা হল সাম্রাজ্যগঠন । কেন্দ্রীয় সেনা, কেন্দ্রীয় মন্ত্রী পরিষদ, কেন্দ্রীয় টাঁকশাল, এক মুদ্রা, এক মূল্যমান, এক আরক্ষা । বুদ্ধের কল্পনার ভারতবর্ষ কিছুটা সম্ভব হয়েছিল প্রায় দু'শ বছর পরে অশোকের রাজত্বকালে । কিন্তু তারপর ? তা আবার ভেঙে টুকরো টুকরো হয়ে গেল । এবং আজ সারা বিশ্বে গৌতম যদিচ 'এশিয়ার আলো' বলে স্বীকৃত, যদিচ অশোকস্তম্ভ আমাদের জাতীয় প্রতীক, এবং পঞ্চশীল নিয়ে যথেষ্ট বাস্তবতা ও ভাস্কর্য সৃষ্টি হয়েছে, ভাগ্যের পরিহাস এমনই যে বুদ্ধের প্রচারিত তত্ত্বের মধ্যকার নেতিবাচক দিকটি ছেঁকে নিয়ে আমরা পরমহংস হয়েছি, কিন্তু আত্মনির্ভর হওয়া, যে মতবাদের (ধর্মমত, রাজনৈতিক মতবাদ) প্রয়োজন ফুরিয়েছে তাকে ভাঙা ভেলার মতো পরিত্যাগ করা, অষ্টাঙ্গিক মার্গের সবল সদর্থক দিকটি জীবনে গ্রহণ করার বিপদমাত্র চেষ্টা না করে এক কিস্পুরুবোচিত অহিংসাতত্ত্ব বুদ্ধের ওপর আরোপ করে ভারতের নির্বীৰ্যকরণের জন্য আমরা তাঁকেই দায়ী করি । বিশ্বের মহত্তম ট্রাজেডিগুলি এমনই হয় । শুভ ভেবে যা করা হল তার ফল হল চূড়ান্ত অশুভ । তাই অমিতাভ বুদ্ধ যে ট্রাজেডিক নায়ক তার কাল আড়াইহাজার বছর । এবং তার প্রেক্ষিত সমস্ত বিশ্ব ।

সমগ্র বুদ্ধযুগটির চরিত্রই কি ট্রাজিক নয় ? গ্রামজনেরা গ্রামকৃত্য করছে, অর্থাৎ নিঃশ্রমিত শ্রম দিয়ে গ্রাম পরিচ্ছন্ন রাখছে, নগরে নগরে কৌতুহলশালা, নতুন নতুন মতমতের আদানপ্রদান হচ্ছে, শুনেছেন শুধু বিদ্বানরা নন, রাজ পুরুষরাও, সাধারণ মানুষরাও । গ্রামের নাগরিকদের নিয়েই তো আধুনিক রাষ্ট্র প্রধান পেরিক্লিস গৌরব করেছিলেন ! আশি হাজারেরও বেশি গ্রামিক নিয়ে বৈঠক করেছেন এক সভাটি, তাদের অভাব-অভিযোগ সরাসরি শুনেবেন বুদ্ধ, বিচারের পদ্ধতিয় আটটি স্তর, বিনিন্দ্যামাত্য থেকে গণরাজ পর্যন্ত, অপরাধ অপ্রমাণ হলে এদের যে কেউ মুক্তি দিয়ে পাবেন, কিন্তু গুরুতর অপরাধ হলে এতগুলো কোর্টে তা প্রমাণিত হতে হবে । একশো বছরের এদিক ওদিকে জন্মেছেন মহা বৈয়াকরণ পাণিনি, লোকোত্তর ও লোকায়তের মিলনের রূপকার যাঙবব্বা, বিদ্রোহী



রৈক, মহাবীর, গৌতম, উপনিষদগুলি রচিত হচ্ছে, সঙ্কলিত হচ্ছে সূত্র-সাহিত্য। প্রব্রজ্যা-বাতিকে গৌতম গুরুমশাইকে নিয়ে রাজগৃহের লোক তামাশা করে ছড়া বাঁধল। কিন্তু এই বেদবিরোধী শ্রমণকেই দূর থেকে আসতে দেখেই আবার বেদপন্থী ব্রাহ্মণ শিষ্যসামন্তদের সাবধান করলেন—‘অত গোল করো না, শ্রমণ গৌতম গোলমাল ভালোবাসেন না।’ বুদ্ধের সময়ে আথেলে সোত্রাতিসকে বিষপানে বাধ্য করল তাঁর রাষ্ট্র, কিন্তু বুদ্ধযুগে তো একা বুদ্ধ নয়। ছটি (মোট তেঁষট্টি) শক্তি-শালী বেদবিরোধী শ্রমণপন্থ ছিল, কই কোনও ধর্মোদ্ভাদ তো তাদের হত্যার পরোয়ানা বার করেনি ? দেবদত্ত গৌতমকে হত্যা করতে চেষ্টা করেছিলেন, কিন্তু তা ব্যক্তিগত অসুখাপ্রসূত, এবং শেষ পর্যন্ত জনসাধারণ তা সমর্থন করেনি। তবে ? এই-ই কি সেই আধুনিক যুগ নয়, যা জিজ্ঞাসা করে, মীমাংসা চায়, পরীক্ষা-নিরীক্ষা করবার সাহস রাখে। আরও কত জিজ্ঞাসা সন্ধিৎসু কর্মবীর তা হলে সে যুগে থাকা সম্ভব যারা নতুন চিন্তা করেছেন কিন্তু রয়ে গেছেন ইতিবৃত্তের আড়ালে। এবং হয় বুদ্ধযুগের নারীকুল। প্রায়শই উচ্চশিক্ষিত, ব্যক্তিত্বময়ী, পূর্ণবিকশিত কিন্তু সামনে কোনও পথ খোলা পাননি। প্রব্রজ্যাই একমাত্র বিদ্রোহ যা তাঁরা করতে পেরেছেন। ব্যর্থ এবং আবারও ট্র্যাজিক। এঁদের সবাইকে নিয়েই প্রধানত ‘মৈত্রেয় জাতক’-এর যাত্রা।

বুদ্ধোক্ত সেই মেসায়ার নাম মৈত্রেয়, তিনি আজও আসেননি। আরও আড়াই হাজার বছর নাকি তাঁর জন্য অপেক্ষা করতে হবে। পরবর্তী যুগের চিন্তাবীররা যেমন রুসো-মার্কস-টলস্টয়-গান্ধী-রাসেল-রবীন্দ্রনাথ-শ্রীঅরবিন্দ এঁদের মধ্যে মৈত্রেয়ের পদধ্বনি শোনা গেছে, কিন্তু আসেননি সেই মুক্তিবাদী যিনি পারবেন মানুষকে মৈত্রীবদ্ধ করতে রাজনৈতিক ও সামাজিক স্তরে, ব্যক্তিগত জীবনযাপনে, হৃদয়বৃত্তিতে ও মননে। হয়তো মৈত্রেয় কোনও মানুষ নয়, হয়তো তা যুগ যুগান্তরের নিরীক্ষা ও অভিজ্ঞতার ফলে উদ্ভূত এক মানসিকতা যা সভ্যতা-সংস্কৃতির মধ্যে যা শ্রেষ্ঠ তার সঙ্গে মানুষের আদিম অপাপবদ্ধ সরলতার মিলন না হলে জাত হবার নয়। কিংবা হয়তো তা জাত হবে তখনই, ভেদ-নির্ভর এই সভ্যতা যখন শেষ সর্বনাশকে মুখোমুখি প্রত্যক্ষ করবে। মৈত্রী ছাড়া যখন অন্য পন্থা থাকবে না।

বাণী বসু

কৃতজ্ঞতা স্বীকার

ডাঃ দেবার্চনা সরকার তাঁর ‘পালিসাহিত্যের ভূগোল’ সংক্রান্ত গবেষণাপত্রটি পড়তে দিয়ে আমার অশেষ উপকার করেন।

শ্রীমতী গৌরী ধর্মপাল, ডাঃ ব্রতীন্দ্রনাথ মুখোপাধ্যায় ও ডাঃ রুদ্রবীর চক্রবর্তীর কাছে আমি বিশেষভাবে ঋণী। গ্রন্থসংগ্রহে সহায়তা করে আমার কৃতজ্ঞতাভাজন হয়েছেন—সর্বশ্রী বীরেশ্বর ঘোষ, শংকরলাল ভট্টাচার্য, অরুণ ঘোষ এবং অধ্যাপিকা—নিয়তি রায়, নমিতা মিত্র, অশোকা চট্টোপাধ্যায়, অলোকা মিত্র ও শিখা মজুমদার।

প্রথম পর্ব

বাংলাবুক.অর্গ ওয়েবসাইটে স্বাগতম

---

নানারকম নতুন / পুরাতন  
বাংলা বই এর পিডিএফ  
ডাউনলোড করার জন্য  
আমাদের ওয়েবসাইটে  
(**BANGLABOOK.ORG**)  
আমন্ত্রণ জানাচ্ছি।

---

সোশ্যাল মিডিয়াতে আমাদেরকে পাবেন :



“গড্ডলিকার সহবাসে উদ্ভাস্ত  
 তারা খুঁজেছিল সাযুজ্য সরেস্ত ;  
 কল্পতরুর নতশাখে সংসস্ত  
 শুক্ল শশীরে ডেবেছিল করগত ।”

সূধীন্দ্রনাথ দত্ত

মগধের রাজধানী রাজগৃহ-গিরিব্রজের বৈপুলগিরির ওপর থেকে এক ব্যক্তি নেমে আসছিলেন ।  
 সময় অপরাহ্ন । সূর্যাস্তের দেরি আছে । কিন্তু সময়টা এমনই যে কখন সূর্যাস্ত হবে টের পাওয়া না-ও  
 যতে পারে । পাহাড়ের গা সুকঠিন শিলাময় । লেশমাত্র শ্যামলতা নেই । কিন্তু পাহাড়ের যে কোনও  
 মংশে দাঁড়িয়ে চারদিকে দৃষ্টিপাত করলে নিবিড় ঘন শ্যামলিমার বিপুল আয়োজন দেখা যায় ।  
 আনন্দেত্তোলিতে সবুজ সজীব ধানগাছগুলি হাওয়ায় আন্দোলিত হচ্ছে । বনে-উপবনে নগরপথের  
 প্রান্তের বীথিকায় গৃহসংলগ্ন উদ্যানগুলিতে এবং সর্বোপরি নগরের প্রান্তিক অটবীতে সবুজ উদ্ভিত  
 হয়ে উঠছে । ভায়ে ভায়ে সবুজ । বহু বর্ণচ্ছায়েয় । তাছাড়া সবুজ, নতুন কালীপত্রের সবুজ, বৈদূর্ষ  
 গিরি, মরকত মণির সবুজ, গাঢ় কৃষ্ণভ সবুজ । ধরে-বিধরে । “গত কয়েক দিন দশ কয়েকের  
 দৃষ্টিপাতে প্রকৃতি সজীব, পরিচ্ছন্ন, সর্ষ, প্রাণময় হয়ে উঠেছে । বর্ষা এসে যাচ্ছে শীঘ্রই । এসে  
 গছে । পূর্ব দিকপ্রান্ত থেকে অরণ্যের তরঙ্গস্তরঙ্গ দলিত মথিত করে বেগবান বারিগর্ভ হাওয়া বইতে  
 থাকবে । প্রথমে যখন তখন ঝড়বৃষ্টি প্রচুর ধুলো উড়িয়ে । তারপর বৃষ্টি । শুধু বৃষ্টি । এখন থেকে  
 থেকেই মাঝে মাঝে উদ্ভস্ত মৈনাকগিরির মতো বিপুলাকার ঘন নীলবর্ণ মেঘ দেখা যাচ্ছে । নগরের  
 পানী, তড়াগ, পুষ্করিণীর পরিষ্কার জলে মুকুরিত হয় এই মেঘরাজ । জলকেলিতে মস্ত নগরের  
 ময়েরা কৃত্রিম ভয়ে ভুরু দুটি ওপর দিকে তুলে পরস্পরকে দেখায় মেঘরাজের অবর্ণনীয়  
 পুরুষশোভা । তারপর সাহসিকার মতো কলহাস্যে ঝাঁপ দেয় মেঘরাজের বক্ষপট লক্ষ্য করে । এটা  
 গদের খুব প্রিয় খেলা । উদ্যানের মধ্যে কোনও তড়াগের পাশে দাঁড়ালে তাদের লীলাচাপল্য শোনা  
 াবে । যেমন শ্রেষ্ঠী অহিপারকের অন্তঃপুরের দীর্ঘিকায় ।

—এমন উদার বক্ষপট আর কোথায় পাবি বল, মাধবিকা, আলিঙ্গনে এমন সুখ...

—আর যেখানেই পাই তোর বা আমার গেহে কখনও নয়—

—সাহস তো তোদের বাড়ছে দেখছি দিন দিন । পতিনিন্দা করছিস । গহপতির কাঁনে গেলে কী  
 বে ভেবে দেখেছিস ?

—রাখ, রাখ, পুষ্পমালিকা, ডাবনাগুলো সব শুদ্ধান্তঃপুরে গহপতির ধর্মপত্নীর পেটিকায় বন্ধ করে  
 এসেছি আমরা । তুই কি তোর পতিকে নীবিবন্ধে বেঁধে এনেছিস নাকি ? এনে থাকিস তো বাঁধন  
 লে নামিয়ে দে, একটু নাচাই ।

পুষ্পমালিকার স্বামী খর্বািকার, কৃশকায় । মাধবিকার কথায় সে রাগ করে দীর্ঘিকার ঘাট থেকে উঠে  
 গড়ে । তার মুখে অকালসঙ্ঘা ।

মাধবিকা শূদ্রী মাহের মতো গুলোট-পালোট খেতে খেতে ঘাটের কাছে এসে জলসিক্ত মুখটি তুলে  
 লে, ‘রাগ করিস কেন পুষ্প, কেমন করে নাচাব জানিস ? এই পুষ্পে হাওয়া যেমন করে দীর্ঘির  
 দলকে নাচাচ্ছে ! তেমন । ধর্মপত্নীর সহিয়েদের তো একটু অধিকার থাকেই, থাকে না ?’

পুষ্পমালিকার চোখে অশ্রুবিন্দু চিকচিক করছে । সে রোধ হয় অন্যদের মতো রসিকা নয়,  
 কাথায় একটু বঞ্চনা, একটু ক্ষোভ, একটু অসন্তোষ তাকে অভিমানী করে তুলেছে । সে দীর্ঘাস্ত্রী,  
 হেরঙ্গনয়না রমণী । স্বামীর আকৃতি পছন্দ না হওয়া সত্ত্বেও প্রাণপণে মানিয়ে নিচ্ছে । স্বামী তার



আঁচলে বাঁধা এইটুকুই যা সুখ। সে প্রতিবেশিনীদের রসিকতায় তার স্বামীর খর্বতা, স্ত্রৈণতা, সব কিছুই প্রতিই নিষ্ঠুর কটাক্ষ লক্ষ করেছে। হঠাৎ সে মুখ ফিরিয়ে উত্তর দিল, 'কথা ঢাকবার জন্য এত করছিস কেন মাধবিকা, দীঘির জল-টল বলে আমাকে ভোলাবারই বা প্রয়োজন কী? মর্কট, সোজাসুজি মর্কটই বল না তাকে! তবে আমি তো তোর মতো স্বয়ংবরা হইনি। তোর মুখে নিজের মনোনীত পতির নিন্দা মানায় না।' পুষ্পমালিকা তার বৈকালিক স্নান না সেরেই দ্রুত চলে গেল।

মাধবিকা টুপ করে ডুব দিল। ডুবসাঁতার-দিয়ে বেশ কিছুদূর চলে গিয়ে সখী সুদস্তার পাশে ভেসে উঠল। তার কানে তীক্ষ্ণ স্বরে কু দিয়ে সমস্ত দীঘির জল তোলাপাড় করতে করতে মাঝে মাঝে মুখ তুলে বলতে লাগল, 'এই দ্যাখ পতির বন্ধের অপ্রশস্ততা নিয়ে পরিহাস করেছি বলে অবীচি নরকে কেমন তপ্ত তৈলে ভাজা-ভাজা হচ্ছে।' স্নানরত পুরকামিনীরা সবাই হেসে উঠতে রঙ্গরসিকতার স্রোত আবার বইতে থাকে। আকাশে গুড়গুড় শব্দ।

সুদস্তা মুখ তুলে বলে, 'আরে আরে, স্বয়ং মেঘরাজ তোর রসিকতায় খুশি হয়েছেন। কেমন সমর্থন জানাচ্ছেন দ্যাখ!'

সুদস্তার সতীন বারুণী বলল, 'সমর্থন জানাচ্ছেন ভালো। আবার নিজেও রসিকতা আরম্ভ না করলেই বাঁচি। দীঘির ঘাটে আমার নতুন কুসুমবর্ণ নিচোলাটি রেখেছি।

সুদস্তা বলল, 'আমারটাও তো।'

'আমারও, আমারও' একটা রব উঠল।

মাধবিকা গাল ফুলিয়ে বিচিত্র উপায়ে মুখের জল ফোয়ারার মতো ওপর দিকে উচ্ছিত করতে লাগল চিতসাঁতারে শুয়ে। জল ফুরিয়ে গেলে বলল, 'আরে সই, যত গর্জে তত বর্ষে না, জানিস না?'

সকলে জল থেকে উঠে, দ্রুত বেশ-বাস বদলাতে লাগল। নিপুণ হাতে লোভরেণু মাখল মুখে, কেশ যাদের সিক্ত ছিল সযত্নে আঁচড়ে মেলে দিল, যারা মাথা ডোবায়নি, তারা কবরী কিংবা বেণী রচনা করতে লাগল। ফুলের মালাগুলি কেশে, কণ্ঠে বিন্যস্ত করতে করতে সুদস্তা বলল, 'পুষ্পমালা কিন্তু গর্জালোও যত, বর্ষালোও তত।' কলহাসিতে লতায়িত হতে হতে পুরকামিনীদের দলটি উদ্যানপথে গৃহের দিকে চলতে লাগল।

হ্যাঁ, কী বলছিলাম! বৈপুল পর্বতশিখর থেকে এক ব্যক্তি নেমে আসছিলেন। নামতে নামতে বারবার আকাশের দিকে তাকাচ্ছিলেন। দেখছিলেন আকাশের পশ্চিম পট মার্জিত নীল। পূর্ব কোণ থেকে মেঘপতি যেন এক গোপন একক বিজয়-অভিযানে বার হয়ে ধীরে ধীরে সমস্ত নভোমণ্ডল জয় করে নিতে চান। কতকগুলো দিন আসে যখন আকাশের স্বাভাবিক নীলিমা ধূস্রজালিকার মতো মেঘজালিকায় আচ্ছন্ন থাকে সূর্যোদয় থেকে সূর্যাস্ত পর্যন্ত। মুক্তাফলের মতো এক অবর্ণ ছায়া-লাবণ্যে উদ্ভাসিত থাকে এই অপূর্ব নগরী, তার প্রান্তবর্তী গভীর অরণ্য এবং কর্মোপলক্ষে নগরীর এক প্রান্ত থেকে অন্য প্রান্ত পর্যন্ত গতায়াতরত নাগরিকদের মুখচ্ছবি। বৃষ্টির চেয়ে কিছু কম মনোহর নয় সে দৃশ্যও।

মানুষটিকে দেখলে শ্রৌঢ় জাটিল সন্ধ্যাসী বলে মনে হয়। সামান্য অধোবাস ছাড়া অঙ্গে আর কিছু নেই। জটাক্রান্ত কেশ। মুখে দৃঢ় কতকগুলি বলিরেখা। পা দুটি খালি। কিন্তু বয়সের তুলনায় খুবই ক্ষিপ্ৰ, হস্তপদচালনায় রীতিমতো দক্ষ। মুখমণ্ডলে বলিরেখা থাকলেও-দেহের অন্যান্য স্থানের ত্বক মসৃণ, দীর্ঘ দিনের অমার্জনা ও ভ্রম্মাচ্ছাদন সত্ত্বেও গাত্রবর্ণ যে এক সময়ে রক্তাভ স্বেত ছিল বোঝা যায়। চোখের দৃষ্টি একই সঙ্গে গভীর এবং তীক্ষ্ণ। তিনি যেন এক চোখে পথের খুঁটিনাটি দেখে নিচ্ছেন। আর এক চোখে দেখছেন আকাশ, অরণ্য, কৌন ও দূরবর্তী দেশ, দূরবর্তী সময়। এই আত্মমগ্নতা ও সতর্কতার সহবাস মানুষটিকে এই পরিবেশে অভিনব বলে চিনতে সাহায্য করে।

রাজপথে পৌঁছে ব্যক্তির চলার গতি মন্দ হয়ে এলো। তিনি মাথার পেছনে প্রলম্বিত জটাক্রান্ত এক অংশ সামনের দিকে টেনে আনলেন এবং নীরবে পথ অতিক্রম করতে লাগলেন। পদক্ষেপ অতি ক্ষিপ্ৰ তাঁর যেন খুবই তাড়া আছে। অন্য কোনও পথচারী সামনে পড়লে সে সসন্ত্রমে পথ

ছেড়ে দিচ্ছিল। রাজধানীর পথে পথে সন্ন্যাসী, আজীবক, শ্রমণ, তীর্থিকদের স্বতই দেখা যায়। এরা বিভিন্ন স্থান থেকে আসেন। গ্রাম গ্রামান্তর তো বটেই, দেশ দেশান্তর থেকেও আসেন। ভিক্ষায়ই তাঁদের সম্বল। দৈহিক সুখ ও আরাণ্যের দিকে এঁরা দৃকপাত পর্যন্ত করেন না। মাঝে মাঝেই বিতর্কসভা বসে, রাজগৃহে তো স্বয়ং রাজা বিশ্বিসারই এমন অনেক কৌতূহলশালা নির্মাণ করে দিয়েছেন অতি সুন্দর সুন্দর উদ্যানের মধ্যে। ভ্রাম্যমাণ তীর্থিক আজীবকরা ইচ্ছামতো সেখানে অবস্থান করতে পারেন, বিতর্কে বা ধর্মসভায় যোগ দিতে পারেন। তখন জ্ঞানপিপাসু, ধর্মপিপাসু প্রজারা ছাড়াও রাজা, শ্রেষ্ঠী, অমাত্য, রাজন্যরা সেখানে আসেন, শ্রদ্ধাভরে শোনে, প্রশ্ন করেন। রাজগৃহে সংসারত্যাগী এইসব নানান শ্রেণীর সন্ন্যাসীদের খুবই সমাদর। চূড়ান্ত ভোগ-বিলাস আর চূড়ান্ত কৃষ্ণ— দুই-ই এখানে পাশাপাশি দেখা যায়।

সন্ন্যাসী কোন দিকে দৃষ্টিপাত না করে চলছিলেন। পথের দুধারে কিছুদূর অন্তর অন্তর নানান আপণ। বহুবিধ পণ্যভারে সুসজ্জিত। তবে এগুলি বেশির ভাগই বিলাসের দ্রব্য। মালা, গন্ধদ্রব্য, অবলেপ্য, বেলী, জাতী, চম্পা, কেতকী ইত্যাদি পুষ্প এবং চন্দন, অশুষ্ক, কস্তুরী ইত্যাদি সুরভিসারের গন্ধে পথ আমোদিত। কয়েকটি শৌণ্ডিকালয়ও আছে। এই ধরনের একটি শৌণ্ডিকগৃহ থেকে সহসা এক ব্যক্তি উঠে এসে সন্ন্যাসীর গতি রোধ করল। ব্যক্তিটির গলায় জাঁড়াপুষ্পের মালা, কস্তুরী সুবাসিত উত্তরীয়টি বর্ষার হাওয়ায় উড়ছে। সে মৃদুস্বরে বলল, 'কী হে সন্ন্যাসী, এই যুবাবয়সে সন্ন্যাসগ্রহণ করে আত্মাকে কষ্ট দিচ্ছ কেন? চলো দেখি, আমার সঙ্গে পানাগারে চलो, এক সন্ধ্যাতেই তোমার কপাল কেমন ভুকুটিহীন করে দিই দ্যাখো।'

সন্ন্যাসী ক্রুদ্ধ হয়ে বললেন, 'দেখছ না আমি বৃদ্ধ সন্ন্যাসী। পথ ছাড়ো নাগরক, আমি তোমার পরিহাসের পাত্র নই।'

নিম্ন কণ্ঠে নাগরিক বলল, 'বৃদ্ধ নয় তও। জটিলক নয় কুটিলক এবং চতুরক। ভালো চাও তো আমাকে অনুসরণ করো, তারপর তুমি পরিহাসের পাত্র না অপাত্র বোঝা যাবে।'

সন্ন্যাসী স্থাণু হয়ে দাঁড়িয়ে গেলেন, নাগরিক বলল, 'লঠঠিবন চেনো? লঠঠিবন? অবিলম্বে চলে এসো সেখানে নয় তো তোমার প্রাণসংশয়!'

নাগরিক পানাগারের পাশে একটি পিন্ধলবর্ণ ঘোড়ার পিঠে লাফিয়ে উঠে ঘোড়া ছুটিয়ে দিল। সন্ন্যাসী ইতস্তত তাকালেন। সায়ংকালীন ক্রয়-বিক্রয় ও আমোদ-প্রমোদে মগ্ন মানুষেরা কেউই বোধ হয় এই ছোট্ট নাটকটি লক্ষ করেনি। তিনি সাধারণত এক পথ দিয়ে নিত্য যাতায়াত করেন না। কিন্তু যেদিন পাহাড়ে ওঠেন সেদিন এ পথ দিয়ে তাঁকে যেতেই হয়। লঠঠিবন নগরীর উপাশ্বে। অস্বারোহণে যাওয়া সহজ হলেও এই আসন্ন সন্ধ্যায় এতখানি পথ পদব্রজে অতিক্রম করা দুঃসাধ্য। কিন্তু মাল্যধারী নাগরিকের সাবধানবাণী এখনও কানে বাজছে, তিনি বিলম্ব করলেন না। তাড়াতাড়ি পা চালালেন।

কিছু পথ চলবার পর তিনি লক্ষ করলেন—তাঁর প্রায় পাশাপাশি একটি চতুর্দোলা চলেছে। নিশ্চয় দোলাটি তাঁর অনেক পেছনে ছিল। চার জোড়া পায়ের ছোট্ট গতিতে এখন কাছে চলে এসেছে। যেন বড় কাছে। চতুর্দোলার আচ্ছাদন সরিয়ে একটি হাত ও একটি শাশ্রুশীত মুখ বোঝে আসছে দেখতে পেলেন সন্ন্যাসী।

—ভগবন, আপনি কোথায় যাবেন?

ঈশং ভাবলেন সন্ন্যাসী, তারপর বললেন, 'লঠঠিবন।'

—সন্ধ্যার আর বিলম্ব নেই। একবার ছায়া পড়ে গেলে লঠঠিবনে শতসহস্র জ্ঞানিক ছাড়া আর কিছুই দেখতে পাবেন না। আসুন আমি পৌঁছে দিচ্ছি। এ আবার কী বিপদ? নতুন বিপদ?

'আসুন'—অস্তুরালবর্তীর কণ্ঠে অনুরোধের চেয়ে আদেশের সুবই শ্রবণ প্রবল। দ্বিক্রান্তি না করে মাটিতে রক্ষিত চতুর্দোলায় প্রবেশ করলেন সন্ন্যাসী, আচ্ছাদন বন্ধ হয়ে গেল।

অভ্যন্তরের অন্ধকারে মনে হল ব্যক্তিটির পরনে শ্রেষ্ঠীবেশ। নবীন বলেই মনে হয়, অন্তত কঠোর থেকে। কিন্তু শিরোভূষণ, ঘন কক্ষ শাশ্রু, গুণ্ড ও চতুর্দোলার ভেতরের অন্ধকার মিলিয়ে বিশেষ কিছুই বোঝা গেল না। বৃথা বাক্যব্যয়ও করলেন না ব্যক্তি। যেন এই উপকারটুকু করা ছাড়া

সম্মাসী, তাঁর গন্তব্য, ইত্যাদি সম্পর্কে কোনও কৌতূহলই নেই তাঁর। সম্মাসী নিজেও সতর্ক হয়ে আছেন, কথা বলার ইচ্ছা নেই। সমীচীনও হবে না সেটা। তিনি সারাটা পথ চূপ করে রইলেন। লঠঠিবনের প্রান্তে তাঁকে নামিয়ে দিয়ে চতুর্দেলাটি দ্বিগুণ হুম্ হুম্ শব্দে চলে গেল। সম্মাসী খানিকটা চলবার পর দেখলেন অদূরে একটি সুদীর্ঘ পিম্বল বৃক্ষের নিচে অশ্বটিকে গাছের সঙ্গে বেঁধে পদচারণা করছে তাঁর পূর্ব পরিচিত নাগরিক।

—যাক, সন্ধ্যা গাঢ় হবার পূর্বেই পৌঁছে গেছ দেখছি। গৃহত্যাগ করলে কী হয়, প্রাণের ভয় ঠিকই আছে! নাগরিকের মুখে যেন কৌতূকের হাসি।

সম্মাসী কক্ষস্থরে বললেন, 'ডেকেছ কেন? শীঘ্র বলো, সময় নেই।'

নাগরিক অতর্কিতে দু'পা সামনে এগিয়ে এসে তাঁর গুরুভার জটায় এক টান দিল, জটায় তার হাতে খুলে এলো, প্রকাশিত হল স্বর্ণাভ কক্ষ কেশ। নাগরিক বলল, 'ভগ্ন সম্মাসী! অদূরে সরোবর রয়েছে। আমার সঙ্গে এসো। মুখেও অনেক আকিবুঁকি কেটেছ, সেগুলি ভালো করে ধোও, আমি তোমার আসল মুখ দেখতে চাই।'

—'মুখ দেখার দরকার নেই!' ব্যক্তি বললেন। তাঁর কষ্টস্বর একেবারেই বিচলিত নয়। 'স্বীকার করছি আমি ছদ্মবেশ ধারণ করেছি কিন্তু সব ছদ্মবেশই প্রতারণার জন্য নয়। আত্মরক্ষার জন্যও কখনও কখনও ছদ্মবেশের প্রয়োজন হয়। আপনি কী জানতে চান, বলুন। উত্তর পাবেন।'

—নাম বলো। তরোয়াল আশ্ফালন করে নাগরিক বলল।

—কাত্যায়ন চণক, নিবাস তক্ষশিলা।

—এমনটাই অনুমান করেছিলাম। উত্তরদেশে। তবে আমি ভেবেছিলাম আরও উত্তর। কাশ্মীর। উদীচ্য ব্রাহ্মণ?

—আপাতত।

—অর্থাৎ?

—আপাতত ব্রাহ্মণবৃত্তিতেই নিযুক্ত। কিন্তু প্রকৃত দ্বিজ তার শিক্ষানুযায়ী যে কোনও বৃত্তি নেবে। পরিবর্তনও হতে পারে।

—বটে! সুদূর তক্ষশিলা থেকে রাজগৃহে ছদ্মবেশের কারণ?

—তার আগে তোমার পরিচয় দাও নাগরিক।

—যদি না দিই!

—আর একটি বাক্যও বলব না।

—বিদেশি চরের শাস্তি জানা আছে?

—শূলদণ্ড? না আমকক্ষশানে গলা অবধি জীবন্ত সমাধি? তবে ধরতে পারলে দেশি চরের বোধ হয় কিছু পুরস্কারও প্রাপ্য হয়। তক্ষশিলায় তো পুরস্কারের মূল্য হয় শত কাবাঁশ। মগধে কত?

নাগরিকের মুখ ধীরে ধীরে হাসিতে ভরে গেল। সে বলল, 'বুঝতে যখন পেরেছ, তখন নামে প্রয়োজন কী? তক্ষশিলায় চরের নাম থাকলেও মগধে চরেরা অনামক।'

সম্মাসীর মুখ গভীর হয়ে গেল, তিনি বললেন, 'গান্ধারবাসী প্রয়োজনে ছদ্মবেশ ধারণ করলেও, প্রয়োজনের বাইরে মিথ্যা কথা বলে না। আমি কাত্যায়ন গোত্রীয়। দেবরাত পুত্র চণক। নিবাস তক্ষশিলা। দেবরাত-পুত্র এই পরিচয়ের প্রকৃত গুরুত্ব তুমি বুঝতে না পারো মগধ, তোমার প্রভু সম্রাট বুঝতে পারবেন। আমি এদেশে ভাগ্যাবেশে এসেছি। তা ছাড়াও কিছু রাজকার্য আছে। দুটিকে একত্র করেছি। যথাসময়ে প্রকাশ পাবে। তোমার প্রভুর কাছে নিয়ে গেলে গান্ধাররাজের অনুরূপ দেখাব।'

—তুমি কি দৃত?

—ধরো একপ্রকার তাই।

—তাহলে রাজসভায় গিয়ে রাজদর্শন প্রার্থনা না করে জটা মাথায় নিয়ে ছদ্মবেশে পাহাড়ে পাহাড়ে ভ্রমণ করছ কেন? বিশ্বয়ের সঙ্গে শ্লেষ মিশিয়ে নাগরিক বলল।

—কারণ আছে। যথাসময়ে রাজদর্শন হবে।

—ভালো । কিন্তু সে পর্যন্ত তুমি আমার দৃষ্টিবন্দী রইলে, জেনো ।

—‘খাঙ্কি । ক্ষতি কী ?’ উদাসীন স্বরে বললেন চণক, ‘আমি তাহলে এখন যেতে পারি অনামক মাগধ ?’

হালকা অঙ্ককারে এবার যষ্টিবনে ইতস্তত জোনাকি জ্বলতে শুরু করেছে । একটু দূরের ঝোপ বা কুঞ্জগুলি কুণ্ডলীকৃত অঙ্ককার বলে মনে হচ্ছে । মাগধ তাঁর অশ্বের গলায় হাত বোলাচ্ছে । মুখে মৃদু হাসি । সন্ন্যাসীবেশী চণক বেরিয়ে এলেন ।

আয়তনে খুব বড় নয় নতুন রাজগৃহ নগর । পদব্রজেই এর এক প্রান্ত থেকে আর এক প্রান্তে যেতে যে পারেন না চণক তা নয় । কিন্তু এখন সন্ধ্যা ঘনায়মান । প্রধান পথগুলির ধারে ধারে দীপদণ্ড পথ আলোকিত করে বটে, কিন্তু যষ্টিবন নগরীর উপান্তে । এই উপান্ত থেকে যথেষ্ট দূরে যেতে হবে তাঁকে । মহারণ্য ঘিরে আছে নগরীর দক্ষিণ পূর্ব দিক । সেই দিকেই যাবেন তিনি । এখনও বাতাস বইছে পূর্ব দিক থেকে । হাওয়া নির্মল, যেন একটু জলকণাবাহী । গাঙ্গারদেশে এমন হাওয়া নেই । গ্রীষ্মে সেখানে তপ্ত কটাহের মতো আবহাওয়া হয় । শীত নিদারুণ । শুষ্ক শীত । তা হোক, পশুরোমবস্ত্র দিয়ে সে শীত উপভোগ করা যায় । কিন্তু, এই পূর্বদেশের মতো বৃষ্টি সেখানে হয়ই না বলতে গেলে । এই বৃষ্টি একটা বিস্ময়, একটা অবর্ণনীয় আনন্দের ব্যাপার । বৃষ্টি চণককে মুগ্ধ সন্মোহিত করেছে । তিনি শীতল বাতাসের স্রোতের মধ্য দিয়ে যেতে থাকেন ধীরে ধীরে । ভাবতে থাকেন পূর্ব দিকে সূর্য ওঠে, এই বাতাস আসছে সেই সূর্য ওঠার দেশ থেকে । সে দেশ কেমন ? আদৌ দেশ কী ? না সাগর ? না এমনই বন শুধু, না মহাবন । এই হাওয়ার উৎপত্তি হল কোথা থেকে ? এত জলই বা কোথা থেকে নিয়ে আসে । যেন অফুরান জলের সঞ্চয় ! নিশ্চয় অকূল বারিধি ওদিকে । চলতে চলতে চণকের মনে হল দুটি পায়ের বদলে যদি তাঁর দুটি ডানা থাকত ! ধৃতরাষ্ট্র হংসের মতো সোনার বরণ বিশাল দুটি ডানা ! তাহলে তিনি এই মুহূর্তে এই নগরীর কোনও প্রাসাদচূড়ায় গিয়ে বসতেন । তারপর গৃধকূট শিখরে । একবার তীক্ষ্ণ দৃষ্টিতে দেখে নিতেন চারপাশ । তারপর ঝাঁপ দিয়ে পড়তেন এই বাতাসের স্রোতের উলটো দিকে । পূর্বাচল । নগরী, গ্রাম, নদনদী, মহারণ্য পার হয়ে চলে যেতেন পুবাচল হাওয়ার দেশে ।

নগরের দক্ষিণ প্রান্তের অরণ্যে চণকের বাস । যে আটবিকেরা তাঁকে আশ্রয় দিয়েছে নিজেদের আবাসের কিছু দূরে, তিনি তাদের নিয়মিত শ্রদীপের তেল ও ধান্যজাত নানা দ্রব্য সরবরাহ করেন । এইসব বস্তু ওই আটবিকেরা চায়নি । কিন্তু পেলে ভারি প্রসন্ন হয় । ওরা নির্জনতাপ্রিয়, নিজেদের গোষ্ঠীর বাইরে কাউকে, বিশেষত স্নেহকায়দের একেবারে সহ্য করতে পারে না । বনের ফল, মধু, আপনাআপনি গজিয়ে ওঠা নীবার ধান এবং মুগয়ালক্ক পশুমাংস— এই তাদের খাদ্য । অভাববোধ বলে কিছু নেই । কিন্তু অত্যন্ত স্বাধীনতাপ্রিয় । স্বভাবে হিংস্র । তবে কিছুদিন বাস করতে করতে চণক বুঝেছেন এ হিংসা এসেছে সংশয় থেকে, নিরাপত্তাবোধের অভাব থেকে । স্বভাবে না বলে আচরণে হিংস্র বলাই ভালো । চণক তাঁর অর্ধমলিন সন্ন্যাসী বেশ দিয়ে এদের ভুলিয়েছেন । তেল, শর্করা, লবণ দিয়ে এদের মন জয় করেছেন । অপরাহ্ন চার ঘটিকার মধ্যেই অরণ্যে অঙ্ককার নেমে আসে । দেখতে দেখতে নিবিড়, নিশ্চিহ্ন হয়ে যায় সেই অঙ্ককার । সেই তমিস্রায় ছোট ছোট মাটির কুটিরে শ্রদীপ জ্বালিয়ে আটবিকেরা পরম বিস্ময়ে ও উল্লাসে চেয়ে থাকে দীপশিখার দিকে । নাচ গান আমোদে মাতে । ডিম, ডিম, ডিমাডিম, অনেক রাত পর্যন্ত শুনতে পান চণক । স্বভাবতঃ তারা চণকের কুটির প্রতিদিন পরিচ্ছন্ন রাখে, তিনি ভালোবাসেন বলে বহু প্রকারের কুশল চয়ন করে মাটির পাত্রে জলে ভিজিয়ে রেখে দেয় । স্থূল, এবড়ো-খেবড়ো মাটির পাত্র । তাদের কুস্তকারের চক্র নেই । তাঁর কুটিরটিও তারাই রচনা করে দিয়েছে । নিয়মিত মধু, ফলমূল, কখনও কখনও বলসানো মৃগ কি বরাহমাংসও তাঁর জন্য রেখে যায় ওরা । এবং একটি দীপ জ্বলিয়ে রাখে ।

অরণ্যে প্রবেশ করার সময়ে পেছনে ঘাড় না ফিরিয়েও চণক স্তব্ধ হন । মগধের চরেরা তাঁর প্রতি লক্ষ রাখছে এ তো সকালের আলোর মতো স্পষ্ট । কিন্তু এখনও কি কেউ পেছনে আছে ? আটবিকেরা মাগধদের ভয় পায়, ঘৃণা করে । ঘৃণা উভয়ত । ভয়ও তাই । নগরে অনেক সময়েই চণক শুনেছেন কোনও শিশু হয়ত বিপণির সামনে বায়না ধরেছে, খেলনার জন্য, হয়ত খেলনাটি



মহার্ঘ, তার পিতা তাকে ভয় দেখাচ্ছেন 'বনে রাক্ষস আছে, লম্বা লম্বা কালো কালো হাত পা, ছোট ছেলেদের মুণ্ড কাঁচা চিবিয়ে খায়, বিশেষ করে কাদুনে ছেলেদের !' এইভাবে এদের নিয়ে কত কথা, কত কাহিনী তৈরি হয়, ভয় আর ঘৃণার মিশ্রণ দিয়ে ।

যদিও তাদের আবাস কিছুটা দূরে, তবু চণকের সঙ্গে আটবিকদের যোগাযোগ আবিষ্কৃত হলে মাগধরা যদি আটবিকদের ওপর কোনও অত্যাচার করে ? তাহলে নিজেকে ক্ষমা করতে পারবেন না চণক । আরও একটি সমস্যা আছে । তিনি ছদ্মবেশ ধারণ করে আছেন । ছদ্মবেশ আজ মগধের গুপ্ত পুরুষের কাছে প্রকাশিত হয়েছে । এখন যে কোনদিন ছদ্মবেশ তাঁকে ত্যাগ করতে হতে পারে । তখন । তখন তাঁর আশ্রয়দাতা আরণ্যকরা তাঁকে কীভাবে নেবে ? স্বেচ্ছালালিত মলিনতার তলায় তাঁর রক্তপদ্মসম্মিত গাত্রবর্ণ দেখলে যদি তারা বিদ্রোহ বোধ করে ! তাঁকে ছদ্মবেশী জানলে তারা তাঁকেও ঘৃণা করবে এটাই স্বাভাবিক । কোনও রকম কপটতা, শঠতা, খলতা তারা সহ্য করতে পারে না, কাপট্যের জন্যই তারা নাগরিকদের আরও ঘৃণা করে । এই সমস্ত ভাবতে ভাবতে চণক তাঁর কুটিরের দীপালোক দেখতে পেলেন । গলিত কালিমার মধ্যে এক বিন্দু স্বর্ণখণ্ডের মতো জ্বলছে । দেখতে দেখতে কেমন হ্রষ্ট হয়ে উঠলেন চণক ।

কুটিরের চারপাশ খানিকটা পরিকৃত । ঝোপঝাড় কেটে ফেলা হয়েছে । সেখানে কিছু বন্য কুমুমের গাছ । কোনও কোনও নিশীথ পুষ্পের গন্ধে আকুলিত হয়ে আছে কুটিরের চারদিকের বাতাস । এই গন্ধে সাপ চলে আসে চণক জানেন, তিনি সাবধানে পা ফেলতে লাগলেন । কিছু দূর থেকেই আরম্ভ হয়েছে দীর্ঘ সব বনস্পতির রাজ্য । সেদিকে তাকালে আর দৃষ্টি চলে না । এই অরণ্যে তেমন কেমনও হিংস্র স্বাপদ নেই । আটবিকরা এবং মগধের ক্ষত্রিয় কুমাররা মৃগয়া করে করে তাদের সব যম-সদনে পাঠিয়ে দিয়েছে । আছে এখন শৃগাল, নানা ধরনের মৃগ, শশক, বন্যবরাহ এবং বহু রকমের পাখি । এখনও । কুটিরের প্রবেশপথে একটি দীর্ঘ ছায়া দেখলেন চণক । প্রদীপ জ্বালিয়ে অদূরে বসে আছে অটবীকুমারী রগগা । মাথা অনেকটা নিচু করে । নিচু দ্বারপথে তিনি প্রবেশ করতে রগগা উঠে দাঁড়াল । নাতিদীর্ঘ কিন্তু ভারি সুগঠিত ঘোর কৃষ্ণবর্ণের মেয়েটি । তার বন্ধোদেশ অনাবৃত । এই বনের অজস্র কচি কাঁচা বিশ্বফলের মতো বক্ষ দুটি তার । নিম্নাঙ্গে একটি পিটিয়ে নরম করা বহুল । তার মাথার অজস্র ধুলোমাখা কালো চুল তার বুক এবং পিঠ প্রায় ঢেকে রেখেছে । চুলগুলির দিকে তাকিয়ে মনে মনে জিহ্বা দংশন করলেন চণক ।

রগগা আবদারের সুরে বলল, 'যতি, এনেছিস আমার কাঁকই ?'

চণক বললেন, 'আজ নগরে কিছু বিপদে পড়েছিলাম রগগা, আনতে পারিনি ।'

রগগা অভিমানে মুখ ফিরিয়ে বলল, 'রোজই তো তোর কিছু না-কিছু হয় । আনতে ভুলে যাস । অথচ খুঁড়োর জন্যে তেল, চাল এসব আনতে তো তোর ভুল হয় না !' বলতে বলতে সে তার রুক্ষ কেশভার পুরোপুরি সামনে এনে-ভার মধ্য দিয়ে আঙুল চালাতে লাগল ।

চণক বললেন, 'আমি তো অনেকদিনই তোমায় বলেছি রগগা । আমি সন্ন্যাসী, কঙ্কতিকা কিনতে গেলে লোকে কী ভাবে ?'

—তাহলে তাই-ই বল, বলিস না বিপদে পড়েছিলাম । আর যদি তাই-ই হয়, কাঁকই কিনতে যদি তোর অসুবিধেই হয় তো আমায় কথা দিয়েছিলি কেন ? আসলে তোরা অজ্জরা সন্ন্যাসী-ই হোস আর যাই-ই হোস, বড্ড শঠ ।

চমকে উঠলেন চণক । কী নিখুঁত চরিত্রজ্ঞান অরণ্যবালিকার ! সত্যিই কিম্বা কঙ্কতিকার কথা একেবারে ভুলে গিয়েছিলেন । রোজই ভুলে যান । রোজই মিথ্যা আশ্বাস দেন । শঠতা তো একেই বলে ! আবার একে সভ্যতাও বলে । ভুলে গিয়েছিলেন একথা বললে মস্তিষ্ক ওর কষ্ট দেওয়া হবে তাই অন্যভাবে বলা, আবার নিজের দোষ ঢাকবার জন্যও বলা । এই মিথ্যাচার তো সভ্যতার অঙ্গ । তিনি নম্র সুরে বললেন, 'রগগা, আমি শান্তিগ্রহণ করছি । তুমি সন্ন্যাসী-ই আমায় জানা । আমি সন্ন্যাসী-ই হোস । যতদিন না তোমার কাঁকই এনে দিতে পারছি, তোমার কাছ থেকেও আমি কিছু গ্রহণ করব না ।'

রগগা উঠে দাঁড়িয়ে তাঁর গা ঘেষে চিবুক ছুঁয়ে বলল, 'তুই রাগ করলি ?'

তিনি যে সম্যাসী, নারীসামিধ্য পরিহার করে চলেন একথা রগগা জানে। কিন্তু মানে না। সে কিছুই মানতে চায় না। সে কাছে আসতেই একটা উগ্র বুনো গন্ধ পেলেন চণক। যেন অরণ্যের গায়ের গন্ধ। একটু সরে গিয়ে বললেন, 'না, রাগ নয়। অপরাধের প্রায়শ্চিত্ত করছি।'

প্রায়শ্চিত্ত কথাটা ভালো বুঝতে পারল না রগগা, দু একবার জিভে উচ্চারণ করল, 'পারশ্চিত্ত ? পারশ্চিত্ত ?' তারপর যেন মোটাটুটি বুঝে নিল, সরল বিস্ময়ে বলল, 'পারশ্চিত্ত করলে খাবি কী ?'

—নিজ্ঞে যা সংগ্রহ করতে পারি !

কিশোরীর চোখে ব্যথার ছায়া নামল। সে বলল, 'তুই পাহাড়ে গিয়ে ধ্যান করবি ? না আমাদের মতো ফলমূল কুড়োবি ? চাই না আমার কাঁকই যতি, তুই হাত-পা ধুয়ে খেতে বোস, আমি যাই।'

সে আড়াল ছেড়ে সরে দাঁড়াতে চণক দেখলেন বড় বড় শালপত্র জোড়া দিয়ে তাঁর জন্য অল্পিপরক মৃগমাংস এনে রেখেছে রগগা। সঙ্গে কিছু ফলমূল। তিনি নিকটবর্তী সরোবরে গিয়ে হাত-পা ধুয়ে এলে রগগা বলল, 'আমি যাই রে যতি, বড্ড দেরি হয়ে গেছে, উদ্দক খুঁজবে।' তার মুখে এখন রাগ অভিমানের চিহ্নমাত্র নেই। চণক মাথা নেড়ে সম্মতি জানাবার আগেই সে বাতমৃগীর মতো চঞ্চল ছন্দে ছুটতে ছুটতে চলে গেল। এই ঘন অন্ধকারেও কোথায় কোন গাছ, কোন ঝোপ, কিসের শাখা সরাতে হবে সে পরিষ্কার দিবালোকের মতো দেখতে পায়। পথ তার চেনা, আপন করতলের মতো মুখস্থ। বিশেষত সে এখন উদ্দকের কাছে যাচ্ছে। উদ্দক রগগার প্রণয়ী। এখনও উভয়ের বিবাহ হয়নি। অর্থাৎ রগগার খুড়ো মদ্যমাংসের ভোজটা দেননি। উদ্দকেরও হয়ত খুড়োকে কিছু দেওয়ার আছে। তবে উদ্দক ও রগগা প্রায়ই একসঙ্গে বাস করে।

এই আটবিকদের ভালো বোঝেন না চণক। পশ্চিম দেশ থেকে পূবে এসে প্রথম এদের দেখে ঘৃণায় শিহরিত হয়েছিলেন। এই অরণ্যে বাস করতে এসে তাঁর প্রথম ভয়াবহ অভিজ্ঞতা হল এদের হাতে বন্দী হওয়া। সেদিনের কথা স্মরণ করলে আজও তাঁর রোমাঞ্চ হয়। একটি শিংশপা বৃক্ষের ছায়ায় দাঁড়িয়ে তিনি কুটির বাঁধবার উপযুক্ত স্থান অন্বেষণ করছিলেন। কাছাকাছি খুব বড় বড় গাছ থাকবে না, ঝোপগুলি সহজে কেটে ফেলা যাবে। অল্প দূরেই থাকবে কোনও জলের উৎস, অরণ্যের খুব গভীরেও নয়। আবার খুব প্রাস্ত ঘেষেও নয় এমন একটি স্থান। সহসা পায়ের কাছে শনশন করে দুটি তীর এসে পড়ল। চমকে চোখ তুলে তাকাতেই গাছের আড়ালে আড়ালে কালো কালো ছায়া দেখলেন। লিকলিকে রোগা। কোমরে কৌপীন বস্ত্র। খালি গা। মাথায় তাম্রাভ রুক্ষ কেশ, ঘোর কৃষ্ণবর্ণ। হাতে ধনুক নিয়ে অতি ক্ষিপ্ত গতিতে তারা তাঁকে গোল হয়ে ঘিরে ফেলল। তিনি বন্ধাঞ্জলি নতজানু হয়ে বসলেন। কালো মানুষগুলি পরস্পরের দিকে চাওয়া-চাওয়ি করল, তারপর একজন রূঢ় স্বরে তাঁকে জিজ্ঞেস করল, 'তুই কে ?'

—দেখছ না আমি জটাধারী সম্যাসী !

—আমাদের বনে এসেছিস কেন ?

—সম্যাসীরা হয় বনে, নয় গিরিশুহায়, নিভৃত স্থানে বাস করতে চায়। জানো না ?

—তুই কি এখানে তপস্যা করবি ? তোদের দেবতা ইন দ্রুর আসন টলাবি ?

—না ইন্দ্রের আসনের ওপর আমার লোভ নেই। নির্জনে ধ্যান করতে ভালোবাসি।

—কীরকমের তপস্বী তুই ? মাথা নিচু করে বুলিস ? না এক হাত ওপরে তুলে শিরদাঁড়া সোজা করে বসে থাকিস ?

—কোনটাই করি না।

—গাছের খসে পড়া পাতা খেয়ে থাকিস ? না পাতা পেড়ে খাস ?

—কোনটাই না।

—তবে ?

—ধ্যান করি। দিনান্তে একবার আহার করি। ফলমূল অম্ন মাংস যা জোটে !

এরপর আটবিকরা এসে তাঁকে পরীক্ষা করে। অস্ত্রশস্ত্র আছে কি না। চণকের অধোবাস বিশেষভাবে প্রস্তুত। দু তিনটি স্তর আছে তাতে। ভেতরে প্রকোষ্ঠে স্বর্ণমুদ্রা, শিকড়বাকড়, পর্ণ,

কার্যপণ সেলাই করে বাঁধা। তিনি ভয় পাচ্ছিলেন, কিন্তু সন্ন্যাসীর প্রতি সন্ত্রমবশতই বোধ হয় ওরা তাঁকে ভালো করে অনুসন্ধান করেনি।

এই মানুষগুলিই তাঁকে তাঁর রুচি ও প্রয়োজনমতো স্থান খুঁজে দিল। সরোবরতীরে বসিয়ে রেখে নিজেরাই কুটির বেঁধে দিল। যতই দেখছেন ততই এদের প্রতি তাঁর এক ধরনের শ্রদ্ধা ও মমতা বেড়ে যাচ্ছে। কালো মানুষরাও যে উন্নতনাসা স্বর্ণাভ গাত্রবর্ণের মানুষের মতোই মানুষ, অনেক বিষয়ে তাদের চেয়ে শ্রেষ্ঠ এ সম্পর্কে তাঁর প্রত্যয় ক্রমশই দৃঢ় হচ্ছে। এদের বৃক্ষপূজা, লিঙ্গপূজা, নগ্নতা, নারী পুরুষের ইচ্ছামতো যৌনাচার, আমমাংস খাওয়া তিনি আগে অতি অরুচিকর বিকৃতি বলে মনে করতেন। এখন বলেন, নিজেকেই বলেন, বোঝেন না। ভালো মন্দ বিচার করার ক্ষমতা তার ক্রমশই লোপ পাচ্ছে। এদের যে চারিত্রিক গুণ যেমন অকপটতা, সহায়শক্তি, বিনয়, সদা-সতর্কতা, সহজাত বুদ্ধি, বনের যাবতীয় পশুপাখি বৃক্ষ লতাদির গুণাগুণ সম্পর্কে জ্ঞান, বিশ্বস্ততা এইগুলির সঙ্গে যদি সভ্য মানুষের শারীরিক পরিচ্ছন্নতা, নবনবোন্মেষশালিনী প্রতিভা, বেশবাস, বাসস্থানের সৌকর্য ইত্যাদি যোগ হয় তাহলে কি আদর্শ মানুষ প্রস্তুত হবে? দীর্ঘনিশ্বাস ফেলে চণক ভাবেন— না, এগুলির সহাবস্থান বোধ হয় সম্ভব নয়। যে মুহূর্তে দেহ ঢাকবে সেই মুহূর্তেই মানুষ মনও ঢাকবে, উদ্দেশ্য ঢাকবে, চাতুর্য ব্যবহার করবে। সৌকর্য সুখমা ইত্যাদি থেকে আসবে ঘৃণা, লোভ, প্রতিভা থেকে আসবে ক্ষমতালিঙ্গা।

আহার শেষ করে তিনি উচ্ছিন্ন শালপাতাগুলি ঝোপের মধ্যে ফেলে দিলেন। সরোবর থেকে মুখ-হাত ধুয়ে কুটিরের মেঝে পরিষ্কার করলেন, তারপর শীতল মাটির মেঝেয় শুয়ে পড়লেন। রাত্রি আরও একটু গভীর হলে তবেই তিনি জটাটি খুলে রেখে একটু স্বস্তি পাবার চেষ্টা করবেন। এখনও সে সাহস করছেন না। অনেক সময়ে আটবিক পল্লী থেকে উদ্দক, রগ্গা কিংবা অন্য কেউ হঠাৎ এসে পড়ে। হয়ত সামান্য কোনও সমস্যা হয়েছে। এই সরল মানুষগুলিকে নাগরিক শিষ্টতা শেখানো সম্ভব নয়। তারা জানে, সন্ন্যাসী বহু রাত্রি অবধি ধ্যান-ধারণা করেন। নিজেদের ব্যক্তিগত বা গোষ্ঠীগত সমস্যার কথা নিয়ে এই উচ্চ শ্রেণীর জ্ঞানীশুণী বন্ধু সন্ন্যাসীর কাছে রাতে আসা এমন কিছু একটা বিধিবহির্ভূত কাজ নয়। কয়েকদিন আগেই তো এসেছিল রগ্গার প্রণয়ী উদ্দক। তার সমস্যা অতি বিচিত্র। মৃগয়া করতে করতে সে অরণ্যের মধ্যে বহুদূর চলে গিয়েছিল একটি বরাহর পেছন পেছন। বরাহটিকে মারবার পর গোষ্ঠীর নিয়মমতো সে বরাহটিকে বয়ে নিয়ে আসেনি। একটি শ্রোতস্বিনীর ধারে অরণিকাঠের সাহায্যে আশুন জ্বালিয়ে বরাহমাংস ঝলসিয়ে সে দুদিন ধরে অল্পে অল্পে খায়। তারপর যেটুকু বাকি ছিল নদীতীরে ফেলে গোষ্ঠীতে ফিরে আসে। উদ্দক তার এই অপরাধ সবার সামনে স্বীকার করতে সম্মত। খালি রগ্গাকে ভয় পায়। রগ্গা যদি তার সম্পর্কে বীতশ্পহ হয়? উদ্দককে চণক

মিথ্যাচারের পরামর্শ দিতে পারেননি কিছুতেই। রগ্গাকে তিনি বুঝিয়ে বলবেন এই আশ্বাস নিয়ে উদ্দক চলে যায়।

আজ সারা দিন অন্যান্য দিনের চেয়েও বেশি পরিশ্রম হয়েছে। তবু উৎকর্ষায় ঘুম আসছে না চণকের। মগধের চর সহসা তাঁর ছদ্মবেশ ভেদ করায় কি তাঁর আশ্চর্যপ্রত্যয়ের ভিত্তি স্থিতি হয়ে গেছে? বোধ হয় তাঁর গণনা মতো কাজ হচ্ছে না। অজানা অচেনা এই মধ্যদেশে শুব ঘেঁষে। এখানে বন ও নদনদী ছড়িয়ে আছে সর্বত্র। তিনি জানতেন গঙ্গা-সিন্ধু-যমুনা বিধৌত এক জনবসতিপূর্ণ উত্তর পশ্চিমাঞ্চলকে। অচিরবতী, সরযু বা মহীরও নাম শোনা ছিল কিন্তু পথে আসতে আসতে দেখেছেন ক্রমশই নদীর সংখ্যা বাড়ছে। উপনদী শাখামুখী প্রসারিত দশ আঙুলের মতো চারিদিকে ছড়িয়ে আছে। কোনটিতে রূপোলি জলস্রোত, কোথাও জলের বর্ণ নীলাভ, কোথাও গৈরিক। উত্তর পশ্চিমদেশে এক যোজন অতিক্রম করতে হয় সময় লাগে এখানে তার দশগুণ লাগাও বিচিত্র নয়। পথচলতি সব শ্রমণ পরিব্রাজকের কথায় নির্ভর করে পরিকল্পনা করা ঠিক হয়নি। সময় দ্রুত চলে যাচ্ছে। এবারে সিদ্ধান্ত নিতে হবে। আশ্চর্যপ্রকাশেরও সময় হয়েছে।

হঠাৎ কুটিরের দ্বারে মৃদু শব্দ হল। অরণ্যে প্রায় দু'মাস থাকার পর প্রহর সম্পর্কে খানিকটা ধারণা চণকের হয়েছে। এখন মনে হয় রাত্রি দ্বিপ্রহর। আটবিক পল্লীর নাচ-গানের আওয়াজ অনেকক্ষণ

থেমে গেছে। এত রাতে আবার কার কী কাজ পড়ল ? ধীরে ধীরে অর্গল খুলে, দ্বারের অন্তরালে সরে দাঁড়ালেন চণক। আবার দরজায় আঘাত। এবার দ্বার খুলে গেল, মুক্ত দ্বারপথে একটি নয় তরবারি প্রবেশ করল।

চণক চাপা স্বরে বললেন, 'কৃপাণ কোষবদ্ধ করো ভীষ্ম, সম্যাসী নিরস্ত্র।'

উত্তরে একটি ধীর গম্ভীর স্বর বলল, 'দীপ জ্বালো।'

২

রাজগৃহের উত্তর-পশ্চিমে নিত্যপ্রবাহিনী সরযু নদীর তীরে অনন্যা সুন্দরী তম্বী সাকেত। কোশল রাজ্যের তিন গরবিনী নগরী—শ্রাবস্তী, অযোধ্যা, সাকেত। শ্রাবস্তী যদি হয় চাকচিক্যময় ঋতুহার, অযোধ্যা যদি হয় বহু-ব্যবহৃত স্বর্ণসূত্র, সাকেত তবে একগাছি মুক্তার মালা। বিশ্বভুবনে এমন নগরী আর কোথায় আছে ? প্রয়োজনের খামখেয়ালে গড়ে উঠেছে শ্রাবস্তী। স্বয়ং কোশলরাজ্যের বসবাস, বহু ধনী শ্রেষ্ঠীরাও স্বভাবতই জড়ো হয়েছে সেখানে। তাই জাঁকজমকে চোখ ধাঁধায়। সব পাওয়া যায়। সর্বম অখি ইতি সাবখি। অযোধ্যা প্রাচীন নগরী। তার পথঘাট, প্রাসাদ, বিপণি সবতেই একটা ব্যবহারের মালিন্য। কিন্তু সাকেত কল্পনার ধন। ভেবেচিন্তে ধীরে ধীরে অতি সুমিত, পরিচ্ছন্ন শিল্পরুচিতে সাজানো হয়েছে তাকে।

প্রধান পথগুলি সবই নদীমুখী। পথের দু-ধারে ছায়াতরু। এই প্রশস্ত পথগুলিকে সমকোণে কেটে চলে গেছে পূর্ব-পশ্চিমে বিস্তৃত আরও পথ। নগরীর কেন্দ্রে রাজ্য উগ্রসেনের প্রাসাদ, চারিদিকে তার উদ্যান। শুধু রাজন্যগৃহ কেন নগরীর প্রায় সবগুলি গৃহেই কানন রয়েছে। রয়েছে সুস্বাদু পানীয় জলের কূপ। তা ছাড়াও বাপী। রাজগৃহ থেকে পাটলি গ্রামের কাছে গঙ্গা পার হয়ে বৈশালী অতিক্রম করে নিচের দিকে নামলে পড়বে প্রথমে অচিরবতী নদীর তীরে শ্রাবস্তী। কিন্তু বারণসীর কাছে গঙ্গা পার হয়ে কোশলের দিকে অগ্রসর হলে প্রথমেই পড়বে অযোধ্যার উপকণ্ঠে সাকেত। আর সাকেতে প্রবেশ করে প্রথম যে দৃষ্টিগ্রাহী মনোরম প্রাসাদটি চোখে পড়বে সেটাই সাকেতের ধনীশ্রেষ্ঠ ধনঞ্জয় শ্রেষ্ঠীর আবাস।

সাকেতকে মধুভাণ্ডের মতো তিন দিকে ঘিরে একের পর এক বিস্তৃত রয়েছে শস্যক্ষেত্র। ধান্য, যব, ইক্ষু। প্রধানত ধান্য। উৎকৃষ্ট জাতের ধান্য উৎপাদন করে সাকেতের সমীপবর্তী গ্রামগুলি। এইসব শস্যক্ষেত্রের মধ্যে অনেকগুলিই সাকেতের নাগরিকদের। তাঁদের নিযুক্ত কর্বকরা গ্রামগুলিতে বসবাস করে। ক্ষেতগুলি কর্বণ করে।

আজ হলকর্ষণোৎসব। আকাশের দিকে তাকিয়ে থাকতে থাকতে অবশেষে মাটি ভিজিয়ে দিয়ে গেছে মেঘ। সেই প্রথম বর্ষণের পর ধরিত্রীর মাড়গন্ধে গৃহপতির বুক ভরে শ্বাস নিয়ে নিজের নিজের ক্ষেত্রে হলকর্ষণ করবেন। কুসুম মাল্যে চন্দনে সজ্জিত হয়েছে হলযন্ত্র ও বলদ। গৃহস্বামিনী বরণ করবেন। শঙ্খ বাজাবে, আনন্দধ্বনি করবে পুরনারীরা। পুরোহিত ক্ষেত্রপূজা, হলপূজা করবেন ঠিকমতো। এই সময়ে সম্পন্ন গৃহপতির পশুবাগ করে থাকেন। একটি ছাগশিশু বলি দেওয়ার প্রথা আছে। ইদানীং কিন্তু তা আর হচ্ছে না। পুরোহিতরা অনেকেই এতে ক্ষুব্ধ। কে এক ক্ষত্রিয়বংশীয় শ্রমণ শ্রাবস্তীতে প্রচার করে বেড়াচ্ছে দেবপূজার নামে জীববলি দেওয়া নাকি হতাশ। দেবতা কখনও এ বলি গ্রহণ করেন না।

কিন্তু হলকর্ষণোৎসবের চেয়েও আকর্ষক উৎসব আজ আছে। সরযুর তীরে তাই তরুণ যুবকদের যেন মেলা বসে গেছে। প্রত্যেকেরই পরনে উত্তম বেশ। বর্ষে সিঁদনলেপ। গলায় হার। পুষ্পমালা। কানে কুণ্ডল। বাহুতে অঙ্গদ। কপালে তিলক। সাকেতের কুলনারীরা, অতি সম্ভ্রান্ত বংশীয় কন্যারাও আজ উৎসবে যোগ দিতে নদীতীরে আসবে। নদীর ধার পর্যন্ত চূড়বীথিকার প্রধান পথটিতে বহু অস্থায়ী বিপণি শ্রেণিবদ্ধভাবে বসে গেছে। বহুধরনের ফুল। ফুলের মালায় ও অলঙ্কারে কে কত বৈচিত্র্য আনতে পারে তার যেন প্রতিযোগিতা শুরু হয়েছে। কেউ গাঁথেছে স্থূল বেলকুড়ি দিয়ে পাঁচ লহর, সাত লহর মুক্তাহারের মতো মালা। মল্লিকার মালায় রূপদক্ষ কেউ।

হয়তো মালার মাঝখানে বুলিয়ে দিয়েছে প্রস্ফুটিত দু-তিনটি কেতকীর মধ্যমণি। কর্ণিকারের কর্ণাভরণ। পত্রের ওপর কুঁড়ি দিয়ে গাঁথা কবরীসজ্জা। কণ্ঠী, কেয়ুর, মেখলা। সব ফুলের। সুগন্ধে আকুল হয়ে রয়েছে পথগুলি।

তরুণদের হৃদয়ে আশা ও উল্লাস। কুমারীর নদীতীরে আসবে। যাদের সহসা দেখতে পাওয়া যায় না, তারাও। তরুণরা যাকে ইচ্ছে মাল্য দিয়ে বরণ করবে। অবশ্য এ নির্বাচন একেবারে প্রাথমিক। উৎসবের দিনে কোনও কুমারীর গলায় জোর করে মালা পরিয়ে দিলেই যে তাকে ঘরে আনতে পারা যাবেই তার কোনও নিশ্চয়তা নেই। সেই কন্যা যদি নিজ কণ্ঠের মালাটি বিনিময়ে দেয় তবেই মোটামুটি গান্ধববিবাহের প্রথম পর্ব সিদ্ধ হ'ল বলে মনে করা হয়। এর পর কন্যার পিতার কাছে নিজের কুল, শীল, উপার্জন ইত্যাদি সমস্ত সংবাদ ও মাস্তলিক উপঢোকন দিয়ে দূত পাঠাতে হবে। কন্যার পিতা যদি পাত্রকে উপযুক্ত মনে করেন একমাত্র তবেই এই প্রাথমিক নির্বাচন বিবাহে পরিপূর্ণতা লাভ করতে পারে। কিন্তু, নিশ্চয়তা থাক বা না থাক, এ এক মধুর খেলা। এ দিনটিতে নব্য যুবকদের সংযত করা এক দুর্গহ ব্যাপার।

ঋতু-উৎসবের দিনগুলিতে বিশাখা যেন মুক্ত পাখি। বরা বকুলে আকীর্ণ হয়ে রয়েছে পথ। ঘন সবুজ পত্রজালের মধ্যে থেকে কোকিল যুবা ক্ষণে ক্ষণে উৎকণ্ঠ ডাক ডেকে উঠছে। কে বলে পিক শুধু বসন্তেই ডাকে! সাকেতে সর্ব ঋতুতে সর্ব সময়ে পিক কুহরে। ঘাড় ফিরিয়ে তাকে দেখতে ব্যস্ত হয়ে পড়ে বিশাখা। দেখতে পায় না। বিচিত্র কর্কশ স্বরে ডেকে উঠে সহসা বরবর শব্দে পেখম ছড়িয়ে নাচতে শুরু করে দেয় একটা ময়ূর গ্রীষ্মের আকাশ একটু ছায়াময় হলেই। বিশাখা থাকে সাকেতের পূর্বস্থলীতে। পিতার সপ্ততল প্রাসাদ। তাকে ঘিরে চতুর্দিকে বিছিয়ে রয়েছে অশ্বশালা, হস্তিশালা, রথাগার, মহানস, সংরক্ষণাগার, শ্রীগৃহ। মাঝে মাঝেই উদ্যান। উদ্যানের মধ্যে তড়াগ যেমন পদ্মে-কলহরে শোভাময়, তড়াগের চারপাশের ভূমিও তেমনই বহুবিধ বৃক্ষ, কুসুমকুঞ্জ ইত্যাদিতে শ্রীময়। এরই মধ্যে বিশাখার দিন কেটে যায় নানা বিষয় শিক্ষা করতে। আচার্য্য মহাকল্পক আসেন শাস্ত্র শিক্ষা দিতে। মা দেবী সূমনা স্বয়ং তাকে চিত্র লিখতে শিখিয়েছেন; শিখিয়েছেন কীভাবে শাখা-প্রশাখায় প্রলম্বিত বিশাল সংসার ধারণ করে রাখতে হয়। পিতা শেখান অর্থের গণনাকৌশল, প্রয়োগ, বাণিজ্য-মন্ত্র। নয়নের মণি সন্তান। তাকে তাঁর পিতৃধন সর্বের অর্পণ করতে চান তিনি। বিশাখা নিপুণভাবে শিখে নিচ্ছে সব। এই পনেরো বছর বয়সেই সে নানা বিষয়ে বাবা ও মাকে পরামর্শ দিয়ে থাকে।

সাকেত সুন্দর। সুন্দর সাকেতের সপ্ততালিক প্রাসাদ। কিন্তু সাত বছর এখানে কেটে গেলেও আজও বিশাখার সাকেতকে বিদেশ বলে মনে হয়। বড় ঘনিষ্ঠ, অন্তরঙ্গ, আপন-ছিল তাদের আদি নিবাস ভদ্রিয়। অঙ্গরাজ্যের এই ছোট প্রান্তিক নগরে দীর্ঘদিন ধরে পিতামহ মেগুক গড়ে তুলেছিলেন তাঁর অতুল ধনসম্পদ। বামে শ্রাবস্তী। রাজগৃহ, বারণসী, দক্ষিণে চম্পা। ভদ্রিয় ছোট জনপদ হলেও তার অবস্থান ছিল শ্রেষ্ঠীর কাজকর্মের পক্ষে সুবিধাজনক। অঙ্গ ও মগধের মাঝখানে। তা ছাড়াও মেগুক শ্রেষ্ঠীর মূল ভদ্রিয়তে, তিনি তাকে ত্যাগ করেননি। ধনী কন্যা বলে আলাদা একটা অশ্রিতা তখন সেই বয়সে গড়ে ওঠেনি বিশাখার। ছিলেন স্নেহময়ী পিতামহীরা, ছিল পিতৃব্য পুত্র-কন্যারা, জীবন ছিল সারা দিনমান প্রলম্বিত একটি ছুটির দিনের মতো। যার প্রতিপ্রহরে নতুন নতুন আবিষ্কারের রোমাঞ্চ। বিশেষত, পিতামহ আবার ছিলেন ঐন্দ্রজালিক। শ্রেষ্ঠী বলে যত খ্যাতি জাদুকর বলে খ্যাতি বৃদ্ধি তার দ্বিগুণ। পরিবারের অনেকেই ঐন্দ্রজাল জানত। শিশুকাল থেকেই বিশাখার মনোগত ইচ্ছা ছিল সে হবে জাদুকরী। তার জাদুদণ্ডের এক ছোঁয়ায় বীজ থেকে অঙ্কুরোদগম হবে, গাছ বড় হয়ে উঠবে, তাতে ফল ধরবে, পাকবে, তরুণের সেই সুগন্ধ আশ্রফল সে দর্শকদের মধ্যে বিতরণ করবে। পিতামহ খুব ব্যস্ত মানুষ ছিলেন, কিন্তু তখন তাঁকে কাছে পেত নিজের উচ্চাকাঙ্ক্ষার কথা তাঁকে অকপটে জানাত বিশাখা।

মৃদু মৃদু হাসতেন পিতামহ, 'তুই বিবাহ করবি না বিসাখা!'

—না, পিতামহ, আমি দেশে দেশে জাদু দেখিয়ে বেড়াব।

—কিন্তু তার জন্য তো দলবল চাই। সে সব পাবি কোথা থেকে?

পিতৃত্ব পুত্র-কন্যাদের দিকে আঙুল দেখিয়ে সে নিশ্চিন্তে বলত, 'কেন ভন্দা রয়েছে, রোহিণী রয়েছে, মধুসূরা রয়েছে, ছন্ন, বলভদ্র, ছেটকও রয়েছে। ওরাও শিখবে। ওরা আমার সহকারী হবে।'

ভন্দা, রোহিণী সঙ্গে সঙ্গে বলে উঠত, 'না, না, আমরা বিসাখার সঙ্গে দেশে দেশে ওভাবে ঘুরতে পারব না, আমরা ভদ্রিয়তেই থাকব।'

—তোরা বিবাহ করবি না ? পিতামহের প্রশ্ন।

—হ্যাঁ। পিতামহ, আমরা বিবাহ করব।

—কেমন বর চাই-রে ভন্দা, রোহিণী ?

—তোমার মতো ! তোমার মতো !

পিতামহ অট্টহাস্য করে উঠতেন, নিজের শ্বেতকৃষ্ণ মিশ্র শ্মশ্রুতে হাত বুলোতে বুলোতে বলতেন, 'দেখলি তো বিসাখা, তোর দলবল কেমন ?'

মধুসূরা তখন বিসাখার হাত ধরে জোর গলায় বলত, 'আমি তো আছি ভগ্নী বিসাখার সঙ্গে, কি রে বলভদ্র, ছেটক, ছন্ন, তোরাও কি ভদ্রিয় ছেড়ে দেশে দেশে জাদু দেখাতে চাস না ?'

বিসাখা যোগ দিত, 'তোদের কারণে মধ্যই কি কোনও বীরতা নেই ?'

ছেলে তিনটি গৃহের সবচেয়ে ছোট। কচি-কচি গলায় জ্বাব দিত, 'হ্যাঁ, আমরা জাদুকর হব, জেটটা বিসাখার সহকারী হব, পিতামহ, আমাদের শিখিয়ে দাও।'

তখন মেগুক শ্রেষ্ঠী পরম স্নেহ এবং গর্বভরে বিসাখার দিকে তাকাতেন, বলতেন, 'তা, তোমার অক্ষিতারকার যেরকম ক্ষণে নিশ্চলতা ক্ষণে চঞ্চলতা দেখছি, যেমন গ্রীবাভঙ্গি দেখছি, তুমি পারবে, তুমি জাদুকরী হয়েই জন্মেছ বিসাখে। তবে তোমার সঙ্গে যদি একটি উপযুক্ত জাদুকরের বিবাহ দিই তবে আপত্তি নেই তো !'

একটু ভেবে বিসাখা বলেছিল, 'না, তা নেই। তবে তাকেও সত্য করতে হবে আমরা এক স্থানে থাকব না। সার্থবাহরা যেমন অরণ্য, কাস্তুর, বারিধি কিছু মানে না। খালি চলে চলে আর চলে, আমরাও তেমনি শকটে আমাদের পেটিকাগুলি নিয়ে খালি চলব, চলব আর চলব।'

শ্রেষ্ঠী বললেন, 'অরণ্য ? কাস্তুর ? বারিধি ? দিদি, অরণ্যে-কাস্তুরে কাকে জাদু দেখাবে ? ব্যান্ড-ভল্লুককে ? না নরখাদক যক্ষদের ?'

বিসাখা একটু কি অপ্রতিভ ? শিশুকাল থেকে বাণিজ্যযাত্রার কাহিনী শুনে আসছে, তার স্বপ্ন সেই সব কথা-কাহিনী-কল্পনার উপকরণ দিয়ে গড়া। সে ঢোক গিলে বলল, 'কেন পিতামহ ! ধরুন ভদ্রিয় থেকে চম্পা যেতে, কি রাজগৃহ যেতে, মাঝে ছোট ছোট গ্রামগুলিতে যেতে অরণ্য, নদী, প্রান্তর তো পড়বেই ! বল মধুসূরা, বল ছন্ন কী অপূর্ব, রোমাঞ্চকর হবে আমাদের জীবন ?'

শ্রেষ্ঠী হেসে আশ্বাস দিলেন, 'ঠিক আছে দিদি, আর একটু বড় হয়ে ওঠো, কেশ আরেকটু দীর্ঘ হোক, ওষ্ঠাধরে আরও রঙ লাগুক, আখিপক্ষগুলি আরও নিবিড় হয়ে উঠুক, তুমি অবশ্যই জাদুকরী-শ্রেষ্ঠা হবে।'

এখন বিসাখার পনেরো বছর পার হয়ে গেছে। পঞ্চদশী, পৌর্ণমাসী। সঙ্গে সব সময়েই ঘোরে জগৎ ব্যাপারে অভিজ্ঞ সুচতুরা সখী ও দাসীর দল। সে এখন পিতামহের সেই শেষ আশ্রয়সবাণীর রহস্য ভেদ করতে পারে। হাসি পায়, কিন্তু ক্রোধও হয়। এখন হয়ত প্রায়মাগ জাদুকরী হবার সেই শৈশব সাধ আর নেই। কিন্তু জাদু, জাদুর প্রতি তার আকর্ষণ কমেনি মোটেই। কদিন আগে তাদের উদ্যানপালের সদ্যোজাত পুত্রটি অকালে মারা গেল। তার সব পুত্র-কন্যাগুলি এভাবে মারা যায়। অক্ষয়্যে নীলবর্ণ হয়ে যায়। তারপর একটা ক্ষীণ স্বর বেরোয় মুখ দিয়ে। তার পরই মৃত্যুর কোলে চলে পড়ে। বিসাখার মনে হয় সে যদি জাদু জানত, জাদু দিয়ে স্পর্শ করত একবার, উদ্যানপালের নয়নের মণিটি বেঁচে উঠত ! জীবনে সংকল্প যদিও থাকে, সাধা কেন থাকে না ? জীবন এমন একই ছকে বাঁধাই বা হবে কেন ? ঠিক যেভাবে তার প্রপিতামহী, পিতামহী প্রমাতামহী, মাতামহী জীবন কাটিয়েছেন, ঠিক সেভাবেই ? যেভাবে তার মায়ের জীবন....। এইখানে এসে বিসাখার চিন্তা থেমে যায়। না, মা সুমনা একেবারে স্বতন্ত্র। তিনি ওই ছকের মধ্যে আছেন ঠিকই,

তবু তাকে ইচ্ছামতো অতিক্রমও করেন। তবে, তবে কেন বিশাখা গতানুগতিতে গা ভাসাবে ?

এখন সে চূতবীথিকার পথ ধরে পায়ের তলায় নবীন ঘাসফুলগুলি সযত্নে এড়িয়ে সরযুতীরের দিকে চলেছে। বহু সখী এবং অন্যান্য পরিবার থেকে আগত নবীনা সুকুমা কিশোরীদের মধ্যে থেকেও তাকে চিনে নেওয়া যাচ্ছে অনেক কাচখণ্ডের মধ্যে একটি মাত্র দৃঢ়জ্যোতি হীরকখণ্ডের মতো। নীলাভ শ্বেত দুকুলের একটি অধোবাস পরেছে সে, উপরার্ধে ঘন নীল রঙের স্তনপট্ট। দুই কাঁধ থেকে নেমে এসেছে শ্বেত উস্তরীয়। তাতে রক্ত ও নীলবর্ণ বৃত্তিকা। ঈষৎ কুঞ্চিত তার নীলকৃষ্ণ কেশ ঠিক ময়ূরপুচ্ছের মতো তার পিঠ বেড়ে রয়েছে। কেশাগ্রভাগ বাইরের দিকে সমানভাবে বক্র হয়ে অপূর্ব শোভা ধারণ করেছে। বিশাখার গায়ের রঙ রক্তাভ গৌর। সুবক্র ঠোঁটদুটি দেখলে মনে হয় তাতে রঞ্জনী দেওয়া রয়েছে। কিন্তু বিশাখা কোনও রঞ্জকদ্রব্য ব্যবহার করেনি। তার কান, নাক, কপাল, বিশাল দুই পশ্চাত্চাদিত চক্ষু, চিবুক থেকে আরম্ভ করে বাহুয়ুগল, আঙুলগুলি, সমস্ত অঙ্গপ্রত্যঙ্গ যেন অশেষ যত্নে গড়া। সর্বোপরি এই পনেরো বছর বয়সেই তার মধ্যে এমন একটা শান্ত বুদ্ধির দীপ্তি যে, তাকে দেখলে সন্ত্রম হয়।

কুমারীর দল এগোতেই যুবকদের মধ্যে চঞ্চলতা দেখা গেল। অনেকেই মালিনীর কাছ থেকে তার সবচেয়ে মনোমত মালাটি সংগ্রহ করে রেখেছে। গত বসন্তোৎসবে যে কিশোরী বা বালিকা মনোহরণ করেছে, তারই কঠ লক্ষ্য করে মালাগুলি সব নিষ্কিন্তু হচ্ছে। কুমারীদের দলে হিম্মোল, হাসি। এরই মধ্যে একটি যুবক বোধ হয় অনেকক্ষণ ধরে সাহস সঞ্চয় করছিল। সে একটি অতি সুন্দর কন্দ ফুলের মালা হাতে একটু ইতস্তত করে বিশাখার দিকে এগিয়ে গেল। তার বন্ধুরা একটু দূর থেকে বিপুল ঔৎসুক্যের সঙ্গে তাকে লক্ষ্য করছে।

যুবক ক্ষত্রিয়কুমার। স্থানীয় রাজন্যর ছেলে। এই বয়সেই শত্রুবিদ্যায় নিপুণ হয়ে উঠেছে এমন শোনা যায়। সে খুব সাহসে ভর করে, হৃৎপিণ্ডের প্রবল আলোড়ন সংযত করে বিশাখার মুখোমুখি হল। বিশাখার রাজহংসীসদৃশ চলার গতি মন্থর হয়ে এসেছে। আশেপাশে তার সখীদের মুখে কৌতূহলের হাসি। চোখে কৌতূহল নিয়ে তারা দাঁড়িয়ে গেছে। কুমার যথেষ্ট দীর্ঘাকৃতি। সে মালাটি হাতে নিয়ে বিশাখার গলায় পরাতে যাবে, বিশাখা দু পা পিছিয়ে গিয়ে তার স্বর্ণঘণ্টার মতো কণ্ঠে বসে উঠল, 'তিটঠ, তিটঠ তিস্। এ কী করছ !'

ক্ষত্রিয়কুমার তিষ্য হকচকিয়ে থেমে গেল।

তার আজকের আচরণের পেছনে একটা ছোট্ট ইতিহাস আছে। না, না। এই বছরের, কি তার আগেকার বছরের কোনও প্রগলভ ঋতু-উৎসবের উদ্দীপন নয়। আছে আরও কয়েক বছর আগেকার একটি পারিবারিক উৎসবের দিন ও দিনান্তের স্মৃতি। সে তক্ষশিলার গুরুগৃহ থেকে ফিরে আসবার পর তার পিতা উগ্রসেন স্থানীয় প্রভাবশালী ব্যক্তিদের সপরিবারে নিজগৃহে দ্বিপ্রাহরিক ভোজে আপ্যায়ন করেন। নিমন্ত্রিতদের মধ্যে প্রধান ছিলেন শ্রেষ্ঠী ধনঞ্জয়। শ্রেষ্ঠীকন্যা বিশাখাকে দেখে, তার সঙ্গে আলাপ করে তিষ্য চমৎকৃত হয়ে যায়। সে আজ তিন চার বছর আগেকার কথা। তক্ষশিলার শিক্ষাপর্ব সমাপ্ত করবার পর পিতা তাকে পাঠান আরও বিশদভাবে অস্ত্র প্রয়োগ শিখতে শ্রাবস্তীর সেনাপতি মল্লবংশীয় বন্ধুলের কাছে। ইতিমধ্যে সে ভূর্জপত্রে কুকুমরোগ দিয়ে পত্র লিখে অতি বিশ্বাসী জ্ঞাতিভ্রমীকে দিয়ে পাঠিয়ে দিয়েছে বিশাখার কাছে। তিন বছরে তিনটি কৌনবারই কোনও উত্তর পায়নি সে। কিন্তু মৌনতাই তো সন্মতি? মৌনতাই তো স্বীকৃতি? একে সে রাজন্যবংশীয় কুমার, দ্বিতীয়ত সে অতি বীরপুরুষোচিত অবয়বের অধিকারী, তার সূচ্য কেশ, সযত্নপুষ্ট ক্ষীণ গুফরেখা, পরিষ্কৃত লালিত শ্মশ্রু সবচেয়েই একটু ক্ষীণ স্বর্ণভা আছে। তিষ্যর পিতা উগ্রসেন গর্ব করেন তিনি পাঞ্চাল রাজবংশের সন্তান। বিশুদ্ধ রাজবংশের ধর্মনীতে। কোনদিন পরিবারে কোনও মিশ্রণ হতে দেননি তাঁর পূর্বপুরুষ। খুব সজ্ঞান শিক্ষাশেষে সে হয় মগধ, নয় কোশলের সেনাবাহিনীতে অতি উচ্চপদে যোগ দেবে। না, দিকের সাকেতের সীমার মধ্যে তো সে রাজকুমার, পরে রাজাই হতে যাচ্ছে। তক্ষশিলা থেকে আসবার পর যখন বালিকা বিশাখার সঙ্গে আলাপ হয় সে নিজে ছিল সদ্য-স্নাতক অহঙ্কারী যুবক, তাকে লক্ষ্য করে তরুণী কুমারীদের লাস্য উচ্ছ্বসিত হয়ে উঠত। সে কিন্তু কাউকেই প্রশ্রয় দিতে চাইত না। শুধু বিশাখার বুদ্ধিদীপ্ত, সপ্রতিভ



আলাপচারিতায় সে অবাক হয়ে গিয়েছিল। কয়েক দশের মধ্যেই দুজনের মধ্যে বেশ বন্ধুত্ব জন্মেছিল। বারো বছরের বালিকার পক্ষে অবশ্য বিশাখা তখনই একটু অতিরিক্ত গম্ভীর, যেন একটু অকালপক্বও কিন্তু সে পক্বতা অন্যান্য বালিকার মতো নয়, সে কথায় কথায় শ্লোক উদ্ধৃত করত, গুরুগম্ভীর মন্তব্য করত রাজকর্তব্য, বাণিজ্যপথ ইত্যাদি নিয়ে। কিন্তু তিষ্যর মনে হয়েছিল বালিকা আসলে সরল। একেবারেই পূতচিস্ত। অভিজাত ঘরের শিক্ষাদীক্ষায় তার ওপর একটা গাভীরের, পক্বতার আচ্ছাদন তৈরি হয়েছে। বালিকার লীলাচাপল্য ওরই মধ্যে যখন তখন প্রকাশ পেত।

—তিস্‌স, তিস্‌স, তোমার হাতের রেখা দেখি। এখনও তিষ্য বালিকার অদ্ভুত মিষ্ট অথচ জোরালো কণ্ঠ শুনতে পায়।

—ভদ্র তিষ্য বলে বিসাখে, আপনার বলে, তোমার বলে না, আমি তক্ষশিলার স্নাতক, জানো না? সমগ্র সাকেতে আপাতত এই একটিই।

ভদ্র বা আপনি শোনবার কোনও বাসনা ছিল না তিষ্যর। তবু দুইমি করে ভৎসনা করেছিল সে বিশাখাকে।

বিশাখা তার কৌতুক সঙ্গে সঙ্গে বুঝেছিল, 'আচ্ছা আচ্ছা, হে তক্ষশীলিত তিষ্য ভদ্র, আপনার অসামান্য একমু অধিতীয়ং দক্ষিণহস্তমু দেখি।'

—তুমি কি জ্যোতিষ জানো? হস্তরেখা পড়তে পারো? অঙ্গবিদ্যাটিদ্যাও জানো নাকি?

—ভদ্রে বলুন তিষ্যকুমার, আমি ধনঞ্জয়পুত্রী, মেগুকপৌত্রী জাদুকরী বিসাখা। রেখা পড়তে না পারলে আপনার ওই কর্কশ, ভারী হাতটি ধারণ করে আমি কী এমন স্বর্গলাভ করব? তবে জ্যোতিষশাস্ত্রও তক্ষশিলায় শিক্ষা দেওয়া হয়ে থাকে। যদিও তাতে ব্যুৎপত্তি লাভ করতে পারে খুব কম জনই।

তিষ্য হেসে বলেছিল, 'বেশ, বেশ, ভদ্রে বিসাখে আপনি আমার হস্তরেখা বিচার করুন।'

ভালো করে তার দক্ষিণ হস্তের রেখাগুলির ওপর নিজের পুষ্পবস্তুর মতো কোমল আঙুলগুলি চালনা করে তিষ্যর সারা শরীরে বিপুল রোমহর্ষ জাগিয়ে দিল বিশাখা। তারপর হঠাৎ বলে উঠেছিল, 'অহো কী দুঃখ! ভদ্র আপনি তো দেখছি গুপ্তঘাতকের হাতে নিহত হবেন।'

—ঘাতক না ঘাতিকা ঠিক করে বলে তো? হস্যচ্ছলে জিজ্ঞাসা করেছিল তিষ্য।

তার কথার গঢ়ার্থ বোঝেনি বিশাখা। শুধু তার নীলাভ কৃষ্ণকেশ সমেত অপক্লম মাথাটি দুলিয়ে বলেছিল 'তা জানি না, ঘাতকের লিঙ্গ বলতে পারব না, যাও তিস্‌স, আর তোমার অশুভ হাত দেখব না। শেষে বলবে বিসাখা অপ্রিয়বাদিনী। অকল্যাণকাম্বী।'

তিন বছর আগেকার প্রতিটি শব্দ ফিরে ফিরে এসে আঘাত করল তিষ্যকে। সে ব্যথান্নান মুখে বলল, 'মাল্য প্রত্যাখ্যান করছ ভদ্রে বিসাখে?'

—অবশ্যই। তুমি কি ভেবেছিলে সাধারণীদের মতো ধনঞ্জয়পুত্রীও সরযুমুখী চূতবীথিকায় প্রণয়গুঞ্জন করে? বিশাখার সুন্দর চোখে ক্রোধ ঝলসে উঠেছে। মুখে অপমানের লালিমা। তার কণ্ঠস্বর যতই সুন্দর হোক এই মুহূর্তে কর্কশ লাগল।

একটি কথাও বলতে পারল না তিষ্য। পায়ে পায়ে পিছিয়ে এলো। তার চোখের সামনে অন্ধকার। আশেপাশে বন্ধুকল্পরা ব্যঙ্গের হাসি হাসছে। তার বিশেষ বন্ধু সুমিত্র এবং স্বাক্ষর্যে তাকে বহুবার নিষেধ করেছিল, এ কথা মানতেই হবে। বিশাখা সাকেতের ধনীশ্রেষ্ঠ ধনঞ্জয়র নয়নের মণি, তারপর অপক্লম রূপসী। তার জন্য ববেরু থেকেও পাণিত্রার্থী এলে বিশ্বয়ের কিছু নেই। তা ছাড়া আজকাল জনসমাজে শ্রেষ্ঠীরাই শ্রেষ্ঠ। রাজাদের অরা মুখেই সম্মান দেখায়, ভালো করেই জানে রাজার ভালোমন্দ এক রকম তাদের অর্থস্বগে বাঁধা। তিষ্যদের পুরোস্থিত সঙ্কোচে বলে থাকেন, 'এখন আসছে এক বৈশ্য যুগ, যার যত অধিক স্বর্ণ, তার তত উচ্চ স্বর্ণ স্বয়ং কানীকোশলের নৃপতি প্রসেনজিৎ যখন মগধরাজ বিম্বিসারের কাছে একটি শ্রেষ্ঠী ছাড়া রাজ্যের শ্রীবন্ধির জন্য প্রার্থনা করেছিলেন, তখন মগধরাজ্যের পঞ্চশ্রেষ্ঠী যোতীয়, জটিল, মেগুক, পুণ্যক, কাকবলীয় কেউই কি আসতে চেয়েছিল? রাজাদেশ অগ্রাহ্য করতে তাদের কারোরই কোনও অসুবিধে হয়নি। দুই রাজার মান বাঁচাতে অবশেষে মেগুক তাঁর পুত্র ধনঞ্জয়কে কোনক্রমে রাজি করিয়েছিলেন। সে-ও ধনঞ্জয়

বাপের সুপুত্র বলেই। ধনঞ্জয় আসার পর থেকেই সাকেত নগরী ফুলে ফেঁপে উঠেছে। সরযুর জলে পণ্যতরী এসে ভিড় করছে। সরযু বেয়ে গঙ্গায় গিয়ে পড়ে তরীগুলি তারপর পূবমুখে পাল তুলে চলে যায়, আসে। সার্থবাহরা আর পথের বিপদ গ্রাহ্য করছে না, দলে দলে বণিক মধ্যবর্তী চৌরকাস্তার, ব্যালকাস্তার কিছুই না মেনে সাকেতকে কেন্দ্র করে সারা উত্তরাপথ ঘুরে ঘুরে বাণিজ্য করছে। অনেক পরদেশী বণিক তো বলে সায়ংকালে প্রসেনজিৎ ধনঞ্জয়কে নিয়ে এই স্থানে উপস্থিত হয়েছিলেন, সায়ংকালে এই নগরের পশ্চিম হয়। ধনঞ্জয় নাকি বলেছিলেন, 'সায়ংকৃত'। তার থেকেই সাকেত। এই নতুন সাকেত-জন্মকথা বণিকদের মুখে মুখে চতুর্দিকে ছড়িয়ে যাচ্ছে। অযোধ্যার উপকণ্ঠে যে সাকেত নগরী সত্যি ছিল, অযোধ্যা এবং সাকেত উভয় নগরীর রাজাই যে তিষ্যর পিতা উগ্রসেন, বংশপরম্পরায়, এসব কথা এই নব্য বণিকরা জানে না। বিশ্বাসও করতে চায় না। আসলে ধনঞ্জয় শ্রেষ্ঠীই এই নগরীর যশ প্রতিষ্ঠা করেছেন। এখন সাকেত শ্রাবস্তী, রাজগৃহ, বৈশালী, বারাগসী, চম্পার সঙ্গে তুলিত হয়। সেই ধনঞ্জয়ের কন্যা যে ধনগবী, রূপগবী হবে তাতে আর আশ্চর্যের কী! সবাই বুঝেছিল, খালি তিষ্যই বোঝেনি, মানতে চায়নি।

পায়ে পায়ে পিছিয়ে এসে তিষ্য তরুণদের ভিড় থেকে নিজেকে স্বতন্ত্র করে নিল। তাদের ঈষৎ ব্যঙ্গ-বিদ্রুপ, কারও কারও দুঃখপ্রকাশ কিছুই তাকে স্পর্শ করছে না। একটা অভিমান, একটা হতাশা ও স্কেভের আবরণের মধ্যে সে এখন সম্পূর্ণ একা। সে ফিরে চলেছে। অবশ্যই গৃহ অভিমুখে নয়। অন্য কোথাও। নির্জনে। সুমিত্র এবং আত্রেয় কিছুক্ষণ পেছন পেছন এসেছিল। কিন্তু তারা সাকেতের বাল্যবন্ধু। বেড়ে ওঠার সময়ে, তক্ষশিলা এবং শ্রাবস্তীতে থাকায় দীর্ঘকাল অদর্শনে তাদের বন্ধুত্বে আর সে রকম গাঢ়তা অনুভব করে না তিষ্য। বাঁধন যেন শিথিল হয়ে গেছে। উপরন্তু আজ উৎসবের দিনে অনেক প্রমোদ!—'তিস্ আমরা নদীতীর থেকে একটু ঘুরে আসছি'— এই বলে তারা চলে গেল। তিষ্য ধীরে ধীরে হাঁটতে হাঁটতে সরযুর বিপরীত দিকে তার ছোট বেলাকার অঙ্কধাত্রীর বাড়ি এসে পৌঁছল। ডাকল, 'ধাই মা!'

শ্রৌঢ়া বেরিয়ে এসে তিষ্যকে দেখে বড় প্রীত হল। রাজপরিবারের শিশুরা বহু প্রকার ধাত্রীর কোলে কোলে মানুষ হয়। তিষ্যর ছিল তিনজন ধাইমা। তার এই অঙ্কধাত্রী-ই ছিলেন তার দুধ-মা। আর ছিল একজন মণ্ডনধাত্রী, সে খুব সম্ভবত একটি মধ্যবয়স্ক বারবিলাসিনী। এবং একজন ক্রীড়াপনিক ধাত্রী। কিন্তু দুধ-মাকে সে বড় ভালোবাসত। ইনি ছিলেন নাতি কৃষ্ণা, নাতি গৌরী। বন্ধের দুষ্কারা কবোঞ্চ। তার মুখগহ্বর মিষ্ট জীবনরসে ভরে যেত। ধাইমার স্তন দুটিও ছিল দৃঢ়, অতি উচ্চ নয়। স্তন ঝুলে পড়ে তার নাক চেটে যাচ্ছিল বলে একটি ধাত্রীকে আগেই বিদায় দেওয়া হয়েছিল। এই ধাইমার সুকোমল, সুপখুল কোলে শুয়ে সে মধুভাণ্ডের মতো ঐর সুবর্জুল স্থূল বোটাযুক্ত স্তনটি ধরত। কত আদর করে ধাই-মা তাকে কোলে বসিয়ে পা দুটি দুদিকে ঝুলিয়ে দিয়ে, তার হাত পা ধীরে ধীরে তৈলমর্দন করে সুগঠন, বলশালী করবার চেষ্টা করতেন। সেই দৃঢ় কোমল স্পর্শ এখনও সে ঘুমের মধ্যে মাঝে মাঝে অনুভব করে। মণ্ডনধাত্রীটি তাকে খুব করে সাজাত। গ্রীষ্মকালে কাপাসিক, অল্প শীতে স্কেম এবং অধিক শীত পড়লে পশমী বস্ত্র পরাত। রেশমের খুব সুন্দর সুন্দর পরিচ্ছদ তৈরি করে দিত ধাইটি। মুক্কা স্বহস্তে গাঁথে স্তার গলার মালা-প্রস্তুত করত। কিন্তু কেন যেন এই ধাইটিকে তার ভালো লাগত না। এই ধাইটি তিষ্যর শিশু বয়সেই তার সুকুমার পুরুষাঙ্গটি নিয়ে নানান কৌতুক করত, পুরললনারা হেসে অস্থির হয়ে যেত।

—দ্যাখো, দ্যাখো ঠিক অশ্বের মতো দীর্ঘ লিঙ্গটি হয়েছে খোকার। বয়ঃপ্রাপ্ত হলে যা হবে না!  
এখনও মনে আছে তিষ্যর। ধাত্রীটি তার জননাস্ত্র নিয়ে খেলা করতেও ছাড়ত না। ক্রীড়াপনিক ধাত্রীটি কিন্তু ছিল শান্তস্বভাব। শিশুর সঙ্গে খেলা করবার জন্য যে দৈহিক শক্তি ও উৎসাহ প্রয়োজন তা যেন তার কিছু অল্প ছিল। মাঝে মাঝেই উন্মনা হয়ে যেত। কিন্তু দিলে তাকে প্রহার করত তিষ্য। ক্রুদ্ধ হয়ে সে বলত, 'অরে অরে, দরিদ্র বলে কি এমন শিশুর প্রহার করতে হয়? বালক হলে হয় কি! ধনী ঘরের বড় ছোট সবাই দেখি সমান!' তারপর শ্বেকাদিতে আরম্ভ করত।

তিষ্য ক্রুদ্ধ হয়ে বলত, 'তা, তুই আমার সঙ্গে খেলা করছিস না কেন?'

শ্যামা নামে সেই মেয়েটি বলত, 'মাতার মৃত্যুর পর পিতা আমাকে তোমাদের বাড়িতে বিক্রি করে

দিয়ে দূরদেশে চলে গেলেন। আমার কি তোমার সঙ্গে কন্দুক খেলতে মন লাগে! কোথায় গেল আমার সুপন্ন। সে কথা দিয়েছিল আমাকে বিবাহ করবে। বচ্চ, আমি খালি এইসব কথাই ভাবি।'

—সুপন্ন কে ?

—সে একটি অতি মনোহর যুবক। আমার মনপ্রাণ হরণ করেছিল।

—আমার চেয়েও মনোহর ? এমনি পীত দুকূলের বস্ত্র তার আছে ? এমনি ময়ূর পালক দেওয়া শিরোভূষণ ?

বিষ্ণু হাসি হাসত শ্যামা, 'না বচ্চ, পীত রেশমও তার ছিল না, মুকুটও তার ছিল না, তোমার মতো এমন স্বেতপদ্মের মতো গাত্রবর্ণই বা সে কোথায় পাবে ! কিন্তু আমার কাছে সে ছিল সবার থেকে মনোহর।'

তিষ্য বর্তমানে ফিরে এলো। ধাইমা ডাকছে। হাতে মৃৎপাত্রের কী সব ভোজ্য। তিষ্য বলল, 'ধাইমা, সূতককে একটু বলবে মন্দ্রাকে এখুনি নিয়ে আসবে !'

এই সূতক তিষ্যর সমবয়সী। ধাইমার বৎস। এরই প্রাপ্য দুষ্কধনে ভাগ বসিয়ে বড় হয়েছে তিষ্য। সে তাদের অশ্বক্ষরক, তিষ্যর প্রিয় অশ্বী মন্দ্রা সূতকের তত্ত্বাবধানেই থাকে।

—নিশ্চয়ই বচ্চ, এই যে বলি।

কুটিরের নিচু ছাদ এক হাতে ধরে বেরিয়ে এলো সূতক। সে উৎসবের নতুন পোশাকে সজ্জিত। নববধূর সঙ্গে নদীতীরে যাবার আয়োজন করছিল। প্রভুপুত্রের ডাকে সে বেরিয়ে এসে তিষ্যদের অশ্বশালার দিকে দৌড়ল।

তিষ্য কুটিরসংলগ্ন মৃৎবেদীর ওপর বসে পড়ল। ধাইমা তার পাশে পাত্রটি নামিয়ে রেখেছে, হঠাৎ সে জিজ্ঞাসা করল, 'আচ্ছা ধাইমা, সেই শ্যামাকে মনে আছে ? আমাকে খেলা দিত ?'

ধাইমা বলল, 'সামা ? হ্যাঁ, হ্যাঁ, সামাকে মনে আছে বই কি।'

—তার সংবাদ কী ?

সু কুঁচকে ধাই-মা কিছুক্ষণ মনে করবার চেষ্টা করে বলল, 'সামা তো তোমার পিতার কাছ থেকে মুক্তি ক্রয় করে সাকতে ছেড়ে চলে যায়।'

তিষ্য উত্তেজিত হয়ে বলল, 'তবে কি সে সুপন্নর দেখা পেয়েছিল ?'

—সুপন্ন ? কে সুপন্ন ? অবাক হয়ে জিজ্ঞেস করল ধাইমা।

নিশ্বাস ফেলে তিষ্য উঠে দাঁড়াল। অশ্বক্ষরধ্বনি শোনা যাচ্ছে। মন্দ্রা আসছে। মন্দ্রা। তার নাসা স্মুরিত হচ্ছে, পিঙ্গল ও সাদা রোমগুলি খাড়া হয়ে উঠেছে। সে বুঝতে পেরেছে তিষ্য, তিষ্য তাকে ডাকছে। সে দ্রুত কুটিরান্ন পান হয়ে গেল, ধাইমা জল আনতে ভেতরে গিয়েছিল। তাকে বেরিয়ে যেতে দেখে ব্যস্ত হয়ে বলল, 'তিট্ট কুমার তিট্ট। তোমার জন্য ক্ষীরমণ্ড পাকিয়ে এনেছি। উৎসবের দিনে একটু মুখে করো।'

'তিট্টটুকু শুধু শুনেছিল তিষ্য। অল্প সময়ের ব্যবধানে আজ দুবার তাকে কথাটা শুনতে হল। কিন্তু সে থামবে না। সে মন্দ্রার পিঠে লাফিয়ে চড়ল। তার পেটের ওপর দুদিক থেকে সামান্য পায়ের আঘাত হানল, মন্দ্রা হাওয়ার বেগে ছুটে চলল।

সরযূতীর ছাড়িয়ে সে চলে এসেছে অনেক দূর। ছোট একটি টিলা। আশেপাশে বট, অশথ, শিংশপা কতকগুলি। বিস্তীর্ণ সব ক্ষেত। টিলায় পিঠ দিয়ে, অর্থাৎ সরযুর দিক থেকে মুখ ফিরিয়ে বসল তিষ্য। জ্বালাময় ক্রোধ নয় আর, কেমন একটা গভীর বিষাদ তার হৃদয়ে। কর্ষগোষ্ঠ্য এই বিশাল সবুজ শস্যক্ষেত্র এই উদার আকাশ তার চোখ ছুঁয়ে যাচ্ছে, সে অনুভব করছে না। মুখে তিস্ত স্বাদ। সে টিলায় হেলান দিয়ে দূরের দিকে চোখ প্রসারিত করে দিল। কিছুক্ষণ পর চোখ বুজিয়ে ফেলল। স্বপ্ন নেই, আশা নেই, আকাজক্ষা নেই, এক ধরনের নির্বেদন।

—বৎস, বৎস—শ্রৌচ গলার উৎকর্ষ ডাকে চোখ মেলল তিষ্য। সামনে দুই ব্রাহ্মণ। একজনের মাথা শুভ্র। আর একজনের শুক্ল কেশের সঙ্গে কিছু কৃষ্ণেরও মিশ্রণ আছে।

—বৎস, তুমি কি সাকতেবাসী ?

ঘাড় নেড়ে সম্মতি জানাল তিষ্য।

—আজ কি সেখানে হলকর্ষণোগৎসব ?

—হ্যাঁ ।

—জানো কি নদীতীরে কুমারী-সমাবেশ হয় কি না ?

—হয় । তিষ্ঠ স্বরে বলল তিষ্য ।

—পৌঁছতে পারবো সময় মতো ?

—আপনাদের ভাগ্য ! বিরস মুখে চোখ বুজিয়ে ফেলল তিষ্য ।

ব্রাহ্মণদ্বয় বুঝলেন এ যুবকের কাছ থেকে আর বিশেষ কিছু জানা যাবে না । তাঁরা ফিরতে উদ্যত হলেন ।

হঠাৎ তিষ্যর চোখ দুটি খুলে গেল, 'আপনাদের কি অত্যন্ত বেশি প্রয়োজন ?'

—হ্যাঁ বৎস, অতিশয় ।

—ঘোড়ায় চড়তে পারেন ? তিষ্যর মুখে সামান্য হাসি ।

দূজনের মধ্যে যিনি অল্পবয়স্ক, তিনি বললেন, 'যৌবনে চড়েছি । চেষ্টা করলে পারি বোধ হয় ।'

—এই অশ্বী অতি সুশীলা, এর পিঠে চড়ে সোজা ওইদিকে চলে যান । সে দিক নির্দেশ করল ।

—অশ্বটি কী করবো ?

—ছেড়ে দেবেন কার্যশেষে । ও ঠিক ওর মন্দুরায় ফিরে যাবে ।

ব্রাহ্মণেরা দু হাত তুলে স্বস্তিবাচন করলেন । অল্পবয়স্ক ব্রাহ্মণ সহজেই মন্ত্রার পিঠে উঠে গেলেন । দ্বিতীয় জনকে উঠতে সাহায্য করল তিষ্য । অদূরে একটি শিবিকা । সেটিকে সরযুতীরে আসবার নির্দেশ দিলেন ব্রাহ্মণরা, তারপর মন্ত্রা তাঁদের নিয়ে ছুটে চলে গেল । তিষ্য আবার চোখ বুজল ।

তিষ্য সাকেতের জ্যেষ্ঠ রাজকুমার । তার পিতা উগ্রসেনের দুই রানি । জ্যেষ্ঠা শুধু কন্যাসন্তানের জন্ম দেওয়ায় উগ্রসেন দ্বিতীয়বার বিবাহ করেন । তার দুই জ্যেষ্ঠার মধ্যে একজনের বিবাহ হয়েছে শ্রাবস্তীতে । এক রাজপরিবারে । আর একজনের বৈশালী থেকে কিছু দূরে ভোগনগরে । সম্পন্ন ব্রাহ্মণ পরিবারে । বড়রানির দুটি মেয়ে এবং তার নিজের মা ছোটরানির একটি ছেলে শিশুকালেই মারা গেছে । তিষ্যর বাকি দুটি ভাই তার থেকে ছোট । কেউই তার মতো গুণবান নয়, বলেন পিতা । তাঁর ইচ্ছা সে এখন থেকে সাকেতে থেকেই রাজৈশ্বর্য ভোগ করুক । শিখে নিক জনপদ শাসনের খুঁটিনাটি । মাণ্ডলিক রাজা হিসেবে একশটি গ্রামের শাসনকার্য দেখতে হয় উগ্রসেনকে । ামিকরা বছরে তিনবার তাঁর সভায় সমবেত হন । তা ছাড়াও, কোনও সমস্যা উপস্থিত হলে পিতাকে তার সমাধান করতে হয় । কিন্তু এই রাজস্ব আদায়, বছরে তিনবার শস্যের ষষ্ঠ ভাগ এবং বণিকদের পণ্যের দশম ভাগ রাজভাণ্ডারে পাঠানো, চৌর এবং দস্যুদমন, এই ধরনের বাঁধা কাজে মন লাগে না তিষ্যর, এটুকু কাজ কি আর তার মধ্যম বা কনিষ্ঠ ভ্রাতা করতে পারবে না ? সে সাকেতের এই গণ্ডি থেকে, এমন কি শ্রাবস্তীর গণ্ডি থেকেও মুক্ত হতে চায় । তক্ষশিলা থেকে যাওয়াআসার পথে সে দেখেছে কত জনপদ, কত নগরী—মিথিলা, মধুরা, ইন্দ্রপ্রস্থ, মদ্রদেশ, যতই উত্তরে যাও ভাষা আরও সুহৃদ, সুচারু । মানুষগুলির দৈর্ঘ্য উচ্চ, নাক মুখ চোখ অতি স্পষ্ট, নীলাভ কুম্ভ চোখের মণি, অনেক সময়ে নীলাভ কেশ, স্বর্ণাভ কেশ । কিন্তু তাদের পূজা, যজ্ঞ, নিয়মপালনাবিধি অতি বিশদ এবং দুরূহও বটে । বিশেষ রকমে শিক্ষাপ্রাপ্ত বেদজ্ঞ ব্রাহ্মণদের সাহায্য ছাড়া তাঁরা ধর্মচরণ করতেই পারে না । তিষ্যর আকৃতিতে খানিকটা পশ্চিমদেশের ছাপ আছে । নইলে ওরা মধ্যদেশ ও প্রাচীর মানুষদের ভ্রাতা বলে অবজ্ঞার চোখে দেখে । দক্ষিণে মধুরার পুর থেকেই আরম্ভ হয়েছে নিবিড় অরণ্য । তার ওপারে বিদ্যু পর্বতমালা । ওই পর্বতের ওপারে কী ? গুরুগৃহে শুনেছে হিংস্র স্বাপদে পূর্ণ অরণ্য এবং পর্বত যদি-বা পার হওয়া যায়, অসভ্য বর্বর জাতির হাত থেকে রক্ষা পাওয়া কঠিন, আছে যক্ষ, রক্ষ নাগ, বানর প্রভৃতি বহু জাতি । উপরন্তু দক্ষিণদেশের মাটি শিলাময় ও মরুভূমিসদৃশ । সেখানে সহজে শস্য জন্মায় না ।

কেন কে জানে তিষ্যকে টানে এইসব অজানা দেশ, অদেখা জাতি । তার মনে হয় কিছু অনুরূপ সঙ্গী পেলে সে বিদ্যু পার হয়ে দক্ষিণদেশে চলে যেত, বাহুবলে জয় করে নিত যক্ষ-রক্ষদের । রাজা

হত তাদের, এমন মাণ্ডলিক রাজা বা রাজন্য নয়। সত্যিকারের রাজা। কেমন করে সূশাসন করতে হয় দেখিয়ে দিত। এই উত্তরাখণ্ডে বড় বেশি সম্রাসীর উপদ্রব। যখন তখন, যে সে হয় আজীবক, নয় তীর্থিক— একটা কিছু হয়ে যাচ্ছে। বেশ সম্পন্ন গৃহস্থঘরের পুরুষ, এমন কি রাজবংশীয় ক্ষত্রিয়রাও। উত্তরাখণ্ডের শেষ লক্ষ্য যেন অরণ্যবাস। সম্রাস। যে তা করতে পারে সে বন্দনীয়। বাকিরা পারল না বলে যেন কোথায় একটা হীনম্মন্যতা বোধ করে। আজীবক, তীর্থিকদের সেবা করে নিজেদের হীনতা স্থালন করতে চায়। দক্ষিণে গিয়ে সে রাজ্য স্থাপন করবে। আদর্শ নগর, সম্পন্ন গ্রাম, তক্ষশিলার মতো শিক্ষাকেন্দ্র স্থাপন করবে বহু। এবং এ সমস্ত করতেই তার সাহায্য লাগবে একজন বুদ্ধিমতী, সাহসী, প্রেরণাদায়িনী রানির।

এই পর্যন্ত চিন্তা করে তিস্যার মন অবসাদে ভরে গেল। রমণীর মন আজ পর্যন্ত কে-ই বা বুঝতে পেরেছে! পাওয়া তো দূরের কথা। সে কি এই তিন বছর বিশাখা সম্পর্কে একবারে নিশ্চিন্ত ছিল না? সমগ্র সাকেত নগরীতে আর কে আছে তার মতো সুপুরুষ, উপায়কুশল? তিন বেদ, শিক্ষা, কল্প, দর্শন, দণ্ডনীতি, ধনুর্বেদ, আঠারোটি শিক্ষণীয় বিষয়ের অনেকগুলিই তো আয়ত্ত করেছে সে। উপরন্তু এমন অমিশ্র আর্ঘবংশ, বঙ্গুল মল্লর কাছে শত্রু শিক্ষা। ধনঞ্জয়-কন্যা যদি তার পাশে থাকত তাহলে দক্ষিণদেশে বর্বরদের বশ্যতা স্বীকার করিয়ে চক্রবর্তী রাজা হওয়া তার পক্ষে খুব কঠিন হত না বোধ হয়। শ্বশুর একজন মহাধনবান শ্রেষ্ঠী, তাঁর অর্থবল হত তার পৃষ্ঠবল। কিন্তু এ সবই বাহ্য। আসল হল বিশাখা। বিশাখার প্রণয়। কাশ্মীরে, গান্ধারে, মদ্রদেশে বহু সুন্দরী দেখেছে সে। পারস্য দেশের কিছু কিছু রাজকুমার কাশ্মীরে বসবাস করেন, তাঁদের বংশের সুন্দরীরা দেবকন্যার মতো। কিন্তু বিশাখা অন্য রকম। তার সৌন্দর্যের সঙ্গে লাভণ্য, গাভীরের সঙ্গে চাপল্য, বুদ্ধির সঙ্গে সারল্য, অভিজাত্যের সঙ্গে করুণা এমন আশ্চর্যভাবে মিশেছে! যে বিশাখা বালিকাবয়স থেকে গাভী, রোগগ্রস্ত কুকুর বিড়াল ও অশ্বদের পরিচর্যা নিয়ে দিনের এক চতুর্থাংশ সময় কাটায়, গুরুজনদের অভিভাবদন করে রাজকুমারীর মতো, সমবয়স্কদের পরামর্শ দেয় মন্ত্রীর মতো, ভিক্ষুক আর শিশুদের প্রতি যার স্নেহ সারা সাকেতে সুবিদিত, সে তার প্রণয়প্রার্থী, উচ্চবংশীয় উচ্চশিক্ষিত ক্ষত্রিয়কুমারকে এইভাবে অপমানিত করল? এ কাজ কি বিশাখার যোগ্য হল?

কিন্তু কোন বিশাখা? বিশাখা নামে একটি অলৌকিক মানসপ্রতিমা গড়ে তার পূজা করছে না কি তিস্য? দৈহিক রূপ মানুষকে বড় প্রভাবিত করে, দেবশ্রীসম্পন্ন হলেই কি মানুষ দেবস্বভাব হয়? তক্ষশিলায় কত দেশ থেকে কত যুবক আসে। বেশির ভাগই অতি সুপুরুষ। কিন্তু তাদের কীর্তি স্মরণ করে এখনও শিউরে ওঠে তিস্য। বারাগসী থেকে এক ব্রাহ্মণকুমার গিয়েছিল গুরু কাশ্যপের কাছে। অতি অল্প সময়েই দেখা গেল সে তার সতীর্থদের সব বিষয়ে ছাড়িয়ে যাচ্ছে। তাতে কাশ্যপের শিষ্যরা এমন ঈর্ষাকাতর হল যে, ষড়যন্ত্র করে গুরুর মনে ধারণা জন্মিয়ে দিল যে, ওই ব্রাহ্মণকুমার কনিষ্ঠ গুরুপত্নীর প্রতি আসক্ত এবং উভয়ে ব্যভিচারে মগ্ন। কাশ্যপ এতদিনের প্রিয় প্রতিভাবান ছাত্রটির সম্পর্কে একটু অনুসন্ধান করাও প্রয়োজন বোধ করলেন না। একটুও অনুকম্পা দেখালেন না। সোজা তাড়িয়ে দিলেন। অথচ ওই ব্রাহ্মণকুমার দিবাভাগে গুরুসেবা করে রাত্রে বিদ্যাশিক্ষা করত। পুণ্য শিষ্য ছিল তো! গুরুদক্ষিণার সহস্র কার্ষাগণ দিতে পারেনি। তার পরিবর্তে সেবা দিত। তার সং চরিত্র, দীনতা, বিনয় লক্ষ্য করবার মতো। বিশাখা কেমন? কাশ্যপের অভিজাতবংশীয় ধনগবী সুপুরুষ শিষ্যগুলির মতো নিষ্ঠুর? বোধশূন্য? সহানুভূতিশূন্য? রূপ, খ্যাতি আর তিন বছর আগেকার বুদ্ধিমত্তা কথাবার্তার স্মৃতি দিয়েই কি তাকে বিচার করা চলে?

হঠাৎ তিস্যার একটা কথা মনে হল। ব্রাহ্মণেরা কুমারী সমাবেশের কথা জিজ্ঞেস করছিলেন কেন? উভয়েই বিবাহের বয়স পার হয়েছেন, পুরুষের অবশ্য বিবাহ যথেষ্টকোনও বয়সেই চলে, কিন্তু এই বয়সে ভার্য্য গ্রহণের ইচ্ছা হলে, সে প্রথম বারই হোক, দ্বিতীয় বা তৃতীয় বারই হোক সাকেতের কুমারী সমাবেশের জন্য এত ব্যাকুলতা কেন? ব্রাহ্মণগুলি আকৃতিও তো বেশ সৌম্য। কুমারীলোলুপ বটুদের মতো যেন ঠিক নয়। আরে! তিস্য আবার নিজেকে তিরস্কার করল। আকৃতিতে কী এসে যায় প্রকৃতি কেমন? বাইরের রূপ দেখে তা বোঝা অসম্ভব। কিন্তু ব্রাহ্মণরা তিনজন। শিবিকায় এসেছেন। তারা আছে। কিছু ক্লাস্ত ও উৎকণ্ঠিতও মনে হল। তিস্যার মনে

কৌতূহলের সঞ্চার হচ্ছে। কিন্তু একখণ্ড বিরট মেঘ ভেসে আসছে। সহসা তীব্র ধারায় বৃষ্টি আরম্ভ হল।

৩

দীপে অগ্নিসংযোগ করলেন চণক। অন্ধকার এত গাঢ় যে, কুটিরের কোণগুলিও আলোকিত হল না। তৈলও সম্ভবত অল্প হয়ে এসেছে। চণকের চোখে ধন্ধ। দীর্ঘকায় আগস্তক তাঁরই মতো মাথা নিচু করে কুটিরের ঢুকছেন। মাথায় উষ্ণীষ। দীর্ঘ অঙ্গচ্ছদ। সম্পূর্ণ শব্দহীন পাদুকা। আগস্তককে চিনতে পারছেন না চণক। তাঁর কটিবন্ধে একটি ক্ষুদ্র ছুরিকা লুকানো আছে। ছুরির বাঁটে হাত রেখে চণক নম্র সুরে বললেন, 'মাটির পীঠিকা ছাড়া এই কুটিরের ভদ্রকে বসতে দেবার মতো তো কিছু নেই! দয়া করে বসুন। রাত্রি গভীর, মধ্যযাম উত্তীর্ণ হয়ে গেছে সম্ভবত। এই নিশীথে, অরণ্যে, একাকী সম্মাসী আপনার কী কাজে লাগতে পারে ভদ্র?'

'একাকী সম্মাসী?' মুদু, প্রায় নারীসুলভ সরু গলায় আগস্তক বলল। তার কণ্ঠস্বরে শ্লেষ গোপন নেই, 'সম্মাসীই বটে! তোমার ছদ্মবেশ ভেদ করতে মগধের গুটপুরুষের প্রয়োজন হয় না, যে কোনও বুদ্ধিমান নাগরিক তোমার জটাটি এইভাবে উন্টে দিতে পারে', তরোয়ালের প্রান্ত দিয়ে আগস্তক চণকের জটাটি ফেলে দিল। আজকে এই দ্বিতীয়বার। তার পরে বলল, 'সুভদ্র, অনঘ আর সম্পাতি কোথায় গেল? দৌত্য কর্ম করতে এসে হীন চরের মতো ব্যবহার করছ কেন? ওদের তিনজনকে কি হত্যা করেছ?' শেষের শব্দগুলি বলবার সময়ে আগস্তকের কণ্ঠস্বর সহসা বদলে গিয়ে কর্কশ, কঙ্করময় বোধ হল।

চণক সসম্ভ্রমে প্রণিপাত করলেন। সমগ্র তঙ্কশিলায় এই একটি মাত্রই রাজপুরুষ, একটি মাত্রই ব্যক্তি আছেন, যিনি কণ্ঠস্বর ইচ্ছামতো বদলাতে পারেন। তিনি হেসে বললেন, 'স্বয়ং মহাচরাধিচর হয়ে চরবৃত্তিকে হীন বলছেন মহামাত্র দর্ভসেন?'

—বলছি। যে চর নিজের কার্য উদ্ধার করার প্রাথমিক উপায়গুলি সম্পর্কে এমন অসাধন, যার ছদ্মবেশ এত অসম্পূর্ণ, উপরন্তু যাকে চর নিযুক্ত করা হয়নি, সেই স্ব-নিযুক্ত চরকে হীন বলব না তো কী! জানো কি, তোমার পৃষ্ঠদেশে স্বাভাবিক গাত্রবর্ণ স্পষ্ট বোঝা যায়! বয়স্ক মুখের সঙ্গে যুবা পুরুষের হাত-পা নিয়ে তুমি একটি অতি হাস্যকর মর্কটের মতো ঘুরে বেড়াচ্ছ। তুমি সেই শশকের মতো যে দেহের সম্মুখভাগ বিবরে প্রবেশ করিয়ে দিয়ে মনে করে সে বুঝি নিজেকে অদৃশ্য করতে পেরেছে এবং শৃগাল বা তরঙ্গু যার পশ্চাদ্ভাগ কামড়ে ধরে অনায়াসেই তার সায়মাশটি সমাধা করতে পারে। উপরন্তু তুমি অপরের ছদ্মবেশ ভেদ করতে পার না।

চণক মুখ তুলে বললেন, 'ও আপনিই! মাগধ গুটপুরুষ তবে আপনিই সেজেছিলেন?'

—মূর্খ! শুধু মূর্খ নয়, হস্তিমূর্খ! মাগধ চর মগধেরই চর। তুমি যে ধরা পড়েছ তাতে কোনও সংশয়ই নেই। বহু কষ্টে সেই জনোই এই মধ্যরাত্রিতে অরণ্য ভেদ করে এই হস্তিমূর্খের সন্দর্শনে আসতে হয়েছে আমাকে। বলি, কোনও ব্যক্তি কি তোমাকে নগরীর উপাঞ্চে যষ্টিবন্ধে পৌঁছে দেয়নি?

—ওহ, সেই সন্ত্রাস্ত পুরুষই তবে আপনি? আমি ভেবেছিলাম সেও আর একটি মাগধ চর। সময়মতো উপস্থিত হতে পারব না বলে প্রথম চরের নির্দেশে এসেছে।

—মগধের শাসনযন্ত্রের প্রতি তোমার শ্রদ্ধা তো আকাশ চূষন করেই দেখছি। তোমাকে সময়মতো পৌঁছে দিতে মাগধের কী দায়!

—আমার পূর্ণ পরিচয় পাওয়া তো তার প্রয়োজন...

অসহিষ্ণু হয়ে দর্ভসেন বললেন, 'পূর্ণ পরিচয়ই বটে! মাগধ চর তুমি সন্ধ্যা পার করে ওই উদ্যানে প্রবেশ কর। তাহলে হত্যাকা সাহজ হত।

—হত্যা?

—হ্যাঁ নির্বোধ, হত্যা। শিবিকায় আমি সত্বর পৌঁছে না দিলে, ঘনপত্র বৃক্ষের অন্তরালে সঙ্গীদের

নিয়ে সশস্ত্রভাবে যোরাফেরা না করলে, তোমাকে নিহত হতে হত ।

মগধের চর কিভাবে তাকে সরোবরে মুখ ধুতে জোর করছিল মনে পড়ে একটু হাসলেন চণক, বললেন, 'আমাকে নিহত করা অত সহজ নয় । যাই হোক, হত্যা করে লাভ ?'

—লাভের কথা তো তুমিই ব্রাত্যটার সঙ্গে আলোচনা করছিলে । পুরস্কার ! নিহত ব্যক্তিকে পরিষ্কৃত করলেই তাকে বিদেশি বলে স্পষ্ট চেনা যেত । ছদ্মবেশী বিদেশি, চর ছাড়া কী ? ওই মাগধ বহু কার্ষাপণ পুরস্কার পেত । কিন্তু এ সব কথা থাক । এখন আসল কথায় এসো । সুভদ্র, সম্প্রতি, অনঘকে কীভাবে হত্যা করলে ? কেনই বা ?

চণকের চোখ দুটি হঠাৎ জ্বলে উঠল, তিনি প্রাণপণে নিজেকে সংযত করে বললেন, 'আর্য দর্ভসেন, আপনি অনেকক্ষণ থেকেই আমাকে মুর্খ, হস্তিমূর্খ, মর্কট অনেক কিছু বলে যাচ্ছেন । সবই সহ্য করেছি । কিন্তু বিনা প্রমাণে, বিনা কারণে সহসা আমাকে হত্যাকারী বলে ধরে নেওয়াটা সহ্যের বাইরে চলে যাচ্ছে । আমাদের আচার-আচরণে কি আমাকে হস্তা, এমন কি কোন রূপেই কোনও অপরাধী বলে মনে হয় ?'

দর্ভসেনের মুখে হাসি খেলে গেল, বললেন, 'তোমার জেনে রাখা ভাল চণক, কাউকে উত্তেজিত করে দিলে তার মুখ থেকে সত্য কথাটা শীঘ্র বেরিয়ে আসে । অপেক্ষা করছি । তোমার কী বলবার আছে বল !'

—সম্প্রতিকের পাঠিয়েছি বৈশালী । সুভদ্র ও অনঘকে শ্রাবস্তীতে । প্রতি দিনই তাদের আগমন প্রত্যাশা করছি ।

বিস্মিত দর্ভসেন বললেন, 'কেন ?'

—পথে আসতে আসতে ছদ্মবেশ ধারণ করবার নির্দেশ স্বয়ং মহারাজ পুঙ্করদেবই দিয়েছিলেন, আপনি জানেন না কেন বুঝতে পারছি না । জনপদ থেকে জনপদান্তর যেতে যেতে আমরা বহু প্রকার কথা শুনেছি । চার জনে অবশেষে পরামর্শ করি গ্রীষ্ম পার হবে, তার পরেও বর্ষার তিন-চার মাস সময় আছে । ইতিমধ্যে এই মধ্যদেশ সম্পর্কে যথাসাধ্য জেনে নেওয়া ভালো । আপনি কি জানেন, মগধরাজের রাজবৈদ্য তরুণ জীবক এখন উজ্জয়িনীতে ! প্রদ্যোত মহাসেনের কামলা রোগ হয়েছে । নিরাময়ের জন্য জীবক মহোদয়ের ডাক পড়েছে । এতটা ঘনিষ্ঠ সম্পর্ক যেখানে সেখানে কি আপনি আশা করেন মগধরাজ তাঁর মিত্র অবস্তীরাজের বিরুদ্ধে গাঙ্কারকে সাহায্য করবেন ?

দর্ভসেন চিন্তিত মুখে চুপ করে ছিলেন, বললেন, 'সমস্যা বটে ! কিন্তু তোমার কাজ ছিল মগধরাজের কাছে আমাদের গাঙ্কারের দৌত্য নিয়ে যাওয়া, তারপর তিনি যা করবেন, আমাদের সেটাই মেনে নিতে হবে ।'

চণক বললেন, 'এ ছাড়াও আমাদের মনে রাখতে হবে রাজা বিশ্বিসারের অগ্রমহিষী তো মদ্রদেশীয় ! সাগলের সঙ্গে আমাদের তেমন কোনও বিবাদ নেই ঠিকই । কিন্তু তার পাশাপাশি পশুবরা এখন মহারাজ পুঙ্করদেবের সঙ্গে সম্পর্ক ভাল রাখছে না । ...আর এইসব কারণেই আমি সব দিক বিবেচনা করে শ্রাবস্তী ও বৈশালীতে আমার সহকর্মীদের পাঠিয়েছি । সেখানে বাতাবরণ কী, সাহায্য পাওয়া যাবে কি না, তারা পর্যবেক্ষণ করে আসুক । তারপর ফলাফল যাই হোক, আমরা দৌত্য করব ।'

এই সময়ে অরণ্যে ঝিল্লির ঝংকার এমন সশব্দ হয়ে উঠল যেন খুব কাছেই কোথাও শত শত নর্তকী নৃপূর বাজিয়ে নাচছে । দর্ভসেন একটু অন্যমনস্ক হয়ে গিয়েছিলেন হঠাৎ তিনি যেন আত্মগতভাবে বললেন, 'কি জানি চণক, কাজটা হয়ত তুমি ভালই করছ । তোমার শিক্ষার উপযুক্ত । সত্যিই, তুমি তো শুধু একজন যে- কোনও রাজপুরুষ নও, তুমি রাজার সন্দেহটুকু মাত্র বয়ে নিয়ে আসবে । তুমি দণ্ডনীতির পাঠ নিয়েছ বড় বড় পণ্ডিতের কাছে ...সাধারণ রাজদূত শুধু সুদর্শন, শিষ্টাচারী, সুস্মিত, অক্রোধী এবং বাগ্মী হলেই চলে । এক্ষণে রাজপুরুষ অনেক পাওয়া যাবে গাঙ্কারে । কিন্তু তুমি... তোমাকে... আচ্ছা... চণক তুমি কি মগধরাজের ছিদ্র অন্বেষণ করছ ? কিছু পেয়েছ বা শীঘ্র পাবে ? সুন্দরী ললনা চাই ? রাজার কি মণিমুক্তার প্রতি দুর্বলতা আছে ? সুবর্ণ উপহার দিয়ে কিছু করা যাবে ? এই বিশ্বিসার যদি গাঙ্কাররাজকে সাহায্য না করেন তাহলে অবস্তীর



ওই চণ্ড মহাসেন এ অচিরে গান্ধার ছারখার করে দেবে !

এ কথার সোজাসৃজি উত্তর না দিয়ে চণক বললেন, 'তাল কথা মহামাত্র, আপনি কীভাবে এখানে এসে পৌঁছিলেন জানতে পারি কী ? আমার ধারণা ছিল এই দৌত্যকর্মের দায়িত্ব মহারাজ শুঁধু আমার হাতেই দিয়েছেন । সুদ্র, সম্প্রতি এবং অনঘ যদিও আমার সতীর্থ, তবু আমার অধীনেই । আমিই তৎসময়ে চেয়ে নিয়েছিলুম । কিন্তু...মহারাজ যে আপনাকে সর্বাধিনায়ক নিযুক্ত করেছেন, এ ধারণা তো আমার ১২০ না !'

দর্ভসেন রহস্যময় মৃদু হাস্য করে বললেন, 'চণক, রাজকার্যের জটিলতার মধ্যে তুমি সবে মাত্রই প্রবেশ করতে আরম্ভ করেছ সত্য, কিন্তু রাষ্ট্রনীতির গূঢ় নিয়মগুলি যে তুমি একেবারে জানো না, তা তো নয় !'

চণক মাটিতে কতকগুলি অক্ষর আঁকছিলেন একটি শলাকার অগ্রভাগ দিয়ে, কতকগুলি অক্ষর, কিছু অবয়ব । তিনি প্রায় স্বগতোক্তি করলেন, 'তাহলে মহারাজ পুঙ্করদেব আমাকে বিশ্বাস করেন না ? আমার পর্যবেক্ষণশক্তিতে বা দৌত্য বিষয়ে যোগ্যতায় তাঁর আস্থা নেই !'

দর্ভসেন তাড়াআড়ি বললেন, 'এমন কথা বলো না চণক । এ তো রাজকার্যের গতানুগতিক নীতিই ! বিশেষ, তুমি বয়সে ও অভিজ্ঞতায় নবীন, যদিও বুদ্ধি ও শিক্ষায় অবশ্যই প্রাজ্ঞ !'

চণক হঠাৎ মুখ তুলে প্রসন্ন পরিবর্তন করে বললেন, 'আর্য কি এখানেই শয়ন করবেন ? আমি তাহলে কিংলিঙ্গক বিছিয়ে দিই !'

—এত রাত্রে আর কোথায় যাব ? তুমি অনর্থক এত কৃচ্ছসাধন করছ চণক !

মহামাত্রের বিশ্বাসের ব্যবস্থা করে দিয়ে দীপটি নিবিয়ে দিলেন চণক । মহামাত্র শয়নমাত্র গভীর নিদ্রায় অভিভূত হয়েছেন । মৃদুস্বরে তাঁর নাক ডাকছে । চণক জানেন এই নিদ্রা অতি সতর্ক নিদ্রা । সামান্যতম শব্দে টুটে যাবে । মহামাত্রের মুঠি সঙ্গে সঙ্গে চলে যাবে পাশে রাখা তরোয়ালের দিকে । কুশলী ! অতি কুশলী ! যা শিখে এসেছেন, এতকাল ধরে যা যা চলে আসছে, সবই নিপুণভাবে প্রয়োগ করতে পারেন এঁরা । তার থেকে এতটুকু সরলে, এতটুকু কল্পনাশক্তির ব্যবহার করলে এঁরা বিচলিত হয়ে পড়েন । বৃষ্টি সব গেল, শাস্ত্র, রাজ্য, সংসার, দেশ, সব ভেঙেচুরে গেল । চণক ধীরে ধীরে মাথা নাড়লেন, না এঁদের সঙ্গে তাঁর মিলবে না । তিনি পরিকল্পনায় বিশ্বাসী । প্রকল্পনা । প্রকৃষ্ট কল্পনা । তিনি স্বপ্ন দেখেন । কোনও স্বপ্নকেই অগ্রাহ্য করেন না । কবে কোনকালে রাজা জনক, কি ইক্ষ্বাকু, কি যযাতি কী করেছিলেন, অবশ্যই সেগুলি শ্রোতব্য, বিচার্য, কিন্তু সে সবই ভিত, সেই ভিতের ওপর দাঁড়িয়ে বহু দূর দেখতে হবে । সু-উচ্চ অট্টালক স্থাপন করতে হবে । না হলে সকলই বৃথা ।

তিনি কুটিরের বাইরে চলে এলেন ধীর পদক্ষেপে । এই মধ্যদেশে যাকে নাসিকা কুঞ্চিত করে গান্ধাররা বলে ও-স্থানও তো প্রাচীই, পাপভূমি, কীকট দেশ, এখানে অপেক্ষাকৃত আগেই সূর্যোদয় হয় । যতই পূর্বে যাওয়া যাবে, ততই শীঘ্র সূর্য উঠবে । একটি সূক্ষ্ম গণনা আছে । চণক জানেন আজ সূর্যোদয়ের সময় পাঁচ প্রহরের কিছু আগে । আকাশ আজ পরিষ্কার । সূর্যোদয়ের বহু পূর্বেই পদ্মের অভ্যন্তরের মতো একটি মৃদু লাল আভা পূর্বচল থেকে ধীরে ধীরে গগনমণ্ডলে ছড়িয়ে পড়বে । বালার্কর চেয়ে এই আভা তাঁকে আকৃষ্ট করে বেশি । তাঁর হৃদয়মণ্ডলেও যেন ছড়িয়ে যায় এই আভা । তিনি এখন কুটির দুয়ারে বসে এই সূর্যোদয়ের পূর্ব লগ্ন দেখবেন অধিকূল যেমন ঋষি কুৎস আঙ্গিরস দেখেছিলেন

ইদং শ্রেষ্ঠং জ্যোতিষাং জ্যোতিরাগাত

চিত্রঃ প্রকেতো অজনিষ্ট বিভূ ।

তিমির বিদীর্ণ করে, সকল জ্যোতির জ্যোতি উষা আসছেন । কুৎস উষা ও রাত্রিকে দুই ভগ্নী রূপে কল্পনা করেছেন । উষা শ্বেতা, রুশতী, আর রাত্রি কৃষ্ণা । উষা অজীগর্ ভুবনানি বিশ্বা... । উষা জাগালেন । জাগাচ্ছেন । জাগিয়ে থাকেন এই বিশ্বভুবন । এই সময়ে কিছু ভাবতে ইচ্ছা করে না । খুব বেশি দুশ্চিন্তা করার মানুষও এমনিতে তিনি নন । এখন তিনি ডুবে আছেন রুশতী উষার আবির্ভাবরসে । নীরঞ্জা কৃষ্ণা রাত্রির রূপও তিনি দেখেছেন এই দু মাসে । অরণ্যের মধ্যে রাত্রি যে

কী নিবিড়, কী নিকষ, তা লোকালয় থেকে কল্পনা করা যায় না। লোকালয়ে মাথার ওপর চন্দ্রাতপ বিছিয়ে থাকে আকাশ। লক্ষ দীপশিখার মতো। কিংবা হরিপ্রভাত, নীলাভ সব হীরের মতো জ্বলে তারকারাজি। অন্ধকার তরল হয়ে যায়। এই অর্জনীতে যেন রাত্রি সত্যিই উষার অপরা ভগ্নী। একেবারে বিপরীত। সে শব্দময়ী। বিল্লিঝঙ্কারে, নিশাচর পাখির ডাকে, মাংসলুক, তৃষ্ণার্ত পশুদের বিচিত্র দুরাগত আওয়াজে তার অস্তিত্ব টের পাওয়া যায়। জোনাকি জ্বলে। কিন্তু সে শুধুই টিপ টিপ জ্বলা, তাতে কোনও আভা নেই। দেখা যায় না কিছু। কিন্তু সম্প্রতি, সুভদ্র, অনঘ সত্যিই ভাবলে! পাটলি গ্রামের কাছে বন্ধুদের নিয়ে গঙ্গা থেকে মধ্যদেশের ভূমিতে অবতরণ করেছিলেন তিনি। নৌকায় সমানে গুট পরামর্শ চলেছে। জীবক কোমারভট্টর উজ্জয়িনী যাবার জনশ্রুতি গঙ্গাপথেই শোনা গিয়েছিল। কত পণ্য বোঝাই ভরী যে পশ্চিম থেকে পূর্বে, পূর্ব থেকে পশ্চিমে ভেসে যাচ্ছে, আসছে। তাদের অনেকের সঙ্গেই রয়েছে জলনিয়ামক। নদীর স্রোতের সমস্ত গুট কথা জানে। জানে কোথায় কোন গ্রামে, কী জনপদে কেমন আহাৰ্য পাওয়া যাবে, নামা নিরাপদ কিনা, নদীদস্যুদের দৌরাহ্ম্য কোন কোন অঞ্চলে। এইসব নৌ-বণিকদের অধিকাংশই ছ মাস সাত মাস কি তারও বেশি গৃহছাড়া, আপনজনের মুখ দেখে না। সেই ক্ষতি হয়ত পূরণ করছে দেশ-দেশান্তরের অভিজ্ঞতা। চোখে দেখা, কানে শোনা। কখনও কৌতুকময়, কখনও কৌতুহলপ্রদ, কখনও ভয়ঙ্করের ধার ঘেঁষেও যায় সেসব কাহিনী।

—কারে পার করো ভাই, ও পাটলী।

—দেশ জিজ্ঞাসা করি নাই। কথায়বার্তায় মনে হয় তক্ষশিলার স্নাতক। মগধ যায়।

—ভূমি কারে নিয়া যাও ?

—আর কইও না। বহু লক্ষ পণের বারণসী লইয়া যায়। চম্পার পথে যমের সদৃশ কুন্তীর বণিকের নৌকা উল্টায়। পণ্য সব জলে গেছে। বণিক বয়সে তরুণ, মায়ের জমা কাহন-কড়ি নিয়া বার দিয়াছিল। সবার সব থাকে, দুঃখী মানুষটারই সব যায় ভাই, কারে দোষ দিব, কও। মাথার যেন দোষ হচ্ছে, মনে লয়। আপন মনে বিড় বিড়ায়, মাঝি, উহারে ঘরে লইয়া যাই।

—আহা ! আহা ! যাও ভাই। ভাগ্যে থাকে আবার সকলই হবে।

কেউ কেউ বলল জীবক কোমারভট্ট আহূত হননি। শ্রেণীক বিশ্বিসার নিজেই উদ্যোগ করে পাঠিয়েছেন তরুণ বৈদ্যকে। অতি অল্পসময়ের মধ্যে কোমারভট্টর খ্যাতি নাকি ছড়িয়ে পড়েছে চার দিকে। রাজা বিশ্বিসার এই সুযোগে চণ্ড মহাসেনের চণ্ডতা প্রশমের আশায় আছেন। অর্থাৎ, মগধরাজ নিজেও ওই চণ্ডরাজকে ভয় করেন, তার সখ্য চান যেন তেন প্রকারেণ। একটি ক্ষত্রিয়বংশীয় যোদ্ধাবেশী যাত্রী সকৌতুকে বলছিল, 'কেন, অবন্তীরাজের কি বাসবদত্তা ছাড়া আর সুন্দরী কন্যা নেই ? আর মহারাজ বিশ্বিসারেরও কি বীণা কি বংশীবাদন আসে না ! না হলে কৌশাধীরাজ উদয়নের মতো তিনিও চণ্ডরাজাটার জামাতা হতে পারতেন ! সব দিক রক্ষা হত !'

এইসব কথা শুনে চার বন্ধু পরস্পরের সঙ্গে দৃষ্টিবিনিময় করত নীরবে। এইসব ঘটনা যদি সত্য হয়, তাহলে তো গাঙ্গার থেকে এত দূর আসা একপ্রকার বৃথাই হল ! অবশেষে পাটলি গ্রামে এক সম্পন্ন গৃহস্থের অতিথিশালায় দু রাত পরামর্শের পর স্থির হল শ্রাবস্তী ও বৈশালী ঘুরে আসা প্রয়োজন। শ্রাবস্তী ও বৈশালী মগধের মিত্ররাজ্য। সেখান থেকে চণ্ড মহাসেনের বিরুদ্ধে সাহায্যের আশা থাকলে হয়ত মগধরাজ গাঙ্গারের প্রস্তাবটি বিবেচনা করে দেখতে পারেন। কিন্তু চণ্ডরাজাটি কাউকেই জ্বালাতে ছাড়েন না। নিজের জামাতার সঙ্গেও প্রণয় নেই। এ কে সাধারণ দৌত্যকর্ম নয় ! মহামাত্র দর্ভসেন যাই বলুন না কেন ! দেব পুঙ্করসারী কুটকক্ষে তাঁকে সতন্ত্রভাবে ডেকে বলে দিয়েছিলেন, যেভাবে হোক অবন্তীরাজ প্রদ্যোত মহাসেনকে নিরুদমি করার ব্যবস্থা করতে হবে, মগধরাজের বন্ধুত্ব চাই-ই চাই। কাজেই চণক প্রচলিত পথ থেকে সরিয়ে রাজাঙ্কার বিরোধী তো কিছু করেননি ! তবু কেন দর্ভসেনের আবির্ভাব হল ? মন্তিরূপে প্রাণগুলি ঘুরে ফিরে বেড়াচ্ছে, গণনার উত্তর মিলছে না। চণক তাই বড় বিভ্রান্ত বোধ করছেন। রাজগৃহের যে অতিথিশালায় তাঁর সঙ্গী তিন জনের আসবার কথা, সেখানে তিনি নিতাই খোঁজ নিয়ে থাকেন। কিন্তু না। কোনও চিহ্ন নেই ! অথচ বোঝা যাচ্ছে, তাঁর অজ্ঞাতবাসের দিন ফুরোল। প্রথম কারণ, মগধের চর। দ্বিতীয়

কারণ, দর্ভসেন। আটবিকদের জেগে ওঠবার আগেই, এদিকে তারা আসবার আগেই, তাঁকে এ স্থান ত্যাগ করতে হবে। আটবিকরা থাকে অরণ্যের নিবিড়তর অঞ্চলে। সেখানে বড় বড় বনস্পতি বহুক্ষণ দিনের আলো ঠেকিয়ে রাখে। তারা রাত্রে বহুক্ষণ জেগে জেগে নৃত্যগীত, আমোদ-প্রমোদ করে, নিশাচর প্রাণী সব। সকালে তাদের ঘুম ভাঙতে আর একটু বিলম্ব হবে। এই সুযোগে চলে যেতে হবে। সংকল্প স্থির করে তিনি নিকটবর্তী বন্য সরোবর থেকে ভালো করে স্নান করে এলেন, কুটির এসে ক্ষুদ্র পোটিকা থেকে পীতবর্ণের অধোবাস বার করে পরলেন। পায়ে গান্ধারদেশীয় পাদুকা। গায়ে শ্বেত উত্তরীয়। কাটি থেকে তুলে নিয়ে শুভ্র উপবীত বক্ষে স্থাপন করলেন যথাযথ। তার পর সুবর্ণমণ্ডিত কঙ্কতিকা দিয়ে তাঁর স্বর্ণাভ কৃষ্ণ কেশ আঁচড়ালেন। দর্ভসেন ততক্ষণে উঠে বসেছেন। বললেন, 'ভালো, তুমি তবে প্রশস্ত ?'

চণক বললেন, 'হ্যাঁ। এবার যত শীঘ্র পারি এ স্থান ছেড়ে আমাদের চলে যেতে হবে। আটবিকরা যে-কোনও সময়ে এখানে এসে পড়তে পারে। এসে আমাদের দেখলে প্রীত হবে না।'

দর্ভসেন মুখে একটা অবজ্ঞাসূচক শব্দ করে বললেন, 'কেন ? তুমি কি আটবিকদের মুখোমুখি হতে ভয় পাও নাকি ?'

চণক গম্ভীর স্বরে বললেন, 'ওদের তীরে তীক্ষ্ণ বিষ মিশ্রিত থাকে আর্ঘ্য, দূতকার্য সমাধা না করেই যমসদনে যাওয়ার ইচ্ছা আমার নেই। আপনি ওই সরোবরে চলে যান। ওই যে শিংশপা বৃক্ষ দুটির মাঝখানটায় দেখুন, চকচক করছে ! আমি অপেক্ষা করছি।'

কিছুক্ষণ পরেই দর্ভসেন মুখমণ্ডলের জল উত্তরীয় প্রাপ্ত দিয়ে মুছতে মুছতে ফিরে এলেন। বললেন, 'চলো। বিষের তীরকে দর্ভসেন ভয় পায় না। কিন্তু কার্যসিদ্ধির পূর্বে অনর্থক গোলমাল, রক্তপাত এসব অশুভ ব্যাপারে জড়িয়ে পড়াটা ঠিক নয়।'

দুজনে অবিলম্বে বনানীর উত্তর প্রান্তের দিকে চলতে লাগলেন। ক্ষুদ্র মাটির কুটিরের মধ্যে একটি কিলিঞ্জক বিছানো রইল। এক প্রান্তে একটি নিবাসিত মাটির প্রদীপ। একটি মাটির পাত্রে জলে ভেজানো কিছু সুগন্ধ বন্যকুসুম। এবং কিলিঞ্জকের ঠিক মাঝখানে একটি সুবর্ণমণ্ডিত কঙ্কতিকা। কুটিরের দুয়ার বন্ধ করে বাইরে বেরিয়ে আসবার সময়ে দর্ভসেন বললেন, 'কিছু যেন ফেলে এলে ?'

—কিছু নয়, বলতে বলতে চণক নিমেষে বনভূমির অনেকটা পার হয়ে গেলেন। দর্ভসেন বললেন, 'সহসাই যেন তোমার আচরণে একটা অস্বাভাবিক দ্রুতি এসে গেছে। এতদিন তো এখানেই বাস করছিলে ! বসেই ছিলে !'

চণকের চোখ ঝলসে উঠল, দর্ভসেন দেখতে পেলেন না। আত্মসংবরণ করে চণক বললেন, 'ছিলাম সন্ন্যাসী-বেশে। দুজন সন্ত্রাস্ত আর্ঘ্যপুরুষকে তাদের বাসস্থানের ত্রিসীমায় দেখতে পেলে আটবিকরা অবশ্যই লক্ষ্যভেদ করবে। শীঘ্র চলে আসুন।'

বন পার হয়ে নগরপ্রান্তে পৌঁছবামাত্র গান্ধারের রক্ষীবাহিনী তাঁদের ঘিরে ধরল। মহামাত্র দর্ভসেনের অশ্ব এবং আরও একটি অশ্ব চণকের জন্য নিয়ে তারা সারারাত অপেক্ষা করছিল। এক লাফে নিজের ঘোড়াটির ওপর চড়ে খুব স্বচ্ছন্দ বোধ করছিলেন চণক। রক্ষীদের মধ্যে কারও কারও মুখ চেনা। তাদের সঙ্গে কুশল বিনিময় হল। সসন্ত্রমে প্রশ্নের উত্তর দিল তারা। তাদের অনর্থক শরীর কাঠন এবং মুখের পেশীগুলি স্থির রাখার চেষ্টা দেখতে দেখতে চণকের মনে হচ্ছিল, তিনি কি এই দু মাসে একটু বুনো হয়ে গেছেন ! নিজেকে যেন আর দর্ভসেনের কর্তৃত্বাধীন ওই রক্ষীবাহিনী, যা গান্ধারের প্রতীক, যা উচ্চবর্ণ সভ্যতার ও রাজকীয় আচারআচরণেরও প্রতীক, তার সঙ্গে খাপ খাওয়াতে পারছেন না। স্বাচ্ছন্দ্য এবং অস্বস্তি এই দুই বিপরীত অনুভূতির মাঝখানে পড়ে তিনি যেন একটু হতবুদ্ধিও।

দর্ভসেন বললেন, 'নগরদ্বারে গিয়ে গান্ধারের দূতবাহিনীর আগমন ঘোষণা করো রক্ষীজ্যেষ্ঠক।' চণককে বললেন, 'আমরা নগরের বাইরে এক পান্থশালায় ছিলাম এতদিন। তোমাদের কারও দেখা পাই না ! না পেলে তো প্রথানুযায়ী কিছু করতেও পারি না। ভালো সমস্যাতেই ফেলেছিলে, যা হোক।'

চণক উত্তর দিলেন না। দর্ভসেনের পাশাপাশি চলছিল তাঁর ঘোড়াটি। রাশ টেনে একটু পিছিয়ে

নিলেন। তারপর চিন্তিত মুখ অল্প নিচু করে মন্দগতিতে চলতে লাগলেন।

রোদ ক্রমশ প্রখর হয়ে উঠছে। নগরদ্বার পেরিয়ে গেল। নগরদ্বারের অতি স্থূল কঠিন ইন্দ্রকীলকের পাশেই দৌবারিকদের পীঠাগার, একজন অস্বারোহী তীরবেগে রাজপুরী অভিমুখে ছুটে গেল গান্ধার দূতদের আগমনবার্তা নিয়ে। আর একজন সমাদরে নিয়ে যাচ্ছে তাঁদের পথ দেখিয়ে। ক্রমশই পথগুলি আরও প্রশস্ত পরিষ্কার, একটি দুটি করে সৌধ দেখা দিচ্ছে। সুসজ্জিত নগরবাসীরা বেরিয়ে পড়েছে। মুছে যাচ্ছে তমসাবৃত, তরুছায়াশীতল অরণ্য, পাতার কুটির। দূরে ডিম ডিম শব্দ। কালো কালো মানুষগুলির হাতে অব্যর্থ-লক্ষ্য তীর ধনুক। মুছে যাচ্ছে নীরঞ্জ অঙ্ককারে একটি মাত্র দীপের আলো, উদ্দক, রগুগা। চণক ভাবলেন একটি অধ্যায় শেষ হল তাহলে। যখন তরুশিলা থেকে বেরিয়েছিলেন, তখন কি ভাবতে পেরেছিলেন এইসব অভিজ্ঞতার কথা। হয়ত এর পরেও যা ঘটবে তার মধ্যেও থাকবে কল্পনার অতীত কিছু। যতই পরিকল্পনা করুন, জীবনযাপন ও কর্তব্যকর্মের মধ্যে যদি অভাবনীয়র প্রবেশ মাঝে মাঝে না ঘটে, তো জীবনের স্বাপ যেন লবণহীন ব্যঞ্জনের মতো মনে হয়। সুতরাং বিপদ থাক। থাক-যা কিছু আকস্মিক, রোমাঞ্চক। মহামাত্র দর্ভসেনের মতো বাঁধানো রাজমার্গ দিয়ে চলা সব সময়ে তাঁর পোষাবে না।

8

নদীতীরে পাষাণময় গৃহ। শ্রেষ্ঠী নদীতীর বহুদূর পর্যন্ত বাঁধিয়ে দিয়েছেন। এই গৃহও দ্বিতল। উপরিতলে জলবণিকরা ইচ্ছামতো বিশ্রাম নিতে পারে। রয়েছে বিশ্রামাগার। বিশ্রামাগারে সুশয্যা, কাষ্ঠফলক, ব্যবস্থাপক, দাসদাসী, জলপূর্ণ কুন্ত। নিচতলায় নারী পুরুষের স্বতন্ত্র বোশাগার। বহুজনের বসবার জন্য কাষ্ঠাসন, পাষাণবেদী। এই গৃহের উন্মুক্ত প্রশস্ত অলিন্দপথে দাঁড়িয়েই উৎসবমস্ত নগরবাসীদের দেখছিলেন তিন ব্রাহ্মণ। সহসা বৃষ্টি আসতে তাঁরা একটি ভারি সুন্দর দৃশ্য দেখলেন। মৌচাকে ঢিল মারলে যেমন মৌমাছিয়া সবুগে বেরিয়ে এসে এক দিকে ধাবিত হয়, বৃষ্টির বিন্দুগুলি তীরের ফলার মতো আকাশ থেকে নেমে আসবার সঙ্গে সঙ্গে তেমনি বহু তরুণী, যারা এতক্ষণ বিপণিগুলিতে কেনা-কাটায় ব্যস্ত ছিল, ব্যস্ত ছিল পরস্পরের সঙ্গে মধুরালাপে, তারা মাথা নিচু করে এলোমেলো ভাবে কিন্তু সবুগে ছুটে আসছে বোশাগারে আশ্রয় নেবার জন্য। তরুণরাও আছে। আছে বালকবালিকার দল। কিন্তু তরুণীগুলি সযত্নে প্রসাধন করেছে। তাদের মাথার কবরীশোভন কুসুমালঙ্কার থেকে পায়ের আলতা পর্যন্ত নিখুঁত সজ্জা। কঠের মালা দুলছে, কাষ্ঠীগুলি ঝাপটা মারছে নিতম্বে, ওই কার পা থেকে নুপুর খসে পড়ে গেল, নিচু হয়ে তুলতে যেতেই খসে পড়ে গেল কঠহারের কেন্দ্রমণি পুষ্পগুচ্ছটি। কেউ হয়ত দু হাতে মাথার ওপরটা ঢাকছে বৃষ্টি থেকে রক্ষা পাওয়ার জন্য।

হঠাৎ কনিষ্ঠ ব্রাহ্মণ বলে উঠলেন, 'দেখুন দেখুন। ওইদিকে দেখুন।'

তিন জনে তাকিয়ে দেখলেন সবাই ছুটেছে। ঝালি একটি মেয়ে আসছে স্বাভাবিক ভঙ্গিতে। চলার ধরনটি ভারি সুন্দর। অতি মধুরও নয়, অতি দ্রুতও নয়। রাজহাঁস যেমন অবলীলীয় জলে ভেসে যায়, তেমনি। মেয়েটির গাত্রবর্ণ পদ্মের কচি পাপড়ির মতো কোমল, অরুণাভ মসৃণ। বৃষ্টির জলে তার কোনও প্রসাধনই ধুয়ে যায়নি। অর্থাৎ সে প্রসাধনবিনাই এমন। ঋপ্রমিত কালো কেশের মধ্যে মুখটি ফুটে আছে কল্পার কুসুমের মতো। আকৃতি, গঠন, অঙ্গসৌন্দর্য ও অবয়বসংস্থানে এত সুসমা যে, ব্রাহ্মণদের দৃষ্টি যেন এক শীতল শান্তি অনুভব করল। স্বগতমেয়ে আশ্চর্য মেয়েটির কেশ। ঠিক ময়ূরপুচ্ছের মতো তার মাথার চারদিকে চালাচিত্র রচনা করেছে। আর কেশাগ্র সব সাপের ফণার মতো বাঁকানো।

কনিষ্ঠ ব্রাহ্মণ বিস্ময়িত লোচনে চেয়ে চেয়ে বললেন, 'একেই বলে যথার্থ কেশকল্যাণী। এমনটি আর দেখিনি।'

জ্যেষ্ঠ ব্রাহ্মণ বললেন, 'এ যে কেশকল্যাণী, মাংসকল্যাণী ও ছবিকল্যাণী তাতে সন্দেহ নেই। ত্বক দেখুন জ্বলজ্বল করছে। গঠন দেখুন সুকুমার, নির্দোষ। কিন্তু বড় অলস।'

মধ্যম বললেন, 'ঠিকই বলেছেন আর্ঘ, স্বামীর কপালে দক্ষোদন ।'

জ্যেষ্ঠ বললেন, 'সুন্দরী পত্নীও হবে আবার সুসিদ্ধ অন্নবঞ্জনও সময়মতো পাওয়া যাবে, এত ভাগ্য করে কজন পুরুষ আর আসে বলো ! ও দুটি বস্তু আজকাল আর একত্র পাওয়া যাচ্ছে না ।'

কিশোরী ততক্ষণে বেশাগারের অলিন্দে ব্রাহ্মণদের পাশেই প্রায় এসে দাঁড়িয়েছে । তার দুম্বল উত্তরীয়টি এবং নীলাভ শ্বেত অধোবাসটি দেহের সঙ্গে একেবারে জড়িয়ে গেছে । ফুটে আছে পুষ্পমালার দুধারে উশুখ শঙ্খের মতো বন্ধযুগল । এমন নিখুঁত নাতিস্থূল, মনোহর শ্রেণিদেশ, এমন সূচারু জঙ্ঘা, প্রস্ফুটিত কমলপত্রের মতো চরণ ব্রাহ্মণরা আর দেখেননি ।

সদীক্ষ দৃষ্টিতে ব্রাহ্মণদের দিকে তাকিয়ে কিশোরী বলল, 'আপনারা কি আমায় কিছু বলছেন ?'

মেয়েটির কণ্ঠস্বরে চমৎকৃত হলেন তিন ব্রাহ্মণ । কনিষ্ঠ বললেন, 'কণ্ঠকল্যাণী, না স্বরকল্যাণী, কী বলবে একে ? যদিও আমাদের অনুসন্ধানের মধ্যে এটি পড়ে না ।'

জ্যেষ্ঠ বললেন, 'অস্থিকল্যাণীও বটে, দস্তপঙ্ক্তি যেন ঘনবদ্ধ হীরকের সারি ।'

—কিছু বললেন ? আবার জিজ্ঞেস করলো কিশোরী ।

—না । বলছিলাম মা, তোমার সখীরা কেমন বৃষ্টি আসতেই দৌড়ে এসে এই গৃহে আশ্রয় নিল, রক্ষা পেয়ে গেল । তুমি ভিজে গেলো ।

মেয়েটি হাসল । বহুদর্শী অভিজ্ঞ মানুষ যেমন অল্পদর্শী, অল্পবুদ্ধি মানুষের কথা শুনে হাসে, তেমনি অনুকম্পামিশ্রিত ক্ষমার হাসি ।

জ্যেষ্ঠ ব্রাহ্মণ বললেন, 'মা, কিছু বলবে ?'

মেয়েটি বলল, 'একটা প্রশ্ন হঠাৎ মনে এলো, আপনারা তো বিদ্বান, বহুদর্শীও বটে, অনুমতি দেন তো জিজ্ঞাসা করি ।'

—নিশ্চয় জিজ্ঞাসা করবে । এর আবার অনুমতি কি মা !

মেয়েটি বলল, 'বহু অলঙ্কার আর মূল্যবান মণিমুক্তাখচিত পরিচ্ছদে ভূষিত অভিষিক্ত রাজা, ধরুন মাথায় মুকুট, হাতে দণ্ড— হঠাৎ বেগে দৌড়তে আরম্ভ করলেন...যথায়থ হবে কি ?'

জ্যেষ্ঠ ব্রাহ্মণ হেসে বললেন, 'একেবারেই না । অভিষিক্ত রাজা হবেন শার্দূলগতি, তাঁর মহিমা যতটা না আকৃতিতে, তার চেয়েও অধিক তাঁর গতিভঙ্গিতে থাকে মা ।'

মেয়েটি বলল, 'তবে রাজহস্তী ? পিঠে সুদৃশ্য বজ্রাচ্ছাদন, সুখাসন, তার ওপর শ্বেতচ্ছত্র, মস্তকে ও শুণ্ডে পত্রলেখা । এই হস্তী যদি দৌড়ায় ?'

'ভারি কুদৃশ্য হবে মা' মধ্যম ব্রাহ্মণ বললেন, 'অতি ভয়াবহও বটে ! প্রথমেই লোকে ভাববে হস্তীটি পাগল হয়ে গেছে । মদবারি বরছে কিনা লক্ষ করবে । কারণ ওই সময়ে হাতি সাময়িকভাবে ক্ষিপ্ত হয় । যখন দেখবে তা-ও নয়, তখন এই হস্তী সম্পর্কে তাদের আর কোনও দয়াই থাকবে না । শত শত বাণ বর্ষণ করে হয়ত মেরেই ফেলবে । রাজহস্তী হল গজেন্দ্র, চলবে গজেন্দ্রগমনে ।'

মেয়েটি মৃদু হেসে বলল, 'আচ্ছা, তবে সন্ন্যাসী ? মুণ্ডিতমস্তক, সৌম্যদর্শন সন্ন্যাসী ? হাতে ধরুন ভিক্ষাপাত্র । হঠাৎ দিগবিদিক জ্ঞানশূন্য হয়ে দৌড়তে আরম্ভ করলেন ।'

তিন ব্রাহ্মণই হেসে উঠলেন, 'ছিঃ, মানাবে না মা । সন্ন্যাসীকে কি অর্ধৈর্ষ্য মানায় । তিনি তো সন্ন্যাস গ্রহণের সঙ্গে সঙ্গে প্রাণভয়ও বিসর্জন দিয়েছেন । তিনি হবেন ক্ষান্তিবাদী । হাত-পা নাক কান কেটে ফেললেও তিনি ধৈর্যশীল থাকেন । তিনি অকস্মাৎ ধাবিত হলে, ইতরজন্ম কী শিখবে ?'

—উৎসবসাজে সজ্জিত সদবংশজাত নারীকেও ছুটলে মানায় না আর্ঘ ।

চমকে উঠলেন তিন জন । জ্যেষ্ঠের চোখে কৌতুক ঝিলিক দিল । কিশোরী নিজেই অনায়াসে নারীর দলে ফেলে দিল । একেই সে সর্বাঙ্গসুন্দরী, তার ওপর তার অস্বাভাবিক এত মনোহর যে, এই মুহূর্তে সত্যি কথা বলতে কি তাঁর ইচ্ছে হচ্ছে মেয়েটির দৌড়নোর দৃশ্য দেখতে । তবে এটা সত্যি অল্পবয়স্কা হলেও মেয়েটি হরিণী প্রকৃতির নয়, বরং যেন একটা হংসবালিকা । মানস সরোবরে রাজহংসী ।

মেয়েটি এই সময়ে হংসের মতোই কটাক্ষ হেনে বলল, 'বৃষ্টিপাতে অধোবাস অঙ্গের সঙ্গে জড়িয়ে গেছে আর্ঘ, আপনারা কি চান আমি দৌড়তে গিয়ে পড়ে হাত-পা ভাঙি ?'

—কখনও না মা, কখনও না। তিন জনে সম্বন্ধে বলে উঠলেন। তাঁদের মনোগত হচ্ছে কি মেয়েটি পড়তে পেরেছে ?

—হাত-পা ভাঙলে আর কারও কিছু না, কিন্তু আমার পিতামাতা যে আশা করে আছেন, এত যত্নে লালিতা কন্যাকে সুপাত্রে অর্পণ করবেন, তা কি পারবেন ? বিবাহযোগ্য যুবারা বরং দক্ষোদন খেতে রাজি, কিন্তু ভগ্নহস্ত, ভগ্নপদ কন্যা কদাপি বরণ করবেন বলে তো মনে হয় না।

—ঠিকই বলেছ মা। একেবারে ঠিক। হাসি চেপে জ্যেষ্ঠ ব্রাহ্মণ বললেন। মেয়েটি খুবই সপ্রতিভ। কিছুটা প্রগলভও বটে। তাঁদের কথাবার্তা বোধ হয় কিছু কিছু শুনতে পেয়েছে, এবং সঙ্গে সঙ্গে উপযুক্ত উত্তর দিয়েছে। অকালপক্ষ, কিন্তু স্বীকার করতেই হবে তারি মনোহর।

মধ্যম ব্রাহ্মণ জিজ্ঞাসা করলেন, 'তোমার নামটি কী মা ?'

—বিসাখা।

—কার কন্যা ?

—পিতা ধনঞ্জয় সেটুঠি, মাতা দেবী সুমনা।

—কোন ধনঞ্জয় ? ভদ্রিয় নগরের মেণ্ডক শ্রেষ্ঠীর পুত্র না কি ?

—তিনিই। বিশাখার কণ্ঠে শাস্ত গৌরব।

—তুমি ধনঞ্জয় শ্রেষ্ঠীর কন্যা ? সন্মানে বললেন জ্যেষ্ঠ ব্রাহ্মণ, তবে তো পুষ্পরাগ খুঁজতে খুঁজতে আমরা আসল হীরকমণিই পেয়ে গেছি। বলতে বলতে তিনি চকিতে একটি দীর্ঘ সুবর্ণহার বিশাখার গলায় পরিয়ে দিলেন। তার বহুমূল্য রত্নখচিত কেন্দ্রমণিগুলি তার বক্ষের নিচে দুলাতে লাগল। ব্রাহ্মণ বললেন— শ্রাবস্তীবাসী মিগার শ্রেষ্ঠীর পক্ষ থেকে এই সুবর্ণহার দিয়ে তোমায় আশীর্বাদ করতে অনুমতি দাও মা। তাঁর সুপুত্রের জন্য আমরা কন্যা নির্বাচন করতে বেরিয়েছি।

আশেপাশে সখীরা হাততালি দিয়ে কলকল করে উঠল, 'বিসাখা বৃত হয়ে গেল, বিস্মাখা বৃত হয়ে গেল।'

বিশাখা সপ্রতিভ কণ্ঠে জ্যেষ্ঠ ব্রাহ্মণকে জিজ্ঞেস করল, 'কী যেন নাম বললেন সেটুঠির ?'

—মিগার, মৃগার। কোশল রাজধানী শ্রাবস্তীতে বাস।

—আর তাঁর পুত্র ?

—তরুণ পূর্ণবর্ধন।

বিশাখা গভীর মুখে সখীদের ডেকে বলল, 'সই, শীঘ্র যাও, পিতাকে খবর দাও, রথ পাঠিয়ে দিতে বল, এখন তো আর পায়ে হেঁটে যেতে পারব না !'

বৃষ্টির বেগ এতক্ষণে প্রশমিত। যারা বৈশাগারে অলিন্দে আশ্রয় নিয়েছিল, সেইসব সাকেতবাসীরা কৌতূহলের দৃষ্টিতে বিশাখা এবং তিন ব্রাহ্মণের দিকে তাকাতে তাকাতে বাড়ি ফিরে চলল। অনেকে এখনও অপেক্ষা করছে। শ্রেষ্ঠীর গৃহ থেকে রথ আসবে, শ্রাবস্তীর তিন বটুকে নিতে ধনঞ্জয় নিজে আসেন কি না, এসব অনেক কৌতূহলের বিষয় এখনও রয়েছে। কয়েকজন রথের কথা বলতে চলে গেলেও অধিকাংশ সহচরীই এখনও বিশাখার চারপাশে তাকে প্রায় বৃত্তাকারে ঘিরে রয়েছে। আছে সাকেতের আরও অনেক বড় ঘরের মেয়েরাও। তাদের কলকণ্ঠ বৃষ্টির শব্দকে বহুশব্দ ছাপিয়ে হচ্ছে। আজ উৎসবের দিনে, মধ্যাহ্নবেলায় সরযুতীরে সাকেতের সবচেয়ে গুরুত্বপূর্ণ কৌতূহলপ্রদ ঘটনাটি ঘটে গেল। বিবাহ জীবনের একটা আবশ্যিক ঘটনা, শিক্ষা সমাপন করে গৃহে ফিরলেই পুত্রদের বিবাহ দেন সব গৃহস্থরাই। দু-চারজন যারা বিবাহ করতে চায় না, স্বধি ব্রহ্মজ্যা নিতে চায়, তাদের কথা স্বতন্ত্র। কিন্তু আর সবার ক্ষেত্রেই বিবাহ তো ঘটছেই। কোনও কোনও পুরুষের দু-বার, তিন-বার। কচিং কখনও কোনও রমণীরও দ্বিতীয়বার বিবাহ ঘটে। কিন্তু তবু বিবাহ একটা মহা উদ্বেজনীর বিষয়। এখনই আরম্ভ হবে সারা সাকেতে নানান জল্পনা-কল্পনা। যারা সাক্ষী রইল ঘটনাটির, তারা বাড়ি গিয়ে পরিজনদের বলবে, তারা আবার কল্পনা করে তাদের পরিচিতদের। বাড়ির দাস-দাসীরা যেতে আসতে সংবাদ বিনিময় করবে। এইভাবে ঘটনাটি পল্লবিত হয়ে সাকেত এবং তার আশপাশের গ্রামগুলিতেও ছড়িয়ে পড়বে। কারণ ধনঞ্জয় যেমনি প্রভাব-প্রতিপত্তিশালী তাঁর কন্যা তেমনি রূপসী ও গুণবতী। এবং উভয়েই লোকপ্রিয়।

সাকেত যেতে হলে গঙ্গা পার হয়ে বাম দিকে বেঁকে যেতে হয়। রাজগৃহ থেকে শ্রাবস্তী পর্য্যায়ান্ত্রি যোজন পথ। ঘন অরণ্য না থাকলেও ছোটখাটো বন আছে। তা ছাড়া সবটাই ধানক্ষেত, যবক্ষেত, তিলক্ষেত। ছোট ছোট গ্রাম, বড় বড় কানন। এই পথ দিয়ে তথাগত বুদ্ধ রাজগৃহ থেকে শ্রাবস্তীতে যান বলে এক যোজন অন্তর অন্তর বিশ্রামাগার নির্মিত হচ্ছে। শ্রাবস্তীর মহাশ্রেষ্ঠী সুদন্ত শ্রাবস্তীতে গৌতম বুদ্ধর বসবাসের জন্য এক বিশাল উদ্যান অষ্টাদশ কোটি সুবর্ণ দিয়ে কিনেছেন নাকি। বহু সহস্র ইষ্টকবর্ষকী এবং তক্ষা মিলে অত্যন্ত শীঘ্র শেষ করছে সেই জেতবনের মহাবিহার। এখনও কাজ চলছে। বিশেষত, বিশ্রামাগারগুলির অলঙ্করণ তো এখনও অবশিষ্ট। গত বর্ষা ওই জেতবনেই অবস্থান করেছেন গৌতম। পরে এসেছেন রাজগৃহে। বেণুবনে বাস করছেন, বহু ভিক্ষু সহ। রয়েছে বিমাতা মহাপ্রজাবতী এবং বুদ্ধজামা যশোধরাদেবীও। ভিক্ষুণী সংঘে সম্প্রতি বুদ্ধজনক শুদ্ধোদনের মৃত্যুর পর মহাপ্রজাবতী নাকি আলুলায়িত কুন্তলে, সামান্য বস্ত্র ধারণ করে, আরও বহু অভিজাত শাক্যরমণীর সঙ্গে বহু যোজন পথ অতিক্রম করে বৈশালীতে বুদ্ধ সকাশে গিয়ে উপস্থিত হন। রাজকন্যা, রাজরমণি। বিশেষ শুদ্ধোদন ছিলেন অভিষয় বিলাসী। মহাপ্রজাবতী কখনও মাটিতে পা রাখেননি। ভিক্ষা করতে করতে ছিন্নমলিন বেশে তিনি যখন বৈশালীর মহাবনে কূটাগারশালায় উপস্থিত হলেন তখন ফোটাকে তাঁর চরণ দুটি নাকি ভীষণ আকার ধারণ করেছিল। রক্তাক্তচরণ গৌতমমাতাকে সেবায় সূস্থ করে তোলেন আনন্দ। এবং বহু কষ্টে বুদ্ধকে সন্মত করান ভিক্ষুণী সংঘ প্রতিষ্ঠা করতে। পরে যশোধরাদেবীও তাঁর পিতৃকুল স্বশুরকুল সর্বত্র থেকে যে অতুল সম্পদ পেয়েছিলেন শাক্যবংশীয় কোন রাজকুমারকে অর্পণ করে এসে ভিক্ষুণী সংঘে যোগ দেন।

বিশ্রামাগার নির্মিত হচ্ছে ভালো। কিন্তু পথ? পথটি তো বাণিজ্যপথও, এটিকে সংস্কার করা যে তো? এই পথটিও যে বড়ই উচ্চাবচ, কঙ্করময়, ধূলিমলিন! গ্রামের বা জনপদের মধ্যে প্রবেশ করলে অশেফাকৃত সূপথ পাওয়া যায়। সে মগধের গ্রাম্যজনেরা নিয়মিত গ্রামকৃত্য করে বলে। গ্রামের পথগুলি, অতিথিশালা, চারণভূমি, নদীপার্শ্ব, পুষ্করিণীগুলি এরা পরিচ্ছন্ন রাখে। কিন্তু রথ যাবার উপযুক্ত পথ নয় সেগুলো। সেনিয় বলেছিল শিবিকায় যেতে, সূমনাদেবীর ইচ্ছা ছিল তাঁর নিজস্ব সিদ্ধদেশীয় অশ্ব চিত্ররথে চড়ে যাওয়াআসা করেন। কিন্তু এখন আর তিনি সেই দূরন্ত বালিকাটি নেই, নেই সেই দুঃসাহসী কিশোরীও। মনে মনে আছেন। কিন্তু বাইরের আকৃতিতে তিনি অতি সম্ভ্রান্ত কুলের বধু, গৃহিণী। সেনিয় রাজি হন না। সাত ঘোড়ার রাজরথ নির্দিষ্ট হয়েছে সূমনার জন্য। ভালোই হয়েছে, দ্রুত পথ পার হয়ে যাওয়া যাচ্ছে। কিন্তু অশ্বগুলি তো বন্য অশ্ব নয়, হাজার হলেও রাজ-মন্দুরায় লালিত-পালিত, যুদ্ধরথের অশ্বও নয়। বড় পাথরের টুকরোর আঘাতে একটি তো রীতিমতো কাতর হয়ে পড়েছিল। একটি নিগমগ্রামে তাকে শুশ্রূষার জন্য রেখে আসা হয়েছে। অন্য একটি শিক্ষিত অশ্বকে জোতা হয়েছে রথে। ছ'টি শ্বেত অশ্বের মধ্যে সেই কপিশবর্ণ অশ্বটিকে সর্বদাই তাঁর সুখাসন থেকে দেখতে পান দেবী সূমনা। আহত অশ্বটির কথা মনে পড়ে যায়।

আবরণী সরিয়ে তিনি দেখলেন অদূরে কয়েকটি কুটির দেখা যাচ্ছে। তিনি সারথিকে থামতে নির্দেশ দিলেন।

—কী গ্রাম এটা, সূতপুত্র?

—বোধ হয় কন্মার গাম দেবী।

—খুব বড় গাম কী?

—খুব বড় নয়। প্রধানত কন্মারদের গ্রাম, ওই যে কুটিরগুলি দেখছেন, ওর পাশে পাশেই সংলগ্ন কামারশালাগুলি। এদের সূক্ষ্ম বস্ত্র প্রস্তুত করার খ্যাতি আছে দেবী। খুব সরু সূঁচ, তীক্ষ্ণধার ছুরিকা, সরু দাঁতের করাত গজদন্ত কাটবার জন্য, এইসব। জীবকরুণী তো এই গ্রাম থেকেই তাঁর শলা চিকিৎসার যাবতীয় বস্ত্র নির্দেশ দিয়ে প্রস্তুত করান। সন্দংশ, অন্তমুখ, দন্তশংকু, স্বস্তিক...

—তাই নাকি!

—হ্যাঁ দেবী, ওই যে সুব্র স্টেটীর শিরঃপীড়ায় মারা যাবার মতো হয়েছিল! মনে হত কেউ

তীক্ষ্ণ ছুরিকা দিয়ে তাঁর মস্তক কেটে ফেলছে। বৈদ্য শুদ্ধশীল এবং সম্মতি আশা ছেড়ে দিয়েছিলেন। জীবক বৈদ্য এই গ্রামের কামারশালা থেকে তীক্ষ্ণধার শস্ত্র নিয়ে গেলেন। সুব্রম সেটটির করোট ভেদ করে দুটি কুমিকীট বার করে দিলেন। তিন সপ্তাহের মধ্যে সেটটি সুস্থ হয়ে উঠল।

সুমনা অবাধ হয়ে রইলেন। করোটি ভেদ করা যায়। তারপর আবার জুড়ে দেওয়াও যায়। এ তো অলৌকিক কাণ্ড! তাঁর স্বশুরগৃহে কিছু ইন্দ্রজাল-বিদ্যার চর্চা আছে। বাইরের দর্শকের কাছে তা অলৌকিক মনে হলেও তিনি জানেন, সেগুলির মধ্যে নিপুণতা আছে, চর্চা আছে, কিন্তু সমস্তটাই কৌশল। কিন্তু করোটি ভেদ করে কীট বার করা! এ তো গৌতম বৃদ্ধর করার কথা। তিনি সম্যকসম্বুদ্ধ। স্বর্গ-মর্ত্য-নরক কোথায় কী হচ্ছে সব তাঁর নখদর্পণে থাকবার কথা। তিনি করলে বোঝা যেত। মক্খলি গোসালকে দেখেছেন এমনি কারুর উদরে হাত বুলিয়ে দারুণ যন্ত্রণার উপশম করতে। ব্যথায় পা ফেলতে পারছে না, তার নিমেষে পা সোজা হয়ে গেল, সে সহজভাবে চলতে লাগল। কিন্তু শস্ত্র দিয়ে করোটি ভেদ!

অশ্বগুলি ক্লাস্ত হয়ে পড়েছে। সারথি এখানে কিছুকাল থামবার অনুমতি চাইছে। সুমনা তো আগেই তাকে থামতে বলেছেন। তাঁর চিন্ত অধীর হয়ে রয়েছে। প্রায় দু মাসের কাছাকাছি তিনি নিজগৃহে অনুপস্থিত। কন্যাকে দেখেননি, স্বামীকে দেখেননি, কতকাল হয়ে গেল! মনে হচ্ছে দুরগামী পাখির মতো যদি দুটি ডানা থাকত, এখনি উড়ে সাকেতের একমাত্র সপ্ততালিক প্রাসাদের চূড়ায় গিয়ে বসতেন।

কিন্তু মগধের এই প্রত্যন্ত গ্রামে পৌঁছেছে রথ মাত্র দু দিন সময়ে। ঘোড়াগুলির মুখের দুপাশে সাদা ফেনা। ওরা নিকটবর্তী কোনও সরোবরে জল-পান করবে, কিছুকাল চরবে। খাবে। তারপর আবার চলতে পারবে।

দুই দাসীর সাহায্যে রথ থেকে নামলেন সুমনা। সাহায্যের প্রয়োজন ছিল না। কিন্তু এমনিই রীতি। সুমনা রাজগৃহের অতি সন্ত্রাস্ত ক্ষত্রিয়কন্যা। বালিকা বয়সে বিশ্বিসারের সহাধ্যায়িনী ছিলেন। তখন কে জানত, এই সামান্য ক্ষত্রিয়কুমার সেনিয় রাজা হবে! অঙ্গরাজ্য জয় করবে! কোশল-বৈশালীর সঙ্গে মিত্রতা স্থাপন করে রীতিমতো মহারাজ্য বিশ্বিসার! সবচেয়ে কৌতূকের কথা সেনিয় ভারি সুদর্শন এবং রূপগর্বী ছিল। দীর্ঘিকা দেখলেই সে কোন-না-কোনও ছলে সেখানে গিয়ে মুখ দেখে আসত। আচার্য খানিকটা আদরে, খানিকটা তিরস্কারে তাকে বিশ্বং সারং যস্য সঃ বিশ্বসারঃ বলে ডাকতেন। চাঁচর কেশ, তীক্ষ্ণ নাসাগ্র, মসৃণ শ্যাম গাত্রস্থক, দীর্ঘায়ত চক্ষু এই বন্ধুকে সহাধ্যায়ীরা সবাই তখন বিশ্বিসার বলেই ডাকতে শুরু করে। মাত্র ষোল বছর বয়সে তাকে যখন পিতা ক্ষেত্রোজা সামান্য একটি চতুষ্পায়ী আসনে হরিদ্রাবর্ণ সিংহচর্ম বিছিয়ে রাজা বলে অভিষিক্ত করলেন, তখন আচার্য প্রদত্ত সেই বিশ্বিসার নামটাই রয়ে গেল, লোকে বলে বটে সেনিয়, কিন্তু সেটা নামের একটা অপ্রধান বিশেষণের পুচ্ছ যেন। সুমনা চলতে চলতে আপনমনেই হেসে ফেললেন। দুজনের বন্ধু বৈশ গভীর ছিল। অর্থাৎ যে কোনও সূত্র ধরে দুজনের মধ্যে মারামারি লেগে যেত। সুমনা শুধু প্রথর বুদ্ধিশালিনীই ছিলেন না, অনুশীলন করেছিলেন দৈহিক বল, ধনুর্বাণ এবং অসিচালনা। যে কোনও ব্যাপারেই সুমনাকে পরাজিত করতে সেনিয়কে যথেষ্ট শক্তিক্ষয় করতে হত<sup>(১)</sup> সংজে হত না। শেষ পর্যন্ত দ্বন্দ্বযুদ্ধে সুমনাকে পরাস্ত করে সেনিয় তাকে মাটিতে ফেলে দিয়ে বিশ্বিকের ওপর চড়ে বসত, চুলের মুঠি ধরে বলত, 'আমি হব রাজা আর তুই তখন হবি আমার প্রতীহারী।'

এক ঝটকায় তাকে ফেলে দেবার চেষ্টা করতে করতে সুমনা বলত, 'প্রতীহারী না আরও কিছু। রাজা না আরও কিছু! আমি হব নিষাদরানি, তুই আমার অনুচর, আমার তুপ-চুন বইবি।'

—তবে রে, তবে তুই প্রতীহারীও নয়, আমার তাশুলের পক্ষি বইবি। কি যেন বলে তাশুলকরকবাহিনী। দাসী, দাসী, দাসী।

সেনিয় এর পর এলোপাথাড়ি মার খেত। বালিকার তীক্ষ্ণ নখ এবং দাঁতের প্রহারে জর্জরিত হয়ে বলত, 'নারী, নারী, নারীরা এমনিই হয়। এত তো অস্ত্রের ব্যবহার শিখছিস, কিন্তু শেষ পর্যন্ত বার করলি সেই দাঁত, নখ আর শিঙ। বন্যপশু আর রমণীর এই-ই তো প্রকৃতিদত্ত প্রহরণ!'



স্থানটি ভারি মনোরম। সিঁকুবার, সপ্তপর্নী, শাল্মলী, পিঙ্গল—বহু বৃক্ষে ঘেরা বন ? না উদ্যান ? বনই মনে হয়। কিন্তু গ্রামজনেরা বনটিকে নিজেদের ইচ্ছা মতো পরিষ্কার করেছে। ছায়াবৃক্ষগুলি রেবেছে, পুষ্পবৃক্ষ রোপণ করেছে। শুষ্ক পত্র কাঠিকুঠি খাঁট দিয়ে ঝুড়িতে তুলছিল একটি শ্রৌড়া, সুমনাকে দেখে বিস্ময়ে সন্ত্রমে সোজা হয়ে দাঁড়ালো, তারপর একটু দূরে সরে গেল। অদূরে একটি বকুল গাছের আড়াল থেকে বেরিয়ে এলো আরও দুটি যুবতী। তাদেরও হাতে খাঁটা, ঝুড়ি।

সুমনা বললেন, 'এখানে কোনও বিশ্রামগৃহ আছে ? কি লতামণ্ডপ ?'

—না তো মা, গাঁয়ে আছে অতিথশালা। এ বনে তো নাই।

—পানীয় জলের সরোবর আছে ?

—ওই তো পুকুর রয়েছে। আমরা স্নান করি, পান করি, সবই...।

—কী করছ এখানে ?

ঝুড়ি দেখিয়ে শ্রৌড়া বলল, 'এইসব ঝুড়িয়ে নিয়ে আগুন করি মা। আমরা তো আর অগ্নিহোত্রী নই যে, ঘরে অগ্নিদেব থাকবেন ! বনটি পরিষ্কারও হল, আমাদের গ্রামকৃত্যও হয়ে গেল। একসঙ্গে দুটি।'

—ওই মেয়ে দুটি-কি তোমার ?

—'মেয়ে নয় মা, বউ', সগর্বে বলল শ্রৌড়া 'সাত ছেলে আমার, বড়বউ রাঁধে, মেজবউ জোগান দেয়, সেজবউ ঘর নিকায়, নবউ গরুছাগলগুলি দেখে। এই দুটি সব্ব কনিট্টা এখনও। এদের নিয়ে আমি এইসব করি। ছোটটির এখনও বিয়ে হয়নি।'

—ছেলেরা তোমার কী করে মা ?

সন্ত্রস্ত হয়ে শ্রৌড়া বলল, 'ক্ষত চষে মা, সব ক্ষেত চষে।'

—ক্ষেত্রপাল ?

—না, মা, না। ক্ষেত্রপালের ভূমি, শুধু চষে তারা।

সুমনা অন্যমনে এগিয়ে গেলেন। বধু দুটি এগিয়ে এসে ফিসফিস করে বলাবলি করতে লাগল, 'কী রকম সৌন্দাল ফুলের মতো রং দেখেছিস ?'

—অন্ধেও বোধ হয় বারাগসীর বস্তুর ? তাই না ?

—কাঞ্চীটা দেখেছিলি ? পুরো সুব্রমের নয় ? যখন পেছন ফিরে চলে গেল, ভরা ঘটের মতো নিতম্ব দুটি দুলিয়ে, কাঞ্চীটি কী মানিয়েছিল ?

—হ্যাঁ হ্যাঁ মানিয়েছিল। চল চল এখন কাজ সারি।' তাদের শাশুড়ি তাড়া দিল।

এই সময়ে সুমনা লাফ দিয়ে একটি নীপশাখা থেকে দুটি অপূর্ব সুন্দর নীপকুসুম পাড়লেন, ভালো করে দেখে শুনে কানের ওপর দিয়ে সুকৌশলে আটকাতে লাগলেন, যাতে প্রস্ফুটিত কেশরময় গোলাকার ফুলগুলি কানের পাটার ওপর এসে দুলতে লাগল।

গ্রামবধুদের একজন সবিস্ময়ে বলে উঠল, 'দ্যাখ দ্যাখ, ধনী ঘরনীর কাণ্ড দেখ। কানে মণিরত্নের কম্পুর। উনি আবার কদমফুল দোলাচ্ছেন !' অন্যজন বলল, 'আদিখ্যেতা !' তার ঠোট বিকৃত হয়ে রয়েছে।

শ্রৌড়া ধমক দিয়ে বললেন, 'কী হচ্ছে ? নিজের নিজের যেমন যেমন আছে খেয়ে পরে থাকতে পারলেই তো হল। বড় মানুষের গহনার দিকে দৃষ্টি দেওয়ার দরকার কী ? শুধু শুধু তেটা বাড়বে। চল, এখন চল দিকিনি !'

কিছুদূর চলে এসে শ্রৌড়া আবার বলল, 'সুব্রম, সুব্রম ! দেখলি তো অহ সুব্রম পেলেও মন ভরে না, ওই রূপসী তো সে-ই কদমফুলের দিকেই হাত বাড়াল ! তোরা যখন মন্ত্রিকার কাঞ্চী পরিস, কম্বিকারের কম্পুর কানে ঝোলাস, তাদের ওতেই মানায়। আমার ছেলীদের সুব্রম-সুব্রম, রূপা-রূপা করে বিরক্ত করিসনি। এ জন্মে পুণ্যসঞ্চয় কর। পরজন্মে নিশ্চয় সুব্রম পরতে পাবি।'

ঘন তমালবৃক্ষের শ্রেণীর ওপারে সরোবর দেখতে পেলেন সুমনা। তিনি একা প্রবেশ করেছেন বনে। দাসীদের আসতে নিষেধ করেছেন। সব সময় সঙ্গে দাসী। লোকজন যেন অসহ্য লাগছে। ওরা এখন তাঁর ভোজ্য প্রস্তুত করছে। করুক। যতক্ষণ ধরে পারে করুক। এই রাজবাড়ির

দাসীদের আবার আচার-আচরণ একটু বেশি মাত্রায় শীলিত। আত্মমি প্রণত না হয়ে কথা বলে না। চোখে চোখ ফেলে না। তিনি সোজ্জাসুজি সারথির সঙ্গে কথা বললে, আপাদমস্তক কেমন কঠিন হয়ে যায় তাদের। সেনিয়ার মতো সাধারণ ঘরের ছেলে দিব্যরাত্র এসব সহ্য করে কী করে ?

সরোবরটি খুবই প্রশস্ত। ওপরে শৈবালের একটি পাতলা স্তর। ওপারে তাঁর মথের ঘোড়ারা জলপান করছে। লতামগুপ একটি আছে। কিন্তু ঠুয়োপোকায় ভর্তি। লতামগুপটি দেখে মনে হল কেউ কোনও সময়ে সময়ে রচনা করেছিল, তারপর কালের প্রকোপে এখন সে স্বামীও নেই, সে ধনও নেই, সব নষ্ট হয়ে গেছে। তাহলে হয়ত এ বন এক সময়ে উদ্যানই ছিল, এই লতাকুঞ্জে সুখী সৌভাগ্যশালী ভূস্বামী পত্নী পরিবৃত হয়ে বসতেন বসন্তের পূর্ণিমায়, গ্রীষ্মের সন্ধ্যাবকাশে। যেমন ভদ্দিয়তে দেখেছেন স্বপ্নের মেণ্ডক শ্রেষ্ঠীকে। কপিথ বর্ণের ঘোড়াটি দীর্ঘ সময় জল পান করে আকাশের দিকে মুখ করে হ্রোষধ্বনি করে উঠল। আহা! সুমনার মন বাৎসল্যে ভরে উঠল। সত্যিই, অনেক যোজন পরে ওদের জলপানের ও বিশ্রামের অবসর দেওয়া হল। তিনি খুব তাড়া দিচ্ছিলেন। হলকর্ষণ উৎসবের পূর্বেই তাঁর পৌঁছবার কথা। বহু খুঁটিনাটি করণীয় আছে। বিশাখাকে তেমন কিছুই বলে আসা হয়নি। রাজবাড়িতে বিশেষ কারণে দেরি হয়ে গেল। পঞ্চকমায়, পঞ্চগব্য, পঞ্চশস্য, পঞ্চপল্লব... ঘটস্থাপনের জন্য সুবর্ণঘট গড়াতে দিয়ে আসা হয়নি। ধনঞ্জয়ের কি মনে থাকবে ঘণ্টের পরিমাপের জন্য পুরোহিত আচার্য ক্ষত্রপাণির কাছে বিধান নেওয়া প্রয়োজন। এবার হলকর্ষণোৎসবের দিনে তাঁদের পুষ্করিণী প্রতিষ্ঠার সংকল্প ছিল। প্রাসাদের শ্রীমগুপটি নতুন করে তোলবার কথা। তৎসংক্রান্ত বাস্তব্যাগেরও অনেক ঝামেলা। সে সমস্ত কি ওই পনেরো-ষোল বছরের মেয়ে সামলাতে পারবে? বসন্ত, সারা বছরই তো যাগ-যজ্ঞ পূজা-সংস্কার চলছেই। তিনি শিখেছিলেন পিতামহী, পরে স্বশ্রুমাতা পদ্মাবতীর কাছে, ভদ্দিয়তে থাকলে বিশাখা সবই আপনাআপনি শিখে যেত। কিন্তু সাকেতে তাঁরা খানিকটা একা হয়ে গেছেন। সব কিছুই স্বয়ং উপস্থিত থেকে নিষ্পন্ন করতে হয়। উপরন্তু, তিনি বিশাখাকে নিজের মতোই অম্বারোহণ, অসিচালনা ইত্যাদি বিদ্যায় পারদর্শী করবার জন্য একাধিক আচার্য আচার্যা নিয়োগ করেছেন। ব্যায়াম এবং অধ্যয়নের জন্য তাকে অনেক সময় দিতে হয়। ধনঞ্জয়ের এগুলিতে খুব অনুমতি ছিল না। তিনি সুমনাকে বলেছিলেন, 'তুমি ছিলে ক্ষত্রিয়কন্যা, তাই অস্ত্রশিক্ষা, ভারোত্তোলন এসব তোমার পিতামহ তোমাকে শিখিয়েছিলেন বংশের ধারা অনুসরণ করেই। আমার কন্যার এসবে প্রয়োজন কী?'

—কোথায় আবার কজন ক্ষত্রিয়কন্যাকে তুমি অস্ত্রশিক্ষা করতে দেখলে সেটুঠি। আমি তো দেখি না। পিতামহী বলতেন যবে থেকে মেয়েরা অস্ত্রচালনা করতে ভুলে গেল তবে থেকেই তাদের দাসীর দশা!

ধনঞ্জয় হেসে বলেছিলেন, 'আমার গৃহে অস্ত্রশিক্ষা না করে এলেও তোমার দাসীর দশা হত না প্রিয়ে। তুমি তো জানো পাঁচটি বাণ তুমি প্রথমই আমার ওপর ব্যয় করে তবে এ গৃহে এসেছ।'

সুমনা বলেছিলেন, 'কৌতুক রাখো সেটুঠি, আমি অস্ত্রচালনা না জানলে কোথায় থাকতে আজ তুমি আর কোথায় থাকতাম আমি! মনে পড়ে? মনে পড়ে পূর্বদেশে বাণিজ্যযাত্রার কথা?'

এটুকু স্মরণ করিয়ে দেওয়াই ছিল যথেষ্ট। ধনঞ্জয় বিশাখার শত্রুশিক্ষায় আর আপত্তি করেইনি।

এখন কর্মকার গ্রামের প্রত্যন্ত বনে তমালশ্রেণীর তলায় হরিতাভ সরসীর জলের দিকে তাকিয়ে সুমনা আক্রান্ত হলেন মধুর, রোমাঞ্চময় অতীতস্মৃতিজ্বরে। সুমনা এখন আর স্নানাগৃহ থেকে সপ্তাশ্রবাহিত রথে সাকেতে ধনীশ্রেষ্ঠ ধনঞ্জয়ের গৃহে আদৌ ফিরছেন না। এখন বর্ষারন্তও নয়। সুন্দর, শোভন সময় এখন। বর্ষা অতিক্রান্ত, কিন্তু হিমঝড় আরম্ভ হয়নি। সুনীলবর্ণ নভস্তল। মেঘরাজি যেন শুভ্র কার্পাসবস্ত্রখণ্ড। কোনও দেবতা তাদের ফুঁ দিচ্ছে দিয়ে উড়িয়ে দিয়েছেন আকাশময়। যেন শারদ পৃথিবীর অতুলনীয় স্বর্ণশোভা দেখে চেল উড়ছে দিগদেবতারা। তাদের ছোটিকার শব্দও একটু কান পাতলেই কাঠকুট্ট পাখিদের মাথা থেকে শুভ্রতে পাওয়া যাবে। টুক টুক টুক। কুট্ট কুট্ট কুট্ট।

সুমনা তখন সপ্তদশী। স্বশ্রুমাতা পদ্মাবতী বললেন—'যুবতী বধু বাণিজ্যে যাবে পতির সঙ্গে এমন অদ্ভুত সাধের কথা আমি কখনও শুনিনি। ছিঃ। পথে কত বিপদ!'

শ্বশুর মেণ্ডক বললেন—‘আমিও কখনও শুনিনি, সত্যি বলছি প্রিয়ে। কিন্তু এই বধূটি ক্ষত্রিয়কুমারী, উচ্চশিক্ষিতা, তার ওপর ব্যায়ামশালায় প্রথম যখন ওকে দেখি তখন থেকেই ওই দুঃশীলা লৌহমুখলের মতো কি যেন একটা অস্ত্র দিয়ে আমাকে একেবারে ভূতলশায়ী করে ফেলেছে।’

শেষের কথাগুলি অবশ্যই মেণ্ডকের স্নেহকৌতুক। তিনি রাজগৃহের এক শত্রু প্রতিযোগিতা উৎসবে সুমনাকে প্রথম দেখেছিলেন। এবং দেখে মন্ত্রমুগ্ধবৎ ধনঞ্জয়ের বধু নির্বাচন করেছিলেন।

পদ্মাবতী বললেন— ‘এই বিশাল পরিবার। বিশাল গৃহ। এতগুলি পুত্র-কন্যা, বধু, পৌত্র-পৌত্রী, আত্মীয়, পরিজন। তুমি গৃহপতি হয়ে যদি এমন স্বেচ্ছাচারিতা কর তবে কে তোমায় মানবে? আমি বরং অবসর নিই। তুমি তোমার পুত্রবধু কোকিলাকেই এবার থেকে সংসারের ভার দাও। আমি সমনদের কাছে ধর্মদেশনা শুনে কাল কাটাও।’ তিনি দ্রুত পদক্ষেপে চলে যাচ্ছিলেন।

সুমনা তাড়াতাড়ি গিয়ে তাঁর হাতদুটি ধরল— ‘আমি যাব না মাতা, যাব না, আপনি ক্ষুব্ধ হবেন না।’ সুমনার চোখে সহসা জল আসত না, সেদিন চোখ দুটি ভিজে উঠেছিল।

—‘আমি কি তাই বলেছি মা?’ পদ্মাবতী তাঁকে বুক জড়িয়ে ধরলেন, ‘আসল কথা কি জানো, তুমি যদি এভাবে যেতে চাও, তবে গৃহের অন্য বধু-কন্যাগুলিও অসন্তব সব ইচ্ছা প্রকাশ করতে থাকবে। তখন কী করে সেসব পূরণ করব বল?’

শ্বশুর মেণ্ডক মৃদু হেসে বললেন— ‘সে ভয় কর না প্রিয়ে, এত বধুই তো এসেছে এ গৃহে, কে কবে দেশে দেশে ভ্রমণ করবার আশায় সার্থবাহর পিছু নিয়েছে বলো? কে-ই বা শিক্ষা করেছে ধনুর্বেদ! পরশু আর কার হাতেই বা এমন মানায়?’

দেবি পদ্মাবতীর অনুমতি এবং আশীর্বাদ নিয়ে সুমনা যখন যাত্রার জন্য প্রস্তুত হলেন, তখন তাঁর পরনে যোদ্ধবেশ। পুরুষদের মতো অধোবাস। উর্ধ্বাঙ্গে কবচ। মাথার চুলগুলি চূড়ো করে বেঁধে একটি উষ্ণীয় পুরে নিয়েছিলেন। গৃহের অন্য বধুগুলি নিন্দা করেছিল, অবশ্য প্রকাশ্যে নয়। ভদ্দিয়র আত্মীয়-বন্ধু-প্রতিবেশীরাও কি আর সমর্থন করেছিলেন? কিন্তু মেণ্ডক শ্রেষ্ঠীর মুখের ওপর কথা বলবে কে?

অঙ্গদেশ পেরোলেই পথে খালি জঙ্গল, জঙ্গল আর জঙ্গল। রথ চলবার যোগ্য পথ তো ছিলই না। গো-শকটগুলি নিয়ে ধনঞ্জয় প্রায়ই সমস্যায় পড়ছিলেন। সুমনা ও ধনঞ্জয় ছিলেন অশ্বের ওপর। শরৎকাল, রোদ অসহ্য হয়ে উঠলে মাথার ওপর ছত্র ছিল। বৃষ্টি হয়নি। জঙ্গলগুলি হিংস্র স্বাপদে পূর্ণ। বিশ্রাম করবার সময়ে তিন-চার জন দাসকে বৃক্ষের ওপরে পর্যবেক্ষক নিযুক্ত করা হয়েছিল, তারা প্রহরা দিচ্ছে। শকটগুলি বৃত্তাকারে রেখে, তার বাইরে অগ্নিকুণ্ড জালানো হয়েছিল। বৃন্তের ভেতরে বস্ত্রাবাসে মূল্যবান পণ্যদ্রব্যের থলিগুলি নিয়ে বলবান সশস্ত্র দাস এবং দলের অন্যান্য বণিকরা। কিন্তু সুমনার আগ্রহে তাঁদের স্কন্ধাবারটি রচিত হয়েছিল কয়েকটি ঘনপত্র সু-উচ্চ বৃক্ষের আড়ালে। তখন সদ্য বিবাহিত। পৃথিবীর সমস্ত সৌন্দর্য যেন দ্বিগুণ, চতুর্গুণ মনে হচ্ছিল নতুন প্রণয়যুক্ত হয়ে। কার্তিকী পৌর্ণমাসীর অব্যবহিত জ্যোৎস্না দুধের ধারায় স্নান করিয়ে দিচ্ছে সেই অরণ্যের অচেনা গাছগুলি, বন্য কুসুমের উগ্র গন্ধ ছুটেছে মুক্তধারায়। অগ্নিবলয়ের বাইরে নিশ্চিহ্ন অমিশ্রা। তার ভেতরে শকটগুলির, বলদগুলির, বস্ত্রাবাসগুলির কালো কালো আকৃতি

—কী সুন্দর দ্যাখো দ্যাখো? সুমনা বললেন ধনঞ্জয়কে।

—ধনঞ্জয় একবার চারদিকে দৃষ্টিপাত করেই বললেন— ‘কাকে সুন্দর বুদ্ধি প্রিয়ে, ওই ঘন কৃষ্ণগিরিসন্নিভ দুর্ভেদ্য অন্ধকারকে? না এই ভৌতিক ছায়াগুলিকে, যক্ষী আশুনের শিখার মধ্যে কাঁপছে, আকার হারাচ্ছে আবার আকার পাচ্ছে?’

সুমনা বিস্মিত হয়ে বললেন— ‘সবই, আর্ঘ্যপুত্র, এ ছাড়াও আদে শকটগুলির ফাঁকে ফাঁকে গলে-পড়া চাম্রয় দুধের ধারা, উতল করা সৌরভ, মাঝে মাঝে নৈশ পানির ঠোঁড় ডাক!’

—‘ভয়ঙ্কর বলো, নারকীয় বলো, পরিচিত পৌর্ণমাসী জ্যোৎস্নাধারাটা পর্যন্ত যে বৈতরণীর স্রোতোধারা মনে হচ্ছে আমার! যেন পরপারে যাবার জন্যে আমাদের আহ্বান করছে! আর ওই কটু গন্ধকে তুমি সৌরভ বলছ প্রিয়ে, রাতের পাখিগুলিকে কি জন্মের সময়ে কেউ জিভে মধু দেয়নি?’

হেসে ফেললেন সুমনা । হঠাৎ মনে হল সেনিয়, সেনিয় থাকলে তাঁর কথার অর্থ বোধ করতে পারত । কিন্তু সেনিয় তো এখন রাজা, এমন শৌর্যবীর্য দেখাচ্ছে যে, শ্রাবস্তী থেকে স্বয়ং মহারাজ মহাকোশল তাঁর কন্যাকে তার হাতে অর্পণ করেছেন । অনেক গুণ হয়েছে সেনিয়র । সে আজকাল গুণ্ডুভাবে বৈশালীতে বিখ্যাত জনপদশোভিনী অস্থপালির গৃহে যায় ।

—‘দীর্ঘস্বাস ফেলছ কেন সুমনা ?’ তরুণ ধনঞ্জয় ততক্ষণে গাঢ় আলিঙ্গনে বেঁধে ফেলেছেন সুমনাকে—‘ধনঞ্জয় বললেন, ‘অবশ্যই সুন্দর এই রাত্রি, তোমায় আমায় গোপনতা দিচ্ছে বলে, সুন্দর ওই অম্বিবলয়, আমাদের সুখরাত্রিটি রক্ষা করছে বলে, আর জ্যোৎস্না, তোমার বর্ণকে মোহময় করেছে বলে । বনকুসুমের ওই উগ্র গন্ধ আমাকে কেমন কামোত্তেজিত করেছে দেখো । পাখিগুলি ডাকতে থাকুক, আমার গদগদ ভাবণ আর তোমার শীৎকার ধ্বনি চাপা পড়ে যাবে ।’

বস্ত্রবাসের বাইরে চলে এলেন দুজনে । চুস্বনমস্ত্র ধনঞ্জয় । সুমনার অঙ্গ শিথিল হয়ে আসছে । তাঁর বক্ষের বর্মটি খুলতে খুলতে ধনঞ্জয় বলছেন—‘পুরুষ বেশে তোমায় আরও মোহময়ী দেখায় সুমনা, এই বর্মের বাধাগুলি তোমার-আমার মধ্যে রেখে তুমি আমাকে আরও দুর্দম, আরও উদ্দাম, উদ্দাম করে তুলছ ।’

সহসা একটা শব্দ হল । সুমনা নিমেষে ধনঞ্জয়ের মুখের ওপর হাত-চাপা দিয়ে বললেন—‘শুনতে পেলে ?’

—‘আরে বন্য বিভাল কি ওই জাতীয় প্রাণী হবে, আমি তো আমার শরীরে দ্রুত রক্ত সঞ্চালন শব্দ ছাড়া আর কিছুই শুনতে পাচ্ছি না ।’

ধনঞ্জয়ের কথা শেষ হল না, সুমনার হাতের তীর ক্ষিপ্ৰগতিতে ছুটে চলে গেল শব্দ লক্ষ্য করে । অধোস্থিত সুমনা, মাটিতে গড়াগড়ি খাচ্ছেন ধনঞ্জয় । তীব্র চিৎকারে রাত ছিন্নভিন্ন হয়ে গেল । পর্যবেক্ষকদের হাতে উজ্জ্বল জ্বলে উঠেছে । হিংস্র জন্তু নয় । হিংস্র মানুষই আক্রমণ করেছে তাঁদের । অস্ত্রোন্মুখ চাঁদের মৃদু আলোয়, অন্ধকারের সঙ্গে গা মিলিয়ে বলবান কালো রঙের মানুষ সব । পর পর তিনজনকে ধরাশায়ী করলেন সুমনা । অন্যরা পালিয়ে গেল । আহত তিনটি বনেচরকে দাসেরা ক্ষতস্থান বেঁধে সঙ্গে নিয়ে নিল । পণ্যসম্ভার বইতে এরকম দাস যত পাওয়া যায়, ততই ভালো । স্থলনিয়ামক বলল—‘এরা দুর্দাস্ত নর মাংসভোজী যক্ষ ।’ লোকগুলি রক্তচক্ষে তাঁদের দিকে তাকাচ্ছিল । সবাই ভয় পাচ্ছিল, তাদের ভাষা কেউ বুঝছিল না । হাত রক্তবদ্ধ অবস্থায়, পানীয় জল ও সামান্য খাদ্য দিয়ে তাদের চম্পা পর্যন্ত নিয়ে আসা হল । কী আশ্চর্যের কথা, তারা কিন্তু একবারও অরণ্যে ফিরে যেতে চায়নি । হাতের-ইঙ্গিতে জানিয়েছিল অরণ্যে ফিরে গেলে তাদের কৌমের লোকেরা তাদের গ্রহণ তো করবেই না । বরং মেরে ফেলবে । আর্ষদের স্পর্শে তারা নাকি দূষিত হয়ে গেছে ! অদ্ভুত ! অবশেষে নৌদাস হিসেবে যখন তাদের পট্টনে বিক্রি করে দেওয়া হল, তখন তাদের কী গোঙানি ! অশ্রুচ্ছন্ন তাদের চোখগুলি দেখে মনে হয়েছিল তারা জীবনের সমস্ত আশা-ভরসা হারিয়ে ফেলেছে ! নরমাংসাসী মানুষগুলিকে তো সঙ্গে রাখাও যায় না !

—‘দেবি, আপনার আহারের আয়োজন হয়েছে ।’ চমকে মুখ তুলে সুমনা দেখলেন দাসী দুটি দুদিকে বিনীতভাবে দাঁড়িয়ে রয়েছে । জোড়হস্ত ।

তিনি বললেন—‘এখানে নিয়ে এসো ।’

—‘এখানে ?’ দাসী দুটি পরস্পরের দিকে চাওয়াচাওয়ি করল ।

গত কয়েক মাস ধরে রাজগৃহে রোমাঞ্চক সব ঘটনা ঘটছে । কয়েক মাস না বলে কয়েক বছর বলাই ভাল । সন্দেহ নেই, সাকেতের দেবি সুমনা সেইজন্যেই এতো আনন্দিতা । কিছু ভাল লাগছে না তাঁর । নির্জনে, একা থাকতে চান ।

ওরা চলে যাচ্ছিল, সহসা সুমনা ডেকে উঠলেন—‘সিরিমা, বুদ্ধি কি ভোজ্য আনছ ?’

—‘কেন দেবি মাংসোদন, ঘৃতপক্ক রোহিত...’

—‘এই গ্রাম থেকে কিছু ফল, দধি এসব কেনা যায় না ?’

—‘কিনতে হবে কেন দেবি ? সব সঙ্গে আছে ।’

—‘তাহলে তাই দাও, আর শোনো শাল কিম্বা পদ্মপুটে দিও ।’

কিছুক্ষণের মধ্যেই ভোজ্য নিয়ে এলো দাসীরা। পাটুলি গ্রামের উৎকৃষ্ট চিপটক, একটু ভিজিয়ে দিলেই নরম হয়ে যায়। সেই চিপটক, দধি ও মধু দিয়ে মেখে এনেছে দাসীরা। সুপুট সোনার রঙের কদলী। মোদক ছিল তিন-চার রকমের। স্পর্শ করলেন না সুমনা। চারদিকে গাছের পাতার মধ্যে দিয়ে মৃদু হাওয়া বওয়ার সিরসির শব্দ। মাথায়, কোলে, আশেপাশে ঝরে পড়ছে শুকনো পাতা, পাখিদের মধ্যাহ্নকূজন, সরোবরের সবুজ জলে লাফ দিয়ে বেড়াচ্ছে জলকীট। পদ্মপত্রের সুশোভিত পাত্রে ভোজন সমাধা করে, পাতাগুলি মুড়ে একটু দূরে ছুঁড়ে ফেলে দিলেন সুমনা, অমনি একটি কাক সেটি ছেঁ মেরে নিয়ে গেল। দাসীরা রৌপ্যভূসারে করে আচমনের জল দিতে দিতে বলল— ‘ভাগ্যে ভোজনের পরে নিয়েছে, আমরা তো ভয় পাচ্ছিলাম...’ একটি কাঠবিড়ালি আর একটির পেছন পেছন লেজ তুলে একটি শাল্মলী গাছের গুঁড়ি বেয়ে ওপরে উঠে গেল।

ধীরে ধীরে মধ্যাহ্নের অরণ্যের মধ্যে বনদেবীর মতো ঘুরে বেড়াচ্ছেন সুমনা। এখন তাঁর সঙ্গে লোকজন আহাির করবে। একটু বিশ্রাম। তার পর যাত্রা। হঠাৎ মনে পড়ে গেল সেবার বাণিজ্যযাত্রায় এক দসুদলপতিকেও তিনি হত্যা করেছিলেন। এক প্রকার দৈবাৎ তাকে আবিষ্কার করেছিলেন তিনি। সেই অঞ্চলের ভূমি ছিল ঢেউ খেলানো, মাঝে মাঝেই ছোট ছোট টিলা উঁচু হয়ে আছে। গুণ্য তো আছেই, বৃক্ষও নেহাত অল্প না। অপরাহ্নে ধনঞ্জয় যখন গণনাকার্যে ব্যস্ত, তিনি ধীরে ধীরে টিলায় উঠে গিয়েছিলেন সন্ধ্যাসূর্য দেখবেন বলে। তখনই একদল লোকের মাথা দেখতে পেলেন টিলার ওধারে। তারা নিজেদের মধ্যে পরামর্শ করছিল ঠিক কখন কীভাবে এই বণিকদের হত্যা করে তাদের ধন হস্তগত করবে। সুমনা একটি বনমহিষের মুণ্ডের মতো পাথর আলগা করে ফেললেন কয়েকবার নাড়িয়ে নাড়িয়ে, তারপর সমস্ত শক্তিতে গড়িয়ে দিলেন ওধারে। সম্ভবত দলপতিটিই ছিল পাথরটির অবতরণের মুখে। তার মাথাটি চূর্ণ হয়ে গিয়েছিল। সেই পৈশাচিক আর্তনাদ জীবনে কখনও ভুলবে না সুমনা। প্রথমটায় তিনি থেমে গিয়েছিলেন বিন্দুৎস্পৃষ্টের মতো। তারপর ভ্রমিতে নেমে এসে নিজের বস্ত্রাবাসের মধ্যে ঢুকে গিয়েছিলেন। চারদিকের টিলায় টিলায় প্রতিহত হয়ে সেই আর্তনাদ তাঁদের সার্থকে চঞ্চল করে তুলেছিল। দস্যুরা বোধ হয় দেবতার কোপ মনে করে পালিয়ে গিয়েছিল। তাঁদের স্থলনিয়ামকও পর্বতদেবতার পূজা দিয়েছিল। কেউ টের পায়নি এটি তাঁরই কীর্তি এবং পূজার নৈবেদ্যটি আসলে তাঁরই প্রাণ্য। কিন্তু সেই দসুদলপতির বিদলিত মস্তক, রক্তে মস্তিষ্কের শুভ্র অংশে মাখামাখি দেহ ও ভূমি, শকুন-শূগালের উৎসব, এসব দেখে তাঁর এমন অসুখ করেছিল যে, বহুদিন সুদুঃ সুগন্ধি স্নিগ্ধকর পানীয় বা ফলের রস ছাড়া আর কিছু মুখে করতে পারেননি।

কথাটা চেপে রেখেছিলেন অনেকদিন। ভদ্দিয়তে ফেরবার পর পূর্বদেশের সুনীলবর্ণ সূক্ষ্ম কাপাস বস্ত্র পরে কপালে কুকুম-চন্দনের পত্রলেখা ঐকে, গন্ধমালা, এবং শঙ্খকঙ্কন পরে অতি সুন্দর হইয়ে যেদিন ধনঞ্জয়ের শয্যায়ে গেলেন, মিলিত হবার পূর্ব মুহূর্তে কেঁদে ফেলেছিলেন।

—‘আর্যপুত্র, আমি হত্যা করেছি, আমার হাতে রক্ত লেগে আছে।’

—‘সে কী?’

তখন সব কথা খুলে বলতে ধনঞ্জয় হেসে বলেছিলেন— ‘এই কথা! অন্যায় তো কিছু করনি। দলপতি ওভাবে না মারা গেলে ওরা আমাদের যথাসর্ব্ব্ব কেড়ে নিত হয়তো। হয়তো আমাদের সঙ্গে পুরোপুরি পারত না, তবু কিছু লোকস্বয় তো হতই! এত তাত্র, রূপা, মণিমুক্তা, স্বর্গবস্ত্র, স্বর্গ এসব নিয়ে ফেরা হত না। তবে তুমি বড় দুঃসাহসিকা। আমি আর তোমায় নিয়ে কোথাও যাচ্ছি না।’

ধনঞ্জয়ের বৃকে মাথা রেখে ফুঁপিয়ে ফুঁপিয়ে কাঁদছিলেন সুমনা। ধনঞ্জয় বলেছিলেন— ‘তোমার দেহে শক্তি থাকলে কি হবে প্রিয়ে তোমার হৃদয় কুসুমগুচ্ছের মত কোমল?’

পথের দিকে এগিয়ে গেলেন সুমনা। রক্ষীপ্রধানকে জিজ্ঞাসা করলেন— কতক্ষণে সাকেত পৌঁছবে?’

—‘কাল সন্ধ্যার মধ্যে পৌঁছে যাবার চেষ্টা করছি দেরি। সকালে অতটা বর্ষন না হলে দ্বিপ্রহরেই পৌঁছে যেতাম।’

সে কথা সুমনা জানেন। সকালের ওই সময়টা মধ্যজৈষ্ঠে অমন বৃষ্টি। খুবই শুভঙ্কর। ফসল

ভাল হবে। ধনধান্যে পূর্ণ হবে বসুন্ধরা। তবে মধ্যশ্রাবণ অবধি যদি এই প্রকার চলে বা এর চেয়ে অধিক বৃষ্টি হয়, নদীগুলিতে জলক্ষীতি হবে, প্লাবনের ভয় থাকবে। অচিরবতী ভীষণ আকার ধারণ করবে। সে এক এক সময়ে এতই ক্ষীণা থাকে যে, হেঁটে পার হওয়া যায়, কিন্তু বর্ষায় তারই রূপ ভয়ঙ্করী। সরযু অবশ্য সারা বছরই সমান নাব্য। যথেষ্ট গভীর। সহসা জলক্ষীতি হয় না।

দাসীরা এসে ডাকল। সুমনা উঠে দাঁড়ালেন। তাঁর ভেতরটা উৎকণ্ঠায় অধীর হয়ে আছে। বিশাখার জন্য হঠাৎ কেমন উৎকণ্ঠা হচ্ছে। রাজপ্রাসাদ থেকে যেসব বার্তা তিনি বহন করে নিয়ে যাচ্ছেন সেসব কি শুভ? ধনঞ্জয় কী বলবেন? বিশাখা? বিশাখার মাত্র পনেরো বছর পার হয়েছে। এইটুকু বয়সের পক্ষে সে একটু বেশি শিখেছে, বুদ্ধিমতীও, কিন্তু বালিকাই তো! তাঁর একমাত্র। উদ্দিগ্ধে তাঁর দেবরবধুরা বহু পুত্রবতী। কিন্তু ধনঞ্জয় প্রায় সারাটা যৌবনই কাটিয়েছেন বাণিজ্যযাত্রায়। একটির বেশি সন্তান দিতে পারেননি সুমনাকে। বিশাখা তাঁর মাথার মণি, তাঁর হৃৎকমল। অন্য নারী যেমন চোখে কন্যাকে দেখে— লালন-পালন করা হল, বিবাহ হল, হয়তো বহুদূরে, সারা জীবনে আর দেখা হল না, তিনি কেন এভাবে দেখতে পারেন না! কেন মনে হয়, বিশাখা চোখের আড়াল হলে তিনি বুঝি ব্যর্থ হয়ে যাবেন, হয়তো-বা উন্মাদ হয়ে যাবেন! কেন এমন হল? ঘোড়াগুলো আরও জোরে ছুটেছে না কেন? সারথি কি প্রচুর মোদক খেয়ে মদ্য পান করে উদরে হাত বোলাতে বোলাতে রথচালনা করছে?

হঠাৎ সুমনা ডাকলেন— ‘সূতপুত্র?’

—‘বলুন দেবি।’

—‘আমাকে একটু রথ চালনা করতে দাও।’

—‘বলেন কি দেবি! আপনি? না, না, আমায় ক্ষমা করুন।’

—‘আমার কথা শোনো সূত, আমি পারি, শিক্ষা করেছি।’

—‘সাত ঘোড়ার রথ দেবি, এ চালানো খুব কঠিন কাজ। তাছাড়া ঘোড়াগুলি আপনার পরিচিত নয়।’

সুমনা উঠে দাঁড়ালেন। দাসী দুটি উৎকণ্ঠিত। রক্ষী কজন বিস্মিত, উদ্ভিন্ন মুখে চেয়ে আছে, সুমনা সূতের হাত থেকে রশি নিলেন। ঘোড়াগুলি প্রথমটা কেমন অস্বস্তিতে গা মোড়ামুড়ি করছিল, তারপর সহসা তারা স্বচ্ছন্দ গতিতে ছুটে চলল।

৬

মাথার ওপর অর্ধবৃত্তাকার সোনালি রঙের চাঁদোয়া। তা থেকে ঝুলছে মুক্তার ঝালর। চতুষ্কোণ সিংহাসনের ওপর কোমল স্থলাসন নিশ্চয়ই আছে। কিন্তু সবার ওপরে রয়েছে সিংহচর্মের আস্তরণ। সিংহাসনের বাহুগুলিও সিংহমুখ। স্ফটিকের পাদপীঠের ওপর পা দুটি। দু'ধারে সারি সারি বসেছেন অমাত্যরা, রাজন্যরা, সবারই পেছনে চামর দোলাচ্ছে যুবতীরা। মণিকুণ্ডিমের ওপর নানা রঙের পাথরের চিত্র করা। কস্তুরীর সুবাস ভেসে বেড়াচ্ছে হাওয়ায়। শ্রেণীক বিদ্বিসারের রাজসভা। গাঙ্গার দেশ থেকে রাজদূত সভায় আসছেন ঘোষক জানাল। মহারাজ বাম উরুর ওপর ডান উরু ন্যস্ত করে বসেছিলেন। নামিয়ে নিয়ে আবার পাদপীঠের ওপর দুটি পা-ই রাখলেন। চণক লক্ষ করলেন রাজার প্রগাঢ় যৌবন। ব্যায়ামপুষ্ট, তামার পাটার মতো বুকখানা। তাঁর ওপর শ্বেতচন্দনের অনুলেপন। গলায় রক্তাভ মুক্তার দীর্ঘ মালা। বাহুর সুপুষ্ট পেশীর ওপর সোনার অঙ্গদ। কানে মুক্তাখচিত স্বর্ণভরণ। শুভ পটুবস্ত্রে সোনার পাড়। রাজমুকুটে বহুমূল্য হীরক ঝকঝক করছে। একটু আধটু মুখ ফেরালেই চতুর্দিকে আলো ঠিকরে যাচ্ছে। শূন্য নেই, গুণ্ধদ্বয় নাতিদীর্ঘ, অতি সুপুরুষ, সুমুখ সন্দেহ নেই। দেখতে দেখতে চণকের কেমন রোমাঞ্চ হচ্ছিল। ইনিই তাহলে সেই বিদ্বিসার! অতি অল্প সময়ের মধ্যে যিনি সমগ্র উত্তর দেশে মধ্যদেশে খ্যাতিমান হয়ে উঠেছেন! মুখে একটা হাস্যচঞ্চল ভাব, চোখে সামান্য কৌতুক, কিন্তু মুখের ভাব পরক্ষণেই পালটে অতি গভীর হয়ে যেতে পারে।

গাঙ্কারের রাজদূত সংখ্যায় তিনজন । যদিও সহচর এবং রক্ষী আরও অনেক । যথাযোগ্য মর্যাদা সহকারে তাঁদের রাজ-অতিথিগৃহে রাখা হয়েছিল সাত দিন । আজ অষ্টম দিন রাজাঙ্গায় সভায় উপস্থিত করা হচ্ছে ।

প্রথমেই দূত-প্রধান মহামাত্র দর্ভসেন মহারাজকে সমস্ত্রমে নমস্কার জানিয়ে প্রথম উপটোকন নিবেদন করলেন । তাঁর আদেশে দুজন দাস এসে দূরে সভাকক্ষের দরজার কাছে একটি গোটানো গালিচা রাখল তারপর সহসা খুলে গড়িয়ে দিল । মুহূর্তে সভার এক প্রান্ত থেকে আর এক প্রান্ত পর্যন্ত ঢেকে গেল জমাট রক্তের মতো বর্ণের কোমল পশমে । গালিচার ওপর বহু চিত্র করা । সবুজ, নীল, শুভ্র ভূগরাশির মতো হলুদ । রমণীরা আসনে বসে আঙুরগুচ্ছ থেকে আঙুর নিয়ে খাচ্ছে লীলামিত ভঙ্গিতে, বিচিত্র সব পাখি, পাত্রমিত্র সহ রাজারা সভায় বসে আছেন । সভাস্থ সকলেই চমৎকৃত হয়ে গেলেন । রাজা মৃদু হেসে বললেন, 'পারস্যের গালিচাশিল্পী কি মগধের সভাকক্ষের পরিমাপ নিয়ে গিয়েছিলেন !'

বিনীত হেসে দর্ভসেন বললেন, 'মহারাজ, ভৃগুকক্ষের বণিকদের কথাবার্তা থেকে অনুমান হয় আমাদের জম্বুদ্বীপে সভাকক্ষের যেসব আয়তন ব্যবহার করা হয়, পারস্য দেশেও তাই-ই সিদ্ধ । মাপ-জোকের তথ্য কারুশিল্পীরা সর্বদেশেই একভাবে বোঝেন । আমাদের শুভ্রসূত্র পরিমাপের আদর্শ । তার থেকেই সব এসেছে । ঋষিরা দেবতাদের কাছ থেকে পেয়েছিলেন তো !'

দ্বিতীয় দূত চণক নত হয়ে হাত জোড় করে বলে উঠলেন, 'জ্ঞান এবং শিল্পের রাজ্য সম্ভবত সমাগরা ধরণীতলে একটাই । আহা যদি রাষ্ট্রশিল্পও অনুরূপ হত !'

মহারাজ বিস্মিসার চকিত হয়ে বললেন, 'কী বললেন ?'

দর্ভসেন সবার অলক্ষ্যে ক্রুদ্ধ কটাক্ষ হানলেন চণকের দিকে । চণক আবার নমস্কার করে বললেন, 'অপরাধ মার্জনা করবেন মহারাজ, অধীন তক্ষশিলার দেবরাত-পুত্র চণক । অধীত বিষয়গুলি নিয়ে মনে মনে আলোচনা করতে করতে এসব কথাই মনে উদয় হয় কি না !'

বিস্মিসার যেন শরের মতো সোজা হয়ে গেলেন, 'আপনি আচার্য দেবরাতের পুত্র ? অহো, আজ আমার কী সৌভাগ্য ! সময়াগুরে আপনার সঙ্গে আলাপ করতে উৎসুক রইলাম ।'

রাজা সামান্য অন্যমনস্ক হয়ে গেছেন, লক্ষ করলেন চণক । শরীর একটু শিথিল । শরীর থেকে মন অন্যত্র সরে গেলে যেমন হয় । কিন্তু মুখে একটা রাজকীয় প্রসন্নতা, সুভদ্র মনোযোগের আভাস ফুটিয়ে রেখেছেন । প্রতারিত হচ্ছেন দর্ভসেন এবং সম্প্রতি । হয়তো সমবেত রাজন্য ও অমাত্যরাও । কিন্তু চণক বুঝতে পারছেন, এই সুদর্শন রাজার ভেতরে কোথাও অর্ধৈর্ষ প্রবেশ করেছে ।

দর্ভসেন দ্বিতীয় উপটোকন নিবেদন করলেন । আগাগোড়া অপূর্ব সূচীকর্মে খচিত আটটি পশমি শাল । উভয় পিঠেই কারুকাজ একরকম । রঙগুলি অত্যুচ্ছল নীলকান্তমণির, পদ্মরাগের, গলিত স্বর্ণের, গজদন্তের, প্রস্তুটিত কিংস্ককের, শ্যামশম্পের, এবং দুটি একেবারে বলাক-পাখার মতো শুভ্র । সভাস্থল যেন বলমল করে উঠল । সূক্ষ্ম সূচীকর্ম দেখতে দেখতে সকলে সাধুকার দিয়ে উঠলেন ।

তৃতীয় উপটোকন এলো সূক্ষ্ম দুকূল পরিহিত অপরূপ সুন্দরী একটি রমণী । দর্ভসেন বললেন, 'এই রমণী অসাধারণ নৃত্যকুশলা, সঙ্গীতেও ঐর জুড়ি মেলা ভার । স্বয়ং রাজার তত্ত্বাবধানে চৌষটি কলায় শিক্ষিত হয়েছেন ইনি ।' রমণী জোড় হাতে অপরূপ ত্রিভঙ্গে দাঁড়িয়েছিলেন । অমাত্যরা বিস্ময়িত চোখে দেখছিল । রাজাগুলির চোখে কামমোহ ও লোভ যাওয়া শুরু করছিল । খালি বিস্মিসারের মুখের ওপর দিয়ে একটি লঘু মেঘের মতো কালো ছায়া ভেবে গেল । খুব সূক্ষ্ম একটি নুকুটি উঠেই মিলিয়ে গেল তাঁর কপালে । চণক দেখলেন ।

দর্ভসেন এবার গাঙ্কাররাজ পুঙ্করসারীর বার্তা শোনাবার জন্য চণককে ইঙ্গিত করলেন । চন্দন কাঠের আবরণ থেকে বার করে—স্বৈত রেশমের ওপর স্বর্ণসূত্র দিয়ে প্রস্তুত লিপিটি মেলে ধরলেন চণক ।

'হর্যককুলপ্রদীপ মগধাধিপ মহারাজ বিস্মিসারের প্রতি গাঙ্কাররাজ পুঙ্করসারীর প্রার্থনা— আজীবন শ্রীতি, সৌহার্দ্য ও পারম্পরিক কুশলে প্রযত্ন । মহারাজ পুঙ্করসারী পুনশ্চ নিবেদন করছেন গত

কয়েক মাস যাবৎ অবন্তীরাজ প্রদ্যোত মহাসেন বিনা কারণে গাঙ্কাররাজ্যকে উদ্ব্যস্ত করছেন। প্রান্তিক গ্রাম ও জনপদগুলি অবন্তীর লুণ্ঠনশীল সৈন্যদের দ্বারা বিপর্যস্ত। শোনা যাচ্ছে আগামী শরৎকালে অবন্তীরাজ স্বয়ং গাঙ্কার আক্রমণে আসবেন। এমত সময়ে প্রতিবেশী সাগলরাজ্যের জামাতা মহামান্য মগধাধিপ যদি অবন্তীকে প্রশমিত করবার জন্য সহযোগিতা করেন তবে এই বন্ধুত্বকে দেব পুঙ্করসারী তাঁর শিরোভূষণ করবেন। এবং মগধের অনুরূপ বিপৎপাতে সহযোগিতা করতে প্রতিজ্ঞাবদ্ধ থাকবেন।'

শুনতে শুনতে মহারাজ বিহ্বিসারের মুখমণ্ডল ভাবলেশহীন হয়ে যাচ্ছিল। লিপিটি চণকের মুখস্থ, তিনি সামনে সেটা ধরে অধনিমীলিত চোখ মেলে রেখেছিলেন রাজার মুখের দিকে। ক্ষণপূর্বের রহস্যলাপ, ঔৎসুক্য, এ সবার চিহ্ন আর সেখানে নেই। তিনি মনোযোগ দিয়ে শুনছেন। কথা শেষ হতে আর একটু শিথিল হয়ে বসলেন। পেছনে ঠেস দিয়েছেন। তুলে দিয়েছেন ডান উরুর ওপরে বম উরু। মুখ প্রসন্ন। যেন বরাভয় আপনি প্রকাশিত হচ্ছে মুখমণ্ডলে। সামান্য পরে বললেন, 'গাঙ্কাররাজ পরমপ্রাজ্ঞ দেব পুঙ্করসারীকে আমার নমস্কার জানাই। দু-এক দিনের মধ্যেই তিনি উত্তর পাবেন। আপনারা দূত মহোদয়রা এখন বিশ্রাম করুন। রাজগৃহে আছে বহু শোভনোদ্যান, চিত্রগৃহ, নাট্যশালা, প্রাসাদেও নৃত্য-গীতাদি প্রমোদের ব্যবস্থা আছে। অন্যত্রও আছে। মহামান্য দূতগণ যেভাবে কালক্ষেপ করতে চাইবেন, তাঁদের দাস-দাসীরা সেভাবেই সব কিছু ব্যবস্থা করে দেবে।'

উঠে দাঁড়ালেন দর্ভসেন, সঙ্গে সম্প্রতি, চণক। তিন জনে নমস্কার জানালেন। রাজা বললেন, 'সখি সখি।' তাঁর চোখ দুটি নিমেষের জন্য চণকের চোখ ছুঁয়ে গেল।

দুজন আধিকারিক আভূমি প্রণত হয়ে জানাল নগরবধু শ্রীমতীর গেহে নৃত্য-গীত এবং কাব্য-পাঠের আয়োজন হয়েছে। রাজগৃহের অনেক গুণিজনই আজ সেখানে যাচ্ছেন। গাঙ্কারদূতদের নিয়ে যাবার জন্য রথ প্রস্তুত।

দর্ভসেন তাকালেন চণকের দিকে। চণক বললেন, 'দুশ্চিন্তায় বহুদিন কেটেছে। মন্দ কী? সম্প্রতি, তুমি কি বলো?'

সম্প্রতি বিনীত স্বরে বলল, 'মহামাত্য দর্ভসেন যা আদেশ করেন!'

আকাশে নীল মেঘ। গুরু গুরু ধ্বনি হচ্ছে। দর্ভসেন শঙ্কিত হয়ে সেদিকে তাকিয়ে বললেন, 'এই বৃষ্টিটা এসে পড়বার আগেই নগরবধুর গৃহে পৌঁছতে পারবো তো?'

তাঁর পেছন পেছন রথে উঠতে উঠতে চণক বললেন, 'আর্য, এই প্রথম আষাঢ়া বৃষ্টির দৃশ্য কিন্তু খুব সুন্দর। রথে যেতে যেতে যদি বৃষ্টি এসেই যায়, খুবই উপভোগ্য হবে সেটা।'

দর্ভসেন ভুকুটি করে নিম্নকণ্ঠে বললেন, 'কার্যোদ্ধার না হওয়া পর্যন্ত কোনও সুদৃশ্যই আমার রুচিকর লাগবে না, সে তো তুমি জানো চণক!'

চণক প্রায় আশ্চর্যত বললেন, 'কার্যোদ্ধার কি সে অর্থে হবে?'

সম্প্রতি ফিরে তাকাল। রথ ছুটেছে। দর্ভসেন বললেন, 'কী বললে?'

—কিছু না।

দর্ভসেন জোর গলায় বললেন, 'এই যে শ্রীমতীর গৃহে স্বাচ্ছন্দ্য নৃত্য-গীত কি আর ভেঁমুন করে মনকে স্পর্শ করবে? কিছুক্ষণ শিথিল হওয়া একটু। এর চেয়ে অধিক কিছু নয়।'

সম্প্রতি চণকের দিকে তাকিয়ে খুব সূক্ষ্ম একটি হাসি হাসল। অমাত্য দর্ভসেনের রমণীপ্ৰীতি তক্ষশিলার কারও অজানা নয়। এই যে রাজাস্তম্ভের থেকে জিতসোমাকে উৎসর্গিত পাঠানো হল মগধরাজের কাছে, এ পরিকল্পনা খুব সম্ভব তাঁরই। দর্ভসেনের পাঁচটি কন্যা এ ছাড়াও তক্ষশিলার নগরশোভিনী গণিকা চন্দ্রাননা তাঁর বিশেষ পক্ষপাতপুষ্ট। নগরপ্রান্তে তাঁরই উপবন এবং উদ্যানগৃহ আছে, সেখানে রাজাস্তম্ভের অনেক সুন্দরী নটী ও দাসীই অভিযোজিত। দর্ভসেন অবশ্য বলেন গৃঢ়পুরুষ আর গণিকা, এরা একে অপরের সঙ্গে সম্পৃক্ত। গৃঢ়পুরুষের বৃত্তিই তাকে গণিকার কাছে যেতে বাধ্য করে। রাজপুরীর রমণীগুলিই কি অল্প সংবাদ রাখে! তাদের সাহায্য গৃঢ়পুরুষদের সর্বাধিনায়ক হিসেবে তাঁর সর্বদা প্রয়োজন হয়।

শ্রীমতীর গৃহের শ্রী-মণ্ডপটি বৃত্তাকার। চারদিকে ঘিরে আছে ছোট ছোট কাঠের স্তম্ভ। তাতে



সুন্দরী রমণীমূর্তি তক্ষণ করা। স্তম্ভের ওপর থেকে মালা ঝুলছে, তার ওপর দীপবর্তিকা; এখন দিনের বেলা, তাই সেগুলি জ্বলছে না। প্রত্যেকটি স্তম্ভের সামনে অতিথিদের জন্য আসন। অদূরে একটি কৃষ্ণকায় বাদক মৃদঙ্গ নিয়ে বসেছিল। আর একটি মেয়ের হাতে বীণা; স্নিগ্ধ সবুজ রঙের বসন পরে শ্রীমতী বসেছিল। দীর্ঘ চোখে দীর্ঘতর কাজলরেখা। ভুরু দুটি কান হুয়েছে। বর্ণ শ্যাম, গালে লালিমা। ঠোট দুটিও টুকটুক করছে। বৃকের ওপর কুমকুম ও চন্দনের কারুকাঙ্ক। মনে হচ্ছিল সে পট্টবস্ত্রের ওপর লাল স্তোত্রের কাঙ্ক করা একটি স্তনপট্ট পরে আছে। গলায় একটি দীর্ঘ রত্নহার। কণ্ঠ বেড়ে রয়েছে একটি অদ্ভুত সুন্দর অলঙ্কার। তার মুখ দুটি উদাত সর্পের মতো। হস্তনেড়ে যখন সে কথা বলছিল তখন অঙ্গুরীয়গুলি ঝলমল করে উঠছিল, কেয়ুর ও কঙ্কণের রত্নগুলিও ঝিকমিক করছিল। উঠে দাঁড়িয়ে জোড় হাতে নমস্কার করে তাঁদের স্বাগত জানাল শ্রীমতী। উপস্থিত অতিথিদের সঙ্গে পরিচয় করিয়ে দিল। 'ইনি বোধিকুমার, রাজগৃহের বিখ্যাত কবি, ইনি বাস্পভদ্র, আমরা বলি বল্লকুমার। মহাশ্রেষ্ঠী কাকবলীয়ার পুত্র, সঙ্গীত বোঝেন খুব ভালো। ইনি কাকবর্ণ, এ নগরের মহাপর্ণিক, ভালোবাসেন কাব্য ও সঙ্গীতসুধা পান করতে। এই যে ঐর সঙ্গে আলাপ করুন আর্য দর্ভসেন, ইনি নটশ্রেষ্ঠ চারুবাক। দু-চার দিনের মধ্যেই শ্রেষ্ঠীমহলে একটি সমাজোৎসব আছে। তাতে আর্য চারুবাক শক্রদেবের মহিমা দেখাবেন, লিখেছেন মহামান্য বোধিকুমার। যদি থাকেন, অবশ্যই আহ্বানপত্র পাঠানো হবে, আসবেন নিশ্চয়। আসবেন তো সম্প্রতি ভদ্র ? চণক ভদ্র ?'

চণক দেখলেন শ্যামশ্রীমণ্ডিত তরুণীটি তাঁর দিকে যেন বিহ্বল চোখে চেয়ে আছে। তিনি সামনের দিকে কোন দুর্লভ্য বিন্দুর দিকে তাকিয়ে বললেন, 'এত বড় কবি যখন উপস্থিত রয়েছেন, কাব্যসুধা পান করা যাক, কী বলেন শ্রেষ্ঠী বাস্পভদ্র ? মহামাতা দর্ভসেন, ভদ্র চারুবাক আপনারদেরও তাই মত তো ?'

—নিশ্চয়। হোক, হোক। সকলেই সম্মতি জানালেন।

বোধিকুমার তাঁর পুঁথির দুপাশের তাম্রপট্ট খুলতে লাগলেন। বললেন, 'সামান্যই রচনা হয়েছে।' মগধের চলিত ভাষায় তিনি যে কাব্যংশটি পড়লেন তার অর্থ এই রকম

'কত বসন্ত গর্ভে ধারণ করে তুমি অন্তর্ভুক্তি হয়েছে হে আষাঢ়ী পৌর্ণমাসী। মধুমাসের মধুর্ষবিলাস এমন শ্যামশোভা তোমায় কেন দিল ? যাতে বাসন্তী জ্যোৎস্না নিজেকে পরিপূর্ণভাবে হারিয়ে ফেলেছে ? কবি ভেবেছিল বাসন্তীবিলাস থেকে জন্ম নেবে স্বয়ং রতিপতির মতো কোনও চিরযুবা, জন্মযুবা কুমার। তার বদলে তুমি এক রুদতী কৃষ্ণা কল্যাণীর জন্ম দিলে। প্রতি মুহূর্তে আপনাকে ক্ষয় করে যে দিয়ে যাচ্ছে, দিয়ে যাচ্ছে আর দিয়ে যাচ্ছে।'

শেষ হতে না হতেই সভার মধ্যে সাধু সাধু রব উঠল। বোধিকুমার নত হয়ে সবাইকে নমস্কার জানালেন। মহাপর্ণিক কাকবর্ণ বললেন, 'এর পর শ্রীমতীর সঙ্গীত ছাড়া আর কিছু ভালো লাগবে না। কাব্যালোচনায় উৎসাহিত হয়ে উঠেছিল বোধ হয় কুমার বাস্প এবং চারুবাক, তারা ভুলটি করে থেমে গেল। দর্ভসেন নিচু সুরে বললেন, 'ওহে চণক, এরা যে দেখি এদের কথ্য ভাষা দিয়ে কাব্য রচনা করতে শুরু করেছে। বলি কালে কালে আর দেখব কত ?' তাঁর কথার কিছু কিছু বোধ হয় কুমার বাস্পের কানে গিয়ে থাকবে। সে বলে উঠল, 'ঋগবেদীয় ভাষার সঙ্গে আমাদের এখনকার দেবভাষার পার্থক্যটা তো মানেন আর্য ? ভাষা বহুতা নদীর মতো। বদলে যায়, অর্থো ন যোষাম্ অভ্যোতি পশ্চাৎ' এখানে উপমানের পরে এসেছে বলে ন বলতে ইব অর্থাৎ স্বতো বোঝাচ্ছে। এ প্রকার ব্যবহার কি এখন আর পাওয়া যায় ? তারপরে ধরুন উত। বৈদিক ভাষায় এবং অর্থে ব্যবহৃত হচ্ছে। পরে উত-র অর্থ দাঁড়িয়েছে বা। ভাষাকে আপনি ধরে রাখতে পারবেন না।'

দর্ভসেন চুপ করে গেলেন। চণক বললেন, 'আপনার কথা অবিস্মার মতো বল্লভদ্র। একেবারেই উড়িয়ে দেবার যোগ্য নয়।'

বল্ল বললেন, 'আপনি তা হলে অনুমোদন করছেন ? জানেন বোধিকুমার আমার অন্তরঙ্গ বান্ধব, তাকে এই কাব্যটি কথ্য ভাষায় লিখতে আমিই উৎসাহ দিয়েছি। দেবভাষাতেও একটি রূপ আছে এর। সেও ভারি সুন্দর। বিদ্বানরা যদি কথ্যটিকে গ্রহণ না করেন তাহলে দেবভাষার রূপটি তো

রইলই ! কবির যশোহানি হবে না । কী বলেন ?' বন্ধ বোধিকুমারের দিকে চেয়ে কৌতুকের হাসি হাসলেন ।

শ্রীমতী গান ধরল । ভ্রমরগুঞ্জনের মতো বীণার সুরপুঞ্জগুলি তার উচ্চারিত শব্দগুলিকে ঘিরে ঘিরে লীলায় মেতে উঠল । 'নৃদম্পের মধুর গভীর ধমৎকার তার সঙ্গে । শ্রীমতী শব্দগুলি উচ্চারণ করছিল যেন অশ্রুট ভোরের কাকলির মতো ।

পুঞ্জ পুঞ্জ মেঘের সঙ্গে কুঞ্জে কে এলে মঞ্জুভাষ ?

রঞ্জিত এই হৃদয় যে আজ বাজছে নূপুর-শিঞ্জিতে ॥

বারে বারে ঘুরে ফিরে এই দুটি চরণ নানা সুরে নানা ভাবে নানা তালে ও লয়ে গাইতে লাগল শ্রীমতী ।

সে খুবই অল্পবয়সী । মুখে এখনও সরলতার রেশ । গাইতে গাইতে তার সুন্দর চোখের দৃষ্টি কখনও পড়ছে তরুণ বাষ্পের ওপর, কখনও চারুবাকের প্রসাধিত মুখমণ্ডলে, কখনও দর্ভসেনের শঙ্খশ্বেত কপালের ওপর । কাউকেই সে তার দৃষ্টিপ্রসাদ থেকে বঞ্চিত করছিল না । গান শুনতে শুনতে বুঝতে পারছিলেন চণক এই বারবিলাসিনী অনেক শিখেছে । কিন্তু হয়তো অতর্কিত প্রণয়ের আক্রমণ এখনও লুকোতে শেখেনি । গাইতে গাইতে তার দৃষ্টি যখনই চণকের ওপর পড়ছিল, তখনই চেষ্টা করছিল চোখে চোখ মেলাতে । চোখে যেন এক নিভৃত আমন্ত্রণ-লিপি । এ কি বারবধুর লাস্য ? না প্রণয়িনীর সঙ্কেত ! অভিজ্ঞতা না থাকায় তিনি বুঝতে পারছিলেন না । গানের শেষে সুসজ্জিত দাসীরা সুরাভঙ্গারে করে মৈরয়ে পরিবেশন করে গেল । এই দ্বিতীয়বার । একটু পরেই নৃত্য আরম্ভ হবে । দর্ভসেন উঠে দাঁড়ালেন । সবাইকে নমস্কার করে বললেন, 'আপনারা নৃত্যচ্ছন্দ উপভোগ করুন । আমরা তিনজন এবার যাই । বহু কাজ ।' শ্রীমতীর দিকে ফিরে বললেন, 'অপরাধ নিও না যেন ভদ্রে ।'

চণক অনুভব করলেন শ্রীমতীর আকুল দৃষ্টি যেন তাঁরই পেছনে । অশ্রুট কণ্ঠে সে বলল, 'সন্ধ্যায় আসছেন তো ?' কার দিকে চেয়ে সে প্রশ্ন করছে বোঝা গেল না ।

দর্ভসেন বললেন, 'আসব বইকি, সময় পেলে নিশ্চয়ই আসব সুন্দরি !' বাইরে এসে তিনি জোর গলায় বললেন, 'আমাদের গৃহে নিয়ে চলুন মহাশয়, কিছু বিশ্রামের প্রয়োজন ।'

—যথা আজ্ঞা ! রথ ছুটল ।

রাজপুরীর প্রাচীরবেষ্টিত অঞ্চলের মধ্যেই রাজ-অতিথিশালা । তিন জনে নেমে দ্বিতলে নিজেদের জন্য নির্দিষ্ট কক্ষায় ঢুকতেই দাস-দাসীরা ছুটে এলো । কারও হাতে পানীয়, কারও হাতের থালিতে ফল ও মিষ্টান্ন, ব্যজনী হাতে ছুটে এলো অনেকে ।

দর্ভসেন রক্ষস্বরে বললেন, 'মধ্যাহ্নভোজনের আগে শীতল পানীয় ছাড়া আর কিছুই স্পর্শ করব না । ফুলমালাগুলো শুকিয়ে উঠেছে নতুন মাল্য দাও । বড় গরম । চন্দনাবলেপও নতুন করে দাও ।'

তিন জনে আসনে বসলে দাসীরা হাত-পা সমস্ত স্নিগ্ধ, সুবাসিত জলে ধুইয়ে, তারপর মুছিয়ে দিল । বুকে, কপালে চন্দনের প্রলেপ দিয়ে দিল, মল্লিকার মালা জড়িয়ে দিল মাথায়, কণ্ঠে হাতে । তারপর দধির সুগন্ধী শীতল পানীয় নিয়ে এলো । পায়ে চুমুক দিয়ে দর্ভসেন ইঙ্গিত করলেন দাসীগুলি সব চলে গেল । ঘরের সামনেই প্রশস্ত অলিন্দ । হঠাৎ ঝরঝর শব্দে বৃষ্টি আরম্ভ হল । চণক বললেন, 'ওইখানে উচ্চাসন পাতা আছে, চলুন গিয়ে বসা যাক । বৃষ্টি দেখা যাবে ।'

পানীয় হাতে উঠতে উঠতে দর্ভসেন বললেন, 'বৃষ্টি বৃষ্টি করে কি তুমি পানীয় হয়ে যাবে চণক ? রহস্যময় তোমার এই হঠাৎ কবিত্ব । খুব বিরক্তিকরও । কী বলো সম্প্রতি ?'

সম্প্রতি শুধু মৃদু হাসল । চণক বললেন, 'কাব্য শুনলেন না ? আপনাকে ক্ষয় করে সে দিয়েই যাচ্ছে, দিয়েই যাচ্ছে, দিয়েই যাচ্ছে !'

দর্ভসেন বিরক্ত হয়ে বললেন, 'ওই গর্ভস্রাবটার কথা ছাড়ো । বোধিকুমার না গর্ভভকুমার । বর্ষার ওপর কাব্য ! ঋষি অত্রির পর্জন্য সূক্তটা মনে কর দেখি !

'কনিফ্রদ বৃষভো জীরদান্

রেতো দধতি-ওষধীষু গৰ্ভম্ ॥

—পঞ্চম মণ্ডল, ত্রিষ্টুপ ছন্দ । মনে পড়ছে ?

চণক বললেন, 'গজাচ্ছে পছন্দ্র বৃষ ক্ষিপ্র অতি  
রেতধারা ওষধিকে করে গব্ভবতী ॥'

'ধিক্ চণক ধিক,' দর্ভসেন বলে উঠলেন, 'এখুনি এখুনি কি তুমি মগধ-জ্বরে আক্রান্ত হলে ? স্বধি  
অত্রি় সূক্তে কী পৌরুষ ! কী দাঢ়া ! গর্ভমান বজ্রগর্ভ বর্বার অনুভব সঙ্গে সঙ্গে হয় না কি ?'

চণক বললেন, 'নিশ্চয়ই । কিন্তু একটি সূক্ত চমৎকার বলে আর একটি সূক্ত চমৎকার হবে না,  
হতে পারে না, আপনার এ যুক্তি আমি মানতে পারি না মহামাত্র । রুদতী বর্ষার দুঃখী অথচ দাত্রী  
মূর্তিটিও আমার বড় ভালো লেগেছে । কৃষ্ণা, বিদুতের আভরণে ভূষিতা, বসন্তগর্ভা, কিন্তু দিতে  
দিতে ক্ষয় হয়ে যাচ্ছে, ক্ষয় হয়ে যাচ্ছে, আর চোখের জলে ভেসে যাচ্ছে শ্যামল বক্ষুয়ুগ । দিয়েই  
যাচ্ছে দিয়েই যাচ্ছে । কবিকে দিচ্ছে, নটকে দিচ্ছে, ধনীপুত্রকে দিচ্ছে, অমাত্যদের দিচ্ছে...'

বিশ্ফারিত চোখে তার দিকে চেয়ে দর্ভসেন বললেন, 'তুমি কি শ্রীমতী নামে ওই গণিকার কথা  
বলছ ?'

'হয়তো !' চণক উদাস স্বরে বললেন, 'ভানুমতী, করেণুমতী, সানুমতী এদের কথাও বলছি  
হয়তো ।'

—বাঃ এই বয়সেই তুমি অনেকগুলি বারবধুকে চিনে ফেলেছ তো ? সানুমতী তো দেব  
পুঙ্করসারীর মণ্ডনকারিণীদের প্রধান । অন্যগুলি কে ?

সম্প্রতি স্বভাব খুব মৃদু । সে সহসা মুখ খোলে না । এখন আর থাকতে না পেরে বলে ফেলল,  
'চণক কোনও বিশেষ বারবধুর কথা তো বলছে না আর্য ! ও বোধ হয় সাধারণভাবে সব বারবধুর  
জীবনের কথা ভেবে বলছে ।'

'বারবধুর জীবন ?' অবাক হয়ে দর্ভসেন বললেন, 'এ নিয়ে এত ভাববার কী আছে ? রাজভাণ্ডার  
থেকে বৃত্তি পাবে, কর দেবে, বিদ্বন্ধ পুরুষের মনোরঞ্জন করবে, বৃদ্ধ হলে অভিজাত গৃহের নারীদের  
শিল্পশিক্ষা দেবে ! তেমন তেমন নৃত্যগীতনিপুণা এবং সুন্দরী হলে তো জম্বুদ্বীপভরা খ্যাতি ।  
বৈশালীর আম্রপালীর কথাই ধরো না ! কিংবা রাজগৃহের শালবতী ! এদের এক রাত্রির মূল্য কত  
জানো ?'

কেউ কোনও উত্তর দিল না । বৃষ্টির গতিবেগ বাড়ছে । দর্ভসেন সেদিকে তাকিয়ে বললেন, 'তবে  
এখানে বসার একটা সুবিধে আছে । বৃষ্টিপাতের শব্দে আমাদের কথাবার্তা ডুবে যাবে, অলিন্দ পার  
হয়ে, ওই বৃহৎ কক্ষ পার হয়ে আর ওধারে পৌঁছবে না । ভালো কথা চণক, তুমি তখন রথে উঠতে  
উঠতে নিম্নস্বরে যেন বললে কর্যোদ্ধার হবে না । কেন ?'

চণক উদ্যানের একটি বিশালকায় জম্বুবৃক্ষের দিকে তাকিয়ে উদাস স্বরে বললেন, 'হবে না তো  
বলিনি ! সংশয় প্রকাশ করেছি । আপনি দেখেননি নর্তকী জিতসোমাকে অর্পণ করবার পর মহারাজ  
বিস্বিসারের কেমন ভাবান্তর হল ?'

দর্ভসেন বললেন, 'অবশ্যই দেখেছি । মনের আনন্দ গোপন করবার একটা উপায় হুঁই ভুকুটি,  
ওষ্ঠাধর কুঞ্চন । আমাদের মনোবৃত্তি সম্পর্কে নানা পাঠ নিতে হয় চণক, পর্যবেক্ষণও করতে হয় ।  
মগধের রাজা অতিশয় পুলকিত হয়েছেন । গান্ধার রমণীরা তো গাত্রবর্ণেই প্রথমে সর্বত্র চোখ ঝলসে  
দেয় । তারপর গঠন, দেহসৌষ্ঠব ! এখানকার ওই নটীটি ? শ্রীমতী ? ও তো কল্লী !'

সম্প্রতি মৃদু স্বরে বলল, 'মেয়েটি লাভণ্যময়ী ।'

দর্ভসেন বললেন, 'তোমাদের এখন প্রথম যৌবনের চোখ । তোমাদের ব্যাপার আলাদা । শোনো  
চণক, আমি শুনেছি এই বিস্বিসার অতি অল্প বয়স থেকেই খুব হিন্দ্রপারায়ণ । অস্তঃপুরে মহিষীই  
নাকি পাঁচ 'শ, দাসী নটীদের সংখ্যা করা যায় না এত । এক বিশিষ্ট বধুকে বাতায়নে দেখে ইনি নাকি  
এমনই কামগ্রস্ত হয়েছিলেন যে, সেই বণিককে নানা ছলে বিদেশে পাঠিয়ে তার ভার্যাকে ভোগ  
করেন । তার পুত্রের নাম অভয়কুমার । তো সেই অভয় তো স্বতন্ত্র প্রাসাদে বাস করে যথেষ্ট  
সম্মান । সেই নাকি আবার জীবক বৈদ্যর পালক, শত্রু জানেন পিতাও কি না । জিতসোমার মতো

নগরশোভিনীকে উপটোকন দিয়েই আমার অর্ধেক কাজ হয়ে গেছে।'

চণক বললেন, 'ক্ষমা করবেন আর্য়, আপনার ধারণা ভ্রান্ত, বলতে বাধা হচ্ছি। আমি এক মাস আগে থেকে রাজগৃহে শুধু শুধু ঘুরছি না। শুধু শুধু সম্প্রতি, অনঘ আর সুভদ্রকে বৈশালীতে, শ্রাবস্তীতে পাঠাইনি। একটু ধৈর্য ধরে আমার বিশ্লেষণ শুনুন।'

—বলো শুনছি। উদার একটা ভঙ্গি করলেন দর্ভসেন।

চণক বললেন, 'তুকুটি এবং ঊষ্ঠাধর কুঞ্চন মনের আনন্দ গোপন করবার জন্য ব্যবহার হয় ঠিকই। কিন্তু বিরক্তি প্রকাশ করবারও এটাই আদি উপায়। মহারাজ বিশ্বিসার জিতসোমাকে দেখা মাত্র তুকুটি করেন, পরক্ষণেই বিরক্তি গোপন করবার প্রয়াসে মুখের স্বাভাবিক গাভীর্য ও প্রসন্নতা ফিরিয়ে আনেন। আমার বিশ্বাস উনি জিতসোমাকে দেখে অত্যন্ত অপ্রতিভ হয়েছেন।'

দর্ভসেন হাত তুলে কিছু বলতে যাচ্ছিলেন, চণক তাঁকে বাধা দিয়ে বললেন, 'আমার কথা শেষ করতে দিন। মগধরাজের চরিত্র সম্পর্কে যে কাহিনীগুলো শুনছেন সেগুলো রটনা। তাঁর অগ্রমহিষী তিনটিই। কোশলকুমারী, সাগলকন্যা দেবী ক্ষেমা এবং বৈশালীর এক গণরাজ চেতকের কন্যা ছেল্লা দেবী। আরও কিছু মহিষী থাকতে পারেন, খ্যাতিমান রাজাকে বহুজনেই কন্যাদান করতে উৎসাহী। যে অসম্ভব সংখ্যাগুলো শুনছেন সেগুলো প্রাসাদের দাসীদের সংখ্যা হতেই পারে। আমাদের গান্ধারেও কি অন্তঃপুরিকাদের সংখ্যা অজস্র নয়? কুমার অভয় মহারাজ বিশ্বিসারের একেবারে প্রথম বয়সের পুত্র হতে পারেন, কিন্তু জীবক বৈদ্য সম্পর্কে আমার যথেষ্ট সন্দেহ আছে আর্য়। মহারাজের বয়স আর কুমার অভয়ের বয়স বিচার করলে কি মনে হয় না, কোথাও একটা বোঝার ভুল আছে? জীবক কৌমারভৃত্য কী করে মহারাজের পৌত্র হতে পারেন আমার মাথায় আসে না। তক্ষশিলার স্নাতক, অতি অল্প সময়ের মধ্যে শিক্ষা সমাপ্ত করে যশস্বী হয়েছেন কিন্তু বাইশ তেইশ তো তার বয়স হবেই! মহারাজকে দেখলে মনে হয় তিনি এখনও ঠিক মধ্যবয়স্ক নন। কুমার অভয় তো একেবারেই যুবাপরুষ। পালন করেছেন হয়তো অতি অল্প বয়স থেকে। হয়তো তিনি পথে পড়ে থাকতে দেখেছিলেন বলে, তাঁরই গৃহে জীবক পালিত হয়েছেন। ক্ষমতাবান মানুষ মাথ্রেই নানা রটনার লক্ষ্য হন। তা ছাড়া...।

সম্প্রতি বলল, 'চণক বয়ঃক্রমের যে হিসেব দিল তাতে সত্যিই...'

দর্ভসেন অর্ধৈর্ঘ্য হরে বললেন, 'আর কি বলছে চণক, বলতে দাও।'

—বলছিলাম, বেশ কয়েক বছর হল মগধরাজ তথাগত বৃদ্ধর শরণ নিয়েছেন। এখন তিনি নতুন করে ইন্দ্রিয়ভোগে লিপ্ত হতে চাইবেন না।

দর্ভসেন রুট হয়ে বললেন, 'তথাগত, তথাগত, তথাগত! ওই গর্ভশ্রাবটার কথা এভাবে বলছ কেন? বড় জোর বল শ্রমণ গৌতম। হুঁ! বৃদ্ধ বললেই বৃদ্ধ হওয়া যায়। না? ইন্দ্রজাল শিখে এসেছে অঙ্গদেশ থেকে। ইন্দ্রজাল শিখে আমাদের সভার দুজন সুযোগ্য আধিকারিককে হরণ করে নিল। তোমার জন্য। এই তোমার জন্য চণক। কে বলেছিল ওদের শ্রাবস্তীতে পাঠাতে?'

চণক বললেন, 'আপনি বৃথাই রাগ করছেন। ওদের কাছ থেকে যেটুকু তথ্য পাবার সে তো আমরা পেয়েই গেছি। কোশলরাজ প্রসেনজিৎ যে অবস্তীর বিরোধিতা করবেন না, এই তথ্যটুকু আমাদের প্রয়োজন ছিল। এখন, অনঘ আর সুভদ্রর ব্যক্তিগত জীবনের ওপর আমাদের কী অধিকার? তা ছাড়া এই তথাগত বৃদ্ধ সম্পর্কে আমি বিন্দুবিসর্গও জানতাম না। প্রথমে এসে ভাসা ভাসা শুনছি কে এক শাক্যবংশীয় শ্রমণকে নাকি মগধরাজ রাজগৃহে সম্প্রতি দিয়ে, সেনাধ্যক্ষের পদ দিতে চেয়েছিলেন। সেই শ্রমণ নাকি তা প্রত্যাখ্যান করে চলে গিয়েছিলেন, ছয় বছর পরে বৃদ্ধ হয়ে ফিরে এসেছেন। এই পর্যন্ত। তিনি যে ওই সময়ে শ্রাবস্তীতে অবস্থান করছিলেন, এবং সেখানে দলে দলে লোক বৃদ্ধশাসনে প্রবেশ করছিল, সুভদ্র এবং অনঘ যেসকল আত্মবিস্মৃত হয়ে যাবে এত কথা কি আমি জানতাম? বলো সম্প্রতি?'

সম্প্রতি বলল, 'সত্যি কথা মহামান্য দর্ভসেন, চণক আমাদের দলপতি হলেও আমরা চারজনেই পরামর্শ করে স্থির করি শ্রাবস্তী ও বৈশালী যাওয়া দরকার। অনঘ ও সুভদ্র নিজেরাই শ্রাবস্তী বেছে নেয়। আমি নির্বাচন করি বৈশালী। চণক তখন বলে সে রাজগৃহের ওপর দৃষ্টি রাখবে। চণক বহু



সম্পাতি ইতস্তত করে বলল, 'মহামাত্র, আপনার ব্যথিত হবার কিছু নেই। মগধরাজ আচার্যপুত্রের সঙ্গে আলাপ করার অন্য কোনও সময় বার করতে পারছেন না বলেই বোধ হয় ভোজনের সময়ে...'

অসম্ভব মুখে থেমে গেলেন দর্ভসেন, বললেন, 'কি জ্ঞানি। আমি এ রাজ্যের আচার-আচরণে কোনও অভিজ্ঞাত্য খুঁজে পাচ্ছি না। নীতিজ্ঞানও খুঁজে পাচ্ছি না। পথ থেকে সন্ন্যাসীকে ডেকে এনে সেনাধ্যক্ষ করতে চায়, যেচে যেচে এক দুষ্ট রাজ্যের অসুখে নিজের বৈদ্য পাঠিয়ে দেয়। গাঙ্গারের মতো মাননীয় রাজ্যের মহামাত্রা রাজাকে নিজেদের অসংকৃত ভাষার পুকুসাতী বলে উল্লেখ করে। আর হবে নাই বা কেন? ছিল তো এক গোষ্ঠীনেতার পুত্র। রাজবংশও নয়, কিছুই নয়। নাগেদের সঙ্গে কী একটা সম্পর্ক আছে সেটা ঢাকতে চায় হর্যংক বংশ হর্যংক বংশ করে। তা সে যতই গলা ফাটুক না কেন আসলে তো জাতে উঠেছে কোশল সাগল আর লিচ্ছবি কন্যা ঘরে এনে। ও কি যথার্থ ক্ষত্রিয় নাকি?'

সম্পাতি ব্যস্ত হয়ে বলল, 'চুপ চুপ মহামাত্র, আপনি যে দেখি স্থান কাল বিন্মৃত হলেন! আমরা রাজ-অভিযালালার অলিন্দে বসে। কে জানে কোথা থেকে কে শুনে ফেলবে!'

বৃষ্টিধারার দিকে চেয়ে দর্ভসেন বললেন, 'শুনতে পাচ্ছ? কী কলরোল! এই নিরবচ্ছিন্ন শব্দে বোধ হয় দামামার শব্দও শোনা যাবে না। সম্পাতি, আমি একটু বিশ্রাম করতে যাই। তোমার ইচ্ছা হয় এই বিচিত্র দেশের বিচিত্র বৃষ্টি উপভোগ কর, আমার কিছুই ভালো লাগছে না।'

৭

বড়হারটি হাতে করে ধনঞ্জয় জিজ্ঞাসা করলেন, 'শ্রাবস্তী থেকে আসছেন? কোন শ্রেষ্ঠী? সুদন্ত?' সুদন্তের নাম তিনি রাজগৃহে শুনেছেন। সেখানে রাজগৃহ শ্রেষ্ঠীর সঙ্গে কুটুম্বিতা আছে তাঁর। কিন্তু শ্রেষ্ঠী সুদন্তের পুত্রেরা যতদূর শুনেছেন বিবাহিত। আর প্রাতুপুত্র ক্ষেম খুব রূপবান, কিন্তু দুশ্চরিত্র। রূপগর্বে ধরাকে সরাজ্ঞান করে।

জ্যেষ্ঠ ব্রাহ্মণ বললেন, 'না, না, সুদন্ত নয়। মিগার শ্রেষ্ঠী।'

—মিগার? মৃগধর? নাম শুনি নি তো দেব! কত আয় তাঁর, বার্ষিক?

—চারশত কোটির মতো হবে।

'ওহ,' ধনঞ্জয় বললেন, 'আমার সঙ্গে তুলনায় তো সে এক কাহনও নয়। তা তাঁর পুত্রটি?'

—আজ্ঞে পুত্রবদন। সদ্য যুবা। সুন্দর, সুকুমার। মিগার শ্রেষ্ঠীর একমাত্র উত্তরাধিকারী। স্বভাব দোষশূন্য। সঙ্গীত-নৃত্য-নাটক ইত্যাদির গুণগ্রাহী, সুস্বরচিত্র যুবক। পঞ্চকল্যাণী কন্যা না হলে বিবাহই করবে না। এমনই তার প্রতিজ্ঞা। বহুকাল যে তাকে বিবাহে রাজি করা গেছে এ কথা ব্রাহ্মণরা উচ্চারণ করলেন না আর। তাঁরা অভিজ্ঞ লোক। বুঝে ফেলেছেন ধনঞ্জয়ের চিন্তা দোলাচল।

—শিক্ষাদি কেমন যুবারি?

—আজ্ঞে। পিতামাতার একটি মাত্র সন্তান। বারাণসীতে আচার্য রত্নিদেবের কাছে দশ বছর নানা বিষয়ে শিক্ষা করেছে।

ব্রু কৃষ্ণিত করে ধনঞ্জয় বললেন, 'অনেক দূর থেকে আসছেন। ক্লান্ত আছেন, কিছুদিন আমার গৃহে বিশ্রাম করুন। আমার পত্নী গেছেন রাজগৃহে। তিনি না ফিরলে তো কোনও শিক্ষাস্ত হবে না।'

তা ভালোই। দেশে দেশে ঘুরে পায়ে ব্যথা হয়ে গেছে। কাশী, অম্বিক্যা, ভোগনগর, দাহিগ্রাম বহু স্থান ঘুরে এসেছেন তাঁরা। এখন দিন কয়েক সাকেতের শ্রেষ্ঠীর মুখে কোমল শয্যা, দাস-দাসীর সেবা। মধ্যাহ্নভোজনে নরম তুলতুলে গোবৎসের মাংসের সঙ্গে দৃষ্টিভঙ্গল, মৎস্যের বিচিত্র পদ, নানা ব্যঞ্জন, মিষ্টান্ন থাকবে নিশ্চয়ই। মাধ্বী ও মৈরয়ও যত চাঞ্চল্য মিগারের চেয়েও শতগুণ ধনী! ব্রাহ্মণরা ব্যাপারটা ঠিক কল্পনা করতে পারলেন না। নিভৃত্তে নিজেদের মধ্যে আলোচনা করলেন—লোকটি দান্তিক কিনা। মতভেদ হল। 'দন্ত হলই বা আমাদের কী? মিগার বুঝবে? মিগার তো ধর্মক দিয়ে ছাড়া কথা কয় না!' একজন বললেন আর একজন বললেন, 'এ বিবাহ হবে না,

দেখো । শ্রেষ্ঠী পত্নী ফিরে এলেই আমরা ভদ্রভাবে বিতাড়িত হবো । শ্রেষ্ঠীরই এত দ্বিধা, এত দস্ত । তার পত্নী তো আরও অহংকারী হবে ।’

জ্যোষ্ঠ বললেন, ‘মেয়েটির যে প্রকার রূপ, হাব-ভাব, তাতে, কিন্তু ওকে রানি হলেই মানায় । কেমন একটা সহজাত মর্যাদাবোধ । ঠিক দস্ত একে যেন বলা যায় না । নদীতীরে আমাদের কেমন কথার জালে বদ্ধ করল ! রূপেও রানি, কথাবার্তাতেও রানি ।’

—তা ঠিক, কনিষ্ঠ বললেন ।

মধ্যম বললেন, ‘বৈশালীতে বা অন্য কোনও গণরাজ্যের দেশ হলে এ মেয়েকে জনপদবধূ নির্বাচন করা হত । আর সেটাই হত এর যোগ্য সম্মদর ।’

‘কথাটা তুমি কি ঠিক বললে ?’ জ্যোষ্ঠ বললেন, ‘এর রূপ শ্রদ্ধাসম্ভ্রম উদ্রেক করে, আর অস্থপালী হল গিয়ে মোহিনী, নৃত্যগীতে তার জুড়ি নেই সারা মধ্যদেশে । সে মেয়েটি তো পালক পিতার কাছে মানুষ । পিতা তাকে নগরশোভিনী হবার জন্যই প্রস্তুত করেছিল । তা মেয়ে পিতার মান রেখেছে । এ কথা বলতেই হবে । বৈশালীর তো গর্ভ বটেই, অস্থপালী সারা মধ্যদেশেরই গর্ভ ।’

মধ্যম বললেন, ‘আপনি জানেন না আর্য । ব্যাপারটা মোটেই তা নয় । পালক পিতা হলেও অস্থপালীর পিতা মহানামভদ্র মেয়েটিকে অত্যন্ত স্নেহ করতেন । বয়ঃপ্রাপ্ত হলে তার রূপের খ্যাতি চারিদিকে এমন ছড়িয়ে পড়ল যে, রাজারাজড়া, রাজকুমার থেকে আরম্ভ করে মহাধনবান শ্রেষ্ঠী, ইত্যাদি কেউ আর তার পাণিপ্রার্থী হতে বাকি রইল না । তখন মহানামভদ্র সংস্থাগারে নিজের সমস্যার কথা নিবেদন করলেন । বাস্ । যেমনি দেখা অমনি গণরাজ্যের সবাই মিলে সিদ্ধান্ত নিলে এ মেয়ে জনপদশোভিনী হবার যোগ্য । ওদের দেশে তো সংস্থাগারে যা ঠিক হবে তার বিরুদ্ধে যাবার ক্ষমতা কারও নেই ।’

—এত কথা তুমি জানলে কি করে ? জ্যোষ্ঠর মুখে সকৌতুক হাসি ।

—পাণিপ্রার্থীদের মধ্যে তোমার শিষ্য-টিষ্য কেউ ছিল না কি ?

কনিষ্ঠ বলল, ‘আমরা সবাই-ই কিন্তু মোটামুটি এই রূপই জানি আর্য । মহানামভদ্র নাকি বুক চাপড়ে হাহাকার করেছিলেন, বলেছিলেন “এই আপনাদের বিচার হল ? ধিক ধিক আপনাদের ।” অস্থপালী নাকি প্রথমে পাথরের মূর্তির মতো হয়ে যায় । তারপর পিতার শোক দেখে তাঁকে সাস্তুনা দিয়ে বলে তার কয়েকটি শর্ত আছে সেগুলি যদি লিচ্ছবিকুল মানেন তাহলে সেও তাঁদের সিদ্ধান্ত মেনে নেবে । নইলে বিষ খেয়ে আত্মহত্যা করবে ।’

জ্যোষ্ঠ বললেন, ‘আশ্চর্য ! এত কথা আমি জানি না তো । আসলে কোশল রাজ্যের বাইরে কমই গিয়েছি । তা ছাড়া জন-যাজন আর ভাটের কর্ম করি, অত সংবাদ আমার কাছে আসবেই বা কী করে ? বয়সও গিয়েছে ।’

কনিষ্ঠ হেসে বললেন, ‘আপনার আমার বয়সের সঙ্গে আর এসব সংবাদের সম্পর্ক কি, আর্য ?’ শুনেছি অস্থপালীর এক রাত্রির মূল্য নিয়ে বৈশালী ও রাজগৃহে রীতিমত বিবাদ হয়ে গেছে ।’

জ্যোষ্ঠ বললেন, ‘তা সে যাই হোক । এমন নারী-রত্ন একজন পুরুষ ভোগ করবে, নৃত্যগীতকাব্যাদি কলার চর্চা না করে অন্তঃপুরে সপত্নীদের সঙ্গে কলহ করে আর যাউ রান্না করে কাল কাটাবে এটা আমার ঠিক মনে হয় না । রুচিমান বিদগ্ধ পুরুষগুলি যাবে কোথায়, নাট্য ও নৃত্য-গীতের উন্নতিই বা হবে কি করে !’

মধ্যম বললেন, ‘তা ছাড়াও একটা কথা আছে । অতি সুন্দরী, গুণবতী, স্মরণীয় গর্ভিত হয়ে থাকে । তারা সবসময়েই স্বেচ্ছাচারিতা করতে চায় । কাউকে তেমন শ্রদ্ধাভক্তি করে না । এরূপ রমণী কুলে না আনাই ভাল । অশান্তির সৃষ্টি হয় এতে । এই দেখুন না, আমার প্রথমা পত্নী জ্যোতির্লেখা, অতি রূপসী, তার ওপর কুলপতি পিতার কন্যা । দশ সহস্র না হলেও বহু ছাত্রের অধ্যাপনা ভরণপোষণ করেন । দক্ষিণা পাঁচশত কার্ষ্যপণ, কিন্তু শিষ্যও আছে অনেক ।’

‘এমন কুলপতির কন্যা তোমার পত্নী হল কি করে ?’ জ্যোষ্ঠ জিজ্ঞাসা করলেন, ‘খ্যাতিমান আচার্য্যর সাধারণত শ্রেষ্ঠ ছাত্রটির সঙ্গেই কন্যার বিবাহ দেন । তুমি তো তেমন নও বাপু ।’ কনিষ্ঠ মুদু মুদু হাসতে লাগলেন ।

মধ্যম অপ্রতিভ হয়ে বললেন, 'তা নই। কিছু করতে পারিনি ঠিকই। কিন্তু এখনও আমার রূপ দেখছেন তো আর্ঘ্য। যখন আমার স্বশুর মহাশয়ের ওখানে ব্রাহ্মচর্য পালন করছিলাম, তখন ক্ষত্রিয়দের মতো অশ্চালনা, কিছু কিছু অন্ত্রচালনাতেও নিপুণ হয়েছিলাম। জ্যোতির্লেখা আমার প্রতি আকৃষ্ট হয়।'

—আর তুমি? তুমি বৃষি অশ্চালনা, অসিচালনা কোনও রণে যাবার জন্য অভ্যাস করতে? জ্যেষ্ঠের কথায় কনিষ্ঠ সশব্দে হেসে উঠলেন।

মধ্যম ব্রাহ্মণের গৌরবর্ণ মুখ আরক্ত হয়ে উঠেছিল, তিনি বললেন, 'হাঁ, হাঁ, আমিও আকৃষ্টই হয়েছিলাম। অমন রূপবতী কন্যা, বস্তুলে যার যৌবন বাঁধতে পারে না, অমন গাঢ় কৃষ্ণতার চক্ষু দুটি, হাঁ হাঁ আমরা গান্ধর্ব বিবাহ করেছিলাম। স্বশুর মহাশয় ক্ষুব্ধ হয়েছিলেন। প্রাণ খুলে আশীর্বাদও করেননি। কিন্তু অস্বীকার আর করবেন কি করে?'

—তারপরে?

—প্রথম প্রথম জ্যোতির্লেখা আমার গৃহে এসে ভালোই ছিল। সুন্দর মানিয়ে নিয়েছিল। বলত দেবতারা যেমন রাখবেন তেমনই থাকব। পিতা-মাতাও কোনও অভিযোগ করতেন না। কিন্তু তারপর একদিন দুঃখ করে বলল, পিতার গৃহে এত শিখলাম, কিছুই কি চর্চা করতে পারব না? আগে সর্বদা পিতৃশিষ্যদের সমবেত মন্ত্রপাঠ শুনতাম, গৃহস্তুকটি যখন-তখন ব্যাকরণের সূত্রগুলি মুখস্থ বলে বলে কান ঝালাপালা করে দিত। তুমি তো খালি যজন-যাজনই কর, আমাকে অনুমতি দাও না আমি শ্রেষ্ঠীগৃহের মেয়েগুলির আচার্য্য হবো! ওরা বলছিল!

'সে তো ভাল কথা।' জ্যেষ্ঠ বললেন, 'যদিও প্রব্রাজিকাদের কাছেই নারীদের শিক্ষা পাওয়ার বিধান।'

—ভালো তো আমিও ভেবেছিলাম। সে নিয়মিত শ্রেষ্ঠীগৃহে যাতায়াত শুরু করল। তারপরই তার রূপগর্ব, বিদ্যাগর্ব বেড়ে গেল। মাতা অভিযোগ করতে লাগলেন, সে সময়মতো তাঁদের আর আহার দেয় না। তিরস্কার করলে বলে, আপনি তো অর্থব্ধ হয়ে যাননি অজ্ঞা। নিলেনই না হয় একদিন নিজেদের অন্ন নিজেরা বেড়ে। শ্রেষ্ঠী কন্যাগুলিকে ছন্দ বোঝাতে দেরি হয়ে গেলে কী করব। তখন আমি দ্বিতীয়া পত্নী ঘরে আনলাম।'

কনিষ্ঠ বললেন, 'আপনার একটি ছেলেও তো আছে!'

—একটি নয়, দুটি। সেই তো হল সমস্যা! জ্যোতির্লেখা ক্রুদ্ধ হয়ে বলল, "আমি তোমাকে দুটি পুত্র দিয়েছি। শ্রেষ্ঠীগৃহ থেকে ধন এনে গৃহের শ্রীবৃদ্ধি করেছি। তা সত্ত্বেও তুমি আমায় সপত্নীদুঃখ দিলে?" দিলাম যে তার দস্ত ভাঙতে সে কথা আর ভেঙে বসিননি।

মধ্যম ব্রাহ্মণ উরুতে চপেটাঘাত করে হাসতে লাগলেন।

জ্যেষ্ঠ বললেন, 'তো তাঁর দস্ত গেছে?'

—গেছে বইকি! তবে কি জানেন এই সব স্ত্রীলোক ভেঙেও ভাঙে না, আগেরই মতো শ্রেষ্ঠীগৃহে যায়, ধন যা পায় আমার পিতার হাতে তুলে দেয়, রন্ধন, গৃহশাসনের দায়িত্বগুলিও নির্বিবাদে পালন করে কিন্তু আমার শয়নগৃহে আর আসে না। কখনও না। পুত্র দুটিকে পিতৃগৃহে শিক্ষার জন্য পাঠিয়ে দিয়েছে।

—তা আপনার লাভ হল? না ক্ষতি হল?

—লাভই হল একরকম। জ্যোতির্লেখার তখন ছাব্বিশ সাতাশ বছর বয়স হবে, দুই সন্তানের মা, এদিকে আমার দ্বিতীয়া তো সবে সতের পার হয়েছে, দরিদ্র ঘরের মেয়ে। মা খালি তাই শোনে।

জ্যেষ্ঠ বললেন, 'ভাল, ভাল।'

জ্যেষ্ঠ বাইরে গেলে কনিষ্ঠ বললেন, 'আচ্ছা আর্ঘ্য একটা কথা জিজ্ঞাসা করব? প্রথমার জন্য আপনার উৎকণ্ঠা হয় না!'

মধ্যম বললেন, 'উৎকণ্ঠা? উৎকণ্ঠা ছেড়ে একেই সময় তার জন্য কামনা এত প্রবল হয় যে শ্রেষ্ঠীগৃহ থেকে ফেরবার পথে একটি উপবন আছে সেখানে আমি তার জন্য লুকিয়ে থাকি। দুই সন্তানের জননী হলে কি হবে, জ্যোতির্লেখা যৌবনকে বলতে গেলে একইভাবে ধরে রেখেছে।'



আমার তো সন্দেহ হত তার কোনও জার জুটেছে, না হলে আমাকে এত উপেক্ষা সে করে কী করে ? এতগুলি ঋতুই বা ব্যর্থ করে কোন সাহসে ? তা দেখলাম, শ্রেষ্ঠী গৃহ থেকে দু-তিনটি বালক তার সঙ্গে সঙ্গে আসে । একদিন একলা পেয়ে পেছন থেকে আলিঙ্গন করতে গিয়েছিলাম, লজ্জার কথা বলবো কি ভাই । “দুর্বৃত্ত” বলে সে আমাকে মাটিতে ফেলে পদাঘাত করলে ।’

—না জেনে করেছেন । ভালোই তো । আপনি নিশ্চিত হয়ে গেলেন তিনি অন্য পুরুষকে প্রশ্রয় দেন না ।

মাথা নাড়তে নাড়তে মধ্যম বললেন, ‘না রে ভাই, আমার বন্ধমূল ধারণা সে বুঝতে পেরেই করেছিল । পরে যখন দেখল আমি, অবাক হবার ভান করে বলল, “এ কি, তুমি ?” বলে আমায় প্রণাম করল । তারপর একটি কথাও না বলে চলে গেল ।’

—কী করে ধারণা করছেন সে বুঝতে পেরেছিল ?

মধ্যম ব্রাহ্মণ আরম্ভ মুখে বললেন, ‘কেন সে আমি তোমাকে কী করে বোঝাবে ? আমাদের আলিঙ্গনের একটি বিশেষ ধরন ছিল, কুলপতির ওখানে ওইভাবেই তার কাছে প্রণয় নিবেদন করেছি । সে সব শুধু কথা কোনও সমবয়সী বয়সকেই বলতে লজ্জা হয়, তো তুমি !’

মধ্যম ব্রাহ্মণ হঠাৎই কথা থামিয়ে পাশ ফিরে শুয়ে পড়লেন ।

কনিষ্ঠ ব্রাহ্মণ চিন্তিত মুখে বাইরের উদ্যানে চলে গেলেন । রাত বেশি হয়নি । আকাশটি সুন্দর । এ উদ্যানটি তাঁদের অতিথিশালার সংলগ্ন । সুন্দর, সুসজ্জিত, একটি ছোট্ট কল্পার-সরোবর আছে, তাঁর আশেপাশে বড় বড় পাথরের টুকরো । গুল্ম জাতীয় গাছ । দেখতে হয়েছে যেন পর্বতের মধ্যে সরোবর কিংবা চাঁদকে ঘিরে নক্ষত্রমণ্ডলী । বড় গাছগুলির তলায় শিলাসন । কনিষ্ঠ ব্রাহ্মণ বড় চিন্তিত । মধ্যম ব্রাহ্মণের মতো একটি সমস্যা তাঁরও হয়েছে । অবশ্য একেবারে একই প্রকার নয় । একটু স্বাতন্ত্র্য আছে । শিলাসনে বসে তিনি তাঁর নিজের সমস্যাটির কথা চিন্তা করতে লাগলেন । তাঁর প্রথমা পত্নীটিকে কাশীতে গঙ্গাস্নানের সময়ে কুমিরে নিয়ে যায়, দ্বিতীয়টির প্রতি স্বভাবতই তাঁর গভীর স্নেহ, যতদূর সাধ্য সাবধানে রাখেন তিনি এই প্রিয়া পত্নীকে । কিন্তু চারটি কন্যা সন্তানের জন্ম দিলেও, এখনও পুত্রমুখ দেখাতে পারেনি তাঁর প্রিয়া । তৃতীয়া গ্রহণ করবার জন্য জোর করছেন পিতা, পিতামহ । বংশে এমনিতেই পুত্রসন্তান অল্প । বংশই বা রাখবে কে ? মৃত্যুর পর পিতৃপুরুষকে অন্নজলই বা দেবে কে ? তাঁর জ্ঞাতি ভ্রাতাদের সবারই দুটি তিনটি করে পত্নী । ভ্রাতৃজায়ারা তো তাঁর ব্রাহ্মণীকে সর্বক্ষণই উত্ত্যক্ত করে । কিন্তু এসে থেকে স্বামীর বিশেষ সমাদর পেয়ে পেয়ে তাঁর পত্নী অভিমানিনী হয়ে উঠেছে । এখনই সে অলঙ্কার, গন্ধদ্রব্যাদি উপহার দিলে প্রত্যাখ্যান করতে শুরু করে দিয়েছে । এবার যাত্রার আগে ব্রাহ্মণী বলেছিল, ‘সেটাই পুস্তুরের জন্য যেমন, নিজের জন্যেও তেমন একটি ভালো দেখে গাই নিয়ে এসো । ঐড়ে বাছুর বিয়োবে এমন গাই । লক্ষণ পড়তে পারে এমন পণ্ডিতের সাহায্য নিও না হয় । নিজে তো কিছুই শেখোনি ।’

এমন নয় যে আমোদ-প্রমোদের সন্ধানে তিনি কখনও কোথাও যাননি । আগেও গিয়েছেন, এখনও যান । গান তিনি ভালোবাসেন । নাট্য কিংবা গোষ্ঠীসভা হলে শ্রাবস্তী নগরের যেখানেই হোক, তিনি আগে গিয়ে বসে থাকবেন । সুগায়িকা বারবধুগুলি চেনা হয়ে গেছে । স্নেহে ও সম্পন্ন শ্রেষ্ঠীকুমার জুটলে, সঙ্গে সঙ্গে তিনিও চলে যান । কিন্তু, গৃহে কুলস্ত্রী একাধিক থাকলে অনেক সময়ে বড় বিড়ম্বনা হয় । তাঁর জ্যেষ্ঠদের সবার ঘরে তো শান্তি নেই ! তাঁর গৃহটি যেমন শ্রীমন্তিত, তেমন শান্তিপূর্ণ । তিনি নিজেও মৃদঙ্গ বাজান, সময় পেলে যখন মৃদঙ্গটি নিয়ে বসেন, মাটির মাত্রে তুষের আশ্রয় করে তাতে সুগন্ধিচূর্ণ দিয়ে একপাশে রেখে যায় ব্রাহ্মণী । দীপটি নিষ্কম্প শিখায় জ্বলে, দুটি কন্যা তাঁরই মতো সংগীতপ্রিয়, বেশ ভালো গাইতে পারে । তাঁর মৃদঙ্গবাদনের মান এমন নয় যে কোনও উৎসবে সুযোগ পাবেন, কিন্তু গৃহের মধ্যেই এমন শ্রোতৃ কন্যা দুটি, গৃহিণী তদগত চিন্তে শোনে । আবারও বিবাহ করলে ব্রাহ্মণীর যা মতিগতি কেমন আছে, মৃদঙ্গটি হয়তো দুই সপত্নীই বাজাতে থাকবে, তাঁকে পথে পথে ঘুরতে হবে ।

পেছনে কাশির শব্দ শোনা গেল । ব্রাহ্মণ মুখ ফিরিয়ে দেখলেন জ্যেষ্ঠ ।

—বসব নাকি একটু ? জিজ্ঞাসা করলেন জ্যেষ্ঠ ।

—নিশ্চয়ই নিশ্চয়ই, কনিষ্ঠ একটু সরে বসলেন ।

জ্যেষ্ঠ বললেন, 'যেন চিন্তিত মনে হচ্ছে ! মিগারের পুত্রের জন্য এত চিন্তা ?'

কনিষ্ঠ কপাল চাপড়ে বললেন, 'মিগারের পুত্রের আর কি ? একটা ছেড়ে দশটা বিয়ে করুক না, কেউ কিছু বলতে আসবে না । ধনী শ্রেষ্ঠীদের ঘরে তো এক এক পত্নীর এক এক গৃহ । কাংসপাত্রগুলি আলাদা আলাদা থাকলে তো আর ঠোকাঠুকির সম্ভাবনা নেই ।'

—আহা, শ্রেষ্ঠীদের কথাই যখন বললে তখন রজতপাত্র, সুবর্ণপাত্রের কথা বলো । কাংসপাত্র তো তোমার আমার ঘরে । তা হলো কি ? বলই না । বয়সে বড়, সংসারে দেখলাম শুনলামও অনেক । তোমার সমস্যাটা কী হে !

কনিষ্ঠ ইতস্তত করে নিজের সমস্যাটির কথা বলেই ফেলেন । শুনে জ্যেষ্ঠ বললেন, 'দেখো গুণপতি । শাস্ত্রে বলেছে স্ত্রীলোককে কখনও বাড়তে দেবে না ।'

—বলেছে নাকি ? কনিষ্ঠ দুর্বল কণ্ঠে বললেন ।

—সন্দেহ প্রকাশ করছ ? একস্য পুংসো বহ্যো জায়া ভবন্তি । শোননি ? যা বা অপুত্রা পত্নী সা পরিবৃত্তী । অপুত্রা পত্নীকে তো পরিত্যাগই করতে পারো । যে স্ত্রী শুধু কন্যাসন্তানের জন্ম দেয় তাকে বারো বছর পরেই ত্যাগ করা যায় । তা তুমি তো ত্যাগ করছ না হে, শুধু শাস্ত্রানুযায়ী দ্বিতীয়া ভার্যা গ্রহণ করছ ! অপরাধ তো কিছু করছ না !'

—তা করছি না । কিন্তু গৃহশান্তি ? গৃহশান্তির কথা ভেবেই...

জ্যেষ্ঠ বললেন, 'ওই যে বললাম, বাড়তে দিয়েছ । বড়ই বাড় হয়েছে ।'

জ্যেষ্ঠ উঠে পড়লেন । বেশি কথা বাড়ানো ঠিক নয় । তাঁর নিজের গৃহে সবার বড় ব্রাহ্মণীটি খুবই ধৈর্যশীল, ক্ষমাপরায়ণ, গৃহকর্ম নিয়েই ব্যস্ত থাকেন । কিন্তু দ্বিতীয়াটি ছিল বেশবাসপ্রিয়, কলহপরায়ণ, তৃতীয়াকে গৃহে আনার পর সে পুংশলী হয়ে যায় । পিতৃগৃহে চলে গেল, আর এলো না । শ্রাবস্তীতে কেউ এ কথা জানে না । জানলে তাঁর মর্যাদাহানি হবে । তিনি রটিয়ে দিয়েছেন তার মৃত্যু হয়েছে । বহুদিন হয়ে গেল, এখনও সেসব কথা মনে হলে তাঁর যন্ত্রণা হয় ।

নির্বিষয়ে পূজার্চনা করবেন, কোনও ধনী শ্রেষ্ঠীর কি ক্ষত্রিয় পরিবারের বাঁধা পুরোহিত থাকবেন, দানগুলি গৃহে এসে জ্যেষ্ঠ ব্রাহ্মণীর হাতে তুলে দেবেন, সে সব ভাণ্ডারজাত করবে, অপেক্ষাকৃত অল্পবয়স্ক ছেলেমেয়েগুলি দানের জিনিস দেখবার জন্য গোব্দমাল করবে, মনে মনে খুশি হলেও বাইরে তিনি বিরক্তি প্রকাশ করবেন তখন দ্বিতীয়া এসে তাদের হাতে মোদক দিয়ে টেনে নিয়ে যাবে । পা ধুইয়ে দেবে তৃতীয়া, ভোজ্য এবং খাদ্য নিয়ে আসবে জ্যেষ্ঠা । রাত্রে সবচেয়ে ছোটটি অর্থাৎ তৃতীয়াকে নিয়ে সহবাস সূখ উপভোগ করবেন । এই তো জীবন ! সুখের পরাকাষ্ঠা ! স্বাদ বদলাতে দ্বিতীয়া, কখনও কখনও প্রথমাও থাকবে বইকি । পত্নীগুলিকে তিনি শাস্ত্রানুযায়ী সমান ভালোবাসতে না হোক সমদৃষ্টিতে দেখতে প্রতিশ্রুতিবদ্ধ, না ? তা ভালোবাসা তো শুধু শয্যাতেই প্রমাণ হয় না ! এই যে তিনি গার্হস্থ্যের কোনও ব্যাপারে জ্যেষ্ঠা ব্রাহ্মণী ছাড়া আর কারও উপর নির্ভর করতে পারেন না, দানের দাসী, গবাদি পশু, তৈজস ইত্যাদি বিক্রয়ের জন্য মধ্যমপুত্র ছাড়া আর কাউকে দায়িত্ব দিতে চান না, এগুলো কি ভালোবাসা নয় ? শাটক যেগুলি পান সবার মধ্যে সমান ভাগ করে দেবার নির্দেশ দেন জ্যেষ্ঠাকে । নির্দেশ দিতেও হয় না । সব কাজই ধর্মরূপে নিষ্পন্ন হয়ে যায় । তার হাতের অপূপ, পায়স কিংবা প্রতিদিনের সেব্য যে যা শু তার স্বাদ কী ! তখন তিনি প্রেমপূর্ণ দৃষ্টিতে তার দিকে তাকান, সে কি তা বোঝে না ? শয্যা তার সিঁথিল প্রত্যঙ্গগুলি যদি কামোচ্ছাদনা জাগাতে না পারে বিশেষ তিনিও তো পুরুষ বৃদ্ধই হলেন অথচ ভোগবাসনা যায়নি । ক্রমশই তরুণী আরও তরুণী প্রয়োজন হয় । এই সামান্য কথাটা স্বাভাবিক দ্বিতীয়া তার একটি ছেলে একটি মেয়েকে নিয়ে পিতৃগৃহে চলে গেল ! আর এলো না । একবার তাকে আনতে গিয়ে কী অপদস্থই না হয়েছিলেন ছেলেমেয়ে দুটি তাঁর সঙ্গে চলে এলো । দুই রাত্রি সেখানে থেকেও তাঁর দেখা পেলেন না । শ্যালকরা বলল—সে নাকি সখীর গৃহে গেছে । পুত্র-কন্যা দুটিকে নানাভাবে প্রশ্ন করে তিনি যা বোঝবার বুঝলেন । ফিরে এলেন এবং কদিন পরেই রটনা করলেন 'সে অকস্মাৎ

সর্পাঘাতে মারা গেছে। কিন্তু একটি সুখী, শান্তিময়, কল্যাণশ্রী সম্পন্ন সংসারের গৃহপতি বলে গৌরব আর কি তিনি মনে মনে করতে পারেন ?

৮

সকালে প্রচুর বৃষ্টিপাত হয়ে গেছে। এখন কিন্তু তার চিহ্ন মাত্র নেই। রাতের আকাশে অজস্র তারা। দিকসুন্দরীরা যেন অমলনীর বসন পরে হীরককুচির আভরণে সজ্জিত করেছেন নিজেদের। উদ্যানে অনেক দূরে দূরে দীপদণ্ড। গ্রীষ্মে, বর্ষায় অন্তঃপুরের এই উদ্যানটি বিসাখার বড় প্রিয়। স্বল্প আলোয় সর্বত্র গাছগুলির অবয়ব চেনা যায় না। খালি পুঞ্জীভূত অন্ধকার দিয়ে তাদের আকার গড়া। পুষ্পিত তরুগুলি থেকে সুবাস আসছে। সপ্তপর্ণীর অঙ্গ থেকে, বকুল, নীপতরু থেকে মাতাল করা সুগন্ধ তরুণ আষাঢ়ের সিক্ত বাতাসের সঙ্গে বয়ে চলেছে। নীপতরুমূলে পাষণ বেদিকার ওপর বসল বিশাখা। পাঁচজন অনুচরী চার দিক থেকে তাকে ঘিরে আছে। কারও হাতে ময়ূরপাখার ব্যজনী, কেউ স্নিগ্ধ পানীয় হাতে, কেউ কেউ তার পদ বা হস্ত সংবাহন করবার জন্য শুছিয়ে বসল। বিশাখার রাত্রে সাজ মনোরম গাড় নীল রঙের সূক্ষ্ম কাশীর কার্পাস-বস্ত্র। আভরণগুলি খুলে ফেলে কুসুমসজ্জা করেছিল সকালে একবার। আর একবার অপরাহ্নে, এখন সেগুলি শুকিয়ে উঠেছে। দাসীরা কণ্ঠে মুক্তামালা দুলিয়ে দিল, কানে মুক্তার কর্ণভূষা, হাতে রত্নখচিত গজদন্তের কঙ্কণ। তার ক্ষুদ্র কোমল পা দুটি কোলে তুলে নিয়ে ধীরে ধীরে টিপে দিচ্ছিল ধনপালী। কিছুক্ষণ পর বিশাখা বলল, 'আহ, ধনপালি, আর কতক্ষণ এভাবে সংবাহন করবি ?'

'কেন ভদ্রে; তোমার ভালো লাগছে না ?'

'আমি কি বৃদ্ধা ? না রোগিণী ? সে যখন তখন সংবাহন ভালো লাগবে ?'

'কিন্তু এ তো বৃদ্ধা বা রোগিণীর সংবাহন নয় ভদ্রে, এই সংবাহন পদ্ধতি আমি আমার পিতামহীর কাছে শিখেছি। তিনি মহারানী ক্ষেমার মণ্ডনধাত্রী ছিলেন। সুদূর মদ্ররাজ্য থেকে মহারানীর সঙ্গে মগধে আসেন। আমাদের কত কিছু শিখিয়েছেন ! এতে শরীরে রক্ত চলাচল সাবলীল হয়। ত্বকের শোভা বাড়ে। কোনও গ্লানি থাকে না কখনও।'

বিশাখা তার মণির মতো উজ্জ্বল, মুণালের মতো সুগঠন, ফুলের পাপড়ির মতো মসৃণ সুখস্পর্শ বাহু বাড়িয়ে বলল, 'ধনপালি, আমার কি আরও উজ্জ্বলতা, আরও মসৃণতা, আরও শোভার প্রয়োজন আছে ? এর চেয়েও বেশি হলে উপযুক্ত বর কোথায় পাবেন পিতামাতা ?'

ধনপালী হাসিমুখে চুপ করে রইল। যদিও বিশাখা তার দাসীদের সঙ্গে সখীর মতোই ব্যবহার করে, তবু প্রভুকন্যার সব কথার উত্তর দেওয়ার শিক্ষা তার নেই।

আর এক দাসী কথা বলল, 'তা যদি বলো ভদ্রে, রূপে গুণে বিচার করলে তোমার যোগ্য বর পূর্ব দেশেই বলো, উত্তর দেশেই বলো, কোথাও পাওয়া যাবে না। যদি বা পাওয়া যায়ও অতি সুন্দরী অতি গুণবতী ভার্যার মর্যাদা কি পুরুষরা দিতে পারে ?'

'এ কথা কেন বলছিস ?' সাগ্রহে জিজ্ঞাসা করল বিশাখা।

'আমি দেবী রাহুলমাতার কথা ভেবে বললাম। সমন গৌতম তো এখন বৃদ্ধ হয়েছেন, তিনি কি বিবাহের সময়ে সর্বাঙ্গসুন্দরী, অনুপম গুণবতী কন্যা চাননি ? তা সেই কন্যা তাঁর কী কাজে লাগল ? পুত্রও তো দিয়েছিল ? পুত্রবতী সেই ভার্যার কী মর্যাদা তিনি দিলেন ? শুনতো শ্রীসদ্য প্রসূতি রাহুলমাতা গৌতমের গৃহত্যাগের পর মাটিতে শুতেন, দিনান্তে সামান্য পক্ষীর একবার মাত্র গ্রহণ করতেন, মেঘদামের মতো কেশ কেটে ফেলেছিলেন। এত তপস্যা, এত পাতিত্রতোর পরও তো গৌতম তাঁকে পা দিয়েও স্পর্শ করে দেখেননি।'

'কোথা থেকে এত শুনলি ?' অনামনস্ক হয়ে বিশাখা বলল।

'আমরা তো আর তোমার মতো অন্তঃপুরে থাকি না, নারীদিকে ঘুরতে হয় কাজে। সমন গৌতমের শিষ্যরাই তো এসব কথা গৌরবের সঙ্গে বলাবলি করে। নাকি কপিলাবস্তুরে তাঁকে দ্বারে দ্বারে ভিক্ষা করতে দেখে দেবী নিদারুণ কষ্ট পেয়েছিলেন, তাঁদের বংশের অনুপযুক্ত কাজ বলে নিষেধ করে পাঠিয়েছিলেন স্বশুরকে দিয়ে। নাকি গৌতম তাঁকে বলেন তিনি শাক্যবংশের নন,

বৃদ্ধবংশের। একাকী রাহুলমাতার সঙ্গে তিনি দেখা পর্যন্ত করতে চাননি। যিনি দীর্ঘদিন তপস্যা করে কাম জয় করেছেন, নিজের স্ত্রীকে তিনি ভয় পেলেন, না কি ? সঙ্গে ওই উপতিথ্য বলে শ্রীচ ভিক্ষুটা ছিল, দেহরক্ষীর মতো, ওই যে গো যাকে সবাই সারিপুস্ত সারিপুস্ত করে। অগঙ্গসাবক হয়েছে না কি আবার !

ময়ূরী বলল, 'শুধু দেবী রাহুলমাতা না কি ? আমি আরও মর্মস্পর্শী কাহিনী শুনেছি কপিলাবস্তুর। কিন্তু ভাদ্দে অল্পবয়স্কা, ব্যথা পাবেন, তাই না বলাই ভালো মনে করছি।'

বিশাখা মৃদু হেসে ময়ূরপুচ্ছ দিয়ে তাকে তাড়না করে বলল, 'কৌতুহল কী করে বাড়াতে হয় খুব শিখেছিস, না ? কার কাছ থেকে এ বিদ্যা আয়ত্ত করলি ? ধনপালি তো তার পিতামহীর কথা বলে, তোর কি মাতামহী ?'

ময়ূরী হাসতে লাগল, তারপর ভ্রুভঙ্গি করে বলল, 'সত্যি গো বিসাখাভাদ্দে, সমন গৌতম তাঁর বৈমাথ্রেয় ছোট ভাই নন্দর বিয়ের দিনে তার হাতে ভিক্ষাপাত্র ধরিয়ে দিয়ে তাকে ন্যাথোধ-আরামে টেনে আনেন। বটগাছের ওই কাননটা শাক্য আর কোলিঈদের রাজ্যের সীমায় বোধহয়, রোহিণী নদীর তীরে। রাজপুরী থেকে অনেক দূর। তারপর অনেকক্ষণ বসিয়ে রেখে নন্দকে জোর করে পব্বজজ্যা দেন। ওদিকে তো বিয়ের সাজ পরে তার বধু বসে আছে। একই সঙ্গে বধুও হবে, রানীও হবে। গৌতম চলে যাবার পর ওই কুমার নন্দই তো শুদ্ধোদনের সম্পত্তি পাবেন ! শাক্যারা গৌতমের বংশকেই সবচে মানে। শুদ্ধোদনের ধনও নাকি অনেক।

বিশাখা তাকে আবার তাড়া দিয়ে বলল, 'গল্প বলতে জানিস না ? অন্য দিকে যাচ্ছিস কেন ? নন্দর বিয়ের গল্পটা বল !'

'বিয়ের গল্পে নয় গো, মরণের গল্পে ! শোনো, শুনলেই বুঝতে পারবে। নন্দর তো ওই বধুর সঙ্গে বাল্য থেকে প্রণয়। বধু তো তোমারই মতো জনপদকল্যাণী।'

'এই ময়ূরি, মিথ্যা বলবি না, আমি কখনও জনপদকল্যাণী নই।'

'মিথ্যা বলছি না ভাদ্দে, ওই সব গণরাজার দেশে সুন্দরী কন্যাদের জনসমক্ষে হাজির করতে হয়, সৌন্দর্যের প্রতিযোগিতা হয় গো, তাই উপাধি পায়। তোমাকে তো তোমার পিতা ভয়ে ঘরের বারই করতে পারেন না। পাছে অমূল্য নিধিটি হারিয়ে যায় ! সেদিন সরযুতীরে ওই বটুদের কথা শুনছিলে না ? অস্থিকল্যাণী, কেশকল্যাণী, মাংসকল্যাণী, একজন আবার বলল কণ্ঠকল্যাণী। তো সবচেই যদি অমন কল্যাণী হও, মাথার থেকে পা পর্যন্ত শ্রেষ্ঠ, তো জনপদকল্যাণী তুমি হবে না তো কি সেটটি ভবদেবের মেয়ে খুজ্জ উত্তরা হবে ?'

বিশাখা রাগ করে বলল, 'কারও শারীরিক ত্রুটি নিয়ে এমন অকারণ পরিহাস করা আমি সইতে পারি না ময়ূরি, ছি ! উত্তরা দুভাগিনীর দুঃখের কথা কখনও ভেবে দেখেছিস ? পিঠে ওই রকম কুঁজ ! আহা, সে সোজা হয়ে চলতে পারে না।'

ধনপালী বলল, 'ময়ূরির গল্পেটা যে শেষ হল না ভাদ্দে, এই ময়ূরি ক্ষমা চা। আগে ক্ষমা চা, তারপর গল্পেটা বল।'

ময়ূরী জোড়হাত করে ক্ষমা চাইল, কিন্তু তার ওষ্ঠাধরপ্রান্তে দুইমির হাসি লেগেছিল। বিশাখা গম্ভীরভারে বলল, 'ঠিক আছে, বল।'

'কুমার নন্দর প্রণয়িনী ওই শাক্যকন্যা অসামান্য রূপসী ছিল। নন্দকে ভালোবাস্ত প্রাণ দিয়ে। চিন্তা করো ভাদ্দে, বধুসাজে সজ্জিত মেয়েটির কাছে সংবাদ এলো তার বর যে নাকি কিছুক্ষণ পরই বিয়ে করতে আসবে, সে পব্বজজ্যা নিয়েছে।'

'তারপর ? তখন কী হল ? শ্রমণ কি দয়া করলেন ?'

'সমন করবেন দয়া ! তা-ও নারীকে। যে নারীকে তৈজসপুত্রের মধ্যে গোনা হয় ? কন্যাটি মারা গেল। পূর্ণ বধুবোশে সজ্জিত সেই অপরাধী কন্যার হৃদয়ে বিষের তীর বিধল। শুনেছি চম্পক গৌরী কন্যাটি নাকি নীল হয়ে গিয়েছিল ব্যথায়। এত যাতনা যে টেনে টেনে গা থেকে আভরণ, বস্তুর, উত্তরীয় সব খুলে ফেলে তারপর আপাদমস্তক নীল হয়ে চলে পড়ে।'

উপস্থিত সকলেই শিউরে উঠল।

অনেকক্ষণ চুপ করে থেকে গাঢ় নিশ্বাস ফেলে বিশাখা মৃদুস্বরে বলল, 'নন্দ শুনেছেন সে কথা ?'  
'শুনেছেন কি না জানি না, তবে এটুকু জানি যে সমন গৌতম তাকে নাকি ওই বধুর চেয়েও শতগুণে সুন্দরী দেবকন্যার লোভ দেখিয়ে বিনয় পালন করছেন। তার নাকি মন ইতিমধ্যেই শান্ত হয়ে এসেছে। অর্হষ লাভ করল বলে।'

বিশাখা বলল, 'বাঃ, দায়িত্বহীন মোহাঙ্কতার পুরস্কার হল অর্হষ ? আর অনন্য প্রণয়ের পুরস্কার হল অপঘাত ?'

'তবেই বলো ভদ্রে, সুন্দরী গুণবতী হয়েই বা কী লাভ ! যোগ্য পতিলাভ করেই বা কী ! রাহুলমাতার যখন বিবাহ হয়, তখন শাক্যকুমারীরা, কোলিয় কন্যারা তো সবাই তাঁকে ঈর্ষাই করেছিল !'

'কেন ?' বিশাখা অন্যমনস্ক হয়ে বলল।

'তুমি সমন গৌতমকে দেখনি ?'

'হ্যাঁ একদা দেখেছিলাম বটে।'

'তাহলে জিজ্ঞেস করছো ? মগধরাজ বিহিসার নাকি তাঁকে বাতায়ন থেকে দেখতে পেয়ে নিচে নেমে এসে মগধ রাজ্যটাই অঙ্গন করতে চেয়েছিলেন।'

'সে কি শুধু রূপ দেখে ময়ূরি !'

'বাতায়ন থেকে প্রথম দর্শনে রূপ ছাড়া আর কী-ই বা দেখা যায় ভদ্রে !'

'তা অবশ্য,' বিশাখা স্বীকার করল, তারপর বলল, 'ময়ূরি, রূপেরও তো প্রকারভেদ আছে ! যে রূপ দেখে শাক্যকন্যারা রাহুলমাতাকে ঈর্ষা করত, আর যে রূপ দেখে মগধরাজ রাজ্য দিয়ে দিতে চাইলেন তা নিশ্চয়ই এক নয়। একটি যদি রমণীমনোহর হয় তো অন্যটি হয়তো সর্বোত্তম পৌরুষব্যঞ্জক, হয়তো অসীম শক্তির কোনও দ্যোতনা ছিল সেই রূপে।'

'কি জানি তোমার মতো অত বিদ্যে তো শিখিনি ভদ্রে, এভাবে বিচার করতে পারব না, তবে আমার মতো সামান্য মেয়ে এটুকু বলতে পারে, তোমার মতো রূপসী গুণবতীর যোগ্য যদি কেউ হয় তো সে হবে ওই কুমার সিদ্ধার্থ।'

শিউরে উঠে কানে আঙুল দিল বিশাখা, ভৎসনা করে বলল, 'ছি, ময়ূরি, এ কল্পা মুখে আনলেও যে পাপ হয়। শ্রমণ আমার পিতার বয়সী, পিতৃসম, তাছাড়া প্রব্রজিত, সন্ন্যাসী।'

'আমি কি তোমাকে সিদ্ধার্থকে প্রার্থনা করতে বলেছি ভদ্রে, আমরা মুখ নারী, সব কথা ঠিক মতো বোঝাতে পারি না, বলছি সিদ্ধার্থর মতো কেউ থাকলে সে হতো তোমার যোগ্য বর। কিন্তু তাতেই বা কী ? ওই রকম যোগ্য বরের হাতে পড়ে আমাদের আদরিণী প্রভুকন্যার যদি রাহুলমাতার মতো দশা হয় !'

'আমি অন্তত কেশ কর্তন করব না'—মল্লিকার মালা জড়ানো বেণীটিকে দুহাতে যেন আদর করতে করতে বিশাখা বলল, —'কর্কশ বস্ত্রও পরবো না, কদম্ব ভোজনও আমার দ্বারা হবে না।' সে অনুচরীদের দিক থেকে মুখ ফিরিয়ে রেখেছিল, তার কণ্ঠস্বরে ক্রমশই চাপা গর্ব এবং রোষ প্রকাশ পাচ্ছিল।

'তুমি কখন সমনকে দেখেছিলে, ভদ্রে, আমাদের সে গল্পে শোনাও না ! আমরা তোমাকে কত গল্পে শোনালাম !'

তার দাসীরা প্রভুকন্যার ভাবান্তর অনুভব করেছে। তারা তাকে সন্ত্রম করে আলোবাসে, ভয় করে না। প্রভুকন্যার সঙ্গে তাদের সখিসম্বন্ধ। তার কাছ থেকে তারা অনেক কিছু শেখেও।

বিশাখা ধীরে ধীরে বলল, 'সে তো অনেক দিনের কথা। তখন জন্দিয় নগরে পিতামহের গৃহে থাকতাম। তোরা সে সময়ে ছিলি না।'

ধনপালী বলল, 'ভাগিস তুমি সাকেতে এসেছিলে, নইলে যে আমাদের কী দশা হত ! খুজ্জ উত্তরায়, না, না, উত্তরাদেবীর মা একটি দাসীকে এমনই প্রহার করেছেন যে তার পঞ্চত্বপ্রাপ্তি ঘটেছিল আর কি !'

শিউরে উঠে বিশাখা বলল, 'পঞ্চত্বপ্রাপ্তি ! সে কী ?'

'সে এক মহা কলঙ্কের ব্যাপার ভদ্রে, এই কথা তুই বল না ! তুই বেশ ভালো বলতে পারিস ।  
কহা বলল, 'ছি, ওসব কথা বিস্বাসভঙ্গার কানে তুলে কাজ নেই !'

বিশাখা বলল, 'আবার । বল বলছি শিগগিরই !'

কহা বলল, 'সত্যি কথা বলতে কি উত্তরামাতারও খুব দোষ নেই । মেয়ে খুজজ বলে তো  
দুশ্চিন্তার সীমা নেই । বিয়ে ছাড়া মেয়েদের গতি কী ? কিন্তু কী করে দোষযুক্ত কন্যাকে পার  
করবেন !'

বিশাখা বলল, 'উত্তরা কিন্তু সুখী । ওই একটিই দোষ-ওর, আহা ।'

'দোষ বলে দোষ ! তা অনেক দেখে-শুনে শেষ পর্যন্ত এক দরিদ্র ব্রাহ্মণকে পাত্র স্থির করেছিলেন  
ভবদেব সেটটি । প্রথম স্ত্রীটি মারা গেছে । যমজ দুটি পুত্র । আহা অল্পবয়স্ক ! এর অসুখ করলে  
ওরও অসুখ করে । একসঙ্গে হাসে, একসঙ্গে কাঁদে । ব্রাহ্মণ তো একেবারে সারা হয়ে যাচ্ছিলেন ।  
বৃহতেই পারছে অবিলম্বে পত্নী দরকার । ভবদেব অনেক সুবন্দ, ধান্য ক্ষেত্র ইত্যাদি যৌতুক দেবেন  
স্বীকার করে ব্রাহ্মণকে নিমন্ত্রণ করে ঘরে নিয়ে আসেন । ভদ্রা উত্তরা স্বহস্তে পলান্ন, পায়স, মণ্ড,  
মোদক সব প্রস্তুত করেছিল । যখন মাতা-পিতা-কন্যা ব্রাহ্মণের সঙ্গে কথা বলছে তখন পদ্মিনী  
ভোজ্য খজ্জ সব নিয়ে ঘরে ঢোকে । ভোজনপর্ব সমাধা করে বটু বলে কি জানো ? "যে দাসীটি  
ভোজ্য এনেছিল, ও ভৃত্তিকা, না ক্রীতদাসী ? যদি ক্রীতদাসী হয় তো কত নিজস্ব দিলে ওকে মুক্তি  
দেবেন বলুন, আমি ওকেই বিবাহ করব ।"

'বলিস কী ?' বিশাখা আশ্চর্য হয়ে বলল, 'একজন ব্রাহ্মণ হয়ে লোকটি এমন করল ?'

'ব্রাহ্মণ তো কী', কহার ওষ্ঠাধর স্মৃতিত হল । সে বলল, 'শুভ্রা বলে, দাসী বলে কি আমরা আর  
মানুষ নই না কি, ওরকম অনেক বটু-বামুন, অনেক ক্ষুণ্ডিয়-সেট্টিকুমারের নাক কেটে দিতে পারি ।'

ধনপালী বলল, 'আহ্ কহা কী বাচালতা হচ্ছে ?'

বিশাখা হাসিমুখে বলল, 'না না ওকে বলতে দে পালি । অবশ্যই পারিস । নাক কখন কাটতে  
পারিস, মাথা ঘুরিয়ে দিতে পারিস । তোর শক্তিতে কে সন্দেহ প্রকাশ করছে । আমি ব্রাহ্মণের দিক  
থেকে কথাটা চিন্তা করছি । একটি কন্যাকে বিবাহ করার জন্য গিয়ে তার...' বিশাখা অপ্রতিভ হয়ে  
চুপ করে গেল । তার পাঁচজন দাসী তাকে ঘিরে রয়েছে । বোঝাই যাচ্ছে তাদের মনে সামান্য হলেও  
কিছু অভিমানের সঙ্কার হয়েছে । এই প্রসঙ্গ থামানো ভালো ।

ময়ূরী বলল, 'তারপর জানো ভদ্রে, ব্রাহ্মণকে দুর্ব্যবহার করে বিদায় দিয়ে খুজজ উত্তরার মা  
পদ্মিনীর গলা টিপে ধরে । এমন জ্বরে যে উত্তরাভদ্রা আর ভবদেব সেটটি কেউ ছাড়াতে  
পারছিলেন না । উত্তরার মা কেমন শূলঙ্গী জামোই তো ! অবশেষে পদ্মিনী অজ্ঞান হয়ে পড়ে  
গেলে, সেটটি বলতে থাকেন তুমি অতি কোপনস্বভাব, হৃষদীর্ঘ জ্ঞান নেই, নাও এবার হত্যার  
অপরাধে তোমাকে নগরপালের লোকেরা ধরে নিয়ে গিয়ে হাত পা কেটে দেবে । তখন হাই-মাই  
করে কাঁদতে থাকে শূলঙ্গিনী । ইতিমধ্যে উত্তরাভদ্রা চোখে মুখে জল দিয়ে, কষ্ট পৃষ্ঠ ডলে দিয়ে,  
উত্তম সূরা পান করিয়ে পদ্মিনীকে সুস্থ করে তোলে ।'

'এখন ভালো আছে ?' বিশাখা জিজ্ঞাসা করল ।

'এখনও হাতে পায়ে তেমন বল পায়নি শুনতে পাই ।'

'মেয়েটি কি অতি সুন্দরী !'

'কী যে বলো ভদ্রে, অতি সুন্দরী আর কোথা থেকে হবে ! ভদ্রের মতো বন্ধু, কিন্তু মাথায় কেশ  
খুব, পৃথুল শ্রোণী । বন্ধ দুটিও বৃহৎ মৃৎ-হণ্ডিকার মতো । পুরুষদের আর কী চাই বলো ! তবে  
মানুষটি খুব শাস্ত পদ্মিনী । এবার হয়তো ওকে বিক্রি করে দেবে সেটটি ।'

বিশাখা উৎকর্ষ হয়ে ছিল, বলল, 'ওকে বিক্রি করলে আমি কিনব । দেখিস তো ! আর ওই  
ব্রাহ্মণ ? ওর একটু সন্ধান আনতে পারিস ?'

ময়ূরী বলল, 'কালই পদ্মিনীর খোঁজ আনব । কেন গো ভদ্রে ?'

বিশাখা সহসাই প্রভুকন্যা হয়ে উঠল । বলল, 'তাতে ভোর প্রয়োজন কী ? আর এবার তেরা যা  
তো !'

‘কোথার যাবো ? তুমি একা থাকবে নাকি ?’

‘কেন ! আমাকে একা থাকতে নেই ! দিব্যরাত্র তোদের কেকারব শুনতে হবে ?’

‘দেবী তোমায় একা রাখতে বারণ করে গেছেন কিন্তু ।’

‘আচ্ছা আচ্ছা যা, দেবী এলে আমি নিজে তাঁকে বুঝিয়ে দেবো এখন, কতক্ষণ একা থেকেছি ।’

ওদের পাঁচজনেরই খুব ঘুম পেয়ে গেছে বুঝতে পারা যাচ্ছে । ছাড়া পেয়ে ওরা বাঁচল । এখন ওদের কক্ষে গিয়ে শোওয়া মাত্র ঘুম এসে যাবে । অমন অন্তর্ভেদী নাসিকাগর্জন সবার দাসীরই হয়ে থাকে কি না জানা নেই বিশাখার । হলে বুঝতে হবে অভিজাত কন্যাদের সবারই রাত্রি-জাগরণ অভ্যাস আছে । এক এক জনের নাসিকার আওয়াজ এক-একরকম । কথা ঘুমোলেই ঘরে হরিৎ ফড়িং উড়তে থাকে, জোরালো পাখার শব্দ । ময়ূরী তার সঙ্গে যুক্ত করে একটা গুঞ্জনধ্বনি, ধনপালী ঘুমোয় মুখ হাঁ করে । এবং এক নিমেষ অন্তর তার খোলা মুখ থেকে একটি ছোট্ট পাখি উড়ে যায় ফুডুৎ, ফুডুৎ করে ।

প্রহরখানেক পরে বিশাখা ওদের কারও মুখ বন্ধ করে দেয়, কাউকে জোর করে পাশ ফিরিয়ে দেয়, কারুর গাড়িয়ে পড়া মাথা উপাধানে তুলে দেয়, তারপর সত্যিকার নিস্তব্ধ নিশা নামে তার কক্ষায় । আগে সব গৃহের নিয়মমতো তার দাসীরা তার ঘরেই মাটির উপর শুতো । বিশাখা তার বারো বছর বয়স হবার পর নিজের ঘর আলাদা করে নিয়েছে । দাসীরা শোয় সংলগ্ন ঘরে । দ্বার খোলাই থাকে । তবু তো রাত্রির পরিসরে আপন কক্ষে কুমারী বিশাখা একা !

এখন এই কাননে সেই বহু আকাঙ্ক্ষার ধন একাকিত্ব সে পেল । ওই বৃক্ষগুলি ! সপ্তপর্ণী, এই নীপ; ওই বকুল, অদূরে ধুব আশ্রফলের বৃক্ষগুলি সব কাছাকাছি, তবু কেমন একা ! আকাশের তারাগুলি ! কাছাকাছি, তবু কত দূর ! নিজেদের একাকিত্ব কী দীপ্তির সঙ্গে রক্ষা করে চলেছে ! সাতটি ঋষি যেন নিজ নিজ আসনে ধ্যানমগ্ন, ওই তো অরুন্ধতী ! দ্যুতিময়ী, স্বতন্ত্রা । এমন কি এই আকাশ ? এত মেঘ, দিবানিশি এত রঙ, সূর্য, চন্দ্র, তারকা সব নিয়েও কেমন একাকী ! উদাসীন ! বিশাখা জানে তার চিন্তের মধ্যে কোথাও কোনও গর্ভগৃহে এই একাকিত্ব যেন ন্যাগোধবৃক্ষতলে এক বৃক্ষদেবের মতো বসে আছে । তাকে ভালো করে দেখবার চেনবার অবসর সে পায় না ।

হঠাৎ কাছাকাছি কোথাও ধূপ করে একটা শব্দ হল । বিশাখা চকিত হয়ে উঠে দাঁড়াল । মার্জার ? অন্য কোনও জানোয়ার হওয়া তো সম্ভব নয় ! সুরক্ষিত এই উদ্যান ! কিন্তু মার্জার অতি লঘুরীর, এমন ভারী আওয়াজ...

‘রত্নমালা ভালো লাগবে জানলে কুন্দমালা নিয়ে অপদস্থ হতে আসতাম না ।’ খুব কাছ থেকে কেউ বলে উঠল ।

‘কে ?’ বিশাখা মৃদুস্বরে বলল ।

নীপগাছটির উত্তর দিকে একটি ছায়া নড়ল, ‘আমার বোঝা উচিত ছিল অবশ্য । ধনীকন্যার কাছে প্রণয়যোগ্যতা সুবর্ণ-মণি দিয়েই বিচার হবে এ আমার বোঝা উচিত ছিল । ভুল করেছে, কারণ ধনীকন্যাকে সুবর্ণপ্রতিমা মনে করিনি, বরং রক্তমাংসের কুসুমস্তবক মনে করেছিলাম ।’

বিশাখা বলল, ‘কাপুরুষের মতো আড়ালে দাঁড়িয়ে আছে কেন ? সামনে এসো !’

‘বাঃ, বেশ বিচার তো ! সামনে এলে বলবে হঠকারী, প্রণলভ, আড়ালে থাকলে বলবে কাপুরুষ ! চমৎকার বিসাখা, অতি চমৎকার !’

বিশাখা বলল, ‘জানো না তিম্ব ? অত্যন্ত বেশি প্রকাশ্যে লজ্জাকর অজ্ঞান বেশি অপ্রকাশ্যে আবার অস্বস্তির বস্তু, নিতে হয় মধ্যপন্থা । কোন বস্তু কী ভাবে চাইতে হয় শেখোনি ?’

‘না, শিখিনি বিসাখা । কখনও ভাবিনি দূর দেশ থেকে আগত কতকগুলি বটু না-জানা না-দেখা কোনও পুরুষের সঙ্গে বিসাখার মতো মেয়ের বিবাহের ঠিক করে ফেলতে পারবে একেবারে পথের মাঝখানে, সহস্র ইতরজনের চোখের সামনে, এবং ঠিক সেই দিনই যে দিন বিসাখা তার আন্তরিক শুভার্থী, প্রণয়প্রার্থী, সুশিক্ষিত, ক্ষত্রিয়বাকে অতি সঙ্গত পূর্বে-লিপিতে-জানানো বিবাহ প্রস্তাবের জন্য গণ্ডে চপেটাঘাত করেছে ।’

সহসা বিশাখার দুই চোখ জলে ভরে উঠল । সে কোনও কথা বলল না । চাঁদের আলো পড়েছে ৬২

তার মুখে। জলভরা চোখদুটি সরোবরের মতো চকচক করছে।

মধ্যজ্যেষ্ঠের সেই হলকর্ষণের দিনটি থেকে তিষ্য অনেক ভেবেছে। একা একা ঘুরেছে, সাকেত-অযোধ্যা গ্রামাঞ্চলে গিয়ে বসে থেকেছে দিনের পর দিন। কিন্তু বিশাখার সঙ্গে একটা মুখোমুখি বোঝাপড়া না হলে সে শান্তি পাচ্ছে না।

‘আমাকে যে ভালো লাগে না সে কথা তো লিপিতেই জানালে পারতে বিসাখা, আমি এই তিন বছর যে স্বপ্ন দেখে কাটিয়েছি তা দেখতাম না। কষ্ট হতো অতিশয়, কিন্তু আত্মসংবরণ কী করে করতে হয়, বৃশ্চিক দংশনের জ্বালা কী করে হাসিমুখে সহ্য করতে হয়, প্রকৃত ক্ষত্রিয় তা জানে।’

বিশাখা মাথা নেড়ে মৃদুতর স্বরে বলল, ‘তোমাকে ভালো লাগে না সে কথা তো সত্য নয় তিষ্য।’

‘সত্য নয়।’ তিষ্য আড়াল থেকে বেরিয়ে এলো, তারপর লক্ষ করল বিশাখার চোখে জল। সে অভিভূত হয়ে বলল, ‘সখি বিসাখা, তুমি কাঁদছো?’ সে তার উত্তরীয় প্রাপ্ত বিসাখার চোখের জল মোছাবার জন্য তুলল।

বিশাখা একটু পিছিয়ে গিয়ে ধরা গলায় বলল, ‘আমাকে স্পর্শ করো না তিষ্য।’ জানো না, কৌমার্যরক্ষার জন্য আমাদের পিতা-মাতা অনুক্ষণ আমাদের প্রহরা দিয়ে রাখেন। জানো না, স্নানাগারে, শয়নকক্ষে পর্যন্ত দাসীরা আমাদের অনুসরণ করে। বিন্দুমাত্র সংশয় হলে স্বয়ং পিতা পর্যন্ত পরীক্ষা করে দেখতে কুষ্ঠা বোধ করেন না যে আমরা প্রকৃতই কুমারী কি না। যতই আদরিণী হই তিষ্য, আমরা, এই সাকেতের, রাজগৃহের, শ্রাবস্তীর, বারাণসীর সর্বত্র যেখানে যে আছি যত নারী, সবাই বন্দিনী। আভিজাত্য একটা ছলমাত্র। সুকৌশলে বন্দিত্ব আমাদের অভ্যাস করিয়ে নেওয়া।’

তিষ্য অবাক হয়ে বলল, ‘বিসাখা, তুমি এই সব ভাবো! মুক্তি চাও? কোনদিন তো বুঝিনি? তুমি যদি বলো তো এই মুহূর্তে আমার অশ্বী মন্ত্রার পিঠে চাপিয়ে তোমাকে নিয়ে এই সাকেত থেকে উধাও হয়ে যেতে পারি।’

‘মুক্তি চাই, একথা তো বলিনি তিষ্য!’ চোখের জল মুছে বিসাখা বলল। ‘স্বর্ণশৃঙ্খলের যন্ত্রণা, আভিজাত্য-সর্পের দংশন-বেদনা যে কী ভাবে হাসিমুখে সহ্য করতে হয়, শ্রেষ্ঠীকন্যা তা জানে।’

‘সে কী? তাহলে কী চাও বিসাখা?’

‘এখনও ভালো করে জানি না তিষ্যভদ্র। জানি না কী চাই। কী চাওয়া উচিত এটুকুই চিরকাল শিখে এসেছি। অনুক্ষণ মনে সংশয় উপস্থিত হয়।’

‘আমাকে যদি ভালোবাসো বিসাখা, তো অনুমতি দাও।’

‘কী? মন্ত্রার পিঠে অনির্দেশ্যের পথে বেরিয়ে পড়বো?’

‘ধরো তাই।’

‘তারপর যখন ব্যালকাস্তার এসে পড়বে, হিংস্র স্বাপদেরা আক্রমণ করবে, যখন দস্যুরা আমাকে ছিনিয়ে নিয়ে যাবে, একজন দুজন নয় অসংখ্য দস্যু। অরণ্যে যখন রাক্ষস-যক্ষ আমাদের বেঁধে ফেলে কাঁচা ভক্ষণ করবার ব্যবস্থা করবে, কিংবা যখন অনুদক কাস্তারে পড়ে হা জল যো জল করে প্রাণ যাবে?’

‘অত চিন্তা করলে মুক্তি পাওয়া যায় না বিসাখা। আমি ক্ষত্রিয়কুমার, দেহে রক্ত আছে। অস্ত্রচালনা করতে পারি, তুমিও পারো শুনেছি, ভয় কী?’

‘ভয় নয় তিষ্য, হঠকারিতা করতে আমার প্রকৃতি আমাকে বাধা দেয়। আমি পিতামাতাকে প্রাণাধিক ভালোবাসি। তাঁদের প্রাণে দুঃখ দেবার চেয়ে বরং আমি মৃত্যুবরণ করবো।’

‘তাহলে? তাহলে বলো পিতাকে বলি তিনি বিবাহ-প্রস্তাব নিয়ে মৃত পাঠান শ্রেষ্ঠীর কাছে। বিসাখা আমি হবো রাজা, সাকেতে নয়, বিদ্যুৎ পেরিয়ে চলে যাবো দক্ষিণ দেশে, তুমি হবে আমার রানী।’

‘অগ্রমহিষী?’

‘নিশ্চয়ই।’

‘তারপর দ্বিতীয়া তৃতীয়া চতুর্থী? থাকবে না? বাবাতা, পরিবৃত্তী, পালাগলী.... শাস্ত্রের সব নির্দেশ,



ছাড়পত্র আছে না ? রাজাদের জন্য ?

‘বিসাখা আমি একপত্নীক থাকবো।’

‘রাজ্যাকাঙ্ক্ষী ক্ষত্রিয়ের পক্ষে একপত্নীক থাকা সম্ভব নয় তিষ্য। দেখো না, মহারাজ বিধিসার কৌশলকুমারীর পর, ছেল্লনা দেবী, তারপর ক্ষেমা দেবীকে বিবাহ করলেন। কৌশালীরাজ উদয়নের প্রথম যৌবনের গল্প শোননি ? অবস্ঠী-রাজকুমারী বাসুলদত্তাকে কত কাণ্ড করে অপহরণ করলেন। আর এখন ? এখন তো কৌশালীরাজের মহিষী সংখ্যা বছরে একবার করে বেড়ে যাচ্ছে। দোষ দিচ্ছি না। রাজ্যরক্ষা করবার জন্যেই অনেক সময়ে রাজাদের বারবার বিবাহ করতে হয়।’

‘তাই কি তুমি অজানা-অচেনা শ্রেষ্ঠীকুমারের মাল্য গ্রহণ করলে বিসাখা ? একবার আমাকে জিজ্ঞাসা করলে না ? প্রণয়ের কোনও মূল্য নেই ?’

‘প্রণয় কী আমি জানি না তিষ্য।’ বিসাখা সহসা তার দীর্ঘপশ্চু নীলাভ চোখ দুটি পরম সরলতার সঙ্গে তিষ্যর দিকে মেলে ধরে বলল।

‘জানো না ? এই যে বললে আমাকে ভালোবাসো ?’

‘তা তো বলিনি। তোমাকে ভালো লাগে না, এ কথা সত্য নয় এটুকুই বলেছি। তুমিই বলো না, পরস্পরের প্রতি কিছুদিনের আকর্ষণ, সন্তান উৎপাদন, গৃহস্থালী দেখা, তারপর ক্রমশ ক্রমশ বয়স বাড়া, জরার আক্রমণ, তারপর মরণের কোলে ঢলে পড়া। এই তো জীবন ! এর মধ্যে প্রণয় কোনটা ? মিলনের পূর্বের আকর্ষণটা ? না নিয়মিত সন্তান উৎপাদনটা ? না সৃষ্টভাবে গৃহস্থধর্ম পালন করাটা ? কোনটা ?’

তিষ্য বলল, ‘সখি বিসাখে তুমি অতিসরলা না অতি বাকপটু আমি বুঝতে পারছি না। আমার তক্ষশিলার শীলিত মস্তকটিও তুমি ঘুরিয়ে দিলে। বেশ, সহজ সরল কথায় বলো, রাজা উগ্রসেনের দূত যদি তাঁর জ্যেষ্ঠ কুমার তিষ্যর সঙ্গে ধনঞ্জয়-পুত্রীর বিবাহ-প্রস্তাব নিয়ে যায়, তুমি সম্মত হবে ?’

‘আমার সম্মতির তো কোনও গুরুত্ব নেই তিষ্য। পিতা বুঝবেন কী করবেন।’

‘বুঝলাম বিসাখা, এতক্ষণে তিষ্য হতাশ হয়ে বলল, ‘আবার বুঝলামও না। আচ্ছা বিদায়। তবে তুমি রাগী হলে সে রাজ্যে আর কুটনীতিকের প্রয়োজন হবে না।’ তিষ্য কাননের ছায়ার মধ্যে অদৃশ্য হয়ে গেল। কিছুক্ষণ পর নিশীথরাত্রির বৃকে ধাবমান অশ্বক্ষুরধ্বনি শোনা গেল।

মধ্যরাত পর্যন্ত উদ্যানেই বসে রইল বিসাখা। মা নেই বলেই হয়তো অন্তঃপুরের শাসন এখন কিছুটা শিথিল। নইলে, এই বিরাট আকাশ, এই শূন্য উদ্যান, জনমানবহীন এমন নিশীথরাত্রির অভিজ্ঞতা তার আগে কখনও হয়নি। কখনও কখনও অবশ্য সে তাদের সপ্তমতলের ছাতেও ওঠে। সেখান থেকে ধনধান্যময় বসুন্ধরা কত নিচে, কত দূরে মনে হয়। কিন্তু আকাশ কি কাছে আসে ? আসে না তো ! থেকে যায় ঠিক সেই একই প্রকার দূর। আর সেখানেও অনুচরী ব্যতীত ওঠবার অনুমতি তার নেই। ধনঞ্জয় শ্রেষ্ঠীর গৃহে তাঁর কন্যাকে কোনও নিষেধাজ্ঞা কখনও স্পষ্টভাবে শুনতে হয় মনে করলে ভুল হবে। কিন্তু গৃহের পরিমণ্ডলই কয়েকটি সামাজিক, পারিবারিক রীতি-নীতি, উচিত অনুচিতের অনুজ্ঞা দিয়ে গড়া, বুদ্ধিমতী বিসাখার বুঝে নিতে অসুবিধে হয় না কোথায় তার কাছ থেকে কী প্রত্যাশিত। তার বাইরে গেলে পিতা মাতাকে ব্যথা দেওয়া হবে। যেখানেই যাক বিসাখা, সে সরযুতীরেই হোক, কোনও শোভনোদ্যানেই হোক, বা নিজের গৃহের সপ্তমতলবর্তী ক্ষেত্রেই হোক, পিপীলিকা-শ্রেণীর মতো দাসীরা তাকে অনুসরণ করে। এই প্রকারই রীতি। পিতা মাতার কখনও মনে হয়নি এই রীতির পরিবর্তন প্রয়োজন। বিসাখার জন্যে, অন্তত বিসাখার ক্ষেত্রে। পিতা মাতাকে বিসাখা অত্যন্ত শ্রদ্ধা করে। তাঁদের বিচক্ষণতাতেও তার আস্থা আছে। পিতা তো এত পরিশ্রমী উদ্যোগী যে ভদ্দিমতে পিতামহর সঙ্গে থাকবার সময়ে দ্বিতীয় শ্রেণীর ধনী ছিলেন। সাকেতে আসবার পর কয়েক বছরের মধ্যেই অক্লান্ত পরিশ্রমে যৌতুমূল্যে কল্পবলীয় এঁদের সমকক্ষ হয়ে গেছেন ! তাঁর বাণিজ্য স্থলে, জলে উভয়তই প্রসারিত হয়েছে। কল্পবলীয় কাপাস, ক্ষৌম, পটুভদ্র, রেশম, পূবদেশের মধু এসব পাঠান পশ্চিমে, উত্তর-পূর্বের ঘন অরণ্যময় ভূমির একদিকে যেমন মধু ও কাঠ, অন্যদিকে অপেক্ষাকৃত উচ্চ ভূমিতে তেমন তাম্রপিণ্ড, অয়স, নদীর বালুতে মিশ্রিত স্বর্ণরেণু, পাহাড়ের গহ্বরে প্রচুর মণিরত্ন পাওয়া যায়। আর কেউ জানে না, পিতা জানেন সেসব রত্নভাণ্ডারের ঠিকানা।

এ ছাড়াও অজিন আসে পেটিকার পর শেটিকা, আসে চিত্র-বিচিত্র সাপের খোলস, ব্যাঘ্রচর্ম, গজদন্ত ।

আর মা ? তিনি এতই বিচক্ষণ যে রাজাস্তঃপুরে কোনও দুর্ভাগ্য সমস্যা হলেই তাঁর ডাক পড়ে । পিতামাতার বিবাহিত জীবনের প্রথম পর্ব রাজগৃহেই কেটেছে । সেই সময় থেকেই মহাদেবী ক্ষেমা ও কোশলকুমারীর সঙ্গে মায়ের অন্তরঙ্গতা । মহারাজ বিশ্বাস তার তাঁর শিশুকালের বন্ধু । মাস দুয়েক আগে দ্রুতগামী রথ এসে মাকে রাজগৃহে নিয়ে গেছে । কে জানে আবার কী সমস্যার উদয় হল সেখানে । যে কোনদিন মা এবার এসে পড়বেন । তাঁর অনুশ্রুতিতে এই বিরাট শ্রেষ্ঠীসংসার বিশাখাই চালাচ্ছে । মা তো তাকে সম্পূর্ণ দায়িত্ব দিয়ে গেছেন । তবু কেন চলাফেরার বিধিনিষেধ ঘোচে না । তা কি সে কুমারী বলে ? বিবাহের পর তাহলে এগুলি ঘুচবে ? মাকে দেখে অন্তত এই মনে হয় । কিন্তু মায়ের কথা স্বতন্ত্র । অন্যান্য সব পরিবারের বধূরা তো কই... ।

শুরুপক্ষের জ্যোৎস্নায় বিধৌত হয়ে যাচ্ছে এখন কাননভূমি । বহুদূর থেকে শৃগালের রব শোনা যাচ্ছে । সহসা বিশাখা রোমাঞ্চিত হয়ে উঠল । ছ-সাত বছর আগেকার একটি দিনের কথা তার মনে পড়ছে । বসন্তকাল । ভদ্রদিয়ার দিনান্ত শিমুলে পলাশে অশোকে সিঁদুরবর্ণ হয়ে রয়েছে । লাল মাটির পোটা পথটা চলে গেছে শস্যক্ষেতগুলির পাশ দিয়ে দিয়ে । কুস্তকার পত্নী, কর্মকার পত্নী, সূত্রধর পত্নী পেরিয়ে চলে যাচ্ছে বিশাখার রথ গ্রামপ্রান্তের শালবনে । এখানে যেমন অঙ্কনবন, 'তেমনি নিবিড় সুন্দর সেই বনবীথি । বিশাখার সঙ্গে তার সখীরা, ভগ্নীরা, দাসীরা । দূর থেকে যেই বনটি দেখা অমনি সে নেমে পড়েছে । সবাই অবাধ । বিশাখা চলেছে তার বসন সংবৃত করে, শালমঞ্জরী মাড়িয়ে মাড়িয়ে ।

সবাই জিজ্ঞেস করছে, 'নামলি কেন ?

'শুনলি না, পিতামহ বললেন ভগবান বুদ্ধ তথাগত এসেছেন । তথাগতকে দেখতে কেউ রথে চড়ে যায় ?

বয়সে বড় এক পিতৃব্যকন্যা বলল, 'তুমি কি ভেবেছ তথাগত মানে আকাশ থেকে এসেছেন ? যিনি ইন্দ্র বরুণ যম অশ্বিনীকুমার ঐদেব ও পরে থাকেন ? যার কথা সেদিন আচার্য দেবল বলছিলেন ? মোটেই না । ইনি একজন সন্ন্যাসী । তথাগত একটা সন্ত্রমের ডাক ।'

বিশাখা হারবার পাত্রী নয় । সে বলল, 'তাহলে তথাগত কেন বলে, বলো তো ? তথা হতে আগত । সেখান থেকে এসেছেন । সেইখান, যেখানে দেবতার থাকেন । সেখানে দেবতাদেরও পতি স্বয়ং ছাড়া আর কে থাকবেন ?

পাশাপাশি হাঁটতে হাঁটতে সুলোচনা বলেছিল, 'দূর, দেবতা কি চোখে দেখা যায় ? যজ্ঞের সময়ে এত দেবতাদের ডাকা হয়, হবিঃ দিয়ে, পশুমাংস দিয়ে, দুগ্ধ দিয়ে, তা তাঁদেরই কি দেখা যায়, বল ?

বিশাখার মনটা দমে গেল । তারপর শালবনের মর্মরধ্বনির মধ্যে তারা প্রবেশ করল । কেমন একটা মৃদু গুঞ্জন । প্রকৃতি কি মৃদুস্বরে গান গাইছে । না তো । আরও কিছুদূর এগোতে ওরা দেখল একটি শিশুপার মূলে একটি উঁচু মৃৎ-বেদীর ওপর একজন মানুষ বসে রয়েছেন । তাঁকে ঘিরে বনের মাটির ওপর আরও বহু জন । কথা বলছেন সেই পুরুষ । দূর থেকে তাকেই প্রকৃতির স্ব-কণ্ঠের সঙ্গীত বলে মনে হয়েছিল । উনি কথা বলছেন, একটি কাহিনী । ধামলেন । বিশাখা এবং তার সখীদের দিকে তাকালেন, বললেন, 'এসো বসে বিসাখা, সুলোচনা, স্মিরিমা, কলী, রত্না এসো ।' উনি কী করে ওদের নাম জানলেন, তারা যে কজন সামনে দাঁড়িয়েছিল । সবার নাম ! বিশাখা তার সখী ও ভগ্নীদের নিয়ে বসল । একেবারে ঠাঁর মুখোমুখি । দশ হাত দূরে । উনি বলতে আরম্ভ করলেন । সমস্ত মুখ প্রসন্নতায় ভরা, হাসছেন না তবু যেন হসিছেন । চোখ দিয়ে, ত্বক দিয়ে হাসছেন । 'পৃথিবীতে যেদিকেই চাও দুঃখ, হে ভদ্রিয়বাসীরা ! জ্বর, ব্যাধি, মৃত্যু, বিচ্ছেদ, অপমান, অকল্যাণ । যেদিকেই যাবে কোনও না কোনও রূপে দুঃখ এসে পথরোধ করে দাঁড়াবেই । করাল তার মুখ, লোল তার জিহ্বা, অতি ভীষণ তার দৃষ্টি । এ দুঃখ কি পরের করা ? পরং কতং ? এই জড় প্রকৃতি থেকে উৎপন্ন হচ্ছে ? না কি আমাদের ভেতরে কেউ আছে সেই উৎপন্ন করছে ? সয়ং

কতং ? না কি সয়ংকতং চ পরং কতং চ দুক্খম্ । নিজেয়ং করা, আবার পরেরও করা । অনেকে অনেক কিছু বলছেন । কিন্তু নানাভাবে তপস্যা করে অবশেষে আমি দেখলাম দুক্খ আত্মা নামক কোনও বস্তু থেকেও উৎপন্ন হয় না, আবার জড় প্রকৃতি থেকেও হয় না, আবার দুক্খ আকস্মিকও নয় । প্রকৃত কারণ হচ্ছে তনহা । যতক্ষণ তনহা ততক্ষণ দুক্খ ।’

সভায় একটি দস্তুর বন্ধ সহসা কেঁদে উঠল, ‘ভগবন, ভগবন, জরায় আমাকে আচ্ছন্ন করেছে, মরণ আমার ঘরে উপস্থিত । মহাদুঃখ সমাসন্ন, আমিও তার লোল জিহ্বা দেখতে পাচ্ছি । যে আমি সারা দিনে একটি গোটা গোবৎস শূলে পাক করে আহার করতে পারতাম, গোটা মহাশোল এবং রোহিত পলামের সঙ্গে প্রতিদিন দুই বেলা যার জঠরের পক্ষে কিছুই ছিল না, দুই ভ্রূঙ্গার ভর্তি বারুশী, মাধ্বী পান করেও যে অবিচলিত থাকত, চারটি বরারোহা স্ত্রী গৃহে বর্তমান, আরও ছটি সুদেহী শূদ্রা দাসী সব সময়ে সেবা করতে প্রস্তুত, তা সত্ত্বেও যার পৌরুষ এমন দুর্বল ছিল যে ভন্দিয়র বারবধু মদালসা তো বটেই, দীর্ঘ পথ অতিক্রম করে যে রাজগৃহের শালবতীর গৃহে কামনা চরিতার্থ করতে যেত সেই আমি অশক্ণ হয়ে পড়েছি ভগবন । খাদ্যে রুচি নেই । মাংসদর্শনে বিবমিষা আসে । এখন আমার চোখের সামনে দিয়ে স্বয়ং অম্বপালী হেঁটে গেলেও বোধহয় কামেচ্ছা হবে না ।’

সভায় উপস্থিত একটি যুবক ঈষৎ হেসে নিম্নকণ্ঠে বলল, ‘এখানে কেন বৃদ্ধ শৃগাল, তুই তন্মশিলায় আত্রেয় পুনর্বসুর কাছে চলে যা, দ্যাক্ষ যদি সিংহবসা বা বানরলিঙ্গ থেকে তোর জন্য কিছু ওষুধ করে দিতে পারে । আরও দশ বছর রতিনস্তোগ কর পথকুকুরের মতো ! খালি ভন্দিয়র এই সব সুন্দরী বালিকা কিশোরীগুলিকে সাবধানে রাখতে হবে ।’ বলতে বলতে যুবক বিশাখার দিকে দৃষ্টিপাত করছিল । কেন কে জানে বিশাখার মধ্যে একটা ভয়ের শিহরন জাগল ।

এমন সময়ে শোনা গেল বৃদ্ধ বলছেন ‘তোমার এই নিরবচ্ছিন্ন ভোগেচ্ছা এই-ই তনহা । তনহা থেকেই জন্ম, জন্ম থেকেই জরা, মরণ । সন্তোগ করতে চাও কেন ?’

‘সুখ হয় ভগবন, বড় সুখ, রোমকূপে, রোমকূপে । জজ্বায়, লিঙ্গে, জিহ্বায়, ওঠে, বক্ষে, উদরে বড় সুখ ।’

‘কিন্তু তার পরে ?’

‘তার পরে দেহে অবসাদ, গ্লানি, তা দূর করতে আরও মৈরয়ে আরও মৈথুন, আরও মৎস্য মাংস ।’

‘তারপরে ?’

‘তারপরে এখন অজীর্ণ, অগ্নিমান্দ্য, নিরুত্তেজিত ব্যর্থ দিনরাত । কিছু পারি না, কিছু পারি না আর । এর থেকে মুক্তির উপায় কী ?’

গম্ভীর মধুর স্বরে তথাগত বললেন, ‘নিব্বানং পরমং সুখম্ ।’ কথা কটি কেমন ডেউয়ের পরে ডেউয়ের মতো সমস্ত বনে ছড়িয়ে গেল । নিব্বানং নিব্বানম্, উন্নতদেহ শালতরুগুলি উর্ধ্বমুখ করে যেন বলছে— নিব্বানমম্ম বনস্থলীর রক্তবর্ণ মাটি থেকে সুগন্ধিচূর্ণের মতো বাতাসে উখিত হচ্ছে পরমং সুখম্, পরমং সুখমম্ম ।

প্রতিটি ঘটনা, প্রতিটি কথা এখনও অবিকল মনে করতে পারে বিশাখা । কিন্তু এর পর ? আর কিছু মনে নেই । শুধু অস্পষ্ট একটা অনুভব ছিল যে বিশাল সেই জনমণ্ডলী একদম স্তব্ধ । সেই বৃদ্ধের কান্নার শব্দ হঠাৎ যেন এক বিপুল গর্ভবতী নির্জনতা গ্রাস করে নিল । বিশাখার মা নেই, বাবা নেই, সখীরা, দাসীরা, ভ্রাতা-ভগ্নীরা নেই, খেলা নেই, গহনা নেই, উৎসব নেই, আত্মবা আছে, সব আছে । বর্জিত বস্তুর স্তূপের মতো অনেক নিচে পড়ে আছে । বিশাখা নিঃশব্দ নেই, আছে এক জ্যোতিঃসমুদ্র । তাতে ভাসছে তিনটি শব্দ নিব্বানং পরমং সুখম্ ।

কতক্ষণ সে এভাবে ছিল জানে না । যখন জ্ঞান হল দেখল সামনে পিতার মুখ । তিনি তাকে কোলে তুলে নিয়েছেন । পেছনে মা । হঠাৎ দৃষ্টিপথে এলো শালবতী জনসভা, সবার পেছনে অন্তাচলের আরক্ত আকাশ । পিতার চোখে বিন্দু বিন্দু অশ্রু জিজ্ঞাসা করছেন, ‘ভগবন, হঠাৎ কন্যার এমন অবস্থা হল কেন ? কোনও অসুখ নয় তো ? অসুখ্যার কি অন্য কিছু ? আমাদের স্নেহের পুতলি যে এই কন্যা !’

‘না সেট্টি, বিসাখা সোতাপত্ভতি মার্গে প্রবেশ করেছে ।’

‘সোতাপত্তি ? সে কী ভগবন ?’

‘এখানে তথাগত চস্তার অরিয়সচ্চ (চার আর্থসত্য) ব্যাখ্যা করছিলেন, বিসাখা শুদ্ধ আধার । শুনতে শুনতে হৃদয়ঙ্গম করেছে । একেই সোতাপন্ন বলে । এ বিকার নয় সেটী । এ বিস্তার, বিহার ।’

‘আমরা এতজন বয়স্ক মানুষ রয়েছি । কত বণিক, কত সেটী, কত গোটী জেটী, গহপতি, শিক্ষাবান যুবক সব । সবার মাঝখান থেকে এতটুকু একটি বালিকা কী করে এমন উচ্চতম হৃদয়ঙ্গম করল ভগবন ।’

‘মস্তিষ্ক দিয়ে তো নয়, জাগ্রত বোধি দিয়ে এ তম্ব বোধিচিন্তে প্রবেশ করে সেটী, তুমি চিন্তা করো না । বিসাখাকে গেহে নিয়ে যাও ।’

জ্যোৎস্নার সমুদ্র এখন কানন প্রাবিত করে দিচ্ছে । বিশাখা সেই জ্যোতিঃসম্ব বৃদ্ধ তথাগতকে দৃষ্টিপথে আনবার চেষ্টা করল, পারল না । স্বরণে আসছে, কিন্তু সেদিনকার দেখা সেই মূর্তি নয় । তাঁর অন্য রূপ । মেণ্ডক-গৃহে ভোজনে বসেছেন এক অনিন্দ্যকান্তি যুবাণুৰুষ । উজ্জ্বল গলিত স্বর্ণের মতো গাত্রবর্ণ । মাথায় কেশপুঞ্জ সবে গজাতে আরম্ভ করেছে । কুঞ্চিত পুঞ্জ পুঞ্জ কৃষ্ণকেশ । আকর্গবিস্তৃত পম্পলাশের মতো নয়ন দুটি । সিংহকটি । মেরুদণ্ড শালবৃক্ষের মতোই সোজা । পুরস্কীরা অনেকেই তদগুণে তাঁর কাছে দীক্ষিত হবার জন্য আবেদন করেছিল । তার এক পিতৃহ্রসা, যিনি নাকি প্রথম স্বামী বাণিজ্যে যাবার বারো বছর পরে তখন সবে মোক্ষ (বিবাহ-বিচ্ছেদ) নিয়েছেন, পিতামহ তাঁর আবার বিবাহের ব্যবস্থা করছেন, তিনি হঠাৎ নিজের কেশগুচ্ছ ধরে লুটিয়ে পড়েছিলেন সেই যুবার চরণে ।

‘বিবাহ নয়, পব্বজ্জা দিন, ভগবন ।’

বিশাখা দেখল জ্যোৎস্নাময় বীথিপথ ধরে তার পিতা এগিয়ে আসছেন । শেষ রাত । চন্দ্রাননা আকাশটির কপালে শুকতারার টিপটি ক্রমশই জ্বলজ্বল করতে শুরু করেছে । সে এতক্ষণ কাননে ছিল ?

পিতা সস্নেহে বললেন, ‘মা বিসাখা, তুমি ঘুমোতে যাওনি ?’

বিশাখা সহসা উত্তর দিতে পারল না । এবার ধনঞ্জয়ের কণ্ঠে উদ্বেগ গোপন রইল না । তিনি তাকে সামান্য নাড়িয়ে বললেন—‘মা, কোনও কারণে অভিমান করেছ ? ঘরে চলো । মায়ের জন্যে কি উৎকণ্ঠিত হয়েছ ? কিছুক্ষণ আগে অগ্রদূত এসেছে তোমার মায়ের সংবাদ নিয়ে । তিনি আজ দ্বিপ্রহরের মধ্যেই পৌঁছে যাবেন ।’ বিশাখা দেখল সে উঠতে পারছে না । অথচ হাত পা ধরে যায়নি, সে কথাও বলতে পারছে না । অথচ জিভ দাঁত সবই সে পরিষ্কার নাড়াতে পারছে । ভেতরে কেমন একটা স্তব্ধতা । অননুভূতপূর্ব । তখন ধনঞ্জয় তাকে দুই হাতে করে তুলে নিলেন । যেন দুই হাতে তুলে নিয়েছেন তিনি একটি পয়ের মালা । সেইভাবে চলতে চলতে ধনঞ্জয় ভাবলেন—‘কী হল ? প্রথম বৃদ্ধ দর্শনে মায়ের আমার এমনই যেন ভাবান্তর হয়েছিল । আবার, কি তেমনি হল ?’ অন্তঃপুরের দ্বারে গিয়ে তিনি ডাকতে লাগলেন, ‘কহা, ধনপালি, কোথায় গেলি সব ? বিসাখাকে ঘরে নিয়ে যা ।’

বিশাখা ধীরে ধীরে বাবার কোল থেকে নেমে ঝাঁড়াল । স্বপ্নোন্মিত্র মতো বুদ্ধ, ‘পিতা, ওদের বকো না । আমিই ওদের জোর করে শুতে পাঠিয়েছিলাম ? ওরা যেতে চায়নি ?’

‘কী হয়েছে মা তোর ?’ ধনঞ্জয় যেন প্রাণ ফিরে পেয়ে জিজ্ঞেস করলেন ।

‘কিছু হয় নি তো ! তোমার কোলে ওঠবার সাধ হয়েছিল হয় তো । পিতা । শীঘ্রই তো পরহস্তগতং ধনম্ হয়ে যেতে হবে । তাই... ।’

ধনঞ্জয় বিশাখার মাথাটি বুকে চেপে ধরে বললেন, ‘এমন করে বলো না মা । পিতা-মাতার থেকে তোমাকে কেউ বিচ্ছিন্ন করতে পারবে না । দেখো, তুমি কত সুখী হবে ।’ কোথায় উদ্যানের মধ্যে কোন গাছ থেকে একটা তক্ষক ডাকছে । তক্ খক্ তক্ খক্ তক্ খক্ । ভোরের অরুণাভা এসে রাঙিয়ে দিতে আরম্ভ করেছে উঁচু উঁচু গাছের শীর্ষ শাখাগুলি । পাখি ডাকছে ।

কয়েকটি দীর্ঘ কটাক্ষে কক্ষটি ভালো করে দেখে নিল চণক। একজন রাজার শয়নকক্ষ, ভোজনকক্ষ এসব দেখে কি তাঁর মন বোঝা যায়। হয়তো যায় না, কারণ রাজপুরীর বিভিন্ন অংশ কেমন হবে না হবে সেটা একটা রাজকীয় প্রথার ব্যাপার। তবে, রুচির প্রশ্নও নিশ্চয় আছে। যা প্রথা তার থেকে রুচিকে স্বতন্ত্র করে ফেলবার চেষ্টা করে চণক। গাঙ্কাররাজের ভোজনশালার সঙ্গে এ কক্ষের কোনও তুলনাই হয় না। সরল, নিরাড়ম্বর, ইস্টক নির্মিত কক্ষ। বৃহৎ। কিন্তু খুব বেশি বৃহদায়তন নয়। দেয়ালে রঙিন ভিত্তিচিত্র, হর্যাতল কাঠের। অতি মসৃণ। ঘরটির মধ্যে চারটি চারটি আটটি স্তম্ভ রয়েছে। পীঠগুলি চতুষ্কোণ। তার ওপর প্রশস্তি কমলের মধ্যে থেকে সুগোল স্তম্ভগুলি উঠে গিয়ে ছাদটিকে ধরে রেখেছে। ছাদ সমান, মসৃণ। শুধু মাঝখানে একটি সহস্রদল পদ্ম। রাজার বসবার আসনের পিছনে একটি ভাস্কর্য। দুদিক থেকে দুটি হাতি সামনের পা এবং শুঁড় তুলে উভয়ের মাঝখানে একটি প্রকোষ্ঠের মতো সৃষ্টি করেছে। তারই সামনে চিত্রবর্ণ স্থূল রাজাসন। চণককে এনে দাসীরা বসিয়েছে অতি স্থূল, অতি কোমল আসনে, সামনে ভোজন ফলক।

কিছুক্ষণের মধ্যেই কক্ষের একদিকের শুক্ল বস্ত্রাবরণী সরিয়ে দু পাশে দুটি সুন্দরী যুবতী নিয়ে বিশ্বিসার প্রবেশ করলেন। চণক লক্ষ করল যুবতী দুটি পিজল বর্ণ। রাজার পরনে পীতভ কাপাসবস্ত্র, নয় বক্ষে চন্দন আর হরিতালের অবলম্ব। পীত উত্তরীয়। শুভ মার্জিত উপবীত। কপালেও চন্দন হরিতালের তিলক। ঘন কেশ সুবিন্যস্ত, স্নানাস্তের স্নিগ্ধতা সর্ব অঙ্গে। শালপ্রাংশু ভূজের ওপর মুক্তার অঙ্গদ, কানে মুক্তার কুণ্ডল, কিন্তু কণ্ঠে শুধু একটি অতি স্থূল জাতী পুষ্পের মালা। মহারাজ বিশ্বিসার সতিাই অতি সুপুরুষ।

চণক উঠে দাঁড়িয়ে নমস্কার করেছিল। রাজার মুখে চণককে দেখে একটি বিচিত্র হাসি ফুটে উঠেছে। প্রতিদিনমস্কার করলেন সুভদ্র ভঙ্গিতে। বাতায়নপথে বর্ষার সজল হাওয়া প্রবেশ করছে, সেদিকে তাকিয়ে বীজনকারিণী দাসী দুটির দিকে তাকিয়ে বললেন, 'তোমাদের ছুটি, সুনন্দে, সুভন্দে,' আভূমি প্রণাম করে ছন্দিত পায়ে দাসীদুটি চলে গেল। ভারে ভারে খাদ্যবস্তু আসতে লাগল। কিছুক্ষণের মধ্যেই তার গন্ধে, বর্ণে ভোজনকক্ষটি আমোদিত হয়ে উঠল।

রাজা বললেন, 'চণকভদ্র, এ ভাবে আপনার দেখা পাবো, কখনও ভাবিনি। আমাকে অনুগ্রহ করে আচার্যদেবের কথা শোনান। আমার যা কিছু সত্যিকারের শিক্ষা তা আচার্য কাভ্যায়ন দেবরাতের কাছেই।'

চণক ধীরে ধীরে বলল, 'মহারাজ, পিতা গত হয়েছেন, কিন্তু তাঁর শেষ আদেশ ছিল আমি যেন মগধে এসে আপনার সঙ্গে মিলিত হই।'

বিশ্বিসার পরম বিস্ময়ভরে বললেন, 'আচার্য বলেছিলেন! এর নিশ্চয় কোনও গুণার্থ আছে। বলুন ভদ্র?'

চণক একই সুরে বলল, 'পিতা আমাকে বলেছিলেন তাঁর আশীর্বাণীর কথা আপনাকে স্মরণ করিয়ে দিতে।'

জোড়াসনে বসে ডান কনুইয়ে ডান উরুর ওপর ভর দিয়ে বসেছিলেন বিশ্বিসার। ধীরে ধীরে সোজা হয়ে বসলেন, মৃদু স্বরে বললেন 'আপনি জানেন!'

'জানি। সবটাই।'

কিছুক্ষণ নীরব থেকে গবাক্ষের দিকে দৃষ্টি স্থির রেখে রাজা বললেন, 'সে তো আশীর্বাদ যতটা, আদেশ তার চেয়েও অধিক।'

চণক বলল, 'হয়তো তার চেয়েও অধিক প্রার্থনা।'

'কী বলছেন! আচার্য আমার জীবনে সবচেয়ে মাননীয়

'কোনও কোনও ব্যাপারে ক্ষত্রিয়ের কাছে ব্রাহ্মণকে প্রার্থী হতে হয়, প্রজ্ঞাদৃষ্টিকে নির্ভর করতে হয় বলবীর্যের ওপর।'

নীরবে খেতে লাগলেন দুজনে। কিছুক্ষণ পর বিশ্বিসার বললেন, 'ভদ্র, আপনি আমার থেকেও

অনেক শেখবার সুযোগ পেয়েছেন আচার্যর কাছ থেকে, তিনি ছিলেন আশ্চর্য মানুষ, যেন একটি স্বল্প উচ্চ। কিন্তু সে তাঁর ভেতরটা। অনিবার্ণ অগ্নিশিখার মতো জ্বলছে, জ্বলছে। এমন আগুন যা পোড়ায় না, দীপ্তি দেয়, যে ইচ্ছে করবে তার থেকে আত্মদীপ জ্বালিয়ে নিতে পারে। ভেতরে অমন আগুন, কিন্তু বাইরেটা স্নিগ্ধ যেন চন্দনতরু।' এতক্ষণ যেন আত্মগত বলছিলেন, এবার চণকের দিকে পূর্ণ দৃষ্টিতে তাকিয়ে বললেন, 'আপনি বয়সে তরুণ, কিন্তু নানা বিদ্যায় পারদর্শী বলেই মনে হচ্ছে আমার। আপনার নিজস্ব বিচার-বুদ্ধি কী বলে?'

চণক বলল, 'পিতার আশীর্বাণী সত্য হবে।'

হঠাৎ যেন ব্যাকুলভাবে বিশ্বিসার বলে উঠলেন, 'আচার্যপুত্র চণক, আপনি কি শুধু এই কথা স্মরণ করিয়ে দেবার জন্যেই এসেছেন?'

না মহারাজ আগেই বলেছি, পিতা আদেশ করেন আমি যেন আপনার সঙ্গে মিলিত হই। ঠিক এই ভাষা। এর কোনও ব্যাখ্যা তিনি দেননি, বা দেবার সময় পাননি। কঠরোধ হয়ে গিয়েছিল। দেব পুঙ্করসারী যখন এই দৌত্যকর্মে আমায় নিযুক্ত করলেন, একমাত্র তখনই আমি পিত্রাদেশ পালন করবার সুযোগ পেলাম।'

বিশ্বিসার বললেন, 'আহার্য সব পড়ে রয়েছে ভদ্র। গ্রহণ করুন।' নীরবে ভোজন চলতে লাগল। সুবাসিত পলায়, তিন প্রকারের। চণক বুঝতে পারলেন বিশ্বিসার এখন ভাবছেন। তিনি কি সেই অল্পসংখ্যক মানুষদের একজন যারা কোনও সময়ই বৃথা যেতে দেন না। তিনি ভোজন করছেন ঠিকই, হাতের তিনটি আঙুল ঘোরাফেরা করছে মৎস্যের পাত্রে, কিন্তু তিনি ভাবছেন। নানাবিধ মৎস্য ও মাংসের পদ পরিবেশন শেষ হয়ে গেলে, মহারাজ আবার কথা বললেন, 'দৌত্যকাষটি কি আপনার গৌণ?'

চণক হেসে বলল, 'না মহারাজ, একেবারেই না। এই আমার প্রথম দৌত্য। বিফল হলে বড়ই অপযশ হবে। বিশেষত দেব পুঙ্করসারী আমাকে নবীন এবং অল্পদর্শী ভেবে আমার ব্যয়োজ্যেষ্ঠ মহামাত্রকে যথাযথ উপদেশ ও লোকজনসহ আমার পেছনে পাঠিয়েছেন।'

বিশ্বিসার মৃদু হেসে বললেন, 'চণক ক্ষুদ্র বোধ করছেন তাহলে!'

চণক নীলব রইলো।

কিছুক্ষণ পর বিনা ভূমিকায় বিশ্বিসার বলে উঠলেন, 'মগধরাজ্যের স্বার্থে প্রদ্যোত মহাসেনকে আমায় শাস্ত রাখতে হয়। তাঁর জামাতা কৌশাঘীরাজ উদয়র্নের সঙ্গে আমার খ্রীতির সম্পর্ক। এদিকে কোশলরাজ ও লিচ্ছবির আমায় মিত্র; শুধু এই কারণেই প্রদ্যোত এখনও আমায় উন্মত্ত করেননি। কিন্তু কোনও কারণ পেলে করতে দ্বিধা করবেন না। কদিন আগেই আমার বৈদ্য জীবককে হত্যা করতে ছুটেছিলেন।'

'জীবককে। হত্যা? ' চণক আশ্চর্য হয়ে বলল।

'সে এক কাহিনী! জীবককে তিনি চেয়ে পাঠালেন তার খ্যাতি শুনে। যাবার সময়ে আমি তাকে সাবধান করে দিই। যে কোনও সূত্র পেলে অতি ভয়ঙ্কর হয়ে ওঠেন এই রাজা। জীবক গিয়ে শুনল উনি তৈলাস্ত বা ঘৃতসিক্ত কোনও আহার্য সহ্য করতে পারছেন না। কামলা রোগে এমনই হয়। কিন্তু জীবককে তার ভৈবজ ঘৃতে মিশ্রিত করে দিতেই হবে। বমনোদ্রেক হবে কিন্তু ওই ভৈবজ শরীরে গেলেই উনি সুস্থ হয়ে উঠবেন। আমার সতর্কবাণী জীবকের মনে ছিল। সে রাজার কাছ থেকে আগেই একটি দ্রুতগামী হাতী সংগ্রহ করে রেখেছিল। ভৈবজ পাঠিয়েই জীবক ওই হাতীতে চড়ে সারারাত ভ্রমণ করে উজ্জয়িনীর সীমানা অতিক্রম করে আসে। ওই মগধ বাওয়ার কিছুক্ষণ পরই প্রদ্যোত বুঝতে পারেন ঘৃত মিশ্রিত আছে, বমনও হয়। অমনি জীবকের প্রাণদণ্ডা হয়ে গেল। পেছনে লোক ছুটল। চিন্তা করুন, মগধের রাজবৈদ্য। নিজে তাকে ডেকে পাঠিয়েছেন, কোনও দিক ভাবলেন না, ভদ্রতা না, করুণা না কুটনীতি না। ভাগ্যে জীবক সন্ধি করে পালিয়ে এসেছিল।'

'তারপরে? ' চণক সর্কৌতুকে জিজ্ঞেস করল।

'তারপর তো সেরে গেলেন। ওই একবারের ওষুধ প্রয়োগে। তখন আনন্দিত হয়ে মূল্যবান বস্ত্র ইত্যাদি পাঠিয়ে দিয়েছেন। তা, এই তো মগধের চিত্র, আর এই মহাসেনের চরিত্র! একেবারে খ্যাতি

রাজা । এখন তব্র চণক, আপনিই বলুন আমার কী করা উচিত ।’

চণক হেসে বলল, ‘আপনার কর্তব্য কি চণকের পরামর্শের ওপরই নির্ভর করে আছে ? চণক আচার্যপুত্র বলে ?’

বিহিসার হেসে একটি স্থূল গোমাংসখণ্ড মুখে পুরলেন, তার পরে বললেন, ‘না । তা নয় । তবু আপনি বলুন ।’

চণক বলল, ‘প্রথমে দেব পুঙ্করসারীর আত্মভাজন দূত এবং গান্ধারাজসভার একজন উচ্চাকাঙ্ক্ষী অমাত্য রূপে বলছি, ‘মহারাজ অবিলম্বে গান্ধাররাজকে লিপি পাঠিয়ে আশ্বস্ত করুন, তারপর সৈন্যবাহিনী নিয়ে এদিক থেকে অবস্তীকে উন্মত্ত করুন । ছোট ছোট সেনাদল দস্যু সঙ্গে গিয়ে অবস্তীর প্রত্যন্ত অঞ্চলগুলি হারখার করে দিতে থাক । যাতে প্রদ্যোতরাজ্ঞ অপরের রাজ্যের গ্রামগুলি বিনষ্ট করা থেকে বিরত হয়ে, নিজের রাজধানীর দিকে নজর ফেরাতে বাধ্য হন ।’

বিহিসার বললেন, ‘প্রদ্যোত যখন ক্রুদ্ধ হয়ে কারণ জানতে চাইবেন, কী বলব ?’

চণক বলল, ‘ওরা তো দস্যু দল ! মোটেই মগধের সেনা নয় । প্রদ্যোত ওদের দমন করুন । আপনি বলবেন আপনিও করছেন । কিন্তু আসলে আপনি মোটেই কিছু করবেন না ।’

বিহিসার সবিস্ময়ে বললেন, ‘মিথ্যা বলব ? মিথ্যাচরণ করব ?’

চণক বলল, ‘বৃহত্তর স্বার্থে মিথ্যাচরণ তো করতেই হয় । আপনি কি এই রাজগৃহ গিরিব্রজর পুরনো কাহিনীটি শোনেননি মহারাজ ?’

‘কোন কাহিনী ?’

‘রাজা জরাসন্ধের পতনের কাহিনী ! কীভাবে তিনি বিভিন্ন দেশের রাজাদের বন্দি করে রেখে দিতেন । তারপর কুরুবংশের দুই বীর ব্রাহ্মণের ছদ্মবেশে আসে । ভীমসেন নামে একজন তাঁকে মন্ত্রযুদ্ধে আহ্বান করে মেরে ফেলে । ব্রাহ্মণ নয় বুঝলে তো জরাসন্ধ সম্মতই হতেন না—কিন্তু মিথ্যাচরণ যেন রাজকৃত্যের অঙ্গ না হয়ে যায়, আতুরে সত্যচারো নাস্তি । কিতু সে শুধুই আতুরে... ।’

বিহিসার সারাক্ষণ চণককে নিরীক্ষণ করছিলেন, এবার হেসে বললেন, ‘ভালো । ভালো । আর মগধরাজের সতীর্থ, পরামর্শদাতা, মন্ত্রী হিসেবে চণক কী বলেন ?’

চণক গম্ভীরভাবে বলল, ‘মহারাজ পূর্বাস্য হয়ে থাকুন আপাতত, দক্ষিণ দিকেও মুখ ফেরান, কদাপি পশ্চিমাস্য হবেন না ।’

বিহিসার চমকে হাতের পাত্র নামিয়ে রাখলেন, বললেন, ‘আচার্যপুত্র, আপনি আমার মনের কথা জানলেন কী করে ?’

চণক স্মিত মুখে বলল, ‘আপনার মনের কথা আমি কী করে জানবো বলুন । তবে উত্তর থেকে মধ্যদেশে এসেছি । এসেছি দেখতে দেখতে, ভাবতে ভাবতে ।’

বিহিসার হঠাৎ কোমল অনুনয়ের সুরে বললেন, ‘তব্র চণক, সতীর্থ হিসেবে বিহিসার আপনার কাছে অনুরোধ করছে, আপনি রাজগৃহে থাকুন, মগধরাজসভায় আপনার অর্থধর্মানুশাসক পদপ্রাপ্তির কথা আমি অবিলম্বে ঘোষণা করছি ।’

চণক বলল, ‘মহারাজ, দেব পুঙ্করসারীকে আপনি কী ভাবে সাহায্য করবেন, বললেন সা তো ।’

‘আমি অবিলম্বে তাঁকে আশ্বস্ত করে লিপি পাঠাচ্ছি । কিন্তু আপনি তো জানেন, এই লিপিই সব । আমার আশ্বাসের পেছনে শুভকামনা থাকবে কিন্তু কোনও অস্ত্রের টংকার থাকবে না । তবে একটা কথা, প্রদ্যোত মহাসেন কোনও সুনির্দিষ্ট পরিকল্পনা নিয়ে কাজ করেন না । কুললাম না, খ্যাপা রাজা ! এখন ইচ্ছে হয়েছে গান্ধারসীমান্তে বীরত্ব ফলাচ্ছেন । খোক চলে গেলেই আবার সৈন্য গুটিয়ে নেবেন । বরং তোড়জোড় করে ভিন্নরাজ্যের সঙ্গে মিলিত হয়ে তাঁকে বাধা দেবার চেষ্টা করলেই তিনি ক্ষিপ্ত ও উগ্র হয়ে আরও ক্ষতি করবার দিকে ঝুঁকবেন ।’

চণক বলল, ‘বুঝলাম । মহারাজ অসাধারণ কূটনীতিজ্ঞ । এবং মহারাজের চর চরাচর ছেয়ে আছে । কিন্তু আমি তো মগধরাজসভায় যোগ দিতে পারবো না । মহারাজ ক্ষমা করবেন ।’

‘সে কী !’

‘প্রথম কথা, দেব পুঙ্করসারী তাতে অত্যন্ত ব্যথিত ও ক্রুদ্ধ হবেন। আমি তা চাই না। দ্বিতীয়, আমার উদ্দেশ্য অন্য। মহারাজের মন্ত্রিসভায় থাকলে সে উদ্দেশ্য সিদ্ধ হবে না যে!’

দাসীরা এইবার মিষ্ট পদগুলি নিয়ে আসছে। আগেকার ভোজনফলকগুলি তুলে নিয়ে, গজদন্তের কারুকার্যময় ছোট দুটি ফলক রেখে গেল সে জায়গায়। বিশ্বিসার বললেন, ‘কী তোমার জীবনের উদ্দেশ্য, জ্ঞানতে পারি, আচার্যপুত্র?’

‘আমি পরিত্রাজক।’

‘পরিত্রাজক! তুমি কি সম্যাস নিতে চাও?’

‘সম্যাসী নয়, সংসারত্যাগী নয়, মহারাজ। শুধু দেখতে চাই। এই জম্বুদ্বীপের এক প্রান্ত থেকে অন্য প্রান্ত পর্যন্ত দেখতে চাই। বুঝতে চাই।’

‘তুমি তাহলে একজন ভ্রমণাসক্ত কর্মভীরু? এত শিক্ষা, এত পাণ্ডিত্য, এত বুদ্ধি, মেধা, বিষয়জ্ঞানের পরেও। চণক ভদ্র, তুমি আমাকে হতাশ করলে।’

‘আমি কর্মভীরু নই মহারাজ। আপাতত শুধু বন্ধনভীরু। আমি শুধু ভ্রমণের জন্যই ভ্রমণ করতে চাই, তা নয়। আমি বুঝতে চাই জম্বুদ্বীপ কি গান্ধার, মদ্র, মিথিলা, চেদি, অবন্তী, মগধ, বৎস, কোশল, কলিঙ্গ এইরূপ। না নদীবিধৌত, অরণ্যস্বচ্ছ, পর্বতসমুদ্র দ্বারা সুরক্ষিত এক বিশাল ভূমি। দেবতা প্রদত্ত, দেব পরিকল্পিত এক বিশাল ভূখণ্ড, যা আদৌ খণ্ড নয়। আর যদি খণ্ড-খণ্ডই হয় তো কী সেই সূত্র যা উজ্জ্বল মণিগণের মতো এই খণ্ডগুলিকে গাঁথবে? আপনি জানেন নিশ্চয়ই মহারাজ, উত্তর-পশ্চিমে উপরিশ্যেন পর্বতের ওপারে গড়ে উঠছে এক বিরাট সাম্রাজ্য। সেই সম্রাটের নাম কুরুস। ইনি অত্যন্ত ক্ষমতাশালী। এমন আরও আছে। আরও হবে, আসবে—এরা কিন্তু আসবে। তখন গান্ধার, মগধ, অবন্তী, আমরা একলা একলা দাঁড়িয়ে মার খাবো, নিঃশেষ হয়ে যাবো, না সমবেত হবো। সমবেত হলে কী ভাবে হবো? সমস্ত জম্বুদ্বীপবাসীরা তাদের একমাত্র রাজার পতাকার তলায়? না ছোট ছোট রাজার ছোট্ট ছোট্ট সৈন্যদলে, তাদের মধ্যে কোনও কোনও রাজা সমুদ্র পার থেকে আসা রাজাদের সঙ্গে যোগ দিতেও পারেন। যদি পিতার আশীর্বাদ সত্য করার পথে অগ্রসর হতে চান, তাহলে যত দূরেই থাকি আমি আপনাকে সাহায্য করব। আমার পরিব্রজন আপনার কার্যসাধনই করবে।’

দীর্ঘশ্বাস ফেলে বিশ্বিসার বললেন, ‘এভাবে ভ্রমণ করলে কিন্তু আপনার বহু ব্যবহারিক অসুবিধে হবে। তখন কী করবেন?’

‘মহারাজ যদি অনুগ্রহ করে সেই অসুবিধাগুলি দূর করার ব্যবস্থা করে দেন, তো উত্তম। না দিলেও আমি নিজেই সেগুলি অতিক্রম করার চেষ্টা করে যাবো। তবে তাতে কিছু অমূল্য সময় ব্যথা ব্যয় হয়ে যাবে। এখন মহারাজের যা ইচ্ছা। পিতা আমাকে আপনার সঙ্গে মিলিত হতে বলেছিলেন।’

চমকে উঠে বিশ্বিসার বললেন, ‘আচার্য কি এইভাবে জম্বুদ্বীপ পরিক্রমা করে আমাকে সংবাদ দিয়ে সাহায্য করতে বলে গেছেন আপনাকে?’

চণক হেসে বলল, ‘না মহারাজ। আচার্য কাত্যায়ন দেবরাত শিষ্যকে চিরকাল পুরনো পুরানো শৃঙ্খলভারে বন্দী করে রাখবার মানুষ নন। তিনি আমাদের বুদ্ধি-বস্তির উন্মেষ ঘটিয়েছেন। এখন আমরা স্বাধীনভাবে সেই ইচ্ছাশক্তি ও বুদ্ধির ব্যবহার করবো। আমি এবং আপনি। তা ছাড়া সেভাবে সংবাদ সংগ্রহ করা তো চরের কাজ মহারাজ, আমি সে ভার নিতে পারি না। মানুষের ব্যবহার, কার্যকলাপ, উদ্দেশ্য, স্বার্থ, ভাষা, এই সবের ভেতরে তার একটা অন্য পরিচয় আছে। আমি সেই পরিচয় পেতে আগ্রহী।’

‘ওহু, আপনি তবে আত্মার সন্ধানী? সম্যাসীর সঙ্গে সে ক্ষেত্রে আপনার পার্থক্য কী রইল ভদ্র! আমি আপনাকে ঠিক বুঝতে পারছি না।’

মহারাজ মুখ প্রক্ষালন করলেন।

‘আত্মা নয়। আত্মা তো পণ্ডিতেরা বলছেন এমনই বস্তু যা দেখা যায় না, বাঁধা যায় না, মরে না, জন্মায় না। আমি যা খুঁজছি তার জন্ম মরণ সবই আছে। এই বিচিত্র ভূখণ্ডকে তার বিভিন্ন



মানবগোষ্ঠী সহ আমি বুঝতে চাই। এই যাত্রার যা সুফল তা আপনিই ভোগ করবেন। আমি আপনার সঙ্গে মৈত্রীবন্ধনে বাঁধা। আর কোনও বন্ধন স্বীকার করব না।’

অভিভূত হয়ে বিশ্বিসার বললেন, ‘তোমাকে ভালো বুঝলাম না চণক। কিন্তু এটুকু বুঝেছি, তোমার মৈত্রী অমূল্য। ঠিক আছে। তুমি তোমার পথে চলো। রাজগৃহে তোমার জন্য আমি একটি গৃহ ঠিক করে দিচ্ছি। রাজকোষ থেকে তুমি প্রয়োজনমতো অর্থাপিও পাবে। পরিত্রাঙ্কন কালে তোমার অসুবিধা না হয় এ আমি দেখব। চরেদের ওপর তোমার সম্পর্কে যথায়থ নির্দেশ দেওয়া থাকবে। এখন আলিঙ্গন দাও বন্ধু।’

চণক ক্ষিপ্রগতিতে উঠে দাঁড়িয়ে দুহাত বাড়িয়ে রাজাকে আলিঙ্গন করল। দৈর্ঘ্যে তারা প্রায় সমান সমান। চণক অল্প বড় মাথায়। কিন্তু মহারাজ থাকে বলে বৃহৎক মহাভুজ। চণক দেখল, মহারাজের চোখ চকচক করছে। তিনি বললেন, ‘চণক, আমি বন্ধুহীন, বড় একা। রাজপদ আমাকে এরূপ করেছে। ভাচার্য কাত্যায়নের শিক্ষাও আমাকে এমন করেছে। আমি কি একজন বন্ধু পেলাম?’

চণক বলল, ‘সমগ্র জহুদীপে যদি কোথাও একবিন্দু বন্ধুত্ব থাকে আপনার জন্যে তবে তা থাকবে চণকের কাছে। আমি কোনও স্বার্থসিদ্ধির জন্য আপনার কাছে আসিনি মহারাজ। আপনি সবকিছুতে জ্যেষ্ঠ হয়েও যখন এমন অকপটে আমাকে এত কথা বললেন, আমিও অকপটে বলি আপনি আমার স্বল্পদৃষ্ট মানুষ।’

রাজপুরী থেকে ফেরবার সময়ে চণক হেঁটে ফিরছিল। মহাবিদ্যালয়নগরী তক্ষশিলার এক প্রান্ত থেকে আরেক প্রান্তে যেতে সে, কি তার দুটি পা-কেই প্রধান অবলম্বন মনে করেনি? এতদিন রাজকার্য ছিল, সে ছিল গান্ধারের মহামান্য দূত। কিন্তু এখন? এখন তো সে পরিত্রাঙ্কক চণক। যেতে যেতে সে মনে মনে স্বীকার করতে বাধ্য হল, বিশ্বিসার খুব নরম মনের মানুষ। তার মতো কঠিন ধাতুর নন। বিশ্বিসার বুদ্ধিমান, চতুর কূটনীতিক, সবই ঠিক। কিন্তু স্নেহ বা মোহের বশে হঠকারিতা করতে পারেন। যেমন শ্রমণ গৌতমকে সেনাধ্যক্ষ না সর্বাধ্যক্ষ কীসের একটা পদ দিতে চেয়েছিলেন। যেমন আজ প্রথম আলাপেই তাকে অর্থধর্মানুশাসক করতে চাইলেন। এ পদগুলিতে কেউ না কেউ আছেন নিশ্চয়। হঠাৎ তাঁকে বিনা কারণে অপসারিত করলে সে রাজপুরুষ তো নিমেষেই রাজার ঘরশত্রু হয়ে উঠবেন। চম্পা নগরীর বিপুল রাজস্বও সোনপও নামে এক ব্রাহ্মণকে দান করেছেন রাজা, যজ্ঞের দক্ষিণা হিসেবে। এ কি তিনি পুরুষানুক্রমিক রাজবংশের উত্তরাধিকারী নয় বলে? রাজারা যে ভালো কাজ করেন না, অতিরিক্ত দান করেন না তা নয়, কিন্তু করেন রাজকর্তব্য বলে, কখনও বা গোপন কোনও স্বার্থের কথা চিন্তা করে। কিন্তু বিশ্বিসার যখন করেন, করেন তিনি ভালো মানুষ বলে। দয়া, মায়া, স্নেহ, প্রেম যে-সব উপাদান দিয়ে মানুষ গঠিত হয় সেই সব উপাদান বিশ্বিসারের চরিত্রে। চণক অনুভব করল, মহারাজ বিশ্বিসারের কাছাকাছি কোনও শত্রু ধাতুর লোক থাকা প্রয়োজন, এবং নিজেকে বন্ধনভীরু বলে বর্ণনা করলেও সে একটা বন্ধনে জড়িয়ে পড়েছে।

রাজপুরীর সীমা পেরিয়ে গেছে। মুখ্য ভোরণের তলা দিয়ে চণক পথে বেরিয়ে এলো। সে উদ্দেশ্যহীনভাবে হটিছে। ধীরে ধীরে অপরানু ঘন হয়ে উঠবে। আবার আরেকটা দিনের মতো সূর্য অস্ত যাবে। গোধূলির আলোয় ভরে যাবে চারিদিক। তারপর সন্ধ্যা নামবে। সহস্রচক্ষু, অযুত-নিযুতচক্ষু সন্ধ্যা। আর সঙ্গে সঙ্গে আবৃতচক্ষু হয়ে যাবে এই পৃথিবী। বিশ্বীলিতাক্ষী জননী। শান্তির সময়। শান্তির সময়।

শান্তা দ্যৌঃ শান্তা পৃথিবী

শান্তম্ ইদম্ উর্বস্তরিক্ষম।

শান্তা উদম্বতীর আপঃ

শান্তা নঃ সস্ত ওষধীঃ।

শান্ত দ্যালোক শান্ত পৃথিবী। মহাশান্তি ওই মহা-অস্তরিক্ষে। শান্ত সলিলাদি। শান্ত ওষধিরা। এইভাবেই গড়িয়ে যাবে দিনের পরে রাত, রাতের পরে দিন, কর্মের পর শান্তি, শান্তির পর আবার

কর্ম। নতুন জীবন অঙ্কুরিত হচ্ছে, পুরনো জীবন খসে পড়ছে। চলছে চলছে, থেমে থাকছে না। কিন্তু চলছে এক ভাবে, এক নিয়মে। ব্যতিক্রমশুলিও নিয়মে বাঁধা। পূর্ণিমা, অমানিশা, চন্দ্রগ্রহণ, সূর্যগ্রহণ, ঋতু-পরিবর্তন। কী অর্থ এই অনন্ত পুনরাবৃত্তির? কী চান দেবতা? আমরা মানুষরাও কি এই সৌন্দর্যপূনিকতার অন্তর্গত। না কি কোথাও পথ আছে এই চক্র থেকে প্রজ্বলন্ত উদ্ধার মতো বেরিয়ে যাবার। কোনও পরিবর্তন ঘটাবার? এই বিশাল ঘূর্ণ্যমান অন্তরিক্ণের দিকে তাকালে, হঠাৎ, বালুকণার মতো ক্ষুদ্র মনে হয় নিজেকে, সংকেতকে, সিদ্ধিকে। না না। চণক মাটির দিকে মুখ ফেরাল। সে এভাবে হারিয়ে যাবে না। হারিয়ে যাবে না। হারিয়ে গেলে চলবে না।

বোধিকুমার না? কিছুটা আগে আগে চলছে সেই অল্পবয়স্ক কবি বোধিকুমার। চণক পেছন থেকে গিয়ে তার কাঁধ ছুঁলো। বোধিকুমার ফিরে দাঁড়ালো। চণককে দেখে তার মুখ হাসিতে ভরে গেল। বলল, 'আপনি! এখনও গাঙ্গারে ফেরেন নি? শ্রীমতীর ধারণা ছিল আপনি...'

'থামলেন কেন? বলুন!'

বোধিকুমার হেসে বলল, 'আমি বিট নই। কিন্তু শ্রীমতী বোধহয় আপনার বিরহে বড়ই ক্লিষ্ট। করবারও কিছু নেই। আপনি বিদেশী দূত, ফিরে যাচ্ছেন তো!'

চণক বলল, 'কবি বোধিকুমার তাকে রুদ্রতী বসন্তগর্ভা আষাঢ়ী বর্ষাধারার সঙ্গে তুলনা করে অপূর্ব কবিতা রচনা করলেন, আর তিনি ক্লিষ্ট হলেন কাষ্ঠকঠিন চণকের জন্য? আশ্চর্য!'

বোধিকুমার বলল, 'পৃথিবীতে প্রত্যাশিত ঘটনা কখনওই ঘটে না। কবিদের ভাগ্য ভালো নয় ভদ্র। কিন্তু আপনি সেদিন বুঝতে পেরেছিলেন শ্লোকগুলিতে আমি শ্রীমতীকেই বর্ণনা করেছি।

চণক বলল, 'নিশ্চয়ই!'

'তাহলে আপনার মতো সাহিত্য-ভাবক আমি আগে রাজগৃহে দেখিনি চণক ভদ্র। সপ্রশংস দৃষ্টিতে তার দিকে তাকিয়ে বোধিকুমার বলল, যদি আপত্তি না থাকে চলুন না ওই আশ্রয়স্থলে একটু বসি। যাবেন?'

চণক বলল, 'চলুন!'

১০

ওই তো অদূরে দেখা যাচ্ছে সাকেতের সীমানা। রাজগৃহ তো পর্বত দিয়েই ঘেরা, তা সত্ত্বেও নগরীর প্রবেশদ্বার আছে, প্রাচীর আছে। শ্রাবস্তীরও চারিদিকে প্রাচীর। বৈশালীরও। সাকেতের তেমন কিছু নেই। কিন্তু আছে অঙ্গন বন। দূর থেকে দেখা যায় এই শাল-অরণ্য। আর তার ওপর জেগে থাকে ধনঞ্জয়ের বিমানটি। এই বিমান দেখেই লোকে সাকেত চেনে। রাজ্যনা উগ্রসেনেরও এমন নেই। সুমনা একবার নিষেধ করেছিলেন ধনঞ্জয়কে। শ্রেষ্ঠীর যত সম্পদই থাক, বাইরে যেন তা রাজার ঐশ্বর্যের বহিঃপ্রকাশকে ছাড়িয়ে না যায়। ধনঞ্জয় স্বভাবে খুব বিনয়ী নন। বলেছিলেন, 'রাজা বিশ্বিসার বা প্রসেনজিৎ হলে ভাবনার কথা ছিল, এ তো সামান্য এক মাণ্ডলিক রাজা। সন্তোষমিক প্রসাদ ও তার ওপর মনোহর চূড়া আমার অনেক দিনের সাধ সুমনা।' সাকেত দেখা দিতেই সুমনার চিস্তের ভেতরটা রোদ পড়ে সোনার স্তূপের মতো বলমল করে উঠল। সাকেত তাঁর মুক্তি, সাকেত তাঁর কল্পনা, কল্পভূমি।

যখন ধনঞ্জয়ের ওপর আদেশ হল ভদ্রিয় ছেড়ে শ্রাবস্তীতে আসবার। কী চিন্তা 'সবাইকার! স্বশ্রুমাতা পদ্মাবতী দেবী ভয় পেলেন। ভিন্ন রাজ্য, বলা তো যায় না, স্বাধীন মগধের সঙ্গে সম্পর্ক ভালো, কাল তো না-ও থাকতে পারে। ষোলটি মোট মহাজনপদ, তাঁদের মধ্যে যুদ্ধ-বিগ্রহ, ভাঙচুর তো লেগেই আছে। কুরু-পাঞ্চালের বিশাল যুদ্ধ হল, দুই বংশেই এখন প্রদীপ নিবু-নিবু। মেণ্ডক বললেন, 'মহারাজ বিশ্বিসার আর রাজা প্রসেনজিৎ দুজনের শ্যালক।' পদ্মাবতী বললেন, 'কুরু পাঞ্চালের যুদ্ধে শুনেছি মামা ভাগনের বিরুদ্ধে, শ্যালক ভগ্নীপতির বিরুদ্ধে, গুরু শিষ্যের বিরুদ্ধে যুদ্ধ করেছিল। রাজাদের কী মতিস্থির আছে? যদি কখনও মগধে কোশলে যুদ্ধ লাগে মেণ্ডক অর্থসাহায্য করবেন মগধকে, আর তাঁর পুত্র অর্থ দেবেন কোশলকে!' অনেক

বাদ-প্রতিবাদ। কিন্তু সুমনার চিন্তে কেমন একটা আনন্দের বাতাস লেগেছিল। বিবাহের প্রথম কয়েক বছরের রোমাঞ্চ, সার্থক সঙ্গে বাণিজ্যযাত্রার সে স্বাদ জীবনে কখনও ভুলবেন না, কিন্তু তার পর ? শ্রেষ্ঠী-পরিবারের বিশাল কর্মক্ষেত্রের মধ্যে কবে তিনি হারিয়ে গিয়েছিলেন, হারিয়ে গিয়েছিল তাঁর বীর্য, শক্তিমত্তা, তাঁর বেদবিদ্যা, ধনুর্বেদ, সব, স-ব। ধনঞ্জয় তখন বেশির ভাগই বাইরে থাকতেন। মেণ্ডক পরিবারে সুমনা নিচ্ছিহ।

রাজগৃহে স্বরূপ মন্ত্র ও তাঁর স্ত্রী কুশাবতী মন্ত্রর কাছ থেকে অস্ত্র ও ব্যায়াম শিক্ষা করতেন সুমনা। একবার স্বরূপ মন্ত্র তাঁকে বলেছিলেন, ‘কল্যাণি, একটা সময় ছিল যখন আমাদের স্ত্রী-পুরুষ বালক-বালিকারা পর্যন্ত অস্বারোহণ, অস্ত্রধারণ জানত। মস্ত মাতঙ্গের মতো বল ছিল নারীদের দেহে। তারা আমাদের পাশাপাশি দাঁড়িয়ে যুদ্ধ করত। নইলে কি আর যক্ষরক্ষ অসুর নিধন করে এই অপরূপ সপ্তসিন্ধুবিরোধিত জম্বুদ্বীপ আমরা অধিকার করতে পারতাম।’

‘কেন আচার্য। এ কি আমাদের নিজেদের দেশ নয় ? আমরা কি যযাতিপুত্র অনু দ্রুহ্য যদু তুর্বসুর থেকে উৎপন্ন হইনি ? যযাতি তো সসাগরা পৃথিবীর অধীশ্বর ছিলেন। সূতদের থেকে তো আমরা এমনই শুনেছি।’

কুশাবতী বললেন, ‘ছিলেন হয়ত। সবই তো বহু কাল আগেকার কথা। কত শ’ কত হাজার বছর আগে কে জানে ! শাক্যরা তো ওক্কাকুর পুত্র-কন্যাদের অন্তর্বিবাহের ফলে জাত হয়েছে শুনি। বঞ্জিরাও তাই। যমজ্ঞ ভাইবোন। কিন্তু তার পূর্বে ? যযাতিতে গিয়েই তো সবাই পৌছই। তার পূর্বে কী ? তারও পূর্বে ? আমাদের একটি দাস ছিল, বন থেকে সংগ্রহ করা। সে কোনদিন শোষ মানেনি। দাসের মতো ব্যবহার সহ্য করত না। আমরা অবশ্য তা করতামও না। সেই দাসটি, তার নাম কচ্ছু। সে তোমার আচার্য স্বরূপ মন্ত্রকে অনেক গুঢ় বিদ্যা শিখিয়েছিল। বিষ প্রস্তুতের পদ্ধতি। সাপের বিষ নেমে যায় ক্ষত সেরে যায় এমন ঔষধি চিনিয়েছিল। ইনিও বিনিময়ে তাকে অনেক কিছু শেখান। সে-ও অস্ত্রবিদ্যা শিখিয়ে যথেষ্ট উপার্জন করত। তা সেই কচ্ছু বলত, তোমরা কে ? তোমরা তো উত্তর-পশ্চিমের পাহাড়ের গুপার থেকে এসেছ বিদেশি। এই পৃথিবীর প্রকৃত প্রভু তো আমরা দাসরাই। আমাদের কত কোম থাকত বড় বড় নগরে, সেসব তোমরা ধ্বংস করে দিয়েছ, আমাদের থেকেই শিখেছ কৃষিবিদ্যা। আমরা আমাদের পিতৃপুরুষ, তাঁরা তাঁদের পিতৃপুরুষ, তাঁরা আবার তাঁদেরও পিতৃপুরুষদের থেকে শুনে আসছেন। তার চক্ষু জ্বলত বলবার সময়ে। উদরী রোগে মারা যায়। মারা যাবার আগে খালি বলত—জ্ঞানতাম, তোমাদের আর্য মানুষদের পাপ আমাদের স্পর্শ করেছে, এ তোমাদের রোগ। আমাদের অরণ্যে বার্ষিক আর হিংস্র জন্তুর আক্রমণকত ছাড়া আর কোনও রোগ নেই।’

অরণ্যচারী কালো মানুষদের কথা ভাবতে গিয়ে, বহু দূর অতীতে কোনও উত্তর পশ্চিমাঞ্চলের পাহাড়-ভিঙিয়ে আসা অস্বারোহী-অস্বারোহিণী পূর্বপুরুষদের কথা ভাবতে ভাবতে অন্যমনস্ক হয়ে গিয়েছিলেন সুমনা। সত্যিই তো ‘আর্য’ শব্দের মূলে ‘ঋ’ ধাতু। বিভিন্ন গণে যে ঋ ধাতু দেখতে পাওয়া যায় তাদের বেশির ভাগেরই অর্থ গতি। সে হিসেবে ‘আর্য’ শব্দের অর্থ হতে পারে ‘যারা চলে, গতিশীল, যযাবর’ আবার বেদে দাশ ধাতুর অর্থ ‘দান’ করা। যিনি দেন তিনি নিশ্চয়ই কোনও অর্থেই দীন হতে পারেন না। কিন্তু সে তো দাশ !

সারথি বলল, ‘দেবি, সর্বাঙ্গসুন্দর আপনার সাকেত ওই দেখা যাচ্ছে।’

সুমনা হেসে বললেন, ‘আমি আগেই দেখেছি।’

সত্যি। সাকেতকে নির্বাচন করে ধনঞ্জয় একটা কাজের মতো কাজই করেছিলেন। স্বামী ও কন্যাকে নিয়ে ভিন্ন দেশে একলা বসবাস করার রোমাঞ্চ নিয়ে তিনি শিবিকায় বসলেন। যথোচিত স্নানমুখে। তাঁর শিবিকার কিছু দূরেই পাশাপাশি চলেছেন কোশলীয় পসেনাদি (প্রসেনজিৎ) এবং ধনঞ্জয়। পসেনাদির ঘোড়াটি দুধ-সাদা, ধনঞ্জয়েরটা কপিঙ্গ। পসেনাদি তো সেনিয়ার সমবয়স্কই ! কিন্তু স্থূল হয়ে পড়েছেন। বিলাসপ্রিয় নাকি ? কাঁধে, উদরে এত চর্বি জমলে যুদ্ধ করবেন কী করে ! সেনাপতি বজ্জল আর দীঘকারায়ণের হাতেই সব ফেলে রাখলে চলবে ? সেনিয় নিজে সৈন্য পরিচালনা করে অসম সাহস ও বীর্যের সঙ্গে অঙ্গদেশ কীভাবে অধিকার করল ! সেনিয়কে দিয়ে

সুমনার আশা অনেক। এখন পসেনদি ও ধনঞ্জয়কে ঘোড়ায় চড়ে যেতে দেখে তাঁর ঈর্ষা হচ্ছিল। মনে হচ্ছিল এক লাফে গিয়ে ধনঞ্জয়ের ঘোড়াটিতে চড়ে বসেন বহু দিনের অনভ্যাস। তবু ঘোড়ায় চড়া একবার যে শিখেছে সে কখনও ভোলে না। তবে শিবিকা ছাড়তে খুব একটা ভরসাও পাচ্ছিলেন না। সেনিয় আসার সময়ে বলেছিল, 'সুমনা, আমার শ্যালকটিকে সাবধান।' কী অর্থে বলেছিল কে জানে। কিন্তু সুমনা শিবিকার অন্তরালে থাকতেই মনস্থ করেছিলেন। রাজাদের মন। কোন্ নারীকে কখন ভালো লাগবে, তার জীবনটি, তার পরিবারের জীবনটি শেষ করে ছেড়ে দেবেন।

গোধূলিবেলায় তাঁরা পৌঁছেছিলেন একটি অপূর্ব স্থানে। দূরে দেখা যায় রুপোলি জলের ধারা, শ্রেণিবদ্ধ রাজপথে তমাল, পিয়াল, বকুল, সপ্তপর্ণীর সারি। কাঠের ও ইস্টকের হর্ম্য সামান্যই, বাকি সব পরিচ্ছন্ন মাটির কুটির। দিকচক্রবাল তাই আরও উদার, আরও বৃহৎ মনে হচ্ছে। একটা লঘু হলুদে-সবুজে মেশা উত্তরীয় যেন পৃথিবীর গায়ে বিছিয়ে রয়েছে। পরিচ্ছন্ন সোনালি আকাশের পটে শতখানেক ষ্বেত এবং পাতল গরুর দল ঘরে ফিরছে। গোধূলির আলোয় ষ্বেত গাভীগুলিকে পদ্মবর্ণের মনে হচ্ছে। হঠাৎ এদিকে ওদিকে বিন্দু বিন্দু আলো জ্বলে উঠতে লাগল। যেন পৃথিবীর বুকে তারা ফুটছে। ধনঞ্জয় বললেন, 'মহারাজ, এ স্থানটি কোন রাজ্যে পড়ে?'

'আমারই রাজ্যে শ্রেষ্ঠী।'

'শ্রাবস্তী থেকে কত দূর?'

'এক দিনের পথ।'

'নাম কী স্থানটির?'

'সাকেত।'

'বাঃ, সায়ংকৃত সাকেত। যদি এই স্থানেই বসবাস করতে ইচ্ছা করি?'

'শ্রাবস্তীতে যাবেন না শ্রেষ্ঠী?'

'শ্রাবস্তী রাজধানী। সেখানে সর্বদাই বড় হটরোল। বহু লোকের বাস। আমার গৃহিণী আবার একটু নির্জনতা ভালোবাসেন।'

'ভালো, তাহলে এখানেই আপনার বস্ত্রাবাস ফেলতে আশ্চর্য্য দিচ্ছি। রজ্জুকদের কাল সকালেই ডাকিয়ে আপনার ভূমিসীমা সব ঠিক করে দেব।'

সাকেত সুমনার আত্মভূমি। সুমনা ধনঞ্জয়কে বলেন, 'তুমি বলেছিলে সায়ংকৃত, আমি বলি এ আমার স্বয়ংকৃত। সাকেতে আছে শ্রাবস্তী, রাজগৃহ ইত্যাদি বড় বড় নগরের পরিশীলন। সেই সঙ্গে ভদ্রিয়ের মতো ছোট নগরের অনাবিল নির্জনতাও। সাকেতের রাজা উগ্রসেন মানুষটিও খুব ভালো। ক্ষত্রিয়ের অহঙ্কার নেই। ধনঞ্জয় যেভাবে সাকেতের উন্নতির পরিকল্পনা করতে চান, সুপারামর্শ মনে হলে সঙ্গে সঙ্গে অনুমতি দিয়েছেন। আশেপাশে গ্রামগুলি বেশ সমৃদ্ধ। ধান ও যব ক্ষেতগুলি প্রতি বছরই পূর্ণ হয়ে যায়। ধনঞ্জয় সরযুতীর বাঁধিয়ে দিয়েছেন। মণিময় (সাদা পাথরের) ঘাট হয়েছে। নদীযুখী পথগুলিও খুব শীঘ্র নির্মিত হয়ে গেছে। গ্রামের সব গৃহ থেকে, নগরের সব গৃহ থেকে দাসেরা শ্রম দিয়েছে, বিনিময়ে তাদের অন্ন, বস্ত্র ও প্রতি দিন কয়েক মাষক করে দেওয়া হয়েছে। তাদের প্রভুরা প্রথমটা আপত্তি করেছিলেন। কিন্তু উগ্রসেন ধনঞ্জয়ের পক্ষে ছিলেন পাল্লা করে দাস পাঠাতে তখন আর আপত্তি করেনি কেউ। পথগুলি তো সবারই প্রয়োজন। নগর আর কতটুকু! নগর ঘিরে শস্যক্ষেত, ফলের, নানাবিধ শাক ও পর্ণের ক্ষেত, উদ্যান সবই তো বেশি। কাজেই গ্রামবাসীদের পথগুলি কাজে লাগে। ধনঞ্জয়ের গৃহে পূজাপার্বণ যজ্ঞ থাকলে প্রধান প্রধান গৃহপতিদের নিমন্ত্রণ হয়। দরিদ্রদেরও অন্নবস্ত্র দান করা হয়। তখন এইসব পথ মানুষের চলাচলে, গোশকটে, ঘোড়ার ক্ষুরে ভেঙে যায়। ধনঞ্জয় তাই সম্প্রতি পথ সংস্কারের সময়ে পাথর ব্যবহার করিয়েছেন।

শাঁখ বাজছে। বহু জোড়া শাঁখ। দুয়ারে ঘটে আশ্রয়। 'কি রে ধনপালি, শাঁখ বাজাচ্ছিস কেন? এই ময়ূরি, হল কি তোদের? দ্বারে ঘট—এসব কী?'

'বিসাখাভন্দা বলেছে', হাসতে হাসতে আরও জোরে শাঁখে ফুঁ দিল সবাই। 'দু মাস কেটে গেল,

ঘরের ঘরনী ঘরে এলে,' বর্ষীয়সী এক পুরাস্তনা বললেন, 'বিসাখা তো ঠিকই করেছে ।'

'মেহে যেন প্রাণ এলো, ঘর যেন আঁধার হয়ে ছিল', আরেক জন বললেন ।

সুমনা বোঝেন এসবই স্তুতিবাদ । তবু জিজ্ঞাসা করেন, 'কেন ? বিসাখাকে তো সব ভার দিয়ে গেছি । সে কি পারেনি ?'

'না, না, তা কেন ? তবে কন্যা যদি চাঁদ হয় তো মাতা যে সূর্য । পার্থক্য একটা থাকেই !'

বিশাখা এসে দাঁড়িয়েছে, মুখে হাসি, চোখে আনন্দের অশ্রু ।

'বিসাখা, বল মঙ্গল কেমন হল বচ্ছে ?'

'সব ঠিকঠাক হয়েছে মা ।'

'মাস্তলিক দ্রব্যগুলি সব ঠিকঠাক সংগ্রহ হয়েছিল ?'

'হ্যাঁ মা, কোনও ভুল হয়নি ।'

'লাঙলের গায়ে গোরোচনা, চন্দনের তিলক ?'

'হ্যাঁ ।'

'বলদগুলিকে সাজিয়েছিলে ?'

'নিশ্চয় ।'

'আর বাস্ত্যগার মঙ্গলঘট ? সোনার দিলেন তোমার পিতা, না রূপার ?'

'রজত মোক্ষ ফলদায়ী মা, বাবা তো মুক্তি চান না, তাই সুবর্ণই দিলেন, পুরোহিতের সুবিধে হল ।'

বিশাখার অনুচরীরা উত্তরীয়প্রান্ত মুখে দিয়ে হাসতে লাগল ।

সুমনা সেদিকে তাকিয়ে বললেন, 'ও কী কু-অভ্যাস, মুখে বস্ত্রখণ্ড দিচ্ছিস কেন ? তা বিসাখা যজ্ঞের সময়ে তোমার পিতা একাই ছিলেন, না...'

এবার সবাই আবার হাসতে লাগল । হাসতে হাসতে বিশাখার মুখ লাল হয়ে গেছে, সে বলল,

'কাঠফলাকে তোমার একটি চিত্র ঐকেছিলাম মা, সেই প্রতিমা পিতার পাশে রেখেছিলাম !'

'কৌতুক হচ্ছে ? সুমনার মুখেও হাসি । 'তোমার এ ব্যবস্থা আচার্য ক্ষত্রপাণি মেনে নিলেন ?'

'নিলেন তো দেখলাম ।'

'বৈদিক যাগে পত্নীর যজ্ঞভাগিনী হয়ে বসবার নির্দেশ আছে । আমি ভাবছিলাম তোমার পিতা যদি পুরুষ-প্রতিষ্ঠা আর বাস্ত্যগাট পিছিয়ে দেন !'

'পিতা দিতে চেয়েছিলেন, আমি বাধা দিলাম । আমি দীর্ঘদিন ধরে তোমার চিত্রটি ঐকেছি মা, তাই দিয়েই কাজ হবে না কেন ? তথাগত বুদ্ধ তো বলেইছেন যাগযজ্ঞের এত সব খুঁটিনাটি বিধি—এসব অপ্রয়োজনীয় । পুরোহিত দেব ক্ষত্রপাণি একটু আপত্তি করছিলেন । কিন্তু তারপর আমি জোর করে বলতে মেনে নিলেন ।'

'বৃদ্ধের কথা মনে আছে ? তুই তো তখন বেশ ছোট !'

'মা আমার বেশ মনে আছে অজ্জা-মা কী একটা শুভযোগে গঙ্গান্নানের অভিলাষ জানাচ্ছিলেন, ভগবান বললেন, "কেন ভদ্দিয়তে এত সুন্দর কাকচক্ষুর মতো নির্মল জলের সরোবর রয়েছে, স্নানের অসুবিধা কী ?" অজ্জা-মা বললেন, "শুভযোগে গঙ্গান্নান করলে সর্ব পাপ ক্ষয় হয় যে" ভগবান তাতে হেসে বললেন, "রাজদ্বারে নিত্য যে সব চোর, দস্যু, নরঘাতক আসে সেগুলিকে এবার থেকে গঙ্গান্নানে পাঠিয়ে দিলেই তো হয়, পাপস্খালন হয়ে যাবে । আর এই যে শুনি, পিতা, সারা ভদ্দিয়নগরে নাকি এমন ব্যক্তি নেই যে তাঁর কাছে উপকৃত হয়নি । তা, তাঁর কর্মফল আর হত্যাকারীর কর্মফল এক হয়ে যাবে উদকশুদ্ধির ফলে, এ কখনও হয় আরে"'

'বাঃ, তোর তো খুব সুন্দর মনে আছে ?'

মাতা-কন্যা কথা বলতে বলতে ততক্ষণে সুমনার কক্ষে এসে পৌঁছেছে । বিশাখা দুই হেসে বলল, 'কেন মনে থাকবে না মা, আমরা ছোটরা অর্থাৎ আমি, সিন্ধুকন্যা দেবী, জ্যেষ্ঠতাত পুত্র কুণ্ডিন আমরা সকলেই তো ভেবেছিলাম অজ্জা-মার সঙ্গে গঙ্গান্নান করে আমাদের পাপগুলিও এই বেলা ধুয়ে আসব ।'

সুমনা হেসে বললেন, 'তোমাদের পাপগুলি আবার কী ছিল ?'

বিশাখা হাসি মুখে বলল, 'জেট্টার পাশ অনেক । প্রজ্ঞাপতি ও ফড়িং-এর পাখা ছিড়ে নেওয়া ছিল তার নিত্যকর্ম । এ ছাড়াও সে আমাদের ছোটদের সুযোগ পেলেই প্রহার করত । পিতামহর কাছে যখন-তখন মিথ্যা কথা বলে কত কাহন যে নিত !'

সুমনা বললেন, 'অ্যর দেবী ? দেবীর মতো ভালোমানুষ মেয়ের আবার কী পাপ ?'

'দেবী ? দেবী অজ্জা-মার মাথার পাকা চুল তুলে দিয়ে মাষক পেত তো ? দুটি তুললে চারটি বলতো । তা ছাড়া খুড়িমার কুসুমবর্ণ বারাগসী বস্ত্র লুকিয়ে লুকিয়ে পরতে গিয়ে ছিড়ে ফেলেছিল । খুড়িমা যখন সইয়ের মেয়ের বিয়েতে পরতে গিয়ে দেখলেন, সে কী চোঁচামেচি ! দেবী পালংকের তলায় লুকিয়ে রইল । মাঝখানে থেকে আমাদের মাজুরীটা, সেই ধবলাটা, সে খুব মার খেল ।'

সুমনা জিজ্ঞেস করলেন, 'আর তুই ? তুই কী করেছিলি ?'

বিশাখার মুখ পাংশু হয়ে গেল । দেখে একটু অবাক হলেন সুমনা । কিছুক্ষণ পর আত্মসংবরণ করে বিশাখা ধীরে ধীরে বলল, 'মা, আমিই বোধ হয় সত্যিকার পাপ করেছিলাম ।'

'সে কী ?' সুমনা উৎকণ্ঠা গোপন করতে পারলেন না ।

'হ্যাঁ মা । আমি তীর ছোঁড়া অভ্যাস করতাম তো নিত্য !'

'হ্যাঁ, সে তো আমারই নির্বন্ধে ।'

'হ্যাঁ মা, কিন্তু লক্ষ্যভেদে জেট্ট ভাইদের সঙ্গে পারতাম না, তাই গোপনে গাঁয়ে চলে যেতাম, নানারকম লক্ষ্যবস্ত্র স্থির করতাম । বুলন্ত আশ্রফল, কখনও বদরিকা, কখনও কুটিরের চালে অলাবু । তারপর একদিন শীতের প্রাক্কালে উড়ন্ত হাঁসে তীর সন্ধান করতে লাগলাম । দশ বারোটি হাঁস আমি এভাবে মেরেছি মা । কিন্তু কোনটিই দেখিনি । গাঁয়ের চণ্ডাল ও পুকুরা ছুটোছুটি করে সেগুলি দূর থেকে নিয়ে যেত ।'

সুমনা বললেন, 'বেশ করেছিলে । ধনুর্বেদ কি অহিংস হবার জন্যে কেউ শিক্ষা করে ? রক্ত, ক্ষত, মৃত্যু এসব দেখে বিহ্বল যাতে না হও তার জন্যেও তো এসব শিখতে হয় বিশাখা ।'

'তারপর শোনোই না মা । রোজই হাঁস মারি, আর তীর লেগেছে এই আনন্দে ছুটে চলে আসি । শেষে একদিন কী যে দুর্বুদ্ধি হল একটি ছুটন্ত চণ্ডাল বালকের বাম গুলফে তীর সন্ধান করলাম । উঃ, সে কী রক্তপাত মা, ছেলোটর সে কী বুকফাটা আর্তনাদ ।' বলতে বলতে বিশাখা ডান হাতে নিজের বক্ষের কাছে বন্ধনী আঁকড়ে ধরল ।

'তারপর ?' সুমনা উদ্বিগ্ন হয়ে বললেন ।

'আমি আগেই তীর টেনে ফেলে দিয়ে জবার পাতা খেঁতলে দিয়ে তার রক্ত বন্ধ করলাম, তারপর তাকে কোলে নিয়ে তার কুটিরে পৌঁছে দিই । বলিনি ইচ্ছা করে করেছি । সে বালকটিও বুঝতে পারেনি । অজ্জা-মার কাছ থেকে অর্থ নিয়ে দিই ছেলোটর চিকিৎসার জন্য ।' সে অর্থ কিন্তু ওরা উল্লাস করে মদ্যমাংস খেয়ে উড়িয়ে দিল, বলল, বৈদ্য ওদের দেখবেন না । বনের লতাগুম্বই ওদের ওষুধ ।'

'তুমি চণ্ডাল বালকটিকে কোলে নিয়েছিলে ? খুব অশুচি ওরা । থাক, না জেনে করেছ ।'

'মা, বালকটি নোংরা ছিল না মোটেই । বেশ হটপট্ট তৈলসিক্ত বালক । তবে ওদের পান্নী খুব নোংরা । বড় দরিদ্র । অত দরিদ্র হলে বোধ হয় আমরাও শুচিতা রক্ষা করতে পারতাম না ।' মা, বুদ্ধ ভাখাগত এই অশুচিতা, দারিদ্র্য—এসব নিয়ে কিছু বলেননি ?'

সুমনা চিন্তা করে বললেন, 'বোধ হয় বলেছিলেন । ওই উদকশুদ্ধির প্রসঙ্গেই । তবে তখন আমরা তাঁর জ্যোতিঃপূঞ্জ দেখে বিবশ হয়ে বসেছিলাম । সব কথা হয়তো ঠিকমতো কানে প্রবেশ করেনি । সত্যিই, অনেক সম্যাসী দেখেছি, সঞ্জয় বেলটটিপুত্তকে তো রঞ্জগুহে অনেকবার দেখেছি, সম্প্রতি পুরণ কাস্যপকেও দেখলাম । কিন্তু কুমার সিদ্ধার্থর মতো মনন অলৌকিক প্রভা আর কারও নেই ।'

'উনি যে বুদ্ধ লাভ করেছেন মা । শিষ্যরা বলে সম্যক-সম্বুদ্ধ ।'

সুমনা কী যেন ভাবছিলেন । বললেন, 'ওঁর বৈদিক ক্রিয়া-কাশু সব কিছুই তুচ্ছ করাটা আমি কিন্তু এখনও ঠিক মেনে নিতে পারি না । যজ্ঞগিতে হবিঃ অর্পণ করার পর কেমন একটা স্বর্গীয় সুগন্ধ

ওঠে। সেই সুগন্ধী ধূম যেন আমাদের স্বর্গের দিকেই নিয়ে যাচ্ছে বলে মনে হয়। তা ছাড়া শুনতে পাই, উনি নারীদের বড় অসম্মান দেখিয়েছেন, দেখান।'

'কই আমাদের ভদ্দিয়র গৃহে তো তেমন কিছু দেখিনি মা !'

'না, মেয়েদের সামনে উনি কিছু বলেন না, কিন্তু যখন সজেষ ভিক্টরের উপদেশ দেন তখন মেয়েদের সম্পর্কে কী না বলেন। কোনও গৃহী পব্বজ্যা নেওয়ার পরে যদি স্ত্রীর জন্য উদ্বিগ্ন হন, উনি গল্প বলেন ওই স্ত্রী নাকি জন্মে জন্মে তার অনিষ্টকারিণী ছিল। এসব কী ? তা ছাড়া ভিক্টুরী সংঘ যে গঠিত হয়েছে তার স্থান সম্পূর্ণ ভিক্টু সংঘের নীচে। কেন ? সংসারত্যাগী ভিক্টুর আবার ছোট বড় কী ? অথচ দেবী স্কেমা...' সুমনা চুপ করে গেলেন।

'দেবী স্কেমা কী মা ?'

'তোমার পিতা আসুন, সব বলব। এবার রাজগহ থেকে পেটিকা ভরা সংবাদ এনেছি।'

বেলা পড়ে এসেছে। সুমনার জন্য অপেক্ষা করে করে অবশেষে ধনঞ্জয় চলে গেছেন সরযুতীরে। নৌবাগিকদের সঙ্গে তাঁর প্রয়োজন আছে। মায়ের ঘরে মা এবং মেয়ে অনেক দিন পরে একা। দু'জনের কথা আর ফুরোতে চায় না। গৃহস্থালির খুঁটি-নাটি। এটা হয়েছে কি না, ওটা বাদ গেল কেন ? মেয়ের দিকে চেয়ে চেয়ে সুমনার চোখ ফিরছে না। হঠাৎ যেন বিশাখা বড় হয়ে গেছে। এমনিতেই সে বয়সের তুলনায় পরিণত। এখন যেন আরও বড় বড় লাগছে। সুমনার বৃকের ভেতরটা খালি খালি ঠেকে। বিশাখা ধনঞ্জয় সেটটির আদরের কন্যা। গর্বের কন্যা। কিন্তু সুমনার সে মানসপত্নী। সারা জীবন ধরে যা শিখেছেন, যা ভেবেছেন, যা যা স্বপ্ন দেখেছেন সবই সম্বন্ধে মেয়ের মধ্যে ফুটিয়ে তুলতে চেয়েছেন। তাঁর মনের মধ্যে এক গভীর একাকিত্ব। শত কাজেও যা ভরতে চায় না। সেই একাকিত্বই কি তাঁকে এভাবে মেয়ের মধ্যে একজন সঙ্গী গড়ে তুলতে প্রবৃত্ত করেছে ? কত শিখেছিলেন তিনি। কিন্তু কিছুই যথার্থ প্রয়োগ করা গেল না। কারও সঙ্গে কথা বলে, কারও সঙ্গে মেলামেশা করে সুখ পান না। সাকেতে তাঁর কোনও সখী নেই। ভদ্দিয়তে তো ছিলই না। শাস্তি পদ্মাবতী ছিলেন খুব শুণী রমণী। খুবই প্রাজ্ঞ। একমাত্র তাঁর সঙ্গে কথাবার্তাতেই কিছুটা প্রাণের আরাম ছিল। কিন্তু তাঁর অন্যান্য সব দেবর-জায়ারা গণ্ডমুখ। এমন নয় যে গৃহে আচার্যর কাছে কোনদিন কিছু শেখেনি। কিন্তু দেবার্চনাবিধি, স্বামীবন্দনা, শাটিকা এবং পেটিকা এর বাইরে আর কিছুতেই যেন তাদের আগ্রহ নেই। সার্থ ফিরে এলে তুমুল উৎসব লেগে যেত মেণ্ডক সেটটির অন্তঃপুরে— দেখো দেখো, এই মরকতটি কী উজ্জ্বল ? কী সুগোল ! এটি আমি অঙ্গুরীয়তে পরব।

—দেখো না এই চিত্রল মৃগের চর্ম কী সুস্পর্শ ! আমি এটি শয্যার আস্তরণ করব। চর্মকারদের বললেই হবে, কেটে কেটে জুড়ে দেবে।

—এইরূপ কিলিঞ্জক আগে কখনও দেখেছিস ? গ্রীষ্মকালে নাকি শীতল থাকে। ভারি চমৎকার !

কারও একবার মনে উদয় হত না কোথাকার এই মরকত অথবা পদ্মরাগ, কোন দুর্গম পাহাড় না নদীতীর থেকে কুড়িয়ে পাওয়া গেল। কোথায় ছিল ওই চিত্রল হরিণগুলি, তাদের কি সার্থর ধানুকীরাই মারল না চর্মগুলি কিনে এনেছে ! ওই শীতল কিলিঞ্জকের বেতগুলিই বা কোথায় জন্মায় ! সুমনার ইচ্ছা হত জানতে। কিন্তু এঙ্গব প্রশ্ন করলে তাঁর দেবর-জায়ারা বলাবলি করত জ্যেষ্ঠার বেশ কতকগুলি সন্তান হওয়া প্রয়োজন। তিনি ছিলেন হংসকূলে বক, স্বস্তুর মেণ্ডককূলে বককূলে হংস। রাজ্যান্তঃপুরে গিয়েও রানিদের মতো অভিজাত রমণীদের সম্পর্কে আসেন, কিন্তু তাঁদের মধ্যেও স্বাথসিদ্ধি আর পারস্পরিক প্রতিযোগিতার তাড়নায় আর সব চিন্তাবৃত্তি সৃষ্টি হয়ে গেছে।

সুমনা একাত্মতা অনুভব করেন খানিকটা নিগগণ্টদের পব্বাজিকাদের সঙ্গে, তাঁরা অনেক জানেন, সংসারে থাকেন না, তবু কত বিষয়ে পরামর্শ দিতে পারেন। কিন্তু পব্বাজিকাদের পোশাক পরিচ্ছদ, মুণ্ডিত মস্তক, সবারকম রমণীত্ব, রমণীয়ত্ব পরিহার করে ছদ্ম তাঁর ভালো লাগে না। তিনি ভালোবাসেন নীল কঙ্কুক, পাটলবর্ণ শাটিকা, শ্বেত উত্তরীয়ে গোরোচনা দিয়ে আঁকা হংসমিথুন। তিনি ভালোবাসেন সোনার কাঞ্চী, মুক্তার কণ্ঠহার, চন্দনের পত্রলেখা। খুব গোপনে গোপনে সুমনা এক জনের সঙ্গে পরিচিত হতে চান, সে হল অম্বপালী। বৈশালীর প্রসিদ্ধ গণিকা। সেনিয়ার প্রথম

প্রেম। অধিক শোনেনি, কিন্তু যেটুকু শুনেছেন এই নারীরদ্বকে তাঁর সখী করতে ইচ্ছা হয়। এ কথা তিনি মুখেও উচ্চারণ করতে পারেন না। এ তো হয় না। কিন্তু যদি হত।

‘বল্লমসলে নদীতীরে কেমন উৎসব হল বিসাখা!’ তিনি উৎসুক সুরে জিজ্ঞাসা করলেন।

‘চূড়ান্ত সমারোহ মা। জাতী পুষ্পের অলঙ্কার যা করেছিল, আসল মুস্তাকে হার মানিয়ে দেয়। কত নতুন নতুন সই হল। আর... আর... তিসসভ্র, তিসস্কে খুব অপমান করেছে মা!’

‘সে কি, কেন?’

‘আমায় মালা পরাতে এসেছিল। সন্ত্রাস্ত ঘরের কন্যাকে কি পথে ওভাবে বিব্রত করা উচিত?’

‘কিন্তু এ তো সাকেতের চলিত উৎসব, কত দিন থেকে হয়ে আসছে। আচ্ছা বিসাখা, তিষা তো যথেষ্ট সুপাত্র, তক্ষশিলা থেকে স্নাতক হয়ে আসবার পর আরও শিক্ষা করেছে। সুদর্শন। ওকে কি তোর ভালো লাগে না?’

‘তিষাকে আমি ঠিক—’ বিশাখা দ্বিধাশ্রিত স্বরে থেমে যায়।

সুমনা চিন্তিত মুখে বললেন, ‘সত্যি কথা বলতে কি তোর যোগ্য পাত্র এত জায়গায় তো ঘুরলাম, কোথাওই দেখিনি। কিন্তু বিসাখা যোগ্য মানে কী? যোগ্যতার সংজ্ঞা আমাদের নির্ণয় করতে হবে। তোমার পিতা যে কোথায় গেলেন, শুনলাম সাবথি থেকে কতকগুলি ব্রাহ্মণ কী না কী এক সেটটিপুষ্টের পক্ষ থেকে রত্নমালা নিয়ে এসে বসে আছেন। সেই সেটটি কুমারই বা কী করে তোমার যোগ্য হয়? আমাদের আরও সংবাদ চাই। আরও বিশদ। অথচ তার সময় কি আর আছে? আচ্ছা বিসাখা, তিষাকে কি তোমার একটুও মনে ধরে না?’

যেন আকুল হয়ে জিজ্ঞাসা করলেন সুমনা, যেন তিনি জলে ডুবে যাচ্ছেন, তৃণগুচ্ছ আঁকড়ে ধরেছেন। ‘তিষা শোভন, সুন্দর, মার্জিত, শিক্ষিত, সদ্বংশজাত, তা ছাড়া পাত্র হিসেবে তিষার সবচেয়ে বড় যোগ্যতা হল সে সাকেতের মানুষ। বিশাখা তাঁর মানসকন্যা। তাঁর একমাত্র সখী, এই কন্যাকে দূরদেশে পাঠিয়ে তিনি কেমন করে বেঁচে থাকবেন?’

বিশাখা সহসা জিজ্ঞাসা করল, ‘মা, প্রণয় কী?’

‘কেন বচ্ছে? নিজের অন্তর দিয়ে জানানি?’

‘না, মা।’

‘তবে তো জানানো দুরূহ। নিজের জীবনেই ধীরে ধীরে অনুভব করবে মা।’

‘মা! বিশাখা যেন কিছু বলতে চায়।

‘বল? কী বলতে চাস?’

‘বিবাহ কেন হয়? প্রণয়ের জন্য? না প্রজা-উৎপাদনের জন্য? না অন্ন, যব, লবণ, শর্করা, মধু তৈজস, শয্যা, ধনসম্পদ সব গুছিয়ে রাখবার জন্য?’ বিশাখার মুখ গম্ভীর। সে পরিহাস করছে না। অপেক্ষা করছে শাস্তভাবে। ‘মা, বিবাহ কার সঙ্গে হয়? পতির সঙ্গে, না পতির পরিবারের সঙ্গে, না সমাজের সঙ্গে?’

—সুমনা চুপ করে আছেন।

‘বলো মা, বলো। যা সত্য তাই বলো। প্রণয় যদি একটি সুন্দর মিথ্যা হয় যা দিয়ে অশ্রমের ঢাকা থাকে, তা বলো। আর অনাগুলি যদি প্রণয়ে পৌঁছবার সোপানস্বরূপ হয়, প্রণয়কে কেন্দ্র করে ঘৃণিত কর্মচক্র হয় তাও বলো। বলবে যা সত্যি। বিসাখাকে স্তোক দিও না মা।’

অনেকক্ষণ চুপ করে রইলেন সুমনা। তারপর বিশাখার মুখটি নিজের দিকে তুলে ধরে বললেন, ‘আমার মনে হয় প্রণয় একটি সুন্দর সত্য বিসাখা। কিন্তু এই সত্য যে সবাই দেখতে পাবেই এমন কোনও কথা নেই। প্রণয় জীবনের পর্বে পর্বে রূপ বদলায়। যে তার একটি রূপকেই ধুব বলে মনে করে সে দুঃখ পায়। প্রণয়কে কেন্দ্র করেই পরিবারের কর্মচক্র ঘোঁড়ায় কথা, কিন্তু তা তো সব সময়ে হয় না। জীবনের অপূর্ণতার এই সব দায় আমাদের বহন করাই হয়। কিন্তু, এ সব কথা হঠাৎ তোমার মনে আসছে কেন?’

‘এখনও আসবে না!’ বিশাখা বিস্মিত হয়ে প্রশ্ন করল, ‘এক যুবা আমাকে দিনেরাতে প্রশ্ন করছে আমি তাকে ভালোবাসি কি না, হৃদয়ের অন্তস্তল খুঁজেও এর উত্তর মেলিনি, মা। যদি প্রণয়ই



বিবাহের ভিত্তি হয় তাহলে তাকে আমার বিবাহ করা উচিত হবে না। মিথ্যাচার হবে। আর বিবাহের কারণ যদি অন্যগুলি হয়, সেগুলি আমি অনায়াসে পারবো। কিন্তু তবু এই সামান্য সামাজিক স্বার্থের জন্য আমার জন্মস্থান, আমার পিতৃগৃহ, আমার মাতৃসঙ্গ ছেড়ে সাবধি চলে যাওয়া আমার যথেষ্ট মনে হয় না। সহজে বলছি মা, সে ক্ষেত্রে বিবাহে আমার রুচি নেই।’

সুমনা একটি দীর্ঘ নিশ্বাস ফেলেন বললেন, ‘সে ক্ষেত্রে তোমায় অপেক্ষা করতে হয় বিসাখা, কিন্তু সময় কি আর আছে?’

ধনশালী এসে সংবাদ দিল ধনঞ্জয় আসছেন। বিশাখা ঘর ছেড়ে যাচ্ছিল, সুমনা বললেন, ‘কোথায় যাও বিসাখা, অপেক্ষা করো, তুমি বড় হয়েছ, রাজগৃহ থেকে যেসব সংবাদ বয়ে এনেছি সব শোনো।’

‘কী সংবাদ?’ ধনঞ্জয় উৎসুক মুখে ত্বরিত পদে ঘরে ঢুকলেন। সুমনা প্রণাম করলেন। পিতা-মাতার দৃষ্টি-বিনিময় লক্ষ্য করে মুখ নামিয়ে নিল বিশাখা। এই-ই কি প্রণয়লক্ষণ? সে শুনেছে কোন অস্ত্র-প্রতিযোগিতায় বালিকা সুমনাকে দেখে পুত্রবধু নির্বাচন করেছিলেন পিতামহ মেগুক। তার পিতা সে সময়ে কোথায় ছিলেন? তার খুব সন্দেহ পিতাও সে সময়ে উপস্থিত ছিলেন, মেগুকের নির্বাচনের পেছনে নিশ্চয়ই তার পিতার আকুলতা ছিল, মায়েরও কি ছিল না? আসলে তার বাবা-মা অন্য প্রকার। অনেক সময়ে তাঁরা সমবয়সী সমকর্মা সখা-সখীর মতো। আবার কখনও কখনও নববিবাহিত বরবধুর মতো হয়ে ওঠে তাঁদের হাবভাব। তার বাবা-মার ক্ষেত্রে যে প্রণয় একটি সুন্দর সত্য হয়ে দেখা দিয়েছে, তার জীবনে কি তা দেখা দেবে? তার ভেতরে কোথাও কোনও কুসুম ফোটার সৌরভ বিসাখা পাচ্ছে না অথচ সিদ্ধান্ত নিতে হবে, সে বুঝতে পারছে।

ধনঞ্জয় বললেন, ‘বলো সুমনা, রাজগৃহের খবর ভালো?’

‘ভালো, আবার ভালো নয়ও।’

‘সে আবার কী?’

‘ভদ্রাকে জানতে তো? রাজ কোষাধ্যক্ষের মেয়ে? সেই যে খুব চঞ্চল মেয়েটি?’

‘হ্যাঁ, হ্যাঁ, তার পিতা তো তার বিবাহ দিতে পারছিলেন না। ‘কাউকেই তার মনে ধরছিল না।

শেষ পর্যন্ত পথে এক চোরকে দেখে তার ভালো লাগে।’

‘সে আবার কী?’

‘সত্যই অদ্ভুত। চোরের রাজা সম্বুক। পুরোহিত ঘরের ছেলে। স্বভাব-চোর, কিছুতেই শোধরাতে না পেরে তার পিতা-মাতা তাকে তাড়িয়ে দিয়েছিলেন।’

‘এ-ও-তো অদ্ভুত কথা সুমনা। শোধরানো যাবে না বলে কোনও কথা আছে! নিজের সন্তানকে বহিষ্কার?’

‘তারপর শোনোই না। ভদ্রার তো তার প্রতি তীব্র প্রণয়, পিতা-মাতা কত করে বোঝালেন, সে কিছুতেই শুনল না। অবশেষে রাজরক্ষীদের বহু উৎকোচ দিয়ে সম্বুকের প্রাণরক্ষা হল, মহা সমারোহ করে ভদ্রার সঙ্গেই বিয়েও হল। এত বছর ভালোই ছিল, চর্য-চোষা খাচ্ছে, সমাদরে আছে, সুন্দরী ভার্যা। কিন্তু একদিন ভদ্রাকে বললে সমস্ত অলংকার পরে গিদ্বকূট পর্বতে যেতে হবে, সে নাকি গিরিদেবতার পূজা দেবে মানসিক করেছিল। গিরিশৃঙ্গে গিয়ে চোরটা বলে সমস্ত অলংকার দিয়ে দাও এখন। ভদ্রা বোঝায় যে, অলংকার তো তারই, চোর সে কথা শুনবে কেন? তখন ভদ্রা বুঝতে পারে, অলংকার নিয়েই ক্ষান্ত হবে না ওই ঘৃণ্য চোর, তাকেও নিশ্চয় হত্যা করবে। তখন বুদ্ধি করে বলে, শেষবারের মতো সালংকারা অবস্থায় সে স্বামীকে আলিঙ্গন করছে চায়। আলিঙ্গনের ছলে ভদ্রা চোরটিকে পর্বতশৃঙ্গ থেকে ঠেলে ফেলে দেয়। তারপর আর কোথাও কথা না। সোজা গিয়ে জৈন ভিক্ষুণী সংঘে যোগ দিয়েছে। রাজগৃহে হলুস্থল।’

বিশাখা বলল, ‘প্রণয়ের মধ্যে তাহলে বিবেকের একটা বড় স্থান রয়েছে মা।’

‘নিশ্চয়’, সুমনা বললেন। ‘শুধু রূপমুগ্ধতাকে কী প্রণয় বলে?’

ধনঞ্জয় বললেন, ‘মেয়েটির সাহসের প্রশংসা করতে হয়। সংকল্পের জোর দেখো। চোরকে বিবাহ করবে তো করবেই। তার পরে উপস্থিত বুদ্ধির বশে নিষ্ঠুর স্বামীকে হত্যা করল, সঙ্গে সঙ্গে

চলে গেল প্রব্রজ্যা নিয়ে । দেখে রাখো এ মেয়ে একদিন বহু উর্ধ্বে উঠবে ।’

একজন দাসী উষ্ণ দুধ আর মিষ্টান্ন রেখে গেল । ধনঞ্জয় দুধের পাত্র মুখে তুললেন, একটু পরে বললেন, ‘তা রাজপুত্রী থেকে ডেকে পাঠিয়েছিলেন কে ? কোশলদেবী ?’

‘উহুঃ । সেনিয় । সেনিয়ই ডেকে পাঠিয়েছেন ।’

‘বলো কি ? সর্বার্থকের পদবী এবার তোমাকেই দিয়ে দিন না মহারাজ ।’

‘রসিকতা রাখো, বড় অদ্ভুত ঘটনা ঘটেছে রাজগহে ।’

‘বলো, বলো শুনছি ।’

‘দেবী ক্ষেমা পব্বজ্জা নেবেন ।’

ধনঞ্জয় দুধের পাত্র কাষ্ঠফলকে নামিয়ে রাখলেন, ‘কী বললে ? দেবী ক্ষেমা ? প্রব্রজ্যা ?’

‘হ্যা গো । দেবী ক্ষেমা প্রব্রজ্যা নিতে চেয়েছেন...’

বিসাখা অবাক হয়ে বলল, ‘মা, দেবী ক্ষেমা তো রাজার মহিষীদের মধ্যে সবচেয়ে সুন্দরী ! সবচেয়ে বিলাসীও !’

‘হ্যা রে, দুধ দিয়ে, হরিদ্রা দিয়ে, চন্দন জল দিয়ে স্নান করে, প্রহরে প্রহরে বেশবাস এবং অলঙ্কার পরিবর্তন করে । কোনও দুর্গন্ধ সহিতে পারেন না বলে ওর গৃহ-মার্জারটাকে পর্যন্ত চন্দনজলে স্নান করানো হয় । মণ্ডনের যে কতরকম প্রক্রিয়া আছে, কত চূর্ণ, কত অবলেপ্য, কত মুকুর, কত সুরভিসার—সে তুই ধারণা করতে পারবি না । হিন্দুল চূর্ণ ব্যবহার করে নিয়মিত ।’ ‘ধনঞ্জয়ের দিকে ফিরে তিনি বললেন, ‘রাজা মুখে হর্ষ দেখাচ্ছেন, ভেতরে ভেতরে মুষড়ে পড়েছেন । তাই আমায় ডেকে পাঠিয়েছিলেন যদি ফেরাতে পারি । সোজাসুজি নয় । পাকেপ্রকারে । প্রকৃতপক্ষে রাজা তো নিজের জালে নিজেই জড়িয়েছেন কি না !’

‘কি প্রকার ?’

‘কলশক নিবাপে শ্রমণ গৌতম আশ্রয় নেবার পর মহারাজ তো প্রায়ই সব মহিষীদের সঙ্গে নিয়ে উপদেশ শুনতে যেতেন । কোশলদেবী যেতেন, ছেল্লনাদেবীর পিতৃবংশ মহাবীরের ভক্ত, তবু তিনি যেতেন । যেতেন না খালি দেবী ক্ষেমা । মহারাজ পরিহাস করে বলতেন গৌতম দৈহিক রূপকে কোনও মূল্য দেন না, তাঁর কাছে অঙ্গরীও যা বানরীও তা । সেই জনেই বোধ হয় দেবী যেতে চান না ! তাঁর অতুল রূপের সমাদর হবে না । শুনতে শুনতে ক্ষেমা একদিন বললেন, “মহারাজ কি মনে করেন বাইরের রূপ ছাড়া আমার মধ্যে সমাদর করবার মতো আর কিছু নেই ? আর যদি সত্যি তাই-ই হয় তবে সে রূপের যোগ্য সমাদর কি রাজাস্তম্ভপুরে হয়নি বলেই রূপ পরখ করবার জন্য শেষ পর্যন্ত সন্ন্যাসীর বিচারের আশায় বসে আছি !” তা এ কথা শোনার পরও মহারাজের চৈতন্য হয়নি, তুমি তো জানো সেটটি, বিছিসার কেমন গোঁয়ার । বেণুবন উদ্যানের সৌন্দর্য দেখাবার ছল করে তিনি ক্ষেমাদেবীকে গৌতম সকাশে পাঠান । সেখান থেকে ফিরে এসে মহিষী কিছুদিন বড় আনমনা হয়ে থাকেন, তারপর মহারাজকে জানিয়েছেন তিনি পব্বজ্জ্যা নেবেন । মহারাজের তো মাথায় আকাশ তেঙে পড়েছে ।’

‘তা, পারলে মা তাঁকে নিবৃত্ত করতে ?’ বিসাখা সাগ্রহে জিজ্ঞাসা করল ।

বিসাখা ফেলে সুমনা বললেন, ‘না, মহাদেবী ক্ষেমার পব্বজ্জ্যা গ্রহণ উৎসব আরম্ভ হবে ঠিক হয়েছে আগামী আষাঢ়ী পূর্ণিমায়, আমিও দ্রুত রথে করে রাজগহ থেকে পার্লির্থে এসেছি । তাঁর অনুপম গাঢ় কুম্বর্ণ কেশকলাপ উন্মূল হয়ে যাবে । শ্রীঅঙ্গে চীবর ধারণ করে ভিক্ষাপাত্র হাতে চলে যাবেন, এ আমি সহিতে পারব না । মহারাজ অবশ্য স্বর্ণমণ্ডিত শিবিকায় করে পাঠাবার ব্যবস্থা করছেন, বেণুবন আরাম তো দিয়েইছেন গৌতমকে, আরও বহু উপচার ভিক্ষু সংঘকে দেবার ব্যবস্থা করছেন । মনোগত ইচ্ছা বোধ হয় যে মহাদেবীকে ভিক্ষুণী বেশে কেউ দেখতে না পায়, এবং সংঘে গিয়ে দেবীর খাওয়া শোওয়ার কোনও কষ্ট না হয় ।

ধনঞ্জয় দুধের হাসি হেসে বললেন, ‘তোমার সেনিয় কি জানেন না ভিক্ষুণীর বিলাসে অধিকার নেই ! দিনে একবারের বেশি সে খায় না । তা-ও ভিক্ষা ! গৌতমের সংঘের নিয়ম খুব কঠিন । আর উপসম্পদা পাবার আগে পর্যন্ত তো কথাই নেই ! রানি বলে নিয়মের কোনও শৈথিল্য হবে না ।

আর সত্যিই, হবেই বা কেন ? দেবী ক্ষেমা তো উপাসিকা হলে পারতেন সুমনা । গৃহী ভক্তদেরও তো তথাগত সমাদর করেন, কর্মস্থান বলে দেন, এসব শুনেছি ।’

সুমনা বললেন, ‘শুনতে সহজ সেটাই, রানি পব্বজ্যা নিলেন, আসলে ভেতরের ব্যাপার অনেক জটিল । পব্বজ্যা নেবার পথ অনেক দিন ধরে ধীরে ধীরে মনের মধ্যে নির্মিত হয় । সেই পথ ধরে আসে তথাগতর উপদেশ, তথাগতর অলোকসামান্য উপস্থিতি ।’

ধনঞ্জয় ছয় ভয়ে বললেন, ‘তুমিও কি প্রব্রজ্যা নেবে মনে করছ না কি ?’

সুমনা হাসলেন না । বললেন, ‘সেটাই তো কথা । আমি তো কই নিচ্ছি না । দেবী ক্ষেমাই নিলেন কেন ? তোমার ভগ্নী রত্নাবলী নিল কেন ? ভদ্রা ভিক্ষুণী সংঘে যোগ দিল কেন ? ভেবে দেখো এদের সবার ভেতরে একটা সূত্র আছে । একটি সাধারণ সূত্র ।’

ধনঞ্জয় বললেন, ‘হ্যাঁ, তিনজনেই সম্পদ পরিবারের মেয়ে । একজন রানি । দুজন সেটাই পরিবারের । সাধারণ সূত্র তো আছে বটেই ।’

বিশাখা বলল, ‘না পিতা । সাধারণ সূত্র হল যত ধন, যত রূপই থাক এঁরা দুঃখী । সবাই দুঃখী । অজ্ঞা রত্নাবলীর পতি বারো বৎসর নিরুদ্দিষ্ট ছিলেন, তারপর পিতামহ তাঁর মোক্ষক্রিয়া করিয়ে তাঁকে আবার বিবাহ দিতে চাইলেন । কিন্তু ওই বারো বৎসরেই বিবাহিত জীবনের অনিশ্চয়তা, অসারতা অজ্ঞা রত্নাবলী বুঝে গিয়েছিলেন । নারী কি বস্তুবিশেষ, যে তার প্রভু না থাকলেই তাকে হস্তান্তরিত করে দেওয়া হবে ! আর ভদ্রাদেবীর দুঃখ তো স্বয়ংপ্রকাশ । একটা প্রাণদণ্ডে দণ্ডিত চোর, তাকে তিনি প্রণয় দিলেন, সম্পদ দিলেন, সেবা দিলেন, সে হতভাগ্য ঘৃণ্য পশুটা বলে কি না অলঙ্কারের জন্যেই তোমাকে চেয়েছি, অলঙ্কারগুলি দাও ? উহু, ভদ্রা বলে তাকে শুধু পর্বতশিখর থেকে ফেলে দিয়েছিলেন, আমি হলে ওর হস্ত-পদ-নাসিকা ছেদন করে ওকে কুকুর দিয়ে খাওয়াতাম ।’ বলতে বলতে উত্তেজনায় বিশাখার মুখ রক্তবর্ণ হয়ে গেল, তার নাসিকা স্ফূরিত হচ্ছে, কপালে স্বেদবিন্দু ।

ধনঞ্জয় বিশাখার পিঠে হাত দিয়ে স্নেহে বললেন, ‘তোমার উত্তেজনার কারণ নেই মা । তুমি অত্যন্ত বিবেকী । মূর্খের মতো কাজ তো তুমি কখনওই করবে না । মোহেরও কোনও লক্ষণ তোমার মধ্যে কখনও দেখিনি ।’

বিশাখা বলল, ‘পিতা । কেন জানি না, অন্য কারও দুঃখের কথা শুনলে, বিশেষত নারীদের, আমি যেন কেমন একাঙ্গ হয়ে যাই তাদের সঙ্গে । অজ্ঞা রত্নাবলী যেন আমিই, আমিই যেন দেবী ভদ্রা, আমার এরূপ হয় । আর তুমি মূর্খতার কথা বলছ, মোহের কথা বলছ ? যতই বিবেকী হোক, কেউ বলতে পারে না সে কখনও মূর্খতা করবে না, মোহের বশবর্তী হবে না । আর না হলেও যে জীবন সর্বান্ধসুন্দর হবে, ভাগ্যপীড়িত হবে না, এমন কথা কি কেউ দিতে পারে ?’

বিশাখার মনের মধ্যে ভীষণ আলোড়ন চলছে তার বিবাহের কথা হওয়ার জন্যেই বোধ হয় । সুমনা ধনঞ্জয় দুজনেই বুঝতে পেরে নীরব হয়ে রইলেন । ধনঞ্জয় তাঁর হাত রেখেছেন বিশাখার পিঠে, মা সুমনা একটি হাত জড়িয়ে রেখেছেন নিজের হাতে । হাতটি শীতল, বড়ই শীতল ।

কিছুক্ষণ পর বিশাখা মুখ তুলে হাসল, বলল, ‘কই মা, মহাদেবী ক্ষেমার কথাটা শেষ করো !’

‘এই যে করি ।’ বলে সুমনা চুপ করে রইলেন । ধনঞ্জয় তাঁকে চোখের ইস্তিতে নিঃশেষ করছেন বলতে ।

বিশাখা বলল, ‘বলবে না ? মা আমি তো আর শিশু নেই ! পঞ্চদশ বর্ষ পার হয়ে গেছি । যতদূর সম্ভব আমাকে জ্ঞানতে হবে, বুঝতে হবে, জীবনের, সংসার-জীবনের কী কী বিপদ, কী ধরনের জটিলতা থাকতে পারে । মা বলো !’

সুমনা ধীরে ধীরে বললেন, ‘রানিকে তো একা পাওয়াই দুঃখ । মজির রাতে দেখি শয্যা ছেড়ে গবাক্ষপথে বাইরে চেয়ে আছেন, আমি বললাম রাজ্ঞী এই সুন্দর বিকসিৎসবল প্রাসাদ, কোমল শয্যা, এত সেবা, এত সুখের অভ্যাস, এসব ছেড়ে পাথরের ওপর সুষমটি বিছিয়ে শুয়ে থাকতে পারবেন ? ভিক্ষার মিশ্রিত কদমর খেতে পারবেন ? দেবী বললেন, তুমি রানি হওনি তাই জানো না এই বিলাস, এই সেবা, এই সুখ মিথ্যে । একেই মায়া বলে । রানির জীবন এক অতলম্পস্বী শূন্যতা । এক মহাগহুরে হাহাকার, আমি বললাম—আপনার পুত্র হওয়ার সময় তো যায়নি, কেন এত হতাশ

হচ্ছেন ? দেবী বললেন, “পুত্র। সুমনা। রাজ্ঞানির পুত্রসুখ বলতেও কিছু নেই। কোশলদেবীকে দেখো না ? কোনদিন নিজের পুত্রকে কোলে নিতে পেরেছেন সাধ মিটিয়ে ? শাসন করতে পেরেছেন ? ক্রমশই ক্রোধী, দুর্বিনীত হয়ে উঠছে। পেরেছেন তাকে শাস্ত করতে ? সুমনা। সুদূর সাগল থেকে যখন মগধে এসেছিলাম, পিতা-মাতা নিভৃত্তে বলে দিয়েছিলেন—এই রাজা চিরকাল ছোট রাজ্যের রাজা থাকবে না কন্যা। তোমার অতুল রূপবৈভবে, তোমার গুণগ্রামে বশীভূত রেখো একে, সেইসঙ্গে ঐর প্রতিভাকে চেতিয়ে তুলো। সুমনা আমি পারিনি, আমাকে বিবাহ করবার অহ্মদিন পরেই দেখলাম, ছেল্লনার গৃহেই তাঁকে বেশি সময় কাটাতে হয়, নইলে বৈশালীর লিচ্ছবীরা কুপিত হবে। শুধু রূপ নয়, আমার প্রণয়ই বা আদৃত হল কই ? আমি যে রাজকন্যা, রাজনীতির ব্যাপারে কিছু স্বাভাবিক বুদ্ধি ধরি তার অস্তিত্বই বা কোথায় স্বীকৃত হল ? আমার অভিমানকে রাজা রূপগর্ভ বলে তুল করেন, আমার হতাশাকে মনে করেন উদাসীনতা। দেব তথাগতকে আমি দেখতে যাইনি কেন জানো ? মহারাজ যার প্রতি সমাদর দেখাতে অগ্নিসাক্ষী করে প্রতিশ্রুতিবদ্ধ হয়েছেন তার প্রতি তিনি উদাসীন, অথচ এক সন্ন্যাসীর প্রতি তাঁর এ কী তীব্র আকর্ষণ ! আমার ঈর্ষা হত, সত্য বলছি। আর শুধু তথাগতই তো নয়, রাজধানীর চারপাশের গিরিশুহাগুলি তো নানা পছের সন্ন্যাসীতে পূর্ণ। কত আজীবক, তীর্থিক, কত জটিল সন্ন্যাসী। রাজা তাঁদের এত সমাদর করেন কেন বলো তো ? তিনি রাজবংশের সন্তান নন, অথচ মহারাজাধিরাজ হতে চান, মহাজনদের আর্শীবাদ ও অলৌকিক সহায়তার জন্ম তিনি মনে মনে লালায়িত। এ কি আমি বুঝি না ? তথাগতকে আমি দেখতে যাইনি, স্বীকারই তো করেছি সুমনা, আমার ঈর্ষা হয়েছিল। কিন্তু যখন দেখলাম ! তিনি প্রতীত্যসমুৎপাদতত্ত্ব ব্যাখ্যা করছিলেন। কী বলব সুমনা, আমি যেন চোখের সামনে দেখলাম আমি জরতী হয়ে যাচ্ছি, ব্যাধিগ্রস্ত হয়ে যাচ্ছি, সামান্যতম মর্যাদাও আর কেউ আমায় দিচ্ছে না। ওই মৃত্যু এসে আমায় গ্রাস করল, তৃষ্ণা গেল না, প্রণয়ের তৃষ্ণা, মর্যাদার তৃষ্ণা, সন্তানের তৃষ্ণা, আবার জন্মালাম, আমার যৌবনকষ্ট, জরাকষ্ট, মৃত্যুদুঃখ, চক্র ঘুরছে, ভবচক্র। নখি রাগসমো অগগি, নখি দোসসমো কলি। / নখি খন্দাদিসা দুকখা, নখি সন্তিপপরং সুখম ॥ আকাঙ্ক্ষার সমান আগুন আর নেই। শরীরের মতো দুঃখময়ও আর কিছু নেই। শান্তি, শান্তি, শান্তির মতো সুখও আর নেই। সুমনা আমার মনে হল, উনি আমারই জন্য রাজগৃহে এসেছেন, আমার মতো হতভাগিনীরও মুক্তির আশা আছে। রাজপুরীর এই স্থবির, অচল, জিঘাংসা-ঈর্ষাময় জীবনের থেকে অন্য পথে। হয়ত কঠিন। খুবই কঠিন। তবু তো কিছু ! তবু তো আশা ! এখানে যে কিছুই নেই সুমনা !’

সুমনা সজল চোখে মাথা নিচু করলেন। বিশাখা মাকে জড়িয়ে ধরে তাঁর কোলে মুখ রেখেছে। তার নিশ্বাসের উষ্ণতা, তিনি অনুভব করছেন কোলে। ধনঞ্জয়ও মাথা নিচু করে চুপ করে আছেন। অনেকক্ষণ পরে সুমনা বললেন, ‘যাক, রাজ পরিবারের সুখ-দুঃখের কথা ছেড়ে এবার আমাদের নিজের সুখ-দুঃখের কথায় আসি। সেটুঠি, সেনিয়ার ইচ্ছা বিসাখার সঙ্গে কুমার অজাতশত্রুর বিবাহ দেয়।’

‘বলো কী !’

‘হ্যাঁ। সোজাসুজি প্রস্তাবটা করেননি। আমার মন বোঝবার জন্য কতকগুলি সংকেত করেছেন মাত্র। অগ্রমাহিষী কোশলদেবীর বোধ হয় বিশেষ ইচ্ছা। বলছিলেন—আমাদের মধ্যে এত সখিত্ব, কোনও উপায়ে যদি একে আত্মীয়তার পরিণত করা যেত !’

বিশাখা হঠাৎ মায়ের কোলের মধ্যে মাথা নাড়তে লাগল, ‘না মা, না না না’

‘অবশ্যই না’, সুমনা বললেন।

ধনঞ্জয় বললেন, ‘কুমার অদূর ভবিষ্যতে মগধের রাজা হবেন। স্বার্থই তো চম্পার শাসনভার নিয়ে যাচ্ছেন গুনলাম। বিসাখার মতো অসামান্য মেয়ে মগধের রানি হবে এতে তোমাদের মাতা-কন্যা কারও মত নেই ? আশ্চর্য !’

সুমনা বললেন, ‘সেটুঠি, কুমার অজাতশত্রু অত্যন্ত দুর্ধর্ষ। শত্ৰুনিপুণ, অল্প বয়সেই যুদ্ধকুশল, রাজনীতিও বোঝে, সবই ঠিক। কিন্তু লোভী, কোপনস্বভাব, হঠকারী। তারপর হাতে একটা ত্রুটি আছে। যে জন্য ওকে কুনিয় বলে সবাই। বিধিসারের উপযুক্ত পুত্রই যেন নয় ও। তা ছাড়াও

দেবী ক্ষেমার যে মনোদুঃখের কথা শোনালাম তার পরেও তুমি বিসাখার জন্য রানির পদ প্রার্থনীয় মনে করো ? কীসের অভাব তার ? জগতে এমন কী বস্তু আছে যা আমরা বিসাখার জন্য এনে দিতে পারি না ! বেশি লোভ ভালো নয় সেটী ।’

ধনঞ্জয় চিন্তিত মুখে বললেন, ‘কিন্তু মহারাজ যদি এ প্রস্তাব পাঠান, আমি না বলব কী করে ? এ তো আমি অত্যন্ত বিপদে পড়লাম দেখছি !’

সহসা বিসাখা মুখ তুলে বলল, ‘পিতা মহারাজের প্রস্তাব আসবার আগেই যদি আমার বাগদান হয়ে যায়, এমন কি বিবাহ স্থির হয়ে যায় তাহলেও কি মহারাজ তোমার ওপর জোর করতে পারেন, বা অসন্তুষ্ট হতে পারেন ?’

ধনঞ্জয় বললেন, ‘না । মহারাজ ধার্মিক-স্বভাব । অন্যায় জোর করবার পাত্র নন ।’

‘তাহলে ? তাহলে তো আমার বাগদান হয়েই গেছে । আমি যে মিগার সেটীর পাঠানো আশীাবাদী কণ্ঠহার গ্রহণ করেছি পিতা, সারা সাকেতের লোক, এমন কি রাজকুমার তিস্য পর্যন্ত এ ঘটনার সাক্ষ্য দিতে পারে ।’

সুমনা ও ধনঞ্জয় চমৎকৃত হয়ে কন্যার মুখের দিকে চাইলেন । ঠিক, সত্যিই তো ! উপায় তো রয়েছে !

ধনঞ্জয় বললেন, ‘কিন্তু সেটী মিগার ঠিক আমাদের সমমানের নয় । পুত্রটি শুনছি রূপবান, গুণবান, কিন্তু সবই তো শোনা কথা । একটু সংবাদাদি না নিয়ে...’

বিশাখা বলল, ‘পিতা, রাজরানি হবার চেয়ে আমি ভিক্ষুণী হওয়া অনেক শ্রেয় মনে করি । সেটী ঘরের আচার-বিচার অন্ততপক্ষে আমার চেনা । সেটীকুমাররা কেমন হয় সাধারণত, সে জ্ঞানও আমার আছে ।’

সুমনা বললেন, ‘বিসাখা ঠিক বলেছে । এখন আর দ্বিধা করবার সময় নেই । সত্বর ব্রাহ্মণদের ডেকে পাঠাও । সম্মতি জানিয়ে শ্রাবস্তীতে মঙ্গলিক উপচার পাঠাবার ব্যবস্থা করো । আর বিলম্ব নয় ।’

ধনঞ্জয় গাত্ৰোত্থান করলেন । দাস-দাসীদের ডাকা হল । দেবী সুমনা সাবথির ব্রাহ্মণদের সঙ্গে আলাপ করবেন । আজই দ্রুতগামী অশ্বে শুভ সংবাদ নিয়ে লোক চলে যাবে শ্রাবস্তীতে মিগার শ্রেষ্ঠীর গৃহে । পেঁছনে শিবিকায় বহুমূল্য আশীাবাদী উপটোকন নিয়ে যাবেন স্বয়ং আচার্য ক্ষত্রপানি, এবং তিন ব্রাহ্মণ ।

কিছুক্ষণের মধ্যেই শ্রেষ্ঠীগৃহে সাড়া পড়ে গেল ।

‘শুনেছিস কহা, বিসাখাভদ্রার বিবাহ স্থির হয়ে গেল ।

‘কোথায় ?’

‘ওই যে তিন বটু এসেছে সাবথি থেকে । মিগার সেটীর সুপুত্রের পুনর্বন্ধন রে ! পঞ্চ কল্যাণী কন্যে না হলে বিবাহ করবে না, শপথ করেছিল !’

‘হি হি হি হি, কী আনন্দ, না ?’

‘তা বিসাখাভদ্রার যা হাব-ভাব তাতে তিনিও পঞ্চকল্যাণ টল্যান কোনও প্রতিজ্ঞা করেননি, তা ?’

‘বীর্যশুষ্কা হলে পারতেন বিসাখাভদ্রা ।’

‘শাঁখ বাজা, শাঁখ বাজা । মৃদঙ্গ, পটহ, যেখানে যা আছে বাজা ।’

‘বিসাখে, ও বিসাখে, এবার তবে সত্যিই চললি ?’

‘উদায়ী, আর দেরি করো না । ভাণ্ডারে কী কী আছে তার তালিকা উপস্থিত করো । গণকরা লেখকরা সব কোথায় গেল ? আচ্ছা তো ?’ ‘মণিকার স্বর্ণকারেরা সুর আসতে লেগেছে যে !’ ‘ভাঁত বসাবার ঘর কোনটা হবে ?’ ‘ভদ্রিয়তে তুমি লিপিখানা নিয়ে চলে যাও মণিভদ্র’ ‘নিমন্ত্রণপত্র রচনার ভার কে নেবে ? রাজা প্রসেনজিৎ, রাজা বিহিসার ঐন্দ্রেয় তো নিমন্ত্রণ পাঠাতে হবে ?’ ‘হাত চালাও ।’ ‘গ্রামগুলিতে সংবাদ দাও । তারা যেন ঠিক সময়ে উপহার নিয়ে উপস্থিত হতে পারে ।’

মহামাত্র দর্ভসেন বেশ হষ্ট। মগধরাজের উত্তরটি তাঁর খুব মনোমত হয়েছে। গজদন্তের পেটিকায় প্রত্নপহার। খুব লঘুভার। কী তাতে আছে দর্ভসেন জানেন না। পেটিকাটি নিশ্চিন্দ্রভাবে বন্ধ। উপহার যা-ই হোক, সে দেব পুঙ্করসারী বুঝবেন। দর্ভসেনের আসল কাজ লিপিটি বয়ে নিয়ে যাওয়া। পেটিকাটি বাহুল্য। তবে অত লঘুভার যখন, তখন নিশ্চয় অতি দুর্মূল্য বস্তুই আছে। দর্ভসেন জানেন না পেটিকার মধ্যে আছে শুধু এক রেশম বস্ত্র, তাতে হিন্দুলরস দিয়ে শ্রমণ গৌতমের সিদ্ধার্থ থেকে বুদ্ধ হবার কাহিনী লিপিবদ্ধ আছে। এই-ই পুঙ্কসাতীকে বিশ্বাসারের উপহার। একমাত্র পুঙ্কসাতীই যার মূল্য বুঝতে পারবেন। আগামী কালই দূতবাহিনী গান্ধারের দিকে যাত্রা করবে, উত্তরের বাণিজ্যপথ ধরে। চণকের দিকে অপাঙ্গে তাকিয়ে তিনি বললেন, 'চণকের এত আয়োজন, এত মনোযোগের দৌত্য সার্থক হল তাহলে শেষ পর্যন্ত, তার পদোন্নতি তো অবশ্যজ্ঞাবী।

সম্পাতি তুমি কী বলো ?

সম্পাতি সংক্ষেপে বলল, 'অবশ্যই।'

দর্ভসেন তাতে সুখী হলেন না। তাঁর আশা ছিল অন্তত সম্পাতি বলবে, নেতা তো মহামাত্র দর্ভসেন। কৃতিত্ব তো তাঁরই। চণকের থেকে তিনি এতটা বিনয় আশা করেননি, কিন্তু সম্পাতির থেকেও নম্রতটুকু কি তাঁর প্রাপ্য ছিল না!

চণকের দিকে তাকিয়ে তিনি বললেন, 'কি হে চণক! কবে মগধরাজ সৈন্য পাঠাবেন, মধ্যাহ্নভোজনের সময়ে কিছু বললেন না কি?'

চণক বলল, 'না।'

দুদিন হয়ে গেছে চণক রাজার নিমন্ত্রণ রক্ষা করে এসেছে কিন্তু সে-সম্পর্কে সে নিজে থেকে কিছুই বলছে না। দর্ভসেন চেয়েছিলেন সে নিজে থেকেই সব বিবরণ দেবে। জিজ্ঞাসা করার দীনতা তিনি স্বীকার করতে চান না। অথচ কৌতুহল সংবরণ করতেও পারছেন না। আসলে মহামাত্র দর্ভসেনের অবস্থা একটু অসম্মানজনক হয়ে উঠেছে। গান্ধার রাজ্যে তাঁর পিতামহের সময় থেকেই চরাধ্যক্ষের পদটি তাঁদের বংশের। স্বরাজ্যে তাঁর প্রতিষ্ঠা-প্রতিপত্তি আকাশচুম্বী। তিনি অত্যন্ত কুশলী। বীরপুরুষও। কিন্তু সারা জীবনে তেমন গুরুত্বপূর্ণ কোনও কাজের সুযোগ পাননি। মগধের দৌত্যকার্যের দায়িত্ব যখন গান্ধাররাজ তাঁকে না দিয়ে সদ্য আগত যুবক চণককে দিতে মনস্থ করলেন তখন দর্ভসেন যার-পর-নাই অসন্তুষ্ট হয়েছিলেন। চণক তার বাহিনী নিয়ে বার হয়ে গেলে তিনি তাঁর স্কাভের কথা গান্ধারধিপতির কাছে স্পষ্ট ভাষার প্রকাশ করেন।

'এবার তবে রাজকার্য থেকে আমাকে অব্যাহতি দিন মহারাজ!'

'সে কি মহামাত্র?'

'গুরুত্বপূর্ণ দৌত্যকর্ম যদি অনভিজ্ঞ তরুণদের হাতে ন্যস্ত করা যায় তাহলে আমাদের মতো প্রবীণ মন্ত্রকের তো আর কোনও প্রয়োজন দেখি না মহারাজ!'

পুঙ্করসারী মানুষটি একটু দুর্বল প্রকৃতির। বয়স্ক অমাত্যকে তিনি মোটেই ক্ষুব্ধ করছে চাননি। দর্ভসেন যে ক্ষুব্ধ হতে পারেন এ কথাও তাঁর মনে আসেনি। কেননা রাজ্যের চরশৃঙ্খলটি সারা বছর ধরেই খুব সক্রিয় রাখতে হয়। দর্ভসেন না থাকলে আর কাউকে সে কাজের ভার দিতে হয়। মগধের মতো সুদূর রাজ্যে তাঁকে পাঠানো মানে রাজধানীর অন্তঃপ্রশাসন একরকম বিকল হয়ে থাকা। এ ছাড়াও কয়েকটি গুপ্ত কারণে তিনি চণককে বেছেছিলেন। প্রথমত, তিনি জানতেন চণক অত্যন্ত ভ্রমণপিপাসু, ভ্রমণপটুও বটে। তাকে বেশি দিন সভার গঠনগতিক কাজে ধরে রাখতে পারবেন না। দ্বিতীয়ত, সে অতিশয় প্রতিভাবান যুবক। বহু বৃদ্ধ কক্ষশিলায় এরকম একটি ছাত্র আসে। তাকে দিয়ে যতটা কাজ করিয়ে নিতে পারেন ততই ভালো। তা ছাড়াও তিনি জানতেন চণকের পিতা কয়েক বছর গুপ্তভাবে মগধরাজ বিশ্বাসারের আচার্য ছিলেন। সেই কারণে কোনও বিশেষ বিবেচনা মগধরাজের কাছ থেকে পাওয়া যেতে পারে।

কিন্তু দর্ভসেন তাঁকে বোঝালেন—দূরদেশে তরুণ চণককে পাঠিয়ে তিনি ভালো করেননি।

চণকের পৃষ্ঠরক্ষা, এবং এক হিসেবে তার ওপর চরগিরি করবার দায়িত্বটা তিনি গান্ধারাজকে বাধ্য করেছিলেন তাঁকে দিতে। মগধে আসবার পর প্রথম দিকটায় দর্ভসেন চণকের ওপর নিজের প্রভুত্ব বিস্তার করতে কিছুটা সমর্থ হয়েছিলেন। কিন্তু ক্রমশই যেন চণক তাঁর আয়ত্তের বাইরে চলে যাচ্ছে। সে একে স্বল্পভাবী, মন্ত্রগুপ্তি তার স্বভাবের অঙ্গ। এ দিকে মাসাধিককাল মগধে কাটানোয় তার এ স্থানের অভিজ্ঞতা দর্ভসেনের চেয়ে বেশি, সে তো এসে থেকে শুধু রাজ অভিথিশালায় থাকেনি, পথে পথে, পাহাড়ে পাহাড়ে, বনে বনে ঘুরে বেড়িয়েছে। উপরন্তু আবার মহারাজ বিশ্বাসারের আচার্যপুত্র হওয়ায় তার বিশেষ সমাদর। দর্ভসেনের বহুদর্শিতা, কর্মকুশলতা, কিছুই যেন যথাযথ কাজে লাগছে না। চণক যেন কেমন করে অতিরিক্ত গাভীর্য, অতিরিক্ত ব্যক্তিত্বের অধিকারী হয়ে উঠেছে। তার মৌনতার বর্মে লেগে দর্ভসেনের সমস্ত বক্রোক্তিই ঝড়ে পড়ে যায়, কুশের তীরের মতো। চণক তাঁকে অবজ্ঞা না করেও, তাঁর অবাধ্য না হয়েও, নিজের মতে চলছে। দলের অবিসংবাদী নেতৃত্ব তিনি দিতে পারছেন না। তিনি ধরে আছেন বাইরের খোলসটা। ভেতরের আসল নীতিনির্ধারণের কাজটা যেন চণকই করছে।

পর দিন প্রত্যুষেই গান্ধার-যাত্রা, অথচ অপরাহ্ন থেকে চণকের দেখা নেই। রাজপুরী থেকে যামভেরী শোনা গেল। দর্ভসেন হাতের কাছে চণককে না পেয়ে সম্পাতিকেই কটু কথা শোনান—‘কী হে সম্পাতি তোমাদের এমন উদাসীন, নিরুৎসাহ মতিগতি তো আমার ভালো ঠেকছে না? আরও কটা দিন রজগৃহে থেকে যাবে মনে করছ না কি? তোমার সখা তো মনে হচ্ছে ওই নটী শ্রীমতীর গৃহেই রাত্রিযাপন করছে নিত্য।’

সম্পাতি সম্ভ্রস্ত হয়ে বলল, ‘না আর্ঘ, চণক শ্রীমতী বা অন্য কোনও নগরবধুর গৃহে যায় না। আমার মনে হয় ও গৃধকুটে গেছে। বিশেষ ভালোবাসে ওখানে যেতে। কাল চলে যাবে তাই শেষ বারের মতো...’

‘এত রাত পর্যন্ত?’ দর্ভসেন তিস্ত সুরে বললেন, ‘শ্রীমতীর গৃহে গেলে সে তার যৌবনধর্মেই যেত, বুঝতে পারতাম ব্যাপারটা। কিন্তু গৃধকুটে সে কোন দেবতার পূজা দিতে যায় শুনি!’

এই সময়ে চণক প্রবেশ করল। তার কপালে বিরক্তির কুঞ্চন। দর্ভসেন দেখেও দেখলেন না, আবার সেই একই কথা বললেন, ‘বলি চণক তোমার ব্যাপারটা কী হে? কোথায় যাচ্ছ, কোথায় এত রাত অবধি বিচরণ করে বেড়াচ্ছ, দলপতিকে জানাবারও প্রয়োজন মনে কর না, না কি?’

চণক রুদ্ধ স্বরে বলল, ‘আমার ব্যক্তিগত ব্যাপারেও কি মহামাত্র মাথা গলাবেন? তেমন তো কোনও কথা ছিল না!’

‘দৌত্য-পর্বে দূতের কোনও ব্যক্তিগত জীবন থাকে না চণক।’ গম্ভীর স্বরে দর্ভসেন বললেন, ‘তুমি তো দেখছি সমস্ত শিষ্টাচার লঙ্ঘন করছ, এখনও পর্যন্ত মগধরাজের সঙ্গে তোমার কী নিভৃতলাপ হল তা পর্যন্ত বলনি। আমি কিন্তু অপেক্ষা করে আছি।’

চণক বিরক্তি গোপন করে বলল, ‘আর্ঘ দর্ভসেন, মহারাজ বিশ্বাসারের গৃহে দূত চণকের নিমন্ত্রণ ছিল না। মহারাজ সতীর্থকে ডেকে আলাপ করতে চেয়েছিলেন। দশনীতি আমাদের আলোচনার বাইরে ছিল। আপনার অসামান্য কৌতূহল শাস্ত করবার জন্য এইটুকু বললাম। এটুকু বলবার কোনও সঙ্গত কারণ ছিল না।’

‘তাহলে এ তোমার অনুগ্রহ বলো! ভালো। গান্ধারে ফিরে তোমার পদোন্নতির জন্য রাজসকাশে নিশ্চয়ই প্রার্থনা জানাবো।’ গম্ভীর রাগত গলায় দর্ভসেন বললেন।

‘আপনাকে কোনও প্রার্থনাই জানাতে হবে না মহামাত্র। কারণ আমি গান্ধারে ফিরছি না।’

‘তার অর্থ?’ ক্রোধে ও বিস্ময়ে দর্ভসেন মুখ তুলে তাকালেন।

চণক বলল, ‘আমি দেব পুঙ্কনদারীর কার্য সম্পাদনের জন্য আমার ক্ষুদ্র বুদ্ধি ও শক্তিতে যতটুকু পেরেছি, করেছি। মহামাত্র যদি এসে নেতৃত্বভার গ্রহণ না করতেন, তাহলে অগত্যা মগধের উত্তর ও প্রতাপহার নিয়ে আমাকে গান্ধারে ফিরতেই হত। কিন্তু যোগ্যতর, অভিজ্ঞতর ব্যক্তির হাতে নির্ভয়ে এ দায় সমর্পণ করে এবার আমি মুক্ত হতে চাই। এখন আমি কিছু দিন পূর্ব দেশে ভ্রমণ করব। মহারাজের কাছে অনুমতি চেয়ে পত্র লিখেছি। সম্পাতির হাতে পাঠাবো।’

‘অনুমতি ? অনুমতির অপেক্ষা রাখছ তুমি ? নিজেই যা মন চায় বেচ্ছাচারীর মতো তা-ই তো করছ দেখছি !’

‘ঠিক আছে, অনুমতির পরিবর্তে যদি পদত্যাগ বলি তাহলে যথাযথ হবে তো ?’

‘চগক, তোমার স্পর্ধা ও দুঃসাহস মাত্রা ছাড়িয়ে যাচ্ছে, মনে রেখো। সম্প্রতিই হাতে তুমি পদত্যাগপত্র পাঠাবে মহারাজ পুঙ্করসারীর কাছে এই সুদূর মগধ থেকে ? তুমি তো দেখছি রাজদ্রোহী...’

দর্ভসেনের কথা শেষ হল না। চগক হঠাৎ ঘুরে দাঁড়াল। তার চোখ জ্বলছে, তর্জনী সাপের ফণার মতো উদাত্ত। সে বলল, ‘যথেষ্ট, মহামাত্রা দর্ভসেন, অনেক বলে ফেলেছেন। আর নয়। আপনার স্পর্ধা ও দুঃসাহস মাত্রা ছাড়িয়ে যাচ্ছে। আর একটি অনুদার বাক্য উচ্চারণ করুন, করে দেখুন চগক অস্ত্রের ব্যবহার জানে কি না।’ বলতে বলতে সে কটিতে লক্ষ্মান তার ছুরিকার বাঁটে হাত দিল। তার পরই ঝটিতি কোষমুক্ত করল ছুরিকা।

সম্প্রতি দৌড়ে এসে তাকে দু হাতে জড়িয়ে ধরল, ‘চগক, চগক, ধৈর্য হারিও না বন্ধু।’

চগক ছুরিকা কোষবদ্ধ করে বলল, ‘ধৈর্য আজ প্রায় এক পক্ষ কাল ধারণ করে আছি, কেন জানো সম্প্রতি ? ইনি যতই রূঢ় ও হিংসুক হোন না কেন, ছিলেন পিতার সতীর্থ। অর্থাৎ আমার পিতৃত্ব সম্পর্কীয়। শুধু আমার পেছন পেছন মগধে এসে সম্ভবত স্ব-নির্বাচিত দলপতিত্ব করে আমাকে বিব্রত করছেন তাই-ই নয়, মিথ্যা দুর্নাম দেবার চেষ্টা করছেন কলঙ্কিত করবার চেষ্টা করছেন, সমানে। সম্প্রতি আমার পত্র রচনা হয়ে গেছে, যাত্রার আগেই পাবে, আমি এখন চললাম।’ চগক কক্ষ ত্যাগ করে চলে গেল।

দর্ভসেন প্রথমটা একেবারে বিমূঢ় হয়ে গিয়েছিলেন, এখন উঠে দাঁড়িয়ে বললেন, ‘সম্প্রতি এই মুহুর্তে আমি ওই দুবিনীত, রাজদ্রোহী যুবককে গাঙ্কার রাজ্যের পক্ষ থেকে পদচ্যুত করলাম। রাজসকালে পূর্বাপর সব জানাবো। তিনি যা হয় শাস্তিবিধান করবেন।’

সম্প্রতি মদুস্বরে বলল, ‘কিছু তার পূর্বেই তো চগক গাঙ্কারসভার কাজ থেকে অব্যাহতি নিয়ে নিয়েছে মহামাত্র। যাই হোক, এ ঘটনা খুবই দুঃখজনক, আমি চগককে ডেকে আনছি। সে নিশ্চয় আপনার কাছে ক্ষমা প্রার্থনা করবে। আপনি শান্ত হোন।’

সম্প্রতি বেরিয়ে গেলে, দর্ভসেন একা কক্ষটিতে বসে ক্রমশ শান্ত হয়ে এলেন, তাঁর বৃত্তিতে ক্রোধ সর্বদা পরিত্যক্ত। কেননা ক্রোধ বুদ্ধিব্রংশ ঘটায়। বসে বসে অন্ধ রাত্রির দিকে তাকিয়ে রইলেন দর্ভসেন। বাতায়নের বাইরে কাননে কয়েকটি দীপদণ্ডের আলো জ্বলছে। তার ওদিকে নির্মম তমিহা। আকাশে আজও সরের মতো মেঘ। তাই তারার আলোর প্রসাদ রাজগহ, নগরীর পথঘাট আদৌ পাচ্ছে না। চগক তাঁকে হিংসুক বলে গেল। উল্লেখ করে গেল তিনি তার পিতার সহায়্যায়ী ছিলেন। সহায়্যায়ীই বটে ! সে সময়ে তক্ষশিলার যতক আচার্য, বৎস কাত্যায়ন দেবরাত বলতে অস্বস্তান ছিলেন। তিন বেদ, বেদাঙ্গুলি ছাড়াও দণ্ডনীতি, বার্তা, ইতিহাস, ইতিবৃত্ত অনেকগুলিতেই সে নিজেই শ্রেষ্ঠ বলে প্রমাণিত করেছিল। সবাই বলতেন সে অসাধারণ প্রতিভাধর। অনেকে রাজ অমাত্য দুঃসাহসেনের পুত্র বলে কোনও আচার্যই তরুণ দর্ভসেনকে কোনও বিশেষ সমাদর দেখাননি। তবু তিনি দণ্ডনীতিতে উচ্চ থেকে উচ্চতর পাঠ নিচ্ছেলেন। রাজসভায় পিতার বিভাগে তাঁর নিয়োগ এক প্রকার বাঁধা। কিন্তু তাঁর আচার্য, কৃষ্ণাত্রেয় একদিন স্মিত উচ্চৈঃস্বরে বললেন, ‘বৎস দর্ভসেন তোমাকে খুব আনন্দের সঙ্গে জানাচ্ছি, আমার যা-কিছু জানা আছে সবই তোমাকে শিখিয়েছি, তবে তার থেকেও যদি উচ্চে যেতে চাও তো পথ আছে, আরও শিখবে ?’

দর্ভসেন সাগ্রহে বলেছিলেন, ‘নিশ্চয় শিখব আচার্য দেব।’

‘তবে তক্ষশিলার চূড়ামণিস্বরূপ কাত্যায়ন দেবরাতের শিষ্যত্ব গ্রহণ করো। সে দণ্ডনীতি নিয়ে চর্চা করছে। রাজকৃত্যের, শাসনযন্ত্রের উচ্চতর মার্গ সম্পর্কে নতুন নতুন তত্ত্ব-চিন্তা সে-ই করছে এখন। সম্ভবত পুঁথিও লিখছে।’

‘বলছেন কি আচার্য ? সতীর্থের শিষ্যত্ব ? সম্ভব না কি ?’

আশ্চর্য হয়ে আচার্য কৃষ্ণাত্রেয় বলেছিলেন, ‘উচ্চশিক্ষায় আচার্যের ক্ষেত্রে আবার পাত্রাপাত্র ভেদ



আছে না কি ? তুমি কি রাজা প্রবাহণের কথা শোননি ? শোননি মহাপণ্ডিত গৌতম শেষ পর্যন্ত কীভাবে তাঁর কাছে ব্রহ্মবিদ্যা শিখতে বাধ্য হয়েছিলেন ! তুমি সেই বাকসিদ্ধ যোগীর কথা শোননি যাকে ব্যাধের কাছ থেকে ধর্ম বিষয়ে শেষ পাঠ নিতে হয়েছিল । আর ষ্বেতকেতু ? ষ্বেতকেতু যে চণ্ডালের প্রহের উত্তর দিতে পারে নি বলে তার দু পায়ের মধ্য দিয়ে গলে যেতে বাধ্য হয়েছিল । সতীর্থ তো ভালো দর্ভসেন, অহংকার বর্জন করতে না পারলে কী করে উচ্চশিক্ষা লাভ করবে ? অবশ্য সবটাই তোমার অভিরুচি । আমি জোর করছি না ।’

দর্ভসেন নিজগৃহে ফিরে এসেছিলেন, দণ্ডনীতি বিষয়ে এত দিনের যা জানা, যা গতানুগতিক সেই পর্যন্ত শিক্ষা করে । একেবারে মহাজ্ঞানপ্রিত মহাজ্ঞান পদলাঙ্ঘিত রাজনীতির সোজা পথ ধরে চলেন তিনি । এখন হঠাৎ মনে হচ্ছে, চণক আরও কিছু জানে । আরও কিছু বোধ হয় শিখেছে পিতার কাছ থেকে । সোজাসুজি মগধ সভায় দৌত্য করতে না এসে সে প্রথমে অম্মাতবাস করে গোপনে সমগ্র পূর্বদেশের সংবাদ নিল । প্রতিবেশী রাজ্যগুলির সম্পর্কে কত তথ্য এখন তার নখদর্পণে । প্রথমে এটাকে অবচীনের অল্পদর্শিতা ভেবেছিলেন তিনি । এখন তাঁর মনে হচ্ছে এর মধ্যে উচ্চতর বুদ্ধির ইঙ্গিত আছে । সত্যিই আছে । এই যে চণক এখুনি গান্ধার ফিরছে না, এর মধ্যেও কোনও কুট উদ্দেশ্য আছে তার । অত্যন্ত উচ্চাকাঙ্ক্ষী যুবক এই চণক । অল্প দিনেই দেব পুঙ্করসারীর প্রিয়পাত্র হয়ে উঠেছে, এখানে এসে মগধরাজেরও বিশেষ স্নেহ পেল । তিনি গোপনে একটি সংকল্প করলেন ।

রাজগৃহ-গিরিব্রজে ভোর হচ্ছে । শেষ রাতে সামান্য নিদ্রার পর আবার সূর্যোদয়ের মুহূর্তেই গাভ্রোত্থান করেছেন দর্ভসেন । দাসদাসীরা তাঁর প্রসাধন সম্পূর্ণ করে দিয়েছে । প্রাতরাশে বসেছেন, সামনে চিত্রফলকের ওপর বহুবিধ ফল, যবাণ্ড, অপূপ এবং দুধ রয়েছে । চণককে সঙ্গে করে সম্পাতি প্রবেশ করল । দু’জনকেই দেখে মনে হচ্ছে রাতে ঘুমোয়নি । চোখ ঝঁক ঝঁক আরক্ত কিন্তু স্নাত এবং নববস্ত্র পরিহিত । দাসীরা তাদের প্রাতরাশ এনে রাখলে চোখের ইঙ্গিতে দাসীদের কক্ষ ত্যাগ করে যেতে বললেন দর্ভসেন ।

চণক তাঁকে ঞ্গিপাত করে বলল, ‘গতরাত্রের জন্য ক্ষমা চাইছি মহামাত্র ।’

বলছে বটে, কিন্তু চণকের চোখের অর্ন্তব্যক্তি এখনও কঠিন, ওঠাধর দুর্বল । মনে মনে হাসলেন দর্ভসেন, ভাবলেন যতই উচ্চমার্গে যাতায়াত করে হে চণক, দর্ভসেনের কাছে এখনও তুমি বালকই । কুটনীতির কিছুই জানো না । মুখে বললেন, ‘তোমার যেমন সং শিক্ষা’ সেই অনুযায়ীই তুমি ক্ষমা চাইছ চণক । ভালোই করেছে, না হলে জ্যেষ্ঠদের সঙ্গে কনিষ্ঠদের সম্পর্কটি ভয়সেতুর মতো হয়ে যায়, তার ওপর দিয়ে আর কোনও আলোচনা, পারস্পরিক জ্ঞান-বুদ্ধির যাতায়াতই সম্ভব হয় না । তবে আমারও ক্রটি হয়েছে বৎস চণক । বয়োবৃদ্ধ বলেই আমার সব সময়ে স্মরণে থাকে না এখন, রাজকার্যে আমরা প্রায় সমগোত্রীয় । তুমিও আমাকে মার্জনা করো যুবক । নিজেই বলছ আমি তোমার পিতৃব্যসম । পিতৃব্যের তো তিরস্কারেরও অধিকার থাকে ! সেই ভেবেই...’

চণকের চোখের ভাব কোমল হয়ে এলো, সে বলল, ‘মহামাত্র জানি না আব্দ্য কতদিনে মাতৃত্বমিতে ফিরব । এ কথা সত্য সেখানে আমার পিতামাতা কেউ জীবিত নেই, জ্যেষ্ঠা ভগ্নীদ্বয় বিবাহিত, স্বামীগৃহে সুখে কালান্তিপাত করছে । আমার পিছুটান নেই । কিন্তু মাতৃভ্রমি । মাতৃত্বমির গভীর টান আমার রক্তের মধ্যে আমি প্রতি মুহূর্তে অনুভব করি । আপনাকে সম্পাতিকে এবং বাহিনীর লোকজনকে এখন আমার অত্যন্ত আপনজন মনে হচ্ছে, হৃদয় মাখিত হচ্ছে গতরাত্রের মনান্তরের জন্য ।’

দর্ভসেন স্নেহের হাসি হেসে বললেন, ‘তা তো হবেই চণক । হতেই পারে । কিন্তু তুমিই বা এমন ধনুকভাঙা পণ করেছে কেন যে গান্ধারে ফিরবে না ! এই দৈবিত্য সাফল্যের পর আরও বড় পদ তোমার জন্য সেখানে অপেক্ষা করে আছে, অন্তত আমি তো মহারাজের কাছে সেই মর্মেই প্রার্থনা জানাব, স্থির করেছি ।’

চণক বলল, ‘না আর্ষ । আমি এখন মগধেই থাকবো মনস্থ করেছি । মগধ, কোশল, ৮৮

বৈশালী... তারপর অঙ্গ...'

দর্ভসেন খুব সরলভাবে জিজ্ঞেস করলেন, 'মগধরাজ কি তোমাকে কোনও উচ্চপদ দিতে চেয়েছেন চণক ?'

চণক একবার তাঁর দিকে চাইল, তারপর বলল, 'না। তবে তিনি আমার সংকল্পের কথা শুনেছেন। তাঁর সম্মতি আছে।'

'তুমি কিসের আশায় এই হতভাগা দেশে বাস করতে চাইছ, চণক ? দর্ভসেন জোরের সঙ্গে বললেন, 'অসংস্কৃত মুখ, এদের জাতজন্মের কোনও ঠিকানা নেই। অন্যার্যদের সঙ্গে যথেষ্ট বৈবাহিক সম্পর্ক করে করে সব তান্ত্রবর্গ, খর্বাকার। সম্মান প্রদর্শন করতে জানে না। কী ভাষা ! আহা ! লঠঠিবন, বেলুবন, বচ্চ, বচ্চ, সেটুঠি, সেটুঠি শুনতে শুনতে কান আমার বধির হবার উপক্রম হয়েছে।'

চণক বলল, 'কিন্তু এই-ই তো প্রজাবর্গের ভাষা মহামাত্র। আমাদের গাঙ্কারেও তো পথে-ঘাটে লোকে এই ভাষাতেই কথা বলে, সামান্য পার্থক্য আছে, কিন্তু এই প্রকারই তো মোটের ওপর।'

'তারা বলুক। কিন্তু তাই বলে রাজা, অমাত্য, আচার্য, কবি সবাই এই অপভ্রংশ ভাষায় কথা কইবে ? ছিঃ ! পবিত্র দেবভাষার কী শ্রীই হয়েছে ! তার ওপর এরা কীভাবে মানুষের শারীরিক ক্রটি নিয়ে নামকরণ করে দেখেছ ? আমাদের স্নানের জল যে আনে, সেই দাসটিকে এরা বলে দম্বল ভদ্রক, তার দাঁতগুলি বড় বড় বলে। আর যে প্রকোষ্ঠগুলি পরিষ্কার করে তার নাম খুজ্জ মহীপাল, সে কুজ্জ বলে। আর শুধু দাসদাসী বা সাধারণ লোকের ব্যাপারেই নয়, নিজেদের রাজকুমারকেই তো এরা কুনয় বলে উল্লেখ করে, কুনিক আর কি ! কোন্ হাতে না আঙুলে কী একটা ত্রুটি আছে না কি। একটা শ্রেষ্ঠীকে কালকর্ণী বলে উল্লেখ করে। কালকর্ণি কালকর্ণি করে বঝতে পারি না, তার পরে সন্ধান করে আমাদের অনুচরদের থেকে জানলাম— ওর সঙ্গে বাণিজ্য করতে গিয়ে নাকি অনেকের বিপদ হয়েছে, তাই সকালে কেউ ওর মুখ দেখে না, আসল নাম শ্রীধর। এখন সে নাম সবাই ভুলে গেছে। বৃদ্ধ মানুষটি কালকর্ণি বলেই পরিচিত। ছিঃ !'

চণক কৌতুকভরা মুখে বলল, 'হ্যাঁ, এদেশের লোকেরা ভারি খোলামেলা স্বভাবের, সেটা সত্য।'

দর্ভসেন বললেন, 'এটা খোলামেলা স্বভাবের চিহ্ন হল ! আর এরূপ হবে না-ই বা কেন ? এরা তো খোলাখুলি দাসদের, শূদ্রদের বিবাহ করছে, দাস রাজন্যদের সঙ্গে বেশ বন্ধুত্বও। রাজা স্বয়ং তো বোধ হয় নাগবংশীয় কোনও... অসঙ্গত হয়ে যাচ্ছে ভেবে দর্ভসেন থেমে গেলেন। শত হোক, চণক এখন মগধরাজের রীতিমতো মিত্র। কী থেকে কী হয়ে যায়।'

চণক ধীরে ধীরে বলল, 'মহামাত্র যা যা বললেন সবই সত্য। কিন্তু তিনি সেগুলি যেভাবে দেখছেন, আমি সেভাবে দেখছি না। আমাদের দৃষ্টিভঙ্গির পার্থক্য মৌলিক ও অনমনীয়। তর্ক করে লাভ নেই, তাই এই আলোচনা আমি বিলম্বিত করতে চাই না। শুধু এটুকু বলে স্ফুট হচ্ছি যা আপনার কাছে শুধু দোষ বলে প্রতিভাত হচ্ছে, আমার কাছে তা খুবই কৌতূহলজনক বৈশিষ্ট্য বলে মনে হয়। এই রাজগৃহ নগর তিন দিক থেকে পাহাড় দিয়ে ঘেরা সুরক্ষিত স্বাভাবিক দুর্গনগরী। এমনটা আর সমগ্র উদীচী প্রাচীতে কোথাও নেই। এর চতুর্দিকে বিস্তৃত সমতলভূমি, কোথাও বন্ধুর পার্বত্যভূমি, দক্ষিণে ঘন অরণ্য, উত্তরে খুব কাছেই নিতাপ্রবাহিনী গঙ্গা। এই মগধ সাম্রাজ্যের কাছে যথার্থ চক্রবর্তী-ক্ষেত্র বলে প্রতিভাত হচ্ছে।'

'চক্রবর্তী-ক্ষেত্র !' দর্ভসেন যেন নিজের কানকে বিশ্বাস করতে পারছেন না।

'তুমি কি স্বপ্ন দেখছ চণক ?' চণকের আহ্বার শেষ হয়েছিল, সে মৃগশাস্ত্রের দৃষ্টি এক পাত্র এক নিশ্বাসে পান করে উঠবার অনুমতি চাইল। তার মুখ স্মিত, চোখের দৃষ্টি যেন এখানে নেই। শুধু দৃষ্টির ওপর ভর করেছে সে যেন অন্য কোথাও চলে গেছে।

'তুমি কি মনে করো শ্রেণীক বিশ্বিসার যাকে এরা সেনিয় বলে সে চক্রবর্তী রাজা হবে, আর তাই তুমি মগধ রাজসভার আশ্রয় নিচ্ছ গাঙ্কার ছেড়ে ?' বিশ্বিয়ে যেন কূল পাচ্ছেন না দর্ভসেন।

চণক বলল, 'হবেন কিনা জানি না, মহামাত্র। তবে হবার কতকগুলি আয়োজন প্রকৃতি করে রেখেছে। মনে রাখবেন তিনিই প্রথম রাজা যিনি নিজস্ব বেতনভুক সৈন্যবাহিনী রাখবার কথা চিন্তা

করেছিলেন। আপনিই তো বললেন তিনি শ্রেণীক। 'সম্ভাবনা আছে। এই চক্রবর্তী-ক্ষেত্রকে ঠিকমতো বুঝলে, ব্যবহার করতে পারলে হবেন, না হলে হবেন না। তবে আমি মগধ রাজসভার আশ্রয় নিয়েছি এ ধারণা আপনার ভুল, সর্বৈব ভুল। আপনারা চলে গেলেই কিছু দিনের মধ্যেই আমি পূর্বদেশে যাত্রা করব। প্রকৃতপক্ষে ওই পূর্বদেশ, পূর্বাচলই আমাদের ক্রমাগত টানছে।'

চণক নত হয়ে নমস্কার জানিয়ে সম্প্রতি ও দর্ভসেনের কাছ থেকে বিদায় নিল। মৃদুস্বরে বলল, মহামাত্র, সম্প্রতি, জীবনে হয়ত আর কোনও দিন দেখা না-ও হতে পারে। আশীর্বাদ করুন আমি যেন জম্বুদ্বীপের সীমান্ত দেখতে পাই। পূর্বে, দক্ষিণে সব মহারণ্য, দুর্গম পর্বতশ্রেণী পার হতে পারি।' সম্প্রতিক আলিঙ্গন করে চণক আর কোন দিকে না তাকিয়ে কক্ষ থেকে বেরিয়ে গেল।

অনেকক্ষণ তার গমনপথের দিকে হাঁ করে চেয়ে রইলেন দর্ভসেন। শেষে বললেন, 'জম্বুদ্বীপের সীমানা? মহারণ্য? চক্রবর্তী-ক্ষেত্র? সম্প্রতি, যুবকটি কি পাগল হয়ে গেল?'

১২

রাজগৃহে ঢুকে আনুমানিক এক ক্রোশের মতো দূরে গৃধকূট। উত্তর-পূর্বে বৈপুল এসে মিশেছে শৈলগিরিতে। তারই একটি শিখর— এই গৃধকূট। অগ্ন্য পাহাড়গুলি যেমন নানা পঙ্কের শ্রমণ ও সম্মানীতে একেবারে পূর্ণ, এটি ততটা নয়। নির্জন, রুক্ষ ভূমির ওপর কর্কশ পাহাড়, গাছপালা অল্প। কে যেন তার শিরে একটি বিশাল গৃধ-গ্রীবা মস্তক ও চক্ষু সমেত বসিয়ে দিয়েছে। বাঁ দিকে চক্ষু ন্যস্ত করে আছে। দেখলে আশ্চর্য লাগে। চণক তার গাঢ় তাম্রবর্ণ অশ্বটিকে পাহাড়ের মূলে একটি শাল্মলী গাছের সঙ্গে বাঁধল। অশ্বটির গলার কাছটা, পৃষ্ঠের চারপাশে কিছুটা অংশ উজ্জ্বল শ্বেত। রাজ অতিথিশালার মন্দুরা থেকে এই অশ্বটিকেই সে বেছে নিয়েছে। অশ্বটি কয়েক দিনেই তাকে বেশ চিনে গেছে। সে নামতেই গ্রীবাটি এগিয়ে দিল। আদর চায়। তার কেশরের ওপর দিয়ে আঙুল চালাতে চালাতে চণক রজ্জু আলগা করে দিল। যতটা সম্ভব চরুক অশ্বটি।

পাহাড়ে চড়বার জন্য প্রকৃতি-নির্মিত কয়েকটি স্বাভাবিক সোপান আছে। সমান দূরত্বে নয়। এক পঙ্ক্তিতেও নয়। কিন্তু অনায়াসে পা রেখে রেখে ওপরে চড়া যায়। পাহাড়ের শীর্ষে দাঁড়িয়েই চণকের প্রথম কাজ হল একবার চতুর্দিকে দৃষ্টিপাত করা। এইভাবে চারদিকে তাকাতে তাকাতে তার ভেতরটা একটা ব্যাখ্যাভীত হর্ষ এবং প্রশান্তি, বিস্ময় এবং আশ্চর্য্যভরে ভরে যায়। এখান থেকে এই রাজগৃহ নগর প্রায় পুরোটা চিত্রের মতো দেখা যায়। এই শিখরের চেয়েও অনেক উঁচু কিছু যদি থাকত! তাহলে আরও দেখা যেত, দেখা যেত উত্তর-পশ্চিমে গঙ্গার ধারা কীভাবে পূর্ব-দক্ষিণ গামিনী হয়েছে। গঙ্গার অপর পারে লিচ্ছবি বজ্রদেব স্বর্গশ্রীমণ্ডিত বৈশালী নগরী। দেখা যেত অচিরবর্তী আর সরযু, অচিরবর্তী উত্তরে শ্রাবস্তী, সরযুর দক্ষিণে সাকেত। এবং দেখা যেত সুদীর্ঘ উত্তরের বাণিজ্যপথটি কীভাবে গতিশীল নদীপ্রোত্তের মতই মগধ থেকে গাঙ্গারের দিকে চলেছে। কিন্তু অত্যাচ্ছ শিখর হলেও কি এসব দেখা যাবে? দৃষ্টির একটা সীমা আছে। সে সীমা তো মানুষের দৃষ্টি অতিক্রম করতে পারে না! দৃষ্টিশক্তির সহায়ক যদি কিছু থাকত! যাতে দূরের জিনিষ দৃষ্টিগত, চতুর্গুণিত হয়ে অনেক কাছে চলে আসে। তক্ষশিলায় যারা সূর্য, চন্দ্র, নক্ষত্রাদির বিস্তার চর্চা করে থাকেন, সেই নক্ষত্র-দর্শকরা এই সহায়ক যন্ত্রের অভাবের কথা প্রায়ই বলে থাকেন। এখন জ্যোতির্বিদরা শুধু জানেন গ্রহ ও নক্ষত্র দুই জাতীয় জ্যোতিষ্ক আছে। আরও ভালোভাবে দেখতে পেলে এদের পার্থক্য ও প্রকৃতি সম্পর্কে অনেক কিছু জানা যাবে। হয়ত দেখা যাবে আরও অনেক প্রকার জ্যোতিষ্ক আছে। অভিজ্ঞ নক্ষত্রের সাহায্যে চন্দ্রের পর্যায় ফল এখন আরও সঠিকভাবে চিহ্নিত হচ্ছে। চান্দ্রমাস থেকে সৌরমাসে বৎসর গণনার রীতি অনুসরণ করেও জ্যোতির্বিদ্যা ও জ্যোতিষশাস্ত্রের অনেক উন্নতি হয়েছে। কিন্তু সেভাবে খগোল পর্যবেক্ষণ করলে হয়ত আরও নক্ষত্র, আরও গ্রহ আবিষ্কৃত হবে। আবিষ্কৃত হবে অন্তরীক্ষ সম্পর্কে আরও অনেক নতুন তথ্য। ওপরে আকাশ, নীচে পৃথিবী। পাখিরা যেভাবে দেখতে পায় সেভাবে একটি চিত্রের মতো যদি এই পৃথিবীকে দেখা যেত! খালি চোখে এই পর্বতশীর্ষ থেকে যেভাবে দেখা যাচ্ছে তাতে মনে হয়, অরণ্য

এবং জল অর্থাৎ নদ, নদী, হ্রদ, পুষ্করিণী ইত্যাদি, এরাই পৃথিবীর সবচেয়ে অধিক স্থান জুড়ে আছে। ভূ-মণ্ডলের অধিকাংশই হল তার ওপর সমভূমি, কিছু অংশ উচ্চাবচ, বন্ধুর এবং কিছু অংশ উচ্চ, পর্বতসঙ্কুল।

শান্ত্রে সপ্তদ্বীপের কথা বলা হয়। জম্বু, প্রক্ষ, শাল্মলী, কুল, ক্রৌঞ্চ, শাক ও পুষ্কর। আবার কেউ কেউ বলেন ও সব প্রাচীন ধারণা। আসলে দ্বীপ চারটি। এই চতুর্মহাদ্বীপের নাম উত্তরকুরু, পূর্ব বিদেশ, অপর গোদান ও জম্বু। এরা যথাক্রমে মহামেরুর উত্তরে, পূর্বে, পশ্চিমে ও দক্ষিণে বিন্যস্ত। জম্বুদ্বীপ আকৃতিতে ত্রিকোণ। দুটি মতের মধ্যেই জম্বুদ্বীপের উল্লেখ পাওয়া যাচ্ছে। বালক বয়সে ভৃগুকচ্ছের পট্টনে গিয়ে নীলবর্ণ মহাবারিধি দেখে এসেছে সে। তার পিতা আচার্য দেবরাত বলতেন, 'এই এক সীমা দেখলে স্ব-ভূমির। এবার চলে যাও হিমবস্তুর কোলে। সেখানে যোজনের পর যোজন গহন অরণ্য এবং তুষারমৌলি পর্বতশ্রেণী। এক জীবনে সেই দুর্গম সুন্দর প্রদেশ দেখে ফুরিয়ে শেষ করতে পারবে না। তবে বহু সন্ন্যাসী থাকেন সে অঞ্চলে, মাঝে মাঝে লবণ ও অন্ন খেতে নেমে আসেন জনপদে। তখন তাঁদের কাছ থেকে হিমবস্তুর প্রদেশ সম্পর্কে অনেক কিছু জেনে নিতে পারবে। পায়ের নীচে মাটি আর মাথার ওপর আকাশ—এই দুই সম্পর্কে যতই জানবে ততই বোঝা যাবে জীব, জীবন, মৃত্যু কী, কীভাবে পরম্পরের সঙ্গে গ্রথিত।

এইধরনের লবণালসস্থানী প্রব্রাজক দেখলেই গৃহে নিয়ে আসতেন তিনি। সাদরে ভোজন করাতেন। যতদিন ঠাণ্ডা থাকতেন ততদিন নিজেদের উদ্যানে একটি পর্ণশালা নির্মাণ করিয়ে সেখানেই তাঁকে থাকতে অনুরোধ করতেন। যতদিন পিতা বেঁচেছিলেন পর্ণশালাটি নিয়মিত সংস্কার করানো হত। সন্ন্যাসী আসুন বা না আসুন। এঁদেরই একজন তাকে চিত্রকূট পর্বতের কথা বলেছিলেন। সেখানে কাঞ্চনবর্ণ গুহা আছে। অসংখ্য নানা বর্ণের হংস অধুষিত সেখানকার জলাশয়। তৃণহংস, পাণ্ডুহংস, মনঃশিলাহংস, শ্বেতহংস, পাকহংস—এমন বহু প্রকার। এঁর কাছেই বিশালকায় স্বর্ণবর্ণ ধৃতরাষ্ট্র হংসের কথা শোনে সে। এদের গলদেশ বেটন করে নাকি তিনটি রক্তবর্ণ রেখা থাকে। তিনটি রেখা সেখান থেকে অধোদিকে নেমে গেছে। তিনটি রেখা পিঠের ওপর দিয়ে চলে গেছে।

আর একজন বলেছিলেন তিনি যে অঞ্চলে বাস করেন সেখানে একের পর এক সাতটি পর্বতমালা আছে। বাইরে থেকে ধরলে এদের প্রথমটির নাম ক্ষুদ্রকৃষ্ণ, তারপর মহাকৃষ্ণ, তৃতীয়টির নাম উদক, চতুর্থটির নাম চন্দ্রপার্শ্ব, পঞ্চমটি সূর্যপার্শ্ব, ষষ্ঠটি মণিপার্শ্ব এবং সপ্তমটির নাম সুবর্ণপার্শ্ব। বহু বিচিত্র গুহা আছে সেখানে। মাঝখানে অগভীর সরোবর। জলের শেষ সীমা পর্যন্ত ক্ষুদ্র ক্ষুদ্র নানাপ্রকার গুম্বা, উৎকৃষ্ট মাস ও মুদগের বন, বন্য অলাবু, কুম্মাণ্ড প্রভৃতিও পাওয়া যায়। পুষ্পের শোভা দেখলে না কি স্নানাহারের কথা ভুলে যেতে হয়। ফলাদির মধ্যে আছে ইক্ষুর বন। গজদন্তপ্রমাণ ফলবিশিষ্ট কদলীবন, পনসবন এবং সর্বশেষে নানা জাতির তরুলভাসমাকীর্ণ মহারণ্য। এমন একটি বটবৃক্ষ আছে নাকি, যেটিকে একটি ছোটখাটো পাহাড় বললে অত্যাশ্চর্য হয় না। বহির্ভাগে বিস্তৃত বেণুবন।

অতি দুর্গম হিমবস্তুর প্রদেশ। সেখানে যান একমাত্র এই সংসার-বিরক্ত প্রব্রাজকরা। যখন লোকালয়ে আসেন, তাঁদের দেহ জীর্ণ, শীর্ণ, কালিবর্ণ, জটা, শ্মশ্রু ইত্যাদিতে মুখের আকৃতি বোঝা যায় না। তপস্যাই এঁদের উদ্দেশ্য। ঘুরে ঘুরে কোথায় কী আছে দেখবার আগ্রহ নেই। কোজ্জের এঁদের কাছ থেকে খুব অল্প এবং সীমাবদ্ধ তথ্য পাওয়া যায়। ওই মহারণ্য পার হয়ে, সর্বভাসানু পার হয়ে আরও উচুতে তুষারক্ষেত্র আছে। সেই তুষারক্ষেত্র বেয়ে ওপরে উঠলে কোথায় তার শেষ? তার ওপারে কী? এসব জানা যায় না। মানুষ যায় না ওসব দিকে।

চগক দক্ষিণ দিকে দৃষ্টি ফেরালো। সেদিকে ওই মহাবন। ক্রমে ক্রমে পশ্চিম প্রান্তে বিশ্ব্যাটবীর সঙ্গে মিশবে এই বন। এখানে যে মানুষ থাকে তা চগক নিজের চোখেই দেখে এসেছে। যে আটবিকদের সঙ্গে এর আলাপ হয়েছিল তারা বলত আরও স্নানকৃত মানুষ আছে ওই মহাবনের বিভিন্ন স্থানে। এই দক্ষিণ-পূর্ব দেশই হল তার গন্তব্য। উত্তর সীমা, উত্তর-পশ্চিম সীমা মোটামুটি জানা আছে। দক্ষিণ এবং সমগ্র পূর্বাঞ্চল তাকে দেখতে হবে। সে এখন শুধু পথ সম্পর্কে চিন্তা করছে। কোনও সার্থক সঙ্গে যাবে, না একলা একলা ভ্রমণ করবে? ক'দিনই সে রাজগৃহ এবং সন্নিহিত

অঞ্চলের একটি রেখাচিত্র আঁকবার চেষ্টা করছে। খানিকটা নিজেই চোখে দেখা, খানিকটা লোকমুখে শোনা তথ্যের ওপর নির্ভর করে একটি রেখাচিত্র। যতই এগোবে এই রেখাচিত্রটিতে সে আরও সংযোজন করবে। গ্রহ-নক্ষত্রাদি, সূর্য, বিশেষত ধ্রুবতারা হবে তার নিয়ামক।

এই সময়ে চণক দেখল একটি মুণ্ডিত-মস্তক শ্রমণ তার দিকে আসছেন। গৈরিক সংঘাটিতে তাঁর শরীর ভালভাবে ঢাকা। ডান হাতটি দুলাচ্ছে। শ্রমণ গৌরবর্ণ হলেও, সম্ভবত রোদে রোদে ঘোরার জন্য ঈষৎ মলিনত্বক হয়ে গেছেন। চোখ দুটির দৃষ্টি দূরে নিবদ্ধ। চণকের ওপর তাঁর দৃষ্টি নেই। মুখ প্রশান্ত। চণক কয়েক পা এগিয়ে গিয়ে সসব্রমে বলল, 'নমস্কার ভদন্ত'। চণকের দিকে তাকালেন শ্রমণ। স্মিত মুখ। ক্ষণপূর্বের দূরত্ব যেন আর নেই। যেন বহু যোজন দূরে কিছু দেখছিলেন, চণকের ডাকে এইমাত্র তাকে দেখতে পেলেন। হাত জোড় করে নমস্কার করলেন। চণক বলল, 'অপরাহু সমাগত, আপনি কি এখন নামবেন? আমি আপনাকে সাহায্য করতে পারি।'

'সাহায্য লাগবে না ভদ্র, তা ছাড়া আমি এখন নামবও না।'

চণক বলল, 'আপনি কি এখানে আজই এলেন? আমি নিতাই প্রায় আসি। আপনাকে দেখিনি তো!'

'আমি কিছুদিন এখানেই বাস করছি ভদ্র। নির্জনে।'

'কোথায়?'

'দূরে আঙুল দেখিয়ে শ্রমণ বললেন, 'ওই দিকে একটি চত্তালের মতো প্রস্তরখণ্ড আছে, মাথার ওপরে আর একটি প্রস্তরখণ্ড। ওইখানে।'

'বৃষ্টি হলে?'

'প্রস্তরখণ্ডটি আমাকে মোটামুটি রক্ষা করে।'

'অশন?'

'সকালে ভিক্ষার্থে বেরোই নগরপ্রান্তে।'

'আপনি কি রাজগৃহেই রয়েছেন?'

ধীরে ধীরে মাথা নেড়ে সায় দিলেন শ্রমণ। তারপর বললেন, 'ইসিপতনে ছিলাম।'

চণক বলল, 'এই গিরিচূড়া বড় সুন্দর। নির্জন ধ্যানের পক্ষে খুবই প্রশস্ত। তা ছাড়াও এখান থেকে রাজগৃহ নগর চিত্রের মতো দেখা যায়।'

শ্রমণ মৃদুস্বরে বললেন, 'আপনি গয়াশিরে গিয়েছেন ভদ্র? অনেকে বলে ব্রহ্মযোনি।'

'না তো? কোন দিকে?'

'এখান থেকে দক্ষিণ দিকে। ব্রহ্মযোনির শিখর থেকে মগধ রাজ্য বহু দূর পর্যন্ত চিত্রের মতো দেখা যায়।'

চণক কিছু বলতে যাচ্ছিল। শ্রমণ হঠাৎ অধরে আঙুল রেখে পশ্চিম দিকে মুখ করে দাঁড়ালেন। চণক দেখল পশ্চিমাকাশ যেন রক্ত বমন করছে। দূরে নীল বনানীরেখা। সহসা যেন মনে হয় বনে আগুন লেগে গেছে। চণক চমৎকৃত হয়ে বলল, 'ভদন্ত, আপনি কেন এখানে অপেক্ষা করছিলেন বুঝতে পেরেছি। এই স্থান থেকে সূর্যাস্তের দৃশ্য কী অপূর্ব! ঠিক যেন বনে বনে দাবান্নি জ্বলছে!'

শ্রমণ পশ্চিমাকাশের দিকে দৃষ্টি স্থির রেখে যেন এক অতলস্পর্শী অভিনিবেশের মধ্য থেকে বলতে লাগলেন, 'সমগ্র ব্রহ্মাণ্ডে ওই হুতাশন! দেখ দেখ আদিত্য কেমন আদীপ্ত। সূর্য্যমণ্ডল জগতে অগ্নিবৃষ্টি হচ্ছে। শব্দ, স্পর্শ, রূপ, রস, গন্ধ এই সকল সমিধ পেয়ে পৃথিবী জ্বলে উঠছে। বাসনামি, ক্রোধামি, কামামি, লোভামি, মোহামি। চক্ষু আদীপ্ত, শ্রোত্র আদীপ্ত, জিহ্বা আদীপ্ত, রসাদি আদীপ্ত, মনঃ সংস্পর্শ ও মনঃসংস্পর্শজনিত যে বোধ তা-ও আদীপ্ত। আর সেই দীপ্ত অনল থেকে উৎক্ষিপ্ত হচ্ছে মৃত্যু, রোগ, শোক, নৈরাশ্য।' শেষের শব্দগুলি শ্রমণ বারবার উচ্চারণ করতে লাগলেন, 'মৃত্যু, রোগ, শোক, নৈরাশ্য।'

সহসা একখণ্ড মেঘের আড়ালে চলে গেল অস্তসূর্য। মেঘের চারপাশ দিয়ে বিকীর্ণ হয়ে পড়ছে তার ছটা। পশ্চিম আকাশ ধীরে ধীরে ভস্ম উদ্গীরণ করতে লাগল। জমে উঠছে চারদিকে ভস্মের স্তূপ।

‘ওই অনলজ্বালা দেখে সংযত হও, প্রতি ইন্দ্রিয়ে নির্বেদ জাত হোক, সঙ্ঘাকাশের মতো বৈরাগ্য বরণ করো হে জ্ঞানী, হে সংযমী, ছিন্নমূল করো বাসনাকে । জন্মভয়, জরাভয়, ব্যাধিভয়, মৃত্যুভয় সমস্ত পার হয়ে বিমুক্ত হও, বিমুক্ত হও । শাস্তত আনন্দ উপভোগ করো ।’ শ্রমণ বলতে লাগলেন ।

কাকে বলছেন ? কখনও তিনি নিজেকেই বলছেন, কখনও মনে হচ্ছে চণককে শোনাচ্ছেন । সঙ্ঘা গাঢ় হয়ে আসছে । এবার নামতে হবে । আকাশের পটভূমি পেছনে নিয়ে একটি তমালতরুণ মতো দাঁড়িয়ে আছেন শ্রমণ । চণক ধীরে ধীরে বলল, ‘ভদ্র, আপনার কঠোর মধুর, আবৃত্তি গম্ভীর, যে সূক্তটি আপনি বললেন তা-ও মহৎ কবিতা । আপনি কি ওটি আমাকে শোনালেন ?’

অন্ধকারে শ্রমণের কোনও ভাবান্তর হল কি না চণক বুঝতে পারল না । তিনি যেন ঘুম ভেঙে উঠে বললেন, ‘আদিত্যপরিয়ায় সুস্ত । ব্রহ্মযোনি পর্বতশিরে তিনি উপবিষ্ট আছেন । তাঁকে ঘিরে আমরা । রাজগৃহের অধিত্যকা সামনে বিস্তৃত । সহসা সামনের পাহাড়ে দাবানল দৃষ্ট হল । তখন তিনি আমাদের এই দেশনা করেছিলেন । ভদ্র, আজ দাবানল নেই, কিন্তু অন্তাচলের আকাশ অমনই আশুন-স্বরা । আপনি দাবাগ্নির কথা বললেন, তাই ভগবানের মুখনিঃসৃত সেই অদ্ভুত সর্বদর্শী, মর্মস্পর্শী বাণী এই মুহূর্তে মনে পড়ে গেল ।’

‘কার বাণীর কথা বলছেন শ্রমণ ?’

‘ভগবান তথাগতর ।’

‘আপনার নাম কী ভদ্র ?’

‘আমি ভিক্ষু অসুসজ্জি । আদিত্যপরিয়ায় সূক্তাংশটি যদি আপনার ভালো লেগে থাকে তা হলে ভগবান বুদ্ধ তথাগতর ধর্মদেশনা শুনতে বেলুবনে যাবেন ভদ্র । সেই মহাশ্রমণ আপনার সর্বসংশয় ছিন্ন করবেন ।’

চণক ধীরে ধীরে নামতে লাগল । সহসা আকাশে ঝাঁক ঝাঁক তারা বেরিয়ে এলো । সোপানগুলির ওপর মৃদু আলো পড়েছে । কোণগুলি যেন সেই জন্যেই দ্বিগুণ অন্ধকার । খানিকটা নেমে এসে একস্বর মুখ তুলে দেখল, শ্রমণ ঠিক সেই একইভাবে দাঁড়িয়ে আছেন । আশ্রময়, বিশ্বচরাচরের অস্তিত্ব যেন ভুলে গেছেন । হয়ত এখনও মনে মনে উচ্চারণ করছেন, ‘ওই দেখো, সমগ্র ব্রহ্মাণ্ডে হতাশন জ্বলছে...’

অন্ধকারের সঙ্গে মিশে দাঁড়িয়ে আছে তার অশ্ব । শ্রীবা ও পেছনের শ্বেত অংশগুলি ফুটে আছে । ‘চিত্তক !’ সে মৃদুস্বরে ডাকল, স্পর্শ করল অশ্বের মাথা পিঠ । হ্রেষাধ্বনি করে উঠল চিত্তক । এক লাফে তার পিঠে চড়ে নগর অভিমুখে চলল চণক । কিন্তু ধীরে । অতি মন্দ্র গতি । সে কোথায় যাচ্ছে যেন জানে না । অনেকক্ষণ পরে একটি চৌমাথায় এসে অনেকগুলি দীপসুস্ত দেখে তার চৈতন্য ফিরল । সে একটি চেনা পথের দিকে ঘোড়া ছুটিয়ে দিল । নগর যেন আজ অস্বাভাবিক শান্ত । সাক্ষ্য উদ্দীপনা নেই । বিপণিগুলি অর্ধেক বন্ধ । গৃহে গৃহে মঙ্গলকলস । দুয়ারের মাথায় মালা ঝুলছে । কিন্তু গৃহদীপ যেন তেমন ভালো করে জ্বলছে না । সহস্র সহস্র চক্ষু মেলে আকাশ চেয়ে দেখছে নগরকে । যেন কিছু বলছে । বলতে চাইছে । নগরী অভিমানিনী রমণীর মতো মুখ ফিরিয়ে রয়েছে, শুনবেও শুনছে না ।

সে ধীরে ধীরে শ্রীমতীর গৃহে এসে দুয়ারে করাঘাত করল । দীপ হাতে একটি দামী সরঞ্জাম খুলে সরে দাঁড়াল, ‘আসুন ভদ্র ।’ ঘোড়টিকে সঙ্গে সঙ্গে নিয়ে গেল একজন ।

প্রাঙ্গণটি সোজা গিয়ে বাঁ দিকে বেঁকে গেছে । বাঁক ফিরতেই শ্রীমতীর উজ্জ্বল আলোকবর্তিকাস্থি দেখা গেল । আর একটু এগিয়ে চণক দেখতে পেল বোধিকুমার এবং চারুস্বাক তো আছেনই । আছেন আরও অনেক অচেনা যুবা এবং শ্রৌট, সকাল যেন কী এক আলোচনায় মত্ত । খানিকটা নিম্ন কণ্ঠে । একটা অবিরাম গুঞ্জনধ্বনির মতো শোনাচ্ছে তাঁদের আলাপ । মাঝখানে শ্রীমতী, আজ তার পরনে ঘোর কৃষ্ণবর্ণের বসন, তাম্র সোনার ছোট ছোট ফুল । রক্তবর্ণ উত্তরীয় দিয়ে সে অঙ্গ ঢেকে বসে আছে । বীণার দণ্ডের ওপর তার ডান হাতটি আলতো করে ফেলে রাখা, গভীর মনোযোগে সে উপস্থিত সবাইকার আলোচনা শুনছে ।

চণক ধীরে ধীরে এক পাশে গিয়ে বসল । তাকে দেখে বোধিকুমার উৎফুল্ল কণ্ঠে বলে উঠল,

‘আরে কী সৌভাগ্য, চণক ভদ্র যে ! আপনি গাঙ্গারে ফেরেননি এখনও !’ চণক উত্তর দিল না ।

একটি অতি সুবেশ যুবক বলে উঠল, ‘এই তো আরেক জনও উপস্থিত রয়েছেন ঐরও মতামত নেওয়া যাক । আপনিই বলুন না ভদ্র, স্বয়ং মহারানিই যদি প্রজ্ঞা গ্রহণ করেন, কাল মহারাজারও তো সে মতি হতে পারে । তারপর মহামাতারা, বিনিস্কয়কর্তা, নগরপাল ঐরাই বা বাদ থাকেন কেন ? আর কুলস্বামী কুলকন্যারা ? তারা কি মহারানির পদাঙ্ক অনুসরণ করবে না ? তাহলে শেষ পর্যন্ত গৃহস্থাত্ম থাকে কী করে ?’

আর একজন বললেন, ‘রাজগৃহে তো সমনপস্থ একটা নয় । এতদিন ধরে রয়েছেন নিগণ্ঠরা, রয়েছেন সঞ্জয় বেলটটিপুত্র, মক্ষলি গোসাল প্রায়ই আসেন, রয়েছেন অজিত কেসকম্বলি । কই, এরকম ঘটনা তো ঘটেনি ! যার ইচ্ছে হয়েছে, বিষয়বৈরাগ্য হয়েছে সে শাস্তির সন্ধানে যোগ দিয়েছে ঐদের আশ্রমে । কিন্তু এ কী ! দলে দলে সব অল্পবয়স্ক যুবা, কুমারী তরুণী, কুল-ইথি, পব্বজ্যা নিতে আরম্ভ করে দিল । সঞ্জয়ের শিষ্যগুলি তো সব সেই উপতিস্ আর কোলিতের পেছু পেছু সমন গোতমের শাসনে যোগ দিয়েছে । এসব কি ঠিক ? ইনি তো দেখছি আমাদের গহে গহে বিচ্ছেদ ঘটাতে এসেছেন । সমাজে একটা ওলটপালট করে দিচ্ছেন । পতিরা পব্বজ্যা নিলে পত্নীরা তো একপ্রকার বিধবাই হবে । পুনর্বিবাহের অনুমতি দিলেও কি সবৎসা নারী আর বিবাহ করতে পারবে ? আর পুত্র ? পুত্ররা যদি যায় ? কে-ই বা গহবন্দ্য করবে, কে-ই বা গহের অগ্নিরক্ষা করবে ? পূর্বপেতদের পিণ্ডদানই বা কে করবে ? বলুন ভদ্র, বলুন ?’

কুলপুত্রটি উত্তেজিতভাবে চণকের দিকে চেয়ে রয়েছেন । চণক সুপ্তোখিতের মতো বলল, ‘কী হয়েছে ?’

‘কী হয়েছে ? আপনি জিজ্ঞাসা করছেন ?’

বোধিকুমার তাড়াতাড়ি বলে উঠল, ‘চণক ভদ্র বিদেশি, অল্পদিন হল তক্ষশিলা থেকে এসেছেন । অত কথা জানেন না । চণক, মহারানি ক্ষেমা আজ বৃদ্ধশাসনে প্রবেশ করলেন । মহারাজ সানন্দে সম্মতি দিয়েছেন । বেলুবন উদ্যানে ভিক্ষুগীসংঘে চলে গেলেন রানি । মাথা মুড়িয়ে ফেলেছেন, অঙ্গে ত্রিচীবর, হাতে ভিক্ষাপাত্র । ভাবুন একবার !’

‘আপনি তক্ষশিলা থেকে আসছেন ? বেদ-বেদাঙ্গ শিক্ষা শেষ করেছেন নিশ্চয় !’ কুলপুত্রটি বানিকটা সম্বন্ধে, বানিকটা কৌতূহলে বলে উঠলেন ।

চণক মাথা নেড়ে সায় দিল ।

‘ব্রাহ্মণ ?’

আবারও মাথা নাড়ল চণক ।

‘আপনি হলেন গিয়ে উদীচ্য ব্রাহ্মণ । আপনিই ঠিক বুঝতে পারবেন আমাদের সমস্যাদি । সমন গোতম প্রথম রাজগৃহে আসার পর, অর্থাৎ কি না আসার সঙ্গে সঙ্গেই যে লোকে তাঁর তিসরন নিতে ছুটল এমন নয় । সঞ্জয়ের ওই দুই শিষ্য উপতিস্ আর মৌদাল্যায়ন কোলিত, যথেষ্ট বয়স্ক, বিদ্বান পণ্ডিত, তাঁদের গৌতম-শিষ্য অস্সজি ফট করে নিজেদের দলে টেনে নিল ।’

অস্সজি নামটা শুনে উৎকর্ণ হয়েছিল চণক । সে জিজ্ঞাসা করল, ‘অস্সজি কে ?’

‘আরে সমন গোতমের ইসিপতনের শিষ্য । ঐদের পাঁচজনকে তো দিকে দিকে তাঁর সঙ্ঘ প্রচার করতে পাঠিয়েছিলেন গোতম ।’

‘তিনি কীভাবে বিদ্বান পণ্ডিতদের...’

‘কীভাবে আবার । ইন্দ্রজাল । এই অস্সজি যখন ভিক্ষায় বেরোন তাঁর চারদিকে মায়াজাল থাকে । দেখে অনেকেই মোহগ্রস্ত হয় । উপতিস্ নাকি প্রথমে করেছিলেন, ‘কার কাছ থেকে উপদেশ পেয়ে এমন প্রশান্তি লাভ করেছেন । অমনি ভিক্ষু অস্সজি তাকে সোজা পাঠিয়ে দিলেন সমন গোতমের কাছে । বাস, হয়ে গেল । অপর গুরু শিষ্যদের এভাবে ভাঙিয়ে নেওয়া কি ঠিক ?’

চণক জিজ্ঞাসা করল, ‘ত্রিশরণ কী ?’

‘সমন গোতমের সঙ্ঘের মূল মন্ত্র তো ওই তিসরন । বুদ্ধ সরণং গচ্ছামি । ধর্ম সরণং গচ্ছামি । সংঘং সরণং গচ্ছামি—এই তিন বাক্য বলে পব্বজ্যা নিতে হয় ।’

বোধিকুমার বলল, 'কাশ্যপ ভ্রাতাদের কথাটাও একবার বলুন না ভদ্র রত্নিদেব ।'

রত্নিদেব নামে আর একটি কুলপুত্র বললেন, 'সে তো আরও কলঙ্কের ব্যাপার । আপনি সম্যক বুঝবেন । উরুবেলায় তিন কাশ্যপ ভ্রাতার আশ্রম ছিল । এঁরা জটিল পন্থের । অগ্নিহোত্রী ব্রাহ্মণ । বহু শিষ্য । গৌতম এঁদেরও মোহগ্রস্ত করলেন । তিন ভাই— বেলা কাশ্যপ, নদী কাশ্যপ, গয়া কাশ্যপ অগ্নি জ্বলে ফেলে দিয়ে সংঘে যোগ দিলেন । চিন্তা করুন । একজনও কি ভাবলেন না, কারুর অন্তত অগ্নিগৃহটি রক্ষা করা উচিত । আহবনীয় অগ্নি, দক্ষিণাগ্নি এঁরা জ্বলে ফেলে দিলেন কোন সাহসে ? দেবতারা, পিতৃপুরুষরা কুপিত হবেন না ?'

বোধিকুমার বলল, 'প্রথম যখন এঁদের সবাইকে নিয়ে শ্রমণ গৌতম রাজগৃহে এলেন, তখন সবাই ডেবেছিল এঁরাই গুরু । গৌতম-আদি তাঁর শিষ্য । এমনই খ্যাতি ওই কাশ্যপদের । তো এখন তো সব জটা-টটা ফেলে দিয়ে তুবরক সেজে বসে আছেন ।'

রত্নিদেব বললেন, 'বেলটটিপুস্ত তো ক্ষিপ্ত হয়ে আছেন । পারলে গৌতমকে জ্যান্ত পোঁতেন ।'

আর একজন বললেন, 'কিন্তু এইসব গৌতমপন্থীদের ভয় বলে কিছু নেই ।'

'ভয়' কথাটা উচ্চারিত হবার সঙ্গে সঙ্গে চণকের মাথার মধ্যে কেঁথায় যেন একটা কপাট শব্দ করে খুলে গেল । হঠাৎ সভার আলোচনাধ্বনি চলে গেল বহু দূরে । চণক দেখতে শেল গৃধর মতো বক্রচক্ষু এক গিরিশৃঙ্গ । নগ্ন । শস্যশ্যামল নয় । দিন শেষ হয়ে আসছে । অদূরে পশ্চিম দিকে মুখ করে তমালতরুর মতো কে একজন দাঁড়িয়ে । তরু না মানুষ ? মানুষ না তরু ? অন্তাচলে সূর্য অগ্নি বমন করছে : 'সংযত হও হে জ্ঞানী, ছিন্নমূল করো বাসনাকে, জন্মভয়, ব্যাধিভয়, জরাভয়, মৃত্যুভয় সমস্ত পার হয়ে বিমুক্ত হও । বিমুক্ত হও ।' যেন তার কানের খুব কাছে মন্ত্রধ্বরে কে আবৃত্তি করছে । তিনিই । সেই মানুষটিই । তাঁর কণ্ঠ মৃদু, অথচ তা সমস্ত কোলাহল ছাপিয়ে যাচ্ছে, ছাপিয়ে যাচ্ছে । আর কিছুই সে শুনতে পাচ্ছে না । দেখতে পাচ্ছে না । ঘরের মধ্যে কুলকুমারদের গোষ্ঠী ? নেই । উজ্জ্বল মণিদীপের আলোয় কৃষ্ণবসনা সুন্দরী ? নেই । চণক একলা দাঁড়িয়ে আছে আদীপ্ত অগ্নিবলয়ের মাঝখানে । অদূরে এক তমালতরু মাত্র সঙ্গী ।

কতক্ষণ এভাবে সে ছিল কে জানে ! যখন সচেতন হল, ঘরে বোধিকুমার আর শ্রীমতী ছাড়া আর কেউ নেই । বোধিকুমারের উদ্বিগ্ন মুখ তার চোখের সামনেই । তাকে তাকাতে দেখে বোধিকুমার বলল, 'কী হয়েছিল হঠাৎ চণক ভদ্র ? আমরা তো ভিষক্ ডাকতে পাঠালাম । সভা ভেঙে গেল । সবাই যে যার গৃহে চলে গেল, ভিষক্ আনতে গেছে চন্দা, শ্রীমতীর প্রধানা দাসী ।'

চণক বলল 'কিছু তো হয়নি । আসলে আমি... অর্থাৎ আমার স্মৃতি একটি বিশেষ দৃশ্যে, না বোধ হয় দৃশ্য নয়, অনুভূতি... কিংবা তাও নয়... নাঃ আমি শুধু শুধু আপনাদের বিরক্ত করছি ।'

শ্রীমতী বোধিকুমারের দিকে তাকিয়ে বলল, 'আমি আপনাকে তখনই বলেছিলাম ভদ্র বোধিকুমার, এ কোনও অসুখ নয় । অসুখে মানুষ এমন মেরুদণ্ড সোজা করে ধ্যানের ভঙ্গিতে বসে থাকতে পারে না । চোখের দৃষ্টি ওরূপ আবৃত হয় না । ঔঁর হাতের ভঙ্গি দেখুন । আঙুলগুলি দেখুন । আমি বলছি বুদ্ধকথা শুনে উনি সোতাপন্ন হয়েছেন ।' তার কণ্ঠে গভীর সন্ত্রমের সুর ।

চণক চকিত হয়ে বলল, 'সোতাপন্ন ? স্রোতাপন্ন ? সে কী ভদ্রে ?'

এতক্ষণে শ্রীমতী পূর্ণ দৃষ্টিতে তার দিকে তাকাল । তার চোখ দুটি সজল । সে বলল, 'আর্য, বুদ্ধের উপদেশবাণীর এমনই মহিমা যে সং ব্যক্তি শুনলেই হৃদয়ের মধ্যে কেমন সর্ব-ঔলটপালট হয়ে যায় । জীবনের অসারতা সম্পর্কে জ্ঞান জন্মায় । সন্ধর্মের অন্তরে প্রবেশের এই প্রথম দুয়ার ।'

'তুমি কোথা থেকে জানলে ?' বোধিকুমার সবিস্ময়ে প্রশ্ন করল ।

'আমার একটি দাস অনুচিন্ত, একদিন বেলুবনে গিয়েছিল । তথাগত বুদ্ধকে দেখে সে মুগ্ধ হয় । তারপর প্রতিদিনই সন্ধ্যায় ছুটি চাইত । একদিন সকালে চন্দা এসে সংবাদ দিল, অনুচিন্ত নিজের ঘরে ধ্যানমগ্ন হয়ে রয়েছে । আমি দেখতে গেলাম । ঠিক চণক ভদ্রের মতো ।... অনুচিন্ত পব্বজ্যা নেওয়ার অনুমতি চাইল সকাতরে ।'

বোধিকুমার বলল, 'তুমি দিলে ?'

'না দিয়ে কেমন করে পারব ভদ্র ?'



‘দেখো, ও হয়ত দাসত্ব থেকে মুক্তি পাবার জন্য একটা ভান করল।’

‘আপনি তো চণক ভদ্রর অবস্থা দেখলেন, ভান বলে মনে হল কী?’

বোধিকুমার মাথা নেড়ে বলল, ‘চণকের কথা স্বতন্ত্র। তিনি উচ্চশিক্ষিত। উচ্চ পদে নিযুক্ত।

উদীয়চবংশজাত ব্রাহ্মণ।’

‘আমার দাসটি অশিক্ষিত, নীচ পদে নিযুক্ত, নীচ কুলজাত হলেও তারও এই একই ভাব আমি দেখেছি, একদম এক। বোধি ভদ্র আপনি যদি অনুগ্রহ করে গিয়ে ভিষক্কে আসতে নিষেধ করে আসেন বড় ভাল হয়। ভিষক সন্নতি বড় ক্রোধী। অकारণে আসতে হলে ক্ষিপ্ত হবেন। পরে প্রয়োজন হলে আর তাঁকে ডেকে পাবো না।’

বোধিকুমার একবার শ্রীমতীর দিকে তাকাল। আর একবার চণকের দিকে। তার পরে বেরিয়ে গেল। যাবার সময় প্রান্তরের বাঁক ফিরতে ফিরতে বলে গেল, ‘আমি আর তাহলে আজকে ফিরছি না শ্রীমতী, তুমিই চণক-ভদ্রকে গৃহে পাঠাবার ব্যবস্থা করো।’

চণক চুপচাপ বসে। শ্রীমতী তার সামনে। সে-ও চুপ। কিছুক্ষণ পর সে ধীরে ধীরে তার বীণাটি তুলে নিল। মুরলী নেই, মুরজ নেই, পটহ-মন্দিরা কিছুই নেই। শ্রীমতীর আঙুলগুলি লঘু স্পর্শে সঞ্জীবিত করে যাচ্ছে শুধু বীণার তারগুলিকে। প্রথমে সুরগুলি শুধু লক্ষ্যহীন ঘূবে বেড়ায় শ্রীমতীর কোণে কোণে। কখনও অনুরণন মাত্র রেখে চুপ করে যায়। তার পর ক্রমশই তারা ধীর থেকে দ্রুত, মন্দ্র থেকে তীক্ষ্ণ, গভীর থেকে করুণ হয়ে উঠতে লাগল। বাদিকা যেন অনেকগুলি পথের সংযোগস্থলে দাঁড়িয়ে উদ্ভাস্ত হয়ে পড়েছিল। এখন পথ খুঁজে পেয়েছে। বহুক্ষণ পরে একজন দাসী চন্দনকাঠের ফলকে আহাৰ্য নিয়ে এলো। আর একজন রুপোর ভূঙ্গারে জল। মুখ হাত ধোবার পাত্র। চণক বিনা বাক্যব্যয়ে হাতমুখ ধুয়ে নিল। ফলকের ওপর রুপোর থালায় নানাপ্রকার ফল, ক্ষীরমণ্ড, দুধ। আজ পূর্ণিমা। শ্রীমতী উপোসথ পালন করে। চণকের বর্তমান অবস্থায় সে তার ফলাহারই প্রশস্ত মনে করেছে।

খাদ্যে হাত দিতে গিয়ে হঠাৎ চণক হাত গুটিয়ে নিল। ‘তোমার আহাৰ্যও আনতে বলা ভদ্রে!’

শ্রীমতী একবার ইতস্তত করল। কুলত্বীরা পুরুষদের পরেই খায়, নইলে পাপস্পর্শ করে সে শুনেছে। কিন্তু সে তো কুলত্বী নয়। মৎস্য-মাংস থেকে মদ্যপানেও তো সে পুরুষকে সঙ্গ দিয়ে থাকে। তার ইস্তিতে দাসী তার জন্যও একটি থালি নিয়ে এলো। দু’জনের আহাৰ্য শেষ হলে শ্রীমতী মুখ নিচু করে বলল, ‘শিবিকা প্রস্তুত আছে। ভদ্র এখন গৃহে ফিরে যেতে পারেন। সঙ্গে আমার দাসেরা যাবে। তাঁর অশ্বটিকেও তারা পৌছে দেবে।’

চণক ধীরে ধীরে বলল, ‘আজ যদি শ্রীমতীর গৃহেই থাকি।’

‘সে কী?’ শ্রীমতী চমকে মুখ তুলে তাকাল। আজ তার উপোসথের দিন। সে বারবধু হতে পারে তবু উপোসথের সংযম পালন করছে আজকাল।

চণক বলল, ‘আজ চণক শ্রীমতীর কাছে প্রার্থী। সে কি ফিরে যাবে?’ তার দৃষ্টিতে এখনও স্বাভাবিকতা ফিরে আসেনি। কথাগুলি সে যেন যত্নের মতো বলল।

‘ভদ্র, আপনাকে যে তথাগত বুদ্ধ শ্রমণ করেছেন! শুধু বুদ্ধ-প্রসঙ্গ শুনেই যিনি সৌভাগ্য হন তিনি অতি উচ্চমার্গের মানুষ। তাঁকে বিপথগামী করলে মহাপাপ হবে আমার।’

চণক ধীরে ধীরে বলল, ‘কী পথ, আর কী বিপথ আমাকে আগে নিজ চেষ্টায় জানতে হবে যে শ্রীমতী! তথাগত বুদ্ধ আমাকে শ্রমণ করেছেন কি না জানি না, স্রোতাপন্ন হয়েছি কি না তাও জানি না। তবে শুধু বুদ্ধ-প্রসঙ্গ শুনেই আমার ভাবান্তর হয়নি। গৃধকূট শিরে আজ শ্রমণ অস্‌সজির সঙ্গে দেখা হয়েছিল। তিনি অপূর্ব ভঙ্গিতে আমাকে আদিস্তপরিয়ায় সুস্ত শোবালেন। ওই সুস্ত নাকি তাঁরা গয়াশিরে স্বয়ং শ্রমণ গ্যোতমের কাছে শুনেছিলেন। তার পর থেকেই আমার ভেতরটা কেমন স্তব্ধ হয়ে আছে। কিন্তু শ্রমণ অস্‌সজির উচ্চারণের মহিম্ম বা স্তব্ধতার বাণীর কাব্যসৌন্দর্য মানলেও, অন্তাচলের যে অরুণবর্ষ দীপ্ত আকাশ দেখে ওই সুস্ত শ্রমণ আমায় শোবালেন, সেই পশ্চিমাকাশের অন্তর্যগকেও আমি সৌন্দর্যে কিছুমাত্র ন্যূন দেখি না। বস্তুত এই পৃথিবী, এই ভূমি, ওই আকাশ, উষাকাল, গোধূলি, সন্ধ্যারাত্রি, এই সবই আমায় প্রতিনিয়ত গভীরভাবে মুগ্ধ করছে। এগুলির কি

কোনও অর্থই নেই ? কোনও মূল্যই নেই ?' চণক যেন হাহাকার করে উঠল, 'শ্রীমতী', সে বলল, 'আমাকে এই অনভিপ্রের স্তব্ধতার যন্ত্রণা থেকে মুক্তি দাও । ওই সুস্তের মোহজ্বাল ছিন্ন করো' । ছিন্ন করো ।' দেহযন্ত্রের ভেতর থেকে যেন তার আর্তস্বর এতক্ষণে বেরিয়ে এলো ।

তখন শ্রীমতী উজ্জ্বল শ্যামলবরণ একটি ছোট্ট পক্ষিগণের মতো উড়ে এসে চণকের বিস্তৃত বক্ষপটে আশ্রয় নিল । তার রক্তবর্ণ উত্তরীয়টি মাটিতে লুটোতে লাগল । তার বসনের সোনার কুসুমগুলি দীপালোকে চমকে চমকে উঠতে লাগল । তার প্রধানা পরিচারিকা চন্দা তাদের সুবাসিত শয়নকক্ষে নিয়ে গেল । যুথী মালিকার গন্ধে, চন্দনচূর্ণের গন্ধে ঘরটির অভ্যন্তর যেন তুবিত স্বর্গতুল্য বোধ হতে লাগল । চণক বলল, 'শ্রীমতী তোমার বক্ষের পুষ্পস্তবক এই কি সদ্য প্রস্তুটিত হল ? তুমি কোন আকাশের পূর্ণিমা যেখানে এমন যুগল চাঁদের উদয় হয় । এই উদর, এই শ্রোণী কি রক্তমাংসের ? এ যে সুখস্পর্শে ফুলের পাপাড়িকেও হার মানায় ! গুষ্ঠাধরে কি মধুভাণ্ড লুকিয়ে রেখেছ প্রিয়ে !' বলে সে পরম সমাদরে শ্রীমতীকে আলিঙ্গন করে তার গুষ্ঠাধরে যেন সম্পূর্ণ লুপ্ত হয়ে যায় । রাত যত বাড়ে তার বিস্ময় তত তীব্র, চূষন তত আগ্রাসী, আলিঙ্গন ততই গাঢ় হয়ে ওঠে । সে যেন চূষন দিয়ে এই রমণীর সমস্ত অঙ্গ অভিষিক্ত করতে চায় । মাঝে মাঝে মুখ তুলে সে তদগত হয়ে বলে, 'কী অপরূপ এই পৃথিবীর দিনগুলি, ওই আকাশ থেকে নামা ত্রিয়ামা রজনী, এই নারী ! কোথা থেকে এত সৌন্দর্য তুমি পেলে নারী !'

শ্রীমতী মৃদু মধুর কণ্ঠে বলল, 'নারী যদি সুন্দর হয়, তবে পুরুষ তুমি সুন্দরতর । কী বিস্ময় এই উন্নত শালতরুর মতো আকারে, মগ্নিময় ফলকের মতো এই বক্ষপটে, ন্যাগ্রোধকাণ্ডের মতো এই বলশালী রুক্ষ জঙ্ঘায় । দেবতাদের এক আশ্চর্য সৃষ্টি তুমি পুরুষ । আমি কখনও শব্দদেবকে দেখিনি, দেখিনি বরুণ, অগ্নি বা ঈশানকে । কিন্তু তোমাকে দেখে যেন মনে হয় দেখেছি । দেখেছি । জেনেছি ।'

যৌবনরহস্যের অনির্বচনীয় আনন্দের তরঙ্গভঙ্গে দোলায়িত হতে লাগল কাত্যায়ন চণক । এ-ও এক আদীপ্ত অগ্নিসম অনুভূতি । আদীপ্ত অঙ্গগুলি, আদীপ্ত রক্তস্রোত, আদীপ্ত হৃদয়, মস্তিষ্ক, চিন্তাস্রোত । কিন্তু হতাশনে সব জ্বালিয়ে দিচ্ছে না তো । উখিত হচ্ছে না তো জন্মভয়, জরাভয়, মৃত্যুভয় । বরং তুচ্ছ হয়ে যাচ্ছে সব । মৃত্যু এলে বুঝি মনে হবে এক দিন, অন্তত এক দিনও বড় দীপ্ত বাঁচা বেঁচেছিলাম । তার জন্য জরার মূল্য কি দেওয়া যায় না ? এই আদীপ্ত প্রভাময় আনন্দের জন্য বারবার বহুবার সহস্রবার লক্ষবার তুমি দেবরাতপুত্র কাত্যায়ন চণককে জগতে পাঠিও হে ঈশ ।

১৩

রাতের দ্বিতীয় যাম উত্তীর্ণ হয়েছে । স্তব্ধ নগরীর ওপর দিয়ে পূর্ণিমার চাঁদ অস্ত যাচ্ছে । অলৌকিক আলোয় নগরী যেন আর এ পৃথিবীর নগরী নেই । নাগরিকদের যাতায়াত নেই । পশুগুলি যে-যার বেষ্টনীতে শব্দ করছে না । নিশাচর পাখিগুলিও আজ বোধ হয় ঘুমিয়ে পড়েছে । এমন কি দক্ষিণ বনপ্রান্ত থেকে মাঝে মাঝেই যে শৃগালের কিং তরঙ্গুর তীক্ষ্ণ ডাক ভেসে আসে, তাও বুঝি শোনা যাচ্ছে না । বেণুবনের সৌন্দর্য এমনিতেই অপরিসীম । আজ এই পূর্ণিমা রাতে তা অলৌকিক হয়ে উঠেছে । কিন্তু কিংশুক বক্ষমূলে উপবিষ্ট শ্রমণা তা দেখছেন না । তাঁর চোখ দুটি মূর্তিত । তাঁর মস্তক মুণ্ডিত । পরিধানে ত্রিচীবর—অস্তর্বাসক, উত্তরাসক (বহিবাস), সংঘাটি বা পাঁচ হাত লম্বা চার হাত চওড়া একটি দোপাট্টা কাপড় । তা ছাড়াও ভেতরে তিনি পরে আছেন সংকঙ্কিম বা বক্ষাচ্ছাদনী । যা সংঘের সবাইকার সাধারণ সম্পত্তি । সেই স্বন পাবুরন বা পুরো শরীর ঢাকা বস্ত্রও তাঁকে একটি স্বতন্ত্র দেওয়া হয়েছে । শ্মশানে পরিভ্রমণ বস্ত্রস্তূপ থেকে সংগৃহীত বস্ত্রখণ্ড নিজেই সেলাই করে চীবর পরিধানই বিধেয় । কিন্তু এই শ্রমণার সঙ্গে সঙ্গে ভিক্ষুগীসংঘে বহুবিশি চীবরবস্ত্র এসেছে । তিনি আচার্য্যর কাছ থেকে কোসেয়া বা রেশমী চীবর পেয়েছেন । গাঢ় গৈরিক, প্রায় রক্তবর্ণ সেই চীবরবস্ত্রের মধ্য থেকে শুধু তাঁর গলিত সোনার বর্ণের মুখমণ্ডল ফুটে রয়েছে । তাঁর আচার্য্য ছিলেন স্বয়ং দেবী মহাপ্রজাবতী । মুণ্ডিত মস্তকে, গৈরিক বস্ত্রে তিনি তিনবার

বিনীতভাবে প্রব্রজ্যা প্রার্থনা করলেন। আচার্য্য তাঁর নাম, বয়স, তিনি স্বামীর অনুমতি পেয়েছেন কি না ইত্যাদি কয়েকটি প্রশ্ন করলেন। উত্তরে সন্তুষ্ট হবার পর তিনবার ত্রিশরণ মন্ত্র উচ্চারণ করতে হল। তিনবার দশশীল মন্ত্র পাঠ করালেন খেরী মহাপ্রজাবতী। শ্রাণিবধ করবে না, অদস্তাদান গ্রহণ করবে না, অত্রক্ষার্চ্য থেকে বিরত থাকবে, মিথ্যা কথা বলবে না। সুরাপান করবে না। বিকাল ভোজন করবে না। নৃত্য-গীত-বাদন থেকে বিরত থাকবে। মাল্য-গন্ধ-বিলেপন, চুষণধারণ থেকে বিরত থাকবে, সুখশয্যা গ্রহণ করবে না। স্বর্ণ রৌপ্য প্রভৃতি গ্রহণ করবে না। সেই সঙ্গে চারটি বিষয়ে সতর্ক হবার নির্দেশ দিলেন আচার্য্য। চীবর, পিশুপাত অর্থাৎ ভিক্কার অন্ন, শয়নাসন বা বাসস্থান এবং ভৈষ্য বা ঔষধ। হরীতকী এবং গোমূত্র দ্বারা প্রস্তুত ঔষধই ভিক্ষু-ভিক্ষুণীদের পক্ষে সেবনীয়। প্রত্যেকটি কর্ম অর্থাৎ চীবর পরবার সময়ে, ভিক্কার গ্রহণ করবার সময়ে, শয়ন-স্থান নির্বাচন করবার সময়ে নিজেকে প্রশ্ন করতে হবে—চীবরটি নিয়মমতো সংগ্রহ করা হয়েছে তো ? এই ভিক্ষাম্বে লোভকে প্রশ্রয় দেওয়া হয়নি তো ? ভোজন শুধু শরীররক্ষার জন্য। শয়নস্থান নির্বাচনেও বিবেক ও নির্বেদের পরিচয় দিতে হবে। সবই শুনে গেছেন, বলে গেছেন শ্রমণা। কিন্তু স্বয়ং দেবী মহাপ্রজাবতী যখন প্রসন্ন পূর্ণচন্দ্রের মতো স্মিত মুখে তাঁকে 'এই ভিক্ষুণী', বলে আহ্বান করলেন তখন থেকেই শ্রমণা ধ্যানস্তিমিত হয়ে রয়েছেন। এই ধ্যান কিন্তু ঠিক উর্ধ্বলোকে, কোনও উচ্চ অনুভূতিতে হারিয়ে যাওয়া নয়। শ্রমণা চিন্তের গহনে স্থির হয়ে জানবার চেষ্টা করছেন সুখ কী ? দুঃখের কী স্বরূপ ? জরা কেন ? কী ও কেন ? মনে মনে নিজেই সহস্র প্রশ্ন করছেন, সহস্রবার উত্তর দিচ্ছেন নিজেই। কর্মফল ভোগ করবার জন্যই তো মানুষ জন্ম নেয়। যে কর্ম থেকে ক্ষত্রিয়ানী, রাজ্ঞী জন্মায় সে নিশ্চয় সুকর্ম। আবার যে কর্ম থেকে দুঃখী রাজ্ঞী জন্মায় তা কি কখনও সংকর্ম হতে পারে ? সুখী চণ্ডালিনীর অতীত কর্ম সুন্দর না দুঃখী রাজ্ঞীর অতীত কর্ম সুন্দর ? চণ্ডালী জাতিতে হীন, সমাজে অনাদৃত, ব্রাহ্মণরা হয়ত তার ছায়া মাড়াবেন না। তাকে অধেবাতে অর্থাৎ তাঁর দিক থেকে যে বাতাস বইছে সেইটে ধরে যেতে বলবেন। এই চণ্ডালিনী হয়ত শবদাহিকা। কিংবা শবদাহের কাজে স্বামীকে সাহায্য করে। কিন্তু অন্য সময় সে যখন পরিষ্কার বসন পরে, হাতে পায়ে গলায় নানা প্রকার পিতলের গহনা পরে, মাথায় রক্তকুসুম, গলায় গন্ধপুষ্পের মালা পরে, পরিষ্কৃত, বীরপুরুষের মতো শোভন তার স্বামীর গাত্রলগ্ন হয়ে রাজমার্গের একধারে দাঁড়িয়ে দাঁড়িয়ে শোভাযাত্রা দেখে, সে যে চণ্ডালিনী তা দেখে বোঝা যায় না। হতে পারে কারও বাড়ির ভৃত্যিকা, কি ক্রীতদাসী, হতে পারে স্বাধীন কোনও পর্ণিকা। সে নিজে বলে উঠল, তাই তিনি জানতে পারলেন !

'ওমা, ওমা, অমন রুপসী রানি, কিসের দুঃখু গা যে অমন করে মাথা মুড়িয়ে সন্নিসি হতে চলল ? আমি তো চাঁড়ালের ঘরে জন্মেছি। কই বাপু আমার তো অত দুঃখু নেই। বলো গো !' বলে সে তার চণ্ডাল স্বামীর দিকে মুখ তুলে তাকাল, তার স্বামী তাড়াতাড়ি তার মুখে হাত চাপা দিয়ে দূরে সরে গেল।

বেণুবন থেকে আধ ক্রোশ মতো দূরে স্বর্ণমণ্ডিত শিবিকা থেকে নেমে পদব্রজে তিনি যাচ্ছিলেন। দু'ধারে দাঁড়িয়ে দলে দলে নগরবাসী। কেউ জয়ধ্বনি দিচ্ছে, কেউ পুষ্পবৃষ্টি করছে, কেউ উত্তরীয়-প্রাশু দিয়ে চোখ মুছছে, কেউ হাত জোড় করে নমস্কার করছে। তাঁর মনে হচ্ছিলো রাজমার্গ নয় তিনি মহামার্গ দিয়ে চলেছেন। মহাজন মার্গ দিয়ে চলবার অধিকার তারাই পায় যারা নিজেরাও মহাজন। একটা গভীর প্রসন্নতায়, শান্ত গৌরববোধে সমাহিত থেকে তিনি ধীরে ধীরে পা ফেলাচ্ছিলেন। এমন সময় তীব্র বেসুর বেজে উঠল নিস্তব্ধ রাজপথে—'কিসের দুঃখু গা ওর, যে অমন করে মাথা মুড়িয়ে সন্নিসি হতে চলল !' মেয়েটি কি তাঁর মুখের প্রসন্নতা, গতিভঙ্গির শান্ত, দৃঢ় সংকল্প— কিছু দেখতে পায়নি ! সে কি তাঁর প্রসন্নতাটাকে ছদ্ম আবরণ মনে করেছিল ? তাই এক টানে তাকে খুলে ফেলে তাঁর মর্মস্থলে তার অনার্য-দৃষ্টি, অ-সভ্য, অকপট দৃষ্টি বিধিয়ে দিল !

তাই তিনি জ্যোৎস্নাপ্রাণিত বেণুবনে রাত্রির দ্বিতীয় যামে কিছুকিছু বৃক্ষছায়ে বসে মুদিত নয়নে ভাবছেন কী সেই জটিল কর্মতত্ত্ব ! কবে এসব দুরূহ তত্ত্বের মীমাংসা তিনি করতে পারবেন ! তথাগত কবে তাঁকে উপসম্পদা দেবেন ? কবে তিনি স্কৃদাগামী মার্গে প্রবেশ করবেন ? ভবচক্রে আবার না ফেরার সাধনার চেয়েও বেশি তাঁর কাছে ভবচক্রের কারণ জানা, কর্মফলের মর্মেদ্ধার করা। বড়

জটিল গণিত'। এই দুর্ভাগ্য অঙ্ক তাঁকে কবে বের করতে হবে। ইতিমধ্যে সংঘের অন্যান্য শ্রমণারা চেয়ে থাক তাঁর দিকে অবাক চোখে। ফিসফিস করে বলাবলি করুক, 'প্রথম দিনেই ইনি যে দেখি ধ্যানের মধ্যে ডুবে কোথায় হারিয়ে গেছেন। রাজরানি। কোমল সাত স্তর শয্যা ছাড়া শোননি কোনওদিন! দেখো কঠিন মুৎ-বেদীতে কেমন নিরুদ্ভিগ্ন বসে আছেন। আহা সংঘটিটি বিছিয়েও বসেননি!'

'সত্যি। আচ্ছা আজ তো রাজবাড়ি থেকে ভিক্ষা এসেছে। কাল? কাল উনি কী করে ভিক্ষায় বার হবেন? এই নগরীতেই তো রানি ছিলেন। সোনার শিবিকায় অশ্বারোহিণী রক্ষিণী নিয়ে বেরোতেন।' একজন ভাবকল্পিত কণ্ঠে বললেন, 'দ্যাখো ধ্যান থেকে চট করে ওঠেন কি না। উঠলে তো ভিক্ষায় বেরোবেন! দেখে তো মনে হচ্ছে ইনি তথাগতর মতো সেই মহা সঙ্কল্প করেছেন

ইহাসনে শুষায়ু মে শরীরং

ভৃগস্থিমাংসং প্রলয়ঞ্চ যাতু

অপ্রাপ্য বোধিং বহুকল্পদুর্লভাং

নৈবাসনাৎ কায়মতশ্চলিষ্যতে ॥

'দুর্লভ বোধিষ্ঠান না লাভ করে ইনি যদি উঠতে না চান। সত্যি সত্যি যদি ভ্রুক অস্থি মাংস সব শুকিয়ে খসে পড়ে যেতে থাকে, আমরা কী করব?'

থেরী চিন্তা বেরিয়ে এসেছেন। 'তোমরা ভিক্ষুণীরা এত রাগে এত কী বকবক করছ? হয় ধ্যান করো, নয় নিদ্রা যাও।'

'না, না, সমনা খেয়ার কথা বলছিলাম, ভাবছিলাম।'

'সমনা খেয়ার কথা বলতে হবে না, ভাবতেও হবে না, নিজেদের কর্মস্থানগুলি নিয়ে চিন্তা করো। যাও, যাও বলছি!' থেরীর কণ্ঠে ভৎসনার সুর।

যামভেরীর শব্দে মহিষী কোশলদেবীর ঘুম ভাঙল। আজ সারা দিন নানা কাজকর্মে গেছে। পোষধের দিন। এমনতেই অল্প কথা বলা, বসন-ভূষণের অতিরিক্ত পারিপাট্য ত্যাগ, গন্ধদ্রব্য, অনুলেপন, মাল্য এসব থেকে বিরত হয়ে নির্জনে চিন্তা করা, ধ্যান করা, এই তাঁর অভ্যাস। পূর্ণিমা, অমাবস্যা, শুক্লাষ্টমী ও কৃষ্ণাষ্টমীতে পোষধ পালন করেন তিনি। কিন্তু মহাদেবী ক্ষেমার প্রব্রজ্যা গ্রহণ উপলক্ষ্যে বহুবিধ দান, দরিদ্র-ভোজন, তারপর বৃক্ষসংঘে বহুপ্রকার উপহার যেমন চীবরের জন্য বস্ত্রাদি, আসন্ন শীতের জন্য বিশেষ করে রক্তকঙ্কাল, শুষ্ক খাদ্য নানাপ্রকার, নবনীত, তৈল, ঘৃতাদি, ঔষধের জন্য বহু তাম্র পাত্র, ভেষজ পাঠানো হল। স্বয়ং কোশলদেবীকে উপস্থিত থেকে সব কিছু করাতে হয়েছে। দেবী ক্ষেমা তাঁর সপত্নী হলেও তাঁর বিরহে তিনি একেবারে ম্রান হয়ে গেছেন। সুবদুঃখের কথা বলবার মানুষ রাজপুরীতে কই! ক্ষেমা ছিল, যদিও সে অল্প কথা বলত, নিজের প্রাসাদে নিজের গৃহপালিত বিড়াল, ময়ূর-ময়ূরী, শুক-সারী নিয়েই থাকতে ভালোবাসত, তবু তার সঙ্গে কোশলদেবীর অন্তরের যোগাযোগ ছিল। আর কারও সঙ্গে তেমনটা নেই। তাই দেবী ক্ষেমার প্রব্রজ্যা গ্রহণের উৎসব হিসেবে যা যা করণীয় তিনি নিজের হাতে বা নিজের তত্ত্বারধানে করে গেছেন। যতক্ষণ দেবী রাজপুরীতে ছিলেন ততক্ষণ তার সঙ্গে সঙ্গে ছিলেন। শ্রমের গভীর আবেগে, সংসার-বিরাগে দেবী ক্ষেমা নিজেই নিজের কেশ অর্ধেক কেটে ফেলেছিলেন। নহাপিতনীকে দিয়ে সুন্দর করে ঠেছে পরিষ্কার করে দিতে হল, কী দীর্ঘ, অপরূপ কেশদাম, সে একবার ফিরেও দেখল না, সহচরীরা সেই কেশ নিয়ে নিল। যারা অল্পকেশ তাদের জন্য নাকি কবরী প্রস্তুত করবে। একটি গৈরিক পাটের বস্ত্র পরে সে এখান থেকে গেল। কোনও প্রয়োজন ছিল না। সংঘে গিয়েই মস্তক মুণ্ডন করতে পারত। সেখানে আচার্য্যর কক্ষ থেকে তিনি যেমন দেবেন তেমনই চীবর তো গ্রহণ করতেই হবে। চীবর, কায়বন্ধ, বাসিন্দা ছোট স্কুর, সূচ ও পরিশ্রাবণ। কিন্তু ক্ষেমা রাজপুরীতেই কেশ ফেলে দিল, অলঙ্কারগুলি সবাইকে ঝিলিয়ে দিল, শ্বেত কাপিক বস্ত্রে সোনার ফুল ছিল, সে বস্ত্রও পরিত্যাগ করল। তার কাষায়বাসিনী, মুণ্ডিতকেশা, প্রব্রাজিকা মূর্তি সে কি রাজপুরীর সবাইকে দেখিয়ে যেতে চেয়েছিল। নাকি রাজ্ঞীর বেশ ত্যাগ করতে তার আর বিলম্ব

সইছিল না।

পোষাঘে সর্ববিধ সংযম পালনীয়। কিন্তু মহারাজ বিধিসার যখন রাত্রি হতে না-হতেই কোশলদেবীর গৃহে প্রবেশ করলেন, তিনি পোষাঘের কথা মনে করিয়ে দিতে পারেননি। মায়া হয়েছিল। সারাক্ষণ, যতক্ষণ তিনি কাজে ব্যস্ত ছিলেন, সকালে ব্যায়াম ও স্নানান্তে সভায় যাওয়া, সেখান থেকে ফিরে দ্বিতীয়বার বেশ পরিবর্তন করে দরিদ্র-ভোজনাদির তত্ত্বাবধান করা, দানযজ্ঞ সমাপন করা, মহাদেবীকে শিবিকায় তুলে দিয়ে তাঁর অনুগমন করা, সারাক্ষণই তাঁর মুখে হাসি ছিল। মহারাজের হাসি বহু প্রকার। কোশলদেবী অল্প বয়স থেকে দেখে আসছেন, তিনি চেনেন সব হাসিগুলি। রাজার মুখে হাসি ছিল, উদ্ভাস ছিল না। ওষ্ঠাধর হাসিছিল, চোখ দুটি ছিল ভাবহীন। কর্মচঞ্চলতা প্রকাশ পাচ্ছিল তাঁর হাবে-ভাবে। কিন্তু রাত্রিতে সাগমশ সমাধা করলেন যখন, প্রায় কিছুই স্পর্শ করলেন না। তারপর তাঁর কিছু নিভৃত রাজকার্য ছিল, কুটকক্ষে গেলেন। কোশলদেবীও নিজের কক্ষে প্রবেশ করলেন, আজ পল্যাঙ্কে শয়ন করবেন না, মেঝের ওপর স্থূল কয়লাশয়া প্রস্তুত করে দিয়ে গেছে দাসীরা। এমন সময়ে মহারাজ প্রবেশ করলেন। তাঁর মুখের ওপরের ত্বকটি, যা সর্বসাধারণের জন্যে, সেটিকে যেন তিনি ফেলে রেখে এসেছেন, মুখ কালিবর্ণ। ওষ্ঠাধরে হাসির লেশও নেই। বললেন, 'দেবী, আজ আমি তোমার গৃহেই রাত কাটাব।' তিনি লক্ষ করেননি হর্ম্যতলে সংযমীর শয্যা বিছানো।

'নিশ্চয় মহারাজ', কোশলদেবী তাঁকে হাত ধরে নিয়ে এলেন। পল্যাঙ্কে বসিয়ে সুবাসিত জলে মুছিয়ে দিলেন পা দুটি। দাসীদের আসতে নিষেধ করলেন। মহারাজের শয়নবস্ত্র এনে দিলেন। পরতে সাহায্য করলেন। এবং দীপের আলো আরও কমিয়ে দিয়ে সস্তর্পণে তুলে ফেললেন নিজের সংযমশয্যা।

মহারাজ নিশ্চয় খুব ক্লান্ত ছিলেন। শোয়া মাত্রই ঘুম তলিয়ে গেলেন। একটি হাত বৃকের ওপর ছিল, কোশলদেবী সেটি নামিয়ে রাখলেন। শান্তভাবে শুয়ে রয়েছেন মহারাজ। প্রকৃতই ঘুমোচ্ছেন, না জেগে স্তব্ধ হয়ে আছেন বোঝা যাচ্ছে না। মৃদু দীপ ছলতে লাগলো, কোশলদেবী ধীরে ধীরে কখন ঘুমিয়ে পড়েছেন।

এখন যামভেরীর শব্দে ঘুম ভেঙে মনে হল সমস্ত ঘরটা যেন হা-হা করছে। প্রশস্ত শয্যার অপরপ্রান্তে তো রাজা নেই। মৃদু দীপ মৃদুতর হয়ে গেছে। ঘরে বড় বড় ছায়া। কী এক অমঙ্গল আশঙ্কায় কোশলদেবী উঠে বসলেন। হাত জোড় করে নমস্কার করলেন ইন্দ্র, বরুণ, অগ্নি, অশ্বিনীদ্বয়, যম, ঈশান এবং সবশেষে তথাগত বুদ্ধকে। 'রক্ষা করো, রক্ষা করো', মৃদুকণ্ঠে প্রার্থনা জানানলেন, তারপর একটি উদ্ভীরীয়ে মাথা ও শরীর ঢেকে বেরোলেন। প্রতিহারীরা দাঁড়িয়ে আছে। মহাদেবী জিজ্ঞাসা করলেন, 'মহারাজ কোথায়?'

'বোধ হয় উদ্যানে দেবী।'

'বোধ হয়। বোধ হয় কেন। সঙ্গে যাওনি।'

সন্ত্রস্ত হয়ে একজন বলল, 'সঙ্গে আসতে নিষেধ করলেন।'

সোপানশ্রেণী বেয়ে দ্রুত নিচে নেমে গেলেন কোশলদেবী। স্থানে স্থানে প্রতিহারীরা ভুল হাতে দাঁড়িয়ে। কেউ কেউ দাঁড়িয়ে দাঁড়িয়েই ঘুমোচ্ছে। যারা জেগে আছে তারা তাঁকে অভিবাদন করল। কেউ কেউ সঙ্গে যেতে চাইল। হাত তুলে নিষেধ করলেন তিনি। তাঁরপর ধীরে ধীরে কক্ষ থেকে কক্ষান্তর পার হয়ে এসে পৌঁছলেন অন্তঃপুরের বিশাল উদ্যানে। অদূরে ছলছে মালার মতো দীপগুলি। মাঝে মাঝে কয়েকটি নিবে গেছে। বহুক্ষণ পর্যন্ত সেগুলি যতবার নিবে যায় ততবার জ্বালিয়ে দেয় একজন উদ্যান-দীপরক্ষক। কিন্তু সবাই ঘুমিয়ে পড়লে সে নিশ্চয়ই আর অতটা সতর্ক থাকে না। ওটি একটি স্তূপ। প্রথম সম্যক সন্মুখ হয়ে যখন গৌতম রাজগৃহে আসেন, তিনি কলগুণ্ড নিবাপে অবস্থান করছিলেন। সেই সময়ে ঋষিগণ তাঁর পায়ের একটি নখের কাটা অংশ চেয়ে নিয়েছিলেন। অন্তঃপুরের উদ্যানে তারই ওপর চেতা রচনা হয়েছে। অনাড়ম্বর একটি স্তূপ। কিন্তু প্রতিদিন দুবার তাকে বন্দনা করা হয়। প্রত্যুষে মাল্য-চন্দন দিয়ে। সন্ধ্যায় মাল্য-চন্দন এবং দীপ দিয়ে। অন্তঃপুরিকারা অনেকেই এই অর্চনায় নিয়মিত অংশগ্রহণ করে। দূর থেকে, ওপরে

নিজের কক্ষের বাতায়ন থেকে এই দীপমালা দেখতে পান তিনি। মনের ভেতরেও একটি মণিদীপ যেন ছলে ওঠে। আজ সেই স্তূপের পাশে একটি ছায়া দেখলেন। মহারাজ গভীর রাতে একাকী এসে স্তূপের সামনে বসে রয়েছেন। তিনি কি ধ্যানমগ্ন! মহিষী সন্তর্পণে এগিয়ে গিয়ে দেখলেন। না। রাজার চোখ খোলা। তাঁর চোখে কি অশ্রুবিষ্ণু নাকি। সর্বনাশ। না, না। দীপালোক পড়ে চোখ চকচক করছে।

মৃদুস্বরে ডাকলেন তিনি, 'মহারাজ !'

'এসো রানি' মৃদুতর স্বরে বললেন বিহিসার।

পাশে বসে পড়ে দু'হাত ধরে কোশলদেবী বললেন, 'এত রাত্রে। স্তূপে একা। মহারাজ, আপনিও কি সংঘে প্রবেশ করবেন না কি?'

দীর্ঘনিশ্বাস ফেলে বিহিসার বললেন, 'আমি পাপী রানি, আমার সাধ্য কি সংঘে প্রবেশ করি।'

'কে বলেছে আপনি পাপী?'

'রাজাকে তো সে কথা কেউ বলে না, তাকে নিজের হৃদয় দিয়ে জানতে হয় মহাদেবি। কত অসংযম সারা জীবন ধরে, কী অনর্থক ব্যসন, অসামান্য প্রাচুর্য, যুদ্ধ, লোকক্ষয়, বহু মানুষের হৃদয়ে শেল বিদ্ধ করা, আমার পাপের কথা তো বলে শেষ করা যায় না।'

'যুদ্ধ করে অঙ্গরাজ্য জয় করেছেন, ক্ষত্রিয়জনোচিত কর্ম করেছেন। এর মধ্যে পাপের কী হল। যাকে ব্যসন বলছেন, প্রাচুর্য বলছেন, তা রাজার জীবনের অঙ্গ, না থাকলে কেউ সম্মান দেবে না। কর্তৃত্বের অধিকার দেবে না মহারাজ। শ্রমণের যেমন ত্রিচীবর, বেদপন্থী সন্ন্যাসীদের যেমন জটা, অরণ্যের যেমন বৃক্ষ, শূন্যের যেমন নীলাশ্বর, রাজারও তেমন প্রাসাদ, রথ, হাতি, ঘোড়া, সোনা, রূপা, মণিমাণিক্য..'

কোশলদেবীর কথা শেষ হল না। বিহিসার বলে উঠলেন, 'রানি, তুমি তো জানো আমি কত অসংযমী। অস্থপালীর রূপশৃঙ্খলের খ্যাতি শুনে প্রতিচ্ছন্ন বেশে তাকে দেখতে গিয়েছিলাম। তাকে ভালোবেসেছিলাম, সে আমাকে অনুনয় করেছিল, নগরবধুর জীবন থেকে তাকে উদ্ধার করে নিয়ে যেতে, আমি করিনি, লিচ্ছবিদের সঙ্গে যুদ্ধ হবে জেনে পালিয়ে আসি, আমি কাপুরুষ রানি!'

'বৃহত্তর স্বার্থের জন্য তো আপনি ক্ষুদ্রতর স্বার্থ বলি দিয়েছেন মহারাজ, আপনি তো বরং সে জন্য বরণীয়, প্রশংসার্হ। একটু আগেই লোকক্ষয়ের কথা বলছিলেন। আপনার আত্মসুখের জন্য যদি যুদ্ধ লাগত, লোকক্ষয় হত সেটাই তো হত অন্যায়, আর অন্যায় থেকেই তো পাপ।'

'কিন্তু অস্থপালী যে পড়ে রইল সেই পাঁকের মধ্যে।'

'আপনি তো তাকে পাঁকের মধ্যে ফেলেননি মহারাজ। তার ভাগ্য। তার ভাগ্যই তাকে ওই পথে নিয়ে গেছে। অন্ন গণের আশ্রয় সে যদি বহুচারিণী হয়, বছর সেবা করে, সে-ও তো একপ্রকার শূণ্যই।' কোশলদেবীর কঠিন যেন রুদ্ধ হয়ে উঠেছে।

'পৃণ্য। তুমি রাজকুলবধু হয়ে এই কথা বলছ রানি?'

মহারানি কি একটু অপ্রতিভ হলেন! শেষ যামের অন্ধকারে ভালো বোঝা গেল না। কিন্তু একটু পরেই বললেন, 'কেন বলবো না মহারাজ? আপনি অস্থপালীর জীবনের অন্ধকার দিকটায় কথা ভাবছেন, আমি ভাবছি আলোর দিকের কথা। চৌষট্টিকলায় সে পারঙ্গম্য, লিচ্ছবির সর্বাধিকার শ্রেষ্ঠ আচার্য রেখে তাকে পৃথিবীর বিদুষীদের অন্যতম করে তুলেছে, সেই সঙ্গে নৃত্য-গীত-সাহিত্য-কাব্যে সে অতুলনীয়। কত বিদ্বান, পণ্ডিত, কবি, কত বুদ্ধিমান, রচিমান মানুষের সঙ্গে তার জানাশোনা, কত জনের ভালোবাসা, অধিক কি মহারাজ আপনার মতো মানুষের ভালোবাসাও তো সে পেয়েছে। এগুলি কি সৌভাগ্য নয়! আমি আর দেবী ক্ষেমা তো অনেক সময়ে বৃষ্টিয়ন্ত্রীর সঙ্গে এই বিষয়ে আলোচনা করতাম।'

'মহিষী, একটা কথার উত্তর দেবে?'

'যদি জানা থাকে তো নিশ্চয়ই দেবো মহারাজ?'

'দেবী ক্ষেমাকে কি আমি কোনওভাবে অবহেলা করেছি। সেই জনেই কি তিনি..?'

'হাসালেন মহারাজ! নিজেকে এত বড় ভাববেন না। আপনার অবহেলায় প্রব্রজ্যা নেবে কোনও

রমণী ! তাহলে তো অনেকেরই প্রব্রজ্যা নেওয়ার কথা ! শুনুন — বৈরাগ্য একটা দুর্লভ সম্পদ, কোনও দুঃখ থেকে যে বৈরাগ্য উৎপন্ন হয় আমি তার কথা বলছি না । বলছি, আত্মজ্ঞান লাভ করবার তীব্র ইচ্ছা থেকে যে বৈরাগ্য উৎপন্ন হয় তার কথা । দেখলেন না, ক্ষেমা নির্মমভাবে নিজের অত গর্বের কেশদাম কেটে ফেলল, অত আদরের অলঙ্কার, বস্ত্র সব দাসীদের মধ্যে বিলিয়ে দিল । তিন দিন ধরে যে দানযজ্ঞ হল, তার বেশির ভাগই তো ক্ষেমার ত্যক্তবস্ত্র দান । এসব কিছুই ভালো লাগছিল না তার । সে জ্ঞানলাভ করতে চায় । কারণ দিকে দৃকপাত মাত্র না করে সে চলে গেল । সে অনাগামিফল লাভ করুক । আপনি তার জন্য অহেতুক দুঃখ করবেন না ।’

‘আমি তাহলে কেন এত অশান্তি সম্বন্ধে বিরাগী হতে পারি না দেবি !’

‘আপনার যা কর্ম আপনি তাই করুন মহারাজ, যাতে নিযুক্ত রয়েছেন তাই সংভাবে করুন, তথাগত কি বলেছেন অনাগামিফল লাভ করতে হলে ভিক্ষু হতেই হবে ? উপাসকদের দ্বারা তা হবে না ?’

‘না, তা নয় ।’

‘তবে ? চিন্তাবৈকল্য পরিহার করুন মহারাজ ! উঠুন ! ছিঃ !’

বিশ্বিসার ধীরে ধীরে উঠে দাঁড়ালেন, তারপর মহিষীর মুখের দিকে তাকিয়ে বললেন, ‘তুমি আমার স্বস্তি, তুমি আমার সান্ত্বনা, দেবি । এত কথা তুমি কোথা থেকে কখন জানলে ?’

রাজার বাহু ধরে প্রাসাদের দিকে এগোতে এগোতে কোশলদেবী বললেন, ‘অস্থপালীর মতো অতটা না হলেও আমরাও কিছু কিছু জানি বইকি !’

রাজা ক্ষিপ্ত দৃষ্টিতে মহিষীর দিকে তাকালেন । কিন্তু কোনও ভাবান্তর দেখতে পেলেন না । মহিষী বললেন, ‘শুধু আচার্যের শিক্ষাই তো সব নয় মহারাজ ! প্রতিদিন জীবন থেকে, সুখ থেকে, দুঃখ থেকে, কলহ থেকে, সখ্য থেকে অবিরত শিক্ষালাভ করছি । সেই শিক্ষার মূল্য কি অল্প !’ একটু থেমে আবার বললেন, ‘চলুন ।’

ধীরে ধীরে অস্ত্রপুরে প্রবেশ করলেন দু’জনে । আর একটু পরেই ভোর হবে । এখন আর যুমোবার সময় নেই । তার প্রয়োজনও নেই । অদ্ভুতভাবে তাঁর পোষধ পালন হল, ভাবলেন কোশলদেবী । প্রতিহরীরা সন্ত্রস্ত হয়ে নমস্কার জানাচ্ছে । শয়নকক্ষে আর প্রবেশ করলেন না কেউ । পাশেই রয়েছে আরও একটি বিশাল কক্ষ । একটি দোলনায় সুখাসনে বসে দীর্ঘ আলোচনায় রাত ভোর করে দিলেন রাজ-দম্পতি ।

অবশেষে রানি গেলেন স্নানে । বিশ্বিসার গেলেন ব্যায়ামশালায় । মন্ত্রযুদ্ধে মগ্ন হয়ে গেলেন কিছুক্ষণের মধ্যেই । রাত্রির দুঃস্বপ্নের মতো মিলিয়ে যাচ্ছে পাপবোধ, নৈরাশ্য, বিরহযন্ত্রণা, ক্ষণবৈরাগ্য ।

ঘোষক এসে জানাল, দেবী সুমনাকে সাকেতে পৌঁছে দিয়ে রক্ষীরা ফিরে এসেছে । তাদের কাছে মহারাজের জন্য পত্র আছে ।

ঘর্মসিক্ত হাত দুটি মুছে পত্রে হাত দিলেন বিশ্বিসার । পত্র দুটি । একটি সুবর্ণপত্রের মধ্যে গোটানো । আর একটি ভূর্জপত্রে কুঙ্কমরাগ দিয়ে লিখিত । সেই পত্রটিই আগে খুললেন মহারাজ । তাতে লেখা আছে ‘সেনিয়, এখানে পৌঁছে দেখি বল্লমঙ্গলের দিনে সরযুতীরের উৎসবে আমার কন্যাটি এক সেটটি পুষ্টের মালা পরে বসে আছে । সেটটিটি সাবখির । মিস-মিগার । তাঁর গুণধরটির নাম পুন্নবদধন । সুতরাং আবাহ-বিবাহের আয়োজন করতেই হয় । সুমনাকে সারা জীবন অনেক মার মেরেছ । সেই সব পাপগুলির স্থালন হবে যদি বিসাখাকে আশীর্বাদ করতে ভালো ছেলেটির মতো সাকেতে আসো । বরের সঙ্গে আসবেন কোসলরাজ । তাঁর নববধু মল্লিকাদেবীকে নিয়ে, আমার দিক থেকে মগধরাজ না থাকলে সৌম্যরক্ষা হয় না । সঙ্গে আনবে কোসলদেবী, ছেল্লনাদেবী এবং অন্যান্যদের । তোমার অনুচর, রক্ষী, দাস-দাসী, অস্ত্র-পুরিকা-বাহিনীর জন্য প্রাসাদ নির্দিষ্ট করা হচ্ছে । সুমনার মাথার তিনটি পঙ্ককেশের দিবি, এসো ।’—

অন্য পত্রটি ধনঞ্জয়ের । আনুষ্ঠানিক নিমন্ত্রণপত্র ।

বিশ্বিসার সুমনার পত্রটি আবার পড়লেন । তাঁর ইচ্ছা ছিল সুমনার কন্যা বিশাখাকে কুনিয়র বধু

করেন। বিশাখা এখন কেমন হয়েছে তিনি জানেন না। শুনেছেন অসামান্য রূপসী, গুণবতী। কিন্তু শোনা কথাও গুণ নির্ভর করবার প্রয়োজন কী? সুমনাকে দেখলেই তো বোঝা যায় তার কন্যা কেমন হবে। কুনিয় বড় হঠকারী, তাকে সংযত রাখতে একটি তেজস্বী কন্যার আবশ্যিক ছিল। তিনি সামান্য ইঙ্গিত করেছিলেন। সুমনা সে ইঙ্গিত বুঝতে পারবে না এ তিনি মানতে পারেন না। সুমনা অতি চতুর। তাই কি এই স্বতন্ত্র পত্র! সুমনা গিয়ে দেখেছে কন্যার বিবাহ স্থির হয়ে গেছে? সত্য? এ কথা কি সত্য? সুমনার কন্যাটি তার বৃকের পাজর, তার রূপগুণ সম্পর্কেও সংশয়ের কোনও অবকাশ নেই। কিন্তু কুনিয়! সে রাজকুমার হতে পারে, বীরপুরুষও হতে পারে, কিন্তু তার সঙ্গে ক্রটি রয়েছে। সুমনা-ধনঞ্জয়ের মতো মাতা-পিতা কি চাইবে কুনিয়র মতো জামাতা।

কিন্তু তিনি স্বার্থপর, তিনি চেয়েছিলেন। হল না। তিনি যা চাইছেন, কিছু কাল পর্যন্ত তা হচ্ছিল, তথাগতকে তিনি বলেছিলেন জীবনে তিনি যা যা অভিলাষ করেছিলেন সব পূর্ণ হয়েছে: প্রথম, রাজ্যাভিষেকের অভিলাষ। সামান্য গোষ্ঠীপতির পুত্র থেকে তিনি রাজা, ক্রমে মহারাজ হয়েছেন। দ্বিতীয় ইচ্ছা, তাঁর রাজ্যে সম্যকসম্বুদ্ধর চরণধূলি পড়ে। এ ইচ্ছার জন্ম হয়েছিল সেইদিন, যেদিন তাঁর দিতে চাওয়া উচ্চপদ, ধনসম্পদ এসব প্রত্যাখ্যান করে শাক্যকুমার সিদ্ধার্থ তাঁর বুদ্ধত্বলাভের সংকল্প ঘোষণা করে চলে গেলেন, তখনই তিনি প্রার্থনা জানিয়েছিলেন বুদ্ধত্বলাভ করে সিদ্ধার্থ যেন তাঁর রাজ্যে আসেন। তাঁর বিন্দুমাত্র সংশয় ছিল না যে এই যুবক বুদ্ধত্বলাভ করবেই। তাঁর দর্শন, উপদেশ শ্রবণ, এবং তাঁর উপদেশের মর্মার্থ গ্রহণ করতে পারা এগুলি ছিল তাঁর অবশিষ্ট অভিলাষ। এগুলি পূর্ণ হয়েছে, যদিও বুদ্ধর উপদেশের মর্ম তিনি প্রকৃতই বুঝেছেন কিনা তা বলা এখন সম্ভব নয়। কিন্তু তার পর? যা চাইছেন তা হচ্ছে না। কুনিয়র নিরাপত্তার জন্য তাকে ভবিষ্যতে সংপথে রাখবার জন্য সুমনাকন্যার প্রয়োজন ছিল। কিন্তু হল না। বিশ্বিসার বিষয় হয়ে গেলেন। তার পরেই চোখ পড়ল আরেকটি পণ্ডিত্রির ওপর। 'সুমনাকে সারা জীবন অনেক মার মেরেছ।' কী অর্থ এর? কিশোর বয়সে বালিকা সুমনাকে তিনি সত্যিই অনেকবার প্রহার করেছেন। সুমনাও পান্টা প্রহার করতে ছাড়েনি। কিন্তু সারা জীবন? সারা জীবন? সারা জীবনের কথা বলবে কেন সুমনা? শুধু কৌতুক! কৌতুকের অতিশয়োক্তি। না কি আরও কিছু। বিশ্বিসার উচ্চাকাঙ্ক্ষী। রাজচক্রবর্তী হবার প্রবল বাসনায় সে কি অনেক নারীকে দুঃখ দিয়েছে। কোশলের সঙ্গে সম্পর্ক স্থাপনের আগ্রহে কি সেনিয় একটি বালিকা সহায়্যায়িনীকে উপেক্ষা করেছিল? তারপর অম্বপালীর উর্বশীতুল্য রূপগুণরাশির জন্য কোশলদেবীকে? দেবী ক্ষেমাকে? অম্বপালীসংক্রান্ত ব্যাপারটা যখন জানাজানি হয়ে গেল তখন সঙ্কি করতে হল গণরাজ চেতকের কন্যা ছেল্লনাকে বিবাহ করে। গতকাল দেবী ক্ষেমা বিশ্বিসারকে চিরদিনের মতো ত্যাগ করে চলে গেলেন। আর আজ? আজ কি চলে যাচ্ছে আবাল্যসহচরী সুমনা! অতি সম্ভরণে, নীরব প্রতিবাদ জানিয়ে, অতি সুকৌশলে চলে যাচ্ছে!

ধনঞ্জয়ের প্রেরিত আনুষ্ঠানিক পত্রটি অন্যমনস্কভাবে হাতে করে অন্তঃপুরের দিকে চলে গেলেন মহারাজ বিশ্বিসার।

বহু দূর থেকে একটা ধ্বনি ভেসে আসছে। ফাঁপা চর্মগোলকের ওপর ধাক্কা দিয়ে 'সে-রকম শব্দ হয় সে-রকম। দিম দিম দিমা দিম, দিম দিম। ক্ষেতে কাজ করতে করতে উৎকর্ণ হয়ে দাঁড়াল নন্দ। এত দিন গেছে, এত দিন ধরে এখানে সে তার ভাইয়ের সঙ্গে কাজ করছে, কই এ শব্দ তো শোনেনি! কোনও কোনও দিন শস্য কাটার সময়ে সম্ভা হলে খেতে আগুন দিয়ে সবাই আগুন পোহাতো। তখন শোনা গেছে ওই ধ্বনি। সামান্য একটু সময়ের জন্য। কিন্তু দিনের বেলায় কখনও নয়। যতদূর চোখ যায় ক্ষেতটি তার একার, অর্থাৎ তাদের পরিবারের। বর্ষার জল পেয়ে সবুজে সবুজ হয়ে আছে। এই সময়ে আগাছাগুলো কেটে দিতে হয়। সকাল থেকে সে তার ভাইদের সঙ্গে এই কাজই করছিল। ধানগাছ যেমন শনশন করে বাড়ে, আগাছাও তেমন শনশন করে বাড়ে। এই সময়ে নিড়িয়ে না ফেললে শস্যের ক্ষতি করবে। তাই তারা চার ভাই সকাল থেকে এই



কাজে লেগে গেছে। দু'জন গেছে বাড়িতে খেতে। খেয়ে একটু বিশ্রাম করে আসবে। সে এই প্রান্তে কাজ করছে, আর একেবারে অপর প্রান্তে আছে তার সেজভাই সাম। সাধারণত দাসেরা তাদের সঙ্গে এ কাজ করে। তারাই বেশি করে, নন্দ প্রমুখ একটু-আধটু হাত লাগায়, তত্ত্বাবধান করে। কিন্তু এ বছর কয়েকটি দাস তাদের বিক্রি করে দিতে হয়েছে। গৃহহৃত্য গ্যাডা আর বড় কেউ নেই। পরিবার বাড়ছে। ছোট ভাইয়ের গত বছর যমজ পুত্র হল। তার নিজেরও তিন পুত্র, দুই কন্যা। সামের চারটি। বড় ভাইয়ের সাতটি। তার পিতামহ, পিতামহী দু'জনেই জীবিত। দুই খুল্লভাতর পরিবারও নেহাত অল্প নয়। খুল্লভাতদের পুত্ররা, দু-চারটি সবে সাবালক হয়েছে। তাদেরও কাজ শেখানো হচ্ছে। আজ অপরাহ্নে তাদেরও আসবার কথা। ওরা বড় হয়ে গেল। জ্যেষ্ঠের পুত্রগুলি বড় হয়ে গেলে ক্ষেতের কাজের জন্য দাস বিশেষ লাগবে না। পিতামহ এ কথা গর্ব করে বলেন। যদিও নন্দ বুঝতে পারে না, দাস যথেষ্ট না থাকলে তাদের সামাজিক মর্যাদা বাড়বে কি করে।

এই ক্ষেতের মধ্যে দাঁড়ালে সত্যিই নন্দর মনে হয় সে-ই পৃথিবীর রাজা। এই ভূমির প্রকৃতি তার নন্দদর্পণে। ভূমির সঙ্গে আকাশের যে সব সময়ে একটা খেলা চলছে, বাতাসে, বৃষ্টিতে, শৈতে, গ্রীষ্মে, শিশিরে— তার পরিপূর্ণ সাক্ষী সে। সে ক্ষেত্রপাল। সে কর্বক। রাজা একজন আছেন। সাকেতে থাকেন। উগ্গসেন। শুনেছে তারও ওপর নাকি রাজা আছে। সে থাকে সাবখিতে। রাজা কেমন, রাজৈশ্বর্য কেমন অতশত সে জানে না, দেখেনি। তার প্রপিতামহ নাকি ছিলেন সেই দলে, যারা বন কেটে বসত করেছিল। তাদের ভূমি গ্রামের প্রত্যন্ত সীমায়, বনের কাছ ঘেঁষে। সে সময়ে এই ভূমি যথেষ্টরও বেশি ছিল। এখন তাদের উনচল্লিশ জনের বিশাল পরিবারে তা আর যথেষ্ট মনে হচ্ছে না। দুষ্কবতী গাভী যথেষ্ট রয়েছে। সুপেয় জলের পুষ্কণী তাদের গৃহসীমার মধ্যেই। কাছে রয়েছে ছোট্ট দক্ষিণা নদী, সরযুর একটি ক্ষুদ্র শাখা। তাতে মাছ প্রচুর। তা সত্ত্বেও, ঠিক পিতার সময়ের অশন-বসন, যাগ-যজ্ঞ, দান-ধ্যান, লৌকিকতা এসব চালিয়ে উঠতে পারা যাচ্ছে না। অগ্নিহোত্র রক্ষা করার ব্যয়ই কি অল্প নাকি? পিতামহ এতটুকু নিয়মের অন্যথা হতে দেবেন না। দুষ্ক, ঘৃত, পুরোডাশ, ব্রাহ্মণ পুরোহিতকে দান-দক্ষিণা এসব নিয়মমতো চালাতে হবে। আর না চালিয়েই বা উপায় কী! দেবতাদের তো আর রাগালে চলে না, পিতৃপুরুষদের কষ্ট দেওয়াটাই কি ঠিক। তা ছাড়া আহিত্যামি গৃহস্থ বলে প্রত্যেক অমাবস্যায় এবং প্রত্যেক পূর্ণিমায় একটি করে ইষ্টিয়াগ করতে হয়। এই তো কদিন আগে পূর্ণিমার পূর্ণিমা যাগ গেল। চারজন ঋত্বিক। দুদিন ধরে পরিশ্রমও যেমন, ব্যয়ও তেমন। এ ছাড়াও বর্ষাকালে পূর্ণিমা বা অমাবস্যায় পশুযাগ আছে। এ বছর আগামী অমাবস্যার পরের অমাবস্যায় তাদের গৃহে পশুযাগ হবে স্থির হয়েছে। তাতে আবার লাগে ছ'জন ঋত্বিক। ঋত্বিনাটি বহু নিয়ম। নন্দ অত জানে না, সে তো যজ্ঞমানও নয়। যজ্ঞমান তার পিতামহ। সে জানে না যজ্ঞমানের পরিবারের প্রত্যেকেই এই সব যজ্ঞফল পায় কি না! সবাইকারই কি স্বর্ণলাভ হয়? সে ভালো জানে না। সে জানে এ বছর তার অজ্ঞপাল থেকে কৃষ্ণবর্ণ নধর একটি অজ্ঞ তাকে দিতে হবে। অজ্ঞটিকে স্বাসরোধ করে মারা হবে। তার নাভির পাশের মেদ বা বপা আহুতি দেওয়া হবে। তার থেকে তাদের মঙ্গল হবে।

যাই হোক, মোট কথা তাদের আয়ের থেকে ব্যয় বেশি হয়ে যাচ্ছে। বছরে একবার শস্যের ষষ্ঠভাগ গ্রামণী নিয়ে সংগ্রহ করে রাখেন রাজকরের জন্য। সেটা কোনও সমস্যার নির্ণয়। সমস্যা এই বৃহৎ পরিবার নিয়মমতো প্রতিপালন এবং লৌকিক ও ধর্মানুষ্ঠান। পিতামহ গ্রামণীর কাছ থেকে অনুমতি নিয়ে তাই আরও বন কেটে ভূমিসীমা বাড়াবার ব্যবস্থা করবার বলেছেন। ভূমির তো ক্রয়-বিক্রয় চলে না। ভূমি হলেন জননী। তবে যে যতটা ভূমি বন কেটে বার করতে পারে, ততটা ভূমির শস্যের অধিকার তার। অবশ্যই গ্রামণীর অনুমতি চাই। তাই সে সমস্যার তো সমাধান হয়ে গেছে। বনের এক অংশে বৃক্ষচ্ছেদকদের নিযুক্ত করা হয়েছে। বড় বড় গাছ কাটবে, গুল্মাদি পরিষ্কার করবে। তারপর মাটি পিটিয়ে তার ভেতর থেকে পাথরের ঝণ্ড বৃক্ষমূল কাঁকর ইত্যাদি বেছে ফেলে দিয়ে কর্ষণের জন্য প্রস্তুত করার কাজটি তাদের ভাইদের। কাটা গাছগুলিও কাজে লাগবে। অতিরিক্ত ঘর চাই। ঘরের জন্য পালক, পেটিকা, ফলক ইত্যাদি অনেক কিছু প্রয়োজন হবে। তবে ১০৪

কাঁচা কাঠে তেমন কিছু হবে না। এ বছর গাছগুলি বৃষ্টিতে ভিড়ুক, রোদে পুড়ুক, শুধু সেগুলিতে একটা করে চিহ্ন দিয়ে দিতে হবে। যাতে অন্য কেউ আবার নিয়ে না যায়।

বন কেটে কর্ণগের ভূমি প্রস্তুত করা খুবই পরিশ্রমসাশ্রমিক। গাছ কাটাও খুব বিপজ্জনক। যতদূর সম্ভব লোকালয়ের সীমার মধ্যে থেকে কাজ করাই সঙ্গত। কিন্তু নন্দদের ক্ষেত্রটিই যে গ্রামের এক ধারে, বন ঘেঁষে। তাই সে দিমা দিম দিম দিম শব্দ শুনে কান খাড়া করে রেখেছিল একটি বড়সড় হরিণের মতো। বাতাসের গতির দিকে তার কান। সে শুনেছে, সাম কাজ করছে অনেক দূরে, সে শুনেতে পেয়েছে কি না কে জানে। যাক শব্দটি মিলিয়ে যাচ্ছে। তার ভয় হচ্ছিল, বন্যরা যদি হঠাৎ তাকে আক্রমণ করে! সে একা এদিকে, তার ভাই সাম একা ওদিকে। সামও আক্রান্ত হতে পারে। কিন্তু শব্দটি ধীরে ধীরে মিলিয়ে গেল। সে আবার হাতে তুলে নিল তার নিড়ানি। সকাল থেকে পরিশ্রম করে সে একাই তো অনেকটা কাজ করে ফেলেছে।

হঠাৎ আটোঁসাঁটো কটিবন্ত্র পরা একটি বৃক্ষচ্ছেদক ছুটতে ছুটতে বন থেকে বেরিয়ে এসে অনুরে লুটিয়ে পড়ল। নন্দ তাড়াতাড়ি তার কাছে গিয়ে দেখল লোকটির মুখ থেকে ফেনা উঠছে। আক্ষিপ হছে তার হাতে পায়ে। কিছুক্ষণের মধ্যেই সে স্থির হয়ে গেল। জ্ঞান হারাল নাকি? নন্দ লোকটির ডান হাত তুলে নিয়ে নাড়ির স্পন্দন দেখবার চেষ্টা করল। কিছু বুঝল না। সে লক্ষ করল লোকটির চোখ দুটি কেমন উশ্টে গেছে। তখন সে দেখল লোকটির ঘাড়ের কাছে একটি তীর বিধে আছে। সম্ভরণে সে তীরটি টেনে তুলল। সফ্র কাঠের ফলা। এই ফলায় নিশ্চিত বিষ মেশানো আছে। তীক্ষ্ণ বিষ। সর্বনাশ। মুখটি ভালো করে দেখে মনে হল এ বোধ হয় জম্বুক। মোট আঠারো জন ছেদক নিযুক্ত করেছে সে। তাদের দলপতি নিশিপাল। কীভাবে কতটা রজ্জুর বেড় দিয়ে কোন কোন গাছ ফেলা হবে এসব ঠিকঠাক করার দায় তার। সে কোথায়। নন্দ মুখের দু পাশে হাত রেখে চিৎকার করে উঠল 'ওহো-ও-ও-ও'। তিন চারবার চিৎকারের পর যেন অরণ্যের অভ্যন্তর থেকে প্রত্যুত্তর ভেসে এলো। নন্দ স্থির হয়ে দাঁড়িয়ে। তার মাথার ওপর চক্রাকারে চিল ঘুরছে। দূরে, নীল আকাশে রোদের সেতু পার হতে হতে উঁচু থেকে আরও উঁচুতে উঠছে সূর্য। ছায়াগুলো ক্রমশই খর্ব হয়ে আসছে। বর্ষাকালে রোদ যেদিন হয়, বড় প্রখর হয়। আশা করা যায়, তার আর দুই ভাই তাড়াতাড়ি আসবে। তাদের হাতে কাজের দায় ফেলে দিয়ে সে গৃহের শীতলতায় গিয়ে বিশ্রাম করতে পারবে। আজ আর আসতে হবে না। সাম! সামই বা কোথায় গেল? ইতিমধ্যে এ কী বিপদ! ছেদকরা কেউ আসছে না কেন? জম্বুক কি মরে গেল? তাই যদি হয় এখন এই মৃতদেহ নিয়ে সে কী করবে। ফেলে যেতে পারবে না। এখনি শকুন, চিল ঝাঁপিয়ে পড়বে দেহটির ওপর। বহুক্ষণ পর তার ধৈর্য যখন শেষ হয়ে এসেছে তখন খুব কাছ থেকে সে 'ওহো-ও-ও' চিৎকার শুনেতে পেল। তার পরই দু'হাতে ডালপালা সরাতে সরাতে, আটোঁসাঁটো মোটা কাপড় পরনে, হাতে কুঠার নিশিপাল বেরিয়ে এলো। নন্দ মুখে কিছু না বলে জম্বুকের দেহটির দিকে আঙুল দেখালো। নিশিপাল কাছে এসে নানাভাবে পরীক্ষা করে বলল, 'এ কী? এ তো মরে গেছে কর্তা! পায়ের কাছটা হিম হতে আরম্ভ করেছে।'।

নন্দ বলল, 'বন্যদের বাদ্যের শব্দ শুনেতে পেয়েছিলে?'

নিশিপাল বলল, 'কই, না!'

'তাহলে তুমি উশ্টো দিকে ছিলে বাতাসের মুখে শব্দ ছুটে আসছিল। আমি স্পষ্ট শুনেছি, বন্যদের সেই চর্মচক্রার ধ্বনি। নিশিপাল তোমার সাবধান হওয়া উচিত ছিল। এই দাপটো বন্যদের বিষ মাখা তীর! তোমার দলের লোকেদের জড়ো করো। আজ আর ছেদনকার্য হবে না। জম্বুকের সংকারের ব্যবস্থা করো। আমি বাড়ি চললাম।'

নন্দর সারা শরীর গরমে লাল, ঘাম বইছে, কপালে ভ্রুকুটি। সে আর সময় নষ্ট না করে গৃহের দিকে চলল। পরিশ্রমের ক্লান্তি, শুভকাজে বাধা পড়ায় অমঙ্গলের ভয়, জম্বুকের মৃত্যুতে উদ্বেগ—সব মিলিয়ে তাকে একেবারেই হতোদ্যম করে দিয়েছে।

বন্যদের তীরবিদ্ধ হয়ে জম্বুক মরে গেছে? নিশিপাল ফ্যালফ্যাল করে চেয়ে রইল। জম্বুক ছেলোট একেবারেই অল্পবয়স্ক। অল্প বুদ্ধিও। তার পিতার বিপণি আছে গ্রামে। বেশ বড় বিপণি।

কিন্তু গণনা করতে পারে না, পরিমাপ ঠিক করতে পারে না, নগরী বা ভিন্ন গ্রাম থেকে, সার্থদের কাছ থেকে বাদ-বিতণ্ডা করে পণ্যও ঠিকমতো কেনা-কাটা করতে পারে না জম্বুক। তাই আঠারো বছর বয়স হওয়া মাত্র তাকে নিশিপালের দলে পাঠিয়ে দিয়েছেন তার বাবা। এত বড় ছেলে বসে থাকলে নানা কু-চিন্তা, নানা কু-অভ্যাস দেখা দেবে। তার চেয়ে গায়ে খেটে যা হয় উপার্জন করুক, অন্ততপক্ষে সময়টা ব্যস্তভাবে কাটুক। মাথায় ঈষৎ খাটো হলেও জম্বুকের বলশালী শক্তপোক্ত আকৃতি। বড় বড় প্রাচীন বনস্পতির গোড়ায় কুড়ল মেরে মেরে কী করে বৃন্তাকারে তাকে অর্ধেক ছেদন করে দড়ির ফাঁস ওপরের দিকে ছুঁড়ে দিতে হয়, তারপর কয়েক জনে মিলে টান মেরে তাকে ধরাশায়ী করতে হয়, সে ভালোই শিখে গেছে। কিছু একটা করতে পারছে বলে উৎসাহও যথেষ্ট। যাঃ, বন্যরা তীরটা ওকেই মারল ! নিশিপাল মাথায় হাত দিল। সবই ভাগ্য বলতে হবে। গোড়ার থেকেই ছেলেটার ভাগ্য মন্দ। নইলে পিতা বণিক, অত বড় বিপণি, গোলা। অন্যান্য পুত্রগুলি তো ওই বিপণি থেকেই দিবা উপার্জন করছে। গ্রাম-গ্রামান্তরে যাতায়াত করছে। জম্বুকের মাথায় সামান্য বুদ্ধিটুকুও দিলেন না কেন বিধাতা ! ছিল কোথায় জম্বুক ! দলের সঙ্গেই তো থাকবার কথা ! আঠারো বছর বয়স হলেও, শিশুর মতো কৌতূহল জম্বুকের। হয়ত কোনও সময়ে দল থেকে ছিটকে পড়েছে বনের গাছ-পালা দেখবার জন্য, ফলমূল পাড়বার জন্য, বিপদ সম্পর্কে কোনও জ্ঞানই নেই। শিশু যেমন আগুন দেখলে ভয় পায় না, বরং আগুনের দীপ্তিতে আকৃষ্ট হয়ে তাকে ধরতে যায়। এ তেমনি।

এখন এই মৃতদেহ ছেড়ে সে দলের লোকদের ডাকতে যেতেও পারছে না। নন্দ-কর্তা তো সব দোষ যেন তার একার এমনি একটা ভাব দেখিয়ে চলে গেলেন। সাম-কর্তারও তো দেখা নেই। তিনি বোধ হয় আগেই সংগোপনে বাড়ি চলে গেছেন। সাম-কর্তার চোখ দুটি যেমন গোল গোল, দেহটিও তেমনি। উনি তেমন কষ্ট সহিতে পারেন না। নিশিপাল বারবার তার মুখের দু পাশে হাত রেখে চিৎকার করতে লাগল। অবশেষে অপরাহ্নের দিকে সে তার দলের সবাইকে একত্র করতে পারল। দলে একটি ছেদকের কিছু বিষ-চিকিৎসার অভিজ্ঞতা ছিল, সে হায় হায় করতে লাগল। সত্যিই নিশিপালের আগে যদি সে-ই প্রথম নন্দর ডাক শুনতে পেত জম্বুকটা হয়ত মরত না এত সহজে। কিন্তু এখন তো আর পশ্চাত্তাপ করে লাভ নেই। জম্বুক এখন মরে কাঠ হয়ে গেছে। বিষক্রিয়ার জন্য দেহের বর্ণও কেমন অস্বাভাবিক। যেন একটা গাছের মরা ডাল। সবাই মিলে বাঁশ বেঁধে খট্টা প্রস্তুত হল। তারপর জম্বুকের বাড়ি। এই বনাশুর শস্যক্ষেত থেকে সে অনেক দূরে। সাক্ষেত নগরীর অনেক কাছাকাছি। কিন্তু আশ্চর্যের কথা, এতক্ষণে তার গৃহ থেকেও কেউ-না-কেউ তো আসবে ! নাকি অল্পবুদ্ধি সন্তান বলে মৃতের সৎকারেরও প্রয়োজন বোধ করে না এরা !

জম্বুকের বাড়ির কাছাকাছি এসে নিশিপাল এবং তার দলের লোকেরা দেখল জম্বুক-পিতা কাঁধের ওপর একটি গাত্রমার্জনী নিয়ে বৈকালিক স্নানে যাবার জন্য প্রস্তুত হচ্ছেন। সহস্য মুখ। এই মাত্র বোধ হয় কারও সঙ্গে আলাপ করছিলেন। তাদের কাঁধে খট্টা দেখে ঘটি হাতে দাঁড়িয়ে গেলেন, 'কে ম'লো রে ? ও নিশিপাল ! শ্রাণানের দিকে নিয়ে না গিয়ে পল্লীর এদিকে কেন বাবা ?' ততক্ষণে নিশিপালরা খট্টাটি নামিয়ে রেখেছে। জম্বুক-পিতা, হাতে ঘটি, কাঁধে গামছা, একেবারে হাঁ করে দাঁড়িয়ে গেলেন। একটি বালক বেরিয়ে এসেছিল। সে বোধ হয় দৌড়ে গিয়ে ভেতর থেকে খবর দিল। সঙ্গে সঙ্গে ভেতরে একটা গোলমাল, কান্নার শব্দ, কপাল চাপড়াতে চাপড়াতে বেরিয়ে এলেন জম্বুকের মা, পেছনে পেছনে আরও অনেক স্ত্রীলোক। নিশিপাল তাদের চেনে না। সে তীরটা দেখিয়ে ব্যাপারটা বুঝিয়ে বলল জম্বুকের পিতাকে। তার মা হাহাকার করতে লাগলেন।

'ওরে আমার বাছা রে, কেমন করে এমন হল রে ! কেমন নিষ্ঠুর পিতা ! ধৈর্য নেই এতটুকু ! বাছাকে আমার হাতে কুড়াল দিয়ে ঘরের বার করে দিলে। এই বিবাহের ঘরের পুতের কাজ ! না হয় বসেই খেত, শিশুগুলি, বালক-বালিকাগুলি কি আর বসে থাকে না, কৃপণ বণিকের কত ধন যায় তাতে ! ওরে জম্বুক, কে আমার বাগানের বেড়া বেঁধে দেবে রে ? কে আর আছে এই বিলাসপ্রিয়, মহার্ঘ গৃহে যে বড় বড় পেটিকাগুলো বইবে অবলীলায় ! কে হাসিমুখে দাসত্ব করবে সমস্ত পরিজনের ? ...আর তোমাকেও বলি নিশিপাল, তুমি কি জানতে না, বাছা আমার জাত-কাঠুরে নয়, ১০৬

তার ওপর একটু দৃষ্টি রাখতে তোমার কী হয়েছিল ? শেষ পর্যন্ত অপঘাত !

নিশিপাল অধোবদনে দাঁড়িয়ে রইল । তার মুখে ভাষা নেই । কিন্তু এই দুঃসংবাদ তাকেই এভাবে বহন করে আনতে হবে এ কথা সে কখনওই ভাবেনি । তার ধারণা ছিল নন্দ সংবাদটা এদের দিয়ে গেছেন । ক্রোধে দুঃখে তার ভেতরটা জ্বলছিল ।

জম্বুকের বড় ভাইয়ের পুত্রটি মুখামি করবার পর চিতাটি যখন দাউ দাউ করে জ্বলে উঠল তখন সে নিঃশব্দে শ্মশান থেকে বেরিয়ে এলো । দক্ষিণা নদীর জলে স্নান করে ভিজ্ঞে কাপড়ে ঐটে পরে চলল নন্দ-কর্তার বাড়ি ।

আঙনে প্রদীপ জ্বলছে । গৃহাভ্যন্তর থেকে উপর্যুপরি শঙ্খধ্বনি শোনা গেল । সেই সঙ্গে উত্তম যবাণ্ড পাকের সুগন্ধ । কয়েকটি বালক-বালিকা বোধ হয় খেলা করতে অন্য কোথাও গিয়েছিল, ধূলিধূসর পায়ে কলকল শব্দ করতে করতে ভেতরে ঢুকল । গৃহ-বলভীতে পারাবতগুলি আশপাশ ফিরছে আর বকুম বকুম করছে । আঙনের পুষ্পিত কদমগাছের ওপর থেকে একটি ময়ূর ঝাঁপ দিয়ে নেমে এসে একটি ঐক্যেবঁকে পালিয়ে যেতে থাকা ডুগুড সাপ ধরল ।

নিশিপালের ডাকে নন্দ বেরিয়ে এলো । বেশ স্নাত, সুন্দর । ধৌত বসন পরেছে । বৃকে চন্দন লেপেছে । গরমটা বোধ হয় বড্ডই লেগেছে কর্তার ।

নিশিপাল রুদ্ধ গলায় বলল, ‘অন্য লোক দেখে নিন, কাল থেকে আমরা আর আপনার কাজ করব না ।’

নন্দ ত্রস্ত হয়ে বলল, ‘বলছ কি নিশিপাল ! কেন ? জম্বুক যে বন্যাদের তীরে মরে গেল, সে কি আমার দোষ ?’

নিশিপাল বলল, ‘বণিকের ঘরে একটা সংবাদও তো দেবেন ! তারা নিশ্চিন্তে দিনান্তের কৃত্য পালন করে যাচ্ছেন, এদিকে তাঁদের কনিষ্ঠটি অপঘাতে মারা গেছে ! আমরা যে যমদূতের মতো গিয়ে ঘরের আঙনে দাঁড়লাম । বণিকপত্নীর কী কান্না ! আমাদের তো তিরস্কারের পর তিরস্কার শুনেতে হল । জম্বুকের পিতাকেও । তিনি হতবুদ্ধি হয়ে গেছেন । কী পরিস্থিতি বলুন তো ! ধিক্ আপনাকে ! ধিক্ !’

নন্দ মুখ নিচু করে বলল, ‘শোনো নিশিপাল, শোনো । আমি সত্যই খুব অন্যায় করেছি । কিন্তু সংবাদ দিতে পারিনি...কেন একটা অপরাধ বোধ হচ্ছিল । যদিও অপরাধ আমার নয় । আমি তো ভেবেইছিলাম সংবাদটা দিয়েই যাবো । কিন্তু জম্বুক-পিতার বিপণির পাশ দিয়ে যাবার সময় দেখলাম তিনি হুটু মুখে নালিকায় করে গুড় পরিমাপ করছেন, আর কলস ভরছেন, তাঁর মধ্যমপুত্রটিও দ্রোণ নিয়ে কী জানি কী সব মেপে তুলছিল, কহাপনগুলি গণনা করছিল আরেক জন । আমি কিছুতেই সংবাদটা তাঁকে দিতে পারিনি ।’

নিশিপাল কোনও কথা না বলে পেছন ফিরে চলতে আরম্ভ করল । নন্দ কয়েকবার ডাকল, ‘নিশিপাল ! নিশিপাল !’ নিশিপাল সাড়াও দিল না, ফিরলও না । নন্দ মুখ চূন করে বাড়ির ভেতরে ফিরে গেল । সমস্ত ঘটনাটা পিতাকে পিতামহ বলতে হবে এবার । তাঁদের পরামর্শ নিতে হবে । পিতামহ যা ক্রোধী ! তিনি সমস্ত অপরাধ তারই বলে সাব্যস্ত করবেন, তিরস্কার করবেন, তাকে সবাইকার সামনে । পিতাও তালে তাল দেবেন ।

নিশিপাল এবং তার দলের বৃক্ষচ্ছেদকরা বনের ডালপালা কেটে সমস্ত গ্রামে জ্ঞাপন দেয়, তাদের অঙ্গের অভাব হবে না । কটিবস্ত্রটুকুও জুটেই যায় । নন্দদের মুখাপেক্ষী না হলেও তাদের চলবে । তাই-ই শূদ্রের এত সাহস ! কিন্তু নন্দ বা তার ভাইয়েরা চাষের কাজ করলেও, বড় বড় গাছ কাটতে পারবে না । এর জন্য ভাইয়েদের কাছ থেকেও তার ভৎসনা জুটবে মনে হচ্ছে । কারণ পিতামহ নিশ্চয় বলবেন, ‘আমার পিতা তো তোমাদের বয়সে বন থেকেই এই ক্ষেত্র পেয়েছিলেন । দুই পুরুষেই তোমরা এত বলহীন হয়ে পড়েনি যে প্রয়োজন হলে গাছ কাটতে পারবে না !’

এই সময়ে জম্বুকের মাতা ভীষণ কান্নাকাটি করছিলেন । তিনি জম্বুক-পিতা এবং অন্যান্য পরিজনদের বলছিলেন গ্রাম চতুষ্পথের কাছে জম্বুকের দেহাবশেষের ওপর একটি স্থূপ স্থাপন করতে হবে । জম্বুক জীবিত থাকতে কেউ তাকে কোনদিন কোনও সমাদর দেখায়নি । বরং তাকে নিয়ে

কৌতুক করেছে, তাকে অবহেলা করেছে। কী রমণী, কী পুরুষ, কী বালক-বালিকা কেউ তাকে কোনদিন সম্মান করেনি। আজ সে সেই অবহেলার ফলস্বরূপ মৃত। একমাত্র একটি স্থূপ স্থাপন করতে পারলেই তার আত্মার শান্তি হবে।

জন্মকক্ষের বড় ভাই বলল, 'মা আমাদের পূর্বজন্মের কর্মফল অনুসারে আমাদের জন্ম মৃত্যু সব হয়। এ জন্মের ভোগভোগান্তি সবই তো পাপের ফল। জন্মককে অধিক দিন জীবিত থেকে আরও কষ্ট সহ্য করতে হয়নি এ এক পক্ষে তার সৌভাগ্য !'

জন্মক-মাতা ক্ষিপ্ত হয়ে বললেন, 'কম্মফল ! কম্মফল ! কম্মফল-টলের কথা আমি জানি না। আমি জানি অসময়ে দাঁড়িয়ে দাঁড়িয়ে প্রসব হওয়ার ফলে জন্মককের মাথায় আঘাত লাগে। তাই সে ওরূপ অল্পবুদ্ধি। তার এখানে দোষ কী ? দোষ তো ধাইয়ের, দোষ তো আমার, দোষ তো তোমারও পুত্র, পুত্রগব্ভা মাতাকে তুমি উদ্যান থেকে অস্থ আনতে পাঠাওনি ?'

'আমি কেন পাঠাবো ? তুমি নিজেই তো গাছ থেকে সদ্য পাড়া অস্থ নিয়ে আসবে বলে উদ্যানে গেলে।'

'তুমি তো আমাকে নিষেধ করতে পারতে, তোমার বধুকে পাঠাতে পারতে ! তা তো করনি। মাতার আর কী হবে ? এতগুলি সন্তানের জন্ম দিয়েছেন, ওঁর আর কোনও যত্নের প্রয়োজন নেই। এই-ই তো তোমাদের মনোভাব ! সন্তান-জন্ম যে কী বধু তা তো আর জানো না ! হত তোমাদের কুক্কিতে একটি করেও অস্তুত বচ্চ, তো বুঝতে !'

এইভাবে জন্মক-মাতা কাম্বাকাটি, দোষারোপ করতে করতে মৃতপ্রায় হয়ে গেলেন। পুত্ররা কত বোঝালো, স্থূপ একমাত্র মহামুনি, আচার্য এঁদের দেহাবশেষের ওপরেই হয়। তিনি শুনলেন না। অবশেষে তিনি আহার-নিদ্রা ত্যাগ করেন দেখে, জন্মক-পিতা গ্রামের চৌমাথায় সত্যিই একটি সুশোভন স্থূপ প্রস্তুত করালেন। গ্রামে কোনও আচার্য ব্রাহ্মণের বাস নেই। তাঁরা থাকলে হয়ত আপত্তি তুললেন। কিন্তু তাঁরা থাকেন উষ্টা দিকের গ্রামে। এদিকে তাঁদের এমনিতে আসার কোনও সম্ভাবনাও নেই। বিশেষত চৌমাথায় আরও দুটি স্থূপ রয়েছে। প্রাচীন হয়ে গেছে, ভেঙে ভেঙে গেছে, কিন্তু আছে। এই উপলক্ষে জন্মক-পিতা সেগুলিকেও সারিয়ে দিলেন। চুনমের প্রলেপ দেওয়া সাধারণ দুটি স্থূপ। কিন্তু জন্মকের স্থূপটিতে সযত্নে কারুকার্য করা। প্রতিদিন তাতে মালা দিয়ে, প্রদীপ জ্বালিয়ে আসেন জন্মক-মাতা। বলেন সে তো অল্পবুদ্ধি ছিল না। ছিল ক্ষণজন্মা। প্রচ্ছন্ন মহাপুরুষ। সংসারে প্রবেশ করার ভয়ে অল্পবুদ্ধি সেজে থাকত। তিনি নিভূতে জন্মকের তীক্ষ্ণ বুদ্ধির পরিচয় অনেক পেয়েছেন। কেন, গ্রামবাসীরা কি সেই তেমিয় নামে রাজপুত্রের কথা জানে না যিনি রাজকার্য করে কর্মচক্রের জড়িত হবার ভয়ে মুক-পঙ্গু সেজে থাকতেন। জন্মকও সেই প্রকার।

পক্ষকাল পরে সাকেত থেকে ধনঞ্জয়পুত্রী বিশাখার বিবাহ উপলক্ষে গ্রামবাসীদের নিমন্ত্রণ করতে এলেন একজন ব্রাহ্মণ ও একজন লেখক, এঁরা দুজনেই শ্রেষ্ঠীর কাছে কর্ম করেন। চৌমাথায় নূতন স্থূপটি দেখে তাঁরা গ্রামবাসীরা জিজ্ঞাসা করলেন, এটি কার স্থূপ ? কেউ সদ্য প্রয়াত হয়েছেন, মনে হচ্ছে ?

গ্রামবাসীরা সসন্ত্রমে বলল, 'মহামুনি জন্মকের। তিনি প্রতিচ্ছন্ন হয়ে সংসারে পার্শ্বীয় কর্তব্য পালন করতেন অল্পবুদ্ধি সেজে। কিন্তু রাত্রিকালে শব্দদেবের সঙ্গে অন্তরীক্ষে বিচরণ করতেন। একটি বৃশ্চিক দংশন করায় তিনি নিদ্রার মধ্যে পা ছুঁড়েছিলেন, তাইতে বৃশ্চিকের মৃত্যু হয়। বৃশ্চিক তাঁকে এই বলে অভিশাপ দেয়, "আমার গমনপথে বাধাস্বরূপক হয়ে গিয়েছিল, তাই আমি তোকে দংশন করেছিলাম, তুই পদাঘাতে আমাকে বধ করলি, এই পাপে ওই শাস্তি বিষের তীর বিধেই তোর মৃত্যু হবে।" জন্মক মুনি এই অভিশাপ সত্ত্বর সফল করে দুঃখময় আনবজায় থেকে মুক্তি পাবার অভিলাষে গভীর বনে গিয়ে বৃক্ষ ছেদন করতেন, এই বৃক্ষছোঁতে বৃক্ষ বনচররা তাঁকে বিবাস্ত তীর ছুঁড়ে বধ করে।'

শুনে ধনঞ্জয় শ্রেষ্ঠীর দূত সেই ব্রাহ্মণ ও লেখক স্থূপটিকে প্রদক্ষিণ করে ভূমিতে শুয়ে পড়ে সাষ্টাঙ্গ প্রণাম করল। ভক্তিভরে সুগন্ধ মালা দিল, দীপ ছেলে দিল। তারপর জিজ্ঞাসা করল ১০৮

শ্বেতবর্ণের ওই স্তূপ দুটি কাদের ?

গ্রামজনেরা বলল, 'প্রথমটি সেই বৃষ্টিকের, এবং দ্বিতীয়টি সেই বৃন্দদেবতার। এঁরা উভয়েই শাপভ্রষ্ট দেবতা ছিলেন।' তখন এই স্তূপ দুটিকেও যথাযথি বন্দনা করে শ্রেষ্ঠীর দূতেরা গ্রামে ঢুকে সবাইকে আহ্বান করে শ্রেষ্ঠীর নিমন্ত্রণ জ্ঞাপন করল। তারপর বলল, 'এ গ্রাম তো পুণ্য গ্রাম, আমরা এসে ধন্য হলাম।' তারা গ্রামান্তরে চলে গেল। নলকার গ্রাম, লোনকার গ্রাম, কন্য়ার গ্রাম...এখনও অনেক রয়েছে।

গ্রামণী সেই রাত্রেই সব পরিবারের বয়োজ্যেষ্ঠ ব্যক্তিদের ডেকে সভা করলেন, শ্রেষ্ঠীর কন্য়ার বিয়েতে তো এমনি যাওয়া যায় না। উপহার নিয়ে যেতে হবে। গ্রামস্থ সবাইকেই সাধ্যানুযায়ী কিছু কিছু দিতে হবে। এখন স্থির করা যাক উপহারটি কী হবে। অবশেষে অনেক বাদ-প্রতিবাদের পর স্থির হল একটি সোনার তীরধনুক দেওয়া হবে। তীরটি হবে আধ হাত পরিমাণ। ধনুকটি তদনুযায়ী। এই তীর জম্বুকমুনির মুক্তির স্মৃতির সঙ্গে জড়িত থাকায় পুরস্কারটি যথাযথ হবে বলেই মনে করলেন সকলে। সোনার বৃষ্টিক কিংবা স্ফটিকের স্তূপ দেবার কথাও হয়েছিল। কিন্তু বিবাহে স্তূপ তা যত বড় মুনিরই হোক না কেন, সমীচীন মনে হল না, আর বৃষ্টিকটির ব্যাপারে খুব দক্ষ স্বর্ণকার চাই। অত কুশলী শিল্পী এত শীঘ্র জোগাড় করা যাবে না বলেই সকলে সিদ্ধান্ত করলেন। জম্বুক-পিতা সবচেয়ে বেশি অর্থ হ্রদক (চাঁদা) স্বরূপ দিলেন, নন্দর পিতামহ দিলেন সাখ্যের অতিরিক্ত। বৃক্ষচ্ছেদকদের পত্নী থেকেও নিশিপালের তদ্বাৰ্থানে দশটি তাম্র কাহন এলো।

সাকেতের উপকণ্ঠে এই জম্বুক-গ্রামের উপহারটি কনে বিশাখার বড় মনোমত হয়েছিল। অন্য নিরানব্বুইটি গ্রাম থেকে যে নিরানব্বুইটি উপহার আসে, স্বশুরগৃহে যাত্রার সময় সে সমস্তই সে গ্রামবাসীদের উদার হাতে বিলিয়ে দিয়েছিল, কিন্তু সোনার এই তীরধনুকটি দেয়নি। এ যেন তার কৈশোর, তার অভিনব শিক্ষার প্রতীক, এ যেন তার কৌমার, তার স্বাধীনতা, তার আত্মমর্যাদাও। তাই তার শয়নকক্ষের নাগদন্ত থেকে ঝুলত জম্বুক-গ্রামের উপহার স্বর্ণময় তীরধনুক। যাতে সব সময়ে স্মরণে থাকে, সে কে, সে কী চায়! কী ভাবে তার জীবন আরম্ভ হয়েছিল। কিন্তু সে তো কিছুকাল পরের কথা। আগে বিশাখার বিবাহটাই তা হোক! সে তো এক রাজসুয় ব্যাপার।

১৫

সাকেত থেকে তিন বাঁট তিন স্ববিকা কাহিনী নিয়ে ফিরলেন। পূর্বাপর শুনে মিগার-পত্নী বললেন, 'গৃহপতি যা করবে ভেবে-চিন্তে করো। তোমার উপার্জনকে যে তার নিজের সম্পদের তুলনায় এক কাহনও মনে করে না সেই দাষ্টিকের সঙ্গে কুটুস্থিতা করা কি ভালো ?'

মিগার শুধু মুখে বললেন, 'কিন্তু উপায় কি ? পাশার দান যে ফেলা হয়ে গেছে। এখন আর ফিরি কী করে ? তবে হ্যাঁ। মিগার অত সহজে ছেড়ে দেবে না, শিক্ষা দিচ্ছি। আগে দেখি মহারাজ কী বলেন !'

'মহারাজের সঙ্গে এ কুটুস্থিতার কী সম্পর্ক ?'

'বঃ, মহারাজ স্বয়ং তো এই সেটটিকে মগধ থেকে এনে সাকেতে বসত করলেন।'

'তাই নাকি ? কেন ?'

'সে এক মহা অপমানের কথা !'

'কী ব্যাপার বলো তো সেটটি !'

'ব্যাপার কিছুই না। মগধের রাজার তো দিনদিন শ্রীবৃদ্ধি হচ্ছে। শ্রীবৃদ্ধি তো শুধু শুধু হয় না। অর্থভাণ্ডার প্রস্তুত থাকা চাই। মগধের শ্রীটি আছ পঞ্চ-মহা সৌষ্ঠিক-কোষে। তো রাজার অদ্ভুত অদ্ভুত ইচ্ছা মনে উদয় হয় কি না! আমাদের ডেকে কোর কত সম্পদ গণনা করিয়ে বললেন—সাবধিতে তো দেখছি সুদন্ত, মণিভদ্র, প্রতর্দন ও মিগার। তাও সুদন্তর মতো সম্পদশালী আর কেউই নয়। কিন্তু মগধে রয়েছেন পাঁচজন। আমার রাজ্যেই বা সেনিমর রাজ্যের থেকে অল্প থাকবে কেন ? আমরা কত করে বোঝালাম মহারাজ এধরনের প্রতিদ্বন্দ্বিতা করে কী লাভ ? আমরা

কি যুদ্ধবিগ্রহের সময়ে, মহামারী দুর্ভিক্ষ ইত্যাদির সময়ে আপনাকে ধন দিয়ে সাহায্য করতে পারছি না ! তো রাজার এক গোঁ । আরেক জন সেটঠিকে মগধ থেকে এনে বসত করাতে হবে ।’

‘তোমরা বললে না কেন, ভিনদেশের ধনী এসে আমাদের সমাজে মানাতে পারবে না, একটা অনর্থ হবে ।’

‘বলিনি আবার ! সে কথাও বলেছিলেন সেটঠি মণিভদ্র । তার উত্তরে পাগলা রাজা কী বললেন জানো ? বললেন, আপনারা অনর্থক হিংসুক্বত্তি করে তাকে বিব্রত না করলে তার অসুবিধে হবে কেন ? কোসল আর মগধ পাশাপাশি রাজ্য । দেশের প্রজাগণের মধ্যে, সমাজ-সংস্কারের মধ্যে কি কোনও পার্থক্য আছে ? সেখানেও যাগ-যজ্ঞ হয়, এখানেও যাগ-যজ্ঞ হয় । ওখানে মগধরাজ ব্রাহ্মণ কূটদস্ত ও সোনদণ্ডকে প্রভূত ধন দিয়ে সম্মানিত করেছেন । এখানেও আমি ব্রাহ্মণ পোকখরসাদি ও তারক্খকে ব্রহ্মত্র দিয়েছি । ওখানেও সম্রাসী-শ্রমণদের সমাদর, এখানেও তাই । আপনারদের অসুবিধা হবে তা-ই বলুন !’

‘গহপতি সুদস্ত কিছুর বললেন না ?’

‘তার কি আসে যায় বলা গৃহিণী । তিনি তো নিজের সাম্রাজ্য বাড়িয়েই চলেছেন, বাড়িয়েই চলেছেন । মানুষটি কথাও বলেন অল্প । চতুর তো ! বুঝেছেন রাজার ইচ্ছা, অন্যথা হবে না । অমনি মৌন নিলেন । তা সেই যাই হোক । ওখানকার মহাসেটঠি মেণ্ডকের পুত্র ধনঞ্জয়কে মহারাজ একেবারে জোর করে নিয়ে আসছিলেন । সেটঠি পুত্রের চতুর তো কম নয় ! সাবধি পর্যন্ত এলোই না । সাকেতে বাস নিল । বাস চুকে গেল । আমাদের কারও আর সে কথা কথা মনে নেই । এই বাঁচুরা যে কন্যা নির্বাচন করতে গিয়ে ওই ধনঞ্জয়ের কন্যার গলাতেই আমার মালাটি পরিয়ে আসবে তা কি আমি স্বপ্নেও ভেবেছি !’

শ্রেষ্ঠী ও শ্রেষ্ঠীপুত্রী উভয়েই চিন্তিত হয়ে পড়লেন । শ্রেষ্ঠীর পুত্রের সঙ্গে শ্রেষ্ঠীর কন্যার বিবাহ হচ্ছে, এ পর্যন্ত সব ঠিক আছে । কিন্তু নিজেদের চেয়েও শতগুণে ধনী যে তার ঘর থেকে বধু আনলে তো মহা সমস্যার উদয় হবে ! সে কি স্বশুর-স্বশ্রুকে মান্য করবে ।

মহারাজ প্রসেনজিৎ কিন্তু এই সংবাদ শুনে অত্যন্ত উৎফুল্ল হয়ে উঠলেন । বললেন, ‘বুঝলেন গহপতি, বৈবাহিক সম্পর্কই হলো সবার সেরা সম্পর্ক । এই যে আমি আর মগধরাজ বিধিসার পরস্পর পরস্পরের ভগ্নীকে বিবাহ করেছি, দুটি রাজ্যে কেমন শান্তি বলুন তো ? যতই রাজ্যাভোগ থাক কেউই তো আর ভগ্নীকে বিধবা করতে চায় না !’ বলে প্রসেনজিৎ হা হা করে অট্টহাস্য করে উঠলেন, ‘তো গহপতি, আপনার আর ধনঞ্জয়ের কন্যা এবং পুত্র যদি থাকে তো এইরকম বিনিময় করে নিন না কেন ? আমার রাজ্যের সম্পদের ভিত্তি আরো দৃঢ় হবে !’

মিগার অপ্রসন্ন মুখে বললেন, ‘আমার কোনও কন্যা নেই ।’

রাজা তাঁর অপ্রসন্নতা লক্ষ্যই করলেন না, বললেন, ‘তা না থাক । এতদিনে যে মগধশ্রেষ্ঠীর সঙ্গে শ্রাবস্তীর একটা ঘনিষ্ঠ সম্বন্ধ হতে চলেছে—এ অত্যন্ত সুখের কথা । আমি স্বয়ং যাবো । মহাদেবী মল্লিকাকে নিয়েই যাবো ।’

এ কথাতে খুব সংগোপনে উৎফুল্ল হয়ে উঠলেন মিগার । বললেন, ‘তা তো নিশ্চয়ই আপনার জ্ঞাতি-বন্ধু-পরিজন-সৈন্য-রক্ষী সবই নিশ্চয় যাবে !’

প্রসেনজিৎ চিন্তিত হয়ে বলেন, ‘জ্ঞাতি-বন্ধু ? সে তো অনেক ? আমি কার্যকর জন দেহরক্ষী, নির্দিষ্ট সংখ্যক দাস-দাসী আর মহাদেবী মগধকুমারী ও দেবী মল্লিকাকে নিয়ে যাবার কথা ভাবছিলাম ।’

মিগার বলে উঠলেন, ‘না, মহারাজ, আমার পুত্রের আবার আপনার অন্তঃপুরিকারা সবাই যাবেন । অন্যান্য রানিরাই বা বাদ থাকবেন কেন ? তাঁদের রক্ষার জন্য এবং আপনার মর্যাদারক্ষার জন্য যতজন দাসদাসী, রক্ষী ইত্যাদি লাগে সবাইকেই নিতে হবে ।’

প্রসেনজিৎ বললেন, ‘তাহলে গহপতি, আপনি একবার সাকেতের শ্রেষ্ঠীকে জিজ্ঞাসা করে পাঠান । শুধু শুধু তাঁকে বিব্রত করতে আমার ইচ্ছা নেই ।’

মিগার সংবাদ পাঠালেন, ‘মহাসেটঠি, আপনার কন্যাকে বধু করে আনতে পারছি বলে নিজেকে

সম্মানিত বোধ করছি। মহারাজ প্রসেনজিৎ আমাকে অতিশয় অনুগ্রহ করেন। কন্যাকে আনতে তিনিও আমার সঙ্গে যেতে চান। কত জন বরযাত্রী গেলে আপনার অসুবিধা হয় না, তা একটু যদি পূর্বাহ্নে জানান।'

অশ্বারোহী দূত দু দিনের মধ্যেই ধনঞ্জয়ের লিপি নিয়ে এলো 'মাননীয় শ্রেষ্ঠীবর মিগার, আপনার নিজের পরিবার, জ্ঞাতি, জ্ঞাতক, মাতৃকুল, পিতৃকুল, স্বশুরকুলে যারা আছেন তাঁরা তো সকলে আসবেনই, মহারাজ পসেনদিও তাঁর যতজন সৈন্য, যতজন রক্ষী লাগবে সবাইকে নিয়ে আমার কন্যার বিবাহোৎসবে আসবেন।'

শেষ পর্যন্ত অবশ্য রমণীদের মধ্যে একমাত্র দেবী মল্লিকা ছাড়া আর কেউই গেলেন না। নারীদের এভাবে বরানুগমন করার প্রথা নেই। সে যত সমারোহের বিবাহই হোক। দেবী মল্লিকার কথা স্বতন্ত্র। মাত্র দু-চার বছর হল রাজা পসেনদি তাঁকে বিবাহ করেছেন। গিয়েছিলেন কোশল সীমান্তে বিদ্রোহ দমন করতে। এই সীমান্তের অঞ্চলগুলিতে মাণ্ডলিক রাজারা অধিকার পেতে পেতে এক সময়ে মনে করতে থাকে তারাই আসল রাজা। ইচ্ছামতো কর বসায়, বিচার করে প্রজাদের প্রাণদণ্ড পর্যন্ত দিতে থাকে, রাজা পসেনদিকে গ্রাহ্যই করে না। কোশল রাজ্য, কাশী যুক্ত হবার পর একটি বৃহৎ রাজ্যে পরিণত হয়েছে। শাক্য, কোলিয়, কালাম, এরা সকলেই কোশলের পদানত। রাজার রয়েছে সুযোগ্য সেনাপতিদ্বয় বন্ধুলমল্ল ও দীর্ঘচারায়ণ। রাজা নিজে অত্যন্ত বিলাসী হলেও একবার ক্রুদ্ধ হলে যে আর রক্ষা নেই এ কথা এরা ভুলে যায়। পসেনদি স্বয়ং গিয়েছিলেন বিদ্রোহ দমন করতে। ফেরবার পথে একটি অতি শোভন পুষ্পাদ্যানে প্রবেশ করেছিলেন ক্লান্ত হয়ে। ওই পুষ্পাদ্যানের স্বত্ব ছিল যার তিনি একজন সুবিখ্যাত মালাকার। মল্লিকা তাঁরই কন্যা। রাজাকে শ্রান্ত ক্লান্ত দেখে মল্লিকা তাঁর ঘোড়াটির রজ্জু ধরে রাজাকে জল পান করতে দেয়। এবং ক্লান্তিতে অভিভূত হয়ে রাজা ঘুমিয়ে পড়লে, কঠিন ভূমিতে এই রাজপুরুষের কষ্ট হবে মনে করে তাঁর মাথাটি নিজের কোলে তুলে নিয়ে—রাজার ঘুম না ভাঙা পর্যন্ত অচলভাবে বসে থাকে।—কন্যাটি সুশীলা, বিচক্ষণ, বুদ্ধিমতী তো বটেই তার ওপর অতি সুন্দরী। এমন নারী পসেনদির চোখে পড়লে রাজাস্তম্ভপূরে সে যাবে না এমন হতে পারে না। মল্লিকা রাজা জেনে তাঁকে আশ্রয় দেয়নি, কিন্তু ঘুম ভাঙলে পসেনদি তৎক্ষণাৎ নিজের পরিচয় দিলেন এবং মল্লিকার পিতার কাছে গিয়ে কন্যাটির পাণি প্রার্থনা করলেন। এরকম তো কতই হয়! কয়েক মাস পরে এই রমণীর ওপর থেকে রাজার বোঁক চলে যায় সে তখন রাজার অসংখ্য অন্তঃপুরিকাদের একজন মাত্র হয়ে যায়। কিন্তু মল্লিকার ভাগ্য তেমন হল না। একেই তো তাঁকে রাজা অগ্রমহিষী করলেন, তারপর মাসের পর মাস শুধু মল্লিকার গৃহেই রাত্রিযাপন করতে লাগলেন। দু'জনের মধ্যে গভীর প্রণয়। এখন রাজা দেবী মল্লিকাকে ছেড়ে থাকতে পারেন না। তাই তিনিও সঙ্গে যাবেন। পাঁচ শতাধিক সৈন্য, রক্ষী, আরও পাঁচ শতাধিক জ্ঞাতি, বন্ধু, পরিজন নিয়ে রাজার মঙ্গল-হস্তী সহ বহু হস্তী, ঘোড়া, রথ ইত্যাদি নিয়ে মহানন্দে সাকেত অভিমুখে যাত্রা করলেন মিগার শ্রেষ্ঠী। সময়টা বর্ষা। আকাশ প্রায় সর্বক্ষণই মেঘাচ্ছন্ন। যে কোনও মুহূর্তে আকাশ থেকে নেমে আসবে বরিধারা। পথঘাট হবে কর্দমাক্ত। স্বক্কাবারে বাস করা অস্বস্তিকর হয়ে উঠবে। তার ওপর বর্ষার সময়ে নানাপ্রকার কীট, সাপ, পতঙ্গ-পিপীলিকায় ছেয়ে যাবে চতুর্দিক। ধনঞ্জয় শ্রেষ্ঠী বর্ষা উত্তীর্ণ করে শীতের প্রারম্ভে বিবাহোৎসব করতে চেয়েছিলেন। তখন আকাশ থাকবে পরিষ্কার। বসুন্ধরা শস্যপূর্ণ। কীট-প্রতঙ্গের উপদ্রব থাকবে না। সর্পেরা ঘুমোতে যাবে। বিবাহের জন্য এই সময়ই প্রশস্ত। তা ছাড়া কন্যার অলঙ্কারাদি প্রস্তুত করতে সময় লাগবে। কিন্তু মিগার মনে মনে ধূর্ত হাসি হেসে ধনঞ্জয়ের এ প্রার্থনা অগ্রাহ্য করে দিয়েছেন। অবশ্যই অতি সাবধান সন্ত্রমের সঙ্গে। শ্রেষ্ঠী ক্ষেপে না যায়। তিনি বলে পাঠালেন বাগ-দাঁনের পর আমাদের কূলে বধুকে এতদিন পিতৃগৃহে থাকলে রাখবার নিয়ম নেই। পুনর্বদ্বন্দ্বের মাতা তাঁর নির্বাচনের দুই পক্ষকালের মধ্যে স্বশুরগৃহে এসেছিলেন। অতএব শ্রেষ্ঠীবর আপনি কন্যাকে প্রস্তুত করুন। আর অলঙ্কার বস্ত্রাদির জন্য অত সময় নেওয়ার প্রয়োজন কী! একমাত্র পুত্রের বধুর সম্মানরক্ষার জন্য মিগার যথাসম্ভব অলঙ্কারাদির ব্যবস্থা করেছেন।

এই লিপি পাবার পর সাকেতে সাজ-সাজ রব পড়ে গেছে। পেটিকার পর পেটিকা বস্ত্র আসছে,



বারাণসীর নানা রঙের দুকূল, স্বর্ণসূত্রী শাটিকা, রূপা এবং সোনার সুতোয় ফুল তোলা বসন, বহুপ্রকার কাপাসিক, শ্বেতাভবন, পট্টবস্ত্র, সূক্ষ্ম উর্গার বস্ত্র, সেই সঙ্গে মুক্তা, গজদন্ত, হীরা, পুষ্পরাগ, মরকত, বৈদূর্য, মণি-মাণিক্যের স্তূপ হয়ে গেছে। এই সমস্ত নিয়ে নানা চিত্র করতে ব্যস্ত দেবী সুমনা। সেই সব চিত্র দেখে দেখে সুবন্ধকারেরা গহনা প্রস্তুত করছে। তন্তুবায়েরা বস্ত্র বয়ন করছে। বিবাহমণ্ডপের সজ্জা কেমন হবে, বিশাখার অনুচরীরাই বা কীভাবে সজ্জিত হবে, সঙ্গে কী নেবে, পূরনারীরা, দাস-দাসীরা তারা কী বস্ত্র এবং অলংকার পরবে... দেবী সুমনার নিশ্বাস ফেলবার অবকাশ নেই।

মিগারের পত্রটি দেখে ধনঞ্জয় খানিকটা বিমুগ্ধ হয়ে অন্তঃপুরে এলেন। —‘সুমনা, প্রিয়ে দেখো তো মিগার শ্রেষ্ঠীর অববিবেচনা। এই বর্ষাতেই সে বিবাহ দিতে চায়। ছয় সাত শতেরও অধিক সম্মানিত অতিথি আসছেন শ্রাবস্তী থেকে। এদিকে সাকেতের সবাইকে, গ্রামশুলি, ভদ্রিয়, রাজগৃহ সর্বত্রই তো নিমন্ত্রণ পাঠাতে হবে।’

সুমনা বললেন, ‘সে কী! “মহালতা পসাদন” নির্মাণ করতেই তো তিন মাস সময় লাগবে সুবন্ধকারেরা বলছে। তার আগে তো হবে না!’

ধনঞ্জয় বললেন, ‘বুঝতে পারছি না। মিগার শ্রেষ্ঠী কিংবা রাজা প্রসেনজিৎ কি আমার ক্ষমতার পরীক্ষা নিতে চান?’

‘কেন? যারা নিজেরাই কন্যাকে বরণ করেছেন, যৌতুকের কথা চিন্তা করেননি।’ সহসা তাঁরা তোমার ক্ষমতার পরীক্ষা করতে চাইবেন কেন?’

ধনঞ্জয় অপ্রতিভ মুখে বললেন, ‘একটা কথা অসতর্কভাবে বলে ফেলেছিলাম প্রিয়ে, বুঝতে পারছি না এসব তারই প্রতিক্রিয়া কি না।’

‘কী কথা!’ সুমনা অবাক হয়ে বললেন।

‘শ্রেষ্ঠীর উপার্জনের কথা জিজ্ঞাসা করেছিলাম। উত্তর শুনে মনে হল ইনি আমার সঙ্গে কোনও তুলনাতেই আসেন না। সে কথাটা ব্রাহ্মণদের সামনেই বলে ফেলেছি।’

সুমনা রাগ করে বললেন, ‘তুমি বড় অবিনয়ী সেটটি। কতবার তোমাকে বলেছি প্রকৃত ধনী যে, সে কখনও দস্ত দেখায় না। স্বস্তর পিতাকে দেখেছ কখনও সম্পদ নিয়ে গর্ব করতে, অথচ তাঁর তুল্য ধনশালী আর কে আছে ভদ্রিয়তে? তুমি যে অন্তত তিন পুরুষে ধনী সন্তান তোমার আচরণ দেখে কখনও কখনও তা মনে হয় না।’

ধনঞ্জয় প্রকৃতই অপ্রতিভ হয়ে বললেন, ‘ব্যাপারটা কী জানো সুমনা, কত বিপজ্জনক বাণিজ্যমাত্রা করে, কত অঙ্কপথ, জরুপথ, বেত্রপথ, শঙ্কুপথ পার হয়ে নিজের বীর্যে, বুদ্ধিতে ধন অর্জন করেছে। অত ধনী পিতার পুত্র হয়েও তাঁর ওপর নির্ভর করিনি। আজ যে সাকেতের এই শ্রী-সমৃদ্ধি তার কিছুই কি ধনঞ্জয় ব্যতীত হত? তাই দস্ত নয়, একটা প্রসন্নতা, প্রত্যয় সব সময়ে আমার হৃদয় অধিকার করে থাকে। আর সংখ্যা গণনার কথাই যদি বলো, চার শত কোটি যে অশীতিসহস্র কোটির কাছে এক কাহনও নয়, এ তো অঙ্কপাত করলেই বোঝা যাবে। সহজ, সরল, সত্য কথা। তাই....।’

সুমনা বললেন, ‘তাই, যে গৃহে কন্যা দিতে চলেছ, সেই গৃহের গৃহপতির সম্পর্কে এ উক্তি করবে! তার দূতদের সামনে? তোমার কন্যার সুখশান্তি সবই যে নির্ভর করছে তোমার এই আচরণের ওপরে।’

জীবনে এই প্রথম শ্রেষ্ঠীগৃহে দাম্পত্যকলহ লাগল।

ধনঞ্জয় বারবার বলতে চান—‘তিনি যা সত্য তাই বলেছেন মাত্র।’ কিন্তু অপমান করার জন্য কিছু বলেননি। তা ছাড়া সে সময় তিনি মিগার-পুত্রকে কন্যা দেবার কথা একেবারেই ভাবছিলেন না। সুমনা রাজগৃহ থেকে ফেরবার পর পরিস্থিতির চাপে পড়েই এই বিবাহ স্থির করেছেন।

সুমনা ততই ক্ষিপ্ত হয়ে বলেন, ‘সত্য কথা আর রূঢ় কথার পার্থক্য ধনঞ্জয় কবে বুঝবেন? এর ওপর যে বিসাখার সারা জীবনের সুখশান্তি নির্ভর করছে!’ সুমনা সহসা সংযম হারান না। কিন্তু তাঁর এখনকার আচরণ দেখে মনে হচ্ছে তিনি আতঙ্কে দিশাহারা হয়ে পড়েছেন।

এই বাদশ্রতিবাদের মধ্যে বিশাখা কক্ষে প্রবেশ করেছিল। এবার সে এগিয়ে এসে বলল, 'বিশাখার সুখশান্তি কখনওই এইসব তুচ্ছ কারণের ওপর নির্ভর করবে না মা, তুমি শান্ত হও।'

সুমনা বললেন, 'কিন্তু মা তুই তো জানিস না, ইচ্ছে করলে স্বপ্ন-স্বপ্ন যে তোকে কী অসহ্য কষ্ট দিতে পারেন, অপমান করতে পারেন, একবার বিবাহ হয়ে গেলে তোকে আমরা এ সব থেকে বাঁচাব কী করে?'

বিশাখা বলল, 'ইচ্ছে করলেই স্বপ্ন-স্বপ্ন বা অন্য কেউই ধনঞ্জয় শ্রেষ্ঠীর কন্যা বিশাখাকে কষ্ট দিতে পারেন না মা, অপমান করতেও পারেন না। আমি দেবী সুমনার কন্যা, দেবী পদ্মাবতীর পৌত্রী।'

সে স্বচ্ছন্দ কিন্তু দৃঢ় ভঙ্গিতে দাঁড়িয়ে আছে। মুখের ভাবে কোনও কঠিনতা নেই। 'কিন্তু রানির মতো এক সহজ মর্যাদাবোধ তাকে ঘিরে। এই বিশাখাকে কেউ কষ্ট দিতে পারে, কেউ এর অমর্যাদা করতে পারে সত্যিই বিশ্বাস হয় না। কিন্তু সদ্য ষোড়শী এই কন্যা তার পিতৃ-মাতৃকুলের গতির বাইরে যে বিশাল সংসার আছে তার কতটুকু জানে! স্বপ্নস্বপ্ন হল নৈর্ঘত কোণের মতো, সেখান থেকে আসে যত দুঃখ, যত অনাদর, ভাগ্য মন্দ হলে। বিশাখার ভাগ্য কি ভালো। ভালো হলে রাজ-পরিবারের সঙ্গে কুটুম্বিতা করার ভয়ে এমন বায়ুবেগে হ্রস্ব-দীর্ঘ কোনও চিন্তা না করে একটা বিবাহ স্থির করে ফেলতে হয় কেন? ধনঞ্জয় যা বলছেন তাতে তো সুমনার বুক কাঁপছে।

তিনি সভয়ে বললেন, 'কিন্তু তুমি যা বলছ তাতে মনে হচ্ছে আমরা বিশাখাকে যে ভাবে লালন-পালন করেছি তাতে ও সেখানে গিয়ে থাকবেই বা কী করে?'

এইবার ধনঞ্জয় হেসে বললেন, 'বিশাখাকে মিগার শ্রেষ্ঠীর ঘরে থাকতে হবে কেন?'

'তার অর্থ! কন্যাকে স্বপ্ন-স্বপ্নে পাঠাবে না?'

'পাঠাব না কেন? কিন্তু আমার কন্যা তার নিজের সমস্ত প্রয়োজন, নিত্যকৃত্য এবং বিলাসাদির ব্যয়ের জন্য যত অর্থ লাগবে সবই এখান থেকে নিয়ে যাবে। তার দাস-দাসী, সহচরীরা তাকে ঘিরে থাকবে। কোনও কিছুই মিসার জন্যই মিসার শ্রেষ্ঠীর মুখাপেক্ষী হতে হবে না।'

'তাহলে তো আরও ভালো। কন্যার দুর্ভাগ্যের পথটি একেবারে বাধিয়ে দিচ্ছ।

'কেন? তুমি কি বলতে চাও ধনঞ্জয় তার কন্যাকে যৌতুক দেবে না? দাস-দাসী দেবে না? মহাদেবী কোশলকুমারী যখন রাজা বিশ্বাসারের মহিষী হয়ে আসেন, কাশী রাজ্যের একটি বৃহৎ গ্রাম শুধু স্নানের ব্যয়-নির্বাহ করবার জন্যই পেয়েছিলেন, তা জানো?'

'তুমি কি মহারাজ মহাকোশলের সঙ্গে প্রতিদ্বন্দ্বিতায় নামছ নাকি?'

'না, তা নয়।' ধনঞ্জয় কৌতুকের হাসি হেসে বললেন, 'কিন্তু আমার কন্যার অন্ন-বস্ত্র-প্রসাধন-দান-ধ্যান-আমোদ-প্রমোদের জন্য আমি যদি আমার যোগ্যতা অনুযায়ী যৌতুক দিই কার কী বলার থাকতে পারে! আর ধরো যে গাভীগুলি পাঠাবো তাদের দুধ তো শুধু বিশাখা-আর তার সহচরী দাস-দাসীরাই পান করে ফুরোতে পারবে না, মিসারও থাকবে, তাঁর ধর্মপত্নীও থাকবে, তাঁদের পরিজনদের ভাগ্যেও কিছু মাত্র অন্ন পড়বে না। আর বলদ যে সব যাচ্ছে, সেগুলি দিয়ে তো বিশাখা তুমি কর্তব্য করবে না।'

'কী অর্থ এসব কথার?' দেবী সুমনা বিমূঢ় হয়ে বললেন। তিনি একবার হাস্যমুখী কন্যার দিকে তাকাচ্ছেন, আর একবার তাকাচ্ছেন দুটো হাসিতে ভরা মুখ স্বামীর দিকে। 'বুঝতে পারি না পারো তাহলে বুঝতে হবে অলঙ্কারের রত্ন গণনা করতে করতে আর গহনার রত্নসংস্থানের চিন্তা করতে করতে তোমার মস্তিষ্কটি একেবারে সোনা রুপা মগি মুক্তাতেই ঠাসা হয়ে গেছে শ্রিয়ে, না হলে...'

বিশাখা হাসতে হাসতে বলল, 'মা, পিতা বলতে চাইছেন অতিরিক্ত যৌতুক পেয়ে আমার স্বপ্ন-স্বপ্নে আছাদিতই হবেন। পিতাকে অহংকারী ভেবে ক্রুদ্ধ হবার কোনও কারণ নেই না।'

সুমনা বললেন, 'কত গাভী, কত বলদ দেবে শুনি?'

'যত গাভী যেতে চায়, যত বলদ যেতে চায়।'

'পশুদের বিশাখা নিজের হাতে যত্ন করে, ওরা বিশাখাকে যত চেনে আর কাউকে তত চেনে না। তা ছাড়া গো-পালকদের মতো বিশাখা তো কখনও ওদের প্রহার করে না। বৎসগুলিকে সরিয়ে রেখে, দুধ দোহন করে নেয় না, সে যায় শুধু ওদের গায়ে হাত বুলিয়ে আদর করতে, স্তম্ভানে

প্রলেপ লাগিয়ে দিতে কিংবা মধুমাখা ঘাসের গুচ্ছ খাওয়াতে। ওরা বিস্ময়কে প্রাণের চেয়ে ভালোবাসে, ল্যাজ তুলে সব ওর পেছন পেছন চলে যাবে।’

‘তাহলে সুমনা তুমি গাভীগুলিকে সব দিতে চাইছ না। শুনছিস বিশাখা, মায়ের মনে ভয় হয়েছে তাঁর গোয়াল বুঝি শূন্য হয়ে যায়।’

সুমনা রক্তরসিকতার ধার দিয়েও গেলেন না, বললেন, ‘যার হৃদয় শূন্য হয়ে যেতে চলেছে তার গোয়ালে গরু থাকলেই বা কী! না থাকলেই বা কী! এ সব অর্থহীন কথা বলো না সেটী। কিন্তু এত গোধন পাঠালে, সাবধি সেটী তা রাখবেন কোথায়?’

‘নতুন নতুন গোশালা নির্মাণ করিয়ে নেবেন, আমি যেমন এই বর্ষায় অতিথিদের রাখবার জন্য নতুন নতুন গৃহ প্রস্তুত করছি।’ ধনঞ্জয়ের চোখ বিকমিক করছে।

‘আর তাদের পালন? পালন করবার জন্যেও তো বহু লোক চাই!’

‘চাই-ই তো। তাই-ই অপরিমিত দাস-দাসী পাঠাচ্ছি।’

‘বাঃ, আর সেই সব দাস-দাসীর পালন?’

‘তার জন্য আবার শকটের পর শকট কার্যপণ যাবে।’

‘সেগুলি ব্যয় হয়ে গেলে?’

‘ধনঞ্জয় শ্রেষ্ঠী ধনকে সন্তানবতী করার উপায় জানে। সাকোত থেকে শ্রাবস্তী মাত্র এক দিনের পথ। ওদের লালন-পালন বিশাখাই করবে।’

‘কিন্তু এত দাস-দাসী, সহচরী ইত্যাদি নিয়ে থাকবার স্থান সঙ্কুলান আছে কি না মিগার সেটীর গৃহে সে সংবাদ নিয়েছে? তার নিজেও নিশ্চয় অনেক আছে।’

‘তা আছে। এবং এত দাস-দাসীর স্থান হওয়া সত্যিই সমস্যা।’

‘তবে?’

‘বিশাখার জন্য স্বতন্ত্র প্রাসাদের নির্মাণ করিয়ে দিচ্ছি। বারাণসী বর্ধকিরা এখানকার কাজ শেষ করেই শ্রাবস্তী চলে যাবে।’

সুমনা কিছুক্ষণ চুপ করে রইলেন। তারপর বললেন, ‘কিন্তু সেটী, এতটা কি ভালো করছ? স্বতন্ত্র প্রাসাদে স্বতন্ত্র দাসদাসী নিয়ে স্নুয়া থাকবে, এ তো রাজবাড়ি নয়, সেটী বাড়ি। গহপতির কি এসব ভালো লাগবে?’

ধনঞ্জয় বললেন, ‘আমরা গিয়ে তাঁর পুত্রকে প্রার্থনা করতে যাইনি সুমনা। তাঁরাই সারা মধ্যদেশ ঘুরে আমার কন্যাটিকে সর্বোত্তম বিবেচনা করে, রূপ করে তার গলায় আশীাবাদী হারটি পরিয়ে দিয়ে গেছেন। দূত ব্রাহ্মণদের কাছে নিশ্চয় শুনেওছেন ধনঞ্জয় তার অতিথিদের কীভাবে রাখে। সুতরাং কন্যাকে কীভাবে রাখে সে কথা বলাই বাহুল্য। এমন ঘর থেকে কন্যা নিয়ে যাচ্ছে, মিগার শ্রেষ্ঠীরই তো উচিত স্বতন্ত্র প্রাসাদ নির্মাণ করিয়ে দেওয়া।’

‘কী করে জানলে করাননি?’

‘ভালো তো! করিয়ে থাকলে ভালোই। অধিক থাকলেই বা ক্ষতি কী? তাঁরটাও থাক, আমারটাও থাক।’

সুমনা নিশ্বাস ফেলে বললেন, ‘কৃপণ হ দুহিতা।’

‘তার সুখের জন্য সব রকম ব্যবস্থা করছি তবু বলবে দুহিতা কৃপণা? দুঃখিনী!’ ধনঞ্জয় সকাতরে বললেন।

সুমনা বললেন, ‘সেইজন্যেই তো বললাম। এত ধনসম্পদ। এমন পিতা, তবু এই পরম স্নেহের ধন দুহিতাটিকে পর-ঘরে পাঠাতে হয়। তার সুখদুঃখ নির্ভর করে এখন কতকগুলি মানুষের ওপর যাদের এতদিন ধরে সে চেনেইনি। জানেইনি। কী তাদের অভ্যাস, কী তাদের চরিত্র, তারা কী চায়, এইসব জানতে বুঝতেই জীবনের শ্রেষ্ঠ সময়টা তার ব্যয় হয়ে গেছে। বালিকার অপূর্ব সরলতার স্থান নেবে অভিজ্ঞতাপক সংসারবুদ্ধি। কিশোরী হয়ে যাবে বৃদ্ধা। কৃপণা, বড়ই দুঃখিনী এই দুহিতারা।’

সুমনার বিষন্ন মুখ দেখে ধনঞ্জয় কোমল কণ্ঠে বললেন, ‘কিন্তু সুমনা, তাকে তো জায়াও হতে হবে। সে যদি তোমার মতো সখিসম্মিত জায়া হয়।’

সুমনা বললেন, 'সে সবিসম্মিত হবে, কিন্তু তার পতিটি যদি সখাসম্মিত না হয়, তোমার মতো।'

মাতা-পিতার বাদ-প্রতিবাদের মধ্যে বিশাখা মাকে আশ্বস্ত করে বেরিয়ে এসেছিল। তাঁর অনেক কাজ। বারাণসীর নিকটবর্তী বধকিগ্রাম থেকে পাঁচ শতাধিক বধকি এসেছে। সরযুতীরে যেখানে নৌবণিকরা এসে থাকে, বিশ্রাম করে, তারই কাছাকাছি তাদের থাকার ব্যবস্থা হয়েছে। নগরের মধ্যে যে কটি শোভন গৃহ পাওয়া গেছে সেগুলি তো রাজা উগ্রসেনের অনুমতিক্রমে নেওয়া হয়েছেই। তা ছাড়া বেশ কিছু অস্থায়ী বাড়ি প্রস্তুত হবে। এই বধকিরা নিজেদের গ্রামেই গৃহের স্তম্ভ, দ্বার, বাতামন, ঝেঝের জন্য বড় বড় পাটা প্রস্তুত করে আনে। সাকেতের স্থপতিজ্যেষ্ঠক অনুবিদ্ব বিশাখার সঙ্গে পরামর্শ করে তাদের দিয়ে কতকগুলি অস্থায়ী হর্ম্য করাচ্ছেন। কোনটি সম্পূর্ণ

মহারাজ প্রসেনজিতের জন্য যাতে তিনি ব্যক্তিগত দাসী ও রক্ষীদের নিয়ে থাকতে পারেন। কোনটি তার স্বস্তর মিগার শ্রেষ্ঠীর জন্য। পুত্র এবং ভ্রাতা ও জ্ঞাতিদের নিয়ে তিনি থাকতে পারবেন। কোনটি তাঁর বন্ধু স্থানীয় মহাশ্রেষ্ঠী সুদত্তের। সৈন্যদের থাকবার জন্য অর্থক্রোশ দীর্ঘ, অশ্বক্ষুরাকৃতি একটি বাসগৃহ নির্মিত হয়েছে। সঙ্গেই পানীয় জলের জন্য একটি, স্নানের জন্য আরেকটি পুকুর। এই সমস্ত গৃহের সজ্জা কী হবে, পীঠিকাগুলি কেমন, পালংকের কী পরিমাপ, ভোজনপট, ফলকাদি, দীপাধার, শেটিকা বস্ত্রাচ্ছাদন ইত্যাদির পরিকল্পনার ভার বিশাখার। অতিথিশালার সংলগ্ন উদ্যানটিতে শয্যার উপকরণাদি প্রস্তুত হচ্ছে। তুলের আশে উদ্যানটিতে যেন কুম্বাশা লেগেছে বসে মনে হচ্ছে। বিশাখার দাসীরা মাঝে মাঝে তত্ত্বাবধান করবার জন্য গিয়ে আপাদমস্তক আঁশ জড়িয়ে এসে হেসে গড়াগড়ি খাচ্ছে। প্রত্যেকটি গৃহের সংলগ্ন রন্ধনশালা রাখা হয়েছে। সেখানে যথেষ্ট সংখ্যক পাচক, দাস-দাসী তৈজসাদি। বরানুগামী সম্ভ্রান্ত ব্যক্তির যা ইচ্ছা খেতে পারবেন। বিশাখা একটি বৃহৎ খাদ্যভালিকা করেছে, প্রত্যেকটি গৃহের জন্য। প্রাতরাশ, মধ্যাহ্নভোজন, সায়মাশ, মধ্যবর্তী সময়ের জন্য ফল ও পানীয়। পাচকজ্যেষ্ঠ অতিথিদের রুচি বুঝে খাদ্য পাক করবে।

কন্যাপক্ষের নিমন্ত্রিতরা থাকবেন শ্রেষ্ঠীগৃহের অতিথিশালায়, বিশাল সপ্তভূমিক বিমানের বহু কক্ষে। সুমনার মহানসে বহুবিধ পিষ্টক, মোদক, অপ্প, শুষ্ক খন্ড প্রস্তুত হয়ে চলেছে। অপরিমিত দুগ্ধের নবনীত তোলা হচ্ছে, ক্ষীর প্রস্তুত হচ্ছে, ভারে ভারে আসছে, মাংসের জন্য পশু, পাখি। রন্ধনশালার বিভিন্ন ভাগে এসব হচ্ছে। ফোটানো, সিঁজানো, ভাপানো, শোড়ানো, সাঁতলানো, ভাজার গন্ধে, পাকশালা ম-ম করছে।

নানাপ্রকার শাক—লাউ, কুমড়ো, বার্তাকু, শিথি, ঝিঙা, কন্দ, ইত্যাদি কুট্রিতকরণ হচ্ছে। বাটা হচ্ছে নানারকম সুগন্ধি ভোজ্যে দেওয়ার জন্য।

ভদ্রিয় থেকে এসে গেছেন বিশাখার সব জ্যেষ্ঠতাত, খুল্লতাত ও তাঁদের পত্নীরা। সব ভাই ভগ্নী। পিতামহ মেগুকপিতা ধনঞ্জয়ের সঙ্গে গভীর পরামর্শের রত। তাঁর কক্ষ থেকে ধনঞ্জয়কে কেবলই বার হতে দেখা যাচ্ছে। বিশাখার মাতুলগৃহ রাজগৃহ থেকেও ধীরে ধীরে এসে পৌঁছচ্ছেন অনেকে। কিন্তু-আত্মীয় পরিজনের চেয়েও সংখ্যায় বেশি সাকেত এবং তার সন্নিহিত গ্রামগুলির মানুষ। কস্ক গ্রামগুলিই তো আছেই, সেইসঙ্গে আছে কুম্বার গ্রাম, কুম্ভকার গ্রাম, কৈবর্ত গ্রাম, তস্তবায় গ্রাম, নিবাদ গ্রাম, বেণ, রথকার, পুক্কস, চণ্ডাল—সবাই এই বিবাহোৎসবে কোনও না কোনওভাবে জড়িত, নিযুক্ত। ভোজের নিমন্ত্রণে তাদের কেউই বাদ যায়নি। বর্চকুটিরগুলির মল পরিষ্কার করার জন্যই নিযুক্ত করা হয়েছে শত শত চণ্ডাল। পথগুলি, দেবালয় ও উদ্যানগুলি সব সময় পরিচ্ছন্ন ও জলসিক্ত রাখার জন্য শত শত পুক্কস, নিবাদেরা মাংসের জাগান দিয়ে যাচ্ছে, বরাহমাংস, গোমাংস, মেঘমাংস, হরিণমাংস, তা ছাড়াও হংস, ময়ূর, বর্তক আসছে রাশি রাশি।

আচার্য ক্ষত্রপাণির সঙ্গে নিভূতে বহু আলোচনা করে স্থির হল বর্চকুটির শেষতম লগ্নে কন্যাদান করা হবে। ইতিমধ্যে বরপক্ষ আসছে আসুক। তাঁদের অভ্যর্থনা, আদর যত্নের যেন কোনও ত্রুটি না হয়। মেগুক বললেন, 'মহারাজ পসেনদি কি অতদিন অপেক্ষা করতে রাজি হবেন? তাঁর রাজকার্য রয়েছে।'

ধনঞ্জয় হেসে বললেন, 'মহারাজ পসেনদিকে যতদূর বুঝেছি তিনি অত্যন্ত প্রমোদপ্রিয় এবং ভোগবিলাসী। আসছেন বাবাতা রাজ্ঞী মল্লিকাদেবীর সঙ্গে। রাজ্য দেখবার জন্য তো তাঁর সুযোগ্য

সেনাপতিত্বয় রইলই। সর্বার্থক, অন্যান্য অমাত্যরা, মহিষী মগধদেবী এঁরাও রইলেন। আমার তো মনে হয় কিছুকাল বিলাসে আলস্যে কাটাতে পারলে মহারাজ আর কিছু চাইবেন না।

মেগুক বললেন, 'এ কেমন রাজা তোমাদের পুত্র? রাজার তো অমাত্য, মহামাত্র, সেনাপতি এ সব থাকবেই, তাই বলে এতদিন শুধু বিলাস আর ভোজনের লোভে রাজকার্য থেকে অব্যাহতি নিয়ে এখানে থাকবেন এক শ্রেষ্ঠী-কন্যার বিবাহে। আমি এ প্রকার দেখিনি। আমাদের মগধরাজ একজন নয়। দেখো, পসেনদির রাজ্য বেশি দিন থাকবে না। রাজ্যসীমা তো বাড়িয়েছেন মহারাজাধিরাজ মহাকোশল। ইনি শুধু ভোগ করছেন। আমাদের মহারাজকে দেখো। রাজকার্যে কী গভীর। প্রজাদের সুখ-সুবিধা দেখেন স্বয়ং। অপরাধীদের বিচারের জন্য বিনিশ্চয়ামাত্যর ওপর নির্ভর করেন না। এমন কি মাণ্ডলিক রাজাদের ওপরও নির্ভর করেন না। এই তো ক'মাস আগে সহস্র সহস্র গ্রামণীদের নিয়ে সভা করলেন। ভদ্রিয়র এক গ্রামভোজকের কাছে শুনলাম প্রত্যেকের সঙ্গে স্বতন্ত্রভাবে কথা বলেছেন। অতি মধুর অথচ দৃঢ় তাঁর আচরণ। প্রজারা ক্রমশই সেনিয় বিশ্বিসারের ভক্ত হয়ে পড়ছে। মহা মহা সন্ন্যাসী শ্রমণরাও কিন্তু তাঁর রাজ্যে শান্তি আছে বলে সেখানেই বসবাস করছেন। রাজ্যগৃহে ঢুকতে পশ্চিম দিকের পাহাড়টির তো নামই হয়ে গেল ঋষিগিরি। এত সন্ন্যাসী সেখানে কুটির নির্মাণ করে সাধনা করছেন।'

ধনঞ্জয় বললেন, 'দেব-দ্বিজের ভক্তি রাজা পসেনদিরও কিছু অল্প নেই পিতা। তিনি যে ভগবান বুদ্ধের ভক্ত শুনেছি। এদিকে পূরণ কাম্যপও থাকেন ওখানেই। পোকখরসাদি ও তারকথ এই দুই ব্রাহ্মণকে তো অতিশয় ভক্তি করেন। তবে এ কথা ঠিক, এ রাজা বড় ইন্দ্রিয়পরায়ণ। তক্ষশিলার স্নাতক, এত বড় বংশে জন্ম, কিন্তু সুন্দরী নারী আর সু-রসাল ভোজ্য পেলে আর কিছু চান না।'

মেগুক বললেন, 'যাক, রাজচরিত্র নিয়ে আলোচনা করে এখন আর কী লাভ ধনঞ্জয়। তোমার ভাগ্য তোমাকে মহারাজ পসেনদির রাজ্যে এনে ফেলেছে। তবে সাকেত তো শুনছি নাকি কোশলের দ্বিতীয় রাজধানী হয়ে উঠেছে। এ কথা কি সত্য?'

ধনঞ্জয় গর্বভরে বললেন, 'না পিতা, সাকেত নয়, দক্ষিণ কোশলের রাজধানী কুশাবতী। কিন্তু আপনার পুত্র এখানে এসে বসবাস করবার পর থেকে সাকেতের এতটাই শ্রীবৃদ্ধি হয়েছে যে লোকে মনে করে সাকেতই বুঝি-বা রাজধানী। লোকের মুখে মুখে চারণদের গানে গানে এ কথা চতুর্দিকে ছড়িয়ে যায়। হয়ত শীঘ্রই সত্য হয়ে উঠবে।'

মেগুক বললেন, 'তোমার মতো যশস্বী পুত্র গর্ভে ধারণ করেছেন বলে তোমার জননী দেবী পদ্মাবতী ধন্য। ধন্য আমি, তোমার পিতাও। অন্য পুত্রগুলি আমার সম্পদ রক্ষা করেছে ঠিকই। কিন্তু তোমার মতো সাহসী, বীর্যবান, বুদ্ধিমান তারা কেউ নয়। শুনলাম তুমি সমুদ্র বাণিজ্যেও উৎসাহী। যাচ্ছ নাকি?'

'এখনও স্থির করিনি।' ধনঞ্জয় সলজ্জ বললেন। 'আসলে দেবী সূমনা এবং কন্যা বিশাখাকে ছেড়ে অতিশয় বিপজ্জনক কিছু করবার উৎসাহ তিনি অনেক দিন হারিয়ে ফেলেছেন। যা করেছেন সেই প্রথম যৌবনে, মধ্যযৌবনে। এখন এত সম্পদ, এবং সেগুলি বাড়াবার এত কৌশল তিনি গৃহে বসে বসেই বার করতে পারেন মাথা থেকে যে সমুদ্রযাত্রার ঝুঁকি আর নিতে ইচ্ছা করে না।'

মেগুক বললেন, 'সে যাই হোক, রাজা এবং অন্যান্য অতিথিদের মনোরঞ্জনের জন্য ব্যবস্থাদি করেছে তো?'

'নিশ্চয়ই। লঙ্ঘন-নর্ভক আনিয়েছি। আনিয়েছি নট, নটক, কৃত্ত্বনিক, ঐন্দ্রজালিক, সোকজ্জায়িক। ঘোড়া এবং হাতির খেলাও দেখানো হবে। পশ্যাপনাথ আনিয়েছি নানাপ্রকার। বেশ্যা, রূপাজীবা ও ভালো ভালো গণিকা। এরা নৃত্যগীতে খুবই কুশলী। সঙ্গে অবশ্যই বংশী, বীণা, মৃদঙ্গ, পটহ বাদকেরা আসবে। অক্ষত্রীড়ার জন্য মণ্ডপ করিয়েছি বিশটি। পিতা, আমাদের ভদ্রিয়র বাড়ির দাসেদের মধ্যে কেউ উচ্চস্তরের ইন্দ্রজাল দেখানো। পারবে না?'

মেগুক বললেন, 'শল্য আর সুলভকে শিখিয়েছিলাম যত্ন নিয়ে। দু'জনকেই মুক্তি দিয়েছি। তারা এখন কোন দেশে বিচরণ করছে জানি না তো। তুমি যদি আগে জানাতে দূত পাঠিয়ে দেখতে পারতাম। তোমার কন্যার বিবাহোৎসব শুনলে তারা নিশ্চয়ই সব কাজ ফেলে আসত।'

মেণ্ডক মৃদুমৃদু হাসছেন দেখে ধনঞ্জয় বললেন, 'পিতা আপনি হাসছেন কেন ?'  
মেণ্ডক বললেন, 'তোমার কন্যা বালিকা বয়সে আমার কাছে প্রায়ই একটি প্রার্থনা জানাত, তাই ভেবে হাসছি।'

'কী প্রার্থনা, পিতা ?' সাগ্রহে জিজ্ঞাসা করলেন ধনঞ্জয়।

'ইন্দ্রজাল। ইন্দ্রজাল শিখতে চেয়েছিল। ভাবছি দুটি-একটি গুণ্ডবিন্দ্যা শ্রাবস্তী যাবার আগে শিখিয়ে দেবো কি না।' মেণ্ডক ও ধনঞ্জয় দু'জনেই প্রাণ খুলে হাসতে লাগলেন।

১৬

প্রত্যুষ। স্নিগ্ধ আকাশ। স্নিগ্ধ বাতাস। শ্রীমতীর গৃহ থেকে বেরিয়ে সোজা দক্ষিণ দিকে ঘোড়া ছুটিয়ে দিয়েছে চণক। কাল মধ্যরাতে খানিকটা বৃষ্টি হয়ে গেছে। পথগুলি তাই ভিজ্জে। বেশির ভাগ বিপণিই এখনও খোলেনি। পথ ঝাঁট দিতে শুধু বেরিয়ে পড়েছে কিছু পথমার্জক। রাতের প্রহরা সেরে গৃহে ফিরছে নগরদ্বারিকরা, নগররক্ষকরা। সারা রাত আমোদ-প্রমোদে কাটিয়ে কিছু রসিক ব্যক্তিও এখন ঈষৎ লাল চোখে, বিস্রম্ভ বেশবাসে পথে বেরিয়ে পড়েছে। কোনও কোনও পানাগারের বোধ হয় বিশেষ অনুমতি নেওয়া আছে। সারা রাতই মনে হয় খোলা থাকে। ওখানে থাকে দ্যুতক্রীড়ারও ব্যবস্থা। একটি দীর্ঘদেহী, অত্যন্ত কৃশকায় রুগ্ণ আকৃতির ব্যক্তি কপাল চাপড়াতে চাপড়াতে বেরিয়ে এলো। দেখেই বোঝা যায় পাশা খেলায় যা-যা পণ রৈখেছিল সবগুলিই হেরে গেছে। বোধ হয় সর্বস্বান্ত। এদের তক্ষশিলাতে যেমন দেখা যায়, তেমন রাজগৃহেও দেখা যায়। অসংখ্যের রূপ সর্বত্র এক। আজ সন্ধ্যাতেই আবার এ ফিরে আসবে, আবার ঋণ নেবে, নিয়ে পণ রেখে খেলবে, হয়ত সামান্য কিছু জিতবে। কিন্তু হেরে যাওয়ার সম্ভাবনাই বেশি। চণক ঘোড়ার গতি দ্রুততর করল। তার লক্ষ্য গৃধকূট। এরা বলে গিজ্জ্বকূট। বড় প্রিয় স্থান চণকের। নির্জন। সহজে ওপরে ওঠা যায়। বৈপুল পর্বত বহু বিস্তৃত এবং উচুও খুব। বৈভারে তপোদারামগুলি থাকায় রোগীর ভিড় হয় খুব। ইসিগিলি বা ঋষিগিরিতে কয়েক পা অন্তর অন্তরই সংসারত্যাগী সম্যাসীদের কুটী। তাই গিজ্জ্বকূটই চণকের প্রিয় পর্বতশিখর।

পর্বতমূলে পৌছবার পর তার মনে হল ঘোড়াটিকে নিয়েই কি কিছুদূর ওঠা যায় না ? ঘুরে ঘুরে ঘোড়া নিয়ে ওপরে ওঠবার পথ অন্বেষণ করছে, এমন সময়ে পেছনে অশ্বক্ষুরধ্বনি শোনা গেল। চকিত হয়ে পেছন ফিরে চণক দেখল একটি অশ্বারোহী সৈনিক। বৃকে বর্মজালিকা আঁটা। মাথায় করোটিকা শিরজ্ঞাণ। সযত্ন রক্ষিত দাড়ি এবং দীর্ঘ পাকানো গৌফ। চণকের কাছাকাছি এসে অশ্বারোহী একটি বড় গাছের সঙ্গে ঘোড়াটিকে বাঁধতে লাগল। বাঁধা শেষ হয়ে গেলে অশ্বারোহী বলল, 'এ পাহাড়ে অশ্ব নিয়ে আরোহণ করা সমীচীন নয় ভদ্র।'

চমকে ভালো করে তাকাল চণক অশ্বারোহীর দিকে। তারপর নত হয়ে বলল, 'নমস্কার মহারাজ। একেবারে উবার প্রথম লম্বেই রাজদর্শন। দিন যাবে ভালো।'

'তুমি আমার ছদ্মবেশ ভেদ করে ফেললে ? এত সহজে ?'

'মাত্র কিছুকাল আগেই আমি গান্ধারের মহামাত্রের কাছে তিরস্কৃত হয়েছি ছদ্মবেশ ভেদ করতে পারিনি বলে। আজ এখানে থাকলে তিনি সূখী হতেন, অধীনস্থ অমাত্যের কিছু উন্নতি হয়েছে দেখে। কিন্তু মহারাজ আপনি বোধ হয় ছদ্মবেশ অন্তত আমার কাছে গোপন করতে চাননি। না-হলে কঠস্বরের কথা চিন্তা করতেন।'

বিহ্বিসার বললেন, 'আচার্যপুত্র, ছদ্মবেশ তোমার কাছ থেকে গোপন করতে চাইনি এ কথা সত্য। কিন্তু কঠস্বর সম্পর্কে খুব একটা সতর্কতা আমি কখনওই অবলম্বন করি না। এত শত্রু-শুষ্ক, মুখ এবং দেহের বর্ণ বদল তার পরেও কঠস্বর বদলাতে হবে ভারি নাহলে।'

চণক নিজের ঘোড়াটিকে বেঁধে ফেলে বলল, 'কঠস্বর একটি অব্যর্থ নির্ণয়-চিহ্ন। চরেরা কঠস্বরের চর্চা অর্থাৎ কথনভঙ্গি এবং স্বর-শ্রবণ দুটোই অবশ্য শিক্ষিতব্য বলে মনে করে।'

'হবে', বিহ্বিসার বললেন, 'আমার ছদ্মবেশ গ্রহণের প্রয়োজন অল্পই হয়। যখন হয়, মৃদু স্বরে কথা

বলা ছাড়া আর কোনও পরিবর্তনের প্রয়োজন হয়নি এতদিন। আচ্ছা চণকভদ্র, গাঙ্কার রাজ্যে কি চরশাস্ত্র খুবই উন্নত ?’

চণক বলল, ‘হ্যাঁ মহারাজ। গাঙ্কার রাজ্যে অন্তর্কলহ অত্যন্ত হতাশাজনকভাবে সক্রিয়। কাশ্মীর, মদ্র, ইত্যাদি সন্নিহিত অঞ্চলগুলি থেকে সব সময়ে অতিকুশলী চরেরা যাতায়াত করছে, এতটুকু ফাঁক পেলেই এইসব রাজ্যগুলি আমাদের ওপর ঝাঁপিয়ে পড়বে। মদ্র না হয় ভিন্ন রাজ্য, কিন্তু কাশ্মীর তো গাঙ্কারের অন্তর্ভুক্তই। তবু এই অবস্থা! ওদিকে অসুর, সুমের, পারস্য দেশ থেকে উপরিশ্যেন পর্বত পেরিয়ে বণিকরা যেমন আসে, তেমন আসে চরেরাও। আমি আগেই বলেছি আপনাকে, পারস্যরাজ কুরুস এদিকে লুক্ক দৃষ্টি ফিরিয়েছেন। তাঁর ধারণা এই দেশের মাটিতে সোনার রেণু মিশে আছে। সোনার লোভ বিষম লোভ। এদিকে আবার গাঙ্কার রাজসভায় অমাত্যদের মধ্যে সবসময়ে একটা জুর প্রতিযোগিতা চলে— এতে অংশ নেন অন্তঃপুরিকারাও। অমাত্য পদ ওখানে একরকম পুরুষানুক্রমিক। রাজার ইচ্ছে থাকলেও নতুন কাউকে গুরুত্বপূর্ণ কাজের ভার দিতে পারেন না।... সত্যি কথা বলতে কি রাজার চেয়ে অমাত্যদের ক্ষমতা অধিক। অতএব...’

বিহিসার বললেন, ‘চলো আচার্যপুত্র আরও ওপরে যাই। এখানে আমাকে মহারাজ বলে সম্বোধন করা ঠিক হবে না। শুধু ভদ্র বলা।’

কিছুক্ষণ পর চণক বলল, ‘কোনও বিশেষ কাজে বেরিয়েছেন না কি ভদ্র ?’

‘না। আজ শুধু মুক্তি। মুক্তির জন্য বেরিয়েছি। আজ সারা দিন ঘুরে বেড়াব। মিশে যাব রাজগৃহের নাগরিকদের সঙ্গে। এই মাত্র।’

চণক লক্ষ করল দু’জন সামান্যবেশী ব্যক্তি, তার পরে আরও দু’জন অনেক দূর থেকে তাদের অনুসরণ করে আসছে। সে নিশ্চিত হল।

একটি চত্বালের মতো স্থান বেছে বসলেন বিহিসার, পাশে বসতে ইঙ্গিত করলেন চণককে। চণক সামান্য নিচে যথাসম্ভব নিকটত্ব রক্ষা করে বসল। বিহিসার দুঃখিত মুখে বললেন, ‘রাজাদের কি বয়স্য পাওয়ার অধিকার নেই, চণকভদ্র ?’

চণক মৃদু স্বরে বলল, ‘বয়সেও তো আমি আপনার থেকে অনেক ছোট। সামাজিক স্তরভেদ মনে চলা ভালো মনে করেছিলাম ভদ্র, আর কিছু নয়।’ সে উঠে রাজার পাশে গিয়ে বসল।

রাজা বললেন, ‘তুমি কি গাঙ্কার দেশের জন্য খুব চিন্তিত ?’

‘শুধু গাঙ্কার নয়, আমি সমগ্র উদীচা, মধ্যদেশ, প্রাচীর জন্যও চিন্তিত ভদ্র। গাঙ্কার হল সীমান্ত। এই সীমান্ত অতিক্রম করে যদি পারস্যরাজ কুরুসই বলুন, কি অসুররাজই বলুন কিংবা সমুদ্রপারের যবনরাই বলুন— একবার এসে পড়ে, এই ছিন্নভিন্ন অগ্রাধিত রাজ্যগুলির কোনও অস্তিত্ব থাকবে না। আমরা যতই ভিন্ন হই, আমাদের আকৃতি, ভাষা, পরিচ্ছদ, ধ্যানধারণা মোটের ওপর একই। সরস্বতী-দৃষদ্বতীর মধ্যবর্তী অঞ্চল আমাদের আদিপীঠ। গঙ্গা-যমুনা, অচিরবতী সরস্বতীতে ছড়িয়ে পড়েছি আমরা। কিছু কিছু পার্থক্য এসে গেছে ঠিকই কিন্তু উপরিশ্যেন পর্বতের ওপার থেকে যারা আসবে তাদের ভাষা, পরিধেয়, ভাবনা-ধারণা একেবারেই অন্য। আমার বিচারে আমরা তাদের সঙ্গে আমাদের শস্য, আমাদের খনিজ, আমাদের বিদ্যার আদানপ্রদান করতে পারি, কিন্তু বিজেতা হিসাবে যদি তাদের ভেতরে প্রবেশ করতে দিই, তা হলে সমগ্র জম্বুদ্বীপের অধিবাসী তাদের দাস হয়ে যাব। কেউ বাদ যাব না। গাঙ্কার কাশ্মোজ যেমন বাদ যাবে না, তেমনি বাদ যাবে না চেদি-মৎস্য, কুরু-পাঞ্চাল, কাশী-কেশল, অঙ্গ-মগধ, বজ্জি-মল্ল। কেউ না, কেউ না। গাঙ্কার কাশ্মীর-মদ্র কুটিল, স্বার্থান্ধ, অমাত্যে পূর্ণ, তারা স্বার্থের বশে অনেকেই হয়ত বিপক্ষে যোগ দেবে। তবে তারাও রক্ষা পাবে না।’

বিহিসার মন দিয়ে শুনছিলেন। বললেন, ‘আচার্য দেবরাতও আমাকে বলেছিলেন চক্রবর্তী রাজা হও। তখন আমি সতের-আঠার বছরের কিশোর মাত্র ছিলাম। কিন্তু তিনি একবার আকাশের দিকে তাকালেন, একবার তাকালেন বহুদূরপ্রসারী দিগন্তরেখার দিকে। বললেন মাঝখানে মেরুপর্বত তার চারপাশে অকূল বারিধি। সেখানে চতুষ্পত্র ফুলের একটি পাপড়ির মতো ভাসছে জম্বুদ্বীপ। আরও তিনটি পাপড়ি আছে। মধ্যে মধ্যে সমুদ্র, এই দ্বীপের পেছন দিকে আবারও অথই সমুদ্রের ওদিকে ১১৮

চক্রবাল। উত্তরকুরু দ্বীপে কেউ যেতেও পারে না, সেখান থেকে কারও আসার সম্ভাবনাও কম। কিন্তু অপর গোদান ও পূর্ববিদেহ থেকে জম্বুদ্বীপে কালক্রমে সাম্রাজ্যপিপাসুরা আসবেই। তার আগে জম্বুদ্বীপকে একত্র হতে হবে। তুমি সেই চক্রবর্তী রাজা হও, যে জম্বুদ্বীপকে রক্ষা করবে। আমার এখনও তাঁর প্রতিটি কথা স্পষ্ট মনে আছে, চণক। এখন চণক তুমি বলো এই জম্বুদ্বীপ কী? এই প্রাচী, মধ্যদেশ ও উদীচী, নাকি উদীচীরও ওদিকে যে বহ্লীক দেশ, বখত্রি আছে—এরাও, এমন কি সুমের বা অসুররাজ্যও। আর বিদ্যাপর্বত, বিদ্যাই কি এই দ্বীপের দক্ষিণ সীমা?

চণক বলল, 'না; বিদ্য কখনও জম্বুদ্বীপের দক্ষিণ সীমা হতে পারে না। হিমবানের মতো বিদ্য দূরতীক্রম্য নয়। বহ্লীক বা বখত্রি দেশ কিন্তু বেদ অনুসরণ করে না কোনদিন, সুতরাং আমাদের বর্তমান অবস্থায় গাঙ্কার, কস্বোজ, কাশ্মীরের পশ্চিমে যে সব দেশ আছে তাদের সম্পর্কে আমার কোনও আত্মীয়বোধ নেই।'

বিহিসার হেসে বললেন, 'চণক কি খুব গোড়া বেদপন্থী না কি? যাগ-যজ্ঞ, সাম গান, ইত্যাদিতে বিশ্বাস করেন? বেদই যদি আমাদের মানদণ্ড হয় তা হলে কিন্তু মধ্যদেশ ক্রমশই অ-বৈদিক হয়ে যাচ্ছে, আরও পূর্বের তো কথাই নেই। এ অঞ্চল তো তা হলে জম্বুদ্বীপ হলো না।'

চণক ধীরে ধীরে বলল, 'আমার ভুল ধরিয়ে দেবার জন্য ধন্যবাদ। তবে বেদ-পন্থা বলতে আমি, কিন্তু শুধু যাগ-যজ্ঞই বোঝাচ্ছি না। আপনার প্রথম প্রশ্নের উত্তর আগে দিই। না। চণক যাগ-যজ্ঞে সেভাবে বিশ্বাস করে না। অর্থাৎ যাগ-যজ্ঞ করলেই সমৃদ্ধি হবে, সম্ভান হবে, দেবতারা তুষ্ট হবেন, পিতৃপুরুষ সুখী হবেন—ঠিক এইভাবে আজকাল বিশ্বাস করতে পারছি না ভদ্র। এ কথা সত্য। কারণ দেখুন, সোমযাগের মতো ব্যয়সাধ্য দীর্ঘ সময়ের যজ্ঞ তিন পুরুষের মধ্যে একবার তো করতেই হয়, কিন্তু করলে যজ্ঞমানের ধনক্ষয় ছাড়া বৃদ্ধি নেই। যজ্ঞের প্রত্যক্ষ ফল বলে যদি কিছু লাভ হত, যেমন পুত্রোষ্টি যাগের ফলে যদি পুত্র হত তা হলে নিয়োগ-প্রথার প্রয়োজন হত না, ধর্ম-নাটকেরও প্রয়োজন হত না। চিন্তা করুন নিয়োগ প্রথায় স্বামী অথবা স্বশুরকুলের জ্যেষ্ঠরা নিজেরাই একজন অপর পুরুষকে নিযুক্ত করছেন স্ত্রীর গর্ভে সম্ভান উৎপাদনের জন্য, আর ধর্ম-নাটক প্রথায় নিয়োগ পর্যন্ত করছেন না, পত্নীকে অথবা পত্নীদের স্বচ্ছন্দ-বিস্বাসের জন্য ছেড়ে দিচ্ছেন। কোন প্রকৃতির মানুষের ঔরসে সম্ভান জন্মালো তা নিয়ে পর্যন্ত চিন্তা নেই। এই হীন পন্থা না ধরে একটি পুত্রোষ্টি যজ্ঞ করলেই তো পারতেন এঁরা। করেন না কেন?' বলে চণক থামল, সে মহারাজের কাছ থেকে উত্তর আশা করছে।

কিছুক্ষণ পর সে-কথা বুঝে বিহিসার বললেন, 'ঠিক কথা। অর্থাৎ এঁরা অন্তর থেকে ইষ্টি-যাগে বিশ্বাস করেন না।'

'তার চেয়েও বড় কথা,' চণক বলল, 'এই সব পুরুষরা স্বীকার করে নিচ্ছেন তাঁদের পুত্র-উৎপাদনের ক্ষমতা নেই। পত্নী নির্দোষ। তাঁরা নিজেরাই হীনবীর্য। পুরুষের শুক্র, নারীর শোণিত মিললে তবেই তো সম্ভান জন্ম হবে, পিতা যদি হীনবীর্য বা বীর্যহীন হন তাহলে?'

বিহিসার চমকিত হয়ে বললেন, 'তোমার যুক্তি তো অব্যর্থ চণক? তা হলে!'

'হ্যাঁ, ভদ্র, বহু পুরুষই জন্মগত কারণে বা অসংযমের ফলে বীর্যহীন হয়ে থাকে সেইজন্যই তাদের সম্ভান হয় না, কিন্তু সে কথা আড়াল করে তারা এবং তাদের সমাজ অক্ষমতার দায় অপর পত্নীর ওপর চাপিয়ে দেয়। পরের পর পত্নী ত্যাগ করে, বিবাহ করে একটার পর একটা।'

'আর দেবতা? শ্রৌত যজ্ঞে যে দেবতাদের আবাহন করা হয়?'

চণক ধীরে ধীরে বলল, 'আমার মনে নানা সংশয় ভদ্র, সব কথা ঠিক শরিকারও হয়নি এখনও। বলতে সাহস পাই না।'

'অভয় দিলে?'

'অভয় দিলে বলতে পারি, দেবতাদের অস্তিত্বে সেভাবে আশঙ্কাল যেন বিশ্বাস হয় না। কে বলুন তো এই ইন্দ্র? যিনি গৌরব করে বলছেন আমি সালাবুক দিয়ে যতি অরুমুখদের ভক্ষণ করিয়েছি, যিনি বলছেন মাতৃবধ, পিতৃবধ, ভ্রূণহত্যা ইত্যাদি মহা পাতক করলেও তাঁর ভক্তের মনে কোনও অনুশোচনা বা দুঃখ হবে না! এই অতিরিক্ত সোমপায়ী দেবতাকে তো আমার একজন অত্যাচারী



রাজা ছাড়া আর কিছুই মনে হয় না । মানুষ রাজার যে দশবিধ কৃত্য আছে দান, শীল, পরিত্যাগ, অক্রোধ, অবিহিংসা, ক্ষান্তি, আর্জব, মার্দব, তপঃ ও অবিরোধন—এগুলির একটাও কি এই দেবতাদের রাজা পালন করেন ? মানুষ রাজারা যদি ইন্দ্রের মতো সোমপানী, ক্ষমতালিঙ্গু, পরদারগামী, ক্রোধী, হিংসক, কুটিল, বিশ্বাসঘাতী হন প্রজারা তো বিদ্রোহী হবে, অমাত্যরা ষড়যন্ত্রে লিপ্ত হবে, তাঁকে অপসৃত করতে চাইবে সর্বস্তরের প্রজ্ঞ । চাইবে না ? বলুন ?

বিশ্বিসার হাসলেন, বললেন, 'অবশ্যই । তবে এ একটা আদর্শ । আদর্শকে পুরোপুরি অনুসরণ করতে কি আমরা সবাই পারি ? পারি না !'

'আমি আদর্শের কথাই বলছি মহারাজ । দেবতারা তো আদর্শেরও আদর্শ ।'

'মহারাজ নয় ভদ্র । আমি এখন একজন ঋশ্রুবিলাসী সৈনিক মাত্র ।' বিশ্বিসার তাঁর দাড়িতে হাত বেলাতে লাগলেন ।

'ও, হ্যাঁ, ভুলে গিয়েছিলাম ।' হেসে চণক বলল, 'এ ছাড়া অন্যান্য দেবতাদের কথাও ভাবুন । অগ্নি অনলের দেবতা, বরুণ জলের দেবতা, আদিত্য সূর্যের দেবতা, এই অগ্নি বা জল ইচ্ছামতো নষ্ট করে দিতে পারে জনপদের পর জনপদ, আবার আমাদের কাজেও লাগে, অর্থাৎ এরা বস্ত্র । সূর্য প্রতিদিন উদিত হচ্ছে, অস্ত যাচ্ছে, চন্দ্র ও নক্ষত্ররাও তাই । এরাও যদি বস্ত্রপিণ্ড হয় ভদ্র । সুন্দর ! অপরাধ সুন্দর ! মহাশক্তিধর ! কিন্তু নিজেদের ওপর এদের কোনও নিয়ন্ত্রণ আছে কি ? আপনি প্রার্থনা করে, তপস্যা করে, যজ্ঞ করে অগ্নিকাণ্ড থামাতে পারবেন ? আপনাকে জলের সাহায্য নিতে হবে । বন্যা থামাতে পারবেন ? আপনাকে নদীর পাড় উচু করতে হবে । অতিবৃষ্টি, অনাবৃষ্টি থামাতে পারবেন ? সূর্যকে রাত্রে এবং চন্দ্রকে দিনের বেলায় উদিত করতে পারবেন ? যতই যজ্ঞ করুন !'

বিশ্বিসার নির্বিষ্ট মনে শুনছিলেন, মুখে মৃদু হাসি, বললেন, 'তুমি তা হলে যাগ-যজ্ঞে বিশ্বাস কর না, দেবতাদের প্রতিও তোমার আস্থা নেই । এমন কি তাদের অস্তিত্ব নিয়েও তোমার মনে সংশয় । কেমন ?'

চণক বলল, 'আপনি হাসছেন ?'

'হাসছি এই কারণে যে, তোমার কথার সঙ্গে আরও কারণ কারণ কথার মিল খুঁজে পাচ্ছি । বিশেষত তৎসংগত বুদ্ধর । তুমি কি তথাগতকে দেখেছো চণকভদ্র ? তাঁর দেশনা শুনেছ ?'

'না, সে সৌভাগ্য আমার এখনও হয়নি ।' চণক বলল, তার ভিকু অসুসজির কথা মনে পড়ল, সে জোর করে তাঁর কথা মন থেকে সরিয়ে দিয়ে বলল, 'যাগ-যজ্ঞে সেভাবে বিশ্বাস না করলেও আমি কিন্তু শ্রমণ গৌতমের মতো একেবারে উড়িয়ে দিতে পারি না এগুলো ।'

'বিশ্বাস করো না, অথচ উড়িয়ে দিতেও পারো না ? আশ্চর্য !'

'আশ্চর্য নয় ভদ্র, ভেবে দেখুন যাগ-যজ্ঞ কিন্তু ঋনিকটা সমাজ-উৎসবের মতো । বড় আকারের সত্র হলে বহুদিন ধরে বহু লোকের সঙ্গে মেলামেশা চলে । ছোটখাটো ইষ্টিয়াগ বা পশুযাগ হলেও পরিবারবর্গ, জ্ঞাতিকুটুম্ব এরা একত্র হন । কিছু সং-চিন্তা করেন । তঁচিতা, পবিত্রতা রক্ষা করে চলেন । এর মূল্য নেহাত অল্প নয় । সামাজিক বিধিমায়েই তো কৃত্রিম । সমাজের স্থিতির জন্য কতকগুলি কৃত্রিম অনুষ্ঠান সম্পাদন করতে হয় । আজ যদি আপনি একটি অশ্বমেধ যজ্ঞ করেন পুনরভিষেক বা ঐন্দ্রাভিষেকের আয়োজন করেন, তা হলে তা কৃত্রিম একটি সমাজবিধি হলেও গাঙ্কার, কন্বোজ, কুরু-পাঙ্কাল, অবস্তী, মিথিলা সব স্থান থেকেই তো রাজপুরুষ, ব্রাহ্মণ, গৃহস্থি এবং নানান বৃষ্টির মানুষ আসবেন, মনে করুন কুরুরাজ জনমেজয়ের মহাযজ্ঞের কথা । সেই উপলক্ষে পুরাবৃত্ত, রাজবংশগুলির উদ্ভব, এমন কি বিভিন্ন জনপদের উদ্ভব নিয়েও কত জ্ঞান, কত বিদ্যার আদানপ্রদান হয়েছিল । হয়নি ? এটাই লাভ । বহুজনের কথা জানা, তাদের মধ্যে নিজেকে ছড়িয়ে দেওয়া, এটাই লাভ ।'

'চণক, তুমি কি আমাকে অশ্বমেধ যজ্ঞের ছল করে জব্বুদ্বীপকে মগধের রাজচ্ছত্রের তলায় আনার পরামর্শ দিচ্ছ ?'

চণক একটু আশ্চর্য হল । তারপর হেসে বলল, আপনার তাই মনে হল ? কিন্তু এ অতি পুরনো উপায় । এখন সময় বদলে গেছে । সময়ের পদধ্বনি শুনেতে পান ভদ্র ? সমাজকে বাঁধার জন্য, তার ১২০

অভ্যাস নির্মাণ করার জন্য যাগ-যজ্ঞ ছোট আকারে থাকে থাকুক। কিন্তু রাজাদের বোধ হয় এখন আর মহাসজ্ঞ করবার সময় নেই। চতুর্দিকে রাষ্ট্রগুলি অস্থির হয়ে রয়েছে। নিশ্চিন্তে সামাজিক ক্রিয়াকর্ম করার সময়ই এ নয়। অন্য উপায়ের কথা চিন্তা করতে হবে।’

বিধিসার বললেন, ‘তুমি হয়ত জানো, হয়ত জানো না, আমার এক মহিষী বুদ্ধশাসনে প্রবেশ করে আমার কুল উজ্জ্বল করেছেন। তিনি এখন ভিকুণী। আমি নিজেও উপাসক। তথাগত বুদ্ধ, যাকে তুমি শ্রমণ গৌতম বলে উল্লেখ করলে তাঁকে আমি আমার দেখা সব মহামানবদের মধ্যে শ্রেষ্ঠ বলে মনে করি। মুখে অবশ্য তা প্রকাশ করি না, আরও অনেক শ্রমণপন্থের তপস্বী আছেন, তাঁদেরও আমি দান করি, তাঁদেরও উপদেশ শুনি। বেদপন্থীদেরও আমার রাজ্যে কোনও অনাদর নেই। কিন্তু পশুযজ্ঞে আমার আর ভেতর থেকে সম্মতি আসে না। ধর্মের নাম করে পশুবধ। নাঃ সে আমি আর পারি না।’

‘আমি আপনাকে পশুমেধ করতে বলছি না মহারাজ।’

‘কিন্তু মনুষ্যমেধ করতে তো বলছ ? চক্রবর্তী রাজা হতে হলে তো যুদ্ধ করতে হয়। যুদ্ধ মানেনই নরমেধ ? নয় ?’

‘তা সত্যি। কিন্তু সেভাবে নরমেধ কি আপনি করেন না ? চোর, দস্যু, রাজদ্রোহী, ব্যভিচারিণী, এদের মহাদণ্ড দেওয়া হয় না ?’

‘তারা তো অপরাধী ? অপরাধের শাস্তি ভোগ করে।’

‘প্রত্যন্ত প্রদেশে যখন বিদ্রোহ দমন করতে যান ?’

‘সে-ও তো রাজদ্রোহ !’

‘যদি আপনার রাজ্য আক্রান্ত হয় ?’

‘তা হলে শত্রুবধ করব।’

‘শত্রুই হোক, রাজদ্রোহীই হোক, অপরাধীই হোক, সবাই-ই মানুষ। কোনও না কোনও প্রকারে মানুষমেধ আপনি করেই যাচ্ছেন। করতেই হচ্ছে।’

‘শোনো চণক, তুমি যত কুযুক্তিই দেখাও, যত উত্তেজিতই করো, দীর্ঘদিন অঙ্গরাজ্য জয় করবার জন্য যুদ্ধে লিপ্ত থেকেছি। আবার যুদ্ধের কথা আমি ভাবতে পারছি না।’

চণক হেসে বলল, ‘আপনাকে যুদ্ধের জন্য উত্তেজিত করছি না মহারাজ। খালি পিতার আশীর্বাদ সফল করে রাজ-চক্রবর্তী হতে উদ্বুদ্ধ করছি।’

‘যুদ্ধ না করে, যজ্ঞ না করে কীভাবে সেটা হওয়া সম্ভব, চণক ?’

‘সে কথাই অবিরত ভেবে যাচ্ছি। তক্ষশিলা থেকে মগধ আসতে আসতে অবিরত ভেবেছি। নিতান্ত প্রয়োজন না হলে যুদ্ধ এখন অবাস্তর মনে হয়। কিন্তু যুদ্ধ না করেও একটা বিস্তীর্ণ ভূখণ্ডের অধিপতি কি হওয়া যায় না ? একটু ভাবুন তো মহারাজ। আর কোনও পথ...’

এই সময়ে চণক দেখল মহারাজ হঠাৎ যেন দারুণ উত্তেজিত হয়ে উঠে দাঁড়াচ্ছেন। তাঁর দৃষ্টি অনুসরণ করে সে দেখল একজন পীতবাস পরা ভিক্ষু, যথেষ্ট দীর্ঘদেহী এবং উজ্জ্বল গৌরবর্ণ, প্রশান্ত মুখ, অত্যন্ত দ্রুত উঠে আসছেন। এত দ্রুত উঠে আসছেন অথচ সেই তাড়াটা যেন তাঁর চক্ষু মানে বা আকারে ধরা পড়ছে না। মহারাজ অশ্রুতে বললেন, ‘ভগবান তথাগত।’

চণক বলল, ‘মহারাজ, আপনি কিন্তু ছদ্মবেশে আছেন। ভুলে যাবেন না।’

‘না, ভুলব না, কিন্তু তুমি যাও চণক, উনি কার্তিকী পূর্ণিমার পর যে-কোনদিন যে-কোনও দিকে বেরিয়ে পড়বেন। এমন সুযোগ হেলায় হারিও না।’ বিধিসার দ্রুত একটা পাথরের আড়ালে গিয়ে দাঁড়ালেন।

গৌতম উঠে এলেন। তারপর চণকের পাশ কাটিয়ে দক্ষিণ দিকে চলতে লাগলেন। চণক চলল তাঁর পেছন পেছন। কিছুটা যাওয়ার পর সে ডেকে বলল, ‘ভদ্রশ্রী, আপনি কি কিছু খুঁজছেন ?’

‘আমি কিছু খুঁজছি না ব্রাহ্মণ ; আমি পেয়েছি,’ সংক্ষেপে বললেন গৌতম, একটু পরে বললেন, ‘আমি একটি নির্দিষ্ট স্থানে যাচ্ছি, গির্জাবকুটের ওপর দিকে একটি চাতালের মতো সমতল স্থান আছে, সেখানেই।’

‘আমি সঙ্গে গেলে আপনার অসুবিধে হবে, ভদ্রস্ত ?’

‘আমার কিছুতেই সুবিধা বা অসুবিধা হয় না অমুদ্রন, তুমি আসতে পারো।’

দীর্ঘ ক্ষিপ্ত পদক্ষেপে শ্রমণ মুহূর্তের মধ্যে চোখের আড়ালে চলে গেলেন। চণক ভাবল, ইনি যে দেখি, হাঁটার পরীক্ষায় সবাইকে পেছনে ফেলে দিতে পারেন। অদ্ভুত ক্ষিপ্ত তো!

অবশেষে তিনটি শিলার মধ্যবর্তী একটি সমতল স্থানে পৌছে গৌতম স্থির হয়ে দাঁড়িয়ে রইলেন। চণক দেখল পাহাড়ের নানা পাথরের মধ্য দিয়ে দিয়ে একটি বৃদ্ধ এবং একটি তরুণ উঠে আসছে।

তার পৌছতে গৌতম বললেন, ‘কেমন ব্রাহ্মণ, এই স্থানটির কথাই বলছিলেন তো?’

বৃদ্ধ হাঁপাতে হাঁপাতে বললেন, ‘হ্যাঁ হ্যাঁ, এই স্থানই বটে সমন, আমার এই পিতৃপোষক সুপুত্র পিতার বড় বাধ্য।’ তিনি তরুণটির মাথায় হাত বুলিয়ে দিতে লাগলেন, ‘আর কোনও পুত্র আমার দেখাশোনা তো করেই না, কেউ আমার কথায় কানই দিল না। বৃথলে গৌতম আমি তো ভয়ে কাটা হয়ে আছি। বৃদ্ধ হয়েছি কখন পুট করে মরে যাব, আর এরা অমনি কোনও অপবিত্র স্থানে নিয়ে গিয়ে আমার অগ্নিক্রিয়াটি করবে। এত সম্পদ আমার, অগ্নিহোত্র রক্ষা করে চলেছি শ্রদ্ধায়, চিরকাল প্রত্যেকটি দর্শনাগ, পূর্ণমাস-যাগ করে এসেছি। অগ্নিষ্টোম যজ্ঞে শত শত গাভী দান করেছি। এত পুণ্য, তা সত্ত্বেও হয়ত এইটুকুর জন্য অক্ষয় স্বর্গ থেকে বঞ্চিত হব।’

গৌতম বললেন, ‘ব্রাহ্মণ, শ্মশান কীভাবে পবিত্র বা অপবিত্র হয় তা আমায় বলুন।’

‘তুমি তো কিছুই মানো না’, ব্রাহ্মণ বিরক্তির সঙ্গে বললেন, ‘তোমায় কী বোঝাবো? শ্মশান এমনিতেই অতি অপবিত্র স্থান। হীন জাতির লোককে দাহ করলেই সে শ্মশান আরও অপবিত্র হয়ে যায়। এই বৃষলেরা মরেও আমাদের শাস্তি দেবে না। আমার পুত্র তো খুঁজে খুঁজে কোনও শ্মশান পেল না নগরে যেখানে কোনও চাঁড়াল, কি নিষাদ, কি পুক্কস দাহ হয়নি। ওর প্রশ্ন শুনেই তো শবদাহ চাঁড়ালগুলো হা-হা করে হাসে, বলে কি জানো?’ ‘অরে ব্রাহ্মণ, এইখানে চিতার ওপর যেমন বাঁশের বাড়ি দিয়ে রাজা-রাজড়ার মাথা ফাটাই, বামুন পুরুতের মাথা ফাটাই, স্থূলোদের বণিকগুলোর মাথা ফাটাই, তেমন চাঁড়ালদেরও মাথা ফাটাই। তফাত তো কিছু বুঝি না। নিজে মরলেও এই শ্মশানেই পুড়বো, আমার ভাইয়ের পুত হয়ত আমার মাথাখানা ফাটাবে।’

চণকের হাসি পেল, সে দেখল ব্রাহ্মণের তরুণ পুত্রটি অনেক কষ্টে হাসি সংবরণ করে দাঁড়িয়ে আছে।

গৌতম বললেন, ‘আপনিই উপসাদ্য পণ্ডিত না?’

‘হ্যাঁ ইনিই।’ পুত্রটি এবার সসভ্রমে বলল।

‘আপনারা তো অগ্নিকে খুব মানেন। অগ্নি সব শুদ্ধ করে দেন না?’ গৌতম বললেন।

‘তা দেন। কিন্তু পরিবেশটিও তো দেখতে হবে! এমনিতেই তো শ্মশান মানেই নোংরা, এখানে নর-কপাল, ওখানে পায়ের হাড়, সেখানে শৃগালের উচ্ছ্রষ্ট পড়ে রয়েছে। এরূপ স্থানে দাহ হবার কথা ভাবলেই আমার হৃৎকম্প হয়।’

‘মৃত্যুর পর তো আর হৃদয় কম্পিত হবে না আর্ষ!’ গৌতম বললেন।

‘রসিকতা ছাড়া শ্রমণ। হীন জাতির শব যেখানে নিয়ে যাওয়া হয় সেখানে আমি কিছুতেই দাহ হবো না। না। না। সে আমাকে শ্মশানভঙ্জিক বলে হাসাহাসিই করো আর যা-ই করো।’

‘না, না, আমি হাসিনি’, গৌতম বললেন, ‘কিন্তু কোনও জাতি মরেনি, এমন স্থান তো রাজগৃহে কেন, সারা পৃথিবীতে খুঁজে পাবেন না ব্রাহ্মণ উপসাদ্য।’

‘সে আবার কী? এই গিজ্জবকুটের শিবরেও কোনও বৃষল মরেছে নাকি?’

‘ব্রাহ্মণ আপনি নিজেই এই স্থানে অন্তত চতুর্দশ সহস্রবার ভস্মীভূত হয়েছেন। প্রত্যেকবার আপনি ব্রাহ্মণ বংশজাত ছিলেন না। এ স্থান অনুচ্ছ্রষ্ট নয়। এ পৃথিবীর আকৃতি কল্পে কল্পে বদলে যায়। এ কল্পে যা তপোভূমি, পরের কল্পে তা আমকশ্মশান, তার পরের কল্পে হয়ত তা বিষ্ঠাক্ষেত্র। তো ব্রাহ্মণ, পৃথিবীতে এমন কোনও স্থান নেই যা কখনও না-কখনও নর-কপালে আবৃত হয়নি। আর মৃত্যুর পূর্বে সেই সব মৃতদেহ হীন জাতির ছিল কি উচ্চ জাতির ছিল অগ্নি তাদের গ্রাস করার আগে কখনও জিজ্ঞাসা করেনি, শৃগাল, শকুন এরাও জিজ্ঞাসা করে না।’ বলতে বলতে গৌতম

আরও উচুতে আরোহণ করতে লাগলেন। গভীর স্বরে বলতে লাগলেন, ‘অনাগোহমশ্মি লোকস্। আমি বৃদ্ধ, বহু লক্ষ জন্ম পার হবার পর বৃদ্ধ জন্ম পেয়েছি। নৈরঞ্জন নদীতীরে বৃদ্ধত্ব লাভ করেছি বহু উপস্যায়। আমি জানি। আমি দেখতে পাই। তোমাদের আগের শতাধিক জন্ম, যখন হীন জাতি ছিলে, তারও আগের আগের সহস্রাধিক জন্ম, যখন তির্যক্ যোনিতে ছিলে, তারও আগের আগের লক্ষাধিক জন্ম যখন ছিলে পাথর, মাটি, বালির স্তূপ, বালুকণা মাত্র। চৈতন্য ছিল না, মন ছিল না, প্রাণ ছিল না। বাতাসে উড়তে, জলে ভেসে যেতে, দারুণ রোদে পুড়তে। এটা শুদ্ধ ওটা শুদ্ধ নয় বলা কারও শোভে না ব্রাহ্মণ। যে বলে সে জানে না। আমি জানি।’

সূর্য সেই সময়ে গৌতমের পেছনে ঠিক তাঁর পায়ের কাছে অবস্থান করছিল। গৈরিক সংঘটিতে আবৃত দেহের তলার দিকটা দেখাচ্ছিল কৃষ্ণবর্ণ। ছায়ার মতো। ওপর দিকটা দীর্ঘ একটি দীপশিখার মতো স্বল ছিল। তাঁর কথাগুলি যেন হাওয়ায় ভেসে ভেসে চণক এবং অন্য দু’জনের কর্ণকুহরে প্রবেশ করছিল। উপসাদ্যের তরুণ পুত্রটি গভীর সন্ত্রম ও ভক্তিতে তাঁর দিকে চেয়ে ধীরে ধীরে জানু মুড়ে বসে পড়ল, বলল, ‘আপনি মহামানব, আমরা জানি না, বুঝি না। আমাদের সত্য পথে নিয়ে চলুন ভগবন। আমার এই পিতা বহু বিদ্যা আয়ত্ত করেছেন, কিন্তু আমরা সবাই বুঝতে উনি আসলে মুঢ়, মুর্থ। ঠুর মৃত্যুর সময় হয়ে এলো। আপনি ঠুর চোখের সামনে থেকে অজ্ঞানের তমঃ অপসারিত করুন। শুদ্ধিবায়ুগ্ৰস্ত বলে ঠুকে পরিত্যাগ করবেন না।’

বৃদ্ধ ব্রাহ্মণটিও যখন জোড়া হাতে বসে পড়েছেন। তাঁর চোখ দুটি বোজা। গালের লোলচর্মের ওপর দিয়ে দরদর করে চোখের জল গড়িয়ে পড়ছে। গৌতম দাঁড়িয়ে আছেন শিখরে। তাঁর হাত দুটির একটি ওপরে একটি নিচে যেন অভয় দিচ্ছে। তিনি চেয়ে আছেন ওই দুই ব্রাহ্মণের দিকে। কিন্তু চণক বুঝতে পারল উনি এখন ধ্যানস্থ। কনকচাঁপার শুষ্কের মতো দেখাচ্ছে তাঁর উর্ধ্বাঙ্গ। কখনও নিষ্কম্প দীপশিখা। এদিকে সূর্য পেছনে লাফ দিয়ে দিয়ে উঠছে। সঙ্গে সঙ্গে কখনও ছায়াময় হয়ে যাচ্ছে গৌতমের জানুদেশ, কখনও কটি, কখনও বক্ষোদেশ, তারপর তাঁর গ্রীবা ছুঁয়ে ঠিক মাথার পেছনে অবস্থান করতে লাগল সূর্য। কিন্তু চণক দেখল গৌতমের মুখটিতে ছায়া পড়েনি। যেন সম্মুখ থেকে অন্য কোনও দীপ্ততর সূর্য তাঁকে উজ্জ্বল রেখেছে। দেখতে দেখতে চণক বুঝতে পারল, এ সূর্য গৌতমের ভেতরের। এবং গৌতমের মধ্য থেকে সেই প্রভা তাঁর আর ব্রাহ্মণদ্বয়ের মধ্যে একটি সেতু রচনা করেছে। সেই সেতু বেয়ে ওই প্রভা গৌতমের শির থেকে প্রবেশ করছে ব্রাহ্মণদের মস্তিষ্কে, হৃদয়ে। সে এই শক্তিশ্রোতের বাইরে দাঁড়িয়ে, অথচ পুরো প্রক্রিয়াটি দেখতে পাচ্ছে, বুঝতে পারছে। একটা দুর্লভ সৌভাগ্য তার হলো আজকে।

দৃশ্যটিকে সামনে রেখে সে পিছু হঠতে লাগল। মাঝে মাঝে দেখে নিচ্ছে পথ, তারপর আবার চলছে। কেন যে সে চলে আসছে সে ভাল বুঝতে পারল না। সে কি ভয় পাচ্ছে? যেখানে মহারাজ বিধিসারের সঙ্গে ছাড়াছাড়ি হয়েছিল, সেখানে এসে আর তাঁকে দেখতে পেল না। সামান্য বেশে যে রক্ষীগুলি আশেপাশে ঘুরছিল তাদেরও না। তার অর্থ মহারাজ চলে গেছেন।

চণক এবার দ্রুত নামতে লাগল। এই তা হলে সেই তথাগত বৃদ্ধ। বীরশূর্যের মতো আকৃতি। মুখভাবে একাধারে বৃদ্ধির ওজ্জ্বল্য এবং গভীর ধ্যানমগ্নতা। কী অদ্ভুত আশ্চর্যতায়। কেমন বললেন, “আমিই প্রথম, আমিই এ পৃথিবীতে সর্বশ্রেষ্ঠ। আমি জেনেছি।” এই উচ্চারণশক্তি কখনও অহমিকা ছিল না। ঠিক যেন সে বলছে আমি দেবরাতপুত্র কাত্যায়ন চণক। আশ্চর্যপ্রিয় দিচ্ছে। নিজের গোত্র, পিতৃনাম এবং নিজস্ব নাম জানালে কি তা অহমিকা হয়? হয় না? এ-ও তেমনি। কিন্তু ইনি সেই স্বপ্নমগ্ন ভিক্ষু অস্‌জ্জির মতো নন। তিনি যেন মুক্ত। পৃথিবীর পরিপার্শ্ব দেখতে পাচ্ছেন না। মগ্ন হয়ে আছেন কী এক উপলব্ধির মধ্যে। গৌতম ঋষির মতো। শ্যোন যেমন দৃঢ় নখে পারাবতকে ধরে, পালাবার পথ রাখে না, ইনিও তেমনি নিজের শক্তি, নিজের প্রত্যয় দিয়ে ব্রাহ্মণ দুটিকে, তাদের ভ্রাম্যক ধারণাগুলিকে সবলে ধরলেন। সেগুলির টুটি ছিড়ে ফেললেন যুক্তি আর স্ত্রানের তীক্ষ্ণধার নখ দিয়ে। কী ভাবে ক্ষিপ্ৰগতিতে উঠে আসছিলেন! কীভাবে তার শ্রমগুলির উত্তর দিলেন। “আমি কিছু খুঁজছি না। আমি পেয়েছি।” “আমর কিছুতেই সুবিধা বা অসুবিধা হয় না আয়ুন্মন, তুমি আসতে পারো।” কথাগুলি তার মনের মধ্যে যেন বারবার ধ্বনি প্রতিধ্বনি তুলতে

লাগল। বার্বার চোখের সামনে ভেসে উঠতে লাগল কীভাবে গৌতম গিজ্জকুট শিখরে গিয়ে দাঁড়ালেন, যেন মঞ্চে গিয়ে দাঁড়ালেন কোনও মহানট। আকাশ তাঁকে পশ্চাৎপট দিল, সূর্য তাঁকে আলো দিল, বাতাস তাঁর কণ্ঠস্বরকে বেগবান, জোরালো করে তুলল। তারপর তাঁর সেই অভয়মূর্তি। সেই দীপ্ত মুখমণ্ডলী। আচ্ছা উনি কি এই দৃশ্যটির এমন অস্পর্ষ প্রভাব হবে জেনেই ওভাবে শিখরে উঠে গিয়েছিলেন। স্বস্তি উচ্চারণের ওই অস্পৃষ্টপূর্ব ভঙ্গি। এটি কি জেনে শুনে আয়ত্ত করা ?

হঠাৎ চণকের মনে হল, আচ্ছা সারা রাজগৃহ ঐর ওপর কিস্ত। ইনি স্বামীর স্ত্রী, স্ত্রীর স্বামী, পিতার পুত্র-পুত্রী, পুত্র-পুত্রীর পিতাকে কেড়ে নিচ্ছেন। ইনি ঐর শাসনে, ঐর সঙ্গে নাকি সবাইকে প্রতিষ্ঠা করতে ব্যস্ত। সঞ্জয়ের শিষ্যদের কেড়ে নিয়েছেন। বিখ্যাত কাশ্যপাতাদের ঐর সজ্জ্বল করেছেন। কই, চণকের প্রতি তো ঐর কোনও আগ্রহ দেখা গেল না। ওই ব্রাহ্মণ দুটিকে উদ্ধার করার জন্য গোটা গিজ্জকুটটাই একসকল দৌড়ে উঠেছেন, অথচ চণক, উদীচ্য ব্রাহ্মণ, গাঙ্কার রাজসভার অমাত্য, তাকে সজ্জ্বল করার কোনও চেষ্টা তো করলেন না। কেন ? মহাবুদ্ধিধর, তক্ষশিলার বহু পুরুষের পণ্ডিতবংশের কুলশ্রীচাঁপ চণক, তার প্রতি শ্রমণ কোনও আগ্রহই দেখালেন না। আশ্চর্য। সত্যিই আশ্চর্য।

রাজ-অতিথিশালার দিকে যেতে যেতে চণকের আরও মনে হল—মহারাজ বিশ্বিসারের মধ্যে যেন কী একটা সূক্ষ্ম পরিবর্তন এসেছে। রাজপ্রাসাদের ভোজনকক্ষে যে মগধরাজের সঙ্গে কথা হয়েছিল, আর যে ছদ্মবেশী মহারাজের সঙ্গে আজ গিজ্জকুটে দেখা হল ঐরা ঠিক একই ব্যক্তি নন। সেদিন মহারাজ তাকে আত্মানুসন্ধানী কিংবা শ্রমণপিপাসু পরিব্রাজক মনে করে হতাশ হয়েছিলেন। তারপর তার পরিকল্পনার কথা শুনে তার পরামর্শ মূল্যবান মনে করেছিলেন। আজ সেই তিনিই অভিযোগ করলেন—চণক তাঁকে যুদ্ধ করে লোকস্বয়ং করতে প্ররোচিত করছে। অশ্বমেধ যজ্ঞের ছল করে জম্বুদ্বীপের ওপর আধিপত্য বিস্তার করতে পরামর্শ দিচ্ছে। পশুহত্যা করতে পরামর্শ দিচ্ছে।

চণক ভাবল আর এখানে নয়। খুব শীঘ্র বেরিয়ে পড়তে হবে। চণকের যা কাজ, তা চণকেরই কাজ। খুবই অন্যান্যনস্বভাবে সে অনেকটা পথ পার হয়ে অশ্বশালায় গিয়ে অশ্বরক্ষকদের হাতে চিন্তককে অর্পণ করল। সেই রকম গভীর চিন্তায় আবিষ্ট হয়ে পার হল বাইরের প্রাক্ষণ, সোপান বেয়ে উঠল, তারপর কক্ষগুলির সামনের অলিন্দ পার হতে লাগল। শ্রীমতীর গৃহে অতি প্রত্যুষে প্রায় ব্রাহ্মমুহুর্তে খুব ভাল করে চন্দন-অশুক্র মিশ্রিত জলে সে স্নান করেছে। এখন আর স্নানের প্রয়োজন নেই। কিন্তু হাত পা শরীর মুছে ফেলার প্রয়োজন আছে। এতক্ষণ স্কুধাবোধ ছিল না। এখন মনে হচ্ছে কিছু পান করার আশু প্রয়োজন, সঙ্গে কিছু খাদ্যও। মধ্যাহ্নভোজনের সময় কি হল ? সে দাসীদের কিছু শুষ্ক ফল এবং মৈরয়ে আনতে বলে নিজের ঘরের দিকে গেল।

দুকতেই একট পীঠিকায় বসে আগন্তুককে দেখে চমকে উঠল চণক। মহারাজ। তিনি কোনও শীতল পানীয়ে ধীরে ধীরে চুমুক দিচ্ছেন।

মহারাজের ইস্তিতে ঘর বন্ধ করে বসল চণক। বিশ্বিসার বললেন, ‘আজ আমি রাজ-অতিথির অতিথি’। আপত্তি আছে ?’

চণক বলল, ‘সিদ্ধুনির কখনও কখনও নিজেই নিজের পূজা করতে চায়। আমি মৈরয়ে আর কিছু শুষ্ক ফল আনতে বলেছি।’

‘শ্রমণ গৌতমকে কী দেখলে চণক ?’

‘ইনি একজন অতি বিরল স্বক্শিলালী পুরুষ, শুধু দেখাই একটা অভিজ্ঞতা ! আমি তো শুনলাম।’

‘ধর্মদেশনা শুনলে ?’

‘ধর্মদেশনা ? বোধ হয় না। তবে কিছু শুনলাম। মনে হল ইনি মুক্তিবাদী। পুরনো ধারণার মধ্যে যেসব কুসংস্কার প্রবেশ করেছে সে সবক্কে আমাদের সচেতন করে দিতে চাইছেন। নিঃসন্দেহে মুক্ত মনের মানুষ।’

‘আর কিছু ?’

‘মহারাজ, মুক্ত মনের চেয়ে বড় কথা, বড় গুণ আমার কাছে আর কিছু নেই।’

তীক্ষ্ণ দৃষ্টিতে তার দিকে তাকিয়ে বিশ্বিসার বললেন, ‘আচার্যপুত্র, তোমার মনে ব্যথা দিয়েছি !’

‘ঠিক তা নয় মহারাজ।’ চণক চিন্তিত স্বরে বলল, ‘কিন্তু আমার মনে সংশয়। আপনিই কি আচার্য দেবরাতের সেই শিষ্য, যার সম্পর্কে আচার্য তাঁর মৃত্যুকালে শেষ ভবিষ্যদ্বাণী করে গেলেন? আপনি কেন চণককে আপনার অর্থর্ধমানুশাসক করতে চেয়েছিলেন তা-ও বুঝলাম না। শুনেছিলাম, আপনি খুব ঘন ঘন অমাত্য বদলান। সে কি তাঁদের অক্ষমতার জন্য? না, অপরাধ নেবেন না মহারাজ, আপনারই অব্যবস্থিতচিন্ততার জন্য।’

বিহিসার উঠে দাঁড়ালেন, পদচারণা করতে করতে বললেন, ‘চণক, কিছুদিন আমি বড় বিভ্রান্ত, বড় অসহায় বোধ করছি।’ বুঝতে পারছি, আমার কথাবার্তার মধ্যে, ব্যবহারের মধ্যে সামঞ্জস্য থাকছে না।’

চণক কোমল গলায় বলল, ‘কিন্তু মহারাজ, যাঁদের কাছে গুরুদায়িত্ব, যাঁরা সাধারণ নন, তাঁরা তো চিরকাল একাই। এই একাকিত্ব কী করে বহন করতে হয় আজ গিজ্জবকুট শিখরে শ্রমণ গৌতমকে দেখে শিখেছি।’

বহুক্ষণ চুপ করে থেকে বিহিসার দীর্ঘনিঃশ্বাস ফেলে বললেন, ‘নারী, নারীই যত দুঃখ, যত অশান্তির মূল।’

‘এ কথা বলবেন না মহারাজ’, চণক প্রতিবাদ করে উঠল, ‘নারী আমাদের জন্ম দেয়, নারী আমাদের প্রেমতৃষ্ণা মেটায়, আমাদের সন্তান গর্ভে ধারণ করে, আমাদের গৃহকে গৃহ করে তোলে। নিজেদের প্রবৃত্তিকে সংযত করতে পারি না বলে নারী থেকে আমরা দুঃখ পাই।’

‘হয়ত ঠিকই বলেছ বন্ধু চণক। কিন্তু, প্রিয়া নারী যখন একবারও পেছন ফিরে না তাকিয়ে গৃহত্যাগ করে চলে যায়? অপমানের ছালাকে কৃতার্থমন্যর হাসিতে পরিণত করতে হয়? শূন্য বন্ধের হাফাকারকে যখন গোপন করতে হয়, অথচ পারা যায় না?’

চণক মৃদু স্বরে বলল, ‘মহারাজ, পত্নী প্রব্রজ্যা নিলে দুঃখ হয়ত হতে পারে, অপমানের ছালা হবে কেন? আমি বুঝি না।’

‘আমিও বুঝিনি, আচার্যপুত্র, কিন্তু হল। যখন তিনি কেশশুচ্ছ ফেলে দিলেন, যে সুগন্ধ, অপরিমিত কেশ কতদিন...কতদিন আমি বন্ধে ধারণ করেছি, যখন তিনি পরিত্যাগ করলেন আমার দেওয়া মহার্ঘ বস্ত্র-অলঙ্কার যা তাঁকে মাত্র কিছুদিন উপহার দিয়েছি, মনে হল যেন আমাকেই ফেলে দিলেন, আমাকেই আবর্জনার মতো পরিত্যাগ করলেন। ছালা হল। ভেতরে যেন বৃশ্চিক দংশন অনুভব করছি সর্বক্ষণ। যখন আমার অন্তঃপুরে ছিলেন যথাযোগ্য সমাদর করিনি, করতে পারিনি। রাজার জীবনে অনেক বিধিনিষেধ বন্ধ, অনেক কূটনীতিতে কণ্টকিত, কিন্তু তিনি মানিনী ছিলেন। একটু সমাদর করলেই তাঁর ভেতরের সেই অভিমান ফণা তুলত। না, এসব থাক। আমি প্রলাপ বকছি।’ রাজা চুপ করে গেলেন। চণক অপেক্ষা করে রইল। একটু পরে তিনি আবার বললেন, ‘তুমি প্রশ্ন করছিলে না, কেন তথাগত বুদ্ধকে সামনে দেখেও চলে এলাম? এই জন্য। এই জন্য। তাঁর ঋদ্ধিতে, তাঁর অসামান্য রূপবৈভবে, গুণগ্রাম অনুভব করে মুগ্ধ ছিলাম আমি। এখনও আছি। কিন্তু হৃদয়ের সেই ছালা তাঁকে দেখলে এখন বেড়ে যায়। আমি সহিতে পারি না। তাই তাঁর দর্শন কিছুদিন এড়িয়ে চলছি। তা ছাড়া, তোমার চোখে দিয়ে তাঁকে দেখবার, তাঁকে পরীক্ষা করবার ইচ্ছে হয়েছিল।’

‘কী দেখলেন মহারাজ?’

‘একটি অন্য মানুষকে যেন দেখলাম। ঠিক ধরতে পারছি না। কিন্তু অন্য মানুষ।’ রাজা একটু থেমে দ্বিধামিশ্রিত স্বরে বললেন, ‘চণক, যে কথা কারুর কাছে প্রকাশ করতে পারিনি, তা আজ তোমার কাছে প্রকাশ পেলো। রাজা ঋত্রিয় বটে। রাজ্যরক্ষার ভার তাঁর ওপর। সেটাই তার মুখা দায়িত্ব। সত্য। সবই সত্য। কিন্তু রাজা তো মানুষও।’

‘তা দেখালেন বটে সাকেভের সেট্টি। বস্‌সার তিন তিনটি মাস ধরে কি না পীয়াতাং, ভূজ্যাতাম !’  
‘যা বলেছিল। তা-বড় তা-বড় অতিথীরা তো আছেই। রাজা-রাজড়া, অমাচ্চ, পারিষদ, সেনাদল, রক্ষী, গহপতি, বোধ হয় সাকেভ- সাবখি-ভদ্দিয়র কোনও বড় মানুষকে বাদ রাখেনি।’

‘আর রাজগহ ? রাজগহর নাম কল্লি না ? রাজগহর বড় বড় আঢ়্য ব্যক্তিও তো এসেছিল। অলঙ্কার কী সব। দেখলে চোখ ফেরে না।’

‘কত লোক খেটেছে বল তো ? এখনও খেটে যাচ্ছে। এক পাকশালেই তো শত শত মাপক, কুটক, পেষক, পাচক, পরিবেশক। অতিথীদের দেখাশোনার জন্যে গাম থেকে সুপ্রচুর সংখ্যায় চূতক-চূতিকা নিয়েছে সেট্টি। লোকগুলো এই তাতে ধন করে নিল বটে ! বস্‌সায় পথ নষ্ট হচ্ছে বলে তো সবদা কাঁকর আর বালু ফেলছে, ফেলছে আর পিটিয়ে পিটিয়ে সমান করছে।’

‘বারাঙ্গসী বদ্ধকিদের দেখেছিলি ? ভেলকি দেখালো যেন। কাঠের থাম আর পাটাগুলো আনছে, কাঠামো আনছে আর যেন ফুস মস্তুরে এক-একখানা সুরম্ব হম্ব নিশ্চান করে ফেলছে। পথ ঝাঁট দিচ্ছে সব সময়। পথে সুগন্ধ ছড়াচ্ছে, যেন পথ নয়কো, বড় মানুষের গা।’

‘তা যেমন খেটেছে, তেমনি পেয়েছে সব। ভোজ্ঞ তো তিন মাস ধরে খেলই। তার ওপরে পেল জোড়া জোড়া কাপড়, কাহন, তণ্ডুল, যব, মোদক...’

‘সে না হয় হল, কিন্তু শুনেছিল একশ’ গ্রাম থেকে নাকি সেট্টি একশ’ রকম উপহার নিয়েছে। নিদ্দেশ ছিল। অনেকে গরিবগুরবো গ্রামও তো আছে, তারা তো ভয়ে সারা। কী দেবে।’

‘এ সব মিছে অপযশ। সেট্টি কি আর চেয়েছে ? গামে গামে নেমস্তুর গেছে। মোড়লগুলোর তো লোক-দেখানি কিছু করা চাই ! অমনি সব নিদ্দেশ চলে গেল। ছন্দক চাই, ছন্দক চাই। কনের জন্যে উপহার নিশ্চান হবে। আমাদের গ্রাম থেকে তো উৎকৃষ্ট দই এক শকট পাঠানো হয়েছে। বাস ! তোদের ?’

‘শুনলুম উপরত্ব দেওয়া গজদাঁতের কাঁকন। চোখে দেখিনি ভাই।’

‘ভালো। তবে অতশত হিরামণিমাণিক্যের মধ্যে তোদের উপরত্বের গহনা কি সেট্টি কন্যা পরবে ?’

‘কে জানে। দিতে হয় দেওয়া। সেট্টি কন্যা পরবে বলে তো আর দেওয়া হয়নি !’

‘হ্যাঁ রে, রাজামশাইকে দেখেছিলি ?’

‘কোন্ রাজা ? আমাদের উগ্‌গসেন ?’

‘না রে। আমাদের কোসলের রাজা পসেনদি ? কী মোটকা। এত মেদ যে হাসলে চোখ বুজে যায়।’

‘তুই কোথায় দেখলি ? সব সময়ে তো রক্ষী দিয়ে ঘেরা থাকে।’

‘কে বলেছে ? ইন্দ্রজালের সভায় বসে ঠাঠা করে হাসছিল। ঠিক আমাদের গামনির মেজ্ঞ পুতের মতো। মোটকা হোক। মনটা খুব ভালো। হাতে সব সময় পানপাস্তরটি ধরা থাকে।’

‘এই বয়সে তো আবার একটা কচি মেয়েকে বিয়ে করেছে শুনছি !’

‘আহা, তা তো করতেই পারে। রাজার আবার বয়েস।’

‘বাজ্জিকরদের দেখলি ?’

‘অদিটপুবব। সত্যি ভাই জাদুর খেলা যা দেখলুম, সারা জীবন মরি ভুলতে পারব না। বংশধাবন তো করল বিদ্রুতের মতো। তার পর দড়া বাজ্জিকর জালপাতার ছাতা হাতে কেমন হেলেদুলে দড়ির ওপর দিয়ে হেঁটে গেল ? কচি ছেলেটাকে নিয়ে খা লোফালুফি করছিল, আমার তো নিশ্বাস বন্ধ হয়ে আসছিল। আমরা ভাই একটু-আধটু সাপের মতো, কি বানর খেলা দেখেছি গ্রামে। বংশধাবনও দেখেছি। কিন্তু এর সঙ্গে তার কোনও তুলনাই হয় না।’

‘আর জাদুকর ! ওই যে শল্প আর সুলভ, নাকি এক সময়ে বিসাখার পিতাম্বর দাস ছিল। কোথা থেকে খবর পেয়ে চলে এসেছে। মাটিতে বীজ পুঁতল, গাছ হল, পাঁচ রকমের ফল ধরল, সেই ফল ১২৬

কেটে কেটে সব্বাইকে খাওয়ালো—বাব্বাঃ !

‘কী করে এ সব করে বল তো ?’

‘অলৌকিক ক্ষমতা থাকে । নানা রকম ভূতপ্রেত সব বশে থাকে । জানিস না মেণ্ডক সেটটির ইন্ধি আছে ।’

‘তা এরূপ ইন্ধি তোর আমার হয় না কেন ? শন্ন, সুলভ ওরাও তো আমাদের মতোই সাধারণ লোক । ছিল তো ক্রীতদাস । বিসাখার পিতাম্বর । আমাদের চেয়ে খারাপ অবস্থা বই ভালো না । আমরা তো নিজেদের গেহে, নিজেদের বউ-পুত-কন্যা নিয়ে খাচ্ছি, দাচ্ছি, খাটছি, পিটছি । বাপ-মা আরও সব জেট্টীদের উপদেশ পাচ্ছি । আর ওরা ?’

‘দাখ, ওরা দাস হলেও কিন্তু বড় ঘরের দাস । বিসাখার পিতাম্বর ধনের কোনও সীমা-পরিসীমা নেই, তা জানিস ! এই যে বিসাখার বিয়ে হল । এরকম দশটা বিয়ে একুনি দিতে পারে, গায়ে লাগবে না । ওদের ঘরের দাসরা নিত্য সুগন্ধ চালের অন্ন খায়, কাসিক বস্ত্র পরে । সেটটির লোকও ভালো তো । দাসেদের যত্ন করে, কষ্ট দেয় না ।’

‘কী করে জানলি ?’

‘শুনেছি । এই তো এই বিয়ের জন্যেই ভদ্রিয় থেকে কত দাস এসেছে । এক-একজনের আকৃতি কী ! দেখলে ঠিক বুঝি কুলপুত্র । তো সবাই তো আর সমান অহংকারী নয়, নিজেদের মধ্যে বলাবলি করছিল কত কথা— তাইতেই বুঝলাম । শন্ন আর সুলভ, ও জাদুকর দুজন তো ওদের প্রভুর কাছ থেকেই শিখেছে সব ।’

‘তাই নাকি ?’

‘হ্যাঁ রে মেণ্ডক সেটটি নিজে অনেক রকম জানে, বললামই তো ইন্ধি আছে । এমন কি ওঁর পত্নী দেবী পদুমাবতী পর্যন্ত জানেন অনেক কিছু ।’

‘বাব্বাঃ, তা হলে তো দেখছি বড় ঘরের দাস হওয়াও অনেক ভালো ।’

‘এটা কি বললি চন্দ, ছি ! ছি ! কত জন্ম পাপ করলে তবে কেনা-দাস হয়, তা জানিস ? সেই শূকর আর বলদের গল্পোটা জানিস না ?’

‘কোনটা ? সেই শূকর রোজ ভালো ভালো খেত, আর বলদগুলো পেত না সেইটা ?’

‘হ্যাঁ সেইটা । তা ওই শূকরের মতো মোটা-সোটা হয়ে মাংসের জন্য বধ হওয়া ভালো ?’

‘দুটো এক হল ? সেটটি কি দাসেদের কেটে খায় ?’

‘তুই বড় মাথামোটা চন্দ, কেটে খাবে কেন ? কিন্তু খাটায় তো ? অসাগর খাটায় । তার ওপর প্রভু যখন যা বলবে করতে হবে । তেমন তেমন প্রভু হলে মেয়ে উচ্ছন্ন করে দেবে ।’

‘সবাই তো আর দেয় না । বড় ঘরের দাসেরা ভালোই থাকে । আমাদের কসকদের খাটুনি কি অল্পো ? রোদে-জলে, কীটপতং, সন্ন, জোক মাথার ওপর দিয়ে সারাটা দিন বয়ে যাচ্ছে । পায়ে তলায়...’

‘কিন্তু যখন সবুজ সবুজ ধানগাছগুলি লতলতিয়ে ওঠে ? যখন শিব আসে ? যখন সমবন হয়ে যায় ক্ষেত ! হাত পায়ে তেল মালিশ করে কুটিরের সামনের চতালে বসে দেখিস, তখন ?’

চন্দ হেসে ফেলল, বলল, ‘যাই বলিস ওই জাদুকর দুটোকে দেখে আমার মাথা ঘুরে গেছে । ছিল দাস, প্রভু নিজের বিদ্যে শেখালেন, শিখিয়ে মুক্তি দিয়ে দিলেন, এখন দেশ-বিদেশে জাদু দেখিয়ে কেমন করে যাচ্ছে !’

‘সে দেখ, ওদের ভাগ্যের জোর । নয়তো এত তো সেটটি ছিল, মেণ্ডক সেটটির ঘরেই বা দাস হয়ে যাবে কেন ? এত তো দাস ছিল সেটটির, ওরা দু’জনেই বা বিদ্যেই পেল কেন ? ওদের আগের জন্মের কোনও পুণ্যকল ছাড়া আর কী ?’

পাশ দিয়ে একটি চার ঘোড়ার রথ ছুটে গেল ।

‘কে যায় ? কে যায় গো ?’

সারথি মুখ ফিরিয়ে একবার তাকাল, উত্তর দিল না ।

‘শুমোর দেখলি ?’



‘দেখলাম ।’

হুম হুম করে শিবিকা আসছে । পটিচ্ছন্ন । বস্তুর দিয়ে ঢাকা । কিন্তু বস্তুর একটু ফাঁক করে কৌতূহলী দৃষ্টিতে চারপাশ দেখছে রমণীরা ।

‘কে যায় ? কে যায় ?’

‘অযোধ্যা সেটটির গেহের পুরাজনারা ।’

আরও একটি রথ আসছে । এ পথ এখন বিশাখার বিবাহের কল্যাণে রথ্যা অর্থাৎ রথ চলবার উপযুক্ত হয়ে গেছে । যেমন প্রশস্ত, তেমনি সমান ।

‘কে যায় গো ?’

‘রাজগহ যাই ।’

গো শকট আসছে, দু’তিনখানা ।

‘কে যাচ্ছ গো ?’

বলদের পিঠে ছপটি মেরে চালক বলে, ‘গামনি, গামভোজক সব আছে, পরিবারসুদ্ধ ।’

‘কোথাকার গামনিরা বল তো ? আমাদের গামনি তো আমাদের সঙ্গেই এলো । সব্বাই একপ্রকার হলিদ্দায় ছোপানো বস্তুর পরে, নতুন উত্তরীয় কাঁখে, গলায় মল্লিকার মালা, পায়ে কাঠঁঠপাদুকা পরে শনশন করে চলে এলাম । সঙ্গে রমণীদের আনিনি ।’

‘কেন ? রমণীদের আনলি না কেন ?’

‘দূর । ওরা সঙ্গে থাকলে সব আনন্দই মাটি । তার ওপর এতটা পথ, বলবে “শকট করো, মাষক-কাহন কিছু নেই নাকি কস্‌সকের ঘরে ? নেই যদি তো বিবাহের সাধ হয়েছিল কেন ?” তারপর দেখ এই যে এখানে এত অলংকার এত সব শাটিক, বেশভূষা দেখবে, অস্ত্রতপস্কে এক যুগ মাথা ঘুরে থাকবে । বলবে, “আমারও অমনি সাত লহর চাই । আচ্ছা সাত না পারো পাঁচ লহর দাও । অমনি কাঁকন, অমনি কেয়ূর”, সব চিত্রের মতো বৃথিয়ে দেবে তোকে । কোথায় মরকত থাকবে, কোথায় হীরক, কোনখানটা সন্নমুখের মতো হবে, কোনখানটা মকরমুখের মতো হবে । চন্তালে বসে বসে স্বপ্ন দেখবে সব । চেয়ে চেয়ে কাজিকা পাব না, অন্ন আধসেদ্ধ থাকবে, মচ্ছগুলো হয়ত বিড়ালেই খেয়ে যাবে, গাই দুইবার সময় বয়ে যাবে ।’

‘বাব্বাঃ, এতও ভেবেছিছ ? তবে তোর দুর্দৃষ্টি আছে, বলতেই হবে । রমণীরা এমনিই করে বটে । আমাদের তো গ্রাম থেকেই ঠিক হল রমণীরা যাবে না । বালক-বালিকারাও না । কে জানে, কেমন ব্যবহার করবে । বড় ঘরের ব্যাপার । তবে বালক-বালিকাগুলিকে না এনে এখন বড় দুঃখ হচ্ছে রে । এমন খেলা, হাতি ঘোড়ার খেলা, নর্তকের খেলা, এমন জাদু দেখতে পেল না । কাছাকাছি গ্রামের থেকে সব এসেছিল । বালক-বালিকাদের জন্য স্বতন্ত্র ব্যবস্থাও করেছিল ।’

‘গণিকাদের দেখেছিলি ? রাজগহ, সাবখি, চম্পা থেকে পর্যন্ত নাকি নেমন্তন্ন পেয়ে নৃত্যগীতকুশলা গণিকারা এসেছিল ।’

‘বাব্বাঃ তাদের জন্য তো সুরম্য হুম প্রস্তুত হয়েছে, নৃত্য ও সঙ্গীতের জন্য মণ্ডপ ভেতরে । আমরা যাই সাধ্য কি ? ওসব রাজভোগ্যা, ধনীভোগ্যা নগরশোভিনী । ওদের সঙ্গীতামি শোনবার অধিকারও আমাদের নেই । নানা স্থান থেকে আসা সেটীপুস্তুর আর ক্ষতিয়কুমাররা তো ওখানেই সঁটে ছিল ।’

‘কেন, সৈন্যদের বাসগহের কাছে তো অল্প মূল্যের বারবধুও ছিল । যাসনি ?’

‘তুই গিয়েছিলি না কি ?’

‘গেলাম বইকি । পুরো মূল্য দিয়ে গেলাম, তা মাঝরাতে এক বর্শা ধনুকধারী অস্বারোহী আসতে আমায় বার করে দিলে ।’

‘তা তুই কি ভেবেছিলি মূল্য দিয়ে ওকে সারা রাতের জন্য কিনে নিয়েছিস !’ চল, চল, পা চালিয়ে চল, মনে দুঃখ করিস না ।’

সাকেতের প্রান্তিক গ্রাম থেকে অতিথির স্রোত আসা-যাওয়া করতেই থাকে । করতেই থাকে । যারা কাজ করছে এবং পরিবারের সঙ্গে সম্পর্কিত কি বন্ধুস্থানীয় তারা তো যতদিন পারছে, থাকছে ।

অন্য গ্রামগুলিকে শুদ্ধ করে করে খাইয়েছে শ্রেষ্ঠী । সারা দিন জাদুর খেলা দেখে, ষাওদাও, ইচ্ছে হলে লক্ষ লক্ষ দীপমালায় শোভিত সাকেত নগরীর সন্ধ্যাশ্রী দেখে । তারপর ফিরে যাও । ভোজনের সময়ে নাতি-উচ্চ মঞ্চের ওপর সর্বালঙ্কারভূষিতা, অপরাগ বেশবাসে সজ্জিতা বিশাখা এসে নত হয়ে দাঁড়ায়, সঙ্গে সুবেশী সংচরীরা । শ্রেষ্ঠী কিংবা তার ভাইদের কেউ নিজে তদ্ব্যবধান করে । গ্রামণীর দেওয়া উপহারটি গ্রহণ করে শ্বিতমুখে নমস্কার জানায় বিশাখা । অনেকক্ষণ ধরে উপহারটি হাতে চিত্রের মতো দাঁড়িয়ে থাকে । এমন শ্রেষ্ঠীকন্যা কেউ কখনও দেখিনি ।

এবং সারাক্ষণ পঞ্চশত সুবর্ণকার, মণিকার মিলে সহস্র নিষ্ক পরিমাণ স্বর্ণ, রজত, মুক্তা, প্রবাল, হীরক, পদ্মরাগ, পুষ্পরাগ, বৈদূর্য নীলকান্ত মণি ইত্যাদি দিয়ে অনলসভাবে প্রস্তুত করে যায় 'মহালতা'পসাদন' । সে এক অদ্ভুত অলঙ্কার । অন্যান্য অলঙ্কার তো ধনঞ্জয় দিয়েইছেন । কিন্তু 'মহালতা' এক অতি বিচিত্র, দুর্লভ গহনা । এই গহনা নমনীয় অথচ এতে কোনও সুতো নেই । সব সুতোই রূপোর । পরলে মাথা থেকে পা পর্যন্ত সমস্ত দেহটিই এক অভিনব, অদৃষ্টপূর্ব উপায়ে অলঙ্কৃত হবে । পায়ের ওপর সোনার চক্র, জানুখুয়ে দুটি, কটিদেশে দুদিকে দুটি, কণ্ঠে একটি, দুই বাহুসঙ্কিতে দুটি, কানের ওপর দুটি এবং শিরের ওপর একটি । মহালতার উপরার্ধ একটি ময়ূরের মতো, যেন পেখম ছড়িয়ে দাঁড়িয়ে আছে । বাদিকের পেখমে পাঁচশ', ডানদিকের পেখমে আরও পাঁচশ' সোনার পালক । ঠোঁট প্রবালের, চোখগুলি মণির, কণ্ঠ এবং পুচ্ছের পালকগুলিও বহু মণিখচিত । পালকের মধ্যশিরা রজতের, অনুরূপভাবে ধারণগুলি এবং চরণও রজতের । বিশাখার মাথার ওপরে ঠিকভাবে বসিয়ে দিলে মনে হবে পর্বতশিখরে আনন্দিত ময়ূর নৃত্য করছে । আর সেই সহস্র পালকের মধ্যশিরা থেকে নড়া-চড়া মাত্রই সুমধুর, স্বর্গীয় সঙ্গীত শোনা যাচ্ছে । পেখম-ছড়ানো একটি মণিমাণিক্যখচিত ময়ূরের মধ্যে অনিন্দ্যসুন্দরী বিশাখা । খুব কাছে এলেই বোঝা যাবে এটি সত্যি ময়ূর নয় ।

কেউ বলল নব্বই কোটি ব্যয় হয়েছে স্বর্ণ, রৌপ্য, মণিমাণিক্যে এবং আরও দশ কোটি গেছে গড়াতে । কেউ বলল, অতটা হবে কী ? কেউ বলল, এ তো বোধ হয় অল্প করে বলা হল । মণিমাণিক্য, কত নষ্ট হয়েছে কাটাকাটিতে । রূপোর জালি নির্মাণ করতে সোনার চক্রগুলি বসাতেও এদিক-ওদিক অনেক গেছে, সে সব ধরলে আরও বেশি । বিশাখার গতজন্মের মহাপুণ্য ছিল নিশ্চয়ই, তাই-ই এমন অলঙ্কার পেল । কেউ আবার বলল, অলঙ্কার পেলেই তো হল না, তার উপযুক্ত রূপও থাকতে হবে । ধনী শ্রেষ্ঠী তো আরও আছেন । তাঁদের ঘরে কন্যাও আছে । কিন্তু এই গহনা পরবার জন্য ভাগ্য দুই প্রকার চাই । ধনভাগ্য এবং রূপভাগ্য । এই যে নাতিদীর্ঘ, নাতিখর্ব আকার, ক্ষীণ কটি, পদ্মকোরকের মতো বক্ষের আকার, নাতিব্যাপ্ত নাতিপৃথুল শ্রোণি, সূচিকণ কষু গ্রীবা, অতুলনীয় আঁশি এবং ওষ্ঠাধর । মহালতা ধারণ করবার জন্য আদর্শ আকৃতি এই । এর চেয়ে ক্ষুদ্রকায় হলে, গহনার ভারে চাপা পড়ে যেত, দীর্ঘকায়, কিংবা স্থূলকায় হলে গহনা সমেত একটা অনৈসর্গিক প্রাণী বলে বোধ হত । কিন্তু এখন ছড়ানো ময়ূর পেখমের মধ্যে, ময়ূরের ঝুঁটিসুন্দ মুণ্ডটা মাথায় মুকুটের মতো ধারণ করে, বালার্ক বর্ণের স্বর্ণসূত্রী কাসিক দুকূল পরে বিশাখা দাঁড়িয়ে আছে, সোনার চরণচক্র, কটিচক্র, জানুচক্র, কণ্ঠচক্র শোভা পাচ্ছে । মণিবন্ধে, বাহুতে, কণ্ঠে রঞ্জের ঝিকিঝিকি । এ যেন সকল সৌন্দর্যের সার । মানুষী রূপের পরাকাষ্ঠা ।

রথটিও তেমন । রূপা আর হাতির দাঁতের কারুকার্য করা । মাথার ওপরের ছাত থেকে মুক্তার ঝালর নেমেছে । সাতটি দুষ্কধবল সৈন্যব অশ্ব বাহন । তার পাশাপাশি আর-একটি রথ চলেছে গহপতিপুত্র পুন্মবদধন । দিব্যি দেখতে । একটু বেশি সুখমাল । টানা টানা কলসী চোখ, ধনুকের মতো বাঁকা ভুরু । ঠোঁট দুটি টুকটুকে । সরু গৌফের রেখা । আকৃষ্টিত কোপদাম । প্রচুর অলঙ্কার পরেছে সেও । শুভ্র পট্টবস্ত্র, চন্দনাবলেপ, যুধীমাল্য, নরম সাদা শঙ্খকর্মেয় পাদুকা । ঠিক যেন বীরপুরুষ বীরপুরুষ মনে হয় না । বীরপুরুষ হবে কি না সে নিয়েও মনে তার দ্বিধা আছে । গৌফের প্রান্তগুলি মাঝে মাঝেই সে পাকিয়ে তোলবার চেষ্টা করছে । ঠেং ঠেং মোম দেওয়া হয়েছে । তা সত্ত্বেও ঠিক প্রার্থিত বক্রতাটা পাওয়া যাচ্ছে না । দেব-গন্ধর্বদের যেসব চিত্র লেখা হয়, হাতে মুরলি অথবা মৃদঙ্গ ! অনেকটা যেন সেই প্রকারের পুন্মবদধন । সামনে পেছনে সু-উচ্চ সব পেশল আজ্ঞানেয় অশ্বের ওপর রাজা পসেনদি, তাঁর রক্ষীরা, পুন্মবদধনের পিতা গহপতি মিগার, গহপতি সুদন্ত কুমার

জেত, এবং শ্রাবস্তীর আরও গণ্যমান্য জনেরা। মহারানি মল্লিকার পটিচ্ছন্ন শিবিকাটি তার সোনার দণ্ড বলসাতে বলসাতে চলে গেল, পাশে পাশে অশ্বের পিঠে নারী রক্ষীগীর্ষ, পেছনে আরও শিবিকায় রানির দাসীরা।

রথের ওপর সুসজ্জিত আসন আছে। বিশাখা নিমেষ কয়েক ভাবল। তারপর সে তার সহচরীকে বলল পিতাকে ডেকে দিতে। ধনঞ্জয় এসে বললেন, 'কী মা? কী হল?'

বিশাখা চুপিচুপি বলল, 'পিতা সব দিক থেকে দৃশ্যমান না হলে তোমার এই মহালতার পূর্ণ মহিমা তো বোঝা যাবে না। তুমি রথের পাশের ও পেছনের বস্ত্রাচ্ছাদনও সরিয়ে দাও। আমি কিন্তু শ্রাবস্তীতে রথ ঢুকলেই উঠে দাঁড়াব। দণ্ডায়মান বিশাখাকে মহালতার কেন্দ্রমণিরূপে তারা দেখুক।'

ধনঞ্জয় হেসে বললেন, 'ঠিক বলেছ মা। কিন্তু এখন নয়। আমি ব্যবস্থা করে দিচ্ছি। একটি রজ্জুতে টান দিলেই আবরণী সরে যাবে।'

সুতরাং সূচীশিল্পীরা এলো, এলো সূত্রধর, কৌশল করে রজ্জু গ্রথিত হল রথের আবরণীতে। সাত ঘোড়ার রথটি চলতে লাগল মধ্যম বেগে।

শঙ্খ বাজছে মুহূর্মুহে। অমঙ্গলাশ্র লুকিয়ে ফেলছেন সুমনা। এখন আর বিশাখা পেছন ফিরে দেখবে না। নিয়ম নেই।

এবার ধনঞ্জয় যৌতুক দিতে আরম্ভ করলেন।

পাঁচশ' শকট অর্থ চলে গেছে। পাঁচশ' শকট স্বর্ণপাত্র। পাঁচশ' শকট রজতপাত্র, তাম্রপাত্র। পাঁচশ' শকট দুকূল বস্ত্র, নবনীত, সুগন্ধি চাল, নানা প্রকার সৌগন্ধিক সব পাঁচশ' শকট করে। লাঙল ইত্যাদি কর্ণণের যন্ত্রপাতিও চলল বহু। রথে শিবিকায় বিশাখার রক্ষী ও অনুচরীরা।

শোভাযাত্রা খানিকটা এগিয়ে যেতে ধনঞ্জয় হঠাৎ হেঁকে বলে উঠলেন, 'গোষ্ঠের দ্বার খুলে দাও।' অমনি হেলতে হেলতে দুলতে দুলতে বেরিয়ে এলো শত শত গাভী। শুভ্র মেঘের মতো, ধবল, আবার কুচকুচে কালো, পাটল রঙের কেউবা, চিত্রবর্ণও অনেকে। একে অপরের গা ঘেঁষে গাভীর দল চলতে লাগল বিশাখার রথের পেছন পেছন। কানগুলি খাড়া খাড়া হয়ে উঠেছে। তৈলচিক্কণ শিংগুলিতে মালা জড়ানো, কালো নিরীহ চোখগুলি যেন একই সঙ্গে হাসছে এবং কাঁদছে। হাসছে তাদের প্রিয় মাতা বিশাখার সঙ্গে যেতে পারছে বলে। কাঁদছে এতদিনের গৃহ, গৃহস্বামী, গোচরক্রেত্র এসব ছেড়ে যেতে হচ্ছে বলে।

এইভাবে ধনঞ্জয় বলদ দিলেন, বাছুর দিলেন। গোষ্ঠের বেটনীটি বন্ধ করে দেবার পরেও বহু বলদ ও গাভী লাফিয়ে সে বেটনী পার হয়ে চলে গেল।

সাক্ষেতের আশেপাশে যে চোদ্দটি গ্রাম তাঁর নিজস্ব সম্পত্তি, সেখান দিয়ে অবশেষে অনুরাধপুর পর্যন্ত সঙ্গে সঙ্গে গেলেন ধনঞ্জয় এবং যেতে যেতে বললেন, 'এখানে যারা যারা বিশাখার সঙ্গে যেতে চাও, যেতে পারো।' বলে তিনি একটু এগিয়ে গিয়ে মহারাজ পসেনদি ও গহপতি মিগারকে যথায়থ অভিবাদন করে তাঁদের হাতে কন্যা সমর্পণ করে ফিরে এলেন।

এদিকে মিগার তাঁর ঘোড়া থেকে দেখতে পেলেন এক বিশাল জনতা পায়ে পায়ে ধূলা উড়িয়ে পেছন পেছন আসছে।

'এরা কারা?' তিনি সভয়ে জিজ্ঞাসা করলেন।

'এরা আপনার স্নায়র আঞ্জা পালন করবার জন্য যাচ্ছে। প্রজাবর্গ।'

'এত জনকে কে ঝাওয়াবে? সর্বনাশ। তাড়িয়ে দাও, তাড়িয়ে দাও, মেঝে জড়াও।' তাঁর কথায় সঙ্গী রাজভট্টরা লাঠি উচিয়ে জনতার দিকে তেড়ে গেল।

বিশাখা উৎকণ্ঠিত হয়ে চেঁচিয়ে উঠল, 'কী করছেন, কী করছেন পিতা, ঝারবেন না, মারবেন না।' তার পিতা তাকে পাঁচশত শকট অর্থ দিয়েছেন, তা ছাড়াও তাঁর নিজেরই সঙ্গে রয়েছে চল্লিশ কোটি সুবর্ণ। তার প্রসাধনের ব্যয়নির্বাহের জন্য। ভাবনা কী?

কিন্তু মিগার শ্রেষ্ঠী তখনও চেঁচাচ্ছেন, 'কল্যাণি, প্রয়োজন কী এদের? কে এদের ঝাওয়াবে?'

রাজভট্টরা মাটির ডেলা হুঁড়তে লাগল। লাঠি দিয়ে প্রহার করতে লাগল, তাতেও কয়েক জন ফিরল না। তখন মিগার ক্লান্ত হয়ে রাজভট্টদের বললেন, 'হয়েছে, হয়েছে, এই ক'জনকে আসতে

১৩০

বিশাখার পতিগৃহ যাত্রার পূর্বাঙ্কে ধনঞ্জয় সাকেতের সব শ্রেণীর জ্যেষ্ঠকদের সঙ্গে একটি সভায় বসেছিলেন। তাঁর মনে বড় শঙ্কা। এই মিগার শ্রেণীর হাবভাব তাঁর ভালো লাগেনি। বিশাখাকে তাঁরা লালন করেছেন শুধু কন্যার মতো নয়, পুত্রের মতোও। তার বিবেক, তার কর্মকমতা, নানা বিষয়ে তার দক্ষতা, স্বাধীনচিন্তা—এই সবই গুণ। কিন্তু পরিবেশ-ভেদে এগুলোই তো দোষ হয়ে দেখা দিতে পারে। একটি বনে যদি শুধুই শৃগাল এবং শৃগালেদের প্রাণীই থাকে, সেখানে সহস্রা সিংহের আবির্ভাব হলে শৃগালেরা কি বলাবলি করবে না—‘দেখ দেখ, এই প্রাণী কী কুৎসিত ? এর মাথায কেমন জটা ? মুখ ব্যাদান করলে কী করম তীক্ষ্ণ শুভ্র দন্তরাজি দেখা যায়। খাবাঙলিই বা কী ! এক একটি শল্লকীর মতো। চলে কি রকম দেখ, যেন অলস, কোন কাজ নেই। ও কি রে, বিদ্যুৎঘেণে ওটা কী চলে গেল ? ওই প্রাণীটাই কী ? ওর কি কাজকর্মে কোনও সামঞ্জস্য নেই ? কোনও সুখমা নেই !’

সিংহের ডাক শুনেলেও তারা বলবে, ‘কী অসভ্যের মতো ডাক ! আমাদের কী সুন্দর তীক্ষ্ণ হৃষ্য ডাক, একজন ডাকলেই সবাই মিলিত হয়ে ডেকে উঠি। আর এ দেখো, ডাকছে তো ভূমি পর্যন্ত কেঁপে উঠছে, বাতাসে ধম ধরে যাচ্ছে। কোনও প্রত্যুত্তরই তো এখনও পর্যন্ত আর কেউ দিল না। তা হলে, চল কলাকৌশল করে একে তাড়াই, কিংবা মেরে ফেলি।’

ধনঞ্জয়ের কথা শুনে শ্রেণিজ্যেষ্ঠকরা সবাই প্রাণভরে হাসলেন। তারপর একজন বললেন, ‘ধনঞ্জয় ঠিকই বলেছেন।’ অন্যরাও সমর্থন করলেন।

তখন ধনঞ্জয় বিনীতভাবে বললেন, ‘সেরকম কিছু হলে আমার কন্যার রক্ষা ও বিচারের জন্য আমি তা হলে আপনাদের এবং শ্রাবস্তীর গহপতিদের মধ্য থেকে কয়েকজনকে নির্বাচন করে দিতে বলি ?’ সকলেরই মত হল। তখন কোশল রাজের সেনাদলের উপস্থিতিতে তিনি শ্রাবস্তীর চারজন ও সাকেতের চারজন মোট আটজন গহপতিকে বিশাখার কাজকর্মের বিচার করবার দায়িত্ব দিলেন।

সৈন্যশ্রেণী চলতে চলতে বলতে লাগল, ‘রান্নার কাঠের কী আকালটাই না হবে ভেবেছিলাম। বর্ষায় সব তো ভিজে সঁায়াতসঁেতে হবে। কিন্তু যেই প্রথম অভাব দেখা দিল অমনি গহপতি ভেঙে-পড়া হাতিশাল, ভাঙা কাঠের বাড়িগুলো সব জ্বালানির জন্য দিয়ে দিলেন। আর সমস্যা রইল না।’

রক্ষীরা বলল, ‘আমাদেরও তো হয়েছিল, কাঠের অভাব। গহপতির লোকেরা কী করল জানিস ? ভাতোর খুলে যেখানে যত স্থূল, রক্ষ বস্ত্র ছিল, সেগুলো দিয়ে সলতে পাকিয়ে, তৈলে ডুবিয়ে জ্বালানির ব্যবস্থা করে দিল।’

রাজভট্টরা বলল, ‘আমরাই তা হলে সবচেয়ে মহার্ঘ ইন্ধন পেয়েছি। চন্দন কাঠ দিয়ে রান্না হয়েছে আমাদের।’

একটা হাসির রোল উঠল। অনেকেই বলল, ‘চন্দনের গন্ধঅলা শূকর মাংস কেমন লাগল ? সাত্ত্বিক আর তামসিকের এমন মিলনকে কী বলা হবে ?’ ‘রাজসিক, রাজসিক !’ বহুজনে বলে উঠল।

‘সত্যিই তিন মাস ধরে এমন রাজভোগ জীবনে কখনও কল্পনা করিনি। প্রথম সন্ধ্যা সাকেতে রাজবাহিনীর সঙ্গে যাবার নির্দেশ এলো মনটা দমে গিয়েছিল, বাড়ি ঘর ছেড়ে যেতে হ্রবে। পুষ্ট দুটো খুবই ছোট, তাদের মা কি সব দিক দেখতে পারবে ? পিতামাতা অথক হয়ে পড়েছেন, তাঁদের সেবাও তো আছে। তা এসে যা খেলাম, আর যা দেখলাম, এখন ভাবছি আগের জন্মে কী সুক্ম করেছিলাম যে এমন ভাগ্য হল ?’

একজন রাজভট্ট বলল, ‘ভেবেছিলাম সাকেত-সাবন্ধির পাখে তো চোর আর দস্যুদের উপদ্রব লেগেই আছে। না জানি কত চোর দমন করতে হবে। একটা অশ্বই পেয়েছিলাম, সৈন্যবাহিনী দেখে কিছুটা আশ্বস্ত হলাম। তা এখন তো দেখছি নিরীহ কিছু শ্রমবাসীকে লাঠির প্রহার, তর্জন, আর কর্দমগোলক ছুঁড়ে মারা ছাড়া আর তেমন কিছু কাজই করতে হল না।’

শ্রাবস্তীর উপকণ্ট পার হয়ে গেল। প্রধান তোরণদ্বারের কাছে আসতেই সরসর করে খুলে গেল

রথের আচ্ছাদন। মুক্তার ঝালর দেওয়া রক্ততছত্রের তলায় বিশাখা দাঁড়িয়ে উঠল। শ্রাবস্তীবাসীরা চোখ ভরে, প্রাণ ভরে দেখতে লাগল, এ ওকে বলতে লাগল, 'এই তা হলে সেই পঞ্চকল্যাণী বিশাখা। কী অপরূপা। এ যে, সাক্ষাৎ শ্রী! এইই মহালতাপসাদন? এই অলংকার প্রস্তুত হয়ে ওঠেনি বলেই গহপতি ধনঞ্জয় তিন মাস ধরে মিগার সেষ্ঠির সমস্ত জ্ঞাতিবগ্ন, মিত্রবগ্ন, রাজা, রাজসেনা, রাজরক্ষী সব্বাইকে রাজভোগ্য সমাদর করে রেখেছিলেন! তা বাপু স্বীকার করতেই হয় অলংকারের মতো অলংকার। অদিটঠপুঙ্ক।'

'আরে, অলংকার তো অদৃষ্টপূর্ব। কিন্তু বষ্টি? এমন বষ্টি কোথাও কখনও দেখেছ? এ তো দেখছি সাব্বির অধিষ্ঠাত্রী দেবী এত দিনে সাব্বিতে এলেন। কোথায় ছিলে মা এত দিন, সন্তানদের ছেড়ে?' ভাবাবেগরুদ্ধ কণ্ঠে কেউ কেউ এমনও বলতে লাগল।

বধূর আগমন উপলক্ষে ভারে ভারে উপহার এসে পৌছতে লাগল মিগারের ঘরে। পুণ্ডরবর্ধনের মাতা বললেন, 'একেই তো বৈবাহিকের গৃহ থেকে অপরিমিত যৌতুক এসেছে? কোথায় সেসব রাখবো ভেবে পাচ্ছি না। তার ওপর আবার এই! উৎসবটি যে করব, সে অবসরও তো দিল না সাব্বির জ্ঞাতিবগ্ন, মিত্রবগ্ন। তার ওপর এত লোকজন, দাসদাসী। আমি বাপু এসবের কিছু জানি না।'

বিশাখা বলল, 'কেন মা! আপনাকে কিছুই ভাবতে হবে না, আমি ব্যবস্থা করে দিচ্ছি। ধনপালী, কহা, ময়ুরী বাও তো অন্যান্যদের সাহায্য নিয়ে নতুন গৃহে সমস্ত যৌতুক গুছিয়ে রাখো।'

তারপর বিশাখা উঠে এসে শ্রাবস্তীবাসীদের পাঠানো উপহারগুলি দেখতে লাগল। শাশুড়ি-মাতাকে বলল, 'আমি এখন এগুলির ব্যবস্থা করছি, আপনি ব্যস্ত হবেন না।' সে একেকটি উপহার তুলে নেয়, মিগারের ঘরের পুরাঙ্গনাদের কাছে উপহারদাতার পরিচয় জেনে নেয় আর মহার্ঘ বস্ত্র, অলংকার, পট, পেটিকা ইত্যাদির একটি তুলে দিয়ে সঙ্গে ছোট ছোট এক একটি পত্র লেখে, 'আমার মাতাকে প্রণতি জানাই, আমার ভগ্নীকে ভালোবাসা, আমার ভ্রাতাকে সৌভাগ্যেচ্ছ।' 'আমার পিতাকে পরম শ্রদ্ধায়।' এইভাবে উপহারদ্রব্যগুলি এক এক বুড়ি মোদকের সঙ্গে দাসীদের দিয়ে রখে করে সে পাঠিয়ে দিল। বিতরণ করে দিল। যারা পেলেন তাঁরা দু হাত তুলে ধন্য ধন্য করতে লাগলেন। কারণ বিশাখা পুরাঙ্গনাদের কাছ থেকে এদের সম্পর্কে বিস্তারিত বিবরণ শুনে নিয়েছিল। কোনও ধনী বাড়ির কন্যা তার পাঠানো গজদন্তের কঙ্কণ হাতে পরে মুগ্ধ হয়ে নিজের হাতটি ঘুরিয়ে ফিরিয়ে দেখে বলে—ঠিক এমনই একটি শুভ কাঁকন, সোনার সন্নমুখওয়াল্লা, এমনটাই আমি মনে মনে চাইছিলাম, বধু বিসাখা কী করে জানল?'

আবার কোনও দরিদ্রঘরের বধু, সোনার লহর কণ্ঠে পরে বারবার ঘণ্টের জলে নিজের রূপ দেখতে থাকল। এমন লহর তার স্বামী তাকে কোনদিনই দ্বিষ্টে পারেনি। বিসাখা তো দেখি আমার নিজের ভগিনীরও বাড়া।

মুগচর্মের বৃহৎ স্ববিকা হাতে নিয়ে কোনও গহপতির মুখে হাসি ধরে না। সুবস্ত্র কহপণগুলি তিনি এতেই রাখবেন।

গেরুয়ার ওপর লোহিত চিত্র করা কাসিক স্কৌম বসনটি হাতে তুলে কোনও গৃহের গৃহিণী ভাবলেন, 'হিমঝড় এলো বলে, এই বসনে শীত কাটবে ভালো।'

আগাগোড়া রূপো দিয়ে নির্মিত হরিণশিশুটি নিয়ে বালক খেলা করতে গেলে তাঁর মা ভৎসনা করে বলল, 'এটি খেলার জন্য নয়, দেখছ না, শিশুর শাখাপ্রাশাখাগুলি কী সুন্দর! এটি সাজিয়ে রাখবার জন্য। তুমি বরং এই কন্দুকটি নাও।'

বালক কেঁদে উঠল, 'এটা তো মাতুলানী বিসাখা আমাকে দিয়েছে, তুমি কেন কেড়ে নেবে? না, আমি কন্দুক নেব না। হরিণ নিয়েই খেলব।' তার মা কোনক্রমেই রক্তত মুগটি বালকের হাত থেকে উদ্ধার করতে না পেরে অবশেষে রাগ করে চলে যায়। বালকটি তার নানাবিধ খেলনার মধ্যে হরিণটিকে সাজিয়ে রাখে, তাকে দৌড় করায়, আবার সাজিয়ে রাখে। অবশেষে বুকুর ওপরে নিয়ে ঘুমিয়ে তেলে ভেজানো তুলের মতো হয়ে যায়।

এইভাবে বিশাখা শ্রাবস্তীসুদু জ্ঞাতি এবং মিত্রদের হৃদয় জয় করে নিল। কিন্তু তার স্বশ্রু বললেন, ১৩২

‘এ কী প্রকারের সুখা গো। অত মহার্ঘ উপহারগুলি সব বিলিয়ে দিলে। না হয় ঘরে কিছুদিন স্থানের অকুলানই হত, না হয় কিছু দ্রব্য অতিরিক্তই হত? না হয় আমিই যা হোক বুঝে শুনে করতাম, না হয় সবাইকার সঙ্গে পরামর্শ করে এ কাজ আমিই করতাম, না হয়....।’

বিশাখার কানে কথাগুলি এলো। সে ভাবল, ‘ঐদের তো দেখি মতি স্থির নেই। ঐই বললেন এত বস্তু কোথায় রাখব, ভেবে পাচ্ছি না। মহাবিরক্ত মনে হল। যত শীঘ্র গৃহ অতিরিক্ত অপ্রয়োজনীয় বস্তু থেকে মুক্ত হয়ে যায় ততই তো ভালো। সাকেতবাসীদের কাছ থেকে যা যা পেয়েছি সে সবও তো আমি নিজেই ইচ্ছামতো বিতরণই করে দিয়ে এসেছি। মাতা পিতা তো কিছুই বলেননি। সম্ভ্রান্তদের তো এরূপ আচরণই শোভা পায়। দ্রব্যগুলি তো তারা আমাকেই দিয়েছিল। আমার তাদের দিতে ইচ্ছা হল। ধনীর উপহারটি দরিদ্রকে, দরিদ্রের উপহারটি ধনীকে পাঠিয়ে দিলাম। উপহারের বা যে কোনও বস্তুর ব্যাপারে এই প্রকার সুবন্দনই তো সবচেয়ে ভালো? তা হলে? স্বত্তরগৃহের পুরাঙ্গনা, পুরুষরা তো আমার পিতার কাছ থেকে অপরিমিত উপটৌকন পেয়েছেন, আমার সঙ্গে যা যৌতুক এসেছে তাতে ঐদের বেশ ক’বৎসরের ভোজন হয়ে যাবে। তা হলে? আমি কি ভুল করেছি? না। আমার বুদ্ধিতে যা ঠিক মনে হয় তাই-ই করব। তা ছাড়া স্বশ্রমা তো বলেই দিলেন ‘আমি বাপু এ সবেদর কিছু জানি না।’ তা সে কি তাঁর মনের কথা নয়? তা যদি হয়, বিসাখার সান্নিধ্যে মনের কথা স্পষ্ট করে বলা তাঁকে শিখতে হবে। এখন এটাই তো আমার গৃহ, প্রথম থেকেই এ গৃহে যদি রাজ্যীর মতো থাকতে না পারি তা হলে তো দাসীদের নিচে আমার স্থান হবে। মা দেখছি ঠিকই বলেছিলেন। আসবার সময়ে পিতা কয়েকটি উপদেশ দিয়েছেন। সেগুলোর অর্থ আমি ঠিকই বুঝতে পেরেছি। আমাদের গৃহে এরকম রহস্য করে কথা বলার রীতি আছে। শয়নকক্ষে, নিভুতে মাও অনেক উপদেশ দিয়েছেন। সেগুলির দেখছি আরও গুরুত্ব। মিগারগৃহে পদার্পণ করতে না-করতেই কাজে লাগছে।

১৮

গৃহকূট শিখরে দাঁড়িয়ে চারিদিকে আঙুল দেখিয়ে বিবিসার বললেন—এই যে সম্মুখে প্রসারিত বিশাল রাজ্য, এ আমার চণক। আমি বাহুবলে জয় করেছি। যখন জয় করি তখন আমার কতই-বা বয়স হবে। জীবক কোমারভ্রমের চেয়েও অল্পবয়স্ক হবে। পশ্চিমে দেখো, শুধু পাহাড়, আর পাহাড়। ওই পাহাড়ের ওপর ছিল পুরনো গিরিব্রজ। দুর্গ নগরী। সেইখান থেকে সুপ্রাচীন কালে শুনেছি বার্ষিক জরাসন্ধ একসময়ে মগধ শাসন করেছেন ক্রুর কঠিন হাতে। তিনি রাজক্রবর্তী হতে চেয়েছিলেন, সমগ্র দেশের ওপর আধিপত্য বিস্তার করতে চেয়েছিলেন। শুনেছি, তিনি নরমেধ যজ্ঞের আয়োজন করছিলেন। ছিয়াশি জন কৃত্রিম রাজন্যকে বন্দি করেছিলেন। তাঁদেরই রুদ্রদেবের কাছে বলি দেবার অভিপ্রায় ছিল। সে সব ছিল অতি বর্বর যুগ। পূর্ব প্রান্তে চেয়ে দেখো, আমার নতুন রাজ্য নগর। এ-ও গিরি দিয়ে ঘেরা, কিন্তু পাহাড়ের ওপরে নয়। মাত্র দুটি সর্কীর্ণ পথ দিয়ে এ নগরে প্রবেশ করা যায়। সেও আমি প্রাচীর দিয়ে ঘিরে দিয়েছি। পনেরো ক্রোশ বিস্তৃত। দেড় মানুষ সমান উচ্চ এবং প্রায় তিন মানুষ সমান প্রস্থবিশিষ্ট। তলায় পাষাণ। ওপরে ইষ্টক। পনেরো ক্রোশে, পনেরোটি অট্টালক আছে। তুমি দেখেছ সঙ্ঘায় নগরতোরণ বন্ধ হয়ে যায়। তখন আমি প্রবেশ করতে চাইলেও পারব না। এই নগরী আমার প্রাণ। প্রথমে নাম ছিল কুশাগ্রপুর। তখন বঞ্জিদের গণরাজ্য আর কোশলের মধ্যে বহু ছোট ছোট পার্বত্য অঞ্চল ছিল। এক একটি অঞ্চলে এক একজন ভূস্বামী প্রধর হয়ে উঠতেন, অন্যদের বশে আনতেন। আমার পিতা এইভাবেই কয়েকটি পার্বত্য অঞ্চলের স্বামী হয়ে উঠলেন, তিনিই আমাকে প্রথম স্বপ্ন দেখান। কুশাগ্রপুর আগুন লেগে পুড়ে গেল। তখন সেই ধ্বংসস্থূপের ওপর আমি নতুন নগর গড়ে তুলিলাম। স্থপতি মহাগোবিন্দ এই নগর আর রাজপ্রাসাদের পরিকল্পনা করলেন। আর শুধু কাঠ নয়, ভিত্তিতে পাষাণ, তার ওপর ইষ্টক গেঁথে প্রস্তুত হয়েছে ওই প্রাসাদ, এবং নগরীর অধিকাংশ হর্য। ভেতরে কাঠ ব্যবহার করা হয়েছে। তুমি দেখেছ কত উদ্যান, কত সুশোভন হর্য, কত সরোবর দিয়ে সাজিয়েছি

আমি এ নগর। আছে বেণুবন, আছে সিভ্বন, ঝাঠিবন, আছে বিশাল আঁত্রবন বেশ কতকগুলি, যার মধ্যে সুন্দরতমটি আমি আয়ুমান জীবককে দিয়েছি। বেণুবন দিয়েছি তথাগত বৃদ্ধকে

অঙ্গরাজ ব্রহ্মদত্তর সঙ্গে পিতার শত্রুতা ছিল। অঙ্গ তখন সমৃদ্ধিশালী রাজ্য, পাশেই এই পার্বত্য অঞ্চলে গোষ্ঠীপতিদের শক্তিশালী হয়ে ওঠা তাঁর মনঃপূত হয়নি। তিনি সৈন্যদল পাঠিয়ে আমার পিতাকে প্রথম যুদ্ধে পরাজিত করেন, তখন তিনি আমায় সিংহাসনে অভিষিক্ত করলেন বিধিমতো। বললেন, সেনিয় তুমি আর গোষ্ঠীপতি নও, তুমি স্বাধীন রাজা। যাও নিজের রাজ্যসীমা বাড়ো। পিতার স্বপ্ন সফল করতে আমার তরুণ দেহের সমস্ত শক্তি, উৎসাহ, তরুণ মনের সমস্ত বুদ্ধি নিয়ে ব্রহ্মদত্তের বিরুদ্ধে দাঁড়ালাম। দিনের পর দিন, মাসের পর মাস, বছরের পর বছর যুদ্ধ চলেছে। অবশেষে কেউ যা করনাও করতে পারেনি তাই ঘটল। অঙ্গরাজ্যের পতন হল, বিদ্বিনার নিজেস্ব অঙ্গ, মগধের রাজা ঘোষণা করল। তারপর কোশলরাজ মহাকোশল আমাকে জামাতা করলেন, বঞ্জীদের সঙ্গে বিবাদ হল, তাতেও জয়ী হলাম, তারাও আমাকে কন্যাদান করল, তারপর যে উদীচী আমার এই ভূমিকে একদিন কীকট দেশ বলে ব্যঙ্গ করেছে, ব্রাত্য বলে বিদ্রূপ করেছে, সেই উদীচী থেকে ময়ূরাজকন্যা মহিষী হয়ে এলেন আমার ঘরে।

‘চণক, এখন আমার রাজ্য তিন শত যোজন বিস্তৃত। আশি সহস্র গ্রাম আছে এ রাজ্যে, আছেন বহু পণ্ডিত, বিদ্বান, তপস্বী, শ্রমণ—এঁদের মধ্যে বেশির ভাগই শ্রমণপন্থের। বেদপন্থী নন। তবে কিছু কিছু বৈদিক ব্রাহ্মণও আছেন, তাঁদেরও আমি যথেষ্ট শ্রদ্ধা করি। উত্তরে কোশল, বৈশালী, পশ্চিমে কৌশাঘী, অবন্তী আমার বন্ধু-রাজ্য। এঁদের কয়েকজনের সঙ্গেই আমার বৈবাহিক সম্পর্ক। প্রজারঞ্জক বলে আমার সূর্য হয়েছেন। মহামাত্র, রাজন্য উপরাজ ও গ্রামণীদের সাহায্যে শাসনকার্যের একটা সুব্যবস্থা করে ফেলতে পেরেছি। এই উত্তরাংশে আমিই প্রথম যার চতুরঙ্গিণী সেনা আছে, যুদ্ধবিগ্রহের জন্য সবসময়ে প্রস্তুত। কোশলরাজ প্রসেনজিৎ আমার পরামর্শেই বেতনভোগী সৈন্যবাহিনী পোষণ করতে আরম্ভ করেন। এখন তুমি বলো আমি কীভাবে আচার্যের আদেশ পালন করব। পালন করবার কোনও উপায় যদি বারও হয় তা হলেও কি শুধুমাত্র আচার্যের আদেশ বলেই তা অঙ্কের মতো পালন করব? না, তার সত্যিই কোনও গভীর প্রয়োজন আছে?’

চণক বলল, ‘মহারাজ তার পূর্বে আপনি আমাকে বলুন আমার সঙ্গে আপনার প্রথম আলাপের সময়ে আচার্যের আশীর্বাদেদের কথা স্মরণ করে আপনি অনুপ্রাণিত হয়ে উঠেছিলেন কেন?’

বিদ্বিসার বললেন, ‘চণক, চক্রবর্তী ত্রিবিধ—চক্রবাল-চক্রবর্তী, দ্বীপ-চক্রবর্তী এবং প্রদেশ-চক্রবর্তী। চক্রবর্তী-রাজার যে সম্ভ্রত্ব থাকে তার একটি অর্থাৎ চক্র বাদে অন্য সবগুলি অর্থাৎ হস্তী, অশ্ব, মণি, স্ত্রী, গৃহপতি ও পরিনায়ক এ সকলই আমার আছে। আমি তো প্রদেশ-চক্রবর্তী হয়েছি। শুধু শাস্ত্র-বর্ণিত চক্রের সন্ধান এখনও পাইনি। অলৌকিক স্বপ্নসম্পন্ন না হলে চক্রের মতো একটি শস্ত্র কীভাবে আমার পুরোভাগে যেতে পারে তাও আমি বুঝতে পারি না বন্ধু। বোঝবার চেষ্টা করি। অন্য অনেকের মতো চক্র ধারণ করে হাস্যাস্পদ হই না। তুমি যখন বললে আচার্যের ভবিষ্যদ্বাণী সফল হবে, আমি উল্লসিত হলাম, কারণ তিনি তো দেখে যাননি অঙ্গ আমার পদানত হয়েছে, দেখে যাননি এতগুলি রাজ্যের সঙ্গে আমার কূটনৈতিক সম্পর্ক হয়েছে। আমি তো অস্ত্রত প্রদেশ-চক্রবর্তী হয়েছি।’

চণক বলল, ‘না মহারাজ, আমি যখন আপনাকে পূর্বে দক্ষিণে রাজ্যসীমা বাড়ানোর ইঙ্গিত দিই তখন আপনি আমাকে জিজ্ঞাসা করেন আমি কী করে আপনার মনের কথা জানলাম। কী পরিকল্পনার কথা ভেবে আপনি এ কথা বললেন, জানতে আগ্রহ হচ্ছে।’

‘চণক, তুমি নিশ্চয়ই দেখেছ, দক্ষিণ পূর্বে কী বিশাল বন! দক্ষিণের বন ক্রমে বিস্তারশ্যের সঙ্গে মিশেছে, পূর্বে কজ্জল। অঙ্গ অবধি আমার করায়ত্ত। এখন এই কজ্জলের বিশাল বন যদি কেটে কেটে আমি প্রজা বসাই। কে আমাকে নিষেধ করবে?’

‘বন্যরা আছে, তারা যথাসাধ্য চেষ্টা করবে তাদের দুর্গ রক্ষা করতে।’

‘বন্যদের আমি ধর্তব্যের মধ্যে আনি না। তারা কী করবে আমার চতুরঙ্গিণী সেনার সামনে?’

‘মহারাজ কিছুদিন আগে যুদ্ধ উপলক্ষে নরমেধের সম্ভাবনায় শিহরিত হচ্ছিলেন, বন্যরা তা হলে

মানুষ নয় ? তাদের বধ করতে হলে, মহারাজের বিবেক-বুদ্ধি পীড়িত হবে না ?

‘বন্যরা মানুষ ? অবশ্যই হাত পা কান নাক চোখ সবই আছে মানুষের মতো । তারা ইচ্ছামতো মানুষ বধ করে । নরমাংসও খায় শুনেছি ।’

‘কে বলতে পারে মহারাজ, আমরাও একদিন অমনি বন্য ছিলাম না ? গুনহশেককে তো যুপের সঙ্গে বাঁধা পর্যন্ত হয়ে গিয়েছিল, তার পিতা অজীর্ঘত স্বয়ং তাকে বধ করতে রাজি হয়েছিলেন । রাজা জরাসন্ধের কথাও স্মরণ করুন । সভ্য মানুষ যারা প্রাসাদে, কি কুটিরে বাস করে, ক্ষেত্র কর্ষণ করে, পশুপালন করে খাদ্য সংগ্রহ করে, মন্ত্রী, অমাত্য, পারিষদবর্গ নিয়ে রাজ্য চালনা করে সুষ্ঠুভাবে তারাই যদি নরমেধে উদ্যত হতে পারে, তা হলে যারা বনে বাস করে, আৰ্যমানুষের কোনও সুবিধাই পায় না, তারা নরমেধ করবে—এতে আশ্চর্যের কী আছে ? তাতে তাদের মানুষ নাম থেকেই বা বঞ্চিত করা হবে কেন ?’

বিধিসার অবাধ হয়ে চণকের দিকে তাকিয়ে বললেন, ‘আজ একটা নূতন কথা শোনালে আচার্যপুত্র, বন্যরা মানুষ ! যারা যক্ষ, রাক্ষস, তারা ? তাদেরও তো হাত-পা ইত্যাদি, সমস্ত মনুষ্যলক্ষণই আছে ।’

চণক বলল, ‘এরা, এই বন্যরা যখন ধরা পড়ে, বন্দি হয়ে সভ্য রাজ্যের সীমার মধ্যে আনীত হয়, তখন এদের নিয়ে কী করা হয় মহারাজ ?’

‘অতিরিক্ত হিংস্র হলে বধ করা হয় । নইলে ধীরে ধীরে বাধ্য বশব্দ হলে কাজে লাগানো হয় । দাস হয়ে কাজ করে ।’

‘আপনার যেসব অ-বন্য দাস আছে তাদের থেকে এই একদা বন্য দাসদের কাজকর্মের ক্ষমতা বা দক্ষতা বা প্রকৃতি কি অন্য প্রকার ?’

‘না তো চণক ! অনেক বন্যই দাস হয়ে যোগ দিয়ে পরে খুবই কুশলী ধনুর্ধর হয়ে দাঁড়িয়েছে । আমার সেনাদলে এরূপ অনেক আছে ।’

‘তা হলে । ওই সব অরণ্য তো আপনারও নয় মহারাজ আমারও নয় । যারা দীর্ঘকাল সেখানে বাস করেছে তাদেরই । মাতা বসুমতী কারও ক্রীতদাসী নন, তিনি জননী, যেখানে তাঁর যে সন্তান উৎপন্ন হয়েছে তাকে তিনি সেখানেই লালন করছেন ।’

‘চণক, তোমার যুক্তি মানলে তো কজ্জলের দিকে রাজ্যসীমা বাড়ানোও আমার অনুচিত ।’

‘মহারাজ আপনি যুদ্ধ করে জয়যূহীপ জয় করবার সম্ভাবনায় নরমেধ হবে মনে করে অবসন্ন হয়ে পড়েছিলেন, তাই এ সব কথা বললাম । অরণ্য কেটে বসতি করতে গেলে বন্যরা ক্রমশই দূরে আরও দূরে সরে যাবে । সহসা প্রতিরোধ করতে সাহসী হবে না । আমরা যেমন তাদের ঘৃণা করি, ভয় করি, তারাও তেমন আমাদের ঘৃণা করে, ভয় করে ।’

‘তা হলে ? কী তুমি বলতে চাইছ আচার্যপুত্র ?’

‘মহারাজ, প্রথম যখন মগধ অভিমুখে যাত্রা করি, আমার শুধু পিতার মগধ সম্পর্কে ভবিষ্যদ্বাণীই স্মরণে ছিল । বিধিসার রাজ-চক্রবর্তী হবে । মগধ আদর্শ চক্রবর্তী-ক্ষেত্র । তখন সত্যি বলতে কি আমার কল্পনায় যুদ্ধই ছিল মুখ্য । কিন্তু সঙ্গে সঙ্গে সংশয়ও যে ছিল না এমন নয় । প্রতিদিন যা যা দেখেছি, যে যে অভিজ্ঞতা হয়েছে তাতে প্রতিদিন পাশ্চাতে গেছে চিন্তার ধারা ।’

চণক ধামল । গিজ্জবাকুট শিরে আবারও অন্তাচলের সেই প্রদীপ্ত মায়ামুহূর্ত্ত । সেই দিকে তাকিয়ে বিধিসার বললেন, ‘বলো, তোমার চিন্তার কথা ।’

চণক বলতে লাগল, ‘চিন্তারও আগে কী দেখলাম শুনুন মহারাজ । গ্রামের পর গ্রাম, নগরের পর নগর, জনপদের পর জনপদ, নদীর পর নদী, বনের পরে বন—এই হল বসুন্ধরা । এর ওপর দিয়ে বয়ে চলেছে জীবনশ্রোত । দেখলাম সহজ সাধারণ কর্ষক, পাটনি, কুম্ভার, সূত্রধর, নলকার, ঘটিকার, তন্তুবায় সব যোয়ার ছোট্ট সীমার মধ্যে আপন কর্মে আপন সুখ-সুখে মগ্ন । তারা জানেও না রাজা, রাজধানী কী প্রকার, শত্রু বলতে কী বোঝায়, কেই বা শত্রু, কেই বা মিত্র । আরও দেখলাম, বড় বড় সার্থ নিয়ে চলেছে দেশ থেকে দেশান্তরে সার্থবাহ । বহু শকটে পণ্য । এক স্থান থেকে পণ্য সংগ্রহ করে, আরেক স্থানে দ্বিগুণ, ত্রিগুণ মূল্যে বিক্রয় করে, কখনও কখনও এরা কেনা-বেচার জন্য দীর্ঘদিন



এক স্থানে বসে যায়, কিছুদিনের মতো একটি গ্রাম সৃষ্টি হয়ে যায় তাতে। তারপর ঘরে ফেরে—কোষাগার পূর্ণ হয়, বিলাস উচ্ছ্বসিত হয়ে ওঠে। ধনরক্ষা করতে আরও দাস-দাসী, আরও কর্মকর, আরও লেখক গণক, আরও পত্নী, পুত্র প্রয়োজন হয়। মাঝে মাঝে এরা সাড়বরে দান করে। ব্রাহ্মণ পুরোহিতদের, শ্রমণদের, কদাচ দরিদ্রদের, কিন্তু সর্বক্ষণ বাড়িয়ে চলে নিজের সম্পদ, নিজের প্রয়োজন এবং পরিজন। ক্ষমতা, সত্যিকার ক্ষমতা এদের হাতেই আছে, শুধু অস্ত্র নেই। তাই ক্ষত্রিয় রাজাদের এরা একটা সম্ভ্রম ও আনুগত্য দেখায়, ব্রাহ্মণদেরও ভক্তি-শ্রদ্ধা দেখায়। কিন্তু সবটাই নীতি। তারা এই পথ বেছে নিয়েছে সমাজের শিখরে ওঠার জন্য। আরও দেখলাম আছে চোর, দস্যু, এরা উত্তরের বাণিজ্যপথের নানান স্থানে দল বেঁধে অবস্থান করে, সার্থক পণ্য, বা অর্থ কেড়ে নেওয়াই এদের জীবিকা। এরা মনুষ্য সমাজের বাইরে। দেখলাম হীনজাতিসম্ভূত আরও অনেক প্রকার কর্মকরদের, তারা সমাজের প্রান্তে বাস করে—আর দেখলাম যত্রতত্র সংসারবৈরাগী শ্রমণ, সম্যাসী। এত সংখ্যাধিক্য এদের যে, মানুষের প্রায় দুটি বিভাগ করলেই চলে—সংসারী ও সংসারবিরাগী। এই সুপ্রচুর সংখ্যায় বৈরাগী—ক্রমেই বেড়ে যাচ্ছে—এও এক অদ্ভুত ব্যাপার।

বিদ্বিসার বললেন, 'বন্য ? বন্যাদের দেখেছ ?'

'দেখেছি মহারাজ, তাদের অত্যন্ত কাছাকাছি বাস করেছি। জেনেছি তারা মানুষই। অপ্রাকৃত প্রাণী নয়।'

'আর কি দেখলে ? বলো চণক।'

'আর দেখলাম সহসা এই গ্রাম, নগর, জনপদ, নদ-নদী, পাহাড়, পথ, যেখানে যা আছে, যে আছে সমস্ত ওই পশ্চিমাকাশের মতো লাল হয়ে উঠল। প্রথমে শুধু এক খণ্ড রক্তবর্ণের মেঘ। বাকি আকাশ নীল। তারপর সেই লোহিত বর্ণ সারা আকাশময় ছুটোছুটি করতে শুরু করল মহারাজ। বর্শা, তীর, ভল্ল, গদা, চক্র, পাশ, তরোয়াল, পরিঘ ঘুরছে, সহস্র সহস্র অশ্বারোহী সেনা বিশাল এক লৌহিত্য নদে পরিণত করে দিচ্ছে সব। কিন্তু এই কর্মার, তত্ত্ববায়, কর্কক, এই সার্থ, লেখক গণক, এই শ্রমণ তীর্থিক, সম্যাসী, এই চণ্ডাল, নিবাদ আর সবার ওপরে এদের রক্ষক, শাসক, রাজারা যে যার সংকীর্ণ সীমা, সংকীর্ণ লক্ষ্য নিয়ে এমন মুগ্ধ, সম্মোহিত হয়ে আছেন যে, কেউ নিজের গণ্ডি থেকে কিছুতেই বেরিয়ে আসতে পারছেন না, পরম্পরের হাত ধরতে পারছেন না। এমন কোনও ক্ষমতা নেই যে, ভেরী-ঘোষণা করে সবাইকে নিজের ছত্রতলে সমবেত করেন। দাঁড়িয়ে দাঁড়িয়ে মার খাচ্ছে সবাই, সর্বশ্রেণীর মানুষ। আবার মার খেতে খেতে একে অপনকেও মেরে ফেলছে, আর মানুষের রক্তে, এতদিনের সঞ্চিত বিদ্যার রক্তে, নিহত কৃতির রক্তে ক্রমেই লোহিত আরও লোহিত হয়ে উঠছে এই বসুন্ধরা। আদীপ্ত জম্বুদ্বীপ, হতাশনে ছলছে, তার সমস্ত সম্পদ নিয়ে ছলছে। মহারাজ ওই দেখুন জম্বুদ্বীপের সূর্য অস্ত গেল।'

মুহূর্তে আবছা, ঈষৎ রক্তাভ ছায়া নেমে এলো গিরিশিরে, প্রসারিত সুন্দরী নগরীর দেহের ওপর, গিরিশিরে উপবিষ্ট দুটি মানুষের ওপর।

বিদ্বিসার অশ্রুট কণ্ঠে বললেন, 'তারপর ?'

চণক বলল, 'তারও পর ? তারও পর থাকে। যদি থাকে মহারাজ, তা হলে তা এই অন্ধকার। এই ছায়াময় ভবিষ্যৎ। ক্রমে নীরঞ্জ রাত্রি, এবং শ্মশাননৈশম্য। আর কিছু নেই।'

অনেকক্ষণ দু'জনে স্তব্ধ হয়ে বসে রইলেন। ক্রমে সন্ধ্যা গাঢ় হল। নিচে নির্গরীতে দীপালোক দেখা যেতে লাগল বিন্দু বিন্দু। আশ্রাসী অন্ধকারের মধ্যে আলোকবিন্দুগুলি যেন হারিয়ে যাচ্ছে। শেষ পাখির দল আশপাশ দিয়ে পক্ষ্বাতে দু'জনকে ব্যতিব্যস্ত করতে করতে উড়ে চলে গেল। মৃদুমন্দ বাতাস বইছিল এতক্ষণ, এখন হাওয়ার বেগ ক্রমশ বাড়তে লাগল। আকাশময় তারার প্রলাপ। চাঁদ উঠবে বিলম্বে। তাও কক্ষপক্ষের ক্ষয়া চাঁদ। সে শুধু অন্ধকারকে আরও তীব্র করে তুলবে। অন্ধকার তখন যেন এক ভীষণ কালপুরুষের হস্তে ভীষণতর নারাচ। রাত্রির আকাশে পৃথিবী ধ্বংস করার জন্য উদ্ভাত হয়ে রয়েছে।

চণক মৃদুস্বরে বলল, 'আপনার সাম্রাজ্যলিঙ্গা না থাকতে পারে, আপনি তথাগত বুদ্ধর উপাসক হয়েছেন বলে অহিংসক হতে পারেন, কিন্তু সকলেই তো একরূপ হতে পারে না। পারস্যরাজ কুরুস ১৩৬

তো কখনই আপনার মতো শান্তিকামী নন। প্রথম রাজা, পৃথিবীর আদি রাজা সৃষ্টি হয়েছিলেন সবাইকার সম্মতিক্রমে। তাই তাঁর নাম বা উপাধি মহাসম্মত। এ শুধু একটা ব্যবস্থা। ধনজনপূর্ণ জনপদবাসী অনুভব করেছিল, তাদের উৎপাদনকর্মে ব্যস্ত থাকতে হবে। তাই লুণ্ঠনকারীদের হাত থেকে রক্ষার জন্য, সমাজে স্থিতিরক্ষার জন্য একজন যোগ্য মানুষ প্রয়োজন। এই মহাসম্মত ছিলেন তাঁর প্রজ্ঞাদের নিযুক্ত কর্মকর, তিনি সেটা জানতেন। কিন্তু কালক্রমে রাজারা এসব ভুলে গেলেন। বাহুবল, অস্ত্রবল, আজ্ঞাবল এই তিন প্রকার বলে বলীয়ান হয়ে তাঁরা প্রজ্ঞাদের মনে করতে লাগলেন তাঁদের ভৃত্য, পৃথিবীকে মনে করতে লাগলেন তাঁদের ব্যক্তিগত সম্পত্তি। এখন এই প্রমাদ পৃথিবীময় ছড়িয়ে গেছে, দূর করবে কে? কিন্তু এই প্রমাদের বলি কেন আমরা হবো? অথচ এইভাবে বিচ্ছিন্ন, স্ব-স্ব গণ্ডির মধ্যে কুপমগ্নুক হয়ে থাকলে বলিই আমাদের হতে হবে। তাবুন, মহারাজ তাবুন। কীভাবে জম্বুদ্বীপকে একত্র করা যায়।'

দু'জনেই উঠে দাঁড়ালেন। এবার নামতে হবে। নামতে নামতে এক পাক দূরে শিলাতলে অসসজ্জিকে আজও ধ্যানমগ্ন দেখতে পেলেন দু'জনে। কদিনই দেখা যাচ্ছে। বিহিসার সসন্ত্রমে বললেন, 'ভিক্ষু অসসজ্জি শীঘ্রই অর্হস্থ লাভ করবেন। এবারের বর্ষাবাস তথাগত করছেন বেলুবনে। এক সারিপুত্র ও মোগগল্পান ছাড়া প্রধান ভিক্ষুদের প্রায় সকলেই তাঁর কাছকাছি রয়েছেন। কিন্তু তথাগতের নির্দেশ আছে যে, কোনও ভিক্ষু নির্জনবাস করবার জন্য ইচ্ছা হলে অন্যত্র, বনে, পাহাড়ে, গ্রাম-প্রান্তে থাকতে পারেন। ভিক্ষু অসসজ্জি দেখছি বেশ কিছুদিন ধরে গিজ্বকুটকেই তাঁর সাধনক্ষেত্র স্থির করেছেন। সদ্ধর্মে এনেছেনও ইনি অনেক জনকে।' সাবধানে পাশ কাটিয়ে নেমে গেলেন দু'জনে। মহারাজ যে অত্যন্ত চিন্তাক্রিষ্ট সেটা তাঁকে দেখে বোঝা যাচ্ছে। কিন্তু তিনি চণকের কথা ভাবছেন, না অসসজ্জির অর্হস্থ লাভের কথা ভাবছেন, চণক বুঝতে পারল না।

ঘোড়ার পিঠে চড়ে দুই আরোহী। পাশাপাশি চলেছেন মস্ত তালে। বিহিসার সহসা বললেন, 'তা হলে আমাদের জানতে হয়।'

'কী জানতে হবে মহারাজ?' ক্রান্ত স্বরে চণক বলল।

'জানতে হবে বিভিন্ন অঞ্চলের মানুষদের, তাদের সঙ্গে ঘনিষ্ঠ সম্পর্ক স্থাপন করতে হবে।'

চণক মুখ ফিরিয়ে তাকাল, বলল, 'মহারাজ, এতক্ষণে আমার যুক্তিপথ অনুসরণ করছেন।'

'এই ঘনিষ্ঠ সম্পর্ক স্থাপন করা তো রাজার নিজের পক্ষে সম্ভব নয়।'

'তা তো নয়ই।'

'চরেরা কিন্তু এই সংযোগ স্থাপন করে।'

'উদ্দেশ্য অন্য, তারা শুধু রাজস্বার্থ দেখে।'

'অথচ যোগাযোগের জন্য বিশিষ্ট মানুষ প্রয়োজন।'

'আমি সেই বিশেষ কাজের কথাই বলছিলাম মহারাজ', চণক বলল, 'আমি এই দেশ ঘুরে ঘুরে দেখব, যাবো প্রত্যন্ত অঞ্চলে, যাবো বন্যদের কাছেও, যারা আর্ষবাক বলে না।'

'তুমি আজ যা শোনালে চণক, তাতে মনে হচ্ছে, তোমাকে যেতে হবে মধ্যদেশের বিভিন্ন অঞ্চলেও, এমন কি উত্তরেও, কারণ তাঁরাও তো এভাবে ভাবেন না। এই দেখো না, অবন্তীরাজই তো গাঙ্কারের সঙ্গে বিন্দু লাগিয়ে বসে রয়েছেন।'

'মহারাজ আপনি ঠিকই বলেছেন। কিন্তু উদীচীকে আমি ভালো করে জাশি সঙ্গেই প্রথমে তাঁদের কাছে যাবার চিন্তা করিনি। যারা সাধারণ, ধরুন একপ্রকার মুখই, যারা এখনও আমাদের কেউ নয়, তাদের কাছেই যাবার কথা, তাদেরই বোঝাবার কথা ভাবি।'

'কিন্তু চণক কী দিয়ে তাদের বোঝাবে? কোনও একটা সূত্র তো তাঁরাই ভাষা, বর্ণ, অভ্যাস, ধর্ম...'

চণক বলল, 'আমি চেষ্টা করছি সেই সূত্রটি আবিষ্কার করবার। যতক্ষণ না এদের সঙ্গে মিশছি, যতক্ষণ না দেখছি সেসব প্রত্যন্ত অঞ্চল, ততক্ষণ তো সে সূত্র বার করতে পারব না। তত্ত্বচিন্তা করে তো কোনও লাভ নেই।'

বিহিসার বললেন, 'তুমি তা হলে আর বিলম্ব করতে চাইছ না চণক।'

‘না মহারাজ ।’

‘ভালো । ইতিমধ্যে আমি রাজনীতির এই নতুন দিকটির সম্পর্কে আমার मित्रराजাদের সঙ্গে কথা বলি ।’

‘বলবেন ? এর চেয়ে ভালো আর কিছুই হতে পারে না । মহারাজ, হঠাৎ একটা পরিকল্পনা আমার মাথায় আসছে । আপনি একটি রাজসংঘ গঠন করার চেষ্টা করুন না কেন । বহু রাজার সম্মিলিত সংঘ, তাঁদের মধ্যে একজনকে সবাই নেতা বলে মেনে নেবেন; বিশেষত বিপদের সময়ে ।’

‘অস্পষ্টভাবে এই রকম কিছুই একটা আমার মস্তিষ্কের মধ্যে ঘুরছিল, বন্ধু । অতি অস্পষ্ট...’

‘আমার প্রসঙ্গ এবং নাম উহ্য রাখবেন মহারাজ ।’

‘কেন ?’

‘রাজারা সর্বদাই সন্দেহপরায়ণ । কে এক উত্তরদেশীয় ব্রাহ্মণযুবক আপনাকে কী বলেছে, সেইজন্যই আপনি এ চেষ্টা করছেন, জানলে এঁদের হয় মনে গুরুত্বের সংশয় হবে, নয় এঁরা গুরুত্ব দেবেন না চিন্তাটিকে । উত্তরের সঙ্গে মধ্যদেশের বিশেষত প্রাচী-যেবা মধ্যদেশের এক অলিখিত ভিত্ত সম্পর্ক আছে সে কথা তো আপনি জানেন ।’

‘সেটা আমরা ঔৎসুক্য মতো আচারপরায়ণ নই বলে, বৈদিক ধর্মের চেয়ে শ্রমণ পন্থাগুলিকে গুরুত্ব দিই বলে । কোনও রাজনীতিক কারণে কিন্তু নয় । রাজাদের সবাইকার স্বার্থরক্ষার ওপর যদি ঝোক দিই, তা হলে হয়ত শুভ ফল হতে পারে ।’

চণক কিছু বলল না । রাজার স্বার্থ রক্ষার ওপর ভিত্তি করে যদি রাজসংঘ হয়, তা কি প্রজাবর্গের আন্তরিক অনুমোদন পাবে । রাজা ক’জন রাজপুরুষই বা ক’জন । বেশির ভাগই তো প্রজা, সাধারণ বর্গ, ইতর জন । তাদের হৃদয় জয় করতে না পারলে...কিন্তু নিজেদের ঘিষা চণক প্রকাশ করল না । হতে পারে রাজাদের সংঘভুক্ত করবার প্রয়াস যদি মহারাজ বিশ্বাসারের দিক থেকে হতে থাকে, এবং তলার দিক থেকে একই সঙ্গে চলতে থাকে তার প্রয়াস, হয়ত কিছু ফললাভ হবে ।

এখন তারা বিস্তৃত রাজমার্গে প্রবেশ করেছে । পরিচ্ছন্ন পথ, মাঝে মাঝে দীপস্তুভ । সুন্দর বেশে, প্রসাধিত নরনারী চলাচল করছে । পুরুষের তুলনায় রমণী কিছু অল্প । যারা বেরিয়েছে তাদের মধ্যে অধিকাংশই দাসী জাতীয় । কিন্তু তাদের মধ্যেও অনেকেই বিলক্ষণ সুবেশী, যথেষ্ট সুশ্রী । শিবিকা চলে গেল দু-একটা । একটি চার ঘোড়ার রথ । এটি রাজগৃহ-শ্রেষ্ঠীর, কদিনে চেনা হয়ে গেছে চণকের । এই দৃশ্যটির দিকে তাকালে হঠাৎ মনে হয় এমন শান্তি, এমন রম্যতা, এত সুখ আর কোথায় পাওয়া যাবে ? চিন্তার কী-ই বা আছে ? অনর্থক অন্তঃ-চিন্তায় কালক্ষেপ করে কাজ কী ? তার চেয়ে চলে গেলেই হয় কোনও উচ্চশ্রেণীর পানাগারে । সুসজ্জিত, সদালাপী সন্ত্রাস্তবংশীয় কিছু পানরসিক যুবকের সঙ্গে পানপাত্র হাতে বসে গেলেই হয় । পানাগারিকদের সুন্দরী কন্যা হয়ত পানীয় পরিবেশন করবে ফটিকের পাত্রে, সেই সঙ্গে টেলে দেবে লাস্য । মাধবীর মৃদু উত্তেজনা শিরায় শিরায় বইবে, নানা গম্ভীর এবং তরল বিষয়ে আলোচনা হতে থাকবে, বাদ-প্রতিবাদ, তর্কাতর্কি এসবও হতে পারে । কিংবা ফণ্ডয়া যেতে পারে শ্রীমতীর গৃহে । সেখানে যদি নিরবচ্ছিন্ন কয়েক দণ্ড বীণা শোনা যায়, শোনা যায় শ্রীমতীর গান । কিংবা তার সেই কৃষ্ণকায় মৃদঙ্গবাদকটির অদ্ভুত বাদন । শ্রীমতী নাচে, কিন্তু মৃদঙ্গবাদকের হাত এবং আঙুলগুলি ? তারাও অদ্ভুত ছন্দাময় হয়ে ওঠে । মুখ নিচু করে বাজায় মানুষটি । কিন্তু তার চারদিকে কয়েকটি অদৃশ্য নৃত্যপর আকৃতি আছে মনে হয় । তারা মৃদঙ্গের শব্দের সঙ্গে সঙ্গে কখনও সমবেতভাবে নৃত্য হয়ে মাটিতে পা হোঁক, কখনও চক্রাকারে ঘুরে যায়, কখনও উর্ধ্বে নিজেদের উৎক্লিষ্ট করে । একদিন তার এই অদ্ভুত মনে হওয়ার কথা বোধিকুমারকে বলেছিল চণক ।

‘ভদ্র দেখেছেন, এর বাদনের ফলে চারপাশে একটা অদৃশ্য নৃত্য হতে থাকে !’

বোধিকুমার বলে, ‘সুন্দর তো শাপভট্ট গঙ্ঘর্ব ! ও তেরমতভাবে বাজালেই অঙ্গরারা নেমে এসে নৃত্য করতে থাকে । তাই-ই এ প্রকার অনুভব হয় ।’

চণক অবাক হয়ে বলে, ‘অঙ্গরা ? গঙ্ঘর্ব ? আপনি কি কাব্যরচনা করছেন, না সত্য বলছেন !’

‘সত্যই বলছি’ বোধিকুমার বলে । ‘বাঃ চণকভদ্র আপনি তো অদ্ভুত ! কাব্য রচনা করলে এভাবে

করব ?

‘কী জানি !’ চণক মৃদু হেসে বলে, ‘কবিতা কখন কল্পলোকের কথা বলছেন, কখন এই মরলোকের কথা বলছেন, বোঝা তো না যাওয়াই সম্ভব !’

বোধিকুমার যেন একটু আহত, ‘কেন, চণকভদ্র, আপনি গন্ধর্বলোক আছে এ কথা মানেন না ? স্বর্বেশ্যারা তাদের বাদনের সঙ্গে নাচে এ কথা শোনেননি !’

‘তুনেছি মাঝে মাঝে, ভেবেছি কবি-কল্পনা !’ চণক স্তব্ধ হয়ে যায়। তার মনে হয় সুনক্ষত্র এতই সিদ্ধবাদক যে, তার হাত থেকে উদ্ভিত শব্দগুলি, নানা ছাটিল ভঙ্গ-বিভঙ্গে বার হতে থাকে। শব্দপাত নয় তাই, শব্দনাচ। এই শব্দ-নৃত্য একটি ছন্দ ও সুরের নিরবচ্ছিন্ন পঞ্চাশপট নির্মাণ করে দেয়, শ্রীমতীর গান ও নাচ তারই সঙ্গে অতি নিপুণভাবে তাল মেলানো, সুর মেলানো। তাকে অতিরিক্ত কিছু করতে হয় না। সে ওই তালে তাল মিলিয়ে একটি দুটি চরণক্ষেপ করে। নূপুর বেজে ওঠে মৃদু গুলুনে। একটি দুটি মুদ্রা, শব্দ মুদ্রাকে যেন রূপ দেয়। সুনক্ষত্রর মৃদঙ্গবাদনের এই গুঢ় রহস্যের কথা নিশ্চয় জানা আছে শ্রীমতীর। বোধিকুমার ছন্দ ও বাকের চর্চা করলেও তাঁর কাছে, যে কোনও করণেই হোক, এ রহস্য ধরা পড়েনি।

বিহিসার বললেন, ‘চণক, কী ভাবছ ?’

চণক বলল, ‘সঙ্গীত এবং নৃত্য। এবং সুর এবং ছন্দ।’

বিহিসার স্থানকাল ভুলে অট্টহাস্য করে উঠলেন। বললেন ‘যাক, আমার একটা মহাচিন্তা দূর হল।’

‘কী চিন্তা মহারাজ ?’ চণক হাসিমুখে জিজ্ঞেস করল।

‘আমি ভাবতাম দেবরাতপুত্র দশনৌতি, রাজকর্তব্য, সসাগরা বসুন্ধরার আরক্ষা, এ ছাড়া আর কোনও বিষয়েই আগ্রহী নয়। মনে মনে আলোচনা করতাম, কীভাবে এই সন্ন্যাসীসুলভ একমুখীনতা, এই বহু বিলম্বিত ব্রহ্মচার্য্য ভঙ্গ করা যায়। চণক, কে বলতে পারে হয়ত পরের জন্মে আর এমন সুগঠন, এমন নিব্যামি দেহ, এমন সুসঙ্কৃত মন, এমন উচ্চবংশে জন্ম, পৃথিবীকে ভোগ করবার এমন সব সুযোগ আর পাব কি না। হয়ত যে মগধে আজ রাজা হয়ে জন্মেছি, কাল সেই মগধেই পথদস্যু হয়ে জন্মালাম। চণক, তখন হয়ত তুমি আমার মাতৃবসাপুত্র আর এক তরুণ। একই সঙ্গে রক্তকরবীর মালা পরে বধ্যভূমিতে যাচ্ছি। ...’ বলতে বলতে বিহিসার আবার হা-হা করে হেসে উঠলেন।

চণক বলল, ‘তা হলে বলুন, নিজেকে পাপী বলে চিনতে পেরেছেন মহারাজ, পাপী না হলে এমন জন্ম হবে কেন ?’

‘আমি তো আর দেব তথাগতর মতো বর্ষাবাস করি না। কত কীটানুকীট প্রতিরোধে পদদলিত, অশ্বকুরদলিত করছি, জল পান করছি না হেঁকে, তাতেও চলে যাচ্ছে কত লক্ষ কীট এই উদরগহ্বরে, তারপরে দেখো, তুমিই উল্লেখ করলে কত শত অপরাধীর প্রাণদণ্ড দিচ্ছি। সেগুলিও তো আমাদেরই বর্তাচ্ছে। সুতরাং পাপকে এড়ানোর কোনও উপায়ই আমি দেখতে পাচ্ছি না, বন্ধু। পরলক্ষ্য সম্পর্কে কোনও নিশ্চয়তা নেই।’ বিহিসার আবার হাসতে লাগলেন।

চণক মনে মনে আনন্দিত হল। মহারাজের মনের মধ্যে এতদিন বর্ষা থমথমে করছিল। গর্জায় না, বর্ষায় না। ঝলি কালো কালো মেঘে আড়াল থাকে আকাশ-নীল, আঁকি থেকে বাতাসের স্বচ্ছন্দ সাবলীল বিচরণ।

সে প্রসন্ন মুখে বলল, ‘মহারাজ, আমরা তো আজ অতিথিশালায় বসে যাচ্ছি না। আপনার কি আরও কোথাও যাবার ইচ্ছে রয়েছে ?’

বিহিসার বললেন, ‘বন্ধু, আমরা কি গো-জাতীয় ? যে সন্ধ্যা হলেই নিত্য একই গোষ্ঠে ফিরে যাবো ! তুমি যে পরিব্রজনে শীঘ্রই বেরোবে, তাতে তো পদে পদে অনিশ্চয়তা, অনামা বিপদ, আজকে সামান্য একটু বিপথে নিয়ে যাচ্ছি বলে উদ্ভিন্ন বোধ করছ কেন ? একটু উৎকর্ষা সহ্য করো, দেখাই যাক না পথের শেষে কী আছে !’

ক্রমশ জনবিরল হয়ে এলো পথ । একটি সুন্দর কাননের মধ্যে প্রবেশ করলেন দু'জনে । উদ্যানপাল এসে নমস্কার করে স্বাগত জানালো । অদূরে একটি সুরম্য হর্ম্য । সহসা দেখলে চিত্রশালা বলে মনে হয় । উচ্চ ভূমির ওপর কয়েকটি স্তম্ভ । তার ওপরে ছাদ । প্রাচীর দিয়ে ঘেরা । ছাদের ওপরে সু-উচ্চ কতকগুলি ছত্র দেখা যাচ্ছে । প্রবেশদ্বারটিতে তক্ষণ করা সপমিথুন, মধ্যে মুরলীধারী নারী । সোপানগুলি পাথরের ।

বিহিসার বললেন, 'চণক, আমার সর্বশ্রেষ্ঠ আশ্রকাননটি দিয়েছি আয়ুধান জীবককে, অপূর্ব সুন্দর বেগুন আরাম সহ দিয়েছি ভগবান বৃদ্ধকে, এই জম্বুবন তোমার ।'

'সে কী মহারাজ । আপনি তো জানেন...'

'সবই জানি বন্ধু, কিন্তু তুমি তো রাজগৃহে মাঝে মাঝেই ফিরবে ? অতিথিশালায় তোমার বসবাস আমার মনঃপূত হয় না । তুমি জানবে রাজগৃহের এই জম্বুবনে তোমার নিজস্ব গৃহ । সেখানে উদ্যানে মগধের সবচেয়ে মিষ্ট জম্বুফলের গাছ আছে, কিন্তু সে দশ বারোটা । তা ছাড়া যা আছে তা শুধু কুসুম, এ এক কুসুমকুঞ্জ । বারাণসী বর্ধকীদের একটি দল গেল সাকেত-গহপতি, ধনঞ্জয়ের কন্যা বিশাখার বিবাহ উপলক্ষে বাড়ি করতে । আরেকটি দলকে এখানে এনে আমি তোমার জন্য এই গৃহ নির্মাণ করিয়েছি কাননের মধ্যে । তোমার অশ্বশালা, গোশালা, দাস-দাসী সবই আছে । চलो ।'

রাজা স্পর্শ করতেই যেন জাদুবলে বন্ধ দুয়ার খুলে গেল, দুদিকে দুটি সুবেশ দাস । ওরা কি পূর্ব থেকেই দাঁড়িয়ে ছিল ! আসনশালায় ঢুকলেন দু'জনে, চারদিকে প্রাচীরের গায়ে মাঝেমাঝেই সুন্দর তক্ষিত মূর্তি, লতা, পদ্ম । সুবাসিত জল ও মালা নিয়ে এলো দাসীরা । রাজা খুললেন তাঁর করোটিকা শিরস্ত্রাণ । পাদুকাগুলি খুলে নিয়ে গেল দাসীরা । তার পরে বড় বড় পাত্র থেকে জল নিয়ে পা ধুইয়ে দিল, অতিশয় নরম মার্জনী বস্ত্র দিয়ে মুছিয়ে দিল পা । খুলে দিল রাজার বক্ষের লৌহজালক । চণকের উত্তরীয় । নতুন, সুরভিত উত্তরীয় গায়ে জড়িয়ে দিল দু'জনের । কপালে পরিয়ে দিল গোরোচনার তিলক । গলায় যুথীর মালা । মণিবন্ধেও জড়িয়ে দিল মালা । শরীর মন স্নিগ্ধ এখন । রাজা তাঁর ছদ্ম শ্বশ্রুশুশ্রের মধ্যে থেকে মৃদু মৃদু হাসছেন ।

চণক বলল, 'মহারাজ, আপনার অতিথিশালায় যত্নের কোনও ত্রুটি তো হত না । এত বাহুল্য আপনি আমার জন্য কেন করলেন । আমি তো এখানে থেকে আপনার রাজধানীর খ্যাতিবৃদ্ধি করবো না জীবকভদ্রের মতো । ধর্মদেশনা শুনিয়ে আপনাকে সান্ত্বনা দেওয়া বা অনাগামিমার্গে নিয়ে যাওয়ার ক্ষমতাও আমার নেই তথাগত বৃদ্ধর মতো । আমি তো আর দু-এক দিনের মধ্যেই চলে যাবো । কবে আবার ফিরব, জানি না ।'

বিহিসার ঈষৎ গম্ভীর হয়ে বললেন, 'তুমি বলেছিলে, যেখানেই থাকো আমার জন্য বন্ধুত্ব তুমি হৃদয়ে বহন করবে, সে কথা কি এখন ভুলে গেছ চণক ।'

'না মহারাজ ।'

'তা হলে ? বন্ধুর সান্নিধ্যে বন্ধুকে বারবার ফিরতেই হয় । যখন বহু দূরে, দেশে দেশান্তরে ভ্রমণ করে ফিরবে, নতুন মানুষ, নতুন জীবনচর্চা, নতুন বন্ধু দেখবে, চণক তখন রাজগৃহের উত্তর-পশ্চিম কোণে এই জম্বুবন, এর কুসুমকুঞ্জ, এই গৃহ যার কোনও দ্বিতীয় এ নগরে নেই, এখানকার পুরিচর্চা এ সব তোমার মনে পড়বে । তুমি ঘরে ফেরার তাড়া অনুভব করবে রক্তের মধ্যে । এ উপহার হলেও শুধুই উপহার নয় চণক, এ আমার স্বার্থ ।'

চণক কথা বলল না । শুধু একবার তার এই রাজসখার দিকে তাকাল । সম্রাটের পার্থক্য অনেক, পার্থক্য অবস্থার এবং অবস্থানের, অভিজ্ঞা এবং অভিজ্ঞতার, জীবনের সৌন্দর্য ও উদ্দেশ্যও যে পুরোপুরি এক, এ কথাও বলা যায় না । ঐর রয়েছে সুযোগ্য সব পুরুষ, উপায়কুশল মহামাত্রবর্গ, কত শত অনুগত পারিষদ, রয়েছেন রানিরা । তাঁদের মধ্যে কেউ কেউ নিশ্চয়ই তাঁর মনোবৃত্তানুসারিণী । সর্বোপরি রয়েছেন চন্দ্রাতপের মতো আশ্রয় বিস্তার করে তথাগত বৃদ্ধ । তাঁর প্রদর্শিত পথে চলাই ঐর অভিপ্ৰায় । তা হলে ? কাত্যায়ন চণক মাত্র কয়েক মাসের মধ্যে সুদূর তক্ষশিলা থেকে এসে ঐর জীবনের কোন শূন্যতাকে পূর্ণ করল, বা পূর্ণ করার আশ্বাস দিল যে চণকের জন্য ঐর আকৃতি এত তীব্র । এত গভীর । রাজসুলভ কপটতা, দয়া-দাক্ষিণ্য তো এ নয় । চণকের ভেতর থেকে যেন

স্কীরতন্ত্র মতো স্কীরশ্রাব হচ্ছে। ভেতরে কেউ নতজানু হয়ে বসছে এই বন্ধুতার সামনে। কৃতজ্ঞালি। এই অনুভূতি চণক চেনে না।

ভেতরের খোলা দুয়ারপথে দুটি দাসী প্রবেশ করল। তাদের হাতে রৌপ্য ভূঙ্গার, হাতে স্ফটিকের পানপাত্র, রৌপ্য খালিতে ভোজ্য। সেগুলি তারা একটি দারুণফলের ওপর রাখল। তারপর চলে গেল। চণকের দৃষ্টি নিবন্ধ ছিল মাটিতে। সে এখনও ভাবিত, আবিষ্ট। হঠাৎ মেঝের ওপর সে দেখতে পেলো দুটি মণিময় চরণপত্র ফুটে উঠছে, তাতে অলঙ্কারের চিত্র, শ্বেত মুকুলের ওপর মনশিলাবর্ণের লতাচিত্রকরা বসন চরণ দুটিকে জড়িয়ে ওপরে উঠে গেছে। রূপোর বিস্তৃত জালিকাময় কাঞ্চী, তার ওপর অনুপম এক দেহকান্তের উর্ধ্বভাগ, রজতসূত্রী এক শ্বেত উত্তরীয় উর্ধ্বাঙ্গে, উত্তরীয়ের মধ্য থেকে মণিমাণিক্যের ঝিকমিকি বোঝা যায়। মাথার স্বর্ণাভ কৃষ্ণকেশ, উচু করে তুলে কবরী বাঁধা। তাইতে পুষ্পমালা। কঠেও মালা দুলছে। অতি শুভ মুখ, পাতলা চোঁট দুটি রঞ্জিত, কান থেকে হীরকের দীর্ঘ কর্ণাভরণ দুলছে। বিশাল নীলাভ চোখ দুটিতে কি যেন এক দুর্ভেদ্য রহস্যময় ভাবের দ্যোতনা। জিতসোমা।

দু'জনকে নমস্কার করে জিতসোমা অদূরে পারসিক গালিচায় বসল। মৃদুস্বরে বলল, 'মহারাজ পানীয় গ্রহণ করুন, আর্থ চণক ক্রান্ত হয়ে এসেছেন, দাসী জিতসোমার সেবা গ্রহণ করুন।'

যন্ত্রচালিতের মতো মাংসখণ্ড মুখে তুলল চণক। ভূঙ্গার থেকে সুরা ঢেলে দিল জিতসোমা। মংস, মিষ্টান্ন, ফল, আরও সুরা ঢেলে দিচ্ছে জিতসোমা।

'মহারাজ আরেকটু নিন, বিশেষ প্রক্রিয়ায় প্রস্তুত হয়েছে এই মৃগমাংস। নিন চণকভদ্র।' আরও সুরা পরিবেশন করছে জিতসোমা।

চণক বলল, 'না'।

চোখে প্রসন্ন, দু'জনেরই। চণক বলল, 'আর না।'

মহারাজ পাত্র নিঃশেষ করে এনেছিলেন। বললেন, 'আমারও আজ এইখানেই ইতি।'

দাসীর হাতে সব পাত্র তুলে দিয়ে চলে গেল জিতসোমা।

বিস্মিত বললেন, 'চললাম সখা। তুমি তোমার নিজের গৃহে বিদ্রাম করো। আবার দেখা হবে। ঘোড়ায় চড়েতে চড়েতে মৃদুস্বরে বললেন, 'এই নারীরত্ন রাজোচ্ছিষ্ট মনে করো না যেন চণক।' রাজার কশাখাতে শ্বেত অশ্বটি মুহূর্তে উদ্যানপথে রাজমার্গে প্রবেশ করল, তার পর অনেক দূর চলে গেল।

সাকেতের সীমানায় তিষ্য ও মন্ত্রার ভোর হ'ল। রাত্রে যখন শেষ যামের ডেরী বোঝা হচ্ছে তখন অতি গোপনে গৃহত্যাগ করে তিষ্য। ধনঞ্জয় শ্রেষ্ঠীর বাড়ি বিবাহোৎসব আরম্ভ হবার বহু পূর্বেই চলে আসবার ইচ্ছা ছিল তার। কিন্তু পারেনি। পিতা একটার পর একটা কাজে তাকে নিযুক্ত করছিলেন। কোশলরাজ প্রসেনজিৎকে সংবর্ধনা করবার দায়িত্বও পিতা তারই ওপর দিয়েছিলেন। তাঁর ধারণা, কোশলরাজও তক্ষশিলার স্নাতক, তিষ্যও তাই। উপরন্তু তিষ্য এখন বেশ কিছুদিন শ্রাবস্তীতে কোশল সেনাপতি বঙ্কলের অশ্বেবাসী। সুতরাং সে-ই উপযুক্ততম ব্যক্তি মহারাজকে সংবর্ধনা জানাবার জন্য। গহপতি ধনঞ্জয়ও তাকে ডেকে বিশেষভাবে অনুরোধ করেছিলেন। তার দায়িত্ব পালন করেছে তিষ্য। তার পিতার বিশেষ ইচ্ছা ছিল এই সুযোগে সে মহারাজের আরও নিকটস্থ হয়, পরিচয় গভীর হয়, তাতে পরে কোশলসেনাতে উচ্চপদ পায় এবং রাজার সু-দৃষ্টিতে থেকে ক্রমশই উন্নতি করার পথ খুলে যাবে। কোশলরাজ তাকে ভালোই চিনেছেন। এবং সম্ভবত এর পর শ্রাবস্তীতে গেলে তার সমৃদ্ধি কেউ ঠেকাতে পারবে না। কিন্তু তিষ্য শ্রাবস্তী যেতে চায় না। সে কোশল-সেনাতে উচ্চপদ চায় না। তার শাস্ত্রাচার্য বঙ্কল মন্ত্রর ওপর তার একটা আন্তরিক টান আছে। আচার্য তাকে ভালোবাসেন, উৎসাহ দেন। কিন্তু আপাতত সেই টান সে প্রাণপণে উপেক্ষা করার চেষ্টা করছে। এইভাবে গৃহত্যাগ করা ছাড়া তার অন্য উপায় ছিল না। সাকেতের নিরবচ্ছিন্ন প্রাকৃত হট্টরোল, উৎসবের বাতাবরণ, প্রতিটি হর্ম্য এবং মার্গ দীপ দিয়ে সাজানোর আধিক্য,

নারীদের সাজ-সজ্জার উল্লাস, পুরুষদের গর্দভের মতো স্বরে বাদবিতণ্ডা, পথে পথে সৈন্যদের ভ্রমণ এবং অশ্লীল উচ্চহাসি, সাপের খেলা, বানর খেলা, লজ্জকদের 'দেখে যান, দেখে যান, এমনটি আর দেখবেন না,' মণ্ডপে নর্তকীদের নাচ, আর সর্বোপরি ইত্যঃ আর্ঘ্য, গ্রামবাসী, নাগরিক সবাইকার, কুৎসিত ভোজনলোলুপতা ! অসহ্য ! অসহ্য !

'ভো ব্যবস্থাপক, আজ সৈন্য শিবিরে খাদ্যতালিকা কী ? ময়ূরের মাংস আজও হচ্ছে তো ? মাধবীর ব্যাপারে একটু যেন কৃপণতা করেছিলে, যাই বসো !'

'আহা, কী খেলাম রে মধু, কী খেলাম, এমন শূলপক শূকরমাংস কোনদিন খাইনি। আমরাও তো মাঝে মাঝে বুনো বরা নিষাদদের থেকে কিনে বলসে খাই, তার তো কই এমন সোয়াদ হয় না !'

'এ শূকর, কত প্রকার ভালো ভালো ভোজ্য খেয়ে মানুষ হয়েছে, তা জানিস ?'

'মানুষ ! মানুষ হয়েছে ! হাঃ, হাঃ, তবে এক প্রকার নরমাংসই খেলাম বল, আহা মুখে দিতেই, নবনীতে ভেজানো তুলের টুকরোর মতো জিভ দিয়ে পিছলে চলে গেল। কঠ থেকে আবার তাকে দাঁতের তলায় আনি। কী গন্ধ ! কী বর্ণ ! কী বা স্বাদ !'

মানুষ যে এত খেতে পারে। নিত্য ! এবং প্রতিদিন আরও আরও আশা করতে পারে এভাবে, নিজে না দেখলে, নিজের কানে না শুনলে বিশ্বাস করত না তিষ্য। ধিক ! ধিক ! শত ধিক এদের। তার যেন এই অবিরাম ভোগের গঞ্জে বিবমিষা আসছে।

একবার পেছন ফিরে তাকাল তিষ্য। শেষ রাতের তরলিত অন্ধকারে নগরীর দীপালোক হারিয়ে গেছে। ফুটে উঠছে একটি দুটি প্রাসাদের চূড়া। কে জানে কতকাল আর সাকেতে ফেরা হবে না ! কাউকে না জানিয়ে এভাবে আসা হয়ত ঠিক হল না। গৃহের সবাই উৎকণ্ঠিত হবে। হয়ত একটি পত্র লিখে এলে সে ভালো করত। কিন্তু হয়ে ওঠেনি। তার এখন কোনও ঠিকানা থাকবে না। কোনও নির্দিষ্ট গন্তব্যও কি থাকবে ?

আবার ছুটে চলল তিষ্য। মস্ত্রা বারবার কেন যেন তীব্র ডাক ডেকে উঠে পেছন ফেরবার চেষ্টা করছে ! সে কি বুঝতে পেরেছে, তিষ্য নিরুদ্দেশের যাত্রী ! কিন্তু সে তো পশু ! তার আবার ঘর কী ! কোথায় কোন কবোজবাসীর জ্বালে ধরা পড়েছিল তার পিতা-মাতা, তারপর অশ্ববণিকের মন্দুরায় প্রতিপালিত হয়েছে। গৃহপোষ্য হয়ে আরণ্যক জীবেরও মুক্তির আকাঙ্ক্ষা কেমন চলে যায় দেখো ! সহসা তিষ্যর মনে হল, সে কিন্তু মুক্ত ! তার কোনও আকর্ষণ নেই। না গৃহের প্রতি, না আত্মজনের প্রতি, না তার মাতৃভূমি ওই নগরীর প্রতি। কোনও বিশেষ উদ্দেশ্যের বন্ধনও যেন তার নেই। যা জালিকা হতে পারত, সেই প্রণয়ের এক আঘাতে নির্মূল হয়ে গেছে তার সমস্ত কেতুকাম্যতার, উচ্চাকাঙ্ক্ষার শিকড়। মুক্তপুরুষ বলতে সত্যই যদি কেউ থাকে তো সে তিষ্য। রাজকুমার নয়, সাকেতক নয়, তক্ষশিলক নয়, শুধু একজন পরিচয়হীন, লক্ষ্য সম্বন্ধে উদাসীন মানব, তিষ্য।

দুপুরের কাছাকাছি সময়ে কাশীরাজ্যে প্রবেশ করল তিষ্য। একটি গ্রাম অদূরে রয়েছে মনে হচ্ছে। গ্রামপ্রান্তে চারণভূমি দেখে ঘোড়াটিকে ছেড়ে দিয়ে ঘাসের ওপর বসে পড়ল সে। একটি ছোট্ট জলাশয় রয়েছে। অসমান তার ধারণশক্তি। লোক, বিশেষত গরু চলাচলের জন্য স্বাভাবিকভাবেই সোপান হয়ে গেছে। অসমান, তবু নামা যায়। অঞ্জলি ভরে জল পান করে, উত্তরীরের প্রান্ত ভিজিয়ে সমস্ত শরীর জলসিক্ত করে নিল সে। ছায়াবৃক্ক বলতে বিশেষ কিছু নেই। গো-পালক বালকগুলি কোথায় বসে ? রক্তপত্র বিশিষ্ট একটি ঝোপ রয়েছে। ঝোপ পাশে সামান্য ছায়া। তিষ্য সেখানে বসে বসেই ঘুমিয়ে পড়ল। কদিনের পরিশ্রমের ক্লাস্তি গতকাল তো বিনিদ্রই গেছে। এতটা সময় ঘোড়ার পিঠে প্রায় না থেমে চলে আসা। সব মিলিয়ে চোখ বুজে এলো। বসে বসে ঘুমোতে ঘুমোতে কখন যে সে শুয়েও পড়েছে তিষ্য জানে না।

যখন জেগে উঠল তীব্র স্কুধা। উদরে যেন আগুন জ্বলছে। মাথার ওপরে সূর্যের তাপও অনুরূপ। অগ্নিবৎ। সে উঠে বসে চারদিকে তাকাল। গভীর সন্ধ্যার পর ঘুমিয়ে উঠলে যেমন হয়, সে সহসা কিছুই চিনতে পারল না। মুক্ত আকাশের তলায় সে শুয়ে আছে কেন ? চারদিকে ঘাসে-ছাওয়া ভূমি ! কী ব্যাপার ? কোথায় ? তারপর সব মনে পড়ে গেল। মস্ত্রা ! মস্ত্রা কোথায় ! সে উঠে দাঁড়িয়ে চারদিকে দেখতে লাগল। দিগন্ত পর্যন্ত অনম্মাসে দৃষ্টি চলে যায়। দু-চারটি মাত্র

গরু চরছে। কোনও গোপালক কোথাও চোখে পড়ল না। এবং মস্ত্রা নেই।

মস্ত্রা। মস্ত্রা। ডাক ছেড়ে হেঁকে উঠল তিষ্য। জলাশয়টির কাছে গেল, নেই। চরে বেড়াচ্ছিল মস্ত্রা। প্রথমে প্রাণ ভরে জল পান করে, তারপরে চরে বেড়াচ্ছিল। চারণক্ষেত্রটি ঘাসে একেবারে উপচে পড়ছে। তার মধ্যে মস্ত্রার কুরের চিহ্ন কিছুটা অবশি অনুসরণ করতে পারল সে, তারপর আরও অনেক যষ্টি বা ওই জাতীয় চিহ্নের সঙ্গে সব যেন ভালগোল পাকিয়ে গেছে। মানুষের পায়ের চিহ্ন মতো কিছুও সে খুঁজে পেল। কিন্তু ভূমিটি মধ্যভাগে কৃষ্টি পড়ে পড়ে কেমন আর্দ্র হয়ে রয়েছে। সেখান থেকে আর বিশেষ কিছু বোঝা যাচ্ছে না। শুধু তার পা দুটিই কাদায় মাখামাখি হয়ে গেল। মস্ত্রা তাহলে চুরি গেছে। বাঃ, কোশলরাজ বাঃ, তুমি মাত্র আঠার কি বিশ ক্রোশ দূরে বসে মৈরায়র পাত্র হাতে হা হা করে হেসে উঠছ, কোনও চাট্কারের অঙ্গীল কৌতুকে সুবর্তুল মুখে অত হাসিতেও বিশেষ কুঞ্চন পড়ছে না। এদিকে ফটফটে দিনের বেলায় একজন কুলপুত্রের আজ্ঞানেয় ঘোড়া চুরি যাচ্ছে। চমৎকার। অতি চমৎকার। আর হবে নাই বা কেন। এই রাজ্যটি তো সবসময়েই বিলাসে-ব্যসনে-বয়স্যে-বনিতায় মত্ত থাকেন। মাঝে মাঝেই নানান স্থান থেকে সংবাদ আসে গ্রামকে গ্রাম লুঠ করে নিয়ে গেছে দস্যুরা। কিংবা বিদেশি সাথের সর্ব্ব্ব অপহৃত হয়েছে পথে। বঙ্কলভদ্র স্থল চর্মের বর্ম পরতে পরতে বলেন, 'চলো হে তিষ্য, গোটাচকতক দস্যু মেরে আসি। এ জন্মে তো আর সত্যিকার যুদ্ধের সাধ পূর্ণ হবার নয়। চোর আর দস্যু মেরে মেরে হাতে দুর্গন্ধ হয়ে গেল।'

মল্পদের গৌরবরবি অন্ত গেছে। কুশিনারা আর পাবায় কয়েকটি মল্পকুল নিজেদের দুর্গে জ্ঞাতিবর্গ নিয়ে থাকেন। মল্পদের সৌভাগ্যসূর্য আর উদিত হবে না বুঝে বঙ্কল বেরিয়ে পড়েছিলেন ভাগ্যাঙ্ঘষণে। বলতেন 'কোলিয়রা কোশলের পদানত হল, পদানত হল শাক্যরা, কালামরা। লিচ্ছবিরাই এখনও পর্যন্ত তাদের সার্বভৌমত্ব ঠিকঠাক টিকিয়ে রাখতে পেরেছে। মল্পদের সংঘবদ্ধ করতে চেষ্টা করেছিলাম। পারিনি। বুঝলে তিষ্য। তাই যখন পারলাম না, কূপের মধ্যে পড়ে থাকব কেন, নিজেও এলাম, ভ্রাতৃপুত্র চারায়ণকেও নিয়ে এলাম। অর্থ, মান, যশ কিছুই অভাব নেই। কিন্তু এই কি বীরপুরুষের জীবন! কতকাল হয়ে গেল সামান্য কটা প্রত্যন্ত বিদ্রোহ দমন ছাড়া যুদ্ধের সুযোগই পেলাম না। শুধু দস্যু-ভঙ্করের ওপরেই পরীক্ষা করার জন্য কি শত্রু-বিদ্যা শিখেছিলাম।'

'মস্ত্রা। মস্ত্রা!' ডাকতে ডাকতে গোচারণের সীমানায় এসে পৌঁছল তিষ্য, কুখাতৃকায় তখন তার শরীর অবসন্ন, উপরন্ত মস্ত্রা চুরি যাওয়ায় ক্রোধে সর্ব শরীর জ্বলছে। লোকালয়ের মধ্যে আসতে আসতে সূর্য একেবারে মাথার ওপরে চলে গেল। একটি কূপ না? কয়েকটি রমণী না তার পাশে? তিষ্য একরকম ছুটে ছুটে সেখানে গিয়ে উপস্থিত হল।

'তোমরা কেউ একটি ঘোড়াকে এদিকে আসতে দেখেছ?'

'একটি কালো ঘোড়া তো?' একজন বলল। 'ঘোড়া না অশ্বতর?' আর একটি রমণী বলল।

ক্রুদ্ধ তিষ্য বলল, 'কালো-টালো নয়, সর্ব্ব্বশ্বেত, খদির বর্ণের কয়েকটি সূন্দর দাগ আছে, চিত্রাশ্ব।'

'এমন কোনও ঘোড়া তো আমরা দেখিনি অজ্ঞ?' একটি বর্ষিয়সী মহিলা বলল।

'এখানে কিছু খাদ্য কিনতে পাওয়া যাবে?'

কথা শুনে রমণীগুলি হেসে আকুল হয়ে গেল। একজন বলল, 'শুধু শুধু হেসে কুলপুত্রটিকে পীড়া দিচ্ছিস কেন? ক্রোধে কেমন কলমুল পঙ্কজন্ত রাজা হয়ে গেছে দেখছিস না?'

তখন আর একজন বলল, 'দলিদ্দ গাম। হাট নেই, বিপণি-আপণি কিছুই তো নেই গো অজ্ঞমশায়, খজ্ঞ কিনবে কোথা থেকে?'

তিষ্য বলল, 'তোমাদের কূপে জল আছে তো? না কি কূপও দলিদ্দ?'

'দলিদ্দ কুয়ো, দলিদ্দ কুয়ো' বলে মেয়েগুলি আবার হাসতে লাগল। তখন আগেকার সেই বর্ষিয়সী রমণী বলল 'কুয়োয় জল আছে অজ্ঞ, কিন্তু আমরা মেয়েদের ঘরের ইথি, খাবে কি না বুঝে দ্যাখো।'

তিষ্য বিরক্ত হয়ে বলল, 'একটু সরে যাও, সরো তোমরা।'

মেয়েগুলি সরে বসল, কেউ দাঁড়িয়ে উঠল। কেউ একটু দূরে চলে গিয়ে কোমরে হাত দিয়ে



দাঁড়াল ।

ডোঙায় করে জল তুলে পান করতে গিয়ে তিষ্য যত না খেল, তার চেয়ে বেশি ভিজে গেল । মেয়েগুলি আশে-পাশে, অদূরে, দাঁড়িয়ে বসে ঝিলঝিল করে হেসেছে ।

‘কিছু শুক খাদ্য অন্তত আমার চাই-ই, মূল্য দেবো ।’ তাদের হাসাহাসি গায়ে না মেখে তিষ্য বলল ।

বর্ষিয়সী রমণী বলল, ‘বললুমই তো হট্ট-ঘট্ট কিছু নেই এ গামে, আমার গেহে যাও তো কিছু খজ্জের চেষ্টা দেখতে পারি ।’

‘চলো, যাচ্ছি ।’ তিষ্য বলল অটল গাভীযের সঙ্গে ।

বর্ষিয়সী সঙ্গে সঙ্গে এক কলস জল নিয়ে চলতে আরম্ভ করলো, বলল, ‘এসো আমার সঙ্গে ।’ রমণীগুলি অধিকাংশ কালো, কেউ বা অন্ধ, কেউ অধিক । তিষ্যর মনে হল, এরা অ-সভ্যও । কিন্তু সে এখন এর পেছন পেছন যাওয়া ছাড়া কি-ই বা আর করতে পারে ।

খড়ের ছাউনি দেওয়া ছোট একটি কুটির । আরও কয়েকটি দেখা যাচ্ছে দূরে দূরে । শৌটার সঙ্গে একটি ছাগলী বাঁধা । পরিষ্কার প্রান্তণের মধ্যে ঢুকে তিষ্য দেখল অজস্র বেতের বুড়ি, একটার পর একটা বসিয়ে চূড়া করা রয়েছে । সে বলল, ‘তোমরা কি এইগুলি প্রস্তুত করো !’

‘হ্যাঁ অজ্জ, কাছেই নদী । প্রচুর বেত জন্মায় । আমাদের পুরুষরা কেটে নিয়ে আসে । আমরা সবাই মিলে বানাই ।’

‘বিক্রি করো কোথায় ? হাটে ?’

‘হা কপাল অজ্জ, হাট কোথায় পাবো ? যোজনের পর যোজন গেলে তবে হাট পড়ে । কাঁধে পিঠে করে নিয়ে গিয়ে বিক্রি করা শোষায় না । একটিও গো-যান নেই আমাদের গামে । মাঝে মাঝে তিন গাম পেরিয়ে গো-যান নিয়ে আসা হয়, তাতে সবার সব বুড়ি-ঝোড়া তুলে নিয়ে অনেক দূরের হাটে যাওয়া হয় । তবে মাঝেমাঝেই আসে বণিকরা, তারাই গো-যান নিয়ে আসে । কিনে নিয়ে যায় । আমরা তাদের থেকে চাল চিনি, যব কিনি, তেল কিনি ।’

‘কেন ? তোমাদের গ্রামে জমি জায়গা তো প্রচুর ? কর্বণ করো না ?’

কসসনের কাজ তো আমরা জানি না অজ্জ । এই কুটিরের সঙ্গেই যে ভূমি রয়েছে সেখানে কিছু ফল কিছু শাক জন্মায়, বীজ পড়ে আবার জন্মায়, তাই খাই । নদী থেকে মছ আনি মাঝে মাঝে । এই ছাগল আছে কটা । গরু তো সবার নেই । অনেক মূত্র বাপু, কে দেবে ?’

রমণীটি মাটির পাত্রে শুকনো চিড়ে, দুটি শুকনো কলা আর এক ডেলা গুড় নিয়ে এলো । প্রান্তণের এক দিকে মাটির উঁচু বেদীর ওপরেই বসেছিল তিষ্য । খাদ্যগুলি দেখে তার উৎসাহ নিবে গেল । রমণীর হাতে মাটির পাত্র । সে বলল, ‘একটু দুধ দুয়ে এনে দিচ্ছি, তুমি দুধে ভিজিয়ে চিড়াগুলো খেয়ে ফেলো ।’

চারিদিকে চেয়ে তিষ্য দেখলো, এদের কুটিরে চিড়ে কোটা, ধান কোটা ইত্যাদির কোনও ব্যবস্থাই নেই । অর্থাৎ এই চিড়েও এদের বুড়ির বদলে সংগ্রহ করতে হয় ।

ছাগলের দুধে তার গন্ধ লাগে । তবু সদ্য-দেয়া একঘটি দুধ দিয়ে সে খাদ্যগুলি কোন প্রকারে খেয়ে ফেলল । তারপর প্রান্তণের এক পাশে হাতমুখ ধুয়ে এসে, রমণীটি আশেপাশে নেই দেখে, তার পাঁচ তলিকা পাদুকার প্রথমতল খুলে সেখান থেকে পাঁচটি রুপোর কাহন বার করল, রমণী এলে তাকে দিয়ে বলল, ‘নাও, তোমার খজ্জের মূল্য ।’

‘না না, তুমি অতিথু । মূল্য দিতে হবে না ।’ রমণীটি পিছিয়ে গেল, তারপর তার হাতে চকচকে রুপোর মুদ্রাগুলি দেখে, একই সঙ্গে লুক্ক ও সজ্জন্ত দৃষ্টিতে তার দিকে তাকিয়ে বলল, ‘তোমার কি এমন অনেক আছে ?’

‘তোমার তাতে প্রয়োজন কী ?’ তিষ্য তার কটিবন্ধ ভালো করে আঁটতে আঁটতে বলল ।

‘তুমি কি বণিক ?’

‘তাতেই বা তোমার প্রয়োজন কী ?’

‘বলো না, তুমি কি রাজভট ?’

‘যদি বলি হ্যাঁ !’

‘শোনো অঙ্ককুমার, তোমার ঘোড়াটি আমাদের গ্রামেরই দু’-তিনজন পুরুষ চুরি করে নিয়ে বারাণসীর দিকে গেছে, যেখানে প্রথম ক্রেতা পাবে, বেচে দেবে। তুমি যদি সময়মতো গিয়ে উপস্থিত হতে পার, উদ্ধার করতে পারবে।’

তিষ্য বলল, ‘এতক্ষণ এ কথা বলোনি কেন ? আরও আগে গেলোধরে ফেলতে পারতাম তাদের। এই জন্যেই বলে অনার্য ! একেই বলে হীন জাতি।’

রমণীর কালো মুখ আরও কালো হয়ে গেল, সে হঠাৎ তেড়ে উঠে বলল, ‘তবে দূর হয়ে যা অঙ্ক আমার আঙন থেকে। তেষ্ঠা দেখে জল দিলুম, ষিদি দেখে নিজের অন্নভাগ দিলুম, বলে কিনা অনঙ্ক ! হীন জাতি ! ভালো করবো তোদের চিন্ত-ঘোড়া চুরি করব, অনেক মুন্ন পাওয়া যাবে সৈন্ধব ঘোড়াটার, যদি বুদ্ধি করে দুটো চারটে গরু কিনে আনে এরা, তো বেশ হয়।’ সে কুটিরের দরজা শব্দ করে বন্ধ করে দিল।

সূর্য এখন সামান্য পশ্চিমে হেলেছে। দিক-নির্গম্য করে সোজা পূর্ব দিকে হাঁটা দিল তিষ্য। যত দ্রুত পারে। মস্ত্রাকে তার খুঁজে বার করতেই হবে।

সন্ধ্যার পূর্বে সে যেখানে পৌঁছলো মনে হল একটি নিগম গ্রাম। কুটির রয়েছে যথেষ্ট। কিছু লোক চলাচল করছে। সে তাদের জিজ্ঞাসা করে করে হাটে পৌঁছলো। যাকেই পায় জিজ্ঞাসা করে, একটা শ্বেতের ওপর খদির বর্ণ চিত্রাঙ্ক কেউ বিক্রি করতে এনেছিল ? কিছু জানো ? কেউ কিছু বলতে পারল না। হতাশ হয়ে সে একজনকে জিজ্ঞেস করল, ‘অতিথিশালা আছে এখানে ?’

তার আপাদমস্তক ভালো করে দেখে নিয়ে লোকটি বলল, ‘বড় গায়। কত বণিকের চলাচল, থাকবে না কেন ? তবে আপনি কি সেখানে থাকতে পারবেন ? বড় ঘরের পুস্ত্র মনে হয়।’

তিষ্য বিরক্ত হয়ে বলল, ‘কোনদিকে অতিথিশালাটা সেটাই বলো না কেন, বড় ঘরের পুস্ত্র কি কী ঘরের পুস্ত্র তাতে তোমার প্রয়োজন কী ?’

তার স্কুটির দিকে তাকিয়ে ঈষৎ ভয় পেয়ে লোকটি অতিথিশালার দিকটি দেখিয়ে দিল।

কিন্তু লোকটি যে ঠিকই বলেছিল, সেটা অতিথিশালার প্রাঙ্গণে পা দেওয়া মাত্র সে বুঝতে পারল। চালগুলোতে ফুটো। মাটির দেয়ালে চিড় ধরেছে। কারা থেকে গেছে ঘরটিতে কে জানে, বড় নোংরা। সে ঘর থেকে বাইরে বেরিয়ে এলো। অতিথিশালার রক্ষী বলে কেউ নেই। খোলা সব পড়ে আছে। ঘরের বাইরে উঁচু অঙ্গনের খুঁটিতে ঠেস দিয়ে বসে রইল তিষ্য। মস্ত্রা অত্যন্ত প্রভুতস্ত্র অস্বী। কিন্তু সে অতিশয় সুশীলাও। কোনও আরোহীকেই সে ফেলে দেয় না চট করে। মানুষের মধ্যে যেমন মৃঢ়ও আছে, চতুরও আছে, পশুদের মধ্যেও তেমনি আছে। মস্ত্রা মৃঢ়ের দলে পড়ে। কিন্তু মানুষের যা নেই পশুর সেই সহজাত বোধ আছে। মস্ত্রা যখন বুঝতে পারবে ওই লোকগুলি তার প্রভুর অনুমতি না নিয়েই তাকে অন্যত্র নিয়ে যাচ্ছে, তখন। তখন সে কী করবে। তবে তখন হয়ত অনেক বিলম্ব হয়ে গিয়ে থাকবে। তার পায়ে বোধন, মুখে শক্ত রজ্জুর গ্রন্থি। এতক্ষণ মস্ত্রা থাকলে সে কতদূর এগিয়ে যেতে পারত। এতটা পথ এক রকম সৌড়ে এসে সে অত্যন্ত পরিশ্রান্ত বোধ করছে। দুপুরে খাওয়াও তেমন হয়নি। এখন, সাক্ষাতে ধনঞ্জয় শ্রেষ্ঠীর স্থাপিত অস্থায়ী মহানসগুলির থেকে নিজস্ব সুখাদ্যের গন্ধ যেন তার নাকে প্রবেশ করিতে লাগল। আর বমি আসছে না। এখন ওই শূকরমাংস কি ময়ূরমাংস পেলে সে গোথাসে খেয়ে নিত। তিষ্যর মনে হল, পৃথিবীতে কোথাও সমতা নেই। কোথাও খাদ্য উপছে পড়ছে, প্রয়োজনের চেয়ে অনেক বেশি। কোথাও কিছু নেই। কোথাও সারা রাত ধরে দীপ জ্বলে আছে, কোথাও রাত্রি নিশ্চন্দীপ, কোথাও বহুজনের হট্টরোল, কোথাও আবার একটি রক্ষী কি একটি ময়ূর কি একটি গ্রামবাসীর পর্যন্ত দেখা পাওয়া যাচ্ছে না, যার সঙ্গে পরামর্শ করা যায় এই আপৎকালে। এমন তো নয় যে সে ভ্রমণ করেনি ! সাক্ষাতে থেকে শ্রাবস্তী হয়ে মধুরা, উদুম্বর, ভদ্রঙ্কর, শুকশিলা পর্যন্ত দীর্ঘ পথে সে কত যাতায়াত করেছে। তারপরে সাক্ষাতে থেকে শ্রাবস্তী প্রায়ই যাওয়া-আসা করতে হয়েছে। এমন বিপদে সে কখনও পড়েনি। সে উঠে পড়ল। এই গ্রাম সন্ধ্যার আগেই ত্যাগ করে যেতে হবে। এখানে কোনও সাহায্য পাবার আশা নেই।

গ্রাম প্রায় ছাড়িয়ে এসেছে, এমন সময় তিষ্য দেখল বিপরীত দিক থেকে এক প্রব্রাজক আসছেন। হনহন করে এগিয়ে আসছেন। আর একটু কাছাকাছি হতে সে বুঝল ইনি প্রব্রাজক নন, প্রব্রাজিকা। মাথায় কুণ্ডলীকৃত কৃষ্ণ কেশ, নতুন গজিয়েছে বলে মনে হয়। হাতে একটি দণ্ড। হাত তুলে তিষ্যকে থামতে ইঙ্গিত করলেন প্রব্রাজিকা। অনিচ্ছা সত্ত্বেও দাঁড়িয়ে পড়ল তিষ্য।

প্রব্রাজিকা রীতিমতো বলিষ্ঠ। মুখের ভাবও খুব দৃশ্য। ক্লাস্তির কোন চিহ্নই চোখেমুখে নেই। প্রব্রাজিকা বললেন, 'সাকেত আর কত দূর হবে যুবক?'

'পঁচিশ ছাব্বিশ যোজন হবে।'

'পেছনে যে গ্রামগুলি ফেলে এসেছ, সেখানে রাত্রে বাস করার উপযুক্ত অতিথিশালা আছে?'

'আছে, তবে তাতে রক্ষী নেই, অর্গল নেই।'

'ও, তবে তো ঠিকই শুনেছি।'

'কী শুনেছেন, আর্যে?'

'তুমি কোথা থেকে আসছেন আয়ুত্মান?'

'সাকেত,' সংক্ষেপে বলল তিষ্য।

'গন্তব্য?'

'জানি না।'

তীব্র দৃষ্টিতে তার দিকে চাইলেন প্রব্রাজিকা। বললেন, 'উদ্ভ্রান্ত কেন? কিছু অশুভ ঘটেছে?'

'আপনার তাতে প্রয়োজন কী?'' তিষ্য বিরক্ত হয়ে বলল।

এই সংসারত্যাগী শ্রমণ-শ্রমণাদের দেখলেই ভক্তিতে নত হয়ে পড়বার নিয়ম। তিষ্য এঁদের দেখতে পারে না। প্রকাশ করে না অন্য সময়ে। কিন্তু আজ হা-ক্লাস্ত, হতাশ, উদ্ভিন্ন। আজ সে তার ব্যবহার ঠিক রাখতে পারল না। সে এগিয়ে যাচ্ছিল, যষ্টির অগ্রভাগ দিয়ে তার পথ রোধ করলেন প্রব্রাজিকা। বললেন, 'কিসের এত অহংকার যুবক? রূপের? কুলের? বিস্তের? না শিক্ষার? জানো, যে কোনও মুহূর্তে আমার হাতের এই দণ্ডের মতো কালদণ্ড অশনিসম্পাতে ওই উদ্ধত মস্তক বিদীর্ণ করতে পারে? জানো তোমার আত্মাটি তোমার এই সুহৃদ দেহ থেকে বেরোবার পর অনুভব করবে চুরাশি লক্ষতম জন্মটিও তোমার বৃথাই গেল। কিছুই শেখোনি। অষ্টাদশ বিদ্যা আয়ত্ত করার জন্য তক্ষশিলায় গিয়েছিলে? জন্মের কারণ জানো! মৃত্যু কেন হয়? হতাশা কিসের? প্রণয় মায়া। ফল বিরাগ, কুলশীল ত্যাগ করে পথে পথে ঘোরা— এই মাত্র।'

তিষ্য অপরিসীম বিশ্বয়ে স্তব্ধ হয়ে দাঁড়িয়ে গেল।

প্রব্রাজিকা গম্ভীর স্বরে বললেন, 'যাও।'

তিষ্য ধীরে ধীরে বলল, 'আপনি কে আর্যে! আপনি কি স-ব জানেন?'

'সব জানি না। যেমন জানি না, কী তোমার নাম, গোত্র? জানতে চাইও না। অকিঞ্চিৎকর তুচ্ছ বস্তু সব। মনে হল বিপন্ন, তাই জিজ্ঞাসা করেছিলাম। প্রব্রাজিকার কোনও কৌতূহল নেই।'

তিষ্য বুঝতে পারল, ইনি সব জানেন। এমন কি প্রব্রাজক, বিশেষত প্রব্রাজিকাদের পুরুষের মতো বেশ-বাস, নারীত্ব অস্বীকার করে কুশ্রী সাজবার চেষ্টার জন্য সে যে তাঁদের দ্বিগুণ অস্বস্তি চোখে দেখে, সে কথাও ঐর অজ্ঞাত নেই।

সে সসন্ত্রমে বলল, 'আমার প্রিয় অস্বীটি ওই দিকের একটি গ্রামে চুরি গেছে।'

'যাবেই তো। সামান্য অসতর্কতার ফলে জীবন চলে যায়, তায় অস্বী ওই গ্রামগুলি সব চৌরগ্রাম।'

'আপনি জানেন?'

'জানি।'

'তবে, এখন বেলা পড়ে আসছে, ওদিকে যাবেন?'

'ভয় কাকে বলে জানি না যুবক, রাজগৃহের এক পর্বতশিখরে রেখে এসেছি আমার ভয়, লজ্জা, সঙ্কোচ, বাসনা। ফিরে যাও ওই চৌরগ্রামে, একটি যেমন-তেমন অশ্ব কিনে নাও। তারপর দ্রুত বারণসী চলে যাও, অশ্বচোররা ভালো মূল্য পাবে বলে তোমার অস্বীটিকে নিয়ে সেখানেই যাচ্ছে।

পশুর হাটে গিয়ে নিজের অশ্বটিকে যদি দেখতে পাও, দাবি করবে। নাম ধরে ডাকবে। অশ্বটি সাড়া দেবে। তাহলেই অশ্বটি তোমার, প্রমাণ হয়ে যাবে। বোহারিকের কাছে বিচার প্রার্থনা করবে। কোনও চোর, কোনও দস্যুকে কখনও শুধু শুধু ছেড়ে দেবে না।’

তিষ্য প্রব্রাজিকার সঙ্গে সঙ্গে ফিরে চলল। অতিথিশালার কাছে গিয়ে প্রব্রাজিকা হাঁক দিয়ে বলে উঠলেন, ‘ভো গ্রামবাসী, কে কোথায় আছে।’

নিমেষের মধ্যেই অতিথিশালার পেছন থেকে দুটি লোক বেরিয়ে এলো। তাদের হাত জোড় করা। মুখে বিনয়।

‘এই কক্ষ আজ রাতে আমি থাকব। আমাকে একটি সম্মার্জনী এনে দাও।’

লোক দুটি তাড়াতাড়ি বলল, ‘না মাতা, আমরাই সব পরিচ্ছন্ন করে দিচ্ছি।’

কিছুক্ষণের মধ্যেই অতিথিশালার ঘর পরিষ্কার করে, কোথা থেকে নলপট্টিকা এনে সেখানে বিছিয়ে দিল লোকটি। কলস ভর্তি পানীয় জল নিয়ে এলো। কয়েকজন কিছুক্ষণ পরেই মাটির পাত্রে ফলমূল এবং এক ঘটি দুধ এনে হাত জোড় করে দাঁড়াল। প্রব্রাজিকা বললেন, ‘এগুলি খেয়ে নাও যুবক।’

‘আপনি খাবেন না?’

‘আমি শীতল জল পান করব। সূর্যাস্তের পর আর না খেলেও চলে।’

‘এতটা পথ হেঁটে এসেছেন, কিছুই খাবেন না!’

দেখা গেল লোকগুলি আরও এক ঘটি দুধ এনে রেখেছে।

‘পান করুন মা, দয়া করুন।’

দীপ্ত চোখে তাদের দিকে তাকালেন প্রব্রাজিকা। বললেন, ‘এই যুবককে এখনি বারণসী যেতে হবে, একে একটি অশ্ব দিতে পারো? এ মূল্য দেবে।’

‘অশ্ব তো সারা গ্রামে একটিও নেই মা।’

‘তাই নাকি? আমি তো ভেবেছিলাম এ গ্রামে শুধু অশ্ব পালনই করা হয়। চমৎকার সব আজ্ঞানেয় চিত্রাশ্ব? হয় না?’

লোকগুলির মুখ বিবর্ণ হয়ে গেল। তিষ্য নিশ্বাস রুদ্ধ করে রয়েছে।

একটি লোক প্রায় কেঁদে ফেলে বলল ‘আমরা কিছু করিনি মা, ভিন গামের লোক, আমাদের কিছু বলতে নিষেধ করে ঘোড়াটি নিয়ে ছুটে চলে গেল।’

‘অশ্বের মূল্য থেকে কিছু ভাগ দেওয়ার কথাও তো বলে গেছে?’

এবার একেবারে কেঁদে ফেলল লোকটি। বাকি লোকগুলিরও একই দশা।

‘কী? বলে গেছে তো?’

‘হ্যাঁ মা।’

‘চোর নোস তোরা? চোরের অন্ন-পান আমি গ্রহণ করি না।’

‘আমরা চেষ্টা করছি মা। আপনি তৃষ্ণার্ত। দুধটুকু খান।’

‘আচ্ছা যা, দেখ।’

লোকগুলি শশব্যস্তে চলে গেল। তিষ্য বলল, ‘আর্যে আমি খাচ্ছি, আমার ক্ষুধায় শরীর অবসন্ন লাগছে।’

‘খাও, খেতেই তো বললাম যুবক।’

‘আপনি?’

বস্ত্রের মধ্য থেকে একটি সুকুমার হাত বেরিয়ে এলো। ঘটিটি এক হাতে ধরে প্রব্রাজিকা অনেকক্ষণ চোখ বুজে রইলেন। তারপর ধীরে ধীরে চুমুক দিতে লাগলেন দুধে। তিষ্য এতক্ষণে অবাক হয়ে দেখল ইনি একজন অল্পবয়সী যুবতী। মুণ্ডিত-মস্তকে হৃষ কুণ্ডলিত কেশ, অঙ্গ ঢাকা বসন এবং তার নিজের উদ্ভ্রান্ত ও বিরক্ত মনোভাবের জন্য এতক্ষণ সে বুঝতে পারেনি। তার চেয়ে ইনি বয়সে বড় তো ননই, সমবয়সী বা ছোটও হতে পারেন।

সে বলল, ‘আর্যে, এরা যদি আমাকে একটি ঘোড়া এনে দিতে পারে, আপনাকে কাল আমি

সাক্ষেত নগরীর প্রান্ত পর্যন্ত পৌছে দিয়ে আসব ।’

‘আর আজ রাতে ?’

‘এই অতিথিশালায় তো আরও কক্ষ আছে, থাকব সেখানে ।’

খুব সামান্য একটুকরো হাসি প্রব্রাজিকার মুখের ওপর দেখা দিয়েই মিলিয়ে গেল ।

বললেন, ‘কেন ?’

‘আপনি নারী, এই চৌরগ্রামে একাকিনী’ দ্বিধা হচ্ছে কেন যেন, তিষ্য খেমে গেল ।

‘বাল্যে পিতা, যৌবনে পতি আর বার্ষিক্যে পুত্র রক্ষা করে নারীকে, নয় ?’

তিষ্য কিছু বলল না ।

হঠাৎ হেসে উঠলেন প্রব্রাজিকা । বললেন, ‘কেউ কাউকে রক্ষা করতে পারে না । চিন্তবৃত্তি তোমাকে যে পথে নিয়ে যাবে সেদিকেই যেতে হবে । মানুষ খোঁটায় বাঁধা ছাগ । গলরঙ্জু তাকে যত দূর যেতে দেবে, তত দূরই সে যাবে । সে যখন ভাবছে সে মুক্ত, তখন প্রকৃত পক্ষে পেছনে আসছে অজপালক, বুঝলে?’ একটু পরে বললেন, ‘প্রব্রাজিকার কোনও রক্ষক প্রয়োজন হয় না, জানো না ? নির্গ্রহ নাতপুত্র রক্ষা করবেন... কিংবা রক্ষা করবেন না ।’

‘আপনার গুরু আপনাকে রক্ষা করবেন, এ বিশ্বাসও আপনার নেই ?’

‘আমাকে রক্ষা করাই তো তাঁর একমাত্র কাজ নয়, যুবক ।’

‘যদি রক্ষিত না হন, সত্যিই ?’

‘কতদূর আর হবে, বড় জোর মৃত্যু ! নম্বর দেহ চতুর্মহাভূতে মিলিয়ে যাবে । ক্ষতি কী ? তবে তা হবে না ।’

‘হবে না, নিশ্চিত জানেন ?’

‘নিশ্চিত জানি ।’

‘আপনার ঋদ্ধি আছে, তা বুঝতে পারছি, কিন্তু...’ সন্ত্রমের সঙ্গে বলল তিষ্য ।

কথা শেষ না হতেই প্রব্রাজিকা বলে উঠলেন, ‘ঋদ্ধি আছে কিনা জানি না যুবক, তবে বুদ্ধি আছে । একবার এক চোর এক কুলকন্যাকে পূজা দেবার ছল করে গিরিশিখরে নিয়ে যায়, কন্যার অঙ্গভরা অলঙ্কার, সেই অলঙ্কারগুলি হস্তগত করে সেই কুলকন্যার প্রাণনাশের অভিসন্ধি ছিল চোরটার । কিন্তু সেই কন্যার তীক্ষ্ণ বুদ্ধি ছিল । সেও প্রণয়ের ছল করে চোরটাকে গিরিশিখর থেকে ঠেলে ফেলে দেয় । এমনি করে ।’ হাতের দণ্ডটিকে দাঁড় করিয়ে তাকে আঙুলের টোকা দিয়ে ফেলে দিলেন প্রব্রাজিকা ।

শুনতে শুনতে গায়ে কাঁটা দিচ্ছিল তিষ্যর । প্রব্রাজিকা বললেন, ‘নারীরা সবসময়ে বলহীন, বুদ্ধিহীন হয় না ।’

‘সে সাহসিকা নারী কে আর্ষে ? আপনি চেনেন ?’

‘চিনতাম এক সময়ে । রাজগৃহের এক রাজপুরুষের কন্যা ।’

‘কী নাম রাজপুরুষের ? কন্যারই বা কী নাম ?’

‘অনাবশ্যক কৌতূহল প্রকাশ করো কেন যুবক ? নামরূপে কী কাজ ? ওই বোধহয় স্বেচ্ছায় ঘোড়া এলো । যাও ।’

লোকগুলি ভয়ে ভয়ে দ্বারের বাইরে দাঁড়িয়ে বলল, ‘ঘোড়া পাইনি, একটি অশ্বতর জোগাড় করেছে ।’

প্রব্রাজিকা বললেন, ‘মূল্যটা দিয়ে দাও যুবক, তারপর শীঘ্র যাও ।’

তিষ্য করজোড়ে নমস্কার করল ।

প্রব্রাজিকা বললেন, ‘স্বস্তি, স্বস্তি, জয়তু, জয়তু ।’

বারাগসীর পশুহাটে গিয়ে তিষ্য কিন্তু মস্ত্রাকে পেল না। তবে অশ্ববণিকদের সঙ্গে সাবধানে আলাপ করতে সে ছাড়ল না। ভালো মন্দ নানা রকম অশ্ব নিয়ে দাঁড়িয়ে আছে বেশ কয়েকজন। সে জিজ্ঞাসা করল, 'সবই তো দেখছি পিসল, সাদা, কালো, অন্য প্রকার নেই ?'

'কি রকম চান ? ছোপ ছোপ ?'

'হ্যাঁ, ভেতরে অশ্বশালায় নিয়ে গেল লোকটি। কয়েকটি চিত্রাশ্ব আছে। কোনটাই মস্ত্রা নয়।'

এরই মধ্যে একটিকে দেখিয়ে সে বলল, 'ধরুন, এই রূপই খেত। কিন্তু পিসল, আরও গাঢ় পিসল, বৃত্তাকার, অর্ধবৃত্তাকার সব দাগ থাকবে।'

বণিক বলল, 'একটি তো ছিল। বিক্রি হয়ে গেছে।'

'কোথায় ?'

'তা কী করে জানব অজ্ঞ, অশ্বীটি সুশিক্ষিত, অতি সুন্দর ছিল। কিন্তু যারা তাকে নিয়ে এসেছিল, তারা অশ্বের কিছুই জানে না, বোঝে না। আমরা কেনবার সুযোগ পেলাম না। লোকগুলি সুচতুর। একজন রাজপুরুষকে উচ্চ মূল্যে বিক্রি করে, কহাপনগুলি বাজাতে বাজাতে চলে গেল। মনে হয় চোরাই অশ্ব।'

'আপনি বলতে পারেন, যে রাজপুরুষ তাকে কিনেছেন, তিনি কোথায় থাকেন ?'

বণিকটি বলল, 'অশ্বটি আপনার না কি ?'

তিষ্য ঘাড় নাড়তে, বণিক বলল, 'চুরি গেছে ? তখনই ধরেছি চোরাই অশ্ব। কীভাবে মুখ ঘুরিয়ে ঘুরিয়ে হুঁসা করছিল। আমরা অশ্ব চিনি। বলে দিতে পারি। কিন্তু অজ্ঞ, আমরা আসছি সেই সিদ্ধ দেশ থেকে। এখানে বাণিজ্য করতে আসি। ক্রেতা রাজপুরুষকে তো চিনি না।'

তিষ্যর মুখ হতাশায় কালো হয়ে যাচ্ছে দেখে সে বলল, 'খুবই দুঃখের বিষয়, ঘোড়াটা চমৎকার ছিল। কিন্তু কী আর করবেন বলুন, বরং এই ঘোড়াটাকেই কিনে নিয়ে যান, অল্প করে মূল্য নেব।'

তিষ্য মুখ ফিরিয়ে বলল 'না, চিত্রাশ্ব আমার আর চাই না। আমায় একটি পিসল বর্ণের অশ্ব দিন, ওই যে বাইরে যেটা দেখছিলাম।'

দুজনে বাইরে এলো। মাজা তামার মতো রঙ ঘোড়াটার। সাজ-সমেত এক শত পঞ্চাশ কহাপন দিয়ে তাকে কিনে তিষ্য নগরের দিকে ধীরে ধীরে চলল। এ ঘোড়াটার হাব-ভাব দেখে সে বুঝেছে এর কিছু শিক্ষা আছে, একেবারে বন্য নয়। বণিক গর্ব করছিল, তিন পুরুষে শিক্ষিত সৈন্যব আজ্ঞানেয়, কিন্তু অতটা নয়। তবে ঘোড়াটি মস্ত্রার চেয়েও অল্পবয়স্ক। কেশরগুলি চলার সময়ে ভারি সুন্দর লাফিয়ে লাফিয়ে ওঠে। তার মনটা শান্ত হয়ে এলো। যদিও বিষণ্ণতা গেল না। পিতা মাতা, ভাই, বোন, নিজেদের দেশ সবই ত্যাগ করে চলে এসেছে, তবু প্রিয় বাহনটির জন্য মমতা তাকে ভেতরে ভেতরে যেন কাঁদাতে লাগল।

দু একজন পথিককে জিজ্ঞেস করে সে একটি আবসথাগারে পৌঁছল। এখানে স্নান, বেশ পরিবর্তন, ও উত্তম ভোজনের পর সে একটি সুস্থ বোধ করল। এবং নিজের কক্ষে এসেই সে ঘুমিয়ে পড়ল। সে শয্যায় শোয়নি। বসেছিল শুধু। তার পাঁচ তলিকা বিশিষ্ট পাদুকার মধ্যে তার যাবতীয় অর্থ। এক প্রস্থ বস্ত্র সে সঙ্গে এনেছে। আর কিছু নেই। পাদুকা দুটি সাবধানে খটার তলায় রেখে সে দুয়ারে অর্গল দিয়ে দেয়। তারপর শয্যায় এসে বসে। বসে বসেই কক্ষ ঘুম এসেছে, শুয়ে পড়েছে নিজেই জানে না। অনেকক্ষণ পরে, সজ্জা হবে হবে, সে দেখল তার কক্ষের অর্গল খুলে যাচ্ছে। সভয়ে সে উঠে বসল। কোষ থেকে ছুরিকা বার করল। উঠে। লুকলেন সেই যুবতী পরিব্রাজিকা। চোখ তেমনি দীপ্ত, মুখ গম্ভীর, দাঁড়ানোর ভঙ্গি তেজস্বান।

'আপনি !' সবিন্ময়ে তিষ্য বলে উঠল।

'কী চাও যুবক ? লক্ষ্য স্থির করোনি ?'

'এখনও তো তেমন কিছু...'

'একটি সামান্য অহংকারী বালিকার জন্য লক্ষ্যভ্রষ্ট হয়ে পড়লে ! ধিক তোমাকে।'

‘না, তা নয়। এখনও ভেবে উঠতে পারিনি।’

‘শোনো। তোমার জীবনে অনেক উন্নতির সম্ভাবনা দেখতে পাচ্ছি। বৃথা সময় ব্যয় করো না। রাজগৃহে যাও।’

‘রাজগৃহে? সেখানেই সেই সাহসিকা কন্যা আছে না?’

সাহসিকা কন্যা ছাড়াও আরও অনেক কিছু আছে রাজগৃহে, যা শ্রাবস্তীতে নেই। সাকেতে নেই। ডকশিলায় নেই। ‘যাও।’ বলে প্রব্রাজিকা অদৃশ্য হয়ে গেলেন।

‘কোথায় যান? শুনুন, একটু শুনে যান...।’ তিষ্য ডেকে উঠল। তারপরেই সে ধড়মড়িয়ে উঠে বসল। শূন্য পাছশালার ঘরে একলা শয্যায় ঘুমচোখে সে কাকে চিংকার করে ডাকছে? কোথাও কেউ নেই। অর্গল বন্ধ। সন্ধ্যা সতাই ঘনিয়ে এসেছে। সে স্বপ্ন দেখছিল। কিন্তু কী জীবন্ত স্বপ্ন! নিশ্চয় ওই কুণ্ডলকেশ প্রব্রাজিকা ঋক্ষিবলে এসেছিলেন। সে লক্ষ্যপ্রাপ্ত, যত্র তত্র বিচরণ করে বেড়াচ্ছিল। ভুলে গিয়েছিল তার এটা নির্দিষ্ট গন্তব্য আছে। সে স্বপ্ন দেখে স্বাধীন রাজ্য স্থাপন করবার। কিন্তু সে তো একদিনে হবার নয়! তার জন্য আয়োজন চাই! প্রব্রাজিকা তাকে স্মরণ করিয়ে দিয়ে গেলেন তার আদর্শের কথা, বলে দিয়ে গেলেন কোন পথে গেলে তার আকাঙ্ক্ষা পূর্ণ হবে। সে স্থির করল, আগামীকাল প্রত্যুষেই সে রাজগৃহের পথে যাত্রা করবে। কিন্তু আজ? আজ সন্ধ্যা, রাতের প্রথম যাম অস্তত বারাগসী নগরী ঘুরে-ফিরে দেখা প্রয়োজন।

অশ্বশালায় গিয়ে ঘোড়াটির পিঠে আদর করে থাবড়া মেরে সে বলল, ‘কি হে তাম্বক, ষাওয়া-দাওয়া সব ঠিকঠাক হয়েছে তো?’

‘রক্ষক বলল, ‘ভারি সুশীল অশ্বটি, ভালো করে ঘাস খাইয়েছি অজ্ঞ।’

রক্ষককে কয়েক কাহন দিয়ে সে তাম্বকের পিঠে চড়ে বসল।

বারাগসীর পথগুলি শ্রাবস্তীর চেয়েও জনবহুল। পথগুলিও তেমন ভালো না। অথচ এই নগরীর আশেপাশে সে শুনেছে দম্ভকার বীথি আছে। গজদন্তের নানা বস্তু সেখানে প্রস্তুত হয়। বারাগসীর বস্ত্রের তো পৃথিবীজোড়া খ্যাতি। কাঠের কাজেও এরা দক্ষ। নগরীর থেকে অল্প দূরেই আছে বধকিগ্রাম। সেখানে নিকটবর্তী বনভূমি থেকে গাছ কেটে, দীর্ঘদিন ধরে কাঠ প্রস্তুত হয়, তারপর তা থেকে অন্যান্য দ্রব্য, যেমন; পল্যঙ্ক, ষ্ট্রা, চতুষ্পদিকা, ভদ্রপীঠ, এসব তো হয়ই। বড় বড় হর্মের কাঠকর্মগুলি প্রস্তুত হয়। দ্বার, বাতায়ন, অলিন্দ, সোপান, এসব তো বটেই, স্তম্ভ, ছাদ, প্রাচীর—সব। এদের কথা সে জানতো না। এবার সাকেতে বিশাখার বিবাহের কল্যাণে জানল, দেখল। ঠক ঠক, ষ্ট্রা, ষ্ট্রা, শব্দে কিছুদিন কান পাতা দায় হয়ে উঠেছিল, তারপর দেখা গেল, চমৎকার চমৎকার সব প্রাসাদ উঠে গেছে। সেইসব বর্ষকি, তক্ষা, দম্ভকার সবাই তো এই জনপদে বাস করে। এমন সমৃদ্ধ, উন্নত স্থান! অথচ দেখা নগরীর পথগুলি, সম্ভবত ঘোড়া, হাতি, রথ, পণ্যদ্রব্যবাহী গো-শকট ইত্যাদির আসা-যাওয়ার ফলেই, ভেঙে ভেঙে গেছে। প্রধান পথগুলি দিয়ে ঘুরে ঘুরে তিষ্যর ধারণা হল বারাগসী বৃহৎ নগরী হতে পারে, পট্টন হতে পারে, কিন্তু সৌন্দর্যে সাকেত কেন শ্রাবস্তীর সঙ্গেও তার কোনও তুলনা হয় না। সে দেখে শুনে একটি শোভন-দর্শন পানাগারে গিয়ে বসল।

বেশ সুন্দর শয্যা বিছোনো রয়েছে। স্থূল, নানা আকারের উপাধান, বসতেই পানাগারিকের কর্মকর তার সামনে একটি নিচু ত্রিপদী রেখে গেল। সে কাপোতিক সুরা চাইল। অল্প দূরেই দল বেঁধে কয়েকজন গল্প করতে করতে সুরা পান করছিল। অতিরিক্ত চেষ্টায় কথা বলার অভ্যাস এদের। কিছুক্ষণ পর তাদের একজন বলল, ‘আমরা চম্পা থেকে আসছি ভদ্র, আপনি কোথা থেকে?’

‘সাকেত।’ অতি সংক্ষেপে উত্তর দিল তিষ্য, অনিচ্ছা সত্ত্বেও।

‘একা একা পান করবেন কেন, আমাদের সঙ্গে যোগ দিন। আধাঘন্টা বসিক। আপনি?’

‘রাজকুমার।’ এখনও তিষ্যর স্বরে কোনও আগ্রহ নেই।

‘আসুন আসুন।’ তিষ্য না এগোলেও, তারা নিজেদের উপাধান এবং পানপাত্র নিয়ে তিষ্যর আশেপাশে এসে বসে পড়ল। তিষ্য প্রথমটা বিরক্ত হয়েছিল। এদের কৌতূহল অতিরিক্ত হলে তার অসুবিধা হতে পারে। কিন্তু দেখা গেল, এরা নিজেদের গল্পেই মগ্ন। পুণ্যশীল নামে একটি যুবক ১৫০

বলল, 'আমি যদি কখনও সুযোগ পাই তো সমুদ্রবাগিজে যাবোই। শুনেছি সমুদ্রপারের দেশগুলিতে আমাদের দেশের সামান্য বস্তুরও অনেক মূল্য পাওয়া যায়।'

সূজাত নামে একটি যুবা তিষ্যর দিকে চেয়ে বলল, 'শুনুন ভদ্র, সুযোগ পেলে, ও না কি সমুদ্রবাগিজে যাবেই। যবে থেকে পুণ্যশীলকে দেখছি এই কথা ওর মুখ থেকে শুনে আসছি। ও সমুদ্রে যাবেই। সুযোগ বলতে ও কী বোঝাচ্ছে, বলুন তো?'

সঙ্গে সঙ্গে একটা হট্টগোল উঠল 'সত্যিই তো পুণ্যশীল, সূজাত ঠিকই বলেছে। সুযোগ বলতে তুমি কী বোঝাচ্ছে?'

'পিতার সঙ্কিত অর্থও তোমার অল্প নয়। নদীবাগিজে হাত পাকালে তা-ও অনেক দিন হল।'

সবাই চেপে ধরলে পুণ্যশীল বলল, 'গৃহে কান্না আরম্ভ হয়, সমুদ্রে যাবার কথা বললেই। কী করি বল?'

'গৃহে? অর্থাৎ তোমার পত্নী?'

'পত্নী, মাতা।'

'তা, পত্নী বা মাতার কান্নাকাটি তো কোনদিনই থামবে না, রমণীর কান্না থামবার আশায় বসে থাকলে তো বাগিজাই বন্ধ করে দিতে হয়। তা হলে শুধু শুধু বড়াই করো কেন। যা পারবে, তা বলবে। যা পারবে না, তা কখনও বলবে না।'

পুণ্যশীল বলল, 'সে তোমরা যতই উপহাস করো, আমি বলব। সব মানুষেরই একটা স্বপ্ন থাকে। হতে পারে, আমি কোনদিনই যেতে পারব না। কিন্তু একদিন যাবো এই আশাটি আমার কাছ থেকে কেড়ে নেওয়া হলে, সত্য বলছি, আমার জীবন বৃথা মনে হবে।'

'কেন তুমি কি যথেষ্ট উপার্জন করছো না? পিতৃধন অন্তত দেড়গুণ তো বাড়িয়েছ ভাই। তুমি যথেষ্ট চতুর বণিক। সেবার শ্রাবস্তীর কাংস্য তৈজসগুলি মদ্রদেশের গ্রামে কী ভাবে উচ্চ মূল্যে বিক্রি করলে?'

পুণ্যশীল বলল, 'আহা-হা উপার্জনের কথা হচ্ছে না। চার পুরুষে জলবাগিজা করছি ভাই, এখনও যদি এটুকু চাতুর্য না এসে থাকে স্বভাবে, তাহলে বণিকবৃত্তি তো ত্যাগ করাই ভাল। কিন্তু সমুদ্রবাগিজা আমাকে টানে উপার্জনের জন্য নয়, সমুদ্র-যাত্রার রোমাঙ্কের জন্য। চিন্তা কর তো অকুল বারিষি, স্থলভূমির দেখা নেই। নক্ষত্র দেখে দিঙ নির্ণয় করে করে চলেছি। ঝড় উঠল।'

'—হ্যাঁ হ্যাঁ, জলস্তম্ভ উঠল।' সেটি ভীমবেগে তোমার পোতগুলির ওপর আছড়ে পড়ল। তারপর তুমি তোমার পণ্য-সন্য লোকজন সব নিয়ে জলের তলায় নাগলোকে গিয়ে বাসুকি ভদ্রের সঙ্গে দেখা করলে...'

'বাসুকি ভদ্র তোমাকে বেশ কয়েকটি নাগকন্যা এবং উচ্ছল একটি মণি দিলেন তার বিভায়ে তুমি স্বর্লোক পর্যন্ত সমস্ত দেখতে পেলে...'

সবাই হাহা হোহো করে হাসতে লাগল। তিষ্যরও অধরের কোণে মৃদু একটু হাসি ফুটে উঠল।

পুণ্যশীল কিন্তু দমল না। সে বলল, 'আছে, সে সম্ভাবনাও আছে। ঝড়, জলস্তম্ভ এ-সব হতে পারে। আবার এ-ও তো হতে পারে বন্ধু যে, একেবারে ববেঙ্গ দেশে গিয়ে উপস্থিত হলাম। সেখানে ময়ূরের নৃত্য দেখিয়ে স্বয়ং রাজা-রানীদের বশ করলাম, এক একটি ময়ূরের পরিবর্তে সমান ওজনের সোনা পেলাম। না, না, প্রথমে ময়ূর নয়, প্রথমে দেব কাক; তার পরে শিব করব কপোত, তার পরে কোকিল, কোকিলের গান শুনিয়ে ওদের মুগ্ধ করব, তার পর শেষকালে বার করব ময়ূর।'

'তুমি ওই আনন্দেই থাকো ভাই পুণ্যশীল। ববেঙ্গ দেশে পাশি নেই সামান্য একটা কাকও সেখানে সিংহশাবকের মতো সম্মান পায় এসব পুরনো কথা আমরায় জানি। কিন্তু এই চমৎকার জীবন ছেড়ে, ধন-সম্পদ, আরাম-বিলাস ছেড়ে সমুদ্র-বাগিজার বিপদে সাধ করে ঝাপিয়ে পড়তে যে চায় সে মৃত, মৃত ছাড়া কী? বলুন ভদ্র!' সূজাত নামে বণিকটি তিষ্যর দিকে তাকিয়েছে। তিষ্যর চকিতে মনে হল পুণ্যশীল নামে এই যুবকটি বৃত্তিতে বণিক হতে পারে, কিন্তু মনোবৃত্তিতে তার এর সঙ্গে মিল রয়েছে। তার ভেতরে একটি মধুর অথচ জোরালো নারীকণ্ঠ বলে উঠল, 'হঠকারিতা, এসব হঠকারিতা।' আবার আর একটি আরও তেজস্বী নারীকণ্ঠ বলে উঠল, 'তোমার জীবনে অনেক



উন্নতির সম্ভাবনা দেখছি। রাজ্যগৃহে যাও।'

এর আগে যখন নতুন দেশে গিয়ে নতুন জনপদ স্থাপন করার কথা সে ভেবেছে, পথে কত রকম বিপদ আসতে পারে সেগুলি নিয়ে অধিক চিন্তা করেনি। মনে হয়েছিল অতি সহজ হবে সবটাই। মাঝে মাঝে অস্ত্রবল দেখাবার সুযোগ আসবে। তাতে তো সে অবশ্যই জয়ী হবে। বাকিটা অতি পরিষ্কার। এবার গৃহত্যাগ করে সত্যি সত্যি একা হওয়ার পর তার যৌনকু অভিজ্ঞতা হল, তাতেই সে খানিকটা দমে গিয়েছিল। সামান্য একটা অশ্ব সে রক্ষা করতে পারেনি। কতকগুলি গ্রাম্য ডঙ্কর তাকে বুদ্ধিতে, ক্ষিপ্ৰতায় হারিয়ে দিয়েছে। অন্যায় রমণীগুলি পর্যন্ত তাকে যেন গ্রাহ্য করল না। তবে কি তার পক্ষে স্বাধীন রাজ্য গড়বার কল্পনা করা হঠকারিতাই ?

সে বণিকযুবার প্রহের উদ্ভরে বলল, 'দেখুন ভদ্র, সুরক্ষিত গৃহ, আর্থীয় পরিজন, ধনসম্পদ, পুরুষানুক্রমিক বৃত্তি এরই মধ্যে কেউ সুখে থাকতে চায়। কারুর আবার এই জীবনকে বন্ধ জলাশয়ের মতো মনে হয়, তার খাসরুদ্ধ হয়ে আসে এই প্রতিবেশে, সে নতুন দেশে পা বাড়াতে চায়। হয়ত হঠকারী। কে জানে হয়ত বা মূঢ়ও। কিন্তু কী করা যাবে। এটাই তার স্বধর্ম।'

পুণ্ড্রশীল নামে যুবাটি বসে বসেই প্রায় যেন নৃত্য করতে লাগল, 'কেমন ? কেমন ? বলিনি ? কত্রিয়কুমার বীরপুরুষ, তিনি আমার স্বপ্নের মর্ম বুঝতে পেরেছেন, তোমরা কী জানো ? গড্ডলিকা। সামনে তোমাদের পালক চলেছে, তোমরা কিছু দেখছ না শুনছো না, শুধু সামনের গড্ডলিকাটি যেদিকে যাচ্ছে, মুখ নিচু করে, শিঙ বাকিয়ে সেই দিকেই চলেছ।' উৎসাহে সে আঙুলে ছোটিকার শব্দ করতে লাগল।

তিষ্য বলল, 'আচ্ছা ভদ্রগণ, আমি এবার উঠি।'

'কোথায় যাবেন ? কার গৃহে ?'

'কারও গৃহে তো নয়। পাহাশালায় ফিরব।'

'পাহাশালা ? সে কী ? কেন ?'

সূজাত নামে বণিক যুবা বলল, 'কোনও বিশেষ পক্ষপাত বা ক্রটির ব্যাপার না থাকলে ভদ্রাবতীর ওখানে আপনাকে নিয়ে যেতে পারি। বারাগসীর সবচেয়ে মহার্ঘ গণিকা।'

পুণ্ড্রশীল বলল, 'আবারও বলছি, তোমরা সব গড্ডল। ভদ্রাবতী সবচেয়ে মহার্ঘ হতে পারে, এবং সেইজন্যই তোমরা চোখ কান বুজে সেখানে চলে যেতে পার। যাও। তবে ভদ্র, আপনাকে আমি এমন একজনের কাছে নিয়ে যেতে পারি, যার গান আপনি জীবনে ভুলতে পারবেন না। পরিচর্য।'

'কার কথা বলছ পুণ্ড্রশীল।'

'সে আমি তোমাদের বলছি না। যদি এই কত্রিয়কুমার, কী যেন নাম আপনার ?'

'তিষ্য।'

'হ্যাঁ এই তিষ্যকুমার যদি যেতে চান, নিয়ে যেতে পারি।'

তিষ্যর ভেতরটা বিতৃষ্ণায় কঁকড়ে গেল। প্রথম যৌবন থেকে সে বিশাখাকে, শুধু বিশাখাকে ভেবে এসেছে। অন্য কোনও নারী তাকে আকর্ষণ করেনি কখনও। এটা তার একটা স্মৃতিভঙ্গ হয়ে গেছে।

পুণ্ড্রশীল বলল, 'চলুন।' সে উঠে দাঁড়াল।

তিষ্য বলল, 'আপনি যান। আমাকে কাল অতি প্রত্যুষে বেরিয়ে পড়তে হবে।'

'বেশ, যাবেন না। আসুন, আপনার পাহাশালাটিতে আপনাকে পৌঁছে দিয়ে আসি।' বলে পুণ্ড্রশীল তার কাঁধের ওপর তার ভারী হাতটা রাখল।

তিষ্য এ ধরনের অন্তরঙ্গতা ভালবাসে না। লোকটির হাত কঁকর এবং লোহার মতো ভারী। নাম পুণ্ড্রশীল হলেও এর মধ্যে পুণ্ড্র বা শীল কোনটারই অস্তিত্ব আছে বলে মনে হচ্ছে না। কিন্তু এত লোকের সামনে বণিকটি তাকে নিয়ে টানাটানি করবে, বেশ কিছু সরস মস্তব্যের আদান-প্রদান হবে তাকে ঘিরে, এটা তার মনঃপূত হল না। সে সুরার মূল্য দিয়ে পানাগার থেকে বেরিয়ে পড়ল।

অধরক্ষক তাসককে নিয়ে আসতে পুণ্ড্রশীল বলল, 'ও, আপনার সঙ্গে যোড়া রয়েছে। ভালই হল, ১৫২

আপনার পেছনে বসেই চলে যাব ।’

লাফিয়ে সে তিষ্যর পেছনে উঠে পড়ল, তার অনুমতির অপেক্ষা করল না । তিষ্যর বিরক্তি উত্তরোত্তর বেড়ে যাচ্ছিল । কী ভেবেছে এ লোকটি ! এক পানাগারে বসার সূত্রে সে কি তিষ্যর সমকক্ষ হয়ে গেল ! এই সব বণিকদের আচার-আচরণ একেবারেই ভাল না । যদিও তার জীবনে এমন নির্লজ্জ সে অল্পই দেখেছে, তবু তার ধারণা, ক্ষত্রিয়দের তুলনায় আর সকলেই হীন । এই লোকটিকে ঝেড়ে ফেলতে না পারলে সে স্বস্তি পাচ্ছে না । সে বলল, ‘চলুন, আপনাকে কোথায় পৌঁছে দিতে হবে দিয়ে আমি নিজের পাছশালায় যাব ।’

‘তা হলে তো চমৎকার হয় ! চলুন আমি পথ দেখিয়ে নিয়ে যাচ্ছি ।’

ক্রমশই নদীর দিক থেকে শীতল বাতাসের স্রোত আসতে লাগল । অস্পষ্ট কোলাহল, পুণ্যশীল বলল, ‘আমরা পট্টনের দিকে যাচ্ছি, বুঝেছেন তো !’

‘আপনার পোত কি পট্টনে নোঙর করা আছে না কি ?’

‘হ্যাঁ । আমরা সাতজন বণিক আছি দলে । পনের বোলাটি ভরী রয়েছে ।’

‘চম্পা থেকে আসছেন, বললেন না ? ওখানেই থাকেন ?’

‘হ্যাঁ, চম্পাতেই আমাদের তিন পুরুষের বাস । আমার পিতামহ রাজা ব্রহ্মদত্তের সময়ে বজ্রদেবের একটি গ্রাম থেকে ওখানে গিয়ে বসবাস করেন ।’

‘রাজা ব্রহ্মদত্ত ! কে তিনি ?’

‘ব্রহ্মদত্ত অঙ্গদেশের বিখ্যাত রাজা ছিলেন, জানেন না ? বৃদ্ধ বয়সে মগধের ওই উঠতি রাজার সঙ্গে বিবাদ লাগাঙ্কলন । হয়ে গেল সর্বনাশ । দেশটি ক্রমে ক্রমে হাতছাড়া হয়ে গেল । এখন তো লোকে বলে অঙ্গ-মগধ । অবশ্য তাতে আপনারই কি, আমারই বা কি । আমার অল্পবয়সে উপরাজ বিহিসার অঙ্গ শাসন করতেন, চম্পায় থেকে, তার পরে এখন তো তাঁর পুত্র অজ্ঞাতশত্রু করছেন । আমরা পার্থক্য কিছু বুঝছি না । তবে পিতা বলেন, ব্রহ্মদত্তের সময়ের থেকেই বাণিজ্যের শ্রীবৃদ্ধি ঘটেছে । গঙ্গাবক্ষে দস্যুদের উপদ্রব প্রায় বন্ধ হয়ে গেছে । আরও একটা সুবিধে হয়েছে । আগে প্রতি পট্টনে স্বতন্ত্র শুদ্ধ দিতে হত, যত পট্টন, তত রাজা । এখন রাজা একই হওয়ায় অঙ্গ-মগধে শুদ্ধে অত ব্যয় হয় না । পিতা বলেন, সমস্ত উত্তরাঞ্চল এক চক্রবর্তী রাজার অধীনস্থ হলে আমাদের সুবিধে হয় । যাতায়াত যত অবাধ হবে আমাদের পক্ষে ততই ভাল । মুদ্রাও এক হয় । এখন ধরুন, চম্পা থেকে গঙ্গাপথে যদি যমুনায় বাঁক নিয়ে হস্তিনাপুর পর্যন্ত যাই, মুদ্রা নিয়ে বড়ই বিপর্যয় হয় । বৈশালী, কোশল, বৎস, মধুরা, কুরু, পঞ্চাল, প্রত্যেক রাজ্যে স্বতন্ত্র শুদ্ধ, স্বতন্ত্র মুদ্রা ।’

‘স্বতন্ত্র মুদ্রা বলবেন না, চিহ্নগুলি স্বতন্ত্র ।’

‘ওই হল । আমরা তো এই কারণেই এখনও বিনিময়-স্বীতি চালাচ্ছি । কিন্তু তার কত অসুবিধা বলুন । কোন পণ্যের কী মূল্য হবে স্থির করার কোনও ব্যবস্থা নেই ।’

‘কেন অর্ধকারকরা রয়েছেন তো ?’

‘সে তো শুধু রাজভাণ্ডারের প্রয়োজনীয় দ্রব্যের জন্য । অর্ধকারক তো অন্য কিছুই মূল্য স্থির করে দেন না । ফলে, ওই যে আমার বজুরা বলছিল না, আমি চড়ুর । ওই চাতুর্যের অস্ত্র নিয়ে হয় ।’

‘কী প্রকার ?’ তিষ্য কৌতূহলী হয়ে জিজ্ঞাসা করল ।

‘ধরুন, এই যে বারাগসী থেকে বহুবিধ বস্ত্র তুলব, গজদন্তের দ্রব্য, কাঠের দ্রব্য তুলব, এ সব নিয়ে এ বছর যে বণিকদল সর্বাঞ্জে বিদেশের পট্টনে গিয়ে পৌঁছতে পারবে, সে সবচেয়ে ভাল মূল্য পাবে ।’

‘আপনারা তো সাতজনে দল বেঁধে যাচ্ছেন, সেক্ষেত্রে আপনি একা কীভাবে সুবিধে পেতে পারেন ?’

‘দল বেঁধে যাচ্ছি যতক্ষণ নদীতে আছি, ততক্ষণ । পট্টনে নেমে যে যার মতো ক্রেতা সন্ধান করে বার করি । আমি কি করি জানেন ? পট্টনে নেমেই অমনি অন্যদের মতো সব পণ্য বিক্রিয়ে দিই না । কতকগুলি নিদর্শন নিয়ে একটু ভেতরের দিকে চলে যাই । সেখানে গিয়ে সত্যাকার (বায়না) নিয়ে আসি । তারপর সেই সব ক্রেতার শকটে করে আমার পণ্য সব নিয়ে যায় ।’

‘তা আপনার সহচর বণিকরা এ কৌশল লক্ষ করেনি ? তারাও যদি এই উপায় নেয়, তখন কী করবেন ?’

‘ওহা লক্ষ করেছে বই কি ? গোপনে কাজ সারার চেষ্টা করলেও কেউ কেউ লক্ষ করেছে । কিন্তু ওই যে বললাম— গজডলিকা । যা সবাই করে, তাই করবে । অন্য পথে পা বাড়াবে না । তা ছাড়া, ভদ্র, আপনি বণিক নন বলেই এ সব কথা আপনাকে বললাম, অন্য বণিকদের কাছে সাবধানে মন্ত্রস্তম্ভি রাখি । বণিকের একটা মন্ত্র প্রয়োজনীয় গুণ কী জানেন ? বাক্পটুতা । আমি তো বেশির ভাগ সময়েই ভাব দেখাই আমার আর তর সইছে না, আমি পট্টনে কোনও মুহুস্তম্ভির কাছে যাচ্ছি । মুহুস্তম্ভিয়া জানেন তো ?’ তিষ্য কিছুটা অনুমান করেছিল কিন্তু সঠিক জানবার জন্য বলল, ‘না ।’

‘এহু, আপনি দেখছি একেবারে নাবালক । তবে কি জানেন, আপনারা তো পট্টনে থাকেন না, বা বাণিজ্য করতে করতে বৎসরের পর বৎসর গৃহ ছাড়া থাকতে বাধ্য হন না তাই এত সব জানেন না । মুহুস্তম্ভিয়া হল পণ্যস্তম্ভি । বণিকদের প্রবাসে গৃহসুখ দেয় । একেক জন এত ভাল হয়, কী বলব !’

সাকেতে সরযুতীরে আজকাল বণিকদের আসা-যাওয়া যথেষ্ট বেড়েছে । কিন্তু তিষ্য তাদের পট্টনে মূর্তিকা আছে বলে মনে করতে পারল না । থাকলে সরযুতীরে এদের ঘোরাফেরা করতে দেখা যেত । সে যত্নসূচক সাকেতে থেকেছে, এদের দেখেনি । সাকেতের ব্যাপার অবশ্য স্বভদ্র । সাকেতের সবই অভিজাত, শ্রীমণ্ডিত । একটি অপেক্ষাকৃত সন্ন পথের সামনে এসে পুণ্যশীল বলল, ‘এইখানে আমি নামব । আপনি আসুন না । যে গায়িকার কথা বলেছিলাম, এইখানে থাকে ।’

তিষ্য বাঁকা হেসে বলল, ‘আপনার মুহুস্তম্ভিয়া ?’

—‘ঠিক ধরেছেন ।’ পুণ্যশীল যেন একটু লজ্জা পেলো । তারপর বলল, ‘আপনাকেও সে অভ্যর্থনা করবে, সেবা করবে । আমি কিছু মনে করব না, আসুন না ।’

তিষ্য ক্রম কঠে বলল, ‘আমি গান ভালবাসি না ।’ তাত্রকের পেটে চাপ দিতেই সে ঘুরে দাঁড়াল, তিষ্য অস্বাভাবিক চোঁচিয়ে বলল, ‘আপনি যান ভদ্র পুণ্যশীল, আমি স্বীলোকও ভালবাসি না । ঘৃণা করি বললেই হয় । সংগীত, নৃত্য, নারী সব ।’

বিস্মিত বণিক যুবকটিকে পথের ওপর দাঁড় করিয়ে রেখে তিষ্য পূর্ণবেগে ঘোড়া চালিয়ে দিল ।

পরে পুণ্যশীল নামে ওই বণিক যুবা সহচর বন্ধুদের এই গল্পটি ফুলিয়ে ফাঁপিয়ে করে । সে বলে, ‘কুমারটি অসম্ভব দান্তিক । কিন্তু প্রথমটায় আমি তা একেবারেই বুঝতে পারিনি ।’

একজন বন্ধু বলে, ‘কুমারটি নিজের মনে বসেছিল । প্রথমটা তো আমাদের সঙ্গে যোগ দিতে চায়নি ।’

‘সেটা অপরিচয়ের আড়ষ্টতাও হতে পারে ।’

‘লক্ষ করেছিলে, ও বিশেষ কথা বলেনি !’

‘না, না । কথা তো বলল । ওই যখন আমরা সবাই মিলে পুণ্যশীলকে উপহাস করছিলাম সমুদ্রবাণিজ্য নিয়ে, তখন তো অনেক কথাই বলল ।’

‘দেখো, আমরা গুরুগৃহে যাইনি, কোনক্রমে উপনয়ন সংস্কারটি নামে হয়েছে । তারপর থেকে তো অর্থের সাধনাই করছি । ওই কুমারটি আমার মনে হয় উচ্চশিক্ষিত । উচ্চারণ দেখেছিলে ? ক্ষত্রিয় মাত্রেরই আজকাল ধরাকে সরা জ্ঞান করছে, এ ব্যক্তি তো আবার রাজকুমার, তার ওপর উচ্চশিক্ষিত । দান্তিক তো হবেই ।’

পুণ্যশীল বলল, ‘আশ্চর্যের কথা এই, প্রথমটায় কিন্তু আমার একবারও লোকটিকে দান্তিক-টান্তিক মনে হয়নি । সুখে লালিত, এবং ওই যা বললে, উচ্চশিক্ষিত । এ প্রকার রাজকুমারের রূপ এবং বাগভঙ্গিতে একটা স্বাতন্ত্র্য তো থাকবেই । আমাদের মতো রোহিণীপোড়া, জলেভেজা, সাত ঘাটের জল খাওয়া তো আর নয় ! খুব মন দিয়ে আমাদের বৃত্তির কথা শুনেছিল । কোথা থেকে কীভাবে পণ্য আনি, কোথায় বিকোই, অনেক প্রশ্নও করছিল ।’

সুজাত এতক্ষণ নীরব ছিল, এবার বলল, ‘থামো থামো, আর বলতে হবে না, বুঝতে পেরেছি ।’

সবাই মিলে অনেকক্ষণ অনুরোধ করবার পর সুজাত বলল, ‘বুঝতে পারলে না, লোকটা চর ।

তুলে না সাকেত থেকে আসছে। কোশলের চর। বশিষ্ঠা কোথায় কী লাভ করছে, কোন রাজার প্রতি কী মনোভাব, এ সমস্ত সমীক্ষণ করছে। কে জানে পুণ্যশীল গনগব করে আবার কী বলে ফেলেছে।'

২১

শয়নকক্ষের দ্বারা উপর্যুপরি করাঘাতে বিশাখার ঘুম ভেঙে গেল। এই কক্ষে এখন সে একাই ঘুমোয়। মিগার গৃহের পাশেই একটি প্রশস্ত অঙ্গন, তারপর এই নতুন বাড়ি তুলে দিয়েছেন ধনঞ্জয়। বিশাখা ব্যবস্থা করেছিল তার দাস-দাসীরা এই গৃহে থাকবে, আর একটি প্রাক্তন পার হয়ে কিছু দূরে অস্থশালা ও গোশালা, এদের দেখাশোনার সুবিধাও হবে। এই দাস-দাসীদের ভরণ-পোষণের দায়িত্বও তারই। কিন্তু গৃহটি এতই সুন্দর যে, এ ব্যবস্থা তার স্বপ্ন মেনে নিতে পারেননি। প্রশস্ত সুন্দর সুসজ্জিত শয়নকক্ষ বিশাখার। স্বপ্নের আদেশে সে এখানেই রাতে ঘুমোয়। কিন্তু পুণ্যবর্ধন পুরনো বাড়িতে তার পুরনো কক্ষেই রাত্রিযাপন করে। এই ব্যবস্থায় বিশাখা ভেতরে ভেতরে কৌতূহলী হয়ে উঠেছে। কিন্তু সে যেন এক প্রকার মুক্তিও পেয়েছে। সে এবং তার পুরো দাস-দাসীর দলটিকে যেন স্বতন্ত্র করে রাখা হয়েছে। সে এতে উৎকণ্ঠিত, কিন্তু বেশ স্বস্তিও পাচ্ছে। এই প্রকার বিপরীত মনোভাব তার হচ্ছে।

পুণ্যবর্ধনের সঙ্গে প্রথম আলাপের রাতটি ছিল বড় অস্থিত।

দাসীরা তাকে সাজিয়ে, শয়নকক্ষটি সুবাসিত সুসজ্জিত করে চলে গেল। সে ঘরে ঢুকে দেখল পুণ্যবর্ধন তার প্রিয় সোনার ধনুকটিতে তীর যোজনা করতে করতে হাসছে। বিশাখা ঢুকে পর্যবেক্ষণ ওপর বসল।

পুণ্যবর্ধন মাথা তুলে বলল, 'ও কি ? আমি অনুমতি না দিতেই বসলে যে।'

বিশাখা অবাধ হয়ে বলল, 'বসতে হলে আপনার অনুমতি নিতে হবে, এমন নিয়মের কথা তো আমি শুনিনি ?'

'আচ্ছা, ক্ষমা করলাম। এখন বলো তো বিসাখা, তোমার পিতার কত অর্থ আছে ?'

'এ আবার কী প্রশ্ন।' বিশাখা বিরক্ত হয়ে বলল, 'আমার পিতার অর্থ নিয়ে এখন আলোচনার প্রয়োজন কী ?'

'না। যৌতুকের পরিমাণ দেখে মনে হল রাজা-রাজ্যদার সঙ্গে কোনও পার্থক্যই নেই। আচ্ছা ধরো, আমার পিতার মৃত্যুর পর, সব ধন হাতে পেয়ে আমি যদি আমার ইচ্ছামতো ব্যয় করে উড়িয়ে দিই, তোমার পিতা আমাকে আবার যত ধন লাগবে সব দিতে পারবেন তো ?'

বিশাখা তার স্বভাবিক দৃষ্ট ভঙ্গিতে উঠে দাঁড়াল, বলল, 'আর্থপুত্র, ইচ্ছামতো ব্যয় করে উড়িয়ে দেওয়া ছাড়া ধনের আর কোনও ব্যবহার যদি আপনার জানা না থাকে, তা হলে আপনি যাতে ধন হাতে না পান, বিসাখা তা দেখবে। এবং বিসাখা বরং মৃত্যুবরণ করবে তবু পিতাকে কখনও জানাতে পারবে না যে তাঁর জামাতা অমিতব্যয়ী। উপার্জন করতে জানে না।'

চমৎকৃত হয়ে তার দিকে তাকিয়ে এই সময়ে পুণ্যবর্ধন বলেছিল, 'বাহা, বাহা, বাহা, তুমি তো দেখছি অস্থপালীরই মতো। অমনি রূপ, অমনি মহিমা,' তার চোখে প্রশংসা, সেই সঙ্গে লোভ।

'অস্থপালী কে ?'

'অস্থপালী কে, জানো না ? হাঃ হাঃ, অস্থপালী বৈশালীর শিরোমণি। অস্থপালী লিচ্ছবিদের হৃৎকমল। বৈশালীর জনপদকল্যাণী, নগরশোভিনী।'

বিশাখার মনে পড়ল তার দাসীরা তাকে জনপদকল্যাণী বলেছিল। সেইসঙ্গে উল্লেখ করেছিল গণরাজাদের দেশে সুন্দরী নারীদের প্রতিযোগিতা হয়, শ্রেষ্ঠ সুন্দরীকে গণভোগ্যা হতে হয়।

সে বলল, 'আপনি দেবি অস্থপালীকে দেখেছেন ?'

'দেবী অস্থপালী !' হা হা করে কিছুক্ষণ হাসল পুণ্যবর্ধন। তার পরে বলল, 'দেবী ? তা হবেও বা ! তার রূপের মধ্যে যতটা আকর্ষণীয় শক্তি ঠিক ততটাই তেজস্বিতা। অবশ্য সে ভালো অভিনয়

জানে, তেমন তেমন নাগরের জন্য তেজস্বী ভাবটা ত্যাগ করে শুনেছি। তখন শুধুই মধুর। মধুরে মধুর।'

'আপনি তাঁকে এই প্রকার ভাব পরিবর্তন করতে দেখেছেন ?'

'তোমাকে বলব কেন ? আগে আমার পা সংবাহন করে দাও।'

বিশাখা বলল, 'আপনার কি পায়ে যন্ত্রণা হচ্ছে ?'

'না তো !'

'তা হলে শুধু শুধু পা সংবাহন করতে যাবো কেন ?'

'তা হলে আমি বলবও না।'

'ঠিক আছে। আমার শুনে কাজ নেই।'

'আচ্ছা আচ্ছা, বলছি। অস্থপালীর কাছে দল বেঁধে যাওয়ার নিয়ম নেই। মাঝে মাঝে সে তার অত্যাৎকট নৃত্য ও গীতের সভা বসায়। নিজগৃহের মণ্ডপেও হয়, কোনও খনী বা রাজা কোনও উদ্যানে ব্যবস্থা করলেও হয়। সেখানেই ষ্টাটিকতক লোক আমন্ত্রণ পায়। কিন্তু এ ছাড়া রাত্রিবাসের জন্য সে এক বারে এক জনকে ছাড়া ঢুকতে দেয় না।'

'এক জনের বেশি প্রবেশ করবে ? এক বারে !' দারুণ বিস্মিত হয়ে বিশাখা বলল।

'তুমি তো বালিকামাত্র, কামকলার কী-ই বা তুমি জানো ? নির্জন ভোগের স্বাদ একপ্রকার, আবার সখাদের নিয়ে একত্রে ভোগের স্বাদ অন্য প্রকার।' বলে পুণ্যবর্ধন সাগ্রহে তাকে আলিঙ্গন করতে আসে।

বিশাখার তখন বৃকের মধ্যে ভূমিকম্প হচ্ছে। সে বালিকা হতে পারে, কিন্তু পুণ্যবর্ধনও এমন কিছু বয়স্ক নয়। তিষ্যর থেকে যদি সামান্য বড় হয়। এ এই বয়সেই কামকলার স-ব জানে ? নির্জন ভোগের স্বাদ, সখাদের নিয়ে একত্র ভোগের স্বাদ—এ সব কী বলছে এ ? তখন গদগদ স্বরে পুণ্যবর্ধন বলছে, 'বিসাখে, অস্থপালীকে পাঁচ শত কথাপন দিয়ে কিনলাম, কিন্তু সে তার দৃশ্য তেজস্বী ভাব আমার সামনে একবারও ত্যাগ করেনি। আমার কামতৃপ্তি হল না। চলে আসবার সময়ে শুনেতে পেলাম সে তার প্রধানা দাসীকে বলছে, "এ যে বালক, আমার পুত্রের বয়সী ! এদের ঢুকতে দিস কেন ? ওহু আর কতকাল হে শঙ্কদেব ! আর কতকাল এই ঘৃণ্য কাজ করতে হবে ! কী সে মহাপাপ হে দেবতা, যার জন্য পারিজাতকুসুমকে দুর্গন্ধ বিষ্ঠাক্ষেত্রে এমনি করে নিক্ষেপ হতে হয়।" তা যতই বলো, যতই করো, নগরবধু হয়েছ যখন তখন যে তোমার মূল্য দেবে, তাকে তো সেবা করতেই হবে। জানো বিসাখে সেই থেকে আমার পঙ্ককল্যাণীর সাধ। তা তুমিও দেখছি অস্থপালীর মতোই তেজস্বী...' আরও অনেক কিছু বলছিল পুণ্যবর্ধন। বলে যাচ্ছিল।

কিন্তু বিশাখার চৈতন্য তখন অস্পষ্ট হয়ে আসছে, সে ভাবছে এই লস্পট শ্রেষ্ঠিকুমার বালকের মতো দেখতে, বৃকের মতো কামলোলুপ—এরই জন্যে আমি তিষ্যর একান্ত প্রণয় নির্মমভাবে ফিরিয়ে দিয়েছি, উপেক্ষা করেছি রাজপুত্রবধু হওয়ার আহ্বান... এর চেয়ে মন্দ কিছু কি হত সেখানে ! প্রণয়ের কথা ভেবেছিলাম... প্রণয় তো আকাশকুসুমের চেয়েও দুর্লভ দেখছি। সংসার সেবা করব মনে করেছিলাম, কই, তাও তো আমার আয়ত্তের রাইরে থেকে যাচ্ছে। হায়... এই ব্যক্তি হলে আমার সম্ভানের পিতা। ভাবতে ভাবতে সে কখন হারিয়ে গেছে। আর কেউ নেই। সুসজ্জিত কক্ষ তার সুবাসিত সাত স্তর শয্যা সহ বিলুপ্ত হয়ে গেছে, হারিয়ে গেছে পুণ্যবর্ধনের মুখ যে নিজেও হারিয়ে গেছে।

যখন চৈতন্য হল তখন অবিরত জল সিঞ্জন তার মাথার চুল প্রায় সমস্ত ভিজে গেছে। বিশাখা কিছু জানে না। সে অবসন্নের মতো পাশ ফিরল। তার স্বপ্নের কক্ষ হতে পেল যেন, 'এমন মুখ ওর মাঝে মাঝেই হয় নাকি ?'

ধনপালীর গলা, 'না তো দেবি, কোনওদিন এ প্রকার তে দেখিনি।'

'সত্য বলছ তো ?'

'সত্যই বলছি দেবি !'

'জানি নে বাপু, কী প্রকার সুহা এলো গেছে। একরাশি রূপ। তো সে তো চিত্রগৃহে সাজিয়ে

রাখা যাবে না। রমণী হবে জলের মতো, যখন যে পাত্রে, তখন তেমন।’

তিনি পুণ্যবর্ধনকে কিছু বলেছেন কি না বিশাখা জানে না, কিন্তু সেই থেকে পুণ্যবর্ধন আর রাত্রে এ শয়নকক্ষে আসছে না। পিতা, পুত্র যখন ভোজন করেন মধ্যাহ্নে সে উপস্থিত থাকে, পরিবেশন করে স্বহস্তে। তখন পুণ্যবর্ধন এক একবার চোখ তুলে কখনও কেমন সজ্জিৎসু দৃষ্টিতে, কখনও আকুল চোখে, কখনও অপরাধীর মতো তাকায়। কিন্তু রাত্রে আর এ গৃহের দিকে পা বাড়ায় না।

বিশাখা কোনও দুর্লক্ষ্য দৈব-উপস্থিতির কথা মনে করে ঠিক অস্থপালীর মতোই উচ্চারণ করে, ‘গত জন্মে কী মহাপাপ করেছিলাম হে তথাগত যে, পারিজাতকুসুমকে দুর্গন্ধ পঙ্কে এমন করে নিষ্কিপ্ত হতে হয়। কত কাল। সারা জীবন?’

দুয়ারে উপর্যুপরি আঘাত। বিশাখা উঠে বসে। বেশ-বাস গুছিয়ে নিয়ে দ্বার খুলে দেয়। তার মূর্ছা হওয়ার পর স্বশ্রুতর আদেশ হয়েছিল ঘনিষ্ঠ দাসীরা যেন তার কক্ষে শোয়। প্রথম কদিন তাই হয়েছিল। ভিষক এসেছিলেন। তারপর সে তো এখন যথেষ্ট ভালো আছে। স্বশ্রুতর জানেন না, সে দাসীদের স্বতন্ত্র কক্ষে পাঠিয়ে দিয়েছে। দ্বারের বাইরে তার তিন ঘনিষ্ঠ সহচরী। ধনপালী, কহা আর ময়ূরী। কহা বলল—‘বিশাখাভদ্রা ঘোটকীটার প্রসববেদনা উঠেছে। কী করব।’

‘আমি যাচ্ছি’, বিশাখা ব্যস্ত হয়ে বলল, ‘তোরা যথেষ্ট গরম জল ঈষদুষ্ণ তেল আর মধু নিয়ে আয়।’

আগে আগে উষ্ণা নিয়ে যাচ্ছে ময়ূরী। পেছনে পেছনে বিশাখা। গৃহের বাইরে প্রাঙ্গণ পার হয়ে অস্থশালা। প্রথমেই গর্ভবতী অস্থীটির জন্য স্বতন্ত্রিত স্থানে তাকে নিয়ে যাওয়া হল। কয়েকজন অস্থীটিকে প্রায় বহন করে সেখানে নিয়ে গেছে। অস্থীটি ব্যথা পাচ্ছে। অস্থরকককে জিজ্ঞাসা করল বিশাখা, ‘এত কষ্ট পাচ্ছে কেন, এ অস্থীটি।’

অস্থরকক বলল, ‘বন্য অস্থ তো নয় দেখী। এইসব আজ্ঞানেয় অস্থীর একটু কষ্ট সহ্য করতেই হয়।’

বিশাখা অস্থীর গায়ে মাথায় হাত বুলিয়ে দিতে লাগল। ধনপালী এবং আরও কয়েকজন মিলে গরম জল নিয়ে এসে পৌঁছল। কিছুক্ষণের মধ্যেই একটি চমৎকার রক্ততকান্তি বৎস প্রসব করল অস্থীটি। উভয়কে পরিচ্ছন্ন করে, প্রসবাগারে তাদের আরামের ব্যবস্থা করে, বৎসটিকে ভালো করে তৈল সংবাহন করে দিয়ে, মুখে মধু দিয়ে বিশাখা যখন গৃহে ফিরল, তখন রাত সামান্যই আছে। তবু সহচরীদের অনুরোধে সে আর একটু ঘুমিয়েও নিল।

ভোরবেলা অন্যান্য দিনের মতো স্নান প্রসাধন সমাপ্ত করে সে যখন দাসীদের সঙ্গে তার স্বশ্রুতর এবং স্বশ্রুতর সেবা করতে গেল, দেখল তাঁদের মুখ যেন অন্যান্য দিনের চেয়েও গম্ভীর। সে বিধিমতো তাঁদের চরণ বন্দনা করল, পাকশাল থেকে নিজ হাতে সুগন্ধ, সুমিষ্ট যবাণু নিয়ে এলো তাঁদের প্রাতরাশের জন্য, তার স্বামীও এসে বসল। কিন্তু কেউই তাকে কোনও প্রশ্ন করলেন না। রাত্রে ঘুম হয়েছিল কি না, শরীর ভালো আছে কি না— এসব জিজ্ঞাসা করলেন না। পরে সে নিজগৃহে গেলে ধনপালী বলল, ‘বিশাখাভদ্রা, কাল যখন আমরা দীপবর্তিকা নিয়ে অস্থশালাে গেলাম, তোমার শাস স্বশ্রুতর ও বাড়ির বাতায়ন থেকে দেখছিলেন। বললেন, “ওই দ্যাখো, গৃহের অগ্নি স্বশ্রুতর নিয়ে যাচ্ছে”

বিশাখা বলল, ‘ভালো।’ সে মনে মনে হাসল। কিন্তু কারও সঙ্গেই স্বশ্রুতর-স্বশ্রুতর স্বামীর চরিত্র বা আচরণ নিয়ে আলোচনা করতে পিতা বারণ করে দিয়েছেন। তার নিজেও এ প্রবৃত্তি নেই। যদিচ ধনপালী ক্রমশই তার ঘনিষ্ঠ হয়ে উঠেছে। শুধু ধনপালীই বা কেন, এই ত্রয়ী—ধনপালী, কহা ও ময়ূরী তাকে যা ভালোবাসে, শ্রাবস্তীতে আসার পর তারা যেভাবে তাকে আগলে রাখে, বিবেচনা ও বুদ্ধির পরিচয় দেয় তাতে বিশাখার এক এক সময় লজ্জা হয় যে, হে এখনও এদের সঙ্গে প্রকৃত সখীর মতো আচরণ করতে পারে না।

সে হঠাৎ ধনপালীকে জিজ্ঞাসা করল, ‘পালি, তোর বিবাহ করতে ইচ্ছা হয় না।’

ধনপালী লজ্জা পেয়ে বলল, ‘এ কথা কেন বিশাখাভদ্রা?’

‘না, তুইও তো, তোরা সকলেই তো বিবাহযোগ্য, আমার ইচ্ছা হয় তোরা সংসার করিস।’

ধনপালী বলল, 'একটা কথা বলব ভদ্রা !'

'একটা ছেড়ে দশটা বল না !'

'সাঁড়াও আগে তোমার চুল শুকোনের ব্যবস্থা করি !'

ধনপালী বড় বড় পায়ে মূদু আঙুন নিয়ে এসে তাতে সুগন্ধিচূর্ণ ছড়িয়ে দিয়ে ঘ্রা বন্ধ করে দিল ।

বিশাখার চুলগুলো নেড়েচেড়ে শুকোতে শুকোতে বলল, 'কহা বড় উৎকর্ষিত রয়েছে ।'

'কেন রে ?'

'এ গৃহের একটি দাস মিস্তবিন্দ ওকে বিবাহ করতে চায় ।'

'মিস্তবিন্দ কোন জন ?'

'ওই যে প্রভুপুস্তের রথ চালায় ।'

'ও, সূত ! তো কহা কী বলে ?'

'কহারও সম্মতি আছে । কিন্তু...'

'কিন্তু কী ?'

'তুমি যদি ক্রুদ্ধ হও !'

'আমি ক্রুদ্ধ হবো কেন ?'

'যদি এ গৃহের প্রভু অসন্তুষ্ট হন !'

'সে আমি বুঝব'খন । কহা যদি সম্মত থাকে, তা হলে নিশ্চয়ই এ বিবাহ হবে । কহাকে আমি মুক্তি দিয়ে দেবো ।'

ধনপালী বলল, 'সেটাই তো কথা । কহা মুক্তি চায় না । বিসাখাভদ্রা, আমরা কেউই তোমার কাছ থেকে মুক্তি চাই না ।'

বিশাখা বুঝতে পারল ধনপালীর গলায় অশ্রুর আভাস । সে নব্রকটে বলল, 'পালি, কেন মুক্তি চাস না । ওই দ্যাখ পিঞ্জরে শুকটা বসে রয়েছে, পায়ে সোনার শেকল । ও যতই সুন্দর বুলি বলুক না কেন, দেখলেই আমার মনে হয় ওর শেকলটা কেটে দিই ।'

'তুমি আমাদের ভালো না বাসতে পারো । আমরা তোমাকে এখন কিছুতেই ছেড়ে যেতে পারব না ।'

'কে বলে, আমি তোদের ভালবাসি না ? তোরা তা হলে মুর্খ, কিছুই জানিস না । কিন্তু এখন ছেড়ে যেতে পারবি না বলছিস কেন !'

ধনপালী মুখ নিচু করে ধীরে ধীরে বিশাখার কেশের মধ্য দিয়ে আঙুল চালাতে লাগল ।

'বল !'

'কী বলব । সব কথা কি বলার অপেক্ষা রাখে !'

বিশাখা বলল, 'আমি বুঝতে পারছি না, পালি বল !'

ধনপালী বলল, অপরাধ নিও না ভদ্রা, কিন্তু এমন গেহে তোমার বিবাহ হবে, তা কি আমরা কখনও ভাবতে পেরেছি ? তোমার মতো সুখ পেয়েও ঐরা সুখী নন । দিবারাত্র প্রভু আর তাঁর পত্নী শলা-পরামর্শ করছেন । আর... আর... ভদ্রা... রাগ করো না... প্রভুপুস্ত আমাদের থেকে ডেকে তোমার সম্পর্কে অনুসন্ধান করেন । পিতৃগৃহে তুমি কোন কোন আচার্যর কাছে বিদ্যাশিক্ষা করেছ । এমন কি, এমন কি... ময়ূরীকে জিজ্ঞাসা করেন, ওখানে কারও সঙ্গে... কোনও শাস্ত্রের সঙ্গেও যদি প্রণয় থেকে থাকে !'

বিশাখা ধনপালীর হাত থেকে কেশগুলি টেনে নিয়ে ঘুরে বসল, বলল, 'কী বললি । সত্য বলছিস ?'

'সত্য বই মিথ্যা বলব কেন, ভদ্রা ! কত চিন্তা করেছি, তোমাকে বলতে কত দ্বিধা করেছি, কিন্তু আজ কথায় কথায় বেরিয়ে গেল ।' ধনপালীর মুখ বিবর্ণ হয়ে গেল ।

বিশাখা বলল, 'এতদিন গোপন রেখে ভালো করিসনি ধনপালি । এর পর থেকে কিছুই আমার কাছে গোপন করবি না । যদি আমার মঙ্গল চাস ।'

'আমাদের মুক্তি দিয়ে দেবে না তো ভদ্রা !'

‘কেন পালি, মুক্ত হয়ে ইচ্ছা হলে ভৃত্তিকা হয়ে থাকবি। ক্রীতদাসীর যে পুত্র-কন্যা সবই প্রভুর সম্পত্তি হয়ে যায়। আজ না হয় আমি প্রভু, এর পর তো আমার পুত্র-কন্যারা প্রভু হবে। তারা যদি আমার মতো না হয়।’

ধনপালী কেঁদে ফেলে বলল, ‘তোমার পিতার ঘরে দাস-পিতার মেয়ে হয়ে জন্মেছি। তোমার সকল সুখ-সুখে পাশে পাশে থেকেছি। আর কিছু জানিওনি, শিখিওনি। তোমাকে ছাড়া পৃথিবী আঁধার দেখি যে ভন্দা। অন্যদের কথা একেবারে সঠিক হয়তো বলতে পারি না। কিন্তু আমাকে তুমি কোনদিন তোমার কাছ-ছাড়া করলে আমি মরে যাবো।’

শ্রাবস্তীশ্রেষ্ঠীর গৃহে দ্বিপ্রহরে নিমন্ত্রণ। ধনপালী চুল শুকোনো শেষ করে কথা ও ময়ূরীকে ডাকল, তিন জনে মিলে বিশাখাকে সাজিয়ে দিল। বিশাখা বেছে নিল শ্বেত বসন। তাতে সবুজ রঙের পট্টিকা বসানো, শুভ্র বন্ধুবন্ধনী, শুভ্র উত্তরীয়। মুক্তার অলংকারে সর্বশ্বেত। তার ঘন ময়ূরপুচ্ছের মতো কেশ সে দিনের বেলায় খুলে রাখতে ভালোবাসে। কেশে ছোট ছোট পথকুড়ির মালা জড়িয়ে দিল ময়ূরী। কথা ভ্রূমধ্যে রক্ত ও শ্বেতচন্দনের পত্রলেখা একে দিল।

তিন সহচরীকে নিয়ে মিগার-পত্নীর কাছে গিয়ে দাঁড়াল বিসাখা। গম্ভীর মুখে স্বশ্রু বললেন, ‘মাথায় গুঠন তুলে দাও বিশাখা।’

বিশাখা বলল, ‘মাতা, প্রাকৃত রমণীর ন্যায় আমার গুঠিত হতে বলছেন কেন। গুঠনের মূল কারণ সন্ত্রম রক্ষা, কায় মন ও বাক্ যার সংযত তাকে তো সন্ত্রম রক্ষার জন্য অবগুষ্ঠিত হতে হয় না।’

মিগার পত্নী বললেন, ‘তুমি বড় বেশি বিদ্যা শিখে ফেলেছ, আমি তোমার চেয়ে বয়সে কত বড় বেলো তো? আমার মুখের ওপর কথা বলছ।’

বিশাখা নীরব রইল। কিন্তু অবগুঠন দিল না।

তার স্বশ্রু বললেন, ‘কী হল, ধনীকন্যা বলে কি পূজনীয় বয়োজ্যেষ্ঠদের কথাও শুনবে না?’

বিশাখা বলল, ‘বয়োজ্যেষ্ঠদের পূজা নিশ্চয় করব, সেবাও করব। কিন্তু তাঁরা যুক্তিসিদ্ধ বাক্ না বললে মানতে পারব না। অবগুঠন দিলে স্বীকার করে নেওয়া হয় আমার কায়সংযম নেই। অথচ আমি ভিক্ষুণীর মতো সংকল্পিকা ব্যবহার করি। উত্তরীয় দ্বারা উত্তমরূপে অঙ্গ আবৃত করে বেরোই। আর মাতা, আমার এসব আচরণের সঙ্গে ধনের কোনও সম্পর্ক নেই। ধনীকন্যা বলে নয়, বিসাখা বলেই আমি এমন করে থাকি।’

কিছুক্ষণ বাক্যহীন হয়ে রইলেন মিগার-পত্নী। ভেতরে-ভেতরে ক্রুদ্ধ। কিন্তু এ কথা সত্যি, অবগুঠন দেওয়ার কোনও বাধ্য-বাধকতা নেই। শেষে তিনি বললেন, ‘তুমি জনপদকল্যাণী বধু। তোমার রূপ দেখে যদি কেউ লুক্ক হয়! হরণ করতে আসে।’

বিশাখা আশ্চর্য হয়ে বলল, ‘সাবধিতে এমন ঘটনা হয় নাকি? কই আমাদের সাকেতে তো হয় না মা। তবু যখন কুমারী ছিলাম, কিছু কিছু নিয়ম মেনে চলতেই হত চলাফেরার ব্যাপারে, কিন্তু এখন তো বধু হয়ে গেছি! কে এমন লম্পট আছে যে, প্রকাশ্য রাজপথে বধুর প্রতি লুক্কতা প্রকাশ করবার পরেও নিজেকে নাগরিক বলবে? মা, আপনি ভয় করবেন না, আমার সহচরীরা তো রইলই, তারা না পারলেও বিশাখা একাই দশজন পুরুষকে ভুলুষ্ঠিত করে দিতে পারে।’

সে স্বশ্রু- তার পদধূলি নিয়ে নিমন্ত্রণ রক্ষা করতে শিবিকায় গিয়ে উঠল। হুম হুম করতে করতে শিবিকাটি চলে গেলে মিগার-পত্নী কপাল চাপড়ে স্বামীকে অস্তঃপুরে ডেকে পাঠালেন।

‘এ কি বধু না দস্যু? কারও কথা শুনবে না, মানবে না, বলে কি না দশজন পুরুষকে ভুলুষ্ঠিত করে দিতে পারে।’

অসময়ে অস্তঃপুরে এসে পত্নীর এই খেদোক্তি শুনে মিগার ব্যতিব্যস্ত হয়ে পড়লেন, ‘কী ব্যাপার?’ বারে বারে জিজ্ঞেস করেও উত্তর পান না। অবশেষে রাগ করে অধিকার-কিরে যাচ্ছেন, তখন পত্নী সব খুলে বললেন। শুনে মিগার বড়ই চিন্তিত হয়ে পড়লেন। তাঁর সুহাটি রূপে ধনে বলবতী। সে যদি বলে থাকে দৈহিক বলও তার আছে, তো নিশ্চয়ই মিথ্যা বলেনি। ক্ষত্রিয়দের ঘরের কন্যারা শরীর-চর্চা শত্র-চর্চা করে বটে, কিন্তু শ্রেষ্ঠীদের ঘরে?... নাঃ ততটা চল নেই। কিন্তু কে নিজের প্রাসাদ-প্রাচীরের আড়ালে কীভাবে কন্যাপালন করছে কে জানে। সন্দেহ নেই তিনি উচ্চতর বংশ



থেকে বধু এনেছেন। সে এখানে অবলীলায় নিজেকে প্রতিষ্ঠিত করে যাচ্ছে। তাঁরাই— তিনি, তাঁর পত্নী, কে জানে হয়ত বা পুত্রও বরং মানাতে পারছেন না। তবে হ্যাঁ, তাঁর হাতে এখনও অল্প আছে বইকি। কন্যার প্রতি ধনঞ্জয়ের উপদেশগুলি স্মরণ করে তিনি মনে মনে বেশ হট হয়ে ওঠেন। ধনঞ্জয় ও তাঁর কন্যা উভয়েই দমন করার উপায় তাঁর জানা আছে। পত্নীকে সেগুলি খুলে বলেন। পত্নী একটু আশ্বস্ত হন।

ওদিকে বিশাখার শিবিকা শ্রাবস্তী শ্রেষ্ঠীর অন্তঃপুরে গিয়ে পৌঁছলো। গৃহের যে যেখানে আছে সবাই বরণ করে নিতে এলো বধুকে। শ্রেষ্ঠী স্বয়ং রাজসভায় যাবার আগে তাকে আশীর্বাদ করে গেলেন। শ্রেষ্ঠী-পত্নী মহাসমাদরে তাকে সম্ভাষণ করলেন। নিজেদের গৃহ, উদ্যান সব দেখালেন। এবং বিশাখার শ্রেষ্ঠ লাভ হল— সে-গৃহের বধু সুপণ্ডিত্যের সঙ্গে সখিত্ব। সুপ্রিয়ার সঙ্গে তার অনেক পার্থক্য। কিন্তু তবু কোথায় যেন গভীরতর এক সাদৃশ্যের বন্ধন।

শ্রেষ্ঠী-পত্নী তাকে বহুবিশ পদ সহকারে ভোজনে আপ্যায়িত করলেন। পরে বললেন, 'বধু বিসাখা, তুমি সাবথির হৃদয়-লক্ষ্মী। আমাদের সবাইকে তোমার রূপে-গুণে বশীভূত করে ফেলেছে। কিন্তু তোমার আপন ঘরের মানুষগুলিকে জয় করতে পেরেছে তো?'

বিশাখা সদানন্দময়ী। সে স্মিতমুখে বলল, 'মাতঃ, আপনাদের তো আর নিত্য বিসাখার সঙ্গে বাস করতে হয় না, আপনাদের জয় করা সহজ।'

সুপ্রিয়া হাসতে হাসতে বলল, 'দেখেছেন মা, বিসাখা মিথ্যা বলে না, কিন্তু নিন্দাবাদেও তাকে সহজে প্রবৃত্ত করা যাবে না।'

সুপ্রিয়ার শাস্তি বললেন, 'আমরা তো মিগার-পত্নীকে চিনি, নানান সমাজ-উৎসবে দেখাশোনা হয়, আমাদের গহপতিও মিগার-সেটটিকে ভালোই চেনেন। বড় কৃপণ। ব্যয়ও কৃপণ, আচরণেও কৃপণ। কত পুণ্য না জানি করে এসেছিলেন, তাই ওঁরা তোমার মতো সুখ পেয়েছেন।'

সুপ্রিয়া মৃদু হেসে বলল, 'আর আপনারা বুঝি পুণ্য অল্প করেছিলেন মা, তাই সুপ্রিয়ার মতো সুখ পেয়েছেন?'

বিশাখা তার কথা শুনে হাসতে লাগল। বলল, 'এখন কী উত্তর দেবেন মাতা, দিন। সুপ্রিয়া প্রকৃতই দুঃখ পেয়েছে। দেখুন ওর চোখ দুটি কেমন ছলছল করছে!'

সুপ্রিয়ার শাস্তি অমনি তাকে কাছে টেনে আদর করে বললেন, 'আমরা যে অনেক পুণ্য করে সুপণ্ডিত্যকে পেয়েছি তাতে কি আর সংশয় আছে! আমি বলছিলাম মিগার সেটটির ঘরের কথা। ওঁরা কেউ অত পুণ্য করেছেন বলে আমার বিশ্বাস হয় না বটে।'

সারাক্ষণই সুপ্রিয়া তার শাস্তির বকলয় হয়ে কটাক্ষে বিশাখার দিকে তাকিয়ে মিটিমিটি হাসছিল। তাদের কৌতুক শাস্তি-মা ধরতে পারেননি।

এর পর বিশ্রামের জন্য সুপ্রিয়া বিশাখাকে নিজের ঘরে নিয়ে গেল। ফুল দিয়ে সাজানো প্রেঙ্খায় বসে দুলাতে দুলাতে দুই সখী বহু বিষয়ে আলাপ করল। শ্রাবস্তীর রীতি-নীতি, রাজা প্রসেনজিৎ, জেতবন বিহার প্রস্তুত হচ্ছে, তার কথা। বিশাখার মতে, সাকেত অনেক সুন্দর, রুচিসম্মত। সুপ্রিয়া বারাগসীর মেয়ে। সে বলল, 'প্রথম প্রথম আমারও ওই প্রকার মনে হত বিসাখা, কিন্তু এই সাবথি মহানগরীর আকর্ষণ এক মহা-আকর্ষণ। ধীরে ধীরে দেখবে সাবথিই তোমার আকর্ষণ, তোমার ধ্যান হয়ে উঠছে।'

বিশাখা কখনও বারাগসী যায়নি। কিন্তু পিতার কাছে শুনেছে সে এক মহা হটরোলার স্থান। সে মনে মনে বলল— সাকেত, সাকেত, তার অঞ্জনবন, তার সরযুতীর, তার সেটটি-গেই নিয়ে অনন্য। এখন তার কাছে ভদ্রির স্মৃতি স্নান হয়ে গেছে, জাগরাক রয়েছে ধনঞ্জয়-সুমনার নির্মিত সাকেত। এ সব কথা সে এক্ষুনি সুপ্রিয়াকে বলল না। পরে এক সময়ে বলবে। এখন মাতা-পিতার কথা মনে করে তার চোখে জল আসছে।

গৃহে ফিরতে বিশাখার সন্ধ্যা হয়ে গেল। সুপ্রিয়ার স্বশ্রু-মা শিবিকার সঙ্গে সাতটি উষ্ণা দিয়ে দিলেন। সারি সারি আলোর মধ্যে দিয়ে গৃহে ফিরে স্বশ্রুর ও স্বশ্রুর সংবাদ নিল বিশাখা। তারপর ১৬০

নিজ কক্ষে বেশবাস পরিবর্তন করতে গেল। ধনপালী বলল, 'ভদ্রা, তুমি যখন হাতে উচ্চা নিয়ে গেছে দুকছিলে ও বাড়ির আলিন্দ থেকে তোমার স্বশ্রু-মা দেখছিলেন।' অতঃপর ঠাড়া উভয়েই নেমে এলেন। গহপতি বললেন, 'বাইরের অগ্নিও তো ঘরে নিয়ে এলো দেখছি।'

বিশাখা হেসে বলল, 'ভালো।'

তারপর একদিন মিগার ও তাঁর পত্নী বিশাখাকে ডেকে বললেন, 'আমরা তোমাদের নতুন বাড়িতে অগ্নিগৃহ করে দিচ্ছি। তুমি পিতৃগৃহ থেকে এত দাস-দাসী, রক্ষী, সূত, শিবিকাবাহক, আঞ্জাপালক, ধনরত্ন, গাভী, অশ্বাদি নিয়ে এসেছ যে, সে সব দিয়ে একটা স্বতন্ত্র গ্রামই করে ফেলা যায় ইচ্ছা হলে। আমাদের অধীনে তোমাদের থাকবার প্রয়োজন কী? অগ্নিগৃহ হোক। অগ্নিহোত্র পালন করে দু'জনে যথাযথ দম্পতি হও। গার্হস্থ্যধর্ম পালন করো।'

বিশাখা বলল 'পিতা, আমি তো অগ্নিহোত্র পালন করতে পারব না।'

মিগার বিরক্ত হয়ে বললেন, 'সে আবার কী! যে কোনও গৃহস্থেরই কর্তব্য অগ্নিহোত্র পালন করা। গার্হপত্য অগ্নি দিয়ে গার্হস্থ্যকর্ম করবে, আহবনীয় অগ্নিতে দেবতাদের হব্য দেবে, দক্ষিণাগ্নিতে হব্য দেবে পিতৃপুরুষকে। তোমার পিতৃগৃহে দেখোনি?'

শেষের প্রশ্নটি অগ্রাহ্য করল বিশাখা, তাদের গৃহে অগ্নিহোত্র পালন করা হয়। কিন্তু বিশ্বাস করা হয় না। শুধু লোকাচার। এক প্রকার বিশ্বাস করা হবে, আর এক প্রকার হবে আচার—এ বৈষম্য তার অভিপ্রেত নয়। সে বলল, 'জানি পিতা। কিন্তু অগ্নি যে কোনও দেবতা নয়, বস্তুমাত্র, প্রাকৃতিক শক্তিমাত্র—এ কথা তথাগত বুদ্ধ প্রমাণ করে দেখিয়ে দিয়েছেন। আমি আর অগ্নি পরিচর্যা করব না। যা বিশ্বাস করি না তার আচরণও করতে পারি না পিতা।'

'বলো কী? বুদ্ধ বুদ্ধ সাবধিতে তো রাতদিন শুনছি। বুদ্ধ হয়েছেন! অতই সহজ! তো সেই বুদ্ধ সাকেতকেও ভেদ করেছে নাকি?'

বিশাখা স্বশুরের এইসব উক্তির উত্তর দিল না। শুধু বলল, 'তা ছাড়া, আপনি আর মাতা আমার পরমপূজ্য। এই গৃহের সব কিছুই আমার পরিচর্যার অপেক্ষা রাখে। এই পূজা ও কর্তব্য থেকে আমায় বঞ্চিত করবেন কোন অপরাধে?'

তখন মিগার কুটিল চোখে তার দিকে তাকিয়ে বললেন, 'কেন! তোমার পিতা তোমাকে সুখাসনে বসতে, সুখে ভোজন করতে, সুখে শয়ন করতে উপদেশ দিয়েছেন না?'

বিশাখা মনে মনে হাসল, ইনি তার পিতার উপদেশের মর্ম বুঝতে পারেননি। মুখে বলল, 'তাই-ই তো বলছি পিতা—আপনাদের সেবা না করে তেঁা আমি অশনে-বসনে-শয়নে সুখ পাবো না।'

পুত্রবধুর বিনয়বচনে সুখী হতে পারলেন না মিগার। এ বালিকার মুখের দিকে তাকালে মুগ্ধ হতে হয়, বচন শুনলে সন্ত্রম জাগে, আচার-আচরণে একটা অনায়াস কর্তৃত্ব। এ তো দেখি সত্যসত্যই মিগার-গৃহের সম্রাজ্ঞী হয়ে উঠছে। মিগার-দম্পতি আর কী করেন। তখনকার মতো নিবৃত্ত হতেই হল। এবার বধুকে পরিপূর্ণ গৃহধর্মে গ্রহণ করতেই হয়। তিনি তাঁর গুরু নিগগঠ নাতপুত্রকে সংবাদ পাঠালেন। উৎসবের আয়োজন করতে হবে। নববধুকে তাঁরা আশীর্বাদ করবেন।

ইতিমধ্যে হিমঝতু এসে গেছে। মিগারের কর্মান্ত গ্রাম থেকে সংবাদ আসে শস্যক্ষেত্রগুলো এবার দ্বিগুণ, ত্রিগুণ উৎপাদন করেছে। গাভীগুলো যা দুধ দিচ্ছে তাতে নবনীত এবং ঘৃত হচ্ছে অপরিমিত। সারা বর্ষা অবস্তার কতকগুলি গ্রামে ক্রয়-বিক্রয় সমাপ্ত করে মধুরা, ইন্দ্রপ্রস্থে বাণিজ্য করে কাশ্মীরের দিকে চলে গেছে তাঁর বণিকদল। সার্থবাহ দ্রুতগামী এক অশ্বারোহীর হাতে পত্র পাঠিয়েছে। বর্ষা কেটে গেল, তবু ফিরল না দেখে মিগার হতাশ হয়ে পড়েছিলেন, এরা নিশ্চয়ই দস্যুর হাতে বিনষ্ট হয়েছে। গেছে পাঁচ শো শকট। তার মধ্যে তিন শো শকটই তাঁর। সঙ্গে আপনজনের মধ্যে গেছে তাঁর দুই ভ্রাতৃপুত্র। সার্থবাহ শ্রাবস্তীরই অতিদক্ষ লোক। শ্রাবস্তীর সমস্ত শ্রেণীজ্যেষ্ঠক সে যাচ্ছে জানলেই নিজেদের পণ্য চোখ বুজে দিয়ে দেয়। কিন্তু মিগারের ভয় ছিল। তাঁর সব সময়েই ভয় হয়, সংশয় হয়, দ্বিধা হয়। এই ভ্রাতৃপুত্র দুটিকে গ্রামের গৃহ থেকে এনে কাজ-কর্ম সব বোঝাচ্ছেন। নিজের পুত্রটি তো তার মায়ের চোখের মণি, তাকে মায়ের অঞ্চলচ্যুত করে কাজে পাঠানো অতি দুর্ভাগ্য ব্যাপার। সে-ও আছে ভালো। আজ কাব্যসভা, কাল বিতর্কসভা,

পর দিবস নৃত্যসভা, তারও পরদিন গীতসভা। গণিকা গৃহে যে শুধু চারুকলা চর্চা হয় না তিনি ভালো করেই জানেন। অল্প বয়সে নিজেও বহুবার গিয়েছেন। ধনক্ষয়ের এমন ব্যবস্থা তাঁর আর জানা নেই। অথচ পুণ্যবর্ধন দু-তিন দিন পর বাড়ি ফিরলে তিনি যদি অসন্তোষ প্রকাশ করতেন, সে বলত, “ও সব সন্মাতিসূক্ষ্ম ব্যাপার পিতা, আপনি কী বুঝবেন? বাস তো করেন স্বর্ণপিণ্ডের স্থল জগতে!” তার মা-ও এতে যোগ দিতেন। পুত্রকে তক্ষশিলায় না পাঠিয়ে যে কী ভুল করেছেন!

যা-ই হোক, সার্থবাহর পত্র নিয়ে দূত এসেছে। আশাতীত লাভ হওয়ায় তারা কাশ্মীর গেছে। নূতন পণ্য নিয়ে ফিরতে ফিরতে হয়ত আরও ছয় মাস কাটবে। কিন্তু মিগার যেন নিশ্চিত থাকেন। দূতের সঙ্গে স্থবিকা-ভর্তি স্বর্ণও পাঠিয়েছে তাঁর ভ্রাতৃপুত্র।

মিগারের গণক ও লেখকরা এক বাক্যে বলছে— এসব নববধূর ভাগ্যে ঘটছে। সতি, রাজা প্রসেনজিৎ পর্যন্ত যে- কোনও উপলক্ষে বধূর নাম করে মহার্ঘ উপহার পাঠান। বধূর উপোসথ? রাজবাড়ি থেকে ভারে ভারে ফল, ক্ষীর, মিষ্টান্ন, ক্ষৌমবস্ত্র, তৈজস সব এসে পৌঁছিল। রানি মল্লিকার পুরে নিমন্ত্রিত হয়ে গেল বধু। স্বর্ণদণ্ডী নিজের শিবিকায় করে নিয়ে গেলেন রানি। এক গা গহনা তো দিলেনই, শিবিকাটিও রানি বিশাখাকে দিয়ে দিলেন। গহনা, শিবিকা সমস্ত আবার বিশাখা এসে তার স্বশ্রুকে অর্পণ করল। কাজেই, মিগার-গৃহ এখন এমন একটি কলস যার দুধ কখনও ফুরায় না, এমন মোদকের পাত্র যা থেকে যত মোদক নেবে, ততই তা আরও পূর্ণ হয়ে উঠবে। অন্যান্য শ্রেষ্ঠীরা, এমন কি অন্যান্য লোক যেমন সম্পন্ন ব্রাহ্মণ বা রাজ পরিবারের মানুষও বলতে আরম্ভ করেছে— বিশাখা সুভগা বধু। সে আসার দিন থেকেই শ্রাবস্তীর সর্বাধিক শ্রেণীতে সমৃদ্ধি আসছে। এখন শ্রাবস্তীর যে-কোনও গৃহের, যে-কোনও উৎসবে বা সংস্কারে বিশাখাকে নিমন্ত্রণ করে নিয়ে যাওয়া একটা রীতি হয়ে দাঁড়িয়েছে। কোনও গর্ভিনীর পুংসবন হবে বিশাখা যাবে, কার পুত্রের নামকরণ কি উপনয়ন উৎসব হচ্ছে গুরুগৃহে যাবার জন্য, বিসাখা যাচ্ছে। কে বিশেষ তিথি উপলক্ষে উপোসথ পালন করবে বিসাখাকে চাই, একত্রে ধর্মার্চন করবে। বিসাখার সদা-হাস্যমুখী, সহমর্মী উপস্থিতি ছাড়া কোনও কাজ যেন আরম্ভই হতে পারে না।

নতুন শালিধানের সরু চাল কর্মাস্ত গ্রাম থেকে বহু বহুতর শকটে করে এসে পৌঁছিল। সেই সঙ্গে তৈল, ঘৃত, নবনী, শাক, পর্গ, গুড়, তিল, কী নয়। মিগার-পত্নী ডাক দিলেন ‘বিসাখা!’ ডাকবার আগেই বিশাখা এসে গেছে। মিগারের ঘরের দাস-দাসীগুলি তো রইলই, আরও রইল বিশাখার দাসীরা। সব ভাগুরজাত করতে হবে। সারা বৎসরের ব্যবস্থা। ঝাড়া, বাছা, ধোওয়া, শুকোনো, সব বিশাখা দাঁড়িয়ে দাঁড়িয়ে করালো। সারা দিন পরিশ্রমে বিশাখার মুখ যেন আরক্ত কমলের মতো দেখাচ্ছে। স্বশ্রু-মা আজ তার ওপর সত্যিই সন্তুষ্ট। তাঁর সন্তোষের প্রত্যক্ষ ফলস্বরূপ রাত্রে শয়নকক্ষে প্রবেশ করে সে দেখল পুণ্যবর্ধন সাজ-সজ্জা করে বসে আছে। তার কণ্ঠে স্বর্ণহার, বাহুতে অঙ্গদ, কানে কুণ্ডল।

বিশাখাকে দেখেই সে হাসিমুখে অভ্যর্থনা করে উঠল, ‘এসো এসো প্রিয়ে, বসো, বসো।’

বিশাখা তাকে অভিবাদন করে অদূরে একটি ভদ্রপীঠে বসল।

পুণ্যবর্ধন বলল, ‘এত দিন বিরহে বড়ই কষ্ট পেয়েছ প্রিয়ে, আমায় ক্ষমা করো। কীভাবে বড়ই ব্যস্ত ছিলাম।’

বিশাখা মৃদু হেসে বলল, ‘সারা রাতই আপনি কাজ করেন? এমন করলে শরীর নষ্ট হয়ে যাবে যে!’

‘কৌতুক করছ?’ পুণ্যবর্ধন হেসে উঠল। সে রসিক। তা ছাড়া আজ এতদিন পর বিশাখার কক্ষে আসার অনুমতি পাওয়ায় তার মনটা অত্যন্ত স্ফূর্তিতে আছে।

বিশাখা বলল, ‘আর একটা প্রশ্ন করব, সেটাকে যেন কৌতুক বলে নেবেন না।’

‘করো, করো। আজ তোমাকে শত প্রশ্ন করার বর দিলাম। সব প্রশ্নের যথাযথ সুসঙ্গত উত্তর পাবে।’ দু’হাত প্রসারিত করে বর দান করল পুণ্যবর্ধন।

‘শত প্রশ্ন নয়। একটাই প্রশ্ন আছে। আমার কোন দাসীটি আপনার সবচেয়ে মনঃপূত?’

‘দাসী তো তোমার সবগুলিই চমৎকার !’

‘তবু, তার মধ্যে ?’

‘কেন বিসাখা ! হঠাৎ এ প্রশ্ন !’

‘আপনি আমার দাসীদের মধ্যে একজনকে শয়নসঙ্গিনী বেছে নিন । অবশ্য তারও সম্মতি চাই । যে সম্মত হবে তাকে পাবেন, অন্যদের না ।’

পুণ্যবর্ধনকে যেন কেউ কশাঘাত করেছে । সে বলল, ‘কী বলছ বিসাখা ! আমি দাসী নিয়ে কি উপশপ্তী নিয়ে রাত্রিযাপন করবো, আর তুমি ?’

‘এই গৃহে আরও কক্ষ আছে । সমান সুখদ ও মনোহর, আমি সেইখানে শয়ন করবো ।’

‘কেন ?’

‘অনেক কুলপুত্রই তো দাসীদের সঙ্গে ব্যভিচার করে থাকেন, কেউ তো দোষ দেয় না ! এমন কি দাসীরাও তো সম্পত্তিই ! তাদের ব্যবহার করলে, তা তো ব্যভিচার বলেও গণ্য হয় না দেখি । আপনি আশ্চর্য হচ্ছেন কেন ?’

গর্বিত কণ্ঠে পুণ্যবর্ধন বলল, ‘তা যদি বলো, আমার রুচি অতি সূক্ষ্ম বিসাখা, তুমি জানো না তাই বলছ । এ গৃহে তুমি আসবার পূর্বেও যৌবনবতী দাসী ছিল । আমি কোনওদিন তাদের শয্যা ডাকবার কথা চিন্তাও করিনি । মূর্খ, নীচ ওই সব স্ত্রীলোক হবে পুণ্যবর্ধনের শয্যাসঙ্গিনী !’

‘তবু আপনাকে এখন বিসাখার পরিবর্তে বিসাখার দাসীতেই তুষ্ট হতে হবে । কারণ বিসাখা দাসের সঙ্গে প্রণয় করতে পারে এ কল্পনা যদি আপনার পক্ষে সম্ভব হয়, তা হলে সুমনাপুত্রী আপনাকে দাসীভোগ্য ছাড়া আর কিছু ভাবতে পারে না ।’

‘ও হে, আমি তোমার সম্পর্কে অনুসন্ধান করেছিলাম বলে ক্রুদ্ধ হয়েছ ?’

পুণ্যবর্ধন তার কুন্দশুভ্র দাঁতের পঙ্কজি বার করে, তার সুকুমার ওষ্ঠাধর বিস্তৃত করে হাসতে লাগল, ‘সে দেখো বিসাখা, তুমি নববধু, কুমারী কন্যা, অথচ আমার প্রতি তোমার কোনও আকর্ষণ দেখছি না, আমার মনে সংশয় হবে না ! তার পরে দেখো, নারীরা স্বভাবতই কামপরায়ণ । পশুতেরা বলেন স্ত্রীলোককে কখনও বিশ্বাস করবে না । সেই কথা নামের রমণীর গল্প জানো না ? যার পাঁচ পাঁচটি রূপবান, গুণবান, বীর্যবান পতি ছিল, তবু সে এক কুঞ্জ পরিচারকের প্রণয়াসক্ত হয়ে, তার অনুগত হয়ে পতিদের প্রবঞ্চনা করত ! রমণীরা সুযোগ পেলেই স্বামীর সখা, সূত, দাস, এমন কি ভ্রাতা বা পিতার সঙ্গেও...’

বিশাখা গভীর গলায় বলল, ‘স্তব্ধ হোন । আর একটিও ইতরবাক্য উচ্চারণ করলে তার ফল ভালো হবে না ।’

পুণ্যবর্ধন বলল, ‘আচ্ছা, আচ্ছা না-ই বললাম ।’ কিন্তু তার মুখ এবার অপ্রসন্ন ।

‘নারীদের সম্বন্ধে এরূপ ধারণা যে পোষণ করে সে আমার দাসীদেরও যোগ্য নয়’, বলে বিশাখা কক্ষ ত্যাগ করতে উদ্যত হল ।

পুণ্যবর্ধন এক লাফে উঠে এসে তার হাত শক্ত করে ধরল, কর্কশ কণ্ঠে বলল, ‘এত সাহস তোমার যে, সামান্য নারী হয়ে স্বামীকে, প্রভুকে উপেক্ষা করো ! গালি দাও !’ বলতে বলতে সে বিশাখার মৃগালের মতো সুগোল কমণীয় মণিবন্ধটিতে মোচড় দিতে লাগল ।

বিশাখা সামান্য একটা হাত ঝাড়ার মতো ভঙ্গি করতেই পুণ্যবর্ধন ছিটকে পড়ে গেল শয্যার ওপরে । তার নিম্ন পালক থেকে ঝুলছে । বিশাখা অটল মহিমায় দাঁড়িয়ে দাঁড়িয়ে বলল, ‘সামান্য নারী বিসাখা নয় । কিন্তু তুমি অতি অধমেরও অধম পুরুষ । তোমার লজ্জা নেই তাই অগণিত গণিকাগৃহে গিয়ে গিয়ে নিজের কৌমার নষ্ট করেছ । অন্যান্য সঙ্গীদেরও তাই করতে দেখেছ । তারও পরে তোমার নারী-নিন্দা করবার সাহস হয় ! প্রভু ! স্বামী ! এই পৃথিবীতে বিসাখার প্রভু কেউ নেই । আর বিবাহিত স্বামী বলে যদি নিজেকে বিসাখার প্রভু বুলতে চাও, বলতে পারো । কিন্তু বিসাখা কোনওদিন তোমার মতো হীন ব্যক্তিকে প্রকৃত স্বামী বলে স্বীকার করবে না ।’

বিশাখার উদ্বেজিত বাচনে, তার বক্তব্যে, তার কথার বাঁধুনিতে এবং ক্রোধে যত না বিস্মিত হয়েছিল, তার চেয়েও অনেক বিস্মিত হয়েছিল পুণ্যবর্ধন তাকে ওভাবে এক ধাক্কায় শয্যা ফেলে

দেওয়ায় । সে অবাধ চোখে তাকিয়ে বলল, 'তুমি কি নারীবেশী পুরুষ ? কোনও স্বাক্ষরিত জাদুকর ? কে তুমি ?'

বিশাখা তন্তুকাঠে বলল, 'সেদিন স্বপ্ন-মা জিজ্ঞাসা করেছিলেন কোনও দুর্বৃত্ত তোমাকে আক্রমণ করলে কী করবে ? আমি তাঁকে আশ্বস্ত করেছিলাম এই বলে যে, দশজন পুরুষকে ধরাশায়ী করাও আমার কাছে কিছু না । তখন ভাবিনি আমার বিবাহিত পুরুষই হবে প্রথমতম দুর্বৃত্ত, যাকে আমায় ধরাশায়ী করতে হবে । শোনো পুণ্যবর্ধন, স্বপ্নিও নয়, জাদুবিদ্যাও নয়, আমার পিতা-মাতা আমাকে মন্ত্রবিদ্যা, শরসন্ধান, ভারোত্তোলন সব শিখিয়েছেন । তা তোমারই ওপর প্রথম প্রয়োগ করতে হল । ঠিক, ঠিক তোমাকে । বিসাখা নারী কি পুরুষ, কি ছদ্মবেশী দেবতা জন্মনা করতে থাকো, আমি এখন চললাম ।'

হতবুদ্ধি পুণ্যবর্ধনকে শয্যার ওপর উপবিষ্ট রেখে, কক্ষ ত্যাগ করল বিশাখা । ক্রুদ্ধ সপিনীর মতো নিশ্বাস ফেলতে ফেলতে নিজের প্রসাধনগৃহে ঢুকল । ধনপালী কিছু অবশিষ্ট কাজ সারছিল । সে দেখল তার স্বামিনীর মুখ একেবারে রক্তবর্ণ হয়ে উঠেছে । যেন কিংগুণ ফুটেছে একগুচ্ছ । চোখ দুটি অঙ্গারখণ্ডের মতো জ্বলছে । তার পদক্ষেপ অতি দৃঢ় এবং সশব্দ । সে যেন স্বয়ং দক্ষিণাঙ্গি মূর্তি ধরেছে । কিংবা যক্ষী, কালপুরুষী, ঠিকমতো হব্য না দেওয়ায় ক্ষিপ্ত হয়ে মুখ ফিরিয়ে নিচ্ছে ।

ধনপালী ভয়ে বিবর্ণ হয়ে ছুটে এলো, 'ভন্দা, বিসাখাভন্দা, কী হয়েছে ?'

বিশাখা ততক্ষণে প্রসাধন ঘরের পর্যঙ্কিকায় শুয়ে পড়েছে । সে বলল, 'কস্তুরী-গন্ধ জল নিয়ে আয় পালি, আমার সর্বাঙ্গ মুছিয়ে দে । দেহ যে জ্বলে যায়, মন জ্বলে যায় । ধূপ জ্বালা, বড় দুর্গন্ধ । বাতায়নগুলো খুলে দে না । না, বন্ধ করে দে, বন্ধ কর । এখানে কি কাছাকাছি কোথাও মলক্ষেত্র আছে ? হায় পালি, পিতা কই আমার ? পিতা । মা । মাতা কোথায় গেলেন ? আমায় আমার মাতার কোলে, পিতার কোলে ফিরিয়ে দিয়ে আয় । আর তা যদি সম্ভব না হয় তো জ্বলন্ত অগ্নিকুণ্ড কর, বারাগসী-বর্ধকিদের এই শিল্পকীর্তি ভেঙেচুরে যজ্ঞের আয়োজন কর, মহাযজ্ঞ । আহুতি দে, আহুতি দে বিসাখাকে । কে, কোথায় কোন দেবতা আছেন জানি না, বিসাখা-মাংস আহুতি দিয়ে তুষ্ট কর, তুষ্ট কর সেই নিষ্ঠুরকে...' বলতে বলতে শয্যার ওপর গড়াগড়ি খেতে লাগল বিশাখা, যেন সত্যিই তার সারা শরীরে আগুন লেগে গেছে ।

ধনপালী ততক্ষণে দ্রুত হাতে কস্তুরী-জল নিয়ে এসেছে । ছুটে ছুটে খুলে দিয়েছে সব গবাক্ষ । ঘণ্টা বাজিয়ে ডেকেছে কহা ও ময়ূরীকে । দুয়ার বন্ধ করে তিনজনে মিলে যা যা কৌশল জানে সমস্ত প্রয়োগ করে শান্ত করবার চেষ্টা করছে বিশাখাকে । দেবী সুমনা বলে দিয়েছিলেন, "বিবাহের পর গোড়ায় গোড়ায় অনেক সময়ে শয়ন-কলহ হয় । তোমরা বিসাখার প্রতি দৃষ্টি রেখো । সে বড় তেজস্বী কন্যা ।" কিন্তু এখন বিশাখাভদ্রার অবস্থা দেখে মনে হচ্ছে এ শুধু শয়ন-কলহ নয় । তাদের প্রভুকন্যা তেজস্বী হলেও চিরদিন সংযত, আশ্রয় । আজ যেন সে নিজের ওপর সমস্ত নিয়ন্ত্রণ হারিয়ে ফেলেছে ।

অনেকক্ষণ পর যখন বিশাখা অপেক্ষাকৃত শান্ত হয়ে এসেছে, বারবার সুবাসিত স্নিগ্ধ জল দিয়ে তার শরীর মোছা হয়েছে, হাতে-পায়ে গণ্ডে স্বেতচন্দনের প্রলেপ দেওয়া হয়েছে, ময়ূরপাখীর বীজনী দিয়ে বাতাস করা হয়েছে সমানে, সে তার অশ্রুমুখী তিন দাসীর দিকে চেয়ে তর্জনী তুলে বলল, 'ময়ূরি, কহা, পালি, আজ থেকে তোরা আমার সই, কেউ যেন তোদের দাসী না বসে...'

ময়ূরী তার পায়ের ওপর মাথা রেখে রুদ্ধ কণ্ঠে বলল, 'আমরা তোমার সেবা করতেই যে চাই ভন্দা ! তোমাকে সাজিয়ে দেবো, তোমার শুশ্রূষা করবো, তোমার আশ্রয় পালন করব— এতেই আমাদের সুখ । এর অধিক সুখ, সত্যি বলছি, আমাদের আর কিছুতেই নেই ।'

বিশাখা উপুড় হয়ে শুয়ে তার অশ্রুজল গোপন করল । নিজস্ব সাধারণ স্বামিনীর মতো সে এই সুন্দর মেয়েগুলিকে পুণ্যবর্ধনের দিকে এগিয়ে দিতে চেয়েছিল, নিজে বাঁচবার জন্যে । ঠিক, ঠিক তাকে । সে বাষ্পভরা গলায় বলল, 'তোরা যেভাবে থেকে আনন্দ পাস পালি, সে ভাবেই থাক । কিন্তু জেনে রাখিস তোদের শেকল কেটে দিয়েছি । তোদের পিঞ্জর খুলে রেখেছি । ধনশালী পিতার কন্যা বলে যে আকাশে উড়তে শিখেছি সেই আকাশে তোদের ওড়াবো । উড়তে শেখাবো । দাসী ১৬৪

কথাটা আর কখনও উচ্চারণ করবি না ।’

ধীরে ধীরে বিশাখার চোখ বুজে আসে । কথা তার পা সংবাহন করছে । ধনপালী তার মাথাটি কোলে নিয়ে বসে ধীরে ধীরে নতুন করে চন্দনের প্রলেপ লাগিয়ে দিচ্ছে । ময়ূরী সারা শরীরে তার কোমল আঙুলগুলি বোলাচ্ছে । বিশাখা ঘুমোচ্ছে বুঝতে পেয়ে তারা এক সময়ে ধীরে ধীরে নেমে যায়, কাঠকুড়িমের নানান স্থানে নিজেদের শয্যা পেতে শুয়ে পড়ে । প্রায় সঙ্গে সঙ্গেই ঘুমিয়ে পড়ে । এ ওকে পাশ ফিরিয়ে দেয়, ও এর বুকের ওপর থেকে হাত নামিয়ে রাখে । সাবধান ! নাসিকা গর্জনে আবার ভদ্রার ঘুম ভেঙে না যায় !

বিশাখা ঘুমোয় অথচ ঘুমোয় না । তার ভেতরে, অন্তরের অন্তস্তলে কোথাও সে যেন জেগে থাকে । দেখতে থাকে কৃষ্ণবর্ণ আকাশ, দীপ্যমান নক্ষত্র সব । এই জ্যোতিষ্কগুলির অনেকেই নাকি মানুষের জীবন নিয়ন্ত্রণ করে । সত্য ? এ কথা সত্য ? তা হলে কর্মফল কী ? মানুষের জীবন নক্ষত্রসকলের নিয়ন্ত্রণে ? না কর্মফলচক্রের নিয়ন্ত্রণে ? ওই আকাশের আচ্ছাদনটি খুলে ফেললে কি ওপারে স্বর্গলোক দেখা যাবে ? সেখানে দেবতারা বিচরণ করেন ? কে এই দেবতারা ? ঐরাও তো ক্ষমতাশালী ? ঐরাও তো মানুষের ওপর ক্রোধ, ঘৃণা, শ্রীতি দেখান । অগ্নি, বায়ু, এগুলি জড় প্রাকৃতিক শক্তি, তথাগত বলেছিলেন, কিন্তু ইন্দ্র ? সোম ? ঐরা । ঐদের সম্বন্ধে তো কিছু বলেছেন বলে মনে পড়ছে না । ইন্দ্র, সোম, রুদ্র ঐদের তুষ্ট করতে পারলেও তো বাঞ্ছিত বস্তু মেলে । তা হলে ঐরাও জীবন-নিয়ন্ত্রণে অংশ নিচ্ছেন ! প্রকৃত নিয়ন্তা কে ? কে ঠিক করে দিল বিশাখা ধনঞ্জয়-সুমনার গৃহে জন্মাবে ? মিগারের ঘরে নয় ? কে ঠিক করল বিশাখা বিশাখাই হবে । ধনপালী, খুজ্জ উত্তরা বা তিস্য কি তিস্যর সেই বন্ধু আত্রেয় নয় ? কে স্থির করল বিশাখার জননী সুমনা প্রণয় জানবেন কিন্তু তাঁর কন্যা বিশাখা জানবে না ! কোথায় ছিল এই পুত্রবদধন আর তার পিতামাতা ! তার জীবনের কোনও কোণেই তো ছিল না । কার নির্দেশে সহসা সে উৎক্লিষ্ট হল সাকেতের ধনঞ্জয়লোক থেকে সাবথির মিগারলোকে ? কে জুড়ল এই দুটি মানুষকে যাদের কোথাও কোনও সাদৃশ্য নেই ! অথচ যাদের হৃদয় বিনিময় করতে বলা হচ্ছে, দেহে মিলিত হতে বলা হচ্ছে, প্রজা উপাদান করতে বলা হচ্ছে, শতবর্ষ পর্যন্ত জীবিত থেকে সম্ভূতির ক্রমপ্রসরণ ধারা দেখে যেতে বলা হচ্ছে, কার ব্রতে সে হৃদয় দেবে ? কাকে অনুসরণ করবে ? কাকে হবিঃ দেবে ? কাকে । কাকে !

২২

কৃষ্ণপক্ষের রাত । ওপরে আকাশে যেমন নক্ষত্রগুলি বিশেষ জ্যোতিষ্কান, নিচের বনভূমিতে, কাননেও তেমনি অসংখ্য খদ্যোৎ জ্বলছে নিবছে, জ্বলছে নিবছে । ঝিল্লির বননন ক্রমশই আরও, আরও সশব্দ হয়ে উঠছে । বহু প্রকার নৈশকুসুমের গন্ধে রাজগৃহ নগরের অঞ্চলপ্রান্ত আমোদিত । অট্টালিকাগুলিতে আজকের মতো দীপ নিবে গেছে । খালি জন্মবনের মধ্যবর্তী এই সদ্য নির্মিত কাঠের একতল প্রাসাদের প্রধান কক্ষে দীপ জ্বলছে । দীপটিকে মৃদু করে দেওয়া হয়েছে, তবু কিছু বন্য কীট তার আলো লক্ষ করে ঘুরছে, মাঝে মাঝে পোড়া কীটদেহের কাট গন্ধে ভারি হয়ে উঠছে বাতাস । পরক্ষণেই, বাতায়নের পাশে রাখা সুগন্ধিচূর্ণের ওপর দিয়ে বাতাস বয়ে ধরে ঢুকছে, সঙ্গে সঙ্গে সুরভিত হয়ে যাচ্ছে সব ।

অনেকক্ষণ চুপ করে থাকার পর চণক গভীর স্নেহ ও স্বস্তিভরা চোখে চেয়ে জিজ্ঞাসা করল, ‘বলো সোমা, কী করে এ অসম্ভব সম্ভব করলে ? তুমি নিশ্চয় জানো, আমার গাঙ্গার ত্যাগ করার একটি কারণই ছিলে তুমি । যখন দিবারাত্র ভাবছি কী করে তোমাকে মুক্ত করবো সেই সময়ে হঠাৎ একদিন তুমি আমাকে হতাশার সমুদ্রে নিক্ষেপ করে রাজপ্রাসাদে চলে গেলে ।’

চণক দীর্ঘ ঘরটির মধ্যে পদচারণা করছে, এক একবার থামছে, কোনও স্তম্ভের বেদীতে ডান পা তুলে দিয়ে কনুই তার ওপর রেখে দাঁড়াচ্ছে । কথা বলছে আবার পদচারণা করছে । তার পক্ষে যতটা উত্তেজনা প্রকাশ করা সম্ভব বোধ হয় সে করেছে ।

জিতসোমা মাটিতে বসে। সে আঙুল দিয়ে আঁকিবুঁকি কাটছে মেঝেয়। কখনও তার বাঁ হাতের অনামিকা থেকে বৈদ্যুর্মণির বিশাল অঙ্গুরীয়টি খুলে ফেলছে, আবার পরছে। দুজনই যে অতিশয় উত্তেজিত তা তাদের আচরণ দেখলেই বোঝা যায়। অদূরে একটি ভূঙ্গারে শীতল পানীয় রেখে গেছে দাসীরা। কৃষ্ণবর্ণের মুক্তিকার উজ্জ্বল চিত্র-করা পানপাত্র। জিতসোমা একটি পাত্রে পানীয় টেলে মৃদুস্বরে বলল, 'এটা পান করে নিন। রাত্রের আহাৰ্য তো কিছুই স্পর্শ করেননি!'

চণক বলল, 'সে কি তুমিই করেছ? সোমা, আজ ক্ষুধাতৃষ্ণা ভুলে যাওয়ার দিন। বলো, শীঘ্র বলো, আমি অধীর হয়ে রয়েছি।'

'আপনি জানেন না মা আমাকে কী বলে গিয়েছিলেন!' সোমা বলল।

'কেমন করে জানবো? কিছুটা হয়ত অনুমান করতে পারি!'

'মা আমাকে বলেন, এই তোঁর পিতৃপরিচয় সোমা, আর সে জন্যই চতুষ্টিকলাতেই যাতে তোঁর মন না থেমে থাকে তাই তোকে বেদবিদ্যা শেখাবার ব্যবস্থা করা হয়েছিল। তুই গণিকাবস্তি নিস না।' একটু থেমে সোমা বলল, 'এ কাজ কত কঠিন, তা তো আপনি জানেন! যতদিন মা ছিলেন আমাকে আড়াল করে ছিলেন, তার পর?'

'জানি, নিশ্চয় ফেলে চণক বলল, 'আর তাই-ই মহামাত্র যখন তাঁর উপটোকনের ঝুলি থেকে ঐন্দ্রজালিকের মতো তোমায় বার করলেন তখন যত না বিস্মিত হয়েছিলাম, তার চেয়েও বেশি হয়েছিলাম বিষণ্ণ।'

'বিষণ্ণ কেন?'

'সে কী? এক রাজপ্রাসাদের অন্তঃপুর থেকে আরেক রাজপ্রাসাদের অন্তঃপুরে স্থানান্তরিত হয়ে গেলে, প্রকাশ্য সভায় তোমায় দান করে দেওয়া হল, এতেও বিষণ্ণ হব না! তবে সোমা কষ্টিপাথরে সোনার স্কীণ রেখার মতো একটু আলোও যেন দেখতে পেয়েছিলাম।'

জিতসোমা মুখ তুলে বলল, 'সত্যি! কেন?'

'গাঙ্গারে গণিকার মুক্তির উপায় নেই, কিন্তু মগধে দেখছি আছে। গণিকা-কন্যা এমন কি গণিকারও বিবাহের কথা শুনছি এখানে। সে যদি রাজকোষ থেকে ভূতি পায় তো তার জন্যে নিজস্ব দিয়ে তাকে মুক্ত করা যায়। মগধ অনেক উদার, অকুষ্ঠ, নতুন নতুন চিন্তাধারা সাদরে গ্রহণ করে। প্রকৃতপক্ষে সোমা, মগধই আমাদের ভবিষ্যৎ। তোমার আমার শুধু নয়, আমাদের সবার। এ সম্পর্কে পরে তোমাকে আরও অনেক কথা বলবার আছে। এখন তুমি বলো কীভাবে তক্ষশিলায় রাজ্যান্তঃপুর থেকে এ পর্যন্ত এলে।'

জিতসোমা বলল, 'কীভাবে এলাম তার চেয়েও বড় কথা আৰ্য, কেন এলাম! কী তীব্র মুক্তির ইচ্ছা তার পেছনে কাজ করছিল।'

'বলো, বিশদ বলো।'

'আমার জননী যদি জ্ঞান হয়ে থেকে নানাভাবে আমাকে মুক্তির কথা না বলতেন, তা হলে আমি হয়ত ভাবতাম, গতজন্মের কুকর্মের ফলেই গণিকার ঘরে জন্মেছি।' কিন্তু মা বলতেন "আমি তো গণিকার ঘরে জন্মাইনি, ভাগ্য নয়, একটার পর একটা মানুষের ষড়যন্ত্রের ফলেই গণিকায় জন্মেছি।" জামেন নিশ্চয় মা ছিলেন কাশ্মীরের এক আচার্যের কন্যা। বড় আদরের। বছর দুটো বয়স পর্যন্ত আচার্যের অন্যান্য শিষ্যদের সঙ্গে নিয়মিত বিদ্যাভ্যাস করতেন। ভয়ানক অহিন্দুক রোগে আমার সেই মাতামহ-মাতামহী, তাঁদের শিষ্যগুলি, শিশুপুত্র সবাই মারা যান। তখন রাজারই উচিত ছিল মায়ের মতো অনাথ-অনাথাদের ব্যবস্থা করা। তা তো তিনি করলেনই না, উপরন্তু গ্রামের একজন লোভী লোক সেই দশ বছরের বালিকাকে তার স্ভাতকদের কাছে পেঁচিয়ে দেবার নাম করে তক্ষশিলায় এনে বেচে দিল। ক্রেতা ছিলেন মহামাত্র দ্যুমৎসেন। দর্ভসেনের পিতা। তাঁর স্নানের সময়ে ঘটে করে জল এনে দেওয়া ছিল মায়ের কাজ। একদিন মহামাত্র বসলেন, এ বালিকা তো দেখি অতিশয় রূপসী! রাজাকে জাল্লাতে হচ্ছে! রাজকোষ থেকে এর শিক্ষার ব্যবস্থা করতে হবে। শুনে, জানেন আৰ্য, মা ভেবেছিলেন তাঁর বিদ্যাশিক্ষার আয়োজন হচ্ছে বুঝি। তিনি উৎফুল্ল হয়েছিলেন। একটি বয়স্ক দাসীকে সে কথা বলায় সে তো হেসেই আকুল! কিছুদিন পর শ্রৌটা গণিকা অভয়ার কাছে ১৬৬

য়েখে তাঁকে চতুঃষট্ঠিকলা শেখাবার ব্যবস্থা হল। সঙ্গীত, নৃত্য, বীণাবাদন, কাব্যরচনা, দ্যূতক্রীড়া, গঙ্ঘযুক্তি, সজ্জা, অলঙ্করণ, অলঙ্কার নির্মাণ, রত্নপরীক্ষা, বিষনির্গম্য তার প্রতিবিধান। আর্ঘ্য চণক এ সবই আমাকেও শিখতে হয়েছে। আচ্ছা আপনিনিই বলুন, বিদ্যাশুলি কি মন্দ ?

‘কখনওই নয়। এ সব বিদ্যা যে জানে সোমা, সে তো বিশেষ সন্ত্রমের যোগ্য।’ চণক ভাবতে ভাবতে বলল, ‘সে সন্ত্রম যে তাঁদের দেওয়া হয় না, তাও নয়। সমাজ-উৎসবগুলিতে নগর-গণিকার সমাদর তো দেখেইছ সোমা। আচ্ছা, এই যে রাজপুরুষরা তাঁদের “আসুন আসুন” বলে বিশেষ অভ্যর্থনা করে, সাধারণেরা সসন্ত্রমে পথ ছেড়ে দেয়, অলঙ্কৃত বিশেষ আসনে তাঁদের বসবার ব্যবস্থা হয়— এই সমাদর কি সম্পূর্ণ অন্তঃসারশূন্য ?’

সোমা বলল, ‘সোনার পিঞ্জরে ময়ূর দেখেছেন আর্ঘ্য ? এ সেই প্রকার সমাদর। মা বলতেন— “সঙ্গীত, নৃত্যকলা কী গভীরভাবেই না ভালোবেসেছিলাম ! তার পরে ধীরে ধীরে বুঝলাম এইসব ছন্দোবদ্ধ অঙ্গশ্রেণি যার নাম নৃত্য, যা আমাকে আনন্দের তুরীয়লোকে নিয়ে যায়, আর এই যে সুরলহরী—বীণা থেকেই আসুক, কি কণ্ঠ থেকেই, যা আমার নাম, রূপ, অস্তিত্ব সব ভুলিয়ে দেয় তা কিছু কামলোলুপ মানুষের দেহে-মনে উত্তেজনা জাগাবার কাজে লাগবে। সত্যিকারের কলারসিকের দেখা সারা জীবনে যে পাইনি, এ কথা বললে অন্যায় হবে। কিন্তু অধিকাংশই সুরাপানের বিকল্প বলে, ইন্দ্রিয় উত্তেজক বলে, দেহভোগের ভূমিকা বলে দেখে নৃত্য-গীতকে। লোকের বিকৃত রুচিকে তুষ্ট করতে কামকলার কত যে খুঁটিনাটি শিখতে হয়েছে !” এই সব বলতে বলতে আমার হতভাগিনী জননী কখনও কখনও খালি কাঁদতেন, কখনও ক্রুদ্ধ ভূজঙ্গিনীর মতো নিশ্বাস ফেলতেন। আর বারবার বলতেন—“তুই চলে যাবি সোমা, তুই এই বিষবৃন্ত থেকে বেরিয়ে যাবি।” তারপর তো অল্পদিনের ব্যাধিতে মারাই গেলেন !’

জিতসোমা নীরবে তার অঙ্গুরীয়টি আঙুলের ওপর ঘোরাতে লাগল। এটাই সম্ভবত তার মুদ্রাদোষ।

চণক বুঝল সে এখন কাঁদছে। বাইরে নয়। ভেতরে ভেতরে। আর্দ্র হয়ে রয়েছে তার হৃদয়-মন। দেখতে দেখতে সে ভাবল— এই আর্দ্রতার পাশাপাশি কি অগ্নিও আছে ? যা জিতসোমার মা জনপদশোভিনী আর্ঘ্যা দেবদত্তার ছিল। তাঁর নৃত্য-গীত দেখবার সুযোগ কখনও হয়নি চণকের। সোমাকে বেদবিদ্যা শেখাতে গিয়ে সে আর অনঘ এই দীপ্তিমতীকে দেখেছিল, দেখত প্রায়ই। তারা শুনেছিল তাঁর অগ্নিগর্ভ বাক্য। কক্ষ থেকে কক্ষান্তরে যেতে যেতে তিনি তাদের উপস্থিতি সম্পূর্ণ বিস্মৃত হয়ে সহসা-মনে-আসা শব্দমুখ আবৃত্তি করতেন। চণক বসে আছে। জিতসোমা নিবিষ্ট মনে তার ভাষ্য শুনছে। সহসা সেই গরিমাময় কণ্ঠস্বর

ঝঙ্কারী আগে ছিলাম শুনতে আসত ভাবুক

বায়ুর মতো বয়ে গেছি সংহিতায় তখন

জলের মতো হিল্লোলে কল্লোলে জীবন

এখন তবে কিংময়ী ? আসছে কেন কামুক ?

মাটির ঘট ভাঙ তোর উর্জে ওঠ আশুন

বালসে দিক সর্বিদিক সর্বজীব সর্বদেব অহম্ আবাং বয়ম্

এই আশুন যদি থাকে, তবেই জিতসোমার কান্নার জল বাষ্প হবে। ভেতরে এক মহাশক্তির উত্থান হবে। যেমন নদীসকলের জলের ওপর সূর্যের তেজ ক্রিয়া করলে বাষ্প উত্থিত হয়। এই বাষ্প উর্ধ্বে উঠে যায়, জন্মায় মহামেঘ। মেঘে মেঘে ঘূট হলে তবেই উৎসর্গ হবে মহাশক্তি—বিদ্যুৎ, বজ্র।

নিজেকে খানিকটা শান্ত করে জিতসোমা বলল, ‘মা-ই আমাকে বলেছিলেন মহামাত্র দর্ভসেনকে তুষ্ট করে রাজপ্রাসাদের অন্তঃপুরে স্থান করে নিতে। বলেছিলেন—“বরং রাজকুমারীদের সৈরিন্দী হয়ে থাকবি, কদাপি রাজা বা রাজকুমারদের ছত্রধারিণী, চামরগ্রাহিকা, সংগ্রাহিকা এসব হবি না।” অবশেষে যেতে পারলাম, মহামাত্র দর্ভসেনকে তুষ্ট করে—’ বলতে বলতে জিতসোমার চোখ মুখ বিকৃত হয়ে উঠতে লাগল, সে হঠাৎ উদ্ভ্রান্ত ঘৃণায় বলে উঠল, ‘গণিকাদের কামকলার এত খুঁটিনাটি



শেখায়, কিন্তু গণিকাভোগী পুরুষগুলোকে তো দেখি কিছুই শেখায় না। শ্রৌঢ় বয়স পর্যন্ত সব এক একটি গর্দভ, জরদার হয়ে থাকে...’ শিউরে শিউরে উঠতে লাগল সে। বেশ কিছুক্ষণ পর তার বোধ হয় চেতনা হল— সে মাথা হেঁট করে বলল, ‘ক্ষমা করুন আর্ঘ। এ সব কথা আপনার সামনে আমার বলা উচিত হয়নি।’

চণক একটি বেদীতে বসেছিল, নত মুখে। সে সেভাবেই বলল, ‘না, না, সোমা উচিত-অনুচিতের কথা নয়। তোমার কাছ থেকে আমি অনেক নতুন কথা জানতে পারছি। পুরনো জ্ঞানার ওপর ভিন্ন দিক থেকে আলোকপাত হচ্ছে। কিছুই তুমি বাদ দিও না। জীবনের দিগদর্শন করতে হলে পরোক্ষ অভিজ্ঞতাকে যথাযথ মূল্য দিতে হয়। কে বলতে পারে, তুমিই হয়ত আমাকে পথ দেখাবে।’

জিতসোমা এতক্ষণে হেসে ফেলল, বলল, ‘আচার্য চণককে পথ দেখাতে পারবো কি না জানি না, কিন্তু নিজের যে এক ধরনের ভূয়োদর্শন হয়েছে এ কথা স্বীকার করতেই হয়। মা আরও কী বলতেন জানেন?’

‘কী?’

‘বলতেন, রাজকুমারীদের, রানিদের তুই যা-যা জানিস সব শিখিয়ে দিবি। বিদ্যাগুলি তো ভালোই। কুলনারীরা সামান্য কিছু সাজসজ্জা, অলঙ্করণ, রঞ্জনবিদ্যা এই তো শেখে, তাই প্রমোদের সন্মানে পুরুষগুলো অন্যত্র যায়। কুলনারীরাও যখন নৃত্য-গীত শিখবে, কাব্যরচনা করতে পারবে, দ্যুতক্রীড়ায়, তর্কে, আলোচনায় পুরুষের সঙ্গী হতে পারবে তখন ওগুলি গৃহসীমার মধ্যে থাকতে শিখবে। সত্যিকার গৃহস্থ হবে।’

চণক দাঁড়িয়ে উঠে সবিস্ময়ে বলল, ‘সত্যিই তো সোমা, এভাবে এ কথা কেন আমার আগে মনে হয়নি?’

সে যেন আবিষ্কারের আনন্দে বাম হাতে ডান হাত দিয়ে মুট্টাঘাত করল। আপন মনে বলল, ‘এক শ্রেণী গৃহরক্ষা করবে, প্রজা উৎপাদন করবে। আরেক শ্রেণী চিন্তের, মস্তিষ্কের সুস্পষ্টতর ক্ষুধাগুলি মেটাবে। আশ্চর্য, এই সুস্পষ্ট বিভাজন কবে থেকে হল, কেন হল, কেমন করে হল? তোমরা কি চিরদিনই এমনি ছিলে সোমা! আমি তোমার আচার্য ছিলাম আমি জানি কোনও পুরুষ-শিষ্যর থেকে মেধা, উদ্ভাবনীশক্তি, প্রয়োগক্ষমতা তোমার ন্যূন নয়। আমার দুই ভয়ী ছিল অসাধারণ ভীক্ষুধী। তা হলে?’

সে আবার পদচারণা করতে করতে মাঝে মাঝে থেমে বলতে লাগল, ‘আমি সাধারণ বারস্ত্রী বা বেশ্যার কথা বলছি না। কিন্তু যারা এই বৃত্তিতে শ্রেষ্ঠ, তাঁদের কিন্তু রাষ্ট্রের ব্যয়েই শিক্ষিত করা হয়, যেমন আর্ঘ্য দেবদত্তাকে করা হয়েছিল। কী অদ্ভুত দেখো। রাষ্ট্রের কী স্বার্থ এতে?’

জিতসোমা বলল, ‘কেন আর্ঘ? ধরুন বাণিজ্যের শ্রীবৃদ্ধি। যে নগরে খ্যাতনামা গণিকা থাকেন, সেখানে দেশ-বিদেশ থেকে বণিক আসে তুলনায় অনেক। আসেন রাজপুরুষরাও। শুধু স্বদেশের নয়, বিদেশেরও। আপনি কি জানেন, এই যে মগধের সঙ্গে লিচ্ছবিদের বন্ধুত্ব এর মধ্যে বৈশালীর বারমুখ্যা আশ্রপালীর একটা গুরুত্বপূর্ণ ভূমিকা আছে!’

‘সত্য নাকি?’

‘হ্যাঁ আর্ঘ। তখন মহারাজ বিহিসারের অল্প বয়স, সবে রাজগৃহনগরী গড়ে উঠেছে কোশলের সঙ্গে সখ্য হয়েছে, মহারাজের চিত্র দেবী আশ্রপালীর হাতে পড়ে, মহারাজও দেবীর খ্যাতি শুনে ছিলেন, উভয়ে উভয়ের অনুরক্ত হয়ে পড়েন। তখন লিচ্ছবিদের সঙ্গে সম্পর্ক ভালো নয়, মহারাজ ছদ্মবেশে আশ্রপালীর কাছে যান। পরে সব জানাজানি হয়ে গিয়েছিল, তাইতেই তো লিচ্ছবিকুমারী ছেল্লা দেবীকে বিবাহ করে মহারাজ তাদের শান্ত করেন। আপনি আশ্রপালীর পুত্র কুমার বিমলকে দেখেননি?’

‘নাঃ। আমি রাজার সঙ্গে বাইরে বাইরে ঘুরি। রাজপরিষদের কারও সঙ্গেই আমার পরিচয় নেই।’

‘কুমার বিমল স্বতন্ত্র প্রকৃতির মানুষ। যাই হোক, তা হলে দেখলেন, গণিকার পৃষ্ঠপোষকতার পেছনে কীভাবে রাজস্বার্থ কাজ করে! বিদেশের সংবাদ, অনেক গোপন সংবাদ গণিকার জানা হয়ে ১৬৮

যায়। দেশের রাজপুরুষরাও অনেক প্রকার চক্রান্তে মত্ত থাকেন, গণিকার কাছে সেসব প্রকাশিত হয়ে পড়ে। যেমন জিতসোমা জানতে পেরেছিল কাত্যায়ন চণককে মগধে দূতজ্যেষ্ঠক করে পাঠানোয় মহামাত্র দর্ভসেন ক্রোধে দিশেহারা হয়ে গিয়েছিলেন।

‘তাই-ই না? এবেং দেব পুঙ্করসারী তাঁকে আমার পৃষ্ঠরক্ষার ছলে পাঠাতে এক প্রকার বাধ্যই হন। আমি তা হলে ঠিকই অনুমান করেছি?’

জিতসোমা হাসিমুখে ঘাড় নাড়ল।

চণক বলল, ‘তা হলে গণিকারা মুখ্যত না হলেও গৌণত চর। কিন্তু চরকীট গণিকাপুষ্পের মধ্যে এমনভাবে লুকিয়ে থাকে যে, বাইরে থেকে কিছু বোঝা যায় না। বর্ণ, গন্ধ, রূপ এসব দিয়ে কীটটি ঢাকা থাকে। এই-ই রাজস্বার্থ! কিন্তু সোমা, কুলনারী আর বারনারীর মধ্যে শিক্ষার এই স্পষ্ট ভেদরেখা কার স্বার্থে? আমি সত্যই বলছি, বিভিন্ন বিদ্যা আয়ত্ত হবার ফলে উচ্চশ্রেণীর গণিকার মধ্যে একটা গরিমা আসে, যা অধিকাংশ কুলনারীর থাকে না।’ একটু থেমে সে বলল, ‘থাকলে ভালো হত।’

জিতসোমা বলল, ‘কেন হবে না বলুন? কীভাবে দাঁড়াতে হবে, কী ভাবে বসতে হবে, কী প্রকার স্বরে কাব্যালোচনায় যোগ দিতে হবে, সবই তো আমাদের শেখানো হয়। শেখানো হয় বুঝতে নিজেদের অঙ্গপ্রত্যঙ্গের মধ্যে সবচেয়ে সুন্দর কোনটি? কোনটি সবচেয়ে কুশ্রী! কী ভাবে সুন্দরটিকে অতিব্যক্ত করে কুশ্রীতাকে অব্যক্ত রাখতে হবে। আপনি অলম্বুযাকে চিনতেন?’

‘সে কে?’

‘আমাদের ওই পত্নী থেকে অদূরে থাকত। সঙ্গীতের জন্য বিশেষ খ্যাত ছিল।’

চণক হেসে বলল, ‘তুমি কি মনে করেছ দিগদর্শনের জন্য আমি সব গণিকার গৃহেই যাতায়াত করে থাকি?’

জিতসোমাও হাসছে। এতক্ষণে তার মধ্যকার বিবাদের ধূসরতা ছাপিয়ে কৌতূকের রশ্মিচ্ছটা যেন দেখা যাচ্ছে। সে বলল, ‘অলম্বুযা ছিল শয়োষ্ঠী। কিন্তু তার চোখ দুটি অন্ধুত। দীর্ঘ, সামান্য একটু বক্র, চোখের মণি দুটি গোমেদের মতো উজ্জ্বল তাম্রবর্ণ। সে হিন্দুলচূর্ণ ব্যবহার করে ত্বকের উজ্জ্বলতা তো বাড়িয়ে ছিলই, চক্ষু দুটিকে কাজল দিয়ে এমনভাবে শোভিত করত যে, তার ওষ্ঠের দিকে কারও দৃষ্টিই পড়ত না।’

চণক স্মিতমুখে বলল, ‘ভালো। গণিকার সূক্ষ্ম আকর্ষণের অনেকটাই তা হলে শিক্ষানির্ভর। এখন এই শিক্ষা পুরস্ত্রীদের কাছ থেকে গুপ্ত রাখা হয়েছে কেন? যাতে তারা পুত্রার্থে ছাড়া অন্য কোনভাবেই সমাদর না পায়? দেখো সোমা, গণিকাদের বলে স্বাধীনা। কোনও কুলস্ত্রীকে স্বাধীনা বললে সেটা পরিবাদ হবে। এ সব এক দিনে হয় না। আমার জানতে ইচ্ছে করে যযাতির সময়ে, তার আগে, তারও আগে কী ছিল। বিদুষী রমণী যে ছিলেন না বা নেই তা তো নয়—অন্তুণ কন্যা বাক, বাচরুবী গার্গী, মৈত্রয়ী, শাস্বতী বা সুলভার কথা মনে করো। আমাদের ছাত্রাবস্থায় তক্ষশিলায় দেখেছি উপাধ্যায়ী সূমতি ও দৃষদ্বতীকে। এখানে এসে দেখছি নির্গৃহদের প্রত্নাজিকাদের। এদের সম্পর্কে লোককে বলতে শুনি, নারী হয়েও ঐরা যেন পুরুষ। অথচ তোমাকে বা আমার ভ্রাতৃদের দিয়ে প্রত্যক্ষভাবে জানি, বিদ্যার কোনও পক্ষপাত নেই। সে স্ত্রী-পুরুষ নির্বিশেষে, যে-কোনও নিষ্ঠাবান পাত্রকেই আশ্রয় করতে পারে। অথচ কেন এই ধারণা! বিদ্যা আয়ত্ত করলে নারী আর নারী থাকছে না। চারুকলা আয়ত্ত করে নিজের রূপ ও বাচনকে পরিমার্জিত করলে সে গণিকাসম হয়ে যাচ্ছে। কেন এই অদ্ভুত বিপ্রতীপ আচরণ? এতে করে কি পরোক্ষ পুরুষদের গণিকাসংসর্গ করতে বাধ্য করা হচ্ছে না! গণিকাবৃত্তিকে উৎসাহ দেওয়া হচ্ছে না? সে কি তাদের কাছ থেকে অনেক পরিমাণে রাজবলি আসে বলে? ওদিকে পুরস্ত্রীকে বাধ্য করা হচ্ছে কুকুরীর মতো প্রজাবৃত্তি করতে। গর্দভীর মতো গার্হস্থ্যের বিপুল ভার বইতে। সে স্ত্রীর রূপ-যৌবন জীবনের অর্থ সব হারিয়ে ফেলছে। গণিকারও যেমন আপন ইচ্ছা বলে কিছু নেই, পুরস্ত্রীরও ঠিক তেমনই। কারওই কোনও উপায় নেই। অত্যন্ত দুঃখ এবং লজ্জার বিষয় সোমা, তোমার এবং তোমার জননীর সঙ্গে পরিচিত না হলে এসব কথা কোনদিন হয়ত ভাবতাম না। আজ তোমার সঙ্গে আলোচনাগুলো

বেরিয়ে এলো কত কথা ! তুমি না থাকলে পিতার অসমাপ্ত “রাজশাস্ত্র” শেষ করবার জনন্যই হয়ত জীবন দিয়ে দিতাম । ভূয়োদর্শনের জন্য ভ্রমণে বেরোতাম ঠিকই । কিন্তু যে-মন দেখে, বিচার করে, নির্বাচন করে চিন্তার সূত্রগুলি সাজায় সেই মন একচক্ষু হয়ে থাকত । আমি একজন বিদ্বান বলে পরিচিত ব্যক্তি, একজন চিন্তক, আমিই যদি এরূপ অন্ধ হই, কোনও সমাজবিধিকে প্রহ্ন না করি তো ইতরজনে কী করবে ? কিছুক্ষণ পর চণক ঈষৎ তরল গলায় বলল, ‘তা সোমা, রাজবাড়ির মেয়েদের তোমার বিদ্যা শেখাতে পেরেছিলে ?’

সোমা বলল, ‘রাজবাড়ি বা ধনীঘরের মেয়েদের কিন্তু বেশবাস, গন্ধযুক্তি এসব কিছু কিছু শিখতে হয় । আমি চেষ্টা করেছিলাম বিশেষ করে তাদের নৃত্য-গীত শেখাতে । পাশা খেলা শেখাতে ।’

‘শিখল ?’

জিতসোমা বলল, ‘ছন্দ ও সুরের প্রকরণ আয়ত্ত করতে আমাদের কত দিন, কত রাত বিপুল পরিশ্রম করতে হয় জানেন ? শরীর অবসন্ন হয়ে আসছে । পা আর চলছে না, খেলাম পায়ে লাঠির এক ঘা । সুরের একটি খণ্ডাংশ আয়ত্ত হচ্ছে না কিছুতেই, আদেশ হল যতক্ষণ না আয়ত্ত করতে পারছি, কঠিন খাদ্য কিছু খেতে পাবো না । সে তিন প্রহরও হতে পারে, তিন দিবসও হতে পারে । তা রানিই বলুন, রাজকুমারীই বলুন, তাঁদের কি এত ধৈর্য থাকে ? তবে আমি রাজা পুঙ্করসারীর যে কন্যাটির কাছে ছিলাম সে সন্ধিৎসু স্বভাবের ছিল । তাকে বলতাম-...’ বলে জিতসোমা হাসতে শুরু করল । হাসিতে তার উত্তরীয়ে আবৃত শরীর ফুলে ফুলে উঠতে লাগল ।

চণকের মধ্যেও তার হাসি সংক্রামিত হয়েছে । সে স্মিতমুখে বলল, ‘কী বলেছিলে তাকে ? এত হাসির কী হল ?’

জিতসোমা অতি কষ্টে হাসির বেগ সংবরণ করে বলল, ‘তাকে বলতাম, তোমার তো একদিন বিবাহ হবে, সপত্নী চাও ?’

‘না, না, একেবারেই না ।’

‘তোমার পতি তোমাকে ফেলে গণিকালয়ে যাক, চাও ?’

‘না, এরূপ পতির সঙ্গ করতে হবে ভাবলেও আমার জুগুপ্সা বোধ হয় ।’

‘তা হলে আমি যেসব বিদ্যা জানি সেসব মন দিয়ে শেখো । পতিকে বেঁধে রাখতে পারবে । সেই কুমারীটি তার গৃহে আরও কুমারীদের নিয়ে আসত, ভাবী পতিদের বেঁধে রাখবার আশায় তারা প্রাণপণে নৃত্য-গীত শিখত ।’

‘কত দূর সফল হয়েছিলে ?’

‘যাদের স্বাভাবিক সুকঠ ছিল তারা তো ভালোই শিখেছিল । কিন্তু যারা কেকাকষ্ঠী তাদের কিছুতেই বিশ্বাস করাতে পারতাম না যে নিয়মিত চর্চা করলে স্বর পান্টে যাবে । আর নৃত্যের কথা কী বলবো আর্য ! ময়ূরের যেমন নৃত্য স্বভাবের অঙ্গ, মেয়েদেরও তেমনি নৃত্য আপনা থেকে আসে । তবে কঠিন, কুশলী নৃত্যের কথা স্বতন্ত্র ।’

‘তা হলে কিছু নারীকে অন্তত সপত্নীদুঃখ, পতির গণিকাসক্তিদুঃখ ইত্যাদি থেকে বাঁচিয়ে এসেছ বলে ।’

জিতসোমা হেসে বলল, ‘পাশা খেলা এমন শিখিয়েছি যে, নিষ্কর্মা পতিগুলো হয়ত পুণ্যহেই পাশার গুটিকা নিয়ে মত্ত থাকবে । পণের অর্থ সব আবার পত্নীর হাতেই ফিরে আসবে । অর্ধে আর্য, অগ্নিতে যতই হবিঃ দিন না কেন, অগ্নি কি প্রশমিত হয় ? সে আরও চায়, আরও শিখা বিস্তার করে । বাসনার আগুন বড় বিচিত্র বস্তু । হব্য নয়, হয়ত একমাত্র নির্বাসনার ভস্ম চাপা দিলেই আগুন নেবে ।’

জিতসোমার কথাগুলো চণকের মনের মধ্যে কেমন প্রতিধ্বনির মতো শোনালো । এ কথা যেন সে কোথায়, কার মুখে শুনেছে ! মনে করবার চেষ্টা করছে । পারছে না । শাস্ত্রবাক্য কী ?

জিতসোমা বলল, ‘কী করে তক্ষশিলা থেকে মগধে এসে পৌঁছলাম জানতে চাইলেন না তো ?’

‘হ্যাঁ, এ এক আশ্চর্য সমাপতন । নানা কথা, নানা ভাবনার মাঝখানে তোমার ভ্রমণকাহিনীর সূত্রটি যেন কেমন করে হারিয়ে গেছে ।’

‘মোটাই সমাপতন নয়’, সোমা প্রতিবাদ করে উঠল, ‘এর জন্য মহামাত্রকে আমায় বহু কৌশল

করে বোঝাতে হয়েছে ।’

চণক আশ্চর্য হয়ে বলল, ‘তাই বুঝি ?’

‘আপনি এত বিজ্ঞ হয়ে এসব ঘটনাকে সমাপতন বা দৈব কী করে ভাবেন আর্ঘ্য ? সাধারণে ভাবতে পারে। আপনি তো সব ঘটনার আড়ালে সেই কূটকন্সের কথা জানেন যেখানে নীতি নির্ধারিত হয়, দৈব নির্ধারিত হয় ! রাজ-অস্তঃপুরে প্রবেশের মূল্যস্বরূপ আমাকে কতবার দর্ভসেনের কুঞ্জ যেতে হয়েছে জানেন ?’

চণক কথা বলল না। একটু পরে জিতসোমা বলল, ‘একদিন দর্ভসেন বললেন, “যাক মহারাজকে সম্মত করাতে পেরেছি। আমি সর্বাধিনায়ক হয়ে রক্ষী সৈন্য নিয়ে মগধ যাত্রা করছি শীঘ্রই। শুধু একটা কথাই ভাবছি। চণক তো মগধরাজের উপটোকন নিয়ে গেছে আটটি শাল। কীভাবে আরও কিছু নিয়ে গিয়ে তার মনে বিশ্বাস জন্মানো যায় আমিই প্রকৃত দূত, দূতজ্যেষ্ঠক, তাই অবশিষ্ট উপহারগুলি নিয়ে এসেছি। পারস্যের বণিকদের কাছ থেকে মহামূল্য সভাচ্ছদ কিছু কেনা হয়েছিল, ওরা বলে গালিচা। তা-ই ভাবছি একটি নিয়ে যাবো। আমাদের উত্তরের দিকে রাজারা এই সভাচ্ছদ ব্যবহার করলেও মধ্যদেশে হয়ত এ বস্ত্র এখনও যায়নি। কিন্তু, মাত্র একটি উপহার দিয়ে কি চণককে বোঝানো সহজ হবে ?” তখন আমি বলি, ‘আপনারা তো দাস-দাসী দ্যান, “তা দিই। কিন্তু ও উপহার বড় সাধারণ হয়ে গেছে, যাগ-যজ্ঞে অনবরত দেওয়া হচ্ছে। আমি চমকপ্রদ কিছু দিতে চাই।” আমি বলি— অনেক দেবেন কেন ? দাসীই বা দেবেন কেন ? একটি মাত্র নৃত্য-গীত কুশলী নটী নিয়ে যান না, এমন একজন যে একাই যথেষ্ট হবে ! উনি বললেন, “দু একদিনের মধ্যে কোথায় এখন এমন পাই, বলা ?” তখন আমি বললাম— আমি কি যথেষ্ট রূপসী, যথেষ্ট নৃত্যগীতদক্ষ বলে আপনার মনে হয় না ! উনি বললেন, “তুমি ! তুমি স্বেচ্ছায় যেতে চাইছ সেই দূর বিদেশে, অঁচেনা রাজার অস্তঃপুরে ?” আমি বললাম— গাঙ্কারের সেবা করার এমন একটা সুযোগ ! আমার তুচ্ছ জীবন দিয়ে এটুকু যদি করতে পারি নিজেদের ধন্য মনে করব। দর্ভসেন উল্লসিত হয়ে উঠলেন। দু একদিন পরেই রাজ্যদেশ অস্তঃপুরে এসে পৌঁছল। আমার শিষ্য রাজকুমারীগুলি কান্নাকাটি করতে লাগল। আমি তাদের বললাম— পারো যদি নিজেদের জীবনে ক্রীতদাসীদের এই অনিশ্চিত জীবনযাত্রা, তাদের প্রতি এই তৈজসের মতো ব্যবহার থামাবার চেষ্টা করো, কেঁদে কী ফল ? তা তারাই আমার পেটিকা গুছিয়ে দিল, রাজকোষ থেকে যা যা এসেছিল তার ওপর তাদের উপহার। এই যে রূপোর কাঞ্চী পরে আছি এটি আমিই চিত্র নির্মাণ করে করিয়ে দিই রাজকুমারী রত্নার জন্য। সে কাঁদতে কাঁদতে এটাই আমায় পরিণে দিল, বলল, ‘এটা পরলে তোমার আমার কথা, আমাদের কথা মনে পড়বে।’

‘কোন সাহসে, কী আশায় তুমি এত বড় দায় নিলে সোমা ?’ চণক আশ্চর্য হয়ে বলল।

‘কী আশা তা জানি না আর্ঘ্য, আমি শুধু ভাবছিলাম বহু দূর চলে যাবো। গর্তের মধ্যে মরা ইদুরের মতো আমার মৃতদেহটা যেন কাউকে কোনদিন গাঙ্কার রাজপুরীর অস্তঃপুর থেকে টেনে ফেলে দিতে না হয়। কে বলতে পারে কী ঘটবে ? অশুভ যা তা তো ঘটেই আছে ! এর চেয়ে মন্দ আর কী হবে ? মনে মনে এও ভেবেছিলাম আপনার দেখা তো পাবই, তখন আপনি হয়ত কিছু করবেন।’

চণক বলল, ‘কত চেষ্টা করলাম সোমা, মহামাত্রকে কিছুতেই নিবৃত্ত করতে পারলাম না। উনি তোমাকে উপটোকন দেবেনই। তুমি জানো না পারলে আমি মহামাত্রকে হত্যা করতাম।’

জিতসোমা বলল, ‘ওঁর তত দোষ তো নেই ! আমিই ওঁকে সর্বক্ষণ প্ররোচিত করছিলাম।’

‘সে কী ? কেন সোমা ?’

‘না হলে কী হত ? আবার তো গাঙ্কারে ফিরে যেতে হত। আবার সেই রাজপুরী। সেই মহামাত্রের কুঞ্জবন। আপনি কি মনে করছেন মহামাত্রের কাছ থেকে আমায় কিনে নিতে পারতেন ?’

‘পারতাম না ?’

‘কখনই না। মহামাত্র যদি একবারও টের পেতেন আমার ওপর আপনার বিশেষ স্নেহ আছে, তিনি আরও যত্ন করতেন কীভাবে আমাকে আপনার থেকে দূরে সরিয়ে রাখা যায়। কাজেই ও চেষ্টা

ফলবতী হত না। অথচ দেখুন, মগধের রাজধানীর প্রান্তে, এই অনুপম গৃহের কক্ষে আমরা—আমি ও আপনি সেই তক্ষশিলার সুন্দর দিনগুলির মতো আলাপ-আলোচনা করছি। করছি না ?

জিতসোমা উৎফুল্ল মুখে চণকের দিকে তাকাল। চণক বসে পড়ে বলল, 'এও কি সমাপতন নয় সোমা ? রাজা তো বন্ধু চণকের জন্য অন্য কাউকেও পাঠাতে পারতেন !'

'না, পারতেন না', সোমার মুখে রহস্যময় হাসি।

'এর মধ্যেও তা হলে তোমার চক্রান্ত আছে বলা', চণকের মন এখন অনেক শান্ত, অনেক লঘুভার।

জিতসোমা বলল, 'আমাকে পাঠানো হল মহাদেবী ছেল্লনার প্রাসাদে। আড়াল থেকে শুনলাম তিনি একজনকে বলছেন— ভগিনী উপচেলো। এ যে দেখছি মহাসম্মিণী ! রূপে গনগনে অগগি। রাজা আর কত পুড়তে চান ? দেখতে দেখতে তো এ রাজার এক অগগমহিষী হয়ে উঠবে।'

'এর পর রাজা ছেল্লনা দেবীর গৃহে এলেই আমার কথা জিজ্ঞেস করতেন। দেবী অমনি সন্তুষ্ট হয়ে বলতেন—গাঙ্কার নটী অসুস্থ। শুয়ে আছে। আমরা বেঙ্ক দিয়ে চিকিৎসা করাচ্ছি। রাজা চলে গেলে একদিন আমায় ডেকে বললেন—সচ্চ বলা তো মেয়ে ? কী অভিল্যায় তোমার ? রাজার বয়স হয়েছে, তোমার মতো নবযুগ্তী তাঁর কাছে কী চায় ?'

'তাতে আমি বিনত হয়ে বললাম—আমার কোনও অভিপ্রায়, অভিসন্ধি নেই দেবি, যেমন নিযুক্ত হবো, তেমনই করবো। তখন ওঁরা নিজেদের মধ্যে আলোচনা করে আমাকে কুমার কুনিয়র প্রাসাদে পাঠিয়ে দিলেন।'

চণক বলল, 'সর্বনাশ।' গলায় শব্দটা আটকে সে ভয়ানক কাশতে লাগল। দাস-দাসীরা ছুটে এলো। জিতসোমা তার মাথায়, ঘাড়ে হাতের পাতার পাশ দিয়ে মৃদু আঘাত করতে লাগল। তারপর তাকে জল পান করতে দিল। একটু সুস্থ হয়ে চণক বলল, 'একটা কাণ্ডই বাধিয়েছ সোমা।'

বিষণ্ন গলায় সোমা বলল, 'শত হলেও তো আমি নিজের কত্রী নই।'

'তুমি মুক্তি চাইলে না কেন ? বুঝতে পারছ তো ছেল্লনা দেবী তোমাকে তাঁর প্রতিযোগিনী ভেবে পুত্রের দিকে ঠেলে দিতে চাইলেন।'

'বুঝব না কেন ? কিন্তু মুক্তি চাইলেই কি তাঁরা দিতে পারতেন ? সে অধিকার কি তাঁদের ছিল ? তা ছাড়া মুক্ত হয়ে এই বিদেশে একজন নটী কোথায় শেষ পর্যন্ত যেতে পারে ভাবুন। অত সহজে স্বৈর্য হারিয়ে ফেললে জিতসোমাকে আর এখানে এসে পৌছতে হত না।'

'তার পরে ?'

'কুমার কুনিয় তখন চম্পায় ছিলেন। আমি কিছুটা সময় পেলাম চিন্তা করবার। আমাকে কুমারের প্রাসাদের প্রধানা নিযুক্ত করা হয়েছিল। ওরা বলত কন্মিকা-জেট্টা। সবাই জানত আমার নৃত্য-গীত কুশলতার কথা। সাধারণ দাসীর কৃত্য তো আমায় দিয়ে করাতে পারে না ! কুমারের প্রাসাদের সাজসজ্জা, পরিচ্ছন্নতা, তাঁর পরিচর্যার ব্যবস্থা অর্থাৎ তিনি এলে কী পাক হবে, কোন দাস, কোন দাসী তাঁর কোন কাজের ভার নেবে—এসবের ব্যবস্থা করলাম। কিছুদিন পর মহাদেবী ক্ষেমার প্রব্রজ্যা গ্রহণ উপলক্ষ্যে কুমার রাজগৃহে এলেন। প্রব্রজ্যা-উৎসব তাই নগরীর প্রাসাদের বাতাবরণ ছিল ভিন্ন প্রকার। সকলেই গম্ভীর। কিংবা ভক্তি গদগদ। এর মধ্যে কুমার নৃত্য-গীতাদিতে উৎসাহ দেখাবার সুযোগ পাননি।

'ও দিকে মহাদেবী বেণুবনে চলে গেলে, কুমারও চম্পায় ফিরে গেলেন। দাসীদের কাছে শুনেছি মহারাজ একদিন ছেল্লনা দেবীর গৃহে এসে কথায় কথায় আমার প্রশংসা করেন। কুমার কুনিয়র প্রাসাদে পাঠানো হয়েছে শুনে তিনি অতিশয় ক্রুদ্ধ হন। তিনি নাকি উত্তেজিতভাবে পদচারণা করতে করতে বলছিলেন—এই গাঙ্কার রমণী গাঙ্কার পুরুষের কাছেই যাবে। আমি তার ব্যবস্থা করছি। যেন অন্যথা না হয়। পল্লবিত হয়ে কাহিনীটি আমার কাছে পৌঁছেল। গাঙ্কার পুরুষ কে হতে পারে বুঝিনি। একটি প্রতীহারীই বলল—গাঙ্কার দূতদের মধ্যে কে একজন আছেন রাজার আচারিয়পুত্র। তিনি এখনও রাজগৃহেই আছেন। রাজার সঙ্গে নাকি গভীর মিস্ততা। তখন, একমাত্র তখনই আমি বুঝলাম আমার এতদিনের স্বপ্ন, আশা-আকাঙ্ক্ষা সফল হতে চলেছে। বুঝলাম দেবতার আমাকে

দয়া করেছেন। আমার মুক্তি। এইবার আমার মুক্তির সময় এসে গেছে।'

গাঙ্গারবাসীরা মগধের মানুষদের মতো আবেগপ্রবণ ধাতুর নয়। তবু জিতসোমার চোখ থেকে এখন বিন্দু বিন্দু অশ্রু তার কোলের ওপর ঝরে পড়তে লাগল। চণকের ভেতরেও আনন্দ-বিষাদ মিলিয়ে এক কঠোরোদ্ধারী অনুভূতি। এই আবেগের হাত থেকে রক্ষা পেতে, জিতসোমাকে অনামনস্ক করবার জন্যও বটে, সে একটু ইতস্তত করে বলল—নারী গণিকা হয়েছে মূলত রাজস্বার্থে, রাষ্ট্রস্বার্থে, এমন একটা মত যদি পোষণ করি, তা হলে তার বিপরীতে নারী ক্রমশই উপনয়ন বন্ধিত গৃহবন্দী হয়ে যাচ্ছে কেন বলে তোমার মনে হয় সোমা ?

জিতসোমা চোখ মুছে বলল, 'জানি না। জানি না আর্ঘ। আমি নিজে দাসীত্ব থেকে মুক্তি পেয়েছি এই চিন্তা ছাড়া এখন আর আমার মাথায় কিছুই নেই। সত্যিই মুক্তি পেয়েছি তো ? আপনি তো কই কিছুই বললেন না ?' তার গলায় অশ্রুর আভাস।

চণক তাড়াতাড়ি তার কাছে এসে হাত দুটো ধরে বলল, 'বাহুল্য বলে বলিনি সোমা। তোমার কি এখনও সংশয় আছে এ সম্বন্ধে ? তোমার বিবাহ দেবো আমি। বলছিলাম না মগধই আমাদের ভবিষ্যৎ। সোমা, কেন মনে করলে তোমার মুক্তিতে আমি আনন্দিত হইনি ? তোমার মুক্তি যে আমার প্রথম সাফল্য ! যদিও এ মুক্তি সম্ভব করেছে তুমিই। সত্যি বলতে, আমি আজকাল ভাবি "রাজস্বাত্র"র যে পরিকল্পনা পিতা করেছিলেন, তার অনেক কিছুই পাণ্টাতে হবে। আরও বিস্তৃত হবে এর সীমা। পিতা মানবযুথকে বৃষ্টি অনুযায়ী ভাগ করেছিলেন— আচার্য, কর্ষক, মণিকার, সূত্রধার, যুদ্ধব্যবসায়ী, বণিক, কিন্তু সোমা অন্য একটি দিক থেকে দেখতে গেলে আরও একটি মৌলিক ভাগ আছে মানবসমাজের। নর এবং নারী। তুমি দেবী দেবদত্তার যোগ্য কন্যা। এই মৌলিক বিভাজনের কথা তুমিই আমাকে বুঝিয়ে দিলে।

জিতসোমা মাটিতে মাথা ঠেকিয়ে তাকে প্রণাম করে বলল, 'আপনি আমার আচার্য বা অন্য কোনও সম্পর্কের জন্য নয়, আপনি পূজ্য বলেই আপনাকে প্রণাম করলাম। কিন্তু আপনি বিবাহের কথা কী বলছিলেন ? আমার অনুরোধ ও চিন্তা বা চেষ্টা আপনি করবেন না। আমি মুক্তি পেয়েছি, এই-ই আমার অনেক।'

চণক চিন্তিত হয়ে বলল, 'কিন্তু বিবাহ না করলে সেই মুক্তি নিয়ে তুমি কী করবে সোমা ? তাকে রক্ষা করবে কী করে ? হয় গণভোগ্যা, নয় দাসী, আর নয় কুলনারী— বিবাহিতা ও গৃহকর্ত্রী— এর বাইরে তো কোনও পথ খোলা দেখতে পাই না !' একটু থেমে সে বলল, 'না, আরেকটি পথ আছে। নারীদের ধর্মার্চরণে কেউ বাধা দেয় না দেখি। শ্রমণা হতে পারে। কিন্তু শুধু আর কোনও পথ খোলা নেই বলে, শুধু স্বাধীনতা রক্ষার জন্য, কোনও প্রবণতা না থাকা সত্ত্বেও, বৈরাগ্য বিনাই প্ররজ্যা ? সে-ও তো বন্দিত্বই ? একটা শেকল অত কষ্ট করে ছিন্ন করে সোমা তুমি কি তবে আরেকটা শেকল পরবে ?'

চণক যেন শুধু সোমাকে প্রশ্ন করছে না ? জিজ্ঞাসা করছে কক্ষের প্রাচীরগুলিকে, বাতাসকে। সে যে কোথাও থেকে কোনও সদুত্তর পাবে না—এ-ও যেন সে আগে থেকেই জেনে গেছে। সেই হতাশার দীর্ঘশ্বাস এবং নিরুপায় ক্রোধ তার গলায়।

জিতসোমা ধীরে ধীরে বলল, 'আপনিই যদি এ প্রশ্নের উত্তর দিতে না পারেন, কে তবে আর পারবে ? আমি অপেক্ষা করে থাকবো। অপেক্ষা করবো এবং চিন্তা করবো। ইহাৎ আর কেউ না পারলে আমাকেই সন্ধান করে বার করতে হবে এর উত্তর। এবার বিশ্রাম করুন আর্ঘ।'

সে উঠে দাঁড়াল। চণকের শয্যার আচ্ছাদনের ওপরটা হাত দিয়ে ঝেঁপে কয়েক মুহূর্ত দাঁড়াল। যেন কিছু বলবে, তার পরে চলে গেল কিছুই না বলে।

কিন্তু চণক অত সহজে ঘুমোতে পারল না। সে অনেকক্ষণ ধরে ঘুরে বেড়াতে লাগল। বাতায়নপথে দুর্লক্ষ্য ভবিষ্যতের দিকে চেয়ে রইল। শৈশবে মাষ্ট্রহীন চণক পিতা দেবরাতের কাছে একটু একটু করে বড় হয়ে উঠছিল, সঙ্গে তার দুই জ্যেষ্ঠা ভগ্নী। পিতার শিষ্যদের সঙ্গে একত্রে তিনজনে বিদ্যাভ্যাস করত। ভগ্নীদের যখন বিবাহ হয়ে গেল পিতা বড় দুঃখ পেয়েছিলেন, বলেছিলেন— এ দুটিও পুত্র হলে দেবরাতের বিদ্যা নির্ভয় হত। কন্যা দুটিকে দিয়ে অনেক কিছু

করাবো ভেবেছিলাম। তখন, একমাত্র তখনই কিশোর চণক অনুভব করে স্ত্রী-জাতীয়দের ভাগ্য ভিন্ন প্রকার। গৃহ ও সন্তান ধারণের জন্য তাদের বন্ধ হতে হয়। বিদ্যা খর্ব করতে হয়। হয়ত তার নিজের মাকে দেখা ছিল না, হয়ত কোনও পূর্ব সংস্কার ছিল না বলেই সে গভীরভাবে ভাবিত, আহত হয়েছিল। তারপর জিতসোমার আচার্যত্ব, নগরশোভিনী দেবদত্তার সঙ্গে পরিচয়। যা হয়ত কখনও দেখতে পেত না দেবদত্তা তাই দেখালেন। যা কখনও অনুভবের সীমার মধ্যে আসত না জিতসোমা তাই অনুভব করালো। কারণ একমাত্র শ্রদ্ধা, স্নেহ, প্রেমই আমাদের প্রথম করতে বাধ্য করে একরূপ হয়েছে কেন? অন্য রূপ কেন নয়?

অবশেষে অনেক রাতে চণক তার পেটিকার মধ্য থেকে একটি পুঁথি বার করল। কখনও কাজলের রস, কখনও কুক্কুম রাগ দিয়ে পুঁথিটি লেখা। অসমাপ্ত। সে একটি নতুন অধ্যায় যোগ করল। নারী—রাষ্ট্রব্যবস্থায় তার স্থান—বিভিন্ন ভূমিকা, বৃত্তি—ভবিষ্যৎ। লিখছে সে অনন্য মনে।

কিন্তু এই ভূর্জপত্রের ওপর তার পালকের লেখনী দ্রুত চলতে চায় না। চিন্তা তার চেয়ে অনেক দ্রুতগ। লিখতে লিখতে সে আরেকটি মন দিয়ে ভাবতে লাগল। লেখার এই অসুবিধা দূর করবার কোনও চেষ্টাই কেউ করে না। লিপিরও অনেক ক্রটি। সমস্ত বিদ্যাই কঠু করবার নিয়ম। লেখার প্রয়োজন হয় শুধু গণক-লেখকদের এবং পত্ররচনার জন্য। কিন্তু আচার্য দেবরাত যে শাস্ত্রের কথা ভাবছিলেন তা উচ্চতর দৃষ্টান্ত। অনেক চিন্তার পর, প্রত্যক্ষ-দর্শন ও বিচার-বিশ্লেষণের পরে লেখা। তিনি পুঁথি রচনার কথাই তাই ভেবেছিলেন। অনেক সময়ে চণকের মনে হচ্ছে কোনও কোনও অধ্যায় নতুন করে সাজানো প্রয়োজন। এর জন্য কত ভূর্জপত্র নষ্ট হবে। কোনও উপায়ে যদি অন্য কোনও প্রকার পত্র পাওয়া যেত, এবং কোনও রস, যা দিয়ে সহজে লেখা যাবে। লেখনী নিয়েও সে নানা পরীক্ষা করছে। রস নিয়েও। কিন্তু ভূর্জপত্র ভঙ্গুর। পিতা দেবরাত ও পুত্র চণকের রাজশাস্ত্র যদিবা শেষ পর্যন্ত লিখিত হয়, কত দিন পর্যন্ত তা রক্ষা করা যাবে? বিশেষত তাকে যে ভ্রমণ করতে করতে লিখতে হবে!

২৩

বারাণসীতে গঙ্গা পার হওয়ার পর থেকে ক্রোশের পর ক্রোশ চলেছে তাসক। তার সাজসজ্জায় ধুলো। আরোহীর দশাও তেমনই। মাঝে কোনও নিগমগ্রাম পড়লেও থামেনি তিষ্য। ফল, দুধ, মিষ্টান্ন দিয়ে ক্ষুণ্ণবৃত্তি করেছে। তাসককে বিশ্রাম দেওয়া প্রয়োজন বুঝলে ঢুকে পড়েছে কোনও উপবনে। সেখানে আরামিক কেউ থাকলে নিশ্চিন্তে জল খেয়েছে, তাসককেও ঘাস-জল খাইয়েছে। কিন্তু বারাণসীর পর থেকে নিদ্রাকে সে আর প্রশ্রয় দেয়নি। সাকেত থেকে রাজগৃহের পথে বহু দস্যু, চোর আছে, এটা সে জানত। কিন্তু পুরো গ্রামই চোর হবে, তার প্রতিবেশী গ্রামও চোরগ্রাম হবে এটা তার জানা ছিল না। নগর ছেড়ে যতই রাজ্য সীমানার দিকে এগিয়েছে ততই অরাজক অবস্থা দেখা গেছে। এখন বোঝা যাচ্ছে কেন কোশলরাজকে মাঝে মাঝেই সীমান্তে দস্যু-দমন করতে যেতে হয়। গ্রামের পর গ্রাম যদি ক্ষুধার্ত থাকে তা হলে তো তারা বিদ্রোহী, দস্যু হবেই। মগধের সীমার মধ্যে প্রবেশ করার পর গ্রামগুলিকে খানিকটা সুবিন্যস্ত দেখল সে। কতকগুলি হাটে লোহিত অধোবাস, লোহিত উত্তরীয় ও যষ্টিধারী রাজভটদেরও সর্বাঙ্গে ঘুরে বেড়াতে দেখেছে। কিন্তু তাদের সাহায্য নেওয়ার ইচ্ছে তার হয়নি। ভাবা যায় সাকেতের রাজকুমার, বঙ্গুল মন্ত্র প্রিয় শিষ্য তিষ্য সামান্য রাজভটর অনুগ্রহ চাইছে! নিজের বাস্তব ও বুদ্ধিবলেই সে পথভ্রম জয় করবে। খালি মনের মধ্যে খচখচ করছে—কোশল। তার দেশ এত বড় রাজ্য। মাথার ওপরে রাজা, ভিন্ন ভিন্ন প্রদেশে রাজার কনিষ্ঠ ভাইরা সব উর্ধ্বরাজ। অত ধনসম্পদ, বণিকদের যাতায়াত, যত দূর সে জানে শুষ্কর জন্য কর্মিক, বিচারের জন্য পৌরোহিত্যিক। সেনা দেখাশোনার জন্য সেনাধ্যক্ষ। রাজস্ব সংগ্রহের জন্য গ্রামভোজক এবং চোর ও দস্যুদমন করবার জন্য রাজভটরা রয়েছে। অর্থাৎ ব্যবস্থা বলতে যা বোঝায় তা সবই আছে। অথচ কাজ ঠিকমতো হয় না। সব যেন অরক্ষিত, অরাজক। নগরীতে তো এসব বোঝা যায় না, বোঝা যায় দূরে বেরোলে। আর ওই

বেগদের গ্রামটিই বা অমন কেন ? অত সুন্দর গোচর রয়েছে, গোধন নেই ? ছাগ বা মেঘও তো দেখা গেল না, সামান্য দুটি গাভীর জন্য সেই স্ত্রীলোকটির কী আকৃতি ! মস্ত্রাকে বিক্রি করে ওরা গাভী কিনতে চায় । মস্ত্রার কথা মনে করে ক্রোধে, হতাশায় তিষ্যর নিশ্বাস গাঢ় এবং গরম হয়ে উঠতে লাগল । ওই বেগগুলি কী বোকা অথচ কী ধূর্ত ! অত ভূমি পড়ে রয়েছে । বলে কি না কসসন তো জানি না ! রাজার কী এসব সন্ধান রাখা কাজ নয় । দলিদ্দ গাম । ভূমিগুলি কর্ষণ করলেই তো ওদের অবস্থা ফিরে যাবে । অথচ ! সে, তিষ্য যখন রাজ্য স্থাপন করবে তখন দেখবে প্রজাদের মধ্যে সব বৃত্তির লোক আছে কিনা । কূপ এবং পুষ্কণী থাকবে প্রত্যেক গ্রামে পর্যাপ্ত সংখ্যায় । এবং ভূমি এরূপ অকর্ষিত ফেলে রাখা চলবে না । এই সব হীন জাতি যারা বংশানুক্রমে একটি বৃত্তি নিয়ে আছে, তাদের যদি দরিদ্র্য না ঘোচে তো কর্ষণ শিখতে হবে । নিজেদের খাদ্যটুকু অন্তত নিজেরা উৎপাদন করে নিক ! তার রাজ্যেও পথে পথে রাজভট থাকবে, রক্ষীদের আগার থাকবে কিন্তু দস্যুবৃত্তি করার প্রয়োজনই হবে না, এমন রাষ্ট্রব্যবস্থা সে করবে । হোক ছোট রাজ্য । না হোক কোশল বা মগধের মতো সম্পদশালী । হীরক যেমন আকারে ক্ষুদ্র হলেও কুশলী মণিকারের হাতে পড়লে ঝকঝক করে, তার রাজ্যও হবে তাই । তিষ্যর স্বপ্ন সফল হবেই ।

অবশেষে রাজগৃহ । বিশাল প্রাচীর । তোরণ । ইন্দ্রকীল । যাতে হাঁটতে ভাঙতে না পারে । তোরণ পেরিয়ে যখন সে প্রশস্ত রাজমার্গে পৌঁছল, তখন সকালের আলো সবে ফুটতে আরম্ভ করেছে । রাত্রিে বিশ্রাম বা নিদ্রা বলতে তেমন কিছুই হয়নি । তবু নতুন দেশে, নতুন নগরে আসার উত্তেজনায় তার অদ্ভুত রোমাঞ্চ হচ্ছিল । প্রথম দর্শনেই মনে হচ্ছে নগরীটি সুন্দর । একে চিত্রের মতো করে সাজানো হয়েছে । বিশেষত দু' দিকেই পাহাড় । কোলে কোলে বহু ছায়াবৃক্ষ । যেতে যেতে সে বাঁ দিকের একটি সরু পথে ঢুকল । বন্ধুর পথ । সম্ভবত পাহাড় কেটেই নির্মিত হয়েছে, ঢেউ খেলে খেলে চলেছে পথটি । তার ওপর তাম্রকের ক্ষুরের আওয়াজ শোনাচ্ছে খটমট্ট, খটমট্ট, খটমট্ট ।

এক পথিককে ডেকে সে জিজ্ঞাসা করল 'এই পথ কোথায় গেছে ?'—ইসিগিলি— বলে লোকটি চলে গেল । তার হাতে বেতের সাজিতে ফুলের মালা, বিষ্ণু, তুলসীপত্র, ধূপ প্রভৃতি বহু উপকরণ । কারও বন্দনা করতে যাচ্ছে নাকি ? বিশেষ কথা বলতেও উৎসুক মনে হল না । বিদেশি দেখেও কৌতূহল নেই । অথচ, সে শুনেছিল মগধবাসীরা নাকি সর্বদাই বকবক করে । শোনা কথায় আর নিজের চোখে দেখা, নিজের কানে শোনায় অনেক পার্থক্য । সে-কথা তিষ্য ভালোভাবেই বুঝতে পারছে এখন । শ্রাবস্তীতে রাজসভার কোনও পদপ্রাপ্তির জন্য ফিরে না-গিয়ে সে ভালই করেছে । সুরক্ষিত স্থান এবং বহুজনের পদচিহ্ন লাক্ষিত পথ তাকে সমৃদ্ধি দিতে পারে, স্বস্তিও দিতে পারে, কিন্তু সে যে অন্য কিছু করতে চায় । ওই যে পুণ্যশীল নামে বণিক যুবাটি বলছিল সবই গড্ডলিকা । সে-ও তাই মনে করে । তবে এই গড্ডলস্রোতেরও প্রয়োজন আছে । কিন্তু তা গড্ডলদের জন্যই । সবাই যদি মৌলিক চিন্তা করবে তবে তার প্রয়োগ হবে কাদের ওপর ? সবাই যদি অজ্ঞপালক হবে তো অজ্ঞ হবে কারা ? সে চিন্তক, পালক । সাকেতকুমার, সর্বশাস্ত্রবিদ, তক্ষশিলার সম্মানিত স্নাতক তিষ্য প্রণয়ে প্রত্যাখ্যাত হতে পারে দর্পী আঢ্যকন্যার দ্বারা । তার ঘোড়াটিও চুরি গিয়ে থাকতে পারে প্রথমবারের অনবধানতায় । কিন্তু সে তো আর গড্ডল নয় !

এই সময়ে, একটি বাঁক ফিরতেই সে পাহাড়ে ওঠার আঁকাবাঁকা উর্ধ্বমুখ পথটিতে সন্ধান পেল ইসিগিলি পাহাড় দেখতে পেল স্পষ্টভাবে । পাহাড়ের কোলে কোলে কুটী । সবচেয়ে কোঁচুকের বিষয় পথের দু' পাশে সে কয়েকজন নগ্ন সন্ন্যাসীকে দেখতে পেল । অন্য সময় হলে সে বিতৃষ্ণায় মুখ ফিরিয়ে নিত । কিন্তু সন্ন্যাসীগুলি এমন গাছের শুকনো, মরা ডালের মতো দেখতে, মাথাগুলি এমন নিঃশেষে মুণ্ডিত, তার ওপরে এক পায়ে এমন বকের মতো দাঁড়িয়ে রয়েছেন যে, স্তার কৌতূহল হল । এঁরা কি আজীবক ? এ ধরনের তপস্বী সে আগে দেখেনি । তক্ষশিলায় প্রবেশ করলে সে সে বহু মুনি দেখেছে । তাঁরা ব্রাহ্মণের অবশ্যকৃত্য যজ্ঞাদিও করে থাকেন । বনবাসী জ্ঞানীজনেরা অধিকাংশই শিষ্যগ্রহণ করেন । বিবাহাদি করেন, প্রায়ই একাধিক । জীবনকে ভালই উপভোগ করে থাকেন । কিন্তু এরূপ কচ্ছসাধন করেন এমন তপস্বী সে উত্তরের দিকে দেখেছে বলে মনে পড়ে না । তবে শ্রাবস্তীতে,



সাকেতে এই কুশী, মলিন লোকগুলিকে দেখেছে। প্রকৃত কথা, তপস্বী, শ্রমণ সন্ন্যাসী এঁদের দেখবামাত্র সে মুখ ফিরিয়ে নেয়, কোনও দিন ভালভাবে লক্ষ্য করে না। সম্প্রতি এক ঋক্ষিমতী শ্রমণের সঙ্গে ঘটনাচক্রে দেখা হয়ে যাওয়া এবং তাঁর গরিমামতিত আচরণ ও অলৌকিক ক্ষমতার দর্শনে তার কৌতূহল জাগ্রত হয়েছে। সে দেখল, তার থেকে সবচেয়ে দূরে যিনি দাঁড়িয়ে সেই তপস্বীর সঙ্গে একজন কাষায়ধারী গৌরবর্ণ শ্রমণ যেন কথা বলছেন। তা হলে, তপস্যারত হলেও এঁরা কথা বলে থাকেন। সে ভাষকের পিঠ থেকে নেমে তার রাশ ধরে এগিয়ে গেল।

গৌরবর্ণ শ্রমণ তার দিকে পাশ ফিরে আছেন। তাঁর উন্নত শির, দীর্ঘ সুগোল গ্রীবা, বৃষস্কন্ধ এবং দাঁড়াবার অপূর্ব রাজকীয় ভঙ্গি দেখে তিষ্য মুগ্ধ হয়ে গেল। তার মনে পড়ে গেল কুণ্ডলকেশী শ্রমণার কথা। এঁরা কি একই সম্প্রদায়ের? শ্রমণা কিন্তু শ্বেত বস্ত্র পরেছিলেন, এই শ্রমণ পরেছেন রক্তকাষায়। পথের পাশে দণ্ডায়মান তাপসদের সঙ্গে এই শ্রমণের কী আকাশ-পাতাল পার্থক্য।

শ্রমণ তাপসদের বললেন—আবুস, একভাবে এ প্রকার দাঁড়িয়ে আছ কতদিন?

—তা তিনদিন তো হবেই সমন।

—কিন্তু এভাবে শরীরকে কষ্ট দিয়ে কী লাভের আশা করছ?

—পূর্ব জন্মের পাপগুলি সব জীর্ণ করছি সমন, নূতন পাপও আর হচ্ছে না, এইভাবে শীঘ্র কর্মক্ষয় হয়ে আগামী জন্মেই সব দুঃখের অবসান হবে।

—আচ্ছা নিগগষ্ঠ তাপস, তোমরা পূর্বজন্মে ছিলে কি ছিলে না, জানো কী?

—না, তা জানি না, নাতপুস্ত বলেছেন তাই জানি।

—আচ্ছা, পূর্ব জন্মে পাপ করেছিলে কি করোনি অন্তত এটুকু নিশ্চয় জানো।

—না, তা জানি না।

—আচ্ছা, তবে পাপগুলি কী প্রকারের ছিল, তা জান?

—না, এটাও জানি না।

—বেশ, তোমাদের কতখানি দুঃখ নষ্ট হয়েছে, কতটা এখনও অবশিষ্ট আছে?

—তা-ও জানি না।

—তা হলে কিছুই নিশ্চিত না জেনে তোমরা এরূপ কষ্ট বরণ করবে?

একজন বয়স্ক তাপস তখন বললেন, আয়ুস্থান গোতম, সুখে সুখ পাওয়া যায় না। দুঃখেই সুখ পাওয়া যায়। যদি সুখে সুখ পাওয়া যায় তা হলে রাজা বিহিসার আয়ুস্থান গোতমের থেকে অধিক সুখী। কেমন কিনা?

বয়স্ক তাপসের শুকনো আমলকীর মতো মুখটি ঝিকমিক করছে, ভাবটা—কেমন বিপাকে ফেলেছি?

তিষ্য এই ধরনের তর্কাতর্কি, তর্কশিলায় থাকতে কোনও কোনও আচার্য গৃহে শুনেছে। সে উৎকর্ষ হয়ে রয়েছে ইনি কী উত্তর দেন।

মুদু হাসলেন কাষায়ধারী শ্রমণ। বোঝা যাচ্ছে ইনি বেশ রসিক ব্যক্তিও। তারপর বললেন—হে নিগগষ্ঠ, ভালো করে বিচার করে এ কথা বললে কী? বলি, রাজা বিহিসার সাতদিন অনুরোধ সোজা হয়ে বসে একটিও কথা না বলে নির্জনসুখ অনুভব করতে পারবেন?

তাপসরা মাথা নাড়লেন—না। তা তাঁর পক্ষে সম্ভবপর নয় বটে।

—সমন গোতম কিন্তু ওভাবেও, অর্থাৎ নির্জনব্রতেও সুখ অনুভব করতে পারেন। তা হলে এখন রাজা বিহিসার ঐশ্বর্য নিয়ে অধিক সুখী না সমন গোতম চাঁবর বস্ত্র আর ত্রিধিপাত্র নিয়ে?

—যদি তা-ই হয় তাহলে সমন গোতমকেই অধিক সুখী বলা উচিত।

শ্রমণের জন্মে তিষ্য মনে মনে আহ্বাদিত হয়। 'সাধু সাধু' বলে উঠবে কি না ভাবে। কিন্তু শ্রমণ তার আগেই কথা বলে উঠলেন।

—কিন্তু আবুস, সমন গোতম সর্বাধিক সুখী থাকার এই ক্ষমতা কৃষ্ণসাধন করে অর্জন করেননি। তিনি প্রথমে পরীক্ষা করে দেখেছিলেন। তিনি এমন তপস্যা করেন যে, তাঁর শরীরের গাঁটগুলি অসীতক লতার মতো দেখাত, মেরুদণ্ড সূতার গুটির মালার মতো হয়ে যায়, ভাঙা ঘরের ১৭৬

খুঁটিগুলি যেমন নড়বড়ে হয়ে যায় তাঁর ঘাড়ও সেইরূপ হয়ে গেল। চোখের তারা এত ভেতরে ঢুকে গিয়েছিল যেন গভীর কুয়োতে নক্ষত্রের প্রতিবিম্ব পড়েছে। শিরদাঁড়া ও শেপটের চর্ম এক হয়ে গিয়েছিল। শরীরে হাত বুলোলে রোমগুলি আপনি করে পড়ত। কিন্তু তাতে তাঁর দুঃখনিবৃত্তি হয়নি, সুখে বিচরণ করবার ক্ষমতাও হয়নি। শরীরকে অধিক দুঃখ দিলে চিন্ত অস্থির হয়, আবুস। অস্থির চিন্ত দ্বারা শুভ বিতর্কে মনকে স্থাপন করা যায় না। মন সংস্থাপিত না হলে ধ্যান সম্ভব হয় না। একমাত্র ধ্যান দ্বারাই বাসনাচ্ছেদ করা যায়। বাসনাচ্ছেদই সুখী হবার একমাত্র উপায়।

—সমন গোতমের কথা যুক্তিসিদ্ধ। একজন তাপস বললেন।

আরেকজন বললেন—কিন্তু নাথপুস্তকের কথা আমাদের ভালো লাগে। পরের জন্মে সব দুঃখের অবসান হবে ভাবলে এ জন্মে আমি অগ্নি থেকে উদ্ভিত ঘোঁষা পান করেও কাটাতে পারি।

সৌম্য শ্রমণ ততক্ষণে চলতে শুরু করেছেন। তাঁর হাতে ভিক্ষাপাত্র। তিষ্য লক্ষ্য করল তাঁর মাথায় কুঞ্চিত কেশ সবে জন্মাতে আরম্ভ করেছে। মাথার মাঝখানটা একটু উচু। হঠাৎ দেখলে মনে হবে মাথায় ছোট একটি চূড়া বাঁধা হয়েছে। শ্রমণ নগরের দিকে প্রবেশ করছেন। তিষ্যও তাঁকে বিরক্ত না করে তাঁর পেছন পেছন যেতে লাগল।

হঠাৎ পেছন থেকে তিন-চারজন নয় তাপস ছুটে এসে শ্রমণের পথ রোধ করে দাঁড়াল। একজন বলল—ভগ্নে, আপনি কি বলছেন তপস্যা দ্বারা পাপক্ষয় হয় না ?

—অতিরিক্ত কৃষ্ণে শক্তিই ক্ষয় হয় আবুস, পাপ ক্ষয় হয় বলে জানি না।

—আপনি যে-পথ আবিষ্কার করেছেন তাতে সুখী হওয়া যায় ?

—অনন্ত সুখের অভিমুখে যা নিয়ে যায় তাই সদ্ধম্য।

—আমরা যদি আপনাকে অনুসরণ করি, নিয়মমতো আহার করতে পারব ? বস্ত্র পরতে পারব ? এভাবে লোকালয়ে যেতে আমাদের লজ্জা হয়।

তিষ্য দেখল শ্রমণের মুখ সামান্য স্মিত হয়ে উঠল। তিনি বললেন, ‘সাক্ষপুত্রীয় সমনরা একবেলা আহার করে, রাত্রে দুধ বা ঘোল পান করতে পারে, উত্তমরূপে শরীর আবৃত না-করে জনপথে বের হওয়া তাদের নিষিদ্ধ।’

—আর তপস্যা ?

—ধ্যান মার্গ। অন্য তপঃ নেই। আচারিয়র কাছে কর্মস্থান জেনে নিয়ে ধ্যান করতে হয় হে নিগগাষ্ঠ তাপস। নিজের সমস্ত কাজ করতে হয়। সংঘের যে কাজের ভার পাবে, তা-ও।

—সংঘ সরণং গচ্ছামি—একজন তাপস বলে উঠলেন।

শ্রমণ মৃদু হেসে বললেন—সত্যই যদি সমন গোতমের কথায় আস্থা হয়ে থাকে তবে তিসরণ নিতে হবে। বেলুবনে যেও, তখন কথা হবে। এখন আমি ভিক্ষায় বেরিয়েছি।

শ্রমণ এগিয়ে গেলেন।

ইতিমধ্যে একজন তাপস হঠাৎ তিষ্যর দিকে এগিয়ে এসে বললেন—ভদ্র, আমাদের কৌপীন বস্ত্রের মতো টুকরো কিছু দিতে পারেন ? এভাবে বেলুবনে গেলে সাক্ষপুত্রীয় ভিক্ষুরা আমাদের উপহাস করবে।

তিষ্য বলল—নীল রঙের বস্ত্রে হবে ? আমার কাছে যে উত্তরীয় ও শাটক আছে তাতে আপনাদের চারজনেরই লজ্জা রক্ষা হয়ে যাবে।

—যদি অনুগ্রহ করে দেন।

তিষ্য তৎক্ষণাৎ তার বেত্রপেটিকা থেকে বস্ত্র বার করে দিল। তাপসরা সে দুটি নিয়ে আবার ইসিগিলির দিকে প্রস্থান করলেন। তিষ্য পেছন থেকে হেঁকে বলল—কই শ্রমণ। আমাকে তো আশীর্বাদ করলেন না ?

যেতে যেতে একজন মুখ ফিরিয়ে অদ্ভুত মুখভঙ্গি করে বসল—দান করার সঙ্গে সঙ্গে পুণ্যফল পাবে। আশীর্বাদের প্রয়োজন কী ?

তাদের শুকনো ডালের মতো শরীর। কালিবর্ণ দেহত্বক। তার ওপরে গাঢ় নীল বস্ত্র কী রকম মানাবে কল্পনা করতে গিয়ে তিষ্যর হাসি পেয়ে গেল। সে তাহকের পিঠে চড়ে আপনমনেই হাসতে

হাসতে এগোল। কিছুক্ষণের মধ্যেই উজ্জ্বলকান্তি শ্রমণকে ধরে ফেলল সে। বেশ হনহন করে চলছিলেন শ্রমণ। অথচ এই দ্রুতগতির মধ্যেও কোনও তাড়া ছিল না। তিনি যখন কথা বলছিলেন, মনে হচ্ছিল আরেকটু বলুন। এখন চলছেন, মনে হচ্ছে আর একটু চলুন। বস্তুত তার সারা জীবনে তিস্য এমন কান্তিমান কাউকে কখনও দেখিনি। সন্ধ্যা হলে সে মনে করত ইনি কোনও দেবতা। হয়ত স্বয়ং ইন্দ্রই নেমে এসেছেন স্বর্গ থেকে। সন্ধ্যা হলে দেবতার আবির্ভাব সে কেন বিশ্বাস করতে পারত, দিনের আলো বলে কেনই বা বিশ্বাস করতে পারছে না এ কথা তাকে জিহ্বাসা করলে সে অবশ্য বলতে পারবে না। এখন তাকে অতিথিশালার সন্ধান দেখতে হবে, একটি দাস কিনতে পারলে ভালো হয়, বস্ত্র যা ছিল নয় তাপসদের দিয়ে দিয়েছে, তাও কিনতে হবে। স্নানাহার, নিদ্রা, রাজগৃহে অতঃপর সে কী করবে এ নিয়েও নানা চিন্তা করবার আছে। কিন্তু এই শ্রমণকে সে যেন কিছুতেই ছাড়তে পারছে না। ইনি শ্রমণ গোতম। থাকেন বেলুবন নামক স্থানে। এটুকু জানা গেছে। ঐর সম্পর্কে আরও জানতে আগ্রহী সে।

শ্রমণের পাশে পৌঁছে সে এক লাফে ঘোড়া থেকে নামল। টেচিয়ে বলল—ভো শ্রমণ! আমার কথা একটু শুনবেন!

শ্রমণ দাঁড়িয়ে গেলেন। কিন্তু মনে হল তিনি অন্যমনস্ক। কিছু একটা ভাবছেন। তিস্য বলল—আমি সাকেত থেকে আসছি। ক্ষুধাতৃষ্ণায় কাতর। ক্লান্তও। এ নগরের কিছুই জানি না। ওই যে বেলুবনের নাম করলেন। ওখানে কি আমার আশ্রয় হতে পারে?

শ্রমণ বললেন—আয়ুস্থান, তুমি কি পব্বজ্জা নিতে চাও?

—না, না।

—ধর্মের আশ্রয় যে নিতে চায়, সে বেলুবনে যেতে পারে। পৃথক-জনেরা যাক রাজমার্গের আবসথাগারে। এখান থেকে দক্ষিণে গেলেই প্রশস্ত মার্গ পাবে।

—আপনি এখন কোথায় যাচ্ছেন, শ্রমণ?

—তথাগত কোথাও যান না আয়ুস্থান, তিনি পৌঁছে গেছেন। তিনি শুধু ধীরে ধীরে চারণ ও চংক্রমণ করেন।

—কিন্তু আমি তো দেখলাম আপনি অত্যন্ত দ্রুতবেগে যাচ্ছেন!

—তথাগতের পক্ষে যা ধীরভঙ্গ, পৃথকজনের পক্ষে তাই দ্রুতি। তথাগত যা সহজে পারেন, পৃথক-জনের তাই করতে স্বাসরুদ্ধ হয়ে আসতে পারে।

শ্রমণ আর দাঁড়ালেন না। সেই একই প্রকার উদাসীন মুখে যদিকে যাচ্ছিলেন, চলে গেলেন।

তিস্য রাজমার্গের দিকে চলতে চলতে ভাবল ঐরা অর্থাৎ ইনি এবং সেই কুণ্ডলকেশী শ্রমণা ঐরা সকলেই কেমন রহস্য-ভাষায় কথা বলেন। যেন যা বলছেন তার চেয়ে অনেক বেশি বলছেন মনে হয়। যেন অনেক দূর পর্যন্ত দেখতে পান ঐরা। ভবিষ্যৎ জানেন। সাধারণ জ্যোতিষীর মতো নক্ষত্রের অবস্থান দেখে ভবিষ্যৎ নির্ণয় করা নয়। কোনও স্থান, কোনও মানুষকে দেখবামাত্র এগুলির সম্পর্কে সব জানতে পারেন। ঋদ্ধি। এ এক প্রকার ঋদ্ধি!

এই শ্রমণ নিজেকে তথাগত বলছেন। এই শব্দটা সে যেন কোথায় শুনেছে। মনে করতে পারছে না। যাক ঐর বাসস্থান কোথায় জানা গেছে। সে আগে একটা আবসথাগার ঠিক করে নিক। বেলুবনে সে যাবে।

যে অতিথিশালায় রাজকুমার তিস্য আশ্রয় নিল সেটি রাজগৃহের অঙ্গুর প্রান্তে। নগরীর উত্তরদিকের প্রাকার আর কিছুদূর থেকেই আরম্ভ হয়েছে। আশ্রয় পাবার পূর্বে তিস্য বৃষ্ণতে পারল সে কত ক্লান্ত। বস্তুত তার তেইশ-চব্বিশ বছরের জীবনে দীর্ঘপথ ভ্রমণে অনেকবার করেছে। সাকেত থেকে তক্ষশিলা, শ্রাবস্তী থেকে সাকেত। কিন্তু এই যাত্রাপথের শেষে সবসময়েই কোনও নির্দিষ্ট লক্ষ্য থাকত। আশ্রয়ের আশ্বাস তো থাকতই। অঙ্গুর শেখা হচ্ছে, আরও জানা হচ্ছে। উন্নতির পথ ক্রমশই প্রশস্ত হয়ে যাচ্ছে, এরপরে সব কামাই শাওয়া যাবে এইরকম একটা স্থির ধারণা থাকত। তা-ই-ই সম্ভবত ক্লান্তি আসত না, এলেও দূর হত অচিরেই।

দীর্ঘ পথ পার হয়ে তক্ষশিলায় যখন পৌঁছল আচার্য সংকৃতির কাছে তখন তিস্য বলে গৃহীত হতে

সময় লাগেনি। তরুশিলার প্রাণ্ডীয় অরণ্যে তাঁর আবাস। শ্রুত গোথন। তারা সব ছাত্র মিলে সেই গুরুশিলার সেবা করত, সমিধ্ আহরণ করে আনত, পানীয় জল আনত। পুণ্য শিষ্যরাই অবশ্য করত অধিক। কিন্তু তাদেরও যথেষ্ট করত হত। তারপর স্বচ্ছ আবৃত্তির মধ্যে দিয়ে আরম্ভ হত প্রতিদিনের পাঠ। সারাদিন থেমে থেমে চলত। আলস্যের কোনও অবকাশই ছিল না। গুরুপত্নীরা মাঝে মাঝেই উদ্ভ্যক্ত করতেন। তাঁদের নানা প্রকার অনুরোধ-উপরোধ-আদেশ থাকত। বিশেষত কনিষ্ঠা গুরুপত্নী অলভা ছিলেন তার থেকে সামান্য বড়। স্বভাবে চঞ্চল। ভয়ানক ছালাতন করতেন। বিশেষ করেই তিষ্যকে।

—তিষ্য কুমার, তিষ্য। ফুল তুলে আনো। শীঘ্র যাও। মালা গাঁথব। ফুল তুলে আনার পর অসন্তোষ প্রকাশ করতেন—শুধু ষ্ঠে ফুল এনেছ কেন? এর সঙ্গে পীত, রক্তবর্ণ সব মিলিয়ে আনবে তো? এ কি তোমার বৃদ্ধ গুরুর জন্য না কি?

—তবে কার জন্য?

—গুরুপত্নীর জন্য। যার মাথার কেশগুলির সব পাকা সে পরক্ষ গিয়ে ষ্ঠে মালা, বলতে বলতে হাসতে থাকেন অলভা। আবার ছোটাতেন তিষ্যকে। ফিরে এলেই বলবেন—বিপণি থেকে এলাচি এনে দেবে আমায় কাল? এলাচি, যাউতে দেবো। সে যদি বলত তার গুরু সুধবার কাছে যাবার আছে, অলভা চোখ পাকিয়ে বলতেন—গুরুপত্নীকে দক্ষিণা না দিলে কোনও বিদ্যাই লাভ হবে না তা জানো? গুরুকে একবারে দিলেই হয়। গুরুপত্নীকে দিতে হয় বারে বারে। যাও এখন পুরোডাশের যবপিণ্ডটি খেতে দাও তো! শক্ত হয়ে গেছে। তোমার পেশীবল বাড়বে। কই দাঁড়িয়ে রইল কেন, যাও?

তিষ্য রাগ করে বলত—আপনি তবে কী করবেন?

—আমি এখন উড়ুস্বর পাড়তে যাচ্ছি, বলে অলভা গাছে উঠে বসে থাকতেন। এ ছাড়াও ঘৃত প্রস্তুত হচ্ছে, অতিরিক্ত পুড়ে না যায় দেখো। দুগ্ধ জ্বাল হচ্ছে; দাঁড়িয়ে থাক ঠায়। গুরুপত্নীরা সব গা ধুয়ে সাজসজ্জা করতে ব্যস্ত। তার অনেক সহায়্যায়ী এসব সাগ্রহে করত। এই সব কাজ পাঠের একঘেঁয়েমির মধ্যে বৈচিত্র্য আনত হয়ত। অনেকের আবার দৃঢ় ধারণা ছিল গুরুসেবা করলে পাঠ্য তাড়াতাড়ি কঠিন হবে। গুরুর আশীর্বাদ না পেলে বেদ হৃদয়স্থ হবে না।

তিষ্য কিন্তু পরীক্ষা করে দেখেছিল যেদিন অতিরিক্ত গৃহকর্ম করতে হত সেদিন তার পাঠের পরিমাণও কমে যেত। গুরুর ব্যাখ্যা মাথায় ঢুকত না। ঘুম এসে যেত। আচার্য তাকে বিশেষ স্নেহ করতেন। বিনয়ে অবনত 'মনোযোগী' ছাত্রের চেয়ে তিনি মেধাবী মনোযোগী ছাত্রদের ভালবাসতেন। সেবা একটু অল্প করলেও কিছু মনে করতেন না। একদিন সাহস করে সে জিজ্ঞাসা করেছিল—পুরাকালে শুনেছি অনেকে শুধু গুরুসেবা করেই বিদ্যা লাভ করেছেন, এমন হয়?

আচার্য হেসে বলেছিলেন—কেন? তিষ্যর কি মেধা হঠাৎ অল্প হয়ে গেল? না কি অধ্যয়নে আর মন নেই?

—তিষ্যর মেধা বা মনোযোগের কথা তার আচার্যদেবই ভালো জানেন। কিন্তু যার মেধা নেই, সে কি শুধু সেবা করেই...

আচার্য গভীর হয়ে বললেন—না তিষ্য। কথাটা ঠিক তা নয়। কিন্তু মেধা অর্ন্তক সময়ে সৃষ্ট থাকে। সম্যক বাধাপ্রাপ্ত হলে তবে জাগ্রত হয়। এ ছাড়াও আবার অনেক অল্পবয়স্ক শিষ্য সেবার মধ্য দিয়ে অনেক ব্যবহারিক বিষয়ে জ্ঞান লাভ করে, আপনা থেকেই তার মনে প্রশ্ন জাগে, একাগ্রতা আসে। প্রশ্ন জাগানোই শিক্ষার উদ্দেশ্য। এই প্রশ্নের পথ ধরেই আসেন শিক্ষক।

—কিন্তু আচার্য, আমরা তো সবই নির্বিচারে কঠিন করতেই শিষ্য।

আচার্য বললেন—কী আছে না জানলে কী প্রশ্ন করতে হবে? জানলে কী করে? তা ছাড়া তিষ্য, বিদ্যা এক, কিন্তু তার প্রয়োগ বহু। অধিকারভেদ আছে। প্রকৃতিবৈচিত্র্য আমাদের কাছে শত শত শিষ্য আসে। সকলেই কী এক কাজ করবে? আচার্য হবে, কিংবা চিন্তক হবে, জীবনের মূল রহস্যগুলি ভেদ করতে চাইবে এমন শিষ্য কজন? তুমি নিজেই বলো না, তুমি কী উদ্দেশ্যে এসেছ এখানে? পণ্ডিত হবে? বৈয়াকরণ হবে? জীবনরহস্যের সমাধান করবে?

—না, আচার্য, তা আমার উদ্দেশ্য নয়। আমি যোগ্য রাজ্যের যোগ্য রাজা হতে চাই। কিন্তু রাজা হতে গেলে শুধু ধনুর্বেদ জানানাই যথেষ্ট বলে আমি মনে করি না। বড় বড় মানুষরা কী ভেবেছেন, ভাবছেন, সেই তত্ত্বগুলি জানতে জানতে আমার চরিত্র শোধিত, শীলিত, মার্জিত হয়ে উঠছে। এই বিদ্যা আমার মনকে সঠিক পথে চিন্তা করতে শেখাচ্ছে, প্রত্যয় দিচ্ছে।

তিষ্য আরও বলতে যাচ্ছিল, আচার্য তাকে খামিয়ে বললেন, তাই-ই বলছিলাম বিদ্যা এক, কিন্তু বহুধা হয়ে যায়। প্রয়োগ ভেদে, উদ্দেশ্য ভেদে। অধিকারী-ভেদে। এখন বৃদ্ধিও তো সবার সমান নয়। নিরলস সেবার গুণে যদি গুরুর বিশেষ স্নেহদৃষ্টি খুলে যায় তা হলে তিনি কঠিন বিষয়কে সরলতর করে বুঝিয়ে দেবার প্রেরণা পান। গুরু-শিষ্য পরস্পরকে এইভাবে সাহায্য করেন। তবে অতিশয়-নির্বোধ হলে আর কিছুতেই কিছু হয় না। সেই লাঙলের ঈষের কাহিনী জানো না ?

—কী কাহিনী আচার্যদেব ?

—নির্বোধ শিষ্য বহু সেবা করার পর গুরু মনে করলেন তাকে সহজতম পন্থায় শেখাবেন। তিনি তাকে কাষ্ঠ ও পত্র সংগ্রহ করে আনতে বললেন। ফিরে এলে জিজ্ঞাসা করলেন—কী দেখেছ ?

—সর্প দেখেছি।

—সর্প কী প্রকার ?

—লাঙলের ঈষের মতো। —এইভাবে হাতি দেখে এসেও সে বলল—হাতি ঈষের মতো।

গুরু ভাবলেন, হাতির ঠুড়ের কথা মনে করে এই উপমা ব্যবহার করছে শিষ্য। তিনি হুটচিন্তে তাকে আবার পাঠালেন। কিন্তু নির্বোধ যা দেখে আসে তাকেই লাঙলের ঈষের মতো বলে বর্ণনা করে। তিনি ভেবেছিলেন উপমা প্রয়োগ ও কার্যকারণ সম্বন্ধে স্বাভাবিক জ্ঞান থেকে তার শিক্ষারস্ত হবে। এখন তিনি বুঝলেন—না, এর দ্বারা কিছু হবে না।

গুরু সংকৃতির কাছ থেকেই তিষ্য জানতে পারে বহু আচার্য এইভাবে, সেবা লাভ করবার জন্য সেবার মাহাত্ম্য রটিয়ে থাকেন। যাঁদের প্রচুর ভূমি এবং দাস আছে তাঁদের অসুবিধা হয় না। কিন্তু যাগ-যজ্ঞ উপলক্ষে দাস-দাসী পাওয়া গেলেও ভূমি অত সহজে মেলে না। ভূমি না থাকলে দাস-দাসী পালন করা যায় না। ভূমি নিয়ে এইসব কুলপতি আচার্যরা করবেনই বা কী ? ভূমি-কর্ষণের জটিল কাজ পরিদর্শন করবারই বা তাঁদের সময় কই ! তাই তাঁরা অধিকাংশই দাস-দাসীগুলি বিক্রি করে দেন। শিষ্যরা গৃহকর্ম, গো-সেবা করে দিলে খুবই সহজে সমস্যার সমাধান হয়ে যায়। আচার্য অবশ্য ঠিক এভাবে বলেননি। শুধু ইঙ্গিত করেছিলেন। তার থেকেই তিষ্য বুঝতে পারে গুরুসেবা করে বিদ্যা লাভ করবার কাহিনীগুলি চতুর মস্তিষ্কের উদ্ভাবন। তবে এসব কথা জ্ঞানবার, বোঝবার পরেও সে তার যৌতুক কর্তব্য সৌতুক সেবা দিয়েছে। কখনও কখনও ভেতরে ভেতরে একটা অহঙ্কার মাথা তুলত— আমি সহস্র কার্যপণ দক্ষিণা দিয়ে এসেছি। সঙ্গে সঙ্গে তার মন তাকে বোঝাত গুরু বিরূপ হলে বহু সহস্র কার্যপণেও কিছু হবে না। সামান্য বাঁকা হাসি ভেতরে ভেতরে হেসে সে তার ভাগের গাভীগুলিকে দোহন করত, সকাল-বিকেল পরিচর্যা করত। সতীর্থ ছিল অনেক। কিন্তু প্রাণের বন্ধু কেউ না। বেদ-বেদান্তগুলি শিখে পরম সন্তুষ্ট হয়ে স্নাতক হয়ে চলে যেত। কারও কাছেই মনের গোপন প্রশ্নগুলি করতে পারত না তিষ্য। ইচ্ছাকারিতা করে তো কোনও লাভ নেই। অন্যান্য আচার্যের শিষ্যদের সঙ্গে বন্ধুত্ব করবার চেষ্টা সে-যে করেনি তা নয়, কিন্তু সকলেই নিজের অধ্যয়নে এত একাগ্র যে, বন্ধুত্বে তেমন গাঢ়তা জন্মানোর সুযোগই হত না। গুরু সংকৃতি তার অস্থিরতা উপলব্ধি করে মাঝে মাঝে বলতেন— গুরুগৃহে শিক্ষার কাল পূর্বজন্দের আহত বিদ্যা হৃদয়ঙ্গম করার কাল, বৎস। প্রশ্নগুলি সমাবর্তনের পর যখন দেশে দেশে জীবিকার জন্য ভ্রমণ করবে তখন কোরো।

—তখন আপনাকে কোথায় পাবো ?

সংকৃতি হেসে বলতেন—তখন দেখবে পথে, ঘাটে, নদীতীরে, অরণ্যে, রাজদ্বারে, শ্মশানে সর্বত্রই গুরু। শুধু চিনতে পারলেই হল।

—সর্বত্রই গুরু ? গুরু অতো সুলভ হলে এত যোজন পথ পার হয়ে আমরা তক্ষশিলায় আসি কেন ?

—যার থেকে সামান্যতম হলেও জ্ঞান লাভ করা যায়, সেও গুরু। এই যে তুমি ত্রিবেদ শিক্ষা করলে, তুমি কৃত্রিয় সন্তান, যদি কৃত্রিয় বৃত্তিই অবলম্বন করো, তা হলে এ বিদ্যা তোমার সেভাবে কাজে লাগবে না। এ শুধু তোমাকে দেবে একটি সম্যক দৃষ্টি। সে দৃষ্টি দিয়ে বিচার করতে পারবে। আর পাবে একটি অন্তরীক্ষ। অন্তরীক্ষটি ভেতরে থাকলে জীবনের কোনও কাজ কঠিন লাগে না, নীরস লাগে না।

—কিন্তু আচার্য আপনি যে বলেছিলেন প্রব্লেম পথ ধরেই বেদবিদ্যা আসে ?

—সে স্বতন্ত্র প্রশ্ন বৎস তিষ্য। আমার এক সহাধ্যায়ী ছিলেন সুহোত্র। সামান্য পর্ণিকের পুত্র। তিনি তো দ্রষ্টা ঋষি হয়ে যান। প্রতিদিন শতাধিক গাভী নিয়ে গো-চারণে চলে যেতেন ভোরবেলায়। দেখতেন কীভাবে ধীরে ধীরে রাত কেটে ভোর হচ্ছে। সতেজ ঘাসগুলি উদর পুরে খাওয়ার পর সুহোত্রর ধেনুরা এতই সন্তুষ্ট হত যে, সেই গো-চরেই তাদের দুগ্ধক্ষরণ হত। সুহোত্রর অসুবিধা হবে বুঝে ধেনুগুলি একের পর এক তার দুগ্ধভাণ্ডগুলির ওপর এসে দাঁড়াত। কেউ তাদের শেখায়নি। সেই দেখতে দেখতে সুহোত্রর হৃদয়ে ঋক্ প্রবেশ করল।

আদিত্যের গোষ্ঠ থেকে আলো

ধেনুর মতো থাক।

আকাশ মাঠে চরতে যাক তারা

প্রাণের ক্ষীর ক্ষরাক ॥

আকাশ আছে ধেনুতে

ধেনুও আছে আকাশে।

দুগ্ধ যেমন ভূমিতে

ভূমিও তেমন দোহতে ॥

বাক্ স্বয়ং যদি বরণ না করেন, তবে ঋষি ঋক্ দেখতে পান না। সুহোত্র দেখতে পেতেন। তাই বলতেন

হে ধেনু এবার ইরষিত করো

আমার চিন্তা তুমি।

পান করাও। স্নান করাও

ভাসাও, ডোবাও, দেখাও আলোর উৎসরণের ভূমি ॥

আলোয় আঁধার হয়ে পান করো

জীবন, তোমার পেয়

আঁধারে মানিক হয়ে জ্বলে ওঠো

দেখাও কোথায় গেহ ॥

গুরু সংকৃতি তিষ্যকে বুঝিয়ে দিয়েছিলেন কীভাবে সেবার তত্ত্ব থেকে আলোর তত্ত্ব, আলোর তত্ত্ব থেকে অমৃতের তত্ত্বে পৌঁছেছিলেন ঋষি সুহোত্র। কীভাবে জীবনের মূল তত্ত্ব জ্ঞানবার পূর্ণ মৃত্যুভয় জয় করেছিলেন। সুহোত্র বলতেন, পূর্বজরা যে গো কামনা করতেন তার সবটাই শুধু গৌধনের জন্য আকাঙ্ক্ষা নয়, তাঁরাও অনেক সময়ে 'গো' বলতে আলো বুঝিয়েছেন। 'দ্বয়ি' অর্থে 'দ্বয়' সময়ে পার্থিব ঐশ্বর্য নয়, আলোর তত্ত্ব জ্ঞানতে চাইতেন। যজ্ঞগুলি তাই নিরর্থ হয়ে যায় যদি যজ্ঞের অন্তর্নিহিত অর্থ না-বুঝে শুধু ধেনুর কামনাতেই যজ্ঞ করা হয়। সুহোত্রর মত ছিল যজ্ঞ— মানসযজ্ঞ। অরণ্য-পৃথিবী-আকাশ বেষ্টিত মানুষের প্রাণপণে সৃষ্টিতত্ত্বের ভেতরে প্রবেশ করতে চাওয়া। সুহোত্রর এই ব্যাখ্যায় অনেকেই ভুট্ট হতে পারেনি। বিশাল কর্মকাণ্ডের অনেকটাই তো তাহলে মিথ্যা হয়ে যায়। যজ্ঞ, যজ্ঞ উপলক্ষ্যে মহতী সভা, সাধুজন সমাবেশ, দানপ্রদীক্ষা সবই বন্ধ হয়ে যায়। কেউ অস্বীকার করছে না, যজ্ঞে যজ্ঞমান নিজেকেই দেবতার কাছে বলি দেন। পশুগুলি যজ্ঞমানেরই প্রতীক। কিন্তু সুহোত্র বলতে থাকেন এই প্রতীকের প্রয়োজন নেই। প্রয়োজন নেই ঋত্বিকের। যজ্ঞ মানে দেবতার উদ্দেশ্যে ত্যাগ। নিজের যা সবচেয়ে প্রিয় সেই আপনাকে ত্যাগ হলেই যজ্ঞ

অর্থময় হয়ে ওঠে। এতে প্রয়োজন নেই ঋত্বিকের। মানুষ নিজেই অধ্বন্য, নিজেই হোতা, নিজেই ব্রহ্মা, নিজেই অগ্নী। নিজেকে সম্পূর্ণ তত্ত্বয় করাই আত্মোৎসর্গ। তবে সুহোত্রর তাঁর মতামতগুলি প্রচারে মন ছিল না। তিনি থাকতেন তাঁর ছোট কুটিরে। অল্পসংখ্যক অনুরাগী শিষ্যের ওপর নির্ভর করে। ঘুরে বেড়াতেন আপন আনন্দে। সে সময়ে রাত্রি দেখা যেত নক্ষত্রময় কালো আকাশের তলায় আবিষ্টার মতো ঘোরাফেরা করছে একটি দীর্ঘদেহী, দীর্ঘকেশ মানুষ। ঋক্ প্রকাশিত হচ্ছেন তাঁর কাছে। সুহোত্র অল্প বয়সেই মারা যান। তাঁর ঋক্গুলি রয়ে গেছে কোনও কোনও শিষ্য, কোনও কোনও অনুরাগীর কণ্ঠে

ওই জ্যোতিষ্কগুলি জয় করবার পিপাসা নিয়ে আমি  
এই রাত্রির স্তরে স্তরে রেখে গেলাম আমার আয়ুধ।  
প্রাণ, অপান, ব্যান, সমান, উদান, হ্রৎ, চিং এবং অহম্।  
হে বাক্। বরদাত্রী, মধুকরী বধু, সন্তত হও, সন্তত হও  
আমাকে সন্তত করো ভূলোকে, দ্যুলোকে  
তারও পরে যা আছে সেই অনন্ত বিভাময় বিভাবরীতে  
আমাকে সন্তত করো।

রাজগৃহের প্রাস্তবর্তী আবসখাগারের শীতল ছায়াময় কক্ষের মধ্যে ক্লাস্তি দূর করতে করতে কুমার তিষ্যর মনের মধ্যে এইসব পূর্বস্মৃতি ঘোরাফেরা করে তাদের সূক্ষ্ম গন্ধ, স্পর্শ, রস নিয়ে। সেই সমিধে ফুঁ দিয়ে আগুনকে তেজস্বান করা। দুধ আছতি দেবার পোড়া গন্ধ। আজ্যাহতির তীব্র সুগন্ধ, সহায়্যায়ী পূর্ণ অর্ঘ্যমা, বরুশ, তক্ষশিলার সেই হিমরাত্রিগুলি যখন খড়ের গাদার ওপর উর্গার কষল গায়ে দিয়ে শীত কাটত না। তুষের আগুন করতে হত কুটিরের একধারে। বহুদিন পর্যন্ত সেই পূর্ণ কুটিরের ঘুম হত না তিষ্যর। সে ভাবত সাকেতের সুন্দর ছায়াময় পথগুলির কথা। প্রহরে প্রহরে মায়েদের, দাস-দাসীদের পরিচর্যার কথা। বন্ধুদের সঙ্গে অশ্বতরের পিঠে চড়ে প্রতিযোগিতা।

তারপর তক্ষশিলা থেকে সমাবর্তন শেষে বাড়ি ফিরল। তখন সে অন্য তিষ্য। তার বাহু, পা, পেট, বুক, কাঁধের পেশীগুলি দিয়ে অন্য শক্তিশ্রোত বইছে, মুখে তারুণ্যের সঙ্গে বিদ্যাজাত প্রত্যয় এবং কর্তৃত্ব করবার সহজ ক্ষমতা এমনভাবে মিশেছে যে নিজের পিতাই তাকে সমীহ করতে আরম্ভ করেন। মা ও অন্য ভাইদের তো কথাই নেই। তিষ্য তখন শুধু যাউ খেয়েও সারাদিন কাটিয়ে দিতে পারে। আবার বহু উপচারের ভোজনও তার কাছে কিছুই নয়। দু'তিন দিন শুধু জল বা বনের ফল খেয়ে থাকা তার কাছে সহজ ব্যাপার। সারা দিন পথ চলতে পারে সে। ক্লাস্তি কাকে বলে জানে না। গৃহে অনবরত দাসেদের পরিচর্যা তখন কিছুদিন তার কাছে অসহ্য মনে হত। অসহ্য মনে হত গতানুগতিক, তুচ্ছ কথাবার্তা। সেইজন্যেই আরও সে শ্রাবস্তীতে বন্ধুলের কাছে চলে যায়।

জীবনে ওই একটি মানুষের মতো মানুষ দেখেছে তিষ্য। বন্ধুল মন্ত্র।

প্রথম যেদিন দেখা হল, নিজের অস্ত্রাগারে হাঁটু গেড়ে বসে তরোয়ালে শান দিচ্ছিলেন আর পানীয়ে চুমুক দিচ্ছিলেন। রাজা প্রসেনজিৎ পানীয় হাতে উচ্চাসনে। বিশাল মানুষটি বন্ধুলে। খালি গায়ে পেশীর পর পেশীর তরঙ্গ। তরোয়ালটা সামনে পেছনে বিদ্যুৎবেগে আসছে ঋক্, আগুনের ফুলকি ছড়াচ্ছে, আর তাঁর পেশীর তরঙ্গে হিম্মোল উঠছে। মুখটা বালকের মতো সরল, হাসিতে ভরা।

বন্ধুল বলছিলেন, মহারাজ, এই যে কৃপাগটিতে শান দিচ্ছি, এইটি দিয়েই কিন্তু আপনার মূল্যবান গলাটি কুচ করে কেটে নিতে পারি। নিভৃত এই অস্ত্রাগার। কেউ দেখতেও আসবে না।

প্রসেনজিৎ হাহা করে হেসে বললেন, তোমার অস্ত্রাগারে বৃষ্টি ওই কৃপাণের সঙ্গে লড়বার মতো আর কোনও অস্ত্র নেই, বন্ধুল? আমার ক্ষিপ্ৰতাতেও সম্প্রদেহ প্রকাশ করছো না কি?

—আপনার ক্ষিপ্ৰতা এখনও সম্পূর্ণ নষ্ট হয়নি মহারাজ, একথা ঠিক। কিন্তু এ অস্ত্রাগারের অস্ত্ররা একমাত্র আমার কথাই শোনে যে।

—সে ক্ষেত্রে দ্বাররক্ষীরা আছে। তারা আমার বৃত্তিভোগী।

—না মহারাজ, তারা আগে আমার ভৃত্যক, তারপর আপনার। যুদ্ধের নিয়ম ওদের আমি যা শেখাই তা হল আগে ওদের উর্ধ্বতন প্রত্যক্ষ প্রভুর আজ্ঞা পালন করবে। ওরা আপনাকে সম্মান করবে। কিন্তু প্রাণ দেওয়া-নেওয়ার কারণ ঘটলে আমারই পক্ষে যাবে। ওরা আমার বশ।

—বলো কি বন্ধুল! তাহলে তো তোমার পেছনে চর লাগিয়ে রাখতে হয়। এমন চর যে কুম্বিকীটের মতো তোমায় আঁকড়ে থাকবে! —প্রসেনজিৎ হাসছেন। সবকিছু অগ্রাহ্য করার, তুচ্ছ করার হাসি। একটা অতিরিক্ত উচ্ছ্বাস। বন্ধুলও হাসছেন, কিন্তু ভারি বুদ্ধিমন্ত হাসি। বললেন— চর নিয়োগ করতে কি এখনও বাকি রেখেছেন নাকি মহারাজ? বায়ে বায়ে বলি সতর্ক হোন। সতর্ক হোন। একটা ভোঁতা তরোয়াল কাটিতে না ঝুলিয়ে রেখে সত্যিকার অস্ত্র বহন করুন। সঙ্গে নিজস্ব রক্ষী রাখুন। এইভাবে যে কোনও কাননে, পানশালায়, পথে, বিপথে না মহারাজ আপনি বড়ই অসতর্ক।

—তা যদি বলো বন্ধুল, কোশলের প্রতিটি রজ্জ এই অসতর্ক প্রসেনজিৎকে ভালোবাসে। সকলেই বলে...

এই সময়ে তিষ্যর ওপর চোখ পড়ল দু জনের।

—ও, তুমি সেই সাকেত কুমার না? বন্ধুল বলে উঠলেন, কদিন ধরেই আমার অতিথি গৃহে এসে রয়েছ?

—হ্যাঁ আচার্য।

—আমার অস্ত্রবাসী হতে চাও?

—সে রূপই ইচ্ছা।

—তক্ষশিলায় শিক্ষা।

—হ্যাঁ।

—কার কাছে ধনুর্বেদ শিখেছ?

—আচার্য সুধম্বা।

—তবে তো ভালো আচার্যই পেয়েছো। তরবারি, ভল্ল, মুবলের ব্যবহার জানো? রথ এবং অশ্ব থেকে যুদ্ধ চালনার কৌশল শিখেছ?

—অস্ত্রগুলির ব্যবহার ভালোই জানি। কিন্তু রথযুদ্ধ, অশ্ব বা হস্তীর পৃষ্ঠে যুদ্ধ ভালো আয়ত্ত হয়নি। তক্ষশিলায় অভ্যাসের সুযোগ ছিল না, আচার্য।

—আমি এখনও তোমার আচার্য হইনি কুমার। স্তম্ভিবাদে আমি সুখী হই না।

তিষ্যর মুখ রক্তবর্ণ হয়ে উঠেছিল। সে স্বভাবে অহঙ্কারী, নত হওয়া তার স্বভাব নয়, কার্যোদ্ধারের জন্য স্তম্ভিবাদের তো কথাই নেই। সে বলল— তাহলে অনুমতি দিন, আমি ফিরে যাই।

—সে কী? ক্রোধ হল নাকি? হা হা করে হাসলেন বন্ধুল। রাজার দিকে ফিরে বললেন— এই হল যথার্থ ক্ষত্রিয়, বুঝলেন? নীচ আচরণ তো করবেই না, নীচ আচরণের অভিযোগ সহ্য করবে না। আপনার সভায় এই জাতীয় ক্ষত্রিয় ক'জন আছে, মহারাজ?

তিষ্যর দিকে ফিরে এবার বন্ধুল বললেন—ইনি কোশলরাজ প্রসেনজিৎ। অভিবাদন করো আয়ত্থান।

তিষ্য রক্ষীদের সঙ্গে ঢুকে আগেই দুজনকে অভিবাদন করেছিল। কিন্তু ঐরা ধর্মে মগ্ন ছিলেন, লক্ষ্য করেননি। সে আগে কোশলরাজকে, পরে বন্ধুলকে অভিবাদন করল। কিন্তু শুধু অভিবাদন। মুখের ক্রুদ্ধভাব তখনও রয়ে গেছে।

পরে বন্ধুল তাকে বলেছিলেন— তিষ্য তুমি দুর্বিনীত না হলেও, কেমন বিনয়ীও নও! তিষ্য চূপ করেছিল।

হঠাৎ হেসে উঠে বন্ধুল বলেছিলেন, শুধু এই কারণেই সেদিন তোমায় অস্ত্রবাসী বলে গ্রহণ করলাম। বিনয়-টনয় আমি ভালোবাসি না। অহঙ্কার। অহঙ্কার থেকেই আসে আত্মশক্তি। আত্মশক্তি না থাকলে তুমি কীভাবে মানুষকে পরিচালনা করবে। মানুষ তো আর অজ্ঞপাল নয়?

—কিন্তু আচার্য। আমি তো দেখি মানুষ অজ্ঞপালই!



—হাঃ হাঃ হাঃ হাঃ— বজুলের অট্টহাসিতে বুধি মল্লক্রেত্র ফেটে যাবে। কিছুক্ষণ পর তিনি আত্মসংবরণ করে বললেন— ভালো। এই হল প্রথম অহঙ্কার। আর সব অজ্ঞপাল, আমি একা স্বতন্ত্র। সিংহ। কী বলো ?

—সিংহ না হলেও, অন্ততপক্ষে অজ্ঞ নই !

—শোনো তিষ্য, ক্রম দেখবে অজ্ঞ হলেও মানুষ কিন্তু পুরোপুরি অজ্ঞও নয় আবার। কখন কোথায় হঠাৎ স্মৃতিস্তম্ভ উদ্ভিত হবে, দেখা দেবে স্বদস্ত, অজ্ঞপাল হয়ে যাবে বৃকপাল তা তুমি জানো না। তাই দ্বিতীয় অহঙ্কার হল— অন্যরা অজ্ঞই হোক, বৃকই হোক, আমিই প্রকৃত মানুষ। পশুগুলির প্রাণ আছে, কিছু সংস্কার আছে, কিন্তু আমার বুদ্ধি আছে। বুদ্ধিই আমার শৌর্য, বুদ্ধিই আমার অপ্রজ্ঞানকে প্রকৃত শক্তি যোগায়।

তিষ্য নীরবে শুনছিল।

—কিছু বলবে না ?

—না, আচার্য, শুনছি।

বজুল মৃদুস্বরে বললেন— এর ওপরেও তৃতীয় অহঙ্কার আছে এক। কী বলো তো ?

ভেবে-চিন্তে তিষ্য বলল—জানি না আচার্য।

—জানবে না। কেন না তোমার এখনও সে অহঙ্কার আসেনি তিষ্য। তৃতীয় অহঙ্কার হল— চতুর্দিকে মানুষ। বুদ্ধিবল সম্পন্ন, বীর্যবল সম্পন্ন, যোগ্য, কর্মকর্ম মানুষ। কিন্তু যতই বুদ্ধিমান, যতই বীর, যতই যোগ্য হোক, আমি যোগ্যতম। “তর” নয়, “তম”। এই “তম”তা যদি তোমার অহংবোধে প্রবেশ করে তবেই তুমি সত্যি-সত্যি অহঙ্কারী হলে। যে অহঙ্কার দিয়ে কিছু করা যায়। পাহাড় চূর্ণ করা যায়, যেমন ইন্দ্র করেছিলেন, নদীর স্রোত ভিন্নমুখী করা যায়, যেমন করেন ভগীরথ, লোকপাল রাজা হওয়া যায় যেমন আজও প্রকৃতপক্ষে কেউ হয়নি, শুধু আমাদের কল্পনাতেই আছে...

—কিন্তু আচার্য, আমরা শিখেছি বিনয়ই প্রকৃত গুণ।

আবার হাসছেন বজুল।

—বিনয় না থাকলে বিদ্যা মিথ্যা, কেমন ? আচার্য সংকুতি, আচার্য সুধম্ব এইসব শিখিয়েছেন তো ? তিষ্য ছেনো, বিনয় হল একটি নীতি, দণ্ডনীতির সূক্ষ্মতম তন্ত্র। ভালো করে ভেবে দেখো আমাদের লক্ষ্য কী ? কিছু প্রাপ্তি, কিছু সম্পাদন করতে পারা। বীর্য দিয়ে নয়, আত্মপালন দিয়ে নয়, স্পর্ধা দিয়ে নয়, বিনয় দিয়েই তা অনেক সময়ে সবচেয়ে সহজে হয়। হয় না ?

গায়ে মাটি মেখে অনায়াসে তাকে মাথার ওপর দুপাক ঘুরিয়ে মল্ল ক্রেত্রে ফেলে দিয়েছেন বজুল। বলছেন— এই দৈহিক বল, এই মল্লবিদ্যার কূটকৌশল আদ্যোপান্ত জানা— এর থেকে তোমার মুখভাবে গর্ব, দীপ্তি, ফুল্লতা আসবে, তাকে বিনয়ের আবরণে ঢেকে প্রতিপক্ষের কাছে যেতে হবে। পুরাকালে নিয়ম ছিল স্পর্ধা করে প্রতিপক্ষকে রাগিয়ে দেওয়া, এখন নিয়ম সূক্ষ্মতর হয়ে গেছে, এখন বিনয় প্রকাশ করে প্রতিপক্ষকে প্রতারিত করতে হয়।

সরোবরে স্নান করছেন দুজনে। সর্বশ্বেত বসন পরে ফুলের মালা ধারণ করে, শ্বেতচন্দনে সেজে অন্তঃপুরে ঢুকতে ঢুকতে হেঁকে বলছেন বজুল— মল্লিকা, মল্লিকা তিষ্যকে ভালো করে বশুমাংস খাওয়াও, সঙ্গে যবের পুরোডাশ। বলবীর্য না বাড়লে তিষ্য কী করে বীরশ্রেষ্ঠ হবে— সামান্য বজুলের সঙ্গেই পারছে না।

—সামান্য বজুল। বলছেন কী আচার্য। একটু আগেই যে বিনয়ের নিন্দা করছিলেন।

—করছিলাম বুধি ? কী বলেছিলাম বলো তো।

—বলছিলেন বিনয় প্রকৃতপক্ষে প্রবঞ্চনা, ছল। বিনয় একটা নীতি যাকে অবলম্বন করে লক্ষ্যে পৌঁছানো যায়।

—বলেছিলাম ?— বজুল ঘাড় ফিরিয়ে তার দিকে সর্কোড়কে তাকালেন। তারপর মুখ নিচু করে হঠাৎ ভীষণ মনোযোগ দিয়ে খেতে লাগলেন।

তিষ্যর খাওয়ার গতি লক্ষ্য হয়ে গেছে। তার ভেতরে চিন্তা ঢুকেছে। একটু পরে তার মনে হল—

বঙ্গল নিজেকে সামান্য বলে তাকে আরও তাতিয়ে দিতে চাইছেন। আর কিছুই না। নীতিই বটে। কতো কাজে লাগে।

তাহকের পিঠে চড়ে ছোট রাজগৃহ নগরটির এপ্রান্ত থেকে ওপ্রান্ত শুধু ঘুরে বেড়ায় তিষ্য। যেন তার কোনও কাজ নেই। কখনও চলে যায় হাটে, কখন আপনশ্রেণীর পথে। সে যায় না নির্জন গিরিশৃঙ্গে, কি কাননগুলিতে। বেলুবনের কথা, ইসিগিলির কথাও যেন সে ভুলে গেছে। সে নির্বিষ্ট হয়ে লক্ষ্য করে জনযাত্রা। একান্ত মনোযোগে শোনে মানুষের কথা। আপণে, হাটে, সুরাগৃহে, পথে। সবাই দারুণ ব্যস্ত। কে কয়েক কাহনের শাক ও পর্ণ কিংবা গুড় বা চাল কিনবে, মূল্য ঠিক করতে বিবাদ লেগে যাচ্ছে। ওই কয়েক কাহনের ওপর যেন ক্রেতা-বিক্রেতার জীবন-মরণ নির্ভর করছে। এক দল রমণী চলে গেল পরস্পরের সঙ্গে কথা বলতে বলতে, অতি সামান্য কথা, কিন্তু এমন ডুবে আছে সেই কথার ভেতরে যেন ওইখানেই জীবনের পরমার্থ পেয়েছে। ঘোড়া কিংবা রথে চড়ে চলে গেল কেউ, হয়ত যাচ্ছে গণিকাগৃহে, কি শৌভিকগৃহে, কি হয়ত রাজসভায় উপস্থিত হতে, ওই গন্তব্যটুকুই যেন শেষ লক্ষ্য। তিষ্যর মনে হয় এরা সব ঘুমিয়ে রয়েছে। সাকেতেও এ কথা মনে হত। শ্রাবস্তীতেও। কিন্তু ঠিক কী মনে হচ্ছে সে বুঝতে পারতো না। এতদিন পরে রাজগৃহের জনপথে এসে সে নিজের অনুভূতি যথাযথ বিশ্লেষণ করতে পারল। অভ্যস্ত কাজকর্ম প্রতিদিন করে যাওয়া, অভ্যস্ত চিন্তায় কাল কাটানো, অভ্যস্ত সামাজিক আচরণের চতুঃসীমার মধ্যে নিরন্তর ঘোরাক্ষেরা করা তো নিদ্রাই। কালনিদ্রা। এইসব নগরীর বাইরের সৌন্দর্য আর ভেতরের অন্তঃসারশূন্যতা সে যেন পাশাপাশি দেখতে পায়। একেক সময়ে দুঃসহ লাগে তার। গলায় মালা পরে, নির্বোধের মতো হাসতে হাসতে যে লোকগুলি সন্ধ্যার পর পথে পথে ভিড় করে তাদের ঝাঁকিয়ে দিতে ইচ্ছে করে তার। মনে হয় বলে— অ হে, মাগধ কী করছো? করছো কী? এইভাবেই চালিয়ে যাবে নাকি? এই ভাবেই কাল কাটাতে?

দাঁত-বার-করে-হাসতে-থাকা মৃদু নাগরিকগুলিকে ঝাঁকিবার পরিবর্তে সে নিজেকেই ঝাঁকিয়ে নেয় অবশ্য। ভাবে, তবে কি এতদিনে সে বঙ্গল-বর্ণিত দ্বিতীয় অহঙ্কারের পর্যায়ে পৌছল? এই মানুষগুলি মানুষ নয়, পশুমাত্র, সে একাই মানুষ? এই উপলব্ধি হচ্ছে না কি তার? না কি এ পর্যায়ও পার হয়ে সে তৃতীয় অহঙ্কারে পৌছে গেল? চূড়ান্ত অহঙ্কারে? না। চূড়ান্ত নয় বোধহয়। কেন না কোথায় সেই নির্দিষ্ট লক্ষ্যের রূপরেখা? কোথায়ই বা সেই দৃঢ়তা তার প্রত্যয়ে? সে তো এখনও পথই খুঁজে যাচ্ছে। পথই খুঁজে যাচ্ছে।

এইভাবে, চূড়ান্ত একাকিত্বের এক স্বরচিত বৃন্দে ঘুরতে ঘুরতে, কখনও ক্রুদ্ধ, কখন হতাশ, কখনও বিমর্ষ হতে হতে একদিন তিষ্য রাজগৃহের পথে এমন একজনকে আবিষ্কার করল, যার সঙ্গে দেখা-হওয়ার সৌভাগ্য কোনদিন হবে, সৌভাগ্যই বলতে হবে, কেন না এ তার বহুদিনের সাথ, সে কল্পনাও করেনি।

২৪

শ্রাবস্তী আর বৈশালী প্রায় পাশাপাশি নগরী মাঝে ব্যবধান বিস্তীর্ণ গ্রামভূমির সগরী দুটি রাজধানী। মাঝে আছে শাক্যক্ষেত্র ও মল্লক্ষেত্র। শাক্যনগরী কপিলবস্ত্র বা মল্লনগরী কুশিনারা এদের সঙ্গে তুলনায় আসে না। বৈশালী গণরাজাদের দেশ। কোশলের রাজধানী শ্রাবস্তীতে একজনই রাজা। শ্রাবস্তী কোশলের রাজধানী। দুটি নগরই ধনে-জনে পরিপূর্ণ। দুটিই শ্রমগণদের প্রিয়। নিজেদের মত প্রচারের জন্য শ্রোতা মেলে প্রচুর। ভিক্ষার অভাব নেই। অনেক ধর্মীর বাস। সুতরাং পৃষ্ঠপোষকতার জন্য ভাবনা করতে হয় না। বৈশালীর একটি গর্ব আশ্রয়ালী। সৌন্দর্যে, নৃত্য-গীতে অতুলনীয়। বৈশালীর দ্বিতীয় গর্ব সিন্ধুই নাথপুত্র বা নিগগষ্ঠ নাথপুত্র। কন্দগ্রামের জাতক, সম্রাট বংশে জন্ম। বিবাহও করেছিলেন। কিন্তু ত্রিশ বছর বয়সে সংসার ত্যাগ করেন। গৃহস্থ-জীবনের নাম ছিল বর্ধমান। এখন তিনি বিবসন শ্রমণ। তাঁর শিষ্যরা তাঁকে জিন অর্থাৎ মুক্তপুরুষ বলে জানে। নির্ভ্রদের সঙ্গে আজীবকদের এক সময়ে যথেষ্ট সখ্য ছিল। কেন না

নির্গৃহদের গুরু বর্ধমান আজীবকদের গুরু মক্খলি গোসালের দিগম্বর-ব্রত গ্রহণ করেন। বর্ধমানের আগে পার্শ্বমুনির সম্প্রদায় একবস্ত্র কিম্বা তিনবস্ত্র পরতেন। বর্ধমান বা নাতপুস্তর সময় থেকে এঁরা নির্বস্ত্র হলেন। কিন্তু কিছুদিনের মধ্যেই মক্খলি গোসালের সঙ্গে নাতপুস্তর তুমুল বিবাদ লাগল। উভয়েই মানতেন মানুষের জন্ম হল চুরাশি লক্ষ বার। কিন্তু মক্খলি গোসাল আরও মানতেন নিয়তিবাদ। অর্থাৎ সর্ব জীব নিয়তি সঙ্গতি বা পরিস্থিতি ও স্বভাবের বশে নানা পরিণতি প্রাপ্ত হয়। বল নেই, বীর্য নেই, পুরুষ শক্তি নেই। বুদ্ধিমান, মুর্খ, সকলেই চুরাশি লক্ষ মহাকল্পের চক্রের মধ্য দিয়ে যাবার পর দুঃখ থেকে মুক্তি পাবে। গোসালের এই মত নাথপুস্তর মানতে পারলেন না। তাঁর মত তপস্যা ও চতুর্যাম পালন করলে বিগত সব জন্মের পাপ ক্ষয় হয়ে এক জন্মেই কৈবল্য লাভ করা সম্ভব। নাতপুস্তরের মতবাদ লোকের ভালো লাগল। যদিও তিনি কঠোর তপশর্যা করতে বলছেন, তবু তো কৈবল্যলাভের আশ্বাস দিচ্ছেন। পাপক্ষয়ের আশ্বাস দিচ্ছেন। মক্খলি গোসালের মত মানতে গেলে পাপ-পুণ্য শুদ্ধি-অশুদ্ধি বলে কিছু থাকে না। কর্মের কোনও অর্থ থাকে না। চেষ্টার কোনও মূল্যও থাকে না। এক গভীর হতাশা এবং আলস্য এসে ছেয়ে ফেলে অস্তিত্ব। সুতরাং নাতপুস্তর শিষ্য-সংখ্যা দিন দিন তো বাড়ছিলই। গৃহী শিষ্যও তাঁর মধ্যদেশের নগরগুলিতে প্রচুর।

এঁদের মধ্যে অগ্রগণ্য শ্রাবস্তীর মিগার শ্রেষ্ঠী। এবার বৈশালী থেকে তাঁর শ্রাবস্তী যাবার প্রধান কারণ মিগারের গৃহে উৎসব। সে পুত্রের বিবাহ দিয়েছে। পুত্রবধূকে গুরুর কাছে উপস্থিত করতে চায়। গুরুর আশীর্বাদ ভিন্ন তাকে পুরোপুরি গৃহধর্মে গ্রহণ করতে পারছে না। অনেক দিন ধরেই বলছে। কিন্তু নাতপুস্তর ব্যস্ত ছিলেন। বর্ষাবাস করেছেন বৈশালীতে। সে সময়ে তিনি বা তাঁর সম্প্রদায়ের কেউই ভ্রমণ করেন না, বহু প্রকার কীট অনুকীট গুল্ম ইত্যাদি জন্মায়। চলতে চলতে তাদের পদদলিত করবার সম্ভাবনা। শ্রাবস্তীতেও তাঁর সম্প্রদায়ের শ্রমণরা রয়েছে। তাঁদের দিয়েও কাজ চালিয়ে নেওয়া যেত। কিন্তু মিগার সে-কথা শুনবে না। অগত্যা কার্তিকী পূর্ণিমার পর যাত্রা করে নাতপুস্তর এসে পৌঁছেছেন শ্রাবস্তীতে।

মিগারের গৃহ আজ বিশেষ সাজে সজ্জিত। কাননের মধ্যে শ্বেত চন্দ্রাতপ খাটিয়ে সশিষ্য গুরুর বসবার জন্য মনোরম পরিবেশ রচনা করেছেন মিগার। গৃহে রান্না হচ্ছে নানা প্রকার সুখাদ্য। ভিক্ষার সময়ে কেউ মৎস্য মাংস দিলে নাতপুস্তর আপত্তি করেন না। কিন্তু তাঁরই জন্য মারা হয়েছে এমন পশু-পাখির মাংস তিনি গ্রহণ করেন না। সুতরাং আজ নানা প্রকার শাক, অন্ন, পায়স, মোদক প্রভৃতির ব্যবস্থা হয়েছে।

বিশাখার আজ মনে অকস্মাৎ যেন মুক্তির বাতাস লেগেছে। উৎসবের আনন্দ, তার ওপর সে উৎসব কিছু সাধু-ব্যক্তিকে ঘিরে। এতে সে তার পিতৃগৃহের, বিশেষত ভদ্রিয়র স্মৃতি ফিরে পায়। মিগার-গৃহে সবসময়ে শুধু ধন সংগ্রহ এবং সঞ্চয় নিয়ে সবাই ব্যস্ত থাকে। এঁরা যথেষ্ট ধনী হওয়া সত্ত্বেও এখনও ধনপ্রাপ্তিতে এমনভাবে উল্লসিত হন যে বিশাখার মার্জিত রুচিতে বড় আঘাত লাগে। তার পিতা ধনঞ্জয়ও তো ছিলেন ধনবান শ্রেষ্ঠী। কিন্তু নিজেদের কর্মগৃহের বাইরে বেরোবার পর ধনঞ্জয় আর ধনপ্রসঙ্গ তুলতেন না। বিশাখাও যখন তাঁর কাছে কাজ-কর্ম শিখত তখন এবং সেখানেই ধনপ্রসঙ্গ শেষ করে দিয়ে আসত। ধনঞ্জয় বলতেন—‘ধন সংগ্রহ করি আমার পরিজনরা (সি) ভাবিনায়ে নিজেদের নিজেদের প্রকৃতিদত্ত গুণাবলীর চর্চা করতে পারবে বলে। আমার বৃত্তি অল্প ধন সংযোগ করে অধিক ধন অর্জন করা। আমি এ নিয়ে ব্যাপৃত থাকলেও থাকতে পারি। কিন্তু আমার পরিজনরাও সেইভাবে ভাবিত হবে এ আমি চাই না।’

কিন্তু মিগারগৃহে উঠতে বসতে খালি ধনেরই কথা। দ্বিপ্রহরে মিগার নিজের বসলে তাঁর পত্নী প্রতিদিন তাঁকে জিজ্ঞেস করতেন—‘আজ কতো উপার্জন হল?’ মিগার পরম পরিতোষ সহকারে একটি সংখ্যা বলতেন। ততোধিক পরিতোষের সঙ্গে তাঁর স্ত্রী বিলম্বিত ‘তাহা কহাপন? না স্বর্ণ কহাপন? ঠিকঠাক বলো!’ উত্তর শুনে বিমর্ষ মুখে বলতেন—‘এই চার ভাগের তিন ভাগই তো চলে যাবে পরিজন প্রতিপালন করতে। কী-ই বা লাভ উপার্জন করে!’

এঁরা বড় কৃপণও। উৎসবে ছাড়া শালিধানের চাল খান না। ভাতক ও দাসদের জন্য স্বতন্ত্র ব্যবস্থা করা আছে। নিজেদের খাদ্যের মানও যে তার চেয়ে উৎকৃষ্ট তা বলা যায় না।

মিগার-পত্নী বিরাট ভাণ্ডারের প্রতিটি বস্তুর সংবাদ নেন প্রতিদিন। যে দাসীরা ভাণ্ডারের দায়িত্বে আছে তারা ভিত্তিবিরক্ত হয়ে যায়। প্রায়ই তাদের চোর অপবাদ শুনেতে হয়। ভূতি দেন যথাসম্ভব অল্প। কর্মান্ত গ্রাম থেকে সরল লোকগুলিকে আনান, ভূতের মতো খাটান, তারপর তাদের যেই একটু বুদ্ধি হয়, অসন্তোষ প্রকাশ করতে থাকে অমনি তাড়িয়ে দেন। মিগার-পত্নী সারা দিন এ ঘর ও ঘর, এ আঙিনা সে আঙিনায় ঘুরে বেড়ান আর আতঙ্কিত মুখে বলেন— ‘এইভাবে ব্যয় হতে থাকলে তো আমরা কিছুকালের মধ্যেই গঙ্গ-ভুক্ত কপিথের মতো হয়ে যাবো! সবগুলি রাখস। রাখস। রক্ত চুষে খাচ্ছে।’

কাদের কথা তিনি বলতে চাইছেন পরিষ্কার ভাবে না বললেও বিশাখার এবং তার অন্তরঙ্গদের এতে অপমান বোধ হয়। এ গৃহের দাস-দাসীরা অবশ্য প্রভু-পত্নীর কথা শুনে হাসাহাসি করে। কুলোয় করে চাল ঝাড়ছে দাসীরা। অদূরে প্রভু-পত্নীকে দেখা গেলেই এ ওকে ঠেলবে, বলবে— ‘আক্ষস, আক্ষস! অক্ষগুলি সব চুষে খেয়ে নিলে রে!’

দাসেরা হয়ত গো দোহন করছে। বড় বড় পাত্রে সফেন দুধ পড়ছে। ভরে যাচ্ছে একটার পর একটা পাত্র। মিগার পত্নী এসে দাঁড়াবেন, কটিতে দু হাত রেখে বলবেন ‘বিসাখা, বিসাখা, দেখে যাও।’

সুন্দর ভোর বেলাটি। বিশাখার স্নান প্রসাধন সারা। সে গো দোহনের সময়ে উপস্থিত থাকে। সে কাছে আসলে স্বপ্ন বলবেন— ‘বলেছিলাম কি না!’

কী বলেছিলেন, মা!

গোচরেই এরা কিছুটা করে দুধ দুয়ে নেয়। দেখছ না ভাঁড়গুলি সব পূন হয় নি।

দাসেরা সবই শুনেতে পাচ্ছে। এদের মধ্যে বিসাখার সাকেতের দাসরাও আছে। বিসাখা লজ্জিত, অপ্রতিভ বোধ করে। মৃদু স্বরে বলে— ও সব আপনার ভ্রম মা। ভাঁড়গুলি পূর্ণ হলে তো দুধ উপাচ্ছে পড়বে। নষ্ট হবে!

সে আর দাঁড়ায় না। তাড়াতাড়ি অন্য দিকে চলে যায়। সাকেতের দাসগুলির মুখ গম্ভীর। কিন্তু শ্রাবস্তীর দাসেরা বিশাখা চলে যাবার সঙ্গে সঙ্গে গোলমাল আরম্ভ করে দেয়। প্রভু-পত্নীর সঙ্গে যথেষ্ট কৌতুক করে। একজন বলবে— আপনি জানতেন না মা। আমরা তো গাভীর বাঁটে মুখ লাগিয়ে চোঁ চোঁ করে খানিকটা দুধ খেয়ে নিই আগে। নিজের উদর না ভরলে কি আর পরের উদর ভরানোর কাজে মন লাগে মা?

প্রথমটা তাদের কৌতুক বুঝতে পারেন না মিগার গৃহিণী। তর্জন করে বলেন— ‘কী? স্বীকার করলে তো। তা হলে তোমাদের প্রভুকে বলি। বলি।’ দাঁত বার করে আরেক জন বলে ‘শুধু দুধ নাকি। এই গৃহের যেখানে যা ভোজ্য আছে সবই আমরা চুরি করে করে খাই। আমরা সব আপনার গৃহপালিত মার্জরি যে। বিলার সব বিলার।’

এইবারে কৌতুকের ব্যাপারটা বুঝতে পেরে তাদের প্রভু-পত্নী ক্রুদ্ধ হয়ে সেখান থেকে চলে যান।

পরে সাকেতের দাসেরা এসে বিশাখার কাছে অভিযোগ করলে, সে বলে স্বপ্নের আকার পূজনীয়। তাঁর নিন্দা শুনেতো আমার ভালো লাগে না, তোমরা যদি মুক্তি চাও আমি তোমাদের মুক্তি দিয়ে দিচ্ছি। তোমরা অন্য কোনও স্বামীর গৃহে মনোমত কাজ খুঁজে নাও।

কেউ কেউ এতে সাগ্রহে সম্মত হয়ে যায়। অন্যরা যেতে চায় না। কয়েকটি দাসকে এভাবে মুক্ত করে দেবার পর, মিগার-পত্নীর কানে আসে কথাটা। তিনি বলেন— ‘তুমি কী প্রকার সুখা বিসাখা, আমার অনুমতি না নিয়ে দাসগুলিকে মুক্তি দিলে?’

বিশাখা বলে— ‘ওরা উদ্ধৃত হয়ে যাচ্ছিল। ওদের অন্নসংস্থান করলেও তো সেটাই-বাড়ির ধনক্ষয় হয় মা! অনর্থক!’

খানিকটা হুট হয়ে মিগার-পত্নী বলেন— ‘কথাটা সত্যি। কিন্তু আমার অনুমতি নেওয়া কি তোমার উচিত ছিল না?’

বিশাখা বলে— ‘ওদের আমি যৌতুক পেয়েছি পিতার কাছ থেকে। ভেবেছিলাম আমিই ওদের

প্রথম কল্পী। যৌতুকের দাসগুলিকে অন্নকয়ের ভয়ে মুক্তি দিতে হচ্ছে ভেবে যদি আপনি অপ্রতিভ হন— তাই আর বলি নি।

বিশাখার কূট চালে মিগার-গৃহিণী দোলাচল। হুট হবেন না কুট হবেন ভেবে পান না। বলেন— ‘মুক্তি না দিয়ে বিক্রয় করে দিলে ভালো মূল্য পাওয়া যেত।’

বিশাখা এবার ক্লান্ত কণ্ঠে বলে— ‘উদ্ভূত মা, শ্রাবস্তীতে প্রতি গৃহে দাস প্রয়োজনের তুলনায় বড়ই অধিক হয়ে গেছে মা। কে-ই বা কিনবে?’

আজ সেই কৃপণ গৃহের বাতাবরণ প্রফুল্ল, প্রসন্ন। পায়সের সুগন্ধে গৃহের রন্ধনশালার কাছাকাছি স্থানগুলি আমোদিত হয়ে রয়েছে। অন্যান্য পদ পাচকরা রাঁধলেও পরমাম বিশাখা নিজের হাতেই প্রস্তুত করছে। ধনশালী ও ময়ূরী তার নির্দেশে কাঠের দর্বা দিয়ে বিশাল কড়াইয়ে উৎকৃষ্ট দুধ ঘন করছে। কহা এলাচ ও অন্যান্য সুগন্ধি চূর্ণ করছে। মাপমতো উৎকৃষ্ট চাল, অতুৎকৃষ্ট ঘিয়ে ভেজেছে বিশাখা। চতুর্দিকে তার পবিত্র গন্ধ।

দীর্ঘ অলিন্দে সব স্থূল ফুলের মালা ঝুলছে। ধূপ। বড় বড় পায়ে আরও নানা সুগন্ধি চূর্ণ ধীরে ধীরে পুড়ছে।

সাদুরা সব এসে গেছেন। চন্দ্রাতপের তলায় উচ্চাসনে বসে নানা প্রকার তত্বালোচনা করছেন। মিগার-পত্নী সহ অন্য কুলদ্বীরা অদূরে বসে শুনছেন। মিগারও যাতায়াত করছেন। তাঁর নির্দেশ সুহা রন্ধনশালার কাজ সেয়ে স্নান ও প্রসাদন করে প্রস্তুত হোক। ইতিমধ্যে নিগগঠরা ভোজন করে পরিতৃপ্ত হোন, তারপর নাতপুত্র ধর্মদেশনা আরম্ভ করবেন। সেই সময়ে সুহা যাবে, গুরুবন্দনা করবে। পুত্র ও পুত্রবধূকে একত্রে উপস্থিত করলেই ভালো হত। কিন্তু পুত্রের সহসা কর্মে মতি হয়েছে। সে প্রথমে শ্রাবস্তীর উপকণ্ঠে তাঁর কর্মাস্ত্র গ্রামে যায়। সেখানে কিছুদিন কাজ-কর্ম দেখাশোনার পর পিতাকে বলে পাঠায় সে বারাগসী যাচ্ছে। অতঃপর বারাগসী থেকে মূল্যবান বস্ত্র ও গজদন্তের দ্রব্য নিয়ে সে নাকি কৌশাধীর দিকে যাত্রা করেছে। ভালো। মিগার অত্যন্ত আনন্দিত হয়েছে। এই সুহাটি গৃহে আসায় তাঁর গৃহে যে-সব শুভ লক্ষণ দেখা দিয়েছে, তাদের মধ্যে এইটিই শুভতম। গৃহিণীও সুখী। নববিবাহের পর বিশাখার মতো রূপবতী গুণবতী ভাষার সঙ্গে অধিক দিন বসবাস করলে পুত্রটি হয়তো তার বশীভূত হয়ে যেত। সে আশঙ্কা থেকে আপাতত তিনি মুক্ত। বিশাখাকেও ঠিক বিরহক্রিষ্ট দেখায় না। প্রোষিতভর্তৃকার মতো আচরণও সে করে না। পতি-পত্নীতে নিভূতে আলোচনা করেন, সুহাটি কিছুটা বালিকা স্বভাব। এখনও পতি কী বুঝতে শেখে নি। খেলাধুলো, গৃহকর্ম, স্নান প্রসাদন, সখীদের সঙ্গে শ্রাবস্তীর ঘরে ঘরে নিমন্ত্রণ রক্ষা, সুপ্রিয়া ইত্যাদি সখীদের সঙ্গে কোনও কাননে গিয়ে আমোদ-প্রমোদ, এইসবই মন।

শুভ কাসিক রেশম পরে, গন্ধমালায় সুসজ্জিত হয়ে বিশাখা আসছে, সঙ্গে তার প্রিয় সখীরা। অলিন্দ পার হল, নববধূর মতো সলজ্জ পদক্ষেপে। মুখ নিচু। কাননে আসতে মিগার সাদরে তাকে নিয়ে গেলেন নাতপুত্রর কাছে। বসেছিলেন গুরুদেব। আশীর্বাদ করবেন বলে দুই হাত প্রসারিত করে উঠে দাঁড়ালেন। বিশাখা পলাশবর্ণ হয়ে এক ঝটকায় মুখ ফিরিয়ে দাঁড়িয়েছে। —‘এ আমাকে কার কাছে আনলেন, পিতা। শুনেছিলাম সাধু।’ তার কণ্ঠস্থরে ক্রোধ গোপন নেই।

সভাশুদ্ধ সবাই হতচকিত। মিগার ব্যস্ত হয়ে বললেন— ইনিই তো সেই সাধু পুরুষ। নিগগঠ নাতপুত্র। ইনি জিন। বারো বছরের কঠোর তপস্যায় সর্ববিধ ইন্দ্রিয় জয় করেছে।

—ইনি অশালীন, অসভ্য। ধিক্, ধিক্ আপনাদের। এই নির্বসন উন্মাদের কাছে আমরা আশীর্বাদ ভিক্ষা করতে নিয়ে এসেছেন? —বিশাখা তার তিন সখীকে নিয়ে সঙ্গে সঙ্গে সভা-ত্যাগ করল। মিগারের বাড়িতে দাঁড়াল না পর্যন্ত। সোজা চলে গেল নিজের গৃহে।

নাতপুত্রর সমবেত শিষ্যরা কোলাহল করে উঠল। — কী দুঃসহ সখী বালিকার। যথোচিত শাস্তি হওয়া উচিত এর।

যারা নাতপুত্রর দেশনা শুনতে সমবেত হয়েছিল, সেই সব পুরদ্বীরা, দাস-দাসীরা ভয়ে চূপ। তার মধ্যে দিয়ে নাতপুত্রর ভীষণ কণ্ঠ শোনা গেল— ‘অলক্ষণা ওই সুহাকে এক্ষুণি ত্যাগ করো মিগার। এই মুহুর্তে। নইলে তোমার গৃহে অকল্যাণ নেমে আসবে।’ তিনি মঞ্চ থেকে নেমে শিষ্য সমেত ১৮৮

ডুকুনি চলে গেলেন। যাবার সময় পাশেই যে নিগ্গণ্ঠটি ছিল তাকে মৃদুস্বরে বললেন— 'এ নির্বাৎ সেই পাপাখ্যা সমনটার শিষ্য। রাজগহেও আমাদের সম্প্রদায় থেকে এমন ভাঙিয়ে নিয়েছে, এখানেও নিচ্ছে। দেখো মিগার যেন একে অবিলম্বে ত্যাগ করে।'

মিগার হতবাক। তিনদিন ধরে উৎসব হবার কথা। সেই মতো আয়োজন হয়েছে। শ্রাবস্তীতে নাতপুস্তর অনেক শিষ্য। তাঁদের অনেকেই দেশনা শুনে এসেছেন। এখন সব মুখ চাওয়া-চাওয়ি করতে করতে চলে যাচ্ছেন। গৃহের মধ্যে বিশৃঙ্খলা। বিশাখা বা তার সখীদের কোথাও দেখা যাচ্ছে না। মিগার নিজের কক্ষে গিয়ে পত্নীকে বললেন— সুহাটাকে ডেকে নিয়ে এসো।

গৃহিণী বললেন— 'যা বলবে ভেবে বলো। তিনি বিশাখাকে ডাকতে পাঠিয়ে চলে গেলেন। কী কাণ্ড। এই জটিল সমস্যার ভেতরে তিনি মোটেই থাকবেন না। মিগার বুঝল এখন।

বিশাখা এসে দাঁড়িয়েছে। মিগার বললেন— 'তুমি নম সন্ন্যাসী, তীর্থিক, আজীবক এদের আগে দেখো নি ?

—না।

—তোমার পিতা এঁদের নিমন্ত্রণ আপ্যায়ন করতেন না ?

—না।

—তাহলে কি তোমরা শুধু বেদপত্নীদেরই পূজা করো, সাকেতে ?

—আমাদের পুরোহিত আচার্য ক্রপ্পাণি আছেন। গৃহের যাবতীয় পূজা হোম ইত্যাদি তিনিই করেন।

—যাগ-যজ্ঞ করেন না কি তোমার পিতা ?

—না। তবে অমিগৃহ আছে। গৃহ্য কর্মগুলি হয়। যেমন আমার বিবাহই তো হল। কিন্তু শ্রৌত যাগ আমার পিতামহই বন্ধ করে দিয়েছেন।

—তবে ? এই তো তাঁরা বৈদিক ক্রিয়া-কাণ্ডের অসারতা বুঝতে পেরেছেন। আমরাও তোমার পিতা-পিতামহের মতো বিবাহ, বাস্ত প্রতীচা, উপনয়ন, ইত্যাদি গৃহ্য ব্যাপারে বেদপত্নী। কিন্তু পূর্ণিমা অমাবস্যায় যাগ, সোমযাগ এ সব জটিল ব্যাপারে আর লিপ্ত থাকি না। আমরা শ্রমণ পথই শ্রেষ্ঠ পথ মনে করি। তোমার পিতা-পিতামহ এঁরা কাকে বিশ্বাস করেন ?

বিশাখা ধীরে ধীরে বলল— তথাগত বুদ্ধকে।

—'কিন্তু কল্যাণি। এই যে নিগ্গণ্ঠ ইনি এমন তপঃ করেছিলেন যে একে লোকে মহাবীর বলে। ইনি জিন। একজন সমনকে পিতৃগৃহে বন্দনা করতে বলে, আরেকজন সমনকে স্বত্তর-গৃহে এসে অশ্রদ্ধা দেখাবে, এ কেমন শিক্ষা তোমার ?

বিশাখা বলল—পিতা আমি দুঃখিত। কিন্তু সমনরা যে যতবড় জিনই হোন না কেন যখন লোকশিক্ষার্থে সমাজে বাস করছেন, তখন সমাজের ন্যূনতম নিয়ম তাঁদের মেনে চলতেই হবে। অরণ্যে, পাহাড়ে, কন্দরে থাকেন সে স্বতন্ত্র কথা। কিন্তু এতো লোকের সামনে, বিশেষত নারী, তরুণী নারীদের সামনে বিবসন হয়ে ধর্মোপদেশ দিতে এসেছেন ? এঁদের লজ্জা হওয়া উচিত।

—এঁরা লজ্জা জয় করেছেন বিসাখা।

—এঁরা জয় করে থাকতে পারেন, কিন্তু শ্রোতারা, দর্শকরা, নারীরা, তরুণীরা, বালক-বালিকাগুলি ? তারাও কি লজ্জা জয় করেছে ? কিম্বা পিতা, হঠাৎ যদি তাঁরা বলে আমরাও নাতপুস্তর দেশনা শুনে লজ্জা-ত্যাগ করেছি, আর বসন পরব না, তা হলে আপনাদের, এই সমাজের, নগরের কী অবস্থা হবে ? চিন্তা করুন। আপনি কি তা মেনে নেবেন ?

—'না, তা কী করে মেনে নেবো ! বিসাখা।

—'তা হলে ? সাধু ব্যক্তিদের এমন কিছু করা উচিত নয় যা অনুসরণ করলে সমাজের লজ্জার কারণ হতে পারে। তথাগত বুদ্ধ কখনও এরূপ কিছু করেন নি।

সমন গোতম তো শুনেছি মায়াবী। মায়া দিয়ে মানুষকে বশ করে। মিথ্যা মিথ্যা বলে সে অমৃত লাভ করেছে। আজীবক তীর্থিক, নিগ্গণ্ঠ সবার সঙ্গে প্রতিযোগিতা করে, অন্যদের শিষ্য ভাঙিয়ে নেয়।

বিশাখা বলল, পিতা, আমি বড় হবার পর আর তথাগতকে দেখিনি। বালিকা বয়সের স্মৃতি যা আছে, তাই থেকেই বলছি, তথাগত বৃদ্ধকে দেখলে তাঁর ধর্ম ব্যাখ্যা শুনলে আপনি শাস্তি পাবেন। তিনি এ প্রকার রক্ষ, শুষ্ক, লজ্জাহীন সাধু নন।

বিশাখা চলে গেলেন মিগার ভাবতে লাগলেন। গুরু বলেছেন বধূটি দুর্লক্ষণা, অকল্যাণী। অথচ চার মাস কালের কিছু অধিক সে তাঁর গৃহে এসেছে। সুখ-সৌভাগ্য, ধন-জন, উথলে পড়ছে। সবাই, গৃহের গোবৎস গুলি পর্যন্ত তার বশীভূত। দাসেরাও জানে বিশাখা সুভগা বধু। মিগার-গৃহে, শ্রেষ্ঠী-পত্নীতে, এমন কি সারা শ্রাবস্তীতে সে সৌভাগ্য এনেছে। তাঁর অকালকুন্ধ্যাও পুত্রটা? সেটা পর্যন্ত কাজ কর্মে মনোযোগী হয়ে উঠেছে। নাভপুত্র বলেই তো আর সে অকল্যাণী হয়ে গেল না! তাঁর ক্রুদ্ধ হওয়া স্বাভাবিক। কিন্তু সুশীলা শালীন, অভিজাত ঘরের কন্যা যদি নগ্নতা দেখে বিরক্ত, ক্রুদ্ধ হয় তো সত্যিই বলবার কিছু নেই।

একটু পরে যখন পত্নী এসে জিজ্ঞাসা করলেন— কী স্থির করলে? মিগার বললেন— গুরুর কথায় ধনঞ্জয় সেটটির কন্যাকে পরিত্যাগ করে মরি আর কি? এমন বধু আর কার ঘরে আছে? বলুন ওঁরা। বলতে দাও। আমি অন্যভাবে ওঁদের তুষ্ট করবো এখন। সুহাকে পরিত্যাগ করার প্রসঙ্গ যেন তুলো না।

মিগার পত্নী বললেন— ঠিক বলেছ।

মিগার বিনীতভাবে গেলেন গুরু নাভপুত্র কাছে। বললেন নেহাত বালিকা আমার সুহাটি। অতিশয় লজ্জাশীলাও। কোনদিন নগ্নতা দেখেনি সে। তাকে ক্ষমা করুন ভণ্ডে।

নাভপুত্র বললেন— তবে অবশিষ্ট দু দিন তোমার গৃহে নিমন্ত্রণ রক্ষা করতে আর আমরা যাচ্ছি না।

মিগার বললেন— আমি আপনাদের এখানেই ভোজনে আপ্যায়িত করব। কষ্ট করে আমার গৃহে যাবার প্রয়োজন নেই। আমার পরিজন সব এখানেই আসবে, তাদের আপনার উপদেশ শুনিয়ে কৃতার্থ করুন ভণ্ডে। তারপর আমার সুহাকে আমি আপনার দেশনা শোনবার যোগ্য করে নিই। ধীরে ধীরে সে আপনাকে বুঝতে শিখবে। জিনকে বোঝা কি আর সেদিনের বালিকাটার কন্ম?

নিগ্গণ্ঠ নাভপুত্র ক্রোধ জয় করেছেন। মাঝে মাঝে তাঁর প্রশান্তি ক্ষয় হয় বটে। কিন্তু এখন তিনি আবার উদাসীন। মুখে অপ্রসন্নতার চিহ্নও নেই। একটি তিক্ত ঘটনা ঘটেছে। তিনি ক্রুদ্ধ হয়েছেন। কিন্তু এখন আর সেই ক্রোধ তিনি পুষে রাখতে ইচ্ছুক নন। তিনি মিগারকে অভয় দিলেন।

অতএব পরের দুদিন মিগার-গৃহ থেকে পুরাস্কারা, কর্মকররা, যে যেখানে আছে সব নাভপুত্রের কাছে উপদেশ শুনতে গেল। ভারে ভারে পক্ষ খাদ্যও গেল শ্রমণদের আপ্যায়নের জন্য। শুধু বিশাখাই তার অন্তরঙ্গ সখীদের নিয়ে নিজগৃহে রইল।

ধনপালী বলল— ঠিক করেছ ভন্দা। ছি ছি ছি। দেখে তো আমি লজ্জায় মরি। বিশ পঁচিশ জন পুরুষ, একেবারে কি না ল্যাংটা?

কহা মুখ বেঁকিয়ে বলল— আহা, কী শ্রীই খুলেছিল, দু পায়ের ফাঁকে সব দীর্ঘ দীর্ঘ সিল্ক বুলছে! আমার তো হাসি পাচ্ছিল।

ময়ূরী বলল— এ প্রকার বলিস না। শত হোক সমন এঁরা। সংসার ত্যাগ করে কষ্টসাধ্য তপস্যা করেছেন সব, অমৃত পেয়েছেন। মৃত্যুর পর স্বর্গে যাবেন।

কহা মুখভঙ্গি করে বলল— কোন স্বর্গে যাবে রে ওরা? আমাকে তো সেই স্বর্গে নিয়ে যেতে চাইলেও যাবো না। ইন্দ্রিয় সংযম করতে হলে বস্তুরত্যাগ করে ফেলতে হবে এমন কথা তো জন্মেও শুনি নি। বুঝিও না। পথে বেরোলে কুকুর তাড়া করে না? দেখাও একদিন এঁরা দারুণ বিপদে পড়বেন। নগরে-হাটে ঘোরেন। একদিন যেখানে যত কুকুর আছে ঘিরে ফেলবে। যেটুকু মাংস শরীরে আছে ছিড়ে নেবে। তখন এঁরা আবার বস্তুর পরবেন।

ধনপালী বলল আমি দেখছি দ্বিতলের বাতায়ন থেকে বালক বালিকাগুলি ঝুঁকে ঝুঁকে কী দেখছে আর হাসছে। দেবী সুপ্পিয়ার শিশুপুত্রটি তো মুখে আঙুল পুরে সেই যে বিস্ময়িত চোখে চেয়ে

রইল, তাকে আর ভোজনের জন্য ঘরে আনতেই পারি না ।

বিশাখা বিরক্ত হয়ে বলল— ‘তোরা স্তব্ধ হবি ? উঃ, কী বকতেই না পারিস ।’ সে প্রাণপণে হাসি চেষ্টে মুখের ভাবে বিরক্তি ফুটিয়ে তুলেছে ।

ময়ূরী বলল— কিন্তু, সমন বিসাখাভন্দাকে কী ভাবে গালি দিলেন ? অলক্ষণা ! অকল্যাণ হবে । গহপতিকে তো বললেন একে পরিত্যাগ করো । আমার কিন্তু বুক কাঁপছিল । অভিসম্পাত তো ! এঁরা রেগে গেলে কী না করতে পারেন । ইচ্ছা আছে তো ।

বিশাখা এবার হেসে বলল— আমিও বহু প্রকার জানি । ইচ্ছা না হলেও জাদু জানি । তা জানিস ! মায়ের কাছ থেকে পিতার কাছ থেকে তো শিখেছিলামই, আবার পিতামহ যে বিবাহের আগে এসে সাকেতে রইলেন, পিতামহর কাছ থেকেও শিখে নিয়েছি । আমাকে আঘাত করলে আমিও প্রত্যাঘাত করতে জানি ।

কহা দুই হাসি হেসে বলল— তা হলে এমন কোনও জাদু করো না বিসাখাভন্দা যাতে ওই সমনগুলো হঠাৎ লজ্জায় অভিভূত হয়ে যায় ! ল্যাংটা থাকা ঘুচে যাবে একেবারে ।

বিশাখা বলল— তার জন্য ইচ্ছা চাই । জাদুতে হবে না । তবে এ গেহ থেকে ওদের তাড়াবার জন্যে যা করার প্রয়োজন তা আমি অবশ্যই করবো ।

এবং এই সংকল্পের জন্যই বিসাখার জীবনের পরবর্তী সংকট ঘনিয়ে এলো ।

উৎসবের তৃতীয় দিনে গুরু এবং গুরুভাইয়ের ভোজনাদি করিয়ে মিগার ফিরে এসেছেন । বিসাখা নিজের হাতে যত্ন করে তাঁকে খেতে দিয়ে বসে বসে ব্যঞ্জন করছে । এমন সময়ে দ্বারের কাছে কাষায় চীবর পরিহিত এক শ্রমণ এসে দাঁড়ালেন, হাতে ভিক্ষাপাত্র । শাক্যপুত্রীয় শ্রমণরা অধিকাংশ সময়েই মুখ ফুটে ভিক্ষা চান না । নিষেধ আছে । ভগবান বুদ্ধ এইভাবেই ভিক্ষা সংগ্রহ করেন । তাই তাঁর সংঘের ভিক্ষুরাও অনেকেই তাঁকে অনুকরণ করেন ।

বিশাখা বলল— পিতা, একজন শ্রমণ ভিক্ষার্থে এসেছেন ।

মিগার মনোযোগ দিয়ে খেতে লাগলেন । যেন শুনতেই পান নি ।

এবার ভিক্ষু পুরোপুরি দ্বারের সামনে এসে দাঁড়ালেন । তাঁর কাষায় বস্ত্রের আভা সূর্যালোকে দীপ্ত হয়ে কক্ষের মধ্যে প্রবেশ করছে । মৃদু স্বরে ভিক্ষা প্রার্থনা করলেন শ্রমণ ।

মিগার একবার চোখের কোণ দিয়ে তাকিয়ে আবার খেতে ব্যস্ত হয়ে পড়লেন ।

তখন বিশাখা উঠে গিয়ে ভিক্ষুকে লক্ষ্য করে বলল—ভগবন, এ গৃহের স্বামী পুরানো খান । আপনি অন্যত্র দেখুন ।”

এতদিনে মিগারের ধৈর্যচ্যুতি হল । তিনি পায়সের পাত্র ছুড়ে ফেলে দিলে চিৎকার করে উঠলেন “কী বললে ? আমি পুরানো খাই ? উত্তম অন্ন দিয়ে উত্তম পায়স প্রস্তুত হয়েছে, গুরুকে ভোজন করিয়ে এখন নিজে সেই সুস্বাদু খাদ্য ভক্ষণ করছি, আর তুমি বললে আমি পুরানো খাই ? ধনী পিতার গর্বে তুমি জ্ঞান হারিয়েছো । বহু অপরাধ তোমার ক্ষমা করেছি । আমার গুরুকে সর্বসমক্ষে অপমান করলে তা পর্যন্ত ক্ষমা করেছি অবোধ বালিকা বলে, কিন্তু আর না । তোমাকে অবিলম্বে সাকেতে প্রেরণ করবো । পরিত্যাগ করবো ।

মিগারের কণ্ঠ তীব্র থেকে তীব্রতর হচ্ছে । দাস-দাসী, পুরস্কারী মিগার-পত্নী সব যে যেখানে ছিল ছুটে এলো ।

এই ধনগর্ভী দুবিনীত সূহাকে আমি ত্যাগ করলাম— আবার ঘোষণা করলেন মিগার । রাগে তিনি কাঁপছেন ।

বিশাখা প্রথমটা একটু হতবুদ্ধি হয়ে গিয়েছিল । এতোজনকে সম্মুখে দেখে সে দৃষ্টকণ্ঠে বলল— পিতা আপনি বললেই তো আমি ত্যক্ত হতে পারি না । আমি তো একটা সাধারণ রমণী নই যাকে পথ থেকে দয়া করে তুলে এনেছেন ! রীতিমতো দূত পাঠিয়ে অনুসন্ধানের পর আমার রূপ, গুণ, কুলগৌরব সম্পর্কে নিঃসংশয় হয়ে তবেই যথেষ্ট সাধ্যসাধনা করে আমার পিতার কাছ থেকে আমাকে প্রার্থনা করে এনেছেন । আমি এই গৃহের সূহা । এ গৃহে আমার পূর্ণ অধিকার আছে । প্রমাণ করুন আমি অপরাধ করেছি । সবার সামনে লমাণ হয়ে যাক কে তুল করছে, কে ঠিক । আমি অরক্ষিত



নই, পিতা আমার দোষ-গুণ বিচারের জন্য যাঁদের দায়িত্ব দিয়েছিলেন, আসুন তাঁরা ।

তখন, মিগারের মনে পড়ল তাই তো । এমন একটা ব্যবস্থা ধনঞ্জয় সেটটি করেছিলেন তো বটে । তিনি বিনা বিচারে একার সিদ্ধান্তে এই সুহৃৎটিকে ত্যাগ করতে তো পারেন না । কী বিপদেই না পড়া গেল ।

ততক্ষণে বিশাখা সে স্থান ত্যাগ করে নিজের গৃহে চলে গেছে । চলে গেছে তার দাস-দাসী, সখী যে যেখানে ছিল সবাই । মিগার গৃহে অকস্মাৎ যেন ঝড়ের পূর্বাভাস । সব থমথম করছে । পুরাঙ্গনা ও দাস দাসী যারা ছিল, সবাই মুখই শুকিয়ে গেছে । কারো কারো চোখে অশ্রু । বিশাখা এই ক'মাসেই এদের আপন করে নিয়েছে । তার স্বাভাবিক গরিমা, সরলতা, উদারতা এবং শ্রীতির ক্ষমতায় সে মিগার গৃহের সবাইকেই জয় করে নিয়েছে ।

কিন্তু মিগার এবার তাঁর সিদ্ধান্তে অটল । তিনি মধ্যস্থতা করবার জন্য শ্রাবস্তীর চার গৃহপতিকে ডাকতে পাঠালেন । সাকেতেও অস্বারোহী দূত চলে গেল ঝড়ের বেগে ।

যে কাননে মাত্র কদিন আগে নিগুণ্টদের নিয়ে উৎসবের আয়োজন হয়েছিল সেখানে সেই চন্দ্রাতপের তলায় সেই মঞ্চেই আজ আটজন বয়স্ক মানী ব্যক্তি ধনঞ্জয় শ্রেষ্ঠীর কন্যা বিশাখার বিচার করবার জন্য এসে বসেছেন । এসেছেন মিগার গৃহের সবাই । দাস-দাসীরাও আশেপাশে দাঁড়িয়ে আছে ।

বিশাখা তার প্রসাধন কক্ষ থেকে বেরোল । সোনার কাজ করা রক্তবর্ণ দুকূল তার পরনে । সে যত্ন করে প্রসাধন করেছে । মহালতাপসাদন ধারণ করে চলছে যেন আনন্দময়ুরী । স্থির আনন্দের অকম্প শিখা তার মুখে । তার ডান হাতে একটি পত্র । মা সুমনা উদ্বিগ্ন হয়ে লিখেছেন “বিশাখা আদরিণী কন্যা আমার, শ্রাবস্তী থেকে যে সংবাদ এসেছে তা সুখের না দুঃখের বুঝতে পারছি না । যারা তোমাকে বুঝলেন না তাঁদের সঙ্গে যত শীঘ্র তোমার সম্পর্ক শেষ হয়ে যায় ততই মঙ্গল । তোমার পিতা বলছেন তুমি চলে এসো সসন্মানে । তোমার মোক্ষক্রিয়া (বিবাহ-বিচ্ছেদ) এখন থেকেই সম্পাদন করাবো ।

তোমার জননী কিন্তু নিশ্চিত আশা নিয়ে অপেক্ষা করছে বিশাখা এমন কিছু করবে যাতে বোঝা যাবে সে বিসখাই । সে অন্যান্য কারো মতো নয় । সে শুধু নিজের সন্তান, নিজ পিতৃকুলের এবং নারীদের গৌরবই বৃদ্ধি করবো না, সে এমন একটা কীর্তি স্থাপন করবে যা বহুকাল ধরে সাধারণ মানুষের স্মৃতিতে উজ্জ্বল থাকবে । সুমনা উৎকণ্ঠিত নয় জেনো ।”

পরিশেষে মা তাকে স্নেহচূষন করছেন । আশীর্বাদ করছেন সে জয়ী হবে । সেই পত্রটিই সে তার ডান হাতের মুঠিতে শক্ত করে ধরে আছে ।

ধনপালীর চোখে অশ্রু । সে বলল— ভদ্রা এতো সেজেছ আজ ? বিশাখা বলল— আজ আমার বড় আনন্দের দিন পালি আমি পিতৃগৃহে ফিরে যাবো । আমার প্রবাসের কাল শেষ হয়েছে ।

কহা বলল— সেই ভালো । এই কৃপণ সেটটির ঘরে আমারই নিশ্বাস বন্ধ হয়ে আসে ! তার তুমি । বলছে কিন্তু তার মুখ যেন বারিগর্ভ মেঘের মতো ।

ময়ুরী তার স্বামিনীর অপমানের ভয়ে এতোই বিবশ হয়ে গেছে যে তার ছুর এসে গেছে । সে গিয়ে তার নিজের ঘরে শুয়েছিল । বিশাখা তাকে শয্যা থেকে তুলে আনল । ময়ুরী চেতবে পায় না ভদ্রার মুখের প্রসন্ন হাসির কারণ । পিতৃগৃহে যাওয়া আনন্দের কথা, সন্দেহ নেই— কিন্তু তাই বলে, এই ভাবে ?

স্বধি মধুচ্ছন্দার বর্ণিত উবার মতো যে অনুপম লাভগ্যবতী বেশে শ্রাবস্তীতে প্রবেশ করেছিল সেই ভাবেই সভাগৃহে এলো সে । খালি উবার মদুতার স্থান নিয়েছে এক যক্ষের দৃপ্ততা কিম্বা সে এমন একজন যে এখনও জম্বুদ্বীপের কল্পনায়, জম্বুদ্বীপের পুরাণে জম্বুদ্বীপে । কোনও আসন্ন ভবিষ্যতের সে বীজরূপা ।

মিগার বললেন— আপনারাই বিচার করুন । এই সুহৃৎ ঘোষণা করে বলে আমি নাকি বাসি খাই । আমি গৃহপতি মিগার । সাবখির সবচেয়ে মাননীয়, সবচেয়ে ধনীদেব মধ্যে একজন । আমি এতো কৃপণ যে আমি বাসি খাই । আর এই কথা বলা হল কখন ? না আমি যখন উত্তম সুগন্ধযুক্ত ১৯২

অন্ন দিয়ে, উত্তম পাটল গাভীর দুধ দিয়ে প্রস্তুত পায়স খাচ্ছি। ঘারে এক সমন এসেছিল, তাকে এ বলল— এ গৃহের স্বামী পুরানো খান, আপনি অন্যত্র যান।

এ কথা শুনে সাকেতের বলভদ্র শ্রেষ্ঠী বলে উঠলেন— এ কী বলছেন মিগারভদ্র, আপনি পুরানো ভিক্ষণের অর্থ জানেন না? আমরা তথাগত বুদ্ধের প্রদর্শিত মার্গকে নূতন বলি। তাই তুলনায় অন্যান্য শ্রমণ পন্থের মতগুলিকে পুরানো বলে থাকি। বন্ধে বিস্বাস, তুমি এ কথা তোমার স্বশ্রুতকে বুঝিয়ে বলো নি?

বিশ্বাস্য বলল— আমি তো প্রথমে বুঝতেই পারি নি ইনি কেন এতো ক্রুদ্ধ হয়েছেন। যখন বুঝতে পারলাম, ততক্ষণে ঐর আমাকে ত্যাগ করার কথা ঘোষণা করা হয়ে গেছে। চতুর্দিক থেকে গৃহের যে যেখানে ছিল ছুটে এসে মহা কোলাহল আরম্ভ করে দিয়েছে। শ্রাবস্তী কোসলের রাজধানী। এখানে কত শ্রমণপন্থ, কত সন্ন্যাসীর আসা-যাওয়া। কিন্তু এই সামান্য নূতন মার্গ পুরাতন মার্গ, নূতন ভিক্ষণ, পুরানো ভিক্ষণের কথা যে ঐরা জানেন না, আমি কী করে জানবো?

মিগার অত্যন্ত অপ্রতিভ হলেন। মধ্যাহ্ন গৃহপতিরা সকলেই তাঁর দিকে ভৎসনার দৃষ্টিতে তাকাতে লাগলেন। কে কোথায় যেন হেসে উঠল।

মিগার তাঁর লজ্জা চাপা দেবার জন্য আরও বীররসস্বাক্ষক ভঙ্গিতে বলে উঠলেন তা যেন হল, কিন্তু এই সুহা তো এর পিতার দেওয়া উপদেশগুলিও পালন করে না। অত্যন্ত অবাধ্য। পিতা নিবেদন করে দেওয়া সত্ত্বেও এ গৃহের অগ্নি বাইরে নিয়ে যায় গাভীর রাতে, আবার বাইরের অগ্নি ভিতরে নিয়ে আসে। গৃহগত দেবতাদের পূজা করতে বলেছিলেন আমার বৈবাহিক। এ বধু তো আমার গুরু চরণ স্পর্শ না করেই ধিক্কার দিয়ে ফিরে এলো। গুরু কি গৃহগত দেবতা নয়?

তখন বিশ্বাস্য বলল— পিতৃব্যগণ, ইনি আমার পিতার উপদেশের মর্মার্থ বুঝতে পারেননি। গৃহের আশ্রয় বাইরে নিয়ে যাওয়ার অর্থ, গৃহের গোপন কথা বাইরে আলোচনা করা, বাইরের আশ্রয় ঘরে আনার অর্থ, বাইরে স্বশ্রুতগৃহের সম্পর্কে কোনও নিন্দাবাদ শুনে তা তাঁদের কর্ণশ্বেচর করা। এ গুলি করলে গৃহে শান্তি থাকে না। তাই পিতা আমাকে এ উপদেশ দ্যান। আমি রাত্রিতে একটি ঘোটকীর প্রসববেদনা ওঠায় তার পরিচর্যার জন্য উচ্চা নিয়ে অশ্বশালায় গিয়েছিলাম। আর নিমন্ত্রণ রক্ষা করে গৃহে ফিরতে সক্ষম হলে উচ্চা নিয়ে অঙ্ককার পথ দিয়ে ফিরি। বলুন, আমি কি অপরাধ করেছি।

সকলেই মাথা নেড়ে বললেন— না, না। এর মধ্যে অপরাধের কী আছে। বরং বিস্বাস্যের কল্পনা, কর্তব্যবোধ এবং সতর্কতারই চিহ্ন এগুলি।

বিশ্বাস্য বলল— আমার পিতা গৃহগত দেবতা বলতে অতিথিদের বুঝিয়েছিলেন। তাঁদেরই পূজা অর্থাৎ সেবা করতে তিনি উপদেশ দ্যান। এখন আপনারাই বলুন...

মিগার তাড়াতাড়ি মাথা নেড়ে নেড়ে বলে উঠলেন— ‘তা যেন হল, কিন্তু ধনঞ্জয় যে অগ্নিপূজা করতে উপদেশ দিলেন তুমি তো সোজাসুজি বলে দিলে অগ্নিগৃহ স্থাপন করবার প্রয়োজন নেই। অগ্নিপূজা তুমি করবে না। এবার শলো, উত্তর দাও!’ তিনি বিজয়গর্বে চারদিকে তাকাতে লাগলেন।

বিস্বাস্য মৃদু হেসে বলল— অগ্নি বলতে পিতা স্বশ্রুত ও শত্রুকে বুঝিয়েছেন। অগ্নিহোত্রীরা আশ্রয় নয়। আমি আপনাদের সেবা, আপনাদের বন্দনা করব বলে, ভিন্ন গৃহে যাওয়ার যে প্রস্তাব আপনি করেছিলেন, তাতে সম্মত হইনি। আরও শুনুন, আমার পিতা বলেন যে দেয়, যে দেয় না উভয়কেই দেবে। যে দেয় সে সচ্ছল ধনী জাতক, যে দেয়না সে দরিদ্র আশ্রয় পরিজন। এবং অন্যান্য দরিদ্রজন। শ্রেষ্ঠীর গৃহে প্রচুর ধন থাকে, উদ্বৃত্ত অন্ন থাকে। যার গৃহে স্বশ্রুত থাকে তাকে এ ভাবে দান করতে শিখতে হয়, না হলে তো দেশে খালি ধনীরাই বেঁচে থাকবে, দরিদ্ররা ধীরে ধীরে অজ্ঞাহারে পশুরও অধম জীবনযাপন করতে বাধ্য হবে। পৃথিবীতে সমাজে এইভাবেই সৌভম্য রক্ষা করতে হয় দানের দ্বারা। এ কথা পিতা আমাকে শিশুকাল থেকে শিখিয়েছেন। আরও বলি শুনুন পিতা আমাকে সুখে উপবেশন, ভোজন এবং শয়ন করতে বলেছিলেন। এখন যদি ঐরা ভাবেন তার অর্থ হল কোমল শয্যা শয়ন, উচ্চাসনে উপবেশন এবং সর্বদাই মহার্ঘ খাদ্য ভোজন তাহলে তো মহা বিপদ! প্রকৃতপক্ষে, সুহার ক্ষমতা থাকলে সাধ্যমতো স্বশ্রুত-শত্রুর পরিচর্যা করা উচিত। তাঁরা মান্য

তাদের উপস্থিতিতে উচ্চাসনে বসাই অস্বস্তির কারণ, তাঁদের ভোজন না হলে সুহা ভোজনে সুখ পায় না। তাঁরা নিদ্রা না গেলে সে নিজেও নিশ্চিন্তে নিদ্রাও যেতে পারে না। আমার সাধ আছে, তাই পিতা আমাকে এ রূপ উপদেশ দিয়েছেন।

গৃহপতিরা একযোগে বলে উঠলেন— 'সাধু! সাধু! বিসাখা তুমি যথার্থই উচ্চবংশের কন্যা। তোমারই যথার্থ শিক্ষা হয়েছে। তুমি যেমন বিনয়ের পাঠ নিয়েছ, তেমনি অন্যায় অভিযোগের বিরুদ্ধে বিতর্কে দাঁড়াবার পাঠও পেয়েছে। ধন্য তোমার পিতা মাতা। গৃহপতি মিগার আপনি ধন্য যে এমন সুহা পেয়েছেন। এ-ই আপনাদের গৃহের প্রকৃত অগ্নি। একে সযত্নে রক্ষা করুন।'

তখন পরিজনেরা আনন্দে কোলাহল করে উঠল। অনেকের চোখে সুখের অশ্রু দেখা দিল। মিগার যার-পর-নাই অপ্রতিভ হলেন। লজ্জায় অধোদন হয়ে বসে রইলেন, কিছুই বলতে পারছেন না। তাঁর এতো দিনের শানানো তীরগুলি এখন তাঁর নিবুন্ধিতা প্রমাণ করে তাঁরই বৃকে ফিরে এসে আঘাত করেছে। এমন বৃহৎ জন সমাবেশ যেখানে বয়স্ক, মানী গৃহপতি থেকে কুল-ইথিরা, দাসরা, দাসীরা পর্যন্ত উপস্থিত রয়েছে সেখানে এমনভাবে অপদস্থ হওয়া! নিজের দোষে! কেউ হাসছে না, তবু তিনি যেন চারদিক থেকে কৌতুকের হাসি শুনতে পাচ্ছেন। এর পর কি আর তাঁর দাস-দাসী ভৃত্যক কর্মকররা সেভাবে তাঁকে মান্য করবে? পথে বেরোলে যদি ধিক্ ধিক্ ধ্বনি শুনতে পান? সাবধি অত্যন্ত পরচর্চা-পরায়ণ নগর। এখানে কাকের মুখে সংবাদ ছড়ায়। সুহাটার ওপর তাঁর ক্রোধ হচ্ছে। কেমন একটা ধারহীন ক্রোধ। তাকে কিছু বলা প্রয়োজন— সাত্বনার কথা ক্ষমাপ্রার্থনার কথা, কিন্তু তিনি শত চেষ্টাতেও মুখ খুলতে পারছেন না।

এই সময়ে একটি অদ্ভুত ঘটনা ঘটল। অদ্ভুত এবং অপ্রত্যাশিত। মিগারপত্নী যিনি এতো দিন অশ্রু-পুরের ভেতরে থেকে শুধুই মিগারের কৃপণতা, অনুদারতা ও বুদ্ধিহীন কার্যকলাপের অনুকরণ করে যাচ্ছিলেন, যেন বাইরেও যেমন মিগার-নীতি ভেতরেও তেমনি মিগার-নীতি চলতে থাকে, তাঁর হৃদয়ের মধ্যে অকস্মাৎ কেমন একটা শিহরন, একটা গৌরববোধ হতে লাগল। ওই যে বধূটি প্রজ্বলিত বহ্নির মতো, বহ্নির অধূমক শিখার মতো দাঁড়িয়ে সভার বহু পুরুষের সামনে অকস্মত সাহসে আত্মপক্ষ সমর্থন করেছে, ও যেন তাঁরই সুপ্ত বাসনা। তাঁরই হৃদয়ের নিদ্রিত মানবতা। জেগে উঠেছে। শিশুকাল থেকে তিনি একটি কাহিনী শুনে আসছেন। পাঞ্চাল-কন্যা, কুরুকুলবধু কহাকে নাকি দ্যুতসভায় পণ রাখা হয়েছিল, এবং সভামধ্যে তাঁর বস্ত্রহরণ করা হয়েছিল। এই কাহিনী শুনে তাঁর মা ও তাঁর অজ্জা-মার মতো তিনিও একসময়ে রোষে ফুলে ফুলে উঠতেন, আজ তাঁর সুহা যেন কেমন ভাবে সেই কহা কাহিনীটিরই কেন্দ্রবিন্দুতে দাঁড়িয়ে আপন মর্যাদা আপনি রক্ষা করল। যেন এতদিনের রোষের, লজ্জার শাস্তি হল। তিনি ধীরে ধীরে সভার মধ্যে এগিয়ে এসে বিশাখার পাশে দাঁড়ালেন, বললেন— 'এসো মা!'

তখন বিশাখার চক্ষে অশ্রু ঝিকমিক করতে লাগল কিন্তু দৃঢ় কণ্ঠে সে বলল— 'মাতা, পিতৃব্যগণ, বিসাখার বিচারের আয়োজন হয়েছিল, বিসাখা নিজেকে নিরপরাধ প্রমাণ করতে পেরেছে। তার পিতা-মাতার মর্যাদা সে রক্ষা করতে পেরেছে। কিন্তু এই স্বস্তরগৃহের ওপর যে অধিকারের কথা সে পূর্বে বলেছিল, এখন সে তা স্বেচ্ছায় ত্যাগ করে যাচ্ছে।'

সখীদের দিকে তাকিয়ে সে বলল— 'পালি, রথ প্রস্তুত করতে বল। আমি সাকেত হেঁচো যাবো।'

তখন সেই স্তব্ধ উৎকণ্ঠিত সভার মধ্যে মিগার সেটটি সহসা বিশাখার সামনে একেবারে শুয়ে পড়লেন। বললেন— 'আমাকে ক্ষমা করো বিসাখা, আমি মূঢ়, তোমার ওপর অত্যন্ত অন্যায় করেছি, কিন্তু এখন অপরাধ স্বীকার করছি। আমায় ক্ষমা করো। চলে যেও না মা।'

বিশাখা অভিমানিনীর মতো মুখ ফিরিয়ে রইল, সে যেন সত্যিই এক আদরিণী বালিকা এখন। ঠোট দুটি ফুলে ফুলে উঠছে। চোখ দুটি সজল। কিন্তু অশ্রুপাতও করছে না তাই বলে। মিগার অনেক কাকুতি-মিনতি করার পর অবশেষে সে অশ্রুভরা চোখে বলল— 'থাকতে পারি। এক শর্তে। যদি তথাগত বুদ্ধকে এ গৃহে আপ্যায়ন করতে পারেন। যদি এই কাননে ওই মঞ্চের তাঁর দেশনা শুনতে পাই। তবেই।'

মিগার স্বস্তির নিশ্বাস ফেলে বললেন— 'তাই হবে। তাই হবে।'

তখন মিগার পত্নীর বৃকে তার দৃশ্য মুখ ঠুঙে দিয়ে বিস্মাখা নিঃশব্দে ফুলে ফুলে কাঁদতে লাগল। ময়ূরী দূর থেকে সে দৃশ্য দেখতে দেখতে হঠাৎ সবার অলক্ষ্যে সভা থেকে বেরিয়ে যায়। সে নিজের কক্ষে যাচ্ছে। তার বৃকের মধ্যে কী এক অজানা অনুভূতি। এ কি আনন্দ না সব-হারানোর শূন্যতা? তার স্বামিনী এত দিনে স্বশুরগৃহে পূর্ণ মর্যাদায় প্রতিষ্ঠিত হল একথা সে বুঝতে পারছে। মর্যাদায় এবং ভালোবাসায়। স্বশুর কী ভাবে দু হাত দিয়ে তাকে বেঁটন করে আছেন। সুখী হওয়ার কথা। অথচ তার চক্ষু জ্বালা করে জল আসছে। এ তো আনন্দাশ্রু নয়। এ যেন শোক। প্রিয় বিচ্ছেদের দুঃখ! ময়ূরীর, কহার, ধনপালীর কি এবার কাজ ফুরোল? সত্যিই কি এতো দিনে তাদের স্বর্ণপিঞ্জরের সোনার শেকল কাটল না কি?

২৫

চণক ভদ্র! চণক ভদ্র!—বাতাসের সঙ্গে ক্ষীণ ডাক ভেসে আসে। যেন উত্তরের বাতাসই ডাকছে। চণকের এমনিই মনে হয়। উত্তর, তার দেশ, এখন সুদূর হয়ে গেছে। এক সময়ে তার দেশ তার কাছে বন্ধ জলাশয়ের মতো মনে হয়েছিল। তক্ষশিলায় গুরুকুলও সাধারণভাবে সেই বন্ধতার দায়ভাগী। সমগ্র গান্ধার জুড়ে ব্রাহ্মণ উপাধ্যায় আচার্যর ঘরে, সম্পন্ন গৃহস্থর ঘরে, রাজনা, রাজপুরুষদের ঘরে খালি যজ্ঞের ধোঁয়া কুণ্ডলীকৃত হয়ে উঠছে। বাতাসে কান পাতলেই শোনা যাবে ‘অগ্নে ব্রীহি বৌষট্’—অগ্নি তুমি খাও এবং দেবতার জন্য বহন করে নিয়ে যাও, ‘সোমস্য অগ্নে ব্রীহি বৌষট্’—অগ্নি, তুমি সোম ভক্ষণ করো, বহন করো। শুনতে শুনতে দেখতে দেখতে চণকের এক সময়ে মনে হয়েছিল—কী প্রয়োজন এই অতি বিশদ, জটিল পূজাপদ্ধতির? এগুলি কেন? কেন?

‘চণক ভদ্র! চণক ভদ্র!’ পেছনে ধুলোর কুণ্ডলী উড়িয়ে এক অশ্বারোহী আসছে। পাহাড়ের পথে অশ্বর স্কুরের শব্দ শোনাচ্ছে বৌ-ষট্ বৌ-ষট্ বৌ-ষট্। চণক ফিরে দাঁড়াল। অশ্ব থেকে এক লাফে নামছে অশ্বারোহী। এক সুন্দর যুবক। কেশগুলি মনোহরভাবে তরঙ্গায়িত হয়ে পড়েছে কাঁধের ওপর। উত্তরীয়র একপ্রান্ত কটিবন্ধে শক্ত করে বাঁধা। অন্য প্রান্তটি বাতাসে উড়ছে। পতাকার মতো। বৃকে উপবীত দেখা যাচ্ছে। ছুটতে ছুটতে আসছে যুবক।

—চণক ভদ্র আপনি এখানে? বালকের মতো উল্লাসে মুখ উদ্ভাসিত করে বলে উঠল যুবক—আমাকে একটুও স্মরণ করতে পারছেন না?

—কোথায় দেখেছি? কোথায় দেখেছি? মুখটি চেনা-চেনা। তক্ষশিলায়, না?

—আমি তিস্য। গুরু সংকৃতির কাছে ছিলাম। শত্রুগুরু সুধম্বার ওখানে আপনাকে দেখেছি। দেখেছি অনেক স্থানেই। পরিচয় হয়নি। আচার্য দেবরাতের অন্ত্যেষ্টির সময়ে আমি উপস্থিত ছিলাম। এক নিশ্বাসে সাগ্রহে অনেক কথা বলে গেল তিস্য। তার চোখে সন্ত্রম, সে যেন কোনও মহৎ প্রাপ্তির প্রতীক্ষায় হাত পেতে আছে।

দু এক মুহূর্ত। তারপরেই তিস্যকে আলিঙ্গন করল চণক। বলল—সুখী হলাম।

উদ্ভাসিত মুখে তিস্য বলল—আমি সাকেতের রাজা উগ্রসেনের জ্যেষ্ঠকুমার। আপনি বৃকুল মল্লর নাম শুনেছেন?

—শুনেছি।

—ওঁর কাছেও কিছুদিন অস্ত্র শিক্ষা, রণকৌশলের পাঠ নিয়েছি। এই সব পরিচয় এবং তথ্যকে সে যেন চণকের সঙ্গে আলাপিত হবার যোগ্যতা বলে নিবেদন করতে চায়। দুজনে গৃধকূট বেয়ে উঠছে এখন। বড় বড় পায়ের সামনে ঝুঁকে ঝুঁকে। চণক বলল, কৌশল রাজসভায় কর্ম করেন?

—না। না। শুধু রণকৌশল শিখছিলাম।

—সাকেতে পিতার রাজ্যপাট দেখেন?

—তাও না। তিস্য উজ্জ্বল মুখে বলল, চণক ভদ্র, আমি জানি না বৃধি না আমার বিদ্যা, অভিজ্ঞতা, দর্শন এসবের যথার্থ প্রয়োগ কোথায়, কীভাবে হতে পারে। আমি একটা বিভ্রান্ত বিমূঢ় অবস্থার মধ্য দিয়ে কালক্ষেপ করছিলাম, কাউকে খুঁজছিলাম, আপনার মতো কাউকে, যিনি আমায়

পথ দেখাতে পারবেন, যাঁর সঙ্গে আমি এ বিষয়ে আলোচনা করতে পারবো। চণক ভদ্র 'আপনি' বলবেন না আমায়। আমি আপনার অনুজ্ঞের মতো। আপনি যখন সদ্য সদ্য সমাবৃত্ত হবার পরই দশনীতির বিশেষ পাঠ দিচ্ছিলেন তখন কোনও কোনও আলোচনাসভায় কিছুকালে উপস্থিত থেকেছি। আচার্য সংকৃতির অবমাননার ভয়ে আপনার শিষ্য হতে পারিনি। আমায় তাই না হোক বন্ধুর স্থান অন্তত দিন। তিষ্য যে অত্যন্ত উত্তেজিত তার কথা থেকে স্পষ্ট বোঝা যায়।

মধ্যদেশ—চণক ভাবলো। এখানে রাজা থেকে কবি, রাজপুত্র থেকে বনের মানুষ পর্যন্ত কথা বলে অনেক। উচ্ছ্বাস-আবেগ গোপন করে না। এক অর্থে আত্মাভিমান লক্ষণীয়ভাবে অল্প। দ্রুত বন্ধুত্ব করতে পারে। উত্তরের মানুষগুলি স্বল্পভাষী। নিজেকে অপরের কাছে প্রকাশ করে ধরার অভ্যাস তাদের নেই। এবং প্রচণ্ড দার্শনিক। এভাবে দূর থেকে অল্প পরিচিত একজনকে দেখে উচ্ছ্বসিত হওয়া, সঙ্গে সঙ্গে পরিচয় করা, সখে পৌঁছে যাওয়া—এ গাঙ্গারবাসীরা ভাবতেও পারে না। চণক নিজেও এর ব্যতিক্রম নয়। সে হেসে বলল—বন্ধু? আপনি আমার বন্ধুত্ব চাইছেন আমায় না জেনে?

—আমি আপনাকে জানি। কে না জানে তক্ষশিলায়? দৈবরাত চণককে? আপনি আচার্য দেবরাতের আরম্ভ-কর্ম সমাপ্ত করছেন। আপনি ভাবছেন সূক্ষ্মতর দশনীতি নিয়ে...আমি জানি। অনেক কাল থেকে আপনাকে বন্ধুরূপে পাবার বাসনা আমার।

চণক আকাশের দিকে তাকাল। তরল নীল আকাশ। সূর্য এখন উত্তরায়ণে। তির্যকভাবে রোদ পড়েছে গৃধ্রকূটের মাথার ওপর। সঞ্চিত বারি শেষ করে দিয়ে মেঘগুলি এখন স্বেত, লঘু। সে হঠাৎ কটি থেকে তরোয়াল খুলে ধরে সেটি আকাশের দিকে তুলে দাঁড়ালো। বলল, ভালো, তিষ্য, আকাশ সাক্ষী। রৌদ্র সাক্ষী। আজ থেকে চণক তিষ্যর বন্ধু, সাকেতক তিষ্যর, কেমন?

তিষ্য তরোয়ালের উপর ন্যস্ত চণকের মুঠির ওপর হাত রাখল। বাস্পরুদ্ধ গলায় বলল, বন্ধু। মেঘগুলি সাক্ষী। গৃধ্রশিখর সাক্ষী। সাক্ষী রাজগৃহ।

—রাজগৃহ তোমার ভালো লেগেছে, তিষ্য?

—রাজগৃহ অনবদ্য। অনবদ্য!

—কেন?

—কেন?—চণকের পেছন পেছন উঠতে উঠতে তিষ্য চারিদিকে তাকিয়ে দেখে নিল একবার। বলল, একই সঙ্গে পাহাড়, অরণ্য। মধ্যদেশে তো পাহাড় সুলভ নয় ভদ্র, গয়া থেকে এদিকে এলে প্রচুর পাহাড় দেখা যায়, কিন্তু সে সব বড় ক্লম্ব। এ পাহাড়গুলি পুরোপুরি শ্যামল না হলেও যেন অত্যন্ত কঠিন, নীরস নয়। পাহাড়ের সানুদেশে প্রচুর গাছ। দুরারোহণ নয় পাহাড়গুলি, নগরীটি যেন দেবতার সুরক্ষিত করে দিয়েছেন।

ভালো। আর কোনও কারণ?

এইটুকু পরিসর এ নগরের। তবু চোখ এবং মন ক্লান্ত হয় না। বৈচিত্র্য আছে। শুধু গৃহ, পথ এবং কানন বিন্যাসের বৈচিত্র্য নয়। আরও কিছু...আরও কী, তিষ্য ভাবতে লাগল।

কিছুক্ষণ অপেক্ষা করে চণক বলল, আর কী, বন্ধু তিষ্য?

তিষ্য চিন্তিত মুখে বলল, আছে কিছু। এখনি তাকে বুদ্ধি দিয়ে বিশ্লেষণ করতে পারছি না ঠিক। কিন্তু কোশলের রাজধানী শ্রাবস্তীর ঐশ্বর্যও তো দেখেছি। রাজগৃহও রাজধানী...এখনকার সবচেয়ে বড় না হোক, সবচেয়ে সমৃদ্ধ না হোক, সবচেয়ে সম্ভাবনাময় রাজ্যের রাজধানী। এখানে সেই ভবিষ্যৎ সম্ভাবনার পদধ্বনি শুনে পাওয়া যায় বোধ হয়। যদিও প্রজাদের চোখে-মুখে শুধু সমৃদ্ধির চিহ্ন ছাড়া আর কিছু দেখতে পাইনি। তবু...

চণক বলল, সাধু, তিষ্য, সাধু। তোমার দেখার সঙ্গে আমার দেখা অনেকটাই মিলে যাচ্ছে। তোমার সঙ্গে যোগাযোগ কখনোই আকস্মিক নয়। আমাদের দেখা হওয়ার কথা ছিল। অবশ্যই কথা ছিল।

দুর্জনে উঠতে উঠতে পাথরের চম্পাতপের তলায় ভিক্ষু অস্‌সজ্জিকে দেখতে পায়। আজকাল এই সময়ে অস্‌সজ্জি ধ্যানমগ্নই থাকেন। তিনি পাছে উত্ত্যক্ত হন, তাই ইদানীং চণক গিরিশিরে ওঠার এই ১৯৬

সহজ পথটি এড়িয়ে যায়। আজ তিথ্যর সঙ্গে কথা বলতে বলতে ভুলে গিয়েছিল। তাকে অভ্যস্ত পথে চালিয়ে নিয়ে এসেছিল তার মন। সেই অঞ্চলটুকু পার হয়ে তিথ্য মৃদুস্বরে বলল, চণক ভদ্র, আপনার কখনও মনে হয় না সংসারত্যাগী সন্ন্যাসী, পরিব্রাজক এঁদের সংখ্যা এত কেন? সমগ্র কোশল, মগধ, উত্তরাঞ্চলও যেন দিনে দিনে ভরে যাচ্ছে শ্রমণে।

চণক চমকে তাকাল, বলল, এভাবে মনে হয়নি। ভূমি বললে বলে মনে হয়। এর হেতু কী বলতে পারো?

তিথ্য লজ্জিত হয়ে বলল, প্রক্সই আসে মনে। উত্তর দিতে পারি না। উত্তরে দেখতাম প্রব্রজ্যা নিলে সন্ন্যাসীরা একেবারে জনহীন দুর্গম হিমবস্ত্রে গিয়ে থাকতেন। মাঝে মাঝে এসে লোকালয়ে কিছুদিন বাস করে যেতেন। কিন্তু আমাদের এদিকে পথে বেরোলেই কোনও না কোনও পরিব্রাজক শ্রমণের সঙ্গে আপনার ঠোকাঠুকি হয়ে যাবে। এঁরা যেমন পাহাড়ে বা কাননে বাস করেন, তেমনি লোকালয়েও নিত্য নেমে আসছেন।

—কিন্তু তিথ্য, তোমার জন্মেরও বছকাল আগে থেকেই তো এই প্রকার চলে আসছে।

—তা আসতে পারে ভদ্র। কিন্তু তাই বলে তাকে প্রসন্ন করব না?

—তা বলছি না! শিশুকাল থেকে যা দেখে আসা যায়, মানুষ সাধারণত তাকে নিজের অজ্ঞাতেই মেনে নেয়। প্রসন্ন করে না। ভূমি করছে। তোমার দৃষ্টির একটি বিশেষ ভঙ্গি আছে।

—কী জ্ঞানি কেন চণক ভদ্র, শ্রমণ-সন্ন্যাসী এঁদের দেখলেই চিরকালই আমার কেমন একটা বিতৃষ্ণা হয়। বুঝতে বা বোঝাতেও পারি না কেন। তাই-ই হয়ত প্রসন্ন জেগেছে।

—বিতৃষ্ণা কেন। এ প্রশ্নের উত্তর আগে তোমাকে কভেবে বার করতে হবে তাহলে।

দুজনে নীরবে উঠতে লাগল। বেশ খানিকটা ওঠবার পর বসার স্থান ঠিক করে চণক বসল। তার মুখ দক্ষিণে। ওই দিকে বন, যে বনের চরিত্র জ্ঞানবার জন্য তার পরিব্রজন-ব্রত নেওয়ার কথা ছিল। একটার পর একটা ঘটনা ঘটে তার এই ব্রতকে বিলম্বিত করে দিচ্ছে। রাজ্যগৃহে আসবার আগে সে ছিল একজন বন্ধনহীন মুক্ত যুবক। তার জীবনের প্রধান কাজ তখন “রাজশাস্ত্র” সমাপ্ত করা। এই শাস্ত্র যথাযথ লেখবার জন্য যে চিন্তাই যথেষ্ট নয়, জীবনের সঙ্গে, বহু স্তরের মানুষের সঙ্গে ভাবনাকে মিলিয়ে মিলিয়ে নেওয়া প্রয়োজন এই কথা বুঝে সে গাছার থেকে বেরোবার জন্য অস্থির হয়ে পড়েছিল। রাজ্যগুলি দেখবে, বিশেষত মগধ, আদর্শ রাজা, রাজ্য এবং তন্ত্র কোথায় পাওয়া যায় অনুসন্ধান করবে, সেই সঙ্গে সমাজে বিভিন্ন শ্রেণীর বিন্যাস, শ্রেণীগুলির ধ্যান-ধারণার সঙ্গে প্রত্যক্ষ যোগাযোগে আসবে এমনটাই তার অভিপ্রায় ছিল। তার মনের সূক্ষ্ম পরিবর্তন হল ওই বনে। এই বন্যরা কোনও বিন্যস্ত শ্রেণীতে নেই। এদের আটবিক বলে উল্লেখ করা হয় এবং সেই উল্লেখের মধ্যে নিহিত থাকে সমাজের একটি মস্তব্যপ্ত—এরা উৎপাত। উপদ্রব। কিন্তু এদের কাছাকাছি বাস করে চণক বুঝেছে জম্বুদ্বীপের মাটিতে যদি তাদের, অর্থাৎ ষ্ঠেতকায়দের অধিকার থাকে, যদি মিশ্রবর্ণ নাতিশ্বেত মানুষদের অধিকার থাকে, তাহলে ওই কৃষ্ণকায় মানুষগুলিরও পুরোপুরি অধিকার আছে। এই মাটিতে, এই অরণ্যেই ওরা যুগের পর যুগ, বংশের পর বংশ জন্মেছে, বড় হয়েছে, নিজেদের গোষ্ঠীর নিয়মগুলি মেনে জীবনযাপন করেছে, মরে গিছে, আবার জন্মেছে। এদের উড়িয়ে দেওয়া যায় না। কোনমতেই না। এমন কি চণকের একেই সময়ে স্তম্ভনয় হয় এই আটবিকরাই কি জম্বুদ্বীপের আদি অধিবাসী? তারা কি পরে এসেছে? তারা যে প্রথমে সপ্তসিন্ধু অঞ্চলে ছিল, তারপরে ছিল সরস্বতী-দৃষদ্বতীর মধ্যভাগে, তারও পরে এসেছে গন্ধা-যমুনার অববাহিকায়, অর্থাৎ ক্রমশই উত্তর-পশ্চিম থেকে পূর্বে এবং দক্ষিণ-পূর্বে তারা ছড়িয়ে পড়েছে—এ কথা সে বেদ অধ্যয়ন করবার সময়েই বুঝতে পেরেছিল। তাহলে এখন তারা শুধু সপ্তসিন্ধু অঞ্চলেই বসবাস করছিল, তখন এই মধ্যদেশ কী রূপ ছিল? এখন পূর্বদেশ, দক্ষিণদেশ যেমন ঘন অরণ্যে আবৃত তেমনি নিশ্চয়ই। কারা তখন এখানে স্থান করত? তার যুক্তি তাকে বলে—আটবিকরা। বন্যরা। অর্থাৎ যেখানেই বন, সেখানেই এরা বসবাস করত। এখন কল্পনা করা যাক, ষ্ঠেতকায় মানুষগুলি আরও ভূমির সন্ধানে অস্ত্রশস্ত্র যন্ত্র নিয়ে ক্রমশই এই মহাবনের ভেতরে প্রবেশ করছে। কেটে ফেলছে গাছ। পরিষ্কার করে ফেলছে যতক গুল্ম। হিংস্র জন্তুগুলিকে হত্যা

করছে। আটবিকরা তাদের বিরাট সংখ্যা, উন্নত অস্ত্র-শস্ত্র, যন্ত্র দেখে ভয় পেয়ে যাচ্ছে। পালিয়ে যাচ্ছে, আরও গভীরে গিয়ে আশ্রয় নিচ্ছে। মাঝে মাঝে চোরের মতো আক্রমণ করে বিপর্যস্ত করে তুলছে শ্বেতকায়দের। কিন্তু তাড়াতে পারছে না। বিজয়ী এবং বিজিতের যে স্বাভাবিক সম্পর্ক তা-ও কিন্তু তাদের সঙ্গে আটবিকদের এখনও পর্যন্ত স্থাপিত হয়নি। এই যে মহারাজ বিশ্বিসার অন্ন রাজ্য জয় করেছেন, তার অর্থ কি তিনি অল্পে বসবাসকারী সমস্ত মানুষকে তাড়িয়ে দিয়েছেন! তা তো নয়। তারা যেমন তাদের নিজ নিজ বৃষ্টি অনুসরণ করে জীবনযাপন করছিল, তাই-ই করে যাচ্ছে। শুধু রাজশক্তির পরিবর্তন হয়েছে, হয়ত কতকগুলি নীতিও স্বতন্ত্র হয়ে গেছে। এই পর্যন্ত। কিন্তু বন্যদের বেলায়, তাদের সমস্ত অধিকার যেন অস্বীকার করা হচ্ছে। হিংস্র জন্তুগুলিকে পর্যন্ত এভাবে শেষ করে দেওয়া হয় না। শাকভোজী পশুগুলিকে তো বিচরণ করবার স্বাধীনতা দেওয়া হয়েই থাকে। নাঃ। আৰ্যমানুষের একটি প্রাচীনতম অপরাধ এই আচরণ। এরই জন্য অংশত জম্বুদ্বীপ কতকগুলি পরস্পর-বিচ্ছিন্ন নরগোষ্ঠীর সমষ্টি। একটি সুন্দর বস্ত্র যদি মাঝে মাঝেই ইদুরে কেটে দেয় বস্ত্রটি যেমন তার মহিমা হারায়, অব্যবহার্য, অর্থহীন হয়ে পড়ে—জম্বুদ্বীপও তাই হয়েছে। কোনও অর্থ নেই এর।

চণক তার এই নতুন ভাবনায় কাউকে দীক্ষিত করতে পারেনি। মহারাজ বিশ্বিসার তার কথা মন দিয়ে শুনেছেন। পুরোপুরি মেনে নিয়েছেন এমন কোনও লক্ষণ দেখাননি। তবে নতুন ভাবনার কাজ বাতাসে-ওড়া তুলোর বীজের মতো। উড়ে উড়ে বেড়াবে, তারপর পড়বে ভূমিতে কোথাও, ধীরে ধীরে প্রাকৃতিক প্রক্রিয়ায় চলে যাবে মাটির গভীরে, তারপর অনেকে রোদ, জল পান করে এক সময়ে অঙ্কুর মেলবে। লোকে নেবে কি নেবে না এই ভেবে চিন্তক কখনও তাঁর চিন্তাগুলিকে প্রকাশ করা থেকে বিরত থাকবেন না। থাকা উচিতও নয়।

এই আটবিকদের, যদি আৰ্যমানুষদের আচরিত সমাজবিধির মধ্যে নিয়ে আসা না যায়, তাহলে আৰ্যমানুষরা এদের কোনদিন স্বীকার করবে না। বিশ্বিসার রাজার প্রতিক্রিয়া থেকেই তা বোঝা যায়। অথচ...এদের...এই বন্যদের কি পরিবর্তিত করা যাবে? আদৌ? এদের জীবনযাত্রার গভীরে না-চুকলেও যেটুকু সে জেনেছে তাতে মনে হয় এদেরও সমাজ-বিধি আছে নির্দিষ্ট। সেই বিধি এদের আচরণ নিয়ন্ত্রিত করে। এদের আছে যথেষ্ট আত্মাভিমানও। আৰ্যমানুষরা যেমন এদের অশুচি মনে করে এরাও তেমন আৰ্যমানুষদের অশুচি-অস্পৃশ্য মনে করে। এদের নিজেদের মতো 'সু-সভা' করা কঠিন কাজ মনে করেই কি দীর্ঘ সময় ধরে এদের মেরে নিঃশেষ করে দেওয়া হচ্ছে? এ কাজ কি সভ্যমানুষ সচেতনভাবে পরিকল্পনা করে করছে? না, না-ভেবেই করে যাচ্ছে? প্রথমে সমাজ ছিল শুধু বৈদিক। এখন বেদ-পন্থা অস্বীকার করেও তো বহু মানুষ চমৎকার জীবনধারণ করে আছে? সুতরাং বেদ মানা না মানার ওপর এখন মোটেই সভ্যতার পরিমাপ নির্ভর করছে না। অথচ একটি সূত্র চাই। একটা কিছু সামান্য সূত্র যাতে এই বিশাল দেশের সব নরগোষ্ঠীকে এক ও আপন করতে পারে।

অথচ, জীবনে এখন এমন জটিলতার উদ্ভব হয়েছে যে চণক বেরোতে পারছে না। জিতসোমা যদি পুরুষ হতো অনায়াসে তাকে নিয়ে এই দুরূহ যাত্রাপথে সে বেরিয়ে পড়তে পারত। কিন্তু সোমাকে ফেলে সে কোথায় যাবে? কে জানে কী দুর্ভেদ আবার নেমে আসবে ওই প্রিয় নারীর জীবনে, সে যদি তাকে এক্ষণে এখানে রেখে যায়! সোমার ভাবনাও তার জীবনের একটা মূল ভাবনা। সোমা তক্ষশিলার রাজপুরে চলে যাবার পর সে গভীরভাবে বিষণ্ণ হইয়াছিল। কিন্তু প্রকৃতপক্ষে সে-ও বোধহয় একজন সুযোগসন্ধানী এবং কাপুরুষ। তাঁর মধ্যে তেজের অভাব আছে। তা নয়ত সোমার এই রাজপুরী-যাত্রা সে মেনে নিল কেন? কোনক্রমেই কি সে সোমাকে নিয়ে পালিয়ে আসতে পারতো না? তার ভেতরের কাপুরুষটা দুঃখিত নামিয়ে দিয়ে চলে এসেছিল। হ্যাঁ, কর্কশ লাগলেও এটাই সত্য কথা। এখানে, রাজগৃহে মহিষমর্জি দর্ভসেন যখন সোমাকে দান করে দিলেন, তখন? তখনও তো সে বিদ্রোহ করেনি! শুধু কৌশলে তাঁকে নিবৃত্ত করতে চেয়েছে। না পেরে, আবার নিজস্ব হয়ে গেছে। সোমার বুদ্ধিতে এবং ঘটনাচক্রে মহারাজ বিশ্বিসারের বদান্যতার কারণে সোমা মুক্ত হয়েছে। এখন সে প্রতিদিন নতুন করে অনুভব করছে নিজের অক্ষমতা।

তিষ্য দেখল অপরাহ্নের ছায়া ক্রমশ দীর্ঘ হচ্ছে। ক্রমশ তা চণকের মুখের ওপর এক গাঢ় বিষণ্ণতার চক্র রচনা করল। তারা দুজনে বহুক্ষণ নীরবে বসে আছে। এই চণক তার কিশোর ও তরুণকালের আদর্শ। সে যখন নিজের সহাধ্যায়ীদের সঙ্গে তৃপ্ত হতে না পেরে আলোচনাসভায় বিতর্কসভায় ঘুরে বেড়াত অস্থির হয়ে তখন চণককে দেখেছে। দেখেছে খুব সংযতভাবে বিতর্কে যোগ দিতে, মন দিয়ে আলোচনায় যোগ দিতে, আলোচনা করতে। প্রথম প্রথম অতিশয় দাস্তিক বলে মনে হত। তক্ষশিলায় তার শেষ বছরগুলিতে তিষ্য বুঝেছিল চণক কোনও চিন্তায় ডুবে থাকেন, আচ্ছন্ন থাকেন, সেই সব দুরূহ চিন্তার জগতে তিনি নিঃসঙ্গ। তক্ষশিলায় সবাই চণককে সমীহ করত। অনেকেই বলতেন—‘এ যুবক নিতান্ত অল্প বয়সে আচার্য হয়ে গেল। এটা ঠিক নয়। ও ধারাবাহিক চিন্তা করছে।’ কেউ কেউ সংশয়ী মুখে বলতেন—‘ও বিদ্রোহী।’ কিন্তু তারজন্য চণকের সম্মান কখনও ক্ষুণ্ণ হয়নি। তিষ্য সে সময়ে স্বপ্ন দেখত সে চণকের সঙ্গে বসে নিজেদের একান্ত সমস্যা নিয়ে আলোচনা করছে, দেখত বসে আছে কোনও তরুণমূলে সে ও চণক। কেমন করে সে স্বপ্ন সফল হল? সম্ভব হল? সে কি কখনও ভেবেছিল তক্ষশিলার বিদ্যা ও জ্ঞানের মণ্ডল ছেড়ে চণক এই ব্রাত্য মধ্যদেশে কোনদিন আসবেন? তার নিজেরই দেশে প্রায় চণকের সঙ্গে তার পথের বাঁকে দেখা হয়ে যাবে! যেন এ রূপ হয়েই থাকে। এ একটা সাধারণ ঘটনা। সে কি ভেবেছিল প্রথম দেখায় নিজের প্রীতির কথা সে এইভাবে স্বচ্ছন্দে বলতে পারবে এবং চণক এইভাবে তার সঙ্গে বন্ধুত্বের বন্ধন স্বীকার করে নেবেন? এইরূপ অন্ধ, আকাশ, ভূমি সাক্ষী রেখে।

এই সময়ে চণক মুখ ফিরিয়ে বলল, কী তিষ্য? কী ভাবছো? তার মুখে একটু অস্পষ্ট হাসি।

সত্যি কথা কি বলতে চণকই ভাবছিলেন, তিষ্য তাঁকে চিন্তামগ্ন দেখে নীরব ছিল মাত্র। কিন্তু এখন সে সে-কথা উল্লেখ করল না। বলল সংসার ত্যাগী পরিব্রাজক ও সন্ন্যাসীর আধিক্যের একটা হেতুর কথা আমার মনে এসেছে ভদ্র।

—বলো, বলো। চণক উৎসাহিত হয়ে উঠল।

—আমাদের বৈদিক ভাবনাই তো সন্ন্যাসকে গুরুত্ব দিয়েছে। সন্ন্যাসকে মানুষের জীবনের শিখরে স্থান দিয়েছে। এই লোক নয়, লোকোত্তর কোনও সত্যই যে খোঁজা হচ্ছে এমন ইঙ্গিত কি বারবার আমরা যজ্ঞবিধির মধ্যেও পাই না?

—অথচ এই যজ্ঞবিধি বা সংহিতার সূক্তগুলির ঋষি যারা, তাঁরা তো পরিপূর্ণভাবেই গৃহী ছিলেন। চণক বলল এমন কি ব্রহ্মবাদের প্রবক্তা যারা। যেমন রাজা প্রবাহণ বা চিত্র গ্যাগায়ন এঁরা তো রাজা ছিলেন। একই সঙ্গে রাজত্ব করা, রাজৈশ্বর্য ভোগ করা এবং লোকোত্তর রহস্যের চিন্তা করা যে সম্ভব তা-ই তাঁরা দেখিয়েছেন। তবু এত সংসার-বিরাগী, কেন?

তিষ্য বলল, তবে কি এই বিশাল সংখ্যার মানুষের সত্যিই সংসার ভালো না লাগবার কোনও কারণ ঘটে, চণক ভদ্র? এঁরা কি সংসারে কষ্ট পেয়েছে? প্রত্যেকে?

চণক বলল, ঠিক এই কথা, অর্থাৎ সংসার দুঃখের, জীবন দুঃখময়, এই কথাই তো শ্রমণ গৌতম বলছেন।

—শ্রমণ গৌতম? তিষ্য উত্তেজিত হয়ে বলে উঠল, ওঁকে আমি দেখেছি, যেদিন প্রথম রাজগৃহে এলাম। তর্ক করতে পারেন, ভালো। অন্যান্যদের নিজের মতো নিয়ে আসার ক্ষমতা সন্ন্যাসধারণ।

—কী করে জানলে?

—আমার সামনেই তো কতকগুলি শ্রমণকে নিজের মতো আনলেন। তারা সব নিগষ্ঠ মত ত্যাগ করে বেলুবন নামক স্থানে চলে গেল।

চণক আশ্চর্য হয়ে বলল—তুমি দেখলে?

—দেখলাম। শুনলাম।

—আমিও দেখেছি। শুনেছি। দেবতার মতো সৌম্যদর্শন অসাধারণ বুদ্ধিমান ইনি। কিন্তু তিষ্য, আমি যতদূর শুনেছি ইনি বেদ তো মানেনই না। তুমি যেভাবে সংসার-বিরক্ত হওয়ার কথা বলছো ইনি সেভাবে হননি। ব্যক্তিগত জীবনে এঁর মতো সুখী কেউ ছিল না। ধনবান, ক্ষমতাসালী পিতা, মমতাময়ী মা, সুন্দরী পত্নী যিনি ছিলেন একেবারে সঙ্গীর মতো। একটি পুত্রও হয়, তারপরই



ইনি গৃহত্যাগ করেন। এখন নিজেকে সুখী বলেন, সুখী যে তা মুখভাবেই বোঝা যায়। এই সুখী অভিজ্ঞাতপুত্র দুঃখবাদের কথা বলেন। নিবৃত্তি ও নির্বাণের কথা বলেন। অথচ ত্রিষ্য, আমি চণক শৈশবে মাতৃহীন, যৌবনারম্ভে পিতৃহীন, সংসারে একা, ঐর মতো ধন-সম্পদ-বিলাসও আমার আয়ত্তে নেই, অথচ এই আমি পৃথিবীকে, জীবনকে আনন্দময় মনে করি। এতো আনন্দময় যে নির্বাণের কথা শুনেলে আমার হৃৎ-কম্প হয়। তা ছাড়াও আমার মনে হয়, মনে হয়...জীবনকে সংসারকে আরও সুন্দর, সুশৃঙ্খল করাই আমার কাজ। শুধু আমার কেন, আমাদের সবার। ত্রিষ্য, তুমি কি ব্যক্তিগত সুখের কথা ভাবো ?

ত্রিষ্য এক ধরনের গৌরববোধে দৃষ্ট মুখে বলল, সে কথা ভাবলে গৃহত্যাগ করতাম না চণক ভদ্র। আমি ভাবি সুন্দর, সুসমাময়, সুবিচারশীল রাজ্যসৃষ্টির কথা।

—সত্য ? তাহলে ত্রিষ্য, সেই রাজ্যের সুবিচার তুমি কেমন ঝলনা করো ? বলবে আমাকে ? সেই রাজ্যের সমাজ নিয়েও তুমি নিশ্চয় ভাবো।

—ভাবি বই কি ! সে রাজ্যের প্রতিটি গ্রামে, সব বৃত্তির লোক থাকবে। খাদ্য উৎপাদন, বস্ত্র উৎপাদন, যন্ত্র এবং তৈজসপত্র উৎপাদন, রথ প্রস্তুত। পথ সু-সমান এবং পরিষ্কার রাখা, পথ-ভয় দূর করা এ সমস্ত ব্যাপারেই সজাগ থাকবে সে রাজ্যের শাসনযন্ত্র।

—বিচারের কথা বলো।

—ধনী-দরিদ্র নির্বিশেষে সুবিচার যাতে পায়, তার ব্যবস্থা থাকবে।

ধনী-দরিদ্র বলে যাদের নির্দেশিত করছে, তারা কারা, ত্রিষ্য ?

—অর্থাৎ ?

—তারা কি আমাদের মতো মানুষ ? সবাই ?

—বুঝলাম না চণক ভদ্র।

—ধরো কৃষকায় মানুষ।

—তারাও তো প্রজা, তারাও সুবিচার পাবে।

—ধরো যারা বনে থাকে, তারা ?

—নিষাদনের কথা বলছেন ? নিষাদরাও অবশ্যই সুবিচার পাবে।

—নিষাদও নয়। যে-সব বন্যদের সঙ্গে আমাদের কোনও আদান-প্রদান নেই, তারা।

—ভদ্র আমি দক্ষিণে অর্থাৎ বিষ্ণু পর্বতের ওপারের আদর্শ রাজ্য স্থাপনের কথা চিন্তা করি। শুনেছি সেখানে গভীর অরণ্য। হিংস্র নরখাদক যক ইত্যাদিতে পূর্ণ সে-সব। এরাই সবচেয়ে বড় বাধা। কিন্তু এদের সবাইকে হত্যা করবার মতো সৈন্যবল আমি কোথায় পাবো। যথাসম্ভব এদের সঙ্গে বন্ধুত্ব নীতিই গ্রহণ করতে হবে।

—তাহলে এই বন্যদের তুমি মানুষ বলেই মনে করো ?

—মানুষই তো এরা। অশিক্ষিত, অসভ্য, কিছুটা হিংস্র এইমাত্র। আমরা শিশুকালে শুনতাম এদের মাথায় শিং আছে। দাঁতগুলি হাতির দাঁতের মতো বেঁকে বেঁকে বাইরে বেরিয়ে থাকে। কিন্তু আমাদের সাকেডের গৃহেই দুটি বন্য দাস আছে। তারা মোটেই এ রূপ নয়। শিশুকাল থেকে তাদের দেখছি। নিকটের বন থেকেই নাকি এক সময়ে তাদের ধরে আনা হয়েছিল। এখন তারা আমাদের অন্যান্য দাসদের মতোই। কোনও প্রভেদ নেই।

চণক অঁবাক হয়ে শুনছিল। সে বলল, ধরো দক্ষিণে যেসব বন্য-মানুষের সংস্পর্শে তুমি আসবে তাদের সবাইকে তুমি দাস করে রাখবে ?

—চাইলেই কি তা পারবো চণক ভদ্র ? তাদের নিজেদের দেশে তারা আমাদের থেকে শক্তিশালী হবে। তা ছাড়া দেখুন, তাদের বুদ্ধিতে যদি সেবা ব্যতীত অন্য কোনও কাজ সম্ভব না হয়, তা তো তারা সঁবক ছাড়া আর কী-বা হবে ?

—কিন্তু যে বনে তারা বাস করছে তুমি রাজ্যস্থাপনের উদ্দেশ্যে সেখানে না-যাওয়া পর্যন্ত তারা স্বাধীন। তাদের কোনও বুদ্ধির পরীক্ষা দিয়ে প্রমাণ করতে হচ্ছে না তারা কোন কাজের যোগ্য। ত্রিষ্য, ভালো করে ভেবে দেখো, তুমি তাদের কাছে অব্যঞ্জিত, উপদ্রব, তাদের শত্রু। তাদের ২০০

স্বাধীনতা হরণ করবার অভিযান তোমাকে কে দিয়েছে ?

অনেকক্ষণ চুপ করে থেকে তিষ্য বলল, আপনার কথা আমি বুঝলাম, আবাব-বুঝলাম না। অর্থাৎ চণকভদ্র, আপনার যুক্তি আমি স্বীকার করছি, কিন্তু... কিন্তু... রাজ্য জয় করবার অভিযান কে-ই বা কাকে দেয় ? যে মনে করে রাজ্য চাই, সে-ই রাজ্য জয় করে, তাই না ?

চণক বলল, তাই-ই। কিন্তু তুমি ন্যায়ের কথা বলছিলে, সুবিচারের কথা বলছিলে, তাই এ সব কথা আমার মনে হল। তিষ্য, একদিনে এই জটিল সমস্যার সমাধান হবে না। চলো আমরা এবার নামি।

—নামতে নামতে তিষ্য ন্তানমুখে বলল—আপনি দণ্ডনীতির ওপর শাস্ত্র লিখছেন। রাজ্য, রাজ্য স্থাপন, রাজ্য বিস্তার এ সব না থাকলে দণ্ডনীতির প্রয়োজন কী ভদ্র ? বন্যরা মানুষ, কিন্তু তারা বন্ধ। তাদের যদি সে ভাবেই থাকতে দেওয়া হয় তো বিদ্যার অর্থ কী ? সম্রাজ্ঞ-জীবনে তো কোনও গতি থাকবে না সে-ক্ষেত্রে !

চণক বলল, তুমি ঠিকই বলেছ তিষ্য। কিন্তু এই সমস্ত ব্যাপারটার মধ্যে কোথাও একটা জটিল গ্রন্থি আছে বন্ধু। যেটি আমি মোচন করতে পারছি না, এবং তুমি বোধহয় দেখতে পাচ্ছে না। কোথায় থাকো তুমি ?

—অতিথিশালায়।

—চলো, সন্ধ্যা হল। আমার একটি গৃহ আছে। তিষ্য, তুমি অতিথিশালা ছেড়ে সেখানে থাকতে পারো।

তিষ্য বলল, পরে ও কথা হবে। আপনার সঙ্গে কোথায় দেখা হবে বলে দিন। আমার অতিথিশালাটি উত্তর সীমান্তে। জম্বু-বীথিকার পথে।

চণক আশ্চর্য হয়ে বলল, আমার গৃহের কাছেই তো থাকো তুমি। এত কাছে ছিলো আমরা। সর্ব অর্থে। অথচ এত দূরে। আশ্চর্য।

গৃহপ্রকৃষ্টির সানুদেশ এখন নির্জন হয়ে এসেছে। পাহাড়ের দক্ষিণ দিকে কিছু দরিদ্র পল্লী। নগরের দিকে যেতে হলে এ পল্লী চোখে পড়ে না। কিন্তু বাইরের দিকে যেতে গেলে, পাশ দিয়ে যেতে হয়। চণক যে সময়ে অটবীড়ে আশ্রয় নিয়েছিল, তখন অনেকবার দেখেছে। আজ দুজনে ঘোড়ায় উঠছে। সেই পল্লীর দিক থেকে কয়েকটি রমণী ছুটে এলো। একজন উৎকণ্ঠিতভাবে বলল—অজ্ঞ, অজ্ঞ আপনারা কি একটি বালক ও একটি বালিকাকে এদিকে আসতে দেখেছেন ?

—কই না তো ? চণক এদিক ওদিক তাকিয়ে বলল।

রমণী দুটি কপালে করাঘাত করে কাঁদতে লাগল।

—কী হয়েছে ? বলো, আমরা সাধ্যমতো সাহায্য করব।

একটি রমণী বলল, এর মেয়ে আর আমার ছেলে বড় দুঃসাহসী খেলতে খেলতে কখনো পাহাড়ে, কখনও বনের দিকে চলে যায়। বনে রাক্ষস আছে মানে না। পাহাড়েও শ্যেন পাখির উপদ্রব। এই গিজ্জ্বকট থেকে গতকালও ওদের সন্ধ্যার আগে ধরে নিয়ে গেছি। এদিকে যখন আসেনি, নিশ্চয় বনের দিকে গেছে। এখন কী হবে ?

চণক বলল, সর্বনাশ। একটু পরেই তো প্রাকারের দ্বার বন্ধ হয়ে যাবে। তেঁদের একজন কেউ আমার ঘোড়ার পিঠে উঠে এসো। তিষ্য, তুমি পাহাড়ের দিকটা অনুসন্ধান করো তো।

রমণীটি ঘোড়ায় চড়তে ইতস্তত করতে লাগল।

—বিলম্ব করো না— অসহিষ্ণু স্বরে বলল চণক। হাত বাড়িয়ে রমণীটিকে উঠতে সাহায্য করলেন। বেশ বাস রক্ষণ ধরনের হলেও এর স্বাস্থ্য চমৎকার। কুলগুলি কোনমতে জড়িয়ে নিয়েছে। ঘোড়ায় চড়তে কোনও অসুবিধাই হল না। বলল, অজ্ঞ আমরা হাটে শাক বেচি। গাম থেকে নিয়ে আসে আমার পতি। আমার ছেলে বড় দস্য। এক নিমেষও তাকে এক স্থানে বসিয়ে রাখা যায় না। সাত বছর বয়স। আমাদের প্রতিবেশীর মেয়েটিও অতি চঞ্চল। দুজনে মিলে এমন দস্যপনা করে ! প্রহারও খায়। কিন্তু শিক্ষা হয় না। দেখুন না, আমাদের পতিরা গামে গেছে শাক

আনতে, এসে যদি দেখে এই কাণ্ড

চণকের ঘোড়া কিছুক্ষণের মধ্যেই প্রাকার দ্বারে পৌঁছে গেল। রক্ষী জ্যেষ্ঠক তাঁকে চেনে। চণক বলল, এই রমণীটির পুত্র-কন্যা, দুটি সাত আট বছরের বালক-বালিকাকে তোমরা কেউ দেখেছ না কি ?

প্রতিদিন এই বিশাল দ্বার দিয়ে কত মানুষ আসা-যাওয়া করছে, রক্ষী জ্যেষ্ঠক কী করে বলতে পারবে ?

কিন্তু তার সহকারী একজন রক্ষী বলল, বালক-বালিকা বুঝিনি। দুটিই বালক। মাথায় চূড়া বাঁধা কী ?

রমণীটি সাগ্রহে বলল—হ্যাঁ হ্যাঁ।

—চোখেঁ কাজল ?

—হ্যাঁ, ওই তো...

—প্রহর কয় আগে দ্বার দিয়ে বেরিয়ে গেল। আমি জিজ্ঞাসা করেছিলাম। কোথায় যাও ? তা বললে—পিতা আছেন বাইরে। পিতার কাছে যাচ্ছি। এখনও ফেরিনি ?

রমণী কাঁদতে কাঁদতে বলল, কোথায় পিতা সে বালক জানবে কী করে। নিশ্চয় পথ হারিয়েছে। চণক বলল, শীঘ্র চলো। দ্বার বন্ধ করতে একটু তো বিলম্ব আছে ?

—আর এক প্রহরের মতো। দেখে আসুন। রক্ষী বললো।

কিছুদূর এগিয়ে গেলেই একদিকে পথ চলে গেছে উরুবেলার দিকে। কিছুটা এগিয়ে এই পথ দুভাগ হয়ে যাবে। দ্বিতীয় শাখাটি যাবে অঙ্গের দিকে। ডান দিকে আরম্ভ হচ্ছে অরণ্য। প্রথমে ছাড়া ছাড়া গাছ, গুল্ম, ক্রমেই ঘন হয়ে উঠবে। কিছুদূর উরুবেলার পথে যেতেই ওদিক থেকে কয়েক জন লোক মাথায় বোঝা নিয়ে আসছে দেখা গেল। রমণীটি ত্বরিতে ঘোড়া থেকে নেমে সেদিকে ছুটে যেতে যেতে বলল, ওই তো আমার পতি।

চণক দাঁড়িয়ে রইল। রমণী তার পতিকে সঙ্গে নিয়ে এলো। উৎকণ্ঠিতভাবে বলল, গামের দিকে ওরা যায়নি অজ্জ।

পুরুষটি বনের দিকে দৌড়তে লাগল তার বোঝা ফেলে। চিৎকার করে ডাকছে, চন্দ ! চন্দ ! ঘোষা ! ঘোষা !

পেছনে পেছনে তার স্ত্রীও ছুটছে। প্রাণপণে ডাকছে ঘোষা ! ঘোষা ! ঘোষা ! চন্দ ! চন্দ ! বনভূমি তাদের উৎকণ্ঠিত ডাক যেন গিলে নিচ্ছে।

চণক ঘোড়া নিয়ে বনের মধ্যে খানিকটা অগ্রসর হয়ে গিয়েছিল। মানুষ চলাচলের একটি ক্ষীণ পথ আছে। কিন্তু কোথাও সে কিছু চিহ্ন দেখতে পেল না। পরে ফিরে বলল, কিন্তু এই বনে তো হিংস্র পশু তেমন নেই ! আর সাত আট বছরের বালক-বালিকাকে শৃগালে টেনে নিয়ে যেতে পারে না।

—এই বনে যক্ষরা থাকে। ভয়ে বিবর্ণ হয়ে পুরুষটি বলল।

রমণীটি উচ্চৈঃস্বরে কেঁদে উঠল।

নগরদ্বার থেকে ঘণ্টাধ্বনি ভেসে আসছে। দ্বার এবার বন্ধ হয়ে যাবে তারই ইঙ্গিত। চণক পর্ণের বোঝা সমেত রমণীটিকে তুলে নিল, পুরুষটি পেছনে ছুটতে ছুটতে আসছে।

দ্বারের কাছে পৌঁছে রমণীটি আর্তগলায় চৈঁচিয়ে উঠল, দ্বার বন্ধ করো না প্রহরী ! বালক-বালিকা দুটি যদি ফিরে আসে, ঢুকতে পারে না !

প্রহরীরা কথা না বলে ঘড় ঘড় শব্দে লোহার দরজা বন্ধ করতে লাগল। রমণীটি সেখানেই লুটিয়ে পড়ল—চন্দ ! চন্দ রে ! কোথায় গেলি বাপা !

দিনটি যেভাবে আরম্ভ হয়েছিল, সেভাবে শেষ হল না। রমণীগুলির কাপ্তার শব্দ পেছনে মিলিয়ে গেল ধীরে ধীরে। কিন্তু হৃদয় থেকে মিলোল না। ওরা রাজসভায় বিচার প্রার্থনা করবে। এমন সুন্দর নগরী, এত বড় রাজ্যের রাজধানী সেখানে শিশু বা বালক হারিয়ে গেলে রাজ্যের পক্ষ থেকে অনুসন্ধান করার কোনও ব্যবস্থা নেই ? তিম্বা বলল, কী হয়েছে মনে হয় ?

চণক বলল, বুঝতে পারছি না তিষ্য। যদি অরণ্যের মধ্যে পথ হারিয়ে থাকে, তাহলে রাত হলে ভয়েই শিশুদুটি মরে যাবে। যথেষ্ট সংখ্যক রক্ষী বা রাজভট সঙ্গে নিয়ে, অস্ত্রশস্ত্র নিয়ে অরণ্যে আমাদের প্রবেশ করা উচিত ছিল। রক্ষীগুলি তো বলল সন্ধ্যার পর স্বয়ং রাজা আদেশ করলেও দ্বার ওরা খুলতে পারে না। কাল সকাল পর্যন্ত অপেক্ষা করতেই হবে।

তিষ্য বলল, দেখছেন তো, শাসনযন্ত্রে কত প্রকার ত্রুটি থাকে? যতক্ষণে সকাল হবে, রাজাদেশে রক্ষী ও রাজভটরা প্রস্তুত হবে, ততক্ষণে কি আর শিশু দুটি জীবিত থাকবে মনে করেন?

কিছুদিনের মধ্যেই রাজগৃহের প্রান্তবর্তী পল্লীগুলিতে দারণ আতঙ্কের সৃষ্টি হল। শিশু চুরি যায়। আর খুঁজে পাওয়া যায় না। রাত্রির অন্ধকারে কয়েকটি কালো কালো ছায়া দেখে কেউ। সে তাদের ভয়ের ছায়া না সত্য তা-ও বোঝা যায় না। অধিকাংশ শিশুই একেবারে শিশু। প্রাচীরের ও দিকের দরিদ্র, অস্বাস্থ্য পল্লীগুলিতে বাস করে। মহাভয়ে তারা রাত্রি জাগতে আরম্ভ করল। রক্ষীরা সতর্ক হল। রাজার কর্ণগোচর হল সংবাদ। জনশ্রুতি—নরমাংসাদ যক্ষ-যক্ষিণীর আবির্ভাব হয়েছে। যথের ভয়ে সন্ধ্যার পর নগরীর কেন্দ্র ব্যতীত অন্য সব স্থান জনবর্জিত হয়ে আসতে লাগল। আরও তাড়াতাড়ি নগরের দ্বার গুলি বন্ধ করবার ব্যবস্থা হল। নগরের বাইরে কিন্তু বিশেষ ব্যবস্থা করা গেল না। রাজভটগুলি রাজার ভয়ে গিয়ে দাঁড়ায় বটে। তাদের অস্ত্র হাতে নিয়ে সারারাত প্রহরা দেবার কথা। কিন্তু তারা চোর, দস্যু এদের ধরতে বা শাস্তি দিতে যথেষ্ট বীরত্ব দেখালেও অপ্রাকৃত প্রাণীর ভয়ে অন্ধকার হতেই গৃহস্থের দ্বারে দ্বারে হানা দেয়।

দুমদাম আঘাতে ভয়ে ভয়ে দরজা খুলে গৃহস্থ হয়ত মুখটি বার করল। রক্তবর্ণ বসন পরা, লাঠি, তলোয়ার ও ধনুর্বাণে সজ্জিত রাজভটটি বলবে, অনেকক্ষণ প্রহরা দিয়েছি। রাত হয়েছে একটু আশ্রয় দেবে?

গৃহস্থ—এটা চণ্ডালপল্লী কিন্তু ভদ্র। আমরা অশুচি।

—তাতে কী হল? ঘরের একধারে বসে বসে রাতটা ঠিক কাটিয়ে দেবে।

—পাহারার কী হবে?

—আরে চণ্ডাল, নিজেদের শিশুগুলিকে ঘরের ভেতর বেঁধে রাখো না। আমি দ্বারের কাছে বসে রইলাম। ভয় কী?

চণ্ডাল হেসে বলবে, ভয়টিকে তো ধরতে হবে, ভদ্র? ধরার জন্যই তো আপনাদের নিয়োগ করা হয়েছে!

—উহু হু। প্রেত কি ধরা যায়? হাত নেই, পা নেই, ধরবো কী করে?

—হাত নেই তো আমাদের ঘরের বস্তুগুলিকে ধরে কী করে?

—নিশ্বাসে উড়িয়ে নিয়ে যায় রে। নিশ্বাসের বাতাসে উড়িয়ে নেয়।

—তাহলে তো ঘরের মধ্যে থেকেও উড়িয়ে নিতে পারে।

—পারেই তো। তাই তো বলি শিশুগুলিকে বেঁধে-ছেঁদে রাখ। ওরে বাপা, উহুহুহু।

চণ্ডাল হেসে বলে, শ্মশানে মশানে ঘুরি। কখনও প্রেত দেখলাম না, ভদ্র। মড়ার মাথার খুলির ভেতর দিয়ে হাওয়া বয়, মনে হয় প্রেতে চিৎকার করছে। শিবা, তরক্ষুর ডাক শুনে মানুষ ভয় পায়। পাগল, পাগলিনী শ্মশানে ঘোরে, অদ্ভুত তাদের বেশ বাস, অদ্ভুত কথাবার্তা, লোকে বলে প্রেত। আমরা জানি পাগল।

—তবে যে তোরা ভূত-প্রেতের কথা বলে ভয় দেখাস!

চণ্ডাল হেসে বলে, ভয় না দেখালে আমাদের শ্মশানের রাজ্যটুকুও তো আর নিজের থাকবে না। লোভী লোকগুলি আমাদের প্রাপ্যও ভাগ বসাবে। সাক্ষপুণ্ডরীক সৈন্যরা তো এখনই শ্মশান থেকে বস্তুর নিতে আরম্ভ করেছে। এর পর শয্যা, রূপা, তামা, সোনা যা পাওয়া যায় সেগুলিও নিতে থাকবে হয়ত।

এইভাবে গল্প করতে করতে রাজভটটি প্রাচীরে মাথা রেখে ঘুমিয়ে পড়ে। গৃহস্থ ও তার স্ত্রী সারারাত শিশুগুলিকে পাহারা দিয়ে জেগে থাকে। সকালের আলো ফুটলে, ক্লাস্ত রক্তিম চোখ নিয়ে

যে যার কাছে যায় ।

কিন্তু, এরপর দিনে-দুপুরেও শিশু চুরি হতে লাগল। চোরেরা বনের দিকে থেকে আসে। বনে চলে যায়। শূণ্যের মতো চতুরতার সঙ্গে কাজ সারে। রাজগৃহে আতঙ্ক, প্রান্তিক পত্নীগুলিতে কান্নাকাটি পড়ে গেল। নরমাংসাদ যক্ষিণী। অনেকেই নাকি তাকে দেখেছে। কৃষ্ণকায়, বিকৃত দর্শন। সঙ্গে যক্ষ। উভয়েই অতি ভয়ানক। নিমেষের জন্য দেখা দিয়েই অদৃশ্য হয়।

রাজ্যদেশ হল—এই যক্ষ-সম্পত্তিকে ধরতে হবে—জীবিত বা মৃত। যে ধরবে সে পুরস্কার পাবে।

একদিন সকালে তিষ্যর অতিথিশালায় এসে চণক দেখল সে বুকে লৌহজালিকা আঁটছে। অস্ত্রে-শস্ত্রে সুসজ্জিত।

—কোথায় যাচ্ছে, তিষ্য ?

তিষ্য হেসে বলল, যক্ষ ধরতে, চণক ভদ্র।

চণক বলল, একটু অপেক্ষা করো তিষ্য, আমিও যাবো।

চণক এতদিন কেন যায়নি ! ওই মহাবন, অন্তত তার কিছু অংশ তো তার পরিচিতই। সেই পরিচয়ের ওপর নির্ভর করেই তো সে যক্ষের সন্ধানে যেতে পারতো। কেন উদ্যোগ নেয়নি চণক। সে কি নিজেই প্রাণ বিপন্ন করতে চায়নি ? না না। সে তো নিরস্ত্র ওই অরণ্যের মধ্যে দিনের পর দিন কাটিয়ে এসেছে ? তবে ? কী জটিল রহস্য তোমার চরিত্রে, তোমার আচরণে হে উদ্রীচ্য ব্রাহ্মণ ! যা কৃত্য কর্ম বলে মনে করো, যেসব বিষয়ে এতো গভীর চিন্তা করো, বিষণ্ণ হও, চিন্তাগুলি লিপিবদ্ধ করে যাও লিপির এবং লেখনীর বহু অসুবিধা থাকে সন্দেহও, কেন তার কোনটাই করতে উদ্যোগ নাও না ? তোমার কর্মোদ্যোগহীন, চিন্তক চরিত্র কি এইবার নির্দিষ্ট হয়ে যেতে আরম্ভ করল ? দেখো তো, তিষ্যকুমার, ক্ষত্রিয়যুবা কেমন দ্রুত সিদ্ধান্তে পৌঁছে যেতে শেবেছে। কবচ আঁটছে এখন। তোমার মতো জ্ঞানী না-হলেও, সে-ও কিন্তু চিন্তা করে, সেই সঙ্গে কর্মোদ্যোগও তার চরিত্রে স্পষ্ট। সে যা ভাবে, তাই করে। একদিন তুমিই না এই রাজগৃহের পথে দাঁড়িয়ে এক মাগধকে বলেছিলে—তুমি আপাতত ব্রাহ্মণ কিন্তু বৃষ্টির পরিবর্তনও হতে পারে। কী মনে ছিল তোমার চণক ? কী ভেবেছিলে ? কোন বৃষ্টির কথা ? রাজা বিশ্বিসার তোমাকে উচ্চপদ দিতে চেয়েছিলেন রাজসভায়। তা-ও তো তুমি নাওনি ? সে পদ নিলেও করার মতো কাজ অনেক করতে পারতে। তখন বলেছিলে তুমি মুক্ত থাকতে চাও। জম্বুদ্বীপ পরিক্রমা করে দেখবে কোথায় তার সীমা। যাবে পূর্ব দিকে। আবিষ্কার করবার চেষ্টা করবে জনমনের সেই মূল সূত্রটি, যা জম্বুদ্বীপকে সংহত করবে। হায় গৃহকার, চিন্তক, ভাবক, প্রজ্ঞাবান ব্রাহ্মণ আর কতদিন। কত দিন এই বিধা, এই দোলাচল চিন্ত নিয়ে তুমি কোন কর্তব্য সম্পাদন করবে ?

তিষ্য বলল, তাহলে কবচ পরে নিন ভদ্র। আমার কাছে দ্বিতীয় তো নেই। চলুন আপনার গৃহে যাই।

—কবচ প্রয়োজন হবে না তিষ্য। তুমি সশস্ত্র চলো। আমি তোমার সঙ্গে থাকবো। ভয় কী !

—কিন্তু বিষাক্ত তীর কোনওদিক থেকে যদি এসে বেঁধে ?

—মাথায় উষ্মীষ পরে নিচ্ছি। এই উর্গার উত্তরীয় যথেষ্ট স্থূল।

—চণক ভদ্র আপনার জীবন মূল্যবান। এভাবে আপনাকে বিপন্ন হতে দিতে আমি পারি না।

—শ্রমগরা তো বিনা অস্ত্রেই সর্বত্র ঘুরে বেড়ান। কিছু তো হয় না।

—আপনি তো শ্রমগন !

তিষ্য কিছুতেই সম্মত না হওয়ায়, তার ভৃত্যক চণকের গৃহ থেকে কবচ ও ধনুর্বাণ এনে দিল।

বাহুবলে বলীমান ক্ষত্রিয়র পেছন পেছন চিন্তাবিদ ব্রাহ্মণ চণক অরণ্যের অন্ধকার জয়ের প্রথম অভিযানে।

তাদের জীবনে প্রথম হলেও, এ অভিযান সত্যিই প্রথম কী ? বিন্মৃত অতীতে যাননি কি এভাবে ইন্দ্র, এবং স্ত্রী ? পাণ্ডব এবং দ্রোণ ? অর্জুন এবং কৃষ্ণ ? সুদূর ভবিষ্যতেও এভাবে যাবেন না ঐরা ? বীরপুরুষ এবং আবুক পুরুষ ? কর্মী এবং তাত্ত্বিক ?

যদি বলা যায় তিষ্যকুমার তো পুরোপুরি কর্মী ও বীর নয়। তার মধ্যে কর্মৈষণার সঙ্গে মিলে আছে প্রমোদনিবন্ধ। প্রয়ের কাছে নিরস্তর গতায়। যদি বলা যায় দৈবরাত চণকও তো নয় শুধু তাত্ত্বিক। তার কর্মের পরিকল্পনা অস্পষ্ট ভাবজগৎ থেকে স্পষ্টই নেমে এসেছে ভূমি স্পর্শ মুদ্রায়, তাহলে বুঝতে হবে ভেতরে ভেতরে মাটি ভেঙে দিক পরিবর্তন করেছে যুগজীবন, যুগমানস। কতটা পারছে, পেরেছিল, তার চেয়েও বড় কথা—চাইছে। তারা চেয়েছিল।

২৬

গৌতম বুদ্ধ বললেন—শিশুদুটিকে আগে খেতে দাও।  
—কী দেবো, ভগবান? আমাদের তো কিছু সঞ্চয় নেই!—আনন্দ বললেন। তাঁর দু'তোষ থেকে অশ্রুধারার মতো করুণা ঝরে পড়ছে। যেন কাব্যায়থারী শ্রমণ নয়, পিতা। কিন্তু গৃহস্থ পিতার চোখে কি এমন করুণা ঝরে? যেন শিশুদুটির সবাই শুধু নয় তাদের অন্তর, তাদের বর্তমান, তাদের ভবিষ্যৎ—সবই তিনি অভিষিক্ত করে দিচ্ছেন।

শিশুদুটি জীবকের আশ্ববনের গাছের ফাঁকে ফাঁকে খেলা করে বেড়াচ্ছে। কৃষ্ণবর্ণ দুটি ব্যায়শিশুর মতো। সুকুমার ত্বক দিয়ে স্বাস্থ্যের দীপ্তি ফুটে বেরোচ্ছে। পায়ের ভাঁজগুলি, কী সুন্দর! অবোধ শিশু। নিজেদের পরিবেশে যে নেই সে কথা বুঝতে পারছে না। বা অস্পষ্টভাবে বুঝলেও তাদের কোনও ভাবান্তর নেই।

চণক বলল—আমরা যাচ্ছি। দুখ কিনে আনছি। ষত তাড়াতাড়ি পারি আসব। কাননের শ্রান্তে ঘোড়াদুটি বাঁধা ছিল। দু'জনে ঘোড়া ছুটিয়ে দিল।

তিষ্য কৌতুকে মুখ উজ্জ্বল করে বলল—শিশুদুটিকে নিয়ে কী করবেন শ্রমণ গৌতম? ওদের ওপর কি ওঁর বিখ্যাত ইন্দ্রজাল খাটবে, চণকভদ্র?

চণক হেসে বলল—দুখ না খেয়েই ওরা যেভাবে মল্লযুদ্ধ করে যাচ্ছে, তাতে শ্রমণ গৌতম এবং তাঁর ভিক্ষুরা খুব শীগগীরই রীতিমতো পর্যুদস্ত হয়ে পড়বেন মনে হচ্ছে। এরপর উদরপূর্তি হয়ে গেলে কী করবে কে জানে!

আজ চণক ও তিষ্যর বড় বিচিত্র অভিজ্ঞতা হয়েছে। অস্ত্র-শস্ত্র নিয়ে, বর্ম এঁটে দু'জনে বনপথে হারানো শিশু এবং জনশ্রুতির যক্ষয়ক্ষিণীর সন্ধানে বেরিয়েছিল। যে চণ্ডাল-পত্নী থেকে সবচেয়ে অধিক সংখ্যায় শিশু চুরি গেছে, সেই পত্নীর কাছে বনাকালে ঢোকে তারা। ঝোপঝাড়, লতা এ সব ভেঙে পড়ে থাকায়, তাদের মনে হয় এটি একটি যাতায়াতের পথ। ঋনিক দুয় যাবার পর তারা আশ্চর্য হয়ে দ্যাখে শ্রমণ গৌতম তাদের আগে আগে চলেছেন। দু'জনে দু'দিক থেকে গিয়ে তাঁকে ঘিরে ধরে—ভদ্রস্ত, কোথায় চলেছেন?

মুখে মৃদু হাসি খেলে গেল। গৌতম বললেন—বৃথা শব্দ করো না। রাক্ষস ধরতে যাচ্ছি।  
তিষ্য বলে—আমরাই তো সে জন্যে আছি। সংসার-ভ্যাগী শ্রমণের কষ্ট করবার প্রয়োজন কী?  
—ভ্যাগী কোথাও আবদ্ধ নয়, তার পক্ষেই ধরা সহজ আয়ুমান।

তৃণগুল্ম এবং শুষ্ক পত্রাদির শব্দ হতে থাকে। সাবধানে উপানৎ হাতে ধরে দু'জনে শ্রমণের পেছন পেছন গিয়ে আবিষ্কার করে—একটি পরিকৃত স্থান। মাটিতে অগজীর গর্তের মধ্যে নিভে-যাওয়া আগুন। কাছেই একটি অপরিস্ফুট পর্ণকুটির। সামনে দুটি কক্ষকায় উল্লস শিশু খেলা করছে।

শ্রমণ গৌতম বললেন—সম্ভবত এখানেই রাক্ষসীর বাস। আয়ুমান কুটিরের মধ্যে এবং চারপাশে একটু দেখে এসো তো শিশুগুলির সন্ধান পাও কি না।

তিষ্য চলে যায়। এই সময়ে চণক অগ্নিকুটির কাছে এগিয়ে গিয়ে একটি বৃক্ষশাখা দিয়ে ভঙ্গুপাটী পরীক্ষা করতে করতে একটি শিশুর কনুই পর্যন্ত আধপোড়া হাত দেখতে পায়। সেদিকে শ্রমণের দৃষ্টি আকর্ষণ করতে তিনি সহসা বলেন—ওই শিশুদুটিকে তুলে নিয়ে এসো।

ততক্ষণে তিষ্য কুটির পরিক্রমা সেরে বেরিয়ে এসেছে। —'কই, কাউকেই তো দেখতে পেলাম

না। তবে এইগুলি পেয়েছি।’ সে পেতলের কয়েকটি ছোট ছোট বালা দেখাল। চণক নীরবে অগ্নিকুণ্ডের মধ্যে কেই শিশু-হাতটির দিকে আঙুল দেখায়। তিষ্য শিউরে চোখ বুজে ফেলল। চণক শিশুদুটিকে দু’হাতে তুলে নিতে তারা প্রথমটা তার হাত ছাড়বার চেষ্টা করে। বড়টি তাকে কামড়েও দেয়। সেই সময়ে হঠাৎ শ্রমণ গৌতম এগিয়ে এসে দুই বাহুতে দুটি শিশুকে শক্ত করে কক্ষের কাছে চেপে ধরে, দ্রুত নগরীর দিকে ফিরে যেতে থাকেন।

সেই শিশুদুটিই এখন আশ্রবনে নিশ্চিন্তে পরম্পরের সঙ্গে মল্লযুদ্ধ করছে। এবং চণক ও তিষ্য তাদের জন্য দুধের সন্ধানে গোপ-পল্লীর দিকে যাত্রা করেছে।

যথেষ্ট পরিমাণে দুধ এবং কিছু খেলনা কিনে আশ্রবনে ফিরে এসে ওরা দেখল বড় শিশুটি শ্রমণ গৌতমের কোলে বসে তার বিস্মিত চোখ দিয়ে শ্রমণের মুখ নিরীক্ষণ করছে। কচি কচি আঙুল দিয়ে তাঁর কান টানছে। গালে হাত বুলোচ্ছে, চীবর নিয়ে টানাটানি করছে।

ওদিকে ছোটটি ঠোট ফুলিয়েছে। আনন্দ নামে শ্রমণ তাকে তাড়াতাড়ি কোলে তুলে নিতে সে আনন্দের একটি আঙুল মুখে পুরে চুষতে লাগল।

বর্ষার অস্তে অনেক ভিক্ষুই এদিক ওদিক ভিন্ন গ্রামে, জনপদে বেরিয়ে গেছেন প্রচার কর্মে। অল্প কয়েকজনই আছেন। তাঁদের মধ্যে অল্পবয়স্করা শিশুদুটির কাণ্ড দেখে হাসছেন। একজন প্রৌঢ় ভিক্ষু আরেকজনকে মৃদুস্বরে বললেন—রাহুল জন্মাবার পর শিশুর মায়া কাটাবার জন্যেই তো ভগবান আরও সত্ত্বর গৃহত্যাগ করলেন। রাহুই বটে। তা এখন কী করবেন? নিজপুত্রকে কখনও কোলে করেননি। এখন এই বন্যাশিশুকে কেমন খেলা দিচ্ছেন দেখো!

অন্য ভিক্ষুটি বললেন—আমি দেখেছি, বেলুবনে একদিন ধ্যানভঙ্গ হবার পর উনি রাহুলের পরিবেশের কাছে বহুক্ষণ পদচারণা করতে থাকলেন। রাহুলের ঘুম ভাঙার সময় হলে যেন বৃষতে পেরে ধীরে ধীরে সেখান থেকে চলে গেলেন।

—দেশনা করবার সময়ে ঔর চোখ যখন রাহুলের ওপর পড়ে, আমি দেখি যেন স্নেহ টলটল করছে! ভগবান তীর্থিক কি আত্মীবিকদের মতো শুকনো সন্ন্যাসী তো নন।

—তা যদি বলো, রাহুলকে দেখলে আমারই করুণা হয়। রাজার পুত্র, রাজার বংশ ধর; ভালো করে কিছু বোঝবার আগেই ভিক্ষাপাত্র ধরিয়ে দেওয়া হয়েছে।

—শ্রমণ হয়ে এ কথা বলছে?

—আমি তো শ্রমণ হয়েছি পরিণত বয়সে। পুত্রদুটি অকালে মারা গেল। পত্নী কেমন যেন শোকবিহ্বল হয়ে গেলেন। আমার মনে হল এই দুঃখই সত্য। এতদিন যা ভোগ করেছে সে সবই মায়া, মিথ্যা। একদিন ভগবানের দেশনা শুনতে বেলুবনে গিয়েছিলাম উভয়ে। ফিরে এসে দুঃজনেই স্থির করলাম প্রব্রজ্যা নেবো। তা দেখো ধর্মশীল, সন্তানের অকালমৃত্যুর শোক কী আমি জানি। সন্তান-স্নেহ কী বস্তু তা-ও আমি ভুলিনি। কিন্তু রাহুল ওই বালকটি জন্ম থেকে পিতৃস্নেহ জানল না। মাতৃস্নেহই কি জেনেছে? পাঁচ সাত বছরের শিশুকে যখন দেবী রাহুলমাতা পিতৃধন চাইবার জন্য ভগবানের কাছে পাঠালেন তিনি কি জানতেন না পার্থিব ধন বলতে কিছুই তাঁর কাছে নেই? তিনি বুদ্ধিমতী নারী। চেয়েছিলেন পুত্রের দায়িত্ব পিতা নিক। সে যে-ভারসেই হোক। পিতৃহীন শিশু মায়ের স্নেহচ্ছায়ে বড় হতেও তো পেল না। রাহুল খেলা জানল না, বিচিত্র খাদ্যরস জানল না। পিতামাতার স্নেহ জানল না। দুঃখভোগের আগেই তাকে দুঃখনির্মোচনের কঠিন পথে ঢুকিয়ে দেওয়া হল। উপরন্তু, রাহুল বন্ধনস্বরূপ এইরূপ-নাম দিয়ে তাকে ছিরাদিনের জন্য কলঙ্কিত করা হল।

—আপনি কি ভগবানকে নিন্দা করছেন ভিক্ষু ধর্মরক্ষিত?

—নিন্দা করি না। বৃষতে পারি না তাঁর সব কিছু এটাই বর্ষেই। আর রাহুলের প্রতি করুণা প্রকাশ করেছি।

—ওকে দেখলে কি আপনার মৃত পুত্রদের কথা মনে হয়?

—হয় ধর্মশীল, হয়। বলতে বলতে ভিক্ষু দ্রুত স্থান-ত্যাগ করলেন।

চণক অদূরে দাঁড়িয়ে ভিক্ষুদের আলোচনা শুনছিল। তিষ্য একটি শ্রমণের সঙ্গে শুকনো

ডাল-পাতা জ্বালিয়ে দুধ গরম করছে। দেখতে দেখতে, এবং শ্রমণদের কথা শুনে শুনে কেন কে জানে তার শ্রীমতীর কথা মনে পড়তে লাগল। শ্রীমতী তাকে সযত্নে খাওয়াচ্ছে। ব্যঞ্জন করছে। শ্রীমতী তার হাতে জন দিল। ওই শ্রীমতী তার বীণা নিয়ে তাকে, একমাত্র তাকেই গান শোনাবার জন্য বসেছে। এতো ধীর, এতো নম্র, করুণ ! সে বহুদিন শ্রীমতীর কাছে যায়নি, তার সংবাদ রাখে না। অথচ এক গভীর আত্মিক সঙ্কটে শ্রীমতীই তাকে সঙ্গ দিয়েছিল। সে তার কাছে প্রার্থী হয়ে গিয়েছিল। আত্মসমর্পণ করেছিল। শ্রীমতী তাকে পুরোপুরি সাহায্য করেছে। সে কিছু দেয়নি ওই নারীকে। গৃহস্থ, বিবাহিত পুরুষের মতো গন্ধ, মাল্যবস্ত্র ইত্যাদি কিনে নিয়ে গিয়েছিল একদিন। অভিমান ভরে শ্রীমতী বলেছিল—‘মূল্য দিচ্ছেন নাকি ?’ চণক কিন্তু তাকে বোঝাবার চেষ্টা করেননি—এ ঠিক মূল্য দেওয়া নয়। তার হৃদয়ের প্রীতিরই প্রকাশ এ। সে শুধু ক্ষান্ত হয়েছিল। আর ওইসব বস্তু কেনেনি। সহসা তার জিতসোমার কথাও মনে হল। জিতসোমা আর সাজু-সজ্জা করে না। অতি সাধারণ রমণীর মতো বেশ করে। শ্রদ্ধাভরে চণকের রাজশাস্ত্র প্রতিলিপি করছে সে। চোখের সামনে সে যেন দেখতে পেল জিতসোমা হাতে পালকের লেখনী নিয়ে লিখতে লিখতে মুখ তুলে তাকাল। কেমন বিষন্ন দৃষ্টি। কী ভবিষ্যৎ জিতসোমার ? চণক অস্পষ্টভাবে চিন্তা করে কিন্তু জিতসোমার প্রতিই কি তার কর্তব্য পালন করতে পারছে সে ?

শিশুদুটি দুধ খেতে খেতেই ঘুমিয়ে পড়ল। মাটির পাত্র দুহাতে ধরে ঢকঢক করে খেয়ে নিল। তারপর চোখ বুজে আসতে লাগল তারের। বুদ্ধ বললেন—আনন্দ, ওদের ভিক্ষুণীদের উপাশ্রয়ে দিয়ে এসো। বলবে, ওদের পালন করতে, যতদিন না আবার চাই।

আনন্দ বললেন—যাই, ভগবান।

আনন্দ একজনকে কোলে নিলেন, আরেকজন ভিক্ষু বড়টিকে নিলেন।

মধ্যাহ্ন পার হয়ে যাচ্ছে। দু’জনে গৃহের দিকে ঘোড়া ছুটিয়ে দিল। তিষ্যকে আজও নিজের গৃহে আপ্যায়ন করতে পারেনি চণক। যবে থেকে সে বুঝতে পেরেছে চণকের গৃহে একজন রমণী থাকেন, সে কোন মতেই কোনও নিমন্ত্রণ গ্রহণ করতে চায় না। থাকা তো দূরের কথা।

প্রধান পথ রাজগৃহে মাত্রই দুটি। কতকগুলি উপপথ দক্ষিণে এবং বামে চলে গেছে শাখা-প্রশাখার মতো। বৈভার গিরির কোল ঘেঁষে চণকের গৃহে যাবার পথটি। দু’ধারে সমান ব্যবধানে ছায়াতরু। ফাঁক দিয়ে পাহাড়ের ঢাল দেখা যায়। দক্ষিণের পথটি ক্রমে রাজপুরীর প্রাচীরে পৌঁছেছে। বামের পথটি ধরে যেতে যেতে ক্রমশই জামগাছ বাড়তে থাকে। মহীঝর সব। তারপর উত্তর প্রান্তে গিয়ে বাঁদিকে আরও একটি বাঁক নিলে শুধুই জামগাছ। পথটি এমন ছায়াময় হয়ে থাকে যে মধ্যাহ্ন-সূর্যও যেন একে তপ্ত করতে পারে না। এখন বর্ষা চলে গেছে। হিমঝড় এলো বলে। এ পথ দিয়ে যাতায়াতের সময়ে উত্তরীয়টি ভালো করে গায়ে জড়িয়ে নিতে ইচ্ছে হয়। চণক এবং তিষ্যর এখনও বর্ম পরা রয়েছে। যোদ্ধাবেশ। এই বেশও নগরীর মধ্যে অতি সুলভ নয়। সেনারা বাস করে নগর থেকে অদূরে সেনানীগ্রামে। নগরের মধ্যে অল্পস্বল্প অস্ত্রধারী যাদের দেখা যায় তারা হল রাজভট এবং রক্ষী। রক্ষীদের আগার রয়েছে নগরের উত্তর ও দক্ষিণ প্রাকারের দ্বারের কাছে। রাজপুরীতেও অবশ্য আছে তারা যথেষ্ট সংখ্যায়।

পথে লোক অল্প। যারা চলছে, কৌতূহলের দৃষ্টি নিয়ে দুই অন্ধারোহীকে দেখছে। হস্ত রক্ষী ভাবছে। বিশেষত তারা চলেছে উত্তর সীমান্তের দিকে। তিষ্য তার অতিথিশাধারী দিকে বঁকে যাবার সময়ে বলে গেল অপরাহ্নে সে জীবকান্ত্রবনে যাচ্ছে। চণক বলল—সে-ও-আবে।

কাননে ঢোকবার পর তার দাসদের হাতে অশ্বটি দিয়ে চণক গৃহের দিকে চলল। মুক্ত বাতায়নপথে দেখা যাচ্ছে জিতসোমা রোদে পিঠ দিয়ে দাঁড়িয়ে আছে। তার পায়ের শব্দ শুনে ফিরে দাঁড়াল। সজ্জানী দৃষ্টি নিয়ে চণক দেখছে—না জিতসোমা হাসছে। সে দ্বার দিয়ে ঢুকে দাঁড়াতে এগিয়ে এসে তার বর্ম খুলতে খুলতে বলল—কী ? যক্ষ-রক্ষ ধরতে পারলেন ?

চণক হেসে বলল—আমরা ধরিনি, তবে শ্রমণ গৌতম ধরেছেন মনে হচ্ছে ? সোমা অবাধ হয়ে বলল—শ্রমণ গৌতম ? যক্ষ ধরেছেন ? ইন্দ্রজাল জ্ঞানেন, না কী ?

চণক বলল—কিছুই বুঝতে পারছি না ! যক্ষিণীর শিশুপুত্রদুটিকে ধরে নিয়ে এসেছেন। এই



দ্যাখো, একটি শিশু আমাকে কীভাবে কামড়ে দিয়েছে।

সোমা শিউরে উঠে হাতটি পরীক্ষা করতে করতে বলল—‘সর্বনাশ। যক্ষের শিশু। দাঁতে যদি বিষ থাকে।

চণক বলল—ভয় নেই গাছের পাতার নির্যাস দিয়ে ডিম্বুরা মনোরম চিকিৎসা করেছেন। আর শিশুটি, যক্ষের ঘরের হলে হবে কি, অবিকল আমাদের ঘরের শিশুদের মতো দেখতে। শুধু অমাবস্যার আকাশের মতো ধূস্রবর্ণ। তার ক্ষুদ্র ক্ষুদ্র দাঁতগুলিও অবিকল মানব-শিশুর দাঁতের মতো। সুখও খায়। যদিও আমাকে কামড়ে দিয়েছে, তবু রক্তপিপাসু বলে ঠিক মনে হল না। আজ অপরাহ্নে যাবো। দেখি শ্রমণ গৌতমের কী পরিকল্পনা।

সোমা তার উকীষটি নিতে নিতে বলল—‘শ্রমণ গৌতম কেমন?’

—তোমার-আমারই যতো। আবার স্বতন্ত্র। সোমা শ্রমণ গৌতম অদ্ভুত মানুষ। এই দেখবে আকাশের চাঁদ, আবার পরক্ষণেই দেখবে পথের পাশে তোমার প্রতিদিনের দেখা তরু। তোমার দেখতে ইচ্ছা হয়?

—আগে হয়নি! আজ হচ্ছে। অপরাহ্নে আপনার সঙ্গে যাবো।

চণক আগ্রহে সম্মত হল। এই প্রথম সোমা বাইরে যেতে চাইল। কোনও বিষয়ে আগ্রহ প্রকাশ করল।

এতদিনে এখানে এসেছে, কিন্তু সোমা রাজগৃহ চেনে না। এক অন্তঃপুর থেকে আরেক অন্তঃপুরে যাতায়াত করেছে শুধু। তক্ষশিলায় পথ-ঘাট তবু চেনা ছিল। নিজস্ব যান তো ছিলই। পায়ে হেঁটে চলাফেরাও সম্ভব ছিল। রাজগৃহে সে বিদেশিনী। তাকে দেখলেই বিদেশিনী বলে চেনা যায়। এখানে সে বড় বেশি অপরের ওপর নির্ভরশীল হয়ে পড়েছে।

অপরাহ্নে সে দেখল ঘরের কাছে একটি চারঘোড়ার রথ এসে থামল। চণক বলবামাত্র দাসেরা গিয়ে রাজপুত্রী থেকে রথ নিয়ে এসেছে। অতঃপর এই রথটি তাদের কাননেই থাকবে—রাজ-অঙ্কশালার প্রধান বলে পাঠিয়েছেন।

আজ সোমা প্রথম এ নগরের পথঘাট দেখল। নিজেদের কাননে সে অবসর সময়ে ঘুরে বেড়ায়। তখন দেখে দূরের পাহাড়। কিন্তু সারাপথই যে এইভাবে পাহাড় সঙ্গে সঙ্গে যাবে সে জানত না। চণক তাকে দেখায়—‘ওই যে দূরে যে পাহাড় দেখছ। ওর ওপরে আছে তপোদারাম। পাহাড়ের অভ্যন্তর থেকে তপ্ত বারি বেরিয়ে আসছে। সর্বরোগহর।’

সোমা আশ্চর্য হয়ে বলল—‘এই নগরীর ওপর দেখি দেবতাদের অশেষ কৃপা। মহারাজ বিশ্বিসার মহাশয়া বলেই কি অগ্নিদেব, বরুণদেব এভাবে তাঁকে আশীর্বাদ করছেন। আর্য?’

চণক হেসে বলল—‘মহারাজ, বিশ্বিসারকে দেবতার তপোদারামগুলি দেননি। এগুলি এবং অন্যান্য নানা সুবিধাগুলি আছে বলেই, চতুর রাজাটি এইখানে তাঁর রাজধানী স্থাপন করেছেন।

—কিন্তু এতো শ্রমণ! সন্ন্যাসী! দেখুন দেখুন।

পাহাড়ের দিকে দৃঙ্খন শ্রমণ চলে যাচ্ছেন সোমা দেখল। তারপর বলল—আমি কানন থেকেও দেখি, আর্য। বহু শ্রমণ বাস করেন এখানে। এ-ও তো মহারাজের একটা পুণ্যফল।

—পাহাড়গুলি দেখেছ সোমা? শ্রমণ ও সন্ন্যাসীরা পাহাড়ে থাকতে ভালোবাসেন। তাই ওঁরা এতো অধিক সংখ্যায় আছেন এখানে। মহারাজও সব মত সব পথের সম্বন্ধেই সম্মত করেন। এদিকে শ্রমণ গৌতমকে তথাগত বুদ্ধ বলে প্রণাম করছেন, ওদিকে আবার নিম্ন জাতপুত্রকে জিন বলে সম্মত করছেন। অজিত কেশকন্দলীর নাম শুনেছ?

—কই না তো।

—উনি একজন অদ্ভুত শ্রমণ। সর্বত্র ভ্রমণের মতো বেশি। নাস্তিক। কোনও দেবতায় বিশ্বাস করেন না। মনে করেন মৃত্যুর পর জীব চার মহাজন্মে বিশেষ যায়, পুনর্জন্ম নেই। যতদিন জীবিত আছে, সংভাবে সুখে বাঁচো।

—আশ্চর্য তো! আর্য চণক, এরূপ কি সম্ভব?

—কী সম্ভব সোমা?

—এই...দেবতা নেই। ব্রহ্মা প্রজাপতি নেই। মৃত্যুর পর দেহ মাটির সঙ্গে মিশে যাবে, এ-ও কি সম্ভব ?

—দেবতার আছেন কি না, প্রজাপতি আছেন কি না, কোনও মানুষ মৃত্যুর পর আবারও কোথাও জন্মগ্রহণ করেছে কি না তা-ও তো আমরা দেখিনি, জানি না সোমা। কোনও প্রমাণ নেই। কোথাও কেউ বলেছে সে ইস্রকে দেখেছে ? অগ্নির শিখার মধ্য থেকে কোনও দেবতাকে বেরিয়ে আসতে দেখেছে ?

—তাহলে যজ্ঞে যে আমরা হবিঃ দান করি, সে কাকে, আর্ঘ্য ? পশুমাংস, যবের পুরো ডাশ আহুতি দিই, সে কি কোথাওই পৌঁছয় না ?

—এঁরা বলছেন এইসব যাগযজ্ঞ, তিনবেদ, অগ্নিহোত্র, কিম্বা ত্রিদণ্ডধারণ, ভস্ম মাখা এগুলি সব পৌরুষ ও বুদ্ধিহীন মানুষের জীবিকা-অর্জনের উপায় মাত্র।

—কী আছে তাহলে ? কোন আচরণই বা ঠিক আর্ঘ্য !

—এখনও জানি না সোমা। তবে এতদিন যা পালন করে আসছি, বিশ্বাস করে আসছি তার ভেতর কোথাও একটা বিরাট ভুল বোঝা আছে যা এই মধ্যদেশের শ্রমণরা নাকি ধরতে পেরেছেন। আজ যে শ্রমণ গৌতমের কাছে যাচ্ছি, উনিও যাগযজ্ঞ মানেন না। তোমার যদি আগ্রহ থাকে, আজ যদি ঠুর কথা ভালো লাগে, তাহলে আমরা মাঝেমাঝেই ঠুর কাছে যেতে পারি।

সোমা বলল—মহারাজ বিহিসার জটাজুটধারী বেদবিৎ সন্ন্যাসীদেরও পূজা করেন কিন্তু। একইসঙ্গে বিপরীত মতবাদে বিশ্বাস করা যায় ?

চণক হেসে বলল—মহারাজের সঙ্গে দেখা হলে, এরপর কথাটা তুমি নিজেই জিজ্ঞেস করো। তবে আমার মনে হয় রাজা-মহারাজাদের ক্ষেত্রে বিশ্বাসটাই বড় কথা নয়। নামা মতের চিন্তকদের সমর্থন পাওয়ার জন্যই এঁরা একরূপ করে থাকেন। এটা ধর্ম নয় সোমা, রাজনীতি। তুমি যে পুথির প্রতিলিপি করো সেখানে এ কথা পাবে। পিতা স্বয়ং লিখে গেছেন।

সোমা বলল—তাহলে আপনারা এতো চিন্তা করে যা স্থির করলেন, মহারাজ বিহিসার সহজাত বোধেই তা বুঝে গেলেন ? ইনি তো সাধারণ রাজা নন।

চণক বলল—ইনি কোনমতেই সাধারণ রাজা নন। এ কথা একশবার সত্য। তবে তুলো না, রাজনীতির পাঠ ইনি নেন আচার্য দেবরাতের কাছে।

—আর্ঘ্য চণক, রাজশাস্ত্রে আপনি যে একরাট এর কথা বলেছেন, চক্রবর্তীর কথা বলেছেন, এই রাজা তা হতে পারেন না ?

—ক্ষমতা আছে, অভিরুচি নেই বোধহয় সোমা।

—তাহলে সমগ্র জম্বুদ্বীপ জুড়ে এক চক্রবর্তীর রাজ্য যা আপনারা একান্ত প্রয়োজন বলে মনে করেন, তা কীভাবে সম্ভব হবে ?

—অহিংসার পন্থে যেভাবে প্রচারিত হচ্ছে, তাতে ব্যাপারটা ক্রমশই কঠিন হয়ে দাঁড়াচ্ছে। মৌলিক বেদপন্থা আমাদের বীরপুরুষ হতে বাধা দেয়নি। এই শ্রমণদের উপদেশ লোকে গ্রহণ করতে থাকলে কয়েক পুরুষের মধ্যেই আমরা নিবীৰ্য অস্ত্রহীন হয়ে যাবো। রক্ত দেখলে মূর্ছা যাবো। চণকের মুখ ক্রমশ গম্ভীর, চিন্তাকুল হয়ে উঠতে লাগল। —সে কিছুক্ষণ পরে বলল—কিন্তু এটাও সত্যি যে বেদের কর্মকাণ্ড এখন এতো বিশদ হয়ে গেছে, সাধারণজনের জীবন থেকে এতো সঙ্গর্গে গেছে যে বহু সং চিন্তাশীল মানুষের মধ্যেও প্রতিক্রিয়া দেখা যাচ্ছে। বেদের মন্দর সঙ্গে বেদের ভালোও এঁরা অস্বীকার করতে চাইছেন ?

—কিন্তু বেদ তো অপৌরুষেয় আর্ঘ্য। তাকে অস্বীকার করতে চাইছেন ?

—বেদ অপৌরুষেয় কী অর্থে সোমা ? আমি অনেক ভেবেছি। কিন্তু যে ধ্রুব নয়, সে কথা কিন্তু প্রতিদিন প্রমাণ হয়ে যাচ্ছে, প্রমাণ করে দিচ্ছেন শ্রমণ গৌতম। যাদের দেবতা বলা হয়েছিল তারা যে প্রাকৃতিক বস্তু ও শক্তি এ বিষয়ে অনেকেই এখন নিঃসংশয়। তারপরে দেখো, বেদ ঋষিদের কাছে প্রকাশিত হয়েছিলেন এই কথাটি ধরেই আমি বলতে পারি আমার পরিচিত এক কবি রোধিকুমারের বর্ষা-শ্লোকও তাঁর কাছে স্বপ্রকাশ হয়েছিল। এই কবি আমাকে বললেন তিনি আসকুঞ্জ বসেছিলেন,

এমন সময়ে বৃষ্টি এলো। বৃষ্টি দেখতে দেখতে শ্লোকগুলি পরপর তাঁর সামনে যেন উদ্ভাসিত হল। সোমা এই শ্লোকসমূহকেও তাহলে অপৌরুষেয় বলো। ঋষি বামদেব তো এই অভিজ্ঞতার কথাই বলছেন, মনে পড়ছে ?

সোমা বলল—“এতা অর্ষস্তি হৃদ্যাৎ সমুদ্রাৎ  
শতব্রজা রিপুণা নাবচক্ষে ।  
ঘৃতস্য ধারা অভি চাকশীমি  
হিরণ্যমো বেতসো মধ্যে আসাম্...”

—‘তবে ?’ চণকের চোখদুটি হর্ষে জ্বলছে। সে বলল—এই যে শতধারায় উজ্জ্বল রসের ধারা হৃৎ-সমুদ্র থেকে বইছে, যার মধ্যে ঋষি সোনার বেতসের মতো দুলছেন—এ কি বোধিকুমারের মতো কোনও কবির অভিজ্ঞতা নয় ? আবার দেখো ঋষির নিজেস্বরূপে যে কিছু কর্তৃত্ব আছে স্বকীরচনায় তারও নির্ভুল প্রমাণ রয়েছে তক্ষু ধাতুর ব্যবহারে। অগ্নির উদ্দেশ্যে ঋতুরা বাণীতক্ষণ করছেন, ইন্দ্রর জন্য মন্ত্রতক্ষণ করছেন নোমা গৌতম। অর্থাৎ সবটাই স্বতোৎসারিত নয়। সযত্নে কেটে-ছেঁটে মসৃণ করে তবে মন্ত্র নির্মাণ হচ্ছে।

—তাহলে ? আপনি কী বলতে চান ? বেদ-বিদ্যাকে আমরা ত্যাগ করবো ?

তা কেন সোমা ! এতৎ সত্ত্বেও বেদ কিন্তু এক মৌলিক, বিশ্বজনীন চিন্তার অবয়ব নির্মাণ করে দিয়েছেন। যত বিচিত্র পথেই তোমার চিন্তা যাক না, তার সঙ্গে বেদের সম্পর্ক রয়েছেই যায়। বৈদিক চিন্তাই নানান নতুন মতের জন্ম দিচ্ছে ঠিক যেমন এক সিন্ধু পাঁচ নদীর জন্ম দিয়েছিল। যেমন এক গঙ্গা থেকে শত শাখানদী কত দিকে চলে যাচ্ছে।

—কিন্তু এই নাস্তিক্যবাদ ?

—নাস্তিকরা যে চতুর্মহাত্ম্য অর্থাৎ পৃথিবী, জল, অগ্নি ও বায়ুর কথা বলেছেন, সে চারটি তত্ত্ব তো বেদেই রয়েছে। ধরো আমি যদি বলি, যাকে ঐরা বস্তু বলে উপস্থিত করছেন, বেদের ঋষি তাকেই দেবতা বলে স্তুতি করেছেন, মানুষের জীবনে তার অশেষ প্রভাবের কথা স্মরণ করে ?

—কিন্তু শেষ পর্যন্ত বেদ তো দেবলোক, অমৃতলোকে বিশ্বাস করেন।

—সোমা, তুমি ব্রহ্মবাদের কথা শুনেছ নিশ্চয়ই। জৈবলি প্রবাহণ থেকে বাজসনেয় যাঞ্জবঙ্ধ্য পর্যন্ত সবাই ব্রহ্মের কথা বলছেন।

—শুনেছি। আমি ঠিক বুঝতে পারি না।

—ঋক্ সংহিতার দশম মণ্ডলে নাসদীয় সূক্ত ব্যাখ্যা করেছিলাম। মনে আছে সোমা ?

নাসদাসীন নো সদাসীত তদানীং নাসীদ রজো নো ব্যোমা পরো যৎ

কীমাবরীবঃ কুহ কস্য শর্মন্ অস্তঃ কিমাসীদ গহনং গভীরম্... ?

তখন অসৎ ছিল না, সৎ ছিল না, কোনও লোক ছিল না, সব লোকের পারে যে ব্যোম তা-ও ছিল না। কে কাকে আবৃত করবে ? কার আশ্রয়ে ? গহন গভীর যে সলিল, তা-ও তো ছিল না।

সোমা বলল—মৃত্যু ছিল না। অমৃত ছিল না। দিনরাত্রির কোনও চিহ্ন ছিল না। আপন শক্তিতে নির্বায়ু অবস্থাতেও নিঃশ্বাস নিচ্ছিলেন সেই একম।

চণক স্মিত মুখে বলল—এই তো, তোমার স্মরণে আছে ! দেখো, এই যে নেই, আবার প্রাণন কার্য করছে, এই ধরাছোঁয়ার বাইরে বিশ্বের আদি প্রাণ—এর থেকে যেমন ব্রহ্মবাদ, বেদান্ত নাস্তিক্যবাদও এসেছে বলে আমার মনে হয়। এই অজ্ঞেয়তার মধ্যে, জীবনের মূল কোষেই এই প্রশ্ন করতে জীবনের পরিণতি সম্পর্কেও জিজ্ঞাসা জাগে। নাস্তিকরা এই অজ্ঞেয়তার বেদের মধ্য থেকে সংশয়টুকু তুলে নিয়েছেন। তাকেই পুষ্ট করেছেন। এখন বলছেন প্রত্যক্ষ ব্যক্তিত্ব কোনও প্রমাণ মানব না। শ্রমণ গৌতম কিন্তু পুনর্জন্ম মানেন। তিনি কী বলতে চান দেখা যাক।

জীবকল্পবনে আজ শ্রোতার সংখ্যা অন্যান্য দিনের মতো নয়। অন্য দিন ভরা দিঘির মতো লাগে শ্রমণ গৌতমের দেশনাস্থল। চণক ইতস্তত দৃষ্টিপাত করে দেখল কিছু বিশিষ্ট ব্যক্তি রয়েছেন। যেমন রাজগৃহ-শ্রেষ্ঠী অহিপারক, রক্ষী-জেষ্টক, কয়েকজন পরিচিত রাজপুরুষ, ভিক্ষুরা এবং ভিক্ষুণীরা। শ্রেষ্ঠীদের গৃহ থেকে রমণীরাও এসেছেন। জিতসোমা তাঁদের কাছে গিয়ে বসল।

বর্ষার অস্তে বৃদ্ধ পরিব্রজন করেন। করেন অন্যান্য ভিক্ষুরাও। ভিক্ষুগীদের মধ্যে যারা ইচ্ছা করেন, তাঁরাও যান। রাজগৃহের বৃদ্ধভক্ত সাধারণজন অনেকেই জানে না বৃদ্ধ এখন ঠিক কোথায়। চণকের পাশে বসা এক বর্ষীয়ান কুলপুত্র পাশের জনকে জিজ্ঞেস করলেন—ভগবান আর কতদিন রাজগৃহে থাকবেন, জানো না কি? দ্বিতীয় ব্যক্তি বললেন—উনি তো ঠিক রাজগৃহে নেই। সেনানীগাম ছাড়িয়ে চলে গিয়েছিলেন। কোনও কারণে আবার এসেছেন। হয়ত কালই দেখবেন, চলে গেছেন।

তিষ্য এসে চণকের পাশে বসল। চণক দেখল মহারাজ বিধিসার আসছেন। নিজস্ব কুটি থেকে শ্রমণ গৌতম বেরোলেন। সংঘটিতে ভালোভাবে সারা দেহ আচ্ছাদিত। পেছনে পেছনে আনন্দ আসছেন। সকালে দেখা সেই শ্রমণ দুটিকেও বসে থাকতে দেখল সে।

তিষ্য মৃদুস্বরে বলল—আনন্দ নামে ওই শ্রমণটির কথা কিছু জানেন?

—উনি শ্রমণ গৌতমের কেমন ভাই হন।

—তাই এত মিল! অর্থাৎ ইনিও শাক্য। শাক্যদের কী দুর্দিন চণকভদ্র! একেই তো ওরা কোশলের পদানত হয়ে গেছে। তার ওপর এঁদের মতো সঙ্কম, প্রতিভাবান পুরুষরা সব সংসার ত্যাগ করলেন।

—শুধু ইনি নন তিষ্য, চণক বলল, শাক্যদের আরও রাজকুমাররা নন্দ, অনিরুদ্ধ, ভদ্রিক, ভৃগু, কিম্বিল এঁরা, শ্রমণবৃদ্ধের মা, পত্নী পুত্র, বহু শাক্যরমণী সংঘে প্রবেশ করেছেন।

তিষ্য বলল—শ্রমণ গৌতমের মা ও পত্নী, কিংবা শাক্যরমণীদের প্রব্রজ্যা নেওয়া বৃথতে পারি। কিন্তু যুবক রাজকুমাররা কেউ স্বদেশ স্বজাতির প্রতি তাঁদের কর্তব্যের কথা ভাবলেন না? একেই তো স্বাধীনতা হারিয়েছেন!

—হয়ত সেটাই কারণ তিষ্য। দীর্ঘদিন ধরে পরসেবী থাকতে থাকতে একটা জাতির মধ্যে গভীর আত্মগ্লানি জমা হতে পারে, আত্মগ্লানি থেকেই দুঃখবাদ, ঔদাস্য, সংসার-বিরাগ।

—কিন্তু চণকভদ্র, হত স্বাধীনতা পুনরুদ্ধারের চেষ্টাও তো এঁরা করতে পারতেন।

—তার আগে বলো, বিজিত জাতি রূপে কোশলের কাছে এঁরা কী ব্যবহার পান?

তা যদি বলেন, কোশলরাজ এঁদের যথেষ্ট সম্মান করেন। কপিলবস্ত্র এবং সন্নিহিত অঞ্চলে রোহিণী নদীর ওপারে শাক্যরা নিজেদের মতো থাকেন। কুলগৌরব অত্যন্ত বেশি। অহঙ্কারী বলা যায় এঁদের। কেননা, অন্যান্য বিজিত জাতির মতো এঁরা শ্রাবস্তীর রাজসভায় কোনও কাজ নেননি এসে। বন্ধুল, কোশলের সেনাপতি মল্ল জাতীয়। বজ্জি ও শাক্যদের মতো মল্লদেরও এক সময়ে সমৃদ্ধিশালী রাজ্য ছিল। কিন্তু এখন সে সব ভেঙে গেছে খুব সম্ভব অন্তর্কলহের ফলে। পাবা আর কুশীনারায় ঔঁদের দুটি শাখা রয়েছে কোনওক্রমে টিকে। বন্ধুল বলেন, বৃদ্ধ জলের মতো সে-সব মল্লরাজ্য। তিনি তো কোশলরাজ্যের কাছে কাজ নিয়েছেন। সৈন্যপত্য করেন বলে তবু খানিকটা সম্মান, প্রতিষ্ঠা ও সন্তোষ পেয়েছেন।

সামনের পঙ্ক্তিতে বসা একজন সম্ভ্রান্ত ব্যক্তি মুখ ফিরিয়ে বললেন—কী তখন থেকে বকবক করছেন? দেখছেন না ভগবান তথাগত সভায় এসে গেছেন।

তিষ্য আরক্ত মুখে নীরব হয়ে গেল। তার কপালে ভ্রুকুটি।

ওদিকে মহারাজ বিধিসার উঠে দাঁড়ালেন বলে উঠলেন—আপনার কাছে কিছু নিবেদন ছিল ভদ্রে।

বৃদ্ধ নিজের আসন থেকে বললেন—বলুন মহারাজ।

—আমি সংবাদ পাচ্ছি বহু সৈনিক নাকি পববজ্জা নেবার উদ্যোগ করছে। এ কথা কী সত্য ভদ্রে?

—হতে পারে, ধীর গলায় বললেন তথাগত। মহারাজ সেনানীগামে কদিন দেশনার পর উত্তরোত্তর ভিড় বাড়ছিল।

—কিন্তু ভদ্রে, সৈনিকরা যদি সম্ম্যাসী হয়ে যায়, রাজ্য রক্ষা করবো আমি কাদের দিয়ে?

বৃদ্ধ স্তব্ধ হয়ে রইলেন।

সমস্ত সভাও সেই সঙ্গে শুরু ।

—মহারাজ, বুদ্ধর গভীর অনুরণনময় কণ্ঠ শোনা গেল—মানুষ বদ্ধ জীব । জীবনের বন্ধন । কর্মের বন্ধন । সমাজ পরিবার পরম্পরার বন্ধন । সর্বত্রই শুধু অধিকার হরণের খেলা । একমাত্র পব্বজ্ঞা গ্রহণের অধিকার কেউ কেড়ে নিতে পারে না ।

—কিন্তু ভগবান, জাতির প্রতি, দেশের প্রতি দায়িত্ব বলেও তো কিছু আছে । আজ আমি যদি পব্বজ্ঞা নিয়ে চলে যাই, মগধবাসীর প্রতি তা সুবিচার হবে কী ?

—তবু আপনার সে অধিকার আছে মহারাজ ।

অধিকার থাকুক । আমার দায়িত্ববোধ আমাকে উপাসকত্ব নির্বাসন করতে বলে । মগধবাসীর মুখ চেয়ে ।

—হয়ত আপনার মনে পূর্ণ বৈরাগ্য উদয় হয়নি, মহারাজ ।

—এ কথা বহু সৈনিকের সম্পর্কে, আরও বহু পব্বজ্ঞাকামী মানুষের পক্ষেও সত্য হতে পারে ভগবন্ । বৈরাগ্য উদয় হয়নি । কিন্তু কর্মত্যাগ করার সুযোগ অনেকেই ছাড়তে চায় না । যুদ্ধক্ষেত্র, সংগ্রাম, প্রাণ যাবার সম্ভাবনা, এ সবেই চেয়ে শ্রমণ-জীবন যাপন করা অনেক নির্বন্ধাট ব্যাপার ।

কিছুক্ষণ সব শুরু । তারপর বুদ্ধ বললেন—তাই হবে । সৈনিকরা সংঘে প্রবেশ করতে পারবে না । তিনি শুরু হয়েই বসে রইলেন । ধীরে ধীরে তাঁকে নমস্কার করে অধিকাংশ লোকই চলে গেল । আজ দেশনা হবে না, বুঝতেই পারা যাচ্ছে ।

মহারাজ বিহ্বিসার মাথা নত করে বসে আছেন । সভা প্রায় শূন্য হয়ে এলে তিনি বললেন—আমার উপায় ছিল না ভগবন্ । তথাগতের পথ আর রাজকর্তব্যের পথ, দুটির মধ্যে একটা সামঞ্জস্য থাকা প্রয়োজন...

—সামঞ্জস্যের চেষ্টা যে তথাগত করছেন না, এ কথা তো সত্য নয় মহারাজ । আপনার অনুরোধেই উপোসথ প্রবর্তিত হয়েছে প্রতি পূর্ণিমাতে, অমাবস্যায় শুধু লোকস্বীতির প্রতি শ্রদ্ধাবতশই, নয়তো সংঘবাসী ভিক্ষুরা তো সর্বদাই সংযম পালন করতে প্রতিজ্ঞাবদ্ধ, স্বতন্ত্রভাবে উপোসথের সংযমের কোনও প্রয়োজন নেই । ...

এই সময়ে বিপরীত দিক থেকে একটা ক্রুদ্ধ চিৎকার, কিছু বাদ-প্রতিবাদের শব্দ শোনা গেল । অচিরেই সভাস্থলে ঝড়ের মতো প্রবেশ করল এক নারী । কৃষ্ণকায় । চুলগুলি পিঙ্গলবর্ণ, অপরিচ্ছন্ন, মাথার চারপাশে যেন বিষধর সাপের মতো ফোস ফোস করছে । উর্ধ্বাঙ্গ অনাবৃত । সামান্য একটি মলিন, ছিন্ন বসন কোনমতে কটিতে জড়ানো ।

—আমার ছেলে দুটো কে হরেছে, কে হরেছে ? বলতে বলতে সে তার লাল চোখ চারদিকে ঘোরাতে লাগল ।

বুদ্ধ ততক্ষণে উঠে দাঁড়িয়েছেন । বললেন—কে তুমি, জননী ।

—হারিটি, আমি হারিটি । আমার ছেলে কে হরেছে ? তুই ? বলে যক্ষিণী বুদ্ধর দিকে ধেয়ে গেল । দীর্ঘ নখ সমেত তার হাতগুলি সামনে প্রসারিত । তিস্য এবং চণক সবিস্ময়ে দেখল, যক্ষিণী বুদ্ধের বেদীর ওপর আছড়ে পড়েছে । বুদ্ধ সরে গেছেন । যক্ষিণী আবার উঠে ক্রোধে স্নান হয়ে ঝাঁপিয়ে পড়ল । পেছনের আম গাছের কাণ্ডে এবার আছড়ে পড়ল সে । বুদ্ধ দাঁড়িয়ে গেছেন । এইভাবে সে ডাইনে ঝাঁপালে বুদ্ধ বাঁ দিকে সরেন, সে বাঁ দিক ঝাঁপালে তিনি দক্ষিণে ডাইনে সরে যান, কিছুক্ষণের মধ্যেই হারিটির মুখে, বুকে রক্ত দেখা দিল । সে ক্ষত-বিধ্বস্ত হয়ে ক্রান্ত হল । গর্জনের সঙ্গে কান্না মিশিয়ে সে বলল,—আমার ছেলে দে ! জাদুকর !

বুদ্ধ বললেন—আমাদের শিশুগুলি দাও আগে ।

—তোদের ছেলে আমি জানি নে, জানি নে ।

—তোমার শিশুদের কথাও আমি জানি না ।

তখন যক্ষী কাঁদতে লাগল । সে কী ভয়ানক কান্না ! ঝড়ের পরে যেন প্রচণ্ড বৃষ্টি নেমেছে ।

—ও যতি, আমার ছেলে দে । ও জাদুকর, আমার ছেলে দে । আমি ওয়াদের না দেখে থাকতে পারি নে । ও যতি, আমার বুক টনটনাচ্ছে । কতক্ষণ ওয়ারা এসে দুখ খায়নি ।—কাঁদে আর দাঁত ২১২

কড়মড় করে সে ।

আরও একটি কালো ছায়া প্রবেশ করল ধীরে ধীরে । একটি নয়প্রায় পুরুষ । এতক্ষণ সম্ভবত গাছের আড়ালে লুকিয়েছিল । সে এগিয়ে আসতে তিম্ব্য এক দিক থেকে, চণক এক দিক থেকে তাকে শক্ত করে ধরল । যক্ষিণীটি এমন অতর্কিতে এসে হানা দিয়েছিল, যে তারা কিছু বোঝবার আগেই সে বুদ্ধকে আক্রমণ করে ।

যক্ষ বলল—আমি কিছু করব না, আমাকে ছেড়ে দিন । আমি পাঞ্চি । হারিটি আমার বউ । ও জ্ঞান হারিয়েছে দুঃখে । ওকে নিয়ে যাবো ।

বুদ্ধ বললেন—পাঞ্চি রাজগৃহের শিশুগুলিকে ফিরিয়ে দাও । তাদের মায়েরা ঠিক তোমার পত্নীর মতোই শোকে জ্ঞান হারিয়েছে ।

পাঞ্চি বলল—কী করে ফিরিয়ে দেবো ? সেগুলিকে তো হত্যা করে খেয়ে ফেলেছি ।

অমনি চারদিক থেকে একটা ছতাশের ধ্বনি উঠল । সমবেত ভিক্ষুরা, উপস্থিত রমণীরা—যে যেখানে ছিলেন সবাইকার বুক চিরে একটা আর্তনাদ । কোনও কোনও রমণী অজ্ঞান হয়ে গেলেন । আশ্রবনে একটা যেন সাড়া পড়ে গেল, কে জল আনছে । কে কাকে ডাকছে প্রাণপণে ।

এরই মধ্যে বিশ্বিসার তাঁর রক্ষীদের ইস্তিত করলেন, তারা গিয়ে হারিটিকে ধরল ।

বুদ্ধ বললেন—এখানে যাঁরা রয়েছেন কেউ শিশুগুলির মাতা বা পিতা নয়, তবু এঁরা দুঃখে মুর্ছিত হয়ে পড়ছেন । হারিটি তুমি কি ভেবেছিলে, তুমি একাই মা ? তোমার শিশুই শিশু ? আর কেউ মা নয়, অন্য মায়েদের শিশুগুলিকে তাদের মায়েরা স্নেহ করে না ?

হারিটি তীব্র স্বরে বলল—অজ্ঞদের আমরা আমাদের মতো ভাবি না । ভাবি না । তারা আমাদের বন নিয়ে নিয়েছে । শিশুগুলো মেরে শেষ করে দিয়েছে । আমরা ভিক্ষে করে খাই । তাও এই নগরের লোকেরা মুখের ওপর দোর বন্ধ করে দেয় । বলে বন্য, ঘৃণ্য, কুৎসিত, কদাকার । কী করে জ্ঞানব অজ্ঞরা ছেলোদের ভালোবাসে ।

বিশ্বিসার রক্ষক কঠে বললেন—রক্ষীন, এই যক্ষ-যক্ষী দুটিকে বন্দীশালায় নিয়ে যাও ।

—একটু অপেক্ষা করুন মহারাজ, বুদ্ধ বললেন—হারিটি, পাঞ্চি—কামা থামাও । শুনতে পাচ্ছে ? শুনতে পাচ্ছে ! তাঁর কঠ যেন জলভরা মেঘের ডাকের মতো সজল, গম্ভীর ।

চণক দেখল রমণীরা সকলেই কাঁদতে কাঁদতে ক্রমশ উত্তাল হয়ে উঠছে । ভিক্ষুদের চোখ দিয়ে দরদর ধারে জল পড়ছে ।

আনন্দ মুখ ঢেকে বসে আছেন । ভিক্ষু ধর্মরক্ষিত হাহাকার করে বললেন—তোমরা আমাদের নিয়ে গেলে না কেন ? আমাদের হত্যা করে ক্ষুণ্ণিষ্টি করতে পারতে, আর্ষদের ওপর তোমাদের এত রাগ ! আমাদের মতো সংসার-বিরক্ত পরিব্রাজকের হত্যা করে শোধ তুলতে পারতে । শিশুগুলি, আহা অবোধ শিশুগুলি তো কিছুই জানে না, কিছুই করেনি । পাপ কী, এখনও তা জানে না । কী করলে তোমরা ! এ কী করলে । বলতে বলতে ভিক্ষু ধর্মরক্ষিত কাঁদতে লাগলেন ।

তখন একটি অদ্ভুত দৃশ্যের সৃষ্টি হল । বুদ্ধ দাঁড়িয়ে আছেন অথ বৃক্ষতলে বেদীর ওপর । মুখের ভাব অসাধারণ কোমল, করুণ । চোখ দুটি ভরা দীঘির মতো । মহারাজ বিশ্বিসার বসে আছেন প্রস্তরমূর্তির মতো । রক্ষীগুলি হাতের পাতা দিয়ে চোখ মুছছে । তিম্ব্য প্রাণপণে আশ্রয়প্রার্থনের চেষ্টা করছে, পারছে না । চণক আরেক প্রস্তর মূর্তি । ভিক্ষুগুলি অশ্রুতে হাহাকার করছেন । ওদিকে রমণীদের মধ্যে মুর্ছা, পতন, হাহাকার চলছেই, চলছেই ।

হঠাৎ হারিটি ভূমিতে সাটান পড়ে গেল । উপুড় হয়ে । সে যন্ত্রণায় কাঁপছে । পাঞ্চিও বসে পড়ছে । দু হাতে সে নিজের বুক আঘাত হানছে ।—উঃ, শিশুগুলিকে আমরা খেয়েছি । শিশুগুলিকে শ্বাসরোধ করে হত্যা করে খেয়েছি । আমাদেরই শিশু তোমরা । আমাদেরই...আমাদেরই...

পাঞ্চি দু হাত বাড়িয়ে বলল—ধরো, বাঁধো, আমাকে নিয়ে গাও রক্ষীরা । মেরে ফেলো ।

হারিটি বলল—ও জঙ্গল-মা, জঙ্গল-মা, ও বেলগাছের দেবতা, বটগাছের দেবতা আমি সইতে পারছি নে । আমাকে মেরে ফেলো । মেরে ফেলো গো !

বুদ্ধ মৃদু, দৃঢ় স্বরে বললেন—মহারাজ ওদের ধরার, বন্দী করার প্রয়োজন নেই ।

তিনি ধীরে ধীরে বেদী থেকে নেমে নিজের কুটির দিকে চলে যেতে লাগলেন। তাঁর পেছন পেছন চলে গেলেন ভিক্ষুরা, ভিক্ষুগীরা। সবাই স্তব্ধ, যেন এক শোকযাত্রা চলেছে। আশ্রবনের পত্রজাল যেন শোকে ধূসর হয়ে গেছে।

মহারাজ বিধিসার বক্ষীসহ বেরিয়ে এলেন। চণক ও তিষ্য বেরিয়ে এলো। সোমা বেরিয়ে এলো। নিস্তব্ধ মানুষগুলি যে যার গৃহের দিকে চলে গেল। যেন সবাই একটা গভীর বিষাদের ঘোরের মধ্যে রয়েছে।

তিষ্য আজ আর নিজের আবসাথাগারের দিকে গেল না। চণকের সঙ্গে জ্বব্বনে প্রবেশ করল। আসনশালায় বসে চণক মদুস্বরে জিজ্ঞাসা করল—সোমা, কেমন দেখলে ? সোমার চোখ দুটি এখনও অরুণবর্ণ হয়ে রয়েছে। সে বল—বুদ্ধ তথাগত যে মানববেশী দেবতা তাতে কোনও সংশয়ই নেই।

চণক বলল—বড় তৃষ্ণা, সোমা, কিছু পানীয়ের ব্যবস্থা করো। দুজন দাসী এসে দাঁড়িয়েছিল, সঙ্গে সঙ্গে ভেতরে চলে গেল। ফটিকের পাত্রে পানীয় এলো। সোমা পাত্র তুলে দুই বন্ধুর হাতে দিল।

চণক বলল—তুমি নাও সোমা। সে তিষ্যর দিকে ফিরে বলল—তুমি কি সোমার সঙ্গে একমত ? শ্রমণ গৌতম মানববেশী দেবতা ?

তিষ্য বলল—ওঁকে যে মহারাজ বিধিসার সেনাপতির পদ দিতে চেয়েছিলেন, শুধু শুধু নয়।—এ কথা কেন বলছেন ? সোমা জিজ্ঞাসা করল। তিষ্য বলল—ভদ্রে, আমি মল্লবিদ্যা শিক্ষা করেছি ভাল করে, যদিও শিক্ষা সম্পূর্ণ হয়েছে বলে মনে করি না এখনও। কিন্তু আমার আচার্য বন্ধুলকে দেখেছি তো। ইনি, এই বুদ্ধ, তাঁর চেয়েও কুশলী। মল্লক্রেত্র আর শাক্যক্রেত্র প্রায় পাশাপাশি। ইনি মল্লবিদ্যার এই দ্রুত স্থান-পরিবর্তনের প্রক্রিয়া এমন শিখেছেন যে, সহসা দেখলে ইন্দ্রজাল মনে হয়।

চণক উচ্চৈঃস্বরে হেসে উঠল, বলল—তিষ্য, তুমি সংশয়ী বটে। অজিত কেশকম্বলী কিংবা প্রকৃধ কাত্যায়নের থেকেও।

তিষ্য হাসল, বলল—কিন্তু চণকভদ্র, ইনি আমাকে চমৎকৃত করেছেন অন্য কারণে।—বলো শুনি—চণক পানীয়ে চুমুক দিয়ে বলল।—চণকভদ্র, জীবনে এই প্রথম আমি কাঁদলাম। সে কী বিপুল দুঃখের বেগ ভদ্রা, আপনিও বোধ হয় তার থেকে মুক্ত ছিলেন না। চণক আমি দেখলাম, চোখের সামনে দেখতে পেলাম যেন নিষ্পাপ শিশুগুলিকে এরা দুজনে মিলে হত্যা করছে। সেই অমিকুণ্ডটি চোখের সামনে ভাসিত হল। আধপোড়া শিশুদের শব্দ। ওহু, চণক, আমার কিন্তু ক্রোধ হল না। সঙ্গে সঙ্গে বধ করতে পারতাম ওই যক্ষীকে। কিন্তু ক্রোধের আগুন যেন নিবিয়ে দিল দুঃখের জ্বল। যতক্ষণ বেদীর ওপর দাঁড়িয়ে গৌতম ওইভাবে কথা বলছিলেন বা শুধু দাঁড়িয়েছিলেন সমগ্র আশ্রবনে করুণা, ক্রন্দনের একটা তরঙ্গ উঠছিল। এত তীব্র যে কাননের গাছগুলিও বোধ হয় তা থেকে মুক্ত ছিলেন না।

একটু থামল তিষ্য। তারপর বলল—চণকভদ্র, আপনি বুঝতে পারছেন আমি কী বলছি ?—বুঝেছি, তুমি ওঁর প্রভাবশক্তির কথা বলছ।

—এ প্রকার প্রভাব স্বাধীন পুরুষ না হলে থাকে না—সোমা বলল। পানীয়টি এখনও তার হাতে ধরা—তা ছাড়া আর্য চণক, আমরা কি একটা বাইরের প্রভাবে অত কষ্ট পেলাম ! তা নয়, আমাদের হৃদয়ের মধ্যে যে বৎসহারা জননীর ব্যথা আছে, তাকেই উনি যেন চেতিয়ে তুললেন। সেই ব্যথার সূত্র ধরে এলো আমার ব্যক্তিগত সমস্ত ব্যথার দুঃখ, তারপর তারপর আরও যে যেখানে আছে, সবার সর্বপ্রকার দুঃখের মধ্যে মিলে গিয়ে তা এক মহাদুঃখ হয়ে হৃদয় দীর্ঘ করতে লাগল। অন্তত আমার।

তিষ্য মুখ নত করে বলল—আমারও ঠিক এই অনুভূতি। ঠিক এই। ভদ্রা অবিকল বর্ণনা দিয়েছেন। হৃদয়টি যেন ইন্দ্রকীল, দুঃখগুলি সব হস্তিযুথ। প্রাণপণে হৃদয় ভেঙে দিচ্ছে।

সোমা পানপাত্র নামিয়ে ত্বরিতপদে ভেতরে চলে গেল। অনেকক্ষণ পরে তিষ্য মদুস্বরে

বলল—চণকভদ্র উনি কে ? এই ভদ্রা ?

—ওঁর পূর্ণ পরিচয় তোমায় পরে দেব তিষ্য। এখন শুধু জেনে রাখো এই নারী বিদুষী, সঙ্গীত নৃত্য ইত্যাদি বহু চারুকলায় ঐর সমকক্ষ পাওয়া কঠিন কাজ। ইনি আমাদের পিতা-পুত্রের জীবনের প্রধান কৃতি রাজশাস্ত্রের প্রতিলিপি প্রস্তুত করছেন।

—ইনি আপনার পত্নী বা পত্নীস্থানীয়া নন ? সসঙ্কোচে জিজ্ঞেস করল তিষ্য।

—না, না। তিষ্য, একেবারেই না।

দাসীরা এসে জানাল—রাত্রের আহাৰ্য প্রস্তুত।

বহু প্রকার খাদ্য-দ্রব্য ভারে ভারে সামনে এনে রাখল দাসীরা। অদূরে ছায়ামূর্তির মতো বসেছে সোমা। কারওই আহারে তেমন রুচি নেই। সোমাও কাউকে দ্বিতীয়বার অনুরোধ করছে না। সে জানে আজ এদের খাদ্যে রুচি থাকবে না। তিষ্য অবশেষে দুধের পাত্র তুলে নিল। পান করতে করতে ভাবল—এই ভদ্রা কে ? ইনি ব্যক্তিগত দুঃখের কথা কী বলছিলেন ! ঐর মুখশ্রী গম্ভীর। বৃথা ভদ্রতা করেন না। ঐর ব্যক্তিগত দুঃখগুলি কী ? এখন যেমন স্থির বসে রয়েছে, আশ্রবনেও তেমন ছিলেন। শুধু চোখ দিয়ে জল পড়ছিল। গাল ভেসে যাচ্ছিল। ইনি বিবাহিতা বলে মনে হচ্ছে না। অথচ বৎসহারা জননীর কথা কী যেন বলছিলেন ?

২৭

নগরীতে ভয়ানক গোলমাল। চণক তিষ্যকে নিয়ে যাচ্ছিল এক গোষ্ঠীতে। বোধিকুমার, চারুবাৰু ঐরা তো থাকেনই, আরও চার-পাঁচজন বিশিষ্ট কবি, বিদ্বান, কুলপুত্র আসেন এখানে। চণকের উদ্দেশ্য ছিল তিষ্যকে এদের সঙ্গে পরিচয় করিয়ে দেওয়া। একটু আগেই বেরিয়েছে ওরা। চণক বলল— চলো অনুচিন্তুর পানাগারে গিয়ে কিছুক্ষণ বসি। এত শীঘ্র গেলে হয়তো অনর্থক অপেক্ষা করতে হতে পারে।

অনুচিন্তুর পানাগারটি হাটের একেবারে মধ্যখানে। নানা ধরনের লোকেরা তার ক্রেতা। দুধারে গন্ধ, মালা, ফুল ইত্যাদির আপণ। এইখানেই কয়েক মাস আগে একটি মাগধ চর, কিংবা হয়ত চর নয়, চতুর এক নাগরিক চণকের ছদ্মবেশ ভেদ করে তাকে মহা অস্বস্তিতে ফেলে দিয়েছিল। স্থানটি প্রধান রাজপথের একটি শাখা, বৈপুল্লগিরি থেকে যাওয়া-আসার পথে পড়ে। প্রধান রাজপথগুলির দু পাশে কানন, প্রাসাদ। প্রাসাদগুলিও অধিকাংশই কানন বেষ্টিত। কিন্তু হাট বা কোনও আপণ নেই। মৎস্য, মাংস, শাক এবং অন্যান্য খাদ্যবস্তুর হাট উত্তরের এবং দক্ষিণের দুটি উপপথে রয়েছে। সেখানেও পানাগার আছে, তবে তা একেবারে নিম্নশ্রেণীর জন্য। বৈপুল্লগিরির সানুদেশের এই পথটিকে বিলাসদ্রব্যের হাট বলা যায়। সুস্বপ্ন বসন, শিশুদের খেলনা, কিংবা অন্য শিল্পদ্রব্য যেমন ইন্দ্রর মূর্তি যক্ষ্মী মূর্তি—এ সবই এখানে পাওয়া যায়।

মালা কিনবার জন্য দুজনে একটি বড় আপণের সামনে থাকল। আপণের সামনে কয়েকজন বেশ উত্তেজিত হয়ে কথা বলছিল।

একজন আরেক জনকে বলল—তুমিই বলা না অসুরেন্দ্র, এর পর ওই মুণ্ডক শ্রমণ রাজা চালাবে, না আমাদের মহারাজ ! অন্যান্য শ্রমণরা নিজেদের আধ্যাত্মিক ব্যাপার নিয়ে থাকেন। ধ্যান-ধারণা করেন, লোকে চাইলে উপদেশ বা ভাষণ দেন, দুটি ভিন্ন পন্থের মধ্যে বিভ্রান্তি হলেও আমরা উপকৃত হই। উত্তেজক হয় ব্যাপারটা। এই মুণ্ডকের মতো কেউ সব বিষয়ে মাথা গোলছে কী ? কাকে শাস্তি দিতে হবে না-হবে, সে রাজা বুঝবেন !

অসুরেন্দ্র নামে লোকটি বলল—রাজা নিজেই সমাদর করে করে ঐর মাথাটি চৰ্বণ করেছেন। এখন বুঝুন !

তিষ্য এগিয়ে গিয়ে জিজ্ঞেস করল—কী হয়েছে ভদ্র ?

অসুরেন্দ্র বলল—আর বলবেন না আয়ুধ্বন্য আমরা এই রাজগহের নাগরিকরা জ্বলেপুড়ে গোলাম,



ছলেপুড়ে গেলাম । আপনি নিশ্চয়ই এখানে আগন্তুক ?

—হ্যাঁ, দু'এক মাস হল এসেছি ।

—তাই জানেন না । এক ন্যাড়ামুণ্ড শ্রমণ কয়েক বছর ধরেই এ নগরে যাতায়াত করছে । নিজেকে বলে বুদ্ধ । আমাদের মহারাজকে এমনভাবে সম্মোহিত করে ফেলেছে যে তিনি এর সমস্ত বাক্য বেদবাক্যের মতো মানতে আরম্ভ করে দিয়েছেন ।

এই সময়ে অন্য একটি লোক মদুস্বরে কী বলল । অসুরেন্দ্র তাতে একটু না দম্বে বললেন—চর ? চর আমার কী করবে ? আমি অন্যান্য কিছু বলেছি ? যক-যক্ষিণী নাগরিকদের শিশু চুরি করে নিয়ে গিয়ে খেয়ে ফেলল । কেউ তাদের ধরতে পারছিল না । কী করে ধরবে ! ভিক্ষুক সেজে ছল করে লোকের বাড়িতে ঢুকত আর শিশুগুলিকে চুরি করত । ওই মুণ্ডকের বুদ্ধিতে না হয় তাদের ধরা গেল । রাজার রক্ষীরা তাদের বেঁধেছিল, এমন সময়ে মুণ্ডক কি না বলে ওদের ছেড়ে দাও ! মহারাজও দিব্য ছেড়ে দিলেন ! শুনছি নাকি আবার সাক্ষপুত্রীয় সমনরা নিজেই ভিক্ষাভাগ ওদের নিত্য দেবে । ওদের দুঃখে হৃদয়গুলো সব গলে জল হয়ে গেছে । রাক্ষসীর উদরে যে আমাদের শিশুগুলি জীর্ণ হচ্ছে সেটা কিছু না । রাজা নাকি যক্ষিণীর পন্নীতে রক্ষী নিয়োগ করেছেন, যাতে ওদের কেউ ক্ষতি করতে না পারে ।

মালা কিনে চণক ততক্ষণে পানাগারের দিকে পা বাড়িয়েছে । তিষ্যর পেছন পেছন রাজগৃহর এই নাগরিকগুলিরও একই গম্বুয । যে-যার আসনে বসে, সুরার কথা বলে আবার একই প্রসঙ্গ আরম্ভ করল ওরা ।

কয়েকটি পীঠের ওপর পরিষ্কার স্থূল আচ্ছাদন পেতে দিয়েছে এরা । উপাধান ইতস্তত ছড়ানো । চতুর্দিকে ফুলের মালা ঝুলছে । কয়েকটি বড় বড় মাটির কলসে সুরা রয়েছে নানাধরকার । তীক্ষ্ণ এবং মৃদু উভয়ই রয়েছে । অনুচিন্তর দুজন সুবেশ দাস ও সুকেশী দাসী সুন্দর কৃষ্ণবর্ণ মৃৎপাত্রের সুরা পরিবেশন করছিল ।

চণক পানীয়ে চুমুক দিয়ে জিজ্ঞেস করল—আপনাদের কারও গৃহে কি শিশু চুরি গেছে ?

অসুরেন্দ্র বললেন—কী যে বলেন ভদ্র ! আমার...আমাদের সবার গৃহই যথেষ্ট সুরক্ষিত । ধনী সৌষ্ঠবদের মতো দ্বারপাল না থাকতে পারে কিন্তু শিশুগুলিকে দেখাশোনা করবার জন্য দাসদাসীর অভাব নেই । ধাত্রীরা রয়েছে, মায়েরাও সতর্ক । এসব শিশু চুরি ঘটেছে প্রান্তিক পন্নীতে ।

চণক বলল—আমিও তাই ভেবেছিলাম ।

অসুরেন্দ্র বললেন—দেখুন ভদ্র, আমাদের উচ্চশ্রেণীর গায়ে না লাগলে আমরা যদি এক্ষর ব্যাপারে গুরুত্ব না দিই, ভবিষ্যতে তাতে কি আমাদের ভালো হবে ? আমরা নগরবাসীরা প্রতিদিনের কার্যকার্যে এই নিম্ন শ্রেণীর ওপর নির্ভরশীল । আজ ছ'দিন হল আমাদের বর্জ্য কুটিরের মল পরিষ্কার করার জন্য নিযুক্ত অন্ত্যজরা আসেনি । মাতঙ্গ নামে এক চণ্ডাল ওদের নেতা । মাতঙ্গর একমাত্র সন্তান নাকি যক্ষীর উদরে গেছে । এখন ভদ্র, চণ্ডাল হলেও তো সে পিতা ; শিশুঘাতিনীর শাস্তি না হলে সে ক্রুদ্ধ হতেই পারে । কী হে ভৃগু তোমার কী মত ?

ভৃগু নামে ব্যক্তি বললেন—ঘটি কলস তৈজসাদি চুরি করলে যেখানে হাত পা ছেদন করে শাস্তি দেওয়া হয়, সেখানে একজন শিশুঘাতিনী যক্ষীকে হাতে পেয়ে ছেড়ে দেওয়া হল । আবার তার নিত্যভোজনের ব্যবস্থা হল, এর মধ্যে কোনও যুক্তি আছে ? এই বুদ্ধ সমন্বিত আমাদের পূর্বনাশ করবেন ।

আরেক ব্যক্তি বলে উঠল—মহারাজ বিদ্বিসার এতদিন প্রজাপ্রিয় লোকপাল ছিলেন । আমরা গর্বিত ছিলাম আমাদের রাজ্য ন্যায়ের রাজ্য, শাস্তির রাজ্য বলে । আর এখন ?

পানীয় শেষ করে চণক তিষ্যর দিকে তাকাল, নিম্নকণ্ঠে বলল—এখন আর গোষ্ঠীতে গিয়ে কাজ নেই, চলো একবার আশ্রবনে গিয়ে দেখি শ্রমণের দেখা পাই কি না ।

যতই আশ্রবন এগিয়ে আসে ততই অস্বস্তি বাড়তে থাকে উভয়ের । পথে যেন ভিড় বাড়ছে । আশ্রবনের প্রবেশপথে তারা একদল নিম্নশ্রেণীর লোক দেখতে পেল । পরনে কটিবস্ত্র । উর্ধ্বাঙ্গে অধিকাংশেরই কিছু নেই । কেউ কেউ বাকল জাতীয় বস্ত্রও পরে রয়েছে । এরা অপরিচ্ছন্ন, ২১৬

শুশ্রূ-শুশ্রূ বিশেষ কাটে না। গায়ের বর্ণ সবারই যে কৃষ্ণ তা নয়, কয়েকজন তাব্রবর্ণ, এমন কি গৌরবর্ণও আছে, কিন্তু বড় মলিন। ভিড়ের মধ্যে একটি বিশালদেহী যুবককে আঙুল দিয়ে দেখাল তিম্য—দেখুন, চণকভদ্র দেখুন।

লোকটির কটিতে রক্তবসন, মাথায় কেশগুলি কুণ্ডলীকৃত হয়ে রয়েছে। হাতে একটি যষ্টি। চোখগুলি একে রক্তবর্ণ, এখন যেন তাতে আগুন জ্বলছে। সে উন্মত্তের মতো বলছে—রাক্ষসীর শিশু ফিরিয়ে দেওয়া হল, আমার শিশু, আমাদের শিশুগুলিকে কে ফিরিয়ে দেবে? সমন তার জাদু দেখাক। দিক ফিরিয়ে আমার চন্দকে। দিক, আমি কিছু বলব না। দেওয়ার সাধ্য তার আছে?

বলতে বলতে মাতঙ্গ ঝড়ের মতো আঙ্গবনে ঢুকতে লাগল। কিছু দূর থেকে চণক ও তিম্য তাদের অনুসরণ করল।

—কী করবে ওরা? তিম্য উত্তেজিত হয়ে উঠেছে, শ্রমণ গৌতমকে বধ করতে যাচ্ছে না কি?  
চণক বলল—তা মনে হয় না, তবে এদের কথার উত্তর শ্রমণকে দিতে হবে। তিনি কী উত্তর দেবেন তিনিই জানেন।

আম্র তরুমূলে বেদীটি শূন্য। একজন ভিক্ষু বেরিয়ে এলেন, বললেন—কে তোমরা? কী চাও?

—বুদ্ধ কোথায়? বুদ্ধ?—মাতঙ্গ কঠিন্বরে প্রচণ্ড ক্রোধ ও ব্যঙ্গভরে বলল।

—তথাগত আজ ভোরেরই পরিব্রজন করতে বেরিয়ে গেছেন। এখন তো আর ফিরবেন না।

তার সন্ধান করছ কেন আবুস?

মাতঙ্গ বলল—যক্ষিণী আমার শিশুকে খেয়েছে, তার শ্মশ্টি তিনি বন্ধ করেছেন কেন? উত্তর দিন! আপনি কে? সমন বুদ্ধকে না পেলে আমরা আপনার কাছ থেকেই উত্তর চাইব।

—আমি তথাগত বৃদ্ধর অগ্গসাবক মোগ্গল্লান। তোমরা কার শাস্তি চাও? এসো, দেখো।

মোগ্গল্লান মাতঙ্গের দলকে একটি কুটিরের দিকে নিয়ে গেলেন। সবাই দেখল স্বল্প-পরিসর কুটিরের মধ্যে দুটি বন্য নরনারী শুয়ে আছে। অচেতন্য। তাদের সর্বাঙ্গ ক্ষতে পূর্ণ। কোনও কোনও ক্ষত দিয়ে এখনও রক্ত বরছে। যক্ষীটির গলার চারপাশে আঙুলের চিহ্নে।

মাতঙ্গর দলের একজন অবাধ হয়ে বলল—সমন ওদের এভাবে শাস্তি দিয়েছেন?

মোগ্গল্লান ধীরে ধীরে বললেন—সেই শাস্তিই সবার বড় শাস্তি যা মানুষ নিজে নিজেই দেয়। দুদিন, দুই রাত ধরে এই বন্য দম্পতি উন্মাদের মতো নিজেদের হত্যা করবার চেষ্টা করেছে। এতদিনে এদের হৃদয় জেগেছে বুঝতে পেরেছে কী পশুর মতো আচরণ করেছে এরা। অনুশোচনায় দম্ব হচ্ছে অন্তর। তিনি দলটির দিকে চেয়ে বললেন ‘কে তোমাদের দলপতি? নাম কী?’

কয়েকজন বলে উঠল—মাতঙ্গ। মাতঙ্গ।

মোগ্গল্লান বললেন—মাতঙ্গ। তোমাদের তো চিরকালই ওই প্রান্তিক পল্লীতে বনের ধারেরই থাকতে হবে?

—তা হচ্ছেই। মাতঙ্গ রুদ্ধ কেশভরা মাথা ঝাঁকিয়ে বলল।

—‘তোমরা চিরকালের মতোই নিরাপদ হতে চাও তো?’

একজন বলল—তা তো চাই-ই সমন, নিত্য-নিত্য ঝামেলা কে পোয়াবে?

—আজ একজন যক্ষীকে হত্যা করলে কাল আরেকজন শিশুঘাতী যক্ষ আবির্ভূত হবে না এ কথা কেউ বলতে পারে?

—হতেই পারে। এই বনে যক্ষই থাকে তো!

—ওদের নরমাংস খাওয়া ছাড়াতে পারলে, সভ্য মানুষের মতো কাজকর্ম করে বাঁচার সুযোগ দিলে ওদের মধ্যে থেকে এই ঘৃণ্য অভ্যাস তো চলে যেতে পারে?

—ওরা রাক্ষস, ওরা আমাদের মতো মানুষ নয়, সমন।

বেশ ওদের দেখে এসো ভালো করে, রাক্ষসের কী লক্ষণ ওদের আছে দেখো। আমাদেরই মতো হাত পা, মুখ, কেশ, আমাদেরই মতো চোখ মুখ। শুধু ভাষা একটু ভিন্ন। তা-ও আমরা বুঝতে পারি এমন কথা ওরা বলতে আরম্ভ করেছে। অজ্ঞান, অনাহার, অভাব এবং প্রতিহিংসা প্রবৃত্তি থেকে ওরা এই কাজ করেছে। এখন যদি ওদের হত্যা করা হয়, বন্যরা আরও ভয় পেয়ে যাবে মাতঙ্গ, আমাদের

শত্রু হয়ে উঠবে। কিন্তু একজনকে যদি ক্ষমা করা যায় ওরা আমাদের বিশ্বাস করবে, শ্রদ্ধা করবে, ভালোবাসতে আরম্ভ করবে। তোমাদের পত্নী যক্ষভয় থেকে চিরকালের জন্য রক্ষা পাবে। মাতঙ্গ, ওরাই বনের মধ্যে তোমাদের রক্ষী হয়ে থাকবে। এ সুযোগ তোমরা হাতছাড়া করো না।

জনতার মধ্যে একটা গুঞ্জন ধ্বনি উঠল। তিষ্য লেখল বিশাল বক্ষপট চেতিয়ে মাতঙ্গ ভিড় ঠেলে বাইরে বেরিয়ে আসছে। সে পায়ের দুমদাম শব্দ করে চলে গেল। তার মুখ মেঘাচ্ছন্ন। অন্য লোকগুলি ভিক্ষু মোগ্গল্লানকে নমস্কার করল। অনেকে বলে উঠল—সমন, সত্যি সত্যি আমরা এবার নিরাপদ তো ?

—আমি জানি এই পাক্ষিক আর হারীতি, তোমাদের এবং তোমাদের শিশুদের রক্ষা করবে। ওদের সত্য, শিষ্ট মানুষ হয়ে উঠতে আর বিলম্ব নেই। তোমরা সাহায্য করো।

—কিন্তু শিশুগুলিকে তো আর আমরা ফিরে পাবো না। আমাদের অনেকেরই শিশু গেছে।

—তোমাদের ঘরে আরও শিশু আসুক আবুস। যেগুলি গেছে তারা মুক্তায়া। মহায়া। সংসারের দুঃখক্র থেকে মুক্তি নিয়ে চলে গেছে। তাদের জন্য শোক করো না।

লোকগুলি মন্ত্রমুগ্ধের মতো শুনছে। মাতঙ্গ যেতে যেতে ফিরে দাঁড়িয়ে প্রবল বেগে একবার মাটিতে পা ঠুকলো। তারপর শব্দ করে থুংকার করল—থুং, থুং, থুং।

সে একা একা প্রায়াস্কার পথ বেয়ে চলে গেল। অন্য লোকগুলি চলতে চলতে বলতে লাগল—আমাদের বচ্চগুলি চণ্ডাল পুক্কুশের জীবন থেকে মুক্তি পেয়েছে। সমন বলেছেন ওরা মহায়া।

—সমন বলেছেন ওরা মহায়া। আমাদের নন্দু লোহিচ্চ, সচ্চ—সব মহায়া।

—ভবচক্র থেকে মুক্তি পেয়েছে।

—মুক্তি পেয়েছে ... ওরা মহায়া। এই ঘৃণিত জীবন থেকে ওরা রক্ষা পেয়েছে।

—ব্রাহ্মণ, ক্ষত্রিয়, বৈশ্যরাই শুধু মুক্তি পায় না গো, নিচু বস্ত্রের মানুষও মুক্তি পেতে পারে। মহায়া হতে পারে। সমন বলেছেন।

জীবকাস্রবন ছাড়িয়ে অনেকটা চলে আসার পর দুজনেরই লক্ষ্য পড়ল গোষ্ঠীতে যাবার পথ তারা ছাড়িয়ে এসেছে। দীপদগুণ্ডি জ্বলতে আরম্ভ করেছে পথের পাশে। অজানা বুনোফুলের মাদক গন্ধ পাহাড়ের দিক থেকে বয়ে আনছে বাতাস। তপোদারাম যাবার উপপথটির মুখে আসতে বেশ কয়েকজন তীর্থিক পন্থের শ্রমণকে দেখতে পাওয়া গেল। তাঁরা পাহাড়ের দিকে চলে যাচ্ছেন। রথ এবং ঘোড়ায় চড়ে কিছু নাগরিক চলাচল করছেন। দু একটি শিবিকাও চলে গেল। শান্ত রসের সন্ধ্যা।

তারা দুজন ঘোড়ার পিঠ থেকে নেমে ঘোড়াটিকে হাঁটিয়ে নিয়ে যাচ্ছে। নইলে কথা বলবার সুবিধে হয় ন।

তিষ্য বলল— এই মোগ্গল্লানকে পূর্বে দেখেছেন না কি, চণকভদ্র ?

—নাঃ।

—এঁরা সকলেই সম্মোহন বিদ্যা জানেন দেখছি।

—তিষ্য, তুমিও যে দেখছি রাজগৃহের নাগরিকদের মতো হলে ?

—আপনি কি বলছেন শ্রমণের ওই সব কথা সত্য ? শিশুগুলি মহায়া, মুক্ত হয়ে চলে গেছে ?

চণক হেসে বললেন— মৃত্যুর পর মানুষ জড় উপাদানসমূহের বন্ধন থেকে মুক্তই তো হয় ! আত্মায় বিশ্বাস করি না করি, এটুকু তো অন্তত বুঝতে অসুবিধা নেই !

—কিন্তু মহায়া ? শ্রমণ কি যক্ষীর জঠরে যাওয়া সব শিশুগুলিকে দেখেছেন ? দেখে না থাকলে তারা মহায়া একরূপ ধারণা ভিত্তিহীন অনুমান ছাড়া কী ? এক যদি এই শ্রমণরা সর্বস্ব হন।

—শ্রমণ গোগতম নাকি বলেন কেউ সর্বস্ব নয়। হতে পারে না।

—তাহলে ?

—তিষ্য তুমি সম্মোহন দেখছ, আমি দেখছি কটনীতি। শ্রমণ গোগতম কটনীতি প্রয়োগ করে বন্যদের বশ করলেন। তাঁর শিষ্য মোগ্গল্লান কটনীতি প্রয়োগ করে বিদ্রোহী চণ্ডাল-পুক্কুশদের বশ

করলেন। এমন আমি আর দেখিনি।

—একে আপনি কূটনীতি বলছেন চণক ভদ্র ? কূটনীতির মধ্যে একটা চতুরতার প্রবন্ধনার ব্যাপার আছে। জেনেগুনেন তাকে প্রয়োগ করেন কূটনীতিক। এই শ্রমগদের ঠিক ধূর্ত, চতুর মনে করতে আমার দ্বিধা হচ্ছে।

চণক বলল—সাধারণ রাজপুরুষ যিনি গতানুগতিক পথে চলেন তাঁর হাতে কূটনীতি চতুরতাপ্রসূত হতে পারে তিম্য। কিন্তু আমি যে কূটনীতির কথা বলছি তা রাজশাস্ত্রের সূক্ষ্মতম এমন কি বলতে পারো মহত্তম নীতি। এর জন্ম হৃদয় থেকে, রাজায় রাজায়, রাজায় প্রজায় পরিপূর্ণ মৈত্রী স্থাপনের হার্দ্য ইচ্ছা থেকে।

কিছুক্ষণ থেকেই পেছনে অশ্বক্ষুরধ্বনি শোনা যাচ্ছিল। এই সময়ে অশ্বারোহী দুই পথিকের পাশে এসে দাঁড়িয়ে গেলেন। এক লাফে নেমে অশ্বারোহী বললেন—‘মান্যবর, আপনাদের আলোচনায় যোগ দিতে পারি?’

তিম্য অবাক এবং বিরক্ত হয়ে দেখল একটি সৈনিক। শ্মশ্রু, গুফ বেশ যত্নে লাগিত। বক্ষে লৌহজালিকা। মাথায় করোটিকা শিরস্ত্রাণ। চণকের থেকে সামান্য খর্ব। কিন্তু বিশাল বক্ষপট। কটিদেশ বৃকর মতো। বীরপুরুষ বটে। কিন্তু তিম্য অত সহজে মুগ্ধ হবার পাত্র নয়। সে ভ্রুকুটি করে বলল—‘না পারেন না। আপনি উচ্চপদস্থ যোদ্ধা হতে পারেন, কিন্তু সহসা পথের পেছন থেকে এসে কোনও আলোচনায় যোগ দিতে হলে আপনাকে আমাদের পরিচিত হতে হবে।’

অশ্বারোহীর শ্মশ্রু-গুফের ফাঁকে হাসি খেলে গেল। বললেন—অবশ্যই। যদিও নাম রূপ ক্ষণকালীন, নিতান্ত নম্বর বস্ত্র, যে কোনও মুহূর্তে কর্পূরের মতো উবে যেতে পারে, তবু আপনার শ্রীতির জন্য জানাই আমি জনৈক সৈনিক। দেখতেই পাচ্ছেন, মগাধের সৈন্যদলে কাজ করি। নাম লোকপাল। পদের তুলনায় নামটি কিঞ্চিৎ ভারী। উপায় নেই। পিতা স্বর্গত। তাঁর সঙ্গে তো এখন আর বিবাদ করা যায় না।

চণক বলল—ভদ্র লোকপাল, পথে পথে আলোচনা না করে আমার গৃহে যদি আসেন। এই অল্প দূরেই এসে পড়ছি।

লোকপাল সহাস্যে বললেন কিন্তু আপনার সঙ্গী যুবাটি সম্মত হবেন কী? আমার নাম বললাম, বৃত্তি বললাম, কিন্তু আমুশ্মন আপনি তো পরিচয় জানালেন না?

তিম্যর বিরক্তি এখনও যায়নি। সে অসম্ভব কষ্টে বলল—উনি চণক। তক্ষশিলার নমস্য আচার্য দেবরাতের পুত্র, আপনাদের মহারাজ বিশ্বাসারের বিশেষ শ্রীতিভাজন। আমি তিম্য, সাকেতের রাজকুমার।

—আপনি কি মহারাজ বিশ্বাসারের অশ্রীতিভাজন না কি?

তিম্য বলল—আপনাকে বয়সে বড় মনে হচ্ছে। আপনার অসম্মান করতে চাই না, কিন্তু অকারণ প্রণাল্ভতায় কাজ কী?

লোকপাল নামে সৈনিক হঠাৎ অট্টহাস্য করে উঠলেন।

চণকের জম্বু কানন এসে গেছে। সে বলল—আসুন ভদ্র লোকপাল, তিম্য এসো।

তিম্য অপ্রসন্ন মুখ বলল—আমি বরং আজ যাই।

সহসা তার ডান হাত শক্ত করে ধরে লোকপাল বললেন—আপনার মতো বিশ্বাসী বুদ্ধিমান, গম্ভীর যুবা উপস্থিত না থাকলে আলোচনার রস নষ্ট হয়ে যাবে। দয়া করে আসুন।

চণক বলল—‘তিম্য, আপত্তি করো না। আজ অত্যন্ত গুরুত্বপূর্ণ দিন। বিশেষ তোমার পক্ষে।’

তিম্য অনিচ্ছা সত্ত্বেও ঢুকল। অশ্বশালার দাসেরা তিনটি ঘোড়া নিয়ে গেল। আসনশালায় প্রবেশ করতেই কোথা থেকে সোমা ছুটে এসে সৈনিককে আড়ম্ব প্রণাম করল। তারপর সৈনিকের বর্ম, শিরস্ত্রাণ ইত্যাদি খুলতে সাহায্য করতে লাগল। তারই মুহূর্তে সম্ভবত দাসীরা ছুটে এলো। তাদের হাতে বড় বড় সুগন্ধি জলের পাত্র, মার্জনী বস্ত্র।

সোমা বলল—কী পানীয় আনব দেব?

—কিছু না, জল খালি। বিশুদ্ধ পানীয় জল।

—উষ্ণ কিছু আনব না ? হিমে এতখানি পথ এলেন ।

—তিষ্যকুমার, আপনার কী অভিরুচি ?

তিষ্য কিছু বলবার আগেই চণক বলল—তিষ্য, ইনি মহারাজ বিশ্বিসার ।

তিষ্য এতো চমকে গেছে যে সে সঙ্গে সঙ্গে তার আসন ছেড়ে উঠে দাঁড়াল । তার মুখের বর্ণ দেখবার মতো ।

সেদিকে চেয়ে মহারাজ বিশ্বিসার হাত বাড়িয়ে বললেন—প্রগলভতার জন্য ক্ষমা করো আয়ুধ্মন । গম্ভীর রাজ-পরিবেশে দিন কাটাতে কাটাতে একটু চপলতার জন্য, লঘু কৌতুকের জন্য বড় তৃষ্ণা বোধ করি । চণক, ছয়কণ্ঠ ধারণ করতে পেরেছি তো ?

তিষ্য ততক্ষণে নতজানু হয়ে নমস্কার করছে । হাত ধরে তাকে তুলে বিশ্বিসার বললেন—সাকেতের রাজকুমার বললে—রাজ্য উগ্রসেনের পুত্র না কি ?

—হ্যাঁ, দেব—তিষ্য কোনমতে বলল ।

—পিতার কোন কাজে রাজগৃহে এসেছ ?

—পিতার কাজ নয় । নিজেরই আগ্রহে । ভ্রমণ করছি ।

—ও, সেই সূত্রেই চণকের সঙ্গে বন্ধুত্ব ? ভ্রমণ পিপাসা ?

চণক বলল—মহারাজ, তিষ্যকুমার তক্ষশিলার স্নাতক । শ্রাবস্তীতে বঙ্গুল মন্ত্রর কাছেও অল্পশিক্ষা করেছে । ও উচ্চ পদের যোগ্য । অনুসন্ধিৎসু স্বভাবের যুবক ।

—সে কথা আমি আগেই বুঝেছি— বিশ্বিসার স্মিত মুখে বললেন—এখন সোমাকে উত্তর দাও তিষ্যকুমার শীতল পানীয় খাবে না উষ্ণ কিছু ?

তিষ্য বলল—যা ঘটল আজ, তাতে তীক্ষ্ণ সুরা না হলে স্বস্তি ফিরে পাবো বলে মনে হচ্ছে না ।

বিশ্বিসার হেসে বললেন—যাক, তিষ্য কুমারের মন ভালো হয়েছে । সোমা, তীক্ষ্ণ সুরা আনো, আমাদের আজ গুরুত্বপূর্ণ আলোচনা আছে ।

সোমা নম্র কণ্ঠে বলল—আমি উপস্থিত থাকতে পারি ?

—অবশ্যই ।

দাসীরা পানীয় নিয়ে এলো । বিবিধ খাদ্যও । চণক বলল—‘মহারাজ কি আশ্রবনে উপস্থিত ছিলেন না কি ?’

—‘সংবাদ এলো, অন্ত্যজ পল্লীতে অসন্তোষ । ওরা আশ্রবনে ভিক্ষুদের আক্রমণ করবে । সৈনিক পাঠিয়েছিলাম কিছু । কিন্তু নিজেরও অত্যন্ত কৌতুহল ছিল ।’ রাজা বললেন—‘স্বয়ং উপস্থিত থেকে দেখতে চেয়েছিলাম কী হয় ।’

চণক বলল— মহারাজ, শ্রমণ মোগগল্লান একরূপ উত্তর দিয়ে বিদ্রোহী অন্ত্যজদের ক্ষান্ত করলেন । আমার জ্ঞানতে ইচ্ছা হয় আপনার মত কী । আপনি হলে কী উত্তর দিতেন ।

রাজা কিছুক্ষণ নীরবে থেকে ধীরে ধীরে বললেন—অন্ত্যজদের অভিযোগ তো সত্য চণক । সম্পূর্ণ সত্য । যাদের পুত্র-কন্যার ওই নৃশংস পরিণতি হয়েছে তারা কী করে বন্যদের ক্ষমা করবে ? অথচ তথাগতর কথাও সত্য । কোথাও আমাদের পারম্পরিক হিংসার এই কর্মকাণ্ড থামাতে হবে । রাজা অন্যান্যকারীর শাস্তিবিধান করতে পারেন কিন্তু তথাগত তার যে মানসিক পরিবর্তন ঘটালেন তা কি অলৌকিক নয় ? তিষ্যকুমার তুমিও তো স্বচক্ষে দেখেছ, বলো ।

তিষ্য দ্বিধাগস্ত স্বরে বলল—‘দু পক্ষই যেখানে ঠিক, সেখানে সুবিচার করা কী ভাবে সম্ভব হবে, মহারাজ ।’

—সেই কথাই ক দিন ধরে ভাবছি তিষ্যকুমার । এর পরে যখন কৌশল, দস্যু-বৃষ্টি, প্রতারণা, হত্যা ইত্যাদির জন্য শাস্তিবিধান করতে যাবো, তখন আমার অন্তরের মধ্যে তর্জনী আশ্ফালন করে ওই মাতঙ্গ কি বলবে না—তোমার বিচারের পেছনে কোনও নীতি নেই রাজা, বিচার হবে সবার জন্য এক । বিচারের মানদণ্ড দুই প্রকার হয় না ।

হাতের পাত্রটি নিয়ে রাজা শুধু নাড়াচাড়া করছেন, পান করছেন না । বিষণ্ণ, নীরব ।

কিছুক্ষণ পর চণক বলল— ‘মহারাজ, আমার মনে হচ্ছে কোথাও আপনার একটা সূক্ষ্ম ভুল ২২০.

হচ্ছে। সভা মানুষ, সামাজিক মানুষ যখন চৌর্ষবৃত্তি, দস্যুবৃত্তি করে তখন জেনে শুনে করে। আপন সমাজের মানুষের প্রতি অন্যায্য করে। কিন্তু বন্যরা প্রথমত সভ্য নয়, দ্বিতীয়ত তারা আমাদের ভিন্ন শ্রেণীর জীব বলে মনে করে। শুনলেন না ওই যক্ষী কী বলছিল? আমরা ওদের বন নিয়ে নিয়েছি। বনের পশু মেয়ে শেষ করে দিয়েছি। ভিক্ষা চাইতে এলে দ্বার বন্ধ করে দিই। ওদের জয় করতে হলে, ওদের সঙ্গে মৈত্রী স্থাপন করতে হলে আপনার দিক থেকে ওদের ভয়ভাঙতে হবে, বিদ্রোহ দূর করার চেষ্টা করতে হবে।

তিষ্য বলল—চণক ভদ্র, আপনি তো শ্রমণ মোগগল্লানের মতো বলছেন অবিকল।

চণক বলল—এ-ও হতে পারে তিষ্য ওই শ্রমণ চণকের মতো করে ভাবেন। অবিকল। চণক পুনরাবৃত্তি করছে না। চিন্তার এই সূত্র চণকের মনের মধ্যে কিছুকাল থেকেই ঘোরাফেরা করছে। তবে চণক ঠাঁর মতো মানুষকে অভিভূত করার ক্ষমতা রাখে না।

—দৈবরাত চণক প্রথম থেকেই বন্যদের পক্ষে রাজা লঘু গলায় বললেন। তারপর তিষ্যর দিকে ফিরে বললেন—তিষ্যকুমার, এই যে আজ বন্যদের জয় করতে গিয়ে অন্ত্যজদের অসন্তুষ্ট করতে হল, তথাগত বুদ্ধর কথাকে মান দিতে গিয়ে প্রজাদের ন্যায্য অভিযোগের মীমাংসা করতে পারলাম না, এর ফল কী হতে পারে, মনে করো? তুমিও তো দণ্ডনীতি বোঝো।

তিষ্য বলল—শ্রমণ মোগগল্লান তো ওদের বুঝিয়ে দিয়েছেন মহারাজ। ওদের শিশুগুলি সব মহাশ্মা ছিল, ভবচক্র থেকে মুক্তি পেয়েছে। চণকভদ্র আমায় বলছিলেন এই-ই হল কূটনীতির পরাকাষ্ঠা। হার্দ্য কূটনীতি।

চণকের দিকে সপ্রশ্ন দৃষ্টিতে তাকালেন বিশ্বিসার। চণক বলল—হ্যাঁ মহারাজ, আমি তিষ্যকে উন্নত ধরনের কূটনীতির তত্ত্ব ব্যাখ্যা করছিলাম যা হৃদয়ের যথার্থ মৈত্রী ভাবনা থেকে উৎপন্ন হয়। আমি যে চক্রবর্তী রাজার কল্পনা করি তাঁর কূটনীতি হবে গভীরতম মানবধর্ম থেকে উৎসারিত। সংকীর্ণ স্বার্থ রক্ষার অস্ত্র নয়।

মহারাজ একটু বিষন্ন হাসলেন, বললেন—আচার্যপুত্র, আজ দেখি তথাগতর দেশনা আর তোমার রাজনীতির তত্ত্ব কোথাও মিলে যাচ্ছে। আমি হয়ত উভয়কেই অনুসরণ করে দেখব। আমার বিবেক তাই বলে। কিন্তু লোকচরিত্রে আমার যে অভিজ্ঞতা হয়েছে তার অধিকারে বলছি অদূর ভবিষ্যতে সাধারণ প্রজার প্রশ্নহীন ভক্তি, আনুগত্য ভালোবাসা আমি ধীরে ধীরে হারাতে থাকবো। তথাগত এবং তাঁর সংঘের ভিক্ষুদের মতো মানুষকে অভিভূত করার সাধ্য আমারও নেই।

সোমা এই সময়ে মৃদুস্বরে বলল—মহারাজের জয় হবে।

চণক বলল—অন্ততপক্ষে তার জন্য চেষ্টা তো করতে হবে।

তিষ্য সহসা অসংলগ্নভাবে বলল—মহারাজ, আমি প্রস্তুত।

বিশ্বিসার অন্যমনস্ক ছিলেন, চমকে মুখ তুলে বললেন—তোমরা সবাই আমার শুভার্থী? বাঃ।

তিষ্যকুমার, তুমি কিসের জন্য প্রস্তুত?

—আপনার যাতে জয় হয়, তা করতে মহারাজ।

বিশ্বিসার উঠে দাঁড়িয়ে বললেন—‘তাহলে তিষ্য তোমায় যদি শ্রাবস্তীতে কিছুকালের জন্য পাঠাই, মগধের রাজপ্রতিনিধি বলে। আপত্তি আছে?

তিষ্যর মুখের ওপর দিয়ে যেন একটা ছায়া সরে গেল। একটু পরে সে বলল—ক্ষুণ্ণ?

দূত নয়। রাজপ্রতিনিধি। তোমার কী করণীয় হবে রাজপুরীতে কূটকক্ষে বিশদ আলোচনা করব আগামী কাল। পরে এভাবেই তোমায় যেতে হবে অবস্তী, কৌশাধী, ইন্দ্রপ্রস্থ।

মহারাজ বিদায় নিয়ে চলে গেলে চণক উদ্বিগ্ন হয়ে বলল—তিষ্য, তোমার যে দক্ষিণ দেশে যাবার আকাঙ্ক্ষা, সে কথা মহারাজকে বললে না কেন? সহসা আবেগের বিশেষ কী করলে?

সোমা উৎকণ্ঠ চোখে তাকিয়ে ছিল। কিছু বলছিল না। তিষ্য ধীরে ধীরে মাথা নিচু করে বলল—চণকভদ্র, দক্ষিণ দেশে রাজ্যস্থাপন করার প্রসঙ্গ তুলে আমায় আর লজ্জা দেবেন না। কিছুই জানি না, কোনও অভিজ্ঞতা নেই। লোকবল নেই। স্বপ্ন দেখি শুধু। আপনার মতো চিন্তক, ভদ্রা জিতসোমার মতো বিদূষী, মহারাজ বিশ্বিসারের মতো কুশলী মহাপ্রাণ রাজা, আর ওই শ্রমণদের মতো

অলৌকিক প্রভাবসম্পন্ন মানুষদের সংস্পর্শে এসে বুঝতে পেরেছি আমাকে প্রস্তুত হতে হবে। নিজেকে প্রস্তুত করতে হবে। তারপর যদি সময় থাকে যদি অর্জন করতে পারি কিছু ... তাহলে তখন দেখা যাবে।

সে দুজনকে নমস্কার করে বিদায় নিয়ে চলে গেল। যেন স্বপ্নচালিতবৎ।

২৮

হিম ঋতুর শান্ত ভোরবেলা। কুম্ভাটিকায় আবৃত চারিদিক। শ্রাবস্তী নগরী যেন জলের তলার নগরী। পাতালপুরী। রাজগৃহ বা সাকেডের মতো পরিকল্পিত নগরী নয় শ্রাবস্তী। ঠিক শ্রেষ্ঠী-পল্লী বলতে যা বোঝায় তেমন কিছু এখানে নেই। মিগারের ত্রিতল প্রাসাদ ও বিশাখার বিবাহ-যৌতুকের দ্বিতল বিলাসগৃহটি যে সুন্দর কাননের মধ্যে অবস্থিত, তার আশেপাশে আর কোনও ধনীগৃহ নেই। আছে কিছু একতল ইষ্টক নির্মিত বা দারুময় গৃহ। উচ্চতায় বা গঠন সৌকর্যে আভিজাত্যের গর্ব করতে পারে না। কিন্তু প্রাক্ষণ, কক্ষ, অন্তঃপুর, বাহিবাটি মিলিয়ে প্রায় প্রত্যেকটিই অনেকটা স্থান নিয়ে আছে। বিশৃঙ্খলভাবে। যখন যেমন প্রয়োজন হয়েছে, ঘর তোলা হয়েছে। বিশাখা একরূপ দৃশ্যে অভ্যস্ত নয়। সৌন্দর্য, সুসমা, শালীনতা এগুলিতে তার চোখ, কান, মন এমন অভ্যস্ত হয়ে গেছে যে, কুশ্রী কিছু দেখলে, শুনলে, সঙ্গে সঙ্গে তার মনে একটা বিরূপ প্রতিক্রিয়া হয়। তার গৃহটি কাননের এক প্রান্তে হওয়ায়, বাতায়ন ও অলিন্দ থেকে সে বাইরের দৃশ্য, অন্যান্য গৃহের অন্তরঙ্গ দৃশ্যও দেখতে পায়।

ও পাশের গৃহটির অঙ্গনে দাসীর সঙ্গে গৃহিণীর তুমুল কোন্দল লেগে যায়, যখন তখন। চাল ঝাড়া, মণ্ড প্রস্তুত করা, শস্য শুকানো সবই ওই অঙ্গনে অনুষ্ঠিত হয়। গভীর রাতে ঘুম না এলে এই অলিন্দ থেকে সে ওই অঙ্গনে নরনারীর সঙ্গম দৃশ্যও দেখেছে। খুব সম্ভব দাসী ও প্রভুপুত্র। দাসী ও বর্ষীয়ান প্রভুটিও হতে পারেন। এ ছাড়াও এ পল্লী খানিকটা নির্জন বলে কাছাকাছি কোনও কাননে বোধহয় প্রণয়ীরা মিলিত হয়। পথ দিয়ে নীলকৃষ্ণ বসন-পরা মাথায় অবগুষ্ঠন দেওয়া অভিসারিকা রমণীদের দ্রুত চলে যেতে দেখা যায়। তাদের প্রণয়ীরাও যায় পায়ে হেঁটে। এরা সব সময়ে তরুণ-তরুণী হয় না। তার বাতায়নের তলায় কাননপ্রান্তে একদিন সে চূষনরত এক প্রণয়ী-যুগলকে দেখতে পায়। পুরুষটি প্রৌঢ়। নারীটি কোন শ্রেণীর তা সে বুঝতে পারেনি। কিন্তু সে বিবাহিত। চূষনের ফাঁকে ফাঁকে সে নিজ পতির মুণ্ডপাত করছিল। মিগারের গৃহেও এর কোনও ব্যতিক্রম নেই। মিস্তবিন্দ নামে যে সূতাটি কহাকে প্রণয় নিবেদন করেছিল এখন দেখা যাচ্ছে সে আরও অনেককেই অনুরূপ কথা বলেছে। কহা আঘাত পেয়েছে। ধনঞ্জয়-গৃহে আজন্ম লালিত সে। বিশাখার সঙ্গে দীর্ঘদিন থাকতে থাকতে তাদের সবার রুচিই খানিকটা বিশাখার মতো হয়ে গেছে। কহা মিস্তবিন্দকে রূঢ়ভাবে প্রত্যাখ্যান করেছে। তা সত্ত্বেও লোকটি যখন-তখন কহাকে বিরক্ত করে। এ সব কথা গৃহকর্তার কানে তুললে মিস্তবিন্দর কপালে দুঃখ আছে। তাই কহা বা বিশাখা নিজে কিছুই বলে না। মিগার ও তাঁর গৃহিণী দাস-দাসীদের ওপর নির্মম। যদি শাস্তি দেবেন মনে করেন, তবে কঠোর শাস্তিই দেবেন।

শ্রাবস্তীতে পচন ধরেছে। পচে গেছে নগরীটি। বিশাখা কুম্ভাটিকাগ্রস্ত পথ-ঘাট গৃহ-প্রাক্ষণ কানন ইত্যাদির দিকে চেয়ে মনে মনে বলে— কোশল, কোশল দেশটাই পচে গেছে। তার বালিকাকালের সেই উচ্চাকাঙ্ক্ষার কথা মনে হয়। সে দেশে দেশে ভ্রমণ করতে চেয়েছিল। বাল্যকাল সম্ভবত দর্পণের মতো। তখনই সঠিক চিন্তা সঠিক আকাঙ্ক্ষাগুলির প্রতিবিশ্ব শূন্য মনোভূমিতে। বাল্যকালে তো কেউ পুরুষ অথবা নারী থাকে না, সেই সময়টাই শ্রেষ্ঠ সময়। তবে কি সে পুরুষ হতে পারেনি বলে দুঃখ বোধ করে? তাও তো নয়। পুরুষ মাত্রেই কেমন কক্ষ, কর্কশ, ব্যাভিচারী, অমার্জিত। সে পুরুষ হয়নি বলে তার দুঃখ নেই। দুঃখ একটাই। তার ভেতরে সে বিপুল শক্তির নড়াচড়া টের পায়। কর্মমেষণ। কর্মের ক্ষমতা। রাজদণ্ড হাতে রাজ্যাশাসন করতে পারলে হয়তো সে তৃপ্ত হত। কুমার কুনিয়র রানী নয়, দেবী মল্লিকার মতোও নয়। সে মহারাজ বিশ্বিসারের মতো সভা ডেকে, ২২২

প্রজানিচয়ের মঙ্গলবিধান করবে, সীমান্ত-দস্যুদের দমন করবে, ভিন্ন দেশের রাজদূতদের সঙ্গে গুরুত্বপূর্ণ দশনীতির বিষয়ে আলোচনা করবে, কূটগৃহে মন্ত্রীদের সঙ্গে পরামর্শ করবে। এর সুযোগ, অত্যন্ত ক্ষীণ হলেও সুযোগ একটা এসেছিল, একটা নয় দুটো। তিথ্যর মাধ্যমে, এবং কুমার কুনিয়র সঙ্গে বিবাহের সম্ভাবনায়। কিন্তু বিশাখা তখন মনে মনে প্রণয়ভিক্ত ছিল। সে জানতো না, প্রণয় বলে কিছু নেই। কিছু থাকবে না। আবেগের মোহন আবরণে ঢাকা দেহ-কামনাকেই লোকে প্রণয় বলে।

সে যদি পিতার মতো শ্রেষ্ঠী হতো? বিবাহ না করলেই সে তা হতে পারতো। পিতা তো তাকে শেখাচ্ছিলেনই! মায়ের যে দুঃসাহসিক বাণিজ্য যাত্রার কথা সে শুনেছে, সেইভাবে সেও যেতো। দেশে দেশে, অস্থপৃষ্ঠে, জলযানে, যাতায়াত করত। গৃহে ফিরে ছোট বণিকদের গোষ্ঠী পরিচালনা করতো। না হয় অমাজুরা, জরৎকুমারী বলতো লোকে, নিন্দা করতো আড়ালে। সে পেত এমন জীবন, যা কর্মে পরিপূর্ণ, অর্থপূর্ণ কর্মে। সর্বোপরি নিজের জীবনটি তার নিজের হাতেই থাকত। কিন্তু একবারও তার এসব কথা তখন মনে হয়নি। বিবাহ ঘেন রক্তের মধ্যে সংস্কার হয়ে ঢুকে ছিল। উপরন্তু, তার হৃদয় ছিল প্রণয়ের জন্য উন্মুখ। এখন সে কী করবে?

তা হলে কি সে নারী বলেই এই নিয়তি তাকে মেনে নিতে হবে? নারী হলেও সে যে মিগার-পত্নী, এমনকি তার সখী সুপ্ণিয়ার মতোও নারী নয়। তার রক্তে যে দেবী সূমনার উত্তরাধিকার। সে এই সময়ের থেকে অনেক এগিয়ে আছে, কিংবা পিছিয়ে আছে কী? মা সূমনা, পিতামহী পদ্মাবতী তাকে, তাদের কাহিনী শোনাতেন সব নারী যোদ্ধার—মুদগলিনী, বিশপলা বহ্নিমতী শশীয়সী...। আরও কাহিনী শুনেছে সে ঋষি বাক, ঋষি সূর্যার, মহাবিদূষী গার্গী কীভাবে বাজসনেয় যাজ্ঞবাল্ক্যর সঙ্গে বিদেহ রাজসভায় ব্রহ্মবাদ নিয়ে তর্ক করেছিলেন। ঠিক যে নারী যোদ্ধা অথবা ব্রহ্মবাদিনী হওয়ার দিকেই তার বোঁক তা-ও বলা যায় না। বিশাখা তার নীলকৃষ্ণ কেশগুচ্ছ হাতে নিয়ে তদগত হয়ে যায়। এই কেশ মে বড় ভালোবাসে। ভালোবাসে এই অনুপম হাতগুলি, হাতের অগ্রভাগে আধ-ফোটা পদ্মকলির মতো হাতের পাতা আর আঙুলগুলি। বস্তুত তার অতুলনীয় সৌন্দর্য বিশাখার জীবনের গভীর আনন্দ, আশ্চর্যপ্রত্যয় ও প্রসন্নতার একটি উৎস। সে কখনও এই সৌন্দর্যকে তুচ্ছ বলে মনে করেনি। এ যে দেবতাদের দান, এক অমূল্য আশীর্বাদ এবং বিশেষ সুবিধা তার জীবনে তা প্রতিদিন অনুভব করে সে। সে কি গর্বিত? নিজেকেই নিজে জিজ্ঞাসা করে বিশাখা। না, ঠিক গর্ব নয়। বিশিষ্ট হবার অহঙ্কার কী? না, বোধ হয় তাও না। তা হলে? তা হলে? প্রকৃত কথা, দৈহিক সৌন্দর্য তার মানসিক গঠন, গুণাবলী, চরিত্র এ সবার সঙ্গে এমন খাপ খেয়ে গেছে যে, সর্বদা এই সৌন্দর্য সম্পর্কে মোটেই সচেতন থাকে না সে। আজ এখন কুয়াশায় ভরা ভোর বেলাতে যখন পৃথিবী শান্ত, পাখিদের ঘুম-ভাঙা স্বর সবে শোনা যেতে আরম্ভ করেছে তখন সহসা নিজের আঙুলগুলির দিকে চোখ পড়ে, মনে পড়ে যায় তার কেশও ঠিক অমনি সুন্দর। চোখগুলিও। হাত, পা, সমস্ত অবয়বই কী সুন্দর। বিশাখার মনে হয় সে বোধহয় স্বয়ংসম্পূর্ণ। পূণ্যবর্ধন যে তার মনোমতো, তার যোগ্য পতি হল না, এ দুঃখকে সে আর প্রশ্রয় দেয় না। প্রথমটা একটা তীব্র প্রতিক্রিয়া হয়েছিল। তা যতটা দুঃখে তার চেয়েও বেশি অপমানে। সে নিজ-মাতার জন্য, সাকেতের জন্য, বিবাহ-পূর্ব জীবনের স্বস্তি ও শান্তি, আদর ও স্নেহের জন্য আকুল হয়ে কেঁদেছিল। কিন্তু সেই ভয়ংকর রাতেই বোধ হয় বিশাখার কৈশোরের ওপর পূর্ণকৈশর পড়ে গেছে। পুরনো বিশাখার ভঙ্গ-স্বপ্নের মধ্য থেকে নতুন বিশাখা দাঁড়িয়ে উঠেছে। জর চারপাশ থেকে আরম্ভার স্নেহচক্রগুলি যত খসে পড়েছে, ততই একা হয়ে যাচ্ছে সে। ততই যেন তার নিজস্ব শক্তি আবিষ্কার করেছে সে। বিশাখা স্বভাবে নেত্রী। যোদ্ধী। কিন্তু যুদ্ধের শুধু রণক্ষেত্রে হয় না।

তার প্রথম জয় হল পূণ্যবর্ধনের পলায়ন। পূণ্যবর্ধনের কথা ভাবলে এখন বিশাখার আর রাগ হয় না, হাসি পায়। ভীক। মায়ের আদরের পুত্র হতে পারে, কিন্তু মাকে ভয় পায়, পিতাকে তো পায়ই। এখন, পত্নীকেও ভয় পাচ্ছে। হতভাগ্য মানুষটির কোনও চরিত্রই গড়ে ওঠেনি। বারাগসীতে গুরুগৃহে গিয়ে কী শিখে এসেছে, শব্দদেবই জানেন। কুসঙ্গে পড়ে আর অর্থহীন প্রশ্রয়ে দাসেরও অধম হয়ে গেছে। বিশাখাকে অস্বয়সী ও সুকুমারী দেখে পৌরুষ দেখাতে গিয়েছিল।



যখন ছিটকে শয্যা পড়ে গেল। কী হতবুদ্ধিই না হয়ে গিয়েছিল! বিশাখার ফ্রোথেরও যোগ্য নয়। দু'দিন আর গৃহে ফেরেইনি। তৃতীয় দিনে এলো। সন্ধ্যাবেলায় ময়ূরীকে ডেকে বলল, 'তোমার স্বামিনীকে বলো, আমি উপার্জন করতে বিশেষ যাচ্ছি।'

মিগার প্রায়ই বলছেন এতদিনে পুস্তটার সুবৃদ্ধি হয়েছে। তার স্বপ্নও আহ্লাদিত। বিশাখা ঘটনাটি পুরোপুরি বুঝতে পারেনি। যদি পুণ্যবর্ধন শুধু চলেই যেত, তা হলে মনে হতো, সে রাগ করেছে। বিশাখার সঙ্গে আর বসবাস করতে চায় না। কিন্তু বলে চলে যাওয়ায় মনে হচ্ছে, হতভাগ্য তার কাছে বশ্যতা স্বীকার করেছে। উপার্জন করতে যাচ্ছে বলে গেল, অর্থাৎ সে তার পুরনো অলস, বিলাসী জীবন ত্যাগ করে নতুন কিছু করতে চায়, বিশাখার শ্রদ্ধা আকর্ষণ করার এটাই এখন একমাত্র পন্থা মনে করেছে। মুখোমুখি হল না। হয়তো একটু অভিমানও আছে। যাই হোক, আপাতত এই লোকটি এ গৃহ থেকে চলে যাওয়ায় সে স্বস্তি পেয়েছে। কিন্তু যতই উপার্জন করুক, আর অলস জীবন ত্যাগ করুক পুণ্যবর্ধন কি কোনওদিন শ্রদ্ধার যোগ্য হয়ে উঠতে পারবে? পচে গেছে। এই শ্রাবস্তীর মতো, এই কোশলরাজ্যের মতো, এই সমাজের মতো পুণ্যবর্ধন একেবারে পচে গেছে। ইদানীং এখানে এই প্রকার নরনারীই দেখা যাচ্ছে। এই পচা-গলা কুৎসিত মানসিক ব্যাধিগ্রস্ত মানুষটিকে কি সে কোনওদিন স্বীকার করতে পারবে? যাক, আপাতত সে অনুপস্থিত। তাই সমস্যাটাও নেই।

কিন্তু বিশাখা আরও যুদ্ধ জয় করেছে। সে বহুজনের সামনে নিজেকে নিরপরাধ এবং মিগার শ্রেষ্ঠীকে ভুল, প্রমাণ করতে পেরেছে। সে মিগার-পত্নীকেও জয় করতে পেরেছে। সেই বিচার-সভার দিন থেকে কোনও রহস্যময় কারণে তার স্বপ্ন তাকে অত্যন্ত সমাদর করছেন। মাঝে মাঝেই বলেন— সত্য সত্য বধু ঘরে নিয়ে এসে তার অপরাধের বিচার করবার জন্য সভা না বসালেই চলছিল না? নিজেই অপদহ হতে হলো তো! ভালো হলো। গহপতি এবার বুঝুন। তাঁর কথাই শেষ কথা নয়।

আবার কখনও কখনও বিশাখাকে ডেকে বলেন— নিগগাটদের তিরস্কার করে ভালো করেছে বিশাখা। গহপতির ঘরে ভোজ্য-স্বচ্ছ খেয়ে, উদর পূরে, কতকগুলি নীরস, অর্থহীন কথা বলে যাবে— সবাইকে হাত জোড় করে তদগত হয়ে শুনতে হবে। কেন? সবার যদি ভালো না লাগে? কী ভাবে কর্তৃত্ব করে আবার নয় সমনগুলি। ঘরে এসেই দর্প প্রকাশ করবে। আমরা এই তপস্যা করি, সেই তপস্যা করি। বলি, মুখে বস্ত্রখণ্ড বেঁধে রাখলে কী হবে, ছেকে জল খেলেই বা কী হবে, বাতাসে যদি কীট কীটাণু থাকে তা হলে যখন ভোজন করছেন, তখনও তো সেগুলি মুখের মধ্যে ঢুকছে, না কী? সব শঠ, প্রবঞ্চক! বিশাখা ওগুলিকে তাড়াও, তাড়িয়ে ছাড়ো। বোঝা যাচ্ছে মিগারপত্নী দীর্ঘদিন ধরে নির্গ্রন্থদের নিয়ে মিগারের বাড়াবাড়ি ভক্তি ভালো মনে করেননি। সববিষয়েই কতীর ইচ্ছা মেনে চলাও তাঁর মনোমত ছিল না।

আজ সশিষ্য বুদ্ধ তথাগত আসবেন। মিগার তাঁর কথা রেখেছেন। নির্মীয়মাণ জেতবন বিহারে গিয়ে বুদ্ধ এবং তাঁর সংঘকে নিমন্ত্রণ করে এসেছেন। তবে এখন বর্ষাবাসের সময় তো নয়। সংঘের ভিক্ষুরা এখন মধ্যদেশের নানান স্থানে ছড়িয়ে আছেন। বুদ্ধ ভগবান নিজেও অল্প দু-এক দিন হল শ্রাবস্তীতে এসেছেন। আবার শীঘ্রই বেরিয়ে যাবার সম্ভাবনা। জনা দশেক ভিক্ষু নিয়ে তিনি আসবেন। বিশাখার নিজ গৃহের ভোজনশালায় তাঁদের আপ্যায়নের ব্যবস্থা হয়েছে। বিশাখা বলেনি কিছু। মিগার নিজেই বললেন— 'তোমার আগ্রহই নিমন্ত্রণ। বিশাখা, তোমার গৃহই আমোজন করো।' ভালো। বিশাখা তাই করবে। তাই করেছে।

ভোজনশালাটাকে ঘষে মেজে তকতকে করেছে তার দাস-দাসীরা মিলে। সমস্ত গৃহটিই মার্জনা করা হয়েছে। কিন্তু ভোজনশালাটি বিশেষ করে। দু-তিন দিন ধরে জন্মবরত চন্দনচূর্ণ পুড়িয়ে ঘরটি সুগন্ধ করা হয়েছে। রন্ধনগৃহে যাবার দ্বারে গৈরিক বস্ত্রাবরণী বড় বড় অশ্বখ পাতায় শিউলি ফুল দিয়ে সুন্দর সুন্দর অলঙ্করণ রচনা করেছে তার সইয়েরা। সেগুলি কক্ষপ্রাচীরে বসানো হয়েছে। উজ্জ্বল কৃষ্ণবর্ণ মৃৎ-কলসে আশ্রপাল্লবের, কুমুদ কল্পারের সজ্জা। বসবার আসনগুলি স্থূল কোমল কাম্বলের। তার ওপর গৈরিক রেশমের আচ্ছাদন। ভোজন ফলকগুলি সব চন্দনকাঠের।

পায়ী-অলা । সব নতুন নির্মিত হয়েছে বিশাখার নির্দেশ অনুযায়ী । গজদন্ত বর্ণের কাসিক বস্ত্রের ওপর বিশাখা সেই অশ্বখবৃক্ষের চিত্র লিখেছে, যে বৃক্ষের তলায় গৌতম বোধিলাভ করেছিলেন । চিত্রটি কক্ষের মাঝখানের প্রাচীরে প্রলম্বিত আছে ।

দুই গৃহের মধ্যবর্তী অঙ্গনটিও আজ দু-তিন দিন ধরে বহু পরিশ্রম করে মাজা-ঘষা হয়েছে । সেখানে একটি আম গাছের মূলে নাতি-উচ্চ বেদী নির্মিত হয়েছে ।

প্রাঙ্গণটি সুন্দর সব অঙ্গদেশীয় নলপট্টিকায় ঢাকা । বড় বড় মৃৎপাত্রে তুষের আশুন রাখার ব্যবস্থা হচ্ছে । ভিক্ষু সংঘ আসবার কিছুক্ষণ আগে থেকেই তাতে চন্দনচূর্ণ ছড়ানো হবে ।

বিশাখা এখন নিশ্চিন্ত, পরিতৃপ্ত । পরিমার্জন, চিত্রণ বিশেষত চন্দনচূর্ণের কল্যাণে তার গৃহের বাতাবরণ থেকে আজ সমস্ত অপ্রসন্নতা, অপবিত্রতা, হতাশার গ্লানি দূর হয়ে গেছে । কোনও উদ্বেগ নেই, আছে একটি শান্ত প্রতীক্ষা । ভদ্দিয়তে সেই সাত আট বছর বয়সের পর সে আর বুদ্ধ ভগবানকে দেখেনি । তাঁর সম্পর্কে তার ভক্তির চেয়েও কৌতূহল বেশি । অল্প বয়সে তখন বুঝতো না । অভিভূত হবারই বয়স সেটা । কিন্তু পরে সে দেখেছে তার পিতা ধনঞ্জয়, মাতা সুমনা এঁরা কেউই ঠিক যাকে বলে ভক্তি গদগদ— তা হননি । তাঁরা লোকাচার পালন করেন, পারিবারিক বিধি পালন করেন, বৃদ্ধের উপদেশগুলিকে বিচার করে যা নেবার নেন, অবশিষ্ট সম্পর্কে নীরবে থাকেন । অর্থাৎ সবার ওপরে কাজ করে তাঁদের নিজেদের বিচার-বুদ্ধি, মন । বিশাখাও সেই রীতিতেই চলতে অভ্যস্ত । তারও বিচার-বুদ্ধি অত্যন্ত প্রখর । সে যে কী পাবার আশায় বুদ্ধ-সংঘকে নিমন্ত্রণ করে আনিয়েছে, তা তার কাছে স্পষ্ট নয় । ভক্তি নয়, স্মৃতি, বাল্যস্মৃতির ঘোর । সমর্পণ নয়, শ্রদ্ধা । আবেগ নয়, সন্ধিৎসাই খুব সম্ভব আজ তার এই নিমন্ত্রণের পেছনে কাজ করছে ।

ধনপালী তাকে স্নানের জন্য তাড়া দিতে এসেছে । তার এই তিন সই আজ দারুণ উত্তেজিত । তাদের উত্তেজনার কারণ অবশ্য ভিন্ন ভিন্ন । প্রথমত তারা সকলেই শুনেছে এই বুদ্ধ ভগবান অসাধারণ সুদর্শন । এখন তাঁর চল্লিশের যথেষ্ট ওপর বয়স হয়েছে, কিন্তু দেখায় নাকি তরুণের মতো । এই সুন্দর পুরুষটি কেমন সুন্দর— এই তাদের প্রধান কৌতূহলের বিষয় ।

ময়ূরী ঘোষণা করেছে— দেখিস, যতটা লোকে বলে ততটা নয় । সব কিছু বাড়িয়ে বাড়িয়ে বলা লোকের স্বভাব ।

ধনপালীর মত— বজ্জিদের মতো সুন্দর তো কেউ নয় । কিন্তু ওই নাটপুত্র ? উনি তো বজ্জি । উনি কি সুন্দর ? একটুও নয় । তবে ? বুদ্ধ তথাগতও এক প্রৌঢ় সন্ন্যাসী ব্যতীত আর কিছু না । কহার কৌতূহল— শোনা যায় এঁর দেহে বত্রিশটি মহাপুরুষ-লক্ষণ আছে । সে ওই লক্ষণগুলি শুনে গঁথে দেখতে চায় ।

ময়ূরী তাতে বলে— তুই কি তবে বুদ্ধ ভগবানকে মুখ হাঁ করতে বলবি ? চল্লিশটা দাঁত আছে কি না দেখবার জন্য ?

সবাই তাতে হাসতে আরম্ভ করলে ময়ূরী বলে— অন্যগুলি দেখব । কত দীর্ঘ হাত । মাথায় সহজাত উষ্ণীষ আছে কিনা । দেহ-ত্বকে সত্যি সত্যি ধুলো লাগলে ঝরে যায় কিনা ।

তখন আবার ময়ূরী বলে— তুই কি ওঁর গায়ে ধুলো ছুঁড়ে দেখবি ? কহা কিছু বলে না । মদু মদু হাসে ।

বিশাখা তাইতে সাবধান করে দিয়েছে ওদের— কোনও অভদ্র আচরণ ওরা যেম্ন জাবার করে না ফেলে ।

স্বামিনীর দেহটি নবনী ও হরিদ্রার অবলেপ্য দিয়ে বেশ করে মাজবার পর এবার ওরা তাকে পীঠিকায় বসিয়ে কলসে করে দুগ্ধমিশ্রিত জল ঢালছে । বিশাখার চুলগুলি এখন চূড়ো করে বাঁধা । দধি এবং ভেষজ দিয়ে আগেই তাদের পরিষ্কার করা হয়েছে । কোমল স্তম্ভের মুক্তিকা দিয়ে এবার সর্বাঙ্গ লেপে দিল ধনপালী । চন্দন জল ঢালল তারপর । সবশেষে পরিষ্কার কাকচক্ষুর মতো নির্মল জল দিয়ে মাথা থেকে পা পর্যন্ত সব ধোয়া হল । এবার অতি কোমল মার্জনী বস্ত্র দিয়ে মুছিয়ে দেবার পর চন্দনের পাপড়ির মতো কোমল, পদ্মবর্ণ দেহত্বক দেখা দিল, আরও উজ্জ্বল, আরও কান্তিমান ।

চুলগুলি মেলে দিয়েছে বিশাখা । জ্বালা হয়েছে সুগন্ধি ধূপ । ব্যজনী দিয়ে বাতাস করছে ময়ূরী ।

ধনপালী সেগুলিকে খুলে মেলে মেলে দিচ্ছে। কথা বস্ত্র বার করেছে পেটিকা থেকে। লঘুভার সূক্ষ্ম চম্পক বর্ণের দুকূল। বার করে কথা বলল— ভন্দা, এই বর্ণ কিন্তু কাষায়বর্ণের কাছাকাছি। সমনরা আবার এই দেখে তোমাকে পববজ্জা দেবার জন্য ব্যস্ত হয়ে উঠবেন না তো ?

বিশাখা বলল— কেন ? যদি নিই-ই পববজ্জা !

অমনি তিন সই ছুটে এসে বিশাখার দুই পা, দুই হাত নিজেদের হাত দিয়ে শক্ত করে বেঁধে ফেলল।

—কী করিস ? কী করিস ? —বিশাখা হাসতে থাকে।

কথা দৌড়ে গিয়ে চম্পকবর্ণের দুকূলটি তুলে ফেলল। —না, এই বসন তুমি আজকে পরবে না ভন্দা। আমরা তোমার বেশকারিণী, আমরা যা বলব তাই শুনতে হবে। সই বলো না আমাদের ? —সে একটি আকাশের মতো নীল, অথচ সকালের রোদের মতো স্নিগ্ধোজ্জ্বল বসন বার করে।

বিশাখা সেদিকে এবার তাকিয়ে বলে— যদি তথাগত মনে করেন আমি রূপগর্বিত ! দেবী ক্ষেমার মতো আমার অবস্থা করে যদি। এই নীল দুকূলে বড় বেশি সজ্জিত লাগে আমাকে।

ধনপালী বলল— সজ্জিত বলো না, সুন্দর বলো। তা কোন বর্ণে তোমাকে অসুন্দর দেখাবে বলো তো। বলে দাও ! সেটাই বার করি।

বিশাখা বলল— শ্বেতবর্ণ দে।

ময়ূরী বলল— শ্বেতবর্ণে তোমাকে পূজনীয়া দেবীর মতো লাগে। বেশ তাই ইচ্ছা হয় তাই পরো, কিন্তু ভিক্ষুরা ভক্তি গদগদ হয়ে প্রণাম করলে আমরা জানি না।

বিশাখা ভৎসনা করে বলল— ছি ময়ূরি, এত অহংকার ভালো না। যাঁরা নির্বাণ পথের পথিক তাঁদের কাছে সুন্দরী ও বানরীতে কোনও পার্থক্য থাকে না।

—তুমি কী করে জানলে ?

—আমি ঠিক জানি। শ্বেত দুকূলটি কটিতে বাঁধতে বাঁধতে বিশাখা বলল। শ্বেত নীবিবন্ধে বাঁধা পড়ল বসনটি। উর্ধ্বাঙ্গে শ্বেত উর্গার উত্তরীয় ভালোভাবে জড়িয়ে নিল বিশাখা। সর্বশ্বেত। শুধু তার স্তনপট্টের শ্যামল বর্ণ উত্তরীয়ের মধ্য দিয়ে আভাসিত হতে লাগল।

এই ভাবেই রন্ধনগৃহে গেল সে। ভিক্ষুদের জন্য পায়স ও অপূপ নিজ হাতে প্রস্তুত করল। উড়ুঘর, অলাবু, কুয়াণ্ড, বতিঙ্গণ সৌভঙ্গন বিভিন্ন শাক ও মেথিকা পলঙ্কা ইত্যাদি পৰ্ণ দিয়ে সুস্বাদু ব্যঞ্জন প্রস্তুত হয়েছে। উত্তম ঘটৌদন, তিলৌদন, দধি, মিষ্টান্ন। ঘৃত, নবনীত, গুড়, সুবহৎ সুমিষ্ট কদলী।

মিগার-পত্নী এসে আয়োজন দেখে প্রশংসা করলেন। বললেন— এই দশবলকে দেখতে আমি বড় উৎসুক রয়েছি বিশাখা ! ইনি মহারাজ প্রসেনজিৎকে পর্যন্ত বশ করেছেন।

মধ্যাহ্ন সমাগত। পুরনারীরা সবাই সমবেত। বিশাখা মিগার সেটটিকে কোথাও দেখতে পাচ্ছে না। অবশেষে তার একজন দাস এসে জানাল, মিগারকে তাঁর গৃহের পেছন দিককার কাননে নিগণ্ঠ শ্রমণদের সঙ্গে আলাপ করতে দেখা গেছে। নিগণ্ঠরা নাকি দলে দলে এসে মিগারকে তাঁর কর্মকন্ড থেকে এক প্রকার তুলে নিয়ে গেছেন। দাসটি এসে বলল— প্রভু বললেন, বধূই নিমিঞ্জণ করে এনেছে। বধূর গৃহেই ভোজনের আয়োজন হয়েছে, বধূই ভিক্ষুদের আপ্যায়ন করুক। তিনি কাজে ব্যস্ত আছেন।

এমন সময়ে ময়ূরী এসে সংবাদ দিল দেখো, দেখো, সমনেরা আসছেন। ধনপালী ও কথা তাড়াতাড়ি শীর্ষে ফুঁ দিল। বিশাখা তার গৃহের উন্মুক্ত সুসজ্জিত দ্বারদেখের সামনে বন্ধাঞ্জলি হয়ে দাঁড়াল।

খর রোদে কাষায় চীবরগুলির ওপর যেন আগুন লেগেছে। চোখ ঝলসে যাচ্ছে। শীতসকালের আকাশপটে ছড়িয়ে থাকা ময়ূখসমূহই কি সংহত হয়ে শ্রাবস্তীর পথে নামল নাকি ? পার হয়ে আসছে মিগার-গৃহের দ্বার, কানন, বিশাখার পরিমার্জিত, সজ্জিত প্রাঙ্গণে ঢুকবে বলে ? নাকি এগুলি সেই হব্যবাহন অগ্নির শিখা সমুদয়, যে অগ্নির সেবা করতে বিশাখা অস্বীকৃত হয়েছিল ? বিশাখা অদ্ভুত এক সম্মোহে, দৃষ্টিবিভ্রমে দেখে আগুনের শিখাগুলি কাঁপছে—লেলিহান নয়, তাই ভয় জাগায় না, কিন্তু ২২৬

ছলছে। দীপ্তি ছড়িয়ে যাচ্ছে চারদিকে, ওই এবার কাননে প্রবেশ করলো। ছলছে, অথচ দাহ নেই তো! চোখ ঝলসে দিল দীপ্তিতে, দাহে নয়। কানন পার হয়ে যখন তার প্রাঙ্গণে প্রবেশ করলো তখন সে সবিস্ময়ে উপলব্ধি করল, এ আগুন, শীতল আগুন। তার চিস্তের সূক্ষ্মাতিসূক্ষ্ম কোণগুলিতে প্রতিষ্ট হচ্ছে এ আগুনের শীতল ভাস্বর শান্তি। গুনগুন করে কোনও সূক্ষ্ম বলতে বলতে সারিবদ্ধভাবে আসছেন ওঁরা। প্রত্যেকের দেহদণ্ড কাষায় চাঁবরে সম্পূর্ণভাবে আচ্ছাদিত, পরিষ্কার মুণ্ডিত মস্তকগুলি দেহদণ্ডের ওপর দীপের মতো শোভা পাচ্ছে, চলার কী অনুপম ছন্দ। যেন কোনও অদৃশ্য মৃদঙ্গের তালে তাল মিলিয়ে ওঁরা আসছেন। আরও নিকটবর্তী হলে সে সেই মৃদঙ্গের ধ্বনিগুলি, বাগীগুলি শুনতে পেল

অনেক জাতি সংসারং সঙ্ঘ্যাবিসং অনিবিসং  
 গহকারকং গবেসন্তো দুক্খা জাতি পুনম্বুনং।  
 গহকারক দিট্ঠোসি পুনগেহং ন কাহম্বি  
 সব্বা তে ফাসুকা ভগ্গা গহকুটং বিসংখিতং।  
 বিসংখারগতং চিস্তং তনহানং খয়মজ্জবগা।

গহকারককে তোমার দেখেছ হে সমনগণ! এ কথা সত্য? অনেক জন্ম ঘুরে ঘুরে সন্ধান করেছে! ব্যর্থ হয়েছে, তবু ছাড়োনি? এই দেহগৃহের রচক! কে সে? সংস্কার, ভৃষ্ণা সব খসে পড়ে গেছে? গহকুট ভেঙে তবেই বিপুল শান্তি? আশ্চর্য! কী আশ্চর্য কথা বলছে? আমি যে এই গহকুটকেই ভালোবেসেছি, কষ্ট পাচ্ছি, একেই যে পরম বলে মনে করেছিলাম।

ধনপালী সোনার ভূঙ্গার এগিয়ে দেয়—ভন্দা! ভন্দা! কী করছে! আত্মবিস্মৃত হলে যে! সমনদের অভ্যর্থনা করে!

এক আঘাতে দেহগৃহে ফিরে আসে বিশাখা, ধূলিলিপ্ত চরণগুলিতে জল ঢালে, জল ঢালে, জল ঢালে।

সখি, সখি—কে উচ্চারণ করছেন? কে?

প্রত্যেকেই। প্রত্যেকেই তো! অথচ যেন মনে হচ্ছে একজন।

স্বস্তি উচ্চারণ করে ভিজ়ে পায়ের চিহ্ন ফেলে ঢুকছেন, মিগার-পত্নী মার্জনী বস্ত্র নিয়ে এগিয়ে আসছেন। প্রত্যেকের জন্য ভিন্ন ভিন্ন। কিন্তু এই সেবা নিচ্ছেন না সমনরা! স্মিত মুখে মার্জনী-বস্ত্র হাতে নিয়ে চরণ মুছে নিচ্ছেন...সখি, সখি।

—সবের সত্তা সুখিত্তা হোন্তু...

রৌদ্র-ভরা, মোহদীপ্ত চোখ দুটি এতক্ষণে তোলে বিশাখা। তার সামনে দাঁড়িয়ে পঙ্কজের সর্বশেষ শ্রমণ। রূপলোকের দেবতার। যেখানে থাকেন সেখানে কি একটি পলাশবৃক্ষ আছে? মহা মহীরুহ? সেই পলাশই তবে আজ ফুটেছে এখানে। দেবকাননের দিব্য পলাশ। কী মহান! কী স্নিগ্ধ। কী অপার করুণাময় চোখ দুটি! সমস্ত হৃদয় জলের মতো তরল হয়ে টলটল করে তারপর শ্রোত হয়ে ধুয়ে দিতে চায় ওই চরণ দুটি।

প্রবেশ করছেন উনি শ্লোকের শেষে পূর্ণচ্ছেদের মতো। বৃষ্টি অনন্তযৌবন। দুর্ভাগ্য, কিন্তু অসামান্য কোমল। সাত বছর বয়সে ওঁকে দেখেছিল। সেই স্মৃতি ছিল একটি অস্পষ্ট চিত্রের মতো। তাকে আজ পরিমার্জনা করে, উজ্জ্বল করে তার ভাগ্য তার সামনে দাঁড় করিয়ে দিল। কে বলে পুরুষ রুক্ষ, কর্কশ, অমার্জিত! এই তো পুরুষ। এই পুরুষের জন্যই কতকালের প্রতীক্ষা তোমার নারী! বলিষ্ঠ অথচ রুক্ষ নয়, দৃষ্টিতে মহাপ্রেম মহাক্ষেম। কই গিরংসা তো নেই! কী লাভ্য অথচ কী দার্য! সঙ্গীরা বলেছিল না সিদ্ধার্থই সেই পুরুষ যিনি...

বিশাখা নিজেকে সবলে ভেতর থেকে আঘাত করে। এ কী চিন্তনিকার! তার হাত পা কাঁপছে কেন? অঙ্গে রোমহর্ষ। বিন্দু বিন্দু স্বেদজল কপালে। সে যেন স্নেহের ঘোরে। এবং কোথা থেকে কেউ ডাকছে 'ভন্দা, ভন্দা, শীঘ্র এসো, আপ্যায়ন করো, ভগবান তথাগত ও সমনদের ভোজনে আপ্যায়ন করো।' বনকপোতের ডাকের মতো দূরগত উন্নয়ন আহ্বান।

কুমারী বিশাখা এগিয়ে যাচ্ছে। এখনও সে কুমারীই। দস্তা কিন্তু গৃহীতা নয়। সে পথ দেখতে

পাচ্ছে না। আবিষ্কারের মতো এগিয়ে যাচ্ছে।—কহা আর ময়ূরী দু পাশ থেকে তার সঙ্গে সঙ্গে চলেছে। তারা খুব সম্ভব বুঝতে পেরেছে তার বিদুল অবস্থা।

শ্রমণ দলের পুরোভাগে বুদ্ধ তথাগত। ঔর হাতে জ্বল টেলে দিতে হবে। তখন উনি এই ভোজন-আপ্যায়ন গ্রহণ করতে সম্মতি দেবেন। দান গ্রহণের এই-ই নিয়ম। হতবুদ্ধির মতো বিশাখা তথাগতের দিকে চায়, হাতে জ্বল দেয়। উনি স্মিত মুখে গ্রহণ করেন। এ কি রহস্য হে শঙ্কদেব। সারির প্রথমের তথাগত। শেষের তথাগত? ইনি বলিষ্ঠ এক প্রাজ্ঞ পুরুষ, সিংহকটি। জ্বল জ্বল করছে দেহত্বক। মুণ্ডিত শিরের মধ্যভাগ অল্প উচু। ওরা বলেছিল, ঔর মাথায় সহজাত উষ্ণীয় আছে। প্রশান্ত গম্ভীর মুখমণ্ডল, যেন জ্যোতি বেরোচ্ছে এমন চম্পক গৌরব। দুই ভূর মাঝখানে দুর্বাঘাসের মতো এক গুচ্ছ রোম। যেন তৃতীয় নয়নের অধিষ্ঠান বোঝাচ্ছে। যে নয়ন দিয়ে তিনি লোকাভীতকে প্রত্যক্ষ করেন, প্রত্যক্ষ করেন লক্ষ বছরের-ইতিহাস, এবং আগামী সময়। প্রণত হল বিশাখা। পুরোভাগে যদি তথাগত তবে পঙ্ক্তির শেষে উনি কে? কাকে সে সিদ্ধার্ধ ভেবেছিল? ইনি যদি দিব্য আগুন, উনি তবে দিব্য পলাশ। ইনি যদি পশুরাজ উনি তবে মৃগযুথপতি! বিশাখা মুখ নত করে রইল।

শ্রমণেরা ধীরে ধীরে বসছেন। বিশাখার গৃহ আলোময় হয়ে উঠছে। তথাগত শ্রমণদের পরিচয় দিচ্ছেন। মুখে প্রসন্ন মৃদু হাসি। বিসাখা— ইনি সারিপুত্র। একে ধম্মসেনাপতি বলা হয়। মহাপণ্ডিত। আর ইনি হলেন মোগগল্লান—মহাইন্দিমান। এঁরা তথাগতের অগ্গসাবক। এঁরা দুজনেই ধম্মের সবচেয়ে কুশলী প্রবক্তা। যদি তোমার বা পুর-ইন্দিদের কারও কিছু জিজ্ঞাস্য থাকে, তথাগতকে প্রশ্ন করবে না বটে, এঁদের দুজনকে প্রশ্ন করবে।

বয়স দুই অগ্রশ্রাবক এবং অন্যরাও স্মিতমুখ। কৌতুকে উজ্জ্বল মুখ পুরনারীদের। তথাগত তাহলে অন্য সমনদের মতো গুরুগম্ভীর নন! লঘু আনন্দের হিল্লোল মৃদু স্বস্তিকর দখিন! বাতাসের মতো ছুঁয়ে যায় বিশাখার ভোজনশালা।

—ইনি তিস্‌স—বিশাখা চমকে ওঠে— লোকে একে স্থূলতিস্‌স বলে, অন্য সমনরা তাতে বাধা দিতে পারেন না। যা সচ্ছ তাকে তো মানতেই হবে। বলা? ইনি ভোজনপটু। তোমার আয়োজনের সন্থবহার করবেন। স্থূলতিস্‌স হাসছেন। কিন্তু তাঁকে ঠিক লোভী বলে মনে হচ্ছে না।

এবার নারীদের মধ্যে হিল্লোল আর একটু স্পষ্ট হয়। যদিও সবাই কায়সংঘের কথা শ্রুণে রাখা।

—ইনি কৌণ্ডিন্য। মৃগদায়ে তথাগতকে প্রথম আসন দিয়েছিলেন। না দিলে তথাগত আজও মৃগদায়ে দাঁড়িয়ে আছেন।

ইনি অর্হৎ যশ— অতি অল্প সময়ের মধ্যে অর্হৎ প্রাপ্ত হয়েছেন। সত্যই যশস্বী।

ইনি উপালি —সঙ্ঘের শ্রেষ্ঠ বিনয়ধর হয়ে উঠছেন ক্রমশই।

ইনি ভিক্ষু অনঘ আর ইনি ভিক্ষু সুভদ্র —এঁরা সংঘের প্রথম গাঙ্কার দেশীয় ভিক্ষু। এঁরা তথাগতের উদীচ্য-জয়ের স্মারক বলতে পারো বিসাখা।

আর ইনি। একে দেখা বটে। ইনি আনন্দ। নিজেকে সবার শেছনে রাখতে ভালোমাসেন। যদিও আদৌ পশ্চাৎপদ নন। বরং অসামান্য সুকৃতির অধিকারী। ভিক্ষুসংঘের এঁর ইচ্ছাতেই স্থাপিত হয়েছে। নারীদের দুঃখ ইনি সবচেয়ে ভালো বোঝেন।

জ্যোতির্ময় শাক্যসিংহ আশ্রবৃক্ষের তলায় সুরচিত মৃৎবেদীর ওপর থেকে মধুর গম্ভীরস্বরে কী উপদেশ দিলেন, বিশাখা তা জানল না। শুধু ধ্বনি শুনল। অপর কোনও মৃদঙ্গের মতো। সে জানল না, শাক্যসিংহ লক্ষ করেছেন গহপতি উপস্থিত নেই। তাঁর হেঁস্টমাকে তাই তিনি সচেতনভাবে করেছেন আরও মর্মস্পর্শী। পার্থিব জীবনের সমস্ত দুঃখস্বপ্নকে তিনি দু হাতে ধরে ভালো করে ঝাঁকিয়ে এক একটি অয়োমুখ শায়কের মতো নিক্ষেপ করেছেন এবং তা নির্ভুল লক্ষ্যে আবরণীরা পেছনে বসা মিগার সেটটির হৃদয়ে বিঁধে যাচ্ছে। তথাগত যেন ব্যক্তিগতভাবে জানেন মিগারের সব অপমানের দুঃখ, প্রতিযোগিতায় হারের দুঃখ, প্রিয়সঙ্গগুলি না পাওয়ার দুঃখ, অপ্রিয় সঙ্গের দুঃখ,

ধনক্ষয় হওয়ার দুঃখ, বয়স বৃদ্ধির দুঃখ, জীবনের বাঁকে বাঁকে প্রতি মূহুর্তের নিরন্তর সংগ্রামের দুঃখ, মনোমত সন্তান না হওয়ার দুঃখ, জীবনের সব ক্ষেত্রে দ্বিতীয়, তৃতীয় কিংবা চতুর্থ হওয়ার দুঃখ। জন্মের সঙ্গে সঙ্গে দেহদ্বকের মতো জীবের গায়ে লেগে যায় এই সমস্ত দুঃখ। সন্ধ্যা দিটুঠি, সন্ধ্যা সংকল্পো, সন্ধ্যা বাচা, সন্ধ্যা কন্মস্তো, সন্ধ্যা আজীবো, সন্ধ্যা ব্যামামো, সন্ধ্যা সতি, সন্ধ্যা সমাধি— এই আটটি সম্যক পালন করলেই জীবচক্র থেকে মুক্তি পাবে। যেতে হবে না কৃষ্ণের কঠিন সাধনে, শুধু অপরিমিত বিলাস ও ভোগের স্রোতে গা ভাসিও না, সচেতন থাকো, দান করো হে কৃপণ, ধন কুক্ষিগত করে রেখো না। দানই সেই সহায়ক যা তোমাকে নির্বাণলোকে নিয়ে যাবে।

বিশাখা দেখল, তার রক্ষকমূর্তি, কটুভাবী স্বস্তর অসহিষ্ণু মিগার সেটুটি বুদ্ধকে ভুলুঠিত হয়ে প্রণাম করছেন। ও কি, তিনি যে এবার তাকিয়ে আছেন তারই দিকে। চোখে শ্রদ্ধা বিস্ময়— বিসাখা বিসাখা সুহা আমার, বালিকা বলে তোমাকে উপেক্ষা করেছিলাম। কিন্তু তুমিই এতদিনে মিগারের সত্যিকার দাহশাস্তির কারণ হলে। মাতৃস্বনধারার মতো শাস্তিধারায় তুমি আমায় স্নান করালে মা। আজ থেকে তুমি মিগারের মাতা। ভুলে, আপনি কদিন নিত্য মিগারের ঘরে নিমন্ত্রণ গ্রহণ করুন।

তথাগত স্মিতমুখে মৌন হয়ে রয়েছে। হতাশ নির্ভ্রঙ্কের দল ক্রুদ্ধ মুখে কানন থেকে চলে যাচ্ছে। তারা সারাক্ষণ অন্তরাল থেকে দেখেছে এই ঐতয়ুদ্ধে কীভাবে নাতপুস্তকে পরাজিত করে সমন গোতম অনায়াসে জয়ী হলেন। মায়াবী। সত্য সত্যই ইঙ্গ্রজাল আয়ত্ত করেছে লোকটি।

উনি আসবেন? ওঁরা আসবেন। মিগারের গৃহে! বিশাখার গৃহে? বিশাখার আপন গৃহে? উনি? উনি আসবেন তো? ওই পরমানন্দ? কত কি বলার ছিল বিশাখার। হে শঙ্কদেব, ভাষা দাও, হে ইড়া, সরস্বতী, বাক হয়ে জিহ্বায় ভর করো। কিংবা এমন ভাষা দেবে কী? যা না বলেও বলতে পারে?

২৯

যোতীয়, কাকবলীয়, জটিল, পুণ্যক— এঁরা সবাই রাজগৃহে থাকেন। পঞ্চ মহাশ্রেষ্ঠীর মধ্যে একমাত্র মেগুকই বেছে নিয়েছেন ভদ্রিয়। তিনি ছাড়া আর চারজন আজ সমবেত হচ্ছেন রাজগৃহ—শ্রেষ্ঠী অহিপারকের গৃহে। অহিপারক অন্যদের চেয়ে ধনে নুন হলে হবে কি, তিনি মগধের রাজসভার স্বীকৃত শ্রেষ্ঠী। রাজা ও রাষ্ট্রীয় ব্যাপারের সঙ্গে তাঁর যোগাযোগ প্রত্যক্ষ এবং ঘনিষ্ঠ। তাঁর মর্যাদাই স্বতন্ত্র।

অহিপারকের বহিবাটিতেই, কিন্তু তাঁর নিজস্ব নিভৃত কক্ষে আজ মৃদু কিন্তু উৎকৃষ্ট সুরার ব্যবস্থা হয়েছে। শূকর-বৎসের তুলতুলে মাংসখণ্ড সব ভাজা হয়েছে। ভাজা হয়েছে রক্তালুক বা রাঙালুর খণ্ডও। তিল ও উস্তম গুড় দিয়ে মোদকও প্রস্তুত হয়েছে। শ্রেষ্ঠীরা এলে তাঁদের যথাবিধি অভ্যর্থনা করে খাদ্য ও সুরা দাসীরা দিয়ে যাবে। তার পর আর কেউ যেন ব্যাঘাত না করে, সেই মতোই ব্যবস্থা করেছেন অহিপারক। শ্রেষ্ঠী-জ্যেষ্ঠক হলেন যোতীয়। ইনি রাজগৃহের শ্রেষ্ঠীদের মুখপাত্র তো বটেই, সারা মগধে বিভিন্ন স্থানে যত ছোট বড় বণিক আছে, তারা নিজেদের সঙ্গী অথবা গ্রামে ক্ষুদ্রতর বণিক সঙ্ঘ করেছে। সেই বণিক সঙ্ঘগুলি আবার রাজগৃহের শ্রেষ্ঠী-জ্যেষ্ঠকের কাছে তাদের যা-কিছু অসুবিধা-আবেদন নিবেদন জানায়। মগধের চার শ্রেষ্ঠী এবং শ্রেষ্ঠী অহিপারক আজ এই জাতীয় কোনও বিষয় নিয়ে গুরুত্বপূর্ণ আলোচনায় বসবেন। আবেদনগুলি স্বভাবতই এসেছে যোতীয়র কাছে, তিনি জানিয়েছেন অন্যদের। তাঁর গৃহেই সভা বসে। কিন্তু অহিপারক কোনও বিশেষ কারণে নিজ গৃহেই আমন্ত্রণ জানিয়েছেন এঁদের।

সময়টা সন্ধ্যা। দীপদণ্ডগুলি জ্বললেও, বাতাসের অভাবে সান্ধ্য কুয়াশা সূক্ষ্ম লুতাতস্তর মতো নগরীর ওপরে বিস্তৃত রয়েছে। সন্ধ্যা আর একটু গাঢ় হলেই সরে যাবে। এখন নগরীর সব রন্ধনশালায় কাঠের আগুন জ্বালানো হয়েছে উনানগুলিতে। সেই ধোঁয়াও কুয়াশায় অংশ নিয়েছে।

শীতের জন্য লোক চলাচল ধীরে ধীরে অল্প হয়ে যাচ্ছে। বেরিয়েছে তিন শ্রেণীর মানুষ। দাস-দাসীরা, তাদের কোনও-না-কোনও কাজের কারণে; বণিক ও পণিকরা, তাদের নানাবিধ আপগ ছড়ানো রাজগৃহের হাটে, না বেরোলে তাদের চলে না। আর বেরিয়েছে সেইসব প্রমোদ-বিলাসীরা যাদের প্রমোদ-তৃষ্ণার আকর্ষণ দুবার। বেরিয়েছে সুরালুক্ক নাগরিক, সারা দিনের পর শৌণিকগৃহে না গেলে এদের অল্প জীর্ণ হয় না। গণিকাসম্মত নাগরেরাও বেরিয়েছে, কেউ একা, কেউ সদলে। নৃত্য গীত বাদন, গণিকার সঙ্গে রসলাপ— এ তাদের নিত্যকৃত্য। গৃহে প্রচুর সঞ্চিত ধন, গ্রামাঞ্চলের শস্যক্ষেত্র থেকে এসে যাচ্ছে। পরিশ্রম নেই, কায়ক্ৰেশ নেই। সারা দিন গৃহের বাইরের কক্ষে সেই সম্পদের গোনাগাঁথা করে। কিছু মল্লক্রীড়া বা নিত্যন্ত বালসুলভ শস্ত্র-শস্ত্র খেলা খেলে, সন্ধ্যা হতেই এরা বেরিয়ে পড়ে। এদের মিলিত হবার জন্য নির্দিষ্ট ব্যবস্থা হল গোষ্ঠী। গোষ্ঠীতে গোষ্ঠীতে রাজগৃহের ধনী, সচ্ছল, নানা বিষয়ে আগ্রহী পুরুষেরা মিলিত হয়ে বহুপ্রকার আলোচনায় কাল কাটায়। পাশা খেলা হয়, তবে পণ রেখে পাশা খেলার আরও ভালো ব্যবস্থা সুরাগৃহগুলিতে। সেখানে সুরা পরিবেশন করবার জন্য অধিকাংশ সুরাবণিকই নিয়োগ করে সুন্দরী দাসীদের। কখনও কখনও সুরাবণিকের নিজের কন্যা বা কন্যাস্থানীয়রাও আপ্যায়ন করে ক্রেতাদের। আর গণিকাদের গৃহে গেলে সর্ববিধ প্রমোদের সুপ্রচুর আয়োজন পাওয়া যায়। সুরা, চাঞ্চল্লা, নারী, নানান উচ্চশ্রেণীর বিদ্যা ও জ্ঞানের আদানপ্রদান।

রাজগৃহ যখন প্রথম গড়ে উঠেছিল তখন এ নগরের গণিকাসম্পদ বলবার মতো কিছু ছিল না। অতি তরুণ রাজা তখন রাজ্য বিস্তার, অর্থাৎ সংগ্রাম এবং নিজের রাজ্যে সর্বপ্রকার প্রজ্ঞার সুখবিধান করতেই ব্যস্ত ছিলেন। ধনসম্পদে ঋদ্ধ শ্রেষ্ঠীশক্তি সেই সময়ে রাজার পাশে দাঁড়িয়ে তাঁকে সর্বপ্রকার সাহায্য দেয়। সার্থবাহ অর্থাৎ বণিক দলের নেতারা বিভিন্ন জনপদে ঘুরে ঘুরে অমূল্য অভিজ্ঞতা সঞ্চয় করে আসতেন। কোন্ রাজ্যের কী বিশেষত্ব, কোথায় কোন্ কারণে বণিক সমাগম অধিক হয়, এসবের চতুর বিশ্লেষণ একমাত্র তাঁরাই করতে পারতেন। যোতীয়, জটিল এরা তাই-ই করেছিলেন— রাজগৃহে নদী না থাকায় তাঁরা পাটলি গ্রামটিকে বাণিজ্যদ্বার বলে ব্যবহার করতেন, এখনও করে থাকেন। এখানে গঙ্গা ও হিরণ্যবাহর সঙ্গম। পাটলি গ্রাম বারাণসীর মতো পট্টন না হলেও, অতিশয় সমৃদ্ধ একটি নিগম গ্রাম। এঁরাই রাজাকে পরামর্শ দেন বৈশালীর মতো রাজ্যের প্রথা প্রবর্তন করতে। এই নটীকে রাষ্ট্রের ব্যয়ে শিক্ষিত করা হবে। এর আকর্ষণে পাটলিতে পণ্য নামিয়ে চলে যাবে না বণিকরা। একটু পথ এগিয়ে রাজগৃহে আসবে। আর কে না জানে, বণিকদের চলাচলই যে-কোনও নগরীর, যে-কোনও রাজ্যের সমৃদ্ধির উৎস। শালবতী নামে এক সুন্দরীকে অতঃপর নিয়োগ করা হল। তাঁর মায়ের তত্ত্বাবধানে শালবতী হলেন নৃত্যগীত ও অন্যান্য গুণে অলঙ্কৃত এক অপরাধা-গণিকা। তাঁর জন্ম তাঁর মা দাবি করলেন এক রাত্রির জন্ম সহস্র কাষাণ। বৈশালীর গণিকা-শ্রেষ্ঠা আশ্রপালীর দক্ষিণা ছিল তার অর্ধেক। এই নিয়ে রাজগৃহ ও বৈশালীর মধ্যে তীব্র মনোমালিন্যের সৃষ্টি হয়। যাই হোক, এখন এই শালবতী বা সালাবতী ছাড়াও রাজগৃহে আরও তরুণী সুন্দরী গণিকাদের বসবাস হয়েছে। সকলে শালবতীর মতো উচ্চমূল্যের এবং রাজা ও রাজপুরুষ-ভোগ্যা নন। নানা শ্রেণীর পুরুষের মনোরঞ্জনের ব্যবস্থা রাজগৃহে প্রবর্তন করেছেন শ্রেষ্ঠীরা। বা বলা যায় তাঁদের প্রথম উদ্যোগের পর আপনা-আপনি এই ব্যবস্থা গড়ে উঠেছে। কেননা, নগরী, বিশেষত রাজধানীতেই তো যত ধনী, অবসরপ্রাপ্ত যুবাযুৱকদের ভিড়। শ্রৌচ ও বৃদ্ধরাও অবশ্য বাদ যান না। মগধের বিভিন্ন স্থান থেকে, সংলগ্ন রাজ্যগুলি থেকেও এই গণিকাদের আকর্ষণে আসে বহু লোক। বাণিজ্য-রমরম করতে থাকে। সর্বপ্রকার বাণিজ্য। আবসথাগার, আরাম, সুরাগৃহ, বহুবিধ বিলাসদ্রব্য, বসন, অলঙ্কার, ভৈবজ, ঋদ্যাদি। শ্রেষ্ঠীরা যথার্থই বলতে পারেন— এই নগরীর প্রতিষ্ঠার, স্থান নির্বাচনের, আরম্ভের গৌরব যদি মহারাজ বিধিসারের, নগর-পরিকল্পনার গৌরব যদি স্থপতি মহাগোবিন্দর, তবে এই সমৃদ্ধি এবং সমারোহের গৌরব নিঃসন্দেহে শ্রেষ্ঠীদের। তবে তাঁরা এসব কথা প্রকাশ্যে বলেন না। ভাবুক না রাজারা, ক্ষত্রিয়রা নিজেদের শ্রেষ্ঠ ভাবতে তো কোনও দোষ নেই! ব্রাহ্মণ-পণ্ডিত-পুরোহিত এঁরাও নিজেদের শ্রেষ্ঠ ভাবতে থাকুন। ক্ষত্রিয়রা বা সাধারণভাবে সব শত্রুধারী যোদ্ধাই, সে ক্ষত্রিয়ই হোক, ব্রাহ্মণই হোক, ২৩০

সংগ্রামে প্রাণ দিয়েও ভূমি-ধনসম্পদ রক্ষা করবে। তাদের আত্মপ্রাণের প্রসন্নতায় স্থিত রাখা ভালো। পণ্ডিত-পুরোহিত-আচার্যরাও বহু ক্রেশ করে ধরে রেখেছেন জাতির সঞ্চিত বিদ্যা। এরাও দেশের গৌরব। কিন্তু প্রকৃত শক্তির স্বাদ পাচ্ছেন এখন শ্রেষ্ঠীরা।

প্রধানত আজ এঁদের আলোচনার বিষয়বস্তু এই-ই। এই নবলব্ধ শক্তি কীভাবে আরও বাড়ানো যায়, কীভাবে এ শক্তির যথার্থ প্রয়োগ করা যায়— এ নিয়েই এঁরা চিন্তিত।

যোতীয় এঁদের মধ্যে সবচেয়ে বয়োজ্যেষ্ঠ। তাঁর কেশ তো শুভ্র বটেই, হৃৎকলিও পেকে গেছে। তার ওপর তিনি সিংহভূ। যোতীয়র গাত্রবর্ণ তামাটে। তিনি খেত বস্ত্র ছাড়া অন্য কিছু পয়েন না। কপালে তিন-চারটি স্পষ্ট বলিরেখা, হাসলে চোখ এবং ওষ্ঠাধরের পাশে কৃষ্ণন দেখা যায়। কিন্তু নাতিদীর্ঘ দেহটি বলিষ্ঠ, দেহদৃক এখনও লোল হয়নি। উর্গার আচ্ছাদনে তিনি ভালো করে উর্ধ্বাঙ্গ ঢেকেছেন, পায়ে কোমল মৃগচর্মের উপানং। হঠাৎ তাঁকে দেখলে সন্ত্রম হয়। কিন্তু খেত স্থূল ভূর তলায় তাঁর চোখ দুটি অতিশয় ধূর্ত এবং দর্পী। তিনি অতি স্থূল বা অতি কৃশ নন।

যোতীয় রথ থেকে নামতেই, অহিপারকের ভৃত্যরা তাঁকে সাহায্য করার জন্য সসন্ত্রমে এগিয়ে এলো। যোতীয় হাতের যষ্টিটি আঞ্চালন করে বললেন, 'সাহায্যের প্রয়োজন নেই, দূরে যাও'— তাঁর বলবার ভঙ্গি ঈষৎ রুক্ষ।

অহিপারকের মুখ্য লেখক বসু অদূরে দাঁড়িয়েছিলেন। তিনি চোখের ইস্তিতে ভৃত্যদের নিরস্ত করে শ্রেষ্ঠীকে পথ দেখিয়ে মন্ত্রণাগৃহে নিয়ে গেলেন।

প্রশস্ত মণিকুণ্ডিমের ওপর বসবার জন্য শয্যা বিছানো। তার ওপর ইতস্তত উপাধান। কতকগুলি ত্রিপদীও ইতস্তত ছড়ানো আছে। যোতীয় আসতেই অনারা সবাই উঠে দাঁড়িয়ে অভ্যর্থনা করলেন।

শ্রেষ্ঠী কাকবলীয় একটি খর্বকায় বলিষ্ঠ শ্রৌট। তাঁর পরনে ধূসর বর্ণের বসন। শ্মশ্রু গুফ দুটিতেই তামাটে ভাব। কিছু কিছু পক কেশও আছে। ইনি বিরলকেশ।

ইনি যদি বিরলকেশ হন তো জটিল একেবারেই কেশহীন। মাথায় একটি সুগোল ইস্ত্রলুপ্ত। সেটির অস্তিত্ব ইনি কিছুতেই ভুলতে পারেন না। সর্বদাই হাত বোলান। অল্প শ্মশ্রু ও গুফ পরিষ্কার ছাড়া। ইনি কিছুটা স্থূল এবং শিথিলকায়। গৌরবর্ণ শরীরটি যে ভোগীর, তা দেখলেই বোঝা যায়। এর পরনের বস্ত্রে গোরোচনার চিত্র করা। উত্তরীয়টি হরিদ্রা বর্ণে রঞ্জিত।

পুণ্যক মানুষটি অতিশয় দীর্ঘকায় এবং শীর্ণ। সুগৌর, প্রায় যুবক এই শ্রেষ্ঠী পিতার উত্তরাধিকারকে অতি অল্প বয়সেই শতশুণ বাড়িয়েছেন শোনা যায়। ইনিই শ্রেষ্ঠীদের মধ্যে সর্বকনিষ্ঠ। লোকে বলে, সম্পদগুলি ইনি স্বর্ণপিণ্ডে পরিবর্তিত করে ভিন্ন ভিন্ন গুপ্ত স্থানে পেটিকায় তাশ্রকলসে রেখে দেন। অতি ব্যয়ের ভয়ে ভালো করে খান না। পরিজনদের তো দেনই না। ব্যয়ের ভয়েই এঁর গৃহে একটি মাত্র পত্নী। এঁর পুত্ররা নাকি খেলার ছলে শ্রেষ্ঠীর উদ্যানে গুপ্তধনের কলসগুলি সন্ধান করে বেড়ায়। সখাদের কাছে বলে, একটি কলস বা পেটিকার সন্ধান পেলেই চম্পট দেবে। পিতৃগৃহের খাদ্য বা বলা যায় অখাদ্য তাদের নাকি আর সহ্য হচ্ছে না। একটি মাত্রই কন্যা, তার বিবাহ দিয়েছেন অহিপারকের এক পুত্রের সঙ্গে। এই কন্যা মাধবিকা। আজ সাত বছর স্বস্তর গৃহে এসেছে, পিতার গৃহে একেবারেই যেতে চায় না। বলে, 'পিতা কৃপণ, কন্যা জামাতা গেলে ব্যয়ের ভয়ে তাঁর বুক ফেটে যাবে। ভাইগুলি দুঃশীল, গেলেই বলবে— কয়েক কহাশন দিয়ে যাও জেটটা বড় প্রয়োজন আছে।' একমাত্র মাতাকে দেখতে এবং তাঁর জন্য উপহার নিয়ে যেতেই মাধবিকা পিতৃগৃহে মধ্যে মধ্যে যায়। তার নিয়ে যাওয়া কাসিক দুকূল দেখে শ্রেষ্ঠী পুণ্যক শিহরিত হন— কী করেছ কন্যা, এত ব্যয় করেছ? অহিপারক আমার চেয়ে অনেক ধনী তা জানি, তাই বলে তার ধন এভাবে ক্ষয় করতে তোমার বাধে না!

মাধবিকা মনে মনে হেসে বলে, 'এ ধন সেটটির নয়, পিতা, তাঁর শত্রুর।

—জামাতাকে এ ভাবে ধনহীন করে দিচ্ছে? তুমি তো দেখাছ পুণ্যকের অপবাদের কারণ হবে। মাধবিকা এবার বিরক্ত হয়ে বলে, 'অপবাদ হয় আমার হৃৎকলি। আপনার কী? আপনার জামাতা বারাগসী থেকে এই বস্ত্র মায়ের জন্য বিশেষ করে এনেছেন।'

এইবার পুণ্যকের মুখ দিয়ে সত্য কথা বেরোয়, 'এ প্রকার বস্ত্র দিতে থাকলে, তোমার মা তো



আমার কাছ থেকেও এরূপ দাবি করবেন, পুস্তকগুলিও প্রভাবিত হবে। এর পর পুস্তকগুলির বিবাহ দিতে হবে, তখন তাদের বধূরা..., তিনি আর বলতে পারেন না। তাঁর হৃৎকম্প হচ্ছে।

পুণ্যকের পত্নী অত্যন্ত অপমানিত বোধ করে সাক্ষ্য নয়নে কন্যাকে বলেন, 'সারা জীবনই তো রক্ষ বসন পরে কাটলো, মাধবী তুই এ বসন নিয়ে যা, আমার চাই না।'

মাধবিকা তখন বড় রাগ করে। সে পিতাকে বলে, 'আমি মাতাকে নিয়ে বারাগসী চলে যাবো, তখন আপনার গৃহে দাসীবৃত্তি কে করে, আমি দেখব।'

পুণ্যক গতিক ভালো নয় দেখে স্থানত্যাগ করেন।

শ্রেষ্ঠী অহিপারক ঐদের মধ্যে সবচেয়ে সুদর্শন। অধিক কথা বলেন না। যখন বলেন, একটি মর্যাদাবোধ তাঁকে ঘিরে থাকে। রাজসভায় তাঁর নিত্য যাতায়াত। মহারাজ, অন্যান্য রাজপুরুষ ও রাজকুমারদের সঙ্গে নিত্য ওঠাবসা। তাঁর মার্জিত আচরণ ও স্বভাবের জন্যই তিনি রাজশ্রেষ্ঠীর পদ পেয়েছেন, না রাজশ্রেষ্ঠী বলেই এমন পরিমার্জিত হয়ে উঠেছেন, বলা কঠিন।

অহিপারককে হঠাৎ দেখলে অক্ষত্রিয় মনে হয় না। যদিও ক্ষত্রিয়, ব্রাহ্মণ ও বৈশ্যের মধ্যে তেমন কোনও মৌলিক পার্থক্য নেই। তবে ক্ষত্রিয় পুরুষেরা ব্যায়াম ও অস্ত্রশিক্ষায় অনেক সময় ব্যয় করেন বলে তাঁদের আকৃতিতে একটি সুগঠিত সূঠাম পৌরুষের ব্যঞ্জনা থাকে। শ্রেষ্ঠী অহিপারক, মহারাজ বিহিন্সারের সমবয়সী হবেন। তিনি নিয়মিত শস্ত্রচর্চা করেন, ব্যায়াম করেন। তাঁর গৃহে একটি মল্লভূমি আছে। পুত্র পরিজনদেরও তিনি বলশালী, শাস্ত্রনিপুণ ও সুদেহী হতে উৎসাহ দিয়ে থাকেন। যদিও তাঁর দ্বিতীয় পুত্র মাধবিকার স্বামী উদয় কিছুটা কৃশকায়।

অহিপারক সসম্মানে অভ্যর্থনা করলেন জ্যেষ্ঠ যোতীয়কে।

—আসুন আসুন সেটটি। আপনার জন্যই আমরা সাগ্রহে প্রতীক্ষা করছি। সংবাদ সব ভালো তো ?

সতর্ক চোখে চারিদিকে তাকিয়ে যোতীয় বললেন, 'ভালো মনে করলেই ভালো। কী বলো কাকবলীয় ?'

অহিপারকের ইঙ্গিতে বসু চলে গেল। অহিপারক দ্বারটি বন্ধ করতে করতে মুখ বাড়িয়ে বসুকে যথাসময়ে সুরা ও খাদ্য পরিবেশন করার কথা মনে করিয়ে দিলেন।

যোতীয় বললেন, 'আজ এত সাবধানতা ? অহিপারক, আজ কি আমরা পুণ্যকের সুবলকলসগুলির সংখ্যা জানতে পারছি, না কি ?'

অহিপারকের মুখে মৃদু হাসি খেলে গেল। কাকবলীয় বললেন, 'পুণ্যকের স্বর্ণকলস ? কী যে বলেন, সেটটি জেটঠক। পুণ্যকের ঘরে কয়েকটি মাটির কলস ভিন্ন আর কিছুই নেই। তার ভিতরে আবার ভস্ম ভরা।'

সকলের পরিমিত হাসির মধ্যে পুণ্যকের ক্ষীণ প্রতিবাদ শোনা গেল, 'ধনীরা সর্বদাই অল্পখন সেটটিকে নিয়ে যথেষ্ট কৌতুক করে থাকেন, কী আর বলবো। এ অপমান আমার সহ্যই হয়ে গেছে।'

যোতীয় নিজেকে সংবরণ করে নিলেন। ভালোভাবে বসে, মেরুদণ্ড সোজা করে, তিনি তাঁর দিকে এগিয়ে দেওয়া উপাধানটি জটিলের দিকে সরিয়ে দিলেন। বললেন, 'যোতীয় ভ্রাতৃমাদের চেয়ে বয়সে বড় হতে পারে বিলাসের অভ্যাসে বড় নয়। দৈহিক ক্ষমতায়ও ছোট নয়।'

অহিপারক বললেন, 'মহা সেটটি। গোট্টীগুলির সংবাদ কী ?'

'সেটাই তো কথা', যোতীয় গলার স্বর মৃদু করে বললেন, 'গোট্টীগুলি বলছে, মগধের মধ্যে বাগিজ্যের কোনও অসুবিধে নেই। কিন্তু কোসলে বড় পথদস্যু জলদস্যু। কোসল ও লিঙ্ঘবি রাজ্যে যথেষ্ট শুষ্ক দাবি করে রাজপুরুষেরা। কোসল ছাড়িয়ে বংস রাজ্যে অধস্তী, কুরু-পাঞ্চালে গেলে তো কথাই নেই। শুষ্ক দিতে দিতে সার্থবাহরা উত্ত্যক্ত হয়ে যাচ্ছে, এবং মুদ্রার কোনও মান না থাকায় তারা বিনিময়ে বাধ্য হচ্ছে। অনেক সময়েই তাদের মনে হচ্ছে, তারা প্রবঞ্চিত হচ্ছে, ক্রেতারাও বহু ক্ষেত্রে তাদের প্রবঞ্চক বলছে। একটি জটিল অবস্থার সৃষ্টি হয়েছে। তারা এর সমাধান চায়। স্বভাবত এবং ন্যায়ত আমাদেরই কাছ থেকে।'

কাকবলীয় বললেন, 'এরা তো তবু মগধের মধ্যে নিরাপদ । আমাদের তরুণ বয়সের কথা মনে করুন ভদ্র । কীভাবে, কত বিপদ, বন্য জন্তু, বন্য মানুষ, নরখাদক, দস্যু, চোর, ভিন্ন ভিন্ন দেশের চোর, রাজপুরুষ এদের সঙ্গে অবিরাম যুদ্ধ করে করে, তবে আজ ধনশালী হয়েছি । সংগ্রাম সবাই করে । ক্ষত্রিয় যোদ্ধা একভাবে, আমরা বণিকরা আরেকভাবে ।'

জটিল বললেন, 'নিশ্চয় । আমরা যখন সার্থবাহ ছিলাম, সঙ্গে বীরপুরুষ স্থলনিয়ামক নিয়েছি, আরও যোদ্ধা নিয়েছি । কিন্তু শুষ্ক ও রাজপুরুষদের অন্যান্য লোভ তো আর নিবারণ করতে পারিনি । এরা আমাদের কাছ থেকে কী আশা করে ?'

পুণ্যক করুণ মুখে বললেন, 'এইসব কারণেই তো আমি আর বৈদেশিক বাণিজ্যে ধন নিয়োগ করি না । কুসীদিন বলে অপমান করে লোকে, কিন্তু শুষ্ক দিয়ে দিয়ে আর চোর দস্যুর হাতে নিজের ধন তুলে দিয়ে নিঃশব্দ হবার কোনও সাধ নেই আমার ।'

অহিপারক ধৈর্য ধরে সবার কথা শুনছিলেন । এবার ধীরে ধীরে বললেন, 'মহাসেট্টি যোতী, জেট্টি জটিল, ভদ্র কাকবলীয়, ভাই পুম্বক— আমরা কি ভাবিনি মগধ রাজ্য আরও বিস্তৃত হবে ? মহারাজ বিহিসার যখন অঙ্গদেশ জয় করলেন তখন আমাদের ধনক্ষয় অল্প হয়নি । পরাজয়ের বিভীষিকাও যে সামনে ছিল না তা নয়, কিন্তু আমরা মহারাজের রাজ্য বিস্তারে উৎসাহিত হয়েছিলাম । হইনি কি ?'

যোতীয় কুটিল চোখে চেয়ে বললেন, 'অবশ্যই । আমরা ভেবেছিলাম, আজ অঙ্গ-মগধ এক রাজ্য হল । এর পর অঙ্গ-মগধ-কোসল-বেসালী এক রাজ্য হবে । এই বিশাল রাজ্যের অধীশ্বর হওয়া মহারাজ বিহিসারের পক্ষে এমন কিছু কঠিন নয় । কিন্তু হল না । কোসল, বেসালী উভয়ের সঙ্গেই মৈত্রী স্থাপন করলেন তিনি । এ কি তোমাদের অভিপ্রেত ছিল ?'

জটিল বললেন, 'মৈত্রীই তো ভালো মহাসেট্টি । যুদ্ধ হলেই সব কিছু অস্থির হয়ে যায় । জীবনটা তো ভোগের জন্যই । তা দীর্ঘদিন যুদ্ধবিগ্রহ চললে কি আর নিশ্চিন্তে আনন্দ করা যায় ?'

পুম্বক বললেন, 'ঠিক । একেবারে ঠিক । দ্রব্যমূল্য বৃদ্ধি পাবে । বৃহৎ সংসার সব । আয়-ব্যয়ে সমতা রাখা অসম্ভব হয়ে পড়বে ।'

যোতীয় বললেন, 'মহারাজ বিহিসার যখন অঙ্গদেশের বিরুদ্ধে যুদ্ধ ঘোষণা করলেন তখন তোমার কত বয়স পুম্বক ? তখন তোমার পিতা মহাসেট্টি অনঙ্গ তোমাকে বাণিজ্যযাত্রায় উত্তরে পাঠিয়েছিলেন । সে সময়ে তুমি অনেক উপার্জন করেছ । বলি তোমার কোনও বাধা-বিপত্তি হয়েছে ? তোমার পিতার বৃহৎ সংসার চালিয়েও এত সঞ্চয় হয়েছিল যে তুমি মাত্র কয়েক বছর বাণিজ্যযাত্রা করেই বসে গেলে । তখন মগধ এত সংহত ছিল না । খুন্দ খুন্দ রাজ্যপাট । এখন মগধের শঙ্খলা শাসন ব্যবস্থা ক্রটিহীন । রাজগহের ভেতরে তোমার কিসের অসুবিধা ? এসব অর্থহীন শঙ্কাকে প্রশ্রয় দিও না । অহিপারক, মহারাজ বীরপুরুষ, কুটবুদ্ধিও ধরেন । লিচ্ছবি দেশে তাঁর সম্পর্ক ছোটক রাজার সঙ্গে, অন্য গণরাজ্যগুলি তো আর তাঁর স্বস্তর নয় । গঙ্গার উত্তরে রাজ্য বাড়াতে তাঁকে কে বাধা দিচ্ছে ? ওদিকে রয়েছে সাক্ষরা, মল্লরা, এগুলি তো পুরোপুরিই প্রায় কৃষিকার্য নিয়ে থাকে । এগুলিকে নিজ রাজ্যভুক্ত করতে বাধা কি ?'

অহিপারক তাড়াতাড়ি বলে উঠলেন, 'সাক্ষদের আক্রমণ করার তো প্রহ্নই উঠছে না । ভগবান বুদ্ধ সাক্ষজাতীয় না ? ওঁদের বিরুদ্ধে মহারাজ কখনই অস্ত্র তুলবেন না ।'

'এই এক মহাসমস্যা হয়েছে', যোতীয় বলে উঠলেন, 'রাজা যুদ্ধ করবে, জীচার্য শিক্ষা দেবে, সেট্টি ধন উপার্জন করবে, কস্কক শস্য ফলাবে, নারী পুত্রোৎপাদন করবে, দাস সেবা করবে— সমাজ এভাবেই গঠিত হয়েছে, এভাবেই স্থিতি পেয়েছে, এই নিয়মশৃঙ্খলা অনুসরণ করেই উত্তরোত্তর শ্রীবৃদ্ধি হচ্ছে সমাজের । এই নিয়মকে হঠাৎ লুপ্তভণ্ড করে দেবার কি প্রয়োজন পড়ল ? করুক না রাজা তপস্যা । সন্ধান করুক অতীন্দ্রিয় আনন্দ, তার একটা সমাধান আছে । মহারাজ যদি রক্তপাতে বিতুষ্টা বোধ করেন, বিবাদে অসুখী হন তো...'

'তো কী ?' অহিপারক জিজ্ঞেস করলেন ।

তাঁর দিকে চোখ কঁচকে তাকিয়ে শ্রেষ্ঠী যোতীয় বললেন, 'অহিপারক, তুমি তো শুধু শুধু

নগরসেটটি হওনি বাপা। বয়োজ্যেষ্ঠ অভিজ্ঞ মানুষ বলে অনেক কথা, অনেক মত অনেক সংশয়ের কথা বলে ফেলি। বলবার অধিকার আছে বলেও মনে করি। পদাধিকার। মগধের যতক বনিকসেটটি তাদের সুখ-দুঃখের অভাব-অভিযোগের কথাগুলি আমাকেই শোনায়, আমার থেকেই তাদের প্রতিকার আশা করে কি না !

অহিপারক হেসে বললেন, 'সত্য কথা। অবশ্যই বলবেন।'

—কিন্তু তুমি তো আর শুধু শুধু নগরসেটটি হও নাই।

—ও। আপনি বলছেন আমি এ সব কথা রাজার কর্ণগোচর করব ?

—আমি কিছুই বলছি না। বলছ তুমি।

—শুনুন মহাসেটটি রাজবাড়ির সঙ্গে ঘনিষ্ঠ বলে আমি যেমন এ সমস্যার একদিক জানি, আপনিও আপনার পদাধিকারবলে সেই সমস্যার অন্য দিক জানেন। আলোচনা প্রয়োজন বলেই আপনাদের সাদরে ডেকে পাঠিয়েছি। আমাদের সেটটিদের স্বার্থ এক। সেই সেটটি সংঘ ভেদ করবার উদ্দেশ্য থাকলে...'

কাকবলীয় তাঁর গুণ্ধের কেশগুলি টানতে টানতে বললেন, 'আহা হা হা, এ তো স্বাভাবিক সতর্কতা ভদ্র অহিপারক। মহাসেটটি আপনিই বা এত সন্দেহাকুল হচ্ছেন কেন ?'

এই সময়ে দ্বারে মৃদু করাঘাত হল।

অহিপারক শ্রেষ্ঠীদের সবার দিকে একবার করে তাকিয়ে অবশেষে যোতীয়র ওপর তাঁর দৃষ্টি স্থির করলেন, বললেন, 'আমার আজকের আর এক অতিথিকে এই সভায় উপস্থিত করবার অনুমতি প্রার্থনা করছি মহাসেটটি।'

যোতীয় একটু ক্ষুব্ধ হয়েই যেন বলে উঠলেন, 'গৃহ তোমার, আয়ুস্থান অহিপারক, তুমি যে-কোনও অতিথিকে যে-কোনও সভায় উপস্থিত করতে পারো। অনুমতির প্রয়োজন হবে কেন ? তবে আমাদের সভার কাজ আর হবে না।'

অহিপারক বললেন, 'ক্ষুব্ধ হবেন না মহাসেটটি। এই অতিথির কথা শুনলেই স্থির করতে পারবেন সভার কাজ এগোবে না স্থগিত থাকবে।'

তিনি দ্বার খুললেন। যিনি ঢুকলেন তাঁকে দেখে উপস্থিত সবাই চমকে উঠলেন। পুরুষটি অহিপারকের কাছাকাছি বয়সের হবেন। তাম্রাভ গৌরবর্ণ। মুখশ্রীর মধ্যে কোনও বৈশিষ্ট্য নেই যাতে তাঁর সম্পর্কে কারও কোনও ধারণা হতে পারে। নাসা, চক্ষু, ওষ্ঠাধর সবই অতিশয় সাধারণ। রাজগৃহের পাথে ঘুরলে এই ধরনের আকৃতি অনেক দেখা যেতে পারে। মাথায় ঐর যথেষ্ট কৃষ্ণ কেশ, কাঁধ পর্যন্ত নেমে এসেছে। একটি অত্যন্ত সাধারণ বস্ত্র ও উত্তরীয় পরনে। তিনি এসেই কটি থেকে সমস্ত শরীর সামনে নত করে সবাইকে নমস্কার করলেন। তারপর গৃহস্থামীর অনুমতি নিয়ে বসলেন।

অহিপারক বললেন, 'রাজসচিব বসসকালের সঙ্গে সবার পরিচয় করিয়ে দিই।'

পুণ্যক হঠাৎ বলে উঠলেন, 'সেটটি আমি কি একটু ভেতরে যেতে পারি ? প্রয়োজন পড়েছে।' পুণ্যক অবশ্য অহিপারকের অনুমতির অপেক্ষা করলেন না, বসসকারের পেছন দিয়ে দ্বারপাথে দ্রুত অদৃশ্য হয়ে গেলেন।

জটিল তাঁর সুগোল ইন্দ্রলুপ্তের ওপর থেকে হাতটা নামিয়ে নিয়ে তাড়াতাড়ি বললেন, 'আমাদের আর নতুন করে পরিচয় করাবার প্রয়োজন কী ? ওঁকে আমরা সবাই চিনি।'

দ্বারে আবার শব্দ হল। অহিপারক উঠে দ্বার খুললেন। সবাই অস্বীকৃত হলেন পুণ্যক। কিন্তু পুণ্যক নয়। দাসীরা সুদৃশ্য ভূঙ্গার বয়ে আনছে দেখা গেল। তক্ষিণ্ড দক্ষফলকের ওপর খাদ্যসম্ভার নিয়ে প্রবেশ করছে দাসেরা। সব কিছু রাখা হলে, অহিপারকের উপস্থিতিতে দাস-দাসীরা চলে গেল। অহিপারক বসুকে নিম্নকণ্ঠে জিজ্ঞেস করলেন, 'পুণ্যকভদ্র কোথায় গেলেন ?'

বসু ঈষৎ হেসে বলল, 'তিনি একেবারে অন্তঃপুরের দিকে চলে গেলেন, আমায় বলে গেলেন বৈবাহিক যেন আমাকে আর সভায় না ডাকেন, আমার অসুখ বোধ হচ্ছে।'

অহিপারক ঘরে ঢুকে বললেন, 'আপনারা আলাপ করুন। আমি একটু আসছি। বসু তুমি ২৩৪

খঞ্জনশুলি পরিবেশন করে যাও ।’

প্রথমে তাঁর এ পরিকল্পনা ছিল না । বসু যদিও তাঁর নিজের অত্যন্ত বিশ্বাসভাজন । কিন্তু মহাসেট্টি যোতীয়র সদা-সন্ধিচ্ছ চরিত্রের সঙ্গে তাঁর যথেষ্ট পরিচয় আছে । অন্যেরাও গোপনতা চাইবেন । তাই তিনি বসুকে যথাসাধ্য দূরে রাখতেই চেয়েছিলেন । কিন্তু এখন তাঁর সাময়িক অনুপস্থিতিতে আপ্যায়নের ভার গৃহস্থামীর পক্ষ থেকে কাউকে তো নিতেই হয় ।

পুণ্যকের সন্ধানে অস্তঃপুরের ভেতরে অবশ্য তাঁকে যেতে হল না । দুই পুরের মধ্যবর্তী কাননে আব্রক্ষের তলায় পাষণবেদীতেই পুণ্যকের সঙ্গে তাঁর দেখা হয়ে গেল ।

পুণ্যক শ্রেষ্ঠী বেদীর ওপর বসে একটি চরণ দোলাতে দোলাতে উর্ধ্বমুখ হয়ে গাছের মধ্যে কী নিরীক্ষণ করছিলেন তিনিই জানেন । অহিপারক ব্যস্ত হয়ে সেখানে এসে বললেন, ‘কী হল পুণ্যকভদ্র সবাই আপনার জন্য অপেক্ষা করে আছেন যে ।’

পুণ্যক গভীরভাবে বললেন, ‘বিরক্ত করবেন না সেট্টি, অত্যন্ত গুরুত্বপূর্ণ কাজ করছি এখন ।’

—কী কাজ ? কী এমন গুরুত্ব তার যে সভা উপেক্ষা করছেন ।

অহিপারক শুধু বিস্মিতই নন, বিরক্তও বটে । তাঁর এই কুটুন্সটি তাঁকে মাঝে মাঝে এমন বিপদে ফেলেন ! তাঁর মর্যাদা রক্ষা হয় না ।

—আপনার এই অস্ববৃষ্টির পাতা গুনছি । এই কাজ— পুণ্যক একইভাবে বললেন ।

—তার অর্থ ? সেট্টি পুত্রক, আপনি একজন ধনবান নাগরিক, সেট্ঠিকুলের স্তম্ভ, তার ওপরে আমার বৈবাহিক...

—হ্যাঁ, আর সেই জন্যই আপনি আমাকে ধ্বংস করবার ব্যবস্থা করেছেন । বাঃ । সাধু সাধু সেট্ঠি অহিপারক ।

—অর্থ কী এসব কথার ?

—আপনার আচরণের অর্থটাই আমাকে আগে বুঝিয়ে দিন ! সামান্য কুসীদজীবী বণিক আমি । মহাসেট্টি স্নেহ করেন বলে আপনারা নিজেদের সমিতিতে স্থান দিয়েছেন । নিজের সামান্য অবস্থা নিয়েই তো আমি সন্তুষ্ট আছি । কই কারও গৃহে তো চৌর্ঘ্যবৃষ্টি করতে যাইনি । বড় বড় পদ, মর্যাদা, এসবের ওপরেও তো কোনও লোভ করিনি ।

শ্রেষ্ঠী অহিপারক হতবুদ্ধি হয়ে তাকিয়ে রইলেন ।

পুণ্যক বললেন, ‘ওই রাজসচিব বসসকারকে ডেকে এনে আমার মতো সামান্য লোকের কথা, নাম, ধাম তাঁর কর্ণগোচর করবার জন্য আপনি ব্যস্ত কেন ? রাজরোষে পড়ে, কিংবা রাজভৃত্যদের লোভের লক্ষ্য হয়ে সামান্য যেটুকু শান্তি বা ধন সম্বল করেছি, সেটুকু হারাই এই চান ? এই কি জ্ঞাতকের ব্যবহার !’

পুণ্যক মহা উত্তেজিত হয়ে ঘন ঘন নিশ্বাস ফেলতে লাগলেন । এতক্ষণে অহিপারক ব্যাপারটা কিছুটা বুঝতে পারলেন । তিনি হাসি গোপন করে বললেন, ‘এই কথা ? রাজসচিব বসসকার আমাদের বন্ধুত্ব প্রার্থনা করতে এসেছেন । অনেক গভীর নীতি সম্পর্কে তিনি আজ আমাদের সঙ্গে একমত । সেই জন্যই তাঁর প্রার্থনাতেই আমাদের সভায় তাঁকে ডেকেছি । আপনার ভয় বা সংশয়ের কোনও কারণই নেই ।’

পুণ্যক বললেন, ‘রাজপরিষদের লোকদের সঙ্গে সখ্য করবার আমার বিন্দুমাত্র স্বার্থ নেই, সেট্টি, আর রাজনীতিরই বা আমি কী বুঝি ? বুঝতে চাইও না । আপনি দয়া করে আমায় ছেড়ে দিন ।’

—কিন্তু ওঁদের কী বলব ? যথেষ্ট উৎকণ্ঠ সুরা ও খঞ্জের আয়োজন হয়েছে । সবাই একত্রে ভোজন করব....

—আমার অংশটি না হয় অস্তঃপুরের ভোজনশালার পাঠিয়ে দিন । আপনার পত্নী সমাদর করে খাওয়াবেন এখন । আর ওঁদের বলুন, আমার সহসা স্বাস্থ্যগতিক আছে বলে দিন উদরাময় হয়েছে...উদরে শূল বেদনাও অনুভব করছি...না না, এতটা বলবেন না । ওঁদের আবার যেমন স্নেহের আধিক্য হয়ত দেখতে এসে পড়বেন...যা হয় বলুন, আপনার মাথায় কি আর বুদ্ধির অভাব আছে ?

—আপনি কি সত্যিই যাবেন না ?

—না না । পুস্ক এক কথা দ্বিতীয়বার বলে না ।

অহিপারক' বিরক্ত মুখে ফিরে আসতে লাগলেন । তাঁর কপালে ব্রুকুটি । এই পুণ্যকের পিতা মহাসেট্টি অনঙ্গ ছিলেন যোতীয়র আগে গোষ্ঠীজ্যেষ্ঠক । তখনও অবশ্য মগধ রাজ্যরূপে এভাবে সংহত হয়নি । কয়েকটি ছোট ছোট অঞ্চল ছিল স্বাধীন, সার্বভৌম । গোষ্ঠীপতিদের মধ্যে বিশ্বিসার পিতা ক্ষেত্রোজ্জা ছিলেন সবচেয়ে শক্তিশালী । তাঁর মধ্যে বৃহৎ রাজ্য গঠনের স্বপ্ন ছিল । অনঙ্গ সে সময়ে কত দুঃসাহসিক অভিযানই না করেছেন । বাণিজ্যপথের সর্বপ্রকার খুঁটিনাটি তিনি জানতেন । তাঁর অতুল ধনসম্পদ পেয়েছে পুণ্যক । কিন্তু এমন নিরুদ্যম, কুর্ণণ, এমন অকারণে ভীত মানুষ তিনি আর দেখেননি । মহাসেট্টি অনঙ্গর যে এ প্রকার পুত্র হতে পারে, না দেখলে বিশ্বাস হয় না । অথচ প্রথম যৌবনে এই পুণ্যকই ছিল একেবারেই ভিন্ন চরিত্রের ।

নিজের মন্ত্রণাগৃহে আসতে আসতে অবশ্য তাঁর কপাল মসৃণ হয়ে এলো । প্রকৃত অবস্থা এবং তাঁর মনোভাব এঁদের কাছে প্রকাশ করা যাবে না । তাঁর সম্মানহানি হবে । বস্কারেরও ।

তিনি ঘরে প্রবেশ করে পেছনে কপাট দুটি বন্ধ করে দিলেন । জটিলের মুখে মাংসখণ্ড । তিনি শুধু চোখ তুলে চাইলেন । কাকবলীয় বললেন, 'কী হল ?'

—আরে আমার বৈবাহিক হঠাৎ অসুস্থ হয়ে পড়েছেন । উদরাময় । অন্তঃপুরে পাঠিয়ে দিয়েছি । একটু সুস্থ বোধ করলেই আসবেন ।

যোতীয় মদু হেসে বললেন, 'ভোজনের আগেই ?'

বর্ষকার ভেতরের কথা, পুণ্যকের চরিত্র কিছুই জানেন না । তিনি মাথা নাড়তে নাড়তে বললেন, 'অত্যন্ত দুঃখের কথা । আমারই দুর্ভাগ্য । যাক, কিছু ভৈষজ্যের ব্যবস্থা করেছেন তো ?'

—নিশ্চয়ই ! অহিপারক বসতে বসতে বললেন ।

একটু পরে হাত মুখ প্রশ্ণালন করে, সবাই পানপত্র তুলে নিলে, অহিপারক বললেন, 'মহামান্য বস্কার, আপনার কী যেন বলবার ছিল...'

চারদিকে একবার সতর্ক দৃষ্টিতে তাকিয়ে নিয়ে বর্ষকার বললেন, 'আমার বলবার কথা নির্ভর করবে, আপনাদের বক্তব্যের ওপরে ।'

জটিল পানীয়ে চুমুক দিয়ে অবাक হয়ে বললেন, 'বক্তব্য ? আমাদের ? আপনার কাছে ? কিছু তো নাই । কী মহাসেট্টি । মান্যবর রাজসচিবের কাছে আমাদের কী-ই বা বক্তব্য থাকতে পারে ?'

যোতীয় বললেন, 'আমাদের বণিক গোষ্ঠীর লাভালাভ, অভাব-অভিযোগের ব্যাপার আমরা নিজেরাই সমাধান করি । নেহাত না পেরে উঠলে মহারাজ আছেন । তা এখনও সেরূপ অবস্থা হয়নি ।'

অহিপারক বললেন, 'মহাসেট্টির অনুমতি নিয়ে দু-চারটি কথা নিবেদন করছি । আপনি জানতে চাইছেন বলে । দেশ থেকে দেশান্তরে যাতায়াতকালে শুষ্ক এবং মূদ্রা নিয়ে বণিকদের বড়ই সমস্যা হচ্ছে । এ কথা আমরা রাজ সন্নিধানে পরবর্তী সভাতেই জানাবো ।'

ভাবলেশহীন মুখে বর্ষকার বললেন, 'আপনাদের কোনও সমস্যারই সমাধান হবে না । মূদ্রার জন্য যে বিপুল পরিমাণ ধাতু প্রয়োজন তা আমাদের নেই । মগধ রাজ্য একটি অচলাবস্থায় এসে পৌঁছেছে মহামান্য সেট্টিগণ । বজ্জিরা সাম্রাজ্যলোভী, অবশ্যীও তাই । কোসল এক্ষুটি বৃহৎ শূন্যগর্ভ কলসের মতো । মগধ সামান্য একটু তৎপর হলেই বিশাল বিশাল রাজপথ আমাদের সামনে খুলে যাবে, মগধাধিপ ছাড়া আর কারকে শুষ্ক দিতে হবে না । রাজনীতি সেদিকেই চলেছিল, কিন্তু...'

'কিন্তু কী ?' কাকবলীয় কখন নিজের অজান্তেই ব্যগ্র হয়ে উঠেছেন ।

—কিন্তু নীতির পরিবর্তন হয়ে যাচ্ছে, আমরা রাজ্যর মন্ত্রণাদাতার রাজ্যের পক্ষে যা ভালো তাই পরামর্শ দিয়ে থাকি । সেট্টিদের অসুবিধাগুলি দূর করতে না পারলে, কী ভাবে রাজ্যের সমৃদ্ধি সম্ভব ?

—নীতির পরিবর্তন ঘটছে কেন ? যোতীয় সাবধানে প্রশ্ন করলেন ।

বস্কার আবার একবার চারদিকে তাকিয়ে নিলেন, বললেন, 'অবশ্যই গৌতম বুদ্ধ নামক শ্রমণের

জন্য। আমাদের রাজা, শুধু আমাদের কেন সাধারণভাবে সং রাজ্যমাত্রেই শ্রমণদের ওপর, সম্মানীদের ওপর শ্রদ্ধাশীল। কিন্তু রাজার কর্তব্যাকর্তব্যে ঐরা কেউই হতক্ষেপ করেন না। এই শ্রমণ করছেন। অনেকেই এ ব্যাপারটি মেনে নিতে পারছেন না।'

—যেমন ?

—যেমন রাজপরিবারের অনেকে, বহু অমাত্য, প্রজারা, এবং আপনারা— শেষের দিকে বর্ষকারের মুখ সহাস্য হয়ে উঠল।

—আমরা ? জটিল হতবুদ্ধি হয়ে প্রব্র করলেন।

—হ্যাঁ সেটটির, এই শ্রমণ রাজস্বার্থবিরোধী। বণিকস্বার্থবিরোধী। এমন কি প্রজাস্বার্থবিরোধীও বটে। অনঙ্গ নামে ওই বিদ্রোহী চণ্ডালের কথা কি শুনেছেন ?

—কিছু কিছু কানে এসেছে বটে— যোতীয় তাঁর অবিচলিত গরিমায় বললেন।

—অনঙ্গের নেতৃত্বে প্রথম দিকে রাজগৃহের ঘরে ঘরে মলভাণ্ডে বয়ে নিয়ে যাওয়ার কাজ বন্ধ হয়ে যায়। তাদের দাবি ছিল শিশুচোর যক্ষ-যাক্ষিনীকে শাস্তি দিতে হবে। মহারাজ তা দিতে উদ্যতও হয়েছিলেন। তাঁর কাজে বাধা দিলেন শ্রমণ গৌতম। চণ্ডাল পুরুষদের কী বোঝালেন তিনিই জানেন, তারা শাস্ত হয়ে কাজে যোগ দিল। শুধু অনঙ্গ এখনও দু চোখে আগুন ছড়িয়ে ঘুরে বেড়াচ্ছে। সে বিদ্রোহী। রাজদ্রোহীও বলতে পারেন। নগরের পথে পথে সে শ্রমণদের, রাজ্যামাত্যদের, রাজনীতিককে গালি দিতে দিতে ঘুরে বেড়াচ্ছে। লোকটি প্রায় উন্মাদ। কিন্তু পুরোপুরি নয়। এখন উচিত কাজ হল তাকে কারাদণ্ড দেওয়া, কিন্তু মহারাজ তো সে আদেশও দিচ্ছেন না। তাঁর বোধ হয় আশা শ্রমণরাই তাকে শাস্ত করবেন।

কিছুক্ষণ পর যোতীয় বললেন, 'দুর্ভাগ্যের ব্যাপার, কিন্তু এর মধ্যে আমাদের জাতবাই বা কী ? কর্তব্যই বা কী ?' তাঁর চোখ দুটি এখন আবার ধূর্ত হয়ে উঠেছে। তিনি যে নিজেদের পক্ষের কথা সম্পূর্ণ গুপ্ত রেখে, ধীরে ধীরে বর্ষকারের মনের কথা জেনে নিচ্ছেন এই আশ্বাসদে তাঁর প্রাচীন মুখে এখন যথেষ্ট দীপ্তি।

বর্ষকার বললেন, 'আপনারা ওই শ্রমণকে সংযত করুন এই প্রার্থনা। সোজা হয়ে বসলেন চার শ্রেষ্ঠী, কী ভাবে ?

—আপনাদের আনুগত্য, পূজা, উপহার দিয়ে। এমন অবস্থা সৃষ্টি করে যাতে আপনাদের প্রার্থনা, আপনাদের ব্যবহারিক প্রজ্ঞা অমান্য করতে উনি না পারেন। শ্রাবস্তীতে তো শুনিছ উনি সেটটি সুদন্তর একেবারে বশীভূত হয়ে গেছেন। মান্যবর অহিপারক বলতে পারবেন।

অহিপারক বললেন, 'সুদন্ত আমার জাতক। সে জেতকুমারের কাছ থেকে শ্রাবস্তীর শ্রেষ্ঠ কাননটি ক্রয় করেছে। সেখানে প্রাসাদোপম আরাম নির্মাণ করছে ভিক্ষুদের জন্য। তার প্রধান দ্বারই এত বৃহৎ, এমন কারুকার্যমণ্ডিত যে বহু ধনী পণ্ডিত যারা গৌতমের সঙ্গে তর্ক করতে ইচ্ছুক, তাঁরা ভয়ে সন্ত্রমে ফিরে যাচ্ছেন। তা শ্রমণরা তো চিরকাল গুহায়, বৃক্ষতলে, বড় জোর পর্ণকুটিরে বাস করে এসেছেন। আশ্রয়ের নামে এই বিলাসগৃহ যখনই গৌতম গ্রহণ করেছেন তখনই তিনি সেটুকুলের আয়ত্তের মধ্যে এসে গেছেন, জানবেন। আমাদের এ বিষয়ে একটু তৎপর হতে হবে।'

বর্ষকার সকলকে নমস্কার করে উঠে দাঁড়ালেন, বললেন, 'আপনারা বুদ্ধিমান, দর্শে মূলে দাস-দাসী, রোগী, দণ্ডিত বা দণ্ডযোগ্য ব্যক্তি সাক্ষ পুত্রীয় সমনসংঘে প্রবেশ করছে, যাচ্ছে সাধারণ গৃহস্থ, নারীকুল— মনেও করবেন না সবাই নির্বাণ চায়। আর... এটি প্রথম পদক্ষেপ, মগধকে শক্তিশালী করার আরও কাজ পড়ে রয়েছে। তবে দক্ষ স্থপতি আগে গৃহনির্মাণের জন্য নির্বাচিত স্থানটি সন্ধান করে নেয়। কণ্টক গুল্মগুলি তুলে ফেলে... তাই না ?

বর্ষকার পেছন ফিরলেন, অহিপারক তাঁকে সঙ্গে করে বাইরে নিয়ে গেলেন। কাকবলীয় সাবধানে দ্বার বন্ধ করে বললেন, 'কী বুঝলেন মহাসেটটি ? ভদ্র জটিল কী মত আপনার ?

যোতীয় বললেন, 'সমন গৌতম সম্পর্কে যা বলে গেল ভালো কথা, যুক্তিগ্রাহ্য। কিন্তু প্রথম পদক্ষেপ... অর্থাৎ দ্বিতীয় তৃতীয় পদক্ষেপও আছে ঐর উর্বর মস্তিষ্কে। সাবধান জটিল, কাকবলীয়,

ভাবনা-চিন্তা করে আমাদের পা ফেলতে হবে। এই বসস্কার আমাদের মনের গোপন অভিপ্রায়গুলিই যেন ব্যক্ত করে গেল। কিন্তু...

এই সময়ে অহিপারক ঢুকলে সবাই নীত্বব হয়ে গেলেন।

অহিপারক একবার সবার দিকে তাকালেন। মৃদু হাসি তাঁর মুখে। কোনও পরিস্থিতিতেই তিনি বিরক্তি প্রকাশ করেন না। তিনি বললেন, 'এই রাজসচিব বসস্কার... বুঝতেই পারছেন রাজস্বার্থের সঙ্গে যগিকস্বার্থের মিলন ঘটাতে চান।'

ইনি আমাদের ব্যবহার করতে চান, আর কিছু না, এবং স্বার্থটা ঠিক নিজে... ব্যক্তিগত স্বার্থ, কাকবলীয়া ঈশৎ উত্তপ্ত হয়ে বললেন, 'প্রথম পদক্ষেপ... দ্বিতীয় পদক্ষেপ— এ সব বলতে উনি কী বোঝাচ্ছেন? প্রথমে কষ্টক তুলবেন, সমন গোতমকে উচ্ছেদ করবেন। তারপর? তারপর কী মহারাজকেই...'

'আহা হা হা', যৌতীয় তাঁর প্রাচীন হাত তুলে বাধা দিলেন, 'যা অবশ্যব তা কখনও বলবে না। এই রাজসচিব যদি আমাদের ব্যবহার করতে চান আমরাও ঠিকে ব্যবহার করতে পারি। এটা কোনও সমস্যা নয়। তা ছাড়া উনি আপাতত একটি কূটনীতিক সমাধানের কথা বলেছেন— সমন গোতমকে বশ করে নিজেদের সুবিধামতো তাঁকে কিছুটা চালনা করার প্রস্তাব তো মন্দ কিছু নয়। অহিপারক, বসস্কারকে এনে ডুমি ভালোই করেছে।'

জটিল চতুর হাসি হেসে বললেন, 'ধন দিয়ে, বিলাসের উপকরণ দিয়ে শ্রমণদের বশীভূত করা কিছুই নয়। এই তো পুরন কাসসপের শিষ্যরা। সেবার ওই মহাশ্বা ক মাসের জন্য রাজগহে এলেন। তো কদিন ঐর দেশনা শুনলাম— ইনি পাপ-পুণ্য মানেন না, ঠকানো, হত্যা, মিথ্যাচার, পরস্বী গমন কিছুই ঐর মতে পাপ নয়, আবার সত্য কখন, দান, দয়া, সংযম এসবের দ্বারাও পুণ্যলাভ হয় না। অর্থাৎ কি না কর্মের কোনও ফল নেই। আমি তাঁকে জিজ্ঞেস করেছিলাম— হত্যা, চুরি, ব্যভিচার— এগুলি আপনার মতে পাপ না হতে পারে কিন্তু এগুলির প্রত্যক্ষ ফল তো রাজদণ্ড। উনি বললেন— অবশ্যই। কিন্তু পরলোকে গিয়ে এসব তথাকথিত পাপের জন্য কাউকে কষ্টকবনের মধ্য দিয়ে টেনে নিয়ে যাওয়া হয়, কাউকে জ্বলন্ত কটাতে নিষ্কেপ করা হয়— এ ধারণা সর্বৈব ভুল। যে কদিন রাজগহে ছিলেন, আমি প্রায়ই ঐর দেশনা শুনতে যেতাম এবং প্রচুর পরিমাণে ভোজ্য নিয়ে যেতাম, মহাশ্বা পুরন কাসসপের শিষ্যদের কাছ থেকে যে পরিমাণ আশীর্বাদ পেয়েছি তাতেই মনে হয় আমার এ জীবনটা চলে যাবে। আমার ধারণা এই তীর্থঙ্কর ও তাঁর সম্প্রদায় এর পর এখানে এলে আমার কোনও প্রার্থনা অপূর্ণ রাখবেন না।'

কাকবলীয়া বললেন, 'ওই চার্বকদের মতো আর কি। পরলোক মানে না, ইহলোকে সর্বপ্রকার সুখ সন্তোষ করতে চায়। ঐদের বশ করা আর এমন শক্ত কাজ কি।'

যৌতীয় গর্ব ও প্রত্যয়ের সঙ্গে বললেন, 'সমন গোতমকে বশ করাও শক্ত কাজ হবে না। নিশ্চিন্তে থাকো।'

৩০

অতি প্রত্যুষে গৃধকূট থেকে সূর্যোদয় দেখবার জন্য চণক, জিতসোমা এবং তিষ্মা তিনটি ঘোড়ায় চড়ে বেরিয়ে পড়ে। তখন নগরীর পথবাট ঘন কুয়াশায় ঢাকা। চলাচল করে জ্যাজ্ঞ শ্রেণীর লোকেরা গৃহমল পরিষ্কার করবার জন্য। আর দেখা যায় শ্রমণদের। কেউ স্তম্ভ-বন্দধারী, কেউ গৈরিক, কেউ অর্ধনগ্ন, কেউ-বা একেবারেই নয়। প্রত্যুষ শ্রমণে অভ্যস্ত কিছু সাগরিকও বেরায়। কয়েকজন বৈদিক ব্রাহ্মণ আছেন, একটি গো-শকটে করে নিত্য পাটুলি মাঝে গিয়ে গঙ্গাস্নান করেন, ফিরতে ফিরতে অপরাধ হয়ে যায়। আবার রাত কাটিয়ে পর-প্রত্যুষে গো-শকট চলে পাটুলি অভিমুখে। অর্থাৎ ঐদের সারা দিনটাই ব্যয় হয়ে যায় যাতায়াতে। জিজ্ঞেস করলে ঐরা বলেন, বহুতা জ্বল নইলে ঐরা স্নান করে পবিত্রতা ফল অনুভব করেন না। তার ওপর গঙ্গাস্নান। যা কিছু পাপ সারা জীবন জ্ঞাতে অজ্ঞাতে হয়ে যাচ্ছে সবই প্রতিদিনের গঙ্গাস্নানে ধুয়ে যাচ্ছে। অনেকেই ২৩৮

এঁদের চেনে, উদকশুদ্ধিক ব্রাহ্মণ বলে এঁদের খ্যাতি বা অখ্যাতি আছে ।

পরস্পরকে ভালোভাবে দেখা যাচ্ছে না এমনই কুমাশা । জিতসোমা অন্ধারোহিণী হবার সময়ে অধোবাস পুরুষদের মতো করে পরে নেয় । তার উর্গার স্তনপট্ট দুঢ়ভাবে বাঁধা । তার ওপর একটি স্থূল উর্গার উত্তরীয় সে সুকৌশলে পিঠ এবং বুক ও পেট ঢেকে নীবিবন্ধে বেঁধে নিয়েছে । চণক ও জিতসোমা উভয়েরই শীত অভ্যাস আছে । শীতে দুজনেই উল্লসিত হয় । কিন্তু তিষ্যকুমার তক্ষশিলায় বহু বছর কাটালেও, শীতে খানিকটা পর্যুদস্ত হয় । বিশেষ করে অশ্বের ওপর । অশ্ব চলায় বেগ দিলেই দু'পাশ দিয়ে হু-হু করে হিমেল বাতাস বইতে থাকে । তিষ্য তার ঘোড়ার রাশ টেনে ধরে বলে, 'তাম্রক, তাম্রক, ধীরে, ধীরে, আমরা রণক্ষেত্র থেকে পালাচ্ছি না । তাড়া নেই ।'

চণক তার ঘোড়ার পেটে মৃদু আঘাত করে বলে, 'চিষ্টক, চিষ্টক, জ্বোরে, আরও জ্বোরে, সূর্যোদয়ের পূর্ব মুহূর্তে উপস্থিত হওয়া চাই ।'

জিতসোমা কুমাশার অন্তরালে হাসতে থাকে, তার মুখের সামনে হিম বাতাসে বাষ্প নির্মিত হয় । সে এক হাতে ঘোড়ার রাশ টেনে ধরে আরেক হাত বাষ্প ঋণগুলিকে ধরতে যায় । ধরতে না পেরে আবারও হাসতে থাকে ।

এইভাবে কখনও দ্রুত, কখনও ধীর লয়ে তিনজনে গৃধ্রকুটে পৌঁছে যায় । যেতে যেতে প্রথমেই নগরীর উত্তর দ্বার দিয়ে বেরোতে উদ্যত গো-শকটটির সঙ্গে তাদের দেখা হয় । বয়হু ব্রাহ্মণ তিনটি শীতে জড়সড় হয়ে কোলের ওপর পুঁচলি নিয়ে বু-বু করে কাঁপতে কাঁপতে কী সব মন্ত্র উচ্চারণ করতে থাকেন । তিষ্যকুমার হেঁকে বলে 'কে যায় ?'

—তিন ব্রাহ্মণ গঙ্গানানে যায় বাপা— কুমাশার মধ্যে ব্রাহ্মণত্রয় নিশ্চয় তাদের ভেবেছে তোরণরক্ষী কী সৈনিক । নইলে এত বিনীত উত্তর পাওয়া যেত না ।

তিষ্য দ্বিগুণ হেঁকে বলে, 'দুরাস্তের গঙ্গায় কেন ? রাজগহে কি পুঙ্কর্ণী নেই !'

—পাপগুলি ধুতে বাপা, পুঙ্কর্ণীতে কি আর পাপ-স্খালন হয় ?

—কী পাপ ? তিষ্য গলা বিকৃত করে । ভীষণ শোনায তার স্বর । ব্রাহ্মণগুলি আরও বু-বু করে কাঁপতে থাকে ।

—পাপগুলি অবিলম্বে জানাও । বোহারিকের কাছে চলো । নরহত্যা না অলংকার চুরি ?

একজন ব্রাহ্মণ তাড়াতাড়ি বলে, 'ও সব কিছু নয় বাপা, তিন সত্য করছি । প্রাণিমায়েই অজ্ঞাতে পাপ করে ফেলে, সেইসব অনির্দিষ্ট পাপের কথা বলছি ।'

তিষ্য তখন চাপা গলায় বলে, 'যাও, গঙ্গার জলে ডুবে মরো গে যাও ।'

জিতসোমা তার কাণ্ড দেখে মৃদুস্বরে হাসে । চণকের ওষ্ঠাধরও দুদিকে ছড়িয়ে যায় ।

কোনও সাড়াশব্দ না পেয়ে উদকশুদ্ধিক ব্রাহ্মণ তিনটি বলে, 'কী হল ? যাবো তো বাপা ? পথে আবার আটকাবে না তো ? ও কি, নারীকঠের হাসি শুনলাম যেন ।'

আরেক জন বলে, 'দু পা গেলেই স্বশান । নারীকঠের হাসি শোনা যাবে, এ আর বিচিত্র কী ? তাড়াতাড়ি চলো ! তাড়াতাড়ি চলো ! ওহে শকটচালক, থামছ কেন ?'

কিছুর চলে এসে চণক হাসিতে ফেটে পড়ে, 'সোমা, সঙ্গীতচর্চা করছ কতদিন । হু সোমা ! তোমার হাসি প্রেতিনীর হাসি বলে ভুল হয় ?'

সোমা হাসতে হাসতে বলে, 'ওই ব্রাহ্মণগুলির পরিবর্তে আমারই এখন গঙ্গায় ডুব মরা উচিত, কী বলুন তিষ্যভদ্র ?'

—আমাদেরও ওরা এতক্ষণে প্রেতই ভাবছে । দেখুন, আজ গৃহে ফিরে কোনও প্রেতনাশক ক্রিয়া-কর্মের আয়োজন করে কি না !'

সূর্য ওঠার লগ্ন থেকেই কুন্ডাটিকা গলতে থাকে । ধীরে ধীরে শরৎ রক্তিমাত আলোর শ্রোত বইতে থাকে । তিষ্য ঈষৎ বিষন্ন গলায় বলে, 'চণকভদ্র আমার প্রিয়তমী যাবার দিন ঘনিয়ে এলো ।'

—তুমি তো নিজেই বেছে নিলে এই ভাগ্য তিষ্য । তবে ইয়ত এই-ই ভালো হল ।

তিষ্য বলল, 'মহারাজের সন্দেশ বয়ে নিয়ে যেতে আমি বিন্দুমাত্র দুঃখিত হচ্ছি না ভদ্র । বরং আমি অত্যন্ত আনন্দিত, গর্বিত যে এরূপ বিশিষ্ট কার্যের ভার আমার ওপর দেওয়া হয়েছে ।



প্রকৃতপক্ষে চণকভদ্র, রাজগৃহে আসার আগে আমি নাবালক ছিলাম ।’

—এখন সাবালক হয়েছেন ? জিতসোমা মৃদু মৃদু হেসে জিজ্ঞাসা করল । বালার্কের রক্তাভা এখন তার নৌরবর্ণ মুখশ্রী ওপর একটি অসামান্য সৌন্দর্যের মুহূর্ত রচনা করেছে । সে মাথাটিও উত্তরীয় প্রান্ত দিয়ে ভালোভাবে জড়িয়ে নিয়েছে । কপালের ওপরে সামান্য কিছু কেশ দেখা যায় । সে নারী না অতি কিশোর বয়স্ক পুরুষ বোঝা যাচ্ছে না ।

তিষ্য সোজাসুজি জিতসোমার সঙ্গে কথা বলতে লজ্জা পায় । কেমন একটা জড়তা, সঙ্কোচ । সে জানে না কেন । সে মুখ নিচু করে দুঃখিত স্বরে বলল, ‘তা-ও বলতে পারি না ভদ্রা । মহারাজের অভিনব কার্য আমাকে সাবালকত্ব দেবে আশা করছি ।’

চণক বলল, ‘তিষ্য, বিনয় ভালো । কিন্তু অতি বিনয়ে কাজ কি ? বিশেষত সখাদের কাছে । তুমিই এই কাজের উপযুক্ততম পাত্র । তুমি শিক্ষিত, উদার, অভিজ্ঞাত, সুন্দর বাক্য ব্যবহার করতে জানো । একটাই মাত্র প্রশ্ন আছে আমার ।’

—কী প্রশ্ন ?

—মহারাজা যে উপায়ে রাজসংঘ করে জঘন্যীপকে একত্র করতে চাইছেন, তোমার নিজের তাতে সম্মতি এবং বিশ্বাস আছে তো ?

তিষ্য, বলল, ‘আমার সম্মতির প্রশ্ন উঠছে কেন আর্ঘ চণক ?’

—এই জন্য উঠছে যে তুমি রাজ্য বিস্তার করতে চেয়েছিলে । বিস্তার না বলে বলা ভালো রাজ্য সৃষ্টি করতে চেয়েছিলে । অর্থাৎ সার্বভৌমত্বই তোমার প্রিয় তত্ত্ব, প্রিয় কল্পনা । কিন্তু মহারাজের প্রতিনিধিত্ব করতে যে তত্ত্ব তুমি অবলম্বন করতে যাচ্ছ, তা তোমার পূর্বের কল্পনার বিরোধী, ওই কল্পনা যদি তোমার স্বভাবানুগ হয়, তা হলে বলতে হয় রাজপ্রদত্ত এই কর্ম তোমার প্রকৃতিরও বিরোধী ।

—আর্ঘ চণক, আমি দক্ষিণে যেতে চেয়েছিলাম । দক্ষিণ তো সহসা কেউ ভেদ করতে পারবে না ! অন্তত উত্তরের প্রতিযোগিতা ও আগ্রাসী লোভ থেকে আমার রাজ্য সুরক্ষিত থাকবে এবং সেই শান্তির সুযোগে আমি আদর্শ রাজ্য, আদর্শ রাজা-প্রজা সম্পর্ক, বিভিন্ন বৃত্তির মধ্যে পারস্পরিক আদানপ্রদানের ফলে পণ্য বিতরণের মসৃণ গতি ইত্যাদি প্রতিষ্ঠিত করতে পারব, আমি এইভাবে ভেবেছিলাম । সার্বভৌমত্বের জন্যই সার্বভৌমত্বে আমার কোনও লোভ ছিল না আর্ঘ । সার্বভৌমত্ব যে শান্তি ও শৃঙ্খলা, সুসভ্য, সুমিত জীবনধারণের সুযোগ দেয়, তারই জন্য সার্বভৌমত্ব আমার কাম্য ছিল । মহারাজ বিশ্বাসার দেখিয়ে দিলেন অন্যভাবেও তা সম্ভব । রাজশক্তি যদি পরস্পরের আনুকূল্য করে, ক্ষুদ্র ক্ষুদ্র ভিন্ন রাজ্য হওয়ার জন্য প্রজাদের অসুবিধাগুলি মিলিতভাবে দূর করবার চেষ্টা করে, তা হলে আমার কল্পনার রাজ্য তো আমি পেলাম । পেলাম না ।

চণক সাবধানে বলল, ‘আমি জানতাম না তিষ্য, তুমি ক্ষত্রিয়, অথচ ক্ষত্রিয়ের যা স্বধর্ম সেই যুদ্ধবাসনা, বা রাজ্যবাসনা তোমার নেই । তুমি চিরকাল কারও না-কারও নেতৃত্ব মেনে নিতে প্রস্তুত আমি এ কথা বুঝতে পারিনি ।’

অনেকক্ষণ চুপ করে থেকে জিতসোমা বলল, ‘আর্ঘ চণক, আমি বুঝতে পারছি না, আপনি তিষ্যভদ্রকে তাঁর ক্ষত্রিয়োচিত উচ্চাকাঙ্ক্ষা সংবরণের জন্য তিরস্কার করছেন, না তাঁর মহানুভবতার জন্য প্রশংসা করছেন ।’

তিষ্য সপ্রশ্ন দৃষ্টিতে চেয়ে আছে চণকের দিকে । তার চোখ দুটি দীর্ঘ, ঘনপশ্ম । তার তরঙ্গায়িত ওষ্ঠাধর এবং নাতিউচ্চ নাসাগ্রে এখন রোদ ঝলমল করছে । সে উদান হাতের পাতা দিয়ে মাঝে মাঝে রোদ আড়াল করছে । আর যাই থাক, এই মধ্যদেশীয় যুদ্ধের মধ্যে বিন্দুমাত্রও ধূর্ততা নেই ।

সে বলল, ‘তিষ্য, আমি তোমাকে তিরস্কারও করছি না, প্রশংসাও করছি না । শুধু তোমাকে ভালো করে ভেবে নিতে বলছি । তোমার বয়সে হঠাৎ কারও ব্যক্তিমায়ায় মুগ্ধ হয়ে তাঁর আদিষ্ট কর্ম করতে গিয়ে সহসা যদি আবিষ্কার করো তা তোমার প্রকৃতিবিরোধী, তখন না পারবে এগোতে, না পারবে পেছোতে । তুমি যেকোন বিবেকী, শুধু অন্তর্দ্বন্দ্বের ক্ষতবিক্ষতই হবে । তা ছাড়া যথার্থ প্রত্যয় ২৪০

না থাকলে কাউকে তুমি স্বমতে, অর্থাৎ বিশ্বিসার মতে আনতেও পারবে না । ওই তব্বে তোমার প্রত্যয় চাই ।’

তিষ্য অনেকক্ষণ চিন্তামগ্ন রইল, তারপর বলল, ‘আপনার কথা আমি বুঝতে পেরেছি । মহারাজের তব্বে ওপর আমার শ্রদ্ধা আছে... কিন্তু... ।’

—কিন্তু কী ?

—এটি একটি নূতন তত্ত্ব স্বীকার করেন তো ? কুরু-পাঞ্চালের ভয়ানক যুদ্ধের কথা স্মরণ করুন । শুনেছি জম্বুদ্বীপে সামান্য কয়জন ছাড়া আর যুবা বা প্রৌঢ় অবশিষ্ট ছিল না । শুধু শিশু আর নারী, বিধবা নারী । সমগ্র জম্বুদ্বীপ এই যুদ্ধে কোনও-না-কোনও পক্ষে যোগ দিয়েছিল । সেই আদর্শ থেকে আমরা কি এখনও সরে এসেছি ? ওই যুদ্ধ থেকে কোনও শিক্ষাই কি লাভ করেছি ? এখনও ক্ষত্রিয় মানে যোদ্ধা, ধনুর্গ্রহ, গদাচক্রধারী । সূতরাং এটি, এই মৈত্রীর তত্ত্বটি এখনও তো পরীক্ষার স্তরেই আছে । তাই নয় কি আর্ঘ চণক ?

—সত্য বলেছ । কিন্তু কোনও তত্ত্ব যিনি উদ্ভাবনা বা প্রচার করেন তিনি বা তাঁরা অন্তত তত্ত্বটির যথার্থতায়, প্রয়োগ-যোগ্যতায় বিশ্বাস রাখেন । যেমন ধরো, শ্রমণ গৌতম অনাত্মবাদ, ক্ষণিকবাদ প্রচার করছেন, আমি এখনি তর্ক করে ঔর যুক্তিজাল শতচ্ছিন্ন করে দিতে পারি । কিন্তু ঔর প্রত্যয় তাতে টলবে না । উনি আমাকে বলবেন অবিশ্বাসী, অনধিকারী, পৃথগ্জন । ঔর মুখের বিমল আভা দেখে, প্রত্যয়ী উক্তি শুনে বহুলোকে ঔর অনুগামী হবে । হতেই থাকবে । সে রূপ প্রত্যয় কি তোমার আছে তিষ্য এই মৈত্রী তব্বে ?

‘না, চণকভদ্র, নেই,’ দুঃখিত গলায় তিষ্য বলল, ‘সত্যি কথা বলতে কি স্বয়ং মহারাজ বিশ্বিসারেরও সেরূপ অবিচল প্রত্যয় নেই । তবে শ্রদ্ধা আছে, তাঁরও আমরাও । শুধু শ্রদ্ধা দিয়ে কাউকে স্বমতে আনতে পারবো না, বলছেন ?’

জিতসোমা এই সময়ে বলল, ‘আর্ঘ চণক, তিষ্যভদ্রকে নিরুৎসাহ করবেন না । যে কাজ মহৎ, যে চেষ্টা মৌলিক তার প্রতি শ্রদ্ধা থাকাই যথেষ্ট । আপনি যাকে প্রত্যয় বলছেন তা একমাত্র ঐশ্বরিক অনুপ্রেরণা থেকেই আসে । যেমন সংহিতার ঋষিদের এসেছিল ।

অহমেব বাত ইব প্র বামি

আরভমানা ভুবনানি বিশ্বা ।

পরো দিবা পর এনা পৃথিব্যা—

এতাবতী মহিনা সং বভূব ॥

ঋষি বাক্-এর এই যে বৃকের মধ্যে বিশ্বভুবন ধারণ করার অনুভব, আবার আকাশ ছাড়িয়ে পৃথিবী ছাড়িয়ে বিপুল মহিমায় দাঁড়িয়ে থাকার অনুভব, এ তো ঐশী প্রেরণার দান । যে শ্রমণ গৌতমের উদাহরণ আপনি দিলেন তিনি নাকি বলে থাকেন : অগ্গোহম অস্মি লোকসস্ । —সমস্ত পৃথিবীতে আমিই শ্রেষ্ঠ, এইসব প্রত্যয় উপলব্ধিজাত । বুদ্ধি দিয়ে যা ভালো বলে বুঝি তাকে শ্রদ্ধা করে মানাও তো অনেক । গৌতমের বা ঋষি বাক্-এর প্রত্যয় মহারাজ বিশ্বিসারই বা কোথায় পাবেন, তিষ্যভদ্রই বা কেমন করে পাবেন ?’

সূর্য লাফিয়ে লাফিয়ে ওপরে উঠে যাচ্ছে । এখন তার মিশ্রিত রক্তাভার মধ্যে হরিদ্রার স্বর্ণই প্রধান হয়ে উঠছে । সূর্যের তাপ কোমল কব্বলের মতো জড়িয়ে ধরছে শীতার্ঘ বৃক্ষ ও গুল্মশুলিকে । এবং উপবিষ্ট তিনটি মানুষের শরীর । ঈষৎ তপ্ত হয়ে উঠেছে বাতাস, বইছে উষ্ণ থেকে, ভারি মধুর, উষ্ণ । তিষ্যর মনে হল বাতাস নয়, ভদ্রা জিতসোমাই এভাবে বইছেন । তাঁর গভীর সহমর্মিতার উষ্ণতায় আবৃত করে দিচ্ছেন চরাচর । তিনিই দাঁড়িয়ে আছেন পৃথিবী, আকাশ সব ছাড়িয়ে, উন্নতগ্রীব বিশাল মহিমায় । স্বে মহিম্নি ।

চণক একটু পরে বলল, ‘না । আমি তিষ্যকে কখনওই নিরুৎসাহ নিরুদ্যম করছি না সোমা । শুধু ওকে চিন্তা করে নিতে বলছি । এইসব কর্মের ক্ষেত্রে কয়েকটি মানসিক বিপন্নতার সম্ভাবনা থাকে ; ওকে সতর্ক করে দিচ্ছি তাই ।’

তিষ্য বলল, ‘সে কথা আমি বুঝতে পেরেছি ভদ্র । আপনি যেন আমারই ভেতরের সত্তার একটি

দিক । দুটি দিকের মধ্যে তর্ক-বিতর্ক চলাছে ।’

কথাগুলো সে মৃদুস্বরে বলল । কেননা সে চায় না তার চারপাশে যে শান্তির, আনন্দের আবহ প্রস্তুত হয়েছে, তার হৃদয়ের মধ্যে এখন যে আবেশ তা ক্ষুণ্ণ হোক । ব্যক্তি-মায়া কী ? কুণ্ডলকেশী সেই শ্রমণার অদ্ভুত কথাবার্তায় সে আবিষ্ট হয়েছিল, শ্রমণ গৌতম, বিশেষ করে মহা মৌদগলায়ন যেভাবে যক্ষ-যক্ষী দুটিকে এবং পরে উন্নয়ন জনতাকে শাস্ত করলেন তখনও সে মুগ্ধ হয়েছিল চণকের প্রতি সে আকৈশোর মুগ্ধ, মহারাজ বিশ্বিসারকে তাঁর স্বরূপ দেখামাত্র তাঁর অদ্ভুত পৌরুষব্যঞ্জক হাবভাব ও স্নেহকৌতুক মিশ্রিত কথা, দেখা ও শোনামাত্র তাঁর চরিত্রের গভীরতা উপলব্ধি করা মাত্র সে মুগ্ধ হয়ে পড়েছে । এই-ই কি ব্যক্তিমায়া ? আর এই যে ভদ্রা জিতসোমা অধিক কিছু বলেন না । কিন্তু যখন বলেন তখন দ্যালোক ভুলোক ভরিয়ে বলেন, এতে যে মুগ্ধতার আবেশ সৃষ্টি হয়, মনে হয় আর কেউ কোনও কথা না বলুক, পৃথিবী ঠিক এই মুহূর্তে থমকে থাকুক, এ-ও কি ব্যক্তি-মায়া ? তিষ্য কি তা হলে একটার পর একটা ব্যক্তি-মায়ায় বদ্ধ হয়ে চলেছে ? তার নিজের কোনও ব্যক্তি-মায়া নেই ? যাতে অন্য কেউ আবিষ্ট হতে পারে ? আবদ্ধ হতে পারে ?

শেষোক্ত চিন্তা মনে আসতেই তিষ্যর এতক্ষণের আবেশ, স্থিরতা, ধৈর্য, আনন্দ টুকরো টুকরো হয়ে ভেঙে গেল । তার মনে পড়ে গেল সরযু নদীতীর । সুনীল বর্ণের বসনে সজ্জিত এক অপরাধা কিশোরী । তিট্ঠ, তিট্ঠ, তিস্‌স । তার আবেশের, মুগ্ধতার কুন্দমালাটি যেন ছিড়ে-খুঁড়ে সে টুকরো টুকরো করে ফেলে দেয় । চার দিকে ছড়িয়ে যায় তার অধৈর্য, অশান্তি, যন্ত্রণা, জিতসোমা অবাক হয়ে মুখ তুলে তাকায় । দণ্ডায়মান তিষ্যর রক্তাভ, ভুকুটি কুটিল মুখের দিকে অবাক হয়ে চেয়ে চণক বলে, ‘কী ব্যাপার তিষ্য, আজ কি এরই মধ্যে ফিরতে চাইছ ?’

বহু কষ্টে আত্মসংবৃত্ত হয়ে তিষ্য বলে, ‘কী লাভ ? ভদ্র চণক ? ক’দিন পরেই চলে যাবো শ্রাবস্তী । সেখানকার কাজ সমাপ্ত হলেই বৈশালী, তারপর যাত্রা করতে হবে উজ্জয়িনী-কৌশাধীর উদ্দেশ্যে । কোথায় থাকবেন আপনারা ? কোথায় বা হতভাগ্য তিষ্য ।’

চণক উঠে দাঁড়িয়ে তার কাঁধ স্পর্শ করে বলল, ‘তিষ্য নিজেকে হতভাগ্য বলছ কেন সখা ! তুমি যেমন দূরে যাবে, আমিও তেমন যাবো, আরও দুর্গম স্থানে যেখানে স্ব-সমাজের মানুষই হয়তো পাবো না । কিন্তু তুমি ক্ষত্রিয়, দুঃখে অবসন্ন হলে, ক্ষিপ্ত হলে কি তোমার চলবে ?’

তিষ্য আরক্ত মুখে বলল, ‘আমি ক্ষত্রিয় নই আর্য চণক । আমি মানুষ । কোনও বিশেষ বর্ণের আচরণের চিহ্ন আমার গায়ে লেগে নেই । লেগে থাকবে না । কেন বারবার শুনে হবে ক্ষত্রিয়, ক্ষত্রিয়, ক্ষত্রিয়, এমন কি আপনার থেকেও ? কত যুগ ধরে আমাদের পূর্বপুরুষেরা এই ক্ষত্রিয়-সংস্কার, ব্রাহ্মণ-সংস্কার ঢুকিয়ে দিয়েছেন আমাদের রক্তে ? ভদ্র চণক, ওই বিদ্রোহী চণ্ডাল অনঙ্গ যেমন দাসত্বের, শূদ্রত্বের পূর্ব-সংস্কার ভেদ করে উঠে দাঁড়িয়ে সক্রোধ প্রলম্ব জানিয়ে দেয় সে শুধু সেবক নয়, সে মানুষ, তিষ্যও তেমন ক্ষত্রিয়-সংস্কার ভেদ করতে চায় । প্রশ্ন করতে চায় কোনটা সুবিচার কোনটা অবিচার ?’

হঠাৎই সে থেমে গেল । এ কী বলছে সে ? কেন বলছে ? কাকেই বা বলছে ?  
চণক নীরবে তার দিকে তাকিয়ে । চোখে উৎকণ্ঠা । জিতসোমা মুখ নত করে একটি ক্ষুদ্র উপলক্ষও দেখতে মনোযোগী হয়ে উঠেছে । চণক ধীরে ধীরে বলল, ‘কী তোমার সে মনোযোগ তিষ্য, যার জন্য নিজেকে দুর্ভাগ্য বলা— জানি না । কী সে গুঢ় যন্ত্রণা যা এইভাবে হৃদয়-বিষফোড়িত হল তা-ও জানি না । কিন্তু তিষ্য, তুমি কখনও বন্ধুহীন নও । কোনও দিন নিজেকে প্রকাশ করতে ইচ্ছা হলে স্বচ্ছন্দে করবে । আর বিদ্রোহের কথা যদি বলা— চণক তোমায় বিদ্রোহীর ভূমিকায় দেখতে আনন্দিতই হবে । চলো, এবার নামি । সোমা, এসো... ।’

ক্ষমা প্রার্থনার একটি বাক্যও তিষ্য উচ্চারণ করতে পারল না । চণকভদ্র ওইভাবে তার ক্রোধের কারণ নির্ণয় করবার পর সে মুখ খুলতেও সাহস পাচ্ছে না । কে জানত তার বৃকে এত হাহাকার জমে ছিল ? শ্রাবস্তী যাবার প্রস্তাবে এইভাবে পুরনো ক্ষত থেকে রক্তপাত হয়ে তাকে উদ্ভ্রান্ত করে দেবে তা কি সে ভেবেছিল ? আচ্ছা, কেন শ্রাবস্তীই ? তাকে তো প্রথমেই কৌশাধী বা উজ্জয়িনী পাঠাতে পারতেন মহারাজ । সে বলেও ছিল । কিন্তু মহারাজের দৃঢ় ধারণা সহজ কাজ থেকে কঠিন ২৪২

কাজের দিকে অগ্রসর হতে হয়। তাই বৈশালী পেরিয়ে তাকে শ্রাবস্তীতেই যেতে হবে। চণক এবং জিতসোমার মতো সহমর্মী ছেড়ে, মহারাজ বিশ্বাসারের মতো পক্ষশূটবিস্তারী মহামহিম রাজসন্ন ছেড়ে শ্রাবস্তী, যা এখন নিধুর প্রত্যাখ্যানের বাসভূমি।

প্রকৃত ব্যাপার নারী ! এই নারীই যত অনর্থের মূল ! জননী হয়ে দুর্ভাগ্যের পথ থেকে টেনে ধরে রাখে পেছনে, জায়া হয়ে পথ ভোলায়, নিত্যানৈমিত্তিকের পথে বাঁধা গরু মতো ঘোরায়, শ্রিয়া রূপে উদ্ভাস্ত করে, পৌরুষের মধ্যে এনে দেয় নারীসূলভ কম্প্রতা, শেষ পর্যন্ত এই নারী কী দেয় ? যন্ত্রণা ও আত্মধিকার ছাড়া ? নারীদের যে অধম মনে করা হয়, পুরুষকে বিপথগামী করার যন্ত্র মনে করা হয়, ঠিকই ! ঠিকই ! যে কোনও সম্পর্কের নারী, যে কোনও বয়সের পুরুষকে হাত ধরে নিরয়লোকে নিয়ে যেতে পারে। তার গুরুপত্নী অলভা ! হতে পারে তিনি স্বই অল্প বয়স্কা। কিন্তু বিবাহিতা তো ! আচার্য সংকৃতির পঞ্চম পত্নী তিনি। আচার্য সংকৃতি যিনি সারা জন্মঘূষে তাঁর স্ত্রী, তাঁর মুক্ত দৃষ্টির জন্য সুবিদিত। তাঁর পত্নী। গুরুপত্নী সে যে বয়সেরই হোন না কেন জননীর মতো তো ! অথচ অলভা তাকে প্রলোভিত করার জন্য কী না করতেন ! উদুঘর বৃক্ষের ডালে বসে পা দোলাতেন, তাঁর শুভ্র কোমল চরণপত্র তো বটেই, তার উর্ধ্বের অংশও অনাবৃত হত। যখন কোনও আদেশ করতেন তখন গ্রীবা বাকিয়ে কটাক্ষে তাকাতেন তার দিকে, নীলাভ চোখের মণিতে একই সঙ্গে তিরস্কার ও প্রশয় ফুটে থাকত। দাঁত দিয়ে অধর কামড়ে থাকার একটা মধুর ভঙ্গি ছিল অলভার। একদিন, একদিনই মাত্র বলেছিলেন, ভুক্তসিনীর মতো যেন যশা তুলে— তিষ্যকুমার আমি তোমার থেকে তিন চার বছরের বেশি বড় হবো না। কক্ষনো আমাকে মাতৃসম্বোধন করবে না। কেন করো ? কেন ? কেন ? আমি করবও মা নই, হইনি এখনও, হবোও না। আমি কারও পত্নীও নই। আমি অলভা, অলভা, অলভা... বলতে বলতে দূর বনচ্ছায়ে হারিয়ে গেলেন ছুটতে ছুটতে।

ধাবমানা, বনচ্ছায়ে হারিয়ে যেতে থাকা অলভার আকৃতিটি তিষ্যর বৃক্ষের মধ্যে ফুটে উঠল যেন একটি চলমান প্রতিকৃতি। সপিণী ! সপিণী ! এরা সকলেই সপিণী। তার পর সহসাই তার বৃক্ষের মধ্যে আরও প্রতিকৃতি ফুটে উঠল। আচার্য সংকৃতির। শ্বেত শ্মশ্রু, শ্বেত কেশ, শান্ত স্বরে ঋষি অগস্ত্য মৈত্রাবরুণির দ্যাভা-পৃথিবী সূক্ত ব্যাখ্যা করছেন

সংগচ্ছমানে যুবতী সমস্তে  
 স্বসারা জামী পিত্রোর উপস্বে।  
 অভিজিহ্বস্তী ভুবনস্য নাভিং  
 দ্যাভা রক্ষতং পৃথিবী নো অভবাত...  
 “তরুণবয়সী দুটি মেশামেশি সীমানা পরস্পর  
 মিলেছ আপন দুটি ভাইবোন কোলাটিতে মা-বাবার  
 ভুবনের নাভি আদরেতে ঘ্রাণ করো—  
 হে দ্যাভা পৃথিবী মহাভয় হতে মোদের রক্ষা করো...”

তিষ্যর যে কী হয়ে গেল হঠাৎ, সে জানে না। অলভার ছুটন্ত আকৃতি যেন একটি যন্ত্রণার তীরের মতো তার বৃকে বিধে গেল। ঘৃণা নয়, যন্ত্রণা। এ যন্ত্রণার অর্থ সে জানে না। সংগচ্ছমানে যুবতী সমস্তে...। সংগচ্ছমানে... তিষ্যর চোখ সেই বিদ্ধ তীরের যাতনায় সজল হয়ে উঠেছে। তরুণবয়সী দুটি মেশামেশি... অলভা একটি খড়ের কন্দুক প্রস্তুত করেছেন। একেবারে নিঃশব্দে, অতি নিপুণভাবে প্রস্তুত। প্রেঙ্খায় দুলছেন, দুলতে দুলতে মহাবেগে উঠে যাচ্ছেন উর্ধ্বে। শিংশপার উচ্চ শাখাগুলি বৃষ্টি ছুয়ে ফেললেন, সেই উর্ধ্বে থেকে কন্দুকটি ছুঁড়ে দিচ্ছেন, পায়ের আঘাতে, ধরো তিষ্যকুমার ধরো, দেখি তো তুমি কেমন কুশলী !

অহমেব বাত ইব প্র বামি... বায়ুর মতো বয়ে যাচ্ছে বিশ্বভুবনে এক সুগভীর যন্ত্রণার তরঙ্গ। সব সময়ে বোঝা যায় না। হয়ত এইভাবে বয়ে যাচ্ছে আনন্দধারাও, একইভাবে বইছে আঘোপলঙ্কির তরঙ্গধারাও। কে কখন কোন ধারাটিকে ছুঁয়ে ফেলে, তার বিশ্বভুবন মুহুর্তে পাল্টে যায়, পাল্টে যায় জীবনের অর্থ, তিষ্যকুমার এখন আনন্দধারার উর্ধ্বে সেই বেদনাপ্রবাহকে ছুঁয়ে ফেলেছে, সেও এখন

ধাবনান, চূড়াস্ত বেগে, হারিয়ে যাচ্ছে কোন অন্ধকার অরণ্যছায়ায়, পালাচ্ছে স্বপ্নি, সংকল্প এবং কেতুকাম্যাতার দিক থেকে ব্যাখ্যাজর্জর কোনও উপলব্ধির ব্যাখ্যাভীত গাঢ়তায়। যেতে যেতে বলে যাচ্ছে অনন্য ফণা তুলে— ক্ষত্রিয় নই। কারো কেউ নই। আমি তিষ্য... তিষ্য... তিষ্য...

৩১

বর্ষার পরে শীতের প্রারম্ভকালই যাত্রার জন্য প্রশস্ত। সে যুদ্ধযাত্রাই হোক আর তীর্থযাত্রাই হোক। কে কোথায় যুদ্ধযাত্রার জন্য প্রশস্ত হ'ল বা হ'ল না, জানা যাচ্ছে না। ছোটখাটো সংঘর্ষ তো লেগেই আগে। প্রদ্যোৎ মহাসেনের গান্ধারপিপাসা সম্ভবত এখনও মেটেনি। তবে তার তীব্রতা আর তেমন নেই। উত্তর বাণিজ্যপথে যাতায়াতরত সার্থকলির থেকে এই জাতীয় আভাসই যেন পাওয়া যায়। সমস্ত কিছু মধ্য মহারাজ পুঙ্করসারীর বিপন্ন মুখটির থেকে থেকেই মনে পড়ে। ভেতরে একটা অপারগতার কাঁটা ফোটে। তাই চণক সার্থকদের কাছ থেকে পাওয়া সংবাদে হুট হুট হয়। মহারাজ বিশ্বিসার ঠিকই বলেছিলেন। চণ্ড মহাসেনের চণ্ডতা আপনা থেকেই চলে যাবে। যাই হোক তেমন কোনও রণ বা মহারণযাত্রার কথা শোনা না গেলেও আরেক ধরনের যাত্রা চলেছে। তাকে তীর্থযাত্রাও ঠিক বলা যায় না। বিভিন্ন পন্থের পরিভ্রাজকেরা বিশেষত সাক্ষ পুণ্ডরী সমনরা ছড়িয়ে পড়ছেন দূর থেকে দূরান্তরে। এঁদের কোনও নির্দিষ্ট গন্তব্য নেই। কাজেই তীর্থযাত্রা নয়। অথচ যাত্রা। নিঃসন্দেহে যাওয়া। দেশ থেকে দেশান্তরে পরিভ্রমণ করাই এঁদের কাজ। বিশেষত এই সময়ে। গৃহ নেই, ক্লাস্তি নেই, চিন্তা নেই, অভিযোগ নেই। শুধু চলা। ক্ষণেক বিশ্রাম। আবার চলা। পথে পথে পথিকদের, গৃহীদের পরামর্শ দেন, সেবা দেন, উপদেশ দেন, সামান্য ভিক্ষায়ে ক্ষুণ্ণিবৃত্তি করেন। আবার চলেন। নভোমণ্ডলে মেঘে মেঘে কাশ ফুটে আছে। শুভ্রপক্ষ হংস হংসী উড়ে যাচ্ছে উত্তর থেকে দক্ষিণ-পূর্বে। দেখতে দেখতে পা দুটি চঞ্চল হয়ে ওঠে দৈবরাত চণকের। যাবার সময় হল। এখনও যদি না বেরাতে পারে তা হলে পুরো এক বছর বিলম্ব হয়ে যাবে। সোমার সঙ্গে পরিষ্কার কোনও আলোচনা না হলেও যেন একটা অনুজ্ঞা চুক্তি হয়ে যাচ্ছে। সে রাজগৃহে দাস-দাসী নিয়ে বসবাস করবে। চণক কয়েক মাস পরিভ্রাজনের পর আবার আসবে। যাওয়া-আসা চলবে। কিন্তু চণকের ভেতরটা স্বস্তিতে নেই। কাজটা কি সে ঠিক করছে? সোমা মুক হয়ে রয়েছে। চণক যা করবে সে তা মেনে নেবে। কিন্তু চণকের দায়িত্ববোধ? অবশ্যই সোমার সুরক্ষার ভার নেবেন স্বয়ং মহারাজ। কিন্তু...। মহারাজের কূটকক্ষে যাবার জন্য প্রশস্ত হচ্ছে চণক। সোমা প্রশান্ত মুখে তার কটিবন্ধ এগিয়ে দিল। প্রশান্ত, কিন্তু প্রসন্ন কী? প্রসন্ন হওয়ার কথা নয়। প্রসন্ন যে নয় তা প্রাণপণে লুকোবার জন্যই এই প্রশান্তি। ভূ কাঁপে না, চোখ দুটি তাদের আয়ত নীলিমায় মগ্ন। ওষ্ঠাধর যেন পটে আঁকা। শুধু নাসারঞ্জ একটু একটু স্ফুরিত হচ্ছে।

চণক হেসে বলল—‘সোমা, আমার কি হাতের সংখ্যা অল্প? কটিবন্ধটি কি নিজে নিতে পারি না? তুমি কেন এতো কষ্ট করো?’

—এই সামান্য কটিবন্ধ তুলতে আমার কষ্ট হবে? আর্য, আপনার যদি ভালো না লাগে আমি এখনই চলে যাচ্ছি।

চলে যেতে উদ্যত সোমাকে ক্ষিপ্ত হাতে থামায় চণক।

—‘সোমা!’

—বলুন!

—আমার কথার কি এই অর্থই হয়?

—আর কোনও অর্থের কথা তো আমার মনে আসছে না।

বাহিরে থেকে এই সময়ে তাম্রকের হ্রোষ ধ্বনি ভেসে আসে। তিষ্যকুমার এসে গেছে। উভয়ে রাজসকাশে যাবে।

সোমা বলে—যান আর্য, আপনার সখা এসে গেছেন।

কদিন আগে গৃধ্রকূটে সহসা নিজের আবেগের ওপর নিয়ন্ত্রণ হারাবার পর থেকে তিষ্য চণকের

গৃহের ভেতরে আর আসছে না । আর একদিনও সে সোমার মুখোমুখি হয়নি । চণক বৃথতে পারে, এ তার লজ্জা, সংকোচ । সে তিষ্যকে সময় দিতে চায় । কিন্তু সোমা বোঝে না । চণকের কাছে যদি তার সংকোচ না থাকে, তা হলে সোমার কাছেই বা তার এতো সংকোচ কেন ? ভেতরে ভেতরে সে গুঢ় অভিমানে স্তিমিত থাকে । চণকের সঙ্গে তর্ক করে । চণক বলে সোমা বোঝো না কেন, নারীর কাছে পুরুষের একটা সংকোচ স্বাভাবিক কারণেই আসে । সোমা বোঝে না ।

সোমা তার জীবনে, তার প্রতিবেশে নারীর কাছে পুরুষের সংকোচ দেখেনি যে । সে বরং দেখেছে বণিক, রাজপুরুষ, সাধারণ গৃহী, সর্বজাতীয় পুরুষ তার কাছে অকপট । মুক্ত । শারীরিক, জৈবিক, মানসিক সব অর্থে । দর্ভসেনের মতো বর্ষীয়ান পুরুষেরা নিজেদের শিথিল, বয়স্কুণ্ডিত শরীর প্রকাশ করতে লজ্জা পেতেন না । রাজসভার যাবতীয় গুপ্ত কথা তারই সঙ্গে অসঙ্কোচে আলোচনা করতেন । গৃহীরা সংসারের যাবতীয় অসন্তোষ খোলাখুলি বলে যেত, বণিকরা বলত তাদের লাভালাভের কথা । কবিরি, পণ্ডিতরা তার সঙ্গে, তার জননীর সঙ্গে কাব্য এমন কি শাস্ত্রালোচনা করে যে সুখ পেতেন আর কারো সঙ্গে ততটা পেতেন না, এ কথা তাঁরা নিজেরাই বলেছেন । তা হলে কেন গুঢ় আলোচনার জন্য তিষ্যকুমার ও চণককে মহারাজের কূটকক্ষে যেতে হবে ? কেন আর্য চণক সব কথা তাকে বললেও কিছু যেন আবার না বলা রেখে দ্যান ? তিষ্যকুমার কেন তার মনের গোপন ব্যাখাগুলি তার কাছে ব্যক্ত করে না । নারী কি পুরুষের বন্ধু হতে পারে না ? আর্য চণকের কাছে সে তার সংকোচ জয় করল, অথচ জিতসোমা তার সহানুভূতির হাত বাড়িয়ে থাকলেও তিষ্যকুমার কেন সে হাত ধরে না ? কেন এড়িয়ে যায় ?

এবং তিনজনের এই নতুন মন্ত্রণার ঘটনাটি ঘটবার পর থেকে সোমা থেকে যাচ্ছে বৃন্তের বাইরে । অস্তর্ভূতে শুধু ওরা তিনজন । মহারাজ এর আগে প্রায়ই আসতেন । চারজনে কত কথা হত ! মনে হত মহারাজের মনে সোমার প্রতি আস্থা জন্মাচ্ছে । কিন্তু কূটকক্ষে যখন ডাকলেন শুধু দুটি পুরুষকেই ডাকলেন । যদিও সোমার অভিজ্ঞতা এবং সেই সুযোগে রাজনীতি সম্পর্কিত জ্ঞান এক অর্থে চণকের থেকেও অধিক । আর্য চণক তত্ব জানেন, তত্ব উদ্ভাবন করেন । কিন্তু সোমা তার জীবনে শিশুকাল থেকে অনেক তদ্বয়ের প্রয়োগ দেখেছে, শুনেছে, কোথায় কোথায় কীভাবে তত্ব নিজিয়, নিফল হয়ে যায় তাও দেখেছে । এ গৃহে সেই চিন্তপ্রসঙ্গের আলোচনাচক্রগুলি আর বসছে না । মহারাজ আসেন মাঝে মাঝে । লঘু তারল্যে যেন ভেতরকার কোনও উদ্বেগ গলিয়ে নিতে চান । কোনও গুরুত্বপূর্ণ কথা হয় না । তিষ্যকুমার তো কদিন ধরে আসছেই না । অথচ এই যুবার অনভিজ্ঞ গম্ভীরতা, আবার অতি তারুণ্যের মোহাম্বা, তার মৌলিক দৃষ্টিভঙ্গি এ সব অত্যন্ত ভালো লাগে জিতসোমার । সে যেন মুক্ত বাতাসের মতো চণক আর সোমার মাঝখানে দিয়ে বয়ে যায় ।

সোমার দিকে একবার দ্বিধাগ্রস্ত চোখে তাকায় চণক । চোখে চোখ মেলে না কিন্তু । কেন না সোমা নতচক্ষু ।

—যাই সোমা, নম্র গলায় বলে চণক বেরিয়ে পড়ে ।

রাজপুরীর অস্তঃপ্রাচীর পার হবার পর ঘোড়া থেকে নেমে দুজনে পদব্রজে পুরীর দিকে যেতে থাকে, তাম্রক ও চিত্তকের পাশে পাশে । অস্তঃপ্রাচীরের তোরণ থেকে কূটকক্ষ পর্যন্ত পৃথক দুজনে সম্পূর্ণ নীরবে চলে । একদিকে রাজসভা, রাজার ব্যায়ামাগার, রাজকোষ, মন্ত্রণাগৃহ ইত্যাদি মিলিয়ে একটি প্রাসাদ ! রাজার বাসভূমি তার বিপরীত দিকে ।

পথে মাঝে মাঝেই প্রহরীরা দাঁড়িয়ে আছে । প্রধান তোরণে একবার মন্ত্র পরিচয়মুদ্রা দেখাতে হয়, তারপর প্রাসাদের তোরণে পৌঁছতেই রাজসচিব বর্ষকার কিম্বা সূনীত তাদের রাজসকাশে নিয়ে যান । মন্ত্রণাগৃহটি কয়েকটি ভাগে বিভক্ত । কূটকক্ষ একেবারে ভেতরে । মহারাজ সেখানে তাদের সঙ্গে আলোচনা করেন না । বস্তুত তিনি মন্ত্রণাগৃহের একেক অংশে একেক দিন বসেন । আজ বর্ষকারকে দেখতে পাওয়া গেল ।

এঁকে দেখলে তিষ্য বিরক্ত হয় । তার ধারণা ইনি ক্রুর, কুটিল । চণক জানে রাজ-সম্মিধানে এ প্রকার বহু কুটিল, ক্রুর মানুষ থাকে । থাকটাই স্বাভাবিক ।

বর্ষকার বললেন—আসুন, আসুন মহামান্য চণক । আসুন কুমার তিষ্য । মহারাজ অনেকক্ষণ

থেকেই আপনাদের জন্য অপেক্ষা করছেন ।

চণক বলল—হ্যাঁ, মহারাজ কখনও উত্তরদেশে যাননি তো, তাঁর জিজ্ঞাসা অনেক । কৌতূহলে আপাদমস্তক পূর্ণ থাকেন ।

বর্ষকার কটাঙ্কে একবার তার দিকে তাকিয়ে নিয়ে বললেন—মহারাজ কি সাকেতেও যাননি কখনও ?

তিষ্য যে সাকেতক তা রাজসচিব বর্ষকারের জানার কথা নয় । সে যে মধ্যদেশীয় এ টুকু তিনি কেন অনেকেই অনুমান করে নিতে পারে । কিন্তু সাকেতক ? মহারাজ কি বলেছেন ? বলবার কথা নয় । রাজ-অমাত্যরা সবাই জানে চণক মহারাজের আচার্যপুত্র । সে এখনও কোনও অমাত্য-পদ পায়নি, বা নেয়নি এ তারা স্বচক্ষেই দেখছে । সে যে গৃহ-কানন দাস-দাসী, মাসিক-বৃষ্টি ইত্যাদি রাজ-অনুগ্রহও পাচ্ছে এ-ও তারা জানছে । পরিবার্তে চণক মহারাজকে কী দিচ্ছে । কী দিতে পারে এ নিয়ে প্রথম দিকে কিছুটা চঞ্চল কৌতূহল প্রকাশ পেয়েছিল । এখন তা শান্ত হয়ে এসেছে । তিষ্য চণকের সখা বলেই রাজসখা, তার অন্য কোনও গুরুত্ব বা ভূমিকা নেই—এমনটাই মহারাজ জানাতে চান । অথচ আজ বর্ষকার বললেন—সাকেতক তিষ্য । ভালো, এঁরা স্বভাবে চতুর, রহস্য ভালোবাসেন না । রহস্য ভেদ করতে থাকুন । চণক এঁদের সাহায্য করবে না । সে মৃদু হেসে এগিয়ে যাচ্ছিল । কিন্তু তিষ্য হঠাৎ থেমে গেল । তার মুখ-চোখের ভাব কঠিন । অথচ ওষ্ঠাধরে হাসি । সে বলল—‘শুনুন মহামান্য বর্ষকার, সাকেতকরা আবার কোশলের প্রজাও তো ! তা কোশলরাজ্য তো মহারাজের স্বস্তুর-গৃহ । কতদিন যান না । নিমন্ত্রণ করতে এসেছি । সম্মত করাতে পারছি না । দেখুন না একটু বলে কয়ে...’

সে এক পলক বর্ষকারের মুখের দিকে তাকাল । মেঘাচ্ছন্ন সে মুখ । ক্ষণপূর্বের হাসি প্রায় অন্তর্হিত হয়েছে । চণক খানিকটা এগিয়ে গেছেন । তিষ্য দ্রুতপদে গিয়ে তাকে ধরল । চণক তিষ্যর দিকে তাকাল না, অতি মৃদু স্বরে বলল—‘তিষ্য, কাউকে উত্তেজিত করে দিয়ে তার ভেতরের সংবাদ বার করে নেওয়াই কূটনীতিকের একটা কাজ । উত্তেজক উক্তির উত্তর দেবে নির্বোধের হাসি দিয়ে । আশুন নিয়ে খেলা না করাই ভালো ।’

মন্ত্রণাগৃহের দ্বারে প্রহরী বিনত নমস্কার করে সরে দাঁড়াল । ভেতরে ঢুকে তিষ্য বলল—কেন জানি না, চণকভদ্র, আত্মসংবরণ করা আমার পক্ষে ক্রমশই কঠিন হয়ে দাঁড়াচ্ছে । যদি আপনার মতো এমন নিয়ন্ত্রণে রাখতে পারতাম নিজেকে !—তার কণ্ঠে হতাশার সুর ।

চণক বলল—আত্মসংবরণ করতে পারছে না—এটা সত্য বলেছ তিষ্য কুমার । কিন্তু কেন জানো না, এটা সত্য বলল না । জানো, নিশ্চয় জানো । তিষ্য তুমিই তো বলেছিলে ব্যক্তিগত সুখ-দুঃখের উর্ধ্ব কর্মকে, আদর্শকে স্থান দাও তুমি, বলোনি ?

মৃদু কোমল কিন্তু দৃঢ় স্বরে কথাগুলি বলল চণক । কিন্তু উত্তরের জন্য অপেক্ষা করলনা । আর একটি দ্বার এসে গেছে, এটি পার হলেই মহারাজের সঙ্গে দেখা হবে ।

এসো, এসো বয়স্য । এসো তিষ্যকুমার । মহারাজের সহাস্য আহ্বান ভেসে এলো । তিনি তাঁর উচ্ছ্বাস ও অভ্যর্থনা ইচ্ছে করেই একটু সশব্দ করেন । যাতে দ্বারে দণ্ডায়মান প্রহরীদের সন্দেশ যায় । তাদের কান থেকে হয়ত কৌতূহলী অমাত্যদেরও কানে পৌঁছতে পারে এমন কোনও অনুমানে । দ্বার বন্ধ হয়ে গেলে কক্ষে যখন তিনজনই মাত্র, তখন সহসা মহারাজের মুখ থেকে হাসি অন্তর্হিত হয় । আরম্ভ হয় আলোচনা । প্রধানত মহারাজ ও তিষ্যর মধ্যে । চণক শুধু শ্রোতা । মাঝে মাঝে রাজা বা তিষ্য তার মতামত জানতে চাইলে, বা তার কিছু মনে হলে সে স্বুখ খোলে । নয়ত সে মস্তিষ্কের একটি অংশ দিয়ে শোনে, আর একটি অংশ দিয়ে রাজশাসকের কোনও অধ্যায় মনে মনে লেখে, এবং আরও একটি অংশ দিয়ে ভাবে, সোমার সমস্যার কথা কী সমাধান ? জিতসোমার জীবনের জটিল গ্রন্থি সে কী ভাবে মোচন করবে ?

প্রকৃতপক্ষে এই আলোচনা মহারাজ এবং তিষ্যরই । এখানে চণকের বিশেষ ভূমিকা থাকার কথা নয়, নেইও । তাকে আসতে হয় তিষ্যকে আড়াল করতে । তিষ্যকুমার যে মহারাজের কোনও গুরুত্বপূর্ণ, গোপন কাজের ভার নিয়ে কোথাও যাচ্ছে, এটা মহারাজ কাউকে জানাতে চান না । সে ২৪৬

যাবে না রাজভাণ্ডার থেকে কোনও ধন বা অস্বাদি কোনও যানবাহন, দাস-স্বামী ইত্যাদি নিয়ে । মহারাজ তাঁর নিজস্ব সঞ্চয়ের যে ভিন্ন কোষ আছে তার থেকেই তিস্যর ব্যয়-ভার বহন করবেন । মহারাজের প্রতিনিধিত্ব প্রমাণ করবার জন্য তার কাছে কী কী থাকবে সেই নিয়েই এখন আলোচনা হচ্ছে প্রধানত ।

চণক সহসা বলল—‘আচ্ছা মহারাজ, এতো গোপনতার পক্ষপাতী কেন আপনি ?’ জিজ্ঞাসা করছে বটে, কিন্তু চণক এখন একটু অন্যমনস্ক ।

বিদ্বিসার গভীরভাবে বললেন—‘চণক, যুদ্ধের সপক্ষেই এখানে জনমত অধিক । আমার অমাত্যরা, যুবরাজ এমন কি অস্ত্রপুরিকারও বিশাল মগধরাজ্যের স্বপ্ন দেখে ।’

চণক দীর্ঘশ্বাস গোপন করে বলল—‘আমিও দেখেছিলাম ।’

তিনজনেই বহুক্ষণ নীরব রইলেন । কারণ চণকের এই উক্তি তিনজনের চিন্তে তিনপ্রকার চিন্তা ও দিব্যস্বপ্ন জাগিয়ে দিয়েছে । চণক দেখছে এক মহাসমুদ্রের মতো চতুরঙ্গ সৈন্যদল, তার ওপরে জেগে আছে মগধের মূদ্রা অঙ্কিত পতাকাগুলি । এই সৈন্যদলের মধ্যে লক্ষ্য করলে দেখা যাবে শ্বেতকায়, তাপ্রকায়, কৃষ্ণকায় বহু প্রকার সৈনিক এবং সেনাধ্যক্ষ । বাইরের বর্ণ ভিন্ন ভিন্ন হতে পারে, কিন্তু ভেতরে ভেতরে তাদের সবার চিন্ত এক । প্রত্যেকে ডাবছে আমি জয়ধ্বজপবাসী । মহারাজ বিদ্বিসার, সর্বগুণাঙ্কিত, মহাবীর, লোকপাল বিদ্বিসার আমাদের সর্বসম্মত রাজা এবং নেতা । এই মহাসমুদ্রের ও দিকে আছে আরও এক সমুদ্র । উপরিশ্যেন পর্বতের ওপার থেকে আসা বিদেশীরা । তাদের নেতা মহাবীর কুরুস । দুই সমুদ্র উত্তাল হয়ে উঠল । কিন্তু ক্রমশ কুরুস সমুদ্র পেছিয়ে যাচ্ছে পেছিয়ে যাচ্ছে । তার তরঙ্গগুলি ক্রমশই সংখ্যা অল্প হয়ে যাচ্ছে । ভেঙে যাচ্ছে । জম্বু জলধি উত্তর-পশ্চিম সীমান্ত অবধি বিস্তৃত হয়ে গেছে । সেই ভীষণ, ভয়ঙ্কর, সগর্জন আকৃতি আর নেই, এমন ক্ষুদ্র ক্ষুদ্র ভরঙ্গভঙ্গ লীলা চপল সে জলধি । শান্তিঃ, শান্তিঃ, শান্তিঃ ।

তিস্য দেখছিল দুটি রুক্ষ শিলাসন । কৃষ্ণশিলা পাথরের অস্ত্র দিয়ে কেটে কেটে প্রস্তুত হয়েছে এই রাজাসন দুটি । ঘন অরণ্যের মধ্যে গুহাকৃতি একটি স্থান পরিকৃত হয়েছে । পেশল বৃক্ষ, বিপুলকায় কালো মানুষেরা অরণ্যের বিভিন্ন অঞ্চল বৃক্ষ কেটে পরিষ্কার করে ফেলছে । সমান করে ফেলছে ভূমি । ‘মহারাজ ওইখানে কী হবে ?’

—‘বহুবন্যনশালা প্রজাগণ, তোমরা আর কতকাল নয়, অর্ধনয় থাকবে ?’

—‘ওখানে কী হবে মহারাজ ?’

—‘রথ নির্মাণের জন্য কর্মান্ত । দূর দূর অঞ্চলে যেতে হবে, রথ, রথচক্র এবং রথ্যা নির্মাণ না করতে পারলে এই মহা পৃথিবী যে তোমাদের আয়ত্তের বাইরেই থেকে যাবে !’

‘আর ওখানে ? ওখানে কী নির্মাণ করব মহারাজ ?’

—অস্ত্র ও যন্ত্র নির্মাণ করবে, পাথরের এই ভঙ্গ এই ছুরিকায় কিছুই হবে না, এই বল্লমের মতো যন্ত্র দিয়েই বা তোমরা কতটুকু ভূমি কর্ষণ করতে পারবে ?’

‘ওই বিশাল স্থানটি কী মহারাজ ?’

—ওখানে গণ পাকশালা প্রস্তুত হবে । তোমরা অগ্নিপক করে কী ভাবে মাংস মৎস্য খেতে হয় শিখবে । তোমাদের নারীদের ওখানে যেতে হবে, মহারানী এই বিভাগের ভার নিয়েছেন । তিনি তোমাদের রমণীদের শেখাবেন কী ভাবে কর্ষিত ভূমি থেকে উৎপন্ন শস্য সিদ্ধ করবে, কী ভাবে তা চূর্ণ করতে হয় । আর কতকাল তোমরা বন্যফলের মুখাপেক্ষী, মৃগয়ার মুখাপেক্ষী হয়ে থাকবে প্রজাগণ ? আর কতকালই বা অপক মাংস খাবে পশুর মতো ?... মহারানী ।

পাশে বসা নারীমূর্তিটি মুখ ফেরাল । তিস্যর অন্তরাখ্যা চিৎকার করে উঠল । নারীবোধধারী একটি শূন্যতা বসে রয়েছে তার পাশে । কোনও অবয়ব নেই, মুখমণ্ডলের স্থানে ঘোর অন্ধকার । শূন্য, শূন্য, শূন্য সব... ।’

বিদ্বিসার দেখছিলেন এক অষ্টাদশবর্ষীয় তরুণ যুবক উপবিষ্ট রয়েছে সামনে এক জ্যোতিঃপুঞ্জের মতো আকৃতির ব্রাহ্মণ । বর্ষীয়ান, কিন্তু উন্নতদেহ । উন্নতশির, বাইরেটা যেন প্রজ্বলন্ত উষ্ণ । ভেতরটা স্নিগ্ধ যেন চন্দনতরু । পাঠ শেষে তরুণ প্রণাম করছে, ঋষিপ্রতিম আচার্য উঠে দাঁড়াচ্ছেন,



সামনে প্রসারিত করে দিয়েছেন হাত, করতল দিয়ে স্পর্শ করছেন তরুণের শির—তুমি রাজ চক্রবর্তী হবে বিশ্বিসার ।’

—‘সত্য ? সত্য বলছেন আচার্য ?’ তরুণের শিতা ব্যগ্রস্বরে জিজ্ঞাসা করছেন । —‘সত্য ? না আশীর্বাদ ?’

—দেবরাতের আশীর্বাদে আর সত্যে কোনও পার্থক্য থাকে না তবু স্বেচ্ছাজ্ঞা ।

বিশ্বিসারের সামনে এ দৃশ্যের পাত্র পরিবর্তিত হয়ে গেল । সামনে এক বিন্দু চন্দনতরু, ভেতরে প্রকলন্ত উষ্ণাই বৃষ্টি । করুণার সমুদ্র নয়ন দুটি । কিন্তু স্বর জলদগাঙ্গীর ।

—জন্ম থেকে শত শত বন্ধনে বন্দী মানুষ । শত নিবেদ্যাজ্ঞা পদে পদে । একমাত্র প্রব্রজ্যায় নিষেধ নেই । প্রব্রজ্যায় পথ বন্ধ করে দেওয়া অমানবিক নিষ্ঠুরতা ।

বিশ্বিসার নিজেকে বলতে শুনলেন কিন্তু তা হলে এই জগৎসংসার, এই রাজ্য, এই জনযাত্রা চলবে কী করে দেব ? কী ভাবে চালাব ? একদিনেই তো সমগ্র পৃথিবী ভবচক্র থেকে মুক্ত হয়ে যাবে না ? প্রব্রজিত ভিক্ষুদের পিণ্ডদানের জন্যও তো সমাজ চাই ? কে ধারণ করবে সেই সমাজ ?—এতো কথা তিনি বলেননি । তথাগতর ভাষাও সামান্য ভিন্ন ছিল । কিছু তবু এ সবই তাঁরা উভয়েই বলেছিলেন, একে অপরের ভাষা পরিপূর্ণ বুঝতে পেরেছিলেন । নীরব সব । নিস্তব্ধ । অনেকক্ষণ । তারপর সেই ব্রহ্মঘোষ

...তাই হবে । সৈনিকদের থেকে প্রব্রজ্যায় অনুমতি প্রত্যাহার করে নেওয়া হল ।

তথাগতর কণ্ঠে এখন জ্বল । অতল ওই চোখদুটিতেও কি বাস্প ? বিশ্বিসার তথাগতকে দুঃখ দিয়েছেন । রাজ্যের কাজই হল দুঃখ দেওয়া । দুঃখ দেওয়া, দুঃখ পাওয়া, দুঃখ পাওয়া...

দুঃখ-শূন্যতা-বিজয়ের গরিমা ও শান্তি, শূন্যতা-শান্তি-দুঃখ, শান্তি-দুঃখ-শূন্যতা তিনটি চক্রের মতো ঘুরে যাচ্ছে তীব্র বেগে । একে অপরকে স্পর্শ করছে আবার দূরে চলে যাচ্ছে ।

হঠাৎ বিশ্বিসারের মনে পড়ল কিছু । তিনি বললেন—সখা চণক, কোথাও কি কিছু হারিয়েছে ?

—কই না তো মহারাজ ।

—ভেবে বলো ।

—ভেবে পাচ্ছি না তো ।

বিশ্বিসার তাঁর পাশে রাখা স্থবিকাটি খুলে, ধীরভাবে একটি বস্তু বার করে আনলেন, ডান হাত দিয়ে খানিকটা তুলে ধরে বললেন—চিনতে পারো ?

একটি সুবর্ণমণ্ডিত কঙ্কতিকা, মধ্যে মধ্যে রক্তাভ মুস্তা । কালো দাঁতগুলি কঙ্কতিকার । সব মিলিয়ে ঝকঝক করে উঠল কঙ্ক । কঙ্কতিকার মধ্যে লিখিত কাত্যায়ন চণক ।

চণকের দুরযাত্রী চিন্ত যেন এক লক্ষ্যে বিশ যোজন পেরিয়ে এলো । দুই চোখে ব্যগ্র বিশ্বিসার ।

—এ কঙ্কতিকা কোথায় পেলেন মহারাজ ? কোথায় ?

মৃদু মৃদু হাসছেন বিশ্বিসার—‘তবে যে বলছিলে হারাওনি কিছু ! দৈবরাত চণক যে স্বর্ণ-মুক্তার কাড়াল নয়, তা সবাই জানে । এই কঙ্কতিকা কোন প্রিয় উপহার ? কোন সুপ্রিয় অভিজ্ঞান ? বলবে না আমায় সখা চণক ?’

—বলছি । কোথায় পেয়েছেন, কী ভাবে পেলেন শীঘ্র বলুন মহারাজ ।

—একটি চোরের কাছ থেকে । শুধু চোর নয়, একটি চোরও নয় । দুটি চোর । চোর এবং চৌরী । চৌরীটি তার কেশে পরেছিল এই কঙ্কতিকা । রাজতটদের সন্দেহ হয়, বন্য যক্ষীর মাথায় সুবর্ণ কঙ্কতিকা ? ধরে স্থানীয় বোহারিকের কাছে নিয়ে যায় ।

চণক উঠে দাঁড়িয়েছে—তারপর ? মহারাজ তারপর ?

—তারপর আর কী ? কঙ্কতিকায় কাত্যায়ন চণকের নাম দেখে বৈহারিক একেবারে আমার কাছে সোজা পাঠিয়ে দিলেন দ্রব্যটি ।

—‘আর সেই যক্ষ-যক্ষী ?’

‘চোরের শান্তি পেয়েছে । আবার কী ? চোরটির হস্ত দক্ষিণ হস্ত ছিন্ন করবার আদেশ হয়েছে । চৌরীটির...

জ্যা-মুক্ত শরের মতো দৈবরাত চণক ছুটে বেরিয়ে গেল।

মহারাজ হতবুদ্ধি হয়ে বললেন—‘কোথায় যাও?’

তিষ্যকুমার হতবুদ্ধি হয়ে বলল—‘কী হল? কী হল?’

তোরণের পর তোরণ পার হচ্ছে, শিখিলভঙ্গি দ্বারীরা ছুটন্ত পুরুষমূর্তি দেখে বিস্মিত সতর্ক হয়ে উঠে দাঁড়াচ্ছে...এ ওকে বলছে—রাজমিস্ত্র মহামান্য চণক না?

—উনি তো মহারাজের আচারিয় পুত্র, এই তো কিছুক্ষণ আগে...

নিজের অশ্বও ছেড়ে, কোনদিকে না তাকিয়ে উশ্বস্তের মতো ছুটে যাচ্ছিল চণক। চিস্তক তীব্র স্বরে হেঁচা করে উঠল। চণক দৌড়ে গিয়ে এক লাফে উঠল তার পিঠে। —‘চল চিস্তক, চল—উত্তর তোরণ। আমক শ্মশান’—যেন চিস্তক তার ভাষা বুঝবে। উচ্চাবেগে ছুটে চলেছে চণক। রাজপথে পদযাত্রীরা ছুটে সরে যাচ্ছে। রথগুলি কোনওমতো পাশ দিচ্ছে। পথকুকুরগুলি চিৎকার করে দৌড়ছে। একটি মার্জারি বোধহয় চিস্তকের পায়ের এক আঘাতে দূর ছিটকে পড়ল। পিষ্ট হয়ে গেল একটি কুকুরশাবক।

—আরও জোরে চিস্তক আরো জোরে...চণক সামনে ঝুঁকে পড়েছে।

হতবুদ্ধি মহারাজ বললেন—শুরুতর কিছু হয়েছে, তিষ্যকুমার শীঘ্র চলো। দ্বারী। আমার অশ্ব প্রস্তুত করতে বালো। যতো তাড়াতাড়ি পারো।

দিবসের তৃতীয় যামেই যেন অমানিশার ঘোর তমিষা নেমেছে। চণক পথ দেখতে পাচ্ছে না। শুধু দিক। উত্তর। উত্তর প্রান্ত। দু পাশ দিয়ে ছুটে পেছনে সরে যাচ্ছে বৈপুল, বৈভার। গিরিগুলিও বৃষ্টি দৌড়ছে। তাদের এতদিনের স্বভাব, স্বাবরতা ত্যাগ করে কোন মহা উদ্বেগে মহা আশঙ্কায় দৌড়ছে। দৌড়ছে বৃক্ষগুলি। জনবহুল রাজমার্গ? তা-ও দৌড়ছে।

অবশেষে আমক-শ্মশান। ঘন বৃক্ষ দিয়ে ঘেরা রাজগৃহের বধ্যভূমি। এখানে অপরাধীদের হস্ত পদ ছেদন করা হয়। পাশবিক চিৎকার করতে করতে শূলদণ্ডে বিদ্ধ হয় মানুষ। যুগবদ্ধ মন্তকের ওপর নেমে আসে ভয়ানক খড়্গ। রক্ত ছিটকে যায়, মুণ্ড ছিটকে যায়। ছুটে আসে রক্ত পিপাসু তরক্ষু, শৃগাল। ওপর থেকে রূপ রূপ করে নামে গৃধ্রদল। গলা অবধি প্রোথিত জীবিত মুণ্ডের দিকে ধেয়ে যায় দুঃস্বপ্নের বিভীষিকার মতো পশুপাখিগুলি। কেউ চোখ খুলে নেয়, কেউ এ কান, কেউ ও কান। জীবিত মুণ্ড শুধু মরণান্তিক আতঙ্কে, যন্ত্রণায় চিৎকার করতে থাকে। তরক্ষুর হাসির শব্দে ডুবে যায় তার ত্রাসস্তিমিত স্বর। তারপর পা দিয়ে মাটি খুঁড়ে খুঁড়ে অর্ধজীবিত দেহটিকে বার করে পশুরা। একটি মনুষ্যশরীর চেতনার শেষবিন্দু পর্যন্ত ছিন্নভিন্ন হতে থাকে। চোর, দস্যু, ভূগঘাতক, হত্যাকারী, ব্যভিচারিণী, বৈদেশিক চর, রাজদ্রোহী—সবাইই অগ্নাধিক এই জাতীয় দণ্ড। তবে অপরাধী সহজে মেলে না। সবাই জানে অপরাধের এই ভয়ানক পরিণাম। নগরীতে এই আমক শ্মশান প্রত্যক্ষ। নগরবাসীর অন্তিহের মধ্যে বিদ্ধ এক আতঙ্কবিন্দু। কিন্তু, নগরী থেকে যতই দূরে যাওয়া যাবে ততই এ স্মৃতি ক্ষীণ, ক্ষীণতর। জানা আছে কিন্তু সে এক অপ্রত্যক্ষ নৈর্ব্যক্তিক তথ্য। আছে। রাজগৃহের উত্তর তোরণের বাইরে একটি আমক শ্মশান আছে। এই পর্যন্ত। তাই নগরীর বাইরে বিস্তীর্ণ গ্রামাঞ্চলে, বিভিন্ন রাজ্যের মধ্য দিয়ে চলাচলের সুদীর্ঘ পথগুলিতে, নদীগুলিতে চৌর্য আছে, দস্যুবৃষ্টি আছে, ব্যভিচারও আছে। ঘাতকের দিনগুলি সবই বিফল যায় না।

চিস্তক তার আরোহীসম্মত শরের মতো নিশ্চিন্ত হল এই বধ্যভূমিতে। তখন একটি কৃষ্ণাঙ্গ তরুণের দ্বিতীয় হস্তটিও ছিটকে পড়ছে রক্তে ভেজা মাটির ওপর। ‘পার্বত্য বৃষ্টি’ মতো গরম রক্ত উঠছে। রক্তকরবীর মালা পরা প্রকাণ্ড মূর্তিটি পিশাচের মতো হাসছে। ‘শান্তি দিয়েছি, রাক্ষসকে শান্তি দিয়েছি। রাক্ষসীকে শান্তি দিয়েছি। এক জোড়াকে পারিনি। আরেক জোড়াকে পেরেছি। চণক লাফিয়ে নেমে খড়্গসম্মত সেই ভীষণ হাত ধরল।

—থামো ঘাতক, থামো।

—থেমেছি তো। যে পর্যন্ত শান্তি আদেশ ছিল, দিয়েছি। তারপর থেমেছি।

—উদ্দক। উদ্দক! চণক ডাকল

—দুই কাঁধ থেকে স্রোতের মতো রক্তপাত হচ্ছে। কৃষ্ণাঙ্গ তরুণটি লুটিয়ে পড়েছে। তার চোখ

খোলা, কিন্তু তাতে কোনও দৃষ্টি নেই।

চণক নিজের উত্তরীয় ছিড়ে প্রাণপণে স্রোতের মুখ বাঁধতে বাঁধতে বলল—ঘাতক বৈদ্য ডাকো, বৈদ্য আনো। শীঘ্র, বিলম্ব করো না। একটি বালিকা ছিল, বালিকা...তাকে কোথায় রেখেছে ?

ঘাতক রক্ত চক্ষে চেয়ে বলল—সে-ই তো প্রকৃত অপরাধিনী। তার নাক-কান কেটে ফেলে দিয়েছি।

—বলছে কী ? চণক বাতাসের অভ্যন্তর চিরে আর্তনাদ করে উঠল। কোথায় সে ? কোথায় ?

আঙুল দিয়ে দেখালো ঘাতক—ওই তো, ওই দিকে দেখতে পাচ্ছেন না ?

দু-তিনটি শব্দেদের ওপর থেকে কৃষ্ণবর্ণ একটি হাত এলিয়ে পড়ে আছে।

বিস্বিসার যখন তিষ্যকুমার এবং আরও রক্ষীদের নিয়ে বধ্যভূমিতে পৌঁছিলেন তখন কৃষ্ণকায় সেই তরুণীর কর্ণ-নাসিকাহীন শির কোলে নিয়ে চণক উন্মাদের মতো হাহাকার করছে—রগ্গা, রগ্গা, রগ্গা...।

বিস্বিসার পেছন ফিরে রক্ষীদের আদেশ করলেন—জীবক বৈদ্য এবং বৈদ্য সম্রতিকে নিয়ে এসো। অবিলম্বে। বলবে রাজাদেশ। মুহূর্তকালও যেন বিলম্ব না হয়।

আরও কয়েকজন রক্ষীর দিকে ফিরে বললেন—শীতল জল আনো, পরিষ্কার বস্ত্রখণ্ড। শীঘ্র যাও।

চণকের পাশে নতজানু হয়ে বসে পড়েছেন বিস্বিসার। ভুলে গেছেন তিনি রাজা\*। চতুর্দিকে তাঁর ভূতিভোগী রক্ষী, প্রহরী, ঘাতক দল। তাদের সামনে তিনি এক মাত্র বুদ্ধ তথাগত ছাড়া আর কারো কাছে নত হন না। এমনকি যখন অজিত বা নির্গৃহ নাতপুত্র কিম্বা সঞ্জয়ের কাছেও যান সমবেত শিষ্যমণ্ডলী, শ্রোতামণ্ডলী উঠে দাঁড়ায়। উচ্চাসনে বসে থাকেন সঞ্জয় বা নাতপুত্র, কিম্বা অজিত তাঁরাও তাঁকে আশীর্বাদের ছলে উঠে দাঁড়ান। তিনি উপবিষ্ট হলে, তবে সবাই আবার বসেন। একমাত্র ব্যতিক্রম বুদ্ধ তথাগত। আর ব্যতিক্রম ঘটল আজ। আত্মবিশ্মৃত রাজা নিজের দণ্ডমুকুটধারী ভাবমূর্তির কথা সম্পূর্ণ ভুলে গিয়ে মাটিতে জানু ঠেকিয়ে বসে বললেন—চণক, চণক, কী হয়েছে বন্ধু ? কী হল ?

নিজের হাত দিয়ে তরুণীর রক্তাক্ত নাসাস্থল আবৃত করে চণক বলল— অপরাধী নয়, নয়, এই বন্য তরুণ-তরুণী, রাজা এরা দিনের পর দিন আমায় আতিথ্য দিয়েছে সখ্য দিয়েছে, রক্ষা দিয়েছে, উজ্জীবন দিয়েছে, আর আমি এই সামান্য কঙ্কতিকা উপহারের ছলে আজ তাদের এই দিলাম। এই দিলাম মহারাজ এই দিলাম। ধিক সভ্যতা, ধিক আর্ঘতা, ধিক রাজশাস্ত্র। ধিক, ধিক, ধিক...

সমগ্র বধ্যভূমি, রাজভূমি, ভারতভূমি সাগরমেখলা আকাশমৌলি ধরাভূমি সেই ধিক্বারে থরথর করে কাঁপতে লাগল।

৩২

বোহারিক বললেন—অনঙ্গ চণ্ডাল ধরে এনেছিল। মাথার চুলে সুব্রহ্ম কঙ্কতিকা দিয়ে, সোজা-সজ্জা করে ওই বন্যতরুণী তরুণের হাত ধরে রাজগহ নগর দেখতে এসেছিল।

বিস্বিসার বললেন—আপনি তাকে জিজ্ঞাসা করেননি, সে কোথায় এ কঙ্কতিকা পেল ?

—জিজ্ঞাসা করেছিলাম। বললে এক যতি দিয়েছে। এরা সর্বশ্রেণীর সম্রাসীকে যতি, জটি এই সব বলে, জানেন তো ?

—ভালো কথা, সে তো আত্মপক্ষে কিছু বলেছিল। মানলেন না কেন ?

মহারাজের মুখ দেখে বোহারিকের তালু শুকিয়ে গেল। তিনি বললেন—কঙ্কতিকায় মহামান্য কাত্যায়ন চণকের নাম তক্ষিত রয়েছে দেখলাম। জিজ্ঞাসা করলাম চণককে চেনে কি না। বলল—না, চেনে না। এখন দেখুন মহারাজ, একে বন্য, তারপর সুব্রহ্মের দ্রব্য, এ দিকে বলছে যতি দিয়েছে। কী অসম্ভব কথা ! সম্রাসী কখনও কাউকে কিছু দেয় উপদেশ ছাড়া ? যদি বা দেয় সুব্রহ্ম দেবে ? তারপর মহামান্য চণকের নামাক্ষিত দ্রব্য। চণককে তারা চেনে না। আমি...

—আপনার একবারও মনে হল না তরুণ-তরুণী দুটির চুরির দ্রব্য অমন সর্বজনের দেখার জন্য প্রকাশ্যে পরে ঘুরে বেড়ানো অস্বাভাবিক। চোর তো চোরাই দ্রব্য গোপনই করে।

—না। উপহার অথচ উপহর্ত্যকে চেনে না...

—এ-ও তো আপনার মনে হতে পারতো যে কঙ্কতিকাটি হয়তো হারিয়ে গিয়ে থাকবে, সতাই কোনও সম্মাসী বা সম্মাসীবেশধারী কুড়িয়ে পেয়ে তরুণীটিকে উপহার দিয়েছেন সেটি।

—মহারাজ, অপরাধ মার্জনা করবেন, প্রণয়ীরা তরুণীদের কঙ্কতিকা উপহার দিতে পারে, সম্মাসীরা নয়। বন্যদের কথাবার্তা আচরণ এতোই অসঙ্গতিপূর্ণ যে...

সে কথাই বলছি বোহারিক মহোদয়, এতোই অসঙ্গতি যখন ছিল ঘটনাটিতে এবং কাত্যায়ন চণকের নামাঙ্কিত ছিল যখন দ্রব্যটি, তখন আপনি চণকভদ্রকে ডাকলেই তো পারতেন। তিনি কী উত্তর দেন, জানা আপনার প্রয়োজন ছিল না?

—মহারাজ ক্ষমা করবেন, অনঙ্গ তার দলবল নিয়ে বন্য দুটিকে বেঁধে এনেছিল। ভীষণ স্বরে বলছিল, যক্ষরা শিশুহত্যা করেছে। যক্ষরা চুরি করেছে, তাদের দশ দিন। দশ দাবি করছি বোহারিক। দশ না দিলে এ বার গোটা রাজগৃহ আমক-শ্মশান করে দিয়ে চলে যাবো। কোনও শব্দ আর দাহ হবে না।

—ও, তাহলে অনঙ্গ চণালই বোহারিক ছিল। আপনি ছিলেন না!

—না, অর্থাৎ, সময় দিতে চাইছিল না, ঘিরে রেখেছিল বিনিশ্চয়াগার...

—ও তাহলে আপনি চণালদের ভয়ে অন্যায় হচ্ছে জেনেও অমন দশ দিলেন...

—না, মহারাজ, আমার প্রত্যয় হয়েছিল বন্যরা মিথ্যা বলছে...

—আপনি বোহারিক পদের সম্পূর্ণ অযোগ্য। আসন ত্যাগ করুন। আর কোনওদিন মগধের সীমানার মধ্যে বোহারিকের কাজ করবেন না। চলে যান। এই মুহুর্তে।

—কে অনঙ্গ চণাল? কে?

রক্তকরবীর মালা পরা রক্তবসনধারী বিশালকায় অনঙ্গকে কারা পেছন থেকে ঠেলে সামনে এগিয়ে দিল। —এ, মহারাজ, এই অনঙ্গ চণাল।

—তুমি দলবল নিয়ে বোহারিকের কাজে বাধা সৃষ্টি করেছিলে?

—দলবল ছিল। বাধা তো কিছু দিইনি। উদ্ধত উত্তর।

—বন্যরা চুরি করেছিল কি না তা তো স্পষ্ট প্রমাণ হয়নি অনঙ্গ? তার আগেই তুমি দশ দাবি করোনি?

—স্পষ্ট প্রমাণ হলেও তো এ রাজ্যে অপরাধীর দশ হয় না মহারাজ। আমাদের বচগুলিকে খেয়ে যক্ষিণী তো দিবি রয়েছে। সুগন্ধি যাউ খাচ্ছে নাকি আজকাল।

—তাই তুমি অন্য এক যক্ষিণীর ওপর প্রতিশোধ নিলে?

অনঙ্গ আশুন-ঝরা চোখে চেয়ে চিৎকার করে বলল—হত্যাকারীর দশ যে বন্ধ করেছে সেই সমন বৃদ্ধকে আগে দশ দাও রাজা, এই বচহারা দলিদদের বঞ্চনা করে সগগলাভের কথা শুনিয়েছে যে, সেই সমন মোগগল্লানকে আগে দশ দাও রাজা, দশ দাও, দশ দাও।

সে তার দু হাতের শৃঙ্খল বিনিশ্চয়াগারের পাথরের স্তম্ভে ঠুকতে লাগল।

পেছনে অন্য চণালগুলি। হাত জোড় করে বলল—অনঙ্গ উন্মাদ হয়ে গেছে, মহারাজ, বচ হারিয়ে একেবারে উন্মাদ হয়ে গেছে। মাঙ্কনা চাইছি। মাঙ্কনা করুন।

—উন্মাদের স্থান লোকালয়ে নয়। প্রহরী এই উন্মাদকে কারারুদ্ধ করো।

বিনিশ্চয়াগার থেকে ক্লান্ত পদে, ক্লান্ত মনে বেরিয়ে এলেন বিনিশ্চয়ার। রথে উঠলেন। রথ ছুটল। অবসন্ন রাজা অঙ্গ শিথিল করে, চোখ বুজলেন। বড় ক্লান্তি, মহা ক্লান্তি, এত ক্লান্তি কেন?

—রক্তপাত নয়। এই বন্যরা রক্তপাতে কাবু হয় না। এদের শরীর অতি কঠিন ধাতু দিয়ে নির্মিত।

—তা হলে ? তাহলে তরুণটিকে বাঁচানো গেল না কেন আয়ুত্মান জীবক ? ভূমি কী মনে করে ?

—মানবর সম্রতি, আমার ধারণা তরুণটির চিন্তে একটা দারুণ আঘাত লেগেছিল। তার থেকেই হৃৎপিণ্ড বিকল হয়ে গেল। অপ্রত্যাশিত একটা আঘাত।

—চিন্তে আঘাত ? শরীরের আঘাতের চেয়েও বড় ?

—তাই তো মনে হচ্ছে।

বৈদ্য সম্রতির বয়স হয়েছে। কেশে ভালোই পাক ধরেছে। চিকিৎসা করে করে তাঁর হাত মন-মস্তিষ্ক সবই যেন যন্ত্রের মতো সূক্ষ্ম হয়ে গেছে। এখন এসেছে এই তরুণ যুবা জীবক ! তাঁর মুখে বক্র হাসি খেলে গেল ! চিন্ত ! ঠাঁ : চিন্ত ! রক্তপাতটা কিছু না। কিছুই না।

দেখুন মহামান্য সম্রতি মনে কিছু করবেন না, চোরদের হস্তচ্ছেদ তো হয়েই থাকে। কেউ মারা গিয়েছে বলে শুনেছেন কী ? জীবকের মুখ গম্ভীর। চোখে সামান্য কৌতুকের ঝিলিক। সে বৈদ্য সম্রতির বাঁকা হাসি লক্ষ্য করেছে।

সম্রতি বললেন—কিন্তু আয়ুত্মান জীবক, সাধারণত চোরদের দক্ষিণ হস্ত ছেদন করা হয়, তা-ও কনুই থেকে। এ ব্যক্তির দুই হাতই কেটে ফেলা হয়েছে, একে বারে বাহুমূল থেকে। ক্ষত আরও ভয়াবহ। রক্তপাতও পরিমাণে অনেক।

—কিন্তু মহারাজের আচার্যপুত্র চণক তো প্রায় সঙ্গে সঙ্গেই সে রক্তপাত বন্ধ করবার চেষ্টা করেছিলেন। রোগী তো ঔষধপ্রয়োগের সময় দিল না। একটি বন্য যুবার শরীরের শক্তি, সহন ক্ষমতা এ গুলি তো সভ্য মানুষের থেকেও অধিক হবার কথা মহামান্য সম্রতি ! এ তো হস্তচ্ছেদ নয়, যেন শিরচ্ছেদ। ওর প্রাণ কি ওই হস্তদ্বয়েই ছিল ?

—পরিহাস করছে জীবক ? মহামান্য সম্রতির মুখ গম্ভীর।

জীবক বলল—কী বলছেন আপনি মানবর ? পরিহাস করবো ? আয়ুর্বেদের নূতন দিক উন্মোচিত হতে যাচ্ছে আর আপনি বলছেন পরিহাস ?

—কী বলতে চাইছে, পরিষ্কার করে বলো। আমি কিছুদিন হল কানে ভালো শুনি না।

জীবক মনে মনে বলল—একটু চিৎকার করে বললেই আপনার কানে কথাগুলি ঠিকই পৌঁছে যাবে। কিন্তু মনে পৌঁছবে কী ? মনকে যে দ্বাররুদ্ধ কক্ষের মতো করে রেখে দিয়েছেন !

মুখে বলল—প্রাণ কোথায় থাকে কেউ জানে না, মহাবেজ্জ। ত্রিদোষ বিকারের ফলে দেহস্থ প্রধান প্রধান যন্ত্রের একটি যখন বিকল হয়ে যায়, তখন প্রাণ বেরিয়ে যায়। প্রধান প্রধান অঙ্গ ছেদন করলেও যায়। কিন্তু অন্যথায় যাবার কথা নয়। আমার বক্তব্য হচ্ছে—আকস্মিক আঘাত—শুধু শরীরে নয়, মনে, হৃদয়ে, মৃত্যুর কারণ হতে পারে। এই যে বন্য যুবা তার প্রণয়িণীকে নিয়ে নগর দেখতে এসেছিল, তাদের হৃদয় ছিল আনন্দে পরিপূর্ণ। শঙ্কার লেশমাত্র তাতে ছিল না। কল্পতিকাটি তারা এমন কারও কাছ থেকে পেয়েছিল যাকে উভয়েই সম্পূর্ণ বিশ্বাস করে, ভালোবাসে। ওই কল্পতিকার জন্য যে তাদের শাস্তি পেতে হতে পারে, তা তারা কল্পনাও করেনি। এই আকস্মিক মানসিক আঘাত এদের মৃত্যুর প্রধান কারণ।

সম্রতি বললেন—এদের মৃত্যুর ? উভয়ের কথা বলছে নাকি ?

জীবক ভাবিত স্বরে বলল—বললাম, বলে ফেললাম।

সম্রতি উৎকণ্ঠিত হয়ে বললেন—চলো আয়ুত্মান, বালিকাটিকে আরেকবার দেখে আসি।

জম্বুবনের মধ্যস্থিত গান্ধারভবন নামে কাঠের অনুপম প্রাসাদটিতে শাকময় স্তম্ভতা। প্রধান শয়্যাগৃহ এখানে চারটি। জিতসোমা ও চণকের ছাড়াও দুটি স্বতন্ত্র শয়্যাগৃহ আছে। জিতসোমার কক্ষটি অস্তঃপুর ঘেঁষে। বাকি তিনটি আসনশালার কাছেই। জিতসোমা সেদিন আপনকক্ষে ব্যস্ত ছিল লিখতে। তক্ষশিলার অনেক আচার্য ও ছাত্ররা মনন-প্রয়োগে অস্তান্ত কুশলী হয়। একই সঙ্গে তিন চার পাঁচ প্রকার ভাবনা চিন্তা করা তাদের কাছে কিছুই নয়। এইভাবে শতাবধান ব্যক্তি অর্থাৎ একই সঙ্গে একশ দিকে মন প্রয়োগ করতে পারেন এমন পণ্ডিতও সেখানে বিরল নয়। কিন্তু জিতসোমার একটিই মন, তার প্রয়োগও এক কালে দুই প্রকার হয় না। সে অনন্যমনে লিখছিল। সে শুধু অনুলিপিকার নয়। প্রকৃতপক্ষে জিতসোমা রাজশাস্ত্র পড়তে পড়তে এমনই মগ্ন হয়ে গেছে

যে, তার নিজের চিন্তা, নিজের ধারণাও এই তথাকথিত অনুলিপির মধ্যে প্রবেশ করছে। সে এ কথা এখনও চণককে বলেনি। বলবে কিনা ভাবছে। চণক হয়ত তার ভাবনাগুলিকে যথাযথ মূল্যই দেবেন। কিন্তু স্বতন্ত্র করে লিখতে বলবেন, যা জিতসোমার মনোমত নয়। এই সময়ে অশ্বকুরের শব্দ। যেন বহুজন একসঙ্গে তার গৃহের দিকে ধাবিত হচ্ছে। মানুষের মুখের শব্দ নেই। খালি রথের ঘর্ষ, অশ্বের মৃদু হ্রেয়া, কিন্তু এত অশ্ব রথ ও মানুষ যে, গৃহটি যেন কাঁপছে। জিতসোমা ছুটে বেরিয়ে এলো। দ্বারপ্রান্তে দাঁড়িয়েছে সে, দীর্ঘ কেশ লুটোচ্ছে, উত্তরীয়টি যেমন তেমনভাবে গায়ে জড়ানো। সে দেখল রাজরথ আসছে। দুদিক থেকে দুটি ঘোড়ার পিঠ থেকে লাফিয়ে নামল তিষ্যকুমার ও জীবকভদ্র। জীবকভদ্রকে সে রাজাস্তম্ভপুরে কয়েকবারই দেখেছে। চিনতে পারল। রথ থেকে সাবধানে নেমে এলেন আর্য চণক। তাঁর প্রসারিত দু হাতের ওপর একটি নিষ্পন্দ কৃষ্ণাঙ্গ নারীশরীর। একপ্রকার নগ্নই বলতে গেলে। কটিবস্ত্রটি ছিন্নভিন্ন। প্রথমেই সোমা দেখল দুটি সুবর্তুল কৃষ্ণাঙ্গুল স্তন, কঠিন শিলানির্মিত মনে হয়। আকাশের দিকে তাদের বৃন্ত উচিয়ে রয়েছে। তারপর চোখ পড়ল মুখের ওপর। রক্তের দাগ, নানাভাবে পট্টিকা লাগানো। চণক তরুণীটিকে বয়ে আনছেন অতি সাবধানে, তাঁর চোখ মুখের ভাব কেমন আছুত! যেন তিনি কাউকে চিনতে পারছেন না। যেন তিনি এ জগতে নেই।

তাঁকে পথ করে দেবার জন্য জিতসোমা চকিতে সরে গেল, চণক প্রবেশ করলেন তাঁর আপন শয়্যাগৃহে। পেছন-পেছন আসছেন মহারাজ বিহিসার, বৈদ্য সন্নতি। রাজরক্ষীরা বাইরে দাঁড়িয়ে রইল। চণক নিজের মৃগচর্ম আচ্ছাদিত শয়্যা শুইয়ে দিলেন তরুণীটিকে। একটু সরে দাঁড়ালেন, জীবকভদ্রের দিকে চাইলেন, জীবকভদ্র ও বৈদ্য সন্নতি দুদিক থেকে এগিয়ে এসে মেয়েটিকে পরীক্ষা করতে লাগলেন। চণক মাথার কাছে স্তব্ধ দাঁড়িয়ে। একেবারে স্তব্ধ।

জিতসোমা কিছুই বুঝতে পারছিল না। এ কে? একে তাদের গৃহেই বা আনা হল কেন? চণকের এরূপ অবস্থাই বা কেন? তরুণীটি কি তাঁর প্রণয়িনী! কে একে এভাবে আঘাত করলে? এমন গুরুত্ব দেওয়া হচ্ছে ব্যাপারটিকে যে স্বয়ং মহারাজ বিহিসার এসেছেন!

এই সময়ে জীবক বলে উঠলেন— জল, গরম জল।

সোমা তাড়াতাড়ি ঘরের দ্বারের কাছে দাঁড়ানো এক দাসীকে গিয়ে নির্দেশ দিল। সন্নতি এতক্ষণ তরুণীটির নাড়ি ধরেছিলেন। এবার তার ডান হাতটি ধীরে ধীরে নামিয়ে রাখলেন। জীবকের দিকে চেয়ে বললেন— নাড়ি স্ফীণা, তবে ভয়ের কিছু নেই।

জীবক বললেন— পরিষ্কার বস্ত্রখণ্ড চাই। দুটি কবল। রোগিণীর দেহ বড়ই শীতল।

সোমা আবার দ্বারের কাছে গেল।

জীবক বললেন— ভদ্রে আপনি কি রোগিণীকে গরম জল দিয়ে পরিস্কৃত করে দিতে পারবেন। আমি আর আর্য সন্নতি থাকবো। নির্দেশ দেবো।

সোমা বলল—না।

চণক মুখ তুলে তাকালেন। তিষ্যকুমার কিছু বলতে গিয়ে চূপ করে গেল। মহারাজ বিহিসার বললেন কল্যাণি, তোমার দাসীদের নির্দেশ দাও।

জিতসোমা এবার দ্বারের কাছে গিয়ে দুটি দাসীকে ডেকে দিল। তারপর ধীরে ধীরে ঘর থেকে নিজস্ব হয়ে গেল।

সে দেখেছে তরুণীটির নাসিকা ও কর্ণ ছিন্ন করা হয়েছে। সেখানে পট্টিকা লাগানো, কিন্তু সে দেখেছে। ব্যভিচারিণীর শাস্তি। এই কৃষ্ণাঙ্গিনী কে? দেখে মনে হয় অশ্বিনীমবর্গের। গান্ধার মদ্র এসব দেশে এই প্রকার কৃষ্ণাঙ্গ বড় একটা দেখা যায় না। কসনটি কৃষ্ণশিলার মুনিদের মতো। বৃক্ষবন্ধল! কার স্ত্রী হতে পারে এই রমণী! কার সঙ্গেই বা ব্যভিচার? আর্য চণক এরূপ বিষণ্ণ কেন? তরুণীটি কি তাঁর পত্নী? এই রমণীর অঙ্গ স্পর্শ করলে সোমার কেমন ঘৃণা হচ্ছে। আরও কী হচ্ছে সে প্রকাশ করতে পারছে না। সে নিজের কক্ষে গিয়ে দ্বার রুদ্ধ করে দিল। শয়্যা বসে পড়ল। কিছুক্ষণ পর জিতসোমা দেখল তার দুই চোখ জ্বালা করে অশ্রু ঝরছে। অশ্রু ঝরছে।

রোগিণীকে পরিস্কৃত করে দাসীরা একটি নূতন বস্ত্র পরিয়ে দিয়েছে। উত্তরীয় দিয়ে ঢেকে দিয়েছে

উর্ধ্বাঙ্গ । দুটি কবল দিয়ে তার কণ্ঠ পর্যন্ত ঢাকা । শুধু তার সুপ্রচুর কেশ এখনও পর্যন্ত কিছু করা যায়নি । ঝাঁকুনি লাগলে আবার রক্তক্ষরণ হতে পারে । ভৈষজ্য দিয়ে ভালভাবে বাঁধা হয়েছে ক্ষতস্থান । সারা মুখটিই পট্টিকা দিয়ে আবৃতপ্রায় ।

সমস্ত কাজ সম্পূর্ণ হলে জীবক বললেন— মহামান্য সম্রতি । কত দিনে ক্ষতস্থান শুকোবে বলে আপনার মনে হয় !

সম্রতি বললেন— সম্পূর্ণ শুকোতে পক্ষকাল তো অন্তত সময় নেবেই !

আমারও তাই অনুমান । তারপর একে ভালো করে পরীক্ষা করে দেখব । তারপর মহারাজ এবং চণকভদ্রর যদি অনুমতি হয়, আমি এর কৃত্রিম কর্ণ ও নাসিকা প্রস্তুত করে দেবো ।

জীবক উঠে দাঁড়ালেন ।

সম্রতি বললেন, কৃত্রিম কর্ণ-নাসিকা ? জীবক তুমি কি পাগল হলে ? শুনেছি বটে তুমি সুব্রহ্মসেটটির করোটি ভেদ করে কৃমিকীট বার করে এনেছে ।

জীবক বললেন— জটিল সেটটির এক পত্নীর উদরেও শল্যচিকিৎসা করেছি মহামান্য সম্রতি । ঔর অস্ত্রগুলি পাকিয়ে গিয়েছিল । সেগুলি বাইরে এনে গ্রহিণীমোচন করে আবার কৃষ্ণিতে সংস্থাপন করেছি । মহারাজের ভগন্দর তো অস্ত্র করে বাদ দিয়েছিই । এবার...

—একি জাদু না কি ? জাদুবিদ্যা ? বিরক্ত এবং আশ্চর্য হয়ে সম্রতি বললেন ।

জীবক হাতের একটা ভঙ্গি করে বললেন— আপনি নিজে একজন ভৈষক হয়ে, যদি এ প্রকারের কথা বলেন, তবে আর কী করতে পারি ? চিকিৎসা-বিদ্যায় জাদুর স্থান নেই মহারাজ । আপনি যদি অনুমতি দেন এই তরুণীটিকে তার পূর্বের রূপ ফিরিয়ে দেবার চেষ্টা করতে পারি ।

বিস্মিত বিহিসার বললেন— কী ভাবে জীবক ? আমায় বলবে ? অসুস্থ প্রত্যঙ্গ বাদ দেওয়া এক বস্তু । কিন্তু নূতন প্রত্যঙ্গ সংযোজন করা...

জীবক বললেন— মহারাজ, আপনাদের যতটা সহজভাবে বোঝানো যায়, সেভাবে বলছি । আমার পরিকল্পনা হল, দৈর্ঘ্য-প্রস্থে প্রশস্ত অস্থ্য-পত্র দিয়ে কাটা নাকের মতো একটি কৃত্রিম নাক প্রস্তুত করব, তারপর তার সমান করে গণ্ডু কিংবা গ্রীবা থেকে চর্ম কেটে নেবো । তাই দিয়ে নাক গড়ে মুখে নাকের কাটা অংশের উপরে বসিয়ে পশুরোম দিয়ে সেলাই করে দিলে ধীরে ধীরে জুড়ে যাবে । নূতন নাকের ভিতরে দুটি নল প্রবেশ করিয়ে দিলে নিশ্বাস-প্রশ্বাসেরও সুবিধা হবে । নাকটি দৃঢ়ও হবে । কান দুটি হয়ত দেখতে অত ভালো হবে না । না-ই হল । কিন্তু কৃত্রিম বলে কিছুতেই বোঝা যাবে না । অনুমতিটা দিয়ে ফেলুন মহারাজ ।

বিহিসার বললেন— বৈদ্যর আবার অনুমতির প্রয়োজন কী ? প্রাণ সংশয়ের প্রশ্ন আছে না কি ?— তিনি চণকের দিকে তাকালেন ।

জীবক বললেন— কিছুমাত্র না । তারপর তিনি চণকের দিকে তাকিয়ে বললেন— রোগিণীর শয্যাপার্শ্বে দিবারাত্র কারুর না কারুর থাকা প্রয়োজন ।

চণক মৃদুস্বরে বলল— আমি থাকবো ।

সম্রতি বললেন— একটি দাসীকে নিযুক্ত করবেন । রোগী রমণী যখন... তখন নানারূপ প্রয়োজন...

চণক বলল— সেবকের কোনও লিঙ্গ নেই ।

পক্ষকাল কেটে গেছে । ক্ষতস্থানও শুকিয়ে এসেছে । যদিও দুই বৈদ্যর অনুমান মিথ্যা প্রমাণ করে এখনও সম্পূর্ণ শুকোয়নি । দুদিন অন্তর অন্তর পট্টিকা পান্টনো এবং নূতন করে ভৈষজ্য লেপন করা জীবক নিজেই নিষ্ঠাভাবে করে চলেছেন । কিন্তু তরুণীটির যেন এখনও আচ্ছন্ন, ভালভাবে জ্ঞান ফিরে আসছে না । জ্বর নেই । অথচ প্রলাপের প্রবণতা আছে । নিজেদের ভাষায় সে কী সব যেন বলে । চোখ মেলে । কিন্তু বোঝা যায় তার চৈতন্য নেই ।

সম্রতি এর কোনও কারণ নির্ণয় করতে পারছেন না ।

জীবকের নিজস্ব একটি মত আছে এ বিষয়ে, কিন্তু সে তা প্রকাশ করছে না। সে এখন অধীর হয়ে আছে নবনাসিকা ও কর্ণ প্রস্তুতের পরিকল্পনা প্রয়োগের জন্য। এখন রোগিণী অচৈতন্য-প্রায় হয়ে আছে, হীবা থেকে কলা কেটে নেওয়ার কাজটা এখনই নির্বিঘ্নে হয়ে যেতে পারতো। কিন্তু সে বুঝতে পারছে রোগিণী এখনও বিপন্নুক্ত নয়। বাইরের ক্ষত শুষ্কপ্রায়, কিন্তু সেই শ্রমিকমিতার আঘাত, তাকে এখনও বিকল করে রেখে দিয়েছে। তার বিদ্যা প্রয়োগ করলে যদি রোগিণীর মৃত্যু হয় তো চণকভদ্র তাকে ছেড়ে দেবেন না। মৃত্যু হলে হবে অন্য কারণে, কিন্তু সম্ভবত চণকভদ্র তা বুঝবেন না। জীবক তীক্ষ্ণদী মানুষ। সে অনুভব করছে দৈবরাত চণক ঠিক সরল মানুষ নয়। অধিক কথা বলেন না। এখন একেবারেই বলছেন না। এখন তিনি শান্ত। বিবিষ্ট। সবার কাছ থেকে যেন নিজেকে সরিয়ে নিয়েছেন, চিন্তের কোন গহনে তিনি যেন গুহাহিত। কিন্তু সে চণককে শ্মশানে ঝঞ্জাবাততাড়িত বনস্পতির মতো আক্ষেপ করতে দেখেছে। এর ভেতরে কোনও গুঢ় ব্যাপার আছে। যত সহজে জটিল সেটটির তৃতীয়া পত্নীর উদর দেশ চিরে অস্ত্রগুলি সে গিট খুলে আবার ভেতরে সংস্থাপিত করতে পেরেছিল, এই বন্য তরুণীর চিকিৎসা তত সহজ হবে না। রোগী এবং বৈদ্য উভয়ের মধ্যে শুধু রোগ থাকলে সমস্যা সহজ হয়। কিন্তু যদি থাকে তজ্ঞানা আবেগ, যদি থাকে রোগীর পরিপার্শ্বে বহুমাত্রিক সব বেদনার আঘাত সংঘাত... কঠিন প্রস্তুতের মতো মুখ চণকভদ্র, অপরাধীর মতো নিম্নীলচক্ষু রাজা, বিস্রস্তকেশা সুন্দরী গান্ধারীর চোখে কৃষ্ণবিদ্যুৎ, তাহলে? তাহলে তরুণ জীবকের কাজটা অপেক্ষাকৃত কঠিন হয়ে যায়।

উনিশ দিনের দিন জীবক এসেছে ক্ষতস্থান পরিষ্কার করতে। পরিষ্কারও হয়ে গেছে। শুধু সামান্য নরম আঘাতের স্থানগুলি। তরুণীটি চোখ মেলে চাইল। চোখ দুটি স্বাভাবিক। স্বচ্ছদৃষ্টিতে সে চারদিকে চেয়ে দেখল। চোখে কিম্বয়। জীবক চোখের ইঙ্গিতে চণককে ডাকল। হাঁটু গেড়ে বসে চণক সতর্ক স্নেহের সুরে ডাকল— রগ্গা, রগ্গা...

বিহ্বল দৃষ্টিতে তার দিকে তাকিয়ে রইল তরুণী, তার ঠোঁট নড়ছে। মৃদুস্বরে সে বলছে— অজ্ঞ আমায় ছেড়ে দে। অজ্ঞ তোদের পায়ে পড়ি আমাদের ছেড়ে দে।

চণক বলল— রগ্গা, কোনও ভয় নেই। তুমি ঘুমোও। তোমাকে সুপক্ক শূকরমাংসের সুপ খাওয়াবো। কত মধু, পায়স, উত্তম অন্ন, মোদক তোমার জন্য প্রস্তুত হচ্ছে।

এবার তরুণীর চোখে ত্রাস ঘনিয়ে এলো, বলল— আমি অজ্ঞদের দাসী হবো না। তোদের পায়ে পড়ি, আমি খুড়ার কাছে যাবো। উদ্দক কোথায়? উদ্দক?

চণক শান্ত গলায় বলল— রগ্গা, আমরা তোমার বন্ধু। একটু ইতস্তত করে আবারও বলল— আমায় চিনতে পারছো না?

তরুণী অবাধ হয়ে তাকিয়ে রইল। জীবক দেখল সহসা চণকভদ্র যেন কী মনে পড়েছে এমন মুখভাব করে দাঁড়িয়ে উঠলেন। ঘরের কোণে একটি পেটিকা থেকে কী সব বার করলেন। কিছুক্ষণ পর তিনি যখন এদিকে ফিরলেন তখন জীবক দেখল, চণক ভদ্রর মাথায় জটা, দীর্ঘ দাড়ি এবং গৌফ, কপালে বলি ঝাঁকা। অমন সুন্দর উজ্জ্বল গাত্রবর্ণ ভস্মাচ্ছাদিত। তরুণী চোখ বুজিয়ে ছিল। সে যে এখনও অত্যন্ত অবসন্ন, তা তাকে দেখলেই বোঝা যায়, পরীক্ষা করবার প্রয়োজন হয় না। এখনও তাকে কঠিন খাদ্য খাওয়াবার সময় আসেনি। প্রায় অচৈতন্য অবস্থার একটু একটু ক্রমে মধু ও সহপানগুলি খাওয়ানো হয়েছে মাত্র। চণকভদ্র ওই প্রকার সাজসজ্জা করে তরুণীটির শয্যার পাশে এসে বসলেন, মৃদু কোমল স্বরে ডাকলেন— রগ্গা, রগ্গা... এখন দেখো তো আমায় চিনতে পারো কি না!

কয়েকবার ডাকবার পর তার চোখ দুটি খুলে গেল। তারপর যখন তার জন্য জীবক প্রস্তুত ছিলেন না। রোগিণীর চোখ-মুখ একবার বিবর্ণ তারপরই অধিকার হয়ে গেল, সে বলে উঠল 'শঠ যতি! শঠ! শঠ! শঠ' শয্যা থেকে সে অসম্ভব ক্ষিপ্ৰতায় লাফিয়ে পড়ল চণকের ঘাড় লক্ষ্য করে। দু'হাত দিয়ে চণকের গলা টিপে ধরল। চোখদুটি বন্য মার্জারের চোখের মতো জ্বলছে।

জীবক তার হাত দুটি ছাড়াবার চেষ্টা করতে লাগলেন— ধ্বস্তাধ্বস্তি এবং চিৎকারে বাড়ির ভেতর থেকে কয়েকটি দাস-দাসী ছুটে এলো। জিতসোমাকে দ্বারের কাছে দেখা গেল। সে ক্ষিপ্ৰ পায়ে



এগিয়ে এসে রোগিণীর মণিবন্ধের কাছে সামান্য আঘাত করল, হাত দুটি ছেড়ে গেল। মুক্ত হাত দিয়ে এবার রোগিণী প্রাণপণে চণকের বক্ষে আঘাত করতে লাগল— নিয়ে যা, নিয়ে যা কাঁকই। চাই না, চাই না তোদের কিচ্ছু। সব নিয়ে যা—সন্ন, দীপ, তেল, অন্ন সব নিয়ে যা... বলতে বলতে রোগিণী জ্ঞান হারিয়ে লুটিয়ে পড়ল। জীবক এবং জিতসোমা তাকে তুলে শয্যা শুইয়ে দিলেন, ক্ষতস্থানের পট্টিকাগুলি রক্তে সামান্য ভিজ্ঞে উঠেছে। উত্তেজনায় ও পরিশ্রমে অর্ধশতক ক্ষতমুখ আবার খুলে গেছে।

জীবক ভৎসনার সুরে বলল— এটা কী করলেন আর্য় চণক ?

চণক শূন্যচোখে চেয়ে বলল— এভাবেই ও আমাকে চিনত। বিশ্বাস করতো। সেবা করতো।

—করুক। আপনি বুঝতে পারেননি ও আপনাকে দেখে উত্তেজিত হবে!

—না। আমি ভেবেছিলাম ওকে আশ্বাস দেবো। সান্ত্বনা দেবো। ভেবেছিলাম ওকে অভয় দেওয়া যাবে... এ ভাবেই।

ছয় জটাভূটে, ভাস্মলেপনে এখন কেমন হাস্যকর অথচ করুণ দেখাচ্ছে চণককে। তার গলায় বন্য তরুণীটির হাতের চিহ্ন। রক্তাভ একটি মালার মতো। তরুণীটি যখন গলা টিপে ধরেছিল তিনি বাধা দেবার বিন্দুমাত্র চেষ্টা করেননি। এখন জিতসোমার ইঙ্গিতে দাসীরা গরম জল ও মার্জনী বস্ত্র নিয়ে এলো। সে জটাভূট, আধখোলা কৃত্রিম গৌফ, দাড়িগুলি সব খুলে নিল। চণক দুহাত দিয়ে যন্ত্রচালিতের মতো মুখ ধুলেন। শীতল জলে বস্ত্রখণ্ড ভিজিয়ে ভিজিয়ে সোমা তাঁর কচের চারপাশ ধুয়ে ধুয়ে দিচ্ছিল। বলল— জীবক ভদ্র, কোনও ভৈষজ্য অবলম্ব্য দেবেন না ?

—প্রয়োজন হবে না, ভদ্রে

—দেখছেন না কেমন ফুলে উঠেছে! ওই তরুণীর গায়ে কী অসম্ভব শক্তি।

জীবক রোগিণীকে একটি ভৈষজ্য খাওয়ানোর চেষ্টা করছিলেন। কিন্তু দাঁতে দাঁত লেগে গেছে। খাওয়ানো পারছেন না। তিনি একখণ্ড তুল ভৈষজ্যে ভিজিয়ে নিলেন, বললেন ভদ্রে, আপনি একটু এর ওষ্ঠাধরদুটি ফাঁক করে ধরবেন ?

সোমা প্রাণপণ চেষ্টায় শুধু ওষ্ঠাধর নয়, দাঁতের পাটিদুটিও সামান্য ফাঁক করতে পারলো। জীবক ভৈষজ্য পান করালো বিন্দু বিন্দু করে। কিন্তু তরুণীর জ্ঞান ফিরল না। সেদিন গভীর রাতে তার হৃৎস্পন্দন থেমে গেল।

সন্নতি বললেন— রক্তপাত। রক্তপাত!

জীবক আবারও বলল— আকস্মিক মানসিক আঘাত।

সন্নতি বললেন— মন অর্থাৎ চিত্ত ? এ রোগিণী বন্য মনে রেখে।

জীবক বলল— মহামান্য সন্নতি, আঘাত পাবার মতো চিত্ত এই বন্যদেরও আছে, এটিই প্রমাণ হল। এরা বন্য হতে পারে, কিন্তু পশু নয়। আপনি বৈদ্য আপনার কাছে সভ্য মানুষে বন্য মানুষে প্রভেদ কী ?

সহসা বৃদ্ধ সন্নতির বদ্ধ মনের দ্বার খুলে গেল। আলো প্রবেশ করছে। অনেক অনেক আলো। তিনি সক্রতজ্ঞ, সহর্ষ দৃষ্টিতে জীবকের দিকে তাকালেন। আয়ুষ্কালের শেষ পর্বে কে তাঁর নূতন জ্ঞানের আশা করে! তিনিও করেননি। কিন্তু জ্ঞান এলো। আয়ুস্থান জীবকের হাত দিয়ে, প্রত্যক্ষ অভিজ্ঞতার হাত দিয়ে। তিনি মুখ নিচু করে আপন মনেই বলতে লাগলেন— জীবক, জীবক।

জীবক কিঞ্চিৎ বিষন্ন ছিল। তার নবনাসিকা-কর্ণ নির্মাণের একটি সুযোগ এমন বৃথা গেল! আর কি সে এমন রোগী পাবে? কর্ণ-নাসিকাচ্ছেদন ব্যভিচারিণীর শাস্তি। তার সন্দেহে কাউকে এই শাস্তি দেওয়া যেতে পারে না। এই হতভাগিনী তরুণীর ওপর অপরূপ যোগ হয়েছিল বোহারিকের ক্ষমতার। দ্বিতীয়ত এ তরুণী রাজসখা চণকের স্নেহভাগিনী, সুতরাং মহারাজেরও পূর্ণ সমর্থন পাওয়া গিয়েছিল এর ব্যাপারে। বৈদ্য সন্নতির আশীর্বাণী কানে যেতে সে মুখ তুলে ঈষৎ বিরক্তির সঙ্গে বলল— আর জীবক, রোগিণীটি তো মারাই গেল।

সন্নতি বললেন— ‘মহাবেজ্জ জীবক তো এর মৃত্যুর ভবিষ্যদ্বাণী করেই ছিলেন। করেননি? কদিন আগে আর কদিন পরে!’

মহাবেজ্ঞ ? জীবক অবাধ হয়ে সম্রাটের দিকে ভালো করে তাকাল । রাজগৃহের মহাবেজ্ঞ সম্রাট স্বয়ং । তিনি কি পরিহাস করছেন ?

বৃদ্ধর চোখ দুটি বোজা । মুখে স্থিত হাসি । যেন ধ্যানে ইষ্ট দর্শন হয়েছে ।

৩৩

‘শ্রীমতি ! শ্রীমতি !’ দ্বারে ক্রমাগত করাঘাত করে যাচ্ছে চণক । সে লক্ষ করছে না, কাঠনির্মিত, তক্ষিত দ্বারের কপাট দুটিতে কেমন খুলো লেগে আছে । গৃহটির আকৃতিতে অবহেলার, অমার্জন্যের চিহ্ন । সবে গোখুলি-স্নগ উত্তীর্ণ হয়েছে । আকাশ এবং নগরীতে নক্ষত্রবিন্দু-দীপবিন্দু-সজ্জিত লঘু ধূম্রবর্ণের উত্তরীয়টি গায়ে জড়াতে জড়াতে সন্ধ্যা নেমে আসছে । এ সময়ে এ দ্বার তো বন্ধ থাকবার কথা নয় । কবি বোধিকুমার, নট চারুস্বাক, সঙ্গীতনৃত্যপ্রিয় বল্লভভদ্র ঐরা তো নিত্যদিনের আগন্তুক । শ্রীমতীর বিশেষ গুণগ্রাহী । ঐরা ছাড়া আরও অনেকে থাকেন । রাজগৃহের বহু যুবা-শ্রীড় শ্রীমতীর গান, নৃত্য, সুনক্ষত্রের মৃদঙ্গ-বাদন ভালোবাসেন ।

বহুক্ষণ করাঘাতের পর দ্বার খুলল । একটি দাস মুখ বাড়াল ।

—কে ?

—কাত্যায়ন চণক ।

—কী চান ?

—কী চাই ? —চণক যেন দাসটিকে ভেদ করে ভেতরে প্রবেশ করলেন । বাঁয়ে ফিরলেন ।

বিশ্মিত দাসটি তাঁর পেছন পেছন আসছে ।

প্রশস্ত অঙ্গন । শূন্য । ক্ষুদ্র ক্ষুদ্র স্তম্ভগুলিতে মাল্য জড়ানো নেই । দীপ জ্বলছে না । প্রশস্ত সুন্দর সভাচ্ছদ পাতা নেই । অস্তঃপুরের প্রবেশপথে পিতলের পিঞ্জরটি শূন্য । শীতের পাতা ঝরে পড়ছে চারদিকে ।

শ্রীমতী কোথায় ? রক্ষ স্বরে পেছন ফিরে জিজ্ঞাসা করল চণক । দাসটি ভয়ে ভয়ে বলল—জানি না ।

—জানো না ? চন্দা । চন্দা কই ? সুনক্ষত্র ?

—জানি না । দেবীর সঙ্গে দেশান্তরে গেছেন সম্ভবত ।

—কোথায় ?

—আমি জানি না অজ্ঞ । আমি আর আমার পত্নী এ গৃহ রক্ষা করছি ।

—একে কি রক্ষা করা বলে ?—চণকের মুখ দেখে দাসটি ভয় পেল । বলল—যথাসাধ্য করি অজ্ঞ । কিন্তু এই মুক্ত আঙন, চার দিকে গাছ—ঝরা পাতায় ক্রমাগতই ভরে যেতে থাকে ।

চণক ধীরে ধীরে বেরিয়ে এলো । সে কেন এখানে এসেছিলে, তার কাছে স্পষ্ট নয় । তার মনে হয়েছিল, সে শ্রান্ত । বিশ্রাম চাই । লোকজন, আলো, আলাপ-আলোচনা, সঙ্গীত-নৃত্য এ সবেই কিছুই তার ভালো লাগছে না । কিন্তু এই সমস্তই অনেক সময়ে একটি অন্তরাল সৃষ্টি করে, একটি প্রকৃত অস্তঃপুর, যেখানে থাকে সন্তপ্ত হৃদয়ের জন্য একটি নিভৃত ফ্রোড । নিভৃত অস্ত্র । উদ্যত তর্জনীগুলির থেকে নিষ্কৃতিস্বরূপ দুঃস্বপ্নহীন নিদ্রার অবকাশ ।

—চণক ভদ্র । এদিকে কোথায় ?

চণক পদব্রজে চলেছিল । মুখ নিচু । ডাক শুনে পাশ ফিরে দেখল বঙ্গকুমার ।

—অনেক দিন আপনাকে দেখিনি । এদিকে... কোথায় এসেছিলেন ?

চণক শুধু নির্বাক চেয়ে রইল । কী অর্থ হয় এই প্রশ্নের ? পেছনে ধীরে বাঁক ফিরলেই তো দেখা যাবে শ্রীমতীর গৃহদ্বার ।

বঙ্গকুমার বলল—আপনি অনেক দিন পর এলেন, না ?

চণক উত্তর দিল না ।

—শ্রীমতী কোথায় গেছে আমরা জানি না, বঙ্গকুমার বলল, ভদ্র আমরা একদিন সন্ধ্যায় গিয়ে

দেখি পিঞ্জর শূন্য। শ্রীমতী পক্ষী উড়ে গেছে। আমরা আজকাল নন্দার কাছে যাই। অত ভালো গায় না। কিন্তু চমৎকার সব গীত রচনা করে, সুর দেয়। অতিশয় চঞ্চল। একটি খঞ্জনের মতো যেন। চলন না। নিয়ে যাই।

চণক বলল—না।

বল্লকুমার তার পাশে পাশে চলতে লাগল। বলল—চণকভদ্র মনে যদি কিছু না করেন তো বলি, বারস্ত্রীর ওপর 'আঁসক্তি' ভালো নয়। মোটে ভালো নয়। এরা কুটুণীর কাছ থেকে নানা প্রকার সম্মোহক বিদ্যা আয়ত্ত করে, প্রধানত ধনী, সুদর্শন, কুমার পুরুষদের ওপর এদের বিদ্যা খাটায়। যাতে সারা জীবন একটু একটু করে শোষণ করতে পারে। তারপর যখন দেখে-মনে-ভাণ্ডারে নিঃশ্ব হয়ে যাবে সে পুরুষ তাকে নিষ্ঠুরভাবে ছুঁড়ে ফেলে দেয়। তা ছাড়া বারস্ত্রী তো একটি নয় ভদ্র, নন্দা আছে, সুপূর্ণা আছে, আছেন স্বয়ং সালবতী। তিনি অবশ্য অত্যাচ্ছ বস্তুর লোক, তবে আপনার অগম্যা নন কখনও। বয়সে হয়ত, হয়ত কেন নিশ্চয় আপনার আমার থেকে অনেক বড়। কিন্তু গেলে, দেখবেন, যেন বিংশতিবর্ষীয়া যুবতীটি। স্থিরযৌবনা। এঁরা অঙ্গরা-বিদ্যা জানেন তো!

তখনও চণক কিছু বলছেন না দেখে বল্লকুমার—আমি জানি আপনি অতি লাজুক, আমিই না হয় আপনাকে সঙ্গে করে নিয়ে যাই...

তার কথা শেষ হল না, চণক বলল—আমার বড় তাড়া আছে। চলি বাল্লাকুমার...সে অতি দ্রুত পথ পার হতে লাগল। যেন বল্লকুমারকে কোনমতেই ধরতে না পারে।

বল্লকুমার অবাধ হয়ে গেল। চণক নামে গাঙ্গার দেশের এই যুবা গোড়ার থেকেই অতি উন্নাসিক। উদীচীর লোকেরা এমনটাই হয়ে থাকে, সে শুনেছে। মাগধদের তারা অনেকেই মানুষের মধ্যে ধরে না। আবার তক্ষশিলার স্নাতক, আবার গাঙ্গারের রাজপুরুষ আবার এখন মগধের রাজমিত্ত। তাই-ই কি অহংকার আরও বেড়ে গেল চণকভদ্রর। বল্লও অতি ধনবান সেটটির পুত্র। তার নামটা পর্যন্ত চণক ঠিকঠাক বলতে পারলেন না। অহংকার, না আত্মবিশ্বাস। শ্রীমতীর বিরহেই ওই প্রকার কৃশ, অন্যমনা নাকি! তা এতকাল কোথায় ছিলেন? শ্রীমতীর সভায় তারা তো নিয়মিতই যেত। চণকভদ্রকে দেখেনি তো! অথচ অনেক সময়েই দেখেছে গিজঝকুট থেকে ফিরতে। কিংবা কোনও পানগৃহে আর একটি সুদর্শন তরুণের সঙ্গে কথা বলতে। সহসা যেন চণকভদ্র তাদের থেকে বিচ্ছিন্ন হয়ে গেলেন। তারা দুঃখিত হয়েছিল। বিশেষত কবি বোধিকুমার। বোধিকুমারের সঙ্গে বোধহয় চণকভদ্রর সখ্যাটি যথেষ্ট নিবিড় হয়েছিল। প্রথম প্রথম যখন চণক আসা বন্ধ করলেন, বোধিকুমার অত্যন্ত উতলা হয়েছিল। বলত, অমন কাব্যভাবক আর হয়ত পাবো না। কবির ততটা মান যশের প্রার্থী নয়, যতটা প্রকৃত সহর্মী বোদ্ধার প্রত্যাশী।

বল্লই বুঝিয়েছিল বোধিকুমারকে, রাজমিত্ত তো আর শুধু শুধু হয় না, নিশ্চয়ই কোনও রাজকার্যে জড়িয়ে পড়েছেন।

—সে ক্ষেত্রে একটি চমৎকার, উচ্চস্তরের সাহিত্যরসিককে আমরা হারালাম। কে জানে হয়ত কবিকেও।

—কবিকে হারাবার প্রশ্ন উঠছে কেন?—বোধিকুমারকে জিজ্ঞাসা করেছিল। বোধিকুমার তাতে বলে—আমার ধারণা চণকভদ্র নিজেও একজন কবি। নিজে কবি না হলে কবিতার ক্ষেত্রে ওইভাবে প্রবেশ করার সাধ্য থাকে না। তা ছাড়া বল্লভদ্র, যথার্থ বোদ্ধা ব্যতীত কবির অস্তিত্ব কতদিন? একটি পিক আর কতদিন শূন্য প্রান্তরে, নির্জন বৃক্ষশাখায় বসে কুছ-কুছ করে, বলা?

—কেন, আমরা? আমরা মাগধরা কি এতই অরসিক? বল্লকুমার আহত হয়ে জিজ্ঞাসা করে।

না, না, তা নয়—বোধিকুমার যেন একটু লজ্জিত—তারপর বলেছিল, আপনারাও কাব্য শোনে, গ্রহণ করেন, কিন্তু কিছু মনে করবেন না বল্লভদ্র, আপনারদের কাছে সাহিত্যরস বারস্ত্রী সঙ্গে তুল্য। প্রমোদের জন্য, বিলাসের জন্য আপনারা কাব্যের কাছে স্মারক। চণকের মতো রসিক আসেন প্রশ্রয়ীর মতো, মর্মে প্রবেশ করেন।

—কেন, ভদ্র চারবাকও তো আপনার কাব্যের অলঙ্কারাদি ব্যাখ্যা করে থাকেন, দোষ-গুণ বিশ্লেষণ করেন। তাতেও আপনার মন ওঠে না?

ঠিকই। ভদ্র চারুবাক কাব্যের বহিঃস্থ বোঝেন। সে সম্পর্কে তাঁর সঙ্গে আলোচনায় আমি বহুবার উপকৃত হয়েছি বল্লভদ্র। সত্য। কিন্তু প্রকৃত কাব্যভাবক কাকে বলে তা আমি চণকভদ্রর সঙ্গে আলোচনার পূর্বে জানতামই না। সমগ্র কাব্য, তার ভাবা, শব্দযুথ, ধ্বনি ব্যবহার, ছন্দ, অর্থ, খণ্ড খণ্ডভাবে নয়, সামগ্রিক দৃষ্টিতে কাব্যের যে অধরা ব্যঞ্জনা, একই সঙ্গে বহু ব্যঙ্গার্থ বহন করবার ক্ষমতা—এ একমাত্র চণকভদ্রই রাজগৃহে বুঝেছিলেন।

ওই আরেক ব্যক্তি যে না কি শ্রীমতীর বিরহে ক্লিষ্ট। বল্লকুমার নন্দার গৃহের দিক্কে পা চালাল। যদি ওখানে বোধিকুমারের সঙ্গে দেখা হয়ে যায়, আজকের এই চণক-সংবাদ তাকে স্তম্ভর জানাবে।

চণক কয়েক মুহূর্ত ইতস্তত করেছিল। বোধিকুমারের গৃহ কোথায় সে জানে। কিন্তু কখনও যায়নি। সাধারণত একটি আশ্রয়স্থলে বসে তাদের কথা হত। এখন আসন্ন সন্ধ্যার ছায়া পড়ে গেছে চতুর্দিকে। কুঞ্জ-কাননগুলিতে সেই ছায়া গাঢ়তর। নাঃ, আশ্রয়স্থলে বোধিকুমারের যাওয়ার সম্ভাবনা অল্প। সে অগত্যা বোধিকুমারের গৃহের দিকেই চলল।

পশ্চিম পল্লীতে ক্ষুদ্র গৃহটি কবির। সমগ্র রাজগৃহে কাননহীন গৃহ একটিও নেই। অন্ত্যজ ছাড়া আর কেউ দরিদ্রও নয়। গৃহগুলি যাতে সময়মতো সংস্কার হয়, কাননগুলি যাতে যথাযথ রক্ষা হয় তার জন্য অনমনীয় নির্দেশ আছে রাজার। বোধিকুমারের গৃহটি ক্ষুদ্র এবং মাটির। মাটির প্রাচীরের গায়ে খোদিত বহু প্রকার অলঙ্কার দেখতে পেল চণক। কাননটিও ক্ষুদ্র। কিন্তু অপরিসীম যত্নে কেউ তাকে রক্ষা করছে। এই শীতেও প্রত্যেকটি গাছ সবুজ। পাতাগুলি ঝকঝক করছে। একটি আশ্রয় ও একটি হরীতকী ছাড়া বৃক্ষ বলতে তেমন কিছু নেই। সবই ছোট ছোট গুল্ম। দ্বারের কাছে দাঁড়িয়ে সে ইতস্তত করছে এমন সময়ে দ্বার খুলে গেল। গায়ে মাথায় উর্গার উত্তরীয় জড়িয়ে বেরিয়ে এলেন এক রমণী। তাঁর মুখ দেখতে পাচ্ছিল না চণক। কাননের দিকে চলে যাচ্ছিলেন তিনি, সহসা চণকের উপস্থিতি অনুভব করে ফিরে দাঁড়ালেন—কে ?

চণক সামনে এসে দাঁড়াল, বলল—বোধিকুমারকে প্রয়োজন ছিল। আমি কাত্যায়ন চণক।

গৃহের ভিতরে দীপ জ্বলছে, দ্বারপথে সেই দীপের আলো। রমণী ফিরে দাঁড়ালেন, ত্বরিতে ভেতরে ঢুকে গেলেন। তাঁর চলার ভঙ্গির দিকে ইচ্ছার বিরুদ্ধেও তাকিয়ে রইল চণক। ইনি কি নৃত্যকুশলা ? একটু পরেই বেরিয়ে এলো বোধিকুমার।

—আসুন আসুন চণক ভদ্র—সে অভ্যর্থনা করল, চণকের মনে হল তার মধ্যে যেন পূর্বের আগ্রহের অভাব।

সে বলল—ভেতরে যাবো না কবি, আপনার এই কাননে...

চলুন, তাই চলুন—বোধিকুমার তার উত্তরীয়টি ভালো করে জড়িয়ে নিয়ে, কাননে একটি বকুলমূলে মৃৎ-বেদীর ওপর বসল। মৃৎ-বেদীর ধারগুলিও অনুপম কারুকার্যে ভরা। পরপর অনেকগুলি হাতি শুঁড় তুলে রয়েছে, বেদীর প্রান্ত যেন সেই শুঁড়গুলির ওপর ন্যস্ত। একটি প্রিয় অলংকরণ মগধবাসীদের। মঙ্গলচিহ্নও বটে। হাতি।

সম্পূর্ণগে বেদীতে বসতে বসতে বিনা ভূমিকায় চণক জিজ্ঞেস করল—শ্রীমতী কোথায় ? জানেন ?

অনেকক্ষণ নীরবতার পর বোধিকুমার ঈষৎ কর্কশ স্বরে বলল, —শ্রীমতীকে কি আপনার আবার প্রয়োজন পড়েছে ?

চণক তার দীর্ঘ চোখ দুটি তুলে বোধিকুমারের দিকে তাকাল, বলল—তিরস্কার।

—আপনাকে তিরস্কার করার স্পর্ধা আমার নেই হে উদীচ্য ব্রাহ্মণ। কিন্তু আপনি একদিন সহমর্মী চক্ষু দিয়ে ওই নগরবধূকে দেখেছিলেন বলে শুনতে পাই।

—সত্য, আমি বহুদিন ব্যস্ত ছিলাম। শ্রীমতীর সংবাদ রাখিনি। একথা সত্য—চণক দূরের দিকে তাকিয়ে বলল।

—হ্যাঁ আপনি ব্যস্ত ছিলেন আপনার নূতন প্রণয়িনীকে নিয়ে।

—কে বললে ? চণক আশ্চর্য হয়ে মুখ ফেরাল।

—সবাই জানে। শ্রীমতী জানে। বারবধূর তার ক্রেতাদের কাছ থেকে প্রত্যাশা কিছু থাকে না।

থাকতে নেই। তবু...

চণক বলল—আমি কোনদিন শ্রীমতীকে ক্রয় করিনি, সে-ও নিজেকে আমার কাছে বিক্রয় করেনি।

—এই রূপই যেন শুনেছিলাম? অবিক্রীত দেহসম্ভোগের নাম প্রণয়। প্রণয় লাভ করলে বারক্ৰীও বড় অভিমানিনী হয়ে ওঠে চণকভদ্র। আপনি জানেন না, শ্রীমতী কেন অদর্শন হয়েছে? জানেন না, কোন পরিস্থিতিতে বারাক্সনা অদর্শন হয়?

চণক অবাক হয়ে বলল—না। জানি না তো!

বোধিকুমার ক্রোধে রক্তিম হয়ে উঠে দাঁড়াল। শ্রীমতীর গর্ভস্থ সন্তানের পিতৃত্ব অস্বীকার করছেন তাহলে? তা তো করবেনই। এই প্রকারই তো হয়ে থাকে পাষণ্ড গণিকাতোগীরা। আপনাকে অন্যপ্রকার ভেবেছিলাম। ভেবেছিলাম...

—ক্ষান্ত হও পুস্ত—অদূরে সেই রমণী এসে দাঁড়িয়েছেন, তাঁর হাতে দারুফলকে পানীয়—অতিথির সেবা করো।

চণক আর কিছু শুনতে পেল না। কারণ, তখন সে তক্ষশিলার সম্মিহিত অরণ্যে আচার্য দেবরাতের কুটির-প্রাঙ্গণে একটি সুকুমার শিশুকে কন্দুক হাতে খেলা করে বেড়াতে দেখছিল। পিতার কোলে বসে সেই শিশু কিছুই না বুঝে ঝকসংহিতা কণ্ঠস্থ করত। ক্লাস্ত হলে পিতার বুকে মাথা রেখে ঘুমিয়ে পড়ত। কোন এক সময়ে জ্যেষ্ঠা ভগ্নী কিংবা পিতার কোনও শিষ্য তাকে তুলতে এলে, পিতা বলতেন থাক্ থাক্, আহা থাক!

—কিন্তু, এতক্ষণ ওকে কোলে নিয়ে বসে আছেন, আপনার কষ্ট হবে যে! পা ধরে যাবে।

—যাক। দেখছ না কন্দুকটি হাতের মুঠোয় নিয়ে কেমন এলিয়ে রয়েছে। আহা, মাতৃহীন শিশু, থাক। তিনি সন্নেহে তার চুলগুলি যথাস্থানে বিন্যস্ত করে দিতেন। শিশু মাঝে মাঝেই আধো-ঘুমের মধ্যে পিতার স্নেহবাক্যগুলি শুনত।

চণকের প্রথম সন্তান? আচার্য দেবরাতের প্রথম পৌত্র?

সচেতন হবার পর সে শুনল—বোধিকুমার বলছে—মা তুমি জানো, তোমার কাছে শপথ করেছিলাম নিজস্ব দিয়ে শ্রীমতীকে মুক্ত করবো। ঐর জন্য তা হল না। না হোক, ভেবেছিলাম আমি না পারি, ইনিই তা পারবেন এবং করবেন।

বোধিকুমারের মা একটু এগিয়ে এসে বললেন—বচ্ চণক, পানীয় গ্রহণ করো, আমার পুস্তের কথায় উত্তেজিত হয়ে না।

চণক ধীর স্বরে বলল—জননী, শ্রীমতী কোথায় আপনি জানেন?

—না বচ্, জানি না, তবে যদি কখনও সন্ধান পাওয়া যায়, আমার পুস্ত তাকে জানিয়ে দেবে কাত্যায়ন চণক তাকে খুঁজেছিল।

বোধিকুমার কাঁদছে। অশ্রু গদগদ স্বরে কী বলছে। সহসা চণকের সমস্ত দৃশ্যটি, বিশেষত বোধিকুমারকে অসহ্য মনে হল। কাঁদছে? এই মাগধ পুরুষেরা কাঁদেও না কি? চিরকালই তবে বালক থাকে বোধহয়! সে বিতৃষ্ণায় মুখ ফিরিয়ে নিল। আর একটিও কথা না বলে সে উঠে দাঁড়াল, দ্রুত কাননদ্বারের দিকে চলল।

পেছন থেকে দৃঢ় নারীকণ্ঠ শুনল—বচ্ চণক, জননীকে অপমান করে যাচ্ছে। চণক যেন একটা আঘাত খেল। সে পেছন ফিরে মায়ের মুখোমুখি হল।

কোমলকণ্ঠে তিনি বললেন—বসো চণক।

চণক বসবার পর তিনি পানীয়র পাত্র এগিয়ে ধরলেন। বললেন—অতিশয় মৃদু এ পানীয়। যদিও মধু থেকেই প্রস্তুত, তবু উত্তেজক কিছু প্রায় নেই বললেই চলে। আমি নিজে করি। নাও। এই খজ্জও অস্তুত একটি নাও। মিষ্ট নয় এগুলি। খেয়ে দেখো, ভালো লাগবে। তোমাদের মায়েরই করা। পুস্ত তুমিও নাও। বৃথা অশ্রুপাত করছো কেন? পরিস্থিতি বুঝে, যা ভালো মনে হয়, বিচার করে, তাই করবে। এর মধ্যে অশ্রুর কোনও স্থান নেই। জীবন কি তোমার পরিকল্পনা মতো চলবে?

চণক একটি বর্জুলাকার খজ্ঞ মুখে তুলে নিয়ে কামড় দিল। ইনি ঠিকই বলেছেন। ভালো লাগছে। সুগন্ধ, মুড়মুড়ে। মুখের ভেতরটা যেন সুস্বাদে ভরে গেল।

—আরও একটি নাও বচ্চ, যদি ভালো লাগে। তার মনের কথা বুঝেই যেন বললেন বোধিকুমারের মা। দ্বিতীয় খজ্ঞটি তুলে মুখে দেবার পর চণকের সহসা এক প্রবল আত্মধিকারের বোধ এলো।

শ্রীমতী কোথায় কোন নির্বাসনে গেছে। হয়ত কষ্ট পাচ্ছে। মানসিক তো বটেই। সেই সঙ্গে দৈহিকও হয়ত। তার অর্থাগমের পথও রুদ্ধ। অথচ সে এখানে বোধিকুমারের জননী কাছে বসে তাঁর রাঁধা খজ্ঞ খেয়ে চলেছে মনের সুখে। যেখানে যাই ঘটুক পৃথিবী যেমন নির্বিকার, তার দিন-রাত্রি, বর্ষা-শীতের নিয়মে যেমন কোনও ব্যত্যয় হয় না, মানুষও তেমন। তার ইন্দ্রিয়গুলি ক্ষুধার্ত। প্রিয়তম ব্যক্তির মৃত্যু বা অপঘাত বা অন্য কোনও দুর্দশা ঘটলেও কি ক্ষুধা-তৃষ্ণা বোধ, শৈত্য বা গরম বোধ, নিদ্রার প্রয়োজন ইত্যাদি ইত্যাদি মানুষ অস্বীকার করতে পারবে? পৃথিবীর পক্ষে এই প্রকার ব্যবহারের ন্যায় অন্যান্যের প্রশ্ন নেই, কেন না যতই ঋষিরা ভূমিসূক্তে, পৃথিবীসূক্তে তাকে জননী বলে স্তুতি করুন, প্রকৃতপক্ষে পৃথিবী জড়। কিন্তু মানুষের চিন্ত আছে। মস্তিষ্ক আছে। আবার সব মানুষই কি এক প্রকার? এই তো বোধিকুমার, চোখ দুটি এখনও অরুণাভ। মায়ের অনুরোধ সত্ত্বেও খজ্ঞের দিকে হাত বাড়ায়নি। এমন কি সে চণক, চণকও তো ক্ষুধা-তৃষ্ণা-নিদ্রা ভুলে ছিল যতদিন অরণ্যকুমারী রগগার সেবা করেছে। রগগা, চণকের বকের মধ্যে তীক্ষ্ণ লৌহমুখ তীর বিধতে লাগল। মুখ থেকে খজ্ঞ ফেলে দেওয়া অত্যন্ত অভদ্রতা হবে বুঝে সে প্রাণপণে সেগুলি গিলতে লাগল। বিষম খেলো। কাশির ধমকে তার সারা শরীর কেঁপে কেঁপে উঠছে। বোধিকুমারের জননী কাছে এসে তার ঘাড়ে মৃদু মৃদু আঘাত করতে লাগলেন। অন্য হাতে পানপাত্র মুখের কাছে ধরে বলছেন, একটু পান করো, পান করো বচ্চ। না হলে ঠিক হবে কী করে?

সামান্য পান করবার পর কাশি প্রশমিত হলে তিনি বললেন—যখন যা করবে, চিন্ত তাতেই সমর্পণ করবে। জীবন তো বহু কর্মের, বহু চিন্তার, বহু দায়ের সমাহার হবেই। শতাবধান হবার সাধনা করে থাকো তো অন্য কথা, নইলে চিন্তকে সংযত একাগ্র করতে হবে, বচ্চ।

এই কথা বললেন বোধিকুমারের মা, একজন সামান্য মগধিনী, চণককে, কাত্যায়ন দৈবরাত চণককে, যে চণক শতাবধান না হোক, অন্তত দশাবধান তো বটেই, যে চণক তক্ষশিলার মুকুটমণি পিতার মুকুটমণি পুত্র, যার পাণ্ডিত্য ও বুদ্ধির যশ এমনই যে, গান্ধার রাজসভা ও তক্ষশিলার আচার্যকুল উভয়ের মধ্যে তাকে নিয়ে রীতিমতো টানাটানি পড়ে গিয়েছিল। উপরন্তু, যে চণক এখন মগধরাজের মিত্র, রাজশাস্ত্রের রচক, যে চণক মগধরাজকে নতুন দিশা দেখাচ্ছে, যে চণক...। তখন চণক বৃহতে পারল ইনি সামান্য এক মগধিনী কখনও নন। সে মৃদুস্বরে জিজ্ঞাসা করল—এই বেদী, গৃহের মৃৎ প্রাচীরের এই সব অপূর্ব লতায়িত হংসমিথুন, শঙ্খহাতে নারী না অঞ্জরী, বংশীবাদক, এই সমস্ত সৌকর্যায়িক, এসব কে করেছেন?

—তোমার এই জননীই করেছে বচ্চ। ...একটু পরে নিজের হাত দুটি কোলের ওপর মেলে ধরে তিনি ধীরে ধীরে বললেন—প্রকৃত কথা, থাকতে পারি না, হাত দুটি যেন সর্বক্ষণ কেমন করতে থাকে।

চণক অদূরে সেই মৃৎ-গৃহের দিকে অপলক চেয়ে রইল। গাছের ডালে বাঁধা একটি উজ্জ্বল ছলছে। তার আলোয় গৃহের অলঙ্করণ কখনও স্পষ্ট কখনও অস্পষ্ট দেখা যাচ্ছে। সে সেই দিকে অভিভূতের মতো চেয়ে রইল।

জননী বললেন—চণক, বচ্চ, আমি স্থপতি মহাগোবিন্দের কন্যা সুমুখা।

—মা' বোধিকুমার যেন ভৎসনা করে উঠল।

জননী বললেন—আমাকে বলতে দাও পুত্র, বলতে দাও। তুমি না বলেছিলে এই কাত্যায়ন চণক তোমার বর্ষা কাব্যের মর্মান্ধার করেছেন! বচ্চ চণক, আমি পাঞ্চালীও বটে। আমার মা এক পাঞ্চালী বারমুখ্যা। আমার জন্মের সন্তাবনার কথা শুনে পিতা মহাগোবিন্দ দেশান্তরে যাবার সময়ে মাকে একটি মহামূল্য রত্ন-অঙ্গদ দিয়ে গিয়েছিলেন, বলেছিলেন পুত্র হলে ওই রত্ন অঙ্গদসহ তাঁর কাছে

পাঠিয়ে দিতে, পিতৃবংশের সিদ্ধ শিক্ষা করবে সে পিতার তদ্ব্যবধানে, আর কন্যা হলে ওই অঙ্গদ বিক্রয় করে কন্যার ভরণপোষণ করতে। বচ্চ, আমার জননীর এবং আমার দুর্ভাগ্য যে, আমি কন্যাই হলাম। আমার এই পুত্র আমাকে মুক্ত করেছে। যখন মাত্র দশ বছরের বালক, তখন আমরা পাঞ্চাল-রাজধানী কাশ্মির ছেড়ে পালিয়ে আসি। কাশ্মিরে থাকলে গণিকার বিট হওয়া ছাড়া আমার পুত্রের আর কোনও ভবিষ্যৎ থাকত না। আমরা বারাণসীতে গিয়ে বাস করি। পুত্রের শিক্ষা সমাপ্ত হবার পর রাজগৃহে ভাগ্যের সজ্ঞানে আসি। সামান্য অর্থ ও অলঙ্কার আনতে পেরেছিলাম, গ্রাসাচ্ছাদন চলে যায়। শিক্ষার ব্যয় তো লাগেনি! আচার্য গঙ্গাধর আমার পুত্রকে পুণ্যশিষ্য তো করে নেনই। উপরন্তু তার কবিপ্রতিভা দেখে তাকে কতভাবে সাহায্য করেছেন, বলে শেষ করা যায় না। এখন বচ্চ চণক, আশা আছে কোন না কোনদিন মগধের রাজসভা কবির প্রয়োজন বুঝবে। তখন..

বোধিকুমার মুখ তুলে বলল—ইতিমধ্যে আমার জননী পরিচয় গোপন করে ধনীদেবর গৃহে সৈরিকীর কাজ করেন। রমণীদের সিদ্ধ শিক্ষা দেন, এমন কি উৎসব গৃহে মহানদীর কাজ পর্যন্ত নিয়ে থাকেন...

মনে হল বোধিকুমার চণকের প্রতি তার ক্ষণপূর্বের ক্ষোভ ভুলে গেছে। সম্ভবত তার ব্যক্তিগত সঙ্কটের প্রসঙ্গে।

সে হঠাৎ বলল—আচ্ছা চণকভদ্র, এই যে সিদ্ধসমূহকে বিদ্যার জগতে অস্ত্রাজ করে রাখা হয়েছে, একি আপনি ন্যায়সঙ্গত বলে মনে করেন? কাম্বার সিদ্ধ, কুম্ভকার সিদ্ধ এগুলির কথা বলছি না। কিন্তু ধরুন স্থাপত্য বিদ্যা, ভাস্কর্য অথবা চিত্রকলা? কাব্য উচ্চকোটির বলে স্বীকৃত। কিন্তু এই সমস্ত বিদ্যার মধ্যেও যে সৌন্দর্যের সঙ্গে দক্ষতা, প্রয়োজনের সঙ্গে সৌম্যবোধের সমন্বয়সাধন হয়, তা কি উচ্চকোটির সিদ্ধ নয়?

চণক বলল—আমি এ নিয়ে এখনও চিন্তা করিনি কবি। আপনি কি এগুলিও জানেন না কি? জননী বললেন—আমার পুত্র অপূর্ব সব চিন্তা লিখতে পারে। পুতুল গড়তে পারে। স্থাপত্য বিষয়ে আমরা উভয়েই বহু চিন্তা ও পরিকল্পনার আলোচনা করে থাকি। আমাদের এই গৃহ হিমঝতুতে উষ্ণ থাকে, দীর্ঘ গ্রীষ্মের সময়ে থাকে সূর্যতল। বর্ষার সময়ে ঢালু ছাদের যাবতীয় জল গিয়ে পড়ে একটি কুপে। গৃহের কোনও কক্ষে বা অলিন্দে জল ঢুকতে পায় না।

বোধিকুমার বলল—এখন আমরা চিন্তা করছি, সমৃদ্ধ আবর্জনা যা নালিকাপথে কাননে একত্রিত করি, তা কী করে আবার মাটির তলায় চালিত করা যায়। এইভাবে গৃহও হবে আবর্জনামুক্ত, মাটিও হবে উর্বরতর, অথচ ব্যয় এমন কিছু নয়। তবে এ ধরনের গৃহ সর্বদা সুসংস্কৃত রাখতে হয়। সংস্কারের কাজ গৃহের পুরুষরাই রমণীদের সাহায্য নিয়ে করতে পারেন। বিশেষজ্ঞের প্রয়োজন হয় না।

এবার সে স্বতঃপ্রবৃত্ত হয়ে ঘুরে ঘুরে চণককে তাদের কানন, গৃহভাস্তুর দেখাতে লাগল। কক্ষে কক্ষে অর্ধসমাপ্ত ভিত্তিচিত্র। এখনও কাঁচা রয়েছে কিছু কিছু।

—বর্ণ কী ব্যবহার করেন? চণক কৌতূহলী হয়ে জিজ্ঞেস করল।

—শুভ্রবর্ণ নিই চূনম থেকে, গৈরিক মাটি থেকে, কৃষ্ণবর্ণ কঙ্কাল থেকে পেয়ে যাই। লাক্ষা থেকে রক্তবর্ণ, রক্তচন্দনও ব্যবহার করি। কিন্তু হরিৎ, নীল ও অন্যান্য বর্ণের জন্য শুড়োলে ভালে হয়। ভেষজবর্ণে ঠিক হয় না। আমার তো সে সাধ্য নেই। তাই দেখছেন না কতকগুলি নির্দিষ্ট বর্ণের মধ্যেই সীমাবদ্ধ রয়েছি।

শ্রীমতীর চিত্র দেখল চণক একাধিকবার। সঙ্গীত-নৃত্য-সভা, কখনও শ্রীমতী গাইছে, কখনও নাচছে, সুনক্ষত্র বাজাচ্ছে। বহু চেনা-অচেনা মুখের মধ্যে দর্ভসেনের মুখটি সে পরিষ্কার চিনতে পারল।

—এই নৃত্যসভা তো শুধু প্রতিচ্ছবি নয়!—চণক দেখতে দেখতে বলল।

শিল্পী বলল—তা তো নয়ই। এই যে অতিগৌর, নাতিগৌর, হেমবর্ণ, চম্পকবর্ণ, তাম্রাভ, কৃষ্ণবর্ণ, সর্বপ্রকার বর্ণের মানুষ দিয়ে এই সভাটি লিখেছি তাতে বোঝানো হল না কি, সঙ্গীত আশ্বাদনের ব্যাপারে বর্ণ-নির্বিশেষে সব মানুষের চিন্তাই সমান উৎসুক! এখানে এই যে নৃত্যপর নারী বা বাদকদের

দেখছেন, দেখুন এরা কিন্তু বস্তুপৃথিবীর নিয়ম মেনে লিখিত হয়নি। হাত, পা, চোখ সকলই কেমন মীলনীয়, যেন দেখে অস্থি বলে কিছু নেই। এ হল ভাব, নৃত্যের ভাবরসের একেবারে ভেতরকার কথা। বাদকের চারপাশে যে ক্ষুদ্র ক্ষুদ্র অনিন্দ্যসুন্দর বালকগুলি নাচছে এগুলি প্রকৃতপক্ষে ধ্বনি, বিচিত্র ধ্বনি। তাই এদের শুধু গৈরিক দিয়ে লিখেছি। মুখ-চোখের মধ্যে দেখুন কেমন তদগত ভাব। এরা এ পৃথিবীর নয়। বিস্তৃত ধ্বনি সব। গন্ধর্বলোক থেকে এসেছে।

সামু, বোধিকুমার, সামু—মৃদুস্বরে বলল চণক,—আর আমাকে এগুলি না দেখিয়েই বিদায় করে দিচ্ছিলেন ?

বোধিকুমার লজ্জা পেয়ে বলল—আপনাকে ভুল বুঝেছিলাম। মার্জনা করুন।

—করবো। যদি একটি সত্য কথা বলেন।

—বলুন।

—আপনি কি শ্রীমতীর প্রণয়প্রার্থী ?

একটু ইতস্তত করে বোধিকুমার বলল—ছিলাম চণকভদ্র। কিন্তু আপনি আসার পর সব যে অন্যরূপ হয়ে গেল। আপনি শ্রীমতীর সন্তানের পিতৃত্ব যখন স্বীকার করেছেন তখন বাকিটুকুও নিশ্চয়ই করবেন ?

—অর্থাৎ ?

—আমি রাজভাণ্ডারে নিজস্ব দিয়ে শ্রীমতীকে মুক্ত করবার জন্য ধনসঞ্চয় করছিলাম। সে কাজটা, সে যদি রাজগৃহে ফেরে, তো আপনাকেই করতে হবে।

একটু পরে চণক বলল—ধরুন তখন যদি আমি রাজগৃহে না থাকি। ধরুন কেন, সত্য সত্যই থাকবো না। আমার ভবিষ্যৎ আমায় কোন দেশে কোন অবস্থায় নিয়ে গিয়ে ফেলবে, আমি জানি না। ...কবি...মৃদুস্বরে চণক ডাকল...আপনি কি আমার সেই অনাগত সন্তানের ভার নেবেন ?

একটি রত্ন অঙ্গদ দিয়ে যান তাহলে ; পুত্র হলে অঙ্গদসমেত... বোধিকুমারের কণ্ঠে বিদ্রুপের সঙ্গে ব্যথা মিশে আছে। তার কথা শেষ হল না। চণক বলল—না, অঙ্গদ নয়। কাত্যায়ন দৈবরাত এই গোত্র নাম আছে শুধু, তাই দেবো, কিন্তু...গৃহী হবার অবসর চণকের জীবনে হয়ত আসবে না। এই কথাটি শ্রীমতীকে বুঝিয়ে বলতে হবে।

বোধিকুমারের মুখের দীপ্তি ধীরে ধীরে নিবে গেল।

—আমি নিজস্বের ব্যবস্থা করে যাবো, চণক বলল।

—নিজস্ব দিয়ে মুক্তি কিনতে পারি ভদ্র চণক, প্রণয় কিনতে তো পারি না।

—প্রণয় কিনবে কেন কবি, চণক ধীরে ধীরে বলল, প্রণয় লাভ করতেও তো পারো।

চিন্তাময় দৈবরাত সন্ধ্যা উত্তীর্ণ হয়ে যাবার পর ধীরে ধীরে গান্ধার- ভবনে প্রবেশ করল। ঘরে ঘরে দীপ জ্বলছে। শান্ত সুন্দর। আসনশালায় তিষ্য বসে আছে। বসে আছে জিতসোমাও। তিষ্য কিছু বলছে, জিতসোমা শুনেছে। এই দৃশ্যটি যেন বহু দূরের। চণকের সঙ্গে কোনও প্রত্যক্ষ সংযোগ নেই। সে প্রবেশ করতেই দুজনে নীরব হয়ে গেল। সোমার মুখে শোনার ঔৎসুক্য ছিল। অন্তর্হিত হল। সোমার এই ভাবান্তর চণক কি লক্ষ করল ? দীর্ঘদিন ধরে সে অন্যমনস্ক। প্রায় সারারাত ধরে সে লেখে। ভোর হলে চিন্তকের পিঠে বেরিয়ে যায়। মধ্যাহ্নভোজনের সময়েও অনেক দিনই ফেরে না। আজ বোধিজননীর সংস্পর্শে, বোধিকুমারের শিল্পচর্চার প্রসঙ্গে চণক যেন সামান্য উজ্জীবিত। যদিও গান্ধার-ভবনে প্রবেশ করা মাত্র একটি কৃষ্ণাঙ্গী তরুণীর কর্ণ-নাসিকাহীন শব তার প্রাণশক্তি কেড়ে নেয়, তবু।

সে বলল—তিষ্য, আসছি, চলে যেও না। আজ নৈশভোজে একসঙ্গে বসবো। চণক ভেতরে যেতে তিষ্য উৎফুল্ল মুখে বলল—বলেছিলাম না ভদ্রে, একটা সময় দিন, চণকভদ্র আবার আগের মতো হয়ে উঠবেন।

সোমা কিছু বলল না। বিষণ্ণ মুখে যেমন বসে ছিল বসে রইল।

তিষ্য বলল—আপনার মুখে হাসি দেখছি না কেন ভদ্রে ?



সোমা মৃদু অশ্রুস্রব্দ কণ্ঠে বলল—বন্য কুমারীর সেবা করতে চাইনি সে কি আমার দোষ ?  
তিষ্য প্রথমটা আশ্চর্য হয়ে গেল, তারপর বুঝে বলল—আপনি হয়ত ঠিকই বুঝেছেন, চণকভদ্র  
বোধহয় ক্ষুণ্ণ হয়েছিলেন ।

সোমা বলল—আমি কখনও করিনি । নিষাদদের দেখিনি কখনও । ওরূপ বীভৎস দৃশ্যও কখনও  
দেখিনি ।

সে যেন কোনও বোহারিক কি বিনিশ্চয়ামাত্যর কাছে আত্মপক্ষ সমর্থন করছে । তিষ্য কী  
বলবে ? কিছুক্ষণ পর সে বলল—এতে কোনও অপরাধ হয়নি, আর হলেও...

জিতসোমা হঠাৎ উঠে অন্তঃপুরের দিকে চলে গেল । করুণ কোমল মূর্তি । তিষ্যর হৃদয় যেন  
ভদ্রা জিতসোমার জন্য দ্রব হয়ে যেতে থাকে । কী রহস্য ঐর হৃদয়ে । ইনি কী প্রকার বিদুষী, কত  
শিল্প জানেন—এ সবই প্রতিদিন তিষ্য দেখতে পাচ্ছে । বন্য কুমারী হতভাগিনী রগগা গাঙ্কার-ভবনে  
কী যে অনভিপ্রেত জটিলতার সৃষ্টি করে গেল ! দাসী তাকে পানীয় এনে দেয় । তিষ্য বুঝতে পারে  
জিতসোমা সংবৃত হতে অন্তঃপুরে গেছেন কিন্তু ভোলেননি তিষ্যকুমার অতিথি, একা বসে আছে ।  
সে ধীরে ধীরে পানীয়ে চুমুক দিতে থাকে । যেতে হবে । তাকে এবার শ্রাবস্তী যেতে হবে ।  
শ্রাবস্তীর সঙ্গেই মগধের সম্পর্ক সবচেয়ে দৃঢ় । মহারাজ পসেনদি যদি সম্মত হন তো...তার চিন্তার  
সূত্র ছিড়ে যায় দ্বারের ওপর মৃদু করাঘাতের শব্দে । দাস-দাসীরা আসার আগেই সে দ্বার খুলে দেয় ।  
রাত হচ্ছে, এখন কে আসবে ? বাইরে ঘন অন্ধকার ও শীত । সমগ্র জম্বুবন জুড়ে সহস্র সহস্র  
জ্যোতির্বিগ্ন জ্বলছে নিবছে । ঘোর কৃষ্ণ বসন-পরা মানুষটি প্রবেশ করলেন । লোকপাল । তিষ্য  
নত হয়ে প্রণাম করল । মহারাজ, এই সময়ে ?

মৃদুকণ্ঠে লোকপালবেশী বিহিসার বললেন—আশু প্রয়োজন । চণক কোথায় ? শীঘ্র ডাকো ।  
সোমা ? সোমাই বা কোথায় ? তার সঙ্গেও প্রয়োজন আছে ।

তার মুখ দেখে সহসাই তিষ্য উপলব্ধি করল ব্যাপার যা-ই হোক, তা অতি গুরুত্বপূর্ণ । সে  
ভেতরের দ্বারের কাছে গিয়ে একটি দাসীকে বলল—‘ভদ্র লোকপাল এসেছেন, সংবাদ দাও... ।’

সে যথেষ্ট উচ্চগ্রামে কথাগুলি বলেছিল । বলবার প্রায় সঙ্গে সঙ্গেই জিতসোমাকে দেখা গেল ।  
একটু পরেই চণক তার নিজের কক্ষ থেকে বেরিয়ে এলো ।

বিহিসার বললেন, আসনশালার দ্বার বন্ধ করো ।  
চণকের উদাসীন মুখ এখন সতর্ক হয়ে উঠেছে, সে বলল—কী সংবাদ মহারাজ ? আপনার  
কোনও বিপদ...?

আমার নয় চণক, তোমার । তোমার এবং সোমার, অসহিষ্ণু স্বরে বিহিসার বললেন ।  
আমার ? সোমার ? চণকের কণ্ঠে বিস্ময় । তিষ্য এবং জিতসোমা উৎকণ্ঠিত হয়ে তাকিয়ে  
আছে ।

বিহিসার বললেন—আজ সকালে চম্পা থেকে দূত এসেছে । অগ্রদূত । কুমার কুনিয় আসছে ।  
সে বলে পাঠিয়েছে তার প্রাসাদ যেন প্রস্তুত থাকে । আরও বলেছে, গভবारे যে গাঙ্কার-দশীয় রমণী  
তার প্রাসাদ সজ্জা করেছিল, সে যেন থাকে । বিশেষভাবে তার নৃত্য-গীত উপভোগ করলেই সে  
এবার রাজগৃহে আসছে ।

জিতসোমার মুখ পাংশুবর্ণ হয়ে গেল । চণক ঈষৎ রুদ্ধ স্বরে বলল—তা যা-ই হয় না সে কথা  
কুমারকে বলে দিলেই তো হয় !

বিহিসার পদচারণা করতে করতে মুক্ত বাতায়নের কাছে গিয়ে দাঁড়ালেন, তার পিঠ কক্ষ উপস্থিত  
উৎকণ্ঠিত মানুষগুলির দিকে । তিনি কি তার মুখভাব গোপন করতে চাইছেন ?

—কাজটা সহজ নয় চণক, তিনি বললেন, কুমার অত্যন্ত আশ্চর্য, ক্রোধী । আমার সন্দেহ হয়  
এ অন্তঃপুরিকাদের ষড়যন্ত্র । কেউ তার কাছে জিতসোমার কথাটা তুলে দিয়েছে । হয়ত আমাকে  
বিব্রত করবার জন্যই ।

তিনি ধীরে ধীরে চণকের মুখোমুখি হলেন, বললেন—আচার্যপুত্র, তুমি তাকে জানো না, তাই  
বলছে । কিন্তু তুমিই বা বিলম্ব করছো কেন ?

—আর বিলম্ব হবে না মহারাজ । কালই বেরিয়ে পড়ব ।

—না না, আমি তোমার যাত্রার কথা বলিনি আচার্যপুত্র, বলছি সোমােকে বিবাহ করলে বিলম্ব হরছে কেন ? আমি তো অনেক দিন আগেই তোমার হাতে সমর্পণ করেছি তাকে । সখা চণক, মন স্থর করতে তুমি বড় সময় নাও ।

—আর সময় নেবো না মহারাজ ।

—আমি তাহলে এখনি বিবাহের আয়োজন করি ।

—তা হয় না মহারাজ, সোমা যে আমার ভগ্নী ।

তিষ্য চমকে উঠে দেখল তার কুসুমবর্ণ উত্তরীয়ে মুখ ঢেকে গেছে সোমার ।

—সোমা তোমার...অর্থাৎ আচার্য দেবরাতের...

—মহারাজ, সোমা তক্ষশিলার প্রখ্যাত রাজনটী দেবদত্তার কন্যা, আচার্য দেবরাতের ঔরসে ।

আসনশালা নিস্তরু । একটিমাত্র পতঙ্গ উড়ছে । তার শব্দও যেন কানকে আঘাত করছে । চণক পতঙ্গটির দিকে তাকিয়ে বলল—আমার জননী আমার জন্মের পরেই মারা যান । পিতার হাতেই বড় হয়েছি । সমাবর্তনের পর পিতা আমাকে ডেকে বললেন—দেবী দেবদত্তার কন্যাকে বেদবিদ্যা শিক্ষা দেতে হবে । আমি আর সতীর্থ অনঘ দুজনে এই কাজের জন্য নিবাচিত হয়েছিলাম । প্রথম দিন যাত্রার পূর্বে পিতা আমাকে বললেন—বৎস যেখানে যাচ্ছে, শিল্পচারুতা ও সৌন্দর্যের খনি সেই গৃহ । বড় বিভ্রান্তিকর । কন্যাটি কিশোরী । অত্যন্ত মেধাবী এবং অত্যন্ত সুন্দরী । কিন্তু সে তোমার বমাতৃক ভগ্নী, মনে রেখো ।

সোমার মুখ অশ্রুপ্লাবিত । অক্ষুটে আত্মবিশ্বস্তের মতো সে বলল— মহারাজ, হতভাগিনী সামাকে সে কথা বলতে কেউ মনে রাখেনি । আচার্য দেবরাতের মর্যাদা রাখতে গিয়ে সোমার কথা কউ ভাবল না । অবশেষে যখন আর্ঘ অনঘর প্রণয় অস্বীকার করলাম, তখন জননী বললেন—কার মশায় এ কাজ করলে সোমা ? চণক ? সে যে তোমার জেটঠ । আচার্য দেবরাত তোমার পিতা, ঠনিই তোমায় পিতৃধন বেদবিদ্যা দেওয়ার ব্যবস্থা করেছেন ।

চণক নীরস্ত মুখে সোমার দিকে তাকিয়ে বলল—তোমার না জানার কথা আমি কখনও জানতাম না সোমা, ক্ষমা করো ।

কক্ষ নিস্তরু । সেই পতঙ্গটিই শুধু উড়ছে । উড়ে উড়ে দীপবর্তিকার কাছে চলে যাচ্ছে । আবার ফেরে আসছে ।

চণক বলল—মহারাজ আমার সব আয়োজনই প্রস্তুত, ভাবছিলাম দু- এক দিনের মধ্যেই যাত্রা শুরব । সোমার এই আশু বিপদের পরিপ্রেক্ষিতে এ ও ভাবছিলাম এইমাত্র, যা হয় হোক সোমােকে সঙ্গে নিয়ে যাবো । আমাদের দুজনের কারওই উপস্থিতবুদ্ধি অল্প নয় । যেতে যেতে যেমন বুঝবো, তমনিই ব্যবস্থা করবো । কিন্তু এখন আর তা হয় না । আমি চলে যাচ্ছি । আপনি রাজা, আপনি মিত্র, যেমন করে হোক আমার ভগ্নীকে রক্ষা করার ব্যবস্থা করুন । কুমার কুনিয়র লালসার আহুতি স হবে না । হলে আমি প্রতিশোধ নেবো । মহারাজ, কুমারের আসার পর আমি উপস্থিত থাকলে মনর্থক বিবাদ, রক্তপাত, বন্ধুত্বনাশ হবে...আমি উঠলাম ।

সে অস্তঃপুরের দিকে ফিরল ।

জিতসোমা তীক্ষ্ণ আর্দ্রস্বরে বলে উঠল—জেটঠ চণক, আমায় ফেলে রেখে যাবেন না । আমায় সঙ্গে নিয়ে যান । আমি শরণাগত । শরণাগত...বলতে বলতে চণকের প্রতিজ্ঞামহীন মুখের দিকে গ্যকিয়ে সে স্তব্ধ, বিবর্ণ, প্রস্তর-কঠিন হয়ে যেতে থাকল ।

চণক বিষন্ন স্বরে বলল—ভেবে দেখো, আর তা হয় না সোমা । মহারাজ, দেবরাতপুত্রীর মরক্ষার ভার আপনার...আর...আর... তিষ্যকুমারের, যদি সে দায় স্বীকার করতে সে কুণ্ঠিত না হয় ।

বলতে বলতে সে আসনশালার দ্বার খুলে ফেলল, বলল—মহারাজ, পশ্চিমপট্টীতে বোধিকুমার নামে এক গুণী ব্যক্তি আছেন রাজ-অনুগ্রহের অপেক্ষায় । সে থামল, কী যেন বলবে বলে তিষ্যর নৈকে তাকাল । চোখে চোখ মিলল । তাকাল একবার পাষণ-মূর্তি নতমুখী জিতসোমার দিকে । গর চোখের তারা যেন গাঢ় থেকে গাঢ়তর হয়ে যাচ্ছে । ধীরে অস্তঃপুরের দ্বার খুলে সে চলে

গেল । সামান্য পরে উদ্যান পথে চিত্তকের মৃদু হেসা শোনা গেল । তার প্রভু পেছনের দ্বার দিয়ে বেয়িয়ে গেছেন । শিশির-সিস্ত কাননভূমির ওপর দিয়ে চিত্তকের স্কুরের ধ্বনি দূরে মিলিয়ে যাচ্ছে ।

অনেকক্ষণ পরে বিহিসার বললেন—তিষ্যাকুমার আমাদের দ্রুত সিদ্ধান্ত নিতে হবে । আমার মনে হয়, তুমি আর সোমা গাঙ্কৰ্ব বিবাহ করো । এখনই ! তারপর দ্রুতগামী অশ্বে শ্রাবস্তী চলে যাও । আমার মুদ্রা তো তোমার কাছে আছেই । এই দুটি স্ববিকায় আমি পর্যাপ্ত সুবর্ণ কার্ষাপণ নিয়ে এসেছি । তিষ্য তোমার অস্ত্র-শস্ত্র, সোমা তোমার বস্ত্রালঙ্কার, পুঁথিপত্র যত শীঘ্র সম্ভব সংগ্রহ করে নাও । কী তিষ্য ? সোমা ?

নীরব দুটি মূর্তির দিকে চেয়ে অসহিষ্ণু বিহিসার বলে উঠলেন ।

তিষ্য আচ্ছন্ন স্বরে বলল—আমায় একটু ভাবতে সময় দিন মহারাজ ।

—বলছো কী ? —বিহিসার দ্রুত পদচারণা করতে লাগলেন—কুনিয় যাত্রা করে গেছে । হয়ত সে কাল প্রত্যুষেই এসে উপস্থিত হবে । তিষ্য, কুনিয় যখন তার মাতার গর্ভে ছিল, তার মাতা কোসলদেবীর বড় বিচিত্র দোহদ হয় । তিনি আমার কাঁধের ওপর দাঁত বসিয়ে দিতেন । লক্ষণপাঠক পশ্চিত্তরা বললেন—এই জাতক পিতৃতরুপিপাসু হবে । কোসলদেবী গর্ভ নষ্ট করবার ইচ্ছা প্রকাশ করেছিলেন । আমি বাধা দিই । সোমা, এই আমার বংশের প্রথম পুত্র । পুত্রমুখ দেখে অপত্যস্নেহ কাকে বলে জানলাম । অবিমিশ্র আদর, স্নেহ দিয়েছি, দিয়েছি পিতার মতো । লক্ষণপাঠকদের কথা আমি বিশ্বাস করি না । ভগবান তথাগত এ সব বিশ্বাস করতে নিষেধ করেন । কিন্তু কুমার বড় দুর্বিনীত । তাকে উপরাজা করে দিয়েছি । কিন্তু আচার-আচরণ দেখলে মনে হবে, সে রাজাই । বড় অহঙ্কারী । যদি মনে করে কিছু চাই, না নিয়ে ক্ষান্ত হবে না কিছুতেই ।

জিতসোমা এতক্ষণ নতমুখে বসেছিল । তার দেহে কোনও প্রাণের লক্ষণও যেন ছিল না । সে এবার ধীরে ধীরে উঠে দাঁড়াল । শান্ত স্বরে বলল—তিষ্যভদ্রকে তার গোপনীয় রাজকর্মে যেতে দিন মহারাজ । তাকে ভারাক্রান্ত করবেন না ।

—আর তুমি ? বিহিসার উৎকণ্ঠিত স্বরে বললেন

—সোমার ভাগ্যফল সোমাকেই বুঝে নিতে দিন ।

—কী করবে তুমি ? সোমা হঠকারিতা করো না ।

তিষ্য-বলল—ভদ্রে, আপনি আমার সঙ্গে শ্রাবস্তী চলুন । সেখানে গিয়ে...

সোমা বলল—আমি গাঙ্কারী । ভবিতব্যকে ভয় পাই না ভদ্র । আমার নিরাপত্তার জন্য এত জন উৎকণ্ঠিত হচ্ছেন দেখে আমার আত্মধিকার জন্মে যাচ্ছে ।

সে নত হয়ে মহারাজকে অভিবাদন করে ভেতরে চলে গেল ।

দ্বিতীয় পর্ব

‘আত্মপ্রত্যয়ের অগ্নি, হে সন্তান, প্রথম জ্বলুক তব ঘরে ।  
জানো না কি রাত্রি এসে ঘিরিতেছে আরো—এক দীর্ঘতর বৃন্তে রোজ  
মানুষের জীবনকে ।  
যে-সব সৌন্দর্য র’চে গিয়েছিলো একদিন মেধাবীরা  
আজ এই রজনীর অবরোধে মনে হয়  
তাহাদের জ্যোতি যেন বিস্ফোরক বাষ্প হয়ে জ্বলে  
সহসা আকাশ পথে দিক্‌হস্তিদের মতো,—’

জীবনানন্দ দাশ

শ্রেষ্ঠী সুদত্তর নির্মিত শ্রাবস্তী-রাজগৃহ বা রাজগৃহ-শ্রাবস্তী মহাপথটি কিন্তু কোনও নতুন পথ নয় ।  
গতায়তরত পথিকরা সবাই জানে এই-ই হল সেই সুপ্রাচীন উত্তর-পথ । কত যুগ ধরে এ পথ  
রয়েছে, কত শত জনযাত্রা, যুদ্ধযাত্রা, শিক্ষাযাত্রা, বাণিজ্যযাত্রার ধূলি মিশে রয়েছে এই উত্তর-পথে ।  
শ্রাবস্তীতে পৌঁছেই কি এ পথ থেমেছে ? থামেনি । চলে গেছে কৌশাধী, মধুরা অতিক্রম করে,  
মরুপ্রান্তর পেরিয়ে তক্ষশিলা অভিমুখে । অঙ্গ মগধের বড় বড় সার্থ এখন এই পথ ধরে সিদ্ধু  
বিতস্তার মধ্যবর্তী সুদর সৌবীর দেশের রাজধানী রৌরুগ এবং আরও বহু পট্টনে যাত্রা করে ।  
ভৃগুকচ্ছর পট্টন, তার সংলগ্ন নীল লবণাবুঁরাশি কেতুকামী গরবী বণিকের চোখে স্বপ্নের ঘোর  
লাগায় । অনতিবিস্মৃত অতীতে কুরুদেশ থেকে দুই কুরুবীরকে নিয়ে যদুবংশীয় কৃষ্ণ এই পথ ধরেই  
জরাসন্ধ দমনের জন্য ছদ্মবেশে রাজগৃহের দিকে গিয়েছিলেন । সে-সব কাহিনী সূতরা এখন ছোট  
বড় যজ্ঞে, সমাজোৎসবে বলে থাকেন । মহাবীর ভীমসেন নাকি দিগ্বিজয়ে বার হয়ে বিদেহ-দশার্ণ  
হয়ে কোশল রাজ্যে প্রবেশের জন্য এই পথই ধরেছিলেন । শ্রেষ্ঠী সুদত্ত ভগবান তথাগতর কথা চিন্তা  
করেই এই বহু পুরাতন মহাপথের শ্রাবস্তী-রাজগৃহ অংশটি সংস্কার করেছেন । পুরোটাই স্থলপথ ।  
বৈশালীর কাছে একবার মাত্র গন্ধা-হিরণ্যবাহ সঙ্গম পার হয়ে ওপারে কিছুটা দক্ষিণপূর্বে পাটলিগ্রামে  
পৌঁছতে হয় । গ্রাম হলেও যাত্রীদের কাছে তো বটেই, বণিকদের কাছেও এই পাটলিগ্রামের  
আবস্থানিক গুরুত্ব যথেষ্ট । পাটলি বা পাটুলিকে তাঁরা ‘পুটভেদন’ বলে থাকেন । অর্থাৎ এখানে এসে  
পণ্য-বস্তুর পুট বা আচ্ছাদন ভাঙা হয় । সবসুদ্ধ বারোটি বিশ্রামস্থল আছে এই পথে । সুন্দরতমটি  
বৈশালীর ওপ্রান্তে । চমৎকার গন্ধকুসুমের কুঞ্জ সেখানে । তার মাঝখানে পাথরের বিশ্রামগৃহ ।  
সাত-আটটি বৃহৎ কক্ষ রয়েছে । প্রতিটি কক্ষ পরিচ্ছন্ন, বিশ্রামের ব্যবস্থাদিও অতি সুষ্ঠু । শুধু বহু  
পছের শ্রমণ, তীর্থিক, সাধুজনই নয়, যে কোনও পথিক, পথ চলতে চলতে ক্লান্ত হলে এখানে পাবেন  
আতিথ্য । পানীয় জল, একটু শুয়ে নেবার জন্য কিলিঞ্জক, ভালো শুড় এবং চিড়ে পাওয়া যাবে  
বিনামূল্যে, সামান্য মূল্যে দিলে অন্ন প্রভৃতিও পাওয়া যায় । অদূরেই মহাবন নামে বিস্তীর্ণ শালবন ।  
তার মধ্যে কুটাগারশালা যা বৃদ্ধকে দান করেছেন মহামান্য গোশঙ্গি ।

সেবার ভয়ানক মহামারী লাগল বৈশালীতে । বৈশালীর যত বড় বড় বিদ্যাশিষ্যরা এসেই যে-যার  
মতো করে মহামারী থামাবার উপায় করতে লাগলেন । এক দিকে তখন যজ্ঞধর্ম উঠছে আকাশে,  
তার সঙ্গে মন্ত্র মিশে যাচ্ছে, আরেক দিকে বৈশালীর সবচেয়ে প্রতাপশালী শ্রমণগণই নির্গছুরা বলছেন,  
এতে কিছু হবে না, চতুর্থাৎ সংবরের উপদেশ শোনো, পালন করো । অহিংসা, সত্য, অস্তেয় ও  
অপরিগ্রহ এই হল চারটি যাম, এইগুলিই তোমাদের পাপমুক্ত করবে । সিরপায় নাগরিকরা যে যা  
বলছেন শুনছেন, কিন্তু মহামারীর উপশম নেই । সাধারণ নাগরিকরা ততো মরছেই, মরছে ধনীরাও,  
শেষে তীর্থিক, নির্গছুরাও দলে দলে মরতে লাগলেন । তখন গণগুণ্ডারা সকলে মিলে নির্গছু জ্ঞাপিত  
মহাবীরের নিষেধ অগ্রাহ্য করে গৌতম বৃদ্ধকে আহ্বান করেছিলেন । মুখে মুখে এখন রটনা হয়ে  
গেছে গৌতম নাকি ঋদ্ধিবলে আকাশমার্গে বৈশালী এসেছিলেন, এবং তিনি এসে দাঁড়াবামাত্র  
মহামারী পাংশুবসনে পাংশুমুখে নগরীর পশ্চিম দ্বার দিয়ে পালিয়ে যায় । লোকে এ ভাবেই বলতে ও

ভাবতে ভালোবাসে। কিন্তু প্রকৃত কথা, আহ্বানপত্র নিয়ে দূত এলে গৌতম প্রথমেই লিচ্ছবি গণমুখ্যদের জানান— তিনি বেসালির অসামান্য নগর-সৌন্দর্য দেখতে বড় ভালোবাসেন। নগর পরিষ্কৃত, সুস্বাদ, সুরভিত হলে, তবেই তিনি গিয়ে উপস্থিত হবেন। মাত্র তিন দিনে সেবার সমগ্র বেসালি পরিচ্ছন্ন হয়ে যায়। আবর্জনা, মৃত ব্যক্তিদের ব্যবহৃত, পরিত্যক্ত বস্ত্রসমূহ হয় নগরদ্বারের বাইরে মাটিতে পুতে ফেলা হয়, নয় তো পুড়িয়ে ফেলা হয়। পুঙ্করিণীগুলি পরিষ্কৃত হয়, লক্ষ লক্ষ খলি উগ্র সুগন্ধি চতুস্পথে চতুস্পথে পোড়ানো হতে থাকে। সেই গন্ধে এবং সিন্ধু খড়ের ধূমে নগরীর গৃহকোণগুলি থেকে দলে দলে মশক, মক্ষিকা, মূষিক এবং নানা শ্রেণীর কীট উর্ধ্বধ্বাসে বেরিয়ে আসে, তীর্থিকদের মতো মুখে বসন বেঁধে মূষিক ও কীট বধে সেবার বেরিয়ে পড়ে নগরীর আপামর সাধারণ। বহু তোরণ নির্মিত হয় গৌতমকে অভ্যর্থনার জন্য। তোরণগুলি কুসুম সাজে নিপুণভাবে সজ্জিত। চতুর্থ দিন গভীর রাতে গৌতম গঙ্গা পার হলেন, বৈশালীর তৃতীয় প্রাচীর পেরিয়ে প্রধান তোরণদ্বারের নিচে যখন কয়েকটি ভিক্ষু নিয়ে উপস্থিত হলেন তখন উদালগ্ন। দ্বার খুলতেই দেখা গিয়েছিল যেন সান্ধ্য আদিত্যই আকাশ থেকে নেমে এসেছেন।

কূটাগারশালায় সেবার অবস্থান করলেন তিনি। মহাবনে বিশাল জনসভা। কিন্তু গৌতম সঙ্কমের কথা তো কিছু বললেন না। শুধু বললেন— নীরোগ শরীরই হচ্ছে ধন্যসম্মত জীবনযাত্রার প্রথম শর্ত। বেসালিবাসী তাদের নগরকে যে ভালোবাসা দেখিয়েছে আপৎকালে, অন্য সময়েও যেন তেমনই ভালোবাসা দেখায়। সম্পদগর্বে ভুলে গিয়ে নগরীর শ্রীরক্ষায় যেন তারা শৈথিল্য না করে।

তীর্থিকরা প্রশ্ন তুলেছিলেন— নগরী পরিষ্কৃত করতে যে এত মক্ষী, মশা, কীটাদি হত্যা করা হল এতে গৌতমমতে— নিরয়গামী হতে হবে না ?

গৌতম দৃঢ়কণ্ঠে জানান— তথাগত মব্বিম পন্থায় বিশ্বাসী।

নিগ্রহুরা জিজ্ঞাসা করেন— আপৎকালে কি তিনি অহিংসা ত্যাগ করতে বলেন ? গৌতম তাতে উত্তর দেন— আয়ুখন, রোহিণী নদীর জল নিয়ে শাক্য ও কোলিয়দের মধ্যে বিবাদ হলে তারা যখন পরস্পরকে হত্যা করতে উদ্যত হয় তথাগত তখন তাদের প্রথম প্রশ্ন করেন— কিসের মূল্য অধিক, জল না ভূমি, তারা বলে ভূমি, তথাগত তাদের দ্বিতীয় প্রশ্ন করেন— কিসের মূল্য অধিক, ভূমি না ক্ষত্রিয়। তারা বলে ক্ষত্রিয়। তখন তথাগত তাদের তৃতীয় প্রশ্ন করেন— তবে তারা অল্পমূল্য জলের জন্য অমূল্য ক্ষত্রিয়ের প্রাণ নষ্ট করতে উদ্যত হয়েছে কেন ? আয়ুখন এতে শাক্য ও কোলিয়রা নিরস্ত হয়।

তখন গণমুখ্য ছোটক চতুর হেসে জিজ্ঞেস করেন— কিন্তু ভগ্নে, যদি বহিঃশত্রু আক্রমণ করে, সন্ধির প্রস্তাব না মানে ? তখন কি অকোষ দিয়ে কোষ জয় করতে গিয়ে, সাধুতা দিয়ে অসাধুতা জয় করতে গিয়ে আমরা সমূলে বিনষ্ট হবো ? এবং যুদ্ধকালে সচ্ছবদিত্যই কি সর্বদা টিকিয়ে রাখা যায় ?

গৌতম উত্তর দেন— যথাসাধ্য অষ্টাঙ্গিক মার্গর অনুসরণ করা উপাসকেন্দ্র কর্তব্য। যথাসাধ্য। আপৎকালেও অকোষের অনুষ্ঠান করা একমাত্র পব্বজিতর পক্ষেই সম্ভব। সেইজন্যই পব্বজিতের স্থান উপাসকের উর্ধ্ব।

সেই থেকে লিচ্ছবিরা গৌতম বুদ্ধর গুণমুগ্ধ। কোনও ব্যাপারেই চরম, অটল, জগদ্বল, কোনও নিয়ম বেঁধে দেন না গৌতম, অবস্থা বুঝে ব্যবস্থা করেন। কতকগুলি মৌলিক সত্যপ্রতিপত্তি যেনে চলো, তারপর সমস্যার সমাধান চাও, গৌতমকে সঙ্গে পাবে। আর হবে না কেন, উনি তো সঙ্ককুলের, অর্থাৎ আরেকটি গণরাজ্যেরই কুমার। বজ্জিদের উনি বোধেন, বজ্জিরাও ঠেকে বোধে। বৈশালীর লিচ্ছবি-বজ্জিকুল মনে মনে তাদের শাসনতন্ত্র-জনিত কারণে গর্ষিত। কোনও রাজার ইচ্ছাধীন নয় তারা, পদানতও নয়। তারা নিজেরাই নিজেদের সুযোগ্যতারে শলাকা ব্যবহার করে নিজেদের প্রতিনিধি নির্বাচন করে। তাদের গণমুখ্যদেরও রাজাই বলে। কিন্তু রাজার সর্বময় কর্তৃক তাদের নেই। মহল্লক বা জ্যেষ্ঠদের পরামর্শ তো তাদের কাছেই চলতে হয়ই। গৌতমের বড় মনোমত এই রাজ্যশাসন পদ্ধতি। সংঘেও তিনি শলাকা দিয়ে নির্বাচনের পথ গ্রহণ করেছেন।

আজ বৈশালীর বিশ্রামাগারে দুই দল তীর্থিক এসে উঠেছেন। এক দল আসছেন শ্রাবস্তী থেকে, অন্য দল রাজগৃহ থেকে শ্রাবস্তী যাচ্ছেন। দুটি দলের কেউই কাউকে চেনেন না। সারা মধ্যদেশ ২৭০

জুড়ে আশি হাজার তীর্থিকের যাতায়াত, বসবাস। কে কাকে চিনছে ? যদিও উভয় দলই মানে তীর্থঙ্কর পুরণ কাশ্যপকে।

রাজগৃহ-তীর্থিকরা শ্রাবস্তী যাচ্ছেন শুনে ম্লান মুখে শ্রাবস্তী-তীর্থিকদের মধ্যে একজন বয়োজ্যেষ্ঠ ব্যক্তি বললেন— সাবখিতে গিয়ে আর কিই বা করবে আবুস !

রাজগৃহ-তীর্থিকরা অবাক হয়ে বললেন— সে কি ? এখন আচারিয় কাস্‌সপ সাবখিতে রয়েছেন... আমরা তাঁকে দেখবার জন্যই আরও... আমাদের মধ্যে অনেকে তো দেখেনইনি।

বয়োজ্যেষ্ঠ শ্রাবস্তী-তীর্থিক সখেদে বললেন— আচারিয় কাস্‌সপ তো আর নেই।

—সে কি ?

—হ্যাঁ। উনি অচিরবতীর জলে প্রাণ বিসর্জন দিয়েছেন তা বৎসরখানেক তো হলই।

—অহো ! আমরাও যদি সেইসঙ্গে প্রাণ বিসর্জন দিতে পাশ্চাত্য ? —আরেকজন বললেন।

—কেন, এরূপ বলছেন কেন ? কী ঘটেছিল, বলুন তো। —রাজগৃহ-তীর্থিকরা জিজ্ঞাসা করলেন— আমরা গিয়েছিলাম চম্পায়। অঙ্গদেশের বহু স্থানে তীর্থিক মত প্রচার করছি গত কয়েক বৎসর। এখন রাজগৃহতে মাত্র একদিন বিশ্রাম করেই সাবখি যাচ্ছিলাম। বিশেষত আচারিয়ার সাক্ষাতে আমাদের প্রচার-কর্মের কথা জানানো বলে। এ সকল কথা তো শুনিনি ! আচারিয়ার দেহত্যাগ ? সে কী !

শ্রাবস্তী তীর্থিক বললেন— দেখো আবুস, আমরা তো তীর্থঙ্কর কাস্‌সপকেই বুদ্ধ বলে জানতাম। সমন গোতম নামে ওই ব্যক্তি সাবখিতে এসে অবধি, লোকে তার কাছে ছুটছে। কয়েক বৎসর ধরে ক্রমেই তার প্রতিপত্তি বাড়ছে। মহারাজ পসেনদি পঞ্চস্ত ইন্দানীং মহাশ্বা কাস্‌সপকে বুদ্ধ বলতে দ্বিধা করছেন। সাবখির সবচেয়ে সুন্দর কানন জেতবন গৌতমের হয়ে গেল। এইরূপে সকলই হাতছাড়া হয় দেখে আমরাও আচারিয়ার আদেশে মহারাজের কাছে আবেদন কলাম, জেতবনের সন্নিকটে আমাদেরও বিহার চাই। প্রথমটা তো মহারাজ কিছুতেই ঘাড় নোয়াচ্ছিলেন না। তারপর লক্ষ মুদ্রা উৎকোচ দিয়ে তাঁকে বশ করা হল।

—মহারাজকে উৎকোচ ? —একজন রাজগৃহ-তীর্থিক সন্মুখে জিজ্ঞাসা করলেন।

—উৎকোচ বলে কি আর দিয়েছি রে ভাই, রাজার রাজত্বে নির্ভয়ে বাস করি, চমৎকার ভিক্ষাদি পাওয়া যায়, — কৃতজ্ঞতার চিহ্নস্বরূপ লক্ষ মুদ্রা উপহার দেওয়া হল যেন।

—নিঃশ পবজিতর কাছ থেকে উপহার ? —রাজগৃহ-তীর্থিকদের সন্মুখে আর কাটতেই চায় ন।

—আহা, আমাদের কোসলরাজ ধনসম্পদ বড় ভালোবাসেন যে। এই তো সেদিন কৃপণ সেটটি গুণ্য অপুস্তক মারা গেল। অশীতি লক্ষ মূল্যের সম্পত্তি রাজকোষে জমা পড়ল। আনন্দে মহারাজ রানি কোসলমল্লিকাকে দিয়ে নতুন আরাম প্রতিষ্ঠা করে ফেলেন। রাজারা এরূপই হন।

—আমাদের মহারাজ বিশ্বিসার এরূপ নন।

—আরে উনি তো সেদিনের রাজা। এখন কিছুকাল রাজবংশ সংযত থাকবে, তারপর দেখো না...

রাজগৃহ-তীর্থিকরা বিরক্ত হয়ে বললেন— আচ্ছা আচ্ছা বলুন তো দেখি কী হয়েছিল।

—আমরাও বিহার নির্মাণ কস্তে আরম্ভ কলাম। কদিন পরেই সাক্ষপুত্রীয়ার মহারাজের কানে কী মন্ত্র দিল জানি না, রাজাদেশে নির্মাণের কাজ বন্ধ হয়ে গেল। আচারিয় ক্রোধে কাঁপছেন তখন। মহা গোল। অবশেষে পসেনদির আদেশ হল— মুক্ত প্রান্তরে সমন গোতম আর আচারিয় কাস্‌সপ পরীক্ষা দিন কে কত বড় ইন্ধিমান ! আমাদের আচারিয় ইন্ধি দেখাতে গেলেন, কী বলব আবুস, হাত নাড়তে পঞ্চস্ত পাল্লেন না। মুখ বন্ধ। যেমন জোড়াসিলে বসে রইলেন।

—সে কি ? এ প্রকার অবস্থা কি করে হল ?

—কি করে আবার ? সমন গোতম ইন্ধিবলে আচারিয়কে বেঁধে রেখে দিলেন। প্রমাণ হয়ে গেল তিনিই বড়। আচারিয় কাস্‌সপ অপমান সহিতে পাল্লেন না। যেই না মুক্ত হওয়া বিভল চোখে চারদিকে চাইলেন তারপর দেখ না দেখ নদীর জলে প্রবেশ কল্লেন।

—কেউ বাধা দিল না !

—বাধা দেবে কি ? সবাই হতবুদ্ধি । চারদিকে সমন গোতমের নামে এমন জয়ধ্বনি উঠছে যে কিছু শোনাও যাচ্ছে না । আমরা ভেবেছি আচারিয় বৃষ্টি চান করতে নামছেন ।

রাজগৃহ-তীর্থিকরা ভ্রিয়মাণ দুঃখিত স্বরে বললেন— আশ্চর্য ! তারপরে ?

—তারপরে আর কি ? আমাদের দল ভেঙে তীর্থিকরা সব গোতমের সংঘে যোগ দিতে লাগল । আমরা পুরাতনরা আরও নানা উপায়ে গোতমের যশোহানি করতে চেয়েছিলাম কিন্তু শেষে আমাদেরই লঙ্ঘিত হতে হল । এখন তাই সাবখি ছেড়ে চলে এসেছি ।

—বিতাড়িত হয়েছি, সেটাই বলুন না । সতীর্থদের কাছে লুকিয়ে আর কি হবে ? একজন শ্রাবস্তী-তীর্থিক সঙ্কোভে বললেন ।

রাজগৃহ-তীর্থিকরা উত্তরোত্তর বিস্মিত হচ্ছিলেন । কৌতূহল সংবরণ করতে না পেরে একজন, দুজন, শেষে সবাই ওঁদের পীড়াপীড়ি করতে আরম্ভ করলেন । কীভাবে তাঁরা সমন গোতমের যশোহানি করতে চেয়েছিলেন, কেনই বা বিতাড়িত হলেন, বলতে হবে ।

অবশেষে একজন শ্রাবস্তী তীর্থিক বললেন— ওই চিষ্ণা !

—চিষ্ণা ? সে কে ?

—তীর্থিকদের উপাসিকা । ভক্তি মান্যি করে । অতিশয় রূপসী । তাকে আমরা সমন গোতমের কাছে নিত্য পাঠাতে লাগলাম । একটু রাত করে... জেতবন স্থানটি কুঞ্জে কুঞ্জে বৃক্ষে কৃক্ষে অতি মনোহর তো !

—তাতে কি ?

শ্রাবস্তী-তীর্থিক টোক গিলে বললেন— কী আর... ! রূপসী রমণী ...মনোহর স্থান... সময় রাত্রি...কী হতে পারে আবুস— গর্ভ হল !

—কার ? চিষ্ণার ?

—আবার কার ? সমন গোতমের যেমন কাণ্ড !

—বলেন কি ? তা তাঁরই তো বিতাড়িত হবার কথা !

—কি করে হবে ? সভাস্থলে, সর্বসমক্ষে চিষ্ণা যখন উঠে দাঁড়িয়ে সমন গোতমকে দোষারোপ করছে, হঠাৎ চিষ্ণার গর্ভটি খসে গেল ।

—গর্ভ খসে গেল ? সর্বনাশ ! —রাজগৃহ-তীর্থিকরা আর্তনাদ করে উঠলেন ।

—তাতেও তো সমন গোতমের বহিষ্কার হওয়া উচিত ।

—কী করে হবে ? গর্ভটি যে একখণ্ড কাঠে পরিণত হল, দুম করে চিষ্ণার পায়ে পড়ে দাহিন পায়ের আঙুল কাটি ছেঁচে গেল একেবারে । সে কী লাঞ্ছনা । কী ধিক্কার । সাক্ষপুত্রীয়ারা তো তেড়ে মারতে আসে । সাবখির লোকেরাও আমাদের দুঃখে লাগল । পসেনদি রেগে আমাদেরই বহিষ্কারের আদেশ দিলেন ।

রাজগৃহ-তীর্থিকরা পরস্পর মুখ চাওয়া-চাওয়ি করতে লাগলেন । বললেন— অদ্ভুত ইন্ধি তো ! তা কেউ বৃষ্টি বিশ্বাস করল না গর্ভ কাঠ হয়ে গেছে !

—কি করে বিশ্বাস করবে ? চিষ্ণাই তো যাতনায়, ধিক্কারে অস্থির হয়ে বলতে লাগল তীর্থিকরাই তাকে এরূপ অভিনয় করতে বলেছে, উদরে কাষ্ঠপিণ্ড বাঁধতে বলেছে, আরও কত কী !

তখন একজন যুবক রাজগৃহ-তীর্থিক মদু হেসে বলল— অহো ! এমনই ইন্ধি যে স্বয়ং চিষ্ণাই বৃষ্ণতে পারেনি তার উদরে ভূগু আছে না কাষ্ঠপিণ্ড আছে ! অতি চমৎকার !

সে বয়োজ্যেষ্ঠ সঙ্গীদের দিকে চেয়ে বলল— দেখুন আজ আমি একটা স্পষ্ট কথা বলছি । নিতান্ত নবীন বয়সে পিতা মারা গেলেন, পিতার বন্ধু সব প্রতারণা করে ধিক্কার দিলেন । মাতা বাণিজ্য, পণ্য, গচ্ছিতকরণ, কুসীদ কিছুই বুঝতেন না । ভগ্ন মনে তিনিও ভ্রম্য গেলেন । এরূপ অবস্থায় আচারিয় কাস্পপ আমাদের উদিত-গামে এসেছিলেন, তাঁর দেশনা শুনে অবাক হয়ে যাই । কিছুতেই নাকি পাপ-পুণ্য হয় না । ভূগু হত্যা, আত্মীয় বন্ধুকে প্রবঞ্চনা করায়, হত্যা করায় পাপ নেই, আবার দানে, যজ্ঞে, মানুষের উপকারেও পুণ্য নেই । আমার আশা ছিল— পিতামাতা অন্তত পুণ্যবলে স্বর্গে গিয়ে



খী হয়েছেন, এবং ওই প্রবন্ধক পিতৃবন্ধু নির্ঘাৎ মৃত্যুর পর অধীচি নরকে গিয়ে যন্ত্রণা ভোগ করবে। মাচারিয় কাস্‌সপের কথা শুনে প্রবল হতাশা এলো, তারই ফলে অক্রিয়বাদী হয়েছি। এবার মঙ্গলদেশের ভদ্রকরে এক গান্ধার যুবকের সঙ্গে সাক্ষাৎ ও আলাপ হয়। তিনি আমাদের তীর্থিক মত মনে বললেন— ‘আপনাদের মতবাদে বিন্দুমাত্র সত্যতা থাকলে এই পৃথিবী এক মনুষ্যসমাজকে ঠেকে থাকতে হত না। সকলেই ইচ্ছামতো পাপ-কর্মে লিপ্ত হত। কিন্তু তা হয় না, মানুষের মনের মধ্যে সহজাত পাপবোধ আছে। অনার্য জনদের মধ্যে অরণ্যে গিয়ে দেখুন, সহজ নীতিজ্ঞান আছে তাদেরও। তা হলে? যে বস্তুর প্রয়োজন নেই তা সৃষ্টি হল? এবং তারই ফলে সংসার সৃষ্টিভাবে লছে? প্রকৃত কথা আপনারা নৈতিক বিশৃঙ্খলার মত প্রচার করছেন। তা ছাড়াও আপনারা অক্রিয়বাদ আর মস্করী গোশালের ভবিতব্যবাদে কোনও পার্থক্য নেই। আপনারা নিজেরা নৈতিক জীবন যাপন করবেন করুন। কিন্তু গৃহবাসী, সমাজসেবী মানুষের মধ্যে বিশ্রান্তির সৃষ্টি করবেন না। আমি রাজা হলে আপনাদের তীর্থিক-মত নিষিদ্ধ করে দিতাম।’

এখন তীর্থিক কাস্‌সপের পরিণাম শুনে, এবং তার চেয়েও বড়, এই সাবখি-তীর্থিকদের লোভ, হ্রতা, প্রবঞ্চনা ইত্যাদির কথা শুনে বুঝতে পারছি এই পঞ্চদশ বৎসর ঘোর পাপীদের অনুগমন হয়েছি। তীর্থিক জেট্টগণ— সংসার যেমন আছে, তেমনি পাপ-পুণ্যও আছে। মৃত্যুর পর স্বর্গ রকাদি আছে কি না জানি না। তবে মৃত্যুর পূর্বে যে নিজ নিজ কর্ম অনুযায়ী স্বর্গফল, নরকফল লাভ হয় এ তো দেখতেই পাচ্ছি— বলে তীর্থিক যুবক ক্রুদ্ধ কটাক্ষে শ্রাবস্তী-তীর্থিকদের দিকে ঠিপাত করতে লাগল। সে দাঁতে দাঁত ঘষছে।

শ্রাবস্তী-তীর্থিকরা বললেন— অহে, এরা আমাদের প্রহার করবে নাকি? নাসারাজ কী প্রকার লছে দেখো! স্থান-ত্যাগ করাই মঙ্গল মনে হচ্ছে!

রাজগৃহ-তীর্থিকরা বললেন— হ্যাঁ, প্রহার করলে যখন পাপ নেই তখন এই নরাধমগুলিকে প্রহার মলে তো ভালোই হয়!

শ্রাবস্তী-তীর্থিকরা তাড়াতাড়ি উঠে পড়ে বললেন— প্রহারের প্রয়োজন কী! আমরা তো চলছি পাচ্ছি।

আর দ্বিরুক্তি না করে তাঁরা সবাই আরাম ত্যাগ করলেন।

লোকগুলি দৃষ্টিপথের বাইরে চলে যাওয়ার পর যুবক তীর্থিক যশ বলল— রাজপুরুষে উৎকোচ নয়, এবং ধরা পড়লে শুলে চড়ে শুনেছি। কিন্তু দেশের রাজা ভিক্ষুদের কাছ থেকে উৎকোচ নেয় এমন কথা আমি কোথাও কখনও শুনিনি। ওই পাপ-রাজার দেশে আমি যাবো না। যেতে হয় মাপনারা যান।

বয়োজ্যেষ্ঠ তীর্থিক বললেন— কিন্তু যশ, সেখানে সমন গোতম রয়েছে। তাঁকে দর্শন করবার মাকাঙ্ক্ষা জাগছে যে।

—জানি না। তিনি হতে পারেন পূরণ কাস্‌সপের চেয়ে বড় সাধু, কিংবা বড় প্রতারক। আমি মার এ সবে বিশ্বাস করি না। আমি রাজগৃহে ফিরে যাচ্ছি। দেখি কোন প্রকারে জীবিকার উপায় করতে পারি কি না। গান্ধার যুবা বলেছিল— দেহবল, মনোবল, বুদ্ধিবল পূর্ণভাবে প্রয়োগ করে যমাজের দায়গুলি স্বীকার করে নিয়ে বাঁচাই জীবনের সঠিক ব্যবহার। মৃত্যুর পরে কী হুঁশ ন হবে, পূর্ণজন্ম হবে কি না, স্বর্গ-নরক ইত্যাদি অজানা কতকগুলি রহস্য নিয়ে চিন্তা কর্তে এ ভাবে কাল হাটানোর কোনও অর্থ হয় না। প্রকৃত কথা, আমরা কেউই জীবিকার ব্যবস্থা করতে পারিনি। হতাশ হয়ে, নিরুপায় হয়ে এই তীর্থিক-পথ গ্রহণ করেছি, কেমন কি না?

বয়োজ্যেষ্ঠ মানুষটি বললেন— না, তোমার কথা সর্বাংশে সত্য নয় আবুস। আমি তো অস্তিত্ব ন্যাসতাই জীবনের কার্য-কারণ জানতে আগ্রহী। আমি ভাবছি সম্মান প্রাপ্তমের সঙ্গে দেখা করব। গরপর যা হয় কিছু একটা স্থির করা যাবে।

অধিকাংশই তাঁকে সমর্থন করলেন। আরও কিছুকণ বিশ্রাম করে, ভালো চিড়ে সুমিষ্ট গুড় ইত্যাদি দিয়ে জলযোগ সেরে তাঁরা সবাই বেরিয়ে পড়লেন। এগারো জনের মধ্যে ন’ জনই শ্রাবস্তীর পথ ধরলেন। অবশিষ্ট দুজন, যশ এবং নন্দিয় স্থির করল রাজগৃহে ফিরে যাবে। এরা দুজনেই এ

দলে সর্বকনিষ্ঠ । যশের বয়ক্রম পঁচিশ হবে । নন্দিয় আরও একটু ছোট ।

তখনও দুজনে বৈশালী-আরামের দ্বার পার হয়নি, যশ বলল—নন্দিয় তুমি কেন আমার অনুগামী হলে ?

নন্দিয়র মুখের ওপর একটি পাতা ভরা লতা এসে পড়েছে । সে লতাটিকে সন্তর্পণে সরাতে সরাতে বলল— ভাই যশ, তোমার কথাগুলি আমার বড় মনের মতো হয়েছে । এ কথা সম্পূর্ণ সত্য— অন্ন আর আশ্রয় বিনা ক্রেশে জুটবে বলেই আমি তীর্থিকদের শরণ নিই । অতি দরিদ্র ছিলাম । তোমার মতোই অনাথ, ধরো । কারও গৃহে ভৃত্যক হওয়া ছাড়া গতি ছিল না তাই । এখন, তুমি যদি দেখবল, মনোবল, বুদ্ধিবলের ওপর নির্ভর করে জীবন আরম্ভ করতে পারো আমিই বা পারি না কেন ?

যশ হাসিমুখে বলল— ভালোই হল । একজন সঙ্গী পাওয়া গেল । তবে নন্দিয়, তোমার যখনই ইচ্ছা হবে, তুমি আমার সঙ্গ ত্যাগ করতে পারো ।

নন্দিয় বলল— ভাই যশ, তুমি যতটা নির্ভীক হয়ে গেছ আমি এখনও অতটা হতে পারিনি । একটা কোনও উপায় না হওয়া পর্যন্ত আমাকে সহ্য করো ভাই ।

আহা, তোমাকে ত্যাগ করার কোনও বাসনা আমার নেই নন্দিয় । তবে সত্যিই আমি কেমন ভয়হীন হয়ে গেছি । আর দেখো, সহসা এই কুঞ্জ, লতাবিতান, সম্মুখে প্রসারিত ওই পরিকৃত রক্ত মৃত্তিকার পথটি সবই আমার অপূর্ব সুন্দর লাগছে, নূতন লাগছে । বেসালি আগে কখনও দেখিনি । শুনেছি অতি সুন্দর । নন্দিয় বেসালি দেখবে ?

নন্দিয় সাগ্রহে সম্মতি দিলে দুজনে দ্বিপ্রহর পর্যন্ত বৈশালীর পথে পথে ভ্রমণ করে বেড়াতে লাগল । দুজনেই ক্ষুৎপিপাসাকাতর । অথচ দুজনেরই উৎসাহের অন্ত নেই । বৈশালীতে নগরের তিনটি প্রাকার, প্রতি প্রাকারের মাঝে এক যোজন ব্যবধান । আছে অট্টালক, কূটাগার । কিন্তু নগরের শুষ্ক চরিত্রকে এরা একেবারে পরিবর্তিত করে ফেলেছে, স্থানে স্থানে বনকে সমস্তে রেখে দিয়ে । সমগ্র জম্বুদ্বীপই বনময় । তাকে বলে মহাবন । সেই মহাবনের অংশবিশেষ তার প্রায় মৌলিক চরিত্র সমেত টিকে আছে মধ্যদেশের নানা স্থানে । বৈশালীর মহাবন সেই মহাবন । বা তার অংশ । তার পাশ দিয়েই চলে গেছে মৃত্তিকাময় পথ সব । প্রাসাদগুলি আত্মাচ্ছন্ন নয় । সবগুলিই কাননে ঘেরা ।

যশের আজকে যেন মুখে কথার জোয়ার এসেছে । সে বলল— কাসসপই বলো, পকুধ কচ্চায়নই বলো, আর বেলটটিপুন্তই বলো, কী নতুন কথা বলছেন ? একই কথার এপিঠ আর ওপিঠ । আর শুধু ব্রহ্মচার্য পালন করো, নির্বন্ধ হও, কেশ-দাড়ি মুগুন করো আর কৃচ্ছ করো, কৃচ্ছ করো, কৃচ্ছ করো ।

নন্দিয় উত্তেজিত হয়ে বলল— এই যে ধরো এই নগরেই, যারা দারা-পুত্র-পরিবার নিয়ে বাস করছে, এদিকে বেশ আঢ্য ব্যক্তিও বটে আবার বিদ্যা-সিধ্যাও শিখেছে তারা তো দিব্য রয়েছে ! জীবনটি বেশ সরস, মাংস-ভক্তুর (মাংসের ঝোল) মতো চুকচুক করে খাচ্ছে আর সারা শরীর দিয়ে যেন ঘৃত গড়িয়ে পড়ছে, মুখগুলি প্রসন্ন, হাস্যময় । মৃত্যুর পরে কী জানা যাচ্ছে না, কিন্তু পূর্বে তো জীবন ! এক অর্ধ অন্তত এরা ভালোই উপভোগ করল । আর আমরা ? পরেও শূন্য, আর্ধেও শূন্য । কিসের আশায় ?

যশের কপালে ভ্রুকুটি দেখা দিল, সে সরোষে বলল— কিছু না ! এই নৈরাস্যের পথ আমার কেন এতদিন অনুসরণ করেছি ভাবলে আমার আক্ষেপ হচ্ছে । জ্ঞেয় হচ্ছে । তুমি আর বলো না । বরং চলো ক্ষুন্নিবৃত্তির উপায় দেখি । এখনও অল্পে তীর্থিকের ভেক রয়েছে, ভিক্ষা পাবো নিশ্চয়ই !

নন্দিয় বলল— ভেকটির জন্যে আমার লজ্জা হচ্ছে ভাই ।

—হোক । প্রতি পদে অত ভালো-মন্দ বিচার করে আর চলব না ।  
দুজনে হনহন করে চলতে লাগল । কোন গৃহে ভিক্ষা নেই এ বিষয়ে দুজনের সামান্য মতভেদ দেখা দিল । নন্দিয় পূর্ব অভ্যাসমতো যে গৃহ সামনে পড়ে সেখানেই ভিক্ষা নেওয়ার পক্ষপাতী । যশ কিন্তু একটির পর একটি গৃহ পার হয়ে যেতে লাগল । অবশেষে একটি সুবৃহৎ প্রাসাদের সুন্দর শিখর কাননের গাছগুলির মধ্য থেকে মাথা তুলছে দেখে সে দাঁড়িয়ে গেল । কাননটি ক্ষুদ্র, কিন্তু এত ২৭৪

সুন্দর সজ্জিত যে চোখ যেন শান্তি পায় । শুভ প্রসাদটি । বৃহৎ দ্বারকোষ্ঠক । মানুষ-জন যাতায়াত করছে ।

যশ বলল— দেখছ না এটি ব্যাপার-বাড়ি । ভালো ভালো ব্যঞ্জন রান্না হচ্ছে । আমার এখন উদর-ভরা ঘৃতৌদন ও পক্ষীমাংস খেতে ইচ্ছে করছে । এরা যদি গোটাকতক হাঁস মেয়ে থাকে তো ভালো হয় ।

পেছন থেকে কে বলল— আসুন আসুন, তীর্থিক মহোদয়গণ ! আজ হংস, কুকুটাদি যথেষ্ট মারা হয়েছে । ঘৃতৌদনও পর্যাপ্ত । সীহর গৃহে নিমন্ত্রণ গ্রহণ করুন ।

দুই যুবক পেছন ফিরে দেখল একজন বলিষ্ঠ সুপুরুষ ব্যক্তি দাঁড়িয়ে রয়েছেন । সম্ভবত এইমাত্র অশ্বটি অশ্বরক্ষকের হাতে দিয়ে গৃহের দিকে আসছেন ।

নন্দিয় মুখ ভারী করে বলল— নিমন্ত্রণ আমরা গ্রহণ করছি গহপতি । অতিশয় ক্ষুধার্ত আমরা । কিন্তু জ্ঞানবেন, তীর্থিক আমরা নই ।

আপাদমস্তক তাদের দেখে নিয়ে সীহ বললেন— নন ?... তা হলে ?...

যশ বলল— কিছুক্ষণ আগেও ছিলাম । এখন নই । মোহভঙ্গ হয়েছে । আপনি যদি খাদ্যের সঙ্গে বস্ত্রও দান করেন, বড় সুখী হই ।

সীহ মৃদু মৃদু হেসে বললেন— আপনারা আসুন আমার সঙ্গে ।

গৃহের ভেতরে ঢুকতেই তিন-চারটি দাস ছুটে এলো, সীহ দুজনকে বললেন— এই দুটি যুবককে উত্তমরূপে স্নান করিয়ে, নূতন বস্ত্র, গন্ধ, মাল্য দিয়ে সুসজ্জিত করে আমার সঙ্গে মধ্যাহ্নভোজে যোগ দেবার উপযুক্ত করে নিয়ে এসো ।

কয়েকটি দীর্ঘ পদক্ষেপে তিনি গৃহের ভেতরে চলে গেলেন ।

যশ মৃদুস্বরে নন্দিয়কে বলল— দেখলে তো, সুনির্বাচিত গৃহে ভিক্ষার্থ আসবার সুফল !

নন্দিয় চতুর্দিকে তাকিয়ে খোদিত কাঠের স্তম্ভ, অলঙ্কৃত তক্ষণে সুন্দর দ্বার ও গবাক্ষের কপাটগুলি, ভিত্তিচিত্র ইত্যাদি দেখতে দেখতে বলল— বাঁচতে হয় তো এমনি । পুরুষের মতো বাঁচা । মানুষের মতো বাঁচা আমরা এতদিন কী করেছি যশ ! আমাদের চোখের সামনে কেউ যেন একটি মলিন বস্ত্র ঝুলিয়ে রেখে দিয়েছিল । কেন বলো তো ?

যশ মৃদুস্বরে বলল— দেখো নন্দিয়, আমার এখন সন্দেহ হচ্ছে— সবটাই ইচ্ছাকৃত । এই ভাবে, দলে দলে মানুষের চোখের সামনে জীবনকে একটি মলিন বস্ত্রখণ্ডের মতো ঝুলিয়ে রাখা... এর পেছনে উদ্দেশ্য আছে ।

—উদ্দেশ্য ! কাদের ?

—ধরো পৃথিবীর ভূমি তো পরিমিত, ধনসম্পদও অসীম অনন্ত নয় । সবাই যদি এই গহপতি সীহর মতো সাড়স্বরে জীবন ভোগ করতে চায় তো তা হলে ? যাতে না চায় তাই-ই অতি-চতুর ব্যক্তির ওই তীর্থঙ্করদের মতো ব্যক্তিদের নিযুক্ত করে এই সব মত প্রচার করতে । আর আমরা অনাথ, নিঃস্ব এবং মূর্খের দল তাইতে ভুলে নিক্রদ্যম হয়ে জীবনকে জয় করবার বাসনা ত্যাগ করে মৃত্যুর সাধনা করি ।

এই সময়ে দাস দুটি বিরক্ত হয়ে তাড়া দিয়ে উঠল—চলুন, চলুন, এখনও বলে কত কাজ ! সে সব ফেলে ভিক্ষুকদের চান করাও, বস্তুর পরাও, ঠাঁঃ । প্রভুর যেমন সাধ !

যশ ক্রুদ্ধ হয়ে বলল— অ হে দাস, আমাদের ভিক্ষুক বলবে না । তীর্থিক বলে যদি পরিচয় দিতাম, অবজ্ঞা করতে পারতে ? তীর্থিক পথ ত্যাগ করেছি এ কথা অকস্মিতভাবে বলেছি বলেই না তোমার প্রভু জানতে পেরেছেন ! দুজন একদা তীর্থিককে অন্ন-বস্ত্র দান করার পুণ্য অর্জন করছেন তোমার প্রভু । অধিক বাক্যব্যয় করো না । ডুগুভ নির্বিষ হলেও সন্নৈঃশটে, কামড়াতে পারে ।

দাস দুটি পরস্পরের দিকে সন্ত্রস্ত হয়ে তাকাল । তারপর সীহর দুই প্রাক-তীর্থিককে স্নান করিয়ে, নূতন গুঞ্জ বসন ও উত্তরীয় পরিয়ে, গন্ধ মাল্যাদি দিয়ে সুসজ্জিত করে দিল ।

—অহো যশ তোমাকে তো দেখছি সেটী পুণ্ডর মতো দেখাচ্ছে, যদিও বড় কৃশ— নন্দিয় চমৎকৃত হয়ে বলল ।

যশ বলল— ও কৃশতাস্টুক পক্ষী মাংস খেতে খেতেই চলে যাবে। নন্দিয় তোমাকে দেখাচ্ছে একটি সদ্য-স্নাতক ব্রাহ্মণকুমারের মতো।

তাদের এই মত-বিনিময়ে দাস দুটি দাঁত বার করে হাসতে লাগল। তারা সে সব গ্রাহ্যও করল না। আদেশের ভঙ্গিতে আঙুল তুলে বলল— ‘কই, তোমাদের প্রভুর কাছে নিয়ে যাবে না?’

দাস দুটি স্থিতমুখে বলল— আগে বিশ্রাম কক্ষে আপনাদের সূরা পরিবেশন করি। এ গৃহের অতিথি-আপ্যায়নের নিয়ম-নীতি পুরো পালতে হবে তো!

নন্দিয় বলল— দাঁড়াও দাঁড়াও, সূরা আমরা পান করি না। কি বলো যশ?

যশ গম্ভীরভাবে বলল— সূরা পান করিয়ে আমাদের মস্ত করবার চেষ্টা করছ না কি? সে সব হবে না। অন্য কোনও পানীয়, যেমন দুগ্ধ দিতে পারো। আর দেখো হে, অধিক ব্যঙ্গবিদ্বেষের চেষ্টা করো না, আপাতত আমরা নিঃশ্ব হতে পারি, কিন্তু কারও দাস আমরা এখনও নই।

দাস দুটি ভুকুটি করে বলাবলি করল— কী প্রকার কটুভাষী দেখেছিস? তীখিকরা আকারেও রুক্ষ, প্রকারেও রুক্ষ।

ভোজনাগারে বসে গহপতি সীহ জিজ্ঞাসা করলেন— তীখিক মত সহসা পরিত্যাগ করলেন কেন? কী যেন একটা কারণ বলছিলেন...’

যশ তখন একটি চমৎকার হাঁসের বৃকের মাংস চুষছিল। সেটি নামিয়ে রেখে বলল— তার আগে আপনি বলুন, আপনি কে?

—কেন, গৃহে কারও কাছ থেকে শোনেননি আমার পরিচয়?

—না, জিজ্ঞাসা করিনি। আপনার দাসরা বড় দুর্বিনীত। দাসেরা ওরূপ হয়ে থাকে শাসনের অভাবে। শাসনের অভাব তখনই হয় যখন গৃহের স্বামী-স্বামিনী অতিশয় কর্মব্যস্ত হন বা অতিশয় বিলাসপ্রিয় হন। আপনি এই দুটির একটি অথবা দুটিই, এমন অনুমান করতে পারি।

সীহর মুখ সামান্য রক্তবর্ণ হল, তার পরেই তিনি কৌতুকের স্বরে বললেন— বিলাসপ্রিয় ব্যক্তি ধনসম্পদ ব্যয় করতে পরামুখ হয় না। আর হয় না বলেই বহু ভিক্ষাজীবী ব্যক্তির ক্ষুধাশক্তি করতে পারে। সহসা কোনও প্রাক তীখিকের হংসমাংস খেতে ইচ্ছে হলে সে যে অবিলম্বে তার বাসনা পূরণ করতে পারে, সে তো সীহর এই প্রকৃতির জনাই!

যশ নির্বিকার মুখে বলল— দেখুন গহপতি, তীখিক-পশু ত্যাগ করেছি বটে কিন্তু পঞ্চদশ বছর মস্তিষ্ক চালনার যে অভ্যাসটি করেছি তা তো ত্যাগ করার কোনও কারণ দেখি না। সত্য নিরপেক্ষ। কারও নিন্দা বা শংসা করা সত্যাসত্য বিচারকের কাজ নয়। আপনি যে বিরক্ত হলেন তাতে বুঝতে পারছি আপনার বহু চাটুকার আছে, কিন্তু আত্মসংবরণ করে নিলেন দ্রুত। তাতে মনে হচ্ছে আপনি উচ্চপদে রয়েছেন। প্রকৃত শিক্ষিত। স্বভাবজ দুর্বলতাগুলির উর্ধ্বে ওঠবার বাসনা ও মনোবল দুটিই আপনার আছে, আপনি শ্রীমান রয়েইছেন। ভবিষ্যতে আপনার বিপুল শ্রীবৃদ্ধি হবে।

যশ হংসমাংসে মন দিল।

নন্দিয় বলল— কিছু যদি মনে না করেন গহপতি আমি সতীর্থ যশের বিচারের ওপর আমার নিজের বিচারের কথা একটু বলতে চাই।

সীহ কৌতুকস্মিত মুখে বললেন— সুস্বাগত। বলুন আয়ুত্থান।

নন্দিয় বলল— যেভাবে আপনি ভিক্ষাজীবীদের ক্ষুধাশক্তির কথা বললেন, আমার সতীর্থর হংসমাংসলোলুপতার প্রতি কটাক্ষ করলেন, তাতে এ-ও মনে হচ্ছে আপনি স্বভাবে দান্তিক। দান করতে এবং দানের প্রকৃত ফল পেতে হলে যে বিনয়ের, দীনতার আয়োজন তা আপনার নেই গহপতি। আপনার এই আড়ম্বরপূর্ণ জীবনযাপন এ শুধু লোক-দেখানোর জন্যে। এই সব হংসমাংস কুক্কটমাংস, ময়ূরমাংস এ সকলই সমৃদ্ধির বিজ্ঞাপন। আপনি রাজা হতেন এরূপ বাহুল্য মানিয়ে যেত, তা না হলে এই বিজ্ঞাপন লোকসাধারণের চোখে পড়বে, বহু লোকে আপনাকে ঈর্ষা করবে, অনর্থক শত্রু সৃষ্টি হবে তাতে।

সীহর মুখে নানা প্রকার ভাব খেলা করছিল। কখনও ক্রোধ, কখনও বিস্ময়, কখনও কৌতুক।

নন্দিয়র কথা শেষ হলে তিনি বললেন— আমি রাজা নই। কিন্তু সেনাপতি। বেসালির সেনাপতি সীহর নাম রাজগহ সাবখির লোকেরাও জানে। সে যাই হোক, আপনারা অল্পবয়স্ক হলেও বুদ্ধিচর্চা, বহু ভ্রমণ ও সং-সংসর্গের ফলে অন্তর্দৃষ্টি লাভ করেছেন। যেভাবে সীহর চরিত্র-বিপ্লব করলেন তাতে সীহ ক্ষুব্ধ হলেও উপকৃত হয়েছে। কিন্তু এই প্রকার সত্য-কথন যদি করতে থাকেন, তা হলে বেসালির লোকে আপনাদের লণ্ড হাতে তাড়া করবে। বিশেষত এখন আপনারা সাধারণ কর্মহীন যুবা ব্যতীত কিছুই নন তো ! বেসালিবাসীদের মর্যাদাজ্ঞান প্রখর... ভালো কথা, তীর্থিক পথ ত্যাগ করলেন কেন, বললেন না তো !

—ও আমাদের ব্যক্তিগত ব্যাপার সেনাপতি সীহ। আপনার এত আগ্রহের কারণ দেখছি না।

সীহ প্রাচীরগাত্রের দিকে চেয়ে বললেন— প্রকৃতপক্ষে কেন কেউ কোনও পথ ত্যাগ করে অন্য পথ নেয় জানতে আমার বড় আগ্রহ হয়। কেন, কেন নেয় বলুন তো ?

নন্দিয় বলল— আপনি সমন গোটমের নাম শুনেছেন ?

চমকে উঠলেন সীহ। বললেন— শুনেছি।

—তঁারই চক্রান্তে আমাদের তীর্থঙ্কর পূরণ কাসসপ আত্মঘাতী হয়েছেন। তাই...

সীহ বললেন— বাঃ এ তো নূতন আরোপ দেখছি। বহু জনে বহু প্রকার দোষ আরোপ করছে তাঁর ওপর। কিন্তু তাঁকে দেখে থাকলে সেসকল বিশ্বাস করা সম্ভব হয় না। আপনারা কি তাঁকে দেখেছেন ?

— না। তিনি নাকি সাবখিতে রয়েছেন। তীর্থিকরা সব তাঁর সঙ্গে প্রবেশ করছেন এমন শুনেছি। আমরা সাবখিতে যাচ্ছিলাম। এ সকল ঘটনা শুনে ফিরে, যাচ্ছিলাম। তীর্থিকদের আচরণও আমাদের ভালো লাগে না।

সীহ এখন আর ভোজন করছিলেন না। তাঁর দক্ষিণ হাত পাত্রে ওপর থেমে ছিল। তিনি যেন চিন্তামগ্ন। হঠাৎ মুখ তুলে বললেন— সাবখি থেকে ঘুরেই আসুন না। একবার তাঁকে দেখে আসা ভালো। হয়ত তাঁর পথ আপনারা নিতেও পারেন।

যশ বলে উঠল—কার পথ আমরা নেবো তা তো ইতিমধ্যেই স্থির করে ফেলেছি।

—সত্য না কি ? কি স্থির করলেন ?

—বেসালির সেনাপতি সীহর পথ।

—সীহর পথ ?... সীহ অবাক হয়ে বললেন।

নন্দিয় চতুর হাসি হেসে বলল— কোনও তীর্থঙ্করের কথাতেই আর আমরা ভুলছি না। ধন উপার্জন করব, গুরুবসন পরব। হংসমাংস খাবো।

সীহ হেসে বললেন— ভালো, ভালো। কিন্তু বেসালিতে উগ্গ, ভোগ, কৌরব, ঈশ্ববাক, বজ্জি, জ্যাভুক, লিঙ্ঘি এই সকল কুলে না জন্মালে তেমন সুযোগ পাওয়া যায় না। বরং সাবখিতে যান। অত বড় দেশের রাজধানী। কত লোক, কত বৃত্তি... আপনাদের কোনও না কোনও উপায় হয়ে যাবেই।

যশ একটু ভেবে নিয়ে বলল— পরামর্শটি তো ভালোই ! তা হলে আজ রাত্রিটা এখানে কাটিয়ে কাল প্রত্যুষেই সাবখি-যাত্রা করব। কি বলো নন্দিয় ?

নন্দিয় মাথা নেড়ে সম্মতি জানাতে সীহ গাত্রোথান করলেন। বললেন— সীহকে ভুলবেন না যেন। সমন গোতম সম্পর্কে যদি কিছু জানতে পারেন, সীহকে জানাবেন। এই ধরুন, গোতম গোপনে নারীসঙ্গ করেন কি না, মুখে অহিংসার কথা বলে দিব্য মাংসাহার করেন কি না, জাদুবিদ্যা জানেন কি না... সত্য সত্য তাঁর চরিত্র কেমন...

যশ বলল— তা না হয় জানলাম। আপনাকে জানাবো কী করে।

সীহ বললেন— আপনাদের যাত্রার পূর্বে দুই প্রস্থ বসন এবং দুই স্ববিকা কহাপন দেবো। যতদিন উপার্জনের ব্যবস্থা করতে না পারেন, চলে যাবে। সংবাদ সংগ্রহ হলে দুজনের একজন চলে আসবেন। সীহর দ্বার মুক্ত থাকবে।

নন্দিয় ঈষৎ কঠিন গলায় বলল— আমরা পূর্বে কখনও চরকর্ম করিনি। এই কাজ করতে আমার

ঘৃণাবোধ হচ্ছে ।

সীহ একটু ইতস্তত করে বললেন— আয়ুধান, আমি রাজপুরুষ হলেও কোনও রাষ্ট্রীয় কাজে আপনারদের এই অনুসন্ধান করতে বলছি না । প্রকৃত কথা, গৌতম বুদ্ধ যাকে আপনারা সমন গোতম বলছেন তাঁকে দেখবার পর, তাঁর দেশনা শোনবার পর আমি তাঁর প্রতি অতিশয় আকৃষ্ট হয়েছি । এদিকে আবার আমি নিগণ্ঠ নাতপুত্রের উপাসক । ভগবান নাতপুত্র মহাবীর, জিন, কিন্তু গৌতমের ওপর অতিশয় বিরূপ । তিনি বলেন— গৌতম জাদুবিদ্যা প্রয়োগ করে মানুষকে বশ করেন । তিনি নাকি উদ্ভিঙ্গসকত, অর্থাৎ কি না তাঁরই জন্য হত্যা করা পশুমাংস আহার করেন, অথচ প্রকাশ্যে বলে থাকেন জীবহিংসা করো না । এই ব্যাপারে আমি অত্যন্ত উদ্বিগ্ন হয়ে রয়েছি । আপনারা দীর্ঘদিন তীর্থিকদের মধ্যে থাকায় এই সব সমন সজ্জের গোপন কথাগুলি সহজেই বুঝতে পারবেন । আপনারদের বুদ্ধিও অত্যন্ত স্বচ্ছ । আমি নিশ্চিত হতে চাই যে আমার চিন্ত অযোগ্য পাত্রের দিকে ধাবিত হয়নি ।

সীহর কথাগুলির মধ্যে একটা ব্যাকুলতা লক্ষ করে যশ ও নন্দিয় দুটিবিনিময় করল ।

অবশেষে যশ বলল— আমাদের এই কাজের জন্য কোনও মূল দেবেন না সেনাপতি সীহ । তা হলে আমাদের মনে গ্লানি থাকবে না ।

সীহ বললেন— কিন্তু আপনারা উপার্জনের, সংসার-যাত্রার কিছুই জানেন না...

নন্দিয় হাত দিয়ে যেন তাঁর কথাগুলি উড়িয়ে দিল, বলল—জেনে নেবো । আপনি ভাববেন না সেনাপতি ।

দুই যুবাকে পাথেয় বলে কিছু নিতে সম্মত করিয়ে, অতিথিগৃহে তাদের পাঠাবার পর সেনাপতি সীহ অন্তঃপুরে গেলেন না । নিজের অস্ত্রাগারে প্রবেশ করলেন । বড় প্রিয় স্থানটি তাঁর । নানা প্রকার অস্ত্রশস্ত্রের মধ্যে উন্নয়ন ঘুরে বেড়াতে বেড়াতে সীহ একটি তীর তুলে নিলেন, সেটিতে আঙুল রেখে তার ধার পরীক্ষা করতে করতে আপন মনেই বললেন—

—কে উদ্ভিঙ্গসকত (উদ্ভিঙ্গ্যকৃত) মাংস আহার করে, কে করে না তাতে সীহর কীই বা এসে গেল । প্রকৃত কথা কেউ প্রতারণা করেছে কি না । যখন ভগবান জিনের মাংস খাওয়ার প্রয়োজন হয়েছিল তিনি কেন উপাসক সীহকে বললেন—সীহ সীহ, মেগটিক গামের উপাসিকা রেবতীর কাছে যাও । সে আমার জন্য নাকি দুটি কপোত সিদ্ধ করে রেখেছে । তা নিও না, কাল তার গৃহে যে কুক্কুট বিলার মেয়ে ফেলেছে, সেই কুক্কুটের মাংস রেখে আমাকে দিতে বলো । — এইভাবে তিনি সীহকে কি বোঝাতে চাইলেন ? তিনি মাংস খেলেও উদ্ভিঙ্গসকত মাংস খান না—এই তো ?

আবার ভগবান জিন নিগণ্ঠদের বলে থাকেন— বহু-অটটিমাংস (বহু অস্থি মাংস), বহু কঠক মছ, বিন্ন, উচ্ছুখণ্ড (ইক্ষু খণ্ড), সিংবলি (শাম্বলী) ইত্যাদি ফল যাতে স্বচ্ছের ভাগ অল্প, বর্জ্য পদার্থ অধিক সেরূপ ভিক্ষা বর্জন করবে । যাঁরা জিন হতে চান তাঁদের আবার গ্রহণ বর্জন কি ?

নিগণ্ঠরা বলেন জীব ছয় শ্রেণীর— পৃথ্বীকায়, অপকায়, অগ্নিকায়, বায়ুকায়, বনস্পতিকায় ও এসকায় । কোনও কায়কেই হিংসা করবেন না বলে নিগণ্ঠ সমন দীপ ছালান না, শীতল জল পান করেন না, মুখে বস্ত্রখণ্ড বেঁধে রাখেন । অথচ নিগণ্ঠ উপাসক সকল প্রকার জীবকেই হত্যা করেন, কারণ ভূমি কসমন করবার সময়ে সর্ব কায়ই ধ্বংস হয়ে থাকে । সেই উপাসকের সাক্ষ্য কি নিগণ্ঠ সমন নির্দিধায় ভিক্ষা নেন না ? তবে ?

আমি বিভ্রান্ত । বড় বিভ্রান্ত । নিগণ্ঠ উপদেশের মধ্যে আমি কোনও সমঞ্জসতা পাচ্ছি না । ভগবান তথাগত বুদ্ধকে আমার গৃহে নিমন্ত্রণ করব কি করবো না তাতে মহাম্মা মহাবীরের কী ? তাঁর উপাসক হয়েছি বলে কি ইচ্ছা-অনিচ্ছা, বিবেকবুদ্ধি মহাম্মার কাছে গৃহীত রেখেছি না কি ? ভগবান তথাগত, ভগবান তথাগত, এই বুদ্ধি-চকচক বাক্য-বকবক সত্যসঙ্গ শব্দ দুটিকে আকাশে উড়িয়ে দিলাম । শুকমুখে শুভ সংবাদ পাঠাবেন । সীহ বড় অধীর হয়ে প্রতিশ্রুতি করছে ।

শ্রাবস্তী একটি চঞ্চলা বালিকার মতো। কোনও উদ্বেজনার ঘটনা ঘটলেই সে দু'পাক নেচে নিয়ে দুই হাতে তালি দেয়। লাফ দিয়ে দিয়ে চলে যেন নৃত্যই করছে সব সময়। সমৃদ্ধি এখন এমন স্তরে পৌঁছেছে যে শ্রাবস্তীবাসীরা সদা-সর্বদাই যেন নিশ্চিন্ত। কৌতুক, আমোদ-প্রমোদ এ সবই তাদের উদ্ভাস করে তোলে। জীবন ধারণের ভাবনা নেই। দেখো দেখো রাজপথে কী ভিড়? বহু জনসমাবেশ। সর্বশ্রেণীর। কী চায় ওরা? সার বেঁধে সব দাঁড়াচ্ছে যে। শুধু সামান্য জনই তো নয়! অভিজাতরাও স্ফাতিবর্গ নিয়ে সব স্বতন্ত্র চন্দ্রাতপের তলায় জড়ো হচ্ছেন। আকৃতি দেখলেই বোঝা যায়।

—কী ব্যাপার? ব্যাপারখানা কী? —শ্রাবস্তীতে নব-আগস্তক দুই বন্ধু যশ ও নন্দিয় কাউকেই জিজ্ঞাসা করে কোনও উত্তর পায় না। সব নিজেদের মধ্যে এমন কোনও বিষয় নিয়ে কথা বলছে যার বিন্দু-বিসর্গ তারা জানে না।

অনেক জিজ্ঞাসাবাদ করে 'মিগারমাতা' আর 'মস্ত হখি' কথা দুটি উদ্ধার করতে পারল ওরা।

—মিগার কে? মিগারমাতা কে? একে-ওকে জিজ্ঞেস করতে লাগল ওরা। শেষে একজন বিরক্ত হয়ে বলল— তোমরা কে হে বাপা, মিগারমাতা বিসাখাকে চেনো না! বিদেশি নাকি?

—হ্যাঁ ভাই। ঠিকই ধরেছ। তা এই উৎসবটা কিসের একটু বুঝিয়ে বলবে?

—ওরে বাপা, উৎসব এ নয়, উৎসব নয়! এ যে কী তা আমরা জানি নে। মিগার সেটটির পুস্তবু বিসাখা, স্বপ্তরের এত প্রিয় যে স্বপ্তর তাকে মিগারমাতা বলেন, তা তার যত রূপ, ততই গুণ। সেই বিসাখা নাকি মস্ত হখি বশ করতে পারে। এই জনশ্রুতি কানে গেছে আমাদের খ্যাপা রাজার। অমনি নিদ্দেশ হয়ে গেল বিসাখাকে প্রকাশ্য রাজপথে হখি বশ করে দেখাতে হবে।

—ওই শ্বেতছত্রের তলায়, ওখানে বুঝি রাজা?

—হ্যাঁ। এ আবার জিজ্ঞাসা করতে হয় নাকি! —পায়ের আঙুলের ওপর ভর করে নন্দিয় ও যশ উৎকোচগ্রাহী পসেনদি রাজাকে দেখবার চেষ্টা করতে লাগল।

—উনি কি সেটটি কিংবা তাঁর সুহার ওপর ক্রুদ্ধ? —নন্দিয় জিজ্ঞেস করল।

—না না। ক্রুদ্ধ হবেন কেন? মিগারমাতা বিসাখাকে উনি যথেষ্ট ভালোবাসেন।

—তা হলে? উনি যদি হাতি বশ করতে না পারেন? মস্ত পশু তো গুঁকে পিষে ফেলবে।

বলতে বলতেই রাজপথের দক্ষিণ প্রান্ত থেকে তুমুল জয়ধ্বনি উঠতে লাগল। একটি স্বর্ণদণ্ডী শিবিকা থেকে একটি আশ্চর্য যুবতীকে নেমে আসতে দেখল দুই বন্ধু। তার পরনে পুরুষদের মতো কচ্ছ দিয়ে পরা কাঞ্চন বর্ণের বসন, স্নিগ্ধ হরিৎ উত্তরীয়, গাঢ় নীল স্তনপট্ট শক্ত করে বাঁধা। কপালে চন্দনের পত্রলেখা। মাথার কেশগুলি সব চূড়া করা। কানে মুক্তার কর্ণভূষা, কণ্ঠে কুসুমমালা। যশ বলল—নন্দিয় ইনি কে ভাই! আমার যে ঐর পদচুম্বন করতে ইচ্ছা হচ্ছে...

নন্দিয় বলল—পেছনে দেখো, পেছনে দেখো।

যুবতীর পেছনে নামলেন আরো একজন রমণী। ঘৃত বর্ণের শাটকে ও কুকুমলেশীয় তাঁকে দেখাচ্ছে যেন সাক্ষাৎ গঙ্গা নদী। গঙ্গা আর হিরণ্যবাহর প্রয়াগ বুঝি তবে এখানেই।

'জয় মিগারমাতা বিসাখার জয়, জয় মিগারমাতা বিসাখার জয়' —রব উঠল যশ পাশের লোকটিকে বলল—কোনটি দেবী বিসাখা? ঘৃতবসনাটি? না কাঞ্চনবসনাটি?

লোকটি বলল—কোনটি আবার? কাঞ্চন হরিদ্বসনা সদ্যযুবতী রূপসী বিসাখাকে দেখতে পাচ্ছে না? পেছনে উটি বোধ হয় বিসাখাজননী দেবী সুমনা। সাকেত থেকে এসেছেন শুনছি। আহা এমন জননী না হলে কি আর অমন কন্যা হয়?

দেবী সুমনা পথের পাশে চন্দ্রাতপ দেওয়া একটি স্থানে গিয়ে দাঁড়ালেন। দুজন শ্রীঢ় আসছেন দেখা গেল। তাঁরা গিয়ে দাঁড়ালেন দেবী সুমনার দু'পাশে।

—ওই তো মিগার সেটটি—লোকটি বলে উঠল—ওহে বিদেশি দেখো দেখো ওই পুরুকেশটি মিগার। চুলগুলি হতভাগ্যের সবই পেকে গেল। হবে না? কৃপণের কত কহাপণ যে সুহার জন্যে

ব্যয় হয়ে যাচ্ছে ! দাহিন পাশে দেখো উনিই নিশ্চয় ধনঞ্জয় । একটু স্থূল বটে । কিন্তু স্থূলোদর নয় । দেখ দেখ...

লোকগুলির কথা শেষ হল না । প্রসেনজিতের ইঙ্গিতে গজচালক কালো মেঘের মতো একটি হাতিকে ছেড়ে দিল । হাতি ধেয়ে আসছে । সে যেন কিছু দেখতে পাচ্ছে না । রক্তবর্ণ চোখের পাশ দিয়ে মদবারি ঝরছে । দর্শকরা ভয়ে সরে দাঁড়াতে লাগল । হঠাৎ গুঁড় তুলে কান-ফটানো বৃহৎ করল হাতিটি । যশ ও নন্দিয় দেখল বিস্মাখা মিগারমাতা নির্ভয়ে এগিয়ে যাচ্ছে একটি বীর বালকের মতো, এবং অতিশয় মধুর অঙ্গুত একটি শিস্-ধ্বনি ভেসে আসছে কোথা থেকে । হাতিটি আরও বেগে ধেয়ে আসছে । বিশাখা কী যেন ইঙ্গিত করছে । ও মা, হাতিটি তো থেমে গেল ! কী করবে ভেবে পাচ্ছে না ! বিশাখা তার গুঁড়ের সামনে দাঁড়িয়ে যেন কালো মেঘের বুকে বিদ্যুৎপ্রতা, কিংবা হাতিটির মুখের কাছে একটি শ্যামলিঙ্গ ছায়াতরু । বিশাখার দক্ষিণ হাত উঠছে এবার । সে হাতিটির গুঁড় স্পর্শ করল, অমনি কী আশ্চর্য ! হাতি নতজানু হয়ে বসে পড়ল । তখন বিশাখার আঙুল হাতির গুঁড়ের ওপর, কপালের ওপর যেন পত্রলেখা আঁকছে, অত বড় হাতিটা শিশুর মতো আদর খাচ্ছে ।

—জাদুবিদ্যা বটে ! অদিটপূর্ব— মন্তব্য করল একটি লোক ।

ভেরী বাজছে । অর্থাৎ সমবেত জনতা তোমরা চলে যাও এবার । জনতা এলোমেলো হয়ে যাচ্ছে । যে যার নিজের গৃহে, নিজের কাজে যাবে এবার । যশ ও নন্দিয়ও যাচ্ছে তাদের সঙ্গে সঙ্গে ।

—বিশাখা তো কড়ে আঙুল দিয়েই হাতিটাকে শুইয়ে দিলে ।

—একটি কড়ে আঙুলে যদি অত শক্তি ধরে, তা হলে পুরো শরীরটাতে কত বুঝে দেখ ।

—একটি যুবতী বধুরও যে ইন্ধি আছে, তীর্থঙ্কর পূরণ কাসসপ সেটুকুও দেখাতে পারেন না ! ধিক !

দুই বন্ধু উৎকর্ষ হয়ে শুনছে ।

—কী অভিপ্রায়ে জেতবনের সন্নিকটে মঠ তুলছিল বল তো !

—কী আবার ? গোল করবে ! তথাগত হট্টরোল সইতে পারেন না বলেই তো সেটটি সুদন্ত নগরো পাশ্বে জেতবন কিনলেন ।

—তা ছাড়া তথাগত নিসর্গসৌন্দর্য ভালোবাসেন । উরুবেলা গামের যে জায়গাটিতে উনি বোধিলাভ করেছিলেন সেটি তো স্বর্গোদ্যানের মতো ! নিরঞ্জনা নদী বইছে । পদ্মসরোবরে শতাধিক পদ্ম ফুটে আছে, একেকটি এক এক বনের, চমনগন্ধে চান্দিক মো মো । অঙ্গরারা ঘুরে বেড়াচ্ছে । মাঝে মাঝেই নেচে নিচ্ছে । ব্রহ্মা স্বয়ং আকাশ থেকে নৃত্য দেখছেন । ওপর দিকে সাহস করে তাকালেই ব্রহ্মার চোখ দুটি দেখা যায় । অশথ গাছের তলায় গৌতম বোধি পেলেন । অমনি সুজাতা নামে এক অঙ্গরা তাঁকে পায়স দিয়ে গেল । খেয়ে গায়ে বল পেলেন গৌতম । তাপরে ন্যাগ্রোধবৃক্ষমূলে আবার ধ্যানস্থ হলেন । পাখির কাকলি, গাভীদের মা-মা রব, হরিণগুলি শিং দিয়ে তথাগতের পিঠ চুলকে দিচ্ছে, বাঘগুলি পাহারা দিচ্ছে পাছে মার তার দলবল নিয়ে ঢুকে পড়ে...

নন্দিয় বলল— আপনি কি উরুবেলায় গিয়েছিলেন ?

লোকটি একবার ভালো করে তাকে দেখে নিল । কিন্তু গ্রাহ্য করল না, বলে যেহে জাগল—ঝড় এলো, সঙ্গে দারুণ বৃষ্টি, অমনি সরোবর ফুঁড়ে উঠল এক ফণা তোলা মহাসঙ্গ । ফুঁড়ে করে এসে তথাগতের মাথায় ফণা ধরে দাঁড়ালো । বজ্রের হংকার, গাছ উপড়ে পড়ছে, পশুপাখি ছুটে পালাচ্ছে— তথাগতর চেতনা নেই । বুঝলেন ?

নন্দিয় শ্মিতমুখে বলল—বুঝলাম ।

—আপনি আমার কথা বিশ্বাস করছেন না, না ?

—না না, অবিশ্বাস করব কেন ? তবে অঙ্গরার নৃত্য, ব্রহ্মার চোখ, মহাসঙ্গর ফণা ধরে বৃষ্টি আটকানো, এক সরোবরে বহু বর্ণের পদ্ম সব মিলিয়ে এমনটি আমরা ভাবিনি ।

—আমার কথায় বিশ্বাস না হয় চলুন দীঘতির কাছে । দীঘিতিকে জানেন তো ? সেটটি সুদন্তর লেখক । সে কখনও মিছা বলে না ।



নন্দিয় যশের দিকে চেয়ে বলল—কী ভাই যশ, নৈরঞ্জনা নদীতীরের যে স্থানটির কথা এঁরা বলছেন, মনে পড়ছে ? সরোবরে পদ্ম কী বর্গের দেখেছিলে ?

যশ হেসে বলল—শ্বেতপদ্মই তো, গোড়ার দিকটা রক্তাভ !

—ও আপনারা ওখানে গেছেন ? —লোকটি দমে গিয়ে বলল ।

যশ নন্দিয়র দিকে তাকিয়ে কী বলছিল, ফিরে আর লোকটিকে দেখতে পেল না । সে ভিড়ের মধ্যে মিশে গেছে ।

যশ হেসে বলল—বড় নগরের এই-ই চরিত্র, নন্দিয় । সদাই যেন উৎসব হচ্ছে এমন গোল, বহু জন-সমাবেশ, তিলপ্রমণ সচকে কল্পনার সাহায্যে তাল করে পরিবেশন করা... এ তো সামান্য—আরও কত প্রতারক-প্রবঞ্চক চারদিকে ঘুরছে... সুন্দরী রমণীদের এখানে প্রকাশ্য রাজপথে রথচালনা করতে দেখবে, রাজা রাজপুরুষরা পথে নেমে সভা করেন । কত প্রকারের শব্দ দেখো ! রথের ঘর্ঘর, অশ্বের খট খট, গো-যানের গাভীগুলির গলায় ঘণ্টার টুক টুক টুক টুক, ওদিকে ভেরী বাজছে ভৌ ভৌ, পটহ বাজছে দমদম । এই যে রমণীটি অদ্ভুত কাণ্ড করল একরূপ অদ্ভুত চমৎকার, এ-ও তুমি বৃহৎ নগরেই দেখতে পাবে । বারাগসীতে আমি অহিতুগুকা দেখেছি । কেমন স্বচ্ছন্দে সর্প নিয়ে খেলা করে, ঐঙ্গুনিকা দেখেছি —তোমায় ভালো করে দেখে তোমার ভাগ্য বলে দেবে... । তবে বারাগসীর তুলনায় সাবখি সুন্দরতর, যেন আরও ঐশ্বর্যশালী, আড়ম্বর ও মহোচ্চাসে পূর্ণ । চলো নন্দিয় এই জনতার সঙ্গে ভেসে যাই । যেখানে ঠেকব সেখানে উঠব ।

ওদিকে পাঞ্চাল তিষ্য একটি সুদীর্ঘ নিশ্বাস ফেলল । বঙ্কুল চমকে ফিরে তাকিয়ে বললেন— কী ব্যাপার তিষ্য ? তুমি কি এতক্ষণ নিশ্বাস বন্ধ করে ছিলে ? তিষ্য গভীর মুখে নীরব রইল ।

মহারাজ প্রসেনজিৎ আকর্ণবিস্তৃত হাসি হেসে বললেন —আমিও তো নিশ্বাস বন্ধ করেই ছিলাম বঙ্কুল । তুমি বুঝি ভীত হওনি ! যদি বিশাখা অকৃতকার্য হত !

বঙ্কুল বললেন— সে ক্ষেত্রে তিষ্যকুমার ছিল, দীঘকারায়ণ ছিল, আমি ছিলাম— তিনি হাতের বর্শাটি আত্মগালন করলেন ।

—তুমি কি এই বর্শা ছুঁতে নাকি ?

—অব্যর্থ লক্ষ্যে মহারাজ । —বুক ভরে শ্বাস নিয়ে বঙ্কুল বললেন ।

—অর্থাৎ তুমি আমার মঙ্গলহস্তীটিকে মারবার জন্য প্রস্তুত হয়েই এসেছিলে ? কী স্পর্ধা ?

—তা মহারাজ আপনি যদি জেদের বশে একটি নাগরিকার প্রাণ নিয়ে খেলা করতে যান, প্রিয় হস্তীটির প্রাণও আপনাকে বন্ধক রাখতে হয় অগত্যা ।

প্রসেনজিৎ অকস্মাৎ নিবে গেলেন । বললেন— অন্যায় করেছে, না ?

—এ সব ভাবার আর সময় নেই মহারাজ, ওই বিশাখা সপরিজন আসছে । পুরস্কৃত করুন তাকে ।

হাতিটির পাশে দুজন গজচালক এসে দাঁড়াবার সঙ্গে সঙ্গেই বিশাখা ফিরে গিয়েছিল চন্দ্রাতপের তলায় যেখানে তার জনক, জননী, স্বশুর, সখীরা সকলে সমবেত হয়েছে ।

সে সুমনার বৃকে মাথা রেখে মৃদুস্বরে বলল— মা তুমি শিস দিলে কেন ? আমার শিকার ওপর নির্ভর করতে পারিনি ?

তার মাথায় হাত বুলিয়ে, মুখে চুমো খেয়ে সুমনা বললেন— তোমার শিসের সঙ্গে আমার শিস-ধ্বনি মিশে গিয়েছিল মা, কেউ বুঝতে পারেনি ।

—সে তো আরও অন্যায় মা । প্রতারণা করা হল না ?

সুমনা দৃঢ় স্বরে বললেন— না । ধরো তোমার যশের ভাগ নিয়ে আমারও ইচ্ছা হয়েছিল ।

ধনঞ্জয়ের কপালে ভুকুটি, বললেন— মহারাজের দূত এসেছে চলো ।

সুমনা বললেন—চলো ! তাঁরও মুখভাব ইতিমধ্যেই কঠিন হয়ে গেছে । মাঝখানে বিশাখাকে নিয়ে প্রথম পঙক্তিতে ধনঞ্জয়, সুমনা ও মিগার, দ্বিতীয় পঙক্তিতে বিশাখার ঘনিষ্ঠ সখীরা এবং তৃতীয় সারিতে তার অনুগত দাস-দাসীরা চলল ।

প্রসেনজিৎকে নমস্কার করে দাঁড়াতেই তিনি কষ্ট থেকে মগিহার খুলে বিশাখার কণ্ঠে পরিয়ে  
দিলেন। হেসে বললেন—সাধু বিশাখা সাধু।

সুমনা ও ধনঞ্জয় নত হয়ে মহারাজকে অভিবাদন করলেন। ধনঞ্জয় বললেন—আমার কন্যাটিকে  
সাবধির রাজপথে জাদুর খেলা দেখাতে হবে এ কথা তো আমাকে পূর্বে বলেননি মহারাজ ! তা হলে  
আমি সাবধিতে তার বিবাহ দেওয়া ছেড়ে সাকেতেই আসব কি না ভেবে দেখতাম।

হাসতে হাসতেই বলছেন ধনঞ্জয়, কিন্তু তাঁর ক্রোধ অপ্রকাশ নেই। প্রসেনজিৎ অপ্রতিভতা  
ঢাকবার চেষ্টা করতে করতে বললেন—আপনি কী করে ভাবলেন বিশাখার প্রাণসংশয় হতে পারে—  
এই দেখুন না বন্ধুল, আমার প্রধান সেনাপতি, রাজগৃহের রাজপ্রতিনিধি মহামান্য পাঞ্চাল তিষ্য সবাই  
প্রস্তুত ছিলেন বর্শা, ভল্ল ইত্যাদি নিয়ে।

বন্ধুল বিশাল শরীর মেলে দাঁড়ালেন।

—বন্ধুলের লক্ষ্য অব্যর্থ, তা জানেন ? —প্রসেনজিৎ লঘুস্বরে বললেন

—কই পাঞ্চাল তিষ্য কই ? তিনিও তো সাকেতক !

সুমনা সাগ্রহে বললেন—তিষ্য কুমার ? রাজা উগ্গসেনের পুত্র নাকি ? কই ?

তিষ্যকুমার কখন চলে গেছেন কেউ জানে না।

—মা বিশাখা ! আজ পট্ট মহাদেবী মল্লিকার গৃহে তোমাদের সবার নিমন্ত্রণ, প্রসেনজিৎ বললেন।

—বিশাখা যদি হাতির পায়ে পিষ্ট হয়ে যেত কে এই নিমন্ত্রণ পেত মহারাজ ? ধনঞ্জয়ের ক্ষোভ  
কিছুতেই যেতে চাইছে না।

বন্ধুল বললেন—মহাসেট্ঠি, বিশাখার বিপদের কোনও সম্ভাবনাই ছিল না। আপনি শান্ত  
হোন।

মিগার রাজপুরুষদের এড়িয়ে চলেন। আজ কিন্তু থাকতে পারলেন না। বলে উঠলেন—  
আপনারা তো নিশ্চল ছিলেন। হথিটি যখন ধেয়ে আসছিল তখনই তো দুর্ঘটনা ঘটতে পারতো !  
উদ্যোগ নিতে তো কাউকে দেখিনি।

বন্ধুল হেসে বললেন—বাতাসে একটি মস্ত ধ্বনিত হচ্ছিল শুনেছিলেন সেট্ঠিবর ! সেটি  
শোনবার পর বুঝলাম আমাদের উদ্যোগের আর প্রয়োজন হবে না। বিশাখা সত্যিই ইন্দ্রজাল জানে।  
বিশাখা যদি সম্মত থাকে, তা হলে আমি তাকে নেত্রী করে একটি নারীসেনা গড়তে পারি।

মিগার অপ্রসন্ন স্বরে বললেন—না, না। আমার সুহার কর্মক্ষেত্র ভিন্ন। সে যুদ্ধবিগ্রহ করবে  
না।

এই ঘটনার পর অনেকেরই বিশ্বাস হল বিশাখার বিশেষ ঋদ্ধি আছে। অনেকে আবার বলল—  
বিশাখা বুদ্ধ ধর্ম ও সংঘের উপাসিকা। স্বয়ং তথাগত তাকে সবসময়ে রক্ষা করে চলেছেন। শুধু  
সেদিন পট্টমহাদেবী মল্লিকার গৃহে ভোজনশালায় বন্ধুল-পত্নী মল্লিকা সুমনাকে বললেন—দেবি,  
আমার স্বামী বলছিলেন আপনি এবং কন্যা বিশাখা উভয়েই কোনও গুপ্ত হস্তিবিদ্যা জানেন।  
পূর্বজন্দের অনেক গোপন বিদ্যাই আজকাল চর্চার অভাবে লুপ্ত হতে বসেছে তো !

সুমনা হেসে বললেন—আপনার স্বামী ঠিকই বলেছেন আয়ুর্ষতি। এই বিদ্যা আয়ুর্ষিকদের।  
আমি অল্প বয়সে আমার আচার্য্য কুশাবতী মল্লর কাছ থেকে শিখেছিলাম। তাঁর কথা মূর্ত্ত আপনি  
স্বামীর কাছ থেকে শুনে থাকবেন। তিনি শিখেছিলেন তাঁর বন্য আচার্য্যর কাছ থেকে। এই  
জম্বুদ্বীপের মহাবনে একসময়ে আটবিকরা হস্তীর পিঠে দুর্দম, দুর্নিবার ছিল। বিশাখার পিতা উদ্বিগ্ন  
হলেও আমি তাই নিশ্চিতই ছিলাম। তবে এ কথা মানতেই হবে মহারাজের এরূপ ইচ্ছা হওয়াটা  
বিপজ্জনক।

বন্ধুল-পত্নী শান্ত গর্বের সঙ্গে বললেন—আমার স্বামী যতদিন আছেন, ভয়ের কারণ নেই। তবে  
সত্যিই, মহারাজের স্বভাবের শংসা করা যায় না।

প্রকৃত কথা, মহারাজ পসেনদি অভিষয় কৌতুহলী স্বভাবের মানুষ। শ্রমণ গৌতম যখন প্রথম  
শ্রাবস্তীতে আসেন, ব্রহ্মীদের কাছ থেকে তাঁর বৃত্তান্ত শুনে মহারাজ পসেনদিও ছুটে গিয়েছিলেন।  
জেতবনের সভায় প্রবেশ করেই তাঁর প্রথম কাজ হল হস্তদন্ত হয়ে শ্রমণ গৌতমকে প্রশ্ন করা—ভগ্নে,  
২৮২

আপনি নাকি বুদ্ধ !

গৌতম নীরবে ছিলেন ।

—আপনার বোধিজ্ঞান লাভ হয়ে গেছে ?

—বোধিজ্ঞান যার আয়ত্ত হয়েছে তাঁকেই তো বুদ্ধ বলে মহারাজ !

—আপনার শরীর থেকে অবশ্য প্রভা বেরোচ্ছে । কিন্তু তা আপনার তপ্তকাঞ্চন দেহবর্ণের জন্যও মনে হতে পারে । আপনার আকৃতিও সত্ত্বম উৎপাদক । কিন্তু সাক্ষরা স্বভাবতই হেমবর্ণ ও সুগঠন । আপনি সত্ত্বাত্ত সাক্ষবংশীয়, রূপগরিমা থাকা কিছু অসম্ভব নয় ।

গৌতম কিছুই বললেন না । প্রসেনজিৎ তাঁকে আপাদমস্তক নিরীক্ষণ করতে লাগলেন ।

—আচ্ছা ভণ্ডে, বড় বড় ব্রাহ্মণরা তো আপনাকে ব্যঙ্গ করেন । সমন গৌতম বলেন মাত্র, বুদ্ধ বলেন না ।

—গৌতম মগ্গ স্বীকৃত হলে যাগযজ্ঞ হবে না, তাঁদের জীবিকার ক্ষতি হবে মহারাজ !

—তবে তীর্থিকরা ! তাঁরা তো যাগযজ্ঞ মানেন না । কিন্তু তীর্থিক-নির্গ্রছুরাও তো আপনাকে মানতে চাইছেন না ।

—বুদ্ধ মগ্গ স্বীকৃত হলে, তাঁদেরও ভিক্ষাহানি, শিষ্যহানি, প্রভুত্বহানি হবে মহারাজ ।

এতেও নিরস্ত হননি প্রসেনজিৎ । বলেন—কিন্তু আপনি তো তেমন বয়স্ক নন ? কত পক্ষকেশ, জ্ঞানবুদ্ধ তীর্থঙ্করকে জিজ্ঞাসা করেছি বোধিলাভ হয়েছে কি না, কাউকে তো বলতে শুনিনি—হ্যাঁ । অথচ আপনি অবলীলায় বলে দিলেন হয়েছে ?

—মহারাজ, বিষধর সপ্ন খুন্দ হলেই কি তাকে হেলা করেন ?

—না ভণ্ডে ।

—কিংবা অগ্গি !

—না না, ক্ষুদ্রকায় অগ্নি যে কখন মহাকায় হয়ে সব গ্রাস করবে কিছু বলা যায় না ।

—আর রাজপুত্র ? শিশু হলেই কি তাকে সাধারণ শিশুর মতো দেখা সম্ভব ?

—কখনই না ভণ্ডে । রাজশিশুকে রাজমর্যাদাই দিতে হয় । নইলে ভবিষ্যতে বিপদ ।

—বুদ্ধও সেইরূপ মহারাজ । বয়স দিয়ে তাঁর জ্ঞানের পরিমাপ করা সম্ভব নয় ।

কোনও জনশ্রুতি প্রসেনজিতের কানে গেলেই হল । তিনি অমনি তার পরীক্ষা করে দেখতে ছুটবেন । অলৌকিক, ইন্দ্রজাল এসব বলে কেউ তাঁর কাছে থেকে পার পাবে না ।

একদিন নিয়মিত দেশনার পর তথাগত তাঁর গঙ্ককুটিতে বিশ্রাম করছেন । প্রসেনজিৎ উপস্থিত হলেন । রক্ষী অনুচর এদের তিনি এমনিই গ্রাহ্য করেন না । এখন তথাগতের কাছে আসছেন, আরোই একা । তিনি এসেছেন সংবাদ পেয়ে গৌতমকে দ্বার মুক্ত করতে হল । গঙ্ককুটিটি উৎকৃষ্ট চন্দনকাঠে নির্মিত । মৃদু চন্দনের সুরভিতে মন-প্রাণ ন্তিষ্ক হয়ে যায় একটু বসলে । ভগবান তথাগত সুগন্ধ ভালোবাসেন বলে শ্রেষ্ঠী সুদন্ত এভাবেই তাঁর বিশ্রামকুটি প্রস্তুত করেছেন ।

মুখোমুখি বসে আছেন দুজনে । এই কক্ষের মধ্যে, আসন্ন রাত্রির স্তব্ধতায়, প্রদীপের মৃদু আলোয় সহসা মুখে কথা আসে না । কিন্তু প্রসেনজিৎ কয়েক মুহূর্ত পরেই কথা বললেন—ভণ্ডে আপনি যদি বুদ্ধ হন তা হলে আপনি নিশ্চয়ই ইন্দিমান !

গৌতম স্তব্ধ হয়ে রইলেন ।

—ভণ্ডে, কিছুক্ষণ পর প্রসেনজিৎ আবার বললেন— জনশ্রুতি শুনেছি বুদ্ধরা ইচ্ছা করলেই নানাপ্রকার অদ্ভুত প্রদর্শন করতে পারেন ।

বুদ্ধ ধীর কণ্ঠে বললেন—অদ্ভুত প্রদর্শন করা জাদুকরের কাজ মহারাজ ।

—বুদ্ধরা তো জাদুর রাজা হয়ে থাকেন ।

গৌতম বললেন— আপনি অতীতে কজন বুদ্ধ দেখেছেন, মহারাজ ?

—একজনও না ভণ্ডে !

—বর্তমানে ?

—‘একজন দেখেছি’— এ কথা বলবেন কিনা ইতস্তত করছেন প্রসেনজিৎ, সহসা সামনে তাকিয়ে দেখলেন বেদী শূন্য। গৌতম নেই। প্রদীপের শিখাটি নিষ্কম্প জ্বলছে।

—এ কী! ধ্যানাসনে বসে ছিলেন ভগবান, কোথায় গেলেন? প্রসেনজিৎ ভালো করে তাকিয়ে দেখলেন মূল বেদীর বা পাশে শূন্যে বসে আছেন বুদ্ধ, তেমনি জোড়াসন, তেমনি নিমীলনেত্র, স্তিমিতভঙ্গি। ওকি! দক্ষিণ দিকেও তো বুদ্ধ! প্রসেনজিৎ গঙ্ককুটির যেদিকেই চান বুদ্ধ তথাগতকে দেখতে পান।

—ভগবন, আপনি কি সহস্রধা হয়েছেন? ভগবন, ভগবন। আপনি কোথায়? কোনটি সত্য সত্য আপনি?—প্রসেনজিৎ যেন জ্বরের ঘোরে শিশুর মতো বলতে লাগলেন। বলতে বলতে এক সময়ে স্তব্ধ হয়ে গেলেন তিনি।

এই অবস্থাতেই তাঁকে আবিষ্কার করলেন শ্রমণ আনন্দ। আনন্দের মৃদু পদশব্দে চকিত হয়ে তাকালেন প্রসেনজিৎ। বললেন—আমি কি স্বপ্ন দেখছিলাম শ্রমণ আনন্দ! ভগবন, আমি কি স্বপ্ন দেখছিলাম?

বুদ্ধ বেদীতে বসে আছেন। উত্তর দিলেন না।

—কী স্বপ্ন দেখেছেন মহারাজ!—আনন্দ জিজ্ঞেস করলেন।

—ভগবান তথাগত বুদ্ধকে...

—স্বপ্ন দেখবেন কেন? তথাগত তো আপনার সামনেই উপবিষ্ট?

প্রসেনজিৎ বললেন—না। দেখলাম চতুর্দিকে ভগবান। দাহিনে, বামে, এই গঙ্ককুটির সমস্ত প্রাচীর-প্রকোষ্ঠে, ছাদে, শূন্যে সর্বত্র রাশি রাশি ভগবান। বুঝেছি, বুঝেছি...পসেনদির জন্য ভগবান সহস্র হলেন...বলতে বলতে রাজা উঠে দাঁড়ালেন। বিমূঢ় চিন্তামগ্ন অবস্থায় টলতে টলতে বেরিয়ে গেলেন। তথাগতকে অভিনন্দন জানাতে পর্যন্ত মনে রইল না।

আনন্দ বললেন—ভগ্নে, আপনি কি সত্য সত্যই মহারাজ পসেনদিকে সহস্রবুদ্ধ দেখালেন? সত্য?

—কী সচ্চ আনন্দ? একমাত্র সচ্চ দুকখচক্র। আপনার কর্মস্থানটি চিন্তা করো। প্রথমে পূর্বনিবাসজ্ঞান, —পূর্বজন্মের চিত্রসকল তখন দর্পণের ছায়ার মতো দেখতে পাবে। তারপর চ্যুতোৎপত্তি—জন্ম-মৃত্যুর সকল রহস্য উদ্ঘাটিত হয়ে যাবে। তারপর আশ্রবক্ষয়—সর্বপ্রকার তণ্হা থেকে মুক্তি পাবে। তখন, একমাত্র তখনই বোঝা সম্ভব সচ্চ কী!

আনন্দ প্রণত হয়ে বললেন—শুনেছি আপনি স্ববির নন্দকে অঙ্গরী দেখিয়েছিলেন। অগ্রশ্রাবিকা ক্ষেমাঙ্কে অঙ্গরীতুল্য রমণীর তারুণ্য, যৌবন, শ্রৌততা, জরা, মৃত্যু, এ সকল দেখিয়েছিলেন। আজ কি পসেনদিকে সহস্রবুদ্ধ দেখালেন? হে ভগ্নে, আপনি আনন্দের সঙ্গে রহস্য করবেন না। একবার বলুন...

বুদ্ধ বললেন—আনন্দ! অঙ্গরীই কি তবে তোমার কর্মস্থান? তুমি কি সুন্দরী রমণী দেখবার জন্যই তথাগতের কাছে ঘুরঘুর করছ? তথাগতের শ্রাবিকা ও উপাসিকাদের মধ্যেও বহু সুন্দরী আছেন...

আনন্দ বললেন—আনন্দ এ তিরস্কারেঃ যোগ্য নয় এ কথা তথাগত জানেন। আনন্দ ইন্দ্রির কথা জানতে চায়। তথাগত মহারাজ পসেনদিকে ইন্ধি দেখালেন সহস্রধা হয়ে, অর্থাৎ ভিক্ষুণী কিসা গোতমী যখন মৃত পুত্র কোলে নিয়ে তথাগতের কাছে পুত্রের প্রাণভিক্ষা করে কাঁদছিলেন তখন তিনি সেই জননীকে, অশোক সর্বপমুষ্টির জন্য দ্বারে দ্বারে ঘোরালেন। —কেন? আনন্দ বোঝে না। কোনটি পক্ষপাত তা-ও আনন্দ জানে না।

বুদ্ধ বললেন—আনন্দ আমি কি তোমাকে কপিলবস্তুর বর্ণনা দিয়েছিলাম—আনন্দ আনন্দ, আমি তোমাকে নানাপ্রকার ইন্ধি দেখাবো, অন্যদের যা যা দেখিয়েছি এবং যা যা দেখাবো সে সকলও তোমাকে বলবো, এসো আমার হাত থেকে পিণ্ডপাত্র, চীবর নাও, বলেছিলাম এরূপ?

প্রিয়মাণ আনন্দ বললেন—না, তা অবশ্য বলেননি ভগ্নে।

তখন বুদ্ধ স্নেহনিষিক্ত কণ্ঠে বললেন—সহস্র ইন্ধি দেখলেও পসেনদি পমুখের বোধিচিন্তা জাগে

না। হৃদয়ের ভেতরে যা অভিনয় বাইরেও তাকেই প্রতিফলিত দেখে। অথচ আনন্দপমুখ ইচ্ছা নয়, ইষ্ট নয়, শুধুমাত্র ভিক্ষুবেশী তথাগতকে দর্শন করেই সোতাপন্ন হয়। ইচ্ছির দ্বারা কোনও ফল লাভ হয় না আনন্দ। করুণা ও মৈত্রীভাবনার দ্বারাই পৃথিবীর মনুষ্যবাহিত দুঃখগুলির নিরসন করা সম্ভব।

৩

যশ ও নন্দিয় ভাসতে ভাসতে যেখানে এসে ঠেকল সেটি অমাত্য শ্রীভদ্রর অতিথিশালা। কোশলরাজ্যের অমাতারা কাল, জুহু উগ্র, মৃগধর—এঁরা সকলেই অতিশয় ধনী ও ক্ষমতাসালী। পথে ভ্রমণ করতে করতেই এঁদের কারও কারও নাম শুনেছিল তারা। এ-ও শুনতে পাচ্ছিল, রাজা পসেনদি এঁদের কথায় ওঠেন, বসেন।

একটি কাননের মধ্যে একতলা চুনমের প্রলেপ দেওয়া গৃহটি দেখে ওরা দাঁড়াল।

—মহামাচ্চ সিরিভদ্রর অতিথিশাল—দ্বারিক হেঁকে বলল। লোকটির মাথায় মিশমিশে কালো চুল। পরনে পাংশু বর্ণের বসন। নগ্ন গা। পেশীগুলি ফুলে ফুলে রয়েছে।

—কত দিন থাকতে দেবে এখানে ?

—তিন দিবস স্বচ্ছন্দে। সাত দিবস পর্যন্ত চলতে পারে— দ্বারিক অহংকারী কণ্ঠে বলল।

—তারপর ?

—অর্ধচন্দ্র। দ্বারিক হাতের ইঙ্গিতে দেখায়।

—কেন হে বাপা ! যদি ততদিনেও কোনও কর্মসংস্থান না হয়, কুলপুত্র যাবে কোথায় ?

—কর্মসংস্থান ? সাবখিতে ? দ্বারিকের চোখে ব্যঙ্গ— কোথা থেকে আসা হচ্ছে ?

—বেসালি।

—কোথায় বেসালি আর কোথায় সাবখি ? লোকটি ওষ্ঠাধরের একটি অদ্ভুত ভঙ্গি করল।

অর্থাৎ বেসালির লোকেরা সাবখিকে অবজ্ঞা করে। সাবখির লোকেরা বেসালিকে। নিজের নিজের নগর নিয়ে দণ্ডের শেষ নেই।

এই সময়ে ভেতর থেকে বেরিয়ে আসছিল আরেকটি লোক। এর বক্ষে উপবীত, স্নান করা চুলগুলি কানের দু পাশে লটপট করছে। উত্তরীয় দু পাট করে কাঁধের ওপর ফেলা। বয়স হয়েছে। লোকটি বলল— আহা গর্গ, অতিথিকে ভেতরে আসতেই দাও না। সব ওই সুদন্তর ওখানে চলে যাক তাই চাও নাকি ?

দুই বন্ধু হস্ট হয়ে ভেতরে ঢুকল, লোকটি সঙ্গে সঙ্গে চলল, নিজের থেকেই বলল— আমিই এই অতিথিশালার অধ্যক্ষ। তা তোমাদের কী কাজ জানা আছে ? ময় পড়া, মালা গড়া, বিক্রিবাটা, মুদ্রা স্থির করা, বাদ্য বাজানো, পেশী দেখানো, জ্যোতিষ-বিদ্যা, সম্মোহন, উল্লফন, তরোয়াল চেনা কোনটা ? ধনুর্গ্রহ যে নয় সে তো দেখেই বুঝতে পারছি।

—ধরুন যদি কোনটাই না জানা থাকে ?

—তা হলে তো জেতবনে সাক্ষপুত্রীয় সমনদের সঙ্গে গিয়ে জুটতে হয়— লোকটির কণ্ঠস্বরে যেন ক্রোধ।

—সেখানে বৃষ্টি গেলেই কন্ম হয় ?

—হয় বলেই তো শুনেছি !

—কন্মটা কী ?

—কন্ম আর কী, দ্বারে দ্বারে গিয়ে ভুক্তাবশেষ ভিক্ষা করা, পরিভ্রমণে ছিন্ন বসন সিলিয়ে পরা, আর লোক পেলেই বলা যাগ-যজ্ঞ কিছু না, ব্রাহ্মণ পুরোহিত সব ছেড়ে পশুবলি পাপকন্ম।

—তা এ কথা তো তীর্থিকরাও বলে থাকেন ! সাক্ষপুত্রীয়রা তো একা বলছেন না !

—আহা, তীর্থিকরা নিজেদের মধ্যে আছে। অত খেয়ো না, করো না, বলে বলে বিহার করে না। আর এঁরা এলেন সব সেটটি ভাঙতে, বড় বড় সেটটিরাই যদি সব বুদ্ধ বুদ্ধ করে পাগল হয়ে গেল

তো যাগ-যজ্ঞের ব্যয় দেবে কে ? সেটটি সুদস্ত, সেটটি মিগার সব তো ওই বৃদ্ধর পক্ষে ।

—আপনি কী পুরোহিত ? আপনার এত ক্রোধ কেন ?

—এ সকল কি ভালো ? শিষ্টরা যা যা আচার পালন করেন, আমরাও সেরাপ করলে স্বর্গলাভ করবো, পূর্বোপেতরা জল পাবেন । তা না এ সব কী ? মহামাচ্চ সিরিভন্দ সর্বচতুষ্ক যাগটির ব্যবস্থা করে এনেছিলেন, তা সে সব তো ইনি পশু করে দিলেন ।

—কী ব্যাপার ? বিশদ বলুন তো ।

মনোযোগী শ্রোতা পেয়ে অধ্যক্ষের উৎসাহ বেড়ে গেল । সে যশ ও নন্দিয়কে একটি কক্ষ খুলে দিয়ে বসতে আঞ্জা দিল । তারপর নিজেও কিলিঞ্জকের প্রান্তে বসে বলল— মহারাজ পসেনদি তো কুশ্বপন দেখলেন ! ভীষণ সব শব্দ । একেবারে প্রেতলোক থেকে আসছে । আমার প্রভু বড় বড় জ্যোতিষী দিয়ে গণনা করিয়ে বললেন— মহা বিপদ, শীঘ্র সর্বচতুষ্ক যজ্ঞের আয়োজন করতে হবে । সব কিছু চারটি চারটি করে বলি পড়বে । চারটি ছাগ, চারটি গাভী, চারটি অশ্ব, চারটি কপোত, চারটি ময়ূর—এই ভাবে সবই চারটি চারটি । এত পশু-পাখি সংগ্রহ হয়েছিল যে কী বলব ! রাজপ্রাসাদের কাননটি তো অরণ্য বলে মনে হচ্ছিল ! নগর মধ্যে বিশাল যজ্ঞস্থল নির্মিত হচ্ছিল, কী সমারোহ ! চারদিক থেকে বড় বড় বেদবিৎ পণ্ডিতেরা আসছেন, নিমন্ত্রিত হয়ে আসছেন মহা মহা লোক সব । এমন সময়ে কে কানে মন্ত্র দিল কে জানে, মহারাজ ছুটলেন জেতবন । বৃদ্ধ অমনি স্বপ্ন ব্যাখ্যা করে দিলেন । গুরুভোজনের ফলে মহারাজের উদরদেশ গরম হয়ে গেছে । যজ্ঞের নাকি প্রয়োজন নেই । বলি পাপ । পশুগুলিকে সব মুক্ত করে দেওয়া হল ।

যশ ও নন্দিয় হাঁ করে শুনছিল ।

অধ্যক্ষ বললেন—নগরে ইতরজন সারা বৎসর এই যজ্ঞগুলির দিকে চেয়ে বসে থাকে । কত প্রকারের কাজ, কত ভোজ্য, মাংস নিয়ে তো নয় ছয় । মাংস খেয়ে বাঁচি সব । তা এই দুশুখ সব বন্ধ করে দিলে । আচ্ছা আমি চললাম । স্নানাদি করে নিয়ে ভোজনাগারে গেলেই অন্ন পাবে লোকটি চলে গেল ।

ঘরটির এক প্রান্তে একটি মৃৎকলস, তার ওপর জলপাত্র । যে কিলিঞ্জকটিতে ওরা বসে রয়েছে সেটি বড় জীর্ণ । বাতায়ন অনেক উচুতে ।

দুই বন্ধু সর্বাগ্রে জল পান করল । যশ হাসতে হাসতে বলল সর্বচতুষ্ক যজ্ঞটি ঘটলে, এতক্ষণে আমরাও তার সুফল কিছু কিছু পাচ্ছি, বলো ? এরা অতিথশালায় কি আর মাংস-ভক্ত দেবে ?

নন্দিয় বলল— তোমার মতো মাংসলোলুপ তীর্থিক আমি পূর্বে আর দেখিনি যশ ।

যশ বলল— সাবধান, আমরা আর তীর্থিক নই ।

—কিন্তু যশ আমরা তবে কী ? কীভাবে আমাদের পরিচয় স্থির হবে ?

—কী বৃত্তি পাওয়া যায় দেখা যাক, তারই ওপর নির্ভর করবে সেটা ।

—কিন্তু দেখো যশ, হীনজ্ঞতি ছাড়া আর সবার একটি করে উপবীত থাকে । আমাদের কি তা আছে ?

যশ বলল— আমার তো একটি উপনয়ন হয়েছিল । উদিত-গামে বণিক গেহে জন্মেছি । পিতার তখন অসুখ । মাতা গুরুগৃহে পাঠাতে চাইছিলেন না । গামে একজন পণ্ডিত-ব্যক্তি ছিলেন । যাগ-যজ্ঞ তিনিই সব করতেন । কয়েকটি ব্রহ্মচারী ছিল, আমিও তাদের দলে প্রবেশ করলাম । তারপর তো পিতা মারা গেলেন, মাতা মারা গেলেন । মহাখ্যা কাসসপের সঙ্গে দেখা হল । উপবীত ফেলে দিয়েছি কবে ! তুমি ?

নন্দিয় বলল— ভাই যশ ! দীর্ঘদিন তীর্থিক ছিলে, তোমার উচ্চ-নীচ সংস্কার গেছে অশ্রা করি, কী ! তাই তো !

যশ বলল— হ্যাঁ হ্যাঁ, ও-সকল কত অসার পনেরো বৎসর শ্রমণ করতে করতে বুঝেছি । কী বলবে, বলো ।

নন্দিয় মৃদুস্বরে বলল— রাজগৃহের নিকটবর্তী নালন্দা গামে এক বেদজ্ঞ ব্রাহ্মণ পরিবারে দাস ছিলেন আমার পিতা । সে গেহের অতি বিদ্বান পুস্ত গৃহত্যাগ করতে গৃহিণী মহা বিলাপ করতেন, ২৮৬

সর্বক্ষণ আমার পিতাকেই দোষ দিতেন। পিতাই ওই পুস্তকে মানুষ করেছিলেন তো ? শেষে পিতা একদিন বিরক্ত হয়ে বললেন— নন্দিয় এই তো অবস্থা, তুইও যা, পালিয়ে যা। কয়েকজন তীর্থিক এসে রয়েছেন। ওই ওঁদের কাছে চলে যা, আমি তখন বালক, কত উৎসাহ নতুন নতুন দেশ দেখব বলে চলে গেলাম। —একটু থেমে নন্দিয় বলল— অর্থাৎ ভাই যশ, আমার উপবীত নাই, জাতি নাই, পরিচয় বলে কিছু নাই। তবু যদি কোনও পরিচয় চাও বলতে হয় আমি দাসপুত্র। শূদ্রই হবো !

যশ বলল—ভালোই হল, আমরা নিজেরাই ইচ্ছেমতো জাতি স্থির করে নেবো।

নন্দিয় বলল— কিন্তু উপবীত তো চাই ! ধারণ করতে মন্ত্র-তন্ত্র ?

যশ হা-হা করে হেসে উঠল— মন্ত্র ? মন্ত্র-তন্ত্র যে সব মিছে, শুনতে সুন্দর, কিন্তু প্রবঞ্চনার কৌশল এ কথা কি তীর্থিকদের কাছে শেখোনি ? শোনো। আমরা হট্টে যাবো, দু গোছা উপবীত কিনব, তারপর এই কঙ্কের নিভুতে বসে নন্দিয়ায় নমঃ যশসে নমঃ বলে পরে ফেলব।

নন্দিয় বলল—তা হলে স্নানে যাবার পূর্বেই কাজটা করতে হয়। চলো। আচ্ছা যশ, আমাদের গোত্র কী হবে ?

—পনেরো বৎসর পূর্বে কী গোত্র ছিল আমার ? —যশ ভাবতে লাগল—ক্ষণেক দাঁড়াও চিন্তা করে নেই। ভরদ্বাজ, বোধ হয় ভরদ্বাজ, না কি বসিষ্ঠ ? এহে একেবারে বিস্মরণ হয়ে গেছে ভাই।

নন্দিয় বলল— এক কাজ করলে হয় না—সেই যে গাঙ্কার যুবক যার সঙ্গে ভদ্রঙ্করে দেখা হয়েছিল সে নিজেকে কী যেন বলত ! দৈব শৈব দৈব না শৈব

যশ বলল—না না, কাত্যায়ন বলত বোধ হয়।

—তা হলে কাত্যায়ন নন্দিয়, কাত্যায়ন নন্দিয়। কেমন শোনাচ্ছে যশ ?

যশ বলল—চমৎকার ! ঠিক যেন সত্যি। কিন্তু ভরদ্বাজ যশ বা বসিষ্ঠ যশ এগুলি অর্ধসত্য হলেও কেমন মিথ্যে-মিথ্যে শোনাচ্ছে। কী করি বলো তো ?

নন্দিয় উৎসাহের সঙ্গে বলল— তুমিও কাত্যায়ন হয়ে যাও না ভাই।

কাত্যায়ন যশ—দিব্য শোনাচ্ছে। কিন্তু যশ এটা প্রতারণা নয় তো।

যশ একটু চিন্তা করে বলল— এই যে গৌতম, ভরদ্বাজ, বসিষ্ঠ, বিশ্বামিত্র, কশ্যপ ইত্যাদি ঋষিদের নামে আমরা বংশপরিচয় দিই, কত কত কাল পূর্বে এঁরা জীবিত ছিলেন বলো তো ? এঁদের বংশধারা এতকাল অবিমিশ্র বয়ে এসেছে এ ধারণা করা কি ঠিক ? এঁদের যজ্ঞমানরাও তো এঁদের নাম নিতেন। তাঁদের বংশই কি সব অমিশ্র ? আমার তো মনে হয় না। দেখো নন্দিয়, তুমি বল তুমি শূদ্র, তুমি দাস অথচ তোমার আকৃতিতে কোনও দাস-লক্ষণই নেই। তুমি অনঙ্কদের মতো নতনাসিক নও। বর্ণটিও দিব্য উজ্জ্বল। অথচ আমি দেখো বর্ণিক পুত্র, এক সময়ে উপনয়নও হয়েছিল, কিন্তু আমি কেমন সিংহভূ, এদিকে তাম্রবর্ণ। আজ আমরা কাত্যায়ন গোত্র অবলম্বন করলে বহু পূর্বে মৃত ওই ঋষির কোনও ক্ষতি হবে না। আর যদি মনে করো এতে ইতিবৃন্তর ক্ষতি হল, তা হলে সে ক্ষতি আমাদের আগেই কারও না কারও দ্বারা সাধিত হয়েছে।

নন্দিয় বলল, কিন্তু আমরা তো স্বার্থসিদ্ধির জন্য এরূপ করছি !

—স্বার্থসিদ্ধি কেন বলবে ? কার্যসিদ্ধি বলো—যশ আপত্তি করে উঠল, তা-ও দেখো কোনও নির্দিষ্ট কার্যসিদ্ধির জন্য আমরা এরূপ করছি না। জীবনটিতে সৌষ্ঠব আনবার জন্য এই সমাজের মধ্যে একটি নির্দিষ্ট ধর্ম পালন করবার সদিচ্ছা নিয়েই আমরা এরূপ করছি। স্ম করলে সমাজের বাইরে হয় হীনকর্ম করা, নয় দস্যু চোর এইসব হয়ে থাকতে হয়। তাই নয়

নন্দিয় মাথা নেড়ে সম্মতি জানাল।

যশ বলল—যখন তুমি চরকমহীন এবং তা করবে না বলে সৈন্যগতি সীহর কাছে ঘৃণাপ্রকাশ করেছিলে, তখনই আমার মনে হয় তুমি অতিমাত্রায় বিবেকী। শোনো নন্দিয়, এ ভাবে বিচার করে করে জীবনধারণ করা যায় না। বড় বড় ব্যাপারে সত্যাত্মীয়ী ইলোই হল, এ সব তুচ্ছ ব্যাপারে চুলচেরা বিশ্লেষণ করো না। আচ্ছা, এ ভাবেও তো ভাবতে পারো, সেই গৌরবর্ণ মহিমময় আকৃতির গাঙ্কার পণ্ডিত যার গোত্র-নাম কাত্যায়ন সে-ই আমাদের আচার্য। বস্তুত সেই-ই তো আমাদের এই নতুন

জীবনযাপনের পাঠ দিয়েছে, সুতরাং তার নাম আমরা নিতেই পারি।

এতক্ষণে নন্দিয়র মুখ উজ্জ্বল হয়ে উঠল। সে বলল—অবশ্যই। অবশ্যই। আমরা কাত্যায়ন যশ ও কাত্যায়ন নন্দিয়।

শ্রীভদ্রর অতিথিশালায় তৃতীয় দিন সকালের দিকে দুই বন্ধু একটু বিপদে পড়ে গেল। মহামাচ্চ স্বয়ং অতিথিশালা পরিদর্শন করতে এলেন। অতিথয় তীক্ষ্ণবয়ব এক বয়স্ ব্রাহ্মণ এই শ্রীভদ্র বা সিরিভদ্র। মুখটি দীর্ঘ। তাতে যেন খোদিত রয়েছে দীর্ঘ নাসিকা। কোটরাগত দীপ্ত দীর্ঘ চক্ষু, কপালে তিনটি ভূকুটি রেখা। বাহুর চর্ম কিঞ্চিৎ শিথিল হয়েছে, তাতে সোনার অঙ্গদ। গুচ্ছবদ্ধ শ্বেত উপবীত।

কক্ষগুলি ঘুরে দেখতে দেখতে তিনি অধ্যক্ষকে ভৎসনা করছিলেন। এ কক্ষটি পরিকৃত হয়নি কেন? ও কক্ষে কিলিঞ্জক অত জীর্ণ কেন? মৃৎ কলসটি ফেটে কোথায় যেন জল পড়ছে। পাকশালায় অত ধূম। ভোজনশালায় উচ্ছিষ্ট। কুকুরাদি পাকশালার পেছনে মহা গোল জুড়েছে।

চকিতে পেছনে ফিরে অধ্যক্ষের দিকে তাকিয়ে তিনি বললেন—এরূপ করলে তো অতিথিরা সব সুদস্তুর ওখানে গিয়ে উঠবে!

জুদ্ধ মূর্তি, চোখ ঝলসে উঠছে, অথচ আকৃতি কেমন সৌম্য। দেখে যশ ও নন্দিয় সহসা শিহরিত হল। তারা নিজেদের কক্ষে ছিল। প্রত্যুষে স্নান হয়ে গেছে, একবার কাছাকাছি ঘুরেও এসেছে। এখন, ভোজনের পূর্বে নিজেদের মধ্যে আলাপ-আলোচনার জন্য প্রস্তুত হচ্ছিল। তাদের কক্ষের সামনেই একটি চতাল। সেখানে দাঁড়িয়েই মহামাচ্চ সিরিভদ্র তাঁর ক্রোধ প্রকাশ করছিলেন।

সহসা তাদের দিকে তর্জনী তুলে সিরিভদ্র বলে উঠলেন—এই অতিথিরা তো দেখছি ব্রাহ্মণ! কী, ব্রাহ্মণ তো।

যশ তাড়াতাড়ি মাথা নেড়ে দিল। প্রকৃত কথা, ভয়ে তার তালু শুকিয়ে গিয়েছিল। সে বহু দেশ ঘুরেছে, বহু মানুষ দেখেছে, উচ্চপদস্থ রাজপুরুষদের, ধনী গৃহপতি, মহা মহা পণ্ডিত—এঁদের সঙ্গে মুখোমুখি কথাবার্তা না বললেও অত্যন্ত কাছ থেকে এঁদের দেখেছে। এই তো কিছুকাল আগেই বেসালির সেনাপতি সীহর সঙ্গে তর্ক-বিতর্ক করে এসেছে। ভয় পায়নি। কিন্তু এই অমাত্যর মধ্যে এমন একটা ভয়াল ব্যক্তিত্ব যার সামনে পড়ে তার মনে হচ্ছিল এক ব্যাঘ্রের সামনে সে যেন শশক।

নন্দিয় কিন্তু নিজেকে স্থির রেখেছিল। সে বলল—কেন, ব্রাহ্মণ হলে কি কর্মের কিছু সুবিধা হতে পারে?

শ্রীভদ্র ক্রুর চোখে তার দিকে তাকালেন, বললেন—কত দূর থেকে আসা হচ্ছে!

—সম্প্রতি বেসালি...

—তার পূর্বে?

—রাজগহ, উরুবোলা, চম্পা...

—বহু ভ্রমণে বহু অভিজ্ঞতা হয়, অনেক প্রকার চাতুর্যও আয়ত্ত হয়। আমার কর্মকর হবে?

—কী করতে হবে আর্য়?

—বিশেষ কিছু না। যখন যেমন বলব। এই নগরীতে ঘুরে-ফিরে বেড়াবে। উত্তম লোকে যা বলে শুনবে, অধমে যা বলে তা-ও শুনবে। তার নিয়ম আমার কাছে নিবেদন করবে। ধরো এই সাত দিবস পর পর। পরিবর্তে প্রতিবার একপ্রস্থ পরিধেয়, দশটি কহাপন পাবে। আমার বাসগৃহের সংলগ্ন সমাশালয় আছে, সেখানেই হোক, এখানেই হোক দ্বিপ্রহরে, সাংযম্যে ভোজন করবে। যাউ, অন্ন, মচ্ছ, মাংস, শাক, অম্বিল, দধি। এখানেই কক্ষ নিযুক্ত করে দিচ্ছি। উত্তম শয্যায় শয়ন করবে, এই অধ্যক্ষকে বলে দিচ্ছি সেবার যেন কোনও ক্রটি না হয়।

যশ বলল—সম্মত।

—নাম পরিচয় দাও।

নন্দিয় বলল—আমি কাত্যায়ন নন্দিয়, আর উনি কাত্যায়ন যশ।

শ্রীভদ্রর চোখে একটি কুটিল ভাব দেখা দিয়েই মিলিয়ে গেল।



বললেন—এক গোত্র, সহোদর নাকি ?

—তা নয় আর্ঘ, কাত্যায়ন আমাদের আচার্য ।

—ভালো ভালো, পিতৃনাম আর ইদানীং কেউ গ্রাহ্য করছে না । আচার্যই সব, জন্মদাতা কেউ নয়...ভালো...বলতে বলতে শ্রীভদ্র চলে গেলেন । নন্দিয় মহাদুঃখিত হয়ে বলল—যশ, যশ সবাই আমাদের চরকর্ম দিতে চায় কেন ? আমরা কি পাপকর্ম, নীচাশয়ের মতো দেখতে ?

যশও চিন্তিত । কিন্তু সে নন্দিয়কে সান্ত্বনা দিয়ে বলল—না নন্দিয়, এটা তুমি সঠিক বোঝনি । চরকর্ম করতে হলে পাপকর্মের মতো দেখতে হলে চলে না । কারও চোখে পড়বে না এমন সাধারণ আকৃতির হলেই বোধ হয় সুবিধা হয় ।

নন্দিয় ভাবিত চিন্তে বলল—তুমি হয়ত ঠিকই অনুমান করেছ যশ । প্রভুগৃহ ত্যাগ করবার পর এত নগরে গামে ঘুরেছি কেউ তো কোনওদিন বলেনি—নন্দিয় তুই এখানে ? তোকে নালন্দায় দেখেছি না !...যশ আমরা এই শ্রীবিশালা সাবধি নগরে ঘুরব ফিরব, কিন্তু কেউ আমাদের দিকে চেয়েও দেখবে না । দেখলেও পরক্ষণে ভুলে যাবে । যশ, যশ, নাম আমরা সমারোহ করে নিলাম বটে, কিন্তু প্রকৃত কথা আমরা নামহীন, গোত্রহীন, আকৃতিহীন, অবয়বহীন ইতর-জন যারা শত প্রকার কাজ করে কিন্তু কোনও বিশেষ কাজ করে না । যারা মহানগরীর পথের ধূলিতে ধূলিকণা হয়ে বিরাজ করে, কেউ কোনওদিন তাদের মনে রাখে না ।

দুজনেই কিছুক্ষণ বিষাদে অভিভূত হয়ে বসে রইল । তারপর যশ নিশ্বাস ফেলে বলল—নন্দিয় ওঠো, এভাবে বসে থেকে কোনও লাভ নেই । আমরা মহামাচ্ সিরিভদ্রের কর্ম গ্রহণ করেছি । যেটুকু দায়িত্ব পেয়েছি, সঠিকভাবে সম্পাদন করব, আর আর...আমাদের আচার্যের কথা স্মরণ করব ।

—আমাদের আচার্য ? কে তিনি ?

—ভুলে গেলে ? যাঁর নাম আমরা নিয়েছি ! কাত্যায়ন গাঙ্কারপুত্র । মনে আছে ভদ্রঙ্করের সেই সঙ্খ্যায় তিনি কী বলেছিলেন ! কোনও একজন মানুষের সামর্থ্যে এই সংসার এই সমাজ গড়ে ওঠেনি, লক্ষ লক্ষ নামহীন পরিচয়হীন মানুষ মিলে এই সমাজদেহ । প্রত্যেকের কর্মের মূল্য অসামান্য । এই অর্থে যে সামান্য সে-ও অসামান্য । তিনি আরও বলেছিলেন জন্ম যেমন ভবিষ্যৎ, মৃত্যুও তেমনই ভবিষ্যৎ । কিন্তু জন্ম-মৃত্যুর মধ্যবর্তী সময়টুকু আমাদের নিজস্ব । তারও মধ্যে অর্ধেক পরিবার ও সমাজের জন্য প্রদত্ত । কিন্তু বাকি অর্ধেকটুকু দিয়ে আমরা যা ইচ্ছা করতে পারি । কোনও বিশেষ কর্ম সম্পাদন করা, বিশেষ মহৎ উদ্দেশ্য সফল করার জন্য অবিরত চেষ্টা করে যাওয়া এ-ও জীবন, একেই তিনি উৎকৃষ্ট জীবন বলেছিলেন ।

—এই উৎকৃষ্ট জীবনের জন্য আমরা সর্বদা উন্মুখ থাকব, কী বলো যশ ? নন্দিয় গম্ভীর আগ্রহ ও সঙ্কল্পের সুরে বলল ।

উৎকৃষ্ট জীবনের জন্য উৎকৃষ্ট কর্মের সন্ধানে নন্দিয় ও যশ শ্রাবস্তীর নগরে ঘুরে বেড়ায়, উত্তম-অধম ব্যক্তিদের কথা শোনে । গোধুম নামে একটি নতুন শস্য উঠেছে । যবের চেয়েও ভালো খেতে, পুরোডাশ হয় নরম, বিশাখা মিগারমাতা তার কর্মান্তে গুড়যন্ত্র স্থাপিত করেছে, মৃগধ থেকে আগত সার্থবাহরা বলছে মগধ, বিশেষত রাজধানী রাজগহ ও সংলগ্ন স্থানগুলির বস্তু পৃথিবীতে শ্রেষ্ঠ । ইত্যাদি ইত্যাদি । এই সকল সংবাদ মহামাচ্ সিরিভদ্রের কর্ণগোচর করায় তিনি আহ্বাদিত হয়েছেন । উৎসাহ দিয়েছেন । তাদের নাকি সঠিক সংবাদটি শোনবার কান আছে ।

ভালো, অচিরেই ধনসম্পন্ন হবে কিছু দুই বন্ধুর । কিন্তু দুজনের মধ্যে আলোচনা হয়—এ কি উৎকৃষ্ট কর্ম ? উৎকৃষ্ট জীবনের কি কোনও সন্ধান পাওয়া যাবে এর দ্বারা ? কয়েক দিন শ্রাবস্তীর বিভিন্ন অঞ্চল দেখাশোনার পর তারা সেনাপতি সীহর কথা স্মরণ করে জেতবনে প্রবেশ করল ।

তখন বেলা পড়ে আসছে । জেতবন বিহারের সন্ধ্যা-উৎসব দ্বারাকোঠক পেরিয়ে ওরা যাচ্ছে দেশনা-স্থলের দিকে । দেখল সামনে দুজন বয়স্ক পুরুষ যাচ্ছেন, প্রচুর সাজসজ্জা করা । অবলোপ্য ও সুগন্ধি যা মেখেছেন গন্ধটি মিশ্রিত এবং উগ্র লাগছে । দুজনেরই পায়ে কৃষ্ণসার-চর্মের পাদুকা । পুরুষ দুটি অভিজাত সন্দেহ নেই । তাদের মতো ইতরসাধারণ হয় নগ্নপদে থাকে । নয় কাষ্ঠপাদুকা

পরে। চর্মপাদুকা পরার বিলাসিতা তো ধনশালী ও বিলাসী ব্যক্তি ছাড়া করা সম্ভব নয়।

একজন পুরুষ আরেক জনকে বললেন—সিরিভদ্দ এবং তার প্রশ্নে ব্রাহ্মণেরা যেরূপ বেড়ে উঠছে, গোসল রাজ্যটা যেন তাদেরই, সাবখি নগরটি যেন তাদের গৃহপ্রাক্ষণ।

অন্য জন বললেন—সর্বচতুষ্ক যজ্ঞের জন্য নরবলির ব্যবস্থা হয়ে গিয়েছিল এ জনশ্রুতি শুনেছেন সেটটি!

—সত্য নাকি? আগে কাউকে বলতে শুনি নি তো!

—আমি সম্প্রতি চরমুখে সংবাদ পেলাম। গোপন সংবাদ। চারটির মধ্যে তিনটিই দরিদ্র বণিককুমার। আর একটি হীনজাতি। কী চায় বলুন তো এরা? ভয় প্রদর্শন করছে, না কী?

—হতে পারে। তবে প্রতদ্বন্দ্ব, ওদের তো রাজানুগ্রহের ধন। রাজা দিলেন তাই শোকখরসাদি, তারুক্ষ এরা বিশাল ধনবান গহশক্তি হয়ে গেল। মনসাকট এবং নিকটবর্তী গামকটির কসসনের এক দশমাংশ এখন তারাই সংগ্রহ করছে। অনেক সময়ে বিবাহ বা যজ্ঞ উপলক্ষ্যে অতিরিক্ত করও চাপাচ্ছে। কন্যার বিয়েতে প্রজাদের কোনও মণ্ডলকে ঘৃত-ভার, কাউকে পশু-ভার, কাউকে কাষ্ঠ-ভার বহন করতে হবে ইত্যাদি ইত্যাদি। বুঝলেন তো? আবার শ্রম-ভারও আছে!

প্রথম পুরুষ বললেন—সেটটি প্রতদ্বন্দ্ব, এরা যে এইভাবে রাজার ক্ষমতা খর্ব করে দিচ্ছে তা কি মহারাজ বোঝেন না?

—বুঝবেন না কেন সেটটির, আপনার মনে নেই, মগধ থেকে সেটটি ধনঞ্জয়কে এনে কোসলে বসত করালেন। সে কেন? ক্ষমতার সৌম্য স্থির রাখতেই তো? সেই ধনঞ্জয়ের কন্যা বিসাখা এখন মিগারের পুত্রবধূ হয়ে শুধু সাবখির শ্রীই বাড়িয়েছে তাই-ই নয়, ধনসম্পদও প্রচুর বাড়িয়েছে। বিসাখার সম্ভবত নিজের কর্মসিদ্ধি হয়েছে। মিগার বলতে চায় না কিছু। কিন্তু ধনঞ্জয় সেটটির উপার্জিত ধন অনেকটাই বিসাখার মাধ্যমে সাবখিতে আসছে। এখন বুঝুন না গহপতি সুনক্ষত্র, আমাদের ধন উপার্জনের ধন। প্রথম যৌবনে নিজ হাতে বিক্রিবাটা করে উপার্জন করেছে। কত দূরদূরান্ত ভ্রমণ করেছে। এখন মাথার চুল পাকতে সার্থ্য পাঠাই। আমাদের ধন তো এমনি এমনি আসে না। আমাদের শ্রী কারণও দানের ওপর নির্ভর করে নেই। সে কথা এই ব্রাহ্মণেরা বুঝতে চায় না। ঈর্ষায় ওদের গা ছলে যায়।

—কিন্তু সেটটি প্রতদ্বন্দ্ব রাজা তো সমানে ওদের তালে তাল দিয়ে যাচ্ছেন।

সেটটি সুনক্ষত্র আমাদের পসেনদিকে যতটা নিবোধি ভাবেন, তিনি আদৌ তা নন। ব্রাহ্মণদের ক্ষমতা তো মহারাজ মহাকোসলেরও আগে থেকে বৃদ্ধি পেয়ে আসছে। আজ পসেনদি তাদের ক্ষমতাচ্যুত করেন কোন সাহসে! সব তেড়ে উঠবে না? সুকৌশলে উনি সেটটির ক্ষমতা বৃদ্ধি করতে চাইছেন, পুরোপুরি সফল হতে পারছেন না। এখন এই তথাগত বুদ্ধ ব্রাহ্মণবিরোধী। তীর্থিক, নিগণ্ঠরাও তাই, কিন্তু ইনি যেন মৌচাকে লোষ্ট্রাঘাত করেছেন। এর লোকপ্রিয়তা, সম্মোহনক্ষমতা এ সব অলৌকিক। পসেনদি কী রূপ কৌশলে এই বুদ্ধকে দিয়ে পূরণ কাসসপকে সরালেন, দেখলে না? শুনিছি বহু ব্রাহ্মণ এর খ্যাতি শুনে বিতর্ক করতে এসেছেন। এঁদের নায়ক নাকি আশ্বলায়ন বলে এক মহাপণ্ডিত তরুণ। দেখা যাক আজ কী হয়। আমি বলছি, আমরা যদি রাজার উদ্দেশ্য বুঝে কাজ করি, আমাদের বৃদ্ধি ছাড়া ক্ষতি নেই।

শ্রেষ্ঠী দুজন মধুর পদে চলছিলেন, মাঝে মাঝে উত্তেজনায় একটু থেমে গিয়ে কথা বলছিলেন নন্দিয়, যশ ছাড়াও বহু লোক পাশ দিয়ে চলে গেল। তাঁরা শুধু স্বরটি মৃদু করে ছাড়া আর কিছুই করলেন না।

প্রতদ্বন্দ্ব সুনক্ষত্রকে বললেন—এই তথাগত বুদ্ধ আমাদের সবচেয়ে বড় অস্ত্র। ইনি কুশল কর্ম অকুশল কর্ম ব্যাখ্যা করেন। যাগ-যজ্ঞাদি অকুশল কর্ম বলে শত্রুপ্রজা বলে দিয়েছেন। এখন আমাদের ধন-উপার্জনের উপায়গুলিকে কুশল কর্ম বলে চিহ্নিত করলেই আমরা নিশ্চিন্ত হই। সুদন্ত কী ভাবে দান বাড়িয়ে দিয়েছে দেখেন না? মিগার যে মিগার সেই কৃপণও হাত খুলেছে। চলো দেখি পণ্ডিত আশ্বলায়ন কী বলেন!

তাঁরা দ্রুত চলে গেলেন। নন্দিয়দের লক্ষ্যই করলেন না। দেশনা-স্থলে পৌঁছে তারা এই ২৯০

শ্রেষ্ঠীষয়ের পেছনে স্থান করে বসল ।

প্রচুর জনসমাবেশ হয়েছে । যেন নিস্তরঙ্গ জলধি । মৃদু, অভিযয় মৃদু একটি গুল্লনধ্বনি শোনা যাচ্ছে । সম্মুখের দিকে অস্ববৃক্ষে বুদ্ধের আসনটিকে মাঝখানে রেখে এক দিকে শ্রমণারা বসেছেন, আর এক দিকে শ্রমণারা এবং গৃহস্থ রমণীরা ।

কেউ জিজ্ঞেস করল—তথাগত সাবথিতে রয়েছেন কতদিন ?

—আজ রয়েছেন, কালই হয়ত চলে যাবেন । এ তো আর বস্‌সাবাস নয় । প্রভূষে হয়ত ভিক্কার জন্য বেরোলেন আর ফিরলেন না ।

দ্যাখ দ্যাখ ওই যে অগ্‌গসাধিকা খেমা আসছেন । রাজা বিশ্বাসারের মহিষী ছিলেন ।

যশ ও নন্দিয় উৎকর্ণ হয়ে উঠল । লোকগুলির তর্জনী অনুসরণ করে দেখল একজন দীর্ঘকায়ী গৌরাস্নী শ্রমণা ধীর পদক্ষেপে আসছেন । বুদ্ধাসনের ডান দিকে গিয়ে ইনি বসলেন ।

নন্দিয় বলল—দ্যাখো যশ, পুরুষ কি নারী বোঝা যায় না, কী সৌম্য সুন্দরী ইনি । অনেকটা আমাদের সেই কাত্যায়ন গান্ধারের মতো যেন গঠনসৌষ্ঠব ।

পাশে একটি লোক বলল—শ্রমণাদের সুন্দরী সুন্দরী এরূপ বলে লোভ প্রকাশ করতে হয় না । এরা সবাইকার কু-দৃষ্টির অতীত । সংসার ত্যাগিনী ।

নন্দিয় বলল—যাঃ, কু-দৃষ্টির কী দেখলেন আপনি । ঠিক । সৌন্দর্য দেখলে প্রশংসা করব না ! আপনারা সাবথিবাসীরা বৃষ্টি নারীদের কু দৃষ্টি ছাড়া দ্যাখেন না !

লোকটি উত্তেজিত হয়ে কী বলতে যাচ্ছিল, তারও পাশে বসা লোকটি বলে উঠল—অ হে শঙ্খ, ইনি কে ? পেছনে আসছেন ?

—আরে উনিই তো ভদ্দা কুণ্ডলকেশা, কেশগুলি দেখে বুঝ না, কেমন পাকিয়ে পাকিয়ে উঠেছে ! ইনি তো প্রথমে নিগ্‌গষ্ঠ ছিলেন । স্ববির সারিপুস্তর কাছে তর্কে পরাজিত হয়ে বুদ্ধসংঘে যোগ দিয়েছেন । স্ববির সারিপুস্তর কাছেই উপসম্পদা পেয়েছেন ।

নন্দিয় ভীষণ উত্তেজিত হয়ে বলল, সারিপুস্ত । সারিপুস্ত । যশ, এই সারিপুস্তই তো আমার প্রভূপুস্ত । এরই মায়ের নাম রূপসারি । যিনি আমার পিতাকে তিরস্কার করতেন । আচ্ছা তাই, ও তাই বলুন না আর্ঘ সারিপুস্ত কোথায় ?

—ধৈর্য ধরুন । দেখতে পাবেন । উনি তো আছেন শুনছি । আর্ঘ সারিপুস্ত এরূপ বলবেন না, বলুন স্ববির সারিপুস্ত ।

ভেতর থেকে কয়েকজন শ্রমণ ধীরে ধীরে প্রবেশ করতে লাগলেন । লোকটি বলল—ওই দেখুন সম্মুখে একজন উনিও ভগবান তথাগতর এক অগ্‌গসাবক মোগ্‌গল্লান—পেছনে আসছেন স্ববির সারিপুস্ত ।

নন্দিয় ভালো করে দেখে নিরাস হয়ে বলল—কত শিশুকালে দেখেছি । একেবারেই চিনতে পারছি না যশ ।

পাশের লোকটি বিজ্ঞের মতো বলল—উনি তো সংঘে গিয়ে নবজন্ম নিয়েছেন । এখন কি আর পুরাতন চিহ্ন কিছু অবশিষ্ট আছে যে তাই দিয়ে চিনবেন ?

—তা ঠিক—নন্দিয় নীরব হয়ে গেল । সেই সঙ্গে স্তব্ব হয়ে গেল সেই বিশাল সভা হঠাৎ ।

নন্দিয় দেখল তপ্তকাক্ষনবর্ণ এক পুরুষসিংহ ডান দিক থেকে প্রবেশ করছেন । অঙ্গের কাষায় বসন তাঁকে অগ্নিশিখার মতো ঘিরে আছে । শুধু মুণ্ডিত মস্তকটি এবং বাহু দুটি দেখা যাচ্ছে । তাঁর পেছনে আরও একজন শ্রমণ । ঐর থেকে যেন অল্পবয়সী ।

যশ মৃদুস্বরে বলল—দেখো নন্দিয়, ইনি একই সঙ্গে কেমন দৃপ্ত এবং বধ ।

নন্দিয় হাঁ করে দেখছিল, বলল শুধু, দৃপ্ত ও নত্র নয়, কী সুন্দর যশ । কী জ্যোতিমান । যশ যশ আমার মনে হচ্ছে ইনি জন্মে জন্মে আমার পিতা ছিলেন । সেই নলিন্দা গামের দাস পিতা নয়, অদাস, চিরমুক্ত, চির প্রেমময় । যশ, কী অলৌকিক জ্যোতিঃসমুদ্র ! দেখতে পাচ্ছে না ? এইখানেই তো সেই উৎকৃষ্ট জীবন যার সন্ধানে এতদিন ঘুরছিলাম ।

যশ যতই তাকে থামাতে চেষ্টা করে নন্দিয় ততই আরও উত্তেজিত, অভিভূত হয়ে যায় ।

বলে—হে তথাগত, পিতঃ, ভগবন্ শরণাগতকে গ্রহণ করো প্রভু...

পাশে বসা লোকগুলি যশের দিকে চেয়ে বলল—আপনি ভাববেন না ভদ্র, তথাগতকে প্রথম দেখলে অনেকেরই মধ্যে এ প্রকার ভাবসম্ভার হয়। পূর্বজন্মের সুকৃতি আর কি। একে বলে সোতাপন্ন হুওয়া, অর্থাৎ কি না সন্ধন্মের প্রবাহের মধ্যে পড়া। আপনার ভাই একটু পরেই ঠিক হয়ে যাবেন।

অতঃপর বুদ্ধ উপবিষ্ট হলেন। যশ দেখল অত দূর থেকেও উনি তাদের দিকে চেয়ে রয়েছেন। সে পাশের লোকটিকে বলল—উনি তো এদিকেই দেখছেন। আমার এই সখার অবস্থার কথা ওঁকে নিবেদন করব না কি ?

লোকটি হেসে বলল—এখানে যারা উপস্থিত রয়েছে সবারই মনে হচ্ছে উনি তারই দিকে চেয়ে রয়েছেন। তথাগতের ইচ্ছা এ প্রকারই। তবে উনি ইচ্ছির কথা স্বীকার করতে চান না। বলেন তোমাদের ভেতরের অভিন্নায়কেই বাইরে দেখো। আপনাদের কথা এখন নিবেদন করার প্রয়োজন নেই। সভার শেষে সময় পাবেন।

—সবের জীবা সৃষ্টি হস্ত—দক্ষিণ পাণি মেলে ধরে আশীর্বাদ করলেন তথাগত। বৃক্ষে ঘেরা মনোরম স্থানটি। শীতল বাতাস বইছে। যশ উত্তরীয়টি ভালো করে গায়ে জড়িয়ে নিয়ে বসল। বাসন্তী বাতাস, শরীর শিউরে উঠছে। নন্দিয় যশের কাঁধে মাথা রেখে বিহ্বল দৃষ্টিতে তাকিয়ে আছে তথাগত বুদ্ধের দিকে।

সন্মুখের দিকে একটু সামান্য কোলাহল, একটু যেন ঠেলাঠেলি, তারপর এক ব্যক্তি উঠে দাঁড়িয়ে বললেন—হে গৌতম, আজ আমরা বিভিন্ন দেশ থেকে শতাধিক ব্রাহ্মণ সমবেত হয়েছি। আমাদের আপনাকে কিছু বলবার আছে। আমাদের মুখপাত্র আয়ুত্থান আশ্বলায়নই তা বলবে। সম্মত আছেন তো ?

বুদ্ধ মৌন রইলেন।

একটি যুবক উঠে দাঁড়াল। বলল—হে শ্রমণ, আমি সম্প্রতি বেদে পারদর্শী হয়েছি, পরিব্রাজক ধর্মও অধ্যয়ন করেছি, তৎসম্বন্ধে জ্ঞানি আপনি ধার্মিক ব্যক্তি, আপনার সঙ্গে বিচার করা দুরূহ কর্ম। তবু এঁদের আগ্রহে আজ সেই দুরূহ কর্মই করতে এসেছি। এখন বলুন ব্রাহ্মণদের যে ধারণা তাঁরা শুক্র, অন্যান্য কৃষ্ণ, ব্রাহ্মণই মোক্ষলাভ করেন, ব্রাহ্মণ ব্রহ্মদেবের মুখ থেকে উৎপন্ন হয়েছে, তারাই তাঁর উত্তরাধিকারী অন্যান্য নয়—এ কি সত্য নয় ? যদি না হয়, কেন নয় ?

যশের অদূরে উপবিষ্ট শ্রেষ্ঠিষ্ম পরস্পরের দিকে তাকিয়ে উৎসাহভরে কী যেন বললেন। যশ শুনতে পেল না। তারপর বুদ্ধের গভীর মধুর কণ্ঠস্বরে সভাস্থল পরিপূরিত হল।

—হে আশ্বলায়ন, ব্রাহ্মণকন্যারা যে তাঁদের গর্ভে সন্তান ধারণ করেন, তাদের প্রসব করেন, তৎপরে স্তন্যদান করে বড় করেন—এ কথা কি সত্য ?

—সত্যই তো ! মিথ্যা হবে কেন, শ্রমণ !

—ওই ব্রাহ্মণ সন্তানের পিতা তো ব্রাহ্মণ কন্যার স্বামী কোনও ব্যক্তি !

—নিশ্চয়ই।

—তবে তো ব্রাহ্মণ অন্যান্য বর্ণের মতোই পিতৃ ঔরসে, মাতৃগর্ভে জন্ম লাভ করে প্রসূত হয়, লালিতপালিত হয়। সে ব্রহ্মদেবের সন্তানই বা হয় কী করে ? আর অন্যান্য বর্ণের থেকে ভিন্নই বা হয় কী ভাবে ?

—আপনি যাই বলুন না কেন ব্রাহ্মণ সদাই মুক্ত এবং ব্রহ্মদেবের উত্তরাধিকারী এ বিষয়ে পূর্ণ বিশ্বাস ব্রাহ্মণদের আছে। তারাই পূর্ণ আর্থ।

বুদ্ধ ঈষৎ হেসে বললেন— আয়ুত্থান তুমি কি যোন, কাছোজ শ্রেষ্ঠী সীমান্ত দেশের কথা কিছু জানো ? সেখানে আর্থ ও দাস দুটি বর্ণ বাস করে, কখনও আর্থ দাস হয়, কখনও দাস আর্থ হয়, এখানে তো কোনও বর্ণের শ্রেষ্ঠত্ব স্বীকৃত হল না। হল কী ?

—সে আপনি যাই বলুন শ্রমণ, ব্রাহ্মণই শ্রেষ্ঠ বর্ণ।

—আচ্ছা আয়ুত্থান, তোমার কি মনে হয় ব্রাহ্মণ চৌর্য, ব্যভিচার, প্রতারণা, দ্বন্দ্ব ইত্যাদি করলে তার

পাপ হয় না ?

—না শ্রমণ, এ রূপ করলে ব্রাহ্মণেরও পাপ হবে ।

—আচ্ছা তবে অন্য বর্ণের লোক যদি সদাচার, দান, ধ্যান, মৈত্রীভাবনায় জীবন কাটায়, তার কি পুণ্য হবে না ?

—তা কেন শ্রমণ, নিশ্চয়ই পুণ্য হবে ।

—তবে ব্রাহ্মণ স্বতন্ত্র কিসে ? অন্য বর্ণের মতোই জন্মায়, অন্য বর্ণের মতোই পাপ বা পুণ্য সঞ্চয় করে । অন্য বর্ণের মতোই মৃত্যুমুখে পতিতও হয়, তাই নয় ?

—ব্রাহ্মণরা কিন্তু নিজেদের শ্রেষ্ঠ এবং অন্যদের হীন মনে করে ।

বুদ্ধ বললেন— তবে আশ্বলায়ন তোমার কি মনে হয় ব্রাহ্মণরা চন্দনাদি কাষ্ঠ দিয়ে অগ্নি জ্বালালে এবং অন্যান্য বর্ণেরা এরও কাষ্ঠ দিয়ে অগ্নি জ্বালালে, ব্রাহ্মণদের অগ্নি অধিক উজ্জ্বল হবে ?

—না, তা-ও না ।

—তবে, কৃত্রিয় পুত্র যদি ব্রাহ্মণ কন্যাকে বিবাহ করে বা ব্রাহ্মণ যদি অন্য বর্ণের কন্যা বিবাহ করে তাদের সন্তান পিতামাতার মতো না হয়ে একটি কিছুতকিমাকার জীববিশেষ হয় কী ?

—না, তা-ও না শ্রমণ ।

—কিন্তু একটি অশ্ব ও একটি গর্দভ মিলিত হলে একটি নূতন প্রকার প্রাণী জন্ম নেয়, তাই তো ?

—হ্যাঁ, তা অশ্বও নয়, গর্দভও নয়, অশ্বতর ।

অর্থাৎ জন্তুর ক্ষেত্রে নূতন প্রাণী হচ্ছে, মাতা-পিতা ভিন্ন জাতি বলে; কিন্তু মানুষের ক্ষেত্রে একই প্রকার প্রাণী জন্মাচ্ছে, মাতা-পিতা একই প্রকার বলে । —ঠিক কি না ?

আশ্বলায়ন নীরব রইলেন ।

বুদ্ধ বললেন— হে আশ্বলায়ন এবার বলো দুই ব্রাহ্মণ-ব্রাতার মধ্যে যদি একজন পণ্ডিত হয় অপরজন মূর্খ, লোকে কাকে সমাজকার্যে আমন্ত্রণ জানাবে ?

—অবশ্যই পণ্ডিতকে ।

—আচ্ছা, যদি একজন বিদ্বান কিন্তু দুঃশীল ও অপরজন বিদ্বান নয় কিন্তু সুশীল, তা হলে তোমার বিচারে কাকে নিমন্ত্রণ জানাবে ?

—হে গৌতম, যে ব্যক্তি সচ্চরিত্র তাকেই...

—হে আশ্বলায়ন, তুমি প্রথমে জাতিকে গুরুত্ব দিয়েছিলে, তার পরে বেদাভ্যাসকে, এখন গুরুত্ব দিচ্ছ সচ্চরিত্রকে । অর্থাৎ আমি চাতুর্বর্ণ্যে যে সংস্কার করতে চাই, চরিত্র ও শীলের ওপর গুরুত্ব দিতে চাই, তুমি তা মেনে নিয়েছ । আয়ুত্থন, তুমি যে প্রশ্ন নিয়ে আমার কাছে এসেছ সেই একই প্রশ্ন তারুক্ষ ও পোকখর সাদির শিষ্যগণও আমার কাছে করেছিল, ব্রাহ্মণ এসুকারিও করেছিল, ভবিষ্যতে আরও অনেকে করবে । সবার প্রতি আমার একই উত্তর । জন্মের কারণে কেউ শ্রেষ্ঠ হয় না, যে শ্রদ্ধা, শীল, বিদ্যা, ত্যাগ ও প্রজ্ঞার অনুশীলন করে, যে কুলেই জন্মাক না সে মানুষের মধ্যে উচ্চতম বর্ণ দাবি করতে পারে ।

যস্ কায়েন বাচায়

মনসা নথি দুক্কতম ।

সজ্জতং তীহি থানেহি

তমহং ব্রুমি ব্রাহ্মণম্ ॥

আশ্বলায়ন নামে যুবাটি বহুক্ষণ মাথা নত করে নীরবে বসে রইল । তার পরে উঠে গিয়ে বুদ্ধের চরণতলে মাথা রাখল । এমনভাবে যেন সে আর কখনও উঠবে না ।

নন্দিয়কে নিয়ে ফিরে আসতে আসতে যশ বলল— কী আশ্চর্য ! কী আশ্চর্য !

নন্দিয় বলল— সত্যই আজকের অভিজ্ঞতা আশ্চর্য, অবিশ্বরণীয় ।

যশ বলল— আজকের অভিজ্ঞতা অতি সুন্দর, কিন্তু আমি আশ্চর্য বলছি অন্য একটি ব্যাপারকে ।

—কী ব্যাপার যশ ?

—তোমার কি মনে নেই নন্দিয়, কাত্যায়ন গাঙ্গার আমাদের এই সকল কথাই কিন্তু বলেছিলেন । কায়, মন ও বাক্যে দুষ্কৃত না করার অভ্যাস করা প্রয়োজন । তিনি অবশ্য আরও বলেন কায় ও বাক্যে সংযত হওয়া সর্বপ্রথম কাজ । কিন্তু দুষ্কৃতিদের সম্মুখীন হলে যদি কায় ও বাক্যের প্রহার করতে হয়, নিজে অনুশোজিত হয়ে তা করবে । এ বিষয়ে তথাগত কিছু বললেন না তো !

—মুখে না বললেও কাজে দেখান । পূরণ কাসস্পকে জনসমক্ষে অপ্রতিভ করা কি একপ্রকার প্রহার নয় ? আর চিহ্ন তো শুনেছি নারী বলে পার পায়নি, শ্রমশরা তীর্থিকদের তো বটেই তাকেও কিছু উত্তম-মধ্যম দিয়ে ছিলেন— নন্দিয় বলল ।

—উৎকৃষ্ট জীবনের জন্য কোনও সজ্জ যোগ দেবার প্রয়োজন নেই নন্দিয় । আমার মনে হয়, আমরা উৎকৃষ্ট জীবনের সন্ধান পেয়ে গেছি । অনেক আগেই । যশ যেন বহু দূরের দিকে চেয়ে বলল ।

8

বিশাখা, তোমার এই নবীন বয়স, সুকুমার শরীর...তুমি নিত্য জেতবনে কিসের সন্ধানে যাচ্ছ আদরিণী কন্যা আমার !

কেন পিতা, জেতবনে যাত্রীদের মধ্যে তো নবীন-প্রবীণের প্রশ্ন নেই । সুদন্ত-কন্যা চন্দ্রসুভদ্রা, প্রতর্দন-সুহা সুপ্ৰিয়া, সাবথির শ্রেষ্ঠসুন্দরী উপপলবননা—এঁরাও তো যান । আপনি ভদ্রা কুন্ডলকেশাকে দেখেছেন ? রাজগহের সেই সাহসিকা সুন্দরী যিনি দসু স্বামীকে গিজ্জকুট থেকে ফেলে দিয়ে আত্মরক্ষা করেছিলেন । তিনি তো এখন ভিক্কুণী ভদ্রা । মুখমণ্ডলের দীপ্তি দেখলে বিস্মিত হতে হয় ।

ধনঞ্জয়ের মুখের ওপর একটি ছায়া, তিনি ভয়ে ভয়ে বললেন— তুমিও কি প্রব্রজিত হতে চাও বিশাখা ! তাঁর স্বর ভালো করে ফুটেছে না, এত ভয় ।

বিশাখা হেসে বলল—কিন্তু এখন বড় বড় সেটটিকুলে অনেকেই মনে করছেন কন্যাদের পব্বজ্জা নেওয়া ভাল । কুল উজ্জ্বল হয় । মহারাজ পসেনদির কনিষ্ঠা ভগ্নী দেবী সুমনা ও মহারানি দেবী মল্লিকাও তো...

—দেবী মল্লিকা কি মগধ মহিষী খেমার মতো...

—না পিতা, দেবী মল্লিকা মহারাজ পসেনদির অত্যন্ত প্রিয়া মহিষী, তিনি পব্বজ্জা নেবেন না । তবে আমি দেখেছি তিনি অত্যন্ত উজ্জ্বল । তথাগত বুদ্ধ ছাড়া আর কিছু যেন জানেন না । আর কোশল সেনাপতি বজ্জলের পত্নী মল্লিকার সঙ্গে সেদিন আলাপিত হলেন তো !

সুমনা বললেন—এই প্রথম, এমন একটি সখী পেলাম বিশাখা, যাকে মনের কথা বলতে পারি ।

ধনঞ্জয় হেসে বললেন— কেন প্রিয়ে, মনের কথা কি ইদানীং আমাকে বলতে পারছ না ?

—তুমি কি সখী ? সুমনা কৌতুক ভঙ্গি করে বললেন ।

বিশাখা বলল—মা, বজ্জল পত্নী মল্লিকার নির্বন্ধেই হয়ত রাষ্ট্রী মল্লিকা পব্বজ্জা নিচ্ছেন না, একেক সময় মহারাজের ব্যবহারে ক্ষুব্ধ হয়ে উনি নাকি স্থিরই করে ফেলেন যে সংসার-ত্যাগ করবেন ।

—মহারাজ দেবী মল্লিকার সঙ্গে অন্যায় ব্যবহার করেন ?

—হ্যাঁ পিতা, উনি মালাকারের কন্যা বলে মহারাজ যখন-তখনই বলেন রাষ্ট্রীপদ পেয়ে দেবী মল্লিকার মাথা ঘুরে গেছে । দেবীর অপরাধ—তিনি মহারাজের উচ্ছ্বলতা নিয়ন্ত্রণ করতে যান, সুপারামর্শ দিতে যান । তবে, রানির প্রতি এইপ্রকার ব্যবহারের জন্য মহারাজ তথাগত বুদ্ধের কাছে তিরস্কৃত হয়েছেন ।

—ও তথাগত বুদ্ধি গৃহ-বিবাদ, দাম্পত্য-কলহ এসব ব্যাপারে উপদেশ দেন !

—হ্যাঁ মা, সেটাই তো ওঁর বিশেষত্ব । কত লোককে যে উনি সুপারামর্শ দিয়ে জীবনে প্রতিষ্ঠিত করে দিয়েছেন ! উপাসকরা ওঁকে পিতা-মাতার চেয়েও বেশি মানে এই কারণে । আর শুধু তথাগত নয় মা, শ্রমণদের অনেকেই নানা সাংসারিক ব্যাপারে গৃহীদের পরামর্শ দিয়ে থাকেন ।

ধনঞ্জয় বললেন— হ্যাঁ, শ্রমণ আনন্দ নাকি সেটাই সুদন্তর বাড়ির চোর ধরে দিয়েছেন ।

—চোর নয়, চুরির দ্রব্য—বিশাখা মদু কণ্ঠে বলল ।

সুমনা বললেন—আমি শুনি নি । সেটা কী ব্যাপার ?

ধনঞ্জয় বললেন—বহুমূল্য রত্নহার চুরি গিয়েছিল, শ্রমণ আনন্দ সেদিন সেটাই গৃহে নিমন্ত্রণ গিয়েছিলেন । বিশৃঙ্খলা, উৎকর্ষা, হট্টগোল শুনে জিঙ্ক্সেস করেন এবং জানতে পারেন । বলেন—আপনারা দ্রব্যটি চান, না চোরকে চান ! সুদন্ত-পত্নী বলেছিলেন— চোরটিকেও চাই, কেননা এত বড়, এত জটিল শাখাপ্রশাখাময় পরিবারে কার কোথায় স্বভাব নষ্ট হয়ে যাচ্ছে জানা প্রয়োজন । আনন্দ বলেন—রত্নহার তিনি উদ্ধার করে দিতে পারবেন, কিন্তু চোর ধরার দায়িত্ব নিতে পারবেন না । সেটাই সম্মত হলে তিনি একটি বৃহৎ মৃত্তাশু কর্দমে পরিপূর্ণ করে তার পাশ দিয়ে একটি স্থূল আবরণী টাঙিয়ে দিতে বলেন । সারাদিন ধরে পরিবারের যে যেখানে আছে দাস থেকে আরম্ভ করে অতিথি-অভ্যাগত, শ্রমণরা, স্বয়ং গৃহপতি, তাঁর পত্নীরা সবাইকে ওই আবরণীর ওপাশ দিয়ে ঘুরে আসতে হবে, নইলে কেউ গৃহ থেকে বেরোতে পারবেন না ।

—পাওয়া গেল রত্নহার ? সুমনা উৎসুক হয়ে জিজ্ঞাসা করলেন ।

—অবশ্যই ! সেই মৃত্তাশু কর্দমের মধ্যে ।

সুমনা সখেদে বললেন—সেটাই, এই আনন্দপমুখ সমনরা আমাকে বড় ভাবাচ্ছেন । এঁরা এত বুদ্ধি, এত ধৈর্য কোথা থেকে পেলেন ?

ধনঞ্জয় বললেন—প্রিয়ে তুমি ভুলে যাচ্ছ, এঁরা শাক্যকুলের রাজপুত্র । শাসনপদ্ধতির নানা শাখার বিষয়ে এঁদের সহজাত প্রতিভা আছে ।

—তাই-ই তো বলছি, কত কাজে লাগতে পারতেন এঁরা স্ব-কুলের মানুষের, সবাই মিলে পব্বজ্জা নিয়ে শাক্যদের তো ভাসিয়ে দিলেনই, সাধারণভাবে মনুষ্যসমাজের অপূরণীয় ক্ষতি হয়ে গেল । এঁদের মতো পিতা হলেই তো বীর, বুদ্ধিমান, বিচক্ষণ সন্তান হবে । তা না সব সংসার-ত্যাগ করলেন । দুক্খ, দুক্খ, দুক্খ ! এ যেন সেই কবে ব্যাধি হবে বলে আগে থেকেই রোগশয্যা শুয়ে থাকার ।

বিশাখা বলল—কিন্তু মা, শুধু আর্থসত্যগুলিই তো নয় । তথাগত যে অষ্টাঙ্গিক মার্গের উপদেশ দেন সাধারণ মানুষকে, সেইটুকু সারাজীবন ধরে পালন করে গেলেই তো একটি পাপহীন, নির্দোষ, চমৎকার সমাজ, দেশ গড়ে উঠতে পারে । সেটা কি মস্ত বড় কথা নয় ? শরীরকে কষ্ট দিতে হবে না, যে যেমনভাবে যেখানে অবস্থিত সেখানে থেকেই জীবনধারণ করবে, শুধু জীবনের প্রতি, মানুষের প্রতি তার দৃষ্টিভঙ্গিটি পরিবর্তিত হয়ে যাবে ।

সুমনা বললেন—তুই কি মনে করিস অষ্টাঙ্গীল অতি সহজ ব্যাপার ? সম্যক দৃষ্টি, সম্যক সঙ্কল্প, এমনকি সম্যক আঞ্জীব কি সহজ ?

—না মা সহজ নয় । কিন্তু গৃহস্থদের জন্য তথাগত আরও সহজ নির্দেশিকা দিয়েছেন—পঞ্চশীল । প্রাণিবধ না করা, পরদ্রব্য না হরণ করা, ব্যভিচার না করা, মিথ্যা না বলা, সুরাপান না করা—এ-ও কি অতিশয় কঠিন ?

ধনঞ্জয় বললেন—প্রাণিবধ না করলে তো আমাদের অশন বন্ধ হয়ে যায় মা । নির্দোষ যে বলেন চারিদিকে অণুপ্রমাণ প্রাণী ঘুরে বেড়াচ্ছে, জলে, স্থলে, বৃক্ষে সর্বত্র—তারা তো অধিকার বধ হচ্ছেই !

বিশাখা বলল—পিতা, তথাগতের সব ব্যাপারেই মব্বন্ধিম পদ্ম । উনি অনুধাবন প্রাণিবধ অর্থাৎ মৃগয়া, যাগ-যজ্ঞাদিতে বলি এইগুলিই বারণ করেন । প্রয়োজনে মৎস্য মাসোদি তো উনি নিজেও খান । শ্রমণদেরও খেতে বারণ করেন না । তবে ঔকে নিমন্ত্রণ করে খণ্ডিত্যা করা ঔর মনোমত নয় ।

—সুরাপান না করলেই বা চলবে কিভাবে বিসাখা ! অতিরিক্ত পান করলে কুফল হতে পারে কিন্তু এই এতো মানুষ, শারীরিক পরিশ্রম করে বাঁচে । উত্তেজক, বলকারক সুরা না হলে তারা কাজ করতে পারবে না, উচ্চশ্রেণীর নরনারীরও এটি একটি নিত্যব্যবহার্য পানীয় ।

—পিতা আপনি অতিরিক্ত পান করেন না বলেই সুরার সপক্ষে কথা বলতে পারছেন । সাবধিতে

কিছুকাল থেকে দেখুন, বুঝতে পারবেন সুরায় নিষেধ কেন। আর ব্যভিচার, প্রবঞ্চনা, মিথ্যাচরণ এগুলি যে সমাজদেহে ঘৃণ্য রোগের মতো ছড়িয়ে যাচ্ছে। এগুলিকে যে নির্মূল করা প্রয়োজন এ বিষয়ে কি আপনার সন্দেহ আছে ?

—না তা নেই, ধনঞ্জয় বললেন, তবে কি জানো মা, ব্যভিচার প্রবঞ্চনা মিথ্যাচরণ সভ্যতার উষাকাল থেকেই বোধহয় চলছে। যতই দূর করবার চেষ্টা করা হোক, ঠিক কোনখান দিয়ে বেরিয়ে এসে এরা আবার সাড়স্বরে নিজেদের প্রভাব বিস্তার করতে আরম্ভ করে।

—কিন্তু পিতা, পরিপূর্ণ সভ্য সমাজের দিকেই তো আমাদের গতি হওয়া উচিত। এবং সেই সভ্য সমাজ তো ওই সকল পাপ-অভ্যাস দূর করার চেষ্টা থেকেই জন্মাবে। ধীরে ধীরে, একদিনে নয়।

ধনঞ্জয় বললেন—সে কথা ঠিক। মহত্তম সভ্যগুলি বোধহয় জীবনের সরলতম সভ্য বিসাখা। বুঝতে অসুবিধা হয় না। শুধু কার্যে পরিণত করার পক্ষে এত প্রলোভন, এত বাধা! কিন্তু বিসাখা, তুমি তো বুদ্ধবাণী ভালোই হৃদয়ঙ্গম করেছ, প্রচারকার্যও দিব্য করছ এবং তা তোমার নীল দুকূল এবং মহালতাপসাদন পরেই সম্ভব হচ্ছে। তবে কেন...

বিশাখা মৃদু-মৃদু হেসে বলল—পিতা, আমি কি এককরও বলেছি পববঙ্জা নেব ?

—কিন্তু কন্যা, সংসারই বা করছ কই! জামাতা শুনছি বহু দেশ বাণিজ্য-যাত্রা করে ফিরে আবার কর্মান্তে চলে গেছে। মা, আমাদের বিবাহের পর আমরা দুজনে কত আনন্দ করেছি, তোমার মাকে জিজ্ঞাসা করে জেনে নিও। তোমার জীবনে সেরাপ আনন্দ... ধনঞ্জয় অপ্রতিভ মুখে থেমে গেলেন।

সুমনা কন্যার পাশেই বসেছিলেন। বিশাখার দ্বিতল গৃহের উপরিতলে সুদৃশ্য কাঠকুটিম। তার ওপর চিত্রবিচিত্র আচ্ছাদন দিয়ে প্রস্তুত একটি অনতিকোমল শয্যা, উপাধান ইত্যন্ত ছড়ানো আছে। মৃৎ-আধারে মৃদু সুগন্ধি পুড়ছে। সময়টা সকাল। সুমনা কন্যার মাথাটি নিজের বুকের ওপর টেনে নিলেন, বললেন— আমাকে বলবে না মা!

বিশাখা অনেকক্ষণ নীরবে মায়ের বুকে মুখ গুঁজে রইল। তারপর মুখটি ঈষৎ তুলে বলল—মা, তুমি তো জানো স্বশুরগৃহে সকলে আমায় ভালোবাসেন, মান্য করেন, আমি এই গৃহ-পরিচালনার সমস্ত কাজ আমার স্বশ্রমাতার সঙ্গে একত্রে করে থাকি। স্বশুর আমাকে এত স্নেহ করেন যে, আমি বিব্রত হয়ে পড়ি। যা চাই তা-ই দিতে তিনি প্রস্তুত। মা, তুমি এ-ও জানো যৌবনকাল কর্মের সময়, সোঁটটি-পুস্ত দেশ-দেশান্তরে ঘুরে বণিকের উপযুক্ত কর্ম করছেন, মা তুমি আমার মুখ দেখো— আমি আনন্দে আছি।

সুমনা অনুভব করলেন, বলতে বলতে বিশাখার সারা শরীর যেন রোমাঞ্চিত হল, মুখে অদ্ভুত বিডল হাসি। কন্যাকে এমন মুখা অবস্থায় তিনি কখনও দেখেননি। একটা সময় ছিল যখন তিনি বিশাখার একমাত্র সখী ছিলেন। তার অন্তরের কথা তিনি ছাড়া তেমন কেউ জানত না। সযত্নে নির্মাণ করেছেন তিনি বিশাখা-প্রতিমা। তার বিবাহের পর দীর্ঘদিন ধরে কষ্ট পেয়েছেন তাঁর স্নেহপুস্তলি বুঝি অপাত্রে পড়ল, বিশাখার গুণগুলি বুঝি সব দোষ হয়ে দেখা দিল। এই ভয়ের সমর্থন পেয়েছিলেন যখন বিশাখার বিচারের জন্য সাকেত থেকে গহপতিরা গেলেন। সুমনা প্রস্তুত ছিলেন কন্যার মোক্ষক্রিয়ার জন্য। ভয় পেয়েছিলেন, এরপর কন্যা কী করবে? তার ইচ্ছা, বিরুদ্ধে তাকে দিয়ে কিছুই করানো যাবে না। যদি বলে আর বিবাহ করব না! যদি বলে প্রব্রজ্যা নেব, তো সেসব সঙ্কল্প থেকে তাকে টলানো কঠিন। কিন্তু বিশাখা স্বমহিমায় প্রতিষ্ঠিত হয়েছে সাবধিতে, স্বশুরকূলে, সে দিব্য ধনুর্বাণ বা মল্লবিদ্যার অনুশীলনও করছে পূর্বের মতো মুখটি এতো সুখী। শুধু এই সুখের মধ্যে পুণ্যবর্ধন কতটা আছে, এমন কি আছে কিনা, তা বুঝতেই পারছেন না সুমনা।

মাকে নীরব দেখে বিশাখা বলল—মা, সকলের সুখই কি একপ্রকার হবে? হয় না মা, তা হয় না।

ধনঞ্জয় বললেন—বুঝতে পারছি বিশাখা, তোমার আনন্দ স্বকর্মের, সৎ-সঙ্কল্পের আনন্দ। তা কেন্দ্রীভূত হয়ে আছে জেতবনে। কিন্তু একজন গৃহী নারীর যাবতীয় আনন্দ সম্মাসী-বিহারে— এ বড় ভয়ের কথা বিশাখা। তাছাড়া আর অধিকদিন সন্তান না হলে যদি পুণ্যবর্ধন পুনবার বিবাহ করতে চায়!



সুমনা দেখলেন বিশাখার মুখে সহসা যেন আলো ছলে উঠল। কেন তিনি বুঝতে পারলেন না।  
বিশাখা ধীরে ধীরে বলল— মিগার-পুস্ত দ্বিতীয় বিবাহই করুন, তৃতীয় বিবাহই করুন, মিগার মাতা  
বিশাখাই থাকবে।

বিশাখা গৃহকর্মে চলে গেলে ধনঞ্জয় বললেন— প্রিয়ে, আমরা একটি বালিকাকে সাবধি  
পাঠিয়েছিলাম। সে বুদ্ধিমতী হলেও সরলা ছিল। এই পরিশীলনদুই নগরী তাকে কি সম্পূর্ণ জীর্ণ  
করে ফেলল ? মিগার কেমন লোক ? সে কি আমার কন্যার কর্মক্ষমতা ও বুদ্ধির প্রাচুর্য নেখে তাকে  
নিজ বাণিজ্যকর্মে, গৃহপরিচালনা কর্মে পুরোপুরি যুক্ত করে দিয়েছে ? বিশাখা কি এই কর্ম ও ক্ষমতার  
মোহে জীবনের সরল সুখশান্তিগুলি আর চিনতে পারছে না ? সুমনা, মিগারের মধ্যে কোনও জটিল  
চরিত্র-বিকার নেই তো ?

সুমনা শিউরে উঠে বললেন— বন্ধ কর এ প্রসঙ্গ, বন্ধ কর সেটটি। আমার বুকের মধ্যেটা কেমন  
শূন্য লাগছে। কিছু নেই কোথাও, সেটটি, আমি কোনও অবলম্বন পাচ্ছি না। আমার কন্যা  
কোথায় ? সেটটি, আমি জানতাম না আমার ধর্ম-কর্ম, প্রাণ-মন সব কিছুই আমি কন্যাকে সমর্পণ করে  
বসেছিলাম। সে যদি আমার বোধের অতীত হয়ে যায়, তবে সুমনার জীবনের কেন্দ্রটি শূন্য হয়ে  
যাবে।

সুমনার মুখচোখের অবর্ণনীয় বিষাদের দিকে তাকিয়ে ধনঞ্জয় আশ্চর্য হয়ে গেলেন, তিনি সুমনাকে  
আলিঙ্গন করে গাড় কঠে বললেন—প্রিয়ে, আর কিছু আর কেউ কি নেই তোমার জীবনে ? আর  
কোথাও নিজেকে ন্যস্ত করতে পারছ না ? আর এত নিরাশই বা হচ্ছে কেন ? ধৈর্য ধরো, ধৈর্য ধরো  
প্রিয়ে।

সুমনা উঠে গিয়ে গবাক্ষের সামনে দাঁড়ালেন, দুজনেই গবাক্ষপথে দেখছেন বিশাখার কাননের  
সৌন্দর্য। অদূরে বৃক্ষগুলির মাঝে মাঝে শ্রাবস্তীর পথরেখা দেখা যায়। সামান্য কিছু লোক চলাচল  
হচ্ছে। সুমনা বললেন—সেটটি, আমি যতদূর বুঝি—আমার জীবনে বিশাখা শুধু কন্যা নয়, সে  
একটি তত্ত্ব।

ধনঞ্জয় পরিবেশ লঘু করবার জন্য পত্নীর মুখ চুহন করলেন, তারপর হেসে বললেন, কন্যার  
পরিবর্তে পাতিকে নিয়ে পরীক্ষা করলে পারতে প্রিয়ে। তোমার তত্ত্ব তোমারই থাকত।

দুঃখের হাসি হেসে সুমনা বললেন—জীবনে যা কিছু সবলে ধরতে গেছি, অনেক চিন্তায়  
ভালোবাসায় রূপ দিতে গেছি তা সবই আমার আয়ত্তের বাইরে চলে গেছে। তোমায় নিয়ে তেমন  
কিছু করতে গেলে তুমিও হয়ত তাই যেতে সেটটি।

ধনঞ্জয় তীক্ষ্ণ দৃষ্টিতে তাঁর প্রিয়া পত্নীর দিকে তাকালেন। ইদানীং তাঁর মনে হয়, তিনি এই  
কুরুধারবুদ্ধিশালিনী ব্যক্তিত্বময়ী ক্ষত্রিয়কন্যার যোগ্য নন। যৌবনে যখন দুঃসাহসিক বাণিজ্যযাত্রায়  
যেতেন সে-সব দিনগুলিতে নিজের পৌরুষ যেন দেহের কোষে কোষে অনুভব করতেন। তখন  
সুমনার পাশে দাঁড়াতে তাঁর দ্বিধা হত না। কিন্তু এখন ? ধনসম্পদ যেন তাঁর সেই পৌরুষকে কেমন  
শিথিল করে দিয়েছে। অথচ ধন এমন ক্ষমতা দান করে যে, ক্ষত্রিয়, ব্রাহ্মণ সবার ওপরে কর্তৃত্ব  
করবার যোগ্যতা জন্মায়। তাঁর পিতা মেগুক বলেন, এমন দিন আসছে যখন বণিকই হবে শ্রেষ্ঠ  
বর্ণ। ধনঞ্জয়ের মতে অবশ্য ক্ষত্রিয়রা নিঃসংশয়ে শ্রেষ্ঠ বর্ণ। বাহুবলে পৃথিবী জয় করে, রাজ্যাশাসন  
করে, অপরাধীর শাস্তিবিধান করে, এদিকে শাণিত বুদ্ধি, বিদ্যার গরিমা কী। সেসময়কে দেখলে এক  
সময়ে তাঁর ঈর্ষা হত, আর ইদানীং আর এক দম্পতিকে দেখে তিনি মোহিত হয়ে গেছেন। বঙ্কুল মন্ত্র  
ও তাঁর পত্নী মল্লিকা। বঙ্কুল বীরপুরুষ বটে। শার্দূলগতি ওই ক্ষত্রিয় তাঁরই ময়সী হবেন। সুমনার  
পতি হওয়া উচিত ছিল ওই বঙ্কুলের মতো কারুর। দীর্ঘশ্বাস ফেললেন ধনঞ্জয়। আর বিশাখা ?

সুমনা মুখ তুলে তাকালেন। ধনঞ্জয়কে তিনি কখনও এত বিমর্ষ দেখেননি। হৃদয়ের ভেতরটা  
বেদনায় কেমন যেন করে উঠল। তিনি চেষ্টা করে হেসে বললেন— চলো সেটটি, আমরা সাকেতে  
ফিরে যাই। এখানে ভালো লাগছে না।

—কেন মা, কোথায় যাবে ? —বিশাখা কখন এসে দাঁড়িয়েছে তাঁরা বুঝতে পারেননি। —মা !  
বিশাখা সুমনার অত্যন্ত সন্নিকটে এসে চোখ দুটি তাঁর দিকে তুলে ধরল। নীল চোখের তারা, নীলাভ

বাকি অংশটুকুও ।

সুমনার গাঢ় কৃষ্ণ অক্ষিতারা দুটি সেই সুনীল নয়নের ওপর স্থির হয়ে রইল । সুমনা যেন সেই চোখ দুটির ভেতরে অশ্রু দেখতে পেলেন । গভীর উৎকণ্ঠায় বললেন—কী হয়েছে বিসাখা ?

—কিছু তো হয়নি মা ! মিগারপুস্ত কৰ্মান্ত থেকে ফিরেছেন । এইমাত্র এসে পৌঁছলেন ।

কিছুক্ষণের মধ্যেই মিগারগৃহ আনন্দিত কলস্বরে ভরে উঠল । পুরত্নী-পরিজনরা সবাই ধাবিত হচ্ছে, মিগার-গৃহিণী কী করবেন ভেবে পাচ্ছেন না, কিংকৰ্ত্তব্যবিমূঢ় হয়ে বিশাখাকে বারবার ডাকছেন । মিগার তাঁর কৰ্মকক্ষ থেকে কাষ্ঠপাদুকার শব্দ করতে করতে বহিবাটির অলিন্দে এসে দাঁড়ালেন । গণক, লেখক ও অন্যান্য কৰ্মকররা, ভূতকরা ছোটোছুটি করছে । দাস ও দাসীরা হাত-পা ধুয়ে পরিচ্ছন্ন হয়ে এলো । সাত ঘোড়ার রথ থেকে স্বৰ্ণসূত্রী উত্তরীয় দুলিয়ে মৃগচৰ্মের উপানং পায়ে পুণ্যবর্ধন নেমে এলো । আগের থেকে যেন আরও একটু পুষ্ট, খানিকটা দৃঢ়শেখী হয়েছে সে । গাত্রবর্ণ তাম্রাভ । সন্দেহ নেই সার্থর সঙ্গে ভ্রমণ করে করে রোদে পুড়তে হয়েছে তাকে অনেক । তার চলাফেরার মধ্যে একটা কর্তৃত্বব্যঞ্জক ভাব, কৰ্ম করলে যে ধরনের আত্মপ্রত্যয় আসে আচরণে, সেইরূপ । সে নেমে এসে পিতার এবং ধনঞ্জয়ের পদবন্দনা করল । গৃহভাস্তরে এসে আগেই সুমনার পরে তার মায়ের চরণে প্রণত হল । তার মা তার শির চুশন করলেন । পুণ্যবর্ধন সমস্ত পুরত্নী-পরিজনের কুশল সংবাদ নিল । শুধু বিশাখাকে কোথাও দেখা গেল না । তার পরিবর্তে তার পায়ে প্রক্ষালনের জল দিল ময়ূরী । মার্জনী বস্ত্র দিল কহা । শীতল পানীয় এনে দিল ধনপালী ।

প্রত্যাবৃত্ত পুণ্যবর্ধনকে নিয়ে যখন সবাই কাহিনী শুনতে, আত্মদ প্রকাশ করতে মত্ত, তখন সুমনা সবার অলক্ষ্যে ধীরে ধীরে বেরিয়ে এলেন । মিগার-গৃহের ভেতরের কাননটি পেরিয়ে এলেন বিশাখার গৃহে । কোথাও কেউ নেই । সোপানশ্রেণী পার হয়ে দ্বিতলে উঠলেন । সুপ্রশস্ত শয্যাগৃহ বিশাখার, সেখানে সে নেই । তারপরে অলিন্দ, তাঁদের জন্য একটি সুন্দর কক্ষ । তারপর বিশাখার প্রসাধনকক্ষ । সেইখানে গবাঙ্কলয়শির বিশাখা বসে রয়েছে । সুমনার হাতের স্পর্শে সে মুখ তুলল না, সে শুধু মায়ের হাতটিকে নিজের বুকের মধ্যে টেনে নিল ।

অনেকক্ষণ পরে অত্যন্ত ক্ষীণস্বরে বলল— মা, আমি চেষ্টা করব । ধীরে ধীরে কয়েক ফোঁটা উষ্ণ অশ্রুজল সুমনার হাত ভিজিয়ে দিতে লাগল ।

সুমনা উৎকণ্ঠিত হয়ে বললেন— এই জন্যই কি তুমি এতদিন আনন্দে ছিলে ? বিসাখা ! মা !

বিসাখা ধীরে ধীরে মাথা নাড়ল । তারপর বলল— মা, ভয় করো না, বিসাখা পরাজয় স্বীকার করবে না । বিসাখা চিরদিন আনন্দে থাকবে । শুধু, তথাগত আমাকে করুণা করুন । সুমনার বুকে মাথা রেখে সে ধীরে ধীরে মৃদু কণ্ঠে বলল—মা, এমন দিনরাত গেছে যখন সাকেতের জন্য, পিতামাতার জন্য শোকে, হাহাকারে বিসাখার চিন্ত ভরে গেছে । তখন আর্তস্বরে তোমাকে ডেকেছি মা, পিতাকে ডেকেছি । পিতাকে বলো মা, সেই ডাক তথাগত শুনতে পেয়েছেন । ওই জেতবন তাই আমার হৃৎকমল । বিসাখা পববজ্জা নিলেও জেতবনের, না নিলেও জেতবনের, সজ্জে মনপ্রাণ সমর্পণ করেছি মা ।

সুমনা উদ্বিগ্ন স্বরে বললেন—এখন ? এখন তবে কী করবে, বিশাখা !

—এই সমস্ত কঠিন পরীক্ষা যদি উত্তীর্ণ হতে পারি তবেই নিজেকে দেবী সুমনার কন্যা বলে পরিচয় দিতে পারব মা । চিন্তা করো না । আমি কৃতসঙ্কল্প । এই নির্জনে শুধু শক্তি সঞ্চয় করে নিচ্ছিলাম ।

রাত্রি ক্রমেই গভীর হচ্ছে । শ্রাবস্তী নসরীর বিচিত্র কোলাহল ধীরে ধীরে শান্ত হয়ে এলো । আলোগুলি নিভে যাচ্ছে । শুধু চলছে সুরভিত মনোরম কক্ষে শয়নপ্রদীপ ।

পুণ্যবর্ধন পদচারণা করছে । তার পদক্ষেপগুলি এখন দৃঢ় প্রত্যয়ব্যঞ্জক । কিন্তু নিজের বক্ষের শব্দ সে শুনতে পাচ্ছে । তিন বছর পরে সে গৃহে ফিরল । যথেষ্ট ধনোপার্জন করেছে । কুরুদেশ থেকে সে গোধূমের বীজ এনে নিজেদের কৰ্মান্তে রোপণ করেছিল । স্বৰ্ণবর্গের শস্য হয়েছে । ভৃগুকঙ্কের পট্টন থেকে সে এনেছে যাবনিক স্বৰ্ণমুদ্রা । কোণবিশিষ্ট নয় সুগোল । কয়েকটি এনেছে ২৯৮

সোনার হারে গেঁথে বিশাখার জন্য। কিন্তু বিশাখা কোথায়? ভোজনের সময়ে মা এবং স্বশ্রুমাতা উপস্থিত ছিলেন। বিশাখা নাকি সজেব গিয়েছিল। মিগার এবং তাঁর গৃহিণী, সবিস্তারে শোনালেন তথাগত বুদ্ধের কাছে তাঁদের উপাসকত্ব নেওয়ার কাহিনী। সজেবর প্রসঙ্গ নিতান্ত আনমনে শুনেছে পুণ্যবর্ধন। কোনও গুরুত্ব দেয়নি। একপক্ষে এসব ভালোই। পুরস্কৃতদের মনোযোগ সংপ্রসঙ্গে আকৃষ্ট করে রাখে। বিক্ষিপ্ত হয়ে দেয় না। মা বিশাখার প্রশংসা করছিলেন সারাক্ষণ। সে যে কত পুণ্যবতী, কর্মিষ্ঠা সে সবেব বিবরণও তাকে শুনেতে হল। এ সকলই তার প্রছলন্ত বাসনায় ইচ্ছনস্বরূপ। না। পুণ্যবর্ধন আর ভুল করবে না। সে প্রতীচ্যের ধীমান পুরুষদের সঙ্গে মেলামেশা করে এসেছে। তেমনি আচরণ করবে। কিন্তু বিশাখা কোথায়?

নিশা প্রায় মধ্যযাম। পুণ্যবর্ধনের কক্ষের প্রদীপ সহসা বাতাসের ফুৎকারে নিবে গেল। দ্বার বন্ধ হওয়ার শব্দ হল। পুণ্যবর্ধন ডাকল—বিশাখা।

—বলুন প্রভু।

আশ্চর্য হয়ে আবার দীপ জ্বালল পুণ্যবর্ধন, কাকে সাড়া দিচ্ছে তার পত্নী? বিশাখা শয্যাপ্রান্তে বসে আছে। বন্ধাঞ্জলি। চোখ দুটি আধবোজা।

—বিশাখা, কাকে নমস্কার করছ প্রিয়ে, আমি কি তোমার নমস্কারের যোগ্য?

—যিনি যোগ্য তিনি গ্রহণ করুন।

—বিশাখা, এই কয় বৎসর যা চাও আমি তাই করেছি। বলতে বলতে পুণ্যবর্ধন বিশাখার গলায় হারটি পরিয়ে দেয়।

—সুখী হলাম। আপনার কল্যাণ হোক।

—প্রশ্ন করলে না তো কী কী করেছি?

—বলুন শুনছি।

—ধন উপার্জন করেছি। প্রভূত। বাণিজ্যকর্ম শিখেছি ভাল করে। বহু দেশ দেখলাম—গান্ধার, কাশ্মীর অবধি। আর...আর বিশাখা গণিকাগৃহে যাইনি একবারও।

—ভাল করেছেন। তথাগতের পক্ষ নিষেধের অন্যতম হল ব্যভিচার।

—কে এই তথাগত? পক্ষনিষেধ কী?

—তথাগত কে ধীরে ধীরে জানতে পারবেন। তিনি মহামানব, আপনার আমার মতো সাধারণ গৃহীকে সুন্দর জীবনযাপন করবার জন্য পক্ষশীল পালন করতে বলেন—ব্যভিচার নয়, পরদ্রব্য হরণ নয়, মিথ্যাভাষণ নয়, জীবহিংসা নয় ও সুরাপান নয়।

পুণ্যবর্ধন বলল—মুন্ন না দিয়ে কোনও বস্তুই গ্রহণ করিনি বিশাখা। মিথ্যাভাষণও করিনি, কিন্তু সূরা থেকে সবসময়ে বিরত থাকতে পারিনি। আর মৎস্য-মাংসাদি ভক্ষণকে যদি জীবহিংসা বলা, তা করেছি।

—ধীরে ধীরে হবে। একেবারেই কি প্রকৃষ্ট শীল পালন সম্ভব? আপনি তো অনেকটাই করছেন।

এই স্নেহবচনের কোমলতায় আর্দ্র হয়ে, শ্রণয়ে বাসনায় বিহ্বল হয়ে পুণ্যবর্ধন পত্নীকে গাঢ় আলিঙ্গন করল। তার উত্তরীয়ের বাতাসে প্রদীপ নিবে গেল।

—করুণা কর, করুণা কর হে তথাগত, এ তনুমনপ্রাণ সেই তাঁকে সমর্পণ করেছি প্রভু। এই চিদাকাশে তিনি স্বর্ণপলাশের মতো জ্বলছেন। সেই পলাশের ছায়ায় সারাঙ্গী বন বন্ধাঞ্জলি হয়ে বসে থাকব, কিছু চাইব না, শুধু সেই প্রভা আমাকে ঘিরে থাকবে, তাহলেই সন্তোষ পাব। যত কঠিনই হোক যত উৎকট হোক সব সহিতে পাব। সব।

অন্ধকারে কোথাও যেন আলো জ্বলল। প্রদীপের শিখা নয়। উজ্জ্বল দাঁড় দাঁড় আগুন নয়। কোথাও কোনও দুর্লক্ষ্য দীপবর্তিকা। শুধু যার চিন্ত দেখতে চাই সে দেখতে পায়। সেই আলোর রেখা ধরে এগিয়ে আসতে লাগলেন রক্তকাষায়মণ্ডিত এক কাঞ্চনদেহ শ্রমণ। চোখে ত্রিভুজ প্রেমের দ্যুতি। তিনি শূন্যপথে কক্ষের উর্ধ্ব থেকে নিচে নামলেন যেন সামান্য পাহাড়ের ঢাল অতিক্রম করছেন। কাষ্ঠকুট্টিমে তাঁর নগ্ন দুই সুন্দর চরণের শব্দ বাজছে না। আসছেন, আসছেন তিনি

আসছেন। তার ওষ্ঠ পীড়ন করছে মিগারপুস্ত তিন বছরের সঞ্চিত কামনায়, স্তনবৃন্ত বৃষ্টি ছিড়ে গেল তার নিষ্ঠুর পিপাসায়। নীবিবন্ধ খুলে যায়। উদ্বারিণি মন্থনে অধো-অরণিতে আগুন জ্বলে, বিশাখা অলৌকিক আনন্দে কাষায় বাহতে মাথা রাখে, আবিষ্ট চোখে শুধু আলোকসম্ভব এক দৃষ্টিপাত। তরঙ্গের পর তরঙ্গ আসে। রোমাঞ্চের পর রোমাঞ্চে, বর্ণনার অতীত হর্ষের সমুদ্রে সে আশিরবক্ষ্যোনি স্নান করে ডুবে যায়, শুধু চৈতন্যটুকু ভাসতে থাকে।

এইভাবেই বিশাখার পর পর যমজ্ঞ এবং একক সন্তান হয়— হর্ষ এবং মিত্র, তারপর সিরিমা ও সুমেধা, তারপর লৌহিতা, পিন্ধলা, তারপর রোহণ ও সবিতর, তারপর অনোমা, বিশ্বস্তর। কিন্তু দশটি সন্তানের জন্ম দেবার পরও বিশাখার কুক্ষিদেশ শিথিল হয় না, শ্রোণি অতি বিস্তৃত হয় না, কটি থাকে নির্মেদ, মুখশ্রী প্রফুল্ল, সরল কিশোরশ্রীমণ্ডিত। এবং মিগার গৃহিণীসহ গৃহের যতক পুরস্ত্রী গৌরব করতে থাকেন। —সে কি, তোমরা জানতে না আমাদের সুখা যে বয়ঃ কল্যাণী। আমৃত্যু বিশাখা এইপ্রকারই থাকবে। পুন্ন বদধন ধরে বসেছিল যে পঞ্চকল্যাণী কন্যা না হলে বিবাহ করবে না। তাই তো সন্ধান করে করে আসমুদ্র হিমাচল জম্বুদ্বীপ ছেনে ছেনে এমন রত্ন আনা হয়েছে।

—আসমুদ্র হিমাচল ? সমুদ্রতীরবর্তী দেশগুলিতেও যাওয়া হয়েছিল নাকি ?

—না তা হয়নি অবশ্য।

—তবে হিমাচল ?

—তাও হয়নি। কেন যেতে হবে ? এই সাকেতেই পাওয়া গেল কি না !

তবে এসব অনেক পরের কথা।

৫

আজ অতি প্রত্যুষে স্নান সেরেছেন সুমনা। তাঁর হৃদয়ে আজ অভ্যস্ত প্রশান্তি। কয়েকদিন আগেকার তমিষা যেন মন্ত্রবলে কোথায় অপসৃত হয়েছে। কথা তাঁর মাথায় উপর নিষ্ক জল ঢালছে। হাত পা সব ভালো করে মেজে দিচ্ছে ধনপালী। সুমনা হাসিমুখে তাড়না করছেন ধনপালীকে— হয়েছে, হয়েছে আর কত মাজবি ? পা দুটি যে রক্তবর্ণ হয়ে উঠল।

ধনপালী বলে—আর একটু দেবী, আর একটু ধৈর্য ধরুন। বসন্ত সমাগমে পুরাতন ত্বকগুলি জীর্ণ হয়ে নূতন ত্বক জন্মাচ্ছে, সেই নূতন ত্বককে পথ করে দিতে হবে তো। আর ওই নূতন ত্বকের বর্ণ হল পশ্চের কোরকের মতো। আমি মেজে মেজে আপনার ত্বক রক্তবর্ণ করিনি দেবী।

—ভালো ভালো পালি, প্রসাধনাচার্যা পালি, বিসাখার কাছে যে শুনলাম লিপি অভ্যাস করছিস, কী হল ?

কথা উত্তর দিল—তা যদি বলেন দেবি, ও সবে পারদর্শী হয়ে উঠছে ময়ুরী। আমরা দুজনে ওই যে বললেন প্রসাধনাচার্যা...

সুমনা হেসে বললেন—আচার্যা হলে কী কী শেখাবি কথা।

ধনপালী বলল—ও কী জানে। আমি কী শেখাবো শুনুন। প্রসাধনে প্রথম স্থান সুবোধনের। এতে দেহে রক্তগুলি অবাধে চলাচল করতে পায়, ফলে ত্বকে আসে দীপ্তি, সংবাহনের পর প্রাণশক্তি কর্মশক্তি দ্বিগুণিত হয়ে যায়। সংবাহনের প্রক্রিয়া আছে, সঠিক না জেনে করলে শরীরের চেয়ে হানিই অধিক।

—এই বিদ্যাটি কি তুই কুক্ষিগত করে রেখে দিবি ঠিক করেছিস ?

ধনপালী বলল—তা নয়, কিন্তু যথার্থ শিষ্যা না পেলে শেখাবোও না।

কথা বলল—না দেবি সংবাহনই সব নয়। দুষ্কর্যন করলে ত্বকের কোমলতা, মসৃণতা বাড়ে, আর গৌরবর্ণ হতে হলে হিন্দুলচূর্ণ ব্যবহার করতে হয়। চর্মার হিন্দুল ব্যবহার করলে শঙ্কুশ্বেত বর্ণ হবে, হরিদ্রাভ বর্ণ যদি চান তো শুকতণ্ডুক হিন্দুল চাই, আর পদ্মকোরকের মতো বর্ণ পেতে হলে হংসপাদ হিন্দুলই প্রশস্ত। তবে দীর্ঘদিন হিন্দুল ব্যবহার করা ভালো নয়, পারদ আছে তো ! ত্বকে যাতে কোনপ্রকার ব্যাধি না-হয় সেইজন্যই হরিদ্রা কাঁচা অবস্থায় পেষণ করে প্রলেপ লাগানো উচিত।

ধনপালী ও সুমনা হাসছেন দেখে কহা অপ্রতিভ হয়ে খেমে গেল ।

সুমনা বললেন—আমাদের সাকেতের গৃহে যে নিবাদ-দাসী রত্নিকা রয়েছে ওর গাত্রবর্ণ শ্বেতকাঞ্চন করতে পারিস ?

কহা বলল—আপনি পরিহাস করছেন দেবী, কিন্তু নিয়মিত এগুলি ব্যবহার করলে রত্নিকারও গাত্রবর্ণের উন্নতি হবে, তবে প্রয়োজনই বা কী ! দেবী উপ্পলবননাকে দেখেছেন ? নীল পদ্মের অভ্যন্তরের মতো গাত্রবর্ণ । কী অপরূপ সুন্দরী । বিসাখা ভদ্রার রূপ যদি বসন্তের সকাল হয়, যখন চতুর্দিকে গাছে গাছে পত্রোদগম হচ্ছে, সূর্যরশ্মি বক্রভাবে পড়ছে নির্মল তড়াগের জলে, তা হলে উপ্পলবননা যেন শীতরাত্রির আকাশ । নক্ষত্রময়, কৃষ্ণদীপ্তি । স্তব্ধ, বোধের অতীত, অনুশাখ্য ।

—কে বলে কহা তুই প্রসাধনচর্চা ছাড়া আর কিছু শিখিসনি—সুমনা বললেন, তাঁর মুখে কৌতুকের সঙ্গে প্রশংসার, অভিব্যক্তি মিশে আছে ।

কহা লজ্জা পেয়ে নীরব হয়ে গেল । কিন্তু ধনপালী উৎসাহিত হয়ে বলল—কহা আজকাল অনেক সূক্ত রচনা করে দেবী, ওকে বলতে বলুন । ওর কিন্তু সতাই নতুন নতুন ক্ষমতা জন্মাচ্ছে । একমাত্র বিসাখা ভদ্রা ছাড়া আর কারও সাক্ষাতে বলে না ।

কিছুক্ষণ সাধ্য-সাধনার পর কহা সুমনার স্নান শেষ করিয়ে তাঁর গায়ে একটি স্থূল পট্টবসন জড়িয়ে দিল । তারপর নতমুখে ধীরে ধীরে বলতে লাগল—

নখের প্রভায় মূর্ছা যায় লোকে

এতো রূপ !

দু হাতে বর্ষণ করেও ফুরোয় না

এতো ধন ।

জয়ধ্বনি ওঠে দিকে দিকে

এতো যশ !

শুধু দর্পণে বিহ্বিত দেখি দাসী ।

বিস্মিত চোখে কহার দিকে চেয়ে সুমনা বললেন— কহা, পালী, বিসাখা তোদের মুক্তি দিয়েছে না !

ধনপালী বলল—হাঁ দেবী, আমরা যেদিন ইচ্ছা চলে যেতে পারি । কিন্তু যেতে ইচ্ছা হয় না ।

কহা ধীরে ধীরে বলল—কোথায়ই বা যাবো দেবী ?

—বিসাখা তোদের বিবাহের ব্যবস্থা করছে না ?

—বিবাহ করলেও তো দাসীই থাকব !

সুমনা চমকে উঠলেন, কহা বলল—কারও না কারও ইচ্ছাধীন তো থাকতেই হবে ।

—স্বৈচ্ছাচারী হতে চাস !

—স্বৈচ্ছাচারেই বা সুখ কই ! সেও তো স্বভাবের দাসীত্ব দেবি ।

—তা হলে তোর বিচারে মুক্ত কে ? আমাকে মুক্ত মনে করিস ।

—না দেবি ! গহপতি আপনাকে বাঁধেন না, আপনার অনেক ধন, অনেক রূপ, কিন্তু কই মুক্ত আপনি ! কার ইচ্ছায় কদিন ধরে আপনার মুখ আঁধার ছিল ? আহারে রুচি ছিল না । প্রসাধনে মন ছিল না, দুঃখিনী অনাথার মতো ভূমিশয়া অবলম্বন করেছিলেন ?

আবার কার ইচ্ছায় এমন করে হেসে উঠেছেন ? কহার সঙ্গে পালীর সঙ্গে রক্ষসীপ করছেন ?

—কোথা থেকে এরূপ কথা বলতে শিখলি কহা ?

—কী জানি ? কহা তার কালো চোখ দুটি সুমনার দিকে পরিপূর্ণ মৌলিক বলল ।

—তুই কি ভিক্ষুণী হবি, কহা ?

—স্থির করতে পারি না দেবী, ভিক্ষুণীদের কুটীরে যাই, সেখানেও শান্তি দেখি না ।

—সে কী ? কী দেখিস তবে ?

—ছব্বগণীয় (ষড়বর্গীয় ছ জনের দল) ভিক্ষুরা আছে, তারা ভিক্ষুণীদের গায়ে জল ছিটিয়ে দেয়, অশ্লীল বাক্য বলে, পথে ঘাটে দাঁড়িয়ে কৌতুক করে । কিন্তু তথাগত নিয়ম করেছেন ভিক্ষুণীরা

কখনও ভিক্ষুদের বিচার করতে পারবে না । নিন্দা করতে পারবে না । তাই নীরবে সব সহিতে হয় ।  
—বলিস কী ? শুনেছিলাম অবশ্য অট্টশ্লোকশ্রম্য আজীবন পালন করার শর্তে মহাপ্রজাবতী ভিক্ষুণীসঙ্ঘ স্থাপন করতে পেরেছিলাম । কিন্তু তাই বলে ভিক্ষুণীদের অপমান হবে, তাঁরা কিছু বলতে পারবেন না ?

কহা বলল—জ্ঞানের তো দেবী, কয়েকজন ভিক্ষুণী আছেন কেউ কেউ পূর্বজীবনে দাসী ছিলেন । কিংবা দরিদ্রঘরের গৃহিণী ছিলেন । নিজেদের মধ্যে বলাবলি করেন—কী শ্রম ! কী শ্রম ! পববজ্যা নিয়ে অন্তত তিন প্রকার বক্র পদার্থ থেকে তো মুক্তি পেয়েছি—উদ্বল, মুম্বল ও কুঞ্জস্বামী । আবার কয়েকজন আছেন, নিজেদের মধ্যে পরামর্শ করে যে-গৃহে ভালো ভিক্ষা পাওয়া যায় সেখানে যান, অন্যদের যেতে দেন না সাবধানে গন্তব্য লুকিয়ে রাখেন । ...এখন এই যদি সংসারবিমুক্তাদের অবস্থা হয় তো সেখানে গিয়ে মুক্তি সন্ধান করে কী লাভ ?

সুমনা অবাক হয়েছিলেন । ময়ূরী তাঁর বেষবাস নিয়ে আসতে তিনি যেন বহু দূর থেকে ফিরে এলেন ।

ময়ূরী বলল—দেবী এত কী চিন্তা করছেন ?

ধনপালী বলল—দ্যাখ না, কহা একরাশি কথা বলে দেবীকে উৎকণ্ঠিত করল ।

কহা হাত জোড় করে মার্জনা চাইতে যাচ্ছিল, সুমনা তার হাত দুটি ধরে তাকে নিবৃত্ত করলেন, তারপর বললেন—না না পালি, ও কথা বলিস না, আচ্ছা কহা ভিক্ষুণী সঙ্ঘের মধ্যে আর কেমন নারী দেখিস ?

—সকলে তো আর এক স্থানে থাকেন না দেবি, যেমন যেমন পান তেমন তেমন থাকেন, ভিক্ষুদের জন্য ওইরূপ রাজকীয় বিহার, ভিক্ষুণীদের জন্য কিছুই নেই । সন্তানশোকে অধীর হয়ে যারা পব্বজ্যা নিয়েছেন যেমন ভিক্ষুণী গোতমী, ভিক্ষুণী পটাচারী এঁরা তো সদাই ধ্যানে মগ্ন থাকেন, স্বঘ্নচালিতের মতো দৈনন্দিন কর্ম করে যান, শুনতে পাই শীঘ্রই অর্ষ লাভ করবেন ; কয়েকজন আছেন যেমন ভদ্রা কুণ্ডলকেশা...জ্ঞানের তো ইনি হত্যা করেছিলেন...

—হ্যাঁ হ্যাঁ জানি, দুর্বৃত্ত স্বামী ভদ্রাকে হত্যা করার অপচেষ্টা করায় ভদ্রা তাকে পাহাড় থেকে ফেলে দেয়...

—শুনেছি দেবি ; ইনি অত্যন্ত তেজস্বিনী, আমার কেমন ভয়-ভয় করে । আর অগগসাবিকা খেমা তো রূপে-বৈদম্বে অতুলনীয়, দূর থেকে দেখি যেমন করে মধ্যদিনের সূর্যকে দেখে মানুষে, তুলতে পারি না তিনি রাজ্ঞী ছিলেন, রাজকন্যা ছিলেন । ভিক্ষুশ্রম্য গ্রহণ করলেও এইসব সংস্কার, পার্থক্য থেকেই যায় দেবি ।

—আর দেবী মহাপ্রজাবতী ? দেবী যশোধরা ?

—ওঁরা তো বৈশালীতে । বৈশালীতেই সবচেয়ে বড় ভিক্ষুণী উপসয় (উপাশ্রয়) তো !

সুমনা বেষবাস শেষ করে নিলেন । অনেকদিন পরে তাঁর হৃদয়ের মধ্যে আবার সেই প্রথম যৌবনের স্মৃতি । কুশাবতী মল্ল...কুশাবতী মল্ল । সমস্ত হৃদয় দিয়ে যদি কাউকে শ্রদ্ধা করে থাকেন, তিনি হলেন কুশাবতীমল্ল । স্বরূপমল্ল ও কুশাবতীমল্ল । তাঁকে কত শিখিয়েছিলেন, এঁরা । ধনূর্বাণচালনা, অসিচালনা, অস্বারোহণ, মল্লবিদ্যা, হস্তি-বিদ্যা, শিখিয়েছিলেন দৌত্যকর্ম, রাষ্ট্রশাসনের মূল নীতিগুলি । কী উৎসাহ তখন ! কী তেজ ! প্রতিটি দিন মনে হত এই জীবন আমার, এই পৃথিবী আমার, এই আকাশ-বাতাস সবই বড় অনুকূল । স্বরূপমল্ল বলতেন— আকাশে সূর্যের মতো বাঁচতে হয় । বিমল শক্তি ও বোধির নব্র বিভায় ধীরে ধীরে মনুষ্যকুল আলোকিত করে, তারপর তেজে সব ক্ষুদ্র, অশুভ বস্তু পুড়িয়ে দিয় । স্বরূপের মত ছিল, নারী পুরুষ সবাইকে অস্ত্র ধরতে জানতে হবে । এখনও সুমনা স্পষ্ট শুনতে পাচ্ছেন স্বরূপের কঠোর মল্লদের একসময়ে ছিল গোষ্ঠীজীবন । পশুপালন, মৃগয়া, রন্ধনাদি গৃহকর্ম, শিশুপালন সবই নারী-পুরুষ একত্রে করত । তারপর ভূমি শ্যামস্বর্ণ উপহার দিল, তখনও পাশাপাশি কস্মন করেছে নারী-পুরুষ, বীজবপন ও শস্য কাটার কাজ নারী, ভূমি প্রস্তুত, ভূমিতে লাঙল দেওয়া পুরুষ । শিশু যতদিন না একটু বড় হত মা গৃহে থাকত, শস্য বাছা, মণ্ড প্রস্তুত করা, চক্র ঘুরিয়ে মৃৎপাত্র নির্মাণ করা—এই সকল করত । তারপর বিদ্যা ৩০২

এলো। বালক-বালিকা তখনও একত্রে বিদ্যা শুনেছে। সঙ্কীর্ণ সম্পদ বাড়ল, গোষ্ঠীর মধ্যে দেখা দিল ক্ষুদ্র ক্ষুদ্র পরিবার, সম্পদ আগে গোষ্ঠী পেত, এখন বিবাদ আরম্ভ হল, গোষ্ঠী পিতা গোষ্ঠীমাতা হয়ত অন্যায্য কর্ম করেছিলেন কোনও সময়ে, তাঁদের কথা কেউ মানল না, সব পিতারা একত্র হয়ে স্থির করল, তাদের সন্তানরা তাদের সম্পদ পাবে, নারীরাও অন্য কারো সন্তান যাতে ধারণ করতে না পারে, তাই তাদের স্বচ্ছন্দতা বন্ধ হতে থাকল, বন্ধ হল যুদ্ধ, বন্ধ হল বিদ্যা। এখন সেই মল্লরা কোথায়? জম্বুদ্বীপের ভূমিতে মল্ল-চিহ্ন না থাকারই মতো। কুশাবতী সেই বীর মল্লনারীদের শেষ চিহ্ন। কুশাবতীর বংশ বাঁচিয়ে রেখেছিল অস্ত্রবিদ্যার চর্চা। সেই কুশাবতীর ভাই বন্ধুল ও তার পত্নী মল্লিকার সঙ্গে সম্প্রতি আলাপ হল। ভাবতে ভাবতে রোমাঙ্কিত হয়ে উঠলেন সুমনা। সেই বন্ধুল যিনি ছিলেন মল্লকুলের মধ্যে শ্রেষ্ঠ অসিচালক, ধনুর্গ্রহ, তক্ষশিলায় পসেনদির সতীর্থ। ষড়যন্ত্র করে মল্লরা এই বীরপুরুষকে এমন ক্ষুণ্ণ করল যে তিনি চলে গেলেন কোসল রাজ্যে। নিজের স্বাধীনতা চিরদিনের মতো বিসর্জন দিয়ে। মল্লিকার কাছে শুনছিলেন কীভাবে তার প্রথম সন্তান হবার সময়ে দোহদ পূর্ণ করতে বন্ধুল তাকে বৈশালীর অভিষেক হুদে স্নান করিয়ে এনেছিলেন। ওই হুদে শুধুমাত্র সংস্থানায়কদের অভিষেকস্নান হয়, সারাক্ষণ প্রহরা থাকে। মল্লিকাকে নিয়ে বন্ধুলের রথ যখন শ্রাবস্তীর দিকে ছুটে চলেছে প্রহরারত সৈনিকেরা তাঁদের পশ্চাদ্ধাবন করে। একটি সংকীর্ণ পথে যখন তারা দীর্ঘ একটি পঙ্ক্তিতে আসছিল, তখন বন্ধুল একটিমাত্র তীরে তাদের সবাইকে বিদ্ধ করেছিলেন।

কুশাবতীর কণ্ঠ শুনতে পান তিনি, তখন তাঁর চোদ্দ বছর বয়স, সবে রজোদর্শন করেছেন। কুশাবতী করুণ স্বরে বললেন—প্রকৃতির পাশে বাঁধা পড়ে গেলে সুমনা। এখন থেকে প্রতিটি পুরুষকে ভয় করে চলতে হবে পাছে সে তোমার গর্ভে অবৈধ সন্তান উৎপন্ন করে।

সুমনা বলেন—কেন আচার্য্য, ছুরিকা রাখব সঙ্গে, তাছাড়া মল্ল কৌশলগুলি তো আছেই।

—তা সত্য। কিন্তু এগুলি প্রয়োগ করতে হবে, এটাই কি চরম দুঃখের কথা নয়? যার সঙ্গে একদিন পাশাপাশি কাজ করেছি, বিদ্যাভ্যাস করেছি, যুদ্ধ করেছি, যার প্রণয়ের আহ্বানে সাড়া দিয়েছি, তার বিরুদ্ধে আজ অস্ত্রধারণ করতে হচ্ছে এর চেয়ে সর্বনাশ আর কিছু আছে?

—কেন আচার্য্য, পূর্বে কি পুরুষেরা নারীদের প্রতি বলপ্রয়োগ করত না?

—কখনোই না। কোনও নারীর প্রতি আকর্ষণ জন্মালে, অনুরাগ জন্মালে তাকে প্রণয়-সম্ভাষণ করত মল্লপুরুষ, নারীর যদি তাতে অনুরাগ জন্মাতো তখনই তারা মিলিত হত।

—কিন্তু এই যে গোষ্ঠীতে গোষ্ঠীতে বিবাদ, কৌমে কৌমে যুদ্ধ। তখন তো শুনেছি, বিজিত নারীদের যথেষ্ট বেঁধে নিয়ে যাওয়া হত, অত্যাচার করা হত।

—তখন নারী অস্ত্র ফেলে দিয়েছে সুমনা।

—সেই সময়ের থেকে অন্তত আমরা ভালো আছি। তাই নয় আর্যে!

—তা ঠিক। কিন্তু নারীর গর্ভধারণ ও প্রজাবৃদ্ধির ওপর এত গুরুত্ব দেওয়ায় নারীর সর্বনাশ তো হচ্ছেই, সমাজেরও সর্বনাশ হচ্ছে।

—কী ভাবে? —সুমনা অবাক হয়ে প্রশ্ন করে, প্রজাবৃদ্ধির অর্থ তো শক্তিবৃদ্ধি?

—সুমনা, প্রিয় শিষ্যা আমার, যত প্রজাবৃদ্ধি হবে এই ভূমির জন্য, সম্পদের জন্য প্রতিযোগিতা, বিবাদ ততই তীব্র হবে। ততই উদ্বৃত্ত হয়ে যাবে মানুষ। দেখো না, আমাদের গৃহে গৃহে কত দাস-দাসী! একটি পুরুষ অন্তত তিনটি কি চারটি স্ত্রী রাখছে। প্রতিটি স্ত্রীর তিন দশটি সন্তান হয়, তাহলে এক পরিবারে এক প্রজন্মে চল্লিশজন প্রজা বেড়ে যাচ্ছে। ভূমিতে জন্ম কুলোচ্ছে না। নূতন ভূমি প্রয়োজন হচ্ছে। নূতন ভূমি না পাওয়া গেলে কয়েকটি মানুষ উদ্বৃত্ত হয়ে যাচ্ছে। এই ভাবে আমি চোখের সামনে দেখতে পাই সমগ্র পৃথিবী প্রজায় ভরে যাচ্ছে, তাদের ভরণ করবার মতো ক্ষেত্রভূমি, বনভূমি, চারণভূমি নেই। পৃথিবী কম্পিত হচ্ছে কীভাবে আঘাতে, আবর্জনায় ভরে যাচ্ছে মুক্ত ভূমি। পুরুরিণী, নদী সব নানারূপ মলে পরিপূর্ণ। বাতাস কলুষিত হয়ে যাচ্ছে এবং দাসদের আর্তনাদে পরিপূর্ণিত হচ্ছে এই জম্বুদ্বীপ। কয়েকজন মাত্র প্রভু, আর সবাই দাস। নারীরা তো দাসী বটেই। গৃহদাসী, গর্ভদাসী, রূপদাসী।

কুশাবতীর মতো চিন্তা করতে কাউকে আজ অবধি দেখেননি সুমনা। আজ কহার কাছ থেকে শুনলেন গৃহশ্রমের বিপুল ভার থেকে মুক্তি পেতে প্রব্রজ্যা নিচ্ছেন নারীরা, অবাকিত স্বামীর হাত থেকে মুক্তি পেতে নিচ্ছেন। সন্তানহারা জননী, প্রেমবঞ্চিতা রমণী যে প্রব্রজ্যা নেন তা তিনি আগেই জানেন। এ নিয়ে হয়ত এত চিন্তা করতেন না, যদি না তাঁর নিজের কন্যাকে নিয়ে প্রশ্ন দেখা দিত। বিশাখা, যাকে তিনি সর্বপ্রকার বিদ্যা, স্বাস্থ্য ও মুক্তির অধিকার দিয়ে বড় করে তুলেছেন, যে বিশাখা রূপে গুণে, সেবায়, কর্মে, মহত্বে নারীত্ব, মনুষ্যত্ব সেই বিশাখাকে কিনা বিবাহ করতে হল কৃপণ, নীচমনা মিগারের কুলে, তার নীচমনা, রমণীর মতো দেখতে পুত্র পুণ্যবর্ধনকে! হ্যাঁ, তাঁর কোনই সন্দেহ নেই পুণ্যবর্ধন একটি অতি সাধারণ পুরুষ, বিশাখার স্বামী হবার কোনও যোগ্যতাই তার নেই। তাঁর নিজের এই-ই ধারণা। ধনপালী তাঁকে সামান্যই ইঙ্গিত দিয়েছে, খুলে বলেনি কিছু, কিন্তু তিনি বুঝতে পেরেছিলেন। অথচ কাউকে দোষ দিতে পারেন না। ঘটনাক্রম, ভবিষ্যৎ এ ছাড়া আর কিছুই নয়। বিশাখার অতিরিক্ত বুদ্ধভঙ্গির মূল কারণ যে তার এই বিপুল অশান্তি ও হতাশা, প্রেমহীন জীবনের উষ্মতা সামনে দেখে তাঁর কন্যা যে তথাগতর শরণ নিয়েছে এতে তাঁর সন্দেহমাত্র নেই। তাঁরও না, ধনঞ্জয়েরও না। উপাসক তো তাঁরাও। বিশাখার মতো দুবেলা সজ্জ যাবার প্রয়োজন তো তাঁদের হয় না! এতো অল্প বয়সে এই কর্মভার! এ-ও তাঁরা বুঝতে পারেন না। তার জীবনের সর্বব্যাপী অতৃপ্তিকে তাঁর বুদ্ধিমতী সৌম্যস্বভাবা কন্যা কর্মে, সেবায়, আরাধনায় ভুলতে চাইছে। কন্যার চোখের সেই অশ্রুকাণ্ড, সেই করুণ ঘোষণা—আমি পরাজয় স্বীকার করবো না মা! ভাবতে সুমনার হৃৎকম্প হচ্ছে। অথচ এ ছাড়া আর উপায়ই বা কী! একবার মোক্ষক্রিয়া করাবার সুযোগ এসেছিল। হল না। মর্যাদাস্ত্রানের গতি অতি সূক্ষ্ম। তিনি প্রস্তুত ছিলেন, কিন্তু বিশাখা তো প্রস্তুত ছিল না। শেষ পর্যন্ত সেই অবাকিত পতিসঙ্গ যা মনে করতেও তার মুখ শুষ্ক হয়ে যায় সেই ভবিষ্যৎই মনে নিল কন্যা। তাঁর তো সাকেত ফেরবার সময় এসে গেল। বিশাখার মুখে কদিন গভীর আনন্দের বিভা দেখেছেন। সুমনা চিন্তাশীল—যুগপৎ হর্ষ ও বিবাদ বিশাখার আচরণে কেন? এ রহস্য তাঁকে ভাবায়। কিন্তু স্বভাবে তিনি আনন্দময়ী। কন্যার সুখ তা যে ভাবেই আসুক, তাঁকে সুখী করেছে। তিনি অনুভব করছেন বিশাখা তাঁর গর্ভ থেকে ছিন্ন হচ্ছে। কোন্ পৃথিবীতে সে প্রস্থান নেবে, কোন্ ভূমির অন্ন গ্রহণ করবে, কোন্ নদীর জল সে পান করবে এখন সে নিজে স্থির করে নিচ্ছে। সুমনার ভূমিকা সেখানে অল্পই।

তিনি সম্মুখে কহাকে বললেন—আমার সঙ্গে সাকেতে যাবি?

কহা বলল—যাবো, যাবো দেবী। নিশ্চয় যাবো।

অপরাত্নে আজ শেষবারের মতো জেতবনে গিয়ে সংবাদ শুনে স্তম্ভিত হলেন সুমনা। উৎপলবর্ণা, সেই নীলোৎপলের মতো বর্ণ, নীলোৎপলের মতো চোখ, নীল জ্যোৎস্না রাত্রির মতো কেশ, উৎপলবর্ণা প্রব্রজ্যা নিয়েছে। সজ্জ একটা চাপা উদ্ভেজনা, শ্রমগাদের মধ্যে দমিত উল্লাস, সমবেত শ্রাবকদের মধ্যে সন্ত্রমমিশ্রিত বিবাদ লক্ষ্য করলেন সুমনা। উৎপলবর্ণা বহু যুবকের বাঞ্ছিত ছিল। সে অধিক কথা বলত না। বিশাখার মতো হাস্য-পরিহাসে পটু ছিল না। বিশাখা মৃদুস্বরে বলল—মা, আমি জানতাম এইরূপই হবে।

—কেন? সুমনা জিজ্ঞাসা করলেন, —উৎপলবর্ণা কি একথা বলেছিল?

—না মা, উপ্পলবর্ণার কথা বড় দুঃখের।

—মুখভাব দেখে যেন সেইরূপই মনে হত। কিন্তু কেন?

—ওর পিতা সেটাই হলেও সুদস্তপমুখের মতো ধনী নন। ও বড় হতে না হতেই যোগ্য-অযোগ্য নানা প্রকার আঢ্য যুবক, প্রৌঢ়, ধনী রাজ-অমাত্য, তাঁদের পুত্রবাসনায় ওর পাণিপ্রার্থী হয়ে দাঁড়ায়। কিন্তু আমি জানি উপ্পলবর্ণা তার এক মাতুলপুত্রের অনুরাগিনী ছিল। এত সব ক্ষমতাসালী ব্যক্তি ওকে বিবাহ করতে চাইছিলেন যে ওর পিতা অত্যন্ত বিপদে পড়ে গিয়েছিলেন। একজনের সঙ্গে বিবাহ দিলে অন্যান্যরা ক্রুদ্ধ হবেন। আর মা, সাবস্থিতে অমাত্যদের রাগিয়ে কেউ থাকতে পারে না। আমার অনুমান, নিরুপায় হয়ে উপ্পলবর্ণার পিতা তাকে সজ্জপ্রবেশ করতে পরামর্শ



দিয়েছেন ।

সুমনা অন্যমনা হয়ে বললেন—দর্পণে বিস্থিত দেখি দাসী...

—কী বললে মা ! —বিশাখা জিজ্ঞেস করল ।

—কিছু না বিসাখা, ভাবছিলাম অম্বপালীর কথা । বহু ব্যক্তি তাকে বিবাহ করতে চেয়েছিল বলে সে গণিকা হল । আর এই উপ্পলবননা হল শ্রমণা, একই কারণে ।

—মা, উপ্পলবননার ভাগ্য দেবী অম্বপালীর থেকে ভালো নয় ? —বিশাখা মায়ের দিকে জিজ্ঞাসু দৃষ্টিতে তাকাল ।

সুমনা বলেন—মূলত দুজনের ভাগ্যই এক, একেবারে এক । ভেবে দেখো বিসাখা, নিরুপায় রমণী । এত রূপ-গুণ, কিন্তু পুরুষের ইচ্ছার অধীন । সমাজের নিয়ম-নীতিগুলি তো পুরুষরাই গড়ে ।

—মা, পুরুষরা না-গড়ে যদি নারীরা গড়ত, তাহলে সমাজ কেমন হত ?

সুমনা সহসা উত্তর দিতে পারলেন না ।

—অন্ততপক্ষে ভিক্ষুণী বা স্বৈরিনী হওয়া তার ইচ্ছাধীন থাকত । —একটু ভেবে তিনি বললেন ।

—আচ্ছা মা । নারী কি পুরুষকে এভাবে অধীন রাখতে পারতো ? পুরুষের বাহুবল তো অধিক ।

—বিসাখা, নারী ইচ্ছা করলে অনুশীলন করলে, বলে পুরুষের সমকক্ষ হতে পারে তুমি তো জানো ।

—তাহলে কি এখন পুরুষ অধিকাংশই যেমন স্বেচ্ছাচারী, ব্যভিচারী, নারী, তেমন হত ?

সুমনা চিন্তা করে বললেন—হয়ত । কিন্তু নারীকে গর্ভে সন্তানধারণ করতে হয় বলে সে পুরুষের মতো ব্যভিচারী হতে পারে না বিশাখা । প্রকৃতি তাকে বাধা দেয় । কিন্তু তুমি নারীর গড়া সমাজের কথাই বা ভাবছো কেন ? এমন সমাজও তো হতে পারে যেখানে উভয়ে মিলে নিয়মগুলি গড়ে । কারুরই অধিকতর প্রাধান্য নেই !

—কিন্তু মা বাহুবলের যেমন সাম্য হয় না, বুদ্ধিবল, অর্থবল, এগুলিরও তো কোনও সাম্য দেখি না । আর যারই ক্ষমতা একটু অধিক, সে অল্প ক্ষমতার মানুষের ওপর কর্তৃত্ব করে । আমাদের স্টেটিদের অর্থবল অধিক বলে কত মানুষকে আমরা কিনে রেখেছি । আমাদের বুদ্ধিবল, বিদ্যাবল অধিক বলে, এসব বল যাদের অল্প তারা আমাদের সন্ত্রম করে । আর দণ্ডনীতি রাজা ও রাজপুরুষদের হাতে বলে তাঁরা সবাইকার ওপর কর্তৃত্ব করেন । নারীই গড়ুক, পুরুষই গড়ুক এই ক্ষমতাভেদ থাকবেই ।

সুমনা চিন্তিত হয়ে বললেন— তুমি তো ঠিকই বলেছো বিসাখা, তুমি এই ক্ষমতাভেদের বিষয়টি কী করে চিন্তা করলে ?

—মা, আমি মহিষী মল্লিকাদেবীর কাছে যাই, সেনাধ্যক্ষ বঙ্কল ভদ্র ও তাঁর পত্নী দেবী মল্লিকার কাছে যাই, গহপতি প্রতদ্বন্দ ও সুনক্ষত্র গৃহেও যাই । অমাত্য আৰ্য মৃগধর, আৰ্য সিরিভদ্র এঁদের গৃহেও আমার যাতায়াত আছে । মা, সাকেতে আমি নিজ গৃহসীমা, পরিবারসীমার মধ্যে থাকতাম, অত দেখিনি । এখানে কত দেখি, তা ছাড়াও এখানে মহাশ্বাদের কথা শুনি ধর্মসেনাপতি স্থবির সারিপুত্র, স্থবির মহামোগ্গল্লান, ভিক্ষুণীদের কথাও শুনি । শুনে শুনে দেখে দেখে এইটুকু বুঝেছি ।

—মহামোগ্গল্লান বা খের সারিপুত্র কোনও বিকল্পর কথা বলেন না ?

—বলেন মা, তথাগত যা বলেছেন তা-ই বলেন, মৈত্রী, করুণা, মুদিতা, উপেক্ষা ।

—এইগুলি তো ব্রহ্মবিহার ? ধ্যানের বিষয় বিশাখা !

—হ্যাঁ, মা তাই । কিন্তু আমি ভাবি শুধু ধ্যান কেন, এগুলি জে আমাদের দৈনন্দিন কর্মেরও বিষয় হতে পারে । সর্বপ্রকার জীবের প্রতি শুধু মৈত্রীভাবনা নয়, মৈত্রী পূর্ণ ব্যবহারের অভ্যাস যদি আমরা করি, যদি করুণার অনুবর্তী হয়ে সবার দুঃখমোচনের চেষ্টা করি, সুখী ব্যক্তির সুখ স্থায়ী হোক এভাবে চিন্তা করি, যদি ভাবি সকল জীবই সমান, কেউ কারো থেকে অধিক প্রীতি বা অধিক ঘৃণার পাত্র নয়,

সবল-দুর্বল, ধনী-দরিদ্র, বৃদ্ধ-যুবা, সুন্দর-অসুন্দর সকলে সমান, তাহলে ?

—কন্যা, তুমি নিজেই তে, বললে ক্ষমতাভেদ জীবজগতের নিয়ম। তাকে মানুষ কী করে অতিক্রম করবে ?

—ক্ষমতায় সমান হওয়া সম্ভব নয় মা, এবং তা হলে জগৎ-সংসার সুষ্ঠুভাবে চলাও দুষ্কর। কিন্তু মৈত্রী ও করুণার পূর্ণ ব্যবহার করতে তো কোনও অসুবিধা নেই ! ক্ষমতাভেদ, কর্তব্যভেদ, কৃতিভেদ থাকলো। কিন্তু বিচারভেদ, দৃষ্টিভেদ রইলো না। ভিক্ষুরা নির্জনে বসে এই চতুর্ভাবনা এবং আরও একটি ভাবনা 'অশুভ' অর্থাৎ আমাদের দেহ ঘৃণিত বস্তু, জীবন জন্মমৃত্যুর অধীন—এই ভাবনা অভ্যাস করেন। কিন্তু আমরা গৃহীরা সদাই নানাপ্রকার কর্মে নিরত, যদি মৈত্রী-তত্ত্বকে কেন্দ্র করে আমাদের ব্যবহারিক জীবন চালিত করতে পারতাম ! তবে, একমাত্র তবেই সেই বিকল্প সমাজ গড়ে উঠতে পারত।

সুমনা হেসে বললেন— বিশাখা, ধরো তথাগত বুদ্ধ ও তাঁর ভিক্ষুকুলের প্রচারগুণে, প্রভাবগুণে মানুষ তোমার এই মৈত্রীভাবনায় প্রতিষ্ঠ হ'ল। এক আদর্শ সমাজ, আদর্শ লোকব্যবহার, আদর্শ জীবনযাত্রা আমরা সবাই পেলাম। তখন তোমার তথাগত বুদ্ধের নির্বাণের কী হবে ? দুঃখ-দুর্দশার অংশটুকু বাদ গেলে তো এ জীবন পরম সুখময়। নির্বাণামৃতের জন্য তখন কে-ই বা সংসার-ত্যাগ করবে ?

—বিশাখা বলল— মা, তথাগত বুদ্ধ তাঁর ধম্মকে নদীপারাপারের ভেলা বলেছেন, নদী পার হয়ে গেলে যেমন ভেলা ত্যাগ করা যায়, সমস্যাগুলির সমাধান হয়ে গেলে আমরা তেমনি তথাগতোক্ত ধম্ম ছেড়ে দিতে পারি। কেউ নিষেধ করছে না তো ? তা ছাড়া মৈত্রীসাধনায় মানুষের প্রতি মানুষের অন্যায্য কমবে। কিন্তু সেই আধিদৈবিক অশুভগুলি ব্যাধি-জরা মৃত্যু—এসব কি যাবে ? নির্বাণপদের জন্য আকৃতিও মানুষের থাকবেই।

দেশনা-স্থলের যেখানে মাতা-পুত্রীতে এইসব কথাবার্তা হচ্ছিল, সেখানে তাঁদের ঘিরে ছিল বিশাখার তিন সখী এবং অদূরে হাঁ করে সে-সব কথা শুনছিল যশ ও নন্দিয়। ওঁরা আরো খানিকটা এগিয়ে যেতে, বসন্তসঙ্কার বাতাস মৃদুমন্দ বইতে লাগল, চিকুণ আশ্রয়বস্তুগুলি দুলতে থাকল, স্থবির সারিপশু বৃদ্ধাসনের একটু পাশে এসে আসন নিলেন। তিনিই আজকে শাস্তা।

নন্দিয় বলল— যশ, কুরুদেশে শুনেছি গামের বালিকারাও তৎকালোচনা করে, পণ্ডিতদের ব্যাকরণের ভুল ধরে, শুনেছো ?

—শুনেছি বই কি। যত বড় বড় পণ্ডিত যেমন বশিষ্ঠ, বিশ্বামিত্র, যাঙ্কবল্ক্য সব তো কুরুদেশেরই সন্তান।

—দেখো, আমাদের এই মধ্যদেশকে ওরা যতই অবজ্ঞা করুন, একজন ধনীগৃহের বধু তার মাতার সঙ্গে মৈত্রী ও সাম্য-তত্ত্ব নিয়ে আলোচনা করছে—এ ব্যাপারে বোধহয় ওরাও আমাদের হারাতে পারবে না।

যশ বলল— তা ছাড়া ওরা করে চর্বিৎ-চর্বিৎ। কতকগুলি সূত্র শিখেছে, সেগুলির প্রয়োগে দক্ষতা অর্জন করেছে। বুদ্ধিও ক্ষুরধার। কিন্তু ইনি, এই দেবী বিশাখা ইনি তো তথাগত বুদ্ধের প্রচারিত একটি তত্ত্বকে কেমন নিজস্ব ব্যাখ্যা দিলেন। যা ধ্যানের বিষয় তাকে কর্মের বিক্ষয়াকরে নেবার কথা বললেন।

—ওঁর সঙ্গে যে সখীগুলি ছিল লক্ষ্য করেছিলে ? নন্দিয় বলল— বুদ্ধিতে ভক্তিতে যেন রসপাত্রর মতো পূর্ণ।

—ও তুমি তা-ও লক্ষ্য করেছো ? যশ তির্যক কটাক্ষ হানল— সেসবার তীর্থিক সংস্কারগুলি অতি দ্রুতই ত্যাগ করছে নন্দিয়।

নন্দিয় অপ্রতিভ হয়ে বলল— হানি হয়েছে কিছু ? তাতে ?

যশ হেসে বলল— না, হানি ঠিক হয়নি। কিন্তু ভাবছি, সেনাপতি সীহর কাছে তথাগতসংবাদ নিয়ে তাহলে তুমি যাবে কী ? তোমার যে রূপ মতিগতি...

—তুমিই না হয় গেলে ভাই যশ । আবার এদিকে মহামাচ্চ সিরিভন্দর কন্সটিও তো আছে ।  
আমি না হয়...

“হে ইন্দ্র, হে বরুণ, হে সোম হে অগ্নি এইরূপ প্রার্থনায় কোনও ফল নাই । তোমাদেরই সাধনান্তর্গে অর্হৎ, বোধিসত্ত্ব, বুদ্ধ এইভাবে উত্তরোত্তর দেবত্ব-পদ প্রাপ্ত হতে হবে । তথাগত এই কথাই বলেন, —তিনি বলে থাকেন ; তোমাদের নিজেদের মধ্যে সব আছে । বিপদের সময়ে উর্ধ্ব থেকে কোনও দেবতা শক্তি দেন না । তোমাদের চিন্তাই সে শক্তি দেয় । এই আত্মশক্তিকে চিনে নাও । ঈশ আছেন কি নাই, আত্মা আছে কি নাই—এমত আলোচনায় কোনও লাভ হয় না । কার উদ্দেশে যজ্ঞ করবে ? যজ্ঞ যদি করতে চাও দান করো । পূজা যদি করতে চাও মাতা পিতাকে করো”...স্ববির সারিপুত্র তাঁর দেশনা আরম্ভ করলেন ।

৬

ভিক্ষুণী উৎপলবর্ণা যেদিন তাঁর নির্জন সাধনকুটিতে ধর্ষিত হলেন, সেদিন জেতবনের দেশনাস্থলী পূর্ণ ছিল । আষাঢ়ি পূর্ণিমার উপাসস্থের অন্তে তথাগত আবার জেতবনে অবস্থান করছেন । নানা দিক থেকে প্রত্যাবর্তন করেছেন অন্যান্য দহর ভিক্ষুরাও । বর্ষাবাসের সময়টি বাদ দিয়ে স্ববির সারিপুত্র, স্ববির কাশ্যপ, মহা মোগগল্লান, কৌণ্ডিন্য এঁরা প্রায় সকাই বহুজনের হিতের কথা স্মরণে রেখে দিকে দিকে বেরিয়ে পড়েন । বর্ষা আরম্ভ হলে কোনও বিহারে ফিরে আসেন ।

তথাগত যখন সদ্য-সদ্য বুদ্ধত্ব লাভ করেছেন, অমৃত হিম্মোলে হৃদয়ের তট থেকে থেকেই প্লাবিত হয়ে যাচ্ছে সেই সময়েই তিনি নিজেকে চতুর্দিকে ছড়িয়ে দেবার প্রেষণা অনুভব করেন । তাঁর অন্তরটি যেন বাইরের শরীরকে বহু বহু গুণ ছাড়িয়ে গেছে আকারে, আয়তনে । তা যেন তরল, কিংবা বায়বীয়, যতই ছড়ানো যাবে, ততই পূর্ণ হয়ে উঠবে হৃদয় । কিন্তু...কিন্তু বড় কঠিন যে ! মনকে সংবৃত, সংযুক্ত করা বড় কঠিন । এই ধ্যানমার্গ, এই শীল পালন যেমন সহজ, তেমনই কঠিন । এ কি সাধারণজন নিতে পারবেন ? তথাগত তাঁর নিজস্ব প্রাপ্তির তন্ময়তায় ফিরেই যাচ্ছিলেন । সেই সময় অতি সাধারণ একটি দৃশ্য দেখলেন । সরোবরে পদ্ম ফুটেছে । কোনটি আধফোটা, কোনটি তখনও কোরক, কোনটি পূর্ণ প্রস্ফুটিত । এমন দৃশ্য তো মানুষ দেখেই থাকে । কিন্তু তথাগত তখন প্রত্যেকটি দৃশ্যকে অলৌকিক প্রভায় বিভাসিত, অর্থময় ঘটনা বলে দেখছেন । তাই দেখলেন—মনুষ্যকুলও অমনি । কারুর বোধিচিন্তা উন্মুখ হয়ে রয়েছে, কেউ এখনও আধো-ঘুমে, সামান্য স্পর্শেই অন্তর জেগে উঠবে । কেউ বা মুদিত কমলকলি । বহু চেষ্টায় তার দলগুলি খোলে কি না খোলে । সকলে নিতে পারবে না বলে যারা প্রস্তুত হয়ে রয়েছে, যারা স্পর্শমাত্রের অপেক্ষায় রয়েছে তাদেরও কি বঞ্চিত করবেন ? তথাগত সেই দিনই মনস্থির করে ফেলেছিলেন ।

পরে ইসিপতন থেকে বারাণসী, বারাণসী থেকে রাজগৃহ যেতে যেতে তাঁর শিষ্যসংখ্যা ক্রমেই বেড়ে চলল । এদের সবার প্রতিই তাঁর নির্দেশ, সবার মধ্যে বিতরণ করো মৈত্রীতত্ত্ব । করুণা, প্রেম, সহনশীলতা, হার্দিক সহযোগ এইগুলি প্রকৃত মানবলক্ষণ । কর্মময় জীবনের প্রতি মুহুর্তে চোঁকা করো সংবেদী হৃদয়ধর্মের, পরিচ্ছন্ন জীবনযাপন করো পঙ্কশীল পালন করে । তার পর অশ্লীল, তারও পর দশশীল । হৃদয়টি যখন পরিশুদ্ধ হয়ে যাবে তখন আরম্ভ করবে অমৃত সর্ষের জন্য নিভৃত সাধনা ।

এই নিভৃত সাধনাই তো করতে গিয়েছিলেন উৎপলবর্ণা । শ্রাবস্তীর উপাস্তে একটি ছোট কুটির বেঁধে দিয়েছিলেন পিতা । আভরণহীন, সামান্য মাটির কুটির । মাটিতে শোওয়া, মাটিতে বসা, কোনদিন ভিক্ষায় বেরোনো, কোনদিন উপাস্তবাসীরা কিছু দিয়ে পেশে নাই । আর সমস্ত সময়টা শুধু ধ্যান । উৎপলবর্ণা চিরদিনই শান্তচিন্ত, বাধ্য, বিনীত, ভক্তিমাগী । তাকে ঘিরে চতুর্দিকে যে এত মুক্ততার টেউ, তা উৎপলবর্ণাকে স্পর্শ করে না কোনদিনই । কোন শিশুকাল থেকে মাতুলপুত্র রোহিতনন্দর সঙ্গে তার বন্ধুতা । রোহিতই তার প্রথম, তার একমাত্র । যখন দলে দলে প্রভাবশালী পাণিপ্রার্থী এসে তার পিতাকে অস্থির করে দিতে লাগল, রোহিত বলেছিল তারা দুজনে গোপনে

শ্রাবস্তী ত্যাগ করে যাবে, চলে যাবে বারাগসী । সেখানে রোহিতের আচার্য গঙ্গাধর আছেন । আরও কিছু সতীর্থ আছে । বারাগসীতেই বাস করবে তারা । কিন্তু অমাত্য সিরিভন্দর পুত্র দীর্ঘায়ু যেদিন পিতাকে শাসিয়ে গেল কন্যাকে অন্যত্র পাঠাবার ব্যবস্থা করলে তিনি ধনে-প্রাণে বিপন্ন হবেন, সেই দিনই উৎপলবর্ণা স্থির করে ফেলল বারাগসী যাওয়া হবে না । রোহিত অনেক বুঝিয়েও তাকে সম্মত করতে পারেনি ।

সেই রোহিতই রাত্রির তৃতীয় যামে তার উপাস্তকুটিরের শিখিলদুমার খুলে প্রবেশ করল ।

—উপ্পলা, উপ্পলা... অস্পষ্ট স্বর ।

কুটিরের মাটিতে তার কাষায় খবনপাবুরণ বিছিয়ে নিদ্রিত উৎপলবর্ণা । রোহিতের ডাকে ধীরে ধীরে উঠে বসল ।

রোহিত বলল—চলো উপ্পলা । দ্রুতগামী অশ্ব সংগ্রহ করে এনেছি । পুরুষের অধোবাস আর উত্তরীয় এনেছি । বেশ পরিবর্তন করে নাও ।

রোহিতের একটুও সংশয় ছিল না । কিন্তু উপ্পলা তার মাথায় বজ্রপাত করে বলল—সেটটি সিরিভন্দ, সেটটি মিগধরের প্রভাব যে সমগ্র কোসলরাজ্যে ছড়িয়ে আছে । বারাগসী নামেই মগধ, ওখানে গিয়েও রক্ষা পাবে না রোহিত, এ কল্পনা ত্যাগ করো ।

—বারাগসীও যাবো না তা হলে । কোসল রাজ্যের সমীপে কোথাও যাবো না । রাজগৃহে যাবো ।

—রাজগৃহে পৌঁছবার বহু পূর্বেই অমাত্যদের অশ্ব তোমাকে ধরে ফেলবে । কিংবা যদি যেতেই পারো, আরও কত উগ্গ কত দীর্ঘায়ু, কত মিগধর প্রতিদিন তোমার জীবন বিপন্ন করবে, রোহিত তার চেয়ে এই ভালো । —উৎপলবর্ণার কষ্ট শাস্ত ।

—সে ক্ষেত্রে একসঙ্গে মরবো উপ্পলা । তুমি ছাড়া আমার জীবন যে অর্থহীন...বলতে বলতে রোহিত উপ্পলাকে উন্মাদের মতো চুষন করতে লাগল ।

—রোহিত, রোহিত, আমি দশশীল পালনের শপথ নিয়েছি, আমি ভিক্ষুণী, আমাকে চুষন করতে নেই !

—উপ্পলা তুমি ভিক্ষুণী নও, তুমি আমার বধু । আমার প্রিয়া ।

—রোহিত দেখো, অঙ্গার মস্তক মুণ্ডিত ।

—তোমার অতুলনীয় নীলোজ্জ্বল কেশদাম আবার জন্মাবে উপ্পলা ।

—রোহিত আমি কাষায় ধারণ করেছি, এই বসনকে কাম দিয়ে অশুদ্ধ করতে নেই ।

—তুমি কাষায় বর্ণেও নীলাশ্বরের মতোই বাঙ্কিতা, রোহিতের প্রণয় তোমাকে আরও শুদ্ধ করবে ।

—আমি অপ্রাপণীয়া । রোহিত তুমি আমার আশা ত্যাগ করো । আমি ত্রিরত্নের উপাসিকা ।

—তোমার ত্রিরত্ন আমি চূর্ণ করে দেবো উপ্পলা । রোহিত এবার উত্তেজিত, ক্রুদ্ধ কণ্ঠে বলল, বুদ্ধ, বুদ্ধ । সবাইকে উদ্ধার করবেন ! সকল সমস্যার উত্তর বুদ্ধ !

—বুদ্ধ শরণং গচ্ছামি—উৎপলবর্ণা ধীরে ধীরে উচ্চারণ করল ।

রোহিত আর সহ করতে পারল না ।

—দেখি তুমি কী ভাবে বুদ্ধের শরণ নাও—উৎপলবর্ণার কোনও অনুনয়, কোনও নিষেধই সে শুনল না । মানল না ।

তার উদ্দাম কামনা শাস্ত হলে রোহিত অর্ধশ্বুট উষার আলোয় উৎপলবর্ণার মুখ দেখল । সভয়ে বলল—তুমি কে ? তুমি তো আমার উপ্পলা নও !

—আমি ভিক্ষুণী উপ্পলবননা, তথাগত বুদ্ধের শরণাগত ।

রোহিত উদ্ভ্রান্তের মতো কুটির থেকে বেরিয়ে গেল । উপাস্তবাসীদের অনেকেই ছুটে এলো ।

—কে ? কে আপনি ? পববাজিকার কুটিরে কী অভিপ্রায়ে নিয়েছিলেন ?

—আমি রোহিত নন্দ । ভিক্ষুণীর ধর্মানাশ করেছি ।

উপাস্তবাসীরা রোহিতকে ছাড়েনি । কুলপুণ্ড হলে হবে কী ? সন্ন্যাসিনীর ধর্মানাশ করেছে না ! তারা রোহিতকে প্রহার করে । তারপর ছেড়ে দেয় ।

অনেক শ্রমণেরই আজকের প্রশ্ন—ভিক্ষুণী উপপলার ধর্ম নষ্ট হয়েছে। তিনি অন্তর্দ্বন্দ্ব, তিনি কী করে সংঘভুক্ত হতে পারেন ?

গৌতম জিজ্ঞাসা করলেন, ধর্ম ঠিক কোথায় থাকে ? সমনগণ ?

ভিক্ষুদের নিরুত্তর দেখে তিনি আবার জিজ্ঞাসা করলেন—কোথায় ? হস্তপদে ? না বক্ষে ? না উদরে ? না উপস্থে ? না জানুতে ? কোথায় ?

ভিক্ষুরা চিন্তা করে বললেন—বক্ষেই হবে।

উত্তরাসনে ঢাকা আছে তোমাদের বক্ষস্থল, ঠিক কোন স্থানে ধর্ম রয়েছে দেখে তথাগতকে দেখাও সমন।

—বক্ষের চর্মে বা মাংসে বা অস্থিতে তো নেই, ভণ্ডে !

—তবে কি বক্ষটি চিরলে ধর্মকে দেখতে পাওয়া যাবে ?

—না, ভণ্ডে, ধর্ম হৃদয়ে থাকে হৃদয় বক্ষের মধ্যে হলেও তার অবস্থান নির্দেশ করা যায় না।

—শরীরের মধ্যে যার অবস্থান নির্দিষ্ট করা যায় না, শরীর আক্রান্ত হলে তা নষ্ট হয় কী করে ?

—কিন্তু ভণ্ডে, মনটি, হৃদয়টি ? তাও কি সংক্রমিত হয়নি ?

—যে ভিক্ষুণীর হৃদয়ে ত্রিরত্নের বসবাস, মার তাঁকে সংক্রমণ করতে পারে না সমন। উপপলা সূকদাগমি মার্গে প্রবেশ করেছেন। তিনি শীঘ্রই অনাগামি ফল লাভ করবেন। অর্হৎ হতে তাঁর আর বিলম্ব নেই।

এই সময়ে নিগারমাতা বিশাখা উঠে দাঁড়াল। সে প্রায়ই দেশনা-স্থলে নিজের প্রহরীকে অকপটে উপস্থিত করে।

—ভণ্ডে, একটা কথা। অট্টগুরু ধর্ম গ্রহণ করে ভিক্ষুণী সংঘ ভিক্ষুসংঘের ওপর নির্ভরশীল হয়েছে, সংঘ কিন্তু তাঁদের রক্ষার ব্যবস্থা করেনি। আজ পব্বাজিকা উপপলবননার দুঃখজনক ঘটনার মধ্য দিয়ে তা প্রমাণিত হয়ে গেল। সংঘে প্রবেশ করেও নারীরা কত অসহায় ! সংঘ তার শরণাগত নারীকে রক্ষা করে না।

সামনের পঙ্কজিতে একজন বয়স্ক শ্রোতা বলে উঠলেন—নারীদের সংঘে প্রবেশ করাই তো অনুচিত। ধর্মাচরণ করতে ইচ্ছা হলে তো গৃহেই তা করা যায়। নারীরা গৃহেই শোভা পায়।

—ভণ্ডে, আমি এই শ্রাবকের কথার উত্তর দিতে পারি ? বিশাখা বলে উঠল।

তথাগত স্মিতমুখে মৌন রইলেন। মৌনই তাঁর সম্মতি।

বিশাখা বলল—ভদ্র, নারীরা কি শুধু শোভা পাবার জন্যই সৃষ্টি হয়েছে ?

—না, নারীরা সৃষ্টি হয়েছে প্রজাবৃদ্ধির জন্য।

—আচ্ছা। তবে নারীরা একাই প্রজাবৃদ্ধি করতে যথেষ্ট ? পুরুষের প্রয়োজন নেই ?

—না, এ কথা সত্য নয়।

—আর ভদ্র, যে সকল নারী প্রজাবৃদ্ধি করে না, কিন্তু শোভাবৃদ্ধি করে অর্থাৎ গণিকা ও প্রব্রাজিকা—তারা তা হলে নারী নয়।

—না, এ কথাও সত্য নয়, ভদ্রে।

—ধর্মাচরণে সম্পূর্ণ মন চলে গেলে যদি অন্ন সুসিদ্ধ করতে ভুল হয়ে যায়, কিংবা অন্ন পুড়ে যায় তবে কি গৃহের পুরুষ নারীকে ক্ষমা করবে ?

—না, গৃহিণীর সতর্ক হওয়া প্রয়োজন। অসিদ্ধ অন্ন পোড়া যাউই বা কীভাবে খাওয়া যায় !

—তাহলে গৃহে থেকে ধর্মাচরণ নির্বিঘ্নে করা কী ভাবে সম্ভব ভদ্র ?

শ্রাবক রুষ্ট মুখে নীরব রইলেন। তিনি বিশাখার কৌশলের কাছে পরাজিত হয়েছেন। বিশাখার কথার সত্যতা প্রমাণিত হয়ে গেল।

তখন ভিক্ষুণী ভদ্রা বললেন—আচ্ছা, তথাগতই কি প্রথম সন্ন্যাসীদের প্রব্রজ্যা দিলেন ?

শ্রোতাদের মধ্যে থেকে একজন বলে উঠলেন—তা কেন ? নিগণ্ঠদের মধ্যে তো পব্বাজিকা রয়েছে। সম্মাসিনীরাও আছেন। অরণ্যে, অরণ্যপ্রান্তে বাস করেন।

—অর্থাৎ, নারীদের সংঘভুক্ত করে তথাগত কোনও অশাস্ত্রীয় কাজও করেননি।

এতক্ষণে শাস্ত্রা দশবল কথা বললেন—আত্মঘাতী বিসাখা ঠিকই বলেছে । ভিক্ষুণীদের আরক্ষার জন্য বিহার গড়তে অনুমতি দিন মহারাজ ।

—অবশ্য, অবশ্যই—মহারাজ পসেনদি উৎসাহ ভরে বললেন ।

—বিসাখা, আগামী কাল থেকেই সার্বথির ভিক্ষুণী বিহার নিয়োগ আরম্ভ হবে ।

তখন সন্ধ্যা উত্তীর্ণ হয়েছে । উৎপলবর্ণ তাঁর কুটিরে মৃদুস্বরে কথা বলছেন ভদ্রার সঙ্গে, এমন সময়ে ভিক্ষুণী মিত্রা ব্যস্ত হয়ে প্রবেশ করলেন । উপাধ্যায় খেমার আদেশে ভদ্রা আজ উৎপলবর্ণের সঙ্গে থাকবেন, আর কারো এ স্থানে আসার কথা নয় । তিনি অর্থাৎ হয়ে জিজ্ঞাসা করলেন—কী ব্যাপার ? শ্রমণা ?

মিত্রা বললেন—তোমরা শোননি ? বাইরে কত কোলাহল ! ওরা বলাবলি করছে সব...

—কী ? ভদ্রা প্রশ্ন করলেন ।

—রোহিত নামে সেই ব্যক্তি আত্মঘাতী হয়েছে ।

কেউ কোনও কথা বলল না ।

মিত্রাই বললেন—লোকটির তো প্রাণদণ্ড হওয়াই উচিত ছিল, তা নিজেই নিজেকে সে দণ্ড দিল । ভালো । অতি উত্তম হয়েছে । ভিক্ষুণীর ধর্মনাশ করা ? পাপাশ্রা ! নীচাশয় !...ক্রমশই উত্তেজিত হচ্ছেন মিত্রা ।

ভদ্রা বললেন—এ প্রসঙ্গ থাক, শ্রমণা । বৃথা মৌনও যেমন ভালো নয়, বৃথা বাক্যব্যয়ও তেমনই মন্দ ।

মিত্রা বললেন—উপ্পলে, আমিও আজ থাকি তোমার সঙ্গে ?

উৎপলাবর্ণা বললেন—না ।

রাত্রি গভীর হলে ভিক্ষুণী উৎপলবর্ণা তাঁর মুক্তিকাশয্যা থেকে উঠে পড়লেন । ভদ্রা জাগ্রত ছিলেন । তিনি শুধু চেয়ে দেখলেন । প্রণয়, তুমি নাও, তুমি বহু বলি নাও । এমনই তোমার স্বভাব । আমি জেনেছি, উপ্পলা জানল । আরো কত নারী জানবে । কুটির দুয়ার খুলে উপ্পলা বাইরে বেরিয়ে এলেন । চন্দ্রালোকিত শুক্লপঙ্কজের অরণ্য । অপরাহ্ন, রহস্যময় শোভা ধারণ করেছে । সেই চন্দ্রালোক ধৌত করে দিচ্ছে উৎপলবর্ণাকে । তিনি ভাবলেন রোহিত আর নেই । শিশু রোহিত, বালক রোহিত, কিশোর রোহিত, পূর্ণ যুবক রোহিত উৎপলবর্ণার সমগ্র জীবনের পাকে পাকে জড়িয়ে আছে । কেন সে আত্মঘাতী হল ? এ যে পাপ ? সুগতি হবে না রোহিতের । সে কি তা জানত না ? নাকি তার লজ্জা তার দুঃখ এত গভীর যে সে আর কিছুই ভাবতে পারেনি ! রোহিত যখন তাঁকে আলিঙ্গন করেছিল, তিনি প্রথমে বিবশ হয়ে গিয়েছিলেন, কিন্তু সদ্যগৃহীত প্রতিজ্ঞাগুলি তাঁর অন্তরকে, দেহকে সুকঠিন করে দিল । তিনি প্রস্তর প্রতিমার মতো হয়ে গেলেন । বা বলা যায় শবের মতো । প্রথম উষ্মার আলায়ে সেই শবমূর্তি দেখে রোহিত চমকে উঠেছিল ।

কেন ? কেন তিনি পিতার কথায় সম্মত হলেন ? কেন রোহিতের প্রস্তাব মতো কোসল ছেড়ে মগধে বা অন্য কোথাও পালিয়ে গেলেন না ! কী হত ? মৃত্যু হত । রোহিতকে কেউ হত্যা করলে তিনিও প্রত্যাঘাত করবার চেষ্টা করতে পারতেন । আবার মৃত্যু বা বিপদ না-ও হতে পারতো ! হয়তো রোহিতের কথা শুনলে কোনও দূর বিদেশে তাঁরা সুখে-স্বাস্থিতে গৃহ-কীর্ষন কাটাতে পারতেন । প্রণয়গভীর, হাস্যচঞ্চলতামুখর গৃহ-জীবন । রোহিত তো এইটুকুই চেয়েছিল, এর জন্য মূল্য দিতেও প্রস্তুত ছিল । জ্যোৎস্নাবিধৌত চরাচরের দিকে চেয়ে উৎপলবর্ণা অনুভব করলেন রোহিত আত্মঘাতী নয় । তিনি—তিনিই তার প্রাণঘাতিনী । প্রণয়পাত্র রোহিতকে তিনি নিজ হাতে হত্যা করেছেন । কামে কলুষিত হননি তিনি । হয়েছে হত্যার অপরাধে । বিবাহ করেও অষ্টপীল পালন করা তাঁর পক্ষে কোনও কাঠন ব্যাপারই ছিল না । কেন না তিনি স্বভাবেই ধর্মশীলা । অবৈধ কাম থেকেই নিরস্ত হতে বলে ধর্ম । তিনি কি হতে পারতেন কী বিশাখার মতো উপাসিকা ! পিতা দুর্বল । তাঁর প্রতি করুণা করে তিনি প্রব্রজ্যা নেবার প্রস্তাব মেনে নিলেন । হতভাগ্য রোহিতের কথা তিনি একবারও ভাবলেন না । তীক্ষ্ণ সূচের মতো যন্ত্রণাসকল বিদ্ধ করতে লাগল তাঁকে । ধীরে ধীরে সূচগুলি শলাকা হয়ে গেল । উৎপলবর্ণা কোনদিনই নিজের মনের কথা প্রকাশ করতে পারেন না ।

সব ব্যথা নিজের মধ্যে পরিপাক করে নেওয়ারই অভ্যাস তাঁর। আজ যে ব্যথা অনুভব করছেন তা তাঁর নিজের জন্য নয়, রোহিতের জন্য। দীর্ঘদিনের প্রতিশ্রুত বিবাহের সম্ভাবনা ধুলোয় লুটিয়ে উপ্পলা যখন কেশ মুগুন করে চাঁবর-পাত্র ধারণ করল কী সে প্রাণান্তকর কষ্ট যা রোহিতকে দু পায়ে দলেছিল! তারপর সাধনকুটির মধ্যযামে যখন সে উপ্পলার দ্বারা প্রত্যাখাত হল! তার সমস্ত পরিকল্পনা নস্যাৎ করে দিল উপ্পলা। তারপর সে যখন উপ্পলাকে শেষ পর্যন্ত দৈহিক মিলনের বাঁধনে বাঁধতে চাইল! তখন, তখনই বোধ হয় সবচেয়ে বড় আঘাত এলো। তখনই আপাদমস্তক নিরুদ্ধ উপ্পলাকে অনুভব করে সে বুঝতে পারে উপ্পলা আছে, অথচ নেই। তার আব্যল্য-প্রণয়ীর স্নেহের, আকাঙ্ক্ষার কোনও মূল্য নেই উপ্পলার কাছে। উৎপলবর্ণা স্পষ্ট দেখতে পেলেন রোহিত উদ্রাস্তের মতো তাকিয়ে আছে তাঁর দিকে—তুমি কে? তুমি তো আমার উপ্পলা নও?—সে ছুটে বেরিয়ে যাচ্ছে, সে উপলব্ধি করেছে একজন ভিক্ষুণীর প্রতি সে বলাৎকার করেছে মাত্র। তাই উপাস্তবাসীরা যখন তাকে প্রহার করে সে তা মাথা পেতে নিয়েছিল, একটুও বাধা দেয়নি। জ্যোৎস্নার মধ্যে বিদেহী রোহিত আত্মবিশ্বস্তের মতো ঘুরে বেড়াচ্ছে তিনি দেখতে পেলেন। তার এই অবস্থার জন্য দায়ী উপ্পলা। যে তাকে সবচেয়ে ভালোবাসত। উৎপলবর্ণা নিষবৃক্ষমূলে সেই অপূর্ব জ্যোৎস্নায় অননুভূতপূর্ব যন্ত্রণায় জ্ঞান হারালেন, অথচ হারালেন না। যেন কোনও গুট মর্মের মধ্যে জেগে রইলেন।

জীবনমৃত্যুর অতীত, সময়ের অতীত সেই ছায়ালোকে ছায়াশরীর উৎপলবর্ণার ছায়াশরীর রোহিতদের প্রণয়সম্ভাষণ করে ফিরতে লাগল। আবার অস্পষ্টপ্রমাণ রোহিতরা অস্পষ্টপ্রমাণ উপ্পলাদের চূষন করতে লাগল। অমৃত উখিত হতে লাগল, এই অমৃত আকাশপ্রমাণ উর্ধ্বধারায় উৎক্ষিপ্ত হয়ে আবার দ্বিগুণ বেগে ঝরে পড়তে লাগল, বহু রোহিত বহু উপ্পলা সেই অমৃতধারা পান করবার জন্য উর্ধ্বমুখ হয়ে আছে। জিহ্বায় পড়বামাত্র জিহ্বা জ্বলে গেল। ধীরে ধীরে শরীর জ্বলে গেল, অসহ্য যাতনা, তারপর বিবশ, অচেতন।

কতক্ষণ এইভাবে কেটেছে—বহু জন্ম বহু মৃত্যুর মাঝখানে দ্যালোক না ভুলোক মহাবেগে ঘুরছে। মেঘরাজি ছিন্নভিন্ন হয়ে প্রবল গতিতে ভেসে চলেছে। জ্যোতিষ্কগুলি জ্বলছে, নিবছে কোনটি ক্ষীণ হতে হতে একেবারেই নিবে গেল। কোনটি জ্বলতে জ্বলতে উষ্কার মতো একদিক দিয়ে উধাও হয়ে গেল। আবার লক্ষ জ্যোতিষ্ক জন্মালো, কী বিশাল, বিরাট অন্তরিক্ষ। বহু মনুষ্যশরীর ওইভাবে দৃষ্ট হচ্ছে, আবার অদৃশ্য হয়ে যাচ্ছে, ওর মধ্যে উপ্পলাই বা কোথায়? রোহিতই বা কোথায়? কে যেন শিরে হাত রাখল। ওষ্ঠে মধু সিঞ্চন করল, কে যেন উপ্পলার শিরটি নিজের ক্রোড়ে তুলে নিল।

বারাকের প্রথম উদ্ভাস তাঁর মুখের ওপর পড়েছে।

উপ্পলা ক্ষীণ কণ্ঠে ডাকলেন—ভগবন! তাঁর দু চোখ দিয়ে দরদর ধারে অশ্রুপাত হচ্ছে।

তথাগত শুধু তাঁর হাতটি শিরে রাখলেন। একটু পরে পত্রপুট থেকে আরও একটু মধু ঢেলে দিলেন, উপ্পলা বললেন—প্রভু, আমাকে কি অমৃত পান করাচ্ছেন!

—না উপ্পলে—অমৃত তো পান করার বস্তুত নয়। অমৃত একটি ভাব। যথার্থ সাধনার পর সেই ভাবটি তোমার মধ্যে যাবে, আসবে, যাবে, আসবে, তারপর স্থিত হবে। তা ছাড়া অমৃত কেউ কাউকে দিতে পারে না উপ্পলা। নিজেকে অর্জন করতে হয়, আত্মচেষ্টার দ্বারা।

—ভগবন, তবে আপনার ভূমিকা কী?

—তথাগত অমৃতপদ লাভ করেছেন। তাঁকে দেখলে, তাঁর বচন শুনলে অমৃত পাওয়া সম্ভব, এই প্রত্যয় জন্মাবে।

—কিন্তু এই যে আমার হৃদয়, তনু, মন, সব শাস্ত, ধীর, আনন্দাপ্ত হয়ে যাচ্ছে, সে কি তথাগতের করুণায় নয়?

গৌতম নীরব রইলেন।

উপ্পলা আবার বললেন—ভগবন, আমি যে বহু জ্যোতিষ্ক, বহু মানুষের বহু উপ্পলা বহু রোহিতের ছায়াসংগ্রাম দেখলাম, উৎপত্তি এবং লয় দেখলাম—সে কী? কেন?

—তোমার মধ্যে পূর্বনিবাসজ্ঞানের অভ্যুদয় হচ্ছে উপ্পলে।

—আমি যে অমৃতধারাকে বিশ্বনির্ঝরে পরিণত হতে দেখলাম ভগবন !

—অধিকার করার বাসনা নিয়ে অমৃত পান করতে গেলে তা হলাহল হয়ে যায় উপ্পলে, তুমি তাই দেখেছো ।

—আর বাসনারহিত হলে ?

—হলাহলও অমৃত হয়ে যায় ।

—কিন্তু বাসনারহিত হলে অমৃতের জন্য আর্তিও তো থাকে না প্রভু ! বাসনারহিত মানুষ আর শবের মধ্যে পার্থক্য কী ?

—বাসনারহিত হৃদয় মৈত্রী ও করুণার চিরপ্রসূরমান উৎস হয়ে থাকে উপ্পলে, যতক্ষণ না সম্পূর্ণ বাসনারহিত হচ্ছে সেই অবস্থা বুঝতে পারবে না । তবে বুঝতে তোমার অধিক বিলম্বও নেই ।

—ভগবন, রোহিত কি অধিকার করার বাসনা নিয়ে এসেছিল বলে তার অমৃত হলাহল হয়ে গেল ?

—তাই উপ্পলে, এবং উপ্পলা তাকে স্নেহ করত বলে সে-ও হলাহলের তীব্র স্বাদ পেয়েছে ।

—প্রভু, রোহিত আত্মঘাতী হয়েছে, লোকে বলছে সে ভিক্ষুণীকে বলাৎকার ও আত্মঘাত এই দুই কারণেই মহাপাপী । তার কি উদ্ধার নেই ?

—কে এ কথা বলে উপ্পলে ? যে বলে সে জানে না । রোহিত বাসনার বিষ পরিপূর্ণ পান করেছে বলেই বিতৃষ্ণ হয়েছে, মৃত্যুর সময়ে সে বিগততৃষ্ণ, বীতশোক ছিল । তার এই কর্ম থেকে যে গ্রাণের দীপটি জ্বলবে তার শিখাটি থাকবে অমৃতলোকের দিকে স্থির ।

উপ্পলা উঠে বসলেন । পূর্ণ দৃষ্টিতে তথাগতর দিকে তাকিয়ে রইলেন । তথাগত উঠে দাঁড়িয়েছেন, মুখমণ্ডল প্রসন্ন, বিভাময় । তাঁর দৃষ্টি উপ্পলার চোখের ওপর নিবদ্ধ । অনেকক্ষণ পরে তিনি বললেন—দীপ জ্বলছে । রোহিতের প্রাণের দীপ । শিখাটি আকাশের দিকে মুখ করে নিষ্কম্প । এই হবে তোমার কর্মস্থান উপ্পলে । আজ থেকে তুমি আমার অগংসাবিকা । ভিক্ষুণী খেমা থাকেন ডান দিকে, তুমি থাকবে বাম দিকে । সবে জীবা সুখিতা হোস্ত । গুনগুন করে বলতে বলতে তথাগত ধীরে ধীরে বনপথ পার হয়ে লোকপথের দিকে চলে গেলেন ।

বনভূমির অপর দিকেই শ্মশান । রোহিতের শব বয়ে নিয়ে তার ভাইয়েরা, বন্ধুরা শবদাহ করল । মাতা-পিতা, ভগ্নীরা সবাই আর্তস্বরে রোদন করতে করতে চিতায় অগ্নিসংযোগ করল । চিতা নির্বাপিত হলে, ভস্মাধার অচিরবতীর জলে ভাসিয়ে দিয়ে বনভূমির পাশ দিয়ে তারা বিলাপ করতে করতে চলে গেল । রোহিতের মাতা, উপ্পলার মাতুলানী—বনভূমির দিকে তাকিয়ে উচ্চৈঃস্বরে অভিসম্পাত দিয়ে গেলেন । হয়ত তিনি ভেতরে প্রবেশ করতেন । অভিসম্পাতগুলি আরও শাগিত করে উপ্পলার প্রতি নিষ্কম্প করবেন বলে । কিন্তু দু' হাতে বৃক্ষগুলির শাখা-প্রশাখা সরাতে সরাতে এক দীপ্তবর্ণা দীপ্তচক্ষু কুণ্ডলকেশী শ্রমণা এসে দাঁড়ালেন, শবযাত্রীর দল সভয়ে স্থানত্যাগ করল ।

উপ্পলা সেই নিম্ববৃক্ষমূলে একইভাবে বসে । চোখ দুটি মুদিত । তিনি কিছুই বুঝতে পারলেন না । কোনও শব্দ কানে গেল না, চিতা-ধূম তাঁর নাসিকায় পৌঁছল না । তিনি শুধু দেখছেন রোহিত উজ্জ্বল থেকে উজ্জ্বলতর হয়ে উঠছে, হতে হতে সে একটি দীপ হয়ে গেল । দীপগাছটি পুরোই মৃদু আলো দিয়ে গড়া । তার শিখা কে অন্য একটি শিখা থেকে জ্বালিয়ে দিয়ে গেল । জ্বলছে, রোহিত আলোময় দীপ হয়ে জ্বলছে, ধীরে ধীরে পুরো দীপগাছটিই শিখা হয়ে গেল । মৃদু, নীলাভ অচঞ্চল একটি শিখা । সারাদিন জ্বলছে, সারারাত । দিনের পর দিন, রাতের পর রাত । উপ্পলবর্ণা সেই দীপশিখার সঙ্গে আপন শিখা মেশাতে লাগলেন । গাঢ়, গভীর, অনিশেষ এক উর্ধ্বশিখা মিলনরজনী । শুধু ভদ্রা দিনের পর দিন পাশে থেকে মধু, জল ও পায়স দিয়ে তাঁর শরীর রক্ষা করতে লাগলেন ।



একসালা গ্রামের সম্পন্ন কর্বকের গৃহ। প্রশস্ত অঙ্গনের মধ্যে ছড়িয়ে আছে কুটির কটি। অঙ্গনে ধান ঝাড়াই হচ্ছে। কর্বক স্বয়ং এবং তার তিন পুত্র এই কাজে নিযুক্ত। কর্বকের পত্নী তার দুই পুত্রবধূকে নিয়ে গোষ্ঠের কাজগুলি সারছে। গরুগুলিকে গোচরে নিয়ে গেছে কর্বকের চতুর্থ পুত্র ও জ্যেষ্ঠ পৌত্র। দুই কন্যা পাকশালে কুম্ভাষ প্রস্তুত করছে। কাঞ্জিক তো আছেই, মাটির পাত্রে পাত্রে সেগুলি ভাগ করে রেখেছে তারা। মুদগ এবং যব একত্র সিদ্ধ করে তার মধ্যে খুদ দিয়ে মেখে কুম্ভাষ পিশু প্রস্তুত করতে হয়। কনিষ্ঠা কন্যা লোলা বলল—জেট্টা, অতিথের জন্যে কি আজও যাউ পাক করবো ?

জ্যেষ্ঠা কন্যা পদুমা বলল—অতিথি কত উচু কুলের, আকারখানা দেখিস না ? গোরা কেমন। দোর ছাড়িয়ে কত উচু ! যাউ পাক করবি না তো কী !

মধ্যমা সূতনা হাঁড়ির মধ্যেটা দেখে নিয়ে বলল—পুরনো শালিখানের তণ্ডুল দেখছি অল্পই আছে। গোহালে মায়ের কাছে গিয়ে শুধিয়ে আয় না !

লোলা পাকশালা থেকে বেরিয়ে দেখল মাটির সংকীর্ণ পথটি যেখানে দূরে বনপথের সঙ্গে মিশে গেছে সেইখানে অতিথিকে দেখা যাচ্ছে। অতি প্রত্যুষে তিনি গ্রাম ছাড়িয়ে বন, নদীর তট এই সমস্ত স্থানে চলে যান, যখন ফেরেন, কর্বক পরিবারের পুরুষদের তখন প্রাতরাশ হয়ে যায়। আজ অতিথি অনেক আগেই ফিরছেন। কনিষ্ঠা লোলা এখনও বালিকাই। এই অতিথি সম্পর্কে তার অতিশয় কৌতূহল জন্মাচ্ছে। তাদের গৃহে অতিথি অনেক আসেন। সন্ন্যাসী বা পরিব্রাজক এলে গৃহের ভেতরে ঢোকেন না। বাইরের প্রাঙ্গণে অস্থব্দের তলায় বসে থাকেন। আহারের জন্য আমন্ত্রণ জানালে তবেই গ্রহণ করেন, নইলে ভিক্ষা করতে বেরিয়ে যান গ্রামে। কর্বক, বপন বা শস্য কাটার কাজ যখন সকলকে ব্যস্ত রাখে, তখন অতিথিদের ভোজনের পূর্ণ দায়িত্ব নেওয়ার অসুবিধা হয়। কিন্তু শস্য কেটে ঘরে তোলার পর, কাজের ভার কিছুটা অল্প হয়ে যায়, সে সময়ে গৃহে অন্নও থাকে প্রচুর, অতিথিসেবার সুযোগ পাওয়া যায়। সবে তিন দিন হল শস্য কাটার কাজ শেষ হয়েছে। অতিথিও এসেছেন দিন তিনেক। কোনও অতিথিই সাধারণত তিন দিনের অধিক থাকেন না। গৃহস্থের অন্নও গ্রহণ করেন না। রুগ্ণ হয়ে পড়লে স্বতন্ত্র কথা। এই অতিথিও কবে চলে যাবেন, লোলা ভয়ে ভয়ে আছে। বস্তুত দৈনন্দিন জীবনের গতানুগতিকতার মধ্যে এই অতিথিরাই আসেন হুন্দ পরিবর্তন করতে। বিশেষত এই মানুষটি অতি মনোহর, কৌতূহলকর। শুধু চেয়ে থাকতেই লোলার এত ভালো লাগে !

গৃহের সংলগ্ন তাদের শাক ও পর্ণের ক্ষেত। দুটি সৌভঙ্গন গাছে চমৎকার ফুল এসেছে। গুচ্ছ গুচ্ছ হয়ে শুভ্র ফুলগুলি ঝুলছে। মৌমাছির ভেঁ ভেঁ শব্দ শোনা যাচ্ছে। গৃহের পেছনে একটি সিঁকুবার গাছে বিরাট একটি মৌচাক হয়েছে। লোলা ও তার ভ্রাতৃপুত্র কুলুঙ্গ স্থির করেছে গোপনে ওই মৌচাকটি পাড়বে। পিতা, ভ্রাতাদের দেখে দেখে তারা ভালোই শিখে গেছে এ সব।

কয়েকটি প্রজাপতি লোলার মুখের সামনে দিয়ে উড়ে গেল, একটু লক্ষ্যবশ্প করে সে একটিকে ধরে ফেলল। তার মুঠির ভেতরটা সুলসুল করছে। লোলার বিষম হাসি পাচ্ছে তাই<sup>১</sup> সে হাসতে হাসতে প্রাঙ্গণময় ছুটে বেড়াতে লাগল। চমৎকার নীল ও সোনালি বর্ণের প্রজাপতিটি। সে প্রজাপতিটি পুষবে।

এইভাবেই তার সোজাসুজি সংঘর্ষ হয়ে গেল অতিথির সঙ্গে।

অতিথি বললেন—অহো লোলা, তুমি কি সহসাই একটি প্রজাপতি ধরে গেছো ?

লোলার মুঠি খুলে গেল। প্রজাপতিটি ফুরুৎ করে উড়ে গেল।

লোলা বলল—আপনার বাঁ কাঁধে ও কী ?

—বলো তো কী ? প্রজাপতি নিশ্চয়ই নয় !

অত বিশাল বস্তুটিকে প্রজাপতি কল্পনা করার সম্ভাবনামাত্রই লোলা উচ্চকণ্ঠে হেসে উঠল, তারপর বলল—আপনি তো অমন সুন্দর নীল সোনালি প্রজাপতিটি উড়িয়ে দিলেন।

—উড়তে উড়তে প্রজাপতিটি লোলার মধ্যেই অস্তিত্ব হইয়াছে মনে হচ্ছে—অতিথি মৃদু হেসে বললেন ।

কথা বলতে বলতে উভয়ে ভেতরের অঙ্গনে প্রবেশ করল । অতিথি পাকশালের দাওয়ায় কাঁধের ভারটি নামিয়ে রাখলেন । একটি অল্প বয়স্ক বন্য শূকর । প্রচুর কদলীপত্র দিয়ে সেটিকে ঢেকেছেন, তারপরে লতা দিয়ে বেঁধেছেন অতিথি ।

গৃহকর্তা এবং তার পুত্ররা সবাই উৎসাহে হাতের কাজ ফেলে ছুটে এলো ।

জ্যেষ্ঠ সাম বলল—আপনি কি এটিকে মারলেন অঙ্ক ?

অতিথি পিঠ থেকে তুণ এবং ধনুক নামাতে নামাতে বললেন—মহাবনের দিকে গেলে আমি সর্বদাই সশস্ত্র হয়ে যাই । চমৎকার শূকরটি চোখে পড়ল, মৃগয়া করে আনলাম । গৃহিণী জ্বালা পুত্রবধূদের নিয়ে গোহাল থেকে ফিরে এসে শূকরটি দেখে আনন্দ করতে লাগলেন । সকলেই হাত মুখ ধুয়ে প্রাতরাশে বসল । এদের কোনও ভক্তগৃহ (খাবার ঘর) নেই । পাকশালার দাওয়ায় বসেই ভোজন সারা হয় ।

জ্বালা পরিবেশন করতে গিয়ে বললেন—এ কি অতিথের যাউ কই ?—তখন লোলা এবং অন্য দুই কন্যারও মনে পড়ল—যাউ তো পাক করা হয়নি ? গৃহিণীর তর্জন শুনে, অতিথি কৌতূহলী হয়ে জিজ্ঞাসা করে ব্যাপারটি জানতে পারলেন । বললেন—আমার জন্য স্বতন্ত্র ব্যবস্থায় আমি কখনওই সম্মত নই । আপনাদের যা পাক হয়েছে আমিও তাই-ই ভোজন করবো ।

গৃহকর্তা তর্কারি বললেন—তা-ও কি হয় কাত্যায়ন, আপনি কত বড় কুলের মানুষ । বিদ্বান পণ্ডিত, গান্ধারের পণ্ডিত আবার । ওরে বাপা ! আপনাকে কি কাঞ্জি-মাজি খাওয়াতে পারি ?

অতিথি বললেন—সমগ্র জাষু স্বীপ ভ্রমণ করার বাসনা আমার । আপনি এবং আমি কতটা ভিন্ন কতটা অভিন্ন দেখব বলে বেরিয়েছি । কাঞ্জিক যদি আমাকে না দেওয়া হয়, তা হলে আপনি আর নিজের কতটুকু আমায় দিলেন ?

—আপনাকে আমি বুঝতে পারি না, কাত্যায়ন—সরল চোখ দুটি তুলে কর্ষক তর্কারি বললেন—আপনি আর আমি কতটা ভিন্ন কতটা অভিন্ন ? সবটাই তো ভিন্ন ? আপনি তক্ষশিলার স্নাতক, মহাপণ্ডিত, কুলপুস্ত্র তো বটেই, অতি উচ্চ কুলে জন্ম আপনার । ব্রাহ্মণ তার ওপরে । আপনি রূপোর পাহাড়ের মতো শোভা পান । আর আমি...

হাত তুলে তাকে থামিয়ে দিলেন অতিথি—তুলনার সূত্রগুলি আপনার সবই ভ্রান্ত । যাই হোক এক পাত্র কাঞ্জিক হবে কী ?—বলে অতিথি কাত্যায়ন তাঁর পাত্রটি গৃহিণীর দিকে বাড়িয়ে ধরলেন ।

গৃহিণী সহাস্যে অতিথির পাতে কাঞ্জিক ঢেলে দিলেন । জ্যেষ্ঠা কন্যাটি কদলীপত্রে কুম্ভাঘপিত্ত রেখে গেল ।

তর্কারি বললেন—এ বৎসর বসুসন ভালো হয়েছে তাই । ভূমি তো নয় যেন ক্ষীরপাত্র । ধান হয়েছে চমৎকার । যব আশাতীত । শাকও বহু প্রকারের ফলেছে । ওদিকে গোচরটি ঘাসে থই থই করছে । গাভীগুলি ভালো করে ঘাস খেতে পেলে দুধের পাত্র উপচে দেবে, বলদ আমার বারোটি বুঝলেন অঙ্ক । গত বছর যাগের জন্য দুটি বলদ একপ্রকার কেড়ে নিয়ে গেল, পরিবারে কটি কাংস্যপাস্তুর দিয়েছে । তা কাংস্যপাত্র কি ধুয়ে জল খাবো ? আমাদের কসস্কের ঘরে মুৎপাত্রই তো যথেষ্ট ! তা সে যাই হোক বারো বলদের হাল আমরা । বলদগুলি পেট পূরে খেলে পেলে গভীর করে লাঙল টানবে...এই সৌভাগ্যের বছরে আপনার মতো পণ্ডিতের পাঙ্কর ধুলো পড়ল গৃহে আপনাকে শালিধানের যাউ পরিবেশন করতে পারছি না আমার কত ভাগ্য

অতিথি বললেন—বর্ষণ ভালো না হলে কী করেন ?

—চম্পা নদীর খাল একটি আছে । কিন্তু একটুও বসুসন না হলে, শস্য হবে না কাত্যায়ন । নদীখাল থেকে জল এনে সেচ করা অতিশয় শ্রমসাপেক্ষ । মুৎপত্রে একটি কূপ আছে, কিন্তু বৃষ্টি না হলে সেটিও শুকিয়ে যায় । এ সব সময়ে সঞ্চিত ধান, লবণ আর এই কাননে যা পর্ণ-সর্গ হয় তাই দিয়েই ক্ষুদ্রবৃষ্টি করতে স্ময় এরূপ সময়েই তো গ্রামবাসীরা বনে ফলমূল আহরণ করতে গিয়ে বনেচরদের হাতে মরে, কিংবা নগরে গিয়ে ধনীগৃহে দাস হয় । বীজগুলি খেয়ে ফেললে পরের ৩১৪

বৎসরেও বিপদে পড়তে হয় ।

লোলা এতক্ষণ গণ্ডে হাত রেখে পিতা ও অতিথির কথা শুনছিল । সে বলে উঠল—তক্ষশিলা কোথায় ?

গৃহিণী বললেন—লোলা, গোচরে কুম্ভাষ দিয়ে আয় ।

লোলা মাথা নেড়ে বলল—সুতনাকে পাঠাও, আমি এখন তক্ষশিলার কাহিনী শুনব । অজ্ঞ, বলুন না তক্ষশিলা কোথায় !

লোলার পিতা বললেন—উত্তর কুরু দেশের ওদিকে হবে । যেমন দূর, তেমন দুর্গম ।

কন্যাকে তক্ষশিলার অবস্থান বিষয়ে অবহিত করতে পেরেই বোধহয় কর্ষক তক্ষারি পরম সন্তোষের সঙ্গে অবশিষ্ট কাঞ্জিকটুকু খেয়ে ফেললেন ।

—একেকজন আচারিয়ার কী ক্ষমতা ! সেবায় তুষ্ট করতে পারলে মাথায় একটি হাত রাখবেন আর তাবৎ বিদ্যা মাথার মধ্যে এসে যাবে —খেয়ে-দেয়ে তিনি বললেন ।

লোলা বলল—সত্যি ? আমি তক্ষশিলায় যাবো । যদি আচারিয়কে তুষ্ট করতে পারি, বিদ্যা পাবো ? বলুন না অজ্ঞ । আচ্ছা আচারিয় কী প্রকার ? বৃক্ষদেবতার মতো ?

—তক্ষশিলার আচারিয়রা আমি যতদূর জানি ইন্দ্রমায়ায় অদৃশ্য থাকেন ! বহু-যজ্ঞ করলে তত্ত্বে আবির্ভূত হন ।—লোলার পিতা বললেন ।

অতিথি সহাস্যে বললেন—এরূপ কাহিনী আপনি কোথা থেকে শুনেছেন ?

কস্মসেক ভেবে-চিন্তে বললেন—শুনে আসছি । পিতার কাছ থেকে শুনেছি সম্ভবত । অতিথিরা এলে তাঁদের কাছ থেকে পথের বিবরণ শোনা আমার পিতার অভ্যাস ছিল । আচ্ছা কাত্যায়ন, আপনি তো এখন সারাদিন ধরে কী যেন লিখবেন । কী ও ? লিপি ?

অতিথি বললেন—না, লিপি ঠিক নয়, ও বোধ হয় আমার ভাবনা-চিন্তা ।

—ভাবনা-চিন্তা ? সে তো মাথায় থাকে ?

—লিপিবদ্ধ করবার প্রয়োজন বোধ করি, ভদ্র ।

এতক্ষণ কর্ষকের পুত্ররা অনেক কষ্টে কৌতুহল সংবরণ করে ছিল । এবার দ্বিতীয় পুত্র রাম বলল—কোন ভাবনা লিপিবদ্ধ করেন ভদ্র ?

—এই যেমন রাজার সঙ্গে প্রজার সম্পর্ক...

—রাজার সঙ্গে প্রজার আবার সম্পর্ক কী ?—জ্যেষ্ঠ সাম বলল ।

তক্ষারি বললেন—মহাবন কেটে ক্ষেত প্রস্তুত করেছে । সে যে কী কষ্ট কাত্যায়ন ! তখন গামনী ছিলেন না । তারপর তাতে হাল চালিয়ে, বীজ বুন, ব্রহ্মার কৃপায় যথেষ্ট বৃষ্টিতে ধানগুলি লাগন করেছে । কেটে ঘরে তুলছি বছরের পর বছর, বৃক্ষদেবতার অর্চনা করি গন্ধমাল্য দিয়ে, বৃষ্টি তেমন না হলে ইন্দ্রমূর্তি আছে, ব্রত করে নারীরা, দূর নিগম গাম থেকে গামভোজক আসেন বছরে একবার । গণনা করে যা নেবার নিয়ে যান । মহারাজ ব্রহ্মদত্তর কাছে কোনও অপরাধ তো করিনি ।

—কোনও অপরাধের প্রশ্ন নেই কর্ষক । কিন্তু আপনি ব্রহ্মদত্তর নাম করলেন কেন ? ব্রহ্মদত্ত তো বহুদিন গত হয়েছেন ! এখন রাজা তো মগধাধিপ বিশ্বিসার ।

ওই হল—তক্ষারি বললেন—রাজ্য রাজ্য ভিন্নতাই বা কী । ঐরা সব দেবতা । আমরা হলাম গিয়ে অধম মানুষ । ওঁরা সব ইন্দ্রমায়্যা জানেন ।

রাজাকে, আচার্য্যকে, পণ্ডিতকে—সকলকেই তা হলে আপনারা মায়্যাবি দেবতাসদৃশ বলে মনে করেন, কর্ষক ? এ ধারণা তো ঠিক নয় !

লোলার হতে কুম্ভাষ পিণ্ড । সে এক হাতে সেটি ধরে অন্য হাত দিয়ে অন্ন অন্ন খাচ্ছিল, তার খাওয়া থেমে গেল । সে বলল—অজ্ঞ, রাজারও কি আমাদের মতো দুটো হাত থাকে ?

—রাজার, আচার্যর সবারই দুটোই হাত, দুটোই পা, অবয়বগুলি সব একই প্রকার । কোনও মায়্যাই কারো জানা নেই ।

—কেন রাজা কি দেখেছেন যে বলছেন ?—তক্ষারি একটু উদ্বেজিত হয়ে বললেন ।

—মহারাজ বিশ্বিসারকে তো অতি নিকট থেকে দেখেছি । তিনি আপনার আমার মতোই মানুষ ।

সব সময় অলঙ্কার বা পঞ্চ রাজচিহ্ন ধারণ করতেও ভালোবাসেন না। ছদ্মবেশে প্রজাদের মধ্যে ঘুরে বেড়ান।

—ছদ্মবেশ! সর্বনাশ!—সাম বলল—সে ক্ষেত্রে ব্রাহ্মণ আপনিও তো ছদ্মবেশী রাজা হতে পারেন।

রাম সসন্ত্রমে বলল—আপনাকে দেখেই অন্য প্রকার মনে হয়। আমি প্রথমেই আমার পত্নীকে বলেছিলাম...

অতিথি বললেন—আমি রাজা নই। কিন্তু রাজা এরূপ ছদ্মবেশ নিতেই পারেন। আপনারা জানেন তো বাহুবলে মহারাজ বিহিসার এই মগধরাজ্য একত্র করেছেন, অঙ্গরাজ্যে জয় করেছেন...

—আমরা এ সব কিছুই জানি না—তঁকারি সবিন্ময়ে বললেন, তা ছাড়া রাজার রাজ্য তো কতই যুদ্ধ হয়।

—অঙ্গ মগধের যুদ্ধ হলে আপনারা কোন পক্ষে ছিলেন? অবশ্য যুদ্ধের কথাই জানেন না যখন এ প্রশ্ন করা য়্থা। তবু জিজ্ঞাসা করি। ধরুন এখন যদি মগধের সঙ্গে অবন্তীর যুদ্ধ হয় কার পক্ষ নেবেন?

—অবন্তী কোথায় তা জানি না। কিন্তু অবন্তীরাজ যদি জয়লাভ করেন তো তাঁরই পক্ষ নিতে হবে।

অতিথির মুখ অন্ধকার হয়ে গেল। তিনি বললেন—যে রাজাকে এখন কর দিচ্ছেন তিনি মহারাজ বিহিসার। বাহুবল যেমন আছে তেমন হৃদয়ও আছে। করভার বাড়ান না। গ্রামগীদের ডেকে সভা করেন। প্রত্যেকের কাছ থেকে গ্রাম-সংবাদ নেন। তিনি যদি আক্রান্ত হন, তার অর্থ আপনারাও আক্রান্ত হলেন। সৎ মহানুভব রাজা। ইন্দ্রমায়ী জানেন না। কিন্তু তিনি পিতার মতো।

সাম আবার সসন্ত্রমে বলল—আপনার মতো যদি হন তিনি, তা হলে আমরা অবশ্যই তাঁর পক্ষে। কিন্তু যুদ্ধকালে আমরা কস্ককরা কিভাবে তাঁর পক্ষ নেওয়াটা দেখতে পারি।

—যুদ্ধকালে যদি আপনাদের সবারই কিছু অস্ত্র শিক্ষা থাকে তো গ্রামরক্ষার কাজে লাগবে তা। আপনারা কি কিছুই জানেন না? দস্যুর উপদ্রব হলে কী করেন?

—গ্রামের উপান্তে চণ্ডালপল্লী আছে। তারা ভালো বংশধাবন করতে পারে অস্ত্র, উৎসবে যেমন খেলা দেখায়, দস্যু-টস্যু এলেও তেমনি বংশধাবন ভালোই কাজে লাগবে।

—এ প্রকার বিদ্যা আপনাদেরও জানা উচিত।

—আমাদের কনিষ্ঠ ভাই ভালো বাঁশ চালাতে জানে। সহজ ক্ষমতা আছে।

—এ গ্রামে আপনাদের একটি অস্ত্রশিক্ষাগার থাকলে ভালো। কারণ বিদেশি সৈন্য তো প্রথমে প্রত্যন্ত গ্রামগুলিই আক্রমণ করবে...।

—আপনার কথা শুনে আমার হৃৎকম্প হচ্ছে...তঁকারি বললেন, অবন্তী কি মগধ আক্রমণ করছে?

—করেনি। আমাদের এই জম্বুদ্বীপের রাজারা হয়ত পরম্পরকে আক্রমণ আর করবেন না। কিন্তু জম্বুদ্বীপের বাইরেও তো পৃথিবী আছে, সেখানে উচ্চাকাঙ্ক্ষী জাতি, উচ্চাকাঙ্ক্ষী নৃপতি জম্বুদ্বীপের দিকে দৃষ্টি ফেরাতে পারে, সে রূপ সুঃসময়ে আপনাদেরও মগধরাজ বিহিসারের পশ্চাতে থাকতে হবে। তাঁর প্রতি আনুগত্য নিয়ে। নিজেদের গ্রাম রক্ষার কিছু ব্যবস্থা রাখতে হবে। কিছু শস্য সঞ্চয় করে যেতে হবে অসময়ের জন্য।

—জম্বুদ্বীপের বাইরে কোন দিক থেকে শত্রু রাজা আসতে পারে?

—সভয়ে জিজ্ঞাসা করল রাম।

—উত্তর-পশ্চিম থেকে আসবার সম্ভাবনা আছে।

পুরুষেরা কাজে যোগ দিতে চলে গেলে, লোলা অতিথির কাছে এসে বসল বলল—মহারাজ বিহিসার কেমন, অস্ত্র?

—অতিশয় মহানুভব। তোমাদের সবার কথা চিন্তা করেন।

—লোলার কথাও?

অতিথি একটু হাসলেন—হ্যাঁ, লোলার কথাও।

—দেখতে কেমন ?

অতিথি বললেন—একটি পোড়া কাঠের খণ্ড নিয়ে এসো তো !

লোলা অবিলম্বে পাকশাল থেকে কাঠের টুকরো নিয়ে এলো ।

অতিথি দাওয়ার ওপর সযত্নে একটি চিত্র লিখলেন । তারপর বললেন—ভালো করে দেখো লোলা । এই হলেন ব্যক্তি বিশ্বিসার । এইবার মাথায় কিরীট দিলাম, কানে কুণ্ডল দিচ্ছি, বাহুতে অঙ্গদ—কণ্ঠে মণিহার । ইনি হয়ে গেলেন এক অভিজাত রাজপুরুষ । এইবার বক্ষে বর্ম দিলাম, কটিতে তরবারি, কাঁধে ধনুর্বাণ—ইনি উপরন্তু একজন মহারথ যোদ্ধা হলেন । হলেন তো ? সবশেষে আমি ঐর চক্ষু লিখছি । এই চক্ষুর দৃষ্টি দেখলেই বুঝতে পারবে ইনি তোমাদের কথা ভাবছেন । অতিথি প্রতিকৃতির মুখের মধ্যে সযত্নে চোখ দুটো আঁকলেন, বললেন—এই হলেন মহারাজ বিশ্বিসার ।

লোলা অনেকক্ষণ ধরে চেয়ে রইল প্রতিকৃতিটির দিকে, তারপর অতিথির দিকে অপাঙ্গে চাইল, বলল—বুঝেছি ।

—কী বুঝেছে বালিকা ?

—বুঝেছি—বলে লোলা মুখ টিপে হাসল ।

অতিথিকে একটি কুটির দেওয়া হয়েছে, অর্থাৎ একটি কক্ষ আর তার সম্মুখের দাওয়া । রাত্রে গৃহের একমাত্র পৌত্রটি ও কনিষ্ঠ পুত্রটি এখানে শোয় । সারাদিন রাজশাস্ত্র লেখার কাজ করলেন অতিথি । মধ্যাহ্নের কিছু পূর্বে গিয়ে পুরুরিণীতে স্নান করলেন । মধ্যাহ্নে পাকশালার দাওয়ায় বসে দেখলেন তাঁর থেকে একটু দূরত্বে গৃহের পুরুষদের পাতাগুলি রাখা । তাঁকে দেওয়া হয়েছে রক্তবর্ণ কবলের আসন, সামনে কাংস্যপাত্রে ভোজ্য । উত্তম শালিধানের চালের অন্ন, ঘূতের গন্ধে অঙ্গনটি ভরে গেছে । তিন চার প্রকার ব্যঞ্জন । অন্ন, দধি—এবং অবশ্যই শূকর মাংস ।

প্রতিবাদের মধ্যে যেতে ইচ্ছে হল না । তিনি শুধু বললেন—লোলা কই ? লোলা আমাদের সঙ্গে ভোজনে বসুক ।

পাকশালের দুয়ারে দাঁড়ানো গৃহিণী জবালা আর দাওয়ায় বসে গৃহকর্তা তঙ্কারির মধ্যে দৃষ্টিবিনিময় হল । তঙ্কারি বললেন,—লোলাকে কাত্যায়ন স্নেহ করেন, লোলা বসুক ।

লোলা বসুক, লোলা বসুক—একটা বর উঠল । এরই মধ্যে তার পাত্রটি ডান হাতে ধরে লোলা অতিথির অবিদূরে এসে বসল । অতিথি তাঁর পাত্র থেকে কিছু কিছু ভোজ্য লোলার পাত্রে তুলে দিলেন । সকলেই সসম্ময়ে নীরব রইল ।

ভোজনের সময়ে কেউই বিশেষ কথা বলছে না । অতিথি বললেন,—বন্যা বরাহটি তো অতি সুস্বাদু পাক হয়েছে ।

জবালা মৃদুস্বরে বললেন—প্রচুর মাংস অঙ্জ, আমরা প্রতিবেশী গৃহেও কিছু পাঠিয়ে দিয়েছি । আপনার অনুমতি নেওয়া হয়নি ।

অতিথি হেসে বললেন—গৃহের খাদ্য কী রূপ ভাগ হবে তার জন্য অতিথির অনুমতির প্রয়োজন কী ? অতিথি মৃগয়া করতে ভালোবাস । এরপর আপনাদের শীঘ্রই মৃগমাংস খাওয়াবো ।

লোলা বলল—কালই তো একটি গোবৎস মারা হবে । শূলপক হবে । এখন মৃগয়া করবেন না । অতিথি মুখ তুলে তঙ্কারির দিকে চাইলেন—সে কী ? আপনি হঠাৎ গোবৎসটি মারবার ব্যবস্থা করছেন কেন ?

তঙ্কারি বললেন—মাননীয় অতিথির জন্য আমরা তো কিছুই করিনি । ঘরের খুদ-মুগের পিণ্ড পর্যন্ত খাইয়েছি । একদিন...

—সে ক্ষেত্রে আমি আজ এই ভোজনের পরেই যাত্রা করছি । গৃহস্থের ঘরে তিন রাতের অধিক থাকাই উচিত না ।

লোলা বলল—না, না, আপনি যাবেন না অঙ্জ ।

রাম ও সাম দুজনেই সন্তুষ্ট হয়ে হাত গুটিয়ে বসল । তঙ্কারি বললেন,—আপনি যা বলবেন তাই হবে কাত্যায়ন, আমি গো-বৎসটি মারবো না, আপনি অনুগ্রহ করে কিছুদিন থাকুন ।

অতিথি মুখের হাসি গোপন করে তাঁকে আশ্বস্ত করলেন। ভোজন সমাপ্ত হল। কিন্তু রাত্রে গৃহের কনিষ্ঠ পুত্র ও পৌত্রটি অতিথির কক্ষে শুতে এলো না।

রাত্রে দীপ জ্বালিয়ে এদের তৈল ব্যয় করতে তাঁর সজ্জাচ হয়। তেলের মূল্য দিতে আরো সজ্জাচ হয়। সূত্রাং রাত্রে লেখার কাজ বন্ধ থাকে। যতক্ষণ চাঁদ বা তারার আলোয় পথ একটুও দেখা যায়, তিনি চংক্রমণ করেন, তারপর নিজকক্ষে এসে গবাক্ষের পাশে একটি ছোট বেত্রপীঠ নিয়ে বসে থাকেন। ভাবেন। অনেক ভাবনা চেষ্টা করে মন থেকে সরিয়ে দেন। নগরের স্মৃতিজটিলতা থেকে তিনি এখন কত দূরে! এই প্রত্যন্ত গ্রাম যা এক কোণে সকল পথের আয়ত্তের বাইরে আশ্রয় পেয়েছে, এখানে রাত্রির অন্ধকারে বসে বসে রাজগৃহের দীপদণ্ডালোকিত পথগুলি কল্পনা করা যায় না। কল্পনা করা যায় না সেই সব পণ্যবদ্ধ আপগশ্রেণী, প্রাসাদগুলি, রাজপুরুষ, শ্রেষ্ঠীদের সেই বৈভব। নৃত্য, গীত, শিল্প, বিদ্যা, শ্রমণদের সেই ভিক্ষাবিলাস, বেগুনে দেশনা। তিনি রাজগৃহ থেকে এই গ্রামভূমির দিকেই ক্রমশ এগিয়েছেন। অঙ্গ মগধের সীমায় চম্পা নদী। চম্পা পার হয়ে যা পূর্বে অঙ্গদেশ ছিল, এখন মগধের অন্তর্ভুক্ত, সেই রাজ্যের বহু গ্রামে গেছেন, চম্পা নগরীতে অধিক দিন থাকেননি, কিন্তু দেখেছেন তা-ও। বড় সুন্দর এই জীবনধারা। শাস্ত, শিষ্ট। কিন্তু বড় অঙ্গ। বিদ্যার কথা তিনি ভাবছেন না। কিন্তু নিজের দেশের রাজা কে, রাজা কীরূপ, কবে যুদ্ধ হল, রাষ্ট্রনৈতিক পরিবর্তন এলো, কাকে কর দেয়, কার প্রতি অনুগত থাকতে হবে, উত্তরকুরু, গান্ধার, অবন্তী এইসব দেশগুলি অন্তত পক্ষে কোন দিকে এটুকুও না জানা বড় নৈরাশ্যজনক। বংশের পর বংশ এদের জীবনযাত্রা দু-চারটি গ্রামের মধ্যেই সীমাবদ্ধ থাকবে। বৈবাহিক সম্পর্কের জন্যও এরা বেশি দূরে যাবে না। বংশের পর বংশ শুধু কয়েক যোজনের ভূমিকে পৃথিবী বলে জানবে। ওই লোলা নামে বালিকাটি বুদ্ধিমতী, কৌতুহলী—তার জীবন শেষ হবে এই প্রকার একটি কুটিরে খাদ্য পরিবেশন করতে করতে। এই সরলতা কাম্য, কিন্তু অজ্ঞতা যাক। রাজশক্তির সঙ্গে আরো একটু প্রত্যক্ষ সম্পর্ক হোক, না হলে দূরের স্বপ্নলোকের কোনও মায়াবি রাজপুরুষের প্রতি আনুগত্য, ভক্তি, ভালোবাসাই বা প্রত্যাশা করা যায় কী ভাবে?—আবার দূরত্বও চাই। সম্ভ্রম না থাকলে আস্থাও তো থাকে না।

অতি প্রত্যুষে উঠে স্নানসেরে নিয়ে তিনি পুঁথি খুলে বসলেন। রাজার সঙ্গে প্রজার এই নাতিনিকট, নাতিদূর সম্পর্কের নীতির কথা এখনই লিখে ফেলা প্রয়োজন। একটা নতুন কথা তাঁর মনে হচ্ছে, রাজার মাঝে মাঝে নিজ রাজ্য পরিভ্রমণ করা উচিত। আসুন তিনি লোকজন, সৈন্যসামন্ত নিয়ে, কিন্তু কোনও সুবিধাজনক স্থানে স্বচ্ছাবার রেখে ছদ্মবেশে নিকটবর্তী ও দূর দূর কোণের এই সকল গ্রামভূমি পরিভ্রমণ করলে তিনি বুঝতে পারবেন তাদের সঠিক অবস্থা, প্রয়োজন। কারণ রাজধানী থেকে যতই দূর যাওয়া যাবে, ততই তাদের সঙ্গে সম্পর্ক শিথিল হয়ে যায়। বছরে একবার অন্তত রাজা রাজধানী থেকে বেরিয়ে যাবেন গোপনে, বিশ্বস্ত উপরাজ অর্ধধর্মানুশাসক ও বিনিশ্চয়ামাত্যর ওপর রাজ্যভার দিয়ে। এক এক বৎসর যাবেন একেক দিকে।

পরবর্তী দু-একদিনের মধ্যে অতিথি বুঝতে পারলেন সমগ্র একসালা গ্রামের লোক ভেবেছে তিনিই ছদ্মবেশী বিশ্বিসার। তাদের আচার-আচরণ আগের থেকেও সম্ভ্রমপূর্ণ। মাঝে মাঝে তৎকারিগ্ৰাহে নানা প্রকার উপহার আসছে। যেদিন তিনি একটি বিরাট মূহ ও বন্য বরাহ মৃগয়া করে গ্রামকে প্রভোভাজের ব্যবস্থা করলেন, নিজেই মাংসগুলি শূলপক্ক করছিলেন, একটু দূরত্ব রেখে গ্রামবাসীরা চেষ্টা করছিল তাঁর হাত থেকে শূলগুলি নিয়ে নিতে। শেষে যখন পরিবেশন আরম্ভ হল, বিশ্বিসার শব্দ শুনে তিনি কান খাড়া করলেন। ওরা বলছে—রাজার প্রসাদ, রাজার প্রসাদ। স্বয়ং রাজ্যের হাতের মারা হরিণ বরা, তাঁরই হাতে ঝলসানো—কোনও গামে, কেউ কোথাও কখনো কেবলই?...এমন রাজা হলে তাঁর জন্যে প্রাণ দিতে পারি আমরা হাসতে হাসতে।

এই শেষ কথাগুলি শুনে শুনে অতিথির হৃদয়ের স্তম্ভে এক মহোৎসাহের ভাব জন্ম নিল। এরা যদি তাঁকেই মহারাজ বিশ্বিসার ভাবে তো ক্ষতি কী? এক অর্থে তিনি তো বিশ্বিসারই। তাঁরই প্রসারিত সত্তা। চক্রবর্তী রাজ্যের আগে আগে নাকি তাঁর চক্র যায়। এখন তিনি বুঝে ত পারছেন এই চক্র কোনও অস্ত্র নয়, বিশ্বিসারের চক্র তিনিই হতে পারেন, হয়েছেন।

পরের দিন প্রত্যুষে তিনি একসালা গ্রাম ছেড়ে যাবার জন্য পুঁথিপত্র বেঁধে ফেললেন। কাউকে স্বভাবতই জানাননি। তল্লারি-গৃহ অনেকটা ছাড়িয়ে এসেছেন, পেছনে থেকে—রাজা, রাজা ডাক শুনে দাঁড়ালেন। লোলা ছুটতে ছুটতে আসছে।

—কাউকে না বলে চলে এসেছেন? আমাকেও বলেননি? ওরা যে বলে লোলা রাজার পিয়।

—ভুল হয়ে গেছে লোলা। তুমি অবশ্যই আমার প্রিয়পাত্রী, তোমাকে একটা উপহার দেবার ইচ্ছা ছিল আমার কিন্তু একবার এক বালিকাকে উপহার দিয়ে তাকে প্রাণান্তিক বিপদে ফেলে দিয়েছিলাম তাই কোনও উপহার, কোনও স্মৃতিচিহ্ন দেবো না, লোলা। বস্তু ব্যতীত এই অতিথিকে যদি মনে রাখতে পারো তবেই বুঝবে তুমি সত্যসত্যই তাকে ভক্তি করো।

লোলা সজল চোখে বলল—আমি আপনাকে চিরকাল মনে রাখবো রাজা, যখন বৃদ্ধা অতিবৃদ্ধা আরও বৃদ্ধা পিতামহী প্রপিতামহী হয়ে যাবো, তখনও...তখনও—কিন্তু আপনি অনেক দূর যাবেন। মা আপনার জন্য খজ্ঞ পাঠিয়ে দিয়েছে। এই পেটিকায় আছে। উপহারের দ্রব্যগুলি তো সবই ফেলে এলেন—এই পেটিকাটিতে খজ্ঞ এনেছি।

—কী এনেছ বালিকা—অতিথি হাসিমুখে জিজ্ঞাসা করলেন।

—শুকনো মাংস আছে, মৃগমাংস, দু-তিনদিন থাকবে, চিড়ে আছে, মণ্ড আছে, আর দেখুন—সে পেটিকাটি খুলে দেখালো শালপাতার দীর্ঘাকার পাত্রে—দেখুন এগুলি লোলার অতিপ্রিয় খজ্ঞ—অতিথি দেখলেন পত্রপুটে রয়েছে কিছু ভাজা চণক।

লোলা বলল—মা বলছিলেন এগুলি ঘোড়ার বা গাধার খজ্ঞ, এগুলি কেউ কাউকে দেয় না। আমি লুকিয়ে এনেছি। আপনি রাগ করবেন না তো?

অতিথি অন্যমনস্কের মতো বালিকাটির শিরে হাত রাখলেন, বললেন—তুমি, তোমার অন্তরাছাই একমাত্র সঠিক কথাটি বুঝেছে। অনেক সরস, সুরসাল, মূল্যবান খাদ্য আছে, মাংস, মৎস্য, পায়স,...কিন্তু সবসময়ের জন্য, সব সরলমতি মানুষ-মানুষীর কাছে প্রিয় এই চণক। আমার মনে থাকবে...

অশ্রুমুখী বালিকাটিকে পথহীন গ্রামের সেই বিন্দুতে দাঁড় করিয়ে রেখে চণক চলে গেলেন।

পরে যখন মহারাজ বিশ্বিসার রাজনীতির জটিল ঘূর্ণবর্তে পড়ে নিহত হলেন, তখন মগধের প্রজারা অনেকেই জানতেই পারেনি। যারা জেনেছিল তারাও ওসব রাজাদের ব্যাপার বলে যে যার কাজে মনোনিবেশ করেছিল। শুধু একসালা গ্রামের তরুণী বধু লোলা গ্রামপ্রান্ত থেকে ক্রমবিলীয়মান সেই উন্নত দেহ, রজতবর্ণ অতিথির কথা মনে করে বড় কান্না কেঁদেছিল। বিষাদে আচ্ছন্ন হয়ে গিয়েছিল অঙ্গরাজ্যের প্রান্তিক কয়েকটি গ্রাম যেখানে যেখানে চণক একদা বাস করেছিলেন।

৮

ছায়া পূর্ব দিগন্তে ক্রমপ্রসরমান। সকাল থেকে সন্ধ্যা, আবার সন্ধ্যা থেকে সকাল। একইভাবে যাওয়া আসা করে। গান্ধার-ভবনের দাস-দাসীগুলি দিনের পর দিন এই বৈচিত্র্যহীনতায় মগ্ধ। এই গান্ধাররমণী জিতসোমাকে তারা কতভাবেই না দেখল! ইনি যখন সদ্য সদ্য গান্ধার থেকে এলেন, মগধের রাজ-অন্তঃপুর চমকে উঠেছিল। শঙ্খশ্বেত গাত্রবর্ণ। শ্বেতমর্মরের মূর্তি ধরে ভুল হয়। আকর্ষণবিস্তৃত ব্রু। দীর্ঘ নয়ন। চোখের মণি দুটি যেন মৃদু নীলাভ জলে ভাসছে। চোখের পাতাগুলি দীর্ঘ এবং বক্র। নাসা কান যেন স্ফটিক দিয়ে কেউ সযত্নে নির্মাণ করেছে। দ্যুতিময় দীর্ঘ কেশ। দীর্ঘ একটি মণিময় দীপদণ্ড বুঝি। একমাত্র দেবী ক্ষেমার মধ্যে এই জগতীয় রূপগরিমা দেখা ছিল। ইনি যেন আরও অলৌকিক। চিত্রের মতো, বা স্বর্গীয়। ছেল্লনা দেবীর আদেশে যেদিন নৃত্য-গীত করলেন—সবাই বিশ্বয়ে স্তব্ধ হয়ে গিয়েছিল। এসেছিলেন দেবী কোশলকুমারী, দেবী ক্ষেমা, দেবী উপচেলা। অন্তঃপুরিকারা সবাই ছিলেন।

প্রমোদগহের মুক্ত দ্বারপথে সমস্ত শরীরে আদ্ভুত কয়েকটি চক্রাকার পাক দিতে দিতে প্রবেশ করলেন নটী জিতসোমা। সোনার কাজ করা সূর্যাস্ত বর্ণের মসৃণ দুকূলবসন সঙ্গে সঙ্গে পাক

খাঙ্কিল। তারপর মণিকুটুমের বিভিন্ন জায়গায় নটী পুরো শরীর দিয়ে রক্তকমল ফোটাতে লাগলেন। একে একে বারোটি কমল ফুটল। তখন কঙ্কের মাঝখানে জানু ভেঙে বসে তিনি প্রস্তুতিত কমলিনীর সংগীত গাইলেন। বীণা ছিল না। ছিল শুধু মৃদঙ্গ। অন্তরাল থেকে বাজছিল। গাঙ্কার-ভবনের দাসীরা এখনও সেই সব নৃত্য ও গীতের কথা গল্প করে। দেবী ছেল্লনা বলেছিলেন— একে রাজগৃহ-নটীর পদ দিয়ে প্রতিষ্ঠা করলে তো সালবতীর নৃত্য-গীত বানরীর লক্ষ-সম্প মনে হবে, তাই না জেটঠা !

কোশলকুমারী বলেন— তা নয়। সালবতী যথেষ্ট কুশলী। কিন্তু জিতসোমার সৌন্দর্যের ধরনটি আমাদের অচেনা। তার নৃত্য-গীতের ধরনও তাই। আমরা একরূপ দেখিনি, নটী এই যে গীত গাইলে— এ সুর, এ ভাষা কোথাকার ?

—পারস্যের, দেবী। পারসিক বণিকরা গাঙ্কার ও কাশ্মীরে প্রায়ই যাতায়াত করেন, তাঁদের সঙ্গে পারসিক নটীও আসেন কিছু কিছু। আমার মা শিখেছিলেন তাঁদের থেকেই।

—পরবর্তী সমাজোৎসবে রাজগৃহের প্রধান নৃত্যগৃহে তোমার নৃত্য-গীতের আয়োজন করি ? এমন রত্ন পাঠিয়েছেন গাঙ্কার-রাজ, সবাই দেখুক !

দেবী উপচেলা বললেন— রাজগৃহে তো কোলাহল পড়ে যাবে জেটঠা এমন নটী দেখলে। দূর-দূরান্ত থেকে লোক আসতে থাকবে।

কোশলকুমারী হেসে বলেছিলেন— অম্বপালীর খ্যাতিও কি স্নান হয়ে যাবে, ভগিনী উপচেলা ? তা হলে বৈশালীর কী হবে ?

বৈশালী দেবী ছেল্লনা ও দেবী উপচেলার পিতৃভূমি। দুজনেই বৈশালী সম্পর্কে অত্যন্ত দান্তিক ও স্পর্শকাতর। ছেল্লনা বললেন— বৈশালীর সমৃদ্ধি-প্রতিপত্তি কি একমাত্র অম্বপালীর ওপরই নির্ভর করে আছে নাকি ?

কোশলকুমারী মৃদু হেসে সম্ভবত তাঁর দুই সপত্নীর গায়ে জ্বালা ধরিয়ে বললেন— সেনাপতি সীহ, অভয় ঐদের বাহুবল, পিতৃব্য ছোটক ইত্যাদির শাসনদক্ষতা, জিন মহাবীরের তপস্যার পুণ্য ইত্যাদির কথা বলছ তো ? লোকে কিন্তু বলে থাকে—বৈশালীর প্রতিপত্তির অর্ধেক যদি ঐদের জন্য তো বাকি অর্ধেকের জন্য শংসা প্রাপ্য একা অম্বপালীর।

সমাজোৎসবে বেরোবার নামেই কিন্তু নটী জিতসোমা অসুস্থ হয়ে পড়লেন। তারপর তো কুমারের প্রাসাদে এবং পরে গাঙ্কার-ভবনে তাঁকে পাঠানো হল। দাস-দাসীদের আশা ছিল— এই গাঙ্কার-ভবন রাজগৃহের শ্রেষ্ঠ প্রমোদভবন হয়ে উঠবে। ধনী, জ্ঞানী, গুণী, শক্তিমান— নানা ধরনের ব্যক্তি আসবেন। প্রতিদিন নিতানতুন সমারোহ হবে। কিন্তু জিতসোমা আর সেভাবে নাচলেন না, গাইলেন না। কখনও কখনও আপনমনে গীত গান, দাসীরা উৎকর্ষ হয়ে থাকে, কিন্তু দু'চার কলি গাইবার পর দেবী নীরব হয়ে যান। তাঁর চলায়, বলায় অবশ্যই একটি অপূর্ব ছন্দ আছে। কিন্তু জিতসোমা দাসীদের সঙ্গে সহজ সখিত্বের ভঙ্গিতে কথা বলতেও পারেন না। তিনি এখনও গাঙ্কার রমণী, বিদেশিনী। মগধের দাস-দাসীরা তাঁর আদেশ পালন করে কিন্তু মনের তল পায় না। ইনি দূরত্ব রেখে চলেন। তা-ও যতদিন আচার্যপুত্র ছিলেন, তিসসকুমার ছিলেন, একটু আনন্দের বাতাবরণ ছিল। মহারাজ বিশ্বিসার আসতেন, তিনজনে কথাবার্তা, আলাপ-আলোচনা জমে উঠত, ভালো ভালো খাদ্য পানীয়র ব্যবস্থা হত। গৃহসঙ্জ্ঞা নিয়ে ব্যস্ত থাকতেন জিতসোমা। কিন্তু অঙ্ক চণক ও তিসসকুমার চলে যাবার পরে এই গাঙ্কাররমণীর মধ্যে কেমন একটা আমূল পরিবর্তন এসেছে। প্রতিদিন প্রসাধন ও সাজসঙ্জ্ঞার সেই সমারোহ আর নেই। ভোজ্য তালিকা কী হবে তা নিয়ে দেবী মাথা ঘামান না। গাঙ্কার-ভবনের সাজসঙ্জ্ঞার সেই পারিপাট্য ? তা-ও যেন আগের মতো আর নেই। অথচ তারা বুঝতে পারে এই ভবন এবং এই রমণী অজিত গুরুত্বপূর্ণ। কেননা মহারাজ বিশ্বিসার আসেন, কুমার কুনিয় আসেন, আসেন মহাবেঙ্ক জীর্কও। এত কি লেখে এই রমণী ? এত কী-ই বা বলে ? এইসব রাজা-রাজকুমার জ্ঞানীগুণী ব্যক্তির কী-ই বা এতো আলোচনা করেন এর সঙ্গে ?

দ্বিপ্রহর পার হয়ে যাবার পর তারা ভোজনের জন্য তাড়া দিতে গিয়েছিল। কত্রী লেখায় মগ, ৩২০



একবার মুখ তুললেন, যেন তাদের এই প্রথম দেখছেন।

—ভোজন ? কেন ? কোথায় ?

—সে কি ? আপনি মধ্যাহ্নে খাবেন না !

অনেকক্ষণ বিহ্বলভাবে তাকিয়ে থেকে কত্রী সহজ হলেন। বললেন— অহো, কী অন্যান্য, আমি খাইনি বুঝি ? তোমরা সবাই খেয়ে নাও ধীরা। আমাকে বরং একটু দুধ দিয়ে যাও।

দুধ, ফল, মিষ্টান্ন, মধু... দিনের বেলায় এর অধিক কিছু প্রায়ই খাওয়া হয় না। পশ্চিমের বাতায়নের কাছে লেখার ফলকটি টেনে নিয়ে গেছেন কত্রী। রক্তাভ মৃদু আলো এসে পড়ছে পুঁথির ওপর। শ্বেতবসন। শ্বেত উত্তরীয়টি অবগুণ্ঠন দিয়ে মাথা থেকে কণ্ঠে জড়িয়ে নিয়েছেন। বিরাট বৈদ্যুর্বে অঙ্গুরীয়টি আঙুলে করে খোরাচ্ছেন মাঝে মাঝে, এমনই মুদ্রাদোষ এই গাঙ্গারীর। অঙ্গুরীয়টি বোধ হয় একটু শিথিলও হয়ে গেছে। কানের হীরাগুলি ঝলকাচ্ছে। ডান হাতের মণিবন্ধের স্বর্ণাভরণ পাশে খুলে রেখেছেন। চাপ পড়লে পুঁথির ভূর্জপত্রগুলির ক্ষতি হতে পারে।

দাসীরা বলাবলি করে দেবী কৃশ হয়ে যাচ্ছেন। বলয় হাতে চলল করছে। প্রসাধন করেন না, ওষ্ঠাধর দুটি কেমন বিবর্ণ দেখায়। নারীদের কী রূপ বিষয়ে এত উদাসীন হতে হয় ! কুমার কুনিয়কে ছুট করতে পারলে দেবীর জীবনে বিলাস, শ্রী ও ক্ষমতার নতুন উৎসই খুলে যাবে, সেই সঙ্গে যাবে তাঁর দাসদাসীদেরও। কিন্তু এই রমণীর কোনও বিষয়েই যেন কোনও ভূক্ষেপ নেই।

জিতসোমা এখন অতিশয় গুরুত্বপূর্ণ এক নীতির কথা লিখছে। সে একেবারে তন্ময়। লিখছে : রাজাদের তিন ভয়। বহিঃশত্রু ভয়, অন্তঃশত্রু ভয় ও আত্ম ভয়। বৈভব এবং ক্ষমতার স্বাদ রাজাকে ভোগী, আত্মপর, শক্তির ব্যবহারে স্বৈরাচারী করে তুলতে পারে। এই হল আত্মভয়। যে রাজা বা রাজশক্তি বোধে না তার ঐশ্বর্য এবং ক্ষমতা কোনওটাই নিজস্ব নয়, সে রাজশক্তিকে ঘৃণা করে না এমন ব্যক্তি নেই। তার পতনও আসন্ন। রাজভূতকদের সাহায্যে প্রজাদের ওপর অত্যাচার। প্রজাদত্ত রাজস্বের ব্যক্তিগত ব্যবহার যা পরস্বাপহরণেরই নামান্তর, নিজস্বার্থে যখন-তখন যাকে-তাকে শাস্তি দেওয়া, এই লক্ষণগুলি প্রকট হলেই বুঝতে হবে রাজ্য বিপন্ন। রাজা নিজেই নিজের শত্রু।

‘অন্তঃশত্রুভয়’ অংশে সে লিখল বহুপত্নীক রাজা মনোযোগ সমবন্টন করতে না পারলে পত্নীদের মধ্যেই শত্রু সৃষ্টি হবে। ভোজনকালে মার্জারকে বা পাচককে না খাইয়ে তিনি খাদ্যগ্রহণ করবেন না। রাজনীতিক কারণে ভিন্ন রাজ্যের কন্যা বিবাহ করতে বাধ্য হলে সেই কন্যাকে বৈদেশিক রাজ্যের মতোই সম্মাননীয় মনে করবেন। যেখানে সেখানে ইন্দ্রিয়পরবশ হয়ে পত্নী বা উপপত্নী গ্রহণ করবেন না। অন্তঃপুরে প্রবেশ করার আগে জেনে নেবেন তা নিরাপদ কিনা। পত্নীর চেয়েও কঠিন পুত্র পালন করা। উভয় সম্পর্ক থেকেই উপাংশ-হত্যার ভয় আছে। শিশুকাল থেকেই পরিপার্শ্ব কারণে রাজপুত্রের মনে দম্ভ, ভোগেচ্ছা ও রাজ্যালিঙ্গা জন্মায়। তাই রাজপুত্র বড় হবেন গৃহ থেকে দূরে আচার্যের কাছে, অন্যান্য ব্রহ্মচারীদের সঙ্গে এক ভাবে, এক নিয়মে। উপযুক্ত আচার্যের কাছে অতিরিক্ত শাস্ত্র শিক্ষা ও রাজনীতি শিক্ষার পরও তিনি রাজধানীতে প্রত্যাবৃত্ত হলে তাঁর সঙ্গে উভয়বিধ আচার্য বসবাস করবেন। সুনির্বাচিত যুবাদের পরিকল্পিতভাবে রাজপুত্রের অনুচর করে দিতে হবে। এঁদের মধ্যে কয়েকজন থাকবেন রাজ্যেরও ঘনিষ্ঠ। রাজপুত্র অবিনীত ও উচ্চাকাঙ্ক্ষী হলে কয়েকজন গৃহপুরুষ রক্ষী ও সখার মতো তাঁকে সর্বদা ঘিরে থাকবেন। তাতেও যদি সন্তুষ্ট না হন তো, সেই কুমারকে নির্বাসন দেওয়া যেতে পারে। কিন্তু কৌশলে। উপরাজ্যের দায়িত্ব দিয়ে তাঁকে প্রত্যন্ত প্রদেশে পাঠানো হোক। দস্যু ও বহিঃশত্রুদের সঙ্গে সংগ্রামে লিপ্ত থাকুন তিনি। এইভাবে যদি সেই দুর্বিনীত রাজকুমারের মৃত্যুও হয়, হোক।

স্পষ্ট মৃত্তামালার মতো অক্ষরে এই পর্যন্ত তার ভাবনা-চিন্তা প্রকটন করল জিতসোমা, রক্তাভ রোদে অক্ষরগুলি দেখতে দেখতে চোখ জ্বালা করে জল আসছে। বাতায়নের দিকে মুখ ফিরিয়ে বসে রইল সে। সূর্যাস্তের প্রভায় বৈকাল-স্নান করছে জম্বুবন। আজ এই যে নীতি লেখা হল সেগুলি জম্বুবনের ছায়ায় ছায়ায় অন্তসূর্যের আলো মেখে দূর ভবিষ্যতের দিকে চলে যাচ্ছে— এমনই

মনে হল তার । বিশ্বিসার, তাঁর পুত্র অজ্ঞাতশক্রে, তার পুত্র, তার পুত্র । একইভাবে মহারাজ পসেনদি, তাঁর পুত্র বিরাজবে, তার পুত্র, তার পুত্র । মহারাজ পুঙ্করসারী তাঁর বংশধারা সমগ্র পৃথিবী, দূরতম সময়ের যে রাজপুরুষরা... তাঁদের ক্ষেত্রেও এই নীতির ব্যত্যয় হবে না । রাজারা যদি একপত্নীক হন, তাঁদের পরিজনভয় কিছু কমবে, কিন্তু রাজাসনে বসলেই যে চরিত্র দুষ্ট হয়ে যাওয়া এই ভয় চিরকাল থাকবে । আচ্ছা, সেই দূর-ভবিষ্যতে সোমার 'রাজশাস্ত্র' পড়ে কি সে সময়ের রাজারা সতর্ক হবেন ? আত্মজিজ্ঞাসু, সংযত হবেন ?

ছোমার চিন্তাসূত্র ছিন্ন হয়ে গেল, দাসী ধীরা এসে সসভ্রমে জ্ঞানাল কুমার কুনিয় আসছেন । সোমা পৃথিটি বাঁধল । তার আঙুলগুলি এখন সামান্য কাঁপছে । এই কুমার কক্ষে প্রবেশ করলেই একটা রূঢ় পৌরুষের গন্ধ পায় সে । তার গান্ধারের অভিজ্ঞতাগুলি মনে পড়ে যায় । কিন্তু ভেতরের অস্বস্তি সে গোপন রাখে ।

এখন যেমন বুঝতে পারছে, কুমার ঘরে ঢুকেছে । সেই উগ্র গ্রন্থ, প্রচুর শক্তি, বাসনা, দেহের সঙ্গে মনের অভিন্নতা, আগ্রাসী ব্যক্তিত্ব অথচ কোথায় একটা হীনতা বোধ । এইসব বিকিরণ করতে করতে এই কুমার আসে । একে উপেক্ষা করা কঠিন ।

কুনিয়র সঙ্গে প্রথম পরিচয়ের সময় সে যেমন দান্তিক, দুর্দম, নিষ্ঠুর ছিল, এখন ততটা নেই । কিন্তু জিতসোমা এখনও জানে না একে সে জয় করতে পেরেছে কি না । সে বুঝে নেবার চেষ্টা করে যাচ্ছে কুমারের এই আপাত-সংযম তার কোনও কূটনীতি কি না । সে মুখ তুলে বলল— বসুন কুমার । ধীরে ধীরে উঠে দাঁড়িয়ে সামান্য নত হয়ে অভিবাদনও করল ।

কুমারের পায়ের কাছে গজদন্তের বহুমূল্য আসন, কুমারেরই উপহার, সেদিকে একবার তাকাল কুনিয় । কিন্তু বসল না । কপাটবন্ধ মেলে যেমন দাঁড়িয়েছিল, দাঁড়িয়েই রইল । কুনিয়র আকারে বিশ্বিসারের মতো সৌষ্ঠব নেই । কিন্তু সে বিপুলদেহী । দেহটি যেন লৌহবর্ম । পেশীতে তরঙ্গ খেলছে । উজ্জ্বল মাজা তামার মতো ত্বক, রোমশ । বাঁ-হাতের বাহুসন্ধি থেকে বাকি হাতটি বক্র । সবসময়ে করতল সমেত উত্তান হয়ে থাকে । মুখটি দেহের তুলনায় ছোট । গম্ভীর, ভুকুটি কুটিল, দান্তিক কিন্তু কোথাও যেন একটা বালসুলভ সরলতাও আছে । সে সযত্নে শুশ্রূ এবং গুফ রাখে । কিন্তু কেশ অধিক দীর্ঘ হতে দেয় না । মাথার চারপাশে কুঞ্চিত কেশগুলি একটি বৃন্তের মতো দেখায় ।

কুনিয় ঘুরে ঘুরে ঘরের মধ্যে রাখা তার উপহারগুলি দেখতে লাগল । মণি-ফলক, রত্নখচিত গজদন্তের ফলক, জিতসোমা লিখতে ভালোবাসে বলে । সূক্ষ্ম দুকল সব, নানা বর্ণের । কালো মুক্তার অলঙ্কার । দুষ্প্রাপ্য সুগন্ধি । সবই যেমন সে দিয়েছে তেমন পড়ে রয়েছে ।

দাসী এই সময়ে পানীয় নিয়ে এলো । স্ফটিকের পাত্রটি ঘুরিয়ে-ফিরিয়ে দেখল কুমার । তারপর পানীয় একনিশ্বাসে পান করে ফলকের ওপর রেখে দিল । পীঠিকার ওপর বসল । কর্কশ কণ্ঠে বলল— তুমি কি প্রব্রজ্যা নেবে ?

—না তো !

—তবে ? তর্কসভা ডাকবো না কি ?

—কোনও প্রয়োজন তো দেখি না !

—তা হলে ?

—তা হলে কী ?

—তা হলে শরীর পাত করে এই বিদ্যা-চর্চা কেন ?

সোমা কোনও উত্তর দিল না ।

কুনিয় স্বরে ব্যঙ্গ মিশিয়ে বলল— গণিকার কন্যা গণিকা । এই পরিচয় বুঝি । এই পরিচয় স্বাভাবিক । যা স্বাভাবিক নয় তা ছল বলে সন্দেহ হয় ।

—বেদবিৎ বিদ্বানের কন্যা বিদ্যাচর্চা করবে এ-ও তো স্বাভাবিক, নয় কী ?

—গোপনে গণিকাসংসর্গ করে, সে পণ্ডিত্যের আবার বেদবিদ্যা ! কুনিয় বিদ্রূপ করে উঠল ।

—চরিত্রের মর্যাদা যদি দিতে না-ও চান, বিদ্যার মর্যাদা তো দিতেই হয়, শাস্ত্র স্বরে সোমা বলল ।

—চরিত্র ছাড়া বিদ্যার কী মূল্য ?

—চরিত্র ছাড়া শক্তিরই বা কী মূল্য ?

—শক্তির মূল্য এই যে শক্তি দিয়ে দাস-দাসী কেনা যায় ।

জিতসোমার মুখে রক্তাভা দেখা দিল, সে ধীরে ধীরে বলল— দাসী হলে হয়ত কেনা যায়, নইলে যায় না ।

—যে অধিক শক্তিমান সে কিনে রাখলে অন্যের পক্ষে কেনা দুষ্কর বটে ।

—আপনাকে বলে বলে আমি ক্রান্ত কুমার যে মহারাজ আমাকে বহুদিন মুক্তি দিয়েছেন। আপনি কি কখনও তাঁকে জিজ্ঞাসা করেননি ? উত্তর পাননি ? এই অপমানকর অবিশ্বাসের কারণ কী ?

কুমার বলল— মুক্তি দিয়েছেন ? তা হলে তিনি নিত্য এই গৃহে আসেন কিসের জন্য ?

—সখ্য থাকতে পারে, দায়িত্ব থাকতে পারে, স্নেহও অসম্ভব নয় ।

—সখ্য ! হাসালে নটী ! কিন্তু তুমি যদি মুক্তই হবে তবে কোন সম্পর্কে মহারাজের অনুগ্রহ ভোগ করছ ? কোন পরিচয়ে ?

—আপনি তো স্নেহ, সখ্য এসবের কোনটিই বোঝেন না । মানেনও না ।

—আমি বুঝি না-বুঝি, তুমি কেন কিছু না দিয়ে ভিক্ষাজীবীর মতো রাজানুগ্রহ ভোগ করছ ? আবার বলছ তুমি মুক্ত ?

কুমার উঠে পড়ল, কক্ষের মধ্যে পদচারণা করতে লাগল— মহান রাজা ! মহারাজ ! সবাই মহান । মহানুভব । মহর্ষি দেবরাত, মহারাজ বিশ্বিসার, মহাশ্রমণ বুদ্ধ, মহাবৈদ্য জীবক । শুধু কুনিয়ই তুচ্ছ । ক্ষুদ্র । তাকে রাজধানী থেকে দূরে একটি ঔপরাজ্য দেওয়া হয়েছে, ক্ষমতা কিছু নেই । সমস্ত ভোগসামগ্রী, খ্যাতি, যশ পুঞ্জিত হচ্ছে রাজগৃহে । এই রাজগৃহে । যদিকেই চাও মহারাজ সেনিয় পথরোধ করে দাঁড়িয়ে আছেন ।

জিতসোমা ধীরে ধীরে বলল— মহানকে মহান বলে স্বীকার করতেও চরিত্রের প্রয়োজন হয় । যাঁর পুত্র হওয়ার সুযোগে নিজেকে রাজকুমার বলতে পারছেন তাঁকে ঈর্ষা করে...

নিজের মুঠিতে মুষ্ট্যাঘাত করল কুমার কুনিয় । হৃৎকার দিয়ে বলল— পুত্র হওয়ার সুযোগ ? রাজকুমার ? পুত্র হওয়ার সুযোগ কারা পাচ্ছে ? এই রাজগৃহে অতুল ঐশ্বর্য ও ক্ষমতা ভোগ করে কারা ? কুনিয় ? না মহামহিম অভয়, বিমল কৌশিন্য, জীবক মহাবৈদ্য ? পথ-কুকুরের দল সব । বৈদেহীপুত্র অজ্ঞাতশক্রকে সুদূর চম্পায় নিবাসিত রেখে মগধের সিংহাসন এইসব প্রিয় পুত্রদের কাউকে দিয়ে যাবার গোপন আয়োজন হচ্ছে কিনা কে বলতে পারে ? আবার বৈশালীর ভাগিনেয় দুটিও তো আছে । লোভী, নির্বোধ । যাক, তোমাকেই বা এ সব কথা বলছি কেন নটী ! তুমি তো অবশ্যই মগধরাজের চর । তবে আমি গ্রাহ্য করি না কিছুই । শ্রমণ বুদ্ধের চেয়েও অনেক ঋদ্ধিমান শক্তিধরের আশ্রয় আমি পেয়েছি । আর কাউকে গ্রাহ্য করি না । এখন তুমি বলো নটী, আমার সঙ্গে চম্পায় যাবে কি না, সত্যই যদি মুক্ত হও, কেউ তোমাকে বাধা দিতে পারে না ।

—বারবার আমাকে নটী বলে কোনও লাভ নেই কুমার, নৃত্য-গীত আমি বহু দিন ত্যাগ করেছি । আপনার বা অন্য কারো মনোরঞ্জনের জন্য নৃত্য-গীত করব না, সুতরাং চম্পায় আমায় নিয়ে গিয়ে আপনার লাভ ?

—তোমাকে স্বতন্ত্র প্রাসাদ দেব, বিদ্যাচর্চা করতে চাও স্বচ্ছন্দে করতে পারবে। আমি তোমার সাহায্য চাই জিতসোমা । তুমি বহুদর্শী, বুদ্ধি ধরো, নিজে অনুশোজিত থেকে অন্যকে প্ররোচিত করে তার গোপন ভয়গুলি ভালোই জেনে নিতে পারো, যেমন আজ আমার নিশ্চয় । চম্পায় চলো, আমার কথা রাখো । — মৃদু অনুনয়ের সুর কি কুমারের কণ্ঠে ?

—যাবো । কিন্তু কোন পরিচয়ে কুমার ? জিতসোমা সহসা কী মনে করে বলল ।

এত সহজে সম্মতি পেয়ে কুনিয় অবাক হয়ে গেল । বলল— কেন । আমার অন্তঃপুরিকা হয়ে ? তোমাকে গান্ধর্ব-বিবাহ করব । অবশ্য অগ্রমহিষী করা যাবে না । কিন্তু তোমার যে-রূপ প্রজ্ঞা তাতে কার্যত তুমিই অন্তঃপুরের কর্ত্রী হবে সোমা । কী ? সম্মত ?

—জিতসোমা ধীরে ধীরে বলল— চম্পায় যাবো । কিন্তু মহিষী হয়ে নয় । অন্তঃপুরের কর্তৃত্বে

আমার প্রয়োজন নেই কুমার । আপনার মুখ্য সচিবের পদ দিতে পারেন ? উপযুক্ত ভূতি দেবেন ।  
প্রাসাদ, রথ, অশ্ব, দাস-দাসী সবই রাজনৈতিক পরামর্শের বিনিময়ে অর্জন করে নেবো ।

—নারী সচিব ? —কুমার কুনিয় সবিম্বয়ে বলল, —কেউ কোথাও কখনও শুনেছে ?

—কেন, বারাগসীরাজ এসুকারির বুদ্ধিমতী মহিষী কি রাজার অবর্তমানে রাজ্য পরিচালনা করেননি ? স্বামী বা পুত্রের অকালমৃত্যুতে রাজ্যভার নিজের হাতে তুলে নিয়েছেন এমন রানি বা রাজকুমারীরও তো অভাব নেই । কুশকুমার তাঁর অনুপস্থিতিতে জননী শীলাবতীকে রাজ্যভার দিয়ে যাননি ?

—দেশে কোনও রাজা না থাকলে স্বতন্ত্র কথা । কিন্তু ভূতিভোগী সচিব হবে নারী ? হয় প্রব্রাজিকা, নয় কুলস্ট্রী । বড় জোর উপাধ্যায়ী ! এ ছাড়া আর্য নারীর আর কোনও পরিচয় তো হয় না ! কোনও শাস্ত্রে নারী সচিবের কথা বলে না ।

—নারী সচিব হতে পারে না এমন কথাই কি কোনও শাস্ত্রে বলেছে ?

কুমার অর্ধৈর্ষ্য হয়ে বলল— বৃথা বাক্যব্যয় করছ সোমা । এসব আমাকে অগ্রাহ্য করার কৌশল ছাড়া আর কিছুই নয় । যাবে তো চলো, নইলে বলপ্রয়োগ করবো ।

—করুন । সোমারও নানাপ্রকার বলের কথা জানা আছে । একটু পরে সোমা বলল— প্রস্তাবটি ভেবে দেখবেন ।

কুমার কুনিয় চলে যাবার পর আজ অনেক দিন পর জিতসোমা দাস-দাসীদের সঙ্গে মনোযোগ দিয়ে কথা বলল, সংবাদ নিল অশ্ব ও গাভীগুলির । বেশবাস প্রসাধন করল । এবং দুটি দাসকে নিয়ে রথ ছুটিয়ে দিল বৈভার পর্বতের দিকে । তার মুখ্য উদ্দেশ্য বাইরের বাতাসে শ্বাস নেওয়া । গৌণ উদ্দেশ্য অজিত কেশকম্বলীর কাছে যাওয়া । এই আজীবিক তাকে অতিশয় কৌতূহলাক্রান্ত করেছেন । ‘রাজশাস্ত্র’র প্রতিলিপি তো সে আর করছে না ! সে নিজেই লিখছে এবং লিখতে লিখতে প্রতিদিন অনুভব করছে এক কঠিন, নির্মোহ, প্রবল বাস্তববোধসম্পন্ন জীবনদর্শনের প্রয়োজন । রাজা যিনি হবেন তিনি মানুষ হলেও মানুষ নন । তিনি প্রতিনিধি । এক অর্থে পুতুল । তাঁর স্ত্রী-পুত্র-পরিজন কেউই ঠিক সাধারণ মানুষের জ্ঞাতিজনের মতো নয় । প্রত্যেকের থেকে তাঁকে সতর্ক থাকতে হচ্ছে । গুধু উপাংশ-হত্যাই নয় । অবাঞ্ছিত প্রভাব আছে, অতিম্নেহজনিত দুর্বলতার প্রসঙ্গ আছে । কোনরূপ বিশৃঙ্খলা ঘটলে তার কারণ যদি কোনও উচ্চপদস্থ, প্রিয় রাজপুরুষও হন রাজা তাঁকে কঠিন শাস্তি দিতে বাধ্য । তিনি সামগ্রিকভাবে প্রজাদের মঙ্গল দেখেন । কোনও ব্যক্তিবিশেষের শুভসাধনে তিনি দায়বদ্ধ নন । একজনের মঙ্গল তো আরেক জনের পক্ষে মঙ্গল না-ও হতে পারে । রাজা-সামগ্রিক মঙ্গলের দিকে দৃষ্টি রাখতে গিয়ে ব্যক্তিবিশেষের অপ্রিয় হতে পারেন । রাজশক্তির মানবিকতা ও যান্ত্রিকতা এই দুইয়ের মধ্যে সমন্বয়-সাধন অতি কঠিন কর্ম ।

আচার্য দৈবরাত সম্ভবত এইসব সমস্যার কথা ভাববার সময় পাননি । এবং আচার্যপুত্র রাজনীতির সম্পূর্ণ অন্য একটি দিক নিয়ে ব্যস্ত হয়ে পড়েছেন । সবটাই আদর্শের ব্যাপার এবং আশু ফললাভের অনুকূল নয় । সোমা অতি নিকট থেকে রাজস্বত্বকে দেখছে । দেখছে বিশদভাবে । তাই তীর্থঙ্কর অজিতের কথাগুলি তার শ্রবণযোগ্য মনে হয় । আজ কুমার কুনিয় তাকে নিজের অজ্ঞাতেই পথের সন্ধান দিয়ে গেছে ।

তার মনে পড়ে যখন সে মুক্তি পেয়েই আনন্দে অভিভূত হয়ে গিয়েছিল, স্মৃতিভূত হয়ে গিয়েছিল দৈবরাতের সংসর্গে আসতে পেরে, তখন দৈবরাত তার ভবিষ্যৎ নিয়ে চিন্তিত ছিলেন । কতকটা সেই চিন্তারই পুনরাবৃত্তি আজ করে গেল কুনিয় । প্রব্রাজিকা, কুলস্ট্রী, বর্টা, দাসী এইগুলিই নারীর পরিচয় । এর বাইরে কিছু নেই । কেন নেই ? মহারাজ বিশ্বসারের কাছ থেকে সে সাকেতের দেবী সুমনার কথা শুনেছে । অন্তঃপুরে কোনও গভীর সংকট হলে তিনি তাঁর বাল্যসখী সুমনার পরামর্শ নেন । রাজার অন্তঃপুর তো সাধারণ মানুষের অন্তঃপুর নয় ! সেখানে অসন্তোষ, উচ্চাকাঙ্ক্ষা, ঈর্ষার বীজ থেকে রাজদ্রোহ জন্ম নেয় । তা নারী যদি এই দ্রোহ শাস্ত করতে পারে, নারী যদি ‘রাজশাস্ত্র’ও লিখতে পারে তা হলে দায়িত্বপূর্ণ পদলাভে তার বাধা কোথায় ? সোমার জীবন ছিল দিকদিশাহীন ।

কোনও লক্ষ্য ছিল না সামনে । সত্যই তো, সে ভিক্ষাজীবীর অধিক কী ? কুমার ঠিকই বলেছেন । এই রাজপ্রসাদের পরিবর্তে সে তো কিছু দেয় না । কী অধিকারে গাঙ্কার-ভবনে থাকে সে । আচার্যপুত্রের প্রাসাদ-পরিচালনার ভার নিয়ে এসেছিল, মহারাজের গোপন ইচ্ছা ছিল আচার্যপুত্রের সঙ্গে তার... জিতসোমা সারথির হাত থেকে রাশ কেড়ে নেয় । — দ্রুত চালাও, দ্রুত চালাও সূত... । না । সে স্বাধীন । নিজের যোগ্যতায় নিজেই উপার্জন করবে ।

বসে আছেন মহামান্য শ্রেষ্ঠীরা । জটিল শ্রেষ্ঠীকে সামনের পঙ্কক্তিতেই দেখা গেল । রাজসচিব বর্ষকারও আসছেন । কোনও নারী নেই । সামান্য অস্বস্তি । বিন্দু বিন্দু স্বেদ জিতসোমার কপালে । অনেকেই কৌতূহলী দৃষ্টিতে তাকাচ্ছে তার দিকে । জিতসোমা প্রাণপণে সমস্ত অস্বস্তি জয় করে একপাশে বসল । অন্য শ্রাবকরা সসন্ত্রমে দূরে সরে গেল । আর ঠিক তখনই জিতসোমা দেখতে পেল কুমার কুনিয় বসে আছেন জটিল শ্রেষ্ঠীর পাশেই । এবং তার পেছনে ভিড়ের মধ্যে মিশে— লোকপাল । একটি সিঙ্কুবারের শাখায় বিরাট একটি উচ্চা জ্বালানো হল । সম্ভ্রাতা ঘন হয়ে এসেছে । সমস্ত জিতসোমা কিছুই শুনছে না । কুমার বলছিল বটে শ্রমণ বুদ্ধর চেয়েও ঋদ্ধিমান কারো আশ্রয় পেয়েছে সে । এই তীর্থঙ্কর অজিতই কি সেই ব্যক্তি নাকি ? কিন্তু লোকপাল এখানে কেন ? অবশ্যই মহারাজ রাজগৃহের সমস্ত সম্মাসী, শ্রমণ, তীর্থঙ্করদেরই সম্মান দেন, দানও করেন, কিন্তু দেশনা শুনতে যান কি ? আর, লোকপাল বেশেই বা কেন ? তিনি কি নিজেই কুমার কুনিয়র ওপর দৃষ্টি রাখছেন ? চর নিয়োগ করলে ভালো হত না ?

হঠাৎ সোমার শরীর শিউরে উঠল । এ-ও তো হতে পারে মহারাজ তারই ওপর দৃষ্টি রাখছেন । কুমার ঘন ঘন গাঙ্কার-ভবনে যায় । সে সম্পর্কে মহারাজের সঙ্গে কোনও কথা হয় না । তিনিও প্রহ্ন করেন না, সোমাও বলে না । কিন্তু এই ছদ্মবেশে ? সোমা তো এ বেশ চেনে । সোমার চেনা ছদ্মবেশে তিনি সোমারই ওপর দৃষ্টি রাখবেন ? নাঃ !

দেশনা শেষ হতে না-হতেই সোমা উঠে পড়ল । কুমার তাকে দেখতে না পায় । লোকপালকে কোথাও দেখতে পেল না সে । মনে নানাপ্রকার প্রহ্ন উঠতে থাকলেও একটা কথা সোমার মনে হল—মহারাজ বিশ্বিসার নিঃসন্দেহে উত্থানযুক্ত রাজা । উদ্যমী রাজার এইভাবেই চরিত্র নির্দেশ করে সে । সবসময়ই সতর্ক ও উদ্যোগী যিনি তিনিই উত্থানযুক্ত । রাজা যদি উদ্যমী হন, তো অমাত্যরাও উদ্যমী হবে ।

আরও রাত্রে আহালাদি শেষ করে, সোমা আবার লেখা নিয়ে বসবে ভেবে পাকশালা থেকে ছোট একটি উচ্চা নিয়ে চণকের বাসকক্ষে প্রবেশ করল । ছায়া-ছায়া একটি মূর্তি তার কক্ষের গজদস্তপীঠে যেন বসে আছে ।

—কে ? —সে উচ্চাটি উচু করে ধরল ।

আগন্তুক বললেন— দীপ জ্বালো সোমা ।

—মহারাজ !

—অভিবাদন করতে হবে না সোমা, বলো কী বুঝলে ?

—কী বিষয়ে কী বুঝবো মহারাজ !

লোকপাল পেটিকার ওপর থেকে পুঁথিটি তুলে নিলেন, বললেন— প্রতিলিপি করছ এই পুঁথির ?

—ধরুন তাই ।

—যদি করে থাকো, তা হলে বলো কুমার কুনিয়, অমাত্য বর্ষকার, আঙ্কটিক অজিত এবং দেবরাতপুত্রী একত্র হলে তার কী অর্থ করা যায় !

—আরও একজনকে দেখতে পাননি মহারাজ, তাঁকে বাদ দিয়ে তো অর্থ হতে পারে না ।

—আর কে ? লোকপাল ভুকুটি করলেন ।

প্রদীপ জ্বলে, ভস্মাধারে উচ্চা নিবিয়ে দিল সোমা । তার পক্ষে বলল— কেন ? স্বয়ং মহারাজও ছদ্মবেশে উপস্থিত ছিলেন, তাঁকে আপনি দেখতে পাননি ?

—সোমা এই রাজগৃহের পর্বতে পর্বতে অতি সূক্ষ্মভাবে বুদ্ধবিদ্বেষ ছড়াচ্ছে কেউ । কে বা কারা বোঝবার জন্য আমাকে ছদ্মবেশ ধারণ করতে হয় ।

—চর নিয়োগ করতে পারেন না ?

—কোনও কোনও বিষয় আছে, যাতে চরের ওপর নির্ভর করতে পারি না। তুমি যদি এই রাজশাস্ত্রের শেষ প্রকরণটির প্রতিলিপি করে থাকো তো তোমার জানা উচিত রাজা প্রকৃতপক্ষে নির্ভর্য। ভৃত্যদের ওপর দৃষ্টি রাখবার জন্য আরও ভৃত্য, তাদের ওপর দৃষ্টি রাখবার জন্য আবার আরও ভৃত্য... এই প্রকার সংশয়চক্র স্থাপনে আমার বড় বিরাগ !

—মহারাজ, শ্রমণ বৃদ্ধ কি আপনাকে তাঁর দায়িত্ব দিয়েছেন ?

—তা নয় সোমা।

—তিনি আত্মরক্ষা করতে জানেন, আপনার ওপর নির্ভর করে তিনি ধর্ম প্রচার করতে আসেননি। আপনি নিজেই রক্ষা করুন।

—অমাত্য বর্ষকার এবং কুনিয়র যোগাযোগের কথা বলছ কি ?

—বলছি, কিন্তু এঁরা কেউ ছয়বেশে ছিলেন না। গোপন করতে যাননি যে অজিত কেশকবলীর দেশনা শুনতে গিয়েছেন। সে অধিকার তো সবারই আছে।

—ঠিকই। আছে। তবু এই দৃশ্য আমার স্বাভাবিক লাগেনি।

—কেন লাগেনি ভাবুন মহারাজ। আর যদি ভাবতে বিরাগ বোধ করেন তো সোমাকে ভাবতে দিন।

—সোমা কি একা একাই এ সব কথা ভাবতে পারবে ? সোমার চক্ষু কোথায় ? কর্ণ কোথায় ?

—তবে চক্ষু এবং কর্ণ দিন সোমাকে। সোমা তার অধীত শাস্ত্র প্রয়োগ করুক।

লোকপাল ভাবতে লাগলেন। কিছু পরে বললেন— সোমা তা হলে তোমায় আবারও নটী হতে হয়।

সোমার মুখ অঙ্ককার হয়ে গেল, সে বলল— আরও একটি পথ তো আছে মহারাজ, ভাবতে পারেন না কেন ?

—কী পথ ?

—সোমাকে তো অমাত্য-পদও দিতে পারেন !

—অমাত্য ? লোকপাল বিস্মিত হয়ে উঠে দাঁড়ালেন।

সোমা বলল— না, না, সোমা অমাত্য কেন হবে, মহারাজ ? নারী যে ! যত গুরুত্বপূর্ণ কর্মই করুক, রাজাকে ষড়যন্ত্র থেকে রক্ষা করা, রাজপুত্রকে সুপথে পরিচালনা করা, রাজশাসনের নীতিশুলিতে সময় ও পরিস্থিতি অনুযায়ী বাস্তব পরিবর্তন করা, যা-ই হোক না কেন, তাকে তা করতে হবে হয় অবরোধের মধ্য থেকে, আর তা নয়ত শত পুরুষের বিকৃত মনোরঞ্জনের কুৎসিত দায় নিয়ে জীবন শেষ করতে করতে। আশ্চর্য এই, আপনার মতো শক্তিমান হৃদয়বান পুরুষেরও এ কথা বলতে লজ্জা হয় না মহারাজ, কারো তো হয়ই না, আপনারও হয় না, এমন কি আপনারও হয় না !

—কী বলছ সোমা ? তুমি কাঁদছ নাকি ?

সোমার বুক ফুলে ফুলে উঠছে, সমস্ত দেহের বর্ণে রক্তিম। সে বলল— কান্না পরাধীন নারীর অঙ্গ। অস্ত্র, অসহায়, দুর্বল রমণীর মোহন অস্ত্র মহারাজ। যে নারী 'রাজশাস্ত্র' লেখে সে কাঁদে না।

লোকপাল সোমাকে শাস্ত করতে তার শির স্পর্শ করতে গিয়েছিলেন। কী ভাবে পেছিয়ে এলেন। বললেন— সোমা, তুমি যা বলছ তা আমি কখনও শুনিনি। কিন্তু তুমি রাজশাস্ত্র লেখার কথা কী বললে ? দেখলাম পুঁথিতে যতটা লেখা হয়েছে তার শেষে লিখেছ ইতি সোমচণককৃত রাজভয়নাম সপ্তদশ প্রকরণ। তুমি কি নিজেও প্রণেতা...

সোমা তখনও শাস্ত হয়নি। লোকপাল বললেন, —সোমা, বিস্ময়ের তোমাকে অমাত্য পদ দিতে পারে। তোমার সে যোগ্যতা আছে এ বিষয়ে আমি নিঃসন্দেহ। কিন্তু এই সমাজ নারীপুরুষের কর্মবিভেদ-রেখার ওপর প্রতিষ্ঠিত। তবে ভিক্ষুণী ক্ষেমা শুনেছি অভিজ্ঞাসম্পদে সবার শ্রেষ্ঠ প্রমাণিত হয়েছেন। তিনি তথাগতর অগ্রশ্রাবিকা। তাঁকে আজকাল বাণিতার জন্য পট্টা, ভাণিকা ইত্যাদি বলা হচ্ছে। কিন্তু খের সারিপুত্র বা মোগগল্পানের মতো তথাগতর প্রতিনিধিত্ব করতে তো তাঁকে ৩২৬

আজও দেখিনি ! হয়ত আমি তোমাকে অমাত্য পদ দেবো, কিন্তু... তুমি ঠিকই ধরেছ সোমা পত্নী ব্যতীত অন্য নারীর কাছে কাম-উপভোগের জন্য গেলে কেউ বাধা দেবে না । কিন্তু পরামর্শের জন্য গেলে, গপ্তীর বিষয়ে সিদ্ধান্ত নেবার জন্য গেলে সবাই ভুলটি করবে । অথচ নারীর কাছ থেকে যে পরামর্শ নেওয়া হয় না, তা-ও সত্য নয় । সোমা... একটু... আমাকে একটু ভাবতে সময় দাও ।

৯

অঙ্গরাজ্যের পূর্বপ্রান্তে যে গ্রামটিতে পৌঁছলেন চণক তার কোনও নাম নেই । ভূমিতে এত ঘাস, শুষ্ক, যে মনে হয় না মানুষ বাস করে । পূর্বে-দক্ষিণে জঙ্গল । কয়েকটি কুটির এখানে-সেখানে । এতদিন যা দেখেছেন যত দরিদ্রই হোক খানিকটা গোচর, একটি সভাপ্রাঙ্গণ, পরপর শস্যক্ষেত, শস্য ঝাড়াই করবার অঙ্গন, এগুলি অন্তত গ্রামে থাকতই । কেমন পরিত্যক্ত আকৃতি এ গ্রামটির । আয়তনেও ছোট । চণকের তীব্র পিপাসা পেয়েছিল, তিনি কোনও কূপ বা পুষ্করিণী চোখের সামনে দেখতে পেলেন না । তাই একটি কুটিরের দ্বারে গিয়ে আঘাত করলেন । অনেকবার আঘাত করবার পর ভেতর থেকে ছিন্ন-মলিন বসন পরা একটি পুরুষ বেরিয়ে এলো ।

—আমি অতিথি, একটু জল পাবো ?

লোকটি কিছু না বলে অন্তর্হিত হল । কিছুক্ষণ পর একটি কাংস্যপাত্র জল নিয়ে এলো, পাত্রটি সুন্দর, সুগঠন । কিন্তু তেমন পরিষ্কার নয় । চণকের ঘৃণা হচ্ছিল কিন্তু তিনি জল পান করলেন ।

—কী নাম এ গ্রামের ?

—নাম নাই । এ কোনও গেরস্ত গাম নয় । আশেপাশে দেখুন । রক্ষ গলা লোকটির ।

চণক সামান্য অবাক হলেন । সারা অঙ্গ-মগধের যতগুলি গ্রামে তিনি গেছেন কোথাও আতিথ্যের অভাব হয়নি । সকলে হয়ত সমান সমাদর করেনি, করবার ক্ষমতাও সবার ছিল না । কিন্তু এরূপ ব্যবহার তিনি কোথাও পাননি ।

কিছুদূর এগিয়ে আরেকটি কুটিরের দরজায় তিনি আঘাত করলেন । একটি বৃদ্ধ বেরিয়ে এলো । আপাদমস্তক তাঁকে দেখে নিয়ে বলল— কোথা হতে আসছেন ?

—রাজগৃহ । লোকটি চমকে উঠল ।

—কোথায় যাবেন ?

—আপাতত এই গ্রাম ।

—কিন্তু এখানে তো অতিথি সেবার কোনও ব্যবস্থাই নেই । বৃদ্ধা ছাড়া ইথি নেই... চণক কৌতূহল প্রকাশ করলেন না । বললেন— এখন তো আমি অত্যন্ত ক্লান্ত । কিছুটা বিশ্রাম নিতে হবেই । আমার সেবার জন্য ভাবতে হবে না । এই প্রাঙ্গণে আজ রাতটা হয়ত থাকবো । কালই আবার চলে যাবো । তিনি ধূলিধূসর প্রাঙ্গণে নিজের পেটিকা থেকে আসন বার করে বিছিয়ে বসলেন ।

অল্পক্ষণ পরে বৃদ্ধটি বেরিয়ে এসে বলল— পেছনে কুয়ো আছে । আমার তো জল তোলার শক্তি-মক্তি নেই...

—না, না, আপনাকে কিছুই করতে হবে না । শুধু দেখিয়ে দিন ।

বৃদ্ধের পেছন পেছন গিয়ে চণক কুটিরের পেছনে কূপ দেখতে পেলেন । হাত-পা-মুখ ধুচ্ছেন, বৃদ্ধটি জিঞ্জের করল— আপনি কি রাজপুরুষ ?

—ধরুন তাই ।

—এদিকে এসেছেন...

—রাজ্যের সংবাদাদি নিতে তো রাজপুরুষ আসতেই পারেন । পারেন না ?

—ঘোড়া নেই, সাজ নেই, তরোয়াল নেই...

—এইসব ছোট ছোট গ্রাম, সংকীর্ণ পথ—ঘোড়া কি এখানে চলবে ? আর সাজ ? সাজের প্রয়োজন কী ?

—অস্তুর ?

—অস্ত্র আছে । রাজমুদ্রাও আছে । দেখবেন ?

—না, না । বলছেন যখন, নিশ্চয়ই আছে ।

কুমোর জলে চিড়ে ভিজিয়ে, মধু মিশিয়ে ভোজন সারলেন তিনি । সবই সস্ত্রে ছিল । শুধু পাত্র চেয়ে নিতে হল । সেই অপরিষ্কার কাংস্যপাত্র । কুপের পাশ থেকে মাটি তুলে নিজেই পাত্রটিকে ভালো করে মেজে নিলেন তিনি । ভোজনের আগে বৃদ্ধকে বললেন— আপনি একটু খান ।

—না, না, —বৃদ্ধ বলল— আমার খাওয়া হয়ে গেছে । তারপর বলল— বেলা দু পহর হল অতিথিকে কিছু খেতে দিতে পারলাম না... রাজভট আমাদের ক্ষমা করবেন । তবে একটু দুধ দিতে পারি, নেবেন কী ! দুঃপ্রকাশ করলেও বৃদ্ধের মুখভাবে দুঃখের কোনও লক্ষণ নেই ।

কোথা থেকে এক পাত্র দুধ গরম করে এনে দিল বৃদ্ধ কে জানে । চণকের ইচ্ছা ছিল না । কিন্তু বৃদ্ধ ক্ষুধ হতে পারে মনে করে তিনি একটু পান করলেন । স্বাদ ভালো নয় । অর্ধেকটা পান করে তিনি পাত্রগুলি ধোবার ছল করে কুপের কাছে গিয়ে দুখটি ফেলে দিলেন । ফিরে বৃদ্ধটিকে আর দেখতে পেলেন না । প্রাক্ষণে একটি নিমগাছ । তেমন ছায়া নেই । তবু তার তলাটা একটু পরিষ্কার করে, বৃক্ষকাণ্ডে ঠেস দিয়ে চণক বসে রইলেন । পেটিকা দুটি তাঁর জানুর তলায় । পাদুকা খুলে, পরিষ্কার করে আবার পরে নিয়েছেন । বসে থাকতে থাকতে তাঁর তস্মা মতো এলো । তাঁর কেমন মনে হল, বৃদ্ধ একা নয় । এই কুটিরে আরও লোক আছে । শুধু এই কুটিরে নয়, সব কুটিরেই । এই বৃদ্ধটি বা অন্য কুটিরের শীর্ণ লোকটি যেন নিদ্রা যাচ্ছিল । ভাবতে ভাবতে চণক ঘুমিয়ে পড়লেন । স্বপ্ন দেখলেন— লোকজনে পূর্ণ এক সমৃদ্ধ নগর । তিনি হট্টে এসেছেন । নানাপ্রকার পণ্য । বহু লোকে ক্রয়-বিক্রয় করছে । কিন্তু সবাই মুক । ইঙ্গিতে কাজ সারছে । প্রত্যেকে যাবার সময়ে ইঙ্গিতে চণককে জিজ্ঞেস করে যাচ্ছে— ঘোড়া কোথায় ? সাজ কোথায় ? অস্ত্র কোথায় ? তারপর স্বপ্ন মিলিয়ে গেল । যখন ঘুম ভাঙল অমানিশির ঘন অন্ধকার দেখে চণক বুঝলেন তিনি এত ঘুম সম্ভবত জীবনে কখনও ঘুমোননি । উঠে বসতে, হাত-পা নাড়বার চেষ্টা করতে দেখলেন সেগুলি এখনও ভারী হয়ে আছে । অনেক চেষ্টায় বৃক্ষকাণ্ড ধরে উঠে দাঁড়বার চেষ্টা করতে করতে তিনি বুঝলেন তাঁকে কোনও তীব্র নিদ্রাকর্ষক ভেষজ দেওয়া হয়েছিল । তাঁর পাদুকা নেই । ওই পাঁচ তলিকা চর্ম ও কাঠের পাদুকা বিশেষভাবে প্রস্তুত । ওর মধ্যে তাঁর পাথের থাকে । তবে জানুর তলা থেকে চর্মের পেটিকাটি ওরা নিতে পারেনি । বেত্রপেটিকাটি একপাশে পড়ে রয়েছে । তাতেও হাত দেয়নি । চর্মপেটিকার মধ্যে তার বেশবাস ছাড়াও আছে তীর ও ছুরিকা । ধনু তিনি নিজেই কাজ চালাবার মতো নির্মাণ করে নেন । চণক অরণি কাষ্ঠগুলি বার করলেন, অনেক চেষ্টায় আগুন ছেলে পেটিকার মধ্যে রাখা একটি ক্ষুদ্র উষ্ণা জ্বালালেন, ছুরিকাটি হাতে নিলেন তারপরে কুটিরের খোলা দ্বার দিয়ে ঢুকলেন । দুটি মাত্র ভাগ ঘরটির । তুষ ও ঋড় বিছানো । ইদুরে প্রচুর মাটি তুলেছে । ঘরের হাওয়ায় নিশ্বাস নিয়ে চণক বুঝতে পারলেন— এখানে রাত্রে অনেকেই ছিল । অন্য কুটিরগুলিতেও তিনি সন্ধান করে দেখলেন— একই অবস্থা মনে হল । সব কুটিরগুলিরই পেছন দিকে একটি বড় গহ্বর । মহামারী হলে লোকে এরূপ গর্ত করে গৃহ ছেড়ে পালিয়ে যায় ।

ক্রমে অন্ধকার তরল হলে পরিত্যক্ত গ্রামটির আকৃতি তাঁর কাছে আরও স্পষ্ট হল, জীবকের দেওয়া একটি ভেষজ খেয়ে তিনি খানিকটা সুস্থ বোধ করলেন । তারপর একটি বড় গাছ দেখে তার ওপর চড়ে চারদিক দেখতে লাগলেন । লোকগুলি পালিয়ে গেছে, তাঁর পাদুকা মিলিয়ে গেছে, অর্থাৎ চোর । দিনের বেলায় সবাই ঘুমোচ্ছিল, এরা তা হলে রাত্রে দস্যুবৃত্তি করে আর কী ? দস্যুবৃত্তি করে অথচ অশ্ব গাধা, কোনও পশুই নেই । নেই কী ? একটি অন্তত গাভী নিশ্চয় আছে না হলে দুধ দিল কী করে ? চারিদিকে বহু দূর দৃশ্যমান, অতগুলি লোক, বৃদ্ধ, স্ত্রী, সঙ্গণ এরাও আছে, দস্যু যখন কিছু অপহৃত দ্রব্যাদি নিশ্চয় আছে । এত সব নিয়ে এরই মধ্যে দুর্ভিক্ষের বাইরে চলে গেল !

তাঁর কী মনে হল তিনি জঙ্গলের মধ্যে প্রবেশ করলেও উচ্চৈঃস্বরে বলতে লাগলেন— ভো দস্যুগণ, এই রাজপুরুষ তোমাদের শাস্তি দিতে আসেননি । — মগধাধিপতি মহারাজ বিদ্বিসার প্রত্যন্ত দেশে প্রজাদের দুর্দশা দূর করবার জন্য আমাকে পাঠিয়েছেন । এখনও যদি আত্মসমর্পণ না করো, অন্য গ্রামবাসীরা যা পাচ্ছে সে সুযোগ তোমরা আর পাবে না । পূর্বের জঙ্গলে, দক্ষিণের জঙ্গলে ৩২৮



অনেকক্ষণ ধরে এইভাবে ঘোষণা করার পর চণক গ্রামটিতে ফিরে এলেন। কূপের জ্বলে স্নান করে, বেশ পরিবর্তন করে, কিছু শুকনো মশু খেলেন, জলপান করলেন। তারপর সেই নিমগাছের ডলায় বসে বসে রাজশাস্ত্র রচনা করতে লাগলেন।

মগ হয়ে গিয়েছিলেন লেখায়। সামনে একটি ছায়া পড়ল। চকিতে পেছনে ফিরলেন চণক। সেই বৃদ্ধ। তার হাতে তাঁর পাদুকা দুটি।

সে দুটি তাঁর পায়ের কাছে রেখে সে একপাশে জড়সড় হয়ে বসল। হাঁটু দুটি উঠে আছে। তাঁর শ্বেত শ্রাঙ্গ হাঁটুর ওপর পড়েছে। চণক পেটিকা থেকে লোলার পেওয়া, তিলের মশু বার করে তার দিকে এগিয়ে দিলেন। লোকটি নিচ্ছিল না। তিনি গম্ভীরভাবে বললেন— এতে কিন্তু কোনপ্রকার বিষ বা নিদ্রাকর্ষক ভেষজ মেশানো নেই। লোকটি নড়ে উঠল। হাত বাড়িয়ে মশু নিল। চণক আবার লেখায় মন দিলেন।

কিছুক্ষণ পর বৃদ্ধ বলল— আপনি আচারিয় না রাজভট।

—দুই-ই হাতে পারি, চণক পুঁথি থেকে মুখ না তুলে বললেন।

—ও পুঁথি কিসের? —সসব্রমে লোকটি বলল।

—রাজ্য পরিদর্শন করে যা অভিজ্ঞতা হচ্ছে সব লিখে রাখছি। মহারাজের আদেশ।

—আমাদের ক্ষমা করুন। বড় দলিদ্দ আমরা। লোকটি কাঁদো কাঁদো।

—তোমরা কে?

—আমরা? আমরা হতাভাগার দল!

কী রূপ হত তোমাদের ভাগ্য শুনি।

বৃদ্ধ কিছু সাধ্য-সাধনার পর বলল।

—পোতলি বলে একটি ছোট গামে থাকতাম। কস্মার গাম। নিতান্ত অল্পোধন (অল্প ধন) বসসন হল না, শস্য জ্বলে গেল, কসসকের ঘরেই অন্ন নেই, আমরা অনাহারে মরতে লাগলাম। শিশুগুলি মরে গেল, অনেক বৃদ্ধ, ইথিরাও মরে গেল। তরুণীগুলিকে, সমর্থ রমণীদেরও বিক্রয় করে দিলাম। তার পরিবর্তে কিছু শস্য পাই। কিছুদিন চলে গেল। কিন্তু পরবৎসরও সময়ে বসসন হল না। গামের যুবারা, আর আমরা যে কজন বৃদ্ধ ছিলাম...

চণক বললেন— দসু্যবৃষ্টি আরম্ভ করলে? — বৃদ্ধ মুখ নিচু করে মাথা নাড়ল।

—তারপর?

—আশপাশের গামের লোক জানতে পেয়ে প্রহার করে আমাদের তাড়িয়ে দিল। ভদ্রাগুলি আর কিছু কিছু যন্ত্র নিয়ে অনেক স্থান ঘুরতে ঘুরতে এই স্থানে এসে পড়েছি। দেখছেন তো পরিত্যক্ত গাম। কোনও সময়ে মহামারী হয়েছিল, মনে হয় লোকে কুটিরগুলি ফেলে চলে গেছে আর ফিরে আসেনি। এখানেই সম্প্রতি আশ্রয় নিয়েছি। ভোররাত পর্যন্ত যুবারা যা পায় দসু্যবৃষ্টি করে আনে। অনেক সময়েই কিছু পায় না। তেমন অন্তর-শস্তর যান কিছুই তো নাই। অল্পবলও (অল্পবলও) বটে। যা আনে অঙ্গের ব্যবস্থা করতেই শেষ হয়ে যায়। আমার আর এক জনের পত্নী বর্তমান, তারাই কোনক্রমে পাক-সাক করে আমাদের বাঁচিয়ে রেখেছে। বলে বৃদ্ধ চোখ মুছতে লাগল।

—তোমাদের কুঠার আছে?

বৃদ্ধ অবাধ হয়ে বলল— কুঠার? কী হবে?

—আছে কি না বলো না। কৃষ্ণায়সের ভালো কুঠার?

—হ্যাঁ, তা আছে। যতগুলি নির্মাণ করেছিলাম, বিকোলো না...

—যুবারদের ডেকে আনো। ভয় নেই।

অনেকক্ষণ পরে দুজন চারজন করে মলিন ছিন্ন বসন পরা শূন্য-গুঁথে ঢাকা মুখ যুবাগুলি আসতে লাগল। সবাই একত্র হলে চণক দেখলেন, একুশ বাইশটি যুবা, তিন চারজন বৃদ্ধ, দুটি বৃদ্ধা...

—গাভী কটি আছে।

—তিনটি।

—কুঠার কটি? লোকগুলি পরস্পরের মুখ চাওয়া-চাওয়ি করতে লাগল।

—কুঠার কটি ?— চণক আবার প্রশ্ন করলেন ।

—আছে । যতগুলি মানুষ ততগুলিই প্রায় ।

—শাগিত করো তো প্রায়ই ? এক ঘায়ে মানুষ বা পশুর মুণ্ড কাটতে পারো ?

যুবাগুলি নীরব । একটি বৃদ্ধা কেঁদে উঠল ।

চণক বললেন— যদি একঘায়ে নরমুণ্ড কি পশুমুণ্ড কাটতে পেরে থাকো, তো কিছু বৃক্ষও কাটতে পারবে । যতগুলি পরিবার আছে তত কুল্যাবাপ ভূমি এই জঙ্গলের মধ্যে মেপে দেবো । তার মধ্যে বৃক্ষগুলি কেটে, গুল্ম পরিষ্কার করে এবং পুড়িয়ে বাপক্ষেত্র প্রস্তুত করতে হবে । এই গ্রামভূমিতে পরিচ্ছন্ন কুটির বাঁধতে হবে । কন্য়ার শাল বসাবে । কিন্তু সকলকে একই বৃষ্টি নিলে চলবে না ।

—কসসন আমরা জানি না অঙ্ক ।

—কর্ষণে অভিজ্ঞ লোক আমি ভিন্ন গ্রাম থেকে আনাবার ব্যবস্থা করছি । বীজের ব্যবস্থাও করব । লাঙল তোমরা নির্মাণ করে নেবে । রাজা হালের বলদ, বীজ ধান, এবং যতদিন না প্রথম শস্য হয়, খাদ্য সংস্থানের জন্য সহায়তা করবেন । তোমাদের অপহৃত দ্রব্য কী কী আছে দেখি !

প্রথমে কেউই কিছু বলতে চায় না । অবশেষে জানা গেল জঙ্গলে মাটির তলায় পোঁতা আছে প্রচুর কাংস্যপাত্র । কাশলের কোনও সার্থর ওপর দস্যুবৃত্তি করে সেসব সংগ্রহ করেছে এরা । তাম্রপিণ্ড ও কৃষ্ণায়সও আছে যথেষ্ট । খাদ্যের মধ্যে সঞ্চিত ধান, চিড়ে, লবণ এবং গুড় যা আছে অন্তত মাসেককাল চলবেই ।

এইভাবেই রাজপোতলি গ্রামের পশুন হল । এবং রাজপোতলিই মগধ রাজ্যে প্রথম গ্রাম যেখানে সর্বপ্রকার বৃত্তির প্রজাই বাস করে । কন্য়ার, কুম্ভকার, কর্কক, গো-পালক, গো-বৈদ্য, নহাপিত, সূত্রধার, পর্গিক, আপগিক... সব । উপরন্তু রাজপোতলিই হল মগধরাজ্যের প্রথম রক্তহীন রাজ্যবিস্তার । জনপদনিবেশ ।

এই প্রথম চণক তাঁর 'রাজশাস্ত্রে' আলোচিত একটি নীতি অনুযায়ী কাজ করতে পারলেন । 'জনপদনিবেশ' নামে প্রকরণে তিনি লিখেছিলেন— জনপদ রাষ্ট্রের একটি গুরুত্বপূর্ণ উপাদান । দুর্গ বা পুর এবং জনপদ বা গ্রাম স্বতন্ত্র থাকবে । জনপদসম্পদ রাষ্ট্রের অপরিহার্য উপাদান । পরিত্যক্ত, ভূতপূর্বই হোক অভূতপূর্বই হোক জনপদ রাষ্ট্র স্বীয় তত্ত্বাবধানে নতুন করে সৃষ্টি করবে । কমপক্ষে পঞ্চাশটি ও সর্বাধিক পাঁচশ পরিবারের বসবাসের ব্যবস্থা থাকবে এই জনপদে । প্রধানত কর্কক থাকলেও সকল বৃত্তির প্রজা জনবহুল অঞ্চল থেকে এনে বাস করাতে হবে । রাজসাহায্যে কৃতক্ষেত্র এই সকল ভূমি ঐকপুরুষিক হবে । অর্থাৎ এক পুরুষই মাত্র তার ওপর প্রজার অধিকার থাকবে, কিন্তু পরবর্তী পুরুষ রাজার কাছে আবেদন করে ভূমির অধিকার পেতে পারে । কৃষির প্রয়োজনীয় উপকরণাদি— বীজ, গবাদি পশু, অর্থ সবই পিতৃসম রাজা প্রজাদের মধ্যে বিতরণ করবেন । তবে প্রজা এগুলি ঋণ বলে গ্রহণ করবেন । ক্ষেত্রবিশেষে উদ্যমী প্রজাকে নিষ্কর ভূমি দেওয়া যেতে পারে ।

জঙ্গল পরিষ্কার করার প্রাথমিক কাজ আরম্ভ হয়ে যাবার পর গ্রামবৃদ্ধটিকে কর্মাধ্যক্ষ রেখে চণক চম্পার দিকে যাত্রা করলেন গঙ্গাপথে । চম্পাতেই তিনি তাঁর অশ্ব, আরও কিছু অস্ত্র, ধনি ইত্যাদি রেখেছিলেন । রাজপোতলির জন্য তাঁকে বীজ গোধান ইত্যাদি আনতে হবে ।

যে আবসথাগারে তাঁর দ্রব্যাদি অশ্ব গচ্ছিত রেখেছিলেন, সেটির প্রভু শুনেছিলেন মগধের ধনীশ্রেষ্ঠ মেণ্ডক । এবারে চম্পায় গিয়ে তাঁর প্রধান লাভ হল মেণ্ডক শ্রেষ্ঠীর সঙ্গে পরিচয় । চণকের কাছে মগধরাজ্যের যে মুদ্রা আছে তারই বলে তিনি মগধরাজ্যের যে কোনও উপরাজ্যের কোষ থেকে অর্থ এবং অন্যান্য সাহায্য পেতে পারেন । কিন্তু চম্পার প্রশাসন-ব্যবস্থা কিছু জটিল । শাসন-ভার মগধের, কিন্তু চম্পা-নগরীর রাজস্ব ব্রাহ্মণ সোনদণ্ডকে দান করেছেন বিধিসার । নগরীর রাজস্ব এবং অঙ্গ-রাজ্যের বিভিন্ন গ্রাম থেকে প্রাপ্ত রাজস্ব, সার্থদের থেকে সংগৃহীত শুদ্ধাদি, সবই এক রাজ্যকোষে সংগৃহীত হয় । পরে ভাণ্ডাগারিক গণনা ও পরিমাপ করে সেগুলি স্বতন্ত্র করেন । চণক শুনলেন উপরাজ্য অজাতশত্রু এখন রাজগৃহে । তাঁর অনুপস্থিতিতে কিছু করা যাবে না । ভাণ্ডাগারিক মহোদয়ই তাঁকে পরামর্শ দিলেন—মেণ্ডকশ্রেষ্ঠী এখন চম্পায় অবস্থান করছেন । তাঁর কাছে চলে ৩৩০

যান ।

আবসথাগারের সংলগ্ন গৃহটিই মেণ্ডকের । চণকের যেতে কোনও অসুবিধা হল না । মেণ্ডক যে শুধু তাঁকে সাদর অভ্যর্থনা করলেন তাই নয়, চণকের যাবতীয় প্রয়োজন মিটিয়ে দেবারও ব্যবস্থা করলেন ।

ছিলেন মেণ্ডক এবং তাঁর পুত্র ধনঞ্জয় । উভয়ের সঙ্গেই পরিচয় হল । প্রাথমিক আলাপ-পরিচয়ের পর মেণ্ডক অনেক অনুরোধ করে তাঁদের গৃহেই চণকের থাকবার ব্যবস্থা করলেন । চণকের জনপদনিবেশের পরিকল্পনা শুনে উভয়েই চমৎকৃত হলেন ।

চণক বললেন— কী অদ্ভুত দেখুন, এই যে সামান্যজন, এরা তো নিজের উদ্যোগেই ওই বন পরিষ্কার করে গ্রাম বসাতে পারতো ! কিন্তু করেনি । তার পরিবর্তে দসু্যবৃত্তি করল । কর্ষণ জানে না এটা কোনও কারণই নয় । কেননা নিজেদের খাদ্যের উপযোগী কিছু শাক-পাণ্ড উৎসব সমেত উৎপন্ন করা এই উর্বর মৃত্তিকায় যে কেউ করতে পারে !

মেণ্ডক বৃদ্ধ হয়েছেন, কিন্তু একটুও ন্যূন হননি । মাথাটি সোজা করে বললেন,— দেবরাত, এই উদ্যোগ বা ভূমি অধিকার করার সাহস হয়নি বলেই, এরা সামান্যজন ।

চণক বললেন— একজনও তো বলতে পারতো— এই অকর্ষিত বনভূমি কারো নয় । আপনি কোথা থেকে কে রাজভৃত্য এলেন, এই বন পরিমাপ করতে ?

ধনঞ্জয় বললেন— যে মুহূর্তে মহারাজ বিম্বিসার অঙ্গদেশ জয় করেছেন, সে মুহূর্তেই সম্ভবত স্থির হয়ে গেছে যতদূর পর্যন্ত অন্য কোনও রাজার অধিকারসীমা আরম্ভ হচ্ছে, ততদূর পর্যন্ত মগধরাজেরই ।

—কিন্তু এরা মহারাজ বিম্বিসারের নাম জানে না । অস্পষ্টভাবে জানে শুধু রাজগৃহ একটি ক্ষমতা-কেন্দ্র । এরা অঙ্গর প্রজা না মগধের, অঙ্গমগধ এক কি না এসব রাজনৈতিক চেতনা এদের নেই ।

মেণ্ডক হেসে বললেন— তা যদি বলাে আয়ুত্থান, এ রাজনৈতিক চেতনা যতদিন না জাগে ততদিনই ভালো । রাজাদের ভালো । রাজার আশ্রয় ও রাজার প্রশ্রয়স্বরূপ যারা সেই শ্রেষ্ঠীকুলেরও ভালো ।

—কেন পিতা, আপনি কি মনে করেন এই সামান্যজনেদের অজ্ঞতার ওপরই রাজনৈতিক ক্ষমতার প্রতিষ্ঠা ! শ্রেষ্ঠীদের প্রতিষ্ঠা ! রাজারা কি বাহুবলের দ্বারা শ্রেষ্ঠীরা কি ধনবলের দ্বারা এদের রক্ষা করেন না ?

মেণ্ডক মাথা নেড়ে বললেন— ধনঞ্জয়, এদের চেতনা নেই । কিন্তু রাজারা অন্তত মহারাজ বিম্বিসারের মতো রাজারা জানেন ভূমি প্রকৃতপক্ষে কার । তোমার আমার মতো শ্রেষ্ঠীরা জানি ধন কোথা থেকে কীভাবে আসে । তাই আমরা এদের রক্ষা করা আমাদের কর্তব্যের অঙ্গ বলে জানি । কিন্তু সকল রাজা, সকল শ্রেষ্ঠীর যদি সে চেতনা না থাকে ? যদি কালক্রমে এরা সবাই ভুলে যান যে ভূমি সবার, বাহুবলে, বুদ্ধিবলে তাকে তাঁরা ভোগ করছেন, লাভ সংগ্রহ করছেন এইমাত্র ।

ধনঞ্জয় বললেন এই চেতনার প্রচারই তো করছেন ভগবান বৃদ্ধ । তিনি শ্রেষ্ঠীদের দান-যজ্ঞ করতে বলছেন । দান-যজ্ঞই শ্রেষ্ঠ, অন্য যজ্ঞ নয় । এমন কথা শো আমরা আগে কখনও শুনিনি । ইনি সামাজিক বা আর্থিক বিন্যাসের একটি মূল সূত্র ধরতে পেরেছেন ।

চণক বললেন— কিন্তু শ্রেষ্ঠীবর, দান কি দারিদ্র্য সমস্যার পূর্ণ সমাধান করতে পারে ? দান তো একটি বিরাট দরিদ্র শ্রেণীকে চিরকাল ভিক্ষুক করে রেখে দিচ্ছে । তারপর দেখুন এরা যদি জানে সংসার পালনে বা অন্যভাবে কোনও অভাব উপস্থিত হলেই কোনও দানকারীর কাছ থেকে সে অভাব পূর্ণ হবে তা হলে উদ্যোগ-উদ্যামের কোনও স্থানই কি থাকছে জীবনে ?

উপরন্তু এই ভগবান বলছেন সংসার দুঃখময় । জীবনকে ইশ্রিয়ের স্বাভাবিক সুস্থ প্রকাশগুলিকে দমন করে, প্রত্যাখ্যান করে তবে দুঃখচক্র থেকে উদ্ধার পাওয়া যায় এবং তাই-ই নির্বাণ ও আনন্দ । অর্থাৎ জীবনের বিপরীতে আনন্দের অবস্থান । মানুষ যদি লৌকিক জীবনের থেকে মুখ ফিরিয়ে নেওয়াটাই ধর্ম বলে বোঝে তা হলে এ জীবনকে উন্নত করার জন্য কোনও উদ্যমই তো তার

থাকবে না। দেখুন শ্রেষ্ঠী, ইনি একটা বিরাট জনশক্তিকে নিষ্ক্রিয় করে দিচ্ছেন কিন্তু।

ধনঞ্জয় মেণ্ডক দুজনেই বললেন— আপনি ভগবান বুদ্ধকে দেখেছেন ? তাঁর কথা শুনেছেন ?

চণক বলল— দেখেছি। সেটাই তো সমস্যা। ইনি অলৌকিক ব্যক্তিমায়ার অধিকারী। ঐর মুখ থেকে এসব কথা শুনলে সেই মুহূর্তে আমার মতো তार्কিক, সংশয়ীরও মনে হয়, ঠিক, ঠিক। একেবারে ঠিক। বড় সুন্দর, শাস্ত্র এই বুদ্ধচ্ছটা, বুদ্ধমণ্ডল, এর মধ্যে প্রবেশ করি।

মেণ্ডক মন দিয়ে শুনতে শুনতে মাথা নাঁড়ছিলে। ধনঞ্জয় বললেন— কিন্তু লৌকিক জীবনকে উন্নত করার জন্য ইনি শীল পালনের কথা বলে থাকেন, সেটি শুনেছেন ?

—শুনেছি— চণক বলল— ধর্ম, অর্থ, কাম, মোক্ষ—এই চতুর্ভঙ্গের ধারণাই বা মন্দ কিসে ? একটা সুখম নিয়ন্ত্রিত জীবনের আদর্শ চতুর্ভঙ্গ থেকে পাওয়া যায় না কী ? ইনি যে পঞ্চশীলের কথা বলেন— তা তবু বোঝা যায়, কিন্তু অষ্টশীলের কথা চিন্তা করুন। সাধারণ সমাজ জীবনযাপনে রত মানুষের পক্ষে এই অষ্টশীলের অনেকগুলিই কিন্তু দুঃসাধ্য।

ধনঞ্জয় বললেন—ইনি কিন্তু জনকে নিষ্ক্রিয় করার পক্ষে নয়। ইনি কর্মে বিশ্বাস করেন। যেমন কর্ম করবে তেমনই ফললাভ হবে, ইহজীবনে তো বটেই, এমন কি জন্মান্তরেও।

—অথচ ইনি আত্মা মানেন না। কে সে যে কর্মের ফল পায় ?

তথাগত বলেন এই চিন্তাগুলি নিরর্থক। জানবার কোনও প্রয়োজন নেই। কর্মগুলিকে শুদ্ধ করার দিকেই সমস্ত শক্তি প্রয়োগ করতে হবে, ধনঞ্জয় বললেন।

—অথচ, তুষিত স্বর্গের দেবতাদের কথা ইনি বলেন, দেবযোনি পাওয়ার কথা বলেন। শ্রেষ্ঠীবর, তথাগত বুদ্ধর ধ্যে প্রচুর স্ববিরোধ আছে। সূঁ নৈতিক জীবনযাপনের দিকে যাওয়া ভালো। কিন্তু মতটির একটি যুক্তিগ্রাহ্য কাঠামো তো থাকবে ? —চণক চিন্তিত স্বরে বললেন।

—আপনার মতো পণ্ডিত ব্যক্তি হয়ত এই যুক্তির কথা বলবেন কিন্তু যে-সব সাধারণজনের জন্য এই ধ্য তাদের মনে কি অত প্রশ্ন জাগে ? তারা ধরবার মতো বোঝবার মতো কোনও পথ পেলেই হল।

চণক বলল—শ্রেষ্ঠীবর কিছু মনে করবেন না। আপনারা তো সাধারণজন নন। রাজারাও সাধারণ নন। কিন্তু আপনারাই তো ধ্যের সবচেয়ে বড় পৃষ্ঠপোষক। জেতবনবিহার করে দিলেন একজন শ্রেষ্ঠী, বেণুবন দিলেন একজন রাজা, আম্রবন দিলেন একজন প্রতিথযশা, সুপণ্ডিত, বৈদ্য এবং রাজপুরুষ। ধ্য যদি সাধারণের জন্য হয় যারা ভালো করে সব কিছু না বুঝে একটি স্পষ্ট মত ও পথ পেলে তাকে গ্রহণ করে, তবে আপনারা কেন এ ধ্য নিচ্ছেন, কী পেলেন আপনারা ?

মেণ্ডক মৃদু-মৃদু হেসে বললেন—ধনঞ্জয় উত্তর দাও দৈবরাতের প্রশ্নের।

ধনঞ্জয় বললেন—ভালো লেগেছে তথাগতর কথা। কিন্তু কেন লেগেছে তা তো জানি না। নিশ্চয় কোনও গুঢ় কারণ আছে, তাই না দৈবরাত ? না কি অভিসন্ধি ?

চণক হাসলেন। ধনঞ্জয় বললেন— আমি ভেবে বলবো।

ভোজনশালায় অনিমেঘে চণকের দিকে তাকিয়ে ছিলেন ধনঞ্জয় পত্নী দেবী সুমনা। সুমনা অন্তর্বর্তী। বহুদিন পর। তাঁদের আশা এবার পূত্র হবে, ধনঞ্জয়ের সাম্রাজ্য পরিচালনা করবে সে। সুমনার সাধ হয়েছে তিনি ভ্রমণ করবেন, আপাতত অঙ্গদেশে এসেছেন। ভদ্দিয়তে কিছুকাল কাটিয়ে এসেছেন, এখন চম্পায় গগ্গরা দিঘিতে স্নান করবার ইচ্ছা হয়েছে। দেবরাত চণককে সুমনার বড় ভালো লেগেছে। বীরপুত্র লাভ করার জন্য তিনি ষণ্ডমাংস খাচ্ছেন। বিদ্বান পুত্র লাভের জন্যও কিছু নিয়ম পালন করছেন। কেন তিনি জানেন না। ধনঞ্জয় বলেন—বীরপুত্র নিয়ে কী হবে সুমনা ! ক্রমশ অস্ত্রধারী ক্ষত্রিয়, বিদ্যাজীবী ব্রাহ্মণ, উপার্জনকারী বৈশ্য এবং সেবাকারী দাস স্বতন্ত্র হয়ে যাচ্ছে। এ আমি চোখের সামনে দেখতে পাচ্ছি। আমাদের পুত্র ধনুর্গ্রহ হলে রাজার অনুবর্তী হয়ে যাবে, বিদ্যোৎসুক হলে তক্ষশিলা কি বারাগসীর অনুবর্তী হবে। ধনঞ্জয়ের সাম্রাজ্য দেখবে কে ? সুমনা বলেন—আমি যে ধারায় শিক্ষিত হয়েছি, পুত্রকেও সেইভাবেই শিক্ষিত করতে চাই, সেটাই।

—কন্যাকেও তো তা-ই করেছিলে সুমনা, লাভ কী হল ?

—কী বলছ ? লাভ হয়নি ? বিসাখা যে কর্মাস্ত্র স্থাপন করেছে, তাতে অন্তত একশটি পরিবারের কর্মসংস্থান, অন্নসংস্থান হচ্ছে, সাবখির ভিক্ষুণী সংঘের প্রতি যাতে ন্যায় হয়, সুবিচার হয় তা আমার কন্যা দেখছে, মিগার সেটটির ধনসম্পদেরও সুব্যবস্থা করেছে সে—

ধনঞ্জয় বললেন—হ্যাঁ, জনবহুল রাজপথে হস্তিসম্মোহন-বিদ্যার প্রয়োগও করল। বলতে চাও সে একাধারে ক্ষত্রিয়, বৈশ্য। ব্রাহ্মণও কী ?

—হ্যাঁ, ব্রাহ্মণও, সখীগুলিকে অতিশয় শিক্ষিত করে তুলেছে বিসাখা।

—ভালো, তবে ব্রাহ্মণও।

—এবং দাসও সেটটি। বিসাখা তার স্বশুর ও স্বশ্রু এবং তথাগত বৃদ্ধর সেবা করে, তা-ও অতি নিপুণভাবে।

—সবই ঠিক, সুমনা, কিন্তু শেষ পর্যন্ত তোমার কন্যা যে...

—জানি, সেটটি। বলো না, আর বলো না। কৃপণ হু দুহিতা। বড় করণ এই দুহিতা হওয়া। কিন্তু বিসাখা আত্মবলে ক্রমশই সেই দুর্ভাগ্যকে সৌভাগ্যে পরিণত করছে এই আমার বিশ্বাস।

—ভালো—ধনঞ্জয় দীর্ঘনিশ্বাস ফেললেন।

—এই গাঙ্কার যুবকের সঙ্গে আমাদের আগে দেখা হয়নি কেন ? —সুমনা অন্যমনে বলেন।

—অতি সহজ কারণ। যুবকটি গাঙ্কারে থাকত এবং আমরা সাকেতে।

—না সেটটি আমি যখন মহাদেবী খেমাকে প্রব্রজ্যা থেকে নিবৃত্ত করবার জন্য রাজগহে ছিলাম, সে সময়ে দৈবরাত গাঙ্কারের দূত হয়ে রাজগহেই অবস্থান করছিল। তখনও বিসাখার বিবাহ হয়নি। ধনঞ্জয় কটাক্ষে তাকালেন পত্নীর দিকে, বললেন— বৃথা কল্পনা করে দুঃখ পেতে নারীরাই পারে। কেন হল না, কেন পেলাম না...

সুমনা বললেন— কল্পনা করে সুখও পেতে পারি।

—কেমন ?

—এই দৈবরাতের মতো যদি আমার পুত্র হয় !

—গাঙ্কার যুবক কূটবুদ্ধিশালী। সব কিছুর পেছনে কারণ সন্ধান করে, বণিক ও রাজাদের বুদ্ধভক্তির পেছনে অভিসন্ধির স্রাণ পাচ্ছে।

—সত্যি ?

হাসিমুখে ধনঞ্জয় বললেন— আয়ুস্থান, আমার পত্নী আর আমি উভয়ে মিলে আমাদের বুদ্ধভক্তির কারণ একটা বার করেছি।

চম্পার এই গৃহের সম্মুখবর্তী কাননে সুন্দর একটি সরোবর। মগিময় তার ঘাট। সেখানেই তিনজনে বসেছিলেন সন্ধ্যার পূর্বে।

চণক বললেন— আমি কিন্তু আপনাদের বুদ্ধভক্তির প্রতি কটাক্ষ করছি না। প্রমেও এমন ভাববেন না। প্রকৃত কথা, আমি সব কিছুর পেছনে দৈব বা ভাগ্য আছে এই মত বিশ্বাস করি না। আমার মনে হয় যা যা ঘটছে, তার মধ্যে কোনও অন্তর্নিহিত কারণ থাকে। কারণটি আবিষ্কার করতে পারলে ইতি-কর্তব্য কী স্থির করা সহজ হয়।

—হ্যাঁ, শাস্ত্রকার বলেই আপনার অন্তর্দৃষ্টি প্রয়োজন এ কথা সত্য—ধনঞ্জয় বললেন।

সুমনা স্নেহসিক্ত কণ্ঠে বললেন—বলো আয়ুস্থান, তুমি কী রূপ ব্যাখ্যা করছ বুদ্ধভক্তির।

চণক বললেন—দেবি, প্রথমে আমার কতকগুলি চিন্তা আপনাদের কাছে নিবেদন করি, তারপরে বুদ্ধপ্রসঙ্গে আসবো। এই যে বেদবিরোধী বা বলা ভালো যজ্ঞবিরোধী তীর্থঙ্কররা পুরণ কাশ্যপ, নির্গ্রহ নাতপুত্র, সঞ্জয় বৈরটিপুত্র, অজিত কেশকম্বলী এবং মঙ্করী গোশালী—এরা সবাই মধ্যদেশে জন্ম নিয়েছেন এঁদের মত এখানেই গড়ে উঠেছে। এখানে প্রচারণা করা সুফল পাচ্ছেন। কেন ? কেন উত্তর-পশ্চিমে নয় ?

সুমনা জিজ্ঞেস করলেন— গাঙ্কার বা ওইসব পশ্চিম দেশে এ প্রকার কাউকে দেখিনি ?

—না। সম্রাসীরা চিরকাল ছিলেন। কিন্তু যজ্ঞবিরোধী এই সব তীর্থঙ্কররা মধ্যদেশের সন্তান।

এখন দেবি, আমার মতো আপনারা যদি ক্রমাগত পশ্চিম থেকে পূর্বে আসতেন বৈদিক ধর্মের একটা ক্রমিক অবনমন লক্ষ্য করতেন। বেদকথিত যজ্ঞবিধি যেন বহু দূরের এক ভিন্ন দেশের রীতি যা মধ্যদেশীয়দের ওপর চাপিয়ে দেওয়া হয়েছে। মধ্যদেশেরও তো একটা নিজস্ব প্রতিভা আছে। বিশেষত সরযু, মহীগণ্ডক, গঙ্গার মধ্যবর্তী এই যে ভূখণ্ড, কোশল, মগধ—এখানে নতুন একটা জাগরণ ঘটছে।

—সত্যই, সুমনা বললেন, কেউ কি কখনও ভেবেছিল আমাদের সেনিয় মহারাজ বিধিসার হবে ?

—এই নতুন দেশে নতুন প্রতিভা জন্ম নেবে এটাই স্বাভাবিক। এই নতুন প্রতিভা যেমন নতুন রাজশক্তির জন্ম দিয়েছে, তেমনই দিয়েছে ধর্মের নতুন পথের দিশারীর, এবং অর্থ-ব্যবস্থারও নতুন প্রতিভাধরদের, অর্থাৎ আপনাদের। আপনাদের মতো বাণিজ্যবলে বলীয়ান শ্রেষ্ঠী ক্রমশই যারা নিজেদের ক্ষমতাবলে শ্রেষ্ঠ হয়ে উঠছেন এরূপ ব্যাপার কিন্তু প্রতীচ্যোও নেই। উদীচ্যোও নেই।

—কেন দৈবরাত, ধনঞ্জয় বললেন, আমরাও তো পশ্চিমের, উত্তরের বণিকদের সঙ্গে যোগাযোগ করি, বণিকের অভাব তো দেখি না !

—আছে শ্রেষ্ঠীবর, কিন্তু কেমন ? —অশ্ববণিকরা আসে কাশ্মীর থেকে, কস্থল নিয়ে আসে কাশ্মীরী বণিকরা, আপনাদের এখান থেকে যত প্রকার পণ্য নিয়ে সার্থ যাতায়াত করে ওদিকে তত নেই। বা থাকলেও অশীতি কোটি সুবর্ণের সম্পদ করেছেন এমন বণিক ওখানে কই ? লোহিতায়স, কুম্ভায়স, রৌপ্য, স্বর্ণ, দুকূলবসন, কাঠ, ও গজদন্তনির্মিত বস্তু, কাংস্যপাত্র, গুড় ইত্যাদি খাদ্যবস্তু কী আপনারা স্বর্ণে পরিণত করেননি ? উপরন্তু, আপনারা নিজেদের প্রয়োজনমত আয়তাকার, চতুষ্কোণ মুদ্রাগুলি প্রস্তুত করছেন। বাহুবল, বিদ্যাবলই সব নয় শ্রেষ্ঠীবর, ধনবল একটা বিরাট শক্তি। সেই শক্তি আপনারা নিজ প্রতিভায় অর্জন করেছেন। উত্তর-পশ্চিমে, বহুদিন ‘পণি’ বলে বণিকদের হয় মনে করত। এই বৃত্তির প্রকৃত মর্যাদা আপনারাই প্রতিষ্ঠা করেছেন। এখন এই নতুন মধ্যদেশীয় প্রতিভাগুলি যা মধ্যদেশের নিজস্ব সেগুলি অর্থাৎ রাজশক্তি, ধনশক্তি এবং ধর্ম-দর্শননীতি এরা একত্র হবে, পরস্পরের সঙ্গে সহযোগিতা করবে এটাই স্বাভাবিক।

সুমনা বললেন— তা হলে ঐরা সবাই উত্তর-পশ্চিমের সংস্কৃতির বিরোধী ? এমনই কি বলছ পুত্র ?

—কোথাও কোথাও স্পষ্টই বিরোধী। যেমন ব্রাহ্মণদের আধিপত্যের ব্যাপারে, পশুবলির ব্যাপারে। কিন্তু বিরোধটাই প্রকৃত কথা নয়। প্রকৃত ব্যাপার হচ্ছে—ভিন্নতা, নূতনত্ব। মধ্যদেশ তার আত্মপরিচয় এদেরই মধ্যে পেয়েছে।

—বিদ্যায় এখনও পশ্চিমকেই আমরা আচার্য বলে মনে করি—ধনঞ্জয় বললেন।

চণক বলল—আমি যদি সঠিক বুঝে থাকি, তা হলে মগধের সাম্রাজ্য ক্রমেই বিস্তৃত হয়ে জম্বুদ্বীপ ছেয়ে ফেলবে। আমি আজ পিতার আরক্ত যে ‘রাজশাস্ত্র’ শেষ করছি—মগধ রাজশক্তির প্রধান নীতিনির্ধারক হবে সেই শাস্ত্র। এবং রাজগৃহের নিকটে কোথাও তক্ষশিলার মতো বিদ্যা-কেন্দ্র গড়ে উঠবে। হয়ত বা তথাগত বুদ্ধের বচনকে কেন্দ্র করেই।

—বুদ্ধের বচন তো অতি সহজ সরল, তাকে কেন্দ্র করে...

ধনঞ্জয়ের কথা শেষ হল না। সুমনা বললেন— আয়ুস্মান চণক ঠিকই বলেছে। বুদ্ধের বচন আপাত-সরল। কিন্তু এর ভেতরে অনেক তর্ক-বিতর্কের অবকাশ আছে। সেগুলি যত দিন যাচ্ছে স্পষ্ট হয়ে উঠছে।

চণক বললেন— শুধু তাই-ই নয়। আমি খের সারিপুত্র ও মোগগল্লাবের দেশনা শুনেছি। তাঁরা বুদ্ধকথিত ধর্মের অনেক জটিল দিক নিয়ে আলোচনা করেন। ধর্ম-কথা কেন্দ্র গড়ে ওঠার সম্ভাবনা প্রবল। কিন্তু শ্রেষ্ঠীবর, আপনারা বৃহদজির যে কারণ নির্দেশ করেছেন তা তো কই শোনা হল না ?

ধনঞ্জয় সুমনার দিকে চেয়ে হাসলেন একবার। বললেন— ব্রাহ্মণদের থেকে ইনি বণিকদের ওপরে স্থান দেন। হয়ত তাই...

—কিন্তু এ কথা কি ঠিক ? গৌতমের প্রধান শিষ্যদের মধ্যে সবাই-ই তো ব্রাহ্মণ ! কাশ্যপ ভাইয়েরা, সারিপুত্র, মৌদগল্যায়ন এবং শাক্যকুলের সব রাজকুমার ? তাঁরা তো ক্ষত্রিয় ! চণক ৩৩৪

সংশয়ের সুর কণ্ঠে রেখে থেমে গেলেন ।

সুমনা বললেন— তুমি শুনেছ কি না জানি না আয়ুমান, ইনি রাজগহের অন্ত্যজন্দের মধ্য থেকেও সাবক গ্রহণ করেছেন । বৃদ্ধসজ্জের মধ্যে বর্ণ দিয়ে কোনও উচ্চ-নীচ ভেদাভেদ নেই । তবু তারই মধ্যে শ্রেষ্ঠীদের ওপর তাঁর করুণা একটু অধিক । আমরা তো অন্তত তাই অনুভব করি । শ্রেষ্ঠীদের গুরুত্ব ইনি মেনে নিয়েছেন । এমন কি বাণিজ্য যে অতি প্লাঘা জীবিকা এ বিষয়ে ইনি প্রায়ই উপদেশ দেন । উদ্যোগী পুরুষ কীভাবে একটি মরা ইঁদুর থেকেও বিপুল ধনসম্পদের অধিকারী হতে পারে এ নিয়ে উনি গল্প বলেন । আমি নিজে শুনেছি । সাবখির অনেক লোকে তাতে উদ্বুদ্ধও হয়েছে ।

চণক আশ্চর্য হয়ে বললেন— তাই নাকি ?

—সে যাই হোক, সুমনা হেসে বললেন— তুমি শীঘ্রই সাকেতে আসবে । ধনঞ্জয়গৃহে অবস্থান করবে । কেমন ?

চণক স্মিতমুখে সম্মতি জানান । সুমনার চিন্তে স্নেহের আনন্দের এক অদ্ভুত পরিপ্রাণন । কেন, কে জানে ? মনে মনে তাঁর গর্ভস্থ পুত্রকেই এর কারণ বলে মনে করেন সুমনা । আর সংগোপনে নত হয়ে থাকেন জেতবনবিহারী তথাগত বৃদ্ধর কাছে । তাঁর কেমন মনে হয় অধিক বয়সে এই পুত্রলাভ তাঁরই আশীর্বাদ । কেন এ বিশ্বাস ? কারণ নেই তেমন । এ হল বিশ্বাস ।

ধনঞ্জয় বললেন— শুধু সাকেত কেন, এই তো কাছেই ভিক্ষিয়, আমাদের আদি গৃহ । সাবখিতে রয়েছে আমার কন্যা বিসাখার গৃহ...সর্বত্রই তোমাকে যেতে হবে আয়ুমান, যদি মধ্যদেশীয় গহপতিদের তুমি যথাযথ জানতে চাও ।

সুমনা অনুরোধের কণ্ঠে বললেন— বচ, তুমি মাতৃহীন, তোমাকে স্বহস্তে যত্ন করবার জন্য আমি ব্যাকুল হয়েছি । অবশ্যই সাকেতে আসবে...

কিন্তু দেবী সুমনার কোনও ইচ্ছাই পূর্ণ হয়নি । সাকেতে নিজকৃত সেই সুন্দর সপ্তভূমিক প্রাসাদে একটি কন্যার জন্ম দিয়ে ধনঞ্জয়-পত্নী, বিশাখাজননী, বিশ্বিসার-সখী যখন মারা যান, দেবরাত চণক তখন বহু দূর । কন্যা বিসাখাও তখন প্রসবগৃহে । তাকে জননীর মৃত্যুসংবাদ দেওয়া হয়নি ।

শোকাক্ত ধনঞ্জয় নবজাতিকার মুখদর্শন করেননি । পরিজনরাই শিশুর নিদারুণ জন্মদুঃখ মুখে দিতে করুণহৃদয়ে তার নামকরণ করলেন—সূজাতা ।

প্রসব-গৃহ থেকে হরিদ্রা-স্নান করে বেরোবার পর মিগারমাতা বিশাখা চলেছে জেতবনে । গৃহে অঙ্কধাত্রী, স্তন্যধাত্রী, মণ্ডনধাত্রী রাখা হয়েছে যথাযথভাবে পরীক্ষা করে । বৃদ্ধ-প্রণাম করে আসার অবসর অনেক দিন পরে পাওয়া গেছে । বিশাখার পরনে নববস্ত্র । হলুদে-ছোপানো উত্তরীয় দিয়ে সে আজ মাথা ঢেকে নিয়েছে । প্রসাধনের স্নিগ্ধ সৌরভ তাকে ঘিরে । সঙ্গে বহু দান নিয়ে চলেছে দাস-দাসীরা । ধনপালী ঠিক তার পাশাটিতে । তার মুখ বিষগ্ন । বিশাখার শাস্ত, গৌরবমণ্ডিত জননী-শ্রীর পাশে ধনপালীর শুদ্ধ, করুণ, আর্ত মুখটি যেন কেমন অসঙ্গত মনে হয় ।

শাস্ত জেতবনসম্মা । বসন্তকাল আসতে বিলম্ব নেই । বিহার তাই প্রায় শূন্য । ক্রিষ্ট তথাগত আছেন । আর আছেন মাতা মহাপ্রজাবতী । আছেন ভিক্ষু আনন্দ । বহু সর্ষপিবাসী ভগবান তথাগতর এই দুর্লভ অধিষ্ঠানের সুযোগ নিতে দেশনা-স্থলে এসে অপেক্ষা করছেন ।

ভিক্ষু আনন্দের প্রতি আদেশ হল দানগুলি গ্রহণ করবার— কাপাসিক চিত্তর, কাংস্যের ভিক্ষাপাত্র, ভৈষজ্য রাখবার মণিময় পাত্র সব, ভোজ্য—যব, গম, মুদগ, তণুল, কৃষ্ণকীর ফল, মিষ্টান্ন, পায়স । বিশাখা ভিক্ষু আনন্দের হাতে জল ঢেলে দিল । তিনি দান গ্রহণ করলেন । দেশনা-স্থলে গিয়ে বসল বিশাখা । অল্পক্ষণ দেশনা হল আজ । মহারাজ প্রসেনজিৎ জীবারণ দুঃস্বপ্ন দেখেছেন । একই স্বপ্ন । বিকট স্বপ্নে কে বা কারা আর্তনাদ করছে । রাজার পুরোহিতেরা বলেছেন—এরা নরকবাসী । এদের শাস্ত করার জন্য যজ্ঞ প্রয়োজন । তথাগত মৃদু হেসে তাঁকে রাতে গুরুভোজন করতে নিষেধ করলেন । অতিভোজনেই স্বাস্থ্য মন্দ হয়, অল্পভোজনে নয় মহারাজ । আপনি রাজভোগ ভোজন

করছেন, কিন্তু সেই পরিমাণে ব্যায়াম করছেন কী ? আপনার মধ্যদেশ তো রীতিমতো স্ফীত হয়ে উঠেছে। কাঁধে মাংস জমেছে। আপনি বীরপুরুষ, বীরের মতো আকৃতি ও অভ্যাস রাখতে সচেষ্ট হবেন, তবেই দুঃস্বপ্নগুলি দূর হয়ে যাবে।

—কোনও পূজা, ব্রত, দান এ সকলের প্রয়োজন নেই বলছেন ?

—কিছুই প্রয়োজন নেই মহারাজ। গুরুভোজনের পর শয্যা যান। শরীর গরম হয়ে থাকে। খাদ্যগুলি আশীর্ষিত হয় না। তাতেই দুঃস্বপ্ন সৃষ্টি হয়।

এবার বিশাখার দিকে চাইলেন তথাগত।

—আজ শুনলাম ষাঁসাখা সংঘকে বহু দান করেছে ? কেন কল্যাণি ?

—আমার দুই নবজাত পুত্র ও সাকেতে আমার জননী ও তাঁর নবজাতিকার শুভকামনায়।

কিছুক্ষণ আশীর্বাদের ভঙ্গিতে স্থির রইলেন তথাগত। তারপর বললেন— বিসাখা, তথাগত জন্মের সাত দিন পরেই মাতৃহীন হয়েছিলেন, জানো ?

—জানি ভণ্ডে। কিন্তু তিনি মহাপ্রজাবতীকে মাতৃরূপে পেয়েছিলেন।

—মহাপ্রজাবতী তাঁর পুত্র নন্দকে লাভ করার পরও সমান মমতায় ও যত্নে তথাগতকে লালন করেন। জননীর চেয়ে মহীয়সী আর কে বিসাখা ? জন্মদাত্রী জননীর চেয়েও মহীয়সী একমাত্র তিনিই, যিনি অনাথ-অনাথাকেও মাতৃস্নেহে লালন করেন। বিসাখার অনুকম্পা সকল অনাথ-অনাথার প্রতি ধাবিত হোক।

বিশাখা মাথা নত করে তথাগতের আশীর্বাদ গ্রহণ করল।

তথাগত বললেন— জনক-জননীর চেয়ে শ্রদ্ধেয়, আদরণীয়, প্রিয় এ জগতে আর কেউই নেই। কিন্তু পার্থিব নিয়মে জনক-জননী লোকান্তরে যান। তখন সেই শূন্যস্থানে যা থাকে তা সেই কল্যাণময়ী জননীর ভাববলয়। সেই ভাব হৃদয়ে গ্রহণ করতে পারলেই জননীকে অনাদ্যস্ত কালের জন্ম নিকটে পাওয়া যায়। লোকান্তরিতার স্থানে উত্থান হয় নতুন জননীর। হে সাবকগণ, তোমরা জানবে সবচেয়ে পবিত্র, সবচেয়ে স্বাথীন, সবচেয়ে শ্রদ্ধেয় স্নেহ জননীর। হৃদয়ে সেই স্নেহের সম্মুখান ঘটাও, সেই স্নেহ অনুভব কর সর্ব জীবের প্রতি, আশ্রয় দাও অনাথদের। জীবগণকে আশ্বাস দাও। মাতৃস্নেহরসের সুধাধারায় অভিষিক্ত কর সমস্ত মানবের মনোভূমি। সবেক জীবা সুখিত্তা হোস্ত। সোতাপত্তি ফল লভ যদি করে থাকো হে সাবক-সাবিকাগণ, তা হলে নিশ্চয় জানো— মৃত্যু, বিচ্ছেদ, বিরহই জীবজগতের নিয়ম। এই জীবজগতকে অনুভব করলেই অশোক হবে সবাই, নিক্বাণপদের দিকে অগ্রসর হবে। নিক্বাণই পরম সুখ, পরম শান্তি, পরম পদ। বীতশোক হও, পরমপদ লাভ করো।

ধনপালী দেখল তথাগত দেশনাশ্বল ত্যাগ করছেন এবং বিসাখা মুর্ছিত হয়ে পড়েছে। মহাপ্রজাবতী পাশেই বসেছিলেন, তিনি তাঁর কোলে বিশাখার মাথাটি তুলে নিলেন। ধনপালী উশীর জল একটু একটু করে ছিটোচ্ছে বিশাখার মাথায়, মুখে। একটু পরে সে চোখ মেলল। থেরী মহাপ্রজাবতীর স্থির দৃষ্টি তার মুখের ওপর। তিনি ধীরে ধীরে বললেন— বিশাখা, কন্যা, গৃহে যাও এবার। তোমার পুত্ররা অপেক্ষা করে আছে।

দাস-দাসীরা মিলে ধরে ধরে তাকে শিবিকায় নিয়ে গিয়ে তুলল। বিশাখা অনেক কষ্টে ধনপালীকে বলল—পালি, অচিরবতীর তীরে চল, আমি সাকেত যাবো।

—কিন্তু প্রভু, প্রভুপত্নীকে সংবাদ দেওয়া নেই যে...

—সংবাদ দিয়ে দে

—শিশুদের কী হবে ?

—ধাত্রী আছে পালি, ময়ূরীও রয়েছে, পালি আমার দুখ শুকিয়ে গেছে। দ্যাখ।

—কিছুক্ষণ পূর্বেও দুগ্ধধারায় ভিজে যাচ্ছিল বিশাখার স্তনপট্ট। ধনপালী দেখল, এখন সব শুষ্ক। কৃষ্ণাভ রক্তবর্ণের স্তনবৃত্ত দুটি যেন মুখ লুকিয়ে ফেলেছে। স্কীরহীন স্কীরভাণ্ড।

অচিরবতী পার হয়ে, সরযু পার হয়ে অক্লান্ত শিবিকার পথ চলে যখন ধনঞ্জয় বিমানে পৌঁছলো বিশাখা তখন ধীর-প্রত্যাব হচ্ছে। অরুণ আভায় রঞ্জিত বিমানটি, বহির্বাটের কানন, অন্তঃপুরের ৩৩৬



কানন । অত্যাচ্ছ গাছগুলির ওপরের দিকের শাখা ও পত্রাবলীকে ছুঁয়ে নিচের দিকে সহস্রধারায় ঝরে পড়ছে অক্ষয় আশীর্বাদ । কিন্তু বিশাখা দেখল সবই যেন একটি বিশাল প্রাণহীন স্বর্ণভাণ্ড । প্রাণহীন । পুরঞ্জীরা ছুটে এলেন । বিশাখা তোমার নবজাতক ?

—রেখে এসেছি ।

—কী সর্বনাশ !

বিশাখা বলল— পিতা কোথায় ?

এইবারে পুরঞ্জীদের শোক আর বাধা মানল না । এত সাবধানে যে বিশাখার কাছ থেকে এই বঙ্কপাতসম সংবাদ গোপন রাখা হল, বিশাখা কেমন করে তা জেনে গেল ? বিশাখা কারও কোনও উত্তরের অপেক্ষা করল না । সেই হাহাকারের মধ্য দিয়ে কক্ষের পর কক্ষ ছুটে বেড়াতে লাগল । যেন কোনও একটি কক্ষে বসে আছেন জননী । ঠিকমতো সন্ধান করলেই পাওয়া যাবে । তার চোখে অশ্রু নেই, মুখে ভাষা নেই । পিতার কক্ষে পিতাকে দেখতে'পেল না । পুরঞ্জীরা বললেন— তিনি গতরাত্রে কর্মকক্ষ থেকে আসেননি ।

বর্ষিবাটিতে ছুটল বিশাখা । কর্মকক্ষের এক প্রান্তে একটি চতুষ্পদিকায় মাথা রেখে ঘুমিয়ে আছেন ধনঞ্জয় । পাশে ভোজনথালী অস্পষ্ট পড়ে রয়েছে ।

পায়ের শব্দে ঘুম ভেঙে গেল । ধনঞ্জয় মাথা তুলে বললেন— বিশাখা !

—পিতা ! বিশাখা রুদ্রকণ্ঠে বলল ।

কখনও ধনঞ্জয়ের কোলে বিশাখার মুখ, কখনও বিশাখার কোলে ধনঞ্জয়ের মুখ— শুধু অশ্রুধারায় ভেসে যায় মুখ, বুক ফুলে ফুলে ওঠে । মুখে কোনও শব্দ নেই ।

সেই বিলাপগৃহে অর্ধমুছিত পিতা-কন্যাকে ঘিরে ধনপালী ছাড়া আর কেউই ক্রমশ রইল না । সকলেই বলল— এঁদের শোকপ্রকাশের অবকাশ দেওয়া প্রয়োজন । নইলে বুক ফেটে যাবে ।

একটি একটি করে ধীরে ধীরে সব শোনা হল । যদিও দেবী সূমনার বয়স হয়েছিল, বেদ্য এবং ধাত্রী সুপ্রসবই আশা করেছিলেন । কীভাবে দেবী সমস্ত যন্ত্রণা বিনা আর্তনাদে সহ্য করেছিলেন । কীভাবে সন্দর্শ দিয়ে শেষ পর্যন্ত শিশুর মাথাটি বলপ্রয়োগ করে টেনে বার করতে হয়, তারপর কীভাবে তাঁর হাত পা শীতল হয়ে যেতে আরম্ভ করে, সর্বান্তে স্বৈদবিন্দু ফুটে ওঠে, কী যেন বলতে গিয়েও বলতে পারলেন না । পুরী আঁধার করে মুর্ছার কোলে ঢলে পড়লেন । শত ভৈষজ্য প্রয়োগেও সে মুর্ছা আর ভাঙল না ।

মা, তোমার সামনে কখনও তো আঁধার ছিল না । তোমার দ্যুতময় অন্তরের আলোকচ্ছটায় কিছুই অস্পষ্ট থাকত না । প্রশান্ত মনীষায় করণীয়গুলি দেখতে পেতে, অনন্য সাহসে বিপদের সামনে দাঁড়াতে, প্রসন্নচিত্তে নিজসংসার ও পরসংসারের দায়গুলি পালন করতে ! তুমি ছিলে বলে এই বিশাল ধনঞ্জয়ভূমি যেন তৈলনিষিক্ত যন্ত্রের মতো চলত । তুমি ছিলে বলে বিশাখা জীবনের সংগ্রামটিকে জিগীষু বীরযোদ্ধার মতো নিয়েছিল । জয়লাভ সে করবেই এ সঙ্কল্পের শক্তি কোথা থেকে এসেছিল ? মা আছেন, মা দেখছেন । হারবার মানুষ মানন । তাঁর কন্যা কি কখনও হারতে পারে ? এই বোধ থাকত সমস্ত দুঃখের মধ্যে শক্তি সঞ্চারণ করে দিতে ।

বিশাখা বলল— পিতা, আমি এখনও কেমন হৃদয়ঙ্গম করতে পারছি না, মা নেই । মা পিতা, এ হতে পারে না ।

ধনঞ্জয় শূন্য চোখে চেয়ে বললেন— না বিশাখা, সত্যই সে নেই । এই দীর্ঘ মাস ভরে প্রতি সকালে আমি দেহলিতে একটি করে পুষ্প রেখে দিয়েছি, আজ সূমনাহীন প্রথম দিন পৃথিবীর, আজ সূমনাহীন দ্বিতীয় দিন... আজ সূমনাহীন তৃতীয় দিন... । বিশাখা, কন্যা আমি সবসময়ে সর্বত্র অনুভব করার চেষ্টা করি সে আছে । কিন্তু দেখো, আমি যন্ত্রণায় শতধা হলে যাচ্ছি, সে তো কই কোনও স্পর্শ পাঠায় না, আমি খাদ্য গ্রহণ করি বা না করি, নিদ্রা যাই বা সোঁ যাই, কোনও সময়েই কোথাও বিন্দুমাত্রও তার অস্তিত্ব অনুভব করি না এই বস্তু-পৃথিবীতে । মহাখ্যা অজিত, মহাখ্যা পূরণ কাশ্যপ যা বলেন তাই-ই ঠিক বিশাখা, চতুর্মহাভূতে মিলিয়ে গেছে সূমনা । পৃথিবীর কোন শুভক্ষণে, ধনঞ্জয়ের কোন শুভকর্মের ফলে, বিশাখার ভাগ্যফলে, মৃত্তিকা, জল, বায়ু, আকাশ থেকে তিল তিল বস্তু আহরণ

করে রচে উঠেছিল সূমনা-শরীর, সূমনা-হৃদয়, আবার জড়-পৃথিবীর নিয়মে সে ফিরে গেছে খণ্ড খণ্ড হয়ে। বিশাখা, ব্রাহ্মণগরা ভুল বলেন— আত্মা নেই, নির্গন্ধরাও ভুল বলেন— আত্মাও নেই, পুঙ্গালও নেই, বুদ্ধ তথাগত ভুল বলেন— শুভ কর্মফল থেকে, শরীর থেকে শরীরান্তরে প্রয়াণ হয় এ কথা ভুল। সূমনা আর কখনও জন্ম নেবে না, নিতে পারে না। জড় প্রকৃতিতে ওরূপ শুভ আকস্মিকতা একবারই ঘটে। মাত্র একবার।

বিশাখা পিতার হাত ধরে অন্তঃপুরে নিয়ে গেল, তার নিজকক্ষে নিয়ে গিয়ে পেটিকা খুলল। সে দেবী সূমনার চিত্র লিখেছিল। কাঠফলকে, বসনে। সেইগুলি বার করে সে সযত্নে পল্যাঙ্কের ওপর বিছিয়ে রাখল। বলল পিতা—একদিন মায়ের অনুপস্থিতিতে এই চিত্র পাশে নিয়ে যজ্ঞকাজ করেছিলে। এখন মায়ের অবর্তমানেও এই চিত্র নিয়ে যজ্ঞস্বরূপ জীবন অতিবাহিত করো। পিতা হয়ত তুমি ঠিকই বুঝেছ— মায়ের শরীরের জৈব উপাদানগুলি হয়ত তাদের উৎসে ফিরে গেছে। কিন্তু সূমনা-হৃদয়, তাঁর দীর্ঘদিনের শুভকর্ম, শুভচেতনা লয় পেয়ে যাবে, এ কি কখনও হতে পারে!

পিতা সেই নবজাতিকা কোথায়? আমার ভয়ী?

—জানি না, আমি তাকে দেখিনি বিশাখা। আজও দেখিনি। দেখব না।

—সে কী পিতা!

বিশাখা পিতার হাত ধরে নিয়ে গেল সেই নির্জন, প্রায়াক্ষকার কক্ষে যেখানে ক্ষুদ্র মাথাটির দুধারে দুটি ক্ষুদ্রতর মুঠি রেখে ঘুমিয়ে আছে অবহেলিত শিশুটি। কহা শুধু কাছে বসে আছে।

বিশাখা বলল—এ কী? এমন অন্ধকার কেন এ ঘর! বাতায়ন নেই ভালো। বায়ু চলাচল যেন বন্ধ হয়ে আছে! পালি, কহা—শীঘ্র সুবাতাস আলোয়ুক্ত সুন্দর কক্ষের ব্যবস্থা কর। উণীর ছড়িয়ে দিবি চারদিকে। চন্দনের ক্ষুদ্র একটি পালঙ্ক আছে। আমি নিজে তাতে শুতাম। পালঙ্কটি একটি প্রেঙ্কার মতো, তামার দৃঢ় শেকল দিয়ে ছাদের সঙ্গে যুক্ত থাকত। দ্যাখ— অন্ধমাদের জিঞ্জেস কর।

শিশু এই সময়ে কেঁদে উঠল। বিশাখা পরমস্নেহে তাকে কোলে তুলে নিল। অমনি তার শুদ্ধ স্তনবৃত্ত থেকে দুগ্ধক্ষরণ হতে লাগল। স্তনপটু ভিজে যাচ্ছে মাতৃ-স্নেহ-সীম্বধারায়। ধাবিত হচ্ছে ওই মাতৃহীন, অনাথা শিশুর দিকে। সে বলল—পিতা, অশ্ব, শিবিকাসহ ধনপালীকে পাঠাও সাকেতে। হর্ষ আর মিস্তকে নিয়ে আসুক, সঙ্গে আসবে ওদের ধাত্রীরা। আমি এখন সাকেতেই থাকব।

গভীর রাত্রে সারাদিন পরিশ্রমের পর, তিনটি শিশুকে ঘুম পাড়িয়ে, ধাত্রীদের কাজের ভার দিয়ে বিশাখা অন্তঃপুরের কাননে বকুলমূলে তার প্রিয় বেদিকার ওপর এসে বসল। বহুক্ষণ স্তব্ধ হয়ে রইল সে। সে ধ্যান করছে। আজ তার কর্মস্থান (ধ্যানের বিষয়) দেবী সূমনা। মায়ের রূপ চোখের সামনে ভাসিত করতে কই বিন্দুমাত্রও বেগ পেতে হল না। ওই তো মা পাড়িয়ে আছেন, গাঢ় নীল রঙের উত্তরীয়, দেহের বর্ণ আরও উজ্জ্বল লাগছে। কেশগুলি বেণীবন্ধ। বেণীতে কুন্দকুসুম। মায়ের ওষ্ঠাধরে মৃদু হাসির রেখা, সেই যে বলেছিলেন শ্রাবস্তীর পথে...‘ধরো তোমার যশোভাগ আমারও নিতে ইচ্ছা হয়েছিল।’ সেই স্নেহ সেই ব্যাকুলতা অথচ গাঢ় আস্থা! কিন্তু অনেক চেষ্টা করেও সে মায়ের চোখ দুটি দেখতে পেল না। মায়ের সমস্ত অবয়বই প্রিয়, কিন্তু চোখ দিয়ে যে কথা বলা যায়, কথা শোনা যায়! মা, তোমার সেই অনুপম পলাশাক্ষি, স্নেহে, প্রণয়ী গাঢ়, মননে গভীর, চিন্তের অন্তস্তল পর্যন্ত দেখার শক্তিতে মর্মভেদী! সেই চোখ দুটি আমি কখন-কিছুতেই ধ্যানে আনতে পারছি না। মৃদুহাসিমণ্ডিত, চক্ষুহীন সেই জননীমূর্তি বিশাখার চোখের সামনে একবার আবির্ভূত হচ্ছে, একবার অন্তর্হিত হচ্ছে। অবশেষে চাঁদ যখন অস্তোমুখ কনিসিন্ধুমির অর্ধেক তমসায় আবৃত তখন বিশাখা সামনের অন্ধকারের দিকে চেয়ে আর্তকণ্ঠে বলল—মা, তুমি আমাকে ত্যাগ করে যেও না। সাকেতের এই ধনঞ্জয়লোক, সাবথির মিগারলোক, কুর্ধে দরিদ্রজন, পীড়িত পশুগণ, কত সংসারত্যাগিনী কিংবা বহু দুঃখে দুঃখিনী নারীরা বিসাখার মুখে প্রতি চেয়ে রয়েছেন। তাঁদের সবার জন্য বিসাখা আছে। কিন্তু বিসাখার তুমি ছাড়া কেউ নেই। বিসাখার হৃদয় যে প্রণয় জেনেছে তা অতি অদ্ভুত, অলৌকিক। হর্ষের, রোমাঙ্কের শতধারা তা। কিন্তু তা উদ্দীপন হলেও আশ্রয় নয় মা। তাছাড়া বিশাখা আজও জানে না, তা স্বপ্ন না মায়া, করুণা না ইচ্ছা। মা আমি এও জানি না, ৩৩৮

সমনের অনুরাগিণী হয়ে আমি তাঁর প্রতি অপরাধিনী কি না, কীভাবে তাঁর ছায়াশরীর বিশাখার কাছে আসে, অথচ তিনি জানতে পারেন না ! আমি তো কোনও মন্ত্র প্রয়োগ করিনি মা । আমার চিন্তের শ্রদ্ধা, স্নেহ পূজা তাঁকে নিঃশেষে দিয়েছি । পরিবর্তে পেয়েছি দেহমন দীপ্ত করা এক মধুর আশ্রয় । বড় দুঃখ মা, আবার বড় আনন্দও । বিশাখার গতি কি নিরয়লোকেই হবে ? বলো মা, বলো । এ কথা যে ভগবানকেও জিজ্ঞাসা করতে পারি না ! এ অলৌকিক মিলন, এ অলৌকিক বিরহের ভার বিশাখা আর কতদিন সইতে পারবে ?

সহসা বিশাখার ধ্যানদৃষ্টি জননী প্রতিমার মুখমণ্ডলে চোখ দুটি ফুটে উঠল । ব্যথা না করুণা, ভর্ৎসনা না সাস্তুনা সে চোখে বিশাখা বুঝতে পারল না । সারারাত্রি কেটে গেলে, মাতৃনয়নের ধ্যানের মধ্য দিয়ে বিশাখা পূর্বনিবাসজ্ঞান লাভ করল । জন্ম জন্মান্তরের স্মৃতিগুলি সব ছায়াচিত্রের মতো তার মনশঙ্কের সামনে উদ্ভাসিত আবার লয়প্রাপ্ত হতে লাগল । বিশাখা দেখল জন্মে জন্মে সে এমনি হতভাগিনী নারী ছিল যে সংসার-বৈরাগী উদাসীচিত্ত এক পুরুষকে ভালবেসেছিল, কখনও তাকে পায়নি । কাটাগাছের বনের মধ্য দিয়ে, জলাভূমির মধ্য দিয়ে, তপ্ত মরুভূমির মধ্য দিয়ে বংশ, কুল, সমাজ, মানসম্মান সমস্ত তুচ্ছ জ্ঞান করে জন্মের পর জন্ম সে ছুটে চলেছে দারুণ তৃষ্ণা নিয়ে, ছিন্ন-ভিন্ন, ক্ষত-বিক্ষত হয়ে বারবার সে মরেছে, বারবার জন্মেছে, তবু তার প্রেমতৃষ্ণা মরেনি, চণ্ডালের জন্য ব্রাহ্মণকুল ছেড়ে সে চণ্ডালী হয়েছে, শবরের জন্য শবরী, নিষাদের জন্য নিষাদী, নিদারুণ দারিদ্র্য, নিষ্করণ কঠোর জীবন সমস্তই সে সহ করেছে সেই প্রণয়ের জন্য । সে যদি সীবলিকুমারী তো, তার দয়িত মহাজনক হয়ে সংসার ত্যাগ করে চলে গেছেন, সে যদি মাদ্রী তার প্রেমাম্পদ বিশ্বস্তর হয়ে প্রাণের আবেগে তাকে দান করে দিয়েছেন, সে যদি শ্যামা তো তিনি মহাসম্মত হয়ে তাকে পরিত্যাগ করে চলে গেছেন, আকষ্ট প্রেমতৃষ্ণা নিয়ে সে মরেছে । অবশেষে এখন এই বিশাখা-জন্মে সুমনা-গর্ভ তাকে আশ্রয় দিল । সুমনা-গর্ভ দেহহীন মৃত্যুলোকের ওপার থেকেও তাকে ঘিরে ধরছে, তার অপরিপূর্ণ প্রেম তাকে এই জন্মে এক বজ্রসম গঙ্গাবোতসম, বর্ষার বারিগর্ভ বিপুলালকার মেঘসম মহাশক্তি দিয়েছে । দিচ্ছে । সে কোনও গৃহের নয় আর । সমাজের । সমাজের নয় জাতির, জাতির নয় সমগ্র দেশের, সমগ্র বিশ্বের হয়ে যাচ্ছে । হয়ে যাচ্ছে ইতিহাসের এক আলোকদর্পণ, যাতে মুখ দেখে দূরভবিষ্যতের নারীরা আলোময় হয়ে উঠবে, পুরুষরাও আলোময় হয়ে উঠবে । সে মহোপাসিকা বিশাখা ।

ধ্যান ভাঙলে, একাকী রৌদ্রালোকিত কাননভূমি সে দৃঢ় পায়ের পাঁজর হলে । আচ্ছন্নতা আর নেই । তার ধ্যানের জগৎ আর বাস্তব ঘটমান জগতের মধ্যবর্তী শূন্যস্থানটুকুর মধ্যে সেতুবন্ধ হয়ে গেছে । সে বিশাখাই । কিন্তু সে বৃষ্টি সুমনাও । তাঁর সারাজীবনের সাধ ও সাধনা এখন বিশাখার মধ্যে প্রবেশ করেছে ।

অন্তঃপুরদ্বারের মধ্য দিয়ে প্রবেশ করতে করতে বিশাখা অনুভব করল তাঁর মর্মের মধ্যে জেগে রয়েছে দেবী সুমনার সেই চোখ দুটি । কী যেন উৎসারিত হচ্ছে তার সেই মর্মস্থল থেকে । চারিদিক ঘিরে এক আশ্রয়বলয়, যা কখনওই সরে না, নড়ে না । সে যে পথ দিয়ে গেল সেই সেই পথে সেই আশ্রয়বলয়ের কবোক্ষ তাপ ছড়িয়ে ছড়িয়ে পড়তে লাগল । তাই গৃহের অস্বাভাবিক স্তব্ধতা, লোকজনের আসা-যাওয়ার স্বল্পতার কারণ সে বুঝতে পারল না ।

আরও ভেতরে ঢুকতে ধনপালী এলো, বলল—সখি, চলো স্নান করে নাও ।

—আরেকটু পরে পালি, আগে শিশুগুলিকে দেখে আসি ।

—শিশুগুলি এখনও ঘুমোচ্ছে, ভদ্রা ।

—পিতা ?

—ঘুমোচ্ছেন ।

—তা হলে চল ।

স্নান সারা হলে বিশাখা পট্টবস্ত্র পরল, কপালে কুকুমবিদ্যু দিল, গন্ধমাল্য ধারণ করল । ধনপালীর আনা সুমিষ্ট দুধ পান করল । তারপর সংসার-কাজে যাবার সময়ে জিজ্ঞাসা করল— কহা কোথায় পালি, কখন উঠবে ? ধনপালী বলল— কহা আর কোনওদিনই উঠবে না ভদ্রা

—কী বলছিস ?

—কহা কাল রাতে আশ্বাঘাতী হয়েছে ।

—বলিস কী ? কেন ?

কহার কক্ষের সামনে থেকে পুরত্রীদের সরিয়ে যখন বিশাখা প্রবেশ করল—কহার নীলবর্ণ মুখের ওপর থেকে চোখ সরিয়ে বৈদ্য ধীরে ধীরে তখন তার হাতটি নামিয়ে রেখে দিচ্ছেন । অনেক চেষ্টা করেও কিছু করতে পারলাম না কল্যাণি— বৈদ্য ধীরে ধীরে বিষণ্ণমুখে বললেন, তারপর নিজের পেটিকাটি নিয়ে চলে গেলেন ।

ধনপালী একটি লিপি দিল বিশাখার হাতে, কহা তার নবলক্ক অক্ষরজ্ঞান, লিপিজ্ঞান ব্যবহার করেছে— বিশাখাভদ্রা, দাস জনক-জননী প্রথমে জন্ম দিয়েছিলেন, তুমি নতুন জন্ম দিলে । নতুন জ্ঞান দিলে । সেই জ্ঞান দিয়ে দেখলাম জগৎ বড় বিষাদময় । ধন, জন, রূপ, যুক্তি কিছুতেই সেই মহাশূন্যতা ভরে না । অপরিপূরিত দরিদ্রই থেকে যায় জীবন । সংসারে নারীর সুখ নেই, সংসার ত্যাগেই বা সুখ কোথায় ? কোথাও কোনও পথ পেলাম না । তোমার জন্মই অপেক্ষা করেছিলাম । তুমি এসেছ, তোমার আধার কাঙ্ক্ষনময়, তাই ধৈর্যে, দুঃখ-সহনে তুমি আরও দীপ্ত হয়ে ওঠো । দেবী সুমনার শিশুটিকে তোমার হাতে দিয়ে গেলাম । আর আমার এই মৃৎ-ভাণ্ড ভেঙে দিলাম । যা বায়ুর তা বায়ুতে ফিরে যাক, যা জলের তা জলেতে, যা অগ্নির তা অগ্নিতে, এবং যা শূন্যতার তা সেই মহাশূন্যতায় ।

১১

পাঞ্চাল তিষ্য উজ্জয়িনীতে দৌত্য শেষ করে বৎস বা বৎস রাজ্যের রাজধানী কৌশাধীর দিকে একাকী যাত্রা করলেন । সাকেতের রাজন্যকুমার তিষ্য, মগধরাজ বিশ্বিসার ও দৈবরাত চণকের আদরের তিষ্যকুমার যে ঠিক কবে থেকে পাঞ্চাল তিষ্য বলে প্রতিষ্ঠা ও সম্মান পেতে আরম্ভ করলেন, বলা কঠিন । সম্ভবত কোশলরাজ পসেনদি তাঁর বংশপরিচয় নিয়ে ওৎসুকা প্রকাশ করাতে তিষ্যকুমার উল্লেখ করেন যে তাঁর পিতা নিজেই পাঞ্চাল রাজবংশসম্ভূত বলে মনে করেন ।

পসেনদি তখন মহাওৎসুকাভরে বলে উঠেছিলেন— ক্রেভা, ক্রেভা । ঋকসংহিতায় এই পাঞ্চালদের উল্লেখ আছে ক্রেভা বলে । বহু প্রাচীন জন ।

তখন তিষ্যর মনে পড়ে যায় ঋক-সংহিতায় নয়, শতপথ ব্রাহ্মণের আলোচনার সময়ে এক বিদেখে সে শুনেছিল ক্রেভাদের সম্পর্কে বলা হয়েছে এঁরা প্রথমে সিদ্ধ ও অসিন্দ্রী নদীবিদ্যেত অঞ্চলে বাস করতেন । পরে পূর্ব দিকে যমুনার তীরে চলে যান, এবং পাঞ্চাল বলে পরিচিত হতে থাকেন । কুরুক্ষেত্র যুদ্ধে কুরু-পাঞ্চাল মিত্রতার পরে পাঞ্চাল দেশ এবং পাঞ্চাল জাতি ক্রমশই গৌরব অর্জন করতে থাকে । আর এখন তো কুরু-পাঞ্চাল দেশ বিদগ্ধতম বলে খ্যাতি পেয়েছে । কথা হচ্ছে, তাদের বংশটি পাঞ্চাল রাজবংশের মূল ধারা থেকে চ্যুত হল কবে ? কেনই বা ? এর মধ্যে কোনও অগৌরবের ইতিহাস লুকনো থাকা অসম্ভব নয় । মহারাজ পসেনদি সম্ভবত তাদের কুলের ইতিহাসটি পুঙ্খানুপুঙ্খ উদ্ঘাটিত করতে উৎসুক ছিলেন । পসেনদির প্রকৃতিই এইরূপ । ঔরঙ্গিজের বংশে মাতঙ্গচ্যুতি দোষ আছে এখন এই দোষ ঠিক কী প্রকৃতির, তা তিষ্য জানে না । জ্ঞানে আগ্রহীও নয় । কিন্তু পসেনদি ব্যাপারটি গোপন করতে এবং অন্যান্য খ্যাতিমান বংশের সঙ্গে সম্পর্ক গড়ে এই কুলদোষ খণ্ডাতে বড়ই শক্তিক্ষয় করেন । যেমন ভগবান তথাগতর কুল অর্থাৎ শাকা কুল থেকে কন্যা এনে বিবাহ করেছিলেন । এখন বলতে থাকলেন— 'ক্রেভা, ক্রেভা-পাঞ্চাল, তিষ্যকুমার তোমার সঙ্গে আমার একটি কন্যার বিবাহ নিশ্চয় দেবো । পাঞ্চালবংশের সঙ্গে মিত্রতা হবে আমার ।'

তিষ্য কিছু বলতে পারেনি । কেননা রাজাদের মধ্যে মৈত্রী স্থাপন করবার মানস নিয়েই তো সে বেরিয়েছে ! যাতে মৈত্রীর ভিত দৃঢ় হয় তেমন কিছুতে তার আপত্তি হওয়া উচিত নয় । কিন্তু পসেনদি যদি মহাদেবী মল্লিকার বালিকা কন্যা মল্লিকা, কিংবা মহাদেবী বাসবন্ধকত্রিয়ার বালিকা কন্যা বজ্রিয়ার সঙ্গে তার বিবাহ দিতে নির্বন্ধ করেন তাহলে অগত্যাই তাকে শ্রাবস্তী ত্যাগ করে এমন স্থানে ৩৪০

পালাতে হয়, যেখানে পসেনদির হাত পৌঁছবে না। অবশ্য তিস্য পালিয়ে যায় নি। শ্রাবস্তীতে তার সবচেয়ে বড় বন্ধু ও হিতাকাঙ্ক্ষী বন্ধুল রয়েছেন। রয়েছেন বন্ধুলপত্নী মল্লিকাদেবীও। এঁরা থাকতে বড় কিছু অঘটন ঘটবে না। প্রধানত বন্ধুলের কারণেই তিস্য শ্রাবস্তীতে তার একটি কর্মক্ষেত্র স্থান করল।

মহারাজ বিশ্বাসারের রাজসংঘ স্থাপনের প্রস্তাবের মধ্যে একটি অংশ সে অতিশয় স্পর্শকাতর বলে বুঝেছে। রাজগণের ভেতর বন্ধুতা ও হৃদয়তা থাকা এক বস্তু, আর সংঘনায়কত্ব একজনকে অর্পণ করা সম্পূর্ণ আর এক বস্তু। বিশেষত এই দিকটি নিয়েই দীর্ঘদিন মহারাজের সঙ্গে তিস্যের পরামর্শ হয়েছে, স্থির হয়নি কিছু। কতকগুলি সমাধানের কথা আলোচনা হয়েছে মাত্র। বেশ কিছুকাল কোশলরাজের আতিথ্য ভোগ করবার পর তিস্যকুমার যখন তাঁর সঙ্গে সাক্ষাৎ এবং নিভৃত আলাপের সুযোগ পেলে, সে বন্ধুলকে সঙ্গে রেখেছিল। প্রস্তাবটি নিবেদন করবা মাত্র পসেনদি হা-হা করে হেসে উঠলেন।

—শ্যালকের সঙ্গে আবার মিত্রতা কী? শ্যালক হল চির-শত্রু, কী বলো বন্ধুল। নাও নাও সাকেতকুমার মহামান্য মগধদূত তিস্য, মৈরয়ে নাও, পান করো, পান করো হে।

কেউ তাঁর কথার কোনও উত্তর না দেওয়াতে পসেনদি সম্ভবত বুঝলেন ব্যাপারটি গভীর। তিনি হাসি-হাসি মুখে গোপন ষড়যন্ত্রের ভাব ফুটিয়ে বললেন—সেনিয় কি আমার ভয়ীর সঙ্গে কলহ টলহ করেছে না কী? কলহের কারণ তো সেই কবে থেকেই ঘটছে! সেনিয়-অম্বপালী প্রণয়-পর্বের কথা তো সারা জম্বুদ্বীপেই বিদিত। সেনিয় কি ভাবে তার অন্তঃপুরই মাত্র এ বিষয়ে অন্ধকারে আছে?

তিস্যর মুখ আরক্ত হয়ে উঠল। পিতার বয়সী এক মহারাজের সঙ্গে প্রণয়-ব্যাপার নিয়ে রসালাপ করার অভিজ্ঞতা তার স্বভাবতই ছিল না।

—সেনিয়র ভয়ী, অর্থাৎ আমার প্রথমা পত্নী কিন্তু বুদ্ধিমতী। ঋগ্মাশীলাও বটে। তিনি কোনকালে পসেনদির সুমতির আশা ত্যাগ করেছেন। দেবী মল্লিকাকে বিবাহ করবার পর একটু অভিমান রোষ ইত্যাদি দেখিয়েছিলেন, শাক্যকন্যা বাসবীকে বিবাহ করার পর সেই যে নিজের প্রাসাদ আশ্রয় করেছেন, আর বার হতে দেখি না। মাঝে মাঝে যখন সংবাদ নিতে যাই, দেখি তিনি ধর্মকর্মে মন দিয়েছেন।

বন্ধুল বললেন—মহারাজ, নিজের হৃদয়হীনতার কথা আর এই যুবার কাছে প্রকাশ না-ই করলেন।

বন্ধুল-মল্ল ও মহারাজ পসেনদি তক্ষশিলায় সতীর্থ ছিলেন। পসেনদিই বহু অনুরোধ উপরোধ করে বন্ধুলকে কোশলে অমাত্য পদ দিয়ে আনেন। এমনিতেই পসেনদি তরলস্বভাব, বন্ধুলের সঙ্গে একান্তে বসলে তো কথাই নেই! তিনি আবারও হাসিমুখে চোখ দুটি ছোট ছোট করে বললেন—বন্ধুল বড়ই একপত্নীকতার গর্ব করে। আচ্ছা তিস্য, ওকে জিজ্ঞাসা করো তো আয়ুত্মতী মল্লিকার যখন সন্তানাদি হচ্ছিল না, তখন ও মল্লিকাকে পিতৃগৃহে পাঠিয়ে দিয়েছিল কেন।

বন্ধুল রাগ করে বললেন—মহারাজ, তিস্য আমাদের সন্তানতুল্য। তার সামনে দাম্পত্যকলহ ইত্যাদি ব্যাপারের আলোচনা না করলেই আপনার চলছে না, কেমন!

—আহা হা, তিস্য সন্তানতুল্য হলেই বা, প্রাপ্তবয়স্ক তো হয়েছে। এখন আর...

—ঠিক আছে প্রাপ্তবয়স্ক ঋত্রিয় বীরের সঙ্গে রাজোচিত আলোচনা করুন। যুদ্ধবিগ্রহ, দণ্ডনীতি শাসনকার্য। মূর্খ গ্রাম্যজনের মতো... বন্ধুল থেমে গেলেন।

—হ্যাঁ হ্যাঁ বলে যাও, বলে যাও, থামলে কেন? —এবার দেখা গেল পসেনদি রাগ করেছেন,

—সতীর্থ বলে তুমি মানতেই চাও না যে, পসেনদি একজন রাজা।

—শুধু রাজা নয়, মহারাজা। কোশলাধিপতি। বন্ধুল ঈষৎ হাসি মুখে বললেন, ভুলবো কেন? আপনি না ভুললেই হল।

তিস্য এতক্ষণে বলল—‘মহারাজ, মগধাধিপ আপনার মিত্ররাজ বলেই তো আমাকে তিনি সর্বপ্রথম শ্রাবস্তীতেই পাঠিয়েছেন। শুধু মৌখিক মিত্রতা নয়, মগধরাজ চাইছেন একটি সংঘ স্থাপন করতে। শ্রেষ্ঠীদের সংঘে যেকোনো বাণিজ্য-বিষয়ে পারস্পরিক মতবিনিময় হয়, নীতি নির্ধারণ হয়, রাজসংঘে

রাজাদের মধ্যেও তেমন হবে ।

—তাতে লাভ ? আমার নীতি আমি নির্ধারণ করবো না তো কি সেনিয় করে দেবে ? না কি করবে সেই বাতুল উদয়ন ?

—মহারাজ, রাজ্যের ভেতরে যেমন নিজস্ব সমস্যা আছে, তেমনই কতকগুলি সমস্যা আছে যা পারস্পরিক বোঝাপড়া থাকলে উন্নত হয় । সীমান্তপ্রদেশে উভয় রাজ্যেরই শাসন শিথিল, অধিকার নিয়েও বহু ভুল বোঝাবুঝি হয় । বাণিজ্যশুল্ক নিয়ে বণিকদের মধ্যে অসন্তোষ দিন দিন বাড়ছে । প্রতিবেশী রাজ্যের সঙ্গে করের সামঞ্জস্য থাকা প্রয়োজন । এই সব আন্তঃরাজ্য সমস্যা তো আছেই । কিন্তু সবচেয়ে বড় কথা হচ্ছে বহিঃশত্রু । আপনারা জম্বুদ্বীপের রাজারা যদি নিজেদের শক্তি-সামর্থ্য একত্র করেন তা হলে বহিঃশত্রুর আক্রমণ থেকে আমরা আত্মরক্ষা করতে পারবো । —বলতে বলতে তিষ্যর কাঁধের কাছের গুচ্ছ গুচ্ছ কেশ দুলতে লাগল । সেই অভিরাম দৃশ্যের দিকে তাকিয়ে পসেনদি সামান্য কৌতূকের স্বরে জিজ্ঞেস করলেন, ‘বহিঃশত্রু ? তুমি কি গান্ধার মদ্র এঁদের কথা বলছো ? না কুরু-পঞ্চাল ?

—এরাও না মহারাজ । এদেরও রাজসংঘাত্ত করা প্রয়োজন । এরও বাইরে উত্তরপশ্চিম সীমান্তের ওপার থেকে পার্সরা আসছে । সমুদ্রের ওপার থেকে যবনরা আসতে পারে । পূর্ব প্রান্ত থেকেই আসা অসম্ভব না কি ? ওদিকেও আছে সুবর্ণভূমি, উত্তরে হিমবস্তুর ওপারে উত্তরকুরু ।

—এ সকল কার কল্পনা তিষ্যকুমার ? সেনিয় আজকাল আলস্যে আর কল্পকথা রচনায় সময় কাটাচ্ছে না কি ?— অর্ধেক স্নেহ অর্ধেক বিদ্রূপভরে তিষ্যর দিকে তাকিয়ে বললেন পসেনদি ।

বঙ্কল এই সময়ে বললেন— মহারাজ বিশ্বিসার যে দূরদর্শী তাতে সন্দেহ নেই ।

—তুমি বলছো, এই সব ভয় কল্পিত নয় ?

—মহারাজ, হয়ত আঞ্জনার জীবৎকালে কোনও বৈদেশিক আক্রমণ হল না, কিন্তু আপনার পুত্রের সময়ে তো হতে পারে ! সামান্য কোশল প্রত্যন্ত নিয়েই আমরা কিরণ বিপর্যস্ত হয়ে পড়ি দেখেন না ? সেক্ষেত্রে বিপুলসংখ্যক সেনা নিয়ে যদি পার্সরা গান্ধার আক্রমণ করে, গান্ধারকে পরাস্ত করে, মদ্র, অবন্তী, মৎস্য, বিদেহ, কুরু-পঞ্চাল, কোশল এইভাবেই তো অগ্রসর হবে তারা ! খণ্ড খণ্ড রাজ্য । পরস্পরকে সাহায্য না করলে তৃণখণ্ডের মতো ভেঙে যাবে ।

পসেনদি উর্ পড়ে পদচারণা করতে লাগলেন । কিছুক্ষণ পর থেমে বললেন— ওই চণ্ডটার সঙ্গেও প্রণয় করতে হবে না কি ?

তিষ্য সসন্ত্রমে বলল— আপনি কি প্রদ্যোৎ মহাসেনের কথা বলছেন ? অবশ্যই ! উনিই তো সবচেয়ে অবুঝ, ক্রোধী...

—আর ওই বাতুলটার সঙ্গে ?

—বৎসরাজ উদয়নের কথা বলছেন কি ?

—আবার কি !

—হ্যাঁ, সবার সঙ্গেই মিত্রতা ও আদান-প্রদান, পরামর্শ ও শক্তিসংযোগের সম্পর্কে আসতে হবে ।

বঙ্কল বললেন— কাউকে চণ্ড, কাউকে বাতুল বলে ত্যাগ করলে নিজেরই সর্বনাশ হবে মহারাজ ।

পসেনদি সোজা হয়ে দাঁড়িয়ে গর্বভরে বললেন— প্রকৃতপক্ষে সাম্রাজ্য প্রয়োজন একাধিপত্য । বৃহলে ? চন্দ্রবর্তী । রাজচন্দ্রবর্তী । একটি মাত্র অশ্বমেধ যজ্ঞ । সমগ্র জম্বুদ্বীপ আমার যজ্ঞভূমিতে সমবেত হবে । কিন্তু ভগবান তথাগত সম্মত হবেন কী ?

বঙ্কল বললেন— ধরুন ভগবান তথাগত সম্মত হলেন । আর না হলেও রাজকৃতা বলে আপনি যা মনে করবেন তা আপনার কর,ই উচিত । কিন্তু অশ্বমেধ যজ্ঞ করে সমগ্র জম্বুদ্বীপের রাজচন্দ্রবর্তী হওয়া আর সম্ভব কী ?

—পসেনদির ক্ষমতার প্রতি কটাক্ষ করছো নাকি বঙ্কল ?

বঙ্কল বললেন— পসেনদির ক্ষমতার অংশ তো বঙ্কলও । নিজের শক্তির প্রতিও সংশয় প্রকাশ করা হচ্ছে তাহলে, তাই নয় কি ? মহারাজ, বঙ্কলকে তিরস্কার করতে হলে সোজাসুজি করুন, এভাবে ৩৪২

ছল করে রাগ করবেন না। চিন্তা করে দেখুন। কোশল রাজ্যের যৌনকু বিস্তার, জম্বুদ্বীপের আর কোনও রাজ্যেরই সে বিস্তার নেই। কিন্তু সেই কোশলের সীমান্ত রক্ষা করাও সম্ভব হচ্ছে কী? সর্বক্ষণ বিদ্রোহ, সর্বক্ষণ দস্যুতা। সাম্রাজ্যসৃষ্টি করতে পারলেও তা রক্ষা করা যাবে না আর। ঔপরাজ্যে ঔপরাজ্যে বিভক্ত হয়ে যাবে। তারপর সেই ঔপরাজ্য আবার স্বাধীন রাজ্যে পরিণত হবে। রাষ্ট্রব্যবস্থার মধ্যে এই কেন্দ্রাভিগ শক্তি আপনি আর অস্বীকার করতে পারেন?

তিষ্য বলল— তা ছাড়া মহারাজ, অশ্বমেধ বা রাজসূয় যজ্ঞ করে পৃথিবীপতি হবার ধারণা প্রাচীন হয়ে গেছে। ও ধারণার আর গুরুত্ব দেয় না কেউ। এখন নতুন ধারণার প্রয়োজন। একাধিপত্য যদি ব্যর্থ হয়ও, যেমন আর্য বঙ্গুল বললেন, সখা, পারম্পর সাহায্য ও সংঘবদ্ধতা ব্যর্থ হবে না। অন্ততপক্ষে তা অনেক কার্যকর।

মহারাজ পসেনদির আস্থা এবং মোটামুটি সম্মতি অর্জন করতেই তিষ্যকুমারের কত কাল কেটে গেল। একবার ভালোভাবে পরিচয় হবার পর আবার রাজ্যটি তাকে এতোই ভালোবেসে ফেললেন যে, কিছুতেই ছাড়তে চান না। কোশলরাজের সমর্থন না পেলে আর অগ্রসর হওয়ার কোনও শ্রমই নেই। অগত্যা তিষ্য-কোশলরাজের মৃগয়া, দস্যুদমন, ধর্মচর্চা, উৎসব পালন ইত্যাদির সঙ্গী হয়ে থেকে গেল। তিষ্য সময়টির সন্যবহার করল বঙ্গুলের কাছে শত্রু চর্চায়।

বর্ষা শেষ হলে আকাশে যখন শারদমেঘের গভায়াত, তিষ্যকুমার তার প্রাসাদশীর্ষে উঠে একদিন দেখল অচিরবতীর জল নেমে গেছে। জলের বর্ণ মুকুরের মতো। একটি বলাক বহুক্ষণ ধৈর্য ধরে নদীতীরে দাঁড়িয়ে আছে। দেখলে মনে হয় বুঝি চিত্র। সুনীল আকাশ, গাঢ় শ্যামবর্ণ বৃক্ষগুল্মাদি, দর্পণসম নদীজলধারা এবং তার তীরে ওই শুভ বলাক সবই চিত্র। কেউ লিখেছে চিত্রটি। তার হঠাৎ মনে হল সে নিজেও হয়ত চিত্র। ওপর থেকে, কিংবা নিচ থেকে, কিংবা বাম অথবা দক্ষিণ পার্শ্ব থেকে কেউ, কোনও মহাচিত্রকর তাদের সবাইকে লিখে এখন সাগ্রহে পর্যবেক্ষণ করছেন। বর্ণগুলি সঠিক হয়েছে কিনা, রেখাগুলি কেমন বিন্যস্ত হল দেখছেন। সে নিজের দিকে চাইল। নিম্নাঙ্গে পাটলবর্ণের অধোবাস, উপবীতের একাংশ কৃষ্ণসার চর্মের কটিবন্ধনীর ওপর পড়েছে। তার পদপদ্মব দুটি চন্দনকাঠের উপানতের মতো শোভা পাচ্ছে। —ভালো লিখেছেন। সে মনে মনে বলল। বলবার সঙ্গে সঙ্গে তার সবঙ্গে রোমহর্ষ হল। জীবন কি এইরূপ চিত্র? চিত্রের ভেতরে চিত্রের ভেতরে... কে লিখেছেন? বিরাট আকাশ তার ওপরে। অচিরবতী-তীরের এই চিত্রের ওপরে নত হয়ে পড়েছে। দিগন্ত পরিপ্লাবী অপরাহ্নের আলো। সে নিষ্পন্দ হয়ে সেই আলো মেখে রোমহর্ষ গায়ে দাঁড়িয়ে রইল। ঠিক যেন মহাচিত্রকরের তুলিকার একটি নিপুণ টান তার ডান পায়ের বন্ধাসূচের ওপর দিয়ে যাচ্ছে, তাকে দৃঢ়বদ্ধ করে রেখেছে আপাতত।

তাহলে কি সবই নির্ভর করছে সেই চিত্রকরের ইচ্ছার ওপর? তিষ্য কি সেই মহাতুলিকার টানে টানেই সাকেত থেকে রাজগৃহ, রাজগৃহ থেকে শ্রাবস্তী ছুটেছে? সমস্তই কি পূর্ব থেকেই স্থিরীকৃত নাকি। সে প্রাণপণ চেষ্টা করে নিজেই এই চিন্তার বন্ধন থেকে মুক্ত করল। হঠাৎ তার মনটা হু-হু করতে লাগল। সকলেরই কেউ-না-কেউ আছে যার সঙ্গে পরামর্শ করা যায়, ক্লাস্তি হলে যার সঙ্গে চিন্তাভার, কর্মভার ভুলে থাকা যায় কিছুক্ষণ। সে নিজের কর্মক্ষেত্রে এসে একটি লিপি লিখন—

ভদ্র লোকপাল,

সাহেট গামের গামভোজকের মতির ওপর সব নির্ভর করছে। আমার বাঙ্কবই একমাত্র আশা। সাহেট-গামেই ধরুন একটি আপগ আরম্ভ করি। এখানে শণ্য কিছুটা বিকোলে পুরের গাম বেসর। কাছাকাছি গামগুলিতে আপগ না সাজিয়ে দুরান্তরে যাওয়া বিষয়ে আপগ কি বলেন? এত বিলম্ব দেখে ব্যস্ত না হন তাই। আপনাদের সকলের সংবাদ বিষয়ে উদ্বিগ্ন। আপনার সহচর— সাকেতক।

লিপিটি কাঠের দুটি পাতের মধ্যে রেখে সে সূত্রগুচ্ছ দিয়ে সেটিকে বাঁধল। সে এবার চলল জেতবনে। জেতবনপ্রান্তে ঘোড়া বাঁধতে বাঁধতে সে দেখতে পেল বিশাখার শিবিকা আসছে। তিষ্য বড় বড় কয়েকটি পদক্ষেপে সেখান থেকে সরে গেল। একটি বিরাট অশ্ব গাছ। সে তার কাণ্ডে পিঠ রেখে বসে রইল। শিবিকার অভিমুখ থেকে পেছন ফিরে। বসে বসেই সে বুঝতে পারল শুধু

শিবিকাই নয়, আরও আসছে গাধার পিঠে, অশ্বতরের পিঠে নানা দ্রব্য। বিশাখা সজ্জাকে দান দিচ্ছে। ভালো বিশাখা, দাও। দান করার ভাগ্য নিয়ে জন্মেছে, সেই চিত্রকর তোমায় দাত্রী করেই একেছেন, অতএব দাও। বর্ষান্ত-চীবর দিচ্ছে বোধহয়। পংসুকুল (ধুলোমাখা ফেলে দেওয়া বস্ত্র) থেকে সাধারণত চীবর প্রস্তুত করেন শ্রমণরা। বর্ষায় তা টেকে না। তাই বিশাখা বর্ষার পর নূতন চীবরের জন্য বস্ত্র দান করে। শ্রাবস্তী নগরে মিগারমাতা বিশাখার নাম ছড়িয়ে গেছে। সুন্দরী, করুণাময়ী, দানশীলা, বুদ্ধিমতী ও বীর্যবর্তী বলে। বিশাখা এমনই এক মণি যার দূতি কখনও কোথাও লুকোনো যাবে না—এ কথা তিষ্য অনেক আগেই বুঝেছিল, সে প্রতিভাময়ী। তিষ্য মিগারমাতাকে কয়েকবার দূর থেকে দেখেছে, কিন্তু মিগারপুত্রকে আজ অবধি এখানে দেখেনি। সম্প্রতি তার কানে এসেছে মিগারপুত্র পুত্রবর্ধন নাকি বহুদূরে বাণিজ্য করতে গেছেন, এবং এই নিয়ে বণিককুলে হাসাহাসি পড়ে গেছে। কেন না সকলেরই বিশ্বাস সে বাণিজ্যের ছল করে ভিন্ন দেশে সংগীত-বাদ্য এবং গণিকার সন্ধানে গেছে। শুনে তিষ্যর প্রথমটা একটা তিক্ত আশ্বাসাদ হয়েছিল। ভালো বিশাখা, ভালো, তিষ্যকে প্রত্যাখ্যান করে নিজ বর্ণের অচেনা অজানা কুলপুত্রকে বরণ করাও শ্রেয় মনে করেছিলে। তোমার অত যে শক্তির পিতা, বুদ্ধিমতী মা, তাঁরাও কোনও সংবাদ নেওয়া প্রয়োজন মনে করলেন না। এখন এক অযোগ্য, বারনারীতে আসক্ত, লোকের হাসির পাত্র ধনী যুবককে বিবাহ করে নিশ্চয় শাস্তিতে আছে। কিন্তু পরক্ষণেই তিষ্যর মন এক অবর্ণনীয় বিষাদে ভরে গেল। বালিকা বিশাখার নিষ্পাপ মুখটি তার চোখের সামনে। ভদ্রা বলুন তিস্কুমার, যাদুকরী বিসাখা...। হায় বিসাখা, তুমি কেমন আছে? কেমন আছে তুমি? তোমার ভালোমন্দ দেখবার অধিকার তিষ্যকে দাওনি, কিন্তু ভাববার জন্য অধিকারের প্রয়োজন তো হয় না।

তিষ্য অশ্বখতল ছেড়ে জেতবনে প্রবেশ করল। শ্রাবকদের ভিড়ের মধ্যে বসে সে দেখল বিশাখা তার ঘনিষ্ঠ সখীদের নিয়ে এগিয়ে যাচ্ছে। ওই বসল, শ্রমণদের পাশে। এখান থেকে তার পার্শ্বমুখ দেখা যাচ্ছে। ভগবান তথাগত আসছেন সবাই উঠে দাঁড়াল। বিশাখা অনিমেঘ লোচনে তথাগতর দিকে তাকিয়ে রয়েছে। ভেতরের কুটি থেকে শ্রমণ আনন্দ বেরোচ্ছেন। একে তিষ্যর বড় ভালো লাগে। মনে হয় একে সে জেতবনকুটির ভেতর থেকে শক্তিপ্রয়োগ করে বাইরে নিয়ে আসে। এভাবে বাইরে নিয়ে আসতে ইচ্ছা হয় শ্রমণ সুভদ্র, শ্রমণ অনঘকেও। মনে হয় বলে—নির্বাণ পরে লাভ করবেন কুমার। এখন এই জ্ব্বুদ্বীপটিকে সুসংহত করুন তো! আপনার মতো, আপনাদের মতো কুমারদের এখন বড় প্রয়োজন। একা চণক, একা তিষ্য, একা বিম্বিসারই বা কী করতে পারেন। কুমার আনন্দ, শ্রমণ বেশ ত্যাগ করুন, আসুন, অনুনয় করছি, আসুন। তার চোখ চলে গেল আনন্দের দিকে। শ্রমণ আনন্দের চোখ দুটি সর্বদা যেন প্রীতি স্নেহ করুণায় ভরা। তিনি তাকিয়ে আছেন বিশাখার দিকে। তিষ্য দেখল বিশাখার চোখের পাতাগুলি ধীরে ধীরে বুজে গেল। বিশাখা কি ধ্যান করছে?

সেদিন দেখবার পর সকলে চলে গেলে, বুদ্ধ তখনও আসনে বসে আছেন। মৃদু প্রদীপ জ্বলছে। তিষ্য ধীরে ধীরে বেদীর কাছে গিয়ে বসল। সন্ধ্যার পরিচিত শব্দগুলি ধীরে ধীরে বাঁড়ছে। পাখিরা সব উড়ে যাচ্ছে, তাদের পাখার শব্দ, ঝিঝি ডাকতে আরম্ভ করেছে। নিশ্চল হয়ে আসছে চরাচর। শ্রমণ শ্রমণারা বুদ্ধবেদীর কাছে ঘন হয়ে বসছেন। সাধারণের জন্য দেশনার কাল শেষ। এখন ভগবান শ্রমণ-শ্রমণাদে সঙ্গে তাদের নানা সমস্যা নিয়ে আলোচনা করবেন। শ্রমণদের প্রবেশ যে একেবারে নিষিদ্ধ তা নয়, প্রাতিমোক্ষ বা প্রবারণার সময় তো নয়! সুতরাং তিষ্য এসেই রইল।

বুদ্ধ বললেন—সমন অনঘ!

—বলুন ভগ্নে!

—তুমি নাকি উৎকণ্ঠিত হয়েছ? গত কয়েকদিন ধ্যানে মন দিচ্ছে পুরোনী!

—সত্য ভগ্নে!

—কারণ কী?

সোজা হয়ে বসে আছেন ভিক্ষু অনঘ। ইনি এবং ঐর সখা সুভদ্রর পূর্বজীবনের কথা দৈবরাত চণকের কাছে শুনেছে তিষ্য। সে উৎসুক হয়ে তাকিয়ে রইল। ভিক্ষু অনঘ কথা বলছেন না।



—কোনও নারী ? বুদ্ধ আবার জিজ্ঞাসা করলেন ।

—হ্যাঁ ভগ্নে ।

—কিন্তু এই নারী তো জন্ম-জন্মান্তরে তোমার তপসা ভঙ্গ করেছে, তোমাকে কুশল কর্ম থেকে নিয়ে গেছে অকুশল কর্মের দিকে । এখনও কি তুমি সতর্ক হবে না ?

—কিন্তু ভগ্নে এই নারী সংযমী, পুণ্যশীলা, উনি কুশল কর্মের অনুষ্ঠানই করেন, তথাগতর অতিশয় স্নেহভাগিনী

—কার কথা বলছেন সমন অনঘ !

—মিগারমাতা বিশাখা !

সমবেত ভিক্ষুদের মধ্যে একটা চাঞ্চল্য, ধিক্কার । তিষ্য উৎকর্ষ হয়ে রয়েছে ।

বুদ্ধ বললেন—বিসাখা তো বিবাহিতা । তাকে কামনা করে তুমি অতি কুৎসিত কর্ম করেছে, তাতে কি আর সন্দেহ আছে সমন !

—ভগ্নে, মনের মধ্যে যা ঘটছে তা অকপটে আপনার সামনে, এবং সমনদের সম্মিথানে বলার নির্দেশ পেয়েছি উপসম্পদা নেবার সময়ে । কারও ধিক্কারের ভয় করি না । কিন্তু আমার কথা এখনও শেষ হয়নি । আমি ভগ্না বিশাখাকে কামনা করিনি । তাঁকে দেখতে দেখতে, আমার গাঙ্কারে ফেলে আসা প্রিয়তমার কথা মনে পড়ে গেছে ।

—সেই নারীই তাহলে তোমার পতনের কারণ ভিক্ষু অনঘ ।

—না ভগবন, সত্য বলতে গেলে বলতে হয়, তিনি আমার অভ্যুদয়েরই কারণ, যদি ধর্মের শরণ নেওয়াকে অভ্যুদয় বলেন । তিনি প্রত্যাখ্যান করেছিলেন বলেই আমি ঐহিক সব ব্যাপারে বীতরাগ হয়ে পড়ি । ভগ্নে, আয়ুষ্কর্তী বিশাখাকে দেখে আমার সেই পূর্বস্মৃতি এমনভাবে জেগে উঠেছে যে, আমি ধ্যানে মন বসাতে পারছি না । আপনি আমায় সংঘ-ত্যাগ করার অনুমতি দিন ।

তিষ্য হতবাক হয়ে শুনছিল । হঠাৎ তার মনে পড়ে গেল, কে সেই নারী । কার কাছে প্রত্যাখ্যাত হয়েছিলেন অনঘ ।

বুদ্ধ বললেন—যাঁর কাছে প্রত্যাখ্যাত হয়েছিলে, সমন, এখন কি তাঁর কাছে আদৃত হবে মনে করো ?

—না, ভগবন, সে আশা নিয়ে সংঘত্যাগ করতে চাই না ।

—তবে ?

—ভগবন, আমার বৈরাগ্যের ভিত্তি দৃঢ় ছিল না । আমি তথাগতের অলৌকিক প্রভাবে মুগ্ধ হয়েছিলাম । স্বদেশের প্রতি, আমার পরিচিত-জনের প্রতি আমার কর্তব্যগুলিকে এড়িয়ে এসেছিলাম । সেগুলি করতে চাই । আমি বীরপুরুষ ছিলাম । আবার বীরের পথ গ্রহণ করবো ।

—তিষ্য রোমাঞ্চিত হয়ে উঠে দাঁড়াল ।

—কিন্তু সংসার-ত্যাগের মতো বীরত্ব আর কিছুতে তো নেই সমন ।

—আমি পলায়ন করেছিলাম তথাগত, আমার প্রব্রজ্যায় কোনও বীরত্ব ছিল না । যেদিন কর্মত্যাগ করবার সত্য প্রেরণা পাবো, আবার সংঘের দুয়ারে আসবো ।

—তোমাকে সংঘ-ত্যাগ করার অনুমতি দিলাম অনঘ । তথাগত আসন ত্যাগ করলেন । এতো সহজ ? দীর্ঘদিন সংঘজীবন যাপন করে সংসারে ফিরে যেতে চাইছেন একজন কর্মৎকার ভিক্ষু ? তথাগত অনায়াসে সে অনুমতি দিয়ে দিলেন ? তবে যে লোকে বলে ইনি বড় শিষ্যালোভী ?

সঙ্ঘ্যার অন্ধকারে জেতবনের দ্বার প্রান্তে অপেক্ষা করতে লাগল তিষ্য । সীমান্য পরেই দেখল দুই শ্রমণ আসছেন । অনঘ ও সুভদ্র । এঁদের উভয়ের কথাই সে চণকের কাছ থেকে শুনেছে । সমগ্র জেতবন বিহারে এই দুই গাঙ্কার শ্রমণ সবচেয়ে দীর্ঘাকৃতি । এখন, ঐশ্বর্য চর্চার অভাবেও দেহ পেশীবলশূন্য হয় নি । চোখ মুখ নাসা সবই দীর্ঘ । শ্রমণ সুভদ্র মুখে সামান্য মধ্যদেশীয় পেলবতা থাকলেও শ্রমণ অনঘর মধ্যে এমনই একটা পৌরুষ, বীরতা, যার মধ্যে কোমলতার কোনও স্থান নেই । তাই বলে তিনি ক্রুরদর্শন নন !

অনঘ বললেন—সুভদ্র, বিদায় ভাই ।

—অনঘ আমার অনুমান... না অনুমানের কথা এখন বলব না। তবে তুমি শীঘ্রই সংঘে ফিরে আসবে।

—কখনও না সুভদ্র। চণক আমাদের কিছু কর্মভার দিয়েছিল। আমরা তা যথাযথ সম্পন্ন করিনি। তোমার কি মনে পড়ে না সুভদ্র, তক্ষশিলায় আমরা তিন বন্ধু কীভাবে দিনের পর দিন জম্বুদ্বীপ সংহত করার কল্পনা নিয়ে, রাজ-চক্রবর্তী সন্ধানের স্বপ্ন নিয়ে কাটিয়েছি। সেই সব কল্পনা, স্বপ্ন সত্য করার জন্য সেদিন আমরা প্রাণ দিতে পারতাম। কিন্তু সুভদ্র প্রাণ তো তুচ্ছ কথা, যে কোনও শত্রুবীর প্রাণ দিতে এবং নিতে সবসময়ে প্রস্তুত থাকে। প্রকৃত কথা মন। মন দিয়ে, সমস্ত চিন্ত দিয়ে, মস্তিষ্কের সমস্ত শক্তি দিয়ে, হৃদয়ের সমস্ত সংবেদন দিয়ে এই জম্বুদ্বীপকে তার অপরাধ, মহিমময় সৌন্দর্য সমেত রক্ষা করা, আরও সুঠু, সুন্দর করা মনুষ্যপ্রবর্তিত নিয়মগুলি, সংস্কারগুলি। এই মহা গম্ভীর কাজ থেকে আমরা অন্যায়াভাবে সরে এসেছিলাম। সুভদ্র, তোমাকে বোঝাতে পারিনি, কেন তা জানি না, কিন্তু আমি আরও কাজ আবার কাঁখে তুলে নেবো।

—অনঘ, তুমি আমাকে যা বোঝাবার চেষ্টা করেছে, আমি বুঝেছি। কিন্তু আমার সামনে অতীত বর্তমান ভবিষ্যৎ এখন একটি, মাত্র একটিই কালবিন্দু বলে প্রতীয়মান হয়। জন্ম-মরণ, ধ্বংস-নির্মাণ সবই একসঙ্গে ঘটছে বলে দেখতে পাই। আমি কেমন করে তোমাকে বোঝাবো, আমরা রাজ-চক্রবর্তী পেলাম কি পেলাম না, তাতে মহাকালের কিছু যায় আসে না। জম্বুদ্বীপ ধ্বংস হলেই বা কী। না হলেই বা কী। এই ধ্বংস হবেই। আবার নতুন জন্ম, অভ্যুত্থান এ-ও ঘটবেই।

—বলো না। আর বলো না সুভদ্র, আমি তোমাকে আর বোঝাবার চেষ্টা করবো না। আমাদের পথ এতদিনে সত্যই স্বতন্ত্র হয়ে গেল।

অনঘ একসারও পেছন না ফিরে দৃঢ় পায়ে এগিয়ে আসতে থাকলেন। তিষ্য যেখানে দাঁড়িয়েছিল সেই বৃক্ষটিও পার হয়ে গেলেন, সুভদ্র বিহারের অভিমুখে ফিরে যাচ্ছেন। তিষ্য এগিয়ে গিয়ে অনঘের কাঁধ স্পর্শ করল।

—কে ?

—আমি সাকেতক তিষ্য, এখানে সকলে আমাকে পাঞ্চাল বলে জানে। আমি মহারাজ বিশ্বিসারের প্রতিনিধি, কাত্যায়ন দৈবরাতের স্নেহভাজন বন্ধু।

বিপুল বিস্ময়ভরে অনঘ থমকে দাঁড়ালেন— আপনি...আপনি চণক— চণককে চেনেন ? সে এখন কোথায় ?

—আগে বন্ধুত্বের অঙ্গীকার করুন ভদ্র অনঘ।

—নিশ্চয় ! চণকের স্নেহভাজন যে, সে অনঘরও স্নেহভাজন। আপনি আমার বন্ধু। অনঘ তিষ্যকে আলিঙ্গন করলেন। চণক কোথায় ?

—সম্ভবত পূর্বদেশে। মাঝে মাঝে সংবাদ দেবার জন্য রাজগৃহে আসারও কথা।

—কী ব্যাপার বলুন তো ? কিসের সংবাদ ?

তিষ্য বলল, আপনি আমার গৃহে চলুন, সব বলবো।

অর্ধরাত্র পর্যন্ত দুজনের মধ্যে নানা কথা হল। তিষ্য বলল শুধু চণকের সংকল্পের কথা, মহারাজ বিশ্বিসারের আদর্শের কথা। অন্য কথাগুলি সাবধানে গোপন রাখল। অনঘ ক্রমেতে শুনতে মাথা নাড়তে লাগলেন। অবশেষে বললেন—আমি আপনার কথামতো রাজগৃহে যাবো, কিন্তু চণকের সঙ্গে যদি দেখা না হয়, ফিরে যাবো গাঙ্কারে। পাঞ্চাল তিষ্য আপনি কি গাঙ্কারের সাম্প্রতিক সংবাদ জানেন ?

—না। শুনি নি কিছু।

—শ্রেষ্ঠী মিগারের পুত্র সার্থ নিয়ে পশ্চিমে গিয়েছিলেন। তিনি সংবাদ এনেছেন তক্ষশিলায় পথে পথে নাকি পার্স বীরপুরুষদের ঘুরে ফিরে বেড়াতে দেখা যাচ্ছে। তিষ্যকুমার, এই সংবাদের গুরুত্ব কেউ বোঝে না। আক্রান্ত হলে প্রথম আক্রান্ত হবে গাঙ্কার, আমার মাতৃভূমি। আপনি যদি পারেন, আপনাদের কল্পনার এই রাজসংঘকে সত্বর কার্যকর করে তুলুন। যাতে জম্বুদ্বীপের রাজগণ গাঙ্কারের ৩৪৬

শেহনে একটি দুর্ভেদ্য সৈন্যপ্রাচীর নির্মাণ করতে পারেন। আমি কাল প্রত্যাবেই রাজগৃহ যাত্রা করবো।

তিষ্য তার লিপিটি অনঘকে দিল। দিল আরও একটি পরিচয়পত্র মহারাজ বিহিসারের কাছে। মগধরাজ্যের পক্ষ থেকে ভদ্র অনঘকে প্রাথমিক বেশ-বাস, শস্ত্র, যান ইত্যাদিও দিল সে। পরদিন আলো ফোটবার আগেই অনঘ দ্রুতগামী অশ্বে রাজগৃহের দিকে যাত্রা করলেন।

অচিরবতীর তীর থেকে সোজা উত্তরপথের দিকে চলে গেলেন অনঘ। তিষ্য দাঁড়িয়ে রইল। নদীজলে তার অস্পষ্ট ছায়া পড়েছে। তিষ্যের মনে হল, সে-ই একটি বলক। দীর্ঘদিন বৈষ্য ধরে দাঁড়িয়ে আছে। তার সুকল্প সিদ্ধ হবে কী, হলে তা কবে? আর কত দিন?

১২

রাজগৃহে ফিরে একটি অপ্রত্যাশিত সংবাদ শুনলেন চণক। তখনও তিনি নগরে প্রবেশ করেননি। সবে পূর্ব তোরণের প্রান্তে এসে পৌঁছেছেন। বহুবর্ণ একটানা ছুটে এসে চিন্তক ক্লাস্ত। তিনি তাকে ইতস্তত চরতে দিয়ে তোরণের কাছে যে প্রপাটি ছিল, সেখানে আকণ্ঠ জল পান করলেন। রাজগৃহের নাগর-চরিত্র এখনই স্মৃট হতে আরম্ভ করেছে। বহুবর্ণ বেশবাস পরে কিছু কুলপুত্র ঘোড়া ছুটিয়ে তোরণের মধ্য দিয়ে চলে গেলেন। একটি রথ গেল, দু-তিন-জন রমণী হেসে কিছু বলতে বলতে পার হয়ে গেলেন। রথটি মোটেই প্রতিচ্ছন্ন নয়। সূর্য প্রায় মধ্যগগন পার হয়ে গেছে। কিন্তু রথচক্রের ঘর্ষর শব্দ মাঝে মাঝেই কানে আসছে। দুজন আপণিক প্রপায় জল পান করার জন্য থেমেছে।

প্রথম জন বলল—দ্বিগুণ তৈল দিয়ে গুড়েরু মুন্ন দিতে চাইলাম, তা কসসক কিছুতেই তা বিকোল না। বলে কহাপন দাও। এক স্রোণ গুড়ের জন্য সাতাশটি কহাপন চায়। এখন কহাপণ ঠিক সাতাশটিই হবে তার চেয়ে অল্প বা অধিক হবে না তাই বা কে তাকে ঠিক করে দিলে বলো তো?

দ্বিতীয় আপণিক বলল—তা শেষ পর্যন্ত কী হল? দিলে?

—না দিয়ে করি কী বলো? ঘরের জন্যই গুড়ের প্রয়োজন ছিল। তিন চার প্রকার চিহ্ন রয়েছে কহাপনগুলিতে। দেখো তো ভালো করে।

কটিবন্ধের তলা থেকে একটি ছোট স্ববিকা বার করে লোকটি কহাপনগুলি অন্য আপণিকটির হাতে ঢেলে দিল।

চণক তোরণের দিকে যেতে যেতে শুনলেন, আপণিকরা বলাবলি করছে—কহাপনগুলি এমন চতুষ্কোণ করে যে কেন! গোলাকার করলে অনেক ভালো হত ...

একটি প্রহরী অপসদের বলছিল—গতকাল ঋতু-উৎসবে গিয়েছিলে?

—না ভাই। ছুটির দিন। ভালো করে নিদ্রা দিয়ে নিলাম।

—নতুন একজন নটী অভিষিক্ত হলেন।

—তাই নাকি? কেন সালবতী কি বৃদ্ধা হয়ে গেলেন না কি? তাঁর কন্যা শ্রীমতী বুরি শিগর-নটী পদ পেলেন না!

—না ভাই, ব্যাপার-স্বাপার একটু অন্য প্রকার। এই নটী গাঙ্কারের। বর্ষা-শেষের নৃত্য ও সঙ্গীতকলা জানেন নাকি! ঋতু-উৎসবে ঐর নৃত্য যা দেখলাম—ওরূপ পূর্বে কখনও দেখিনি। নৃত্য না মলয় সমীরের দীর্ঘশ্বাস! বুঝলাম না। এমন পাক দিচ্ছিলেন, অঙ্গের স্বেদ বসন ও উত্তরীয়গুলি বাতাসে বিভিন্ন আকার নিচ্ছিল, অতি দ্রুত। মানুষটিকে অলঙ্কারের ঝিকিমিকি, আর গাত্রবর্ণের ঝিলিক ছাড়া ভালো করে দেখাই গেল না। বংশীধ্বনি আর নূপুরের ঝিকণ ছিল সঙ্গে। সে-ও যেন কেমন রহস্যময়, কখনও শোনা যায়, কখনও শোনা যায় না। কতদূর থেকে ভেসে আসছে ... অতি অদ্ভুত। এই দ্যাখো আমার রোমাঞ্চ হচ্ছে।

চণক দ্রুত ঘোড়া ছোটালেন। পরিচিত প্রিয় পথগুলি। মনে হচ্ছে এই পথগুলির প্রতি রেণুতে তাঁর অস্তিত্ব মিশে আছে। দু'ধারে বৈভার ও বৈপুল্ল। বৈভারের অনুদেশে আজীবিক তীর্থিকদের

ভেড়। শিবিকা চড়ে বৃদ্ধ-বৃদ্ধা কয়েকজন ওপরে ওঠার উপক্রম করছেন। সম্ভবত রোগী। চপোদারামগুলিতে যাচ্ছেন। ক্রমেই পথের দুধারে জাম গাছ বেড়ে উঠছে। ঘন ছায়াময় গাছগুলি। গাছারভবনের কাননটি দেখা যাচ্ছে। চণকের ভেতরে একটা উদ্ভাস-উদ্ভাস ফেটে বরোতে চাইছে। তক্ষিলার কুটিরের থেকেও এই গাছার-ভবন যে কী করে তাঁর জীবনে আরও প্রিয় আরও অন্তরঙ্গ, আপন হয়ে উঠল— চণক জানেন না।

অশ্বরক্ষক ছুটে এসে চিত্তকে ধরল। চণক নামতে নামতে জিজ্ঞাসা করলেন—তোমাদের সব কুশল তো ?

বিনা বাক্যে ঘাড় নাড়ল লোকটি।

দাসী ঘর খুলে দিল। দাসেরা পা ধোয়ার জল নিয়ে এলো। কারও হাতে উত্তরীয়, কারও হাতে পেটিকাগুলি সমর্পণ করলেন চণক, তারপর জিজ্ঞাসা করলেন—সোমা, সোমা কোথায় ?

উত্তর না দিয়ে মুখ নিচু করল দাসীরা।

—সোমা কোথায় ?

—তিনি এখানে থাকেন না অজ্ঞ...

—কোথায় থাকেন ?

—সল্পসন্তিক পভারের কাছে নূতন ভবন হয়েছে। পুষ্পলাবী। সেইখানে।

চণক কটিবন্ধ দাসীর হাত থেকে নিয়ে নিলেন। উত্তরীয় বেঁধে নিলেন আবার। অশ্বরক্ষককে বিস্মিত করে চিত্তকের পিঠে চড়ে বসলেন, তারপর দ্রুতবেগে বেরিয়ে গেলেন।

সবে রাজসভা ভঙ্গ হয়েছে। বেরিয়ে আসছেন অমাত্যরা, নগর শ্রেষ্ঠী অহিপারক, রাজসচিব বর্ষকার, মহামাত্য সুনীথ। চণককে দেখে অবাক হয়ে থেমে গেলেন বর্ষকার—মহামাত্য আচারিয়পুত্র যে। কবে ফিরলেন !

—আজই, এখনই তদ্র।

সুনীথকে হাতের ইস্তিতে ডাকলেন বর্ষকার—আচারিয়পুত্র দৈবরাত চণকের সঙ্গে পরিচিত হও সুনীথ। দৈবরাত, এই অমাত্য সুনীথ ক্রমশই ক্ষুদ্রতর পদ থেকে উচ্চতর পদ পাচ্ছেন নিজ প্রতিভাবলে।

চণক নমস্কার জানালেন। তখনও সভাকক্ষ থেকে কথা বলতে বলতে বেরিয়ে আসছেন কুমার অভয়, বিমল কৌণ্ডিন্য

চণককে এক পাশে সরিয়ে নিয়ে যেতে যেতে বর্ষকার বললেন— আপনি নিশ্চয়ই রাজদর্শন করতে উৎসুক রয়েছেন। কিন্তু মহারাজ এইমাত্র অন্তঃপুরে গেলেন, এখন হয়ত স্নানকক্ষে ঢুকেছেন, দেখা পেতে বিলম্ব হবে। ততক্ষণ আমরা অতিথিশালার ভক্তগৃহে একটু বসি না !

চণক ভেতরে ভেতরে অধীর হয়েছিলেন। তাঁর এখন মনে পড়ল গাছারভবনের শূন্য কক্ষগুলি, দাস-দাসী-অশ্বরক্ষক-গোপাল-সূত—সবাই আছে। তাঁর যত্নের অভাব হবে না। নিজের নিভৃত কক্ষে বহুকাল পরে বিলাস শয়নে শুতে পারবেন। হয়ত নিদ্রা আসবে। যেন নিদ্রা একমাত্র নিজগৃহে নিজশয্যাতেই আসে। কিন্তু অঙ্গহীন মনুষ্যদেহের মতো সোমাহীন গাছারভবনে, কেমন কুশ্রী। যে শান্তির আশ্বাস নিয়ে তিনি ওই ভবনে প্রবেশ করছিলেন, তা কি পাবেন তাঁর দারুণ ক্রোধ আসছে। মহারাজের ওপর, সোমার ওপর, তিষ্যাকুমারের ওপর, সব শেষে নিজের ওপর। এখনই ভেঙে দিতে ইচ্ছে করছে এই বৃহৎ অলিন্দের স্তম্ভগুলি। কাননটি ছিন্নভিন্ন করে দিতে ইচ্ছে হচ্ছে। কিন্তু না, তিনি বহু কষ্টে নিজেকে সংযত করতে লাগলেন। তিন্ধ ভেষজ খাওয়ার মতো গিলে নিলেন ক্রোধ, তবু চোখদুটি ঈষৎ আরক্ত হয়ে রইল। কপালে কুঁকিটি। দেহের বর্ণ সামান্য পাণ্ডুর। বর্ষকার বললেন—দৈবরাত কি একটু অসুস্থ ?

চণক প্রথমে উত্তর দিলেন না। একটু পরে বললেন—বহু দূর থেকে ঘোড়া ছুটিয়ে আসছি। গত পনের যোজনের মধ্যে বিশ্রাম নিইনি।

—ও তাই। আপনি কি সোজা রাজপুরীতেই আসছেন ?

—হ্যাঁ।

—এত তাড়া করছিলেন... কোনও বিশেষ কাজ...

—মহামান্য বর্ষকার, আপনি কি কখনও দূরদেশে গেছেন ? গেলে জানতেন নিজদেশ যতই কাছে এগিয়ে আসে, অধৈর্য ততই বেড়ে যায় !

—ও, কিন্তু দৈবরাত, রাজগৃহ তো আপনার স্বদেশ নয় ? আপনি তো তক্ষশি

বর্ষকারের কথা শেষ হল না। চণক বললেন—সমগ্র জুবুদীপই আমার স্বদেশ, স্বভূমি। তবে রাজগৃহের স্থান স্বতন্ত্র। তক্ষশিলা যদি আমার প্রথম গৃহ হয়, দ্বিতীয় গৃহ তবে এই নগরী। আপনার তাতে আপত্তি আছে, সচিববর ?

বর্ষকার হেসে ফেললেন—না, না, বিন্দুমাত্র না। রাজগৃহকে অনেকেই বিশেষ ভালোবাসে। কিন্তু আপনার তো এখানে তেমন কোনও স্বজন

বর্ষকার কথা শেষ করলেন না। এই অমাত্য ভালো করে হাসতে পারেন না। এবং কথা শেষ না করার একটি অস্বস্তিকর মুদ্রাদোষ এর। কিন্তু চণক এর প্রশ্নের উত্তর দেবার কোনও চেষ্টাই করলেন না।

ভক্তগৃহে পৌঁছে বর্ষকার সবার হাত মুখ ধোয়ার জল দিতে আদেশ করলেন। রাজ-অতিথি এখন বিশেষ কেউ নেই তাই ভক্তগৃহটি প্রায় শূন্যই ছিল। এঁরা যেতে দাস-দাসীদের মধ্যে একটা সাড়া পড়ে গেল। বিশেষ করে চণককে এরা অনেকেই চেনে, ভালবাসে, বহুদিন পর তাঁকে দেখে তাদের মুখে ঔৎসুক্য, আনন্দ, আগ্রহ ফুটে উঠতে লাগল। রাজ-অমাত্যদের উপস্থিতির জন্য কেউ তেমন কিছু বলতে পারল না। কিন্তু তাদের হাসি-হাসি চোখগুলি চণককে অনেক কিছু বলতে লাগল যেন। তাঁকে ঘিরে একটি উচ্ছল আনন্দের বলয় প্রস্তুত হয়েছে। ধীরে ধীরে চণকের ভেতরের অস্বস্তি চলে যাচ্ছে। তাঁর কপালে ভ্রুকুটি মিলিয়ে গেল। তিনি বললেন—মহামাত্য সুনীথ কী কাজের ভার পেয়েছেন ?

সুনীথ বললেন—সহসচিব। বৈদেশিক ব্যাপারের উপদেষ্টা।

দাস-দাসীরা ভোজ্যবস্তু সামনে এনে রাখতে লাগল। বর্ষকার বললেন—মহামান্য দৈবরাত, শুধু মহারাজ বিধিসার নয়, তাঁর অমাত্যরাও গুণের আদর করতে জানে। আমার মতে, সুনীথ যে পদ পেয়েছেন, সুনীথ কিছু মনে করবেন না, আচারিয়পুস্ত সেই পদ গ্রহণ করলে তার চেয়ে ভালো আর কিছু হতে পারত না। তিনি বহুব্রহ্মী, বহুদর্শী মানুষ, এই বয়সেই সমগ্র উদীচী-প্রতীচী তাঁর ঘোরা, এখন আবার প্রাচী থেকে ঘুরে এলেন। আমরা এখনও মহারাজকে অনুরোধ করে মহামান্য চণকের জন্য উপযুক্ত অমাত্য-পদের ব্যবস্থা করতে পারি। তিনি যখন রাজগৃহকে নিজভূমি বলে মনে করেন, তখন তিনি আমাদের নিজেদের লোক।

চণকের মনে হল এই অমাত্য তাঁর ভেতর থেকে কথা বার করে নিতে চাইছেন। তিনি এখনও এঁদের কাছে রহস্যবিশেষ। রাজনীতির লোকেরা রহস্য ভালোবাসে না। অন্য সময় হলে তিনি এঁদের সঙ্গে বৃদ্ধির খেলা, কথার খেলায় মাততেন, কিংবা সোজাসুজি নিজের সংকল্পের কথা বলতেন। কিছুটা কার্যসিদ্ধি হয়ে যাবার পর এখন আর অত গোপনতায় কাজ কী : কিন্তু আজ মন বিকল হয়ে রয়েছে।

সুনীথ বললেন—আপনার সম্মানে আজ আমরা অতিথিশালার অন্নগ্রহণ করছি। বিশেষ কিছু খাবেন, বলুন ?

সুরাপাত্র এসে গিয়েছিল। তুলে নিতে নিতে চণক বললেন—না। তাঁর চোখ অন্যমনস্ক। বর্ষকার এবং সুনীথ দৃষ্টি বিনিময় করলেন।

হঠাৎ বর্ষকার বললেন—শুনেছি আপনি রাজনীতির ওপর একখানি শাস্ত্র লিখছেন।

—হ্যাঁ, আমার পিতা আরম্ভ করে গিয়েছিলেন।

—কিন্তু যে ধর্মসূত্রগুলি প্রচলিত আছে, তার ওপর

—হ্যাঁ, মানব, বাশিষ্ঠ ধর্মসূত্র রয়েছে। কিন্তু এগুলি প্রধানত নীতিশাস্ত্র। তাছাড়া মহামাত্র, জগৎ, সমাজ সর্বদাই পরিবর্তিত হয়ে যাচ্ছে। কোনও শাস্ত্রই কি সর্বকালের সমস্যার কথা বলতে পারে ?

—আপনাদের শাস্ত্রও তা পারবে না।

—পারবে না। কিন্তু মহামাত্র, এতকাল, আমাদের প্রাচীন শাস্ত্র নিয়ে চলেছে। এখন সর্ব বিষয়ে একটা বিপ্লব পরিবর্তন আসছে। ভাবতে পারেন বেদকথিত আচার-আচরণও পুরনো ও বর্জনীয় হয়ে যাচ্ছে? একথা কি কিছুকাল আগেও ভাবতে পারা গেছে? গৌতম বুদ্ধ বা জিন নাতপুত্র এঁদের যে মতবাদ তা কি একেবারেই নতুন, বৈদ্যবিক নয়?

সুনীথ বললেন—কিসে নতুন; শুধু যজ্ঞটুকুই মানছেন না। ব্রাহ্মণের শ্রেষ্ঠত্ব মানছেন না। বা ব্রাহ্মণের সংজ্ঞা নির্ণয় করছেন গুণকর্ম বিচার করে।

—যজ্ঞ না মানাই তো অনেক, সমাজের ভিত্তিটাই তো পরিবর্তিত হয়ে যাচ্ছে। ধরুন অত যে ব্রাহ্মণ ও আরণ্যক সবই তো যজ্ঞ না থাকলে অপ্রয়োজনীয় হয়ে পড়ে।

—দৈবরাত কি বুদ্ধমার্গ নিয়েছেন না কী?

—না, চণক বললেন।

—কী জানি! এ কথা সত্য কি না। আমাদের মহারাজকে জিজ্ঞাসা করলেও বলেন—না। কিন্তু কার্যকালে দেখি বুদ্ধনীতি অনুসৃত হচ্ছে।

—যেমন?—চণক চোখ তুলে বললেন।

—এই কঠোর দণ্ড দিতে মহারাজ ইতস্তত করছেন। ব্রাহ্মণরা যজ্ঞ করলে অসন্তুষ্ট হচ্ছেন। সর্বোপরি ... বর্ষকার থেমে গেলেন।

চণক জিজ্ঞাসু দৃষ্টিতে চেয়ে রইলেন। কিন্তু বর্ষকার কথা ঘুরিয়ে ফেললেন। মিষ্টাস্মের পাত্র বাঁ হাত দিয়ে সামান্য সরিয়ে রেখে চণক বললেন—অমাত্যবর, কথা যখন আরম্ভ করবেন তখন তা শেষও করবেন, নইলে শ্রোতার মনে হতে পারে, আপনি তাকে সংশয়ের চোখে দেখছেন। নিজেকে কারও অবিশ্বাসের পাত্র মনে করতে কারই বা ভালো লাগে!

বর্ষকার ধূর্ত চোখে তার দিকে চেয়ে হাসলেন, বললেন—রাজনীতিতে সংশয় ক্ষমার। আপনার শাস্ত্র এ বিষয়ে কী বলে?

—আমি রাজশাস্ত্রের প্রণেতা হতে পারি, কিন্তু তা ছাড়াও আমি চণক নামে একজন যুবা, সাধারণ আলাপেও আগ্রহী। আর আপনি অমাত্য—কিন্তু শয়নে, স্বপনে জাগরণে সব সময়েই যদি অমাত্য থাকেন, তাহলে আপনাকে করুণা করা ছাড়া উপায় কী?—বলে চণক ভালো করে ওষ্ঠাধর বিস্তৃত করে হাসলেন যাতে তাঁর কথার রূঢ়তাটুকু তরল হয়ে যায়।

পশ্চিম বনশ্রেণীর ওপারে সূর্য অস্তোশুখ। বনভূমিতে, পাহাড়গুলির শীর্ষে শীর্ষে আরম্ভিত আলো ছড়িয়ে পড়ছে। সেই আলো প্রবেশ করছে নগরনটী জিতসোমার প্রাসাদ 'পুষ্পশাবী'র পশ্চিম গবাক্ষ দিয়েও। এটিই জিতসোমার প্রসাধনকক্ষ। সে ওই গোখুলির আলোর দিকে তাকিয়ে বলল—এই আলোর মতো ত্বকের বর্ণ করে দে আমার শকুলা। অতি শুভ্রতা যেন বোধ না যায়। শুধু মুখটি বাদ দিবি। নিত্য নতুন নৃত্যের পরিকল্পনা করছে সে। প্রতি নাচের জন্য স্বতন্ত্র সাজও।

দ্বারের কাছে দাসী এসে বলল—মহারাজ এসেছেন।

হাত থেকে মুকুর ভূমিতে রেখে উঠে দাঁড়াল জিতসোমা। নৃত্যগীত সভা আরম্ভ হবার কিছু আগে মহারাজ আসলে বুঝতে হবে কোনও বিশেষ সংবাদ আছে। তার নিজেরও কিছু কথা সঙ্ঘয় হয়েছে। তার বেশ এখন অস্পূর্ণ, প্রসাধনও অসমাপ্ত। দেহের ত্বক গোখুলির বর্ণ পেয়েছে। কিন্তু মুখসমেত কণ্ঠটি এখনও কেতকী পুষ্পের মতো শুভ্র। লোভ্ররেণুতে ভ্রু চোখের পাতা ঢেকে আছে। সেগুলি তুলিকা দিয়ে পরিষ্কার করে নিল সে। পাটল বর্ণের উত্তরীয় দিয়ে গলা কান, মাথা ঢেকে নিল। তারপর সভাকক্ষের পাশে বিশ্রাম কক্ষের দিকে চলে গেল।

টুকুই চিত্রাপিত হয়ে গেল জিতসোমা। মহারাজ বিশ্বিন্দরের পাশে চণক। সে তখনই বেরিয়ে আসছিল, বিশ্বিন্দার গভীর স্বরে ডাকলেন—যেও না জিতসোমা, দাঁড়াও।

জিতসোমা পেছন ফিরেই বলল—মহারাজ, আপনি চুক্তিভঙ্গ করেছেন। আপনার সঙ্গে আমার কোনও গোপনতার সম্পর্ক থাকবে না এমনই কথা ছিল। আপনি যে আজ একা আসেননি একথা ৩৫০

না জানালে চুক্তিভঙ্গ দোষ হয় ।

—ঠিক আছে । মেনে নিলাম । এই যুবাকে তুমি শুধু বুঝিয়ে বলো তুমি যা করছো তা প্রকৃত পক্ষে কী ? কেন ? এবং তা তোমার স্বাধীন ইচ্ছার ফল কিনা । নইলে এ যুবক হয়ত আমায় বা হত্যাই করে ?

—মহারাজ কবে থেকে শাস্ত্রবিৎ পণ্ডিতের বীরত্বকে ভয় পেতে আরম্ভ করলেন ?

এই যুবা শুধু বীর নয়, কুশলীও । তার ওপর আবার সখা । হৃদয়টাটুকু ফিরিয়ে নেবে ভয় দেখাচ্ছে । মহারাজ ঈষৎ তরল কণ্ঠে বললেন ।

—আজ নৃত্য-সভার পর যা বলবার বলবেন । এখন আমি ব্যস্ত আছি ।—সোমা একবারও দুই অতিথির মুখোমুখি হল না,—চলে গেল ।

বিবিসার বললেন—শান্ত হও । শান্ত হও চণক । কোনও নগরনটী কি এইভাবে রাজাঙ্কণ উপেক্ষা করতে পারে ? দেখো, বোঝো, চণক ।

—কোনও অমাত্যই কি তা পারে মহারাজ ?

—না তা অবশ্য পারে না । কিন্তু সে অমাত্য যদি হয় রাজার অতি প্রিয়

—প্রণয়ভাগিনী ?

—ধিক—চণক, আমি কনিষ্ঠা ভগ্নী অথবা কন্যার কথা ভাবছিলাম ।

জিতসোমা নিজের হৃৎপিণ্ডের শব্দ শুনতে পাচ্ছে । চণক, চণক, জেট্ট চণক ! কত কাল ধরে সে এই দিনটির, এই মুহূর্তটির প্রতীক্ষা করছে ! জেট্ট বহুদিন বোধহয় ক্ষৌরকার্য করেননি । মুখময় অয়ত্নবর্ধিত শ্মশ্রু, পোশাকও ধূলিমলিন । সে তার কার্যনির্বাহক প্রধান দাস ধ্রুবকে ডেকে বলল—নহাপিত ডাকো । অতিথি কক্ষ মহারাজের সঙ্গে যে ব্যক্তি বসে আছেন তাঁকে স্নানাগারে নিয়ে পরিচ্ছন্ন করে দাও । সোনার কাজ করা একজোড়া বস্ত্র বার করে দিল সে—এইগুলি পরাবে । গন্ধ, মালা কিছুর যেন ত্রুটি না হয় ।

—কর্ত্রী আপনাকে অন্তঃপুরে ডাকছেন—

মহারাজ বললেন—যাও দৈবরাত, তোমার প্রশ্নের উত্তর হয়ত এখনই মিলবে । কিন্তু চণকের প্রশ্নের উত্তর তখনই মিলল না । স্নানাগারের সম্মুখে একটি গজদণ্ডের পাঠে বসিয়ে নহাপিত তার ক্ষৌরকর্ম করে দিল । দু'জন দাস তাকে বেত্র-শয্যায় শুইয়ে আপাদ-মস্তক—তৈলসংবাহন করে দিল । চণক আপত্তি করতে তারা শুধু বলল—এ গৃহের এরূপই নিয়ম । স্নানের পর, বহুমূল্য বসন পরতে চণক অতিশয় বিরক্ত হলেন । কিন্তু কোনও ফল হল না । দাসগুলি অস্নানমুখে বলল—এ প্রকার বসন ছাড়া কর্ত্রীর সঙ্গে সাক্ষাৎ করা অসম্ভব ।

মালা ধারণ করে শ্বেত উত্তরীয়ের প্রান্ত ডান হাতের ওপর গুচ্ছ করে বিন্যস্ত করে দিয়ে সুন্দর সুসজ্জিত সভাস্থলে নিয়ে গেল দাসরা । বলল—এখানেই কর্ত্রীর সঙ্গে দেখা হবে ।

স্নান করে এবং অবলেপ্য মেখে চণকের শরীর স্নিগ্ধ হয়েছিল । তার ওপর বহুক্ষণ পরিভ্রমের পর এমন সেবা পেয়ে তাঁর ঘুম-ঘুম পাচ্ছিল । কিন্তু তিনি সভাগৃহের একপ্রান্তে মহারাজকে বসে থাকতে দেখলেন । পাশেই একটি আসনে চণককে আহ্বান করে বিবিসার বললেন—দেখা হল ?

—না ।

তার আপাদমস্তক নিরীক্ষণ করে মহারাজ বললেন—ভালো হয়েছে ।

চণক তাঁর দিকে ক্রুদ্ধ দৃষ্টিতে তাকালেন, কিন্তু মহারাজ অন্য দিকে চেয়ে আছেন । চোখে চোখ মিলল না । একটু পরে তিনি বললেন—দৈবরাত, এই গৃহ কে পরিকল্পনা করেছেন, জানো ?

চণক উত্তর দিলেন না ।

—এই অপূর্ব স্থাপত্যের জন্যও আমি তোমার কাছে স্বর্ণী । শ্রীহাগোবিন্দ-তনয়া দেবী সুমেধা এই প্রাসাদ পরিকল্পনা করেছেন ।

চণকের হঠাৎ সব মনে পড়ে গেল । সে চতুর্দিকে তাকাতে লাগল । পাথরের কক্ষটি । অপূর্ব সজ্জিত । ভিত্তিচিত্রগুলি যেন এইমাত্র কেউ শেষ করে গেছে । বিবিসার তাঁর চোখ অনুসরণ করে

বললেন—এই সব চিত্রের জন্য পশ্চিমদেশীয় সার্থদের কাছ থেকে প্রচুর পরিমাণে নানা বর্ণের রত্ন কিনেছি। চণক, দেবী সুমেধার পুত্র বোধিকুমার এই সব চিত্র লিখেছে।

চণক আর উদাসীন হয়ে বসে থাকতে পারলেন না। কী অসাধারণ ভিত্তিচিত্রগুলি। চারদিকে গজ, পশু বা হরিণ দিয়ে পট্টিকা করা। মাঝখানে মৃত্তিকা মিশ্রিত চুনমের লেপন দিয়ে ক্ষেত্র প্রস্তুত করে অঙ্কিত হয়েছে চিত্রগুলি। প্রথম চিত্রটিতেই গৌতম বুদ্ধ অশ্ববৃক্ষতলে দেশনায় ময়, সামনে রাজা রাজন্য শ্রেষ্ঠ যুবা বৃদ্ধ শ্রমণ ও শ্রমণারা। তিনি মহারাজের দিকে ফিরে বললেন—ওনেছিল্যাম গৌতম নিজের মূর্তি বা প্রতিকৃতি করতে অনুমতি দেন না।

বিশ্বিসার বললেন—সম্প্রতি বৎসরাজ উদয়ন নাকি রক্ত চন্দন কাঠ দিয়ে তাঁর একটি মূর্তি করিয়েছেন। কোসলরাজও গোপনে চন্দনের মূর্তি করিয়েছেন। এ সকল শুনে আমিও তথাগতকে ধরে পড়ি আমাকেও অনুমতি দিতে। অনুমতি দিলেন। কিন্তু চোখ আঁকতে নিষেধ করলেন। বোধিকুমার সে নির্দেশ পালন করেছে। প্রকৃতপক্ষে চণক, তথাগত চান না তাঁর মূর্তি কেউ পূজা করে। তবে ভিত্তিচিত্র তো আর পূজার জন্য নয়।

চণক অন্যমনস্কভাবে বলে উঠলেন—তবু ঐর চিত্র, মূর্তি নির্মিত হবে। পূজা হবে। মহারাজ আমাদের জীবিতকালে দেখে যেতে পারব কি না জানি না, কিন্তু ইন্দ্র মূর্তি যেমন বর্ষায় পূজিত হয়, বুদ্ধও তেমনি পূজিত হবেন। তবে সর্ব ঋতুতে। দেখবেন, শীঘ্রই ইনি দেবত্ব পাবেন।

সহসা সভাকক্ষের মধ্যে সহস্র প্রদীপ জ্বলে উঠল। পাথরের মসৃণ প্রাচীরে ছাদে প্রতিফলিত হয়ে সেই সহস্র প্রদীপ যেন দুই সহস্র হয়ে গেল।

বিশ্বিসার বললেন—চলো চণক, বসি। ওই যে নৃত্য-গীতের জন্য পীঠ দেখছ, ওইখানে দাঁড়িয়ে গাইলে এই বিশাল কক্ষের সর্বত্র শোনা যায় গীত। মহাগোবিন্দ-কন্যার এমনি কুশলতা।

—বলেন কী ? চণক অবাক হয়ে রইলেন।

কক্ষের বারোটি প্রবেশপথ দিয়ে বহু দর্শক-শ্রোতা প্রবেশ করতে লাগলেন। পুষ্পসৌরভে ঘর ভরে গেল। ছাদের ওপর থেকে পুষ্প, সুগন্ধী জলচূর্ণ এসে পড়তে লাগল সমবেত শ্রোতাদের ওপর। চণক ওপর দিকে চেয়ে দেখলেন—ছাদের গায়ে ক্ষুদ্র ক্ষুদ্র ছিদ্রের মতো গবাক্ষ বন্ধ হয়ে যাচ্ছে।

গম্ভীর বজ্রনাদের মতো তিনটি ধমৎকার শোনা গেল মৃদঙ্গে। চণক মুখ ফিরিয়ে দেখলেন নৃত্য-পীঠের ওপর একটি প্রশ্ৰুতিত কেতকী বসে আছে। তার দীর্ঘ শ্বেত পাপড়িগুলি সম্ভবত শ্বেত দুকূল দিয়ে প্রস্তুত হয়েছে। প্রসারিত দলগুলির মধ্যে মৃদু হরিদ্রাভ বর্ণের কেশর নটীর শরীরটি। তার ওপরে একটি শুভ্র মুখ ফুটে আছে। দূরে দূরে বীণা হাতে বাদিকারা বসে আছে। একত্রে সকলে বাজাতে আরম্ভ করল। তাল-বাদ্য বাজাতে বাজাতে বাদক মাথা নাড়তে লাগল। নিম্পন্দ কেতকী যে গাইছে তা বোঝা গেল যখন একটি একটি করে বীণার ধ্বনি থেমে যেতে লাগল। চারটি বীণার স্বরের মধ্যে পঞ্চম বীণার মতো লুকিয়ে ছিল গায়িকার স্বর। ক্রমশই তা স্পষ্ট হয়ে উঠতে লাগল। ভাষা নেই, থাকলেও তা এত অল্প শব্দের যে, ভালোভাবে বোঝাই যায় না। শুধু সুর। অর্ধ মূর্ছনায় তা ওপরে উঠে যায়, তারপর ঝরনার মতো ঝরঝরিয়ে পড়ে। আবার, পার্বতী নদীশ্রোতের মতো ঐক্যেবেঁকে চলে। বাষ্পের মতো-হতাশ্বাসের ধ্বনিতে আবারও ওপরে উঠে যায়। ধিমিধিমি মৃদঙ্গের সঙ্গে মেঘে পরিণত হয় তারপর মুঘলধারার মতো সুরধারায় ঝেঁপে আসে। কোন উর্ধ্বলোক থেকে যেন এই সুরবারিধারা নেমে আসছে। সমস্ত শ্রোতার নিম্পন্দ। স্নান করছে। এই সংগীতের মধ্যে কোনও ব্যাকুলতা, আর্তি, প্রার্থনা নেই। অভিযোগ নেই, দ্রোহ নেই, অনঙ্গতাপ নেই। ঝরনার উৎপত্তি, তার জলে ক্ষুদ্র নদীশ্রোতের সৃষ্টি, রৌদ্রকর থেকে মহামেঘ এবং সেই মহামেঘ থেকে তাপহরণ বারিধারা, যার ফলে একটি অপরূপ কেতকীর জন্ম হয় শুধু সুর দিয়ে গায়িকা এই প্রাকৃতিক ঘটনার সুররূপ তো দিলেনই, এই ঘটনার অসামান্য সৌন্দর্য, ব্যঞ্জনা সমারোহময় বিস্ময় এই প্রথম যেন শ্রোতাদের ইন্দ্রিয়গ্রামে অনুভূত হল।

মৃদঙ্গ বাজছে। কেতকী কখন অদৃশ্য হয়েছে। বীণাবাদিকাদের স্থানে আরও মৃদঙ্গবাদক এসে বসেছে। প্রায় বাকশক্তিহীন চণককে বিশ্বিসার মৃদুস্বরে বললেন—দৈবরাত ! কখনও এমন ৩৫২



ওনেছো ?

চরক নীরবে মাথা নাড়ল অল্প—না । সে শোনেনি ।

বিশ্বিসার বললেন—কুশলতায় এর দ্বিতীয় আমি ওনেছিলাম বহু বৎসর আগে, বৈশাঙ্গীতে । কিন্তু এ গীত অন্য জাতের ।

কথা বলতে ইচ্ছা করছে না । শ্রেণিবদ্ধ দাসীরা সমবেত শ্রোতাদের স্ফটিক পাত্রে মৃদু সুরা দিয়ে গেল ।

কোথায় একজন মৃদুস্বরে বললেন—এ কি দেবসভা ।

আর—একজন অনুরূপ স্বরে বললেন—সংসারবিরাগীরা বেলুবনে না গিয়ে এখানে আসতে পারেন । দুঃখ, বিরক্তি, বৈরাগ, হিংসা, ঘেঁষ, দুর্ভাবনা সবই তো এখানে দূরে চলে যায় দেখি ।

কতক্ষণ এভাবে আবিষ্ট কেটেছে চণক জানে না । হঠাৎ ভেরীঘোষ হল । মৃদঙ্গগুলি একের পর এক জটিল তাল বাজাতে লাগল । তারপর সেই তালে তাল মিলিয়ে অন্তরাল থেকে লক্ষ দিয়ে ভেতরে প্রবেশ করলেন এক অদ্ভুত পুরুষ । চুলগুলি চূড়া করে বাঁধা । আকর্ণবিস্তৃত নয়ন, কাজল দিয়ে, নীল, লোহিত বর্ণ দিয়ে স্বাভাবিক চোখগুলিকে তিনগুণ করা হয়েছে । তুলনায় ক্ষুদ্র, স্বস্ত্রবর্ণ ওষ্ঠাধর । কপালে তিলক, কণ্ঠে কঙ্কুচিহ্ন, উদরে ত্রিবলী । গৈরিক উত্তরীয়টি যন্ত্রোপবীভের মতো ডান কাঁধ থেকে বাম-কটিতে এসে গ্রন্থিবদ্ধ হয়েছে । দুটি পা জড়িয়ে রয়েছে রক্তকাষায় । পীঠের মাঝখানে এসে এক পা তুলে তরোয়ালের মতো বাকিয়ে অপর পায়ের ওপর স্থাপন করে, দুই হাতে অদ্ভুত মুদ্রা করে দাঁড়ালেন পুরুষ । চোখ দুটি জ্বলছে । জ্বলছে ।

মৃদঙ্গগুলি বলতে লাগল

জ্বলজ্বলদ্ ধ্বকধ্বকদ্ ধমদ্ ধা

রুদ্রায় বসুভা বৌষট্ টা

অহং রুদ্রহৃৎ রুদ্রো হং রৌদ্র রৌদ্র

ধ্বংসিত্তা জাগর্মি জাডাং জাগ্রতু জাগ্রতু জাগ্র জাগর্

কেলিকলাপকুঞ্জঃ নহি স্তা স্তা

তুঙ্গ মৈনাকং তুণ্ডেন বিধ্যতি বিধ্যতু বিধ্যৎ

পিনাকেন মৈনাকং

বিধ্যৎ বিধ্যৎ বিধ্যৎ ।

পুরুষ সর্বদিকে, সর্বকোণে, নিজের শরীরটিকে বেঁকিয়ে, ভঙ্গ করে, ত্রিভঙ্গ, দ্বিভঙ্গ, চতুর্ভঙ্গ অদ্ভুত সব হাতের আঙুলের মুদ্রার সঙ্গে সঙ্গে ক্ষুদ্র ক্ষুদ্র মধ্যমাকার, কখনও বড় বড় লক্ষ দিয়ে নাচতে লাগলেন । পায়ের তলা থেকে পাটলবর্ণ, রক্তবর্ণ চূর্ণ সব নাচের তালে তালে ছড়িয়ে ছিটিয়ে পড়তে লাগল ।

নৃত্যপীঠের প্রদীপগুলি কাদের ফুৎকারে নিবে গেল, জ্বলতে লাগল দুটি উজ্জ্বল লেলিহ আগুন । আর সেই আগুনকে পটে রেখে কৃষ্ণবর্ণ ছায়ামূর্তির অলৌকিক নাচ । স্পষ্ট কৃষ্ণরেখায় ফুটে উঠল মৃদঙ্গবাদকরা তাদের মস্ত্র ও অঙ্গভঙ্গিসম্মেত । উজ্জ্বলগুলি পেঁছন থেকে সামনে চলে এলো, দর্শক শ্রোতাদের চোখ ঝলসে দিয়ে অন্তর্হিত হল । নৃত্যপীঠ অন্ধকার, শূন্য ।

দর্শক-শ্রোতারী বহুক্ষণ মন্ত্রমুগ্ধের মতো বসে থেকে কখন ধীরে ধীরে চলে গেছেন, সভাগৃহ শূন্য । এখানে ওখানে এক-একটি প্রদীপ জ্বলছে শুধু । চণক বাকস্বীকৃত স্তব্ধ । পাশে বিশ্বিসার । অনেক পরে একজন দাস এসে বিনম্র কণ্ঠে জানাল—কর্ত্তী ডাকছেন ।

BanglaBook.Org

ভস্বে, আমি সমনাদের সবাইকে উদকসাত্িকা (স্নান-বস্ত্র) দিতে চাই, ভস্বে । প্রতি বৎসর ।

—কেন বিসাখা । সমনাদের সম্পৎ থাকা উচিত নয় ।

—ভস্বে, অচিরবতীর জলে সমনারা নয় স্নান করেন, নগরের রূপাজীবারাও তাই করে । তারা সমনাদের বিদ্রূশ করে বলে—কীই বা পার্থক্য আমাদের মধ্যে ? তোমরাও নম্রিকা, আমরাও নম্রিকা । এসো না আমাদের আলয়ে । ভালো ভালো বসন, অলঙ্কার, ভোজ্য পাবে...ভগবন, সমনারা মুখ নিচু করে এই বিদ্রূশসহ্য করেন । অল্পবয়স্কারা সইতে পারেন না, কেঁদে ফেলেন । আমার বড় কষ্ট হয় । নারীর জন্য সামান্য অধিক প্রয়োজন হয় প্রভু, দিতে অনুমতি করুন ।

—তাই হবে বিসাখা...

—এ ছাড়াও বর্ষার প্রারম্ভে বর্ষা-চীবর, অন্তে বর্ষান্ত-চীবর এবং সারা বছর আবসথ চীবর প্রদান করতে দিন ভগবন ।

—তাই হবে বিসাখা ।

—সমনাদের জন্য নগর প্রাচীরের কাছে নবকন্ম কুটির নিশ্চান করে দেবার অনুমতি দিন ভস্বে ।

বুদ্ধ মদু হেসে বললেন—তাই হোক বিসাখা ।

নতমুখে বিশাখা জেতবনবিহার থেকে ফিরে চলেছে । তথাগত লক্ষ করেছেন অশ্রু-ছলোছল তার চোখ দুটি । একবার মাত্র বিশেষ দানের কারণ জিজ্ঞাসা করেছিলেন । তারপর বিশাখা যা যা প্রার্থনা করেছে সবচেয়েই সম্মতি দিয়েছেন ।

চলতে চলতে বিশাখার কানে এলো কিছু যুবক শ্রমণ আলোচনা করছেন—উপাসিকা বিসাখার রক্ষণা বড়ই পাত্রনির্ভর । নারীদের তিনি যেরূপ রক্ষণা করেন, সবদিক থেকে রক্ষা করেন, ভিক্ষুদের তো তেমন করেন না !

—কেন, ভিক্ষুদের জন্য ভোজের নিমন্ত্রণ তো আছে ! বিসাখার আবার সন্তান জন্মালে আবার চীবর, ভৈষজ, পাত্র সব পাওয়া যাবে । শ্রমণের কণ্ঠে ক্ষুব্ধ বিদ্রূশ ।

—ততদিন পংসুকুলই পরিষ্কার করো আর ব্যাধি হলে কষ্ট সহ্য করো । মরবার হলে মরে যাও । আমরা তো আর সমনা নই !

উপাসিকা বিশাখা শুনেছেন, কিন্তু অন্য মনে । চলেছেন । পাশে ধনপালী । ময়ুরী সম্প্রতি এক আপগিককে বিবাহ করেছে । তার ক্রমশই শ্রীবৃদ্ধি হচ্ছে, কিন্তু তার আপগ ও ধনসম্পদ যত্ন করে দেখাশোনা করার তেমন কেউ নেই । ময়ুরীকেই সে সব করতে হয় । ময়ুরী অত্যন্ত ব্যস্ত । কহা, বিসাখার পিয় সহি, শ্লোকরচয়িত্রী কহা স্বেচ্ছায় মৃত্যুবরণ করল । মা নেই । বিসাখার অন্তরের ভেতরটা মাঝে মাঝেই একেবারে শূন্য হয়ে যায় । শিশু-ভগ্নীটির কথা মনে পড়লে তার এমন উৎকর্ষ হয় যে মনে হয় এখনি ছুটে সাকেত চলে যায় । সে শিশুটিকে সঙ্গে করে নিয়ে আসতে চেয়েছিল কিন্তু ধনঞ্জয় সম্মত হননি । এখন সেই শিশু সূজাতা গুচ্ছ গুচ্ছ চুল দুলিয়ে গাল ভরে অবোধ হাসি হাসে । পিতার ডান হাতের কনিষ্ঠ আঙুলটি মুখে পুরে সশব্দে চুষতে চুষতে মনোময় । পিতার দিবারাত্রের একমাত্র সান্ত্বনা, একমাত্র আনন্দ, বেঁচে থাকার অর্থ ওই শিশু সূজাতা । তিনি কী করে সম্মত হবেন ? অথচ বিসাখাকে শ্রাবস্তীতে ফিরতেই হবে । সে তো চিরকাল সাকেতে থাকতে পারে না ! মিগারের ঘর-সংসার আছে, তার নিজস্ব কমান্ড আছে, শ্রাবস্তীতে বহু প্রকার লোককল্যাণের সঙ্গে সে জড়িত । আছে সংঘ । পশুগুলি সব উন্মুখ হয়ে তার পথ চেয়ে থাকে । বৃদ্ধ এবং রুগণ পশুদের জন্য সে যে পশুচিকিৎসাভবন করেছে সেখানে পর্যন্ত বৃদ্ধ কুকুর, বৃদ্ধা গাভী বা ছাগলগুলি, রুগণ অশ্ব সব বিশাখাকে না দেখতে পেলে আহাঙ্করণ করে । দিনের মধ্যে একবার অন্তত তাদের দেখা দিতে হয় । আদর করতে হয় ।

প্রবেশদ্বারের কাছে শ্রমণ আনন্দ । তিনি আজকাল তথাগতর উপস্থায়ক হয়েছেন । তথাগতর যাবতীয় পরিচার্যার ভার তাঁরই ওপর । অনেক কাল আগে এক সময়ে গৃধকৃটে তিনি কিছুদিন নির্জনবাস ও ধ্যান করার অবসর পেয়েছিলেন । তারপর থেকে আনন্দ সব সময়ে তথাগতর পাশে ৩৫৪

পাশে। তথাগতের প্রতিনিধি হয়ে নিমন্ত্রণ গ্রহণ করেন, উপদেশ দেন, দান নেন। স্নেহকল্পে নয়নে  
বিশাখার দিকে চাইলেন আনন্দ—

—কল্যাণি, আজ এ দীন বেশ কেন ?

—সর্বভ্যাগী ভিক্ষু আপনি। দীন বেশই তো আপনার মনোমত হওয়ার কথা সমন।

দীন বেশ প্রব্রাজকের। কিন্তু উপাসিকা বিসাখা যে ঐশ্বর্যশ্রী! তোমার মহালতা পসাদন কোথায়  
গেল কল্যাণি! মহালতা ধারণ করলে বিসাখা যে হয়ে যায় আনন্দ-ময়ুরী। এই পার্থিব প্রকৃতির  
অন্তরের সৌন্দর্য ও আনন্দের উৎসার শতধারায় উৎক্লিষ্ট হতে দেখি। শতধারায়... দুই হাতের আঙুল  
দিয়ে শতধারায় উৎসারিত হবার প্রক্রিয়াটি করে দেখালেন শ্রমণ আনন্দ। তারপর কী যেন ভাবতে  
ভাবতে ভেতরে চলে গেলেন। সরল, পবিত্র, সহাস্য মুখটি আনন্দর। কোনও ব্যক্তিগত দুঃখ নেই,  
কিন্তু সবার জন্য করুণা অনুভব করেন। কোমল-হৃদয় বৎসল স্বভাবের শ্রমণ আনন্দ তাই নারীদের  
প্রিয়। বালকদেরও প্রিয়। আনন্দর অনুরোধেই নারীরা প্রব্রাজ্যের অধিকার সংঘের অধিকার  
পেয়েছে। আনন্দর মধ্যস্থতাতেই ভিক্ষুদের স্থান ও ঋতু বিশেষে দুই তিন তলিকা পর্যন্ত পাদুকা পরার  
অনুমতি মিলেছে। ভৈষজ্য বলে মধু, ঘৃত, ইত্যাদি ব্যবহার করবার অনুমতি মিলেছে। আনন্দ তদগত  
চিত্তে তথাগতের সেবা করেন, নিজের অর্হস্যর কথা চিন্তাও করেন না।

মধ্যাহ্নের খর রোদে তপ্ত নগরীর পথ। কিন্তু বিশাখা ধীর পদক্ষেপে চলেছে। ধনপালী শুধু  
একবার তাকাল, কিছু বলল না। সে-ও চলেছে। শিবিকা পেছন পেছন আসছে। নগরোপাস্তে  
ভিক্ষুণী উপসয়। এখন প্রায় সকলেই ভিক্ষার্থে নগরে। শূন্য ভিক্ষুণী উপসয়ে বিশাখা কেন চলেছে  
ধনপালী জানে না।

উৎপলবর্ণার ঘটনা ঘটবার পর বিশাখার অনুরোধে গৌতম বৃদ্ধর সম্মতিক্রমে এই উপাশ্রয় নির্মাণ  
করিয়ে দিয়েছেন মহারাজ প্রসেনজিৎ। জেতবনের প্রকাণ্ড দ্বারকোঠক দেখলে যেমন প্রথমেই ভয়ে  
সঙ্কচিত হয়ে যায় চিত্ত, এই উপাশ্রয়ের অনাড়ম্বর অতি সাধারণ আকৃতি দেখে তেমনি একটা  
হেলাফেলার ভাব আসে। এখন এখানেই অবস্থান করছেন দেবী রাহুলমাতা। কয়েকদিন  
রক্তাতিসারে ভোগবার পর এখনও তিনি অসুস্থ। বিশাখা জানে তিনি ভিক্ষার্থে বার হবেন না।

মৃৎবেদীতে মৃৎ-উপাধানে সংঘটি বিছিয়ে শোন ঐরা। রাহুলমাতা বা মহাপ্রজাবতীদের মতো  
খেরীদের একেক সময় একেক জন সাধবিহারিকা বা অস্ত্বেবাসিনী থাকে। তারা খেরীর দম্ভকোঠ, মুখ  
খোবার জল এনে দেওয়া থেকে ভিক্ষা আনা, প্রয়োজনমতো চীবর পরিষ্কার করা ইত্যাদি সবই  
করে। আজ রাহুলমাতার সঙ্গিনী ভিক্ষার্থে বেরিয়েছে।

নিজের বেদীতে ধ্যানাসনে বসেছিলেন রাহুলমাতা। বিশাখা ধনপালীর সঙ্গে তাঁর সামনে গিয়ে  
বসতে চোখ মেললেন।

দেবি, আপনার পথ্য এনেছি।—বিশাখা তাঁর উত্তরীরের আড়াল থেকে পাত্র বার  
করল।—গ্রহণ করুন।

—পুরাতন শালিধানের অন্ন আর রসভক্ত (মাংসের খোল)। সেইসঙ্গে বিশাখা ভৈষজ্যও বার  
করল।

রাহুলমাতা মৃদুস্বরে বললেন—কল্যাণি, তুমি কোথা থেকে জানলে...

—শ্রমণ আনন্দর কাছ থেকে। গতকাল তিনি আমার গৃহ থেকে আপনার জন্য রসভক্ত নিয়ে  
এসেছিলেন। একেক দিন একেক জনের গৃহে যান। আমি নিষেধ করলাম। আমিই আসব নিত্য।

ধনপালী তাঁকে মুখ প্রক্ষালনের জল দিল। একটি বড় ঘর আছে যেখানে সমবেত হয়ে  
ভিক্ষুণীরা নিজেদের সংগৃহীত ভিক্ষা গ্রহণ করেন। অনেক কষ্টে সেই ঘরে গিয়ে বিশাখার আনা  
পথ্য ও ভৈষজ্য গ্রহণ করলেন দেবী। তারপর আবার তাদের সাহায্যেই ধীরে ধীরে এসে নিজের  
বেদীতে শুয়ে পড়লেন।

বিশাখা ধীরে ধীরে তাঁর চরণ সংবাহন করতে লাগল। ধনপালী মাথায় হাত বুলিয়ে দিতে  
লাগল।

রাহুলমাতা দুর্বল কণ্ঠে বললেন—বিসাখা, ক্ষান্ত হও।

বিশাখা বলল—দেবি, রক্তাতিসারে সারা শরীরে বড় যন্ত্রণা হয়। আমি জানি। ভগবান তো কৃষ্ণ করতে বলেন না কাউকে !

রাহুলমাতা একটু হাসলেন, বললেন—যখন দীর্ঘ সাত বছর কী শীত, কী গ্রীষ্ম মুক্তিকায় শয়ন করতাম, কেশ বাঁধতাম না, ছিন্ন চীর ব্যতীত অন্য বস্ত্র পরতাম না, দিনে একবার সামান্য আহার করতাম, তখন তা কি কৃষ্ণ ছিল না ? কেউ কি নিষেধ করেছিল ?

বিশাখা নীরব রইল।

—কল্যাণি, কপিলবস্ত্র থেকে মল্লভূমি পার হয়ে বজ্জিভূমি বৈশালীতে যখন পৌছলাম তখন চরণ ক্ষতবিক্ষত হয়ে গিয়েছিল। জটাবন্ধ কেশ নিজ হাতে কেটে ফেলেছিলাম। অনভ্যস্ত পথ হাঁটায় সমস্ত শরীরে যেন স্ফোটকের যন্ত্রণা, সংঘে প্রবেশ করবার অনুমতি পাবার আগে তিন দিন মুক্ত আকাশের তলায় পড়েছিলাম, কেউ কি নিষেধ করেছিল ?

বিশাখা সসন্ত্রমে বলল—দেবি, শুনেছি সাক্ষরা, কোলিয়রা আপনাকে তখন বহু উপহার দেয়। সাক্ষরা নিজেদের রাজ্ঞী বলে স্বীকার করে নেয়, আপনি বৈশালী যাবেন বলে সজ্জিত রথ নিয়ে আসে, আপনি কিছুই গ্রহণ করেননি।

—আমার কৃষ্ণ স্বেচ্ছাবৃত এই কথাই বলছ তো বিসাখা ?

—তাই। আপনি কেন ?...

প্রথমে কোনও উত্তর দিলেন না, অনেকক্ষণ পরে তিনি বললেন—কল্যাণি, আমার নাম জানো ?

—জানি। দেবী যশোধরা।

—সমনরা কখনও সে নাম ব্যবহার করেন না। রাহুলমাতাও বলেন অতি সাবধানে, পাছে ভগবানের সঙ্গে অতীত-সম্পর্কের স্মৃতি কোথাও থেকে যায়। যেখানে উনি থাকেন, সেখানে আমার থাকার অনুমতি মেলে না। আমি তো বৈশালীতেই অধিক থাকি।

অনেকক্ষণ পরে তিনি ধীরে ধীরে বললেন—কৃষ্ণ করবো না তো কী !

দেবী যশোধরা পাশ ফিরে শুলেন। ধনপালী ও বিশাখা পরস্পরের দিকে তাকাল। দেবী কি ঘুমিয়ে পড়লেন ?... পা দুটি, মাথাটি কি সামান্য তপ্ত ?

...আমি জানতাম উনি প্রজ্ঞার সন্ধানে যাবেন। আমি জানতাম। মাতা মহাপ্রজাবতী জানতেন। পিতা শুদ্ধোদন জানতেন। ...কতদিন দুজনে এ বিষয়ে কত কথা বলাবলি করেছি... রোহিণী নদীর জল নিয়ে কথায় কথায় সাক্ষ ও কোলিয়দের মধ্যে রক্তপাত ! আমাদের ভালো লাগত না। একেকটি গৃহের অন্তঃপুর বহু দাস, বহু নটীতে পূর্ণ, অতিরিক্ত ভোগ, অতি বিলাসের জীবনযাপন—কত অনর্থক...জীবন মহৎ কোনও কাজের জন্য নির্দিষ্ট আছে...জীবন কী ? কেন ?... এই পৃথিবীই বা কেন ? সবই ভাবতাম যুগ্মভাবে...সিদ্ধার্থ কেন একা গেলেন ? এখনও কেন তিনি একা যাচ্ছেন ? সুভগে বিসাখা— যশোধরা তো এখন ভিক্ষুণী, থেরী, যৌবন অতিক্রান্ত, থের সারিপুত্র সঙ্গে যান, থের মোগগল্লান সঙ্গে যান, তপ্ত, কিঞ্চিল এরা সঙ্গে থাকে, আনন্দ সর্বত্র সঙ্গে যায়—শুধু ভিক্ষুণী যশোধরার থেকে এত দূরত্ব রাখবেন কেন মুক্তপুরুষ ?

বিশাখা দেখল দেবী যশোধরার শরীর ক্রমশই তপ্ত হয়ে উঠছে। জ্বর আসছে। সে ধনপালীকে বৈদ্য ডাকতে পাঠাল। ক্রমশই জ্ঞান হারাচ্ছেন দেবী। শরীরের বর্ণ হয়েছে রক্তিম।—রাহুল, রাহুল তুমি সঙ্গে যাও। হ্যাঁ পিতার সঙ্গে। না বচ্চ, মা যায় না। মাকে যেতে দেই। মা-ই পালন করে, পত্নী-ই বহন করে কিন্তু পত্নীই সর্বাপেক্ষা বর্জনীয়া। সর্বাপেক্ষা...। অশ্রুট স্বরে কথাগুলি বলছেন, বিশাখা অতি নিকটে বসে আছে বলে শুনতে পাচ্ছে। বৈদ্য বললেন—এই ভৈষজ্য খাইয়ে দাও কল্যাণি, জ্বর নেমে যাবে। বিকারের অবস্থা কেটে যাবে।

আনন্দ আসছেন ক্ষিপ্র পায়ে।—জল, জল পান করুন দেবীকে, বৈদ্যবর, ভগবান বলছেন—প্রচুর জল, একটু একটু করে মিষ্ট জল খাওয়াতে হবে। জলই প্রাণ।

বিশাখা ধীরে ধীরে উঠে এলো। কোন প্রাণ ? কোন প্রাণকে জল দিয়ে বাঁচাতে হবে ?

সত্যকে পেতে হলে কত ত্যাগ করতে হয় ভগবান ! ধনে-জনে-প্রণয়ে পরিপূর্ণ জীবনের মাঝখানে আপনাকে বিধাদে পেলো কেন ? যদি মনে হয়েছিল সে জীবন সংকীর্ণ, আত্মসুখী, বৃহৎ সংসার হতে ৩৫৬

বিমুখ-বিযুক্ত তাহলে হলেন না কেন দৈবজ্ঞের গণনাফল সফল করে মহারাজাধিরাজ । সমগ্র জম্বুদ্বীপে এমন একজনও নেই যে আপনার নায়কত্ব অস্বীকার করত । তখন ওই প্রজ্ঞাবতী উদারহৃদয় ভার্যার সঙ্গে আলোচনা করে সমগ্র দেশের রাজনীতিক্ষেত্রে, সামাজিক নিয়ম-নীতির ক্ষেত্রে আনতে পারতেন অভাবিতপূর্ব পরিবর্তনসকল । আজ রাজস্বস্তিকে প্রভাবিত করে যেটুকু পারছেন তখন প্রত্যক্ষভাবে পারতেন তার শত গুণ । আজ ধনী শ্রেণীদের আশ্রয় করেছেন । তখন তারাই আপনার আশ্রয় নিত । রাজাকে তো আমরা ভক্তি, সম্মান, বিশ্বাস করতেই চাই, চাই আজ্ঞাপালন করতে । কোথায় তেমন প্রজ্ঞানিষ্ঠ, নিরোভ, বুদ্ধিমান, বীর্যবান রাজা ? হে ভগবন তথাগত, আপনার অলোকসামান্য শক্তি দিয়ে শুধু ভিক্ষাজীবী সৃষ্টি করে গেলেন । যা পূর্ণ ছিল তা শূন্য হয়ে যাচ্ছে । যা শূন্য আছে তা হচ্ছে শূন্যতর । বিপুল এক বিনাশ—এই-ই কি সত্য ?

—ভস্তু, বিসাখাকে আমরণ সংঘে অষ্টবিধ দান দেবার অনুমতি দিন ।

—সে কি বিসাখা, এই তো ক দিন আগেই ভিক্ষুগীদের জন্য কত কী দানের ব্যবস্থা করে গেলে । আবার কী ? কী কী অষ্টবিধ দান শুনি ?

—আমরণ পঞ্চশত ভিক্ষুর আহার দেবে বিসাখা । দেবে পীড়িত ভিক্ষুদের ঔষধ, শুশ্রূষাকারীদের পোষণ করবে, সে যে খাদ্য দেবে ভগবান তথাগত তার অংশ গ্রহণ করবেন, প্রতি বৎসর পঞ্চশত ভিক্ষুকে বর্ষাকালীন বস্ত্র ও কণুপ্রতিচ্ছাদন বস্ত্র দান করবে, সংঘে যা যা ঔষধ লাগে সবই দেবে উপরন্তু ।

—বিসাখা, সংঘের সেবা সবাই করতে চান, সে ক্ষেত্রে যদি একা কাউকে এত ভার দেওয়া হয় তাহলে অন্যদের মনে ব্যথা লাগতে পারে । এত দান করতে কেন চাও বিসাখা । যশস্থিনী হবে ?

—ইহলোকে যশের প্রত্যাশী নই প্রভু, পরলোকে সুখস্থিতির জন্যও উদ্বিগ্ন নই ।

—তবে ?

—ভগবন, বিসাখা প্রব্রজ্যা নিতে পারেনি, প্রব্রজিতের সেবা করে প্রব্রজ্যার আনন্দের অংশ পেতে চায় ।

—আর ?

—ভগবন, নির্বাণপদ লাভ করার জন্য কত দেশ, কত ভিন্ন ভিন্ন অবস্থার ভিন্ন বয়সের মানুষ সংঘে আশ্রয় নিচ্ছেন । সারাদিন যদি আহারের জন্য উদ্বেগে কাটে তাঁরা ধ্যান করবেন কখন ? সদালোচনা করার সময়ে, উপদেশ শোনবার সময়ে পিণ্ডপাত্রে মন পড়ে থাকবে । শাবস্তীতে থাকা-কালীন তাঁদের কষ্ট এইটুকু লাঘব করতে চাই ।

গৌতম হাসলেন, বললেন— তথাগত এক দিক থেকে তাদের গৃহসীমার থেকে বাইরে বার করছেন, মিগারমাতা কি আরেক দিক থেকে তাদের অন্যতর গৃহে প্রবেশ করাবেন ?

—ভগবন মায়ের কাজই তো তাই । তা ছাড়া আপনিই তো কৃষ্ণ নিবেদন করেন । দূর দেশ থেকে কত ভিক্ষু-ভিক্ষুণী সাবথিতে আসবেন । কিছু জানেন না, চেনেনও না । বিসাখার গৃহে তাঁদের জন্য নিশ্চিন্ত অন্ন থাকবে, থাকবে নিশ্চিন্ত ঔষধ ।

—আর ?

—ভস্তু দূরদেশে কোনও ভিক্ষু মারা গেছেন সংবাদ পেলে তথাগত তাঁর প্রসঙ্গে স্কন্দাগামি ফল, অনাগামি ফল ইত্যাদি ব্যাখ্যা করেন । তখন বিসাখা জিজ্ঞাসা করবে ওই ভিক্ষু কখনও সাবথিতে এসেছিলেন কি না । যদি শোনে এসেছিলেন, তাহলে সে বুঝবে তার দেওয়া বস্তু তিনি পরেছিলেন, তার অন্ন তিনি গ্রহণ করেছিলেন—জানতে পারলে বিসাখার ভালো লাগবে, খড় ভালো লাগবে ।

তথাগত স্মিত মুখে বললেন— তবে তাই হোক ।

বৈশাখী পূর্ণিমা । বিশাখার জন্মদিন । সে চন্দন জলে স্নান করে চন্দন বর্ণের বসন পরল । তারপর পরল মহালতাপসাদন । এই অলঙ্কার আজকাল বিশাখার সময়ে পরে না । পরে বিশেষ কোনও উৎসব থাকলে বা রাজপ্রাসাদে গেলে । তার সব সময়ে ব্যবহারের জন্য মিগার অন্য একটি অলংকার করিয়ে দিয়েছেন । ঘনমট্ঠক । সেটিই পরে সে । আজ মহালতা পরবামাত্র তার সর্বাঙ্গ ঝলমলিয়ে উঠল । ধনপালী মাথার ওপর ময়ূরমুখটি ভালো করে বসিয়ে দিয়ে বলল- অনেকদিন

পরে তোমাকে বিস্বাসভঙ্গ বলে চেনা যাচ্ছে। প্রসাধনকক্ষ থেকে বেরিয়ে আসতে হর্ষ ও মিত্র ছুটে এলো। তারা ময়ূরের পালকগুলি টানাটানি করছে। বিশাখা ভূষণ বাঁচিয়ে দুই কোলে দুজনকে তুলে নিল।

ধনপালী হাত বাড়িয়ে বলল— মা সংঘে যাচ্ছেন। তোমরাও বৃষ্টি যাবে ?

তৎক্ষণাৎ কোল ছেড়ে নেমে এলো দুজনে— না, না, আমরা খেলা করবো।

—ভালো, ছোট ভয়টিকেও খেলতে নিও।

হর্ষ বলল— ও খেলা জানে না।

মিত্র বলল— শুধু কাঁদে।

—হাসে না ? —বিশাখা জিজ্ঞেস করলো।

—ও আমাদের কন্দুক, পুস্তুল সব নিয়ে নিতে চায় মা, না দিলে কাঁদে।

মিত্র বলল— প্রহারও করে। মা, ও আমার হাতে দাঁত বসিয়ে দিয়েছিল।

—কই দেখি ? ধনপালী মিত্রর হাত পরীক্ষা করে বলল— জানো তো বচ্চ, শিশুতে হাত কামড়ালে হাত শক্ত হয় !

—তাহলে মা ওই তীর-ধনুক ছুঁড়তে পারবো ?

মিত্রর ছোট্ট আঙুল অনুসরণ করে বিশাখা দেখতে পেলো প্রাচীরের নাগদন্ত থেকে বুলছে তার সেই বিবাহের উপহার সোনার তীর-ধনুক। অনেক দিন থেকে এর ওপর লোভ বালক দুটির। সে হঠাৎ মনস্থির করে ফেলল। নাগদন্ত থেকে তীর-ধনুকটি তুলে নিয়ে বলল— বচ্চ, এই তীর-ধনু নিলে কিন্তু বীর হতে হয়।

—হবো মা, আমরা বীর হবো।

—ন্যায়নিষ্ঠ হতে হয়।

—হবো, আমরা ন্যায়নিষ্ঠ হবো।

—তাহলে নাও— সে তীর-ধনুকটি মিত্রর হাতে দিয়ে বলল— দুজনেই অভ্যাস করবে।

বিশাখা সংঘে চলে গেল। দেশনা-স্থলে যাবার আগে সে সযত্নে মহালতাটি খুলে রাখল। প্রশস্ত আলিন্দ আছে বিহারে, অনেকেই সেখানে অস্ত্র, উপান, ভূষণ, বর্ম খুলে রেখে যান।

দেশনা-অস্ত্রে সে দ্রুত আলিন্দ পার হয়ে শিবিকায় উঠল। ধনপালী একবার তার মুখের দিকে তাকিয়ে কী বলতে গেল, বিশাখা তার হাত দুটি চেপে ধরল শক্ত করে। কিছুক্ষণ পর পেছন থেকে একটি অল্পবয়স্ক সাধবিহারিক ছুটে ছুটে আসছে দেখা গেল।

—শিবিকা থামান, শিবিকা থামান।

শিবিকা থামলে বালকটি বলল— ভদ্রে, আপনার অলঙ্কার ফেলে এসেছেন যে। মহামূল্য বস্তু তাই আমার আচারিয় সমন আনন্দ তুলে রেখেছিলেন।

বিশাখা মুখ বাড়িয়ে বলল— বচ্চ, সমনকে বলো, তিনি একবার যা গ্রহণ করেছেন বিশাখা কি আর তা ফিরিয়ে নিতে পারে ?

বালকটি বিপন্ন মুখে বলল— না আপনি চলুন ভদ্রে, আমি তিরস্কৃত হবো। সমনরা রুষ্টেন— এ একেবারে শিশু, কোনও কাজই সম্পন্ন করতে পারে না।

বিশাখা হেসে বলল— বচ্চ তুমি তো শিশুই। তুমি বৃষ্টি ডেবেছো এখনই একেবারে স্থবির হয়ে গেছো ? ফিরে যাও, বলবে আগামীকাল বিশাখা এসে সব সমাধান করে দেবে।  
বালকটি ছুটে ছুটে ফিরে গেল।

দেশনা-স্থলের মাঝখানে মহালতাটি রাখা। বুদ্ধ বসে আছেন তাঁর বেদীতে। পাশে অপরাধীর মতো মুখ করে শ্রমণ আনন্দ। বিশাখা দেখল বিহারের সব শ্রমণই প্রায় সমবেত হয়েছেন প্রাঙ্গণে।

সে বুদ্ধ তথাগতকে প্রণাম করে উঠে দাঁড়াতেই তিনি বললেন— বিশাখা, সমন আনন্দকে বিপন্ন করছো কেন কল্যাণি, তোমার অলঙ্কার ফিরিয়ে নাও।

বিশাখা সর্কৌতুকে বলল— সামান্য অলংকারের জন্য শুধু সমন আনন্দ কেন, স্বয়ং তথাগতও

তো বিপন্ন হয়ে পড়েছেন দেখছি। কিন্তু প্রব্রজিত ভিক্ষুর স্পর্শ পড়েছে যাতে সেই অলংকার গৃহে ফিরিয়ে নিয়ে গেলে আমার যে দণ্ডাপহরণের অপরাধ হয়।

আনন্দ বললেন— কিন্তু আমি তো ও অলংকার গ্রহণ করিনি কল্যাণি।

—আপনারা কি দান স্পর্শ করেই গ্রহণের সম্মতি জানান না ?

—এ তো দান নয় ?

বুদ্ধ বললেন— স্বর্ণ-রৌপ্য এ সব গ্রহণ করার অনুমতিও নেই কোনও সমনের।

—সমন না নেন, সংঘ নিন।

—সংঘই বা নেবে কেন ?

—তাহলে অনুমতি করুন ওই অলংকার আমি বিক্রয় করি। যা অর্থ পাওয়া যাবে তাই দিয়ে একটি বিহার হবে।

—সাবস্থিতে জেতবনই তো যথেষ্ট প্রশস্ত বিহার।

—ভগ্নে, বিশাখা নন্দ্রস্বরে বলল— ভিক্ষুগীদের জন্য তো তেমন কোনও বিহার নেই... আপনি যে নিয়ম করেছেন ভিক্ষুগীরা ভিক্ষুসংঘের আশ্রয়ে থাকবেন অথচ একত্র থাকবেন না, তেমনই ব্যবস্থা থাকবে নতুন বিহারে। থেরীরা থাকবেন তাঁদের সার্থবিহারিকাদের নিয়ে। থেরী খেয়া, থেরী মহাপ্রজাবতী, সমনা উপ্পলবননা, সমনা ভদ্দা, সমনা মিস্তা থেরী যশোধরা... আর...

...ভগ্নে যেমন জেতবনে অবস্থান করে অজ্জ সুদত্তকে ধন্য করেছেন তেমন মিগার মাতার বিহারে অবস্থান করেও...

—সম্মতি দিন ভগবন— সারিপুত্ত মৃদুকটে বললেন, না হলে এই চতুরা কন্যা আপনাকে ছাড়বে না।

তথাগত প্রশান্ত নয়নে কিছুক্ষণ চেয়ে রইলেন বিশাখার দিকে। কিন্তু বিশাখা চোখ নিচু করে আছে। তখন তিনি চোখ নিম্নালিত করে বললেন— তবে তাই হোক।

মহালতা ক্রয় করবার মানুষ পাওয়া গেল না সমগ্র শ্রাবস্তীতে। যাঁরা বিপুল মূল্য দিয়ে কিনতে পারতেন তাঁরাও কেউ কন্যা বিশাখার অলঙ্কার নিতে চাইলেন না। তখন বিশাখা নিজেই নবতি কোটি সুবর্ণ দিয়ে সেই অলঙ্কার ক্রয় করলে নিল। শ্রাবস্তী নগরীর পূর্ব দিকে বিস্তৃত ভূখণ্ডের ওপর অনুপম বিহার উঠতে লাগল। সমগ্র অঙ্গ-মগধ-কোশল থেকে শিল্পীরা আসতে লাগল দলে দলে। বিশাখার সখী সুপ্রিয়া, অনোপমা, সুভদ্রা— এঁরা প্রার্থনা করলেন কেউ সোপান দেবেন, কেউ অলিন্দ দেবেন, কেউ গন্ধকুটির সম্মুখস্থ চত্বালের প্রস্তর দেবেন। বিশাখা সব স্বীকার করে নিলেন। কারণ আশ্চর্যশিল্পার তো ওই বিহার নির্মাণের কারণ ছিল না।

এইভাবেই গড়ে উঠল অনুপম প্রাসাদোপম পূর্বরাম মহাবিহার, যাকে শ্রমণ-শ্রমণারা আদর করে বলতেন মিগার মাতৃ প্রাসাদ, সন্তানের সুখস্বাস্থ্য বিধানের সময়ে মায়ের যেমন কিছুই দৃষ্টি এড়ায় না, এই প্রাসাদের পরিকল্পনাতেও তেমনি। তাই পূর্বরাম মাতার প্রাসাদ। মাতার প্রাসাদ।

দাস জহু এসে জানাল - দুজন মান্য অতিথি এসেছেন। তিথ্য লিখতে ব্যস্ত ছিল। সে তার অভিজ্ঞতাগুলি লিখে রাখে। স্থান কালের উল্লেখ করে না, পাত্রও ছদ্মবেশে থাকে। সে লেখে কতকটা প্রবচনের আকারে। মহারাজ পসেনদির সামিথ্যে এসে তার বহু শিক্ষা হল। এই রাজা অত্যন্ত উচ্চশিক্ষিত, জন্মসূত্রে পেয়েছেন এক বিরাট রাজ্য। স্বভাবে সন্ধিংসু। কিন্তু এর চিন্তে কেমন একটা বিভ্রান্তি। ইনি নিজেও তার সংবাদ জানেন না। রাজ্যের চেতনার দুটি দিক থাকা উচিত অধিকার ও কর্তব্য। এর যে সে চেতনা নেই তা নয় কিন্তু দুটিতে কেমন স্থানবদল হয়ে যায়। অধিকার গুলিকে ইনি অনেক সময়ে কর্তব্য মনে করেন এবং কর্তব্যগুলিকে অধিকার। সন্ততি নামে এক সৈনিক না ছোট অমাত্য দস্যুদমন করে এসেছে, ইনি রাজদণ্ডটি সাতদিনের জন্য তার হাতে তুলে দিলেন। এই নাকি তার পুরস্কার, এটাই রাজ্যের কর্তব্য। কেউ কখনও এ-ন কথা

তনেছেন ? সে কী অবস্থা ! অমাত্যরা সব ফুঁসছেন । রাজ্যে অরাজক অবস্থা । মহারাজ পসেনদি অদর্শন । গোপনে কোথায় চলে গেছেন কেউ জানে না । ওদিকে আবার তাঁর এমন অদ্ভুত লোভ যে সুন্দরী নারী, সুন্দর বস্তু, ধন ইত্যাদি, সে রাজ্যের যেখানেই থাকুক যারই থাকুক, যদি মনে করেন চাই, অমনি রাজ্যের অধিকার প্রয়োগ করে নেবেনই তা । এক বৃদ্ধ শ্রেষ্ঠী মারা গেলেন । তাঁর পুত্র সমুদ্র বাণিজ্যে গেছে । পাঁচ বৎসর হল তার কোনও সংবাদ নেই । পসেনদি সেই শ্রেষ্ঠীর সব ধনই রাজকোষে পুরলেন । শ্রেষ্ঠীর যুবতী পুত্রবর্ধটিকেও । মহারানী মল্লিকার সঙ্গে প্রচণ্ড কলহ হল । শ্রেষ্ঠীর পুত্রবধুকে দেবী মল্লিকা পটুমহিষী মগধকুমারীর প্রাসাদে পাঠিয়ে দিয়েছেন । ষষ্ঠ বৎসরে শ্রেষ্ঠীপুত্র এসে উপস্থিত । পসেনদি কিছুতেই তার পিতৃধন দেবেন না । অবশেষে গৌতম বৃদ্ধর মধ্যস্থতায় শ্রেষ্ঠীপুত্র তার ধন এবং বধু পেলো ।

রাজার অধিকার ও কর্তব্য বিষয়েই সে কতকগুলি প্রবচন লিখে রাখছে এখন । তক্ষশিলা বা বারাগসীর শিক্ষাই সব নয় । অথচ একসময়ে সে ভেবে ছিল এই শিক্ষা এক সামগ্রিক শিক্ষা । তার নিজের ক্ষেত্রে যে এই শিক্ষা কত কাজে লেগেছে । কিন্তু পসেনদির ক্ষেত্রে তো তা কই লোভ অসংযমের বীজটি নির্মূল করতে পারেনি !

হঠাৎ তার দুই কানে শব্দের ধ্বনি হল । তিষ্য চমকে একেবারে লাফিয়ে উঠেছিল । সামনে দুটি বালিকা হেসে গড়াগড়ি খাচ্ছে । বজিরা ও মল্লিকা । বা বজ্জি ও মল্লি ।

তিষ্যকুমার চোখ পাকিয়ে বলল- রাজকুমারীদের এ কী ব্যবহার ? বজ্জির বয়স বছর আটেক হবে মল্লি একটু বড় ।

দুজনে তিষ্যর কোলের কাছে এলো । মল্লি বলল - রাজকুমারীদের বুঝি কেউ চোখ পাকিয়ে ভয় দেবায় ।

— শিক্ষা দেবার জন্য প্রয়োজন হয় ।

বজ্জি বলল — আমাকে কাঁধে তুলে, তোম্বর গেহের ছাদে নিয়ে চলো না পাঞ্চাল । আমি নদী দেখব ।

— ওই তো গবাক্ষ আছে । যাও গিয়ে দেখো ।

— ওখান থেকে নয়, অনেক উচ্চ স্থান থেকে দেখব ।

— তাহলে তো বৃক্ষশাখায় উঠতে হয় বজ্জি । বাঃ বেশ ভালোই লাগবে দৃশ্যটি ।

— কেন ? এ কথা বললে কেন ?

তিষ্য বলল— চেয়ে দেখো অদূরে ওই বটবৃক্ষটির দিকে ।

বটগাছটির শাখায় কতকগুলি বানর নিশ্চিন্তমনে বসেছিল । শ্রাবস্তী, সাকেত, অযোধ্যা, সমগ্র কোশলদেশই বানর ও হনুমানের জন্য বিখ্যাত ।

বানরগুলির দিকে চেয়েই মল্লি বলল— ও আমাদের বানরী বললে ? দেখাচ্ছি তোমাকে দাঁড়াও ।

দুই ভগ্নী দুদিক থেকে তিষ্যর ওপর নানা প্রকারের প্রহার বর্ষণ করতে লাগল । তিষ্য হাসিমুখে প্রহারগুলি সহ্য করতে লাগল ।

একটু পরে থেমে গিয়ে মল্লি বলল— এই নাকি তুমি বীরপুরুষ ! এই নাকি তুমি মন্ত্রবিদ্যা জানো-। কিছু জানো না ।

— কী করে বুঝলে ?

— আমরা এতো প্রহার করলাম কিছু করতে পারলে ?

— নাঃ । অতি বীর যোদ্ধা যোদ্ধীদের কাছে তিষ্য আগে থেকেই পরাজয় স্বীকার করে নেয় ।

তখন দুজনেই রণে নিরুসাহ হয়ে পড়ল । তবে তাদের সঙ্গে নিয়ে তিষ্যকে প্রাসাদচূড়ায় উঠতেই হল ।

— পাঞ্চাল, — বজ্জি বলল — তুমি নাকি বেসালি যাবে ?

— যাবো ।

— আমাকে নিয়ে যাবে ?

— কেন ?



— আমি মাতুলগেহে যাবো। কপিলবধু। মল্লি যখন মাতুলগেহে যায়, ওর অজ্ঞা-মা, মল্ল-পিতা, মাতুল সব কত আদর করেন। আমি কপিলবধু যাবো....

— সে যে অনেক দূর বজ্জি !

বেসালি তো আরও দূর। তুমি যাবার পথে কপিলবধুর তোরণে দাঁড়িয়ে বলবে— অজ্ঞ মহানামা, অজ্ঞ মহানামা— আপনার দৌহিত্রী এসেছে দেখে যান। তখন সাক্ষরকা সবাই গিয়ে সংবাদ দেবে অজ্ঞপিতা ছুটতে ছুটতে আসবেন। মল্লির মাতামহর মতো দুহাত বাড়িয়ে।

তিনি আমাকে কোলে নিলেই তুমি তাঁকে অভিবাধন করে বেসালি চলে যাবে।

মল্লি বলল— বা, তুই বুঝি পাঞ্চালকে একটা দিনের জন্যও কপিলবধুর মাতুলগেহে থাকতে বলবি না। তোর মাতামহ বুঝি বলবেন না ! কপিলবধু থেকে বেসালি কত দূর জ্ঞানিস' পাঞ্চালের দেহ মূলধূসর হয়ে যাবে, ঘোড়াগুলোর মুখ দিয়ে ফেনা উঠবে, তাদের বুঝি বিশ্রামের শ্রয়োজন নেই ? ওধু নিজের কথাই ভাবছিস ?

ছোট্ট বজ্জি লজ্জা পেয়ে বলল— না তা বলিনি। মাতামহ তো পাঞ্চালকে আতিথ্য নিতে যাবেনই। কত শঙ্খ বাজবে। মাতুলানীরা সব আসবেন, কিন্তু তখন কি আর পাঞ্চালের দাঁড়াবার সময় আছে ? তাই ভাবছি।

মল্লি বলল— ওই দ্যাখ, দ্যাখ— বীরিয় যাচ্ছে। পাঞ্চাল, বীরিয়কে ডাকো না।

তিষ্য দেখল কিশোর রাজকুমার বীরিয় অচিরবতীর তীরে দাঁড়িয়ে আরও দুতিন জন কিশোরের সঙ্গে কথা বলছে। এদের মধ্যে মহামাত্র উগ্রর পৌত্র সুষণেকে সে চিনতে পারল। অন্যগুলি মচেনা। ভারি চমৎকার এই বীরিয় কুমারটি। শীল কাকে বলে একে দেখে শিখতে হয়। আকৃতিও গাক্যদের মতো। কাঞ্চনগৌর, সুমসৃণ ত্বক। অতি সামান্য শুষ্করেখা দেখা দিয়েছে। মনে হয় গীরিয় শ্রমণ আনন্দর মতো সুন্দর পুরুষ হবে। তবে নিয়মিত ব্যায়ামে, অস্ত্র চালনায় তার দেহ গ্যায়ামপুষ্ট, গৌতম বন্ধুর মতো সে সিংহকটি। পিতা পসেনদির সঙ্গে তার কোনও সাদৃশ্যই নেই। গীরিয় সবে তক্ষশিলা থেকে এসেছে। এখনও তিষ্যর সঙ্গে ভালো পরিচয় হয় নি। কিন্তু দূর থেকে গীরিয়কে দেখে শুনে তিষ্য আকৃষ্ট হয়েছে। মল্লি ইতিমধ্যে একটি শঙ্খ এনে বাজাতে আরম্ভ করেছে।

শঙ্খধ্বনিতে আকৃষ্ট হয়ে বীরিয় এবং তার সঙ্গীরা মুখ তুলতেই দুই বালিকা ভগ্নী তাকে উচ্চৈঃস্বরে ডাকতে লাগল। তিষ্য তৎক্ষণাৎ নিচে নেমে গেল, রাজকুমারকে তো শুধু আসতে বললেই হয় না। তাকে প্রতুদগমন করে নিয়ে আসতে হয়। বীরিয় তার সঙ্গীদের কী যেন বলে তিষ্যর গৃহের দিকে ফেরল, দেখল তিষ্য স্বয়ং দাঁড়িয়ে রয়েছে, পেছনে তার দ্বাররক্ষী।

— আপনি পাঞ্চাল তিষ্য, নয় ? রাজকুমারের কণ্ঠস্বরটি ঠিক তাড়া তাড়া। চোখদুটি অনাবিল।

তিষ্য হাসিমুখে ঘাড় নাড়ল।

— বানরীদুটি এখানে কী করছে ?

পেছন থেকে কলকল ধ্বনি উঠল। তুমিও, তুমিও তাহলে বানর বীরিয়, তারা বীরিয়কে প্রহার করতে উদ্যত হয়েছিল, বীরিয়ও আশ্চালন করছিল। কিন্তু তিষ্য মধ্যস্থতা করে থামিয়ে দিল।

— একদিনে একজন বীরপুরুষকে পরাস্ত করাই যথেষ্ট বজ্জি।

বজ্জি বলল— তোমার ওইসব চতুর সুহৃৎদের সঙ্গে কী এতো কথা বলছিলে বীরিয় ?

তিষ্য বলল কুমারকে ভেতরে আসতে দাও আগে।

আসনশালায় বসে বীরিয় বলল— পাঞ্চাল, আমি মনস্থ করছি কপিলবধু যাবো। পিতা শীঘ্রই আমাকে নানারূপ দায়িত্ব দেবেন। শস্ত্রশিক্ষাও পূর্ণ হয়নি। তার আগে কপিলবধু ঘুরে আসব। প্রার্থ বন্ধুল বলছিলেন অসিচালনায় আপনার কাছে শিক্ষা নিতে। আপনি আজকাল নিয়মিত মল্লভূমিতে যান না ?

— কিছুদিন ব্যস্ত আছি। আমাকে বিশেষ কাজে বৈশালী যেতে হবে কুমার। তারই আয়োজনে একটু ব্যস্ত আছি।

— বৈশালী যাবেন ? তাহলে তো যাত্রাপথ একই। হে পাঞ্চাল, আমরা দুজনে একত্রেই যাত্রা

করতে পারি। আপনি আরও পূর্বে এগিয়ে যাবেন, আমি শাক্য ভূমিতে প্রবেশ করবো।

বজ্রিরা উৎসাহে লাফাতে লাফাতে বলল— আমি যাবো, আমি যাবো বীরিয়।

— দাঁড়াও আগে থেকেই লাফালাফি করো না। পিতা মাতা এঁরা কী বলেন, পুরোহিতরা কী বলেন দেখতে হবে না! কিন্তু পাঞ্চাল আমি কয়েকদিন আপনার সঙ্গে অসিক্রীড়া করার অনুমতি দিন। আর্ঘ দীঘকারায়ণের সঙ্গে মুশল যুদ্ধ আছে আমার কাল, দেখবেন না কি?

— নিশ্চয়। কিন্তু কুমার, মাতুলালয়ে যাবার সঙ্গে এগুলির সম্পর্ক কী?

বীরিয় ঈষৎ লজ্জিত, ঈষৎ গর্বিত মুখে বলল— শাক্যরা বীরপুরুষ। শুনেছি গৌতম তথাগতকেও কয়েকবার শস্ত্রপরীক্ষা দিতে হয়েছে। ভাগিনেয়র জন্যও যদি শাক্যরা অনুরূপ পরীক্ষার ব্যবস্থা করেন তাহলে তাঁদের এবং কোশলের গৌরব রক্ষা করতে হবে তো।

অতএব কয়েকমাস ধরে পাঞ্চালের কাছে কুমারের শিক্ষা ও অনুশীলন পর্ব চলে। তার পর পাঞ্চাল তিষ্য বৈশালী যায়। যায় কোশলকুমার বিরূঢ়কের সুনির্বাচিত, সুসজ্জিত সেনাদলের সঙ্গে। সে নিজে একাই যাচ্ছে। সমরসাজ নেই। মর্যাদাসাজ নেই। একমাত্র সঙ্গী বর্মের সঙ্গে লয় মহারাজ বিশ্বাসারের রাজনিদর্শন, মহারাজ পসেনদির রাজনিদর্শন, এবং মহারাজার কাছেও পত্র। সাকেতকুমার তিষ্য যেমন, মহানামা শাক্যও তেমন কোশলের প্রজা, কিন্তু কোশলপতি শাক্যদের রাজমর্যাদাই দ্যান। এইসব প্রায়-স্বাধীন জনপদাধিপতির নিষ্ঠ সমর্থন না থাকলে মহারাজ বিশ্বাসারের স্বপ্ন সফল হবে কী? দৈবাত চণকের মতো তিষ্যও বিশ্বাস করে মুষ্টিমেয় রাজার প্রচেষ্টায় জন্মুদ্বীপে কোনও সংঘশক্তির উত্থান হতে পারে না। তাই পাঞ্চাল তিষ্য কপিলবস্ত্র যাচ্ছে।

শাক্যভূমিতে পা রেখে ঘোড়াগুলির পিপাসা পায়। অস্বারোহীদের বিশ্রাম নিতে ইচ্ছা করে। বীরিয় এসে বলে— পাঞ্চাল, আমি কোন ধূসর হয়ে গেছি দেখুন! কী ধূলি। আচ্ছা, এখনই কি বেশ পরিবর্তন করে নেবো? আচ্ছা পাঞ্চাল, শাক্য কন্যারাও তো শুনেছি অতি সুন্দরী।

তিষ্য হেসে বলে— আমি দেবী যশোধরাকে দেখি নি। তবে বীরিয়, শ্রমণ আনন্দ, খের নন্দ এঁদের দেখলে মনে হয় বটে এঁদের কুলের কন্যারাও অনুরূপ। গৌতম বুদ্ধর কথা না হয় মহাপুরুষ বলে ছেড়েই দিলাম। তা তুমি কি শাক্যকন্যা লাভের গোপন উদ্দেশ্য নিয়েই কপিলবস্ত্র যাচ্ছে?

বীরিয় লজ্জা পেয়ে যায়, বলে, কী যে বলেন পাঞ্চাল! মাতুলগৃহে যাচ্ছি, অপরিচিত নারীকুল। তাঁদের সামনে গিয়ে দাঁড়াতে হবে তো! তা ছাড়া আমি তো ভাগিনেয় আমার কি শাক্যকন্যা লাভের উপায় আছে?

তিষ্য বলল— নেই কেন? গৌতম নিজেই তো বিবাহ করেছিলেন তাঁর মাতুল কন্যাকে। অন্তর্বিবাহ তো শাক্য লিচ্ছবি এঁদের মধ্যে যথেষ্ট চলে। তা ছাড়া শাক্যকন্যারা সকলেই নিশ্চয় তোমার মাতুলকন্যা নয়।

— তাহলে মা কেন আসার সময়ে আমাকে বারবার সতর্ক করে দিলেন? বীরিয় অন্যমনা হয়ে বলে।

— কী বলেছেন দেবী? — তিষ্য সম্ভরণে অধিক কৌতূহল প্রকাশ না করে বলে।

— মা তো আমাকে আসতে দিতেই চাইছিলেন না বজ্জিকে তো একেবারেই অনুমতি দিলেন না ভগবান তথাগতর আশীর্বাদ নিতে গিয়েছিলাম, মা বললেন ভগ্নে বীরিয়কে একটু বলুন তো ও যেন আবার ওর পিতার মতো শাক্যকন্যা বিবাহ করবার জন্য পীড়াপীড়ি না করে ভগ্নবান স্মিতমুখে নীরবে ছিলেন। মা আবার বললেন

— তুমি রাজকুমার, ভবিষ্যতে শাক্যদেরও অধিপতি হবে, শাক্যকন্যাদের দিকে দৃষ্টি দিলে, ভবিষ্যৎ-রাজার সম্পর্কে তাঁদের ধারণা ভালো হবে না বীরিয়। মা এমনি করে বললেন আমি যেন একটি নারী লোলুপ মর্কট।!

বীরিয়র মুখ অভিমানে থমথম করছে।

কপিলবস্ত্র প্রান্তীয় গ্রামটিতে যখন শিবির সংস্থাপন করা হল তখন আকাশে সূর্যের অন্তস্ত্রী। যোদ্ধাদের পর যোজন চোখের সামনে বিস্তৃত হয়ে রয়েছে। ধান্যের ক্ষেতগুলি শস্যভারে নুয়ে পড়েছে। শ্যামবর্ণ শিশুগুলিতে কাঁচা সোনার বর্ণ লাগতে আরম্ভ করেছে। একদল চিত্রল হরিণকে ৩৬২

কর্ষকরা তাড়া দিয়ে ক্ষেত থেকে বার করেছে। হরিণগুলি বাছুরের ভঙ্গিতে ক্ষেতের আলগুলি ডিঙিয়ে উঁচু ভূমিতে উঠল, তারপর তীব্র বেগে খুলো উড়িয়ে কোশলকুমারের শিবিরের পাশ দিয়ে বেরিয়ে গেল। পলায়নরত শেষ হরিণদুটিকে তীব্রবিন্দু করল বিক্রান্তের সঙ্গী সেনারা।

কর্ষকগুলি শিবির, লোকজন দেখে কৌতূহলী হয়ে এগিয়ে আসছে।

— সার্থ না কি ?

— না, সাবখির কুমার যান।

— কোথায় যান ভাই ? যুদ্ধযাত্রা মনে হয় ! দস্যু দমন না কী ?

— না হে। কুমার মাতুলগেহে যান। কপিলবন্থতে। কেন এদিকে দস্যুর উপদ্রব হচ্ছে না কি ?

— আপাতত দস্যু এই হরিণের দল। ক্ষেত্রের মধ্যে মঞ্চ বেঁধে সারা রাত পাহারা দিই তাতেও কখন যে দল বেঁধে ঢুকে পড়ে চোরের দল ! মার মার... লাঠি হাতে গ্রামজনের আবার তাড়া করে যায়। একটি হরিণ কোথায় লুকিয়ে ছিল, মুখ ভর্তি ধানের শিষ— পালিয়ে যাচ্ছে নিঃসড়ে।

কুমারের সঙ্গী সেনাদের শিবির সংস্থাপন হয়ে গেছে। তিনটি শিবির মোট।

একটিতে দুই কুমার থাকবেন। আর দুটিতে সঙ্গীসাথীরা সব। পাক-সাক হবে খোলা আকাশের তলায়। পাথরের টুকরো সন্ধান করছে কেউ কেউ উনান হবে। হরিণ দুটিকে পরিষ্কার করছে কয়েকজনে। ঝলসানো হবে। অগ্নিকুণ্ডের জন্য কাঠ সংগ্রহ হচ্ছে।

— শাক্যদের ভাগিনেয় কোনটি ভাই ?

— ওই যে কক্ষায়সের বর্ম পরা, কটিতে হাত রেখে শিবিরের দুয়ারের কাছে দাঁড়িয়ে আছেন ?

— ও যে কাকপক্ষধর কিশোর গো ! দুখের দাগ মুখ থেকে মোছে নি।

— যেমন তেমন নাকি ? তক্ষশিলা থেকে ফিরেছেন। পেটে বিদ্যে গজগজ করছে। লক্ষ্যভেদে নিপুণ একেবারে।

— আমরা ভেবেছিলাম ওই দীর্ঘ আকৃতির মানুষটিই রাজকুমার। তো উনি কে ?

— উনিও রাজার কুমার তবে সামখির নয় সাকেতের। পাঞ্চাল তিষ্য। তোমাদের এখানে যদি কোনও কিছু উপদ্রব থাকে তো ওঁকে ওঁদের বলতে পারো। ঈষৎ গর্বভরে বলল সৈনিক।

লোকগুলি পরস্পরের সঙ্গে মুখ চাওয়া-চাওয়ি করল। বলল— বলব ?

— বলো না ! উনি অতি সদাশয় লোক।

— কিন্তু কেমন গভীর। সন্ত্রম হয়। যদি রাগ করেন।

— বলেই দেখো না।

— সৈনিক গ্রামজনেদের নিয়ে যায়। তিষ্য তখন দূরবিসর্পী ধান্যে ধান্যে টই টন্বুর শ্যামল ক্ষেত্রের ধারে দাঁড়িয়ে অন্তর্দৃষ্টি দেখছিল।

— হে মহামান্য পাঞ্চাল —

— কে ? ও চিত্র ? কী ব্যাপার ?

— এই গ্রামজনেদের আপনার কাছে কিছু নিবেদন আছে।

— নিবেদন ? বলো, তিষ্য তার দিবান্বপ্ন ভেঙে বেরিয়ে আসতে আসতে বলে।

— আমাদের এখন ধান পাকবার সময়। বন্য পশুরা বড়ই ক্ষতি করে ক্ষেত্রের। হরিণ গুলিকে আমরা তাড়াই সারা রাত পাহারা দিয়ে। কিন্তু কিছু বরাহ আছে। দাঁতাল— হাতি আছে। এদের বড় ভয় করি।

— হাতির দল নেমেছে নাকি ?

— না, এখনও নামে নি। অতি চতুর। ধান আরও পাকলে নামবে।

— আর বরাহ ?

— বরা দুটো প্রত্যহই ঘোঁৎ ঘোঁৎ করে, রক্তচক্ষু একখানি দাঁড়, কিছু করতে পারি না কুমার।

তিষ্য এখন ধানক্ষেত এবং সূর্যের দিকে পিঠ ফিরিয়ে দাঁড়িয়ে আছে। তার পায়ের তলায় ভূমি সামান্য উন্নত। তার বক্ষে চর্মের বর্ম। পায়ে উৎকৃষ্ট অজ্জচর্মের উপানত। কটি থেকে লম্বমান কোষবদ্ধ তরোয়াল। সামনে নগ্নগাত্র লোকগুলি। মুখভাবে অনাবিল সরলতা ও সন্ত্রম। সেইসঙ্গে

আর্তি ।

তার মনের মধ্যে বিচিত্র একটি ভাব হল । যেন সে-ই রাজার কুমার । উপরাজ আপাততঃ । রাজ্য-পরিদর্শনে বেরিয়েছে । প্রজাদের অভাব অভিযোগের কথা শুনেছে ।

চিত্র নামে এই সৈনিক জানে—কুমার বিরুদ্ধক, সে নয় । তাদের নেতৃত্ব কোশলকুমারের, পাঞ্চাল তিষ্যর নয় । কিন্তু প্রথম প্রয়োজনেই তারা তিষ্যর কাছে এসেছে । লোকগুলির চোখে স্পষ্ট প্রশংসার দৃষ্টি । তার মনে হল কে ওই কোশলকুমার ? কেনই বা ও কোশলের মতো বৃহৎ রাজ্যের রাজা হতে চলেছে ? ওর প্রজারা তো ওর মধ্যে তাদের স্বাভাবিক আশ্রয় দেখতে পায় না ? তাহলে ? উত্তরাধিকার ? একটি চতুর নির্বোধ, অসংযমী কিংকর্তব্যবিমূঢ় রাজার উত্তরাধিকার ? যদি কোশলরাজের স্থানে থাকত সে, তিষ্যকুমার, যাকে আজকাল সবাই পাঞ্চাল তিষ্য বলছে, তাহলে কোশল হত না কি একটি জাগ্রত রাজ্য ? পসেনদিকে বাহুবলে সিংহাসনচ্যুত করা তার পক্ষে এমন কিছু কঠিন কাজ নয়, যদি বন্ধুল ও দীঘকারায়ণ বাধ্য না দ্যান ।

এ কী ভাবছে সে ? শরীরটি আপাদমস্তক ঝাঁকিয়ে এই ভাবনা থেকে নিজেকে মুক্ত করল তিষ্য । মুখের দু পাশে হাত রেখে সিংহনাদ করল । চমকে উঠল সবাই । তিষ্যর বুকের মধ্যে সন্তোষ, ভূপ্তি । চমকে ফিরে তাকাল বীরিয় । দ্রুত আসতে লাগল এদিকে । দেখল ক্ষুদ্র জনসমাবেশ ।

— কী হয়েছে পাঞ্চাল ?

এই কিশোরটি কেন কে জানে মাতুলালয়ের স্বপ্নে বিভোর । বংশ, কুল । এই কুল বস্তুটাকে এরা বড়ই গুরুত্ব দেয় । কী ভাবে একটি কুল প্রস্তুত হয় । যে ভাবে অন্য কুল গুলি হয়েছে সে ভাবেই তো ? এক কুলের মানুষরা কিছু গৌরবের কাজ করলে তখন কুলের খ্যাতি হয় । এইটুকু সে বুঝতে পারে । শাক্যকুমার সিদ্ধার্থ মৌলিক মত প্রচার করে কুলগৌরব বৃদ্ধি করেছেন । সত্য । কিন্তু আর কী আছে এই কুলের, যার জন্য এদের এতো দম্ব এবং অন্যদের এমন সন্ত্রম ? সিদ্ধার্থর আগেই বা কে কী করেছিল ? বীরিয়র মতো একটি তক্ষশিলক কেন নতুন চিন্তা করতে পারে না ?

— কী হয়েছে পাঞ্চাল ?

তিষ্য সামনের লোকগুলিকে দেখিয়ে বলল— এদের ক্ষেত্ররক্ষা করতে বরাহ মারতে হবে ।

— আপনি যে ভাবে সিংহনাদ করলেন, তাতে বরাহরা আজ আর এদিকে ঘেঁষবে বলে মনে হয় না— বীরিয় হাসতে হাসতে বলল ।

— হ্যাঁ বরাহগুলির আসবার সময় হলে যদি আ রও দু একটি নাদ করি, কয়েকদিনের মতো নিশ্চিন্ত থাকা যেতে পারে । কিন্তু তারপর ?

— তারপর ওরা আবার আসবে — লোকগুলি বলল ।

— অতএব বীরিয় তোমার ধনু নাও— পাঞ্চাল তিষ্য দ্রুত পদক্ষেপে শিবিরের মধ্যে অদৃশ্য হয়ে গেলেন । একটু পরে পিঠে তুণ, হাতে বিশাল ধনু নিয়ে বার হয়ে এলেন ।

সৈনিকরা পিছু পিছু আসছিল । তাদের নিষেধ করলেন পাঞ্চাল তিষ্য । হরধনু হাতে রামের মতো প্রবেশ করলেন মহাবনে । পেছনে লক্ষ্মণের মতো কুমার বিরুদ্ধক ।

— সেই আশ্চর্য রাতটির কথা জীবনে কখনও ভুলবেন না তিষ্যকুমার । যেমন সুন্দর পরিষ্কার, তেমনই উজ্জ্বল, নীলাভ সেই রাত । রক্তের মধ্যে কেমন একটা ঝিনিঝনি উগ্মাদন কেউ নেই নির্দেশ দেবার । দৈবরাত নেই, মহারাজ বিহিসার নেই, নেই বন্ধুল । সেই দলপতি । কোশলকুমার কিশোর বীরিয় তার আঞ্জাবাহী । গভীর রাতে মহাবন থেকে বারোবার মুখে যখন বিকট চিৎকার করে ভূপতিত হল দাঁতাল বরা, তার সঙ্গিনীকে আর একটি ছুঁতে তীরে বধ করল তিষ্য তখনই দেখা গেল বনের গায়ে জমট অঙ্ককারের মতো সারে সারে দাঁড়িয়ে আছে হাতি । নড়ছে না শব্দ নেই, শুধু ধূস্র কুণ্ডলীর মতো পাশাপাশি দাঁড়িয়ে আছে । অন্ধকার আলোয় তাদের পরিষ্কার দেখা যাচ্ছে । এক, দুই, তিন চার, বারোটির থেকে অল্প নয় কখনোই । দীনবসন কর্শকগুলি ভয়ে স্তম্ভিত । সেনাগুলির শরীর শক্ত হয়ে গেছে । নগর-সেনা সব, এমন বিপাকে আগে পড়েনি । বিরুদ্ধক বিভ্রান্ত । কী করবে বুঝতে পারছে না ।

ভীষণ সিংহনাদ বেরিয়ে এলো পাঞ্চাল তিষ্যর কণ্ঠ থেকে । সেই বিস্তীর্ণ প্রান্তরের মধ্যে দূরে ৩৬৪

দূরাণ্ডরে ছাড়িয়ে যেতে লাগল উপরুপরি সিংহনাদ। কয়েক মুহূর্ত থমকে দাঁড়াল হাতির দল। তারপর হঠাৎ দেখা গেল ধূসরকুণ্ডলী সরে গেছে, দেখা যাচ্ছে উন্নতশির বৃক্ষগুলির শীর্ষ। স্তম্ভ রাত সহসা বানরের চিংকারে ভরে গেল। চিচ্চিট সব থেমে গেছে। ঝালি জোনাকিগুলি জ্বলছে, নিবছে।

তিষ্য দেখল সে শূন্যে। তার দেহ সাপের মতো জড়িয়ে ধরেছে কিছু। পেছন থেকে একটি হাতি এসে তাকে কুস্ত্রে তুলে নিয়েছে। মাথার ওপর জাঙ্ঘল্যমান জ্যোতিষ্কগুলি ছাড়া তিষ্য কিছুই দেখতে পাচ্ছিল না। এক নিমেষের জন্য সে কিংকর্তব্য ভুলে গিয়েছিল। তারপর অতি দ্রুত তার মনে হল দুটি উপায় আছে, হাত দুটি মুক্ত। কিন্তু কটি পেঁচিয়ে ধরেছে হস্তিকুস্ত্র। মুক্ত হাত দিয়ে সে তুণ থেকে লৌহমুখ তীর বার করে রিধিয়ে দিতে পারে এই হাতির মাথায় চোখে, তাতেও বাঁচবে কি না সন্দেহ। আর একটি উপায়....? সে কোনক্রমে ডান হাতের তর্জনী ও মধ্যমা দিয়ে কুস্ত্রের একটি বিশেষ স্থানে নিবিড় চাপ দিল। কাজ হয়েছে, স্থলিত হয়ে যাচ্ছে কুস্ত্র? তিষ্যর মুখ দিয়ে নির্গত হয়ে আসছে এক শিসের মতো সুর, অবিকল যা শ্রাবস্তীর পথে দেবী সূমনা ও তাঁর কন্যা বিশাখার মুখে শোনা গিয়েছিল। তীব্র মাদক সন্মোহনে কপিলবস্তুর প্রান্তিক অরণ্যানী জানু মুড়ে বসে পড়ছে। হতচকিত সৈন্যদল। কুস্ত্র বেয়ে ধীরে ধীরে বিশাল হাতিটির পিঠে উঠে পড়ল তিষ্য। সে শুয়ে পড়েছে পিঠের ওপর। ঘুরে ফিরে শিসের শব্দ হাতিটির কানে আসছে। হাতিটি প্রায় শক্তিহীন। সৈনিকেরা দু পাশ থেকে ছুটে এলো, দলের অন্য হাতিদের চালিয়ে নিয়ে আসবে। বন্য হাতিটির পায়ের চার পাশে খেঁটা পোতা পায়ে লৌহ শৃঙ্খল পরানো, সবই যখন সম্পন্ন হল, তখন শেষ রাত। মহা সমারোহে বলসানো হচ্ছে বরা দুটি। গ্রামজনেরা কদলী গাছ সতৃপীকৃত করে রেখেছে হাতিটির সামনে। কদলীর মধ্যে মেশানো আছে তীব্র নিদ্রাকর্ষক ঔষধ।

শেষ রাতে নিভস্ত অগ্নিকুণ্ডের ধারে বসে সেই বলসানো মৃগমাংস, শূকর মাংসের ভোজ্য, সেনাদের সঙ্গে, শাক্য কর্ণকদের সঙ্গে, কিশোর বীরিয়কে পাশে নিয়ে, অতগুলি কণ্ঠে সম্মিলিত জয়ধ্বনি, পঞ্চাল তিষ্যকে লক্ষ্য করে, তীক্ষ্ণ সুরা ভাগ করে নেওয়া। তারপর পান ভোজনে তৃপ্ত সেই গ্রামবাসী সেই সৈনিকদের ঈষৎ উন্নত ঘোষণা আপনিই রাজা। আমাদের রাজা। যাঁকে দেখিনি, তিনি না, তিনি আমাদের দুঃখের নিরসন করতে এগিয়ে আসেন না। তেমন রাজা নিয়ে কী কাজ। হে পাঞ্চাল তিষ্য আমরা সাক্ষ জানি না, মল্ল জানি না কোসল জানি না। আমরা আপনাকে জানি....আপনি আমাদের রক্ষা করুন।

একদিকে গভীর অরণ্য আর একদিকে বিশাল শস্যক্ষেত্র। অসংখ্য জ্যোতিষ্কের আলোয় স্নান কবতে করতে এই প্রকারই হল পাঞ্চাল তিষ্যর রাজ্যাভিষেক। হৃদয়ের ছিন্ন ভিন্ন সূত্রগুলি জুড়ে যেতে থাকে। ভেতরে একটা গরিমাবোধ। বিপুল হর্ষ। যাদের প্রকৃত অধিকার সেই সামান্যজন তাঁকে রাজা নির্বাচন করেছে। তিনি যেন ফিরে গেছেন বহু শতক আগে যখন মহারাজ মহাসম্মত নিব্বাচিত হয়েছিলেন। রাজতন্ত্রের সেই আরম্ভ। শুধু প্রভুত্বের জন্য রাজা নয়। বিলাস, আত্মসুখ চরিতার্থ করার নাম রাজত্ব করা নয়। বহুজনকে নেতৃত্ব দিয়ে ভয়মুক্ত করে তাদের আনুগত্য শ্রদ্ধা ভালোবাসা নিজের কৃতি নিজের ব্যক্তিত্ব দিয়ে আকর্ষণ কবে তবেই রাজপদবী পেতে হয়। এবং সেই শ্রদ্ধা আনুগত্য ভালোবাসা রক্ষা করে যেতে হয় সদা জাগ্রত থেকে। কুল দিয়ে কী হবে? কুল বংশমর্যাদা এসব কুসংস্কার। আর ব্যক্তিমায়্যা? পাঞ্চালের কি ব্যক্তিমায়্যা অর্জন হয়েছে? এতদিনে? তাঁর মধ্যে কতকগুলি দৃঢ় সংকল্প জন্ম নিচ্ছে। এই মুহূর্তে।

বন্য হাতিটিকে পুরোপুরি বশ করতে হয় সাত দিন লেগে গেল। হাতি পিঠে রূপোর সাজ। সামনের দুই পায়ে লৌহ শৃঙ্খল। কুস্ত্রে চন্দনের পত্রলেখা। পাশে দলের সবচেয়ে সুন্দরী হস্তিনী। তাকে দেখাচ্ছে হাতি নয় যেন রাজা। রাজার চরণেও তো শৃঙ্খল থাকে থাকে না?

প্রত্যুষ। শিবির তোলা হচ্ছে। চার দিকে সাজসাজ রব। কুম্ভীর বিরাটকে নীলবর্ণ বসন পরেছে, উত্তরীয় টিতে গোরোচনা দিয়ে বলাক মালা আঁকা। কেশগুলি সযত্ন চর্চিত হয়ে কাঁধের ওপর পড়েছে। কানে কুণ্ডল, বাহতে অঙ্গদ, কণ্ঠে মুক্তামালা। বুক চিতিয়ে সে সৈন্যদের মধ্যে ঘুরে বেড়াচ্ছে। হাঁ রাজ কুমার বটে। রাজার কুণ্ডার। তিষ্যকে এগোতে দেখে গ্রীবা সামান্য বাঁকিয়ে

বিরুদ্ধক বলল—পাঞ্চাল, মনে হচ্ছে এখানে যেমন, সাক্ষীগণীতেও তেমনই আপনিই হবেন মুখ্য ।  
কুমার বিরুদ্ধকের মুখে কেমন এক প্রকার অপ্রতিভ হাসি ।

তিষ্য মুদু হেসে বিস্ময়ের চোখে তাকিয়ে বলল— তা কী করে হবে বীরিয় । তুমিই হলে তাঁদের ভাগিনেয় । তা ছাড়া আমি তো কপিলবস্তু যাচ্ছি না ।

— সে কী । আপনি যে বললেন রাজকার্য...

— এখানে হাতিটির জন্য কত বিলম্ব হয়ে গেল বীরিয়, বৈশালীতে সেনাপতি সীহ আমার জন্য অপেক্ষা করছেন । তুমি ওই নতুন হস্তী নীলাগ্রের পিঠে চড়ে যখন কপিলবস্তু প্রবেশ করবে, সিদ্ধার্থ গৌতমের চেয়েও অধিক অভ্যর্থনা পাবে । দেখো ।

নীলাগ্রকে আপনি জীবন বিপন্ন করে জয় করেছেন । হে পাঞ্চাল নীলাগ্র আপনার ।

— যদি আমার হয়ে তবে ওই হস্তিরাজকে আমি আমার প্রথম উপটোকন দিচ্ছি কোশলের ভবিষ্যৎ রাজা কুমার বিরুদ্ধক কে ।

সেনারা জয়কার দিয়ে উঠল । চোখে বিস্মিত সন্ত্রমের দৃষ্টি অদূরে কর্ষকগুলি তাদের সামান্য কট্টিবাস পরে এ ওর গায়ে হেলান দিয়ে দাঁড়িয়ে আছে । চোখে হতাশা, সামান্য তিক্ততাও বুঝি ! তিষ্যকুমার । তিষ্যকুমার আপনি নীলাগ্রকে নিন । এই অরণ্য নিন । নিন এই বিস্তীর্ণ ক্রেত্ৰগুলির ভার । আমরা আপনাকে কর দেবো ।

তারা মুখে না বললেও মনে মনে এই কথাগুলি বলছে, কী এক সহজ বুদ্ধিতে সমস্ত বুঝতে পারছিলেন পাঞ্চাল । হয়তো পারছিল কোশলকুমার বিরুদ্ধকও ।

১৫

অশান্ত বালকের মতো দুর্ধর্ষ বেগে ঘোড়া ছুটিয়ে গান্ধার ভবনে প্রবেশ করলেন চণক । অশ্বরক্ষক এসে দাঁড়াতেই রূঢ় ক্ষিপ্ৰতার সঙ্গে তার হাতে সমর্পণ করলেন চিন্তককে । চিন্তক ভূমিতে পা ঠুকে হ্রোষ্য করছে, প্রভুর এই ব্যবহার তার মনোমত নয় । চণক বৃক্ষেপ করলেন না । দাসদাসীরা ছুটে এলো, কোনক্রমে হাতমুখ ধুয়ে নিজের কক্ষে প্রবেশ করলেন ।

এ কোন সোমাকে তিনি দেখে এলেন ? অবাধ্য দুর্বিনীত । নাগরিক বাকচাতুর্যের আড়ালে হারিয়ে গেছে দেবরাতপত্নী জিতসোমা, তাঁর প্রিয় শিষ্যা, প্রিয়তমা ভয়ী । শুধু বাকচাতুর্য নয়, ব্যবহারচাতুর্যও বটে । অবাধ্যই কী ? না দুর্বোধ ? ঠিক দুর্বিনীত বলা যায় না, প্রকৃতপক্ষে কেমন অনমনীয়, তার ওপর আর কোনও প্রভাবই নেই যেন চণকের । তিনি কঠোর মধ্যে একটা রুদ্ধ আক্ষেপের শব্দ করতে লাগলেন, যা ঋনিকটা তর্জন ঋনিকটা কান্নার মতো শোনালো । যে কাভায়ান চণক সমগ্র মগধরাজ্য, অঙ্গরাজ্য ঘুরে ঘুরে জম্বুদ্বীপের রাজনীতিতে নতুন ইতিহাস সৃষ্টি করে এলেন, যিনি প্রত্যস্ত মগধ, সীমান্ত অঙ্গের সামান্য জনের না-বলা আশাহতাশার কাহিনী অত সহজে বুঝে ফেললেন, যিনি বিশ্বিসার থেকে আরম্ভ করে মেগু-ধনঞ্জয় পর্যন্ত বিভিন্ন প্রকার প্রভাবী পুরুষকে তাঁর নীতির সম্পর্কে প্রত্যয়ী করতে পারলেন, সামান্য একটি নারীর মুক্তি তিনি কিছুতেই ঘটাতে পারলেন না । ত্রায়, কেন তিনি সোমাকে ফেলে চলে গিয়েছিলেন ? যে কর্মভার নিয়েছেন, যা যা সম্পন্ন করছেন সবার পেছনে আছে অনিবার্যভাবে সোমার প্রেরণা । সে কাছে থাকলে, আরও কত পারতেন । সর্বচেয়ে বড় কথা সোমার সামনে জীবনের রুদ্ধ দ্বার খুলে যেত, উন্মুক্ত বিরাট কর্মময় জীবন যার মধ্যে নিজের জ্ঞানবুদ্ধির অধিকারে সে প্রবেশ করতে চেয়েছিল । সেই সাথ তার উত্তরাধিকার, পেয়েছে পিতার কাছ থেকে, পেয়েছে মাতার কাছ থেকে, চণক স্বয়ং সে সাথকে দিনে দিনে পুষ্ট করেছেন । চণকের কাছে যতটা গুরুত্বপূর্ণ 'রাজশাস্ত্র' ঠিক ততটাই গুরুত্বপূর্ণ সোমার জীবন । সোমার হৃদয় । সোমার ভবিষ্যৎ ।

অথচ সে শান্ত মুখে প্রদীপের সলতে উসকে দিতে দিতে বলল— ভবিতব্য জেট্ট । গণিকার ভবিতব্য নিয়ে জন্মেছি । মাঝে বিদুষী-বিদুষী, পুরুষী-পুরুষী বেলা খেলেছিলাম । আপনি দুঃখ করবেন না, আপনার হাত দিয়েই বিধাতা সোমাকে তার গণিকা ভবিতব্যে ফিরিয়ে দিলেন । আপনি ৩৬৬

তো উপলক্ষ্য । ...আর তা ছাড়া... সোমা সহসা মুখ তুলে তাকাল । তার চোখের মণিতে প্রদীপের প্রতিবিম্ব,— নৃত্য-গীত আমার রস্বে জেট্ট । আমি প্রতিনিয়ত নূতন সৃষ্টি করছি । কেউ তার শ্রুত অর্থ বুঝুক না বুঝুক, এই নৃত্যগীতের ভক্তজন রাজগৃহে বহু । যদি মনোমত শিষ্য-শিষ্যা পাই নূতন ধারার প্রবর্তন করে যাব । একটু থামল সোমা, তারপর ধীরে ধীরে বলল— আমার ভালো লাগছে ।

—কী ভালো লাগছে, এই নগরশোভিনী-বৃষ্টি ?

—নগরশোভিনী তো একটা বৃষ্টি নয় জেট্ট । মুক্ততার বেদীমূলে একটি সমাদরময় বিশেষণের অঞ্জলি !

—কার সমাদর সোমা ? সে সমাদরের পেছনে যে রিরংসার কদর্য ইঙ্গিত রয়েছে এ কথা নিশ্চয় দেবী দেবদত্তার কন্যাকে আজ নতুন করে মানে করাতে হবে না ।

দেবী দেবদত্তার গরিমাময় ভঙ্গিতেই উঠে দাঁড়াল তাঁর কন্যা । বলল— নৃত্যগীত আমার জননীর উত্তরাধিকার । কে তার কী কদর্য করে তা নিয়ে আর চিন্তা করি না দৈবরাত । আমার বিশ্বাসের সময় হল । আপনিও ক্লাস্ত । আজ এই পর্যন্ত ।

সোনার কাজ করা কাসিক দুকুলের উত্তরীয়টি গা থেকে টেনে খুলে ফেললেন চণক যেন বৃষ্টিক তাঁকে দংশন করছে । খুলে ফেলেও দংশন ছালা গেল না । এই বসন এই উত্তরীয় জিতসোমার উপহার । নিশ্চয় তার নিজের উপার্জন ! চণক কি গণিকাদের ঘৃণা করেন ? কই, না তো । শিশুকাল থেকে তাঁদের সমাজশরীরের একটি আবশ্যিক অঙ্গ বলে দেখে এসেছেন । প্রহ্ন ওঠেনি তখন । মনে কোনও প্রশ্ন ওঠেনি । সমাজোৎসবে দূর থেকে এই অপরূপাদের দেখে ক্লিষ্ট, মুক্ত বালক এক ধারে দাঁড়িয়ে থাকত । বালক তখন জানত না এর পেছনে কত বলাৎকার, প্রবঞ্চনা, অভিসন্ধির ক্রেদ আছে ! বড় হয়ে নগরশোভিনীদের ইতিবৃত্ত শুনলেন ধীরে ধীরে, এঁরা যে অলৌকিক স্বর্গের অনন্তযৌবনা চিরসুখী জন নন, জানলেন, ভালো করে কাছ থেকে দেখলেন দেবী দেবদত্তাকে, তারপর থেকে এঁদের জন্য একটা গভীর বেদনাবোধ, সম্ভ্রমমিশ্রিত ব্যথা তাঁর হৃদয়ে স্থান পেয়েছে । অন্যান্য নানা বিষয়ে অনুসন্ধান চালাতে চালাতে তিনি একটি অবধান দিয়ে এঁদের সমস্যার সমাধানের কথাও চিন্তা করেন । কখনও ঘৃণা করেননি, না হলে শ্রীমতীর কাছে জীবনের অর্থ খুঁজতে যেতেন না । কিন্তু আজ জিতসোমার বৃষ্টি, জিতসোমার উপার্জন তাঁর গায়ে ছালা ধরাচ্ছে কেন ? ভয়ী বলে ? না... ! চণক দু হাত দিয়ে মাথাটি ধরে নতমুখে বসে রইলেন বহুক্ষণ ।

তাঁর চোখ দুটি ঘরের চারধারে ভ্রমণ করতে লাগল ধীরে ধীরে, চোখের পেছনে দুটি নেই, মন নেই তাই দেখতে পাচ্ছেন না । অনেকক্ষণ পরে দীপশিখাটি কেঁপে উঠল । চণক দীপের আলো অনুসরণ করে দেখলেন একটি অপরূপ গজদন্তের পীঠিকা । তিনি উঠে দাঁড়ালেন । শিল্পদ্রব্যটি তাঁর মনোযোগ আকর্ষণ করল । কাছে গিয়ে দেখলেন, পীঠিকার ওপর একটি মণিময় থালী, তার ওপর অলংকার—দুশ্রাপ্য কালো মুক্তার কঠী, হীরকখচিত রত্নবলয়, নীলকান্তমণির কর্ণভূষা । সন্দেহ নেই এ সমস্তই জিতসোমার । এবং উপহার । কারো উপহার । সোমা এসব ফেলে গেছে । তিনি আরও দেখলেন সুবর্ণ মুকুর, স্ফটিকের পানপাত্র, রজতের দীপদণ্ড । কারও বা অনেকের উপহার সোমা ফেলে গেছে । কক্ষময় মৃদু, অতিমৃদু নারীগন্ধ পেলেন, নারীসঙ্গবিবর্জিত পুরুষরা যেমন গন্ধে সৌরভ কক্ষের অপ্রশস্ত শয্যার আচ্ছাদনে, উপাধানে, নাগদন্তে লহমান তাঁর বসনগুলিতে । সোমা কি 'পুষ্পলাবী' থেকে 'গান্ধার ভবন' নিয়মিত আসা-যাওয়া করে ? তিনি শ্রান্ত হইয়া শুয়ে পড়লেন এবং ধীরে ধীরে নির্ভুল বুঝতে পারলেন, তাঁর অনুপস্থিতিতে সোমা তাঁর কক্ষটি ব্যবহার করত, সম্ভবত এখানেই থাকত । বাতাসে কান পাতলে তিনি যেন শুনতে পাচ্ছেন তার মৃদু কঠ, সে আপনমনে শ্লোক আবৃত্তি করছে, শুনশুন করে গান গাইছে, দীর্ঘশ্বাস দীর্ঘ দীর্ঘশ্বাস । এই কক্ষ যেন তার বাতাসে ধরে রেখেছে সোমার কথা, ভাবনা, চিন্তা । কিন্তু তিনি শুধু মৃদু ধ্বনি শুনতে পাচ্ছেন, কথাগুলির মর্মোদ্ধার করতে পারছেন না । ভাবনাচিন্তাগুলি বিহঙ্গপক্ষের বাত্যাঘাতের মতো তাঁকে একটু একটু স্পর্শ করে যাচ্ছে মাত্র । তিনি ধরতে চাইলেই সেই স্পর্শভীরু বিহঙ্গগুলি পাখা মেলে উড়ে উড়ে যায় ।

নিদ্রা আসতে লাগল । চণক অস্পষ্টভাবে অনুভব করতে লাগলেন লোলা, সুতনা সেই একসালা

গ্রামের বালিকাগুলি, রাজপোতলি গ্রামের সেই মানুষগুলি, বনের মানুষ রগগা উদ্দক—এরা অনেক সুবোধ্য। এদের সঙ্গ যেন সদানীরায় স্নানের মতো। কিংবা বিশাল তৃণভূমির মধ্য দিয়ে চমৎকার মৃদুল বাতাসের স্পর্শ গায়ে নিয়ে হাঁটার মতো। শিক্ষা যেমন মানুষের চিত্তবৃত্তি পরিশীলিত করে তেমনি তাকে শেখায় সর্ববিষয়ে দ্বিচারণ, গোপনীয়তা। ক্রমশই যেন তিনি নাগরিক জটিলতার অনুপযুক্ত হয়ে যাচ্ছেন। স্বপ্নের মধ্যে লোলা তাকে কুম্ভাষপিণ্ড নিয়ে সাধাসাধি করতে লাগল, উদ্দক হাঁসি মুখে দেখাতে লাগল সূচীমুখ কাঠের ফলা। তিষ্যকুমার রগগাকে নিয়ে একটি ঘোর কৃষ্ণবর্ণ অশ্বের পিঠে তীরবেগে বেরিয়ে যাচ্ছে। চণক তাকে রাগত কণ্ঠে ডাকলেন— সোমাকে নিয়ে যাবার কথা, সে কেন রগগাকে নিয়ে যায় ? 'বিদ্বিসার'...সে বলে গেল 'বিদ্বিসার, বিদ্বিসার'...। এবং তারপরই তিনি দেখলেন সোমা লুটিয়ে লুটিয়ে কাঁদছে। কই, কাঁদছে না তো ? সপিণীর মতো মাথা তুলল, তারপর অদ্ভুত দীপ্র ভঙ্গিতে লাফিয়ে উঠে দাঁড়াল।

জ্বলজ্বলদ ধমধমদ বষট বষট— আকাশে বিদ্যুতের রেখার মতো ছুটোছুটি করতে লাগল জিতসোমা। এবং অবশেষে যখন বিধোৎ বলে সূচীসমান তর্জনী যেন তরবারির ফলার মতো সামনে ছুঁড়ে দিল মনে হল সে এই পৃথিবীকেই বিধে ফুঁড়ে বেরিয়ে যাবে বুঝি। চণক নিদ্রার মধ্যেই অশ্রুটভাবে হৃদয়ঙ্গম করলেন এই তণু-তাণুব নৃত্য এক ধরনের বিদ্রোহ, বহুমুখী বিদ্রোহ। শিবীর বিদ্রোহ, গণিকার বিদ্রোহ, নারীর বিদ্রোহ। জমছে শক্তি, তেজ, আক্ষেপ, আক্রোশ, প্রাণন শক্তি, মনন শক্তি, পঞ্জীভূত হচ্ছে, ব্যবহার হচ্ছে না, যেদিন ফেটে বোরোবে মস্ত, করাল জিহাংসু নয়িকার বেশে, কর্মী পুরুষ, ভোগী পুরুষ, যোগী পুরুষ পাংশু মুখে শবের মতো ধরাশায়ী হবে।

নিদ্রা তবু এ যেন নিদ্রা নয়। চেতনার ওপর একটি লঘু আচ্ছন্নতার স্তর পড়েছিল। শরীর নিষ্ক্রিয়। কিন্তু মন তার কাজ করে যাচ্ছে। মন, তার সঙ্গে হৃদয় যুক্ত হয়েছে, যে হৃদয় যুক্তিজাল ছাড়াই বোঝে। বোঝে সোজাসুজি। এ এক ধরনের প্রত্যক্ষ জ্ঞান, চিত্রের রূপ ধরে আসে।

চণক উঠে বসলেন। তাঁর ক্লাস্তি দূর হয়নি। এবং স্বপ্নে যা দেখেছেন আধো অন্ধকার কক্ষে তা কতকগুলি ছিন্ন সূত্র কালা মুক্তার মতোই ছড়িয়ে আছে। তাঁর একটা তীর ইচ্ছা হল, ইচ্ছা এবং সংকল্প। তিনি যথাসম্ভব দ্রুত বেশবাস করে নিলেন। পেছনের দ্বার দিয়ে গিয়ে অশ্বরক্ষককে জাগালেন। সে চিন্তককে প্রস্তুত করে দিল। তিনি অশ্বরক্ষকের জিহ্বাসু দৃষ্টির সামনে দিয়ে কুলুপ খুলুপ শব্দ তুলে ঘোড়া ছুটিয়ে দিলেন। সমস্ত নগরীর গায়ে, পাহাড়ের গায়ে, আকাশের গায়ে রাত্রির অন্ধকার মাখামাখি হয়ে রয়েছে। তারাগুলি দপদপ করে জ্বলছে। কতকগুলি তারা যেন হুড়মুড় করে খসে গেল। উচ্ছ্বাস ! যেন একটি ছিন্ন হীরার মালার মতো উচ্ছ্বাসগুলি জ্বলুপীপের দিকে ছুটে আসছে। কোন প্রান্তর, কোন রাজ্য, কাকে ধ্বংস করবে ওরা ? তিনি কোনও কুসংস্কারে বিশ্বাস করেন না, তবু কিছুক্ষণ স্থির হয়ে দাঁড়ালেন। তারপর দ্বিগুণিত সংকল্প নিয়ে সন্নসৌণ্ডিকপভারের দিকে ঘোড়া ছুটিয়ে দিলেন।

ভুল হয়েছিল। প্রমাদ। প্রকৃত কথা, রাষ্ট্রনীতি সম্পর্কে তাঁর যেমন কতকগুলি গবেষণা আছে। সমাজনীতি, সমাজে মানুষের বিন্যাস সম্পর্কেও তেমনি কতকগুলি ধারণা আছে। সেগুলি গড়ে উঠেছে বহু ভাবনাচিন্তার পর। গোষ্ঠীবদ্ধতা ব্যাপারটি তাঁর মনোমত নয়। পিতা এবং অন্যান্য ঋষিদের কাছ থেকে শুনেছেন গোষ্ঠীবদ্ধ সমাজের একটি মদভ্যাস হল অন্তর্বিবাহ। ক্রমাগত এই অন্তর্বিবাহের ফল কখনও ভালো হয় না। তক্ষশিলায় ঋষি আশ্রয়ে পুনর্বসু এ নিয়ে বহু ভাবনাচিন্তা করেছিলেন। একটি বিদখে এ নিয়ে বিশদ আলোচনা হয়, তাতে চণক মোহন দিয়েছিলেন। এক সময়ে সহোদর ভাইবোনেরও বিবাহ হয়েছে, কয়েকটি জন নিজেদের উৎপত্তির ইতিহাস এভাবেই নির্দেশ করে। লিচ্ছবিরা, শাক্যরা... এখনও এরা গোষ্ঠীবদ্ধ থাকতে জ্বলোবাসে। আর বনেচরদের তো কথাই নেই। সম্ভবত মাতা পিতা ছাড়া আর কোনও সম্পর্কেই এদের মধ্যে নিবিদ্ধ নয়। জীবক বৈদ্যর সঙ্গেও তাঁর এ বিষয়ে কথা হয়েছে। জীবকেরও এই ধারণা। তিনি এবং জীবক উভয়ে আলোচনাকালে বিস্ময় বিনিময় করতেন গৌতমের পরস্পরা নিয়ে। অন্তত তিন পুরুষে এরা মাতুলকন্যা বিবাহ করছেন। অথচ গৌতমের মতো প্রতিভা কী করে শাক্যকুলে সম্ভব হল ? জীবক বলেন— এরপর থেকে দেখবেন গৌতমের বংশ ক্রমশই বিশেষত্বহীন, সাধারণ হতে আরম্ভ করবে।



চণক হেসে বলেন— গৌতম তো নিজের বংশরক্ষা করতে তেমন উৎসুক নন। ভাই, ব্রাহ্মপুত্র যে যেখানে আছে সবাইকারই তো মাথা মুড়িয়ে হাতে ভিক্ষাপাত্র ধরিয়ে দিয়েছেন।

জীবক কিন্তু হাসলেন না। তাঁর মাথায় অদ্ভুত অদ্ভুত কথার উদয় হয়। তিনি বললেন— কে জানে নিজ বংশের সার্বিক অবক্ষয় দেখেই তথাগত এ কাজ করলেন কি না। সত্য সত্যই শাক্যবংশ প্রায় নির্মূল করে দিয়ে এসেছেন তথাগত। তাঁর এ কাজের কোনও ব্যাখ্যা পাই না আমি। অন্যত্র ভক্তদের তিনি ইচ্ছামতো উপাসক বা প্রব্রাজক হতে বলেন, অর্থাৎ নির্বাচনের একটা সুযোগ রাখেন। কিন্তু শাক্যদের উনি ছলে বলে কৌশলে প্রব্রজিত করলেন।

জীবকের বিচারবুদ্ধিকে যথেষ্ট শ্রদ্ধা করেন চণক। বলেছিলেন— একটা কথা জীবকভদ্র। সম্ভব বিদ্যা বুদ্ধি বিচক্ষণতা এসবের জন্য যারা বিখ্যাত তাঁদের 'কেউই কিন্তু শাক্য নন। এটা লক্ষ্য করেছেন? শ্রমণ আনন্দ তো গৌতমের ছায়া মাত্র। অন্যরা ধ্যানমার্গে হয়ত উন্নতিলাভ করেছেন আমি জানি না, কিন্তু জ্ঞানমার্গ বা বুদ্ধিমার্গে তাঁদের কোনও কৃতির কথা আজও শুনি নি। যতই বলা হোক নির্বাণই বুদ্ধিমার্গের লক্ষ্য, আমরা জ্ঞান বুদ্ধি এগুলিকে তো মূল্য দেবোই।

জীবক বললেন— শুধু আমরা কেন? স্বয়ং তথাগতই কি দেন না? তাঁর অগ্রশ্রাবক কারা? মহাপণ্ডিত সারিপুত্র ও মোগ্গল্লান। অগ্রশ্রাবিকা কারা? দেবী খেমা যিনি রাজগৃহের প্রাসাদেও বিদ্যার জন্য খ্যাত ছিলেন। সম্প্রতি শ্রাবস্তীর উৎপলবর্ণা বলে যে ভিক্ষুণী আরেক অগ্রশ্রাবিকা হয়েছেন, তিনি প্রথামতো উপনয়নের পর পাঁচ বছর বারাণসীতে উপাধ্যায় গঙ্গাধরের কাছে ব্রহ্মচারিণী ছিলেন, পরে শ্রাবস্তীর একজন খ্যাতনারী উপাধ্যায়ী খুব সম্ভব জ্যোতির্লেক্ষা নাম, এর কাছে ত্রিবেদ ও আনুষ্ঠানিক সবই শিক্ষা করেছেন। অতি সুন্দরী বলে বিবাহ হতে এর বিলম্ব হচ্ছিল। সেই সুযোগে দেবী জ্যোতির্লেক্ষা নাকি একে পরমবিদুষী করে তোলেন। তা হলে দেখুন। পুত্র রাহুলের ভার তথাগত দিলেন সারিপুত্রকে। কই রাজকুমার নন্দও তো অর্হন হয়েছেন তাঁকে তো দিলেন না।

—আর রাহুল? চণক জিজ্ঞাসা করলেন— রাহুল কি কোনও বিশেষ মানুষ হয়ে উঠছে? না বিনয় পালনের ভারে অবলুপ্ত।

ভাবিত কণ্ঠে জীবক বলেছিলেন— আপনি বুদ্ধিমার্গের সম্পর্কে ভালো ধারণা পোষণ করেন না তাই না দৈবরাত?

চণক সোজাসুজি এ কথার উত্তর দেননি। তিনি বলেন— সাধারণজনের পক্ষে এই মার্গ ভালো জীবকভদ্র। আশ্রয়, অশন-বসনের বাহুল্যও নেই, চিন্তাও নেই, সৎভাবে জীবন যাপনের কতকগুলি নীতি বেঁধে দেওয়া আছে, সেগুলি অনুসরণ করে চলতে পারলে মোটামুটি ন্যায়নিষ্ঠ হয়ে দিনগুলি কেটে যায়। কিন্তু জীবকভদ্র, আপনারও তো বুদ্ধিমার্গের প্রতি তেমন নিষ্ঠা আছে বলে মনে হয় না, যদিও আপনি উপাসক।

—এ কথা বলছেন কেন?

—আপনি যে সাধারণ রোগীর চিকিৎসা করতে চাইছেন না। বা অতি উচ্চ মূল্য চাইছেন চিকিৎসার, সেটা তো ঠিক বুদ্ধের করণামার্গের উপযোগী হল না।

জীবক হাসতে লাগলেন, বললেন— দৈবরাত আপনার দৃষ্টি দেখছি সব দিকে। ব্যাপারটা কি বলুন তো? জীবক তার পিতৃপরিচয় জানে না, মাতা কে তাও জানে না। রাজানুগ্রহ পেয়েছে রীতিমতো ক্ষমতা দেখিয়ে। প্রথম দিকে তো মহারাজ আমাকে যথেষ্ট সন্দেহের চোখে দেখতেন। যা-ই হোক অনেক কৌশল তিনিও করেছেন আমার মন জানতে, আমিও বহু কৌশল করেছি তাঁকে তা জানাতে। এখন এই রাজানুগ্রহ ব্যাপারটা পদ্মপত্রের জলবিন্দুসম। এই আছে এই নেই। যতদিন আছে ভাই করে নিই। আবার শুনতে পাই মহারাজ স্বয়ং আমার শির্ষা হতেও পারেন, সে ক্ষেত্রে মাথার ওপর একটি খাঁড়া সবসময়ে ঝুলছে বঝতে পারেন তো? তেমন কালে ধনসম্পদ নিয়ে চম্পট দেবো। অত করুণা করলে জীবকের চলবে না।

চণক হাসলেন কিন্তু বললেন— চম্পট দেবেন? চম্পট কেন? মিথ্যা কারণে অত্যাচার হলে আপনি প্রতিবাদ করবেন না?

জীবক বললেন— ভৈষজ্য বিদ্যাট ভালো করে আয়ত্ত্ব করেছি দৈবরাত। সামান্য বুদ্ধি সুদ্বিও

আছে ঘটে, কিন্তু শব্দচর্চা এমন করিনি যে কুমার-কুনিয়র সঙ্গে যুঝে পারবো— তা ছাড়া দৈবরাত বৈদ্য শত হলেও একজন মানুষ, তার শারীরিক সাথের একটা সীমা আছে। রাজবৈদ্য বলে রাজ-পরিবারের অমাত্যদের পরিবারের যে যেখানে আছে সবাইকার চিকিৎসা আমাকে করতে হয়। তথাগত এবং সজ্জের চিকিৎসা ভারও আমার। তা হলে ? আর সময় কই ? বলুন ? এর অধিক করতে গেলে জীবকের নিজস্ব সময় বলে কিছু থাকবে না। তার কাজের উৎকর্ষও হয়ত এক প্রকার না থাকতে পারে....।

ভাবনায় ভাবনায় অনেকটা পথ পার হয়ে এসেছেন চণক। অদূরে রাত্রির কৃষ্ণতার মধ্যে আরও গাঢ় কৃষ্ণমা সৃষ্টি করে দাঁড়িয়ে আছে সঙ্গসৌন্দর্যকপভার। সাপের ফণার মতো পর্বত গাত্র। জিতসোমা অতি বুদ্ধিমতী, বিদূষী হলেও ছিল তাঁর একান্ত অনুগত। এক অহেতুক ভয়ে সংকোচে তিনি তাঁকে ত্যাগ করে এসেছিলেন। না, ত্যাগ তাকে বলা যায় না। সেই মুহূর্তে তিনি বিভ্রান্ত হয়েছিলেন। সেই মুহূর্তে মনে হয়েছিল তাঁর সঙ্গ জিতসোমার পক্ষে অশুভ হবে। ভালো করে ভেবে দেখলে মনে হয় তাঁর আত্মবিশ্বাসের অভাব ঘটেছিল। এবং যেহেতু রাষ্ট্রিক কাজে নিজেকে নিবেদন করতে চান সেহেতু ব্যক্তিগত জীবনে জটিলতা পরিহার করতে তিনি সর্বশক্তি প্রয়োগ করেছিলেন।

মহারাজ বলছেন জিতসোমা তিস্যকুমারকে মনস্থির করবার সুযোগ দেয়নি। তিনি জিতসোমার আরম্ভের জন্য সশস্ত্র রক্ষী রেখে দিয়েছিলেন। কিন্তু কুমার কুনিয়কে জিতসোমা নিজেই অনুমতি দিয়েছে গান্ধার ভবনে প্রবেশ করবার। দুজনের মধ্যে কী সম্পর্ক তা নাকি মহারাজ জানেন না। এবং বর্তমানে 'পুষ্পলাবী'র এই নটীজীবন সোমা নিজেই নির্বাচন করেছে। সঙ্ঘায় নৃত্য-গীতের পর কোনও কোনওদিন কাব্যপাঠ, নানা বিষয়ে আলোচনা ইত্যাদির পর জিতসোমার দ্বার নাকি বন্ধ হয়ে যায়। কারো প্রবেশের অনুমতি থাকে না। ভালো। আজ চণক ভয়ীর গৃহে যাবেন। এ বার যখন প্রাচীতে যাবেন সোমাকে নিয়ে যাবেন। অতি দুর্গম প্রদেশে যেতে হলে তাকে ভদ্রিযতে রেখে দেওয়া যায়, চম্পায় মেণ্ডক শ্রেষ্ঠীর গৃহে রেখে দেওয়া যায়। একসালা গ্রামে বালিকা লোলার গৃহই বা মন্দ কী ? প্রাচুর্যে অভ্যস্ত জিতসোমা। কাকে বলে দরিদ্রতা, কাকে বলে সরল জীবন, নিরাড়ম্বর, নিরূপকরণ, সামান্য আশা আকাঙ্ক্ষার জীবন, দেখুক। রাজশাস্ত্রে এদের কী স্থান হবে ? এদের কী গুরুত্ব সে দেবে তিনি জানতে উৎসুক। এক বন্য বালিকাকে স্পর্শ করতে জিতসোমা ঘৃণা বোধ করেছিল ...আবার... আবার গৌতম যখন সেই বন্যারমণী...কী যেন নাম হারীতি না ? তাকে যখন বশ করলেন সে মুগ্ধ বিশ্বাস প্রকাশ করেছিল, গৌতমের নীতির সশ্রদ্ধ সমর্থন করেছিল।

পুষ্পলাবীর কাননে ধীরে ধীরে প্রবেশ করলেন চণক, শিশিরসিক্ত মৃদিকার ওপর শিক্ষিত চিত্তকের খুরের শব্দ হল না। প্রতি মুহূর্তেই তিনি আশা করছেন রক্ষীদের।

—ও কী ? ও কে ? চন্দ্রকেতু না ? অমাত্য চন্দ্রকেতু ?

পেছনের দ্বার দিয়ে সম্ভরণে বেরিয়ে এসে দাঁড়িয়েছে। অন্ধকারে চোখ অভ্যস্ত হয়ে গেছে চণকের, তাই তিনি চিনতে পারছেন। এক মুহূর্ত। পরক্ষণেই আর চন্দ্রকেতুকে দেখতে পেলেন না চণক। কিন্তু আরও একটি ছায়ামূর্তি বেরিয়ে আসছে। একইভাবে। সহসা চণকের কী হয়ে গেল তিনি কাটি থেকে ছুরিকা টেনে নিলেন, ক্ষিপ্ত হাতে অন্ধকারের বন্ধ ভেদ করে ছুঁড়ে দিলেন। অব্যর্থ লক্ষ্যে ছুরিকা বিধে গেল ছায়ামূর্তির কণ্ঠনালীতে। ঘড়ঘড় মতো একটা মৃদু শব্দ হলে লোকটি সম্ভবত ঝোপঝাড়ের ওপর পড়ল। সংবিত ফিরে এলো চণকের। ওই ছায়ামূর্তি যদি কুমার কুনিয় হয় ? যদি হন স্বয়ং মহারাজ ?

চণক, ক্রাত্যয়ন, তুমি দিশা হারাচ্ছে। সম্ভবত তোমার চিত্ত তোমার বশে নেই। এইসব অতর্কিত প্রতিক্রিয়া, তড়িৎ-সিদ্ধান্ত, হত্যা, রক্তপাত,— এ সবই তোমার অনেক পেছনে ফেলে আসার কথা ছিল। চণক ! চণক !

চকিতে চণক চিত্তকের পিঠ থেকে নেমে ছুটে গেলেন। একটি কামিনীঝোপের ওপর পড়ে আছে লোকটি। কৃষ্ণ বসন পরা, কণ্ঠ থেকে গলগল করে রক্তপাত হয়েছে। না পরিচিত কেউ নয়। একটি অপরিচিত সামান্য মানুষ। মরে গেছে।

শেহনের ঘারে মদু করাঘাত করলেন চণক । সামান্য পরেই জিতসোমা স্বয়ং দরজা খুলে দিল । চাখকে নিদ্রার চিহ্নমাত্র নেই । পরিপাটি সাধারণ বেশ । দীর্ঘ বেণী দুলাছে । চণককে দেখে তার চাখ দুটি বিস্ফারিত হয়ে উঠল । চণক আঙুল দিয়ে ঝোপের দিকে দেখালেন ।

—ও কী ?— ব্রহ্ম পায়ে কাননে নেমে এলো সোমা— রুক্মকে এ ভাবে মারলে কে ?

—আমি ।

—আপনি ? জেটঠ ? — জিতসোমা এমনভাবে তাঁর দিকে তাকিয়ে রইল যেন সে নিজের চাখকে বিশ্বাস করতে পারছে না । কানকে বিশ্বাস করতে পারছে না । সহসা তার চোখ দিয়ে বিন্দু বিন্দু অশ্রু পড়তে লাগল, স্থলিত গলায় সে বলল—রুক্ম, হতভাগ্য রুক্ম, রুক্ম, তুমি বিশ্বস্ত ছিলে, এই ক তোমার অপরাধ ?

সে ছুটে ভেতরে চলে গেল । নিমেষের মধ্যে একপাত্র জল নিয়ে ফিরে এলো । তুল-ভিজিয়ে ফোটা ফোটা করে রুক্ম নামক ব্যক্তির গলায় ঢেলে দিল । লোকটির গলার ভেতরে জল গেল কি না বাঝা গেল না । কিন্তু তার মাথাটি একদিকে হেলে গেল অসহায়ের মতো । জিতসোমা লোকটিকে হাতে তুলে ধরল অমানুষিক বলে । কোলে করে নিয়ে দাঁড়াল । পরিশ্রমে তার মুখে বিন্দু বিন্দু স্বাদ ফুটে উঠেছে । চণক দেখলেন ভাস্রবর্ণ, স্বৰ্বকায়, কৃশ একটি সামান্যদর্শন মানুষ । তিনি বললেন— আমি সাহায্য করছি সোমা তুমি পারবে না ।

সোমা প্রাণপণে মাথা নাড়ল— আপনি একে স্পর্শ করবেন না । যা আমার কর্তব্য তা আমাকেই শালন করতে দিন— তার দু চোখ দিয়ে এখন ঝরঝর করে জল পড়ছে ।

—এত দূর ? এত দূর তোমার অধঃপতন সোমা । ষিক । একটি সামান্য লম্পট । তার জন্য এত ! একেবারে ক্রোড়ে তুলে নিয়েছো ?

সোমার বশ্কের উত্তরীয় রক্তে মাখামাখি হয়ে গেছে । সে দৃশ্য ভঙ্গিতে বলল— আপনিও তো একদিন এক নষ্ট-ভ্রষ্ট বন্যবালিকাকে কোলে করে নিয়ে এসেছিলেন, আসেন নি ? মুঞ্চ-কাতর নেত্রে চেয়ে থাকতেন তার দিকে দিবসরজনী । তাতে দোষ হয়নি ? নাকি সে আপনি দেবরাত পুত্র বলে । চণকের ক্রোধ আসছে । তিনি রুট কঠে বললেন— সে বালিকা নষ্ট-ভ্রষ্ট ছিল না ।

— এ ব্যক্তিও লম্পট নয় ।

—সকলই তোমার ক্ষমার অযোগ্য মোহ ।

—মোহ আপনার, ভ্রম আপনার । আর, কাউকে ক্ষমা করা অথবা না করার দায় সোমা নেয় না ।

সোমা উচ্চতম সোপানে দাঁড়িয়েছে এবার । চলে যাবে ।

ক্রোধে স্ফোভে মুখ রক্তবর্ণ করে চণক বললেন— যাও, যাও, সোমা ভিক্ষুণীসংঘে যোগ দাও গিয়ে । স্বাধীনতা কন্দুক নয় যে তাকে হেলায় মলস্কেত্রে ফেলে দেবে । যাও সোমা যাও যাও...

তিনি আর দাঁড়ালেন না । তীব্রবেগে মুখ ফেরালেন । কয়েকটি ক্ষিপ্ত পদক্ষেপে পৌঁছে গেলেন চিন্তকের কাছে । তারপর রাজগৃহের প্রত্যুষ-পথে ধূলার ঘূর্ণাবর্ত ছাড়া কিছু দেখা গেল না ।

কিশোর সোপাক চলেছিল ভিক্ষুণী উপাশ্রয়ের দিকে । হন হন করে মায়ের সঙ্গে দেখা করবে । দুতিন বছরের মধ্যেই সোপাক অতিশয় প্রজ্ঞাবান হয়ে উঠেছে । সে স্ববির সারিপুস্তর সাধবিহারিক । প্রত্যুষে উঠে উপাধ্যায়কে দস্তকাঠ, মুখ ধোবার জল, ধোয়া চীবর— এসব গুছিয়ে দিয়েছে । উপাধ্যায় এবার ধীরে ধীরে পদচারণা করবেন, তারপর ভিক্ষায় বেরোবেন । সোপাকও বেরোবে ভিক্ষায় । কিন্তু বেরিয়ে প্রথমই সে যায় ভিক্ষুণী উপাশ্রয়ে মায়ের কাছে । মাকে না দেখে সোপাক থাকতে পারে না । অবশ্য মা এখন এই সময়টা উপাশ্রয়ে থাকেন না ।

সোপাক চণ্ডালপুত্র । তিন চার বছর আগে তাকে দেখলে মনে হত একটি শশকশাবক । সর্বদা ভয়ে ভয়ে আছে এই কোনও হিংস্র জন্তু এসে তাকে গ্রাস করে নিল বুঝি বা । সোপাকের অভিজ্ঞতা

বলত সংসার এক অরণ্য। হিংস্র, ভয়াল, কিংবা উদাসীন। একমাত্র আশ্রয় মা। অথচ পিতৃব্যপুত্রের জন্মের আগে সে ছিল গৃহের পরম আদরের ধন। সেসব দিনের কথা ক্রীণভাবে মনে পড়ে সোপাকের। তার হাতে স্কীরমণ্ড তুলে দিচ্ছেন পিতৃব্য। নানাপ্রকার খেলনা এনে দিচ্ছেন। সে তখন নিতান্তই শিশু। মা বলতে চান না। কিন্তু দুঃখে দ্বন্দ্বে বড় হয়ে সোপাক যতটা বোঝার তার চেয়ে অধিক বোঝে। তার পিতার মৃত্যুর পর পিতৃব্যের পত্নী হবারই কথা ছিল তার মায়ের। তাদের পরিবারে এ রূপই হয়ে থাকে। হলে কোনও গোল হত না। কিন্তু মা সম্মত হননি। পিতৃব্য বিবাহ করলেন, সেই থেকে পিতৃব্যপত্নী খুল-মা, তাদের বিষচোখে দেখলেন। সারাদিন পরিশ্রমের পর পিতৃব্য গৃহে ফিরলে অভিযোগ আর অভিযোগ। অল্পবয়স থেকেই সোপাক প্রহার খেয়ে আসছে। তর্জন-গর্জন, চপেটাঘাত, মুষ্টিাঘাত, কেশের গুচ্ছ ধরে প্রহার। সেদিন মা গেছেন প্রতিবেশী গৃহে মহানসীর কাছে। তাঁকে গৃহের কাজ করা ছাড়াও উপার্জন করে এনে দিতে হয় পিতৃব্যকে। তৈলের ভাঁড় তুলতে গিয়ে হাত থেকে পড়ে যায়। খুল-মা আর খুল-পিতা তাকে এমন প্রহার করলেন যে সে জ্ঞান হারিয়ে ফেলল। কতক্ষণ পর জ্ঞান এসেছে সে জানে না, কিন্তু জ্ঞান হতে দেখল ঘোর অন্ধকার। চারিদিকে, টুপ টুপ করে হিম বরছে। অন্ধকারে গোল গোল জ্বলন্ত চকু, ভয়ে আর্তনাদ করে উঠল। আর্তনাদে চকুগুলি সামান্য দূরে সরে গেল, কিন্তু আবার একটু পরে কাছে ঘেঁষে আসতে লাগল। সোপাকের দুর্বল শরীর, প্রহারের ক্ষতগুলিতে যন্ত্রণা হচ্ছে। সে কিছু একটা পিশুজাতীয় বস্তুর সঙ্গে বাঁধা। চেষ্টা করেও নিজেকে মুক্ত করতে পারল না সে। বস্তুটা কী? কোনও বৃক্ষ বা যটি জাতীয় কিছু তো নয়! বিদ্যুৎ চমকচ্ছে। আকাশ ঘোর কালো। প্রচুর মেঘ সঞ্চার হয়েছে। সেই বিদ্যুতের আলোয় সোপাক দেখল সে একটি শবদেহের সঙ্গে বাঁধা। আতঙ্কে বালক চিৎকার করে উঠল—‘মা, মা বাঁচাও। কে কোথায় আছে বাঁচাও...।’

অন্ধকারে কে কোথা থেকে বলে উঠল—‘কে তুমি? কোথায় আছে?’

—আমি সোপাক। একটি মৃতদেহের সঙ্গে বাঁধা আছি।

বিদ্যুতের আলোয় পথ হাতড়ে হাতড়ে এক শ্রমণ এসে দাঁড়ালেন। দ্রুত হাতে তার বাঁধন খুলে দিলেন।

—কী ভাবে তুমি এখানে এলে বালক?— স্নেহসিক্ত কণ্ঠ।

সোপাক ফুলে ফুলে কাঁদতে কাঁদতে সব বলল।

—হায় তথাগত, মানুষ এত নিষ্ঠুর!

আর একটি কণ্ঠ বলল— আনন্দ ওকে আমার কোলে দাও।

দুই শ্রমণ মিলে তাকে বেলবনে নিয়ে গিয়েছিলেন। সেই মধ্যরাত্রে তার সর্বাস্ত উষ্ণ জলে ধুইয়ে নানা স্থানে অনুলেপন ল্যুগানো হল। পরিষ্কার বস্ত্র পরানো হল। গরম দুধ পান করানো হল। সারা রাত্রি দুজনে তার ব্যথাক্লিষ্ট শরীরে কোমল স্পর্শ বুলিয়ে বুলিয়ে তাকে ঘুম পাড়ালেন। যখন ঘুম ভাঙল চারদিক আলোয় আলো। সে বুঝতে পারল অপূর্ব চন্দনের গন্ধর মধ্যে অতিশয় সুখে সে শুয়ে আছে। এতো সুখ, এতো শান্তি, এতো স্নেহ যেন সে পায়নি কখনও। সেই কক্ষে তখন কেউ ছিল না যেন। অথচ তার কোনও ভয় তো হলই না, একটা নির্ভরতার ভাব, আশ্রয়ের আশ্রয় তাবে ঘিরে রইল। নিশ্চিন্তে পাশ ফিরে আবার নিদ্রা যেতে যাচ্ছিল সে, একটি গম্ভীর কিন্তু কোমল কণ্ঠ তাকে বলল—এই হল সংসার, সোপাক, এই-ই সংসার, এই-ই সংসার। এখানিই-কি ফিরে যেতে চাও?

—না, না, কখনোই না।

—বিলাস, ব্যসনের সুযোগ পাবে না বালক। নিয়ম পালন করতে হবে। তবে বিদ্যা শিক্ষা পাবে।

—মা? আমার মা?

—মাকেও পাবে বচ্চ। সংঘে আসবে কী?

—আসবে দেবতা।

—আমি দেবতা নই সোপাক।

—তবে ?

—আমি মানুষ ।

—আমার মতো ?

—তোমারই মতো ?

—আমি যে চণ্ডাল ।

—তোমার সঙ্গে আমার কোনই পার্থক্য নেই, বালক । শুধু আমি পথ পেয়েছি । তুমি এখনও গাওনি ।

সোপাক হন হন করে হাঁটছিল । তার পেছন থেকে এক অস্বারোহী তীব্র বেগে চলে গেলেন । সোপাক চোখ দুটি ঢেকে ফেলল । ধুলো উড়ছে ।

ধূলি । সর্বত্রই শুধু ধূলি, শুধু ভস্ম । সোপাকের অস্তিত্বটি যেন একটি শুক্তির মধ্যে মুক্তার মতো । শুক্তির আশ্রয়ে আছে সে, কিন্তু সেই শুক্তির জোড় সামান্য খোলা । সে টের পায় ঘূর্ণমান স্রের কন্ডোল তাকে ঘিরে । বহু প্রকার মাংসজীবী মৎস্য, জলজন্তু লাভুল ঝাপটায় । এই রাজগৃহের গাইরে এখনও সে যায়নি । রাজগৃহই তার পৃথিবী । কিন্তু রাজগৃহের পথে বেরোলেই মনে হয়—কেমন অশান্ত, উত্তাল, কেমন হিংস্র এই নগর, যেন দাঁতে নখে তাকে খেতে আসছে । ময়গুণ্ডি, রথগুণ্ডি বৃষ্টি তাকে পিষে ফেলে চলে যাবে । যদি দুইয়ের অধিক তিন ব্যক্তিও কাছাকাছি আসে সোপাক সভয়ে শশক শিশুর মতো পথ ছেড়ে দূরে সরে যায় । এরা যেন সোপাককে দেখতে পাচ্ছে না । যদি তাকে মাড়িয়ে চলে যায় ? কিম্বা যদি সহসা হত্যা করে ? ধূলি চারদিকে ধূলি ঠুড়েছে । সংসারের ধূলি, মানুষের বিচিত্র কামনা-বাসনার ধূলি । লোভ, রোষ, দম্ভ, ঈর্ষার ধূলি নব্ব্যাপী এক ভয়াল ঘূর্ণিঝড়ের মতো রাজগৃহ নগরকে ঘিরে ঘিরে উৎক্লিষ্ট করতে চাইছে । ওই যে অস্বারোহী চলে গেল, কিসের অত বেগ, কোথায় গুকে পৌছতে হবে নিমেষের মধ্যে ? কিম্বা পালাচ্ছে কী ? কোথাও থেকে পালাচ্ছে কী ? যেন উন্নত ক্রোধের এক দীর্ঘ পুচ্ছ পথের মধ্যে রেখে গেল । ক্রোধ ? কিম্বা...কিম্বা...শোক ? উন্নত শোক ? দুহাতে মুখ ঢাকে কিশোর সোপাক । এই ধূলির ঝড়ের মধ্যে সে যে একা বেরিয়েছে । কেমন করে পথ পাবে ?

মায়ের কাছে বহু কষ্টে পৌছল সোপাক । তিনি এই সময়টা ভিক্ষুণী উপাশ্রয় ছেড়ে থাকেন ষ্ণভারগিরির ওপরে একটি কন্দরে । নির্জন সাধনা হয়ত তাঁর লক্ষ্য । কিন্তু এই নির্জন গিরিশুহায় তিনি প্রাণভরে পুত্রকে আদর করতে পারেন । কেউ দেখবার নেই । কাষায় চীবর পরিহিতা শ্রমণা পুত্রকে বুকে টেনে নেন ।

—সোপাক, সোপাক, বচ্চ আমার, কাঁপছিস কেন বাপা ?

—মা । নগরীতে বড় ভয় । বৃষ্টি কিছু অমঙ্গল ঘটবে ।

—এ তোর কী হল সোপাক । কেন এতো ভয় ? এতো বৃষ্টি কেন ? আহা যদি তথাগত তাকে আমার কাছে থাকতে দিতেন ! না, না, মা তো তাকে রক্ষা করতে পারেনি । তিনিই তোকে রেখেছেন । তিনি যা বলবেন তাই করবি ।

—তাই করি মা । তাই করি । যখন তাঁর সঙ্গে থাকি, বেলুবনেই হোক, সিভবনেই হোক, কোনও ভয় থাকে না তো মা । বাইরে পা দেবামাত্র নগর যেন লুক্ক পশুর মতো আমাকে তাড়া করে আসে ।—সোপাক কেঁদে ফেলে ।

—ভগবান তথাগতকে বলিস নি এ কথা ?

—না ।

—বলবি । বিলম্ব করবি না ।

—শোন সোপাক একটু কাঞ্জিক খা । গোধূমের পুরোডাশে ভাজিয়ে ।

—কোথায় পেলো মা ? সঞ্চয় করছো ?

—না, বাপা । গিরিশুহায় থাকি । মোড়ানো মাথা । গায়ে শ্রমণার বস্তুর । লোকে মনে ভাবে কত বড় সম্মাসিনী বৃষ্টি । দিয়ে যায় । আজ প্রভাতেই দিয়ে গেছে ।

—মা, আমরা একাহারী । সারাদিন ভিষ্কার পর মধ্যদিনে খাই ।

—মরে যাই বচ্চ, তুমি বালক, তুমি কখনও এতোকণ না খেয়ে থাকতে পারো ? প্রভাতে যাউ বা কাঁজি খেতে তো নিষেধ নাই ।

—কিস্ত মা, পুরোডাশ ?

—খাও সোপাক, মায়ের হাতে খেলে তোমার উপাধ্যায় রাগ করবেন না ।

—তা হলে তুমিও খাও মা ।

দুখিনীর চোখ বেয়ে জল পড়তে লাগল । বললেন—আবার আমি কেন বচ্চ । আমি তো আর তোমার মতো বালক নই ?

—তা হলে আমিও খাবো না মা—সোপাক উঠে দাঁড়ায় ।

—বোস, বোস, কোথায় যাস বচ্চ । ঠিক আছে, আমি খেলে যদি তোর অনাগামি ফল লাভ হয় তো খাচ্ছি ।

গিরিগাত্র বেয়ে মাতা পুত্র নেমে আসে ।

—কোন দিকে যাবি এখন সোপাক ?

—পুব পল্লীতে যাই মা ? সোপাক এখন অনেকটা শান্ত ।

—তাই এসো বচ্চ । ওদিকে হাট রয়েছে । যা পাবে নিয়ে তাড়াতাড়ি সঙ্গে চলে যেও ।

পুব পল্লী থেকে ফেরবার পথে একটি রোরুদ্যমানা রমণী সোপাকের পথ রোধ করল । সোপাকের চোখে ধন্দ । একটু পরে সে বুঝতে পারল এ তার খুল্লমাতা ।

—সোপাক, সোপাক, রুক্ষ কোথায় জানো ?

—রুক্ষ ? রুক্ষ কে ?

—ছিল করছো ? রুক্ষকে জানো না ? রুক্ষ আমার ছোট ভাই ।

তখন সোপাকের মনে পড়ল রুক্ষ নামে এক ব্যক্তি অদ্ভুত অদ্ভুত অসময়ে তাদের গৃহে আসত বটে । তার খুল্লমার অতিশয় আদরের ভাই । এলেই গৃহের যাবতীয় সুখাদ্য তার সামনে ধরে দিতেন খুল্লমা ।

—রুক্ষ কদিন আমার কাছেই ছিল । সন্ধ্যায় কাজ আছে বলে বেরোলো । আজ দেখো সুখি মাঝ আকাশে চড়তে গেল তবু তার দেখা নেই । সে আমাকে নিশ্চয় করে বলেছিল আজ গৃহে আমার কাছে পলায় পায়স খাবে...কী সোপাক কথা বলছো না কেন ?

সোপাক একটা গভীর বিস্ময়ের ঘোরের মধ্যে ছিল । যে রমণী এক বালককে সামান্য কারণে বা অকারণে প্রহার করে মৃতপ্রায় করে ফেলে তাকে আমক শ্মশানে মৃতদেহের সঙ্গে বেঁধে রেখে আসতে পারে, সে-ই আবার আরেক ব্যক্তির ফিরতে বিলম্ব হওয়ায় এমন ব্যাকুল হয়ে কাঁদে । কী অদ্ভুত মানুষ ! কী অদ্ভুত গতি স্নেহের !

—কথা বলছো না কেন ?

—আমি কী করে জানবো ? সোপাক শান্ত স্বরে বলে ।

—তোমারই অভিশাপ । তোমারই অভিশাপ । সমন হয়েছে । ইন্ধি হয়েছে । এখন আমাদের ওপর শোধ নিচ্ছে ।—রুক্ষ স্বরে বলল রমণী । তারপর সহসা কেমন যেন ভেঙে সোপাকের পায়ের কাছে পড়ে গেল । গদ গদ কণ্ঠে বলতে লাগল—সমন সোপাক, সমন সোপাক দয়া করো, কোথায় কী বিপদে পড়েছে রুক্ষ আমায় বলে দাও । আমি তোমায় দান দেবো । তার পায়ে মাথা খুঁড়তে লাগল খুল্লমাতা ।

সোপাকের চলে যেতে ইচ্ছা হচ্ছে অথচ সে যেতে পারছে না । তার পা দুটি বন্দী । তার সারা শরীর ঘিরে কেমন ভয়ের ঘোর । প্রত্যুষে রাজপথে যেমনটাই সে অনুভব করেছিল । যেন দলে দলে সশস্ত্র মানুষ আসছে । একে অপরের মাথা কেটে নিচ্ছে । রুধির বইছে । পথে পথে রুধিরের স্রোত । সে শুধু অশ্রুতে বলল—বিপদ, বড় বিপদ জননী । রাজসভায় যান, সাহায্য চান ।

হাতদুটি খসে গেল সোপাকের পা থেকে । রমণী ছুটে চলে গেল । সোপাকের পিণ্ডপাত্র হাত ৩৭৪

থেকে পড়ে গেছে। তার বাসিটি কোথায় তাও সে জানে না। উদ্ভ্রান্তের মতো সে বেলাবনে ফিরে এলে।

সন্ধ্যাবেলায় আমক শ্মশানে শবের স্তুপের মধ্যে রুমর মৃতদেহ পাওয়া গেলে, ধীরে ধীরে নগরে সন্ধ্যে সর্বত্র রটে গেল চণ্ডাল বালক সোপাকের অলৌকিক ইঞ্জিলাত হয়েছে। তার উপাখ্যায় আদেশ দিলেন সোপাক এখন ভিক্ষার্থে নগরে বেরোবে না। অন্য ভিক্ষুরা তাঁদের ভিক্ষাভাগ দেবেন তাকে। সে শুশু ধ্যান এবং নিভৃত-শ্রবণে শিক্ষালাভে দিন কাটাবে।

বিহিসার বললেন—পথে পথে ঘোষণা করাই। কেউ যদি রুমর মৃত্যু স্বপ্নে কিছু জানে। ...আমার রাজ্যে আগে কখনও এমন ঘটেনি সোমা।

সোমা শিউরে উঠে বলল—মহারাজ, চর মাত্রেই বিপজ্জনক জীবিকা নেয়। কখন...কোথায়...কীভাবে...। কী প্রয়োজন? ছেড়ে দিন।

—প্রয়োজন? তোমায় যে বললাম এ রাজ্যে আগে কখনও এমন ঘটেনি সোমা। তোমার কি মনে হয় কুনিয়র লোকেরাই ওকে হত্যা করল?

—কোনও সিদ্ধান্তে আসবেন না মহারাজ। আমার কাছে কর্ম করতে এসে লোকটি নিহত হল, এটাই আমার দুঃখ...লজ্জা...। সোমার মুখ অতি বিষন্ন।

প্রথমটা মহারাজ নীরবে ছিলেন। সম্ভবত ইতিকর্তব্য কী ভাবছিলেন। হঠাৎ মুখ তুলে বললেন—তোমার কাছে কর্ম করতে 'এসে' লোকটি নিহত হল? কোনও বিশেষ অর্থে বলছেন না কি? ও কি নিহত হবার পূর্বে তোমার কাছে এসেছিল।

—ও তো ইদানীং প্রায় প্রতি রাত্রেই আসত...সোমা বিবর্ণ মুখে বলে।

তীক্ষ্ণ দৃষ্টিতে তার দিকে তাকালেন একবার মহারাজ।

সোমা বলল—মহারাজ, যাই হোক, ও বড় মূল্যবান সংবাদ দিয়ে গেছে। এখন আপনার প্রধান কর্তব্যই হবে কুমারকে ছলে বলে চম্পায় পাঠানো। অমাত্য বর্ষকারকে পদচ্যুত করবেন কি না ভাবুন।

—বর্ষকারকে পদচ্যুত করলে আরেকটি মহাশত্রু সৃষ্টি করা ছাড়া কিছুই হবে না সোমা।

—সেইজন্যই ভাবতে বলছি। অন্ততপক্ষে তাঁকে দূরে রাখুন। অমত্যা চম্পকেতু যাতে আপনার কাছে কাছে থাকেন, সেই মতো ব্যবস্থা করতে হবে। অমাত্য সুনীথ সম্পূর্ণভাবে বর্ষকারের অনুবর্তী। স্বয়ং উদ্যোগী হয়ে কিছু না করলেও তাঁকে বিশ্বাস করা যায় না। আপনার রক্ষীদলকে আরও সুসংবদ্ধ করুন।

অন্যমনস্কের মতো বিহিসার বললেন—বন্ধুরা শত্রু হয়ে যাচ্ছে, রক্ষী নিয়ে কী করবো সোমা?

কিন্তু রুমর মৃত্যু নিয়ে নগরে যে উত্তেজনার সৃষ্টি হয়েছিল, তা হঠাৎই মরে গেল। ঘটনাটা ঘটেছিল এইভাবে

সেদিন সূর্যের সারিপুস্ত ভিক্ষায় বেরিয়েছিলেন। পূর্বপল্লীর মুখে লোক জমাছিল।

—একটি শেক নিহত হল, তার হস্তা কে বোঝা যাবে না? সকলে ভারী উত্তেজিত।

—শাস্তি হবে না অপরাধীর?

—বাঃ ভালো রাজ্য হয়েছে...

—আগে কখনও এমন হয়নি!

রাজা যদি সমনের পরামর্শে রাজ্য চালান। তো এমন হবে না তো কী?

—কে বলল আগে এমন হয় নি? ...গভীর কণ্ঠে সারিপুস্ত বললেন, ফিরে তাকাল সবাই।

অসুরেন্দ্র ভরদ্বাজ এদের দলপতি। সে-ই সবচেয়ে সোচ্চার।

—আপনি বলছেন আগে হয়েছে? —সারিপুস্তকে দেখে অসুরেন্দ্র মসম্বমে বলল।

—হয়েছে যে এমন অনুমান করতে পারি সমন সোপাকের মতো থেকে।

—সমন সোপাকের ঘটনাটা কী?

সোপাকের পিতৃত্ব আর তার পত্নী তাকে প্রহার করে অর্ধমৃত অবস্থায় আমক শ্মশানে শবদেহের সঙ্গে বেঁধে আসে। ঘোর অমাবস্যার রাত্রে। একাদশ বর্ষীয় বালক একটি...আপনারা কি মনে করেন

একটি বালককে হত্যার চেষ্টা ঘৃণ্য অপরাধ নয় ।

অসুরের শিউরে উঠে বলল— বলেন কী ? তারপরে ?

—তারপর সমন আনন্দ ও ভগবান তাকে উদ্ধার করেন, সে এবং তার দুঃখিনী মা দুজনই এখন সজ্জের যোগ দিয়েছেন । ...এই কুক্ক তো শুনেতে পাচ্ছি সেই পাষণ্ড পিড়ুবোরই শ্যালক ।

—আপনি কি বলছেন বালক সোপাকের হয়ে কোনও মহাশক্তিই এই প্রতিশোধ নিয়েছেন ?

—আমি কিছুই বলছি না ভদ্র, আপনারা বলাবলি করছিলেন এ রাজ্যে আগে কখনও এমন হয় নি...আমি তারই সাধ্যমতো উত্তর দিলাম । ...আর ভদ্র এ জন্য রাজাকে দোষ দেওয়া অনুচিত । কোথায় কোন বালকের খুল্মামাতা-পিতা তাকে প্রহার করে মেরে ফেলছে রাজা কী করে জানবেন ? যদি না বালকের প্রতিবেশীরা তাঁকে জানায় ? রাজ্য-শাসনযন্ত্রের কতকগুলি স্তর থাকে ভদ্র । প্রাথমিক স্তর পরিবারে । তার পরে সমাজ । সমাজ...যদি এই সকল অন্যায্য-অবিচারের প্রতি চোখ বুজিয়ে থাকে, শাসন যন্ত্র কী করবে ? সেক্ষেত্রে যতগুলি পত্নী ততগুলি চর, এবং উপযুক্ত সংখ্যক রাজভট রাখা প্রয়োজন । আপনার পত্নীতে আপনি গৃহের বালক-বালিকা-নারী-দাসেদের প্রতি কী ব্যবহার করছেন দেখবার জন্য চর ঘুরঘুর করলে আপনার ভালো লাগবে ?

অসুরের বললেন— সত্যই ভালো লাগবে না । আপনি ঠিকই বলেছেন সমন ।

—প্রতিবেশীর দায়িত্ব আছে, সমাজের দায়িত্ব আছে । শাসনযন্ত্র একা কী করবে ? বলতে বলতে স্ববির সারিপুস্ত চলে গেলেন ।

রক্ষক হত্যা থেকে এখন সমালোচনাটি ঘুরে গেল । সোপাকের প্রতি তার আত্মীয়দের অমানুষিক ব্যবহারের প্রতি এবং অনিবার্যভাবে সোপাকের অলৌকিক ক্ষমতার প্রতি ।

১৭

দেবরাতপুত্র চণক এসব কিছুই জানতেন না । জানবার অবস্থাও তাঁর ছিল না । জীবনে কখনও তিনি এরূপ উদ্বেজিত হননি । সে রাত্রে গাঙ্গারভবনে তিনি আদৌ ফেরেননি । চলে গিয়েছিলেন উত্তরদুয়ার পেরিয়ে নগরীর বাইরে । প্রত্যুষে দুয়ার খোলবামাত্র । নগরপ্রাচীর, নগরপ্রত্যন্ত, ক্ষুদ্র ক্ষুদ্র গ্রাম, শস্যক্ষেত্র তারপর ক্রমে ক্রমে পাটুলিগ্রাম । এবং গঙ্গা । পাটুলিতে গঙ্গার ধারে পাথরের সুন্দর বিশ্রামগৃহ । এইখানে বসে জলের দিকে তাকিয়ে চণক স্তব্ধ হয়ে বসে রইলেন । তিনি সম্পূর্ণ অন্যমনা । নানা ভাবনা ও ভাব তাঁর চিন্তের মধ্য দিয়ে যাওয়া-আসা করছে, কোনটিই স্থিত হচ্ছে না । প্রায় তিন দিন দুই রাত তাঁর এখানেই কেটে গেল । অভিশয় স্খুধা বোধ হলে হাটে গিয়ে কোনও সমাশালয় থেকে খেয়ে আসেন । চিন্তককে খাওয়ানো কোনও সমস্যাই নয় । পাটুলি অত্যন্ত সম্পন্ন গ্রাম । অশ্বরক্ষার জন্য মন্দুরাও এখানে আছে । এই বিশ্রামগৃহের অদূরেই আছে একটি ভালো মন্দুরা । চিন্তককে আপাতত সেখানেই সমর্পণ করেছেন তিনি । গঙ্গার বহমান জলধারার দিকে তাকিয়ে তাঁর প্রহরগুলি কাটছে ।

তৃতীয় দিন সকালে সহসা তাঁর অত্যন্ত কাহে বসে কেউ বলল— দৈবরাত, আপনি এখানে ।

চমকে মুখ তুলে চণক দেখলেন— অমাত্য বর্ষকার ।

কিছুক্ষণ স্তব্ধ হয়ে থেকে চণক বললেন— আমিও তো আপনাকে একই পল্লী করতে পারি অমাত্যবর ?

—প্রশ্ন করলে উত্তর দেবো ভদ্র । আমি এবং সূনীধ এই স্থানে অমাত্য গঙ্গাতীরে একটি দুর্গের উপযুক্ত স্থান দেখে বেড়াচ্ছি । অর্থাৎ সন্ধান করছি ।

—দুর্গ ? ও—চণক অনুৎসুক স্বরে বললেন ।

—আপনি কি মনে করেন না পাটুলি একটি অত্যন্ত গুরুত্বপূর্ণ স্থান ? পূর্ব-দক্ষিণের বাণিজ্যদ্বার, শক্তিশালী বজ্রি রাজ্যের ঠিক বিপরীতে এর অবস্থান । গঙ্গা-হিরণ্যবাহর সঙ্গমস্থল । ধনার্থী-রণার্থী-পুণ্যার্থী সবাইকার প্রয়োজন মেটাতে সক্ষম এই অনুপম স্থানটি...নয় ?

চণক তখনও নীরব রয়েছেন দেখে বর্ষকার গলায় একপ্রকার আক্ষেপের শব্দ করে উদ্বিগ্ন স্বরে ৩৭৬



বললেন— হল কি দৈবরাত ? আপনিও কি আবার সোভাপত্তি ম্যাগে প্রবেশ করলেন নাকি ?  
সর্বনাশ !

চণক হঠাৎ যেন ঘুম ভেঙে জেগে উঠলেন, বললেন— কী বলছিলেন অমাত্য ?

—বলছিলাম, মহারাজকে কিছুতেই বোঝাতে পারছি না, এই পাতুলিতে দুর্গ রচা প্রয়োজন।  
উত্তর-পশ্চিম থেকে মগধ আক্রান্ত হলে শত্রুসৈন্য এই স্থানেই অবতরণ করবে। তাদের বাধা দেবার  
উপযুক্ত ব্যবস্থা এখানেই থাকা উচিত। নয় কী।

চণক চারদিকে একবার তাকিয়ে নিয়ে বললেন— হতে পারে...নিমেষ পরে আর একটু উৎসাহ ও  
আহ্বার সঙ্গে বললেন— ঠিকই। রাজগৃহ পর্যন্ত তাদের যেতে দেওয়া ঠিক নয়...

বর্ষকার নিজের উরু চাপড়ে বললেন— ঠিক এই কথাটাই আমি মহারাজকে বোঝাতে পারছি  
না। উনি সর্বদাই রাজগৃহের প্রাচীর, প্রাকৃতিক সুরক্ষা ইত্যাদির কথা বলে থাকেন। রাজগৃহ যেন  
মহারাজের প্রথম সন্তান। আর কিছু তার সমকক্ষ হোক তা তিনি চান না। অথচ এরূপ কোনও  
পক্ষপাত রাজার উপযুক্ত নয়। দৈবরাত, আপনি যদি সময় করে মহারাজকে বোঝান...

চণক জিজ্ঞেস করলেন— মহারাজের সম্মতি ছাড়াই কি আপনারা দুর্গ-স্থল অনুসন্ধান করছেন ?

—করছি দৈবরাত, ব্যক্তিগত উদ্যোগে। সমস্যাটা হল কি জানেন ? আমরাও দণ্ডনীতি জানি,  
বার্তা জানি, তার ব্যবহারিক প্রয়োগ করতে করতে বহু সমস্যা ও তার সমাধান মাথায় আসে। শুধু  
মহারাজের আশ্রয় ছাড়াই কাল কাটাতে পারি না।

অমাত্য সুনীথ এই সময়ে উত্তেজিত হয়ে কোথা থেকে ছুটে এলেন।

—অমাত্য বর্ষকার, অমাত্য বর্ষকার ! দুর্গের উপযুক্ত স্থান আর একটু পশ্চিমে পেয়েছি।

চণককে দেখে তিনি থেমে গেলেন।

—মহামান্য দৈবরাত যে। আপনি এখানে ?

চণক উত্তর দিলেন না। একটু হাসলেন শুধু। বর্ষকার ও সুনীথ পরস্পর চোখ চাওয়াচাওয়ি  
করলেন।

চণক বললেন— আমার প্রত্যাভর্তনের সময় হলো। নমস্কার অমাত্যগণ।

কিছুদূর গিয়ে তাঁর কী মনে হল, দাঁড়ালেন, সামান্য পথ ফিরে এসে বললেন— আমি কোনও  
চরকর্ম করতে এখানে আসিনি।

এবার তিনি দ্রুত মন্দুরার দিকে গেলেন, চিন্তককে সংগ্রহ করলেন। কিছুক্ষণ পরেই রাজগৃহ  
অভিমুখে তাঁর ঘোড়া ছুটল। তিনি বোধিকুমার ও জননী সুমেধার সঙ্গে সান্ধাতের কথা ভুলে  
গিয়েছিলেন।

চলতে চলতে তাঁর মনে হল— শ্রীমতী ? শ্রীমতী কি কিরেছে ? যদি তার সন্তান নির্বিঘ্নে জন্মে  
থাকে তা হলে এতদিনে তার বেশ কয়েক বৎসর বয়স হয়ে যাবার কথা। তাকে তিনি তন্ত্রশিলায়  
পাঠাবেন। রাজার কাছে ওই লম্পটটিকে হত্যা বিষয়ে স্বীকারোক্তি করা ভাল। চন্দ্রকেতু যদি বিদ্ধ  
হত ? তা হলে এতক্ষণে রাজগৃহে কোলাহল পড়ে গেছে। তিনি অনেক চেষ্টায় মনটিকে অন্য চিন্তায়  
ফেরালেন। দ্রুত পথ অতিক্রম করতে লাগলেন। একটি রথ চলে গেল তাঁর পাশ দিয়ে, ঝগড়া  
চালাচ্ছেন একজন বীরপুরুষ, পাশে সূত। ভেতরে বসে একটি শ্রমণ। দৃশ্যটি অদ্ভুত লাগল তাঁর।  
কে ওই বীরপুরুষ ? রূঢ়দর্শন। কিন্তু সম্ভবত বয়সে একেবারেই যুবক। দার্শনিক, রীতিমতো  
শক্তিধর... প্রায় রাজগৃহের প্রাকার পর্যন্ত চলে আসার পর চণকের মনে হল— এ নিশ্চয় কুমার  
কুনিয়।

ভেতরে শ্রমণটি কে ? তথাগত ? তিনিও তীব্র বেগে ঘোড়া ছুটিয়েছিলেন। রথটিও চলেছিল  
আট পা ভুলে উর্ধ্বমুখে। কাষায় বস্ত্র ও মুণ্ডিত মস্তকের একটা স্মৃতি রয়েছে মাথায়। কিন্তু তথাগত  
নয়। অন্য কেউ। কে ?

গাঙ্গারভবনে গিয়ে স্নান সাজসজ্জা আহ্বার করে পরিতৃপ্ত হলেন চণক। তীব্র ইচ্ছা হচ্ছে  
পুষ্পলাবীতে যেতে। জানেন না, আজ অনুষ্ঠান আছে কি না, কিন্তু শুনতে ইচ্ছা হচ্ছে প্রস্তুতি  
কুসুমের গান, দেখতে ইচ্ছা হচ্ছে সেই মহাকালের নৃত্য। কিন্তু গোপনে। কেন কে জানে

জিতসোমার মুখোমুখি হতে তাঁর ইচ্ছা হচ্ছে না ।

সম্ভ্যার পূর্বেই তিনি রাজপ্রাসাদে মহারাজ বিহিসারের দর্শনার্থী হয়ে গেলেন । কূটকক্ষে আহূত হলেন চণক ।

—মহারাজ, আপনাকে আমার শ্রমণ-বৃত্তান্ত তো এখনও কিছুই বলা হয়নি— কেমন অস্থির যেন আজ চণক রাজাও যেন কেমন অন্যমন্য । বিমর্ষ ।

—আমি শোনবার জন্য উৎসুক হয়ে আছি আচার্যপুত্র । বললেন, কিন্তু কেমন নিরুৎসুক ।

—শুনুন, দু-তিনটি নতুন জনপদ বসিয়ে এসেছি, বন কেটে । অর্থ দিয়েছেন ভদ্রিয়র শ্রেষ্ঠী মেসুক । আর প্রচার করে এসেছি ।

—কী প্রচার করেছে চণক ?

—প্রচার করেছে মহারাজ বিহিসার প্রজাপালক, উদারহৃদয় । মহারাজ পিতার মতো বৎসল, দেবতার মতো শক্তিদর, কিন্তু তিনি প্রজাদের কাছ থেকে বিপদের সময়ে সৈন্যবলের প্রত্যাশী । তিনি চান প্রতিটি গ্রাম আশ্বরক্ষায় সমর্থ হোক ।

বিহিসার উঠে বসলেন, বললেন— তুমি তোমার উপযুক্ত কাজ করেছে আচার্যপুত্র । তুমি চক্রবর্তী রাজার চক্রস্বরূপ । কিন্তু হায় এ চক্র ধারণ করবার মতো রাজা বৃষ্টি আর নেই !

—এ কথা বলছেন কেন মহারাজ ?

—নানান জটিলতায় ক্রমশই জড়িয়ে যাচ্ছে রাজ্যের ভাগ্য, রাজার ভাগ্য....

মহারাজের হতাশাব্যঞ্জক মনোভাবকে প্রশ্রয় দিলেন না চণক । বললেন— ভাল কথা, আমি একটি গর্হিত কাজ করে ফেলেছি । দণ্ডনীতির দিক থেকে গর্হিত, কিন্তু আমার ব্যক্তিগত নীতির দিক থেকে কাজটি শ্লাঘ্য ।

—অর্থাৎ ! বিহিসার ভূ কূচকে তাকালেন ।

—‘পুষ্পলাবী’র নগরশোভিনীর গৃহে রাত্রির একটি লম্পটকে আমি হত্যা করেছি ।

—তুমি ! বিহিসার চমকে উঠলেন— সোমা জানে ?

—অবশ্যই ! মুমূর্ষু প্রণয়ীকে অস্তিম জলগণ্ডুষ তো সে-ই দিল । আপনি বিচার করে আমার যা শাস্তি প্রাপ্য মনে করেন, দিন ।

বিহিসার গম্ভীর হয়ে বললেন— এ অপরাধের প্রকাশ্য বিচার তো হওয়া সম্ভব নয় দৈবরাত !

—কেন ?

—তাতে শুধু তুমি নও, জিতসোমা, মগধের শুভাকাঙ্ক্ষী অমাত্যরা এবং শেষ পর্যন্ত মহারাজ বিহিসারও জড়িয়ে পড়বেন ।

চণক অনুভব করলেন, তিনি ধীরে ধীরে আবার উত্তেজিত হয়ে উঠছেন ।

মহারাজ বললেন— চণক, জিতসোমা আমার অমাত্য, পূর্বেও তোমাকে বলবার চেষ্টা করেছে, বিশ্বাস করনি । আবারও বলছি, নগরশোভিনীর এই আয়োজন, এ তার ছদ্মবেশ । রাত্রে তার কাছে প্রণয়ীরা যায় না । যায় চরেরা । এবং বিহিসার-ভক্ত অমাত্যরা । কুনিয়-পঙ্কী অমাত্যদেরও সে সমান আতিথ্য দেয়, কিন্তু তা শুধুই তার রাজকর্ষ করতে । যে ব্যক্তিকে তুমি হত্যা করেছ সে-ই রুক্ষ একটি সামান্য চর ।

চণক বিশ্বাসে নির্বাক হয়ে রইলেন ।

বিহিসার বললেন— জিতসোমা প্রশংসনীয় অমাত্য-কর্ম করেছে চণক । জড়িত অল্পকালের মধ্যে সে শ্রেষ্ঠী ও অমাত্যদের মধ্যে কারা বিহিসারের শত্রু, আবিষ্কার করেছে । আবিষ্কার করেছে, বিহিসারের ঘনিষ্ঠতম অমাত্যরাই কুমার কুনিয়র সঙ্গে ষড়যন্ত্রে যোগ দিয়েছেন । এবং এঁদের প্ররোচিত করছেন একজন শাক্যপুত্রীয় শ্রমণ—দেবী রাহুলমাতুর ঈহাদর— ভগবান তথাগতর নিজের শ্যালক—স্বহির দেবদত্ত । তাই বলছিলাম, চক্র হল কিন্তু চক্র ধারণ করার মতো রাজা হয়ত আর থাকবে না ।

চণক ঘটনার বিবরণে বিহ্বল হয়ে গিয়েছিলেন । এবার তিনি পাটুলি গ্রামে দুর্গ, বর্ষকার-সুনীথ, এবং রথারোহী কুমার ও শ্রমণের দৃশ্যগুলি পরস্পরের সঙ্গে সম্পর্কিত করতে পারলেন । সে-ই সঙ্গে

সোমার জ্বল-ভরা চোখ ও দৃষ্ট ভঙ্গি মনে পড়ে তিনি নির্বাক হয়ে রইলেন। ব্যক্তিগত জীবনের জটিলতায় এমনই বিভ্রান্ত ছিলেন যে মহারাজের শেষ কথাগুলি তাঁর কান এড়িয়ে গেল। তিনি অভিমানাহত গলায় বললেন— সোমার সমস্ত ব্যাপারটি আমায় পরিষ্কার করে বলা কি আপনাদের উচিত ছিল না ?

—সমস্তটাই শুণ্ড। কেউ জানতে পারলে সর্বনাশ।

—আমার থেকেও শুণ্ড ?

—তোমাকে সব খুলে বলতে নিষেধ ছিল দৈবরাত।

—কার নিষেধ মহারাজ ?

—সোমার।

—এইসব গুরুত্বপূর্ণ ব্যাপারে একজন নারীর নিষেধের কী মূল্য মহারাজ ?

—কিন্তু এই নারী বিদূষী, দণ্ডনীতিতে অভিজ্ঞ। নূতন পথ প্রদর্শন করছে সে, তার মতামতের মূল্য নেই ? তুমি তার আচার্য, তুমিও এরূপ বলছো।

—মহারাজ, সোমা বিদূষী, তত্ত্বজ্ঞানরূপে আপনার রাজ্যের গোপন ষড়যন্ত্রের ব্যাপারে পথ নির্দেশ করছে। কিন্তু আমাকে জানাতে নিষেধটা সে করেছে অভিমানে। এবং নারী অতিমাত্রায় আবেগত্যাগিত ও স্পর্শকাতর বলেই অতিবিদূষী হওয়া সত্ত্বেও তাকে গুরুত্বপূর্ণ কাজে নিয়োগ করার আগে দুবার ভাবতে হয়। ব্যক্তিসত্তার থেকে নৈর্ব্যক্তিক কর্মসত্তা স্বতন্ত্র করতে পারে না সে।

—সকল পুরুষই কি তা পারে ?

—পারে না মহারাজ। ঠিকই। কিন্তু পারতে হয় এবং বহুকাল ধরে পারতে পারতে এটা পুরুষের অভ্যাস হয়ে গেছে।

—তা হলে তুমি বলছ, সোমাকে অমাত্য নিয়োগ করে আমি ভুল করেছি ?

চণক নীরবে দু দিকে মাথা নাড়তে লাগলেন। যেন, তিনি কী বলবেন ঠিক করতে পারছেন না।

—বলো, কিছু বলো বন্ধু ! বিচারটা ঠিক করলে কি না ভাবো।

—ভাবছি, ভাবছি মহারাজ... সোমার অহেতুক গোপনীয়তার কারণে একটি নির্দোষ ব্যক্তিকে হত্যাকারী হতে হল। নিহত হল আরেক ব্যক্তি। নিহতর চেয়ে হত্যাকারীর ভাগ্যই কি ভাল ?

হত্যাকারীর ভাগ্য নির্ধারণ, আমি রাজা আমি যা হয় করব। তুমি এ নিয়ে অনর্থক চিন্তা না-ই করলে !

—মহারাজ, সে চিন্তার কথা বলছি না। একটি ব্যক্তিকে শুধু শুধু হত্যা করেছে এ কথা ভাবলে নিজেকে কলঙ্কিত লাগে ভয়ানক। চণক ক্ষুব্ধ কণ্ঠে বললেন।—

ক্ষত্রিয়দের গুরুত্ব কত হত্যা করতে হয়। তা ছাড়া বন্ধু তুমি তো জ্বেনেজ্বেনে করোনি। যাই হোক, আমি তোমাকে শাস্তি দেবো, ভেবো না। শুধু প্রকাশ্যে দেওয়া সম্ভব নয়। এইটুকু। আমার আর একটা অনুরোধ, এই দুঃসময়ে তুমি আমার পাশে, রাজগৃহে থাকো।

ক্ষণকাল ভেবে চণক বললেন— স্বীকৃত হলাম।

কিন্তু এর কয়েক দিন পর বোধিকুমারের সঙ্গে সাক্ষাৎ করতে গিয়ে চণকের স্বাভাবিক স্ত্রী আবার টুকরো টুকরো হয়ে গেল।

সকালবেলা রাজগৃহ নগরী রৌদ্রে স্নান করছে। ক্রমশই তপ্ত হয়ে উঠছে পৃথিবী। চণক দেখলেন বোধিকুমারের গৃহদ্বার খোলা। সকালে বন্ধ থাকবার কোনও কারণও অবশ্য নেই। কিন্তু মাতা-পুত্র উভয়ে গালে হাত দিয়ে গৃহদ্বারের প্রান্তে বসে আছেন। মুখ যারপরনাই বিষম।

চণককে দেখে বিস্ময়ে প্রায় লাফ দিয়ে উঠল বোধিকুমার। আলিঙ্গন করার জন্য এগিয়ে আসছিল। সহসাই সে পিছিয়ে গেল।

—কী ব্যাপার ? —চণক হাসিমুখে জিজ্ঞাসা করলেন— সব কুশল তো ?

দেবী সুমেধা বললেন—আজ দশম দিন হল।

‘কিসের দশম দিন ?’

প্রথমে কেউ উত্তর দিল না।

একটু পরে বোধিকুমার বলল—শ্রীমতীর মৃত্যুর।

‘শ্রীমতী... মারা গেছে ?’ চণক ধীরে ধীরে প্রশ্ন করলেন।

সুমেধা বললেন—বচ্চ চণক, মারা গেছে অত্যন্ত দুঃখের কথা, শোকের কথা। কিন্তু তার জন্য শোক করছি না। আজ দশ দিন হয়ে গেল হতভাগিনীর সংকার হল না।

‘—সে কী ? কেন জননী !’

—রাজ্যদেশে, সমন গৌতমের আদেশে...

—অর্থাৎ ?

উত্তরে চণক এই কাহিনী শুনলেন শ্রীমতী সন্তান জন্মের পর দ্বিগুণ রূপ যৌবন নিয়ে রাজগৃহে ফিরে আসে। এবং তার গৃহে নিয়মিত নৃত্য-গীত-সভাও বসাতে থাকে। বোধিকুমার তার নিষ্কণ্টক ব্যবস্থা করেছিল, দেবী সুমেধা তাকে সাদরে পুত্রবধু বলে গ্রহণ করবার প্রস্তাবও দিয়েছিলেন। কিন্তু শ্রীমতী সবিনয়ে এ সকল প্রত্যাখ্যান করে পূর্ববৎ জীবনযাপন করতে থাকে। বোধিকুমার নিয়মিত তার সভায় যেত। দিন দশ আগে গিয়ে শোনে শ্রীমতীর প্রবল ছুর এসেছে। বৈদ্য ঔষধ দিয়ে গেছেন। বিশ্রাম নিতে পরামর্শ দিয়েছেন। প্রতিদিনই সে শ্রীমতীর সংবাদ নিতে যেত, কিন্তু দাসী চন্দা দেখা করতে দিত না। তিনদিন ছুরভোগের পর মধ্যরাতে শ্রীমতীর যন্ত্রণার অবসান হয়। তার দেহ দাসেরা বয়ে নিয়ে যায় শ্মশানে। চিতা জ্বালাবে, এমন সময় সমন গৌতম তাঁর একটি তরুণ শিষ্যকে নিয়ে সেখানে উপস্থিত হন।

—কেমন ? এ-ই তো সেই নারী ? —সমন শিষ্যকে জিজ্ঞাসা করলেন।

—হ্যাঁ ভগ্নে, এই সেই লাবণ্যকোমল, মধুরা, গীতকুশলা, অপরূপা রমণী যাকে দেখে আমার মনে হয়েছে প্রব্রজ্যা প্রকৃতপক্ষে প্রবঞ্চনা ছাড়া কিছু নয়।

সমন হেসে বললেন—ভালো, সেই মোহন দেহকাণ্ডের আর রইল কী ? যা কোমল দেখেছিলেন তা এখন কেমন কঠিন দেখে, যা উষ্ণ ভেবেছিলে তা শীতল, গীত স্তব্ধ হয়ে গেছে।

—হোক কঠিন, হোক শীতল, হোক স্তব্ধ, তবু কী সুন্দর, কী মোহময় ভগ্নে।

শিষ্যর এই কথায় সমন গৌতম শ্রীমতীর সংকার স্বগিত রাখতে মহারাজকে আদেশ করেন। মহারাজও সে আদেশ ঘোষণা করে দেন।

চণক উঠে পড়লেন। দেবী সুমেধা চোখ তুলে তাকালেন, বোধিকুমারকে চোখের ইঙ্গিত করলেন শুধু।

চণক বেরিয়ে গেলেন চক্ষের নিমেষে। বোধিকুমারের এখন একটি অশ্ব হয়েছে। সে অশ্বকে প্রস্তুত করে যেতে যেতে চণক অদৃশ্য হয়েছেন। সে অনুমানে নির্ভর করে দক্ষিণ শ্মশানে পৌঁছল। এখানেই শ্রীমতীর শব রয়েছে।

প্রচুর লোক জমেছে শ্মশানের মুখে। বোধিকুমার দেখল উচ্চমঞ্চে শ্রীমতীর শবদেহটি শোয়ানো, কঠ অবধি একটি শুভ্রবর্ণ, সোনারূপার কাজ করা কাপাসিক বসন দিয়ে ঢাকা। মঞ্চের সামনে সে গৌতমকে দেখতে পেল, সঙ্গে বেশ কয়েকজন ভিক্ষু। জনপরিধি ঠেলে বোধিকুমার শ্মশানভূমিতে পৌঁছল।

—কেমন বয় ? এখনও কি তোমার এই রমণীকে বাঞ্ছিত, সুন্দর বলে মনে হচ্ছে ? গৌতম বললেন।

শ্রীমতীর মুখের ত্বক শুষ্ক। অস্বাভাবিক ভৌতিক এক কৃষ্ণবর্ণ তাতে। শুভ্রবর্ণের কেমন যেন ঝুলে পড়েছে, দাঁত দেখা যাচ্ছে। বোধিকুমার আরও এগিয়ে দেখল মেষ বিকট এক মুখব্যাদান। সভয়ে চোখ সরিয়ে নিল সে। গৌতম ততক্ষণে তাঁর হাতের দণ্ডটি দিয়ে আচ্ছাদন বস্ত্রটি ধীরে ধীরে সরিয়ে দিচ্ছেন। এবং চতুর্দিকে ছড়িয়ে পড়ছে এক উৎকট গন্ধ।

উপস্থিত সকলে উত্তরীয় দিয়ে নাসা চেপে ধরল।

—আয়ুধান বয়, দেখো এই নারীদেহ কী বীভৎস পুতিগন্ধময়, কুমি-কীটের বাস। দুর্গন্ধময় এই নারীর জন্য তুমি...

সহসা ভিড় ঠেলে প্রবেশ করলেন চণক। দেখলেই বোঝায় যায় তিনি উর্ধ্বাঙ্গে ছুটে

এসেছেন। তাঁর দেহ ঘর্মসিক্ত। চোখদুটি জ্বলছে।

তিনি চিৎকার করে বললেন—কে, কে এই রমণীর অস্ত্রোষ্টিতে বাধা দেয় দেখি।—তিনি জ্বলন্ত চোখে তাকিয়ে আছেন শ্রমণ গৌতমের দিকে।

—কেউ বাধা দেবে না আয়ুত্মান, তুমি এর সংকার করো—গৌতম বললেন।

—এতকাল কে বন্ধ রেখেছিল সংকার? কার আদেশে এই নারীর এরূপ অসম্মান ঘটল?

—বিশেষ প্রয়োজনে, এই ভিক্ষুকে প্রব্রজ্যায় ফেরাতে অস্ত্রোষ্টি স্থগিত রাখা প্রয়োজন হয়েছিল। অসম্মান তো নয় কাত্যায়ন?

—অসম্মান নয়? একটা সামান্য লম্পটের তথাকথিত ধর্মের নামে একটি স্বকর্মে নিষ্ঠ নারীকে এভাবে দাহ না করে ফেলে রাখা অসম্মান নয়?

—কাকে লম্পট বলছো কাত্যায়ন?

যে ভিক্ষু নারীর দেহকেই নারী বলে মনে করে, যৌবনশোভায় মগ্ন হয়, আর মৃতদেহে কৃমি দেখে ঘৃণায় শিহরিত হয় সেই মূর্খ দেহসর্বস্ব ভিক্ষুকে লম্পট ছাড়া কী বলব? আর যিনি এইভাবে স্বসংঘে জনসংখ্যা বাড়ান, তাঁকে কী বলব? কী বলব? বলে দিন শ্রমণ।

—তাঁকে যা ইচ্ছা বলতে পারো আয়ুত্মান—বুদ্ধর মুখে মৃদু হাসি।

—তাহলে তাঁকে দিগ্ভ্রাস্ত, কাণ্ডজ্ঞানশূন্য, দান্তিক, বাতুল, উন্মাদ বলি। উন্মাদ শ্রমণ।

আরও কিছু চীবরধারী আশেপাশে ছিলেন, তাঁরা ক্রুদ্ধস্বরে বলে উঠলেন, কাকে কী বলছেন? কাকে কী বলছেন? ধিক, ধিক আপনাকে।

গৌতম বললেন—বলতে দাও। যখন কোনও ব্যক্তি কাউকে কিছু দেয় এবং প্রথম ব্যক্তি তা গ্রহণ করে না, তখন দত্ত বস্তুগুলি কী হয়?

ভিক্ষুরা বলে উঠলেন—দাতার কাছে ফিরে যায় ভস্তু।

—ভালো, ওই তিরস্কারগুলি আমি গ্রহণ করিনি। ওগুলি কাত্যায়নের কাছেই ফিরে গেল।

তিনি দৃঢ়পায়ে স্থানত্যাগ করতে উদ্যত হলেন।

চণক বললেন—চলে যাবার আগে শুনে যান শ্রমণ, আপনি বাসনার কঠরোধ করার নামে প্রণয়কে হত্যা করছেন। দুর্বলতা, ভীরুতা, অসংযম এগুলিকে শক্তি, সাহস ও সংযমে পরিণত করতে সাহায্য করছেন না। শেষ অবধি কতকগুলি নপুংসক সৃষ্টি করে যাচ্ছেন সমাজে। যে সমাজ সুস্থ বাসনার বেগ ধারণ করতে পারে না, স্বাভাবিক বীর্যপাতকে যে বজ্রপাত মনে করতে শেখে, নারীকে কামের উপকরণ বলে ভাবে, এবং ভিক্ষাজীবীকে সম্মান করতে বাধ্য হয় সে সমাজ কীটদষ্ট বটবৃক্ষের মতো আমূল উৎপাটিত হয়ে ধ্বংস হয়ে যাবে। আপনি জানেন না, আপনিই সেই শক্তিশালী কীট। বটবৃক্ষরূপী জন্মুদ্বীপের বর্তমান, তার ভবিষ্যৎ শাগিত দস্তে কেটে ছিন্ন ভিন্ন করছেন।

—কাস্ত হও চণক, কাস্ত হও।

বোধিকুমার দেখল একটি দীর্ঘদেহী গৌরবর্ণ যুবক এসে চণককে দুহাতে সংবৃত্ত করছে।

চণক একেবারে অবাধ হয়ে দুহাতে ব্যক্তিকে আলিঙ্গন করে ধরলেন—অনঘ। সখা অনঘ, এতকাল পরে? কোথা থেকে?

যুবকটির বীরপুরুষের মতো আকৃতি। কটিবন্ধ থেকে কোষবন্ধ অসি ঝুলছে। তিনি বললেন, সেসব কথা পরে হবে, এখন এসো এই মৃতদেহের সংকার করি। আপনারা এখানে থাকা আছেন, এই অস্ত্রোষ্টিতে যোগ দিতে পারেন।

অনেকেই স্থানত্যাগ করল। রয়ে গেল বোধিকুমার স্বয়ং এবং সে ঝিম্মিত হয়ে দেখল আরও দু'চার জনের মধ্যে রয়েছেন স্বয়ং রাজসচিব বর্ষকার ও সুনীথ এবং কুমার বিমল।

চিতায় অগ্নিসংযোগ করবার পর, আগুন তখন ধু ধু করে লেলিহান শিখায় ওপর দিকে উঠছে, বোধিকুমার দেখল কুমার বিমল কৌণ্ডিল্য শূন্য দৃষ্টিতে তাকিয়ে আছেন অগ্নিশিখার দিকে।

বর্ষকার বললেন—দৈবরাত ঠিকই বলেছেন। কী বলেন কুমার?

বিমল কোনও উত্তর দিলেন না।

বর্ষকার আবারও বললেন—কিন্তু সমন গৌতম যা-ই করে থাকুন, মহারাজের অনুমতি ছাড়া তো

করেননি। প্রকৃতপক্ষে... অর্থাৎ বুঝলেন কুমার, বুঝলেন কবি মহারাজের ওপর এই শ্রমণের প্রভাব...  
উচ্চ: বর্ষকার মাথা নাড়তে থাকলেন।

সুনীথ বললেন—অমাত্যবর, রাজনটীদের বন্ধার দায় রাজ্যার, তারাও রাজাকে উপার্জনের অংশ  
করস্বরূপ দিয়ে থাকে। এখন সে মারা গেলে তার শেষকৃত্য তো রাজাদেশেই সুসম্পন্ন হওয়ার  
কথা। এটি একটি রাজকর্তব্য। এই অনাথার প্রকৃত নাথ তো রাজাই।

বিমল ধীরে ধীরে অতি মৃদুস্বরে বললেন—এই-ই নটীর ভাগ্য। কোন দুভাগিনী মায়ের কোলে  
জন্ম নিয়েছিল। যখন উৎসবমুখর থাকে সভাগুলি, বহুজনের শংসা, সাধু সাধু রব, মৃদঙ্গের ধ্বনি,  
বংশীর গীত, নৃপুরের নিক্রম... সকল সৌন্দর্যের যেন আপনভূমি, তখন কি সে ভেবেছিল? ভেবেছিল  
এরূপ হবে।

কথাগুলি যেন কুমার আত্মগত বলছেন। বোধিকুমার ভিন্ন আর কেউ সম্ভবত শুনেতে পায়নি।  
কুমার মৃদুস্বরে কথাগুলি বলতে বলতে থেমে গেলেন। ওদিকে দুই অমাত্য এবং আরও কয়েকজনের  
মধ্যে মৃদুস্বরে হলেও প্রবল তর্ক চলছে। চণক বসে আছেন একটি শিলাখণ্ডে, পাশে তাঁর সখা  
অনঘ।

বিমলকে মাঝে মাঝে শ্রীমতীর সঙ্গীতসভায় দেখেছে বোধিকুমার। কিন্তু তিনি কি শ্রীমতীর  
প্রণয়ী ছিলেন? উনি বৈশালীর নগরশ্রী অম্বপালীর পুত্র বলে একটি রটনা আছে রাজগৃহে। মহারাজ  
বিশ্বাসারের ঔরসে। কত দূর সত্য কে জানে!

শব্দাহক বলল—আপনারা কি গঙ্গানীর দিয়ে চিতা নেভাবেন? তাহলে এক্ষুনি যাওয়া  
প্রয়োজন। গঙ্গা থেকে রাজগৃহের দিকে যে নালিকা কাটা হয়েছে তার জল হলেই চলবে।

চণক উঠে দাঁড়ালেন, বললেন—চিন্তক অতি দ্রুত যায়। আমি যাচ্ছি।

কুমার বিমল বললেন—আমার রথটি যাবে আরও দ্রুত। যদি কেউ সঙ্গে আসেন। তিনি  
বোধিকুমারের দিকে তাকালেন।

বর্ষকার বললেন—সেই ভালো।

চিতা তখন নিভে এসেছে। একটা গরম বাষ্প উঠছে তা থেকে। সেই বাষ্পে দৈবরাত চণকের  
মুখটি শুষ্ক, শোকার্ত দেখায়। সূর্য ঢলে পড়েছে। বোধিকুমার মুংকলসটি চণকের হাতে তুলে  
দিল।

চিতায় জল ছিটোতে ছিটোতে মস্তোচ্চারণ করতে লাগলেন চণক। তারপর শ্মশানের পার্শ্ববর্তী  
সরোবরে স্নানে নামলেন সবাই।

অমাত্য বর্ষকার একটা ডুব দিয়ে উঠে বললেন—কবি, কুমার কোথায়?

বোধিকুমার তার সাম্প্রতিক অভিজ্ঞতায় স্তব্ধ হয়ে ছিল। এখন যেন স্বরকে তার আবিষ্কার করতে  
হল। কয়েকবার চেষ্টা করবার পর সে সফল হল। বলল—কুমার গম্ভব্যে পৌঁছে আমাদের জল  
নিয়ে ফিরে যাবার কথা বললেন। বললেন—তিনি আর ফিরবেন না। বৈশালী যাবেন, গঙ্গার  
অভিমুখে চলে গেলেন কুমার।

—বলেন কী? অমাত্য সুনীথ বললেন।

—হ্যাঁ আশ্চর্য। পথে যেতে যেতে কুমার বলছিলেন—সব তর্ক, সব ব্যঙ্গ প্রতিবাদের উর্ধ্বে  
জেগে আছে অবমাননাময় ক্রিম এই মৃত্যুর সত্য। এই ভবিষ্যৎ যেন তাঁর না হয়। কখনও তাঁর না  
হয়!

—কার কথা বলছিলেন কুমার? নিজের কথা?

—না। বোধহয় দেবী অম্বপালীর কথা।

সকলে নীরব হয়ে গেলেন।

সিদ্ধ বসন নিংড়োতে নিংড়োতে চণক চিন্তকের কাছে এসে পৌঁছলেন, অম্বগুলি সবই একস্থানে  
রক্ষিত। যে যার অশ্বে উঠবেন এবার।

—চণক বললেন—কবি, আমার পুত্র কোথায়?

—পুত্র তো নয় দৈবরাত, কন্যা ।

—কন্যা ? চণক থমকে দাঁড়ালেন । একটু পরে বললেন—সে কোথায় ?

—কী করবেন জেনে ? সে তো আপনার কোনও কাজে লাগবে না ।

—এতকাল পরে আমায় এই বুঝলেন কবি । চণক কি শুধু প্রয়োজনের কথাই ভাবে ? আর কিছু নেই । তাঁর কণ্ঠস্বর যেন আর্তের ।

বোধিকুমার বলল—তা নয় দৈবরাত, প্রয়োজনই শুধু নয়, আপনার যে আছে মহান কর্তব্য, কন্যাটিকে গ্রহণ করবার কথাও তো আপনি বলেননি । পুত্রের কথাই বলেছিলেন, তাই...

—কন্যাটিকে কি আপনি লালন করতে চান ? চণকের কণ্ঠ এখন অনেক শান্ত ।

—সে সুযোগ শ্রীমতী আমায় দেয়নি দৈবরাত । কন্যাটিকে সে রাজপ্রাসাদে পাঠিয়ে দিয়েছে । মহিষী কোশলকুমারীর প্রাসাদে বড় হচ্ছে সে । চণকভদ্র শ্রীমতী তার পিতৃপরিচয় দেয়নি । আমি আপনার সব কথা তাকে বলেছিলাম, তবুও না । সে আপনাকে কন্যার পিতা বলে স্বীকারও করেনি । ওই কন্যাকে আমি দেখিনি ভদ্র, শুনেছি সে মাতৃমুখী । কোশলদেবী তারও নাম রেখেছেন শ্রীমতী ।

তখনও অপরাহ্ন হয়নি । দু'জনেই দেখলেন ঋশান-বৃক্ষগুলির শাখায় শাখায় একে একে শকুন এসে নামছে ।

১৮

ক্রমে রাজগৃহে সন্ধ্যা নামে । রাত্রি নামে । রজনীর যামগুলি একে একে পার হতে থাকে । চণকের চোখে কোনদিনই ঘুম আসে না । পাশের শয্যায় সখা অনঘ ঘুমে অচেতন । দীর্ঘ দিন শাক্যপুত্রীয় সংঘে বিনয় পালন করে অনঘ শিখেছে কীভাবে চিন্তকে সংযত, একাগ্র, উদাসীন রাখতে হয় । শাক্য মুনির গুণগ্রামে সে অভিবৃত্ত । শুধু স্বীকার করে একটি বিশেষ কর্মভার নিয়ে একদিন সে বেরিয়েছিল । তার স্বদেশের ভাগ্য ছিল তাতে জড়িত । সেই কর্ম ফেলে রেখে শ্রমণসংঘে যোগ দেওয়া তার অনুচিত হয়েছিল । চণকের কাছে বারবার সে অনুতাপ প্রকাশ করেছে । কিন্তু যা শিখেছে, যা জেনেছে তা নিয়ে তার আনন্দের অবশি নেই । তাই শয্যায় শোয়ামাত্র নিদ্রায় সে অভিবৃত্ত হয়ে যায় । বাঁদিকে পাশ ফিরে হাতের ওপর মাথা রেখে উপাধান বিনা সে শুয়ে থাকে । প্রশান্ত মুখ, সহসা দেখলে মনে হয় সে চোখ দুটি বন্ধ করে শুয়ে আছে মাত্র । কিন্তু প্রকৃতপক্ষে সে সুবৃশ্ণ । চণক পদচারণা করতে করতে ভাবেন আপন চিন্তের সঙ্গে, জীবনের সঙ্গে সমস্ত দ্বন্দ্বের যার অবসান হয়েছে সে-ই একমাত্র এমন নিদ্রায় নিদ্রিত থাকতে পারে । চণক পারছেন না । শুধু আজ বলে নয়, যৌবনোন্মেষের সময় থেকেই অদ্ভুত সব শক্তিশালী চিন্তা, স্বপ্ন, কল্পনা তাঁকে জাগিয়ে রেখেছে । মধ্যরাতে সহসা ঘুম ভেঙে যেত কর্তদিন । কোনও ভাব, কোনও সমস্যা তার সমাধান, একেবারে চিত্রের মতো ভেসে উঠত, মনে হত যেন কেউ তাঁর ভেতরে বসে সমস্যাগুলির সমাধান করছে, চিত্রগুলি লিখছে, ভাবগুলি উদ্ভিত করে অঙ্গুলিনির্দেশ করছে । প্রথম যৌবনে মনে হতো কেউ, কোনও দেবতা তাঁকে ভর করেছেন । তাঁর ভেতরে বসবাস করছেন । এখন, বহু অজিঞ্জতার পর তিনি বুঝেছেন না, কোনও দেবতা নয় । তাঁর চিন্তের মধ্যে আরও একটি চিন্ত আছে—সদাসতর্ক । বহির্শক্তির দৃষ্টিতে যা এড়িয়ে যায় এই অন্তর্শক্তির তাকেও দেখে, তার ক্ষমতা অসীম, বাড়ালেই বাড়ে । চণকের গভীর, দৃঢ় আত্মপ্রত্যয়ের মূলে তাঁর এই অন্তর্শক্তির প্রতি আস্থা । কিন্তু সম্প্রতি, অতি সম্প্রতি সেই আস্থা টলেছে । তিনি উপলব্ধি করছেন বাইরের ঘটনাবলীকে তাঁর চিন্ত নিয়ন্ত্রণ করতে পারবে না সবসময়ে যতই চেষ্টা করুন, আর দ্বিতীয়ত যেটি আরও ভয়াবহ, তাঁর অন্তর্শক্তিও ভুল করে । তিনি অস্থিরও হন । আজ যে দ্বন্দ্ব যে সমস্যা তাঁর সামনে তিনি কিছুতেই ভেবে পাচ্ছেন না কী ভাবে তার সম্মুখীন হবেন ।

প্রাসাদ থেকে ভেরীঘোষ ভেসে এলো । শেষ যাম রজনীর । অস্থির চণক দ্রুত পদে গাছার ভবনের পেছনের দ্বার খুললেন গিয়ে । অন্ধকারে কয়েকটি ছায়ামূর্তি ।

ভেতরে নিঃশব্দে ঢুকে এলো ।

গভীর কণ্ঠে একটি মূর্তি বলল—একেবারে অভ্যস্তরে, সোমার কক্ষে নিয়ে চলুন আর্থ ।

চণকের পেছন পেছন অন্তঃপুরের শেষ কক্ষটিতে পৌঁছলেন সবাই । পরিত্যক্ত কক্ষ । নাগদন্ত থেকে একটি ছেঁড়া-তার বীণা খুলছে । শয্যার ওপর চিত্রময় একটি আস্তরণ । রাত্রে শুতে যাবার আশে একটি আচ্ছাদন হর্ম্যতলে বিছিয়ে দিয়ে গিয়েছিলেন তিনি । অতিথিরা তার ওপরে বসলেন, শুধু কর্কশ কণ্ঠ-বিশিষ্ট ব্যক্তি বসলেন গিয়ে একেবারে জিতসোমার শয্যার ওপরে ।

চণক একবার কী বলতে গিয়ে থেমে গেলেন । অনঘ উঠে এসেছে ।

—আসুন আসুন মহামান্য গাঙ্কার—বলে উঠলেন শয্যায় উপবিষ্ট ব্যক্তি ।

চণক দ্রুত গিয়ে দ্বার বন্ধ করে দিলেন ।

বর্ষকার বললেন এবার আমাদের আলোচনা আরম্ভ হতে পারে কুমার ।

শয্যায় উপবিষ্ট ব্যক্তিই কুমার কুনিয় । তিনি উঠে দাঁড়ালেন । ঈষৎ হেসে বললেন আলোচনার তেমন কিছু তো নেই । মগধ কোনদিন আর সাম্রাজ্য হবে না । মগধের রাজাও সম্রাট, রাজচক্রবর্তী হবেন না । তিনি প্রকৃতপক্ষে ভীক । উত্তরে শক্তিশালী রাজ্য সব, বিশেষত বৈশালীর কাছে তিনি একপ্রকার পরাজিতই হয়েছেন । লিচ্ছবির নানা প্রকার বাণিজ্যিক সুযোগ-সুবিধা নেন, আমাদের রাজা দেখেও দেখেন না, শ্বশুর কুল তো ! কী, আমি কি সত্য বলেছি শ্রেষ্ঠী অহিপারক !

অহিপারক শুধু মাথা নাড়লেন ।

বিশদই বলুন না, ভয় কী ? বর্ষকার বললেন

বিশদ আর কী বলব দৈবরাত, গাঙ্কার অনঘ, বৈশালী আর মগধের সীমানায় একটি রত্নখনি আছে । পূর্বে তার উৎপাদন মগধও কিছু পেত । যত দিন যাচ্ছে, সুকৌশলে লিচ্ছবির রত্নখনির চারপাশে পাহারা বসেছে । মাগধ বণিকরা আর সেখানে গতয়াত করতে পারেন না । আমাদের গোষ্ঠী থেকেই এ অভিযোগ এসেছে । শ্রেষ্ঠী'বর যোতীয় জানেন ।

চণক ধীরে ধীরে বললেন—মহারাজকে জানিয়ে ছিলেন ?

—কতবার ।

—ফল হয়নি ?

—না ।

—ভালো, আমাকে কী করতে বলেন ? —চণক জিজ্ঞেস করলেন ।

কুমার কুনিয় পদচারণা করছিলেন, থেমে গিয়ে বললেন— আপনি কী করবেন তা পরে স্থির হবে দৈবরাত । এখন বলুন তো ! সমগ্র জম্বুদ্বীপ জুড়ে এক সাম্রাজ্য, এক রাজচক্রবর্তীর মহৎ কল্পনা নিয়েই কি আপনি আসেননি ?

—এসেছিলাম কুমার ।

জানবেন, মহারাজের এখন যা মতিগতি তাতে তার আর আশা নেই । এখন বলুন নটী শ্রীমতীর মৃতদেহ দশ দিন যাবৎ সংকার না করে ফেলে রাখা— এ আপনি সমর্থন করতে পেরেছেন ?

—পারিনি—কঠিন মুখ চণকের ।

গৌতম বৃদ্ধ নামে শাক্য রাজকুমার স্বরাজ্য ছেড়ে এখন সমস্ত রাজ্যের ওপর নিজের প্রভাব বিস্তার করার কাজে সর্লক্ষি নিয়োগ করেছেন । সিংহাসনে বসতে তিনি চান না—কিন্তু হতে চান রাজদণ্ডের নিয়ামক । সত্য কি না ?

এই সময়ে অনঘ বলে উঠলেন—আমি তথাগতর ঘনিষ্ঠ ছিলাম । এক্ষণে কোনও অভিপ্রায় তাঁর আছে বলে আমার মনে হয়নি । তিনি মহাশ্মা ।

—তিনি যে মহাশ্মা তাতে আমাদের সন্দেহ নেই, বর্ষকার তাই জিজ্ঞাসা বললেন, আপনি আমাদের ভুল বুঝবেন না গাঙ্কার, কিন্তু মহাশ্মারাও সর্বদর্শী হন না, অক্ষয় সিংহদের সর্বদর্শী ভেবে থাকেন । রাজকার্যে অনর্থক বাধার সৃষ্টি করে মগধরাজ্যকে গৌতম বৃদ্ধ একটি মহা সঙ্কটে ফেলে দিয়েছেন । রাজগৃহ তো আর তাঁর সঙ্ঘ নয় যে সমগ্র রাজগৃহকে তার রাজা-প্রজা সহ তিনি বিনয় পালন করাবেন ।



—তিনি কি তাই করছেন ?

—তা ছাড়া কী, গান্ধার ? বৈশালীর স্পর্ধা চূর্ণ করবার জন্য মহারাজের যদিও বা একেকবার ইচ্ছা জাগে, ইনি তাঁর কানে মন্ত্র দেন— বৈশালী অপরাজেয়। বৈশালী সংঘবদ্ধ, তাই অপরাজেয়। রাজ্যে যক্ষ-রক্ষের উপদ্রব হলে আগে এদের মুণ্ড কেটে বনপথে বর্শায় গেঁথে রাখা হত, আর এখন ? ইনি তাদের রক্ষা করেন। সবচেয়ে ভয়ের কথা মহারাজ শাস্তি দিতে উদ্যত সেই সময়ে সেই উত্তোলিত হাত ইনি ধরে ফেলেন। এতে রাজার মর্যাদা নষ্ট হয়, সাধারণের আস্থা নষ্ট হয়।

চণক ধীর কণ্ঠে বললেন— বন্যাদের সঙ্গে গৌতমের নির্দেশে মহারাজ যে নীতি মেনে চলছেন তাতে উপকার হয়নি কোনও ?

—উপকার ? ব্যাঘ্রের গুহায় আপনি প্রবেশ করে বসবাস করতে আরম্ভ করলে ব্যাঘ্র আপনাকে ছেড়ে দেবে ভদ্র ? সাম্রাজ্য বিস্তার করতে হল শক্তিপ্রকাশ, রক্তপাত, আত্মফালন এগুলি করতেই হবে দৈবরাত। পৃথিবী মহর্ষিদের তপোবন নয় যে এখানে ‘মা-মা হিংসী’ বললেই সব হিংসা থেমে যাবে। আর তপোবনও যে সংগ্রামের হাত থেকে পুরো মুক্ত নয়, সে কথা আপনি ভালোই জানেন। প্রকৃত কথা সাম্রাজ্য স্থাপন। কেন ? কোনও ব্যক্তি বা বংশের শ্রীবৃদ্ধির জন্য কী ? না, তা নয়। সাধারণ অস্ত্রহীন মানুষ, উৎপাদক, বণিক, দাস, ভূস্বামী সবাই, সবাই নিরাপদে থাকবে বলে, দেশ সুরক্ষিত হবে বলে— উদ্দেশ্য মহৎ। কিন্তু তার জন্য প্রথমে কঠোর হতেই হয়। দৈবরাত আপনাকে কি এরূপ মত ছিল না ?

চণক একটু ইতস্তত করে প্রশ্নটি সামান্য এড়িয়ে বললেন— মৈত্রীর মধ্য দিয়ে, দান, সহমর্মিতা ও কল্যাণকর্মের মধ্য দিয়েও যে রাজ্যবিস্তার এবং সংহতি হয় না এ কথা আমি বিশ্বাস করি না। কিন্তু মহামান্য সচিব যে বলছেন কোনও ব্যক্তি বা বংশের শ্রীবৃদ্ধির জন্য সাম্রাজ্য নয়, তিনি কি বলতে পারেন ক্ষমতা কেন্দ্রীভূত হলে ক্রমশই তা ব্যক্তির ও বংশের হয়ে যাবে না ?

—তার জন্য মন্ত্রিপরিষদ চাই। —সুনীথ এতক্ষণে বললেন !

—মন্ত্রি-পরিষদের যথেষ্ট ক্ষমতা চাই—বর্ষকার বললেন।

—কী হবে এই সকল কথা আলোচনা করে ? রক্ত বসনাবৃত মুখ প্রকাশ করলেন এক বয়স্ক শ্রমণ। কক্ষের অন্ধকারতম কোনটিতে এতক্ষণ বসেছিলেন ইনি।

চণক অবাক হয়ে গেলেন। তিনি ভেবেছিলেন তাঁর অতিথিরা সকলেই রাজপুরুষ। এই দলে একটি শ্রমণ আছেন এ কথা তিনি স্বপ্নেও ভাবেননি। তাঁর বিদ্যুচ্চমকের মতো মনে পড়ল কুমার কুনিয়র রথের ভেতরে সেই শ্রমণের কথা। তিনিই কি ইনি ?

শ্রমণ কৃশকায়, দীর্ঘদেহ, চক্ষুদুটি কোটরাগত। সুগৌরবর্ণ। কুমার কুনিয়র সম্ভবত চণকের বিশ্ময় লক্ষ্য করেছিলেন। বলে উঠলেন— দৈবরাত, ইনি ভগবান দেবদত্ত, ইনিই প্রকৃত বুদ্ধ।

মহাসচিব বর্ষকার ভিন্ন দিকে তাকিয়ে রইলেন, সুনীথ মাথা নিচু করেছেন। প্রকৃত বুদ্ধ ? রজনীর শেষ যামে কয়েকজন রাজপুরুষের সঙ্গে একজন বিদেশীর গৃহে এসেছেন মন্ত্রণা করতে ? মন্ত্রণা না ষড়যন্ত্র ?

তাঁর চিন্তাজাল ছিন্ন হয়ে গেল শ্রমণ দেবদত্তের কণ্ঠস্বরে।

—গৌতমকে আমি শিশুকাল থেকে ঘনিষ্ঠভাবে চিনি। সে অতিশয় ক্ষমতালিপ্ত রাজা তো অনেকেই হয়। সেও হতে পারত গণরাজ হযত শাক্যরা সবাই তাকে মেনে নিত। কিন্তু তার আকাঙ্ক্ষা আরও অনেক উচ্চ। সে রাজাদের নিয়ন্তা হতে চায়। তার আশুলিহেলনে চলবে কোশল, বৎস, মধুরা, কুরুদেশ, মগধ—সব, সব। সংজ্ঞের মধ্যে যেকোনো সকলকে দমিত করে রেখেছে, সেইভাবেই সারা জম্বুদ্বীপের রাজপুরুষদের ওপর সে নিজের ইচ্ছা-অনিচ্ছা চাপাতে চায়।

দেবদত্ত একটু থামলেন, কেউ কোনও কথা বলছে না। তথ্যসমূহ বুদ্ধের কার্যাবলীর এই জাতীয় একটি ব্যাখ্যাও হতে পারে কেউ সম্ভবত ভাবেনি

দেবদত্ত চারদিকে একবার তাঁর তীক্ষ্ণদৃষ্টি বুলিয়ে নিয়ে বললেন— আমি তোমাদের আরও কয়েকটি কথা বলব, ধৈর্য ধরে শোনো। তোমাদের মনে হযত আমাদের সম্পর্কেও অনেক প্রশ্ন জাগছে। মনে হতে পারে আমি গৌতমের প্রতি ঈর্ষায় এসব করছি। ঈর্ষা কিন্তু নয়। গৌতমের

অহস্তা যে কতদূর সর্বনাশা হতে পারে আমি তার প্রত্যক্ষদর্শী, জীবন দিয়েও আমি তার কুফল রোধ করব এই আমার প্রতিজ্ঞা। সমগ্র শাক্যকুলকে সে ছিন্ন ভিন্ন করে দিয়েছে। কত শত শাক্যরমণী যে মর্মবেদনায় মৃত্যুবরণ করেছে, আরও কত যে উপায়ান্তর না দেখে সংঘে প্রবেশ করেছে এবং আরও কত যে জীবনমৃত হয়ে রয়েছে তা তোমাদের বোঝাতে পারবো না। এখন যে শাক্যপ্রধান সেই মহানামা তো গৌতমের নাম শুনে লঙ্ঘিত হয়ে যায়। তাকে শতাধিক অনাথা রমণী প্রতিপালন করতে হচ্ছে।

দেবদত্ত আবার থামলেন, বললেন—ভেবো না, শাক্য-কৌলীয়দের হয়ে প্রতিহিংসা সাধন করতে আমি গৌতমের শত্রুতা করছি। শাক্যদের উদাহরণ দিলাম শুধুমাত্র বোঝাতে গৌতমের শক্তি কী রূপ। সে ইচ্ছা করলে এই সমগ্র জম্বুদ্বীপ শুধু তার নিবৃত্তির তত্ত্ব দিয়েই শাসন করতে নিতে পারে।

অনঘ বলে উঠলেন— কিন্তু ভগ্নে এ কথা কি সত্য নয় যে অন্যান্য শাক্যকুমার যেমন ভগ্ন, কিম্বিল, ভদ্দিয় এঁদের সঙ্গে আপনি স্বেচ্ছায় এসে সংঘের শরণ নিয়েছিলেন।

—নিয়েছিলাম আয়ুত্থান। গৌতমের প্রভাব কি সামান্য মনে করো? সে সময়ে শাক্য রাজ্যে প্রতি গৃহ থেকে একজন অন্তত প্রব্রজ্য না নিলে লোকে তাকে নিয়ে উপহাস করত। আমি প্রব্রজ্য নিই, কঠোর সাধনা করে অর্হস্ব লাভ করি, তারপর স্তানচক্ষুর উন্নীলন হল— সব কিছু পরিষ্কার দেখলাম, বুঝলাম।

—কী বুঝলেন, আমাদের যদি একটু বলেন ভালো করে... কুনিয় বলল।

—কুমার বুঝলাম সংসার-ত্যাগী সন্ন্যাসী আর গৃহীর পথ সম্পূর্ণ স্বভিন্ন। সম্পূর্ণ। সম্পূর্ণ। সন্ন্যাসী কখনও অর্ধগৃহী হবেন না। এই যে সব বিশাল বিশাল বিহার নির্মিত হচ্ছে, সর্বশ্রেণীর মানুষ সে চণ্ডাল হোক, পুকুশ হোক, সংঘভুক্ত হচ্ছে, রোগ-ব্যাদির নাম করে তিন তলিকা পাদুকা পরা হচ্ছে, মধু, ঘৃত, পায়স, গৃহস্থের গৃহে অন্নভোগ মৎস্য মাংস সহযোগে, এ সকল কি অর্ধগৃহীত্ব নয়? সন্ন্যাসী হতে চাও পূর্ণ সন্ন্যাসী হও, আর নইলে পূর্ণ গৃহী। গৃহীর সামাজিক দায়িত্ব কি অল্প? প্রকৃতপক্ষে তা সন্ন্যাসীর চেয়ে অনেক অধিক। গৃহীই সমাজকে, পৃথিবীকে রাখে। সেই গৃহীরা যে সন্ন্যাসীবৃ লবণ ও অন্নতৃষ্ণা মেটায়, তাকে প্রয়োজনে রক্ষা করে এই-ই তো অনেক। এর ওপরে এ কানন দাও, ও কানন দাও, বিহার গড়ো, নিমন্ত্রণে আপ্যায়িত করো, এ সকল কি ভালো? আমি একজন অর্হন, জীবনমুক্ত পুরুষ—আমি বলছি ভালো নয়, এ কখনও কল্যাণকর হতে পারে না।

ঘরটি অর্হন দেবদত্তর কঠস্বরে গমগম করতে লাগল। কেউ কোনও কথাই বলতে পারলেন না।

অনেকক্ষণ পরে অনঘ বললেন— কিন্তু ভগবন, আপনি এক নতুন দৃষ্টিতে বুদ্ধবাণীর ব্যাখ্যা করলেও ওঁর নিজের দিক থেকে উনি একে বলছেন মঝঝিম পস্থা।

তিক্ষস্বরে অর্হন দেবদত্ত বললেন হাঁ। গৃহীর দায়িত্বও পালন করতে হবে না। সন্ন্যাসীর করণীয়ও করতে হবে না। গৃহীর সুখও রইল, সন্ন্যাসীর সুখও রইল। আমি অর্হন দেবদত্ত বিহারে থাকি। তা শীতে উষ্ণ, গ্রীষ্মে শীতল, কেন না শ্রেষ্ঠ স্থপতিরা রাজ্যদেশে তা প্রস্তুত করেছেন। নামমাত্র ভিক্ষায় বেরোই একেক দিন, গৃহস্থ আমাকে দেখলেই তটস্থ হয়ে তার সেদিনের শ্রেষ্ঠ ব্যঞ্জনাদি তা আমার পাত্রে ঢেলে দেয়, আমি নির্জন বৃক্ষতলে বসে আহার সমাধা করি, কোনও কোনও গৃহস্থ আমাকে নিমন্ত্রণ করে শুধু ষোড়শ ব্যঞ্জন দিয়ে ভোজনই করায় না, উপরন্তু উপহার দেয়। রেশমের কাষায়বস্ত্র অতি সুখস্পর্শ, কোমল কাপাসিক পাদুকা, উজ্জ্বল কৃষ্ণবর্ণ ত্রিষ্ণপাত্র, সম্প্রতি স্বর্ণ-রৌপ্যও দিচ্ছে, সংঘ গ্রহণ করছে। সংঘের কোষাগার প্রস্তুত হচ্ছে। জুয়াং কোনও কর্ম না করেই, না সন্তান পালন, না জনক-জননী আদি পূর্বজ, ভার্যা প্রভৃতি প্রতিষ্ঠানীয়গণের, বন্ধু-বান্ধব প্রভৃতি সুহৃৎ গণের প্রতি কোনও কর্তব্য, রাজাকে কর না দিয়ে, বান্ধবকে পণ্যের অর্থমূল্য, দাসকে আরক্ষা না দিয়েই সর্বপ্রকার গৃহসুখ পাচ্ছি। মঝঝিম পস্থাই বটে।

অর্হন দেবদত্তর তিক্ষভাষণে সবাই অনেকক্ষণ চিন্তিত, স্তব্ধ হয়ে রইল।

—শ্রমণ গৌতম কোনও কোনও বিচারে ভুল করেন— চণক অবশেষে বললেন—কিন্তু তাঁকে, অর্থাৎ তাঁর কার্যকলাপকে আমি ঠিক উদ্দেশ্যপ্রণোদিত বা অভিসন্ধিমূলক বলে ভাবতে পারছি না।

—তাহলে উনি বজ্জিদের বিরুদ্ধে অস্ত্রধারণ করতে মহারাজকে বাধা দিচ্ছেন কেন? কুনিয় ৩৮৬

বলল ।

—কেন ? আপনার কী মনে হয় কুমার ? চণক জিজ্ঞেস করলেন ।

—বজ্জি, মগ্ন শাক্য এরা সবাই গণরাজ্য । নিজে শাক্য বলে, গণরাজ্যের সম্ভান বলে, শ্রমণ গৌতমের সহানুভূতিও পরিপূর্ণ এদের পক্ষে । বজ্জিরা স্বাধীন, মগ্নরা হতগৌরব, তবু একপ্রকার স্বাধীনই, শাক্যরা নামেমাত্র কোসলের প্রজা, কার্যত স্বাধীন । উনি চান এই গণরাজ্যগুলি ক্রমে শক্তিশালী হয়ে উঠুক, মগ্ন সাম্রাজ্যের অন্তর্ভুক্ত না হোক । বজ্জিরা যে কোনও দিন মগ্ন আক্রমণ করতে পারে দৈবরাত, তখন শ্রমণ গৌতম মহারাজ্যের কানে মগ্ন দেবেন, বজ্জিরা সংঘবদ্ধ, তারা অপরাজ্যেয় । মহারাজ্যের মনোবল ভেঙে যাবে । রাজনীতির এইসব কূটকৌশল, শত হলেও আপনি ব্রাহ্মণ, আপনি বোঝেন না ।

বর্ষকার হাঁ হাঁ করে উঠলেন— এ কথা বলবেন না কুমার, ব্রাহ্মণরাই চিরকাল রাজসচিবের কাজ করে এসেছে, রাজনীতি ও বার্তা নিয়ে তত্ত্ব রচনা করেছেন যারা, তাঁরাও ব্রাহ্মণ ।

কুমার কুনিয় বলল— দৈবরাত যদি আমার কথায় আঘাত পেয়ে থাকেন, আমি মার্জনা চাইছি । তিনি তো আমার পিতৃবন্ধুও । আবার বয়সে তিনি পিতার চেয়ে অনেক ছোট । আমার পিতৃব্য হলেন । তাই না ? আমি মগ্ন সাম্রাজ্যের ভবিষ্যৎ ভেবে আকুল হয়েছি । ভগবান দেবদত্ত স্ক্রিয়, তাই রাজ্যরহস্য জানেন আবার প্রব্রজিত, তাই সন্ন্যাসরহস্যও জানেন । বাইরে থেকে আমরা সন্ন্যাসী দেখেই ভক্তিতে নত হয়ে পড়ি । কিন্তু সন্ন্যাসী হলেই তিনি সকল ভ্রমের উর্ধ্বে, প্রলোভনের উর্ধ্বে হন না, স্বভাবতই সমালোচনাও তাঁকে শুনতে হবে ।

চণক বললেন— না । শ্রমণ গৌতমের কার্যকলাপের পেছনে কোনও স্বার্থপর অভিসন্ধি আছে, এমন মনে করা ভুল কুমার । নূতন কোনও তত্ত্বকে আমরা সহসা গ্রহণ করতে পারি না । আমাদের সংস্কার তাতে বাধা দেয় । ইনি রাজনীতির ব্যাপারে একটি নূতন তত্ত্ব এনেছেন । মৈত্রী তত্ত্ব শুনতে সহজ, রূপ দিতে সহজ নয় । আবার যতটা কঠিন মনে করছি, ততটা কঠিনও না । শুধু বজ্জি, মগ্ন, শাক্য নয় উনি সমগ্র জম্বুদ্বীপকে মৈত্রীবদ্ধ হতে বলছেন । রাজা প্রজা, ভিন্ন ভিন্ন রাজ্যের রাজশক্তি—সবাইকে । হয়ত উনি ঠিক এভাবে বলেননি, কিন্তু ঠিক সার্বিক তত্ত্ব থেকে রাজনীতিতে প্রাসঙ্গিক এইটুকুই । পারম্পরিক বিপদ ভুলে নিজ নিজ স্বাতন্ত্র্যে স্থিত থেকে সংঘবদ্ধ হওয়া ।

দেবদত্ত বললেন— আয়ুত্থান, তোমার সঙ্গে না গতকল্যই তার তুমুল বিবাদ হয়েছিল । নটীর অন্তিম সংস্কার বন্ধ করা নিয়ে ? তুমি এরূপ গৌতমের পক্ষ নিয়ে কথা বলছো ?

চণক ধীরে ধীরে বললেন— আমি তাত্ত্বিক । তত্ত্বের প্রয়োগও কিছু কিছু করে থাকি । তাত্ত্বিকের দৃষ্টিতে একদেশদর্শিতা থাকে না । বিবাদ ঘটেছিল, বিবাদের কারণ ছিল বলে, তার অর্থ এই নয় যে....

কুমার বলে উঠল.— আপনি ভগবান দেবদত্তকে অপমান করছেন দৈবরাত ! আপনি প্রয়োগকুশল পণ্ডিত হতে পারেন, কিন্তু তিনি অর্হন ।

চণক একটা দুর্বোধ্য হাসি হাসলেন । তারপরে দেবদত্তের দিকে ফিরে বললেন— আমার উক্তি কি আপনাকে কোনও কোমল স্থানে স্পর্শ করল নাকি ভগ্নে !

রাতের অন্ধকার থাকতে থাকতেই চলে গেলেন পাঁচ আগস্তক ।

সহসা অনঘর দিকে ফিরে চণক বললেন— সখা অনঘ, তুমি কি জানো, দেবী দেবদত্তার কন্যা জিতসোমা এই নগরীতেই আছে ।

অনঘ আশ্চর্য হয়ে বলল— জিতসোমা ! এখানে ? কী বলছো সখা !

—তুমি গান্ধারী নটী সোমার নাম শোনা নি ? শোননি এই গান্ধারী ভবনে সোমা থাকত এক সময়ে ! আজ আমরা যে কক্ষে বসে মন্ত্রণা করলাম, সে কক্ষ জিতসোমার, ওই বীণা, এই শয্যা জিতসোমার ।

অনঘ একেবারে স্তব্ধ হয়ে গেলেন । অনেকক্ষণ পরে বললেন— নটী সোমার নাম শুনেছি, শুনেছি গান্ধারীভবনে তোমাকে দেখাশোনা করত সেই নটী পূর্বে । কিন্তু এই সোমা সেই জিতসোমা....এ আমি স্বপ্নেও ভাবিনি ।

—অনঘ ক্রমেক নীরব থেকে আবার মাথা নাড়লেন— না, না । স্বপ্নেও না ।

চণক বললেন— এখন তো শুনলে । কী ভাবছে এখন ?

—কী বিষয়ে ? অনঘ কথা কটি বললেন সম্পূর্ণ অন্যমনে ।

চণক বললেন—এ কথা কি সত্য নয় অনঘ যে, এত বৎসর পরে জিতসোমার স্মৃতিই তোমাকে সংঘ ত্যাগ করতে বাধ্য করল ?

—হয়ত তাই চণক । হয়ত নয় । তুমি যে অর্থে বলছো, সে অর্থে নয় অন্তত ।

— যে অর্থেই হোক অনঘ, তোমার কাছে আমার অনুরোধ, তুমি জিতসোমাকে মাগধ রাজনীতির এই ছটিল আবর্ত থেকে সরিয়ে নিয়ে যাও ।

—রাজনীতির জটিল আবর্ত ? কী বলছো চণক, ভালো করে বুঝিয়ে বলো ।

—সোমা শুধু রাজনটী নয়, আমি যতদূর জানি, সে কিছু রাজকার্যও করে । ঘটনাচক্র যেদিকে চলেছে তাতে তার সে ভূমিকা আর গোপন থাকবার নয় । আজকে যাঁরা এসেছিলেন, বুঝলাম, তাঁরা কুমার কুনিয়কে সমর্থন করছেন । জিতসোমা, অমাত্য চন্দ্রকেতু এঁরা সমর্থন করছেন মহারাজকে । কুনিয় জিতসোমার প্রতি আসক্ত । তার বিশ্বাস মহারাজই তার প্রণয়ে প্রতিদ্বন্দ্বী । সোমা বুঝতে পারছে না, রাজ্যলোভ, সেই সঙ্গে প্রণয়—উভয় মিলে কুনিয় অতি ভীষণ হয়ে উঠেছে । সোমা অতিশয় বিপন্ন । অনঘ সখা, দয়া করো । পূর্বকথা ভুলে যাও ।

অনঘ মৃদুস্বরে বললেন— চণক, তুমি ছাড়া আর কারও সাধ্য নেই জিতসোমার কোনও মঙ্গল বা অমঙ্গল করে । তুমি, তুমিই তাকে বাঁচাতে পারো ।

চণক অব্যক্ত বেদনার ধ্বনি করে বললেন— তুমি তো জানো অনঘ, সে কীরূপ উগ্র অভিমাত্রী, মর্য়াদা জ্ঞানসম্পন্ন । সে আর আমার কথা শুনবে না । তুমি চেষ্টা করো অনঘ । এই ভয়ঙ্কর আবর্তের মধ্যে পড়ে সোমা না শূলবিদ্ধ হয়ে প্রাণ দেয় ।

তড়িৎস্পৃষ্টের মতো চমকে উঠলেন অনঘ । একটু পরে শাস্ত হয়ে বললেন—চণক, চণক, সোমাকে রক্ষা করতে কে তোমাকে বাধ্য দিচ্ছে ! কেনই বা তুমি আমাকে তার রক্ষার ভার দিতে চাইছো সব জেনে শুনে !

—সময়, অনঘ সময় । যখন জিতসোমা তোমাকে প্রত্যাখ্যান করেছিল, তারপর অনেক গুরুপক্ষ অনেক কৃষ্ণপক্ষ এসেছে, গেছে অনঘ । হিমবস্তুর শিখরে শিখরে মেঘরাজি কতবার তুষার হয়ে গলল, সিঙ্কু গঙ্গা যমুনা, সদানীরার জল কতবার আমূল পরিবর্তত হয়ে গেছে, সোমা জানে না, সে কত বিপন্ন ! অনঘ তুমি একবার অন্তত চেষ্টা করো ।

অনঘ নিঃশব্দে অন্যমনার মতো ভোরের কাননের দিকে চলে গেলেন । তাঁর মুখে বেদনার ছবি । চণক কিছুক্ষণ পদচারণা করতে লাগলেন । আজ যে পাঁচ আগস্কক তাঁদের দুই গাঙ্কার যুবককে নিজেদের গুপ্ত মন্ত্রণায় স্থান দিল, তার কারণ কী ? তিনি প্রকাশ্যভাবে শ্রমণ গৌতমের বিধানের বিরুদ্ধে বিদ্রোহ করেছিলেন, তাঁকে কটু কথা শুনিয়েছেন তাই ? এবং অনঘ সংঘত্যাগ করে চলে এসেছে, তাই ? এ মূর্খদের একবারও মনে হল না, অনঘর সংঘত্যাগের পশ্চাতে গৌতম বিরাগ ছাড়া অন্য কিছু থাকতে পারে ? একবারও মনে হল না, তিনি একটি ব্যাপারে গৌতমের বিচারালোচনা করেছেন বলেই অন্য ব্যাপারে না-ও করতে পারেন ! এই মূর্খতার কারণ কী ? ত্বরা । অতিশয় শীঘ্র কুমার একটা বিশ্বিসার-বুদ্ধবিরোধী দল গড়তে চাইছে । কুনিয়ই কী ? না দেবদত্ত নামে ওই শ্রমণ ! বর্ষকার, সুনীথ ও শ্রেষ্ঠী অহিপারকের অবস্থান আরও জটিল । তাঁরা যতটা রাজার বিরুদ্ধে তার চেয়েও অধিক তাঁর বর্তমান নীতির বিরুদ্ধে । এবং গৌতমকে তাঁরা শ্রদ্ধা হ্রাস করেন, রাজনীতিতে তাঁর হস্তক্ষেপ একেবারেই কল্যাণকর মনে করেন না । ইতিমধ্যে শ্রমণ গৌতম নামে ওই ব্যক্তি রাজনীতি, সমাজনীতি, সংঘনীতি কিছুই গ্রাহ্য করেন না । যা তুলি মনে করেন, তা যতই অদ্ভুত হোক, অপ্রচল হোক করেই ছাড়েন । সেদিন তিনি গৌতমকে কিছু কঠিন কথা শুনিয়েছিলেন, কী প্রতিক্রিয়া হল তাতে ওঁর ! ওগুলি নাকি তিনি গ্রহণ করেননি । অগৃহীত উপহার ওই গালিগুলি নাকি চণকের কাছেই ফিরে এসেছে ; বা ! বা ! বা ! অতি অদ্ভুত কৌশল তো ! কী তীক্ষ্ণ ধীশক্তি এই শ্রমণের, কী সংযম । কী শক্তি দৈহিক এবং চারিত্রিক ।

হঠাৎ চণক যেন চমকে উঠলেন। এই কি সেই ব্যক্তি নয়, যাকে তাঁর পিতা কাত্যায়ন দেবরাত্ত এবং তিনি চণক সারাজীবন ধরে খুঁজে চলেছেন? এই তো সে, যে সমগ্র জম্বুদ্বীপের আরক্ষা ও প্রতিপালনের ভার নিতে পারবে। এই সেই রাজচক্রবর্তী যার ছয়তলে সব রাজা নিজেদের রাজদণ্ড স্বেচ্ছায় নামিয়ে রাখবে। বিনা সংগ্রামে, বিনা রক্তপাতে। ইনিই তিনি, যার কান্তি দিব্য, ধৈর্য অসীম, বুদ্ধি অসামান্য, ভেদবুদ্ধি নেই, সংস্কার নেই, যে কোনও ঋষিবাক্যকে স্পর্ধা জানাতে পারেন। অসাধারণ ব্যক্তিমায়া। লোভ নেই, জিঘাংসা নেই, জুগুপ্সা নেই, অথচ বীরপুরুষ।

স এষ, সে-ই এই। চণক ছটফট করে উঠলেন। অথচ এক্ষুনি, এই মুহূর্তে তিনি মহারাজ বিশ্বিসারের কাছেও যেতে পারেন না। যেতে পারেন না শাক্যমুনির কাছেও। কুমারের চর কি তাঁর ওপর লক্ষ রাখছে না? মন্ত্রভেদ তিনি করবেন না, এমন কথা তাঁর কাছে থেকে এরা নেয়নি, সন্তবত ভেবেছিল, নটী শ্রীমতীর কারণে তিনি চিরকালের মতো বিশ্বিসারবিরোধী হয়ে গেছেন। কিন্তু এখন? সব বিষয়ে তিনি বা তাঁরা যে এদের সঙ্গে একমত হতে পারলেন না, এতেই এরা সতর্ক হয়ে যাবে। অথচ, অথচ... অনঘ কই? তিনি কাননের কোণে কোণে আনঘকে খুঁজলেন তারপর ফিরে এলেন গৃহে। না, গৃহেও সে নেই। কোথায় গেল অনঘ? এখুনি, এই মুহূর্তে সোমার কাছে যাওয়া বিপজ্জনক। ভীষণ বিপজ্জনক। চণক দীর্ঘ কয়েকটি পদক্ষেপে মন্দুরায় পৌঁছে গেলেন। না, কোনও ঘোড়া নেয়নি অনঘ। তিনি এক লাফে চিত্তকের পিঠে চড়লেন, ভোরবেলা তিনি চিত্তকের পিঠে পাহাড়ের দিকে বেড়াতে যান। চর থাকলে সে দেখুক। সন্দেহের কোনও কারণ ঘটবে না। পথে অবশ্যই অনঘকে পাবেন। পেতেই হবে। কিন্তু চণক অনঘকে কোথাও পেলেন না।

সেইদিনই গভীর রাতে অমাত্য চন্দ্রকেতু সংবাদ নিয়ে এলেন। অনঘ কারারুদ্ধ হয়েছেন। অপরাধ—চক্রান্ত। মগধরাজ্যের বিরুদ্ধে। আর নিয়ে এলেন মহারাজ বিশ্বিসারের কাছ থেকে চণকের জন্ম দণ্ডাজ্ঞা। নির্বাসন। রুরুবধের জন্মই কী? হে চন্দ্রকেতু, সত্য বলো। সত্য বলো। গোপন করো না কিছু।

গভীর উদ্বেগে চন্দ্রকেতুর মুখের দিকে তাকিয়ে রইলেন চণক। তার পর মুখ ফিরিয়ে নিলেন।

১৯

তিন্দুক, আমার একটি কাজ করে দিতে পারবে?

নিশ্চয়, মহামান্য পাঞ্চাল, আপনি আমাদের যা বলবেন, তা-ই পালন করব।

শাক্য কর্ষক ভক্তি ও স্নেহভরে পাঞ্চালের দিকে চায়। এই যুবককে তারা ক দিনেই বড় ভালোবেসে ফেলেছে। বীরপুরুষ কিন্তু দস্ত নেই। অন্যের জন্য নিজ প্রাণ বিপন্ন করেন। বিনিময়ে কিছু চান না। তুলনায় সাবখির রাজকুমারকে তাদের ভালো লাগেনি। সামান্যজনের থেকে দূরত্ব রেখে চলে কুমারটি, কারো দিকেই চায়ই না, যেন শঙ্কদেব স্বয়ংই বা এলেন। নিয়ে তো নিলি পাঞ্চালের জয় করা হাতিটা। ঈর্ষায় কেমন অস্থির-অস্থির করছিল শেষটা? এ প্রসঙ্গ রাষ্ট্রে আগুন ঘিরে বসে তারা শাক্য-কর্ষকরা অনেকবার আলোচনা করেছে। পাঞ্চাল মহাপ্রাণ মনুষ্য। তবু, আঘাত লেগেছিল তাঁর। সেই আঘাতের প্রশম করতে তারা কদিন প্রাণপণ করেছিল। সমাদরে ভরিয়ে দিয়েছে তাঁকে। তাদের যতদূর সাধ্য! তবুও পাঞ্চাল গভীর রাতে চিত্তের ওপর একা বসে থাকতেন। আকাশের অগণিত তারাগুলির দিকে চেয়ে চেয়ে যেন কাঁধে খুঁজতেন, কোন প্রহ্নের উত্তরও হয়ত খুঁজতেন। তারা দূর থেকে দেখত। কাছে যেতে সাহস হত না।

—একটি পত্র রাজগহে নিয়ে যেতে হবে তিন্দুক, মহারাজ বিশ্বিসারকে পৌঁছে দিতে হবে।

—ওরে বাবা, মগধরাজ! রাজা-রাজড়া কখনো যে দেখিনি পাঞ্চাল!

—দেখনি? সত্য বলো। —পাঞ্চাল মূঢ় হাসেন।

—হ্যাঁ হ্যাঁ দেখেছি পাঞ্চাল, যাবো। কিন্তু... মহারাজের কাছে পৌঁছবো কী ভাবে?

—অভিজ্ঞান দেবো। অতিশয় সাবধানে রাখবে সেটি।

“সাহেত-গামের আপগটি রইল । বাণিজ্য-বিস্তারে বহু সময় গেল । এবার যাবো ভিন দেশে । ধরুন কপিলা, কোসম । বেসর-গামে এখনই না । বেসর হয়ে ফিরব । পশ্চ এতদিনে ভালো বিকোয় । সংবাদের জন্য মন বড় উচাটন ।”

শেষ পংক্তিটি ভেতরের একটা তাড়ায় লিখে গেছে, কেটে দেবে কিনা অনেকবার ভেবেছে তিষ্য । কোন সংবাদ, কার সংবাদের জন্য তার চিন্ত ব্যাকুল হয়েছে তা যেন তার নিজের কাছেও স্পষ্ট জানা নেই । মহারাজ কি তার এ ব্যাকুলতাকে বাতুলতা মনে করবেন ? ...না, না । তিনি নিজেও কোমল চিত্তের মানুষ । বারবার তার প্রমাণ সে পেয়েছে ।

তিন্দুক ধূলিধূসর বসনপ্রান্ত দিয়ে তার গাথাটির পিঠ মুছে নিচ্ছে । বেঁধে নিয়েছে চিড়ে-গুড় । পাথের জন্য কয়েকটি তাম্র কার্শপণ পায় সে, পুরস্কারস্বরূপ পাঁচটি স্বর্ণ কার্শপণ ।

আনন্দ, কৃতজ্ঞতা, ভালোবাসা মুখশ্রীতে । তিন্দুক যায় । গাধার ক্ষুরে ছুটুট শব্দ হতে থাকে । বিলীয়মান সেই বিন্দুটির দিকে তাকিয়ে থাকে তিষ্য । কতদিন, আর কতদিন এই নির্বাসনে, এ কেমন কাজ যা সমাধা করতে যুগ লেগে যাচ্ছে ।

বিপরীত দিকে চায় সে । কপিলবস্তুর পথ । কৌতুহল ছিল । তথাগত বৃদ্ধর জন্মভূমি... কেমন তা ? কেমন তাঁর গোষ্ঠীর মানুষ ? শ্রমণ আনন্দের মতো সুঠাম, নিরতিমান ? না বিনয়ধর খের উপালির মতো বাক্যব্যয়ী ? বকবকবক । হাত পা নেড়ে মাথা ঝেঁকে অস্থির হয়ে যাচ্ছেন সদাই ! খের ভদ্দিয়র মতো সদাপ্রসন্ন সৌম্যদর্শন ? না খের রূপনন্দর মতো উদাসীন, মুক, বৈরাগী ! বিরাজক কি তার সূক্ষ্ম ঈশ্বর অসদৃশ্যটি মাতৃবংশ থেকে পেল ? নাকি জনক প্রসেনজিতই তাকে দিলেন এই দোষ ? অথচ বিরাজকে সর্বাংশে মন্দ বলা যাবে না । রাজার কুমার হলেই কি এতো অসহিষ্ণু হতে হয় ? কুমার বিরাজকে এখনও সে স্নেহই করে, কিন্তু কোশলের রাজা হতে হলে কুমারটিকে আরও উদার হতে হবে । গর্ব ভালো, কিন্তু এই প্রকার অহস্তা সর্বনাশ ডেকে আনতে পারে । আশা-নিরাশা, আশা-নিরাশা... মানুষের সঙ্গে সম্পর্কে তিষ্যর এই পরম্পর-বিরোধী অভিজ্ঞতা হয়েই যাচ্ছে, হয়েই যাচ্ছে ।

শাক্যভূমিতে যাওয়া হল না যখন মল্লভূম বা বঞ্জিভূমিতেও এ যাত্রা যাওয়া স্থগিত থাকুক । রাজগৃহের যত কাছে যাবে তত তার কর্তব্যের লৌহ শৃঙ্খল ভেঙে বেরিয়ে যেতে ইচ্ছে করবে । সে জানে । সংবাদের জন্য মন বড় উচাটন । কার সংবাদ ? শুধু কি মহারাজ বিম্বিসারের ? শুধু কি ক্যাভায়ন চণকের ? অন্য নামটি নিজের মনের কাছেও উচ্চারণ করতে পারে না তিষ্য ।

সূতরাং পাঞ্চাল ঘোড়া ছুটিয়ে দ্যান । —উত্তরপথের দীর্ঘ পুচ্ছ সচল হয় ।

—কে যায় ? কে শায় ?

—সার্থ যায় ।

—সার্থবাহ কে ?

—অমৃত ।

—কোথাকার ?

—চম্পার । কোথায় যান ভদ্র ?

—আপাতত কুরুদেশে ।

—আমাদের গোয়ানগুলির ভেতরে উৎকৃষ্ট শয্যা আছে, বিশ্রাম নিতে পারেন পথিক । সঙ্গে উৎকৃষ্ট চাল, আসব রয়েছে । রাত্রে গো-মাংস পাক করব, কুকুট পাক করব । আমাদের আতিথ্য গ্রহণ করলে সুখী হবেন ।

সার্থর পর সার্থ পেছনে ফেলে পাঞ্চাল যান । দেহের ওপর দিয়ে দিন রাত বহে যায়, বহে যায় রৌদ্র কিরণ, উত্তরের হিমবায়ু । দেহবর্ণ তাম্রাভ হয়ে ছিল, যখন জাস্রবর্ণ হয়ে যায়, তখন রক্ষ, কেশগুলি অযত্নে বেড়ে গেছে । অবয়বে রক্ষতা, রাত্রাও কী ?

মুক্তিকার প্রকৃতি পরিবর্তিত হয়ে যায়, জলের বর্ণ নীলাভ, আকাশ দ্যুতিমান, বহতা বাতাস কই ? ওই তো কনকনে বাতাস । পাঞ্চাল তিষ্য কোনও রাজ-আশ্রয়ে অধিক দিন থাকেন না । শুধু মগধরাজের বাতটুকু বোঝাতে যা বিলম্ব ।

—অহো, রাজ্যে শান্তির প্রস্তাব নয় ?  
 —হ্যাঁ মহারাজ তাই, কিন্তু অধিকন্তুও কিছু ।  
 —বলি যুদ্ধ-টুকু তো কিছু নেই ।  
 —নিশ্চিত থাকুন, আপাতত কোনও যুদ্ধ নেই ।  
 —তা মগধরাজ তো ক্রমেই পরাক্রান্ত হয়ে উঠছেন । তিনি তো ইচ্ছে করলেই... সাম্রাজ্য-বিস্তারে আমাদের সাহায্য চান না কি ?

—না । শুধুমাত্র জম্বুদ্বীপের শত্রু ঠেকাতে, আন্তঃরাজ্য সমস্যাগুলির সমাধান করতে ।  
 —এ যেন নতুন প্রকার মনে হয় ।  
 —নতুনই, একেবারেই নতুন । আপনারা মর্যাদা দিলেই মর্যাদা পায় এই নূতন তত্ত্ব ।  
 কুরু-রাজ্য পাঞ্চাল রাজ্যের সে সব গৌরবের দিন আর নেই । কিন্তু অহঙ্কার আছে । মধ্যদেশীয় যুবকটির নিলিপ্ত কিন্তু সবিনয় আচরণে সেই অহঙ্কার চরিতার্থ হয় । বিদ্রোহ মাথা তুলতে পায় না ।  
 অবিনয়ী এবং অহঙ্কারী এখানকার মানুষ জন । বহুদিনের ঐতিহ্য বহন করার অহঙ্কার, বিদ্যার অবিনয় । অতিথিভবনের দাসেরা পর্যন্ত কুতূহলী দৃষ্টিতে তাকায় ।

—মধ্যদেশীয়... মগধ... আচার-বিচার মানে না  
 —সত্য না কি ?  
 —কিন্তু ভীষণ পরাক্রমী । এখন তো ওদেরই দিন পড়েছে ।  
 নিজেদের মধ্যে জনান্তিকে বলাবলি করে ওরা ।  
 গ্রাহ্য করেন না পাঞ্চাল । উভয়পক্ষীয় রাজাদের সম্মানরক্ষার্থে যতদিন প্রয়োজন তার চেয়ে একদিনও অধিক থাকেন না ।

উত্তরপথের একটি শাখা চলে গেছে বৎস-অবস্তীর দিকে । চলেন, চলেন । বামে ঘুরে যান পাঞ্চাল ।

—কে যায় ?  
 —সমন যান । সার্বপুত্রীয় সমন ।  
 —কোথা থেকে আসেন ? কোথায় যান ?  
 —আসি কোসাম্বি হতে । যাই সাবথির পথে ।  
 —আমরা যাই বেসালি ।  
 —দিকে দিকে যান না কি ? কোনও সমবেত লক্ষ্য নাই ?  
 —দিগ-বিদিকে ধম্ব বহে নিয়ে যাওয়াই আমাদের কাজ হে পথিক । তা ছাড়া সন্ধান করি, ভগবান কোথায় যে গেলেন !

—হারিয়ে গেলেন না কি ? —তাম্বকের রাশ টেনে ধরে মৃদু কৌতুকে জিজ্ঞাসা করেন পাঞ্চাল ।  
 —আমাদের ত্যাগ করেছেন তথাগত ।  
 অশ্রুমুখী ভিক্ষুরা ।  
 —আমরা কলহ করেছিলাম । বিরক্ত হয়ে চলে গেছেন ।  
 —ও আপনারা তাহলে কলহও করেন ! সংসার-ত্যাগ করে সংঘ আশ্রয় করার প্রয়োজন কি ছিল তবে ?

—সত্য, সত্য কথা । আপনি তাঁকে দেখেছেন না কি ?  
 —দেখি নি, দেখে থাকলেও বলব না ।  
 পথের ধুলোয় বিব্রত হয়ে অরণ্যসঙ্কুল স্থানগুলির মধ্য দিয়ে যাচ্ছিলেন পাঞ্চাল । অবাধ কাণ্ড ! সত্যই তথাগতকে আবিষ্কার করলেন । একটি শাল বৃক্ষের তলায় তিনি বসে আছেন আর একটি হাতি গুঁড়ে করে জল এনে তাঁর মাথায় ওপর ফেলছে ।  
 অদূরে দাঁড়িয়ে পাঞ্চাল দৃশ্যটি দেখলেন কিছুক্ষণ ।  
 দাঁড়িয়ে উঠে নিজের উত্তরাসঙ্গটি ভালো করে নিংড়ে নিচ্ছেন তথাগত । ঝাড়ছেন শব্দ করে ।  
 বৃদ্ধানুষ্ঠের ওপর ভর দিয়ে উঁচু শাখে শুকোতে দিলেন বসনটি । অন্য একটি শাখা থেকে সংঘটি

তুলে নিয়ে পরলেন । এবার অন্তরবাসক নিংড়োচ্ছেন । শুকোতে দিলেন ।

এক লাফে তাত্রকের পিঠ থেকে নামলেন পাঞ্চাল । শুষ্ক পত্রের মর্মর শব্দ তুলে দৌড়ে গেলেন । বৃক্ষের তলা জলে ভিজে, ধুলোর সঙ্গে মিশে কাদা হয়েছে, নিজের পেটিকা থেকে বসন বার করে পরিষ্কার করে দিলেন স্থানটি ।

এই মানুষটির জন্য কিছু করতে ভালো লাগে ।

—চিনতে পারছেন ভস্তে ?

—পারছি । স্যবখির । কুমার তিষ্য, নয় ? মদু হাসছেন তথাগত ।

—পলায়ন করেছেন শুনলাম ?

—অবশ্যই । দেখো আয়ুস্মান, ওই মোঘপুরুষগুলিকে যেন আবার আমার সংবাদ দিও না ।

—নাঃ, তাই দিই ? সংঘ সৃষ্টি করে বড় বিপদেই পড়েছেন তাই না ভস্তে ?

প্রসন্ন হাসি হাসলেন তিনি ।

—উত্তর দিলেন না তো আমার কথার ?

—তুমি পৃথগ্জন, ধম্মে বিশ্বাস করো না, তোমায় উত্তর দেবো কেন ?

—কী করে জানলেন ধম্মে বিশ্বাস করি না ! কোনদিন তো তিষ্য বলে আহ্বান জানাননি ।

রাজগৃহে প্রথম সাক্ষাৎ, তারপর কতবার সিতবনে, বেলুবনে, অম্ববনে গেছি । গেছি জ্ঞেতবনে । কখনও তো ডাক দেননি ।

—যারা বলে সমন গোতম শিষ্যসংখ্যা বাড়ার জন্য মায়ার আশ্রয় পর্যন্ত নেয়, তাদের এ কথা বলো আয়ুস্মান ।

—আজ আমার কাছ হতে ভিক্ষা নিন ।

—তাই হোক ।

তিষ্য তার সংগ্রহ থেকে শুষ্ক খাদ্য বার করে, তারপর কী মনে করে বলে

—আমি আসছি, লোকালয় কোনদিকে বলতে পারেন ?

—ওই তো... আঙুল দেখান তথাগত— ওই দিকে পারিলেয্যক গাম ।

গ্রাম থেকে চিড়ে, দধি, মিষ্টান্ন সংগ্রহ করে এসে তিষ্য দেখে একটি বৃদ্ধ বানর হাতে কী নিয়ে অবিকল মানুষের ভঙ্গিতে তাঁর সামনে বসে আছে ।

—কী ব্যাপার ? হাতি-বানর সব পুষছেন নাকি ভস্তে, মানুষ শ্রমগদের ওপর রাগ করে ! এদেরও ধম্ম বিতরণ করছেন ?

—ওরা ধম্মের কতকগুলি মূল কথা জানে । ও আমাকে মধু খাওয়াতে এসেছে । কিন্তু তুমি ভিক্ষা দেবে বলেছ তাই ওকে বসিয়ে রেখেছি ।

তথাগত পাত্র এগিয়ে ধরলেন, তিষ্য তার সংগৃহীত খাদ্যগুলি পাত্রের ওপর রাখলে, তথাগত পাত্রটি বানরটির দিকে বাড়ালেন, তড়িৎগতিতে বানর মৌচাক দুহাতে টিপে তাঁর পাত্রের ওপর মধুবর্ষণ করল, তারপর দুতিন লাফে দূরে বনের মধ্যে অদৃশ্য হয়ে গেল ।

পারিলেয্যক হয়ে আরও একদিনের পথ অপরাত্ত অবধি চলে পাঞ্চাল কৌশাঙ্গী পৌঁছান । রাজ অতিথিখালে দিন কাটে । যত্ন, বিলাস, প্রমোদ কিছুর অভাব নেই । শুধু রাজার সঙ্গে দেখা হয় না । অনেক জিজ্ঞাসাবাদ করে শোনে রাজা নাকি শোকার্ত ।

—কিসের শোক ? কী ঘটেছে রাজ্যে ?

—রাজ্ঞী স্মমাবতী আর তাঁর সহচরীরা আকস্মিক অগ্নিকাণ্ডে নিহত হয়েছেন ।

—সর্বনাশ ! কী করে আগুন লাগল ? নেভানো গেল না ? এতো সন্ধ্যাবে...

—আহা দাহ্য পদার্থ অপরিপূর্ণ থাকলে সে আগুন নেভে ?

—দাহ্য পদার্থ ?

—হ্যাঁ মান্যবর দন্ধ তৈলের গন্ধে ধ্বংসস্থূপ পরিপূর্ণিত ছিল ।

—তাহলে এ তো সাধারণ দুর্ঘটনা নয় ।

—নয়ই তো ! কাউকে বলবেন না আমি বলেছি, রানীকে সপরিষদ কেউ হত্যা করেছে । হয়ত বা



রাজ-আদেশই... জিত কাটে অতিথিশালার অধ্যক্ষ ।

—ভালো— পাঞ্চাল গভীরভাবে বলেন— তাহলে আবার শোক কিসের ?

—বলেন কি মহামায়া মাগধ ! শোক করবেন না ! দেবী সামাবতী যে গুণের আকর ছিলেন, দীপশিখা হেন ত্রিলোকেশ্বর মানুষটি । অমন সেবা আর কেউ করলে তো ! ঘোষিত শ্রেষ্ঠীর পালিত কন্যা ছিলেন তো । বহু ভাগ্য বিপর্যয় দেখেছিলেন জীবনে । বড় ক্ষমাশীলা, কল্পশার্ঙ্গা মহিষসী ছিলেন আছা ।

—এতোই যদি গুণ তো ।

—আমাদের উদেনরাজ বড় অইর্ধর্য, লোকের কথায় বড্ডই নৃত্য করে ওঠেন কিনা । অমন রাণী অবিশ্বাসিনী হয় ? আপনিই বলুন না পাঞ্চাল...

—আমার কিছু বলবার নেই । কবে মহারাজ সভায় আসছেন ? সভায় না আসেন, আমাকে নিভৃত আলাপের সুযোগ দিন ।

উদেনরাজার পারিষদ সব যেন বিদূষকের মতো ।

—এখন কোনও লাভ হবে না । দুর্ঘটনার পেছনে কারণের অনুসন্ধান চলছে, এখন সাক্ষাতে কোনও লাভ নাই । কোনও লাভ নাই... তাদের এক কথা ।

কিন্তু একদিন রাজপ্রাসাদ থেকে ডাক আসে । রাজার নয়, রাণীর । না কি জ্ঞানতে পেরেছেন মগধদূত দীর্ঘদিন প্রতীক্ষা করছেন ।

যাবো কি যাবো না ! —তিষ্যকুমার ভাবতে থাকেন । রাজগৃহে দীর্ঘদিন মহারাজের সঙ্গে আহার-বিহার । কিন্তু মহিষীদের সঙ্গে কোনও পরিচয় হয়নি কোনদিন । কোশলমন্ত্রিকা অবশ্য আপন ভগিনীর মতো মধুর ব্যবহার করতেন । শাক্যকন্যা বাসবীও ততটা না হলেও মাঝে মাঝে উৎসব কি ধর্মানুষ্ঠান উপলক্ষ্যে সাক্ষাৎ হলে জ্যেষ্ঠার মতোই আচরণ করতেন । না, রাজ্ঞীরাও তো মানবী-ই । ডেকেছেন, না যাওয়া তো রাজাজ্ঞার অবাধ্য হওয়ারই মতো । না, যাবো, যাই ।

অহো ! কী গরিমাময় গ্রীবাভঙ্গি ! হাত তো নয় যেন রাজদণ্ড । মাথার মুকুট সু-উচ্চ । অঙ্গবস্ত্র, অলংকার সবই কেমন অতিমানবিক । ইনি নিজেই তো সাম্রাজ্য পরিচালনা করতে পারেন মনে হয় । করবেনও হয়ত অদূর ভবিষ্যতে । রাজা উদেনের যেরূপ অবস্থা ।

—আমি পট্টমহিষী মাগন্দিয়া । কুরুদেশের কন্যা, ব্রাহ্মণ...

নভ হয়ে নমস্কার জানান পাঞ্চাল । কুরুকন্যা ? তো কী ? ব্রাহ্মণ... তাতেই বা হল কী ?

—কোশল হতে আসছেন শুনলাম ।

—ঠিকই শুনেছেন দেবি...

ভণ্টা নাকি ধরা পড়েছে !

—কোন ভণ্ডের কথা বলছেন ?

—নির্লজ্জ দাস্তিকটা এখানেও তো কিছুকাল আগে বসবাস করছিল । তা নাগরিকরা ও প্রকার লোক সহ্য করবে কেন ? গালি দিয়েছে অকথা । পালিয়েছে । —ওই যে শ্রমণ গৌতম ।

—শ্রমণ গৌতম ? তিনি আর যাই হোন ভণ্ড তো নন ? দাস্তিক তো ননই । কখনো ননি ।

পাঞ্চালের চোখের সামনে দৃশ্যটি ভেসে ওঠে । পায়ের বৃদ্ধাসুষ্ঠের ওপর ভর দিয়ে তিনি— শালশাখায় উত্তরাসঙ্গ শুকোতে দিচ্ছেন ।

—এই যে শুনলাম শ্রাবস্তীতে, রাজগৃহে তার নামে প্রবল অভিযোগ উঠছে, কোন রমণীকে না কি সে...

—ও সব মিথ্যা প্রমাণিত হয়েছে । ওই রমণীগুলিই দুই লোকের রক্ষা থেকে উৎকোচ খেয়ে...

—থামুন... ক্রুদ্ধ কণ্ঠস্বর

চক্ষু তুলে পাঞ্চাল দেখেন এ তো রূপের রূপিনী নয়, যেন বিষের সপিণী ! কিসের ক্রোধ এতো ?

—আমার মতো সুন্দরী দেখেছেন আর ?

পাঞ্চাল বোঝেন যাকে গরিমা মনে হয়েছিল তা শুধু দস্ত ।

—সুন্দরীরা কখনও একে অন্যের মতো হন না তো দেবি, প্রত্যেকে স্বতন্ত্র ।

—বিদুষী দেখেছেন ? ব্যাকরণ, ছন্দ সব কঠিন ?

—দেখেছি, শুনেওছি— পরম সন্তোষের সঙ্গে বলে পাঞ্চাল । গাঙ্কার ভবনের দিনগুলি স্মরণে আসে । চিন্তা কোমলতায় গৌরবে উদভাসিত হয়ে যায় ।

—থামুন— ছিন্ন জ্যার মতো অতর্কিতে উঠে দাঁড়ান রাষ্ট্রী

—আপনি আমাকে অপমান করছেন ?

—তা যদি বলেন দেবি, আপনিই আমাকে অপমান করছেন । আপনি রাষ্ট্রী হতে পারেন, কিন্তু আমি মগধরাজের প্রতিনিধি, তাঁর সম্মান আপাতত আমারই প্রাপ্য । তবে তা যদি না-ও দিতে চান, আপনার বা বৎসরাজের ভৃত্যক তো আমি কখনোই নই ।

পাঞ্চাল উঠে দাঁড়ান ।

—তুমি... তুমি তোমাকে বন্দী করবার ব্যবস্থা করছি ।

ক্রোধে কাঁদতে থাকেন মাগন্দিয়া ।

করুন— বিরস মুখে কক্ষ থেকে বেরিয়ে আসেন পাঞ্চাল । ভেতরে বহু শব্দ । বহুধর । রানীর সখীরা তাঁকে শাস্ত করবার চেষ্টা করছে ।

উদ্বিগ্ন কণ্ঠে প্রতিহারী বলে— রাষ্ট্রী অতিশয় বিদুষী, রূপ তো দেখলেনই, কেন যে এমন উন্মাদের মতো... শ্রমণ গৌতম নাকি ঠেকে প্রত্যাখ্যান করে ছিলেন তাইতেই...

রূপ, বিদ্যা, অর্থ, উচ্চপদ কিছুই তাহলে কিছু না ? ভেতরে বাসনার কূটদস্ত যদি কামড় দেয় তো রক্ষা নেই !

বিশৃঙ্খল বৎসরাজ্য ছেড়ে উজ্জয়িনীর দিকে চলে যান পাঞ্চাল । প্রদ্যোৎ মহাসেন মহা সমাদর করেন মগধদুতের ।

মহারাজ বিশ্বিসার যতদিন, যখন যেভাবে আমাকে সাহায্য করতে বলবেন আমি তা করব । তিনি আমাকে দুরারোগ্য রোগ থেকে বাঁচিয়েছেন । আমার জন্য তিনি ভেবেছেন, আমিও তাঁর জন্য ভাববো । তেমন প্রয়োজন হলে আমার সেনা তাঁকে অনুসরণ করবে ।

বৃদ্ধ, কিন্তু মহাবল, ক্রোধী বলে পরিচিত এই নৃপতি এই কথা বললেন । তখন উত্তর-পশ্চিম দিক প্রান্তের দিকে তাকিয়ে তিস্য কুমারের মনে হল সে তার কাজ সমাধা করতে পেরেছে, প্রায় । অবশিষ্ট রইল সুদূর উত্তর-পশ্চিমের রাজ্যগুলি— মদ্র, সৌবীর, গাঙ্কার । উচিত সেদিকেই যাওয়া । কিন্তু চিন্তা বড় ক্লাস্ত । অবন্তীরাজের কাছে বিদায় নিয়ে সে দ্রুতবেগে ঘোড়া ছুটিয়ে দেয় । উত্তর পথ পিছু হাঁটতে থাকে ।

শ্রাবস্তী পার হয়ে যায় যায় । অদ্ভুত সংবাদ কানে আসে ।

রানী বাসবী আর কুমার বিরূঢ়ব নাকি প্রাসাদ থেকে বিতাড়িত হয়েছেন । প্রত্যন্ত গ্রামের লোকেরা বলাবলি করছে ।

গ্রামের নাম সালবতিকা । পুরুগী থেকে স্নান সেরে ফিরছেন দুই গৃহস্থ । বলছেন

—কোসলরাজের কোনও হৃষ-দীর্ঘ জ্ঞান নেই । পট্টমহিষী বলে কথা, উপযুক্ত পুত্র স্মার করে দিলেন ?

—না না এ ভালো কথা নয় ।

—মহিষী না কি শাক্যরাজার দাসীকন্যা । কোসলবংশে নিজেদের কন্যা সেবে না বলে বঞ্চনা করেছে । কপিলবস্ত্র হতে জেনে এসেছে । কুমারের বসার আসন না কি সাত ঘড়া দুধ দিয়ে ধুচ্ছিল । দাসীপুত্রের ছোঁয়ায় অপবিত্র হয়ে গেছে ।

—চমকে ওঠে তিস্য । এক মুহূর্ত ভাবে । তার পর বৈশালীর পথে অশ্চালনা করে । বিরূঢ়ব যদি সত্য সত্যই রাজকুমার হয়, ভাগ্যবিপর্যয়ে হতাশ্বাস হবে সে । কিন্তু কোসলরাজের কাণ্ডখানা দেখো !

পসেনদি, উদেন, এঁরা দুজনেই ভারসাম্যহীন মানুষ তাহলে ! রাজসত্তা আর ব্যক্তিসত্তার মধ্যে সামঞ্জস্যবিধানে অক্ষম ! বর্তমান জম্বুদ্বীপের দুজন প্রতাপশালী নরপতি এইভাবে চলছেন । উদেনের ৩৯৪

পুত্র বোধিকুমার নাকি সুংসুমারগিরিতে একটি বিলাসপ্রাসাদ প্রস্তুত করাচ্ছে। যার তুলনা জম্বুদ্বীপের কোথাও নাই। রাজার কোষটি কী দিয়ে ভরেছে? কিছু সীতা ভূমির ওপর তাঁর অধিকার থাকে ঠিকই, কিন্তু আর সব? সবই তো প্রজাদের রাজস্ব, অপূত্রক প্রজার সম্পত্তি, বণিকের শুদ্ধ এইসব। রাজাকে তাঁর প্রাসাদ, যান, অলঙ্কার এ সকল কে দেয়? প্রজাই তো। অথচ সেই ধন যথেষ্ট ব্যয় করে যান প্রত্যেক রাজা, তাঁরা যে প্রকৃত পক্ষে রাজ্যের বৃত্তিভোগী ভৃত্যক এ চেতনা থাকে না। মগধরাজ এরই মধ্যে একটু ব্যতিক্রমী বই কি।

গণরাজ্যে ধনের বণ্টন কী রূপ দেখা যাক। রাজনীতির খেলাই বা তাঁরা কী ভাবে খেলেন।

কপিলবস্তুর ক্ষুদ্র শাখাপথটি পার হয়ে গেছে। শাক্যরাজ্যে যাবার প্রবৃত্তি হয়নি। সে শুনেছিল রানী বাসবী স্বয়ং তথাগতর ভ্রাতৃকন্যা। কোসল রাজ শাক্যকুলের কন্যা বিবাহ করতে চেয়েছিলেন। শাক্যদের এতো দূর স্পর্ধা যে বিবাহের জ্ঞান, দার্দ্র্য, অন্য পাঠাল। বলে দিতে পারত। আর এই যে ধনী ব্যক্তিমায়েই অজস্র দাসী, নটা রাখবে, তাদের গর্ভে ইচ্ছামতো সন্তান উৎপন্ন করবে এই অপব্যয়ী প্রথাই বা কেন? যশ নামে এক অর্হন আছেন তিনি ছিলেন বারাগসীর এক শ্রেষ্ঠীপুত্র। একবার শ্রাবস্তীতে তিস্যর গৃহে ভিক্ষার্থে আসেন। তিস্যর বড় কৌতুহল, কখন কী পরিস্থিতিতে এঁরা প্রব্রজ্যা নেন! অর্হন যশকে জিজ্ঞাসা করেছিল। উনি বলেন— ঘৃণায়।

—ঘৃণা?

—একদিন ব্রাহ্মমুহূর্তে যখন পৃথিবী সবে নিদ্রান্তে জাগছে, অপার্থিব বালার্ক্কিরণে চতুর্দিক রহস্যভূমি, তখন জেগে উঠে দেখলাম আমি শুয়ে আছি, বিলাস শয্যাটি তখনই, দু পাশে দুই নারী, মুখ হাঁ করে ঘুমোচ্ছে। প্রভুপুত্রের সেবা করে এতো ক্লান্ত যে তাদের অস্থি পর্যন্ত যেন শিথিল হয়ে গেছে। হর্মাতলে কৃমি কীটের মতো কিলবিল করছে আরও অনুরূপ নারী। বিতুষা হল।

—কার ওপর, ওই নারীগুলির ওপর না কি?

—ওরাই ঘৃণা জাগায়, মৃত পুরীষের আধার, অপবিত্র, কুৎসিত... কিন্তু পরক্ষণেই বুঝলাম আমি, আমিই ঘৃণ্য, ঘৃণ্য আমার এ জীবনযাপন, তখনই ছুটে চলে গেলাম। ভাগ্যক্রমে ভগবান তথাগতর সন্ধান পাই।

তিস্য কোনদিন এমন জীবন যাপন করেনি বলেই-কি তার জীবনতৃষ্ণা যায় না।

২০

একশ এক জন গণরাজা সংস্থাগারে মগধদুতের সঙ্গে আলোচনায় বসেন। অভূতপূর্ব সাফল্য। সেনাপতি অভয় বললেন— কিন্তু একটা কথা আপনারা স্মরণে রাখবেন পাঞ্চাল নিজেদের মগধের প্রতিনিধি বলছেন না, বলছেন বিশ্বিসার-প্রতিনিধি।

—দুটির মধ্যে কোনও পার্থক্য আছে নাকি?

—সে-কথা পাঞ্চালই বলুন।

সাবধানতার সঙ্গে শব্দ নির্বাচন করতে হয় পাঞ্চালকে।

—তবুটি মহারাজের নিজস্ব ভাবনা-প্রকৃত। সমপর্যায়ের ব্যক্তিদের কাছেই তিনি প্রথম প্রচার করতে চান। আপনারা সম্মত হলে তবেই রাজ্যেরও নীতি বলে স্বীকৃত হবে।

—আর সম্মত না হলে! মগধরাজ কি যুদ্ধ করবেন?

সেনাপতি অভয় লোকটি অতি চতুর।

পাঞ্চাল বলেন—আমার কাজ মৈত্রী নীতির কথা, রাজসংঘের কল্পনার কথা আপনাদের জানানো। এর অধিক বলবার অধিকার আমার নেই। তবে একটা কথা জানিয়ে রাখা ভালো— মগধরাজ দুর্বল বা রণভীরু এমন ভাববেন না। অন্যরা হোক তো-ও তিনি চাইছেন না! একের বিপদে বহুর বিপদ। সুতরাং সংঘবন্ধ হওয়া ভালো—এই-ই তাঁর ধারণা।

—সংঘনায়ক কে হবেন? রাজা ছোটক জিজ্ঞাসা করলেন। সবাই উৎসুক হয়ে তার মুখের দিকে তাকিয়ে রয়েছে। এই প্রশ্নটিকেই ভয় করছিলেন পাঞ্চাল। মাথার মধ্যে বিদ্যুৎ খেলে গেল, হেসে

বললেন আপনারা ? আপনারা বৈশালীর গণরাজারা এই প্রসন্ন করছেন ?

হেটক স্মিতমুখে বললেন ঠিকই । ভগবান বুদ্ধও আমাদের কর্মপদ্ধতির ভূয়সী শংসা করে থাকেন । আমরা সবাই সমমর্যাদার অধিকারী, মহান্নকদের পরামর্শ গ্রহণ করি । শলাকার দ্বারা নির্বাচনের পদ্ধতি বার করেছি... প্রশাসনের ব্যাপারে শেষ কথা আমরাই বলতে পারি ।

সেনাপতি অভয় তবু ছাড়েন না ।

—মগধরাজ তাহলে আর সাম্রাজ্য চাইছেন না ? সৈন্যদল ভেঙে দিচ্ছেন ?

—রাজসংঘ গড়ে উঠলে কারোই আর সাম্রাজ্যের প্রসন্ন থাকছে না— মহামান্য সেনাপতি । কিন্তু সৈন্যদল ভেঙে দেবেন কেন ?

—বসিয়ে বসিয়ে ভূতি দেবেন নাকি ?

—নিশ্চয় ! তাদের প্রশিক্ষা, অস্ত্রনির্মাণ এ সমস্তই অব্যাহত থাকবে । জম্বুদ্বীপের বহিঃশত্রুর প্রসঙ্গটি আপনারা বিস্মৃত হয়ে যাচ্ছেন ।

সংস্কার থেকে প্রত্যাবর্তন করতে করতে পাঞ্চাল বুঝলেন ঐরা, এই গণরাজারা অত্যন্ত চাতুর্যের সঙ্গে এই মৈত্রী-প্রস্তাবের ভেতর থেকে নিজেদের জন্য কোনও বিশেষ সুযোগ বার করে নিতে চাইছেন । ঐরা চাইছেন, মগধরাজ অস্ত্র ত্যাগ করুন, সৈন্যদল ভেঙে দিন । নেতৃত্ব বৈশালীর হাতে অর্পণ করুন ।

সেনাপতি সীহর কাছে পত্র দিয়ে বঙ্গুল পাঠিয়েছেন তাকে । রাষ্ট্রীয় অতিথিশালায় না রেখে সীহ তাকে রেখেছেন নিজের গৃহে । রথে উঠতে উঠতে সীহ জিজ্ঞাসা করলেন, কী ভাবছেন পাঞ্চাল ?

—ভাবছি গান্ধার সীমাস্তরের কথা ।

হেসে উঠলেন সীহ—কোথায় বেসালি আর কোথায় গান্ধার ।

—যতটা দূর ভাবছেন, ততটা নয় সেনাপতি । কুভা নদী পার হতে পারলেই...

—কুভা ? যমুনা, সদানীরা, সিদ্ধু এগুলির কথা বলুন...বিস্মিত সীহ বললেন ।

—পারস্য থেকে এ-দেশে আসতে তো সর্বাগ্রে কুভা-ই পড়বে সেনাপতি । তারপরে অবশ্য সিদ্ধু, সদানীরা, যমুনা, গঙ্গা সবই সহজে পার হওয়া যাবে । যে সময়টা আমরা কে সংঘনায়ক হবেন বা কোনও রাজ্যের সৈন্যদল থাকবে কি থাকবে না এই নিয়ে বিতর্ক করব, সেই সময়ের মধ্যেই এ-নদীগুলি পার হওয়া যাবে ।

শুনতে শুনতে সীহর চোখ দুটি বিস্ফারিত হয়ে উঠছিল । বেশ কিছুক্ষণ নীরব থাকার পর তিনি বললেন—সত্যি, আমরা ক্ষুদ্র স্বার্থ নিয়ে বড়ই ব্যস্ত থাকি, নয় !

—ইতিবৃত্ত মনে করুন সেনাপতি । যারা যেখানে পরাজিত হয়েছে, এই কারণেই হয়েছে । এই ক্ষুদ্র স্বার্থ ।

—মগধরাজ মহানুভব—আপন মনেই বললেন সীহ, বললেন, রত্নখনি নিয়ে আমরা এত ক্ষুদ্রতা করছি তার পরেও তিনি মৈত্রীর কথা ভাবেন । সত্য পাঞ্চাল, অন্যদের কথা বলতে পারি না, কিন্তু আমি লজ্জিত বোধ করছি ।

তিষ্য কোনও রত্নখনির বিষয়ে জানে না । সে সতর্ক কানে শুধু শুনল । মস্তব্য করলেন ।

—এমন মহানুভব শুধু তথাগত বুদ্ধকেই দেখেছি ।

মহারাজ বিম্বিসারের সঙ্গে তথাগত বুদ্ধর তুলনায় তিষ্য চমৎকৃত হয় । কিন্তু সীহ-এখন উচ্ছ্বাসের ঘোরে আছেন ।

—আমি পূর্বে জিন নাতপুস্তের অনুগামী ছিলাম । ভগবান বুদ্ধের উপাসক হওয়ার পর তিনি আমাকে প্রথম কী কথা বললেন জানেন ?

—কী ?

—বললেন নাতপুস্তকে আগের মতো অর্চনা করতে আমি কোনও বিস্মৃত না হই । তাঁর যেন কোনও ক্ষোভ বা কষ্টের কারণ না জন্মায় ।

সেই রাতে সীহর গৃহের বিলাস-শয্যায় সহসা আবার তিষ্যকুমারের শয্যাকণ্টকী হল । নিদ্রার মধ্যে

অতর্কিতে গুপ্ত শত্রুর মতো এক অনির্দেশ্য উৎকণ্ঠা তার শরীর-মন অধিকার করে নিচ্ছে। এত তীব্র যে, তার প্রথম নিদ্রা ভেঙে মনে হয়েছিল কোনও ব্যাধির আক্রমণ হয়েছে বুঝি বা।

—আমি কি হলাহল পান করেছি? বিস্মিত তিষ্য নিজে-কেই নিজে জিজ্ঞাসা করতে থাকে। কী সূত্রীর আক্ষেপ! কোনও খরশ্রোতা নদীর তীরে তাকে দাঁড় করিয়ে রেখে কেউ বুঝি চলে গেছে। কেউ নেই, কিছু নেই, কাষ্ঠপুস্তলিকার মতো চালিত হচ্ছে সে এক অবস্থান থেকে অন্য অবস্থানে। শিপুল অভিজ্ঞতা সঞ্চয় হল। কিন্তু অভিজ্ঞতাগুলিও সব সারিবদ্ধ কাষ্ঠমূর্তির মতো সত্তার বাইরে দাঁড়িয়ে আছে। কোনটাই তার ভেতরে এসে তার রক্ত, মাংস, মজ্জার সঙ্গে মিশল না। হঠাৎ তার মনে হল, সে তার মৃত্যুদৃশ্য দেখছে।

‘পাঞ্চাল তিষ্যর দেহাবসান হয়েছে—এ—এ’ কোথাও কেউ ঘোষণা করছে। ‘এই মাত্র মারা গেলেন।’

‘পাঞ্চাল তিষ্য? কে তিনি?’

‘তিষ্যকুমার নামে এক উচ্চাকাঙ্ক্ষী যুবাকে চিনতাম। কিন্তু পাঞ্চাল?’

‘ও অবশ্যই। সেই তিষ্যই! ভাল, তিনি সংকৃত হয়েছেন তো?’

শয্যা থেকে উঠে পড়ে তিষ্য। সুপরিসর কক্ষটিতে ঘুরে বেড়াতে থাকে। কখনও বাতায়নের কাছে থামে। তমসাবৃত কাননের দিকে চেয়ে থাকে। আবার আকাশের দিকে মুখ তোলে। জ্যোৎস্নায় তার মুখটি পাণ্ডুর দেখায়। মুষ্টিবদ্ধ হাত দুটি কখনও পেছনে রাখে। কখনও খুলে বাতায়নের বাইরে মেলে দেয়।

—পাঞ্চাল!

—কে? তিষ্য বেগে ঘুরে দাঁড়ায়।

—আমি সীহ।

—আপনি! এত রাতে!

তিষ্য জানে না লিচ্ছবির অতিথিবৎসল হলেও অতি সতর্ক। মগধের কোনও রাজপ্রতিনিধিকে কখনও তারা চোখের আড়ালে রাখবে না।

—আপনার নিদ্রা আসেনি!

—এসেছিল, হঠাৎ ভেঙে গেছে।

—অপরাধ মার্জনা করবেন পাঞ্চাল, আমি এখন সুন্দরী নটা পাঠিয়ে দিচ্ছি।

—না—পাঞ্চালের চক্ষু দুটি বাঘের মতো জ্বলে।

মৃদু প্রদীপের আলোয় সীহ সেদিকে অবাধ হয়ে তাকিয়ে থাকেন।

এখন মধ্যরাত। সমস্ত পৃথিবীর সুখী ও নির্বোধেরা গাঢ় নিদ্রায় নিদ্রিত। তিষ্য আর সীহর মাঝখানে নিশীথিনীর আডাল।

পাঞ্চালের কণ্ঠ ভেসে আসে—এ—কথা কি সত্য সেনাপতি?

—কী সত্য পাঞ্চাল?

—পুরুষের তাবৎ যন্ত্রণার নিরাময় নারীশরীরে?

—এ—কথা কখন বললাম?

—আমাকে বিন্দ্র দেখে রমণী পাঠিয়ে দেবার কথা বলেননি?

—বলেছি পাঞ্চাল। যা সহজ, সুপ্রচল—তাই ভেবেছি। মার্জনা করুন। আপনি স্বতন্ত্র।

—মার্জন্যের প্রশ্ন নেই সেনাপতি। কিন্তু আপনি অভিজ্ঞ ব্যক্তি—যে যোগ্যোজ্যেষ্ঠ। বলতে পারেন, কী সে যাতনা যা আমাকে থেকে থেকে বৃশ্চিকের মতো দংশায়।

সত্যিই, অতিথিকক্ষের আলো-অন্ধকারে পাঞ্চালকে এক নীল বর্ণের পুরুষ বলে ভ্রম হয়। দংশনের বিষে নীল।

সীহ বললেন—পাঞ্চাল, যতদূর শুনেছি আপনি তো আমার চেয়েও অধিক আমার চেয়েও

ঘনিষ্ঠভাবে তাঁকে দেখেছেন। মনে হয়নি, আপনার এ-যাতনা তিনি দূর করতে পারেন।

—কার কথা বলছেন ?

—সেই আদিত্যবর্ষ পরমপ্রাজ্ঞ অমিতাভ তথাগত।

—তিনি-যে মৃত্যু এবং নিবৃত্তির কথা বলেন,

—কিন্তু তিনি অমৃতের কথাও তো বলেন ! নিবাণ অমৃত ছাড়া কী ? আর নিবৃত্তির কথায় তো আপনার ভয় পাওয়ার কিছু নাই, আপনি সংযমী পুরুষ।

—না, না, এ নিবাণ, এ-নিবৃত্তি আমার নয়।

তখন নিশ্বাস ফেলে সীহ বললেন, আসুন পাঞ্চাল, বেশবাস করে নিন, দেখি আপনার বৃত্তিকের দংষ্ট্রা নির্বিঘ্ন করতে পারি কি না।

—কোথাও যেতে হবে, সেনাপতি ?

—ব্যক্তিগত সংকটের কথা যে মুহুর্তে আমাকে জানিয়েছেন, সে মুহুর্ত থেকে আমি আপনার সুলভ। আমাকে সেনাপতি বলে আর সম্বোধন করবেন না পাঞ্চাল। হ্যাঁ যেতে হবে। চিন্তা এবং চিন্তাবৈকল্যের ব্যাপারে যাকে সবচেয়ে প্রাজ্ঞ বলে মানি তাঁর কাছে নিয়ে যাই। আমাকে বিশ্বাস করুন।

শ্রুতিকের পাত্রে মধ্য একটি আলোকশিখা জ্বলছে। দূর থেকে দেখা যায়। সম্ভবত একটু উচ্চ ভূমির ওপর গৃহটি। শ্বেতমর্মরের সেই অপরাপ স্থাপত্য জ্যোৎস্নাপিণ্ডের মতো অন্ধকারেও দৃশ্যমান। দীর্ঘ কয়েকটি অঙ্গন পেরিয়ে একটি সুবিশাল কক্ষ। পাথরের স্তম্ভগুলিতে ওপরে পদ্ম, নিচে সিংহ, হস্তী। কোথায় আলো জ্বলছে দেখা যায় না। ভোরের মতো আলোয় কক্ষটি ভরে রয়েছে। মৃদু একটা সৌরভ। সীহ তাঁকে বসিয়ে রেখে আসছি বলে চলে গেছেন। এতো রাতে নিশ্চয় গৃহকর্তাকে নিদ্রা থেকে তুলতে সময় লাগবে।

কক্ষটিতে প্রতিকৃতি রয়েছে অনেকগুলি। মহাবল, শক্তিসুন্দর পুরুষ সব। দেখতে দেখতে একটির সম্মুখে থেমে যায় তিষ্য—মহারাজ সেনিয় না ? একেবারে উদ্ভিন্নযৌবন। কী অসামান্য প্রতিভাদীপ্ত মুখশ্রী ! তিষ্যর বক্ষের ভেতর থেকে কী যেন একটা উঠে আসতে চায়। চক্ষু বাষ্পাচ্ছন্ন হয়ে যাচ্ছে। এ-দুর্বলতা তাকে সাজে না, সাজে না ! সে ঘুরে দাঁড়ায়। সুন্দর-সুন্দর মূর্তিও রয়েছে কক্ষটিতে। সত্যি কথা বলতে কি কত যে শিল্পসম্ভার, আর কী অদ্ভুত সুন্দর তাদের বিন্যাস সে কথা মুখে বলা যায় না। নারীমূর্তিগুলি নৃত্যভঙ্গিমায়। শ্বেত পাথরের, কৃষ্ণ মৃত্তিকার, কত প্রকার আভা যুক্ত বস্ত্র, সে কি কাংস্য না অন্য কিছু বোঝা যায় না সব সময়ে। তিষ্য মূর্তিগুলি অলস চোখে দেখতে থাকে। এক একটি মূর্তি যেন জীবন্ত। দেখতে দেখতে সুন্দরতম মূর্তিটির সামনে সে দাঁড়িয়ে যায়। এর চোখদুটি অলৌকিক করে ঐকেছেন শিল্পী। ঈষৎ দেখা যাচ্ছে কদলী পুষ্পের মতো একটি দুটি দাঁত। হাত দুটি অঞ্জলিবদ্ধ করে দাঁড়িয়ে আছে মূর্তি। মুষ্ক তিষ্য বিস্মিত হয়ে বলে, কোন শিল্পী তোমাকে গড়েছেন জানি না। কিন্তু তিনি মহাশিল্পী।

অঞ্জলিবদ্ধ হাতদুটি কপালের কাছে ওঠাল মূর্তি। মৃদু নিক্কণ শোনা গেল। তিষ্যকে বিস্ময়ে অভিভূত করে মূর্তি বলল—যিনি আপনাকে গড়েছেন, তিনিই।

—আপনি... আপনি...

—আমি অম্বপালি।

পাঞ্চাল তিষ্যর পরিণত যৌবনের শরীর থেকে যেন মন্ত্রবলে বোধহয় এল একটি অনভিজ্ঞ, প্রণয়ামুখ, বহু আশার আশী এক কিশোর। সে কোন চিরকালের নদীপ্রান্তে দাঁড়িয়ে এক সদাকিশোরীকে বলল—আমায় ফিরিও না। ফিরিয়েছ বলে আমি মৃত্যু হতে পারছি না, প্রত্যয়ী হতে পারছি না।

—ফেরাইনি তো ! আমি যে তোমাকে বারবার ডেকেছি। দুই সজল চোখে বিদূৎ বর্ষণ করে কল্পিত ওষ্ঠাধরে বলে উঠলেন অলভা—আমাকে এই অফলা যৌবনের কারাগার থেকে উদ্ধার করে নিয়ে যাও।

যাতনায় নীল হয়ে মুখ ফেরাল তিষ্য ।

অমনি কক্ষ পার হয়ে চলে যেতে যেতে শুরিতাধরে কেউ বলে উঠল—চাই না । কিছু চাই না ।  
নিজ কর্তব্যে যাও, ডেকো না আমাকে, বলল—কোমলে ও কঠিনে, প্রণয়ে এবং দুর্বিনয়ে ।

—অস্থপালি ! আপনি অস্থপালি ! বিশ্বয়, শ্রদ্ধা, আনন্দ, সমর্পণ সব সব কিছু যেন তার কণ্ঠে ।

—হয়ত অস্থপালি । হয়ত নয় । হয়ত বা অন্য কেউ যাকে চিন্তের মধ্যে মুক করে রেখেছেন হে  
পাঞ্চাল । —করুণ হাসিতে যেন গলতে থাকে মুখশ্রীর মণ্ডন ।

তিষ্য দেখল তার দু' নয়ন থেকে তৈলধারার মতো অশ্রুবর্ষণ হচ্ছে । এক বারিধিই বুঝি জমে ছিল  
তার বুকের ভেতর ।

বারিবিন্দোত সেই মুখটিকে তাঁর দু'হাতের অঞ্জলিতে নিয়ে চুষন করলেন অস্থপালি । কোথাও দ্বার  
খোলবার শব্দ হল । আকাশ স্বয়ং নত হয়ে পড়েছে তার ভোরবেলাকার কুসুমবর্ণ মেঘরাজি, তার  
দ্বিপ্রহরের কাংসোজ্জ্বল রোদ, তার ত্রিয়ামা যামিনীর অগণ্য নক্ষত্রশোভিত আলো-অঙ্ককার নিয়ে ।  
পদ্মগন্ধের লহরী বহে যায় । বহে যায় ।

অস্থপালি গান ধরলেন মৃদুস্বরে । কোন অন্তরাল থেকে বীণা বেজে উঠল ।

সীহ যখন তিষ্যকে নিতে এলেন তখন সদ্যই অংশুমালী দিগন্ত পার হয়েছেন । স্ফটিকের মতো  
ঝকঝক করছে শিশিরমণ্ডনা বৈশালী । সঁখী রক্তা এসে জানাল—তিস্ ভদ্র গভীর নিদ্রায় অভিভূত  
আছেন । অস্বা তাঁকে জাগাতে নিষেধ করেছেন ।

সীহ ফিরে গেলেন । মধ্যাহ্নভোজনের পূর্বে আবার তাঁর উৎকণ্ঠিত রথ এসে দাঁড়ায় । রক্তা  
জানায় ভদ্র তিস্ এখনও নিদ্রিত ।

—কোনও বিশেষ সুরা...ইতস্তত করে জিজ্ঞাসা করেন সীহ ।

—কই না তো ! কোনও সুরাই তো নয় !

গোধূলিবেলায় তিষ্য জেগে ওঠে । প্রথমে সে বুঝতেই পারেনি সময় অপরাহ্ন । সে ভেবেছিল  
প্রত্যুষ হচ্ছে । ঘরটির চারদিকে বাতায়ন । মুক্ত বাতায়নপথে চোখ ভরে দেখা যায় বৈশালীর  
অপরাহ্নশ্রী । দুটি যুবতী ঘরে ঢুকে তাকে স্নানের আহ্বান জানাল ।

—স্নানগৃহটি শুধু দেখিয়ে দিন । কারো সাহায্য লাগবে না । বলল তিষ্য । সসন্ত্রমে কলসে  
সুরভিত কবোক্ষ জল রেখে, মার্জনী বস্ত্র, তৈল, অঙ্গরাগ, সুগন্ধি সব সাজিয়ে রেখে চলে গেল  
তারা ।

এক প্রস্থ নববস্ত্র, তার অলঙ্কারগুলি ফলকের ওপর রাখা । স্নানের পর বাইরে এসে দেখে যুবতী  
দুটি দাঁড়িয়ে আছে । বলল, আসুন ভদ্র ।

—কোথায় যেতে হবে ? আমি এবার...

—সায়মাশ খেতে হবে না ? অস্বার গৃহ থেকে এমনি যাবেন ? আর কয়েক প্রহর হলেই তো  
পূরে' একটি দিবস নিদ্রা হয়ে যেত । ক্ষুধাবোধ হচ্ছে না ?

—একটি দিন কেটে গেছে ?

—প্রায় ।

—তবে কি এখন প্রত্যুষ নয় ?

—এখন বৈকাল ভদ্র ।

পরস্পরের দিকে তাকিয়ে হাসে দু'জনে ।

সতাই সে অত্যন্ত ক্ষুধার্ত । এত ক্ষুধা যেন তক্ষশিলার সেই ব্রহ্মচার্যের দিনগুলিতেও কখনও  
অনুভব করেনি সে । একটি স্বপ্ন দেখেছিল সে গতরাতে । স্বপ্নটি তার চিন্তের সমস্ত অঙ্ককার সংগ্রহ  
করে নিয়ে মিলিয়ে গেছে

অপর দিকের বস্ত্রাবরণী সরিয়ে এক রমণী প্রবেশ করেন । শুভ সামান্য বসন । অলঙ্কারের

কোনও বাহুল্য নেই। মুক্তকেশী। কে ইনি? ঐর উপস্থিতির ছটায় কক্ষটি যেন বাক্তয় হয়ে উঠেছে।

—এখন ভাল বোধ করছেন তো? মদু স্বরে জিজ্ঞাসা করে তিনি বসলেন একটি পীঠে।

—আমার কি কিছু হয়েছিল?

—না, তেমন কিছু নয়। গীত শুনতে শুনতে ঘুমিয়ে পড়লেন। গভীর নিদ্রা। সুস্থিতি বলতে পারেন। যে নিদ্রায় কোনও দুঃস্থল থাকে না।

—দেবী অম্বপালি বোধহয় আমাকে ঘুম পাড়াতেই ওই গীত গেয়েছিলেন...তিষ্য বলে, একটি ফলকে আহ্ব্য এল।

তিষ্য বলল আমি ক্ষুধার্ত। অনুমতি করুন।

—নিশ্চয়, আপনি উদর পূরে খান।

তিষ্য শুনল—খেতেই তো বললাম যুবক...বলছেন এক শুভবসনা কুণ্ডলকেশী শ্রমণা।

একজন যুবতী এসে বলল—অম্বা, সেনাপতি এসেছেন।

—তাকে প্রতীক্ষাগৃহে আপ্যায়ন কর সুলসা। আমার নমস্কার জানাও, জানাও মহামান্য পাঞ্চাল প্রায় প্রস্তুত, এখন যাচ্ছেন।

—যাবার আগে দেবী অম্বপালীর কাছে একবার বিদায় নেব। কোথায় তিনি?

—এই তো আমি। আমিই সে।

—তা হলে কাল রাতে যাঁকে...স্তুস্তিত তিষ্য কথা শেষ করতে পারে না।

—আমাকেই তো দেখেছিলেন পাঞ্চাল।

লজ্জা সংকোচ ভুলে সে এই প্রগাঢ়যৌবনা, তপ্তকাক্ষনবর্ণা, তস্বী, লাবণ্যকোমল, প্রজ্জাভাস্বর মানবীরত্বর দিকে তাকিয়ে রইল।

—বিশ্বাস হচ্ছে না? কেমন এক প্রকার হাসলেন রমণী,—আমি সর্ব কল্যাণী নারী। ছলনা করি না। কিন্তু মানুষ আমার মধ্যে তার মনোলোকের কল্পমূর্তি দেখে। সত্য মানুষটিকে দিবালোক ছাড়া দেখতে পায় না। দিবালোকেও পায় কি? তা পাঞ্চাল আপনি কি স্বপ্নের ঘোরেই থাকতে চান, না দিবালোকের স্পষ্টতায় ফিরতে চান।

—আমি কি স্বপ্নের ঘোরেই ছিলাম এতদিন?

—এমন স্বপ্ন দেখা চোখ আমি বহুদিন দেখিনি।

—বুঝলাম না দেবি।

কী বুঝলেন না?

—কিছুই না।

—একটু প্রতীক্ষা করুন, ধৈর্য ধরুন, দেখবেন, অনেক কিছুই বুঝতে পারছেন। প্রকৃত কথা নিজের চিন্তকে বোঝা।

—তাহলে আমি আপনার কাছে আবার আসব। অনুমতি দিন...

—কাল রাতেই আমি আমার শেষ অতিথি গ্রহণ করেছি ভদ্র।

গভীর সজল সেই চোখ দুটির দিকে চেয়ে তিষ্য মাথা নিচু করে বলল—অতিথির স্মৃতি আসতে চাই না। আচার্যের কাছে শিক্ষার্থী যেমন আসে, তেমনই আসব দেবি।

জম্বুদ্বীপের এই শ্রেষ্ঠ নারী ভগবান বুদ্ধের চোখেও ধন্দ লাগিয়ে দিয়েছিলেন। বৈশালীতে তাঁর আমন্ত্রণসভায় তথাগত বারবার তাঁকে দেখছিলেন—কী আশ্চর্য এই অম্বপালি। কত সামান্য বেশ, কোনও প্রসাধন নেই, অলঙ্কার ন্যূনতম, তবু কী মহিমা! তুষিত স্বপ্নের দেবীরাও বুঝি এই মানবীর কাছে পরাজিত হবে।

প্রকৃতপক্ষে সর্বার্থসুন্দরী এই নারীকে দেখলে পুরুষ এত বিভ্রান্ত হত যে কেউই তাঁকে সঠিক চিনতে পারত না। স্পষ্ট দেখতেই পেত না। তিনি নিতুই নব নব রূপে পুরুষের প্রাণের দুয়ারে গিয়ে আঘাত দিতেন।



উষাকাল । মুক্তাভার মতো একটি আশ্চর্য্য দ্যুতিতে দ্যুতিমতী ধরলী । শেষবারের মতো গৃধকূটের পাশ দিয়ে নগর-প্রাকারের দিকে চলে যাচ্ছেন চণক । চলেছেন একটা ঘোরের মধ্যে । পরিচিত পথগুলি অপরিচিত লাগছে । সব যেন অসত্য, ভ্রান্ত, মায়া । নিদ্রিত রাজগৃহ । রাজগৃহ, তুমি জানলে না এক যুগেরও অধিক কাল তোমার জন্য, শুধু তোমার জন্য । হে গৃধকূট, আমার চিন্তার চরণভূমি, বিদায় দাও । হে বৈপুল, বৈভার গিরিমালা, কালশিলা, শীতবন, আশ্রবন, বেণুবন, লটঠিবন কাত্যায়ন চণক যে পথে এসেছিল সেই পথেই ফিরে যায় ।

প্রাকার-তোরণের কাছে বিদায় নিচ্ছেন চন্দ্রকেতু । স্থবিকা দিচ্ছেন কাত্যায়নের হাতে ।

—কী এ ?

—পাথেয় হে কাত্যায়ন ।

—প্রয়োজন হবে না ।

—মান্যবর, এ স্থবিকা না নিয়ে যাবেন না, মহারাজের আদেশ ।

তোরণ পার হচ্ছেন চণক । — এই পর্যন্ত মগধরাজের আদেশ মানি । তারপর আর না ।

মুখ ফিরিয়ে নিয়েছেন । চিন্তক তার আরোহীকে নিয়ে ছুটছে । উষা ক্রমে স্মৃট হচ্ছে । স্থবিকা হাতে বিমূঢ় থেমে আছেন চন্দ্রকেতু । কী বলবেন বিশ্বিসার নামে সেই দীর্ঘ বিভক্ত মানুষটিকে যিনি তরবারির ওপর ভর দিয়ে কূটকক্ষের অভ্যন্তরে একা দাঁড়িয়ে আছেন ?

ক্রমে মহাবন, সেই মহা-অরণ্য মানুষের বহু পূর্ব থেকে যা অধিকার করে আছে জম্বুদ্বীপের উত্তর-দক্ষিণ, পূর্ব-পশ্চিম । মাঝে মাঝে তাকে কেটে পরিষ্কার করে কোনও জন নিজেদের বাসভূমি প্রস্তুত করেছে, মাথা তুলেছে জনপদ । সভ্যতা, বাণিজ্য, কৃষি, নগরায়ণ, সংস্কৃতি, মন, রাজনীতি । কিন্তু সে কতটুকু !

চিন্তককে বনের প্রবেশপথে একটি আমলকী গাছের সঙ্গে শিথিল বাঁধনে বাঁধলেন তিনি । একটু শক্তি প্রয়োগ করলেই সে বাঁধন ছিড়ে মুক্ত হতে পারবে । সঙ্গে সঙ্গে উদগত তৃণদলের মধ্যে মুখ নামাল চিন্তক । কত সুখী এই মনুষ্যেতর প্রাণীরা ! কত অল্প প্রয়োজন । অল্পতর সাস্ত্রনা ! চণক মহাবনে প্রবেশ করলেন । যতই যান, বনভূমির আঁচল তাঁকে ঢেকে দিতে থাকে । অনেক চেষ্টায় তিনি সেই কুটিরটিতে আসেন, একদা যা আটবিকরা তাঁর জন্য বেঁধে দিয়েছিল । কুটির নয়, কুটিরের অক্ষিষ্ণকর অবশেষ এখন । চালের একটি খণ্ড বটবৃক্ষের মাথায় দুলছে । ঝুটিগুলি অদৃশ্য । বনভূমির থেকে এক হাত প্রমাণ উঁচু ছিল । সেই উচ্চতার কিছু এখনও টিকে আছে । সেই সরোবর অদূরে, যা দেখে তিনি একদিন বাসস্থান নির্বাচন করেছিলেন । আরও এগিয়ে যান যেখানে একটি জনগোষ্ঠী বাস করে বলে তিনি জানতেন । কোনও চিহ্ন নেই কারও । তৃণে তৃণে গুল্মে গুল্মে ঢেকে গেছে মানুষের চরণচিহ্ন । খসখস শব্দ তুলে চকিত শশক পালিয়ে গেল । ওরাও অমনি করেই পালিয়ে গেছে । ভয়ে । হয়ত শুধু ভয়ে নয় । অজানা আতঙ্ক, কল্পনার অতীত কৃতঘ্নতা হয়ত তাদের ঘৃণাও জাগিয়েছে । হয়ত কেন, নিশ্চয়ই । অথচ তিনি তাদের সেই ক্রোধ, আতঙ্ক, ঘৃণার নিরসন করবার চেষ্টা না করে, তাদেরই বাসভূমি অধিকার করে করে মগধরাজ্যের সীমানা বাড়তে গিয়েছিলেন । কী মূঢ়তা, কী সীমাহীন মূঢ়তা ! আরও বন পার হতে থাকেন তিনি । তৃষ্ণা পেলে পান করেন কোনও পঞ্চলের জল, ক্ষুধাবোধ তাঁকে ছেড়ে গেছে, তবু যখন জলরেকের কথা স্মরণ হয় তখন ফল পাওয়া গেলে খান । না পাওয়া গেলে জল আরও জল । চলতে চলতে তিনি বুঝতে পারেন এই অরণ্যই তাঁর নিয়তি ছিল । নইলে উচ্চভূমি, তুষারাবৃত শব্বতের সানু, উজ্জল বারিহীন দিনরাত্রি এবং স্বর্ণ বর্ণের মানুষ দেখে যার অভ্যাস সে কেন এই অরণ্যে, এই বৃষ্টি, এই কৃষ্ণদেশকে এত ভালোবাসবে ! চলতে চলতে অস্পষ্টভাবে তাঁর আরও মনে হয় তিনি প্রকৃতপক্ষে একটি প্রবাহ যা অরণ্য ভেদ করে কৃষ্ণ ভারতের অভিমুখে ছুটে চলেছে, রক্তের ভেতরের কোন অজানা তৃষ্ণায়, তৃষ্ণা মেটাবারও তৃষ্ণায় । সম্ভবত তাঁকে চালিত করেছে এক অমোঘ শক্তি যা জম্বুদ্বীপের ভাগ্য নিয়ন্ত্রণের একটি সূচক বলে তাঁকে চিহ্নিত করেছে । তাঁর এবং এই দেশের ভবিতব্য হয়ত বা এক ও অভিন্ন ।

পরস্পরক্রমে রাজশাস্ত্রের যে চর্চা তাঁরা করে আসছেন তারই বলে হয়ত স্বদেশের ভাগ্যে ভাগ্য মেলাবার এই দুর্ভাগ্য পুরস্কার তাঁর। কোনও সত্য-সাম্রাজ্য স্থাপনের গুপ্ত মন্ত্র উদ্ভাসিত হচ্ছে তাঁর কাছে আজ, শাস্ত্রস তপোভূমির আশ্রয়ে নয়, অনার্য-অধুষিত এই আদিমানবী অরণ্যানীর গুপ্তনের তলায়।

ক্রমশই চণক ঢুকে যেতে লাগলেন আরও গভীরে, গহনে, গম্ভীরে। চতুর্দিকে বনস্পতিসকল আকাশ বিদ্বন্দ করি, নিঃশব্দ কোলাহল করতে থাকল। দেখো হে মানব, মস্তিকায় প্রোথিত চরণ, তবু উর্ধ্বে উঠি। যত দূর চক্ষু যায় তত দূর, আরও দূর। সূর্যশিখার সন্ধানে ক্রমাগত নভস্তল বিধে চলি। শাখাপ্রশাখাগুলিকে প্রচারিত করে দিই শূন্যমণ্ডলে। বিমুক্ত, অনপেক্ষ, আদিম তবু নবীন, সকল শীতবসন্ত বৃকে নিয়ে চিরস্থির তবু চিরপ্রচল।

স্পর্ধিত এই বনবাণী শুনতে শুনতে হর্ষে, রোমাঞ্চে, আক্ষেপে, আফ্রোশে, পিপাসায়, অহৈয়ায়, ত্রাসে, বিস্ময়ে, দুঃখে, মোহে এক সময়ে তাঁর বাস্তবের জ্ঞান হারিয়ে গেল। সময়ের হৃৎস্পন্দন শোনায় না। সময় চলেছে তাঁরই সঙ্গে একীভূত হয়ে, তাঁরই অনুভূমিক বক্ররেখিক ভঙ্গিতে। এক অনাদ্যন্ত ব্রাহ্মমূর্ত্ত ক্রমাগত চলে চলেও তিনি পার হতে পারছেন না এই বোধ তাঁকে আক্রান্ত করল। মস্তিক হারিয়ে ফেলল তার অনবদ্য ভাবনা-প্রতিভা, স্মৃতি, তার প্রথর আত্মজ্ঞান ও সাধন-সংকল্প, স্বাতন্ত্র্য।

ঘন গুম্ব, লতাপাতা, কোমল বৃক্ষকাণ্ড, শাখাপ্রশাখা দু হাতে সরাতে সরাতে কঠিন শাল-শাল্মলী-অশ্বথ-ন্যাগ্রোধ-অর্জুন-সম্পূর্ণী কাণ্ডে দু হাতে আঘাত করতে করতে চিৎকার করে চণক ডাকতে লাগলেন—রগ্গা, রগ্গা, রগ্গা, রগ্গা, রগ্গা... গম্ভীর নাদের সেই ডাক ক্রমশ ভাঙতে লাগল—কর্কশ, করুণ, শক্তিহীন, ক্রমশ তা ঝিল্লির ডাকের মতো নিরন্তর এক অরণ্যধ্বনি হয়ে গেল। তিনি নিয়ন্ত্রণহীন, সংজ্ঞাহীন পড়ে গেলেন সেই মহাবনের গহন গভীর বৃক্ষের কোমলতম কঙ্কলিত মস্তিকায়। অবিকল যেন একটি দীর্ঘ শালবৃক্ষ, সমূল উৎপাটিত। দীর্ঘ হাত দুটি সামনে ছড়িয়ে রইল, বজ্রমুষ্টি খুলে গেল ক্রমশ? তিনি কি প্রথমে কিছু ধরতে চেয়েছিলেন? দুর্মূল্য কোনও কিছু? তার পর সেই বস্তুর ওপর আস্থা হারিয়ে, মায়া হারিয়ে তাকে মুঠি খুলে ফেলে দিয়েছেন! পা দুটি মহাশালের নিষ্পত্র শাখা, কেটে রাখা হয়েছে, দক্ষ বধকিরা অদূরভবিষ্যতে কাজে লাগবে বুঝি বা। তাঁর সুগঠিত নাসা ডুবে গেছে বরাপাতার স্তূপে। ধীরে ধীরে ডুবে যাচ্ছে সমস্ত মুখমণ্ডলটিই। সম্ভবত তাঁর অন্তরাখ্যা লুকোতে চাইছে। কিংবা আশ্রয় চাইছে ধরিত্রীর গভীরে। আশাহীন কোনও মহাসংকটে পরাজিত মহাবীরেরা বীরাজনারা এইভাবেই আশ্রয় চান ধরিত্রীর কাছে।

উপকথালোক ছেড়ে উড়ে আসে ত্রিকালদর্শী বৃদ্ধ ভূশম্ভী কাক, ক্রমাগত ডানা ভাসিয়ে ভাসিয়ে আসতে থাকে ব্যঙ্গমা-ব্যঙ্গমী। আসে শুক-সারী, অমিতায়ু উলুক।

—কে ধায়? কে যায়?

—এক প্রেমী পুরুষ। আর ধায় না, যায় না, এখন শয়ান। এখন শব।

—কাকে স্নেহ করেছিল?

—স্বজাতিকে, স্বদেশকে, যাকে পৃথিবী বলে জেনেছিল।

—আর কাকেও?

—আর সেই পৃথিবীকে ধারণ ভরণ করতে পারেন এমন একজনকে।

—আর কাকেও?

—বড় জটিল এই স্নেহ স্নেহান্তরের কথা...আর কারও অসুখও তাই এত জটিল নয়।

—আরোগ্য হবে না?

—সময়াস্ত হলে হবে, নইলে নয়।

—এমন কেন হয়? এ অসুখে কেউ কষ্ট পায়, কেউ পায় না?

—সময়কে হারাতে চায় যারা তাদেরই বোধহয় এ অসুখ করে...

—অসুখও তবে এক প্রকার সুখ? ...সুখ...সুখ...সুখ এবং ঠিক সেই সময়ে, পরিপূর্ণ সভাগৃহে, বামে

বর্ষকার, দক্ষিণে সুনীথ সর্বার্থক সচিবদ্বয়, অবিদুরে চন্দ্রকেতু বিনিশ্চয়কার, অহিপারক নগর শ্রেষ্ঠী, দুই ৪০২

পাশে কুমার অভয় বীরপুরুষ যিনি অবস্ত্রীর আক্রমণ প্রতিহত করেছিলেন, এবং হস্ত ও বেহস্ত ছেল্লনাদেবীর পুত্রদ্বয়, আরও বহু অমাত্য, দ্বারপাশে ধনুর্গ্রহ দ্বারী, পিছনে চামরধারিণীরা, ঝলসে উঠল বর্শা কুনিয়র হাতে ।

এত অবাক যেন অমাত্যরা আর কখনও হননি । ঠিক এমনটি তাঁরা কেউই ভাবেননি । কুমারের স্বপক্ষীয়রা না, বিপক্ষীয়রাও না । মন্ত্র এখনও শুণ্ড । প্রকৃত বিপদ শ্রমণ গৌতমের, তিনিই মহারাজকে ক্রমশ নিজিয় করে দিচ্ছেন । কিন্তু প্রকাশ্য সভায় মহারাজকে ঘিরে এমন ঘটনা ঘটতে পারে কারওই কল্পনায় ছিল না । বর্ষকার সুনীথ কুমারের আনুগত্য স্বীকার করেছেন । অহিপারক তাঁকে অর্থসাহায্য করবেন কথা দিয়েছেন । কিন্তু তা ইতিকর্তব্য স্থির হবার পর । চক্ষুকেতু এবং তাঁর অনুগত অমাত্যরা তরোয়ালের কোষে হাত রাখলেন । অভয় স্থিরবুদ্ধি মানুষ । পাছে কেউ মনে করে তিনি স্নিহাসনের উত্তরাধিকার চাইছেন তাই নিজেকে সতর্কভাবে সঙ্কুচিত রাখেন । আজ তিনি কিংকর্তব্যবিমূঢ় । হস্ত বেহস্তর চোখে মহাভয় । ভয় বিস্ময় অনুপস্থিত শুধু রাজ্যের চোখে । সামান্য কৌতুক সেখানে এবং ক্রান্তি ।

মহিষী কোশলকুমারী কদিন উপর্যুপরি দুঃস্বপ্ন দেখে ঘর্মান্ত হয়ে জেগে উঠছেন । প্রতিদিন প্রত্যুষে তিনি তাঁর প্রার্থনা নিবেদন করেন ।

—কদিন বিশ্রাম করুন মহারাজ, অস্তঃপুর থেকে বেরোবেন না ।

—কেন ?

—স্বপ্ন দেখলাম গিজ্বকুটের গিজ্বমুণ্ডটা পড়ে যাচ্ছে, আপনার শির চূর্ণ করে দিল ।

—স্বপ্ন দেখলাম জল, ভীষণ তরঙ্গ এক ছুটে আসছে । আপনাকে ভাসিয়ে নিয়ে গেল ।

—মহারাজ যাবেন না, স্বপ্ন দেখলাম দক্ষিণবনে দাবানল লেগেছে । আপনি একটি বৃক্ষ, পুড়ে যাচ্ছেন...

—দেবি, তথাগত বলেছেন, দুঃস্বপ্ন শরীর মনের বিকারমাত্র ।

—যাবেন না মহারাজ, বন্ধ থাক সভা—ছুটে এসেছেন ছেল্লনা ।

—কেন ?

—কেমন ভালো লাগছে না । কুমার কদিন কেমন অস্থির, চঞ্চল...

—যখন দীর্ঘদিন ধরে তাকে তপ্ত করেছিলে মনে হয়নি এমন দিন আসবে ?

অশ্রুমুখী ছেল্লনা, ভয়ানক কোশলকুমারীকে পেছনে ফেলে অস্তঃপুরের দ্বার পেরিয়েছিলেন তিনি ।

—একমাত্র কাপুরুষেরাই অবরোধের বিবরে মুখ লুকোয় দেবি, বিশ্বিসার তো কাপুরুষ বলে সাম্রাজ্য-বিস্তার বন্ধ রাখেনি !

তিষ্যকুমারের শেষ পত্রটির কথা স্মরণ করলেন তিনি । সে তার যথাসাধ্য যত্ন করেছে । প্রত্যেক রাজা, কোশলের তো নিশ্চয়ই, কুরুর, পঞ্চালের, কৌশাথীর, উজ্জয়িনীর, বৈশালীর গণরাজারা সবাই তাঁর সঙ্গে মৈত্রী স্বীকার করেছেন । কিন্তু রাজসংঘের ব্যাপারটি কেউই ভালো করে বোঝেননি ।

—বোঝেননি ? না বুঝতে চাননি ? ব্যক্তি বিশ্বিসারের তাঁরা সবাই সুহৃৎ । সুহৃৎ ? রাজা সেনিয় বিশ্বিসার হাসেন । রাজনীতির নিরুক্ত-কারিকায় সুহৃৎ কথাটি বড় আপেক্ষিক । ক্ষুদ্র ক্ষুদ্র স্বার্থে, ব্যক্তিগত, কুলগত, গোষ্ঠীগত স্বার্থে একজন আর একজনের সুহৃৎ হয় । বৃহৎ রাজনৈতিক স্বার্থও আছে । কিন্তু বৃহৎ হলেও তা তো স্বার্থই । নিঃস্বার্থ বন্ধুতা কোনও রাজা কারও স্বার্থ থেকে চাইতে পারেন না । চাওয়া ভ্রম । সে ভ্রমের মূল্য তাঁকে হৃৎ-পিণ্ড ছিড়ে দিতে হয়েছে । ব্যক্তি বিশ্বিসার ? ব্যক্তি বিশ্বিসার কে ? তাকে কেউ দেখতে পায় ? দর্শন ? দর্শনও দেখে কি ? সেই ব্যক্তি বিশ্বিসারকে জঘুষীপের রাজকুল আশ্বাস দিয়েছেন নাকি ? তিষ্য বলছে । তিষ্য আরও বলছে...রাজসংঘের তত্ত্ব বোধগম্য হতে আর একটু সময় লাগবে । সময় ? তিনি হাসেন...সময় আছে নাকি ? তিনি তো দেখছেন, সময় দ্রুত চলে যাচ্ছে । সময় আর থাকছে না...তিষ্যি তাঁর রক্তের মধ্যে সময়ের সেই অবলোপ অনুভব করছেন যে !

হে তথাগত, এই জীবন ততটুকুই পারবে যতটুকু ব্যক্তির কর্ম নির্দিষ্ট করে দিয়েছে । হে তথাগত, এই জীবন বহু আকাঙ্ক্ষার যোগফল, তুমি বলেছ । জীবনের শেষে মৃত্যু । দুর্বার । কেমনভাবে সে

আসবে সে-ই স্থির করে । হে তথাগত...

ডান হাতটি তুললেন মহারাজ । আশ্চর্যকার ভঙ্গিতে নয় । যেন বরাভয় দিচ্ছেন । অদ্ভুত ! হত্যা করতে যাচ্ছে ঘাতক, তাকে অভয় দিচ্ছেন নাকি ? মহাপাপ, মহাপাপ থেকে মহাভয় । অনন্ত নরক । জীবনে এবং জীবনান্তে । তাই অভয় !

—পিতাকে হত্যা করতে চাও ? কেন ?—একেবারে নিরুদ্বেগ প্রশ্ন, যেন অস্ত্র তোলেনি, কন্দুক তুলেছে কোনও বালক ।

—আর কতকাল এই সিংহাসনে বসে আমার পথরোধ করে থাকবেন ? আর কতকাল ? কত আয়ু আপনার ?

সভা শ্বাসরুদ্ধ করে শুনছে । সুনীথ, অহিপারক মুখ নত করেছেন, লজ্জায়, দুঃখে । কোনও নীতি নয় । লোভ, বর্বর লোভের কথাই শেষ পর্যন্ত বলল কুমার ? বর্ষকার চেয়ে আছেন দূরের প্রাচীরের দিকে । কী ভাবছেন, বোঝা যায় না । সম্ভবত কী করে এই লোভকে বীর্যে পরিণত করা যায়, সেই কথা ভাবছেন উপায়কুশল মহাসচিব । চন্দ্রকেতুর মুঠির তরোয়াল কোষমুক্ত ।

বিশ্বিসার উঠে দাঁড়ালেন । কৌতূকের চিহ্ন মুখে গেছে মুখ থেকে ।

—বসো । এ আসন ছেড়ে দিলাম । পিতৃরক্ত পাত করা কুশল কর্ম নয় ।

সভা ত্যাগ করে চলে গেলেন তিনি । উত্তরীয়টি লুটোতে লুটোতে অবশেষে খসে পড়ে গেল । রাজসভা এবং অন্তঃপুরের মধ্যবর্তী পথে ছিন্ন পতাকার মতো পড়ে রইল ।

যত দূর দেখা যায় দেখলেন সভাসদরা । সিংহকটি এখনও, প্রশস্ত পিঠ, পেশল কাঁধ । বীরপুরুষের আকৃতি । বীর কিন্তু অনিচ্ছুক । নিজেই প্রত্যাহার করে নিয়েছেন ।

পরিপূর্ণ সভার অনুচ্চারিত শিঙ্কারের মধ্যে ভ্রুকৃটি ভীষণ মুখে অজ্ঞাতশত্রু সিংহাসনে বসলেন ।

পুষ্পলাবীর গবাক্ষপথে জিতসোমা দেখল পথ যেন জনহীন । দু চারজন যা চলাফেরা করছে অত্যন্ত সন্তর্পণে, যেন প্রয়োজন সমাধা হয়ে গেলেই আপন বিবরে মুখ লুকোবে । সংবাদ চারদিকে ছড়িয়ে পড়ছে । কুমার কুনিয় নাকি রাজসভায় সর্বসমক্ষে মহারাজকে হত্যা করতে গিয়েছিল এবং মহারাজ রাজদণ্ড সেই পানীীর হাতে তুলে দিয়ে, রাজমুকুট সেই পানীীর মাথায় পরিয়ে সভাত্যাগ করেছেন ।

—এ কী করলেন মহারাজ ? তাঁর অনুগত রক্ষী, অমাত্য এরাও তো কিছু অস্ত্র ছিল না ! এতেই কি তিনি বাঁচতে পারবেন ? শুধু জীবনের প্রতিই এত মায়া ।

সহচরী বৃন্দা বলল—পুরের সঙ্গে সম্মুখ যুদ্ধ করবেন ? পিতা-পুত্র পরস্পরের রক্তপাত করছে সেটাই কি ভালো ? শুনেছি অমাত্যরা সব মাথা নত করে বসেছিলেন, কেউ একটি কথাও বলেননি, কী বুঝবেন এতে রাজা ?

ব্যর্থ ক্রোধে কক্ষের চারপাশে ঘোরে জিতসোমা । নিজেই এত অযোগ্য মনে হয় ! ওই সভায় উপস্থিত থাকার অধিকার সে কোনও মতেই অর্জন করতে পারেনি । মহারাজ তাকে ভূতকভোগী অমাত্যের পদ দিলেন শেষ পর্যন্ত, কিন্তু তা গুপ্ত রইল । এই গোপনতায় তার সম্মত হওয়া উচিত ছিল কি । কুনিয়-দেবদত্তের দলকে দমন করার যে পরিকল্পনা সে করেছিল তা-ও মন্ত্রিসভার সঙ্গে আলোচনা করার সময় পাওয়া গেল না । এই থের-দেবদত্ত নিজেই প্রকৃত বুদ্ধ বলে প্রচার করছেন । তাইতে মহারাজ বিরক্ত, ফ্রুদ্ধ । সোমা তাঁকে বার বার বলছে রাজগৃহ তো কোনও শ্রমণ কোনও সন্ন্যাসীকেই ফেরায় না ! কূটনীতির অঙ্গরূপে মহারাজ থের দেবদত্তকে উপহার পাঠান না ! গম্মাশিরে তাঁকে একটি সুন্দর বিহার করে দিন ! নিরাপদ দূরত্বও থাকবে, আবার বুদ্ধদেবী এই স্থবির প্রশমিতও হবেন । দেবদত্ত রাজগৃহ থেকে দূরে এবং তুষ্ট থাকলে কুমারের সাহস দস্ত আশ্ফালন সবই অস্ত্র হয়ে যাবে, কারণ অলৌকিক শক্তির ওপর কুমারের বিশ্বাস ছিলকের মতো । কিন্তু মহারাজ এত কূটনীতিজ্ঞ হয়েও এইটুকু করতে চাইলেন না । বুদ্ধদেবী কাউকে তিনি কোনও ছলেই সইবেন না । ...হয়ত মহারাজ মনে করেন অকপট, অচঞ্চল থাকলে তথাগতই তাঁর অলৌকিক শক্তিবলে তাঁকে সাহায্য করতে পারবেন । কিন্তু এ বিশ্বাস কি ঠিক ? তা হলে যে মুহূর্তে কুনিয়র হাত পিতৃবধে উদ্যত

হয়েছিল, সে মুহুর্তে সে হাত কেন খসে পড়ল না ? নাকি মহারাজ ওই সম্মাসীকে আপন প্রাণের চেয়েও ভালোবাসেন ?

জিতসোমা রক্ষীপ্রধানকে ডেকে পাঠায়। সে কিছু বলবার আগেই রক্ষীপ্রধান বলে—সেনাপতির কাছ হতে আদেশ এসেছে দেবি, আমরা কিছুকণের জন্য যাচ্ছি।

—কেন ডেকেছেন ?

—তা তো জানি না।

—অনুমানও করতে পারো না ?

—অভিশয় গোপন কথা দেবি, সম্ভবত সেনাপতি আমাদের যতজনকে পারেন একত্র করতে চাইছেন।

—যাও।

রক্ষীদের বিদায় দিয়ে জিতসোমা প্রসাধনকক্ষে যায়। দীর্ঘ কেশ কাঁধ পর্যন্ত কেটে ফেলে। বক্ষে চর্মের বর্ম বাঁধে। পায়ে উপানৎ। পিঠে তুণ, কাটিতে ছুরিকা। মাথায় করোটিকা শিরস্ৰাণ। হাতে, জানুতে লাগিয়ে নেয় স্থূল চর্মের পট্টিকা, তাণ্ডব-নৃত্যের নটী সে, পুরুষসুলভ চলনের ছন্দ আয়ত্ত করতে তার বিলম্ব হয় না। সে অপেক্ষা করে। তার অনুগত রক্ষীদের অপেক্ষা।

এক দিন যায়, দু-দিন যায়, তৃতীয় দিনও যায় যায়। রক্ষীরা আসে না। আসে কুমার। সংবাদ পেয়ে জিতসোমা বর্ম, শিরস্ৰাণ, অস্ত্র, উপানৎ সব নামিয়ে রাখে। শুধু বসনের মধ্যে থাকে তীক্ষ্ণধার ছুরিকা।

আসনশালায় ভূকৃষ্ণিত মুখে কুমার কুনিয়, সঙ্গে রক্ষীরা। এবং এক শ্রমণ।

—ঘোষণা শুনতে পেয়েছ ?

—পেয়েছি। এক দুর্বৃত্ত পিতার হাত থেকে রাজদণ্ড ছিনিয়ে নিয়েছে।

—সাবধান...সাবধান সোমা...কুনিয় চিৎকার করে উঠে দাঁড়ায়।

—মিথ্যা বলেছি ?

—কুমার বীরোচিত কর্ম করেছে—পাশে এসে দাঁড়ালেন দীর্ঘদেহী শ্রমণ।

—বীর ? —সোমা যত না ক্রুদ্ধ তার চেয়েও বৃষ্ণি বিস্মিত।

—কাপুরুষের হাতে রাজদণ্ড থাকা না থাকা সমান নারী। যে সম্মাসীর নির্দেশে রাজ্য চালায় তার ওপর কে আস্থা রাখবে ?

এই তা হলে সেই স্ববির দেবদত্ত !

বৌদ্ধ ধর্মসংঘের ভেতরে ইনি রাষ্ট্রীয় রাজনীতির কীট চুকিয়ে দিলেন তা হলে। এ কি কোনও সনাতন ঐতিহ্য ? না কোনও ইতিহাসের আরম্ভ হল এভাবে ? নিবাসিনা প্রব্রাজকরা তা হলে রাজনীতিতে এত বড় শক্তি ? কারণ ? কারণ কী ? অশন-বসন নয়, বিলাস নয়, নারীও নয়, প্রভুত্ব। আর সব বাসনা যখন যায়, তখন সব বাসনার শক্তি একত্রিত হয় প্রভুত্বের বাসনায়। জিতসোমার মাথার ভেতরে রাজশাস্ত্রের কয়েকটি শূন্য পাতা উল্টে যাচ্ছে। সে লিখেছে : সাবধান। রাজপুরুষের শুধু ধর্মকার্যে রাজাকে সহায়তা করেন না। তিনি এবং যে কোনও পন্থের প্রব্রাজকসমূহ সঙ্গে রাষ্ট্রনীতির সম্পর্ক আরও ঘনিষ্ঠ হয়ে থাকে। সাধারণ সূত্র—ক্ষমতার লোভ<sup>①</sup> প্রয়োগের ক্ষেত্র—প্রজাসাধারণ। উভয়েরই অস্ত্র—ভয়। রাজা ধনমানপ্রাণের ভয় সব সর্মগণে জাগিয়ে রাখেন রাজদণ্ড সামনে রেখে। আর সম্মাসীর পলাশদণ্ড ? অভিশাপের ভয়, নরকের ভয়, তির্য্ণ বা হীনযোনিতে জন্মের ভয়। হে রাজন, ভবিষ্যৎ যুগের রাজাসকল, আপনারা যদি সত্য সত্যই প্রজাপালক, লোকসেবক হন, হতে চান, তা হলে যে প্রব্রাজক, পুরুষোত্তম, বৈরাগী আপনার ঘনিষ্ঠ হতে চাইবে তাকে গুট, কুট, স্বার্থস্বাক্ষানী জেনে দূরে রাখবেন। রাজ্য ও সম্মাসী একত্র হলে তা কোনও অর্থেই রাজ্যের পক্ষে শুভ নয়। রাজ্যের পক্ষেও তা শেষ পর্যন্ত অন্তিম হয়ে দাঁড়ায়। যেমন মহারাজ বিম্বিসারের ক্ষেত্রে হল।

—কথা বলছ না কেন জিতসোমা ? এ কি ! কেশ কেটে ফেলেছ কেন ?

—এ তো কেশমাত্র, কারণ মাথা তো আর নয় !

—কী বললে ? রাজা কুনিয়র মাথা নিতে চাও ?

কষ্ট চোখ অন্য দিকে ফিরিয়ে নেয় জিতসোমা ।

হঠাৎ অপ্রত্যাশিতভাবে হাসে কুনিয়, বলে—যাই হোক মহামান্য কাতায়নও তো এই কথাই বলেন, সে একটি পুঁথি বার করে, —পড়তে থাকে যে রাজ্য নিজেকে বিতত করে না, প্রতিবেশী রাজ্যের অন্যায় সয়ে যায় সে রাজ্যের আয়ু শেষ হয়ে আসে ।...মহামান্য চণক আমাদের সঙ্গে সহমত ।

চমকে ওঠে জিতসোমা, কিছু বলে না ।

দেবদত্ত বলেন—তক্ষশিলার স্বাভক । রাজ্যশাস্ত্রের রচয়িতা তিনি । বহুদূর পর্যন্ত দেখতে পাবেন, বুঝতে পারবেন—এ আর অধিক কী ?

কুনিয় তির্যক চোখে চেয়ে বলল—তিনি যে শ্রমণ গৌতমকে সবার সামনে স্পর্ধা জানালেন, তিরস্কার করলেন, তাঁর প্রভাব যে রাজার পক্ষে, রাজ্যের পক্ষে ক্ষতিকর এ কথা স্পষ্ট জানালেন—তাইতেই তো আমরা আরও ত্বর করলাম । যে কোনও উত্থানের পেছনে তাত্ত্বিকের সমর্থন থাকা প্রয়োজন । তক্ষশিলক না হতে পারি । পণ্ডিতদের মেনে চলি ।

—এ পুঁথি কোথায় পেলেন ? ছিন্ন কেন ?

—গাঙ্গার ভবনে ! আর কোথায় পাবো ? পাতাগুলি কঙ্কের মধ্যে ইতস্তত বিচরণ করছিল ।

—সে কী ? তিনি কোথায় ?

—আমরা সন্ধান করছি । মনে শঙ্কা রেখো না সোমা । দৈবরাত চণককে আমরা মাথায় করে রাখব । আর তোমাকে ?...

কুমার কুনিয় এখন রাজা অজাতশত্রু, তার কথা শেষ করল না । প্রকৃতপক্ষে সে সোমাকে কোনও নির্দিষ্ট প্রতিশ্রুতি দিতে পারছে না । অন্তঃপুরে তার মহিষী পদুমাবতী অত্যন্ত চতুর, ক্ষমতাবতী, অভিমানিনী হয়ে উঠেছে । সদ্যবিবাহিতা সুন্দরী তরুণী, কুনিয়র তার প্রতি আকর্ষণও কিছু অল্প নয় । অথচ সোমা এক অমূল্য সম্পদ, পিতার সঙ্গে সংগ্রাম করে পাওয়া । সোমাকে হারাতে হলে...হারাতে হলে...কুমার ক্ষিপ্তের মতো ঘাড় ফেঁসায় । না । না ।

রাত্রি দ্বিপ্রহর । শ্মশানের স্তব্ধতা চারদিকে । কিন্তু রাজগৃহের ঘরে ঘরে শিশু, রোগী ও অতিবৃদ্ধ ছাড়া নিত্রা যায়নি কেউ । যুবরাজ অজাতশত্রু রাজা হয়েছেন এ ঘোষণা চলেছে সারাদিন, রাতের প্রথম প্রহর পর্যন্ত । এখন সে ঘোষণাও বৃষ্টি ক্লাস্ত । যারা এতদিন রাজাকে দোষারোপ করছিল, তারা বিষণ্ণ হয়ে ঘরের মধ্যে বসে । হট্টে, আপণে ক্রয়-বিক্রয় তেমন হয়নি । বিবিসার সমালোচিত হলেও লোকপ্রিয় ছিলেন, প্রজাদের ক্ষতি কখনও করেননি । পিতাকে সিংহাসনচ্যুত করে যে সিংহাসনে বসে, তার হাতে নিরাপত্তা থাকবে কিনা এই প্রশ্নে ভারাক্রান্ত সবার মন । কিন্তু রাজপরিবারের ব্যাপার, অমাত্যরাই কিছু বলছেন না, সাধারণে কী বলবে ।

মহাশ্রেষ্ঠী যোতীয় জটিল শ্রেষ্ঠীকে বললেন—বুঝলে কিছু ?

জটিল সতর্ক কণ্ঠে বললেন—আমাদের ধনমানপ্রাণ ?

—নিরাপদ ছিল, এখন বিপন্ন ।

—বলছেন ?

—বলছি—স্থূল ভ্রুগের মধ্যে অসংখ্য কুণ্ডন, যোতীয় চোখ দুটিও কুণ্ডিত করে যেন অদূরকালের অভিসন্ধি বোঝবার জন্য সামনে চেয়ে রইলেন ।

—রাজ্যের হয়ত ভালোই হবে । মহারাজ তো ইদানীং...

—বাক্য শেষ করো জটিল । মহারাজ তো ইদানীং কী ? সুবিচার করছিলেন না ? না, তোমার সঙ্কিত ধনের কলসগুলি চেয়ে প্যাঠয়েছিলেন ! কোনটি ?

—কোনওটিই নয় মহাসেঁটটি, রাজ্যোচিত উদ্যম-উদ্যোগের কিছু অভাব দেখা দিয়েছিল । এই মাত্র ।

—তোমারও পুত্র আছে জটিল । ভেবে দেখো...

রাজসভাতেও অমাত্যরা গভীর মুখে বসে থাকেন, গ্রামণীরা ব্যাপার শুনে শুক্রমুখে ফিরে চলে

যান। রাজগৃহ-শ্রেষ্ঠী অহিপারক দিনের পর দিন অনুপস্থিত থাকেন, তাঁর নাকি কঠিন অসুখ। অন্তঃপুর থেকে সংবাদ আসে রানিরা অজাতশত্রুর সাক্ষাৎ-প্রার্থী। খেব দেবদত্ত বলেন—সাবধান মহারাজ, আপনার পিতা ছিলেন লোকপ্রিয়। তাঁকে চক্ষের সামনে রেখে রাজত্ব করা দুষ্কর হবে। আরও সাবধান, আপনার মাতারা আপনাকে দ্রব করতে চেষ্টা করবেন।

সেনানীগ্রামে উপটোকন যায়—সেনারা নতুন রাজার অভিষেক উপলক্ষে উৎসব করে। নৃত্য-গীত, ভোজ, যত প্রকার আমোদ-প্রমোদ জানা আছে, সব। ব্যয় বহন করবেন রাজা। রাজ্যময় উৎসবের ঘোষণা হতে থাকে। অন্ত্যজ-পন্নীতে নতুন বস্ত্র, গন্ধানুলেপন, উৎকৃষ্ট তণ্ডুল বিতরিত হয়। দান যায় শাক্যপুত্রীয় ছাড়া অন্য শ্রমগণসংঘলিতে। রাজা অজাতশত্রু অন্তঃপুরে আসেন ডয়ানক অপরিচিত মুখ নিয়ে, সঙ্গে নতুন রক্ষী সব। অঙ্গদেশ থেকে এসেছে। আদেশ হয়—

—কারারুদ্ধ থাকবেন রাজপিতা, এখন থেকে।

আর্তনাদ করে ওঠেন রানিরা।

বিস্বিসার বলেন—আর কী চাও ?

—রাজদ্রোহ প্রচার করছেন অন্তঃপুরে বসে !

—প্রমাণ ?

—আপনাকে দেখাতে শোনাতে বাধ্য নই।

অস্ত্র ঝনঝন করতে করতে চলে গেল অজাতশত্রু।

ছেলনা সকাতরে বললেন—মহারাজ ! কিছু করুন !

—আর কিছু হয় না—বিস্বিসার বললেন—এ-ই আমার কর্মফল। তোমারও কর্মফল রাজ্ঞী। হস্ত-বেহস্তকে অবিলম্বে সেচনকের পিঠে মাতুলালয়ে পাঠাও।

—হস্ত-বেহস্ত নিয়ে গেছে আমার মঙ্গলহস্তী, আঠার লহর রত্নহার। এ সব রাজার সম্পদ।

—অজাতশত্রু ক্রোধে আশুন হয়ে কারাগারে প্রবেশ করে—কেন দিয়েছেন ?

—এক পুত্রকে সমগ্র রাজ্য দিলাম। আর দুই পুত্রকে মাত্র একটি হস্তী ও একটি রত্নহার। অন্যায় হল ?

—ওই হস্তী রাজার বাহন। ওই হার কঠে নিয়ে রাজা সিংহাসনে বসেন।

—ভদ্রাবতী আছে, নালাগিরি আছে, বাহনের অভাব কী ? রত্নহারেরও অভাব নেই কোষাগারে।

ক্রোধে গর্জন করে অজাতশত্রু।

ক্ষীণভাবে মনে পড়ে রাজার, এই পুত্র তাঁর প্রথম বৈধ পুত্র। একে দিনে দিনে বেড়ে উঠতে দেখেছেন মাতৃগর্ভে। ভূমিষ্ঠ হবার পর সে কী উৎসব সমস্ত রাজ্যে। কুনিয়কে অদেয় সেদিন তাঁর কিছুই ছিল না। সারা বাল্য এই পুত্রের কেটেছে তাঁর প্রশ্রয়ে, সচিবরা বলেছিল তক্ষশিলায় পাঠাতে। অত দূরে বলে তিনি বারাগসী থেকে আচার্য আনান। স্বতন্ত্র প্রাসাদে আচার্য এবং শত্রুচার্যদের কাছে শিক্ষা কুনিয়র। কোশলদেবীর এতে আপত্তি ছিল। তিনি ঐতিহ্যশালী কোশল রাজবংশের কন্যা, তক্ষশিলার শিক্ষা না হলে সত্যিকার রাজবংশের উপযুক্ত হবে না পুত্র। ঐতিহ্যশালী মনোভাব তাঁর ছিল। কিন্তু কুনিয় নিজেও যেতে চাইল না। তিনিও মেনে নিলেন। ফলে, প্রকৃত ব্রহ্মচার্য পালনই করতে হয়নি কুমারকে। আরও অতিরিক্ত স্নেহ ছিল তার দেহগত দুর্ভাগ্যের জন্য।

—হস্ত-বেহস্তকে ফিরে আসতে আদেশ করুন। হস্তী এবং হার নিয়ে।

—তারা পালিয়েছে প্রাণের ভয়ে কুনিয়। অভয় দিলে নিশ্চয়ই আসবে।  
আর উপহার দিয়ে ফিরিয়ে নেবার আগে বিস্বিসারের মৃত্যুও ভালো।

—তবে তাই হোক। দস্তে দস্ত ঘর্ষণ করে উচ্চারণ করে সে।

অজাতশত্রু আদেশ দিয়ে গেল বন্দীর আহার বন্ধ। কেউ যেতে পারবে না তাঁকে দেখতে, একমাত্র কোশলদেবী ছাড়া।

কদিনের মধ্যেই বৃদ্ধ হয়ে যান বিস্বিসার ! অঙ্গ কারাকক্ষে একটিমাত্র ছিদ্র। সেই ছিদ্রপথে গৃধকূট দেখা যায়, আলোকিত সেই বিন্দুটির দিকে চেয়ে চেয়ে রাজ্যচ্যুত মগধরাজ ভাবেন—কে আমি ?

সত্যই বা কী ? ষোড়শ বর্ষের যে কিশোরকে তার পিতা রাজমুকুট পরিয়ে দিয়েছিলেন, যে যুবক শত্রুরাজ্যের শত বিপদ অগ্রাহ্য করে এক অনন্যার প্রণয়দ্বানে সাড়া দিয়েছিল, যে পরিণতযৌবন বীরপুরুষ এক অলোকসামান্য শ্রমণকে আত্মনিবেদন করেছিল, সে কি সত্য ? না এই ক্ষুৎপিপাসাকাতর ভয়হৃদয় বৃদ্ধ সত্য ? দুটি আমিই কি এক ব্যক্তি হতে পারে ? কোন কর্মফল দুটি সম্পূর্ণ ভিন্ন আকৃতির, ভিন্ন ভাগ্যের মানুষকে যুক্ত করছে ? মঙ্গলহস্তীর পিঠে সেইসব দুঃসাহসী অভিযান... শতসহস্র প্রজার জয়ধ্বনি, সপারিষদ সেই সব তীর্থগমন ।

ক্রমশ হতবল হতে থাকে শরীর । অবসন্ন মন । চৈতন্য আবিল । বৃদ্ধ আর ভালো করে দেখতে পান না । চিন্তাগুলি বিবর্ণ চিত্র গড়ে । গড়ে আর ভেঙে যায় । শত চেষ্টা করেও সেগুলি সমঞ্জস ও সুস্থির রাখতে পারেন না । কে আমি ? এই চেতনা যাকে আমি বলে জানে সে কে ? কয়েক দিন আগেও তো সে ছিল না ? হয় তথাগত ! বলেছিলে বটে প্রতিটি ক্ষণ স্বতন্ত্র ; নিরবচ্ছিন্ন ধারে ক্ষণ পরস্পরা আসে তাই মনে হয় এক । প্রকৃতপক্ষে এক নয় । বালক বিশ্বিসার, যে জলের মুকুরে মুখ দেখত, বাঙ্কবী সুমনাকে যখন তখন প্রহার করত ও প্রহার খেত, যে বিশ্বিসার পিতার পরাজয়ের শোধ নিতে অঙ্গরাজ ব্রহ্মদত্তকে হারিয়ে নিমূল করে দেয়, যে বিশ্বিসার মহাসমারোহে শ্রাবস্তীর রাজকুমারীর পাণিগ্রহণ করল সমবেত জয়কারের মধ্য দিয়ে, এক শ্রমণ যুবকের অলোকসামান্য প্রতিভাচ্ছটায় মুগ্ধ হয়ে যে তাঁকে রাজন্যপদ, সেনাপতিপদ সব দিতে চাইল, দেশনা শুনেছে, মহারানি ক্ষেমার সঙ্গে রহস্যলাপে মন্ত, চণক...দৈবরাত চণকের সঙ্গে সেই আশ্চর্য মিলনে মিলিত বিশ্বিসার, ভোজনগৃহের কেন্দ্রে আমরণ বন্ধুত্বের অঙ্গীকার...হায় চণক...হায়, এগুলি ভিন্ন ভিন্ন বিশ্বিসার, নানা বিশ্বিসারের এক মালা এ । একটির কর্ম অন্যটিকে সৃষ্টি করে যাচ্ছে ক্রমাগত...তৈলধারের মতো । এগুলিকে স্বতন্ত্র বলে পরিষ্কার চিনতে পারছেন তিনি আজ । কার্যকারণ সম্পর্কে বিশ্বিসারগুলি গ্রথিত ।

ভগবন, ভগবন পিপাসায় বুক ফেটে যায় । করুণা করো করুণা করো । তোমার সেই অলৌকিক করুণাধারে স্নাত করাও এই বিশ্বিসারের জীবন, যা ধ্বস্ত, ব্যর্থ হতে চলেছে । এ কি যোর অন্যায ? যোরতর পাপ ! আত্মজ হয়ে স্নেহশীল পিতাকে কারারুদ্ধ করে ? অনাহারে হত্যা করে ? জননীর দেহ অনুসন্ধান করায় ! কোন কর্মফলে এই ব্যর্থ পিতা, ব্যর্থ রাজা সৃষ্টি হল ? হে ভগবন !

গবাক্ষের দিকে মুখ তুলে চান বন্দী । আশ্চর্য ! তথাগত আবির্ভূত হয়েছেন । পসেনদিকে সহস্র বৃদ্ধ দেখিয়েছিলেন, আজ বিশ্বিসারের ডাকে তমসের মধ্যে জ্যোতিঃস্বরূপ হয়ে আবির্ভূত হয়েছেন । চোখ ভরে, প্রাণ ভরে সেই অতীন্দ্রিয় দৃশ্য দেখতে থাকেন বিশ্বিসার । মহাশূন্যের পটে ভগবান তথাগত বৃদ্ধ । দেখতে দেখতে দেখতে দেখতে অবশেষে বিশ্বিসার নামের একদা প্রতাপশালী প্রজারঞ্জক অধুনা আত্মপরিচয়হারী, দীনাতীর্দীন বন্দী সহসা বৃষতে পারেন, এ কোনও অলৌকিক আবির্ভাব নয় । এখন কারার বাইরে পৃথিবীতে প্রত্যুষ এসেছে । তথাগত দেশান্তরে ছিলেন, এসে নিদারুণ সংবাদ শুনেছেন, রাজগৃহের বিশ্ফোরক বাতাবরণে নিষ্ঠুর রাজনীতির কাছে উপরোধ করে বিশ্বিসারকে মুক্ত করবার সাধ্য তাঁর নেই । তিনি শুনেছেন গৃধ্রকুটশীর্ষ থেকে এই কারাকক্ষ দেখা যেতে পারে । তাই সূর্যোদয়ের লগ্ন থেকে দাঁড়িয়ে আছেন সেখানে । তিনি যত সহজে ভগবানকে দেখতে পাচ্ছেন, ভগবান তত সহজে তাঁকে দেখতে পাচ্ছেন না । আদৌ পাবেন কি না সন্দেহ । কিন্তু তিনি চেষ্টা করছেন । বৃদ্ধ তথাগত, বৃদ্ধ বন্দী বিশ্বিসারকে দেখবার চেষ্টা করছেন । সক্রমণ, কাতর নয়ন । অশ্রুবিন্দুগুলি বুঝি চোখের প্রান্তে থমকে আছে । হাত দুটি কি অঞ্জলিবদ্ধ ! সম্ভবত পরমপুরুষ উপনিষদোক্ত ঈশের কথা যিনি কখনও বলেন না, আজ পরমতরুণ কোনও শক্তির কাছে তাঁর শ্রেষ্ঠ সূত্র বিশ্বিসারের জন্য প্রার্থনা করছেন । এবং সেই মুহূর্তে বিশ্বিসার এ-ও বৃষতে পারেন, কী সেই কর্ম যার এই ফল । তথাগত, তথাগতরূপ সম্মোহই সেই কর্ম এই রুদ্ধ কারা তারই ফল । শুধু তথাগত কেন, বিশ্বনিয়ামক কোনও মহাশক্তি পর্যন্ত তার ব্যত্যয় ঘটতে পারে না ।

তথাগতরাটি কর্মতত্ত্বের এবস্থিধ মমাস্তিক উদ্ভাসই মহারাজ বিশ্বিসারের জীবনের শেষ প্রাপ্তি ।



বাইরে অনেকগুলি পেঁচা একসঙ্গে যেন আর্দ্রব করে উঠল। কাঁ কাঁ ক্রীরব্ব ক্রীরব্ব। তারপরেই কাকেদের তুমুল কোলাহল। কারা ধ্বংস হচ্ছে বোকা যায় না। কিছুক্ষণ আগে প্রাসাদের দিক থেকে উপর্যুপরি ভেরীর আরাব শোনা গেছে। সামান্য একটু তন্দ্রা এসেছিল, ভেরীর অস্বাভাবিকভাবেই সম্ভবত সে লঘু তন্দ্রা ছুটে গেল। রাতের পর রাত নিদ্রা আসে না জিতসোমার। পুষ্পলাবীর গর্ভে সে বহুদিন হল বন্দিণী। কত দিন সে আর শুনে শুনে পারে না। রাজপ্রাসাদ, রাজগৃহ নগরীর অভিজাতকুল, মগধের রাজনীতি সব, সব কিছুই যেন গাছার নটীকে ভুলে গেছে। জিতসোমার দেহ ক্ষীণ, চোখের চারপাশে অনিদ্রার কালি। রাজগৃহ কেমন যেন ছিল ? তার পাহাড়, পাহাড়িয়া পথ, কাননগুলি ? সব যেন দূর জন্মের স্মৃতি। জিতসোমা বাইরে যেতে পারে না। তার কাননে, প্রাসাদের প্রবেশপথগুলিতে পাহারা দিচ্ছে অজ্ঞাতকুল সব রক্ষী। কক্ষ থেকে কক্ষে ভ্রমণ করা ছাড়া তার আর কোনও উপায় রাখেনি এরা। প্রথম যেদিন বাইরে যাবার চেষ্টা করেছিল, তিনজন ভীষণদর্শন অস্ত্রধারী সঙ্গে সঙ্গে চলতে লাগল। সোমা দেখল তার রথ নেই। মন্দুরা শূন্য। কয়েক পা যাবার পর সে ফিরে এসেছিল।

তার দাসী ধ্রুবা প্রথম প্রথম হট্টে যেত। শাক, পর্ণ, মাংস, মৎস্য, ঘৃত... তণ্ডুল... প্রয়োজন কি একটা ? ধ্রুবা এসব ছাড়াও আনত সংবাদ।

এদিক ওদিক চেয়ে মৃদুকণ্ঠে বলত—শুনেছেন দেবি, মহারাজ নাকি এখন কারাগারে।

—সে কি ? সিংহাসন ত্যাগ করার পরেও ?

—তাই তো শুনছি ? কুমারের সঙ্গে কী রত্নহার নিয়ে কলহ...

—আজ বড় মর্মান্তিক কথা শুনে এলাম।

—কী।

—কুমার নাকি মহারাজকে অনাহারে রেখেছে। কাউকে তাঁর কাছে যেতে পর্যন্ত দেয় না। এক মহারানি ছাড়া। তা মহারানি নাকি কবরীর মধ্যে, পাদুকার মধ্যে লুকিয়ে ভোজ্য নিয়ে যেতেন। ধরা পড়ে গেছেন। অকথ্য লাঞ্ছনা হয়েছে তাঁর। ভাবতে পারেন ! রাজমহিষী, রাজার মা !... শুনছি কুমার নাকি মায়ের বিরুদ্ধে অস্ত্রও তুলেছিল। জীবক কোমারভাচ আর ওই অমাচ বসসকার মিলে থামান।

—প্রজারা, বড় বড় গৃহপতিরা কেউ কিছু বলছেন না ?

—প্রজারা ভয়ে স্তব্ধ হয়ে রয়েছে। এতটুকু বিরুদ্ধাচরণ করলেই ভীষণ দণ্ড হয়ে যাচ্ছে। অমাচ মহানাগকে হত্যা করেছে। সেটুটি পুত্রক পালিয়ে যাচ্ছিলেন, গন্ধাবন্ধ থেকে তাঁকে ধরে এনেছে। ওই দেবদত্ত খের নাকি মহা ইক্ষিমান। হাতে বালুমুঠি ধরে মস্তুর পড়লে তা মুঘলমুঠি হয়ে যায়।

কিন্তু এই সব সংবাদের প্রবেশ এখন থেমে গেছে। রক্ষীরা একদিন স্থবিকায় করে প্রয়োজনীয় দ্রব্যগুলি নামিয়ে রাখল একে একে। শাক, পর্ণ, মৎস্য, মাংস, ঘৃত, তণ্ডুল...। অপাঙ্গে একবার চাইল, সে কী দৃষ্টি ! ভালো। কী চায় এই কুমার। বুদ্ধপূজা করার অপরাধে একটি বালিকাকে নটীকে পর্যন্ত না কি হত্যা করেছে রাজপুরীতে। শ্রীমতী। চন্দ্রকেতু কারাগারে, মহানাগ নিহত। আরও বহু বিশ্বিষার ভক্ত, বুদ্ধপত্নী রাজপুরুষ হয় কারাদণ্ড ভোগ করছেন, নয় মৃত্যুদণ্ড। এই অমাতাদের সঙ্গে তার যোগাযোগের কথা কি এতদিনেও প্রকাশ পায়নি ? তাকেও হত্যা করুক না। হত্যা করো। সোমাকে হত্যা করো কুমার। শৃঙ্খলিত করতেও অসম্ভব এসো। সোমা কয়েকদিন তোমার প্রতি সুমুখ হবে না। সে ভক্তি করেছিল তোমার পিতাকে।

কুট্ট কুট্ট কুট্ট কুট্ট... কোথায় যেন কাঠকুট্ট পাখি শব্দ করছে। একটু পরেই অদূর অরণ্য থেকে ভেসে আসে কৃষ্ণসার পুরুষের হাক হাক হাক। আবার কাঠকুট্ট কুট্ট কুট্ট কুট্ট...

এত রাতে কাঠকুট্ট ? সহসা সতর্ক হয়ে উঠল জিতসোমা। উত্তরীয়টি ভালো করে মাথায় জড়িয়ে, ডান হাতে ছোট ছুরিকা নিয়ে সে প্রস্তুত হয়। এ অন্য কোনও নিশাচর। শব্দটি লক্ষ্য করে সে বাতায়নের দিকে এগিয়ে যায়। নিঃশব্দে খুলে ফেলে কপাটদুটি।

এক অঞ্জলি স্নান চন্দ্রালোক ।

—ভদ্রে । —যুদু বৃষ্টিপাতের মতো কঠিন্বর । বহু বর্ষার ওপার থেকে কঠটি ভেসে আসে । বহু মেদুর বর্ষা, বহু বিফল বসন্ত, বহু নীলবর্ণ শীত, পীড়বর্ণ গ্রীষ্ম । এই কঠ আর শুনতে পাওয়া যাবে আশা ছিল না । শুনলে হৃদয় এমন করবে জানা ছিল না ।

ছায়াশরীর ভেতরে প্রবেশ করে ।

—আজ রাত্রির প্রথম যামে মহারাজ... প্রয়াত হলেন ।

উদগত ক্রন্দনধ্বনি অঙ্ককার গ্রাস করে নেয় । দুজনে অতি নিকটে । মাঝে একটি আলিঙ্গন থমকে আছে ।

—আপনি কি জানেন দৈবরাত নির্বাসিত ?

—সে কী ? কেন ?

জিতসোমার পায়ের তলায় পৃথিবী প্রকম্পিত হচ্ছে ।

সম্ভবত গৌতম বৃদ্ধর বিরুদ্ধাচরণ করার জন্য । সম্ভবত কেন তাই-ই ।

—কত দিন ?

—অনেক দিন । তার পরেই কুমারের এই দ্রোহ...মহারাজের পাশে দুঃসময়ে তিনি রইলেন না । অস্বীকার ছিল উভয়ের মধ্যে, মহারাজ মানলেন না...নিয়তি... । ভদ্রে কেউ জানে না তিনি কোথায় গেছেন । কারাগারে অমাত্য চন্দ্রকেতুর কাছে শুনলাম... মহারাজের দেওয়া স্বর্ণ, বাহন, বসন, অস্ত্র সমস্তই প্রত্যাখ্যান করে চলে গেছেন ।

নিমেষগুলি নিঃশব্দে পার হতে থাকে । বিশুদ্ধ, অশ্রুহীন ।

—ভদ্রে, আজ নগরী অরাজক, আপনার রক্ষীরা প্রাসাদের দিকে চলে গেছে । কুমার সম্ভবত গণ-উত্থান আশঙ্ক করছেন । আসুন, আমরা রাজগৃহ ছেড়ে চলে যাই ।

পাঞ্চালের বাহু গাঙ্কার নটী বিশ্বিসার-অমাত্য জিতসোমাকে ঘিরে ধরে ।

নীলকৃষ্ণ বনরেখার ওপর গৈরিক পথটি বাঁক নিতে নিতে চলেছে । বিসর্পিল রেখায় চলেছে সার্থ । বারাণসী বণিকদের তীর্থ । এমন পণ্য নেই যা বারাণসীতে পাওয়া যায় না । এমন সার্থ নেই যারা বারাণসীতে বাণিজ্যার্থে আসে না । প্রাচী থেকে বহু বছর স্থলবাণিজ্য করে সার্থ মধ্যদেশে স্বগৃহে ফিরছে । বারাণসী হয়ে শ্রাবস্তী যাবে । রৌরক থেকে কৌশাঙ্গী হয়ে আবার আসছে আরও একটি দল । এরা যাবে চম্পা, দক্ষিণগিরি, আলবী । বারাণসী হয়ে এসেছে । উভয় দলের দেখা হয়েছে উরুবেলা গ্রামের কাছে । দুটি দলেই রয়েছে শ্বেতবসনধারী নিয়ামক, লোহিত বেশ পরা রক্ষীরা । তাদের হাতে লণ্ড, ধনুর্বাণ, তীক্ষ্ণ ধার ছুরিকা । বণিকদের অধিকাংশই কুসুমবর্ণের উত্তরীয় ও পাটল অধোবাস পরেছে । দীর্ঘ পথ পার হবার সময়ে ধূলির ভয়ে তারা এই বর্ণগুলিই নির্বাচন করে । সিঙ্কু-সৌবীর থেকে আগত দলটির সঙ্গে অশ্বতর ও গর্ভত ছাড়াও রয়েছে কতকগুলি উট । মরুদেশ থেকে সংগ্রহ করে আনা হয়েছে । এই মরুবাহন উষ্ট্রদেবদের বিশেষ মর্যাদাসহকারে নিয়ে যাওয়া হচ্ছে । যানরূপে এদের অসীম গুণগুলির প্রচার হবে অঙ্গদেশে । এঁদের প্রধান পণ্য রত্ন । বারাণসীর হাটে সবই প্রায় বিক্রিয়ে গেছে । সম্ভ্রান্ত রুচিমান ধনপাতিরা, মণিকাররা কিনেছেন ।

অঙ্গদেশের সার্থ নিয়ে চলেছে তামা, লোহা, বসন, কিলিঞ্জক, সুরা । সার্থবাহ মূল্য নিয়েছেন এই দলের পুচ্ছের দিকে । তাঁর বাহন একটি অশ্বতর । অশ্বতরই ভালো, তা যদি মিলেন । অশ্ব থেকে একবার তিনি পড়ে গিয়েছিলেন । গুরুতর কিছু হয়নি । কিন্তু শিক্ষা হয়ে গেছে । জীবনটি দুর্মল্য বস্তু । বহু ভাগ্যবিপর্যয়, আবার সৌভাগ্য, দৈব করুণা, মানুষী সহায়তা ইত্যাদি মিলিয়ে এখন একটি পরিতোষজনক ব্যাপার হয়ে দাঁড়িয়েছে । অত সহজে দুম বলছে অশ্বের পিঠ থেকে পড়ে গেলে হয় ! অপর দলটির কাছ থেকে তিনি দুটি উট কিনেছেন, শেস্ত্রলিকে এর পরে পশ্চিমে বাণিজ্যযাত্রা করার সময়ে ব্যবহার করবেন ভেবেছেন । কিন্তু নিজে গুলির ওপর কখনই চড়বেন না । বালুকাময় মরুকাণ্ডারে নাকি চড়তেই হয় ।

নন্দিয় অপর দলটির সার্থবাহর কাছ থেকে অনেক রত্ন এবং উপরত্ন কিনেছেন । বৈদূর্য, সিতমণি, ৪১০

বিদ্রুম, অকীক, স্ফটিক, নামহীন বহু বর্ণের উপরত্নই অধিক। নন্দিয়র ইচ্ছা বারানসীতে মণিকারপত্নী থেকে এই রত্নগুলি দিয়ে পত্নী ময়ূরীর জন্য একটি ঘনমটক নির্মাণ করাবেন। এই অলঙ্কার পরেন বিসাখাভন্দা, ময়ূরীর সখী। অত মূল্যবান অলঙ্কার নন্দিয় এ-জন্মে আর নির্মাণ করতে পারলেন না। রত্নগুলির স্থানে উপরত্ন দিলে হয়ে যেতে পারে। বড় সুন্দর অলঙ্কারটি। নিজের জন্যও একটি রত্নহার গড়াবেন নন্দিয়। সকলের অলঙ্কে পেটিকা থেকে একটি মুকুর বার করে, কেশগুলি আঁচড়িয়ে নেন সার্থবাহ। মুখটি তো এখনও ভালোই আছে। তেমন বয়সের রেখা তো কই...।

পেছন থেকে একটি তরুণ অপূর্ণ একটি তরুণকে বলল— খুল্লতাতর মাথাটি গেছে। কোসল যত এগিয়ে আসছে দর্পণে মুখ দেখা ততই বেড়ে যাচ্ছে।

কথাটি কানে যায় নন্দিয়র। খুল্লতাত ? কোন পিতার সম্পর্কে তোমাদের খুল্লতাত হই বাপা ! যাক জেট্টতাত যে বলোনি এই যথেষ্ট। সার্থবাহ নন্দিয় মুকুর তুলে রেখে ঈষৎ কর্কশ কণ্ঠে চৈচান— বাপা হে, একটু পা চালিয়ে। বনের দিক থেকে অনেক সময়ে তরুণ কি স্বীপী ঘাড় কামড়ে ধরে নিয়ে যায়।

শিবির পড়ে দুই পক্ষেরই। একটি ছোটখাটো গ্রামই হয়ে যায় যেন। ব্যস্ত সবাই। পশুগুলিকে বাঁধা, জল, ঘাস, খড় দেওয়া। শিবিরের ভেতর বাহির পরিষ্কার করা। শকটগুলিকে মাঝখানে রাখা, রাতে সমস্ত অঞ্চলটি ঘিরে অগ্নিকুণ্ড হবে তার জন্য কাঠকুটো সংগ্রহ করা, মাটি কাটা। দুই দলের বণিকরা, নিয়ামকদ্বয়, বসে বসে বিশ্রাম নেন।

ক্রমে অগ্নি জ্বলে। পাক হয়। মুক্ত আকাশের তলায় অন্ন সিদ্ধ হবার সুগন্ধ ওঠে। ভিন্ন ভিন্ন বণিকদল স্বতন্ত্র পাকশাল খুলেছে।

—তোমাদের কী ভাই ?

—মাংসভক্ষণ। তোমাদের ?

—কুম্ভার হচ্ছে ভালো মুদ্রা ও শ্যামাক ধানের তণ্ডুল দিয়ে। বর্তক পাখি আছে কতগুলি, পুড়িয়ে নেবো।

—বতিঙ্গণ নাই ? বর্তক-পোড়ার সঙ্গে লাগবে ভালো !

—আছে। সার্থবাহর আদেশ নাই। কাল হবে।

অদূরে একটি সরোবর। তার তীর দিয়ে দিয়ে চলে যান দুই শ্রমণ। সম্ভবত জলপান করে উঠেছেন। ছায়ার মতো দেখা যায় দুজনকে।

—ভো সমন !

কথা কানে যায় না শ্রমণদের।

—ভো ভো সমন !

দুজনে থেমে গেছেন।

—সাক্ষপুত্রীয় যেন মনে হয় ! কোথা হতে আসা ?

হাত ঘুরিয়ে দিক-নির্দেশ করে শ্রমণরা আবার চলবার উপক্রম করেন।

—অরে ! যান কই ? রাজগহ হতে আসেন নাকি ?

মাথা নাড়েন শ্রমণরা।

—রাজগহে তো ভারি গোল ?

মাথা নাড়েন শ্রমণরা।

—নতুন রাজা সাক্ষপুত্রীয়দের ওপর অত্যাচার করছেন নাকি ?

আবার মাথা নাড়ছেন শ্রমণদ্বয়।

—কী ডাইনে-বামে মুণ্ড নাড়েন সমন তখন হতে ? স্বর নাই ? ভীষা নাই ? আমি এক সময়ে তীথিক ছিলাম, সমন-টমনের নাড়ি-নক্ষত্র জানি। অত সমন আমার কাছে পাবেন না, তা বলে দিচ্ছি। যাবেন-কোথায় ?

একটু ইতস্তত করে একজন বললেন—সাবথি।

—পাটুলির দিকের দ্বারগুলি বন্ধ করে দিয়েছে, না ? বড় গোল। তা সাবথি তো আমরাও যাবো,

বারাণসী, সাকেত হয়ে। বসুন না। আমাদের গো-শকটে আপনাদের নিমন্ত্রণ রইল। যতদিন না সাবখি পৌছাই। এতে দোষ নাই সমন।

সার্থবাহ নন্দিয় দুই শ্রমণকে পাশে বসান। আবার সার্থবাহকে জিজ্ঞাসা করেন— তা উদয়ভদ্র, রোক্ক ছাড়া আর কোথাও গিয়েছিলেন নাকি ?

—ভরুকছে গিয়েছিলাম ভদ্র। সমুদ্র দেখা হল। সে কী অকুল জলরাশি। নীল-হরিৎ বর্ণ। মহা বিস্ময়ের ব্যাপার সে। আবার স্তনে পাই ওই বারিধির ওপারেও নাকি ডুমি আছে।

—থাকুক—নন্দিয় বললেন—তা কখনই পৃথ্বী নয়। প্রতলোক-টোক হতে পারে। কী বলেন সমন।

শ্রমণ দুজন বসে আছেন বাক্যহীন।

—মগধের নতুন রাজা কিন্তু সেটীদিদের ওপর শক্তি দেখাতে যাচ্ছেন, কাজটা ভালো করছেন না। কী বলেন।

মাথা নেড়ে সম্মতি জানান শ্রমণরা।

—সেটী-জেটীক যোতীয় মহোদয়ের ঘটনাটি শুনেছেন নাকি ভদ্র উদয়।

উদয় শোনেন নি। মহা উৎসাহে ঘটনাটি সবিস্তারে বলতে লাগলেন নন্দিয়।

—সেনাদল নিয়ে রাজা অজাতশত্রু তো গেছেন যোতীয়র প্রাসাদে। উদ্দেশ্য সম্পদ সব অধিকার করা। যোতীয়র সম্পদ অতুল, জানেন তো ? সারা জম্বুদ্বীপ ঠর নাম জানে, মান দেয়।

উদয় বললেন— আমরা অঙ্গদেশে মেগুক মহোদয়কে মানতাম। এখন উনি প্রয়াত। ঠর পুত্র ধনঞ্জয়ও মহাসেটী। তিনি অবশ্য...

—ঠর কথা আপনি কী বলবেন ? নন্দিয় বিজ্ঞ ভঙ্গিতে হাসতে লাগলেন। উনি তো আমাদের সাবখির মিগারমাতা বিসাখার পিতা। মিগারমাতার সখী আবার আমার পত্নী। এই সমনরা সাবখিতে গিয়ে যদি মিগারমাতা প্রাসাদে ওঠেন, কিছুর অভাব হবে না। নিশ্চিন্তে ধন্যকথা কইতে পারবেন।

—যোতীয় সেটীর ঘটনাটি বলবেন না ? —সার্থবাহ উদয়ই শুধু নয় আরও অনেকে নন্দিয়র কাছে ঘনিষ্ঠ হয়ে আসে কাহিনীর লোভে। নন্দিয় বলতে থাকেন।

—রাজা সসৈন্য যোতীয়র প্রাসাদের প্রধান দ্বার দিয়ে ঢুকে দেখেন অপরদিকে একটি বজ্রাবরণ। তার পেছনে সশস্ত্র রক্ষীদল অপেক্ষা করছে। রাজা তো দ্বিধায় পড়ে গেছেন। অরক্ষিত গেহ লুঠ করা এক, আর রক্ষীদের সঙ্গে দ্বন্দ্ব লিপ্ত হওয়া আরেক। রাজাকে কি তা শোভা পায় ? ফিরে যাচ্ছেন। পথে সেটী মহোদয়ের সঙ্গে দেখা। রাজাকে দেখে রথ থামিয়েছেন যোতীয়। দেখেছেন তো মহাসেটীকে সমন ? ঠরা না দেখে থাকতে পারেন। শুভ্র কেশ, ব্রুশলি সুদূর পেকে গেছে। বুদ্ধ মানুষ। কিন্তু বলিষ্ঠ। রাজা বললেন বাহ। ভালো সেটী তো আপনি। সাক্ষাৎ করতে গেলাম আপনার সঙ্গে আর যোদ্ধা দিয়ে দ্বার আটক রাখলেন ?

বুদ্ধ বললেন— সাক্ষাৎ করতে গিয়েছিলেন ? না গেহ লুঠ করতে গিয়েছিলেন কুমার ?

—যদি তাই যাই। কী করবেন ?

—ভালো। এই দেখুন আমার দশ আঙুলে দশটি অঙ্গুরী। এই বজ্রমণি, এই মুক্তা, এই মরকত, পদ্মরাগ, নীলকান্তমণি এ সকল প্রত্যেকটি দুর্মূল্য। অপ্রাপ্য বললেই হয়। লক্ষ লক্ষ স্বর্ণমুদ্রা পাবেন বিক্রয় করলে। নিন তো দেখি কেমন নিতে পারেন !—

তা শত টানটানিতেও অঙ্গুরী খুলল না। শেষে ঘর্মান্ত হয়ে থামলেন রাজা। তখন সেটী বললেন—পাতুন হাত, উস্তান করুন দেখি হাত দুটি।

সেই হাতের ওপর অঙ্গুরীগুলি ঝেড়ে ফেলে দিলেন। বললেন— শুনে রাখুন কুমার। বলপ্রয়োগ করে শুধু যোতীয় কেন কোনও সেটীর কাছ হতেই কিছু পাবেন না। আর, আমার কুটিরে যোদ্ধাও নাই, রক্ষীও নাই। সফটিকের প্রাচীর আছে—অধিতে নিজেদের প্রতিবিম্ব দেখে ভয় পেয়েছেন। যান, গেহে যান। স্নেহদূর্বল পিতার ওপর অধ্যাচার করে পার পেতে পারেন, সেটীদিদের কাছে পাবেন না...

বলতে বলতে নন্দিয় বৃদ্ধাসুষ্ঠ দুটি ডাইনে-বামে নাড়তে লাগলেন।

—বুঝলেন তো সবাই ? সেটটির অর্থ না দিলে রাজ্য আর রাজ্য থাকবে না বন্ধ হয়ে যাবে । আমাদের ঘরে যা আছে, রাজার ঘরে তা নাই ।

অমিকুণ্ড হতে সামান্য দূরে বসে আছেন শ্রমণ দুজন । নন্দিয়র কাহিনী শুনে সবাই ভারি আত্মদিত । তারা আরও ঘনিষ্ঠ হয়ে আসে । সন্ধ্যার গাঢ় বাতাসে মাংসর উপাদেয় সুবাস । স্মর্ধবাহরা কাহিনী, সংবাদ বলাবলি করছেন ।

—সিদ্ধু নদীর জল ছাঁকলে নাকি সোনা পাওয়া যায় ?— নন্দিয়র দলের এক তরুণ বণিক প্রশ্ন করল ।

উদয় বললেন— জা যয় । তবে সিদ্ধুনীরে এখন ক্ষুদ্র-ক্ষুদ্র পোত নিয়ে পার্সরা ঘুরে বেড়ায় । স্বর্ণ যা পাবার তারাই পায় ।

—পার্স ? তারা কারা ?

উদয় সাড়স্বরে বর্ণনা করেন—কুভা নদীর অপর পার হতে এসেছে সব । দলে দলে । কপিলা নাকি তাদের করায়ত্ত । পাকা সোনার মতো গাত্রবর্ণ । নাসাগুলি বিষম তীক্ষ্ণ । তক্ষশিলায় শুনেতে পেলাম কুভা আর সিদ্ধুর মধ্যবর্তী দেশগুলি এই পার্সদের রাজা দরায়ভুস জিতে নিয়েছেন । সিদ্ধুর এপারে গান্ধারের সৈন্যদল সর্বদা পাহারা দিচ্ছে ।

একজন শ্রমণ অর্ধক্ষুট একটি শব্দ করেন । নন্দিয় ফিরে তাকালেন । শ্রমণ অতিশয় গৌরবর্ণ । দীর্ঘ চক্ষুদুটি । গাঢ় অক্ষিপল্লব । কেশগুলি অল্প বড় হয়েছে । অতিশয় শোভাময় । অপর শ্রমণ তাড়াতাড়ি জিজ্ঞাসা করলেন—যুদ্ধ হবে নাকি ?

—পার্সগুলি স্বর্ণলোভী বুঝলেন শ্রমণ, উদয় বললেন, তক্ষশিলা অবধি আসেনি । সিদ্ধুর ওপারেই ঘোরে । রাজা দরায়ভুস স্বর্ণ নেবার জন্য দূত পাঠান । স্বর্ণ পেলেই হল । সিদ্ধুটি তো সঁচে ফেলছে একেবারে । নদীতটে বালুর সঙ্গে স্বর্ণ মিশ্রিত আছে । নদীর জলেও সোনা বইছে ।

দরায়ভুস নামটি অনেকেরই হাসির উদ্রেক করে ।

—দরায়ভুস, দরায়ভুস । ভুস, ভাউস নানাপ্রকার হাস্যমিশ্রিত গুঞ্জন গুঞ্জে ।

আশ্চর্যের কথা কী জানেন ? উদয় বললেন—এই পার্সরা অসুরভক্ত । পার্সগুলি 'স' উচ্চারণ করতে পারে না বোধ হয় । অসুরকে বলে আছুর । সিদ্ধুকে বলে হিদ্দুস । সোমকে বলে হোম । আমাদের বৈদিকদের মতো আগুন ছেলে যজন-হবনও করে থাকে ।

সকলেই অতিশয় আশ্চর্য হয়ে গেল ।

গৌরবর্ণ শ্রমণ মৃদু কণ্ঠে জিজ্ঞাসা করলেন : যুদ্ধ ছাড়াই কি পার্সরা গান্ধার জয় করে নিল ?

—ওই যে বললাম, রাজা দরায়ভুস স্বর্ণ চায় । যুদ্ধ ছাড়াই যদি প্রতি বৎসর স্বর্ণ পেয়ে যায়, যুদ্ধের কী প্রয়োজন শ্রমণ । তবে যুদ্ধ যদি করত ওগুলিকে ব্যাধা দেবার কেউ থাকত না । গান্ধাররাজ পুকুসাতি তো শুনলাম, ভগবান বুদ্ধকে দেখবার আশায় এদিকেই এসেছিলেন, দুর্ঘটনায় মারা যান । তাঁর পুত্র রাজা স্বর্জিতের তেমন কোনও ক্ষমতা নাই । প্রকৃত ক্ষমতা অমাত্যদের । গর্বসেন না ব্রবসেন । মহা ধুরন্ধর ব্যক্তি । তবে তিনিও তো বুদ্ধ । সত্য বলতে কি জম্বুদ্বীপের সর্বত্রই কেমন একটা শূন্যতা দেখা দিয়েছে । তেমন কোনও রাজা দেখি না যিনি চক্রবর্তী হতে পারেন । মহারাজ বিশ্বিসারকে দিয়ে আমাদের বড় আশা ছিল ।

নন্দিয় শ্রমণ দুজনের দিকে তাকিয়ে বিজ্ঞের মতো মাথা নাড়তে লাগলেন । আগুনের প্রভায় শ্রমণদের মুখগুলি বড়ই বিষণ্ণ দেখায় ।

নন্দিয়র সহবণিক একজন বললেন—কেন ? আমাদের কোসলরাজ ?

নন্দিয় বললেন—সত্য কথা বলব ?

—বলুন না ভদ্র । ভয় কী ?

—ভয় ? ভয় নন্দিয় কাউকে করে না । আপনারাই বলুন কোসলরাজের প্রকৃত বল কী ? কে ? বহুল মন্ত্র । নয় কী ? তাঁর পুত্রগুলিই বা কী ? সব পিতার মতো বীরপুরুষ । তা এগারজনকেই কি নিহত হতে হয় ?

একজন শ্রমণ ভয়ানক চমকে উঠলেন ।

—কী বললেন সার্থবাহ ?

—দেখুন সমন, আমি পাঁচ বৎসর পরে দেশে ফিরছি। কিন্তু দেশের সঙ্গে যোগাযোগ আমি সর্বদাই রেখে যাই। কঙ্কালের দিকে রয়েছে সে সময়টা। সাবধি হতে একদল নাভপুস্তীয় এলেন, ঠাণ্ডা লাড়দেশে যাচ্ছেন, ঠাণ্ডাই আলোচনা করছিলেন বঙ্কল ও তাঁর পুত্ররা সব প্রত্যন্ত দস্যুদের হাতে নিহত হয়েছেন। সেই দারুণ শোকসংবাদ বুকে নিয়েই বঙ্কলপত্নী মল্লিকা নাকি বৃদ্ধ ও সংঘের সেবা করেছেন। ভোজ শেষ হবামাত্র জ্ঞান হারিয়ে লুটিয়ে পড়েন।

শ্রমণটি হঠাৎ দু হাতে মুখ ঢাকলেন, তাঁর বক্ষ ফুলে ফুলে উঠছে। গাঢ় সন্ধ্যার তিমিরেও তাঁর শোক ঢাকতে পারছে না।

—চিনতেন নাকি মল্লিকে ?

সার্থবাহ নন্দিয় তাঁর এ প্রশ্নের উত্তর পেলেন না।

কিছুক্ষণ পর নন্দিয় বললেন—সমন, মনে কিছু করবেন না, আমিও এক সময়ে ভগবান বৃদ্ধের দেশনায় মুগ্ধ হয়ে পব্বজিত হতে চেয়েছিলাম। আজও তাঁকে শ্রদ্ধা করি। কিন্তু চতুর্দিকে এই যে তাঁর বড় বড় উপাসকদের শোচনীয় গতি হচ্ছে এর অর্থ কী ? ভগবান কি বৃদ্ধ হয়েছেন বলে তাঁর ক্ষমতাগুলি ধীরে ধীরে লোপ পাচ্ছে ? যিনি অঙ্গুলিমালের মতো নিষ্ঠুর নরহত্যা করে বশ করলেন, তিনি কি মগধের এই পিতৃঘাতী রাজকুমারটিকে কোনক্রমেই শাস্ত করতে পারতেন না ?

শোকার্ত শ্রমণ এই সময়ে উঠে চলে গেলেন। অগ্নির প্রভা থেকে দূরে। বনরেখা যেখানে আকাশের প্রান্তে লুটিয়ে রয়েছে সেইখানে তাঁকে পেছন ফিরে ছায়ার মতো দাঁড়িয়ে থাকতে দেখা গেল।

সার্থবাহ নন্দিয় অপর শ্রমণকে লক্ষ্য করে বললেন—সত্য বলুন তো ! উনি পঞ্চাল তিস্ না !

শ্রমণটি সম্মতিসূচক মাথা নাড়লেন।

—প্রথম হতেই আমার ওঁকে পরিচিত মনে হচ্ছিল। কেশগুলি এখন খুদ খুদ... সমন হয়েছেন... তাই কেমন...। উনি তো বঙ্কলের দক্ষিণ হাত স্বরূপ ছিলেন। পুত্রদের থেকেও অধিক বোধ হয়। যখনই কোনও ক্রীড়া কি প্রতিযোগিতার আয়োজন হবে, উনি থাকবেন বঙ্কলের পাশে। আহা ! কী আঘাতই না ওঁর লাগল ! মুহামান হয়ে গেছেন একেবারে ! হলেনই বা পব্বজিত। পিয়াজনের শোক লাগবে না তাই বলে ! একটু পরে নন্দিয় আক্ষেপের সুরে বললেন—সব বীরপুরুষই যদি সমন হয়ে যান...

সার্থবাহ উদয় বললেন—আপনি কিন্তু মধ্যদেশের নয় সমন।

এই শ্রমণটি বড় অল্পভাষী, মাথাটি নাড়লেন শুধু। একটু পরে তিনিও উঠে গেলেন বনভূমির দিকে। ... গাঙ্কার পার্সকবলিত হয়ে গেল তা হলে ! সমুদ্র তরঙ্গের মতো সৈন্যদল আসে নি ! তবু পরাজিত হয়েছে। এত হতবল ! কী-ই বা করবে ? দ্বীপের মতো ক্ষুদ্র ক্ষুদ্র রাজ্য, যে যার অস্তিত্বসংকট নিয়ে ব্যস্ত। কিন্তু গাঙ্কার শত্রু গর্ভে গেল, আর যিনি এই পরিণাম দ্রষ্টার চোখ দিয়ে দেখেছিলেন, তিনি কোথায় রইলেন ! জানতেও পারলেন না ! অনঘ, সুভদ্র, চণক, এঁদের তক্ষশিলার লোকে বলত 'ত্রয়ী' 'ত্রিবেদ', দেশের সংকট, বিদ্যার সংকট, সমাজের সংকট নিয়ে এঁরাই চিন্তা করতেন, সেসব চিন্তার কথা আলোচনা করতেন। কোথায় রইলেন তাঁরা গাঙ্কারের এই দুঃসময়ে ?

কিন্তু, দুঃসময় কি একা গাঙ্কারেরই ? সমগ্র জম্বুদ্বীপই কি বিপন্ন নয় ? যিনি এই বিপদের মর্ম যথার্থ বুঝতেন সেই মহাবীর রাজা আরেক দিক দিয়ে এত দুর্বল যে তাঁকে কারারুদ্ধ করা গেল, অনাহারে মরে ফেলাও গেল। শার্দূলের পরিণাম যদি মার্জারের মতো হয় তা হলে তো তথাগতকে লোকে দোষ দেবেই। সঙ্গত কারণেই দেবে।

সার্থবাহ উদয় এবং অঙ্গদেশগামী বণিকদের সঙ্গে বিদ্যেভাষ্যবাদের বিনিময় করে শ্রাবস্তীর দল আবার পথ চলে। সকাল এবং সন্ধ্যা যায়। সন্ধ্যা এবং সকাল। বারাণসী যতই এগিয়ে আসে ঘোর কলরোল শোনা যায়। এরা পরম্পরের মুখের দিকে চায়। বারাণসীতে এরা এই প্রথম তো আসছে না ! স্থানটি হট্টগোলের সত্য। কিন্তু তাই বলে এত কোলাহল ?

নিয়ামক রক্ষীদের অস্ত্র বার করতে বলল। বোঝা যাচ্ছে না ঠিক। কিন্তু ভয়ানক কোনও দস্যুদল হতে পারে।

নন্দিয় বললেন—না। নগরীর এত কাছে দস্যু যদি আসেও, আসবে নিঃশব্দে। এভাবে নয়।

পথ আরেকটি বাঁক নিতেই ব্যাপার পরিষ্কার হয়ে গেল। সমুদ্রের মতো সৈন্যদল আসছে। হা হা শব্দ করতে করতে, তুর্ধ্বনি করে, শলা ধনুর্বাণ মুখল আশ্ফালন করতে করতে। পদাতিক, অশ্বারোহী, গজবাহী, রথারোহী সেনাদল।

নিয়ামক চিৎকার করে বলল— পথ ছেড়ে দাও হে। ডরা করো, ডরা করো, প্রান্তরে, বনে যে যেখানে পারো নেমে যাও—

উভয় দিকে নেমে যেতে থাকে বণিকদল। শুধু দুই শ্রমণ ছুটে গিয়ে মাঝে দাঁড়ান দু হাত তুলে। নিয়ামকের হাত থেকে ভেরীটি তুলে নিয়েছেন শ্রমণ।

সেনাদলের ঘোষকের সঙ্গে উত্তর-প্রত্যুত্তর হচ্ছে।

—কোথকার সেনা-আ-আ- ?

—কাশী কোসলের-র-র।

—কোথায় যায় ?

—মগধ আক্রমণ করতে-এ-এ-

—কেন-ও-ও-ও- ?

—মহারাজ পসেনদি ভগ্নী কোসলদেবী ও ভগ্নীপতি মহারাজ বিশ্বিসারের হত্যার প্রতিশোধ নিতে চলেছেন। কাশীগ্রামটি কোসলদেবীর বিবাহের যৌতুক ছিল-অ-অ। আমাদের রাজকুমারী, মগধের মহারানি, বিম্বশান করে আত্মঘাতী হয়েছেন-ন। মগধের পিতৃমাতৃ ঘাতক কুমার কি এখনও কাশীগ্রামের রাজস্ব ভোগ করবে না কি-ই-ই ? কোসলরাজ তা করতে দেবেন না-আ-আ।

—সৈন্যপত্নী করছেন কে-এ-এ ?

—কোসলকুমার ও দীঘ মল্ল-অ-অ।

রক্ত কাষার দেহ থেকে খুলে দূরে নিক্ষেপ করলেন শ্রমণদ্বয়। সংঘাটির তলা থেকে প্রকাশিত হল বর্ম-অস্ত্রধারী যোদ্ধাশরীর। পাঞ্চাল ভেরী মুখে তুলে চিৎকার করে বললেন— ভো সেনাধ্যক্ষ দীঘকারায়ণ, ভো ভো কুমার বিরূঢ়ব আমি পাঞ্চাল তিষ্য বলছি-ই-ই। আমাদের অশ্বরথাদি রণসামগ্রী দিতে আজ্ঞা হোক। আমরা যুদ্ধে যাবো-ও-ও।

২৩

বনের মধ্যে রাতগুলি দিন শুষ্ক নিয়ে পুষ্ট হতে থাকে। প্রসূত হতে থাকে অচেনা শব্দ, অজানা গন্ধ, বহু অদৃষ্টপূর্ব আলো যাদের প্রভায় দেখা যায় অজুত অজুত দৃশ্যও। তাদের ভৌতিক, অলৌকিক মনে হতে থাকে। একমাত্র নানা জাতীয় মৃগরা, শশকরা, সরীসৃপরা জানে এগুলি অলৌকিক নয়। কেউ নাক ডুবিয়ে ঘ্রাণ নেয়, কেউ সতর্ক করে কান দুটি, দ্রুত তরঙ্গে পালায়। এইখানে মাটিতে মাটি, তৃণেতে তৃণ, গুল্মেতে গুল্ম হয়ে শুয়ে থাকে নিঃসংস্কৃত দেহটি। গাত্রবর্ণ হারিয়ে ফেলে তার কাঞ্চন আভা। কেশগুলি হয়ে যায় পিঙ্গল, জটাবদ্ধ। শীর্ণ অতি শীর্ণ দেহ। শিরের ওপর কয়েক স্তর মাটি জমে যায়। তার ওপর খেলা করে গোধিকা, শল্লকী, বৃক্ষমার্জার। শিশুরস্তু কেশগুলি তৃণ ভেবে চিবাব, তারপর বিশ্বাদ মনে হওয়ায় ফেলে দিয়ে লক্ষ দিয়ে দিয়ে দূরে চলে যায়। নকুলযুবা রক্তচক্ষু মেলে দ্রুত ছুটে আসে, অস্থির হয়ে ঘোর, সামনের পা দিয়ে মাটি খোঁড়ে, মুদিত চোখ দুটি খুবলে নেবে কি না ভাবে, আবার অস্থিরভাবে ছুটে চলে যায়। কানরেরাও শাখা থেকে ঝুপঝুপ নেমে পড়ে, মহা কৌতূহলে। আবার ওপরের শাখায় উঠে যায়, দোল খায়। বহু দূর থেকে ধ্বনি প্রতিধ্বনিময় নাদ শোনা যায় ধিমি ধিমি ড্রিমি ড্রিমি ড্রিমি ড্রিমি—। লঘু পায়ে দেহটি মাড়িয়ে ছুটে চলে যায় কজন। চমকে থামে। পায়ের আঙুল দিয়ে মাটি খোঁচায়।

—তলে ই তো বাহাসিন্দড়ি নয় ?— এ ওর মুখের দিকে তাকায়।

—কী ? কী ? কী তবে ?

কটিদেশের পাতার মালা দুলিয়ে মানুষগুলি উপড় হয়ে পড়ে। দেখতে দেখতে চোখগুলি গোল হয়ে যায়। অতীষ্ট বস্তু বৃষ্টি পেয়ে গেছে তারা। একজন কী ইঙ্গিত করে। আনেক জন ছুটে চলে যায়।

—বেগাবেগি যা, বেগাবেগি যা... পেছন থেকে নির্দেশ আসে।

ক্রমে একটি পুরো দল চলে আসে। টাঙ্গি দিয়ে বৃক্ষশাখা কেটে কেটে একটি চারকোনা খাটুলি প্রস্তুত হয়। তারপর সংজ্ঞাহীন মৃত্তিকাময় দেহটি বাহিত হয়ে চলে যায় দূরে... বহু দূরে।

এ দিকে বহুধর্ম জহুধর্ম শব্দ করে গিজ্বকুট থেকে গড়িয়ে পড়ে পাথরের খণ্ড। বৃদ্ধ হলে হবে কী ! গৌতম বিড়ালের সতর্কতায় সরে যান। তাঁর শ্রবণেন্দ্রিয় অতি সজাগ। ধীর চারিকায় ছিলেন তিনি। অদূরে ছিলেন উপস্থায়ক আনন্দ। চারিকার সময়ে তিনি মগ্ন থাকেন নানা চিন্তায়। কেউ বলতে পারে না তা কী ! তা কি ব্রহ্মবিহার ! নাকি দেশ কাল-পাত্র-সমাজ বিহার ! যদি ধ্যানেরই মগ্ন থাকবেন তো এতো সতর্ক হন কী করে ?

কিন্তু সতর্কতায়ও পুরো ফল হয়নি। একটি পাথরের খণ্ড গুলফ ঘেষে চলে গেছে। রক্তধারা বয়ে যাচ্ছে, অস্থি ভেঙেছে কিনা বোঝা যায় না। কিন্তু গুলফের পাশাটি খেঁজলে গেছে। উঠতে পারছেন না ভগবান।

—কী হল ? কী হল জেট্ট ?

ভগবান স্মিতমুখে আনন্দের দিকে চান। বিপন্নতম মুহূর্তগুলিতে আনন্দ ভুলে যান তিনি শ্রমণ। তথাগত বৃদ্ধর উপস্থায়ক। শুধু মনে থাকে ইনি জেট্ট। মাতা গোতমীর কোলে সিদ্ধার্থ ও নন্দ, কিন্তু কিশোর সিদ্ধার্থের সকল কাজের কাজি বালক আনন্দ, শাক্য অমৃতোদনের ছেলে।

আনন্দ বসে পড়েছেন। দ্রুত হাতে ছিড়ে নিচ্ছেন ঘাস। চেপে ধরেছেন ক্ষতস্থানের ওপরে।

পথ দিয়ে আসছিলেন দুজন নাগরক। উর্ধ্ব মুখ তুলে দেখলেন কিছু মানুষের আকৃতি। গিজ্বকুটের পাথর ও গুম্বের মধ্য দিয়ে পালাচ্ছে। আনন্দ ব্যাকুল স্বরে বললেন—আয়ুস্মন, মহাবেঙ্ককে একবার সংবাদ দেবেন ! ভগবান দুর্ঘটনায় আহত হয়েছেন।

—তা দিচ্ছি সমন, তবে আপনারা সাবধান হন, এটি দৈব বা আকস্মিক দুর্ঘটনা নয়।

ইঙ্গিতপূর্ণ চোখে গিরিশিরের দিকে তাকায় নাগরকদ্বয়।

উদ্বিগ্ন আনন্দের মুখের দিকে তাকিয়ে তথাগত বললেন—সম্মা সতি, হে আনন্দ, সম্মা সতি।

—সেদিন ধনুর প্রহারের হাত থেকে বেঁচে গেলেন বহু ভাগ্যে, আজ নামল গিরিশৃঙ্গ, এর পরে কী ? চলুন ভগবন আমরা রাজগৃহ ছেড়ে চলে যাই। আনন্দ আকুল হয়ে বললেন।

—হে আনন্দ, পৃথিবীর একটি ক্ষুদ্রতম অংশেরও নাম করো যা মৃত্যুস্পৃষ্ট নয়।

আনন্দ সজল চোখে নির্বাক হয়ে রয়েছেন। তথাগতর যুক্তিজালের সঙ্গে তিনি পরিচিত। সমগ্র জীবন, সমস্ত পৃথিবী এবং মহাকালের প্রেক্ষিতে তাঁর সব বিচার।

—বলতে পারছো না ! তবে কোথায় পালাবে ? ভয়ানক, ভয়ানক থেকে ভয়ানকতর, ভয়ানকতম মৃত্যুও অপেক্ষা করে থাকতে পারে তোমার আমার জন্য। যে বাসনামুক্ত হয়েছে, যে চিত্ত আর্যসত্য জানে—সে ভয়ভৈরবের হাত থেকেও মুক্ত।

নাগরকরা এগিয়ে আসে।

—ধনুর প্রহার থেকে বেঁচে যাবার কথা কী যেন বলছিলেন সমন !

আনন্দ বললেন— এই তো পাঁচ হ্রদিন পূর্বে প্রত্যুষে আজকের মতোই ধীর চারিকায় আছেন ভগবান। গিজ্বকুটের পাশ দিয়ে পথ। পাঁচটি ধনুর্গ্রহ এসে তাঁকে শ্রমণ করল। এরা কজঙ্গলের অধিবাসী, ভাগ্যাদ্বেষণে রাজগৃহে এসেছে। এদের নাকি বন্ধি হয়েছে, এই পথের পাশে গুপ্তভাবে থাকতে। প্রথম এ পথ দিয়ে যে আসবে তাকেই হত্যা করতে হবে। ভগবানকে আসতে দেখে ঘাতকরা আশ্চর্য হয়ে যায়। স্বভাবতই শ্রদ্ধাবনত হয়ে তাঁর শরণ নেয়। গৃহে ফিরছে এরা, আরও পাঁচটি ধনুর্গ্রহ বেরিয়ে আসে। দ্বিতীয় দলের একজন প্রথম দলের একজনকে চেনে। তারপর



প্রকাশ পায় দ্বিতীয় দলকে নির্দেশ দেওয়া হয়েছে প্রথম দলকে হত্যা করবার। বুঝলেন তো ? ভগবানকে হত্যা করার কোনও সাক্ষী থাকবে না। ব্যবস্থাটি উত্তমই হয়েছিল। কিন্তু পশু হল।

নাগরকরা উচ্চকণ্ঠে এই ষড়যন্ত্রকে খিকার দিতে দিতে চলে গেল। তাদের বুঝতে বিলম্ব হয়নি এর পেছনে কারা আছে।

মহারাজ বিধিসারের হত্যা আপামর রাজগৃহবাসীকে রাজনীতি সচেতন করে দিয়ে গেছে। পূর্বে শুধু অভিজাতরাই দণ্ড ও বার্ভা নিয়ে মাথা ঘামাতেন। এখন যে কোনও গৃহস্থ জানে, একজন ঐশ্বর্যচরীর আয়ত্তের মধ্যে বাস করার কী ভয়ানক বিপদ। তথাগত বৃদ্ধর ওপর তারা অনেকেই বিরক্ত ছিল, এখন তার দ্বিগুণ বিরক্ত দেবদত্তর ওপরে। হত্যা, গুপ্তঘাতের যেন বান ডেকেছে নগরে। মহারাজ বিধিসার নিষ্ক্রিয় হয়ে যাচ্ছিলেন, কিন্তু তিনি কি এভাবে প্রজাসাধারণের মধ্যে আতঙ্ক ছড়িয়েছেন কখনও ? ক্রমশ তাদের ভয় চলে যাচ্ছে। আর কিছুকাল দেবদত্তকে সহ্য করতে হলে তারা বিদ্রোহ করবে, টেনে নামাবে ওই পিতৃঘাতী রাজাকে। অমাত্যগুলি তাকে ঘিরে আছেন, এটাই কথা। কেন ? ওঁদের পক্ষপাত কোথায় এবং কেন বুঝতে না পারলে তারা এখনও কিছু করতে সাহস করছে না। কিন্তু রাজগৃহে অসন্তোষ এখন ধুমাময়ান।

নাগরক দুজন চোখের আড়ালে গেলে তথাগত বললেন—আনন্দ তুমি ভালোই বাক্যবাণীশ।

আনন্দ বললেন—আপনিই তো বলে থাকেন মৌনতা অবলম্বন করলেই মুনি হয় না। মৌনতার অর্থ অনেক সময়ে প্রতীতির অভাব, বা কিছু জানাতে কুপণতা। আমি ওই ঘটনাটি নিশ্চিতরূপে জানি, জানাতেও আমার কার্পণ্য নেই। আপনার অক্রোধের উপদেশের কথা স্মরণে রেখেই এ কথা বলছি।

তথাগত বললেন— তথাগতর উপস্থায়ক না হয়ে তুমি কোনও বোহারিকের উপস্থায়ক হলে ভালো করতে।

আনন্দের মুখটি শুকিয়ে গেল কিন্তু তিনি মুখ নত করে জ্যেষ্ঠের কথা মেনেও নিলেন না। বললেন— কোসাধিতে ভিক্ষুরা কলহ করেছিল বলে আপনি সে স্থান ত্যাগ করে চলে গিয়েছিলেন। তা এখানেও কি একজন কলহ করে সংঘভেদ করছেন না ? আর মগধের রাজকুমার ? তিনি যা করলেন তা কি ক্ষমার যোগ্য ?

—আনন্দ, ভিক্ষুরা আমার আপনজন। তাদের ছেড়ে আমি চলে যাই তাদের চেতনা জাগাতে, আমার এবং তাদের মধ্যে যে সূত্র রয়েছে, সেই সূত্র ধরে টান দিতে। কিন্তু পৃথগ্জন অধুষিত এই ভূমি এমনই মরু যা তথাগতকে পার হতেই হবে। সংঘকেও। এমন কি আনন্দকেও। আর তাতেই মরু হয়ে যাবে ফুলকানন।

জীবক রথে করে এসে পৌঁছলেন, তাঁর রথে— চর্মপেটিকায় শুশ্রূার সব আয়োজন। দুহাতে আহত তথাগতকে তুলে নিলেন তিনি।

তথাগত স্মিতমুখে বললেন— হে জীবক, তুমি তো শুধু মহাবেঙ্কই নও। মহাবলীও দেখছি।

জীবক হেসে প্রত্যুত্তর দিলেন— তা যদি বলেন ভগ্নে, আপনাকে দশবল লোকে শুধু শুধু বলে না। আপনার দশ বলের একটি বল অন্তত দৈহিক বল। সম্যক আহার, সম্যক বিহারে শরীরটি রেখেছেন চমৎকার !

—আর সম্যক সমাধি ? তার কথা তো কই বললে না জীবক ! ধ্যানটি ঠিক মতো অভ্যাস করছে তো ?

—যতদূর পারি ভগ্নে ! তবে বোঝেনই তো—জীবকের ধ্যানের একমাত্র বিষয় হল ব্যাধি। বিচিত্র, দুরন্ত সব ব্যাধি— জীবক হাসিমুখে তথাগতর ক্ষত পরিষ্কার করে পুস্তক লাগিয়ে পট্টিকা বেঁধে দিলেন। না, অস্থি ভাঙেনি।

নালাগিরির ঘটনার পর রাজগৃহের মনোজগতে আমূল পরিবর্তন হয়ে গেল। ঘটনাটি ঘটে এইরূপ নালাগিরি এমনিতেই দুর্দান্তস্বভাব হাতি। মহারাজ বিধিসার ছাড়া আর কাউকে সে পিঠে নিতে চাইত না। তাকে সুরাপান করিয়ে উন্মত্ত অবস্থায় পথে ছেড়ে দেওয়া হয়েছে ঠিক যে সময়ে

বুদ্ধ ভিক্ষার্থে বার হয়েছেন। সঙ্গে অন্ন কঙ্কন ভিক্ষু। হাতির সামনে পড়ে গেছে শিশু কোলে এক রমণী। আনন্দ ছুটে আসছেন— রক্ষা করতে হবে ওই শিশুটিকে, তার মাতাকে, তথাগতকে। উপস্থায়ক আজ প্রাণ দিয়েই ছাড়বেন। সহসা তথাগত স্বয়ং একটি যুবক মল্লর মতো দ্রুত, অতিক্রমত চারণে সবাইকে পার হয়ে প্রায় মুখোমুখি দাঁড়ালেন হাতিটির। কী যেন বলছেন হাতিটিকে। শুড় তুলে হাতি বাতাসে গন্ধ নিতে থাকে—এ সেই তাঁর গন্ধবাহী বাতাস না, যার অদর্শনে সে ক্ষিপ্ত হয়েছিল। রক্ত গৈরিকের ছটা, প্রসন্ন সুন্দর মূর্তি— এঁর চরিত্রিকের ব্যক্তিত্ব-বলয়ে তার প্রভু বিশ্বাসারের গায়ের ঘ্রাণ! হাতির শোকানলে শান্তি বারি ঝরছে। সে জানু মুড়ে বসে পড়ল।

কাতারে কাতারে লোক জমে গিয়েছিল সেদিন জীবকান্দ্রবন থেকে বৈভারের পথে। চতুর্দিকে জয়ধ্বনি উঠতে থাকে গৌতম বুদ্ধর নামে। এতদিন পরে মহারাজ বিশ্বাসারের একটি স্বপ্ন পূর্ণ হল বৃষ্টি বা। রাজগৃহের মানুষ তাদের পূর্ব অভিযোগ তুলে গৌতমের চরণে নুটিয়ে পড়ল। প্রাসাদে বসে প্রমাদ গুলেন অজাতশত্রু। গয়াশিরে পালালেন দেবদন্ত, কোকালিক, মোরগতিব্য, ঋগুদেবপুত্র ও সাগরদত্ত। সংঘভেদী বিশ্বাসঘাতক পাঁচ শ্রমণ।

কার্তিকোৎসবের উৎসব মুখরিত দীপোজ্জ্বল সন্ধ্যা। পূর্ণিমার চাঁদ থেকে যেন কন্দকুসুমের প্রপাত নেমেছে। রাজা অজাতশত্রু উৎসবে অংশ নিতে পারছেন না। সভাসদদের ডেকেছেন। এসেছেন বর্ষকার সুনীথ, চন্দ্রকেতু-জীবক, কুমার অভয়, এসেছেন নগরশ্রেষ্ঠী অহিপারক। বেশ-বাস করেছেন রাজা, জ্যোৎস্নায় ঝকঝক করছে মুকুটের হীরক, কিন্তু প্রাসাদ অঙ্গনেই বসে আছেন, কখনও বসে, কখনও বা দাঁড়িয়ে উঠছেন। অতি অস্থির। মাধ্বী পরিবেশিত হয়েছে। সোনার পাত্রে স্বাদু, দুর্মূল্য আসব। পাত্র হাতে নিয়ে নাড়াচাড়া করছেন জীবক, চন্দ্রকেতু।

গণ-উত্থানের ভয়ে তুমি আজ রূপ পরিবর্তন করছো, তাই না কুমার? বহিঃশত্রু তো আছেই। কোশলরাজ একবার পরাজিত হয়েছেন, আবারও হনেন কী? সেনাপতি মহানাগ নেই। হত হয়েছেন মহাবীর কুরুবিন্দ। শোনা যাচ্ছে অবন্তীর সৈন্যও বেরিয়ে পড়েছে। প্রদ্যোত মহাসেনা নাকি বিশ্বাসার হত্যায় জ্বলন্ত অয়সের মতো তপ্ত হয়ে রয়েছে। তিনি এবার বৈশালীর সঙ্গে মিলবেন। সঙ্গে আসছে তাঁর দুর্দান্ত নিষাদ সেনা। তাই আজ সভাসদদের ডেকে পানভোজন করতে চাইছে! এই অভয়কুমারকে নিজ প্রাসাদে বন্দী রেখেছিলে, চন্দ্রকেতুকে পাঠিয়েছিলে কারাগারে, অহিপারক, বর্ষকার, সুনীথ কারো কথার মান দাওনি। এই সচিবরা তাই অন্য অমাত্যদের কাছে অপরাধী হয়ে আছেন। চোখে চোখ রাখতে পারেন না কারো। নিঃশব্দ ধিক্কার চতুর্দিকে— ধিক বসসকার, ধিক ধিক সুনীথ তোমাদের না মহারাজ বিশ্বাসার সবচেয়ে উচ্চপদে বসিয়েছিলেন! বিশাল মগধসাম্রাজ্যের সর্বার্থক হওয়ার আশা পরিপূরিত হয়নি বলে কুমারের লোভে ইন্ধন জুগিয়ে রাজার প্রাণ নিলে? রানির প্রাণ নিলে? ধিক ধিক, শত ধিক...

সহসা কুমার দু হাত উর্ধ্বে তুলে অব্যক্ত আর্তনাদ করে উঠল—পিতা! পিতা!

অদূরে ধাত্রী এসে দাঁড়িয়েছে কুনিয়র শিশুপুত্র উদায়ীকে কোলে নিয়ে, শিশু পিতার দিকে বাড়িয়ে দিয়েছে দু হাত।

—কুমার দু হাতে নিজের বক্ষে আঘাত করতে থাকে।

ধাত্রী সভয়ে শিশুটিকে নিয়ে পালায়। অন্তঃপুরের পথ থেকে শিশুটির কান্না ভেসে আসে। ক্রমশই ক্ষীণ থেকে ক্ষীণতর।

মুখ নত করে বসে থাকেন সবাই। একটি সাস্তুনার বাক্যও উচ্চারণ করতে পারেন না।

—জীবকভদ্র। জীবকভদ্র!— কুমার এমন করে ডাকছেন যেস কেউ তাঁকে ছুরিকাবিন্দ করে ছে।

—বলুন কুমার— রাজা হতে পারেন অজাতশত্রু। এঁর কেউ তাঁকে কুমার ছাড়া বলেন না।

—বলুন, কার কাছে, কোথায় গেলে শান্তি পাবো! দিনে রাতে সর্বত্র পিতার মুখ দেখি... মাতার মুখ... সইতে পারি না।

অকোথেন জিনে কোধং অসাধুং সাধুনা জিনে...

জীবকের হৃদয়ের মধ্যে ধ্বনিত হতে লাগল। কিন্তু সেই মহাবানী ছাপিয়ে তাঁকে অধিকার করতে লাগল পবিত্র ক্রোধ।

খেলা, না ? এই সব রাজা-হওয়া, রাজা-হত্যা করা। অমাত্য নির্বাচন, যুদ্ধ। হে রাজনীতিকগণ—ক্রিয় ও ব্রাহ্মণ, খেলা পেয়েছ, না ? লক্ষ কোটি মানুষের জীবন নিয়ে চিরকাল ধরে খেলা করে চলেছ ? জানলে না জীবনের রহস্য। জানতে চাও না। পারবে ? মহাপ্রাণ ছেড়ে এক বিন্দু প্রাণও সৃষ্টি করতে পারবে ? বিকলাঙ্গ, বিকৃতমস্তিষ্ক প্রাণ ? তাও পারবে না। আয়ুর্বেদ বলছে—পারবে না। জীবক জানে—পারবে না। ব্যাধির দুঃখ, অঙ্গহানির দুঃখ, মহাদুঃখ জীবজগতে, জীবক প্রাণপণে তার সারা জীবনের সাধনায় সে দুঃখ এই মগধেই বা কতটুকু দূর করতে পেরেছে ? পারেনি, কিছুই পারেনি। আরও অনেকগুলি জীবন পেলে, আরও ফলবান মস্তিষ্ক, যুগাতিশায়ী প্রতিভা পেলে আরও পারতো। কিন্তু জীবক জানে, সুস্থ সবল সুন্দর জীবনের কী অপরিমীম মূল্য। সেই জীবনগুলি শিশু যেমন করে পতঙ্গের পাখ ছেড়ে তেমন করে ছিড়েছ, ভেঙেছ, সর্বনাশ ছড়িয়ে দিয়েছ দু হাতে ; তোমার শাস্তির অধিকার কী ?

ক্রোধে অগ্নিশিঙের মতো লোহিতবর্ণ হয়ে স্থির বসে রইলেন কোমারভট্ট।

সেটীবর, বলুন, আপনি অন্তত কিছু বলুন !

গলাটি অনাবশ্যক বেড়ে কেশে অহিপারক বললেন— রাজগহের পাহাড়ে, কন্দরে তো কত বড় বড় তীর্থঙ্কর বাস করছেন, গিয়েই দেখুন না !

—না, না, এমন কেউ কি নেই যাঁর করুণা অলৌকিক, আকৃতি বচন এমনই সৌম্য মধুর যে দেখলেই হৃদয় শান্ত হয় !

উপস্থিত সকলেই বুঝতে পারেন কুমার কার কী কথা বলছেন, কিন্তু কিছু দিন আগেও যাঁর নাম পর্যন্ত মুখে আনা নিষিদ্ধ ছিল, যাকে আরাধনা করার অপরাধে যত্র তত্র হত্যা হয়েছে, হত্যা হয়েছে এমন কি সুকুমারী নারী পর্যন্ত, কিশোরী নটী শ্রীমতীর হত্যার স্মৃতি কি অত সহজে মুছবে ? কে তাঁর নাম মুখে আনবে ?

জীবকের দিকে ভিক্ষুকের মতো চেয়ে রয়েছে কুমার।

জীবক ভাবলেশহীন গভীর কণ্ঠে বললেন— আপনি কি তথাগত বুদ্ধের কথা বলছেন ? তিনি এখন আমারই অস্থানে অবস্থান করছেন। যান, যাবেন তো যান। এমন কোনও ক্ষমা নেই যা তাঁর অদেয়।

জীবক উঠে দাঁড়ালেন।

—কোথায় যান মহাবেঙ্ক ? আপনি সঙ্গে যাবেন না ?

ভয়, ভয়ভৈরব অধিকার করেছে পিতৃঘাতককে।

অস্থবন। ঝিল্লির ডাকটি পর্যন্ত শোনা যায় না। কার্তিকী পৌর্ণমাসীর জ্যোৎস্নায় গাছের পাতাগুলি পর্যন্ত স্বতন্ত্রভাবে চেনা যায়। সঙ্গে সভাসদরা। কুমার সভয়ে দাঁড়িয়ে পড়ল— জীবক ভদ্র, এ কী ? ছল করে এখানে এনে হত্যা করাবেন নাকি ?

—এর অর্থ ?— জীবক ক্রুদ্ধ মুখে দাঁড়িয়ে পড়লেন— আপনিই তো আসতে চাইলেন ? আপনি পাবেন শাস্তি ? সান্ত্বনা ? মহারৌরব নরকের আগুন আপনার নিজের ভেতরেই জ্বলবে ?

—মহাবেঙ্ক। মৃদুকণ্ঠে ডাকলেন অহিপারক। সতর্ক করা প্রয়োজন জীবককে।

কিন্তু কুমার যেন কিছুই শোনেননি। বললেন— এই সব বৃক্ষের শেছনে অস্ত্রধারী ঘাতক আছে। আমি জালে পড়ে গেছি। গুপ্তহত্যা... স্পষ্ট দেখতে পাচ্ছি শল্যাগুলি প্রাণা-প্রশাখা ফুঁড়ে বেরিয়ে আসছে... দূর হতে বিধবে...

অমাত্য চন্দ্রকেতু আর সহ্য করতে পারলেন না, এগিয়ে গেলেন। পেছন পেছন চলে গেলেন জীবক ও অহিপারক। প্রাণান্তক ভয়ে অজাতশত্রু অসি কোষমুক্ত করে সামনের বৃক্ষতল পেরোলেন। অমনি অন্ধকার সরে গেল। আলো, আলো। আলোর সমুদ্রে ভাসছে রাজগৃহ। ধনী, দরিদ্র, ক্রিয়, ব্রাহ্মণ, গৃহপতি, দাস, নর, নারী, বালক বালিকা, নটী, গৃহিণী সবাই। সমগ্র রাজগৃহে

প্রচার হয়ে গেছে তথাগতবুদ্ধ এক দেবমানব । রাজগৃহের অনেক ভাগ্যে তিনি এখানে অবস্থান করছেন । তাঁর ঋদ্ধি বিফল করে দিয়েছে সমস্ত বিরুদ্ধ ষড়যন্ত্র । এই আনন্দসন্ধ্যায় তাই রাজগৃহ তার ভ্রম শুধরে নিতে জীবকাস্রবনে এসে বসেছে । শুভ্র বসন সব, উত্তরীয়গুলি বাতাসে অল্প অল্প উড়ছে, মানবসমূহে যেন হিরোল উঠছে । ঋজু, শুভ্র মূর্তি । বসে আছেন মণ্ডলমালে । দুই হ্রদ মাঝখানে একগুচ্ছ শুভ্র রোম ।

তিনি বলছেন—এক অদ্ভুত জগৎ অদ্ভুত সমাজের কথা । সেখানে হিংসা, ঈর্ষা, দ্বेष, কলহ নেই । সং কর্ম, সং সঙ্কল্প, সং চিন্তার মধ্য দিয়ে জীবনকাল কাটিয়ে পৌঁছও এক অনির্বাণ প্রশান্তিতে—যার নাম নির্বাণ ।

নির্বাণ কী ? কেমন ? তা ভাবার অতীত, বর্ণনার অতীত । কেমন সে কথা ভেবে অনর্থক কালক্ষেপ করে কাজ নেই । কেউ কি কখনও গঙ্গার বালুরাশি কিংবা সমুদ্রের জল গুণে, পরিমাপ করে শেষ করতে পেরেছে ? প্রয়োজনই বা কী ?

—ভগবন, জগৎ শাস্ত কি অশাস্ত ?

—দেহ ও আত্মা এক না পৃথক ?

—ভগবন, নির্বাণ প্রাপ্ত অর্হন কি বিদ্যমান থাকেন ?

—হে রাজগৃহবাসী, আমি কি একবারও তোমাদের বলেছি এসো এসো । তোমরা তথাগতর শরণ নাও, তাহলেই আমি তোমাদের এ সকল প্রশ্নের উত্তর দেবো । এমন বচন দিয়েছি কী ?

—না ভগবন, তা আপনি দেননি ।

—তা হলে এ সকল প্রহেলিকা থাক । হে নাগরকগণ, যদি কোনও ব্যক্তির শরীরে বিষাক্ত বাণ প্রবেশ করে, এবং সেই ব্যক্তির আত্মীয়রা মহাবেজ্ঞ জীবককে ডেকে আনে তাহলে কি জীবক যন্ত্রণাকাতর রোগীকে প্রশ্ন করবেন এই বাণ কে মেরেছে ? সে গৌরবর্ণ না কৃষ্ণ বর্ণ ? সে ব্রাহ্মণ না ক্ষত্রিয়, না শূদ্র ? ধনুকের জ্যাটি কিসের ? জিজ্ঞাসা করবেন, না শল্য চিকিৎসা করে রোগীকে আরোগ্য করবেন ।

—আরোগ্য করবেন ভগবন—

—জগৎ শাস্ত বা অশাস্ত, আত্মা আছে কিনা, মৃত্যুর পর কী ঘটবে এ সকল উত্তর-প্রত্যুত্তরে শুধু কালক্ষেপই হবে, জরা, মরণ, পরিদেব, শোক এগুলির থেকে মুক্তি হবে না । তথাগত যেসব বিষয়ে চর্চা করেননি সেগুলি চর্চার অযোগ্য জ্ঞানবে । অস্ত্র ব্যতীত, হিংসা ব্যতীত এক সুন্দর জীবন গঠনের চেষ্টায় নিয়োজিত হও ।

অজ্ঞাতশত্রু সেই মহতী সভায়, জ্যোৎস্নালোকে তথাগতর বেদিকার সামনে সাষ্টাঙ্গ প্রণিপাতের ভঙ্গিতে পড়ে গেলেন ।

বড় সংশয়ী মানুষ বর্ষকার । বললেন—কুমারের চাতুর্য বুঝলে, সুনীথ ?

—বলুন মহামাচ্চ, আপনার ব্যাখ্যাসুনি ।

—গণ-অভ্যুত্থানের ভয় পাচ্ছেন তো, তাই গণের সামনেই তথাগতর শরণ নিলেন ।

তথাগত এখন রাজগৃহের মাথার মুকুট । কুমার পাপী কিন্তু অনুতপ্ত, ঔর শরণাগত

উনি ক্ষমা করলে, রাজগৃহ ক্ষমা না করে করে কী ?

—এতোটুকুও সত্য কি নেই কুমারের আচরণে ?

—আছে সুনীথ, ভয়ের সত্য, ইচ্ছিতে বন্ধমূল বিশ্বাসের সত্য, আর সহজাত কুটবুদ্ধির সত্য । ভয় নাই । কুমার অস্ত্রতাগ করবে না, মগধসাম্রাজ্য আমরা পাবোই । আচ্ছ, নয় কাল ।

—তোমরা কে ?—কণ্ঠ ক্ষীণ, দৃষ্টিতে আলো নেই, স্মৃতি আহত, যেন বহুদূর থেকে বললেন তিনি ।

কোমরে পাতার মালা, গলায় কুঁচ ফলের হার, খালি গা, মানুষগুলি বলল— হড় গো, মোরা হড় । ই যে বির দেখিস কেঁদ, বয়ড়া, গাব, শ্যাওড়া, সাল, পিয়াল গাছে গাছ বির, ই বির মোদের ।

এরা এই বনের মানুষ ? নিজেদের এরা হর বলে কী ?

—আমি কোথায় ?

—মোদের মজাঙে আছিস । ভাবিস নাই । তু মোদের মেইয়্যার নাম লিছিস । তুরে ঠারে লিব । বুঢ়ামবুঢ়া বুঢ়ামবুঢ়ি বলিছে ।

ধিমি ধিমি ধিমি ধিমি বাদ্য বাজে । তাঁর ঘোর লাগে । এরা কি তাঁকে কোনও সুরা পান করিয়েছে ? জিভে কেমন একটা মাদক মধু মধু স্বাদ ! বলকারক কোনও তৈল দিয়ে তাঁর সারা শরীর মাজছে এরা । শরীরের অসাড়াভাব কেটে যাচ্ছে ক্রমশ । কার নাম নিয়েছেন তিনি ? কার নাম ? তিনি বুঝতে পারেন না কেন এরা তাঁকে সেবা করছে ।

তিনি ঘোরে থাকেন । মজাঙে রক্ষিত আশুন থেকে তাঁর হাতে পায়ে সৈঁক দিতে দিতে বাঁশের চোড়া থেকে মধুক-মদ পান করে তারা । গল্প করে অনেক চাঁদ আগে তাদের বন্ধু ভিন্ন এক কিল্লির প্যাঢ়ায় এক যতি এসেছিলেন । পূজা ঠিকমতো না হওয়ায় একদিন তিনি রাগ করে অদৃশ্য হয়ে যান । আর তারপরে তাঁর মন্তরের টানে তাদের বীরতমা মেয়েটি আর বীরতম ছেলেটি কোথায় চলে যায় । যতি দেখলেই তাই সব কিল্লির হড়রা তাকে তুষ্ট করবার শ্রাণপণ প্রয়াস পায় । কে বলতে পারে কার মধ্যে কী শক্তি আছে !

ঘুমঘোরের মধ্যে গল্প কথা ছুঁয়ে ছুঁয়ে যায় তাঁর চেতনা । তিনি অস্পষ্ট স্বপ্নে নিজেকে হাতড়ে ফেরেন । তিনি কে ? কোথায় ছিলেন ? তিনি কি কোনও যতি ? এরা কি পত্রাশবর ? কারা হারিয়ে গেছে ? তিনি কি তাদের চিনতেন ।

২৪

মগধ-কোশলের যুদ্ধে ভিক্ষুসংঘ বড়ই জড়িয়ে পড়ে । কোশলের পক্ষে থাকে এবং থাকে সক্রিয়ভাবে । বুদ্ধ তখন জেতবনেই । ভিক্ষুদের সক্রিয় সহযোগের কথা তিনি প্রথম থেকেই জানতেন কিনা নিশ্চয় করে বলা যায় না । ধনুর্গ্রহ তিষ্য নামে এক স্থবির আরেক স্থবির উপ্তর সঙ্গে একই পরিবেশে থাকতেন । ধনুর্গ্রহ তিষ্য প্রব্রজ্যা নেবার আগে তক্ষশিলার শত্রুশিক্ষক ছিলেন । তাঁর সেই সময়ে রাতে নিদ্রা হত না পসেনদির মুখামিতে । অবশেষে উপ্তর পরামর্শে তিনি তাঁর শিষ্য পাঞ্চালকে ডেকে পাঠান ।

—আমাকে নিমন্ত্রণ করছ না কেন তিষ্য ?

—সে কী ? এখনি করছি । কালই আসুন আচার্যদেব ।

—যাবো যাবো অবশ্যই যাবো, কিন্তু আমি শ্রমণ, আমাকে সেইভাবে ডাকো আয়ুয়ন ।

—ভস্তু, আমার অপরাধ হয়ে গেছে ।

পরদিন নিমন্ত্রণে এসে তিষ্যপত্নী সোমার হাতের পায়স চেটেপুটে খেতে খেতে স্থবির বললেন—উপাসককে ভোজনান্তে উপদেশ দেওয়ার নিয়ম, জানো নিশ্চয় তিষ্য সূতরাং আরম্ভ করি । বলি বৎসে সোমা, তুমি এমন বিদুষী হয়ে পতিকে যুদ্ধে যেতে দিচ্ছ না এ বড়ই পরিতাপের বিষয় ।

সোমা বলল—সে কি ভস্তু, এমন মিথ্যা আরোপ আমার ওপর ?

—তবে তিষ্য সৈন্যপত্য করছে না কেন ? কে বাধা দিচ্ছে ?

তিষ্য বলল—দীঘ মন্ত্র রয়েছেন । কুমার রয়েছেন । স্বগন্ধ থেকে পালিয়ে আসবার সময়ে যুদ্ধ করেছে । মহারাজ তো স্বয়ং নেতৃত্ব দিচ্ছেন এখন ।

কুমারের গুঢ় বিরাগ ও ঘেষ যে তাঁকে এই যুদ্ধ থেকে শেষ পর্যন্ত সরিয়ে রাখল, এ কথা পাঞ্চাল পত্নী ছাড়া কারো কাছে প্রকাশ করেনি ।

—ওটি তো একটি আস্ত গর্দভ !

—স্বর মৃদু করুন ভণ্ডে ! আমি জানি উনি তাই । কিন্তু ঔর গর্দভভ্দের কোন দিকটির প্রতি আপনি এখন নির্দেশ করছেন ?

—দীঘ মল্ল ও রাজকুমার বিরুদ্ধ যদি ঔর সঙ্গে রণক্ষেত্রেই থাকে, তাহলে যুদ্ধে জয় হওয়া সম্ভব ? অচিরেই মহারাজ বন্দীও হবেন । মল্লই ধরিয়ে দেবে ।

—সে কী

—বন্ধুলের কারণে দীঘ কারায়ণের হৃদয়ে প্রতিহিংসার অনল জ্বলছে না ? আর বিরুদ্ধ ভগবানের মধ্যস্থতায় পুনঃপ্রতিষ্ঠিত হয়েছে সত্য । কিন্তু দাসীপুত্র বলে বিতাড়িত হবার অপমান সে কোনদিন ভুলবে ?

—তা সত্য । কিন্তু প্রতিহিংসা ? বন্ধুলের কারণে ? ঠিক বুঝলাম না ভণ্ডে !

—তুমি তিম্বা আরও একটি গর্দভ ।

—মাঝে মাঝে মনে হয় বটে । কিন্তু আপাতত এ বিশেষণটি কেন উপহার দিলেন ভণ্ডে ?

—বন্ধুল আর তার দশ পুত্র মহাবীর । এগারটি মহাবীর প্রত্যন্ত দস্যুর হাতে নিহত হল এই শিশু-তোলানো উপকথা তুমি ছাড়া আর কেউই বিশ্বাস করে না তিম্বা ।

—তা হলে ? —নিশ্বাস রুদ্ধ করে তিম্বা বলে ।

—পসেনদি নিজে ওদের হত্যা করিয়েছেন ।

তিম্বা কাঁপতে থাকে । শরীরে শ্বেদ । দেহ কঠিন হয়ে যায় ।

সোমা বুখাই বলে, আত্মসংবরণ করো, ধৈর্য ধরো হে পাঞ্চাল ।

স্বির বললেন—বন্ধুল বড় পরিহাসপ্রিয় মানুষ ছিলেন । কখনও সখনও হযত পরিহাস করেই বলে থাকবেন তাঁদের এগারজননের মিলিত শক্তিতে অনায়াসেই পসেনদিকে রাজ্যচ্যুত করা যায়...পসেনদি যে তাঁর ছাত্রজীবনের সখা এ কথা তো বন্ধুল কখনওই ভুলতেন না—তা এই প্রকার কথাবার্তা হতে হযত অনড়বান রাজাটির মনে সংশয় জন্মে থাকবে ! মল্লর বিরুদ্ধে মন্ত্রণা দেবার লোকও তো অমাত্যদের মধ্যে কিছু অল্প নয় । তুমি তো জানো সবই...কী হল তিম্বা, কথা বলো ? এমন বাক্যহারা হলে প্রতিহিংসা নেবে কী করে ?

—আপনি বুদ্ধপন্থী হয়ে প্রতিহিংসার কথা বলছেন ?—তিম্বা অনেক কষ্টে সংবৃত হয়ে বলে ।

—আয়ুস্থান, বন্ধুল যেমন পসেনদির সতীর্থ ছিলেন তেমনি আমারও ছিলেন যে ! আর সদ্ধর্ম যেমন প্রাণিহিংসা, হিংসার পরিবর্তে হিংসা নিবেদন করে, তেমনি অসৎকে পরিত্যাগ করার কথাও তো বলে । আমি এবং স্বির সারিপুত্র এমন কত উপদেশের ভিন্ন ভিন্ন ব্যাখ্যা করে আনন্দ পাই । তবে প্রতিহিংসার অর্থ যে হত্যাই, তা আমি একবারও বলিনি তিম্বা । দেবদত্তর কেমন শাস্তিটা হল ? নিজের শিষ্যদের পদাঘাতে মুখে রক্ত উঠল, তারপর ভগবানের কাছে আসবার পথে ভূকম্পে মারা গেল । ...তবে অসতের শাস্তিবিধান করতে হলে কাকে ছেড়ে কাকেই বা রাখবে ? এই যে একেকটি রাজবংশ হয়ে যাচ্ছে, মনে করছে পরম্পরায় পৃথিবী ভোগ করবে, এতেই হয়ে যাচ্ছে সর্বনাশ !

—আমাকে কী করতে বলেন ভণ্ডে !

—যুদ্ধে যাও, কাশী হতে গয়ায় প্রবেশ করতে দু' পাশে গিরি আছে, ওইখানে শক্তি ব্যুহ রচনা করে অজাতশত্রুকে টিপে মারো ।

ধনুর্গ্রহ তিম্বা চলে গেলেন । যাবার সময়ে পেছন ফিরে একবার মৃদুস্বরে বললেন—আমার নামটি আবার যেন তথাগতের কানে না যায় । তুমি যা—

—গর্দভ ! তিম্বা বলল ।

কার্যকালে কিন্তু দেখা গেল তথাগত ব্যাপারটি শুধু জানেনই মী প্রসন্ন মুখে তিনি ধনুর্গ্রহ তিম্বার গুণগান করছেন ।

যাই হোক, পাঞ্চালের পরামর্শে শকট ব্যুহ রচনা করে পসেনদি জয় লাভ করলেন । কিন্তু অজাতশত্রুর শাস্তি ? হল কই ! দু'-তিনদিন ধরে বন্দী মগধরাজকে অনর্গল তিরস্কার করে কন্যা বজিরার সঙ্গে তার বিবাহ দিলেন পসেনদি । এবং যে-কাশীগ্রাম নিয়ে বিরোধ সেটাই তাকে প্রত্যার্ণণ ৪২২

করলেন ।

কিশোরী বজ্রার কান্না, আহত সৈনিক ও দাসদের আর্তনাদ, মৃত সৈনিকদের স্ত্রী-পুত্রদের হাহাকার ও বিবাহ উৎসবের বিবিধ হট্টরোল শুনতে শুনতে ক্রমশ বিষণ্ণ, উদাস হয়ে যেতে থাকেন পাঞ্চাল । ওই তো রাজা পসেনদি বার্ষক্য-কৃষ্ণিত মুখে হা-হা করে তাঁর বিখ্যাত হাসি হাসছেন । মদিরার স্ফটিক পাত্র তুলে দিচ্ছেন তারই হাতে যে নাকি তাঁর ভগ্নী ও ভগ্নীপতির নিষ্ঠুর ঘাতক ! কই ? শোক, ক্রোধ এসবের কোনও চিহ্ন তো নেই । তা হলে যুদ্ধ কেন হল ? সহস্র সৈন্য নিহত হয়েছে । শত শত আহত । উভয় পক্ষই । রাজায় রাজায় এ এক গোপন খেলা তবে পরম্পরের সিংহাসন সুরক্ষিত করার জন্য ?

বিবাহ-সভা ত্যাগ করে চলে যান পাঞ্চাল ।

—কোথায় যান পাঞ্চাল !

কুমার বিরুদ্ধক আসছে পেছন পেছন ।

—আপনি কোথায় যান ?

ক্রুদ্ধ মুখে গর্জন করে কুমার বলে—ভগ্নীর কান্না আর শুনতে পারছি না পাঞ্চাল । একটা নৃশংস ঘাতক, বিকলাঙ্গ—এই কি বজ্রার উপযুক্ত পতি ? আমাদের ভাই-ভগ্নীর কোনও মূল্য নেই পিতার কাছে ?

বড় বড় নিশ্বাস পড়ে কুমারের ।

তিষ্য বলেন—এ এক প্রকার কান্না । কুমার, আরো কান্না আছে । শুনবেন তো আসুন ।

শুশ্রূষাশালায় আহত সৈনিকদের মধ্যে প্রবেশ করলেন তিনি কুমারকে নিয়ে । বৈদ্যরা পট্টিকা লাগাচ্ছেন, ঔষধ দিচ্ছেন, হাত, পা, আঙুল বিবিধ অঙ্গপ্রত্যঙ্গ কেটে বাদ দিতে হচ্ছে । অমানুষিক চিৎকার, আর্তনাদে শুশ্রূষাশিবির যেন সপ্তম নরক ।

অস্বারোহী দলের এক সৈন্যের দুটি পা-ই গেছে, ক্ষতস্থান পচে ভীষণ আকার ধারণ করেছে । সে জাস্তব আর্তনাদ করছে আর বলছে—নিপাত যাক, নিপাত যাক মগধ, কোশল নিপাত যাক...ধ্বংস হয়ে যাক যে যেখানে আছে ।

—কী হবে আমাদের পুত্র-কন্যা-পত্নীর ? কেউ কেউ বলছে ।

—আমার বৃদ্ধ পিতা-মাতার ? কে দেখবে ? —রব উঠছে চারদিকে ।

পাঞ্চাল বলেন—শাস্ত হও, শাস্ত হও সৈনিক, আমি দেখব, কথা দিচ্ছি, এই কোশলকুমার দেখবেন ।

আরও বৈদ্য আসেন । শল্যবিদ আসেন । সেবক আসে । মৃত্যুর হাহাকার...তারই মধ্যে যাদের আঘাত অত গুরুতর নয়, যাদের চিকিৎসায় উপকার হচ্ছে তারা জয়ধ্বনি করে তিষ্যকুমারের, রাজকুমারের । ক্রমশ বৈদ্যদের কাছে গিয়ে প্রতিটি রোগীর সংবাদ নিতে থাকে বিরুদ্ধক ।

—এই-ই করণীয় কুমার—ধীরে ধীরে বলেন পাঞ্চাল—স্বাভাবিক করুণার বশে যদি না-ও করেন, অন্তত প্রজাদের হৃদয়ে প্রবেশ করবার জন্যও করুন ।

শ্রাবস্তীতে ফিরে মগধ যুদ্ধে হতাহত সৈনিকদের পরিবারগুলির জন্য ব্যবস্থা নেন পাঞ্চাল । সেনাপতি দীঘমল্লর পরেই এখন তাঁর স্থান । কিন্তু রাজার দেওয়া বৃত্তির অধিকাংশই ব্যয় করেন দানে । পত্নী জিতসোমার সঙ্গে থাকেন সাধারণ গৃহস্থের মতো ।

চণকের সন্ধানে দিকে দিকে লোক যায় । কেউ কোনও সংবাদ আনতে পারে না । দর্ভসেনের মৃত্যুর পর গান্ধারের সবার্থক হয়েছেন তাঁর পরমমিত্র অনঘ আঙ্গিরস—এমন সংবাদ আসে । প্রায় নিশ্চিত হওয়া যায় তখন যে চণক সেখানে নেই ।

শ্রাবস্তীর রাজনীতির আকাশে সবার অলক্ষ্যে মেঘ ঘনান্ন কোল, জুহু, উগ্র, শ্রীভদ্র—ব্রাহ্মণ অমাত্যরা কেউ বৃদ্ধ রাজার ওপর আস্থা রাখেন না । সারাটা জীবন তিনি একবার বৃদ্ধ একবার বেদ এইভাবে দুই তরীতে পা দিয়ে চললেন ; তাঁদের অসন্তোষ আজকাল পরিষ্কার বোঝা যায় । দীঘকারায়ণের সঙ্গে প্রায়ই তাঁরা নানা পরামর্শ করেন, যদিও সে মল্ল বলে তাকেও তেমন বিশ্বাস

করেন না। প্রায়ই এই অমাত্যদের গৃহ থেকে নিমন্ত্রণ আসে তিষ্যর কাছে।

এমনই এক নিমন্ত্রণে যেতে অমাত্য শ্রীভদ্র একদিন বললেন—মহামান্য পাঞ্চাল, আপনি তো কোশলেরই সন্তান...

পাঞ্চাল বুঝতে পারেন না শ্রীভদ্র কী বলতে চান।

শ্রীভদ্র বলেন, কোশলের গর্ব আপনি। প্রজাসাধারণকে যেরূপ অল্প সময়ের মধ্যে জয় করে ফেলেছেন তাতে করে মনে হয় কোশলের এখনও কিছু আশা আছে। আপনি কি সেই ঘটনাটি জানেন?

—কোন ঘটনা?

—ওই, রাজা রাজকুমার এরা মনোমত না হওয়ায় অমাত্যরা তাদের সিংহাসন থেকে টেনে নামায়, জনগণ সমর্থন করে, একজন সত্যিকার গুণী মানুষকে তখন রাজা করা হয়।

—এমন ঘটনা আগে প্রায়ই ঘটত—তিষ্য সতর্কভাবে বলেন।

—আবার ঘটবে, ভবিষ্যতে প্রচুর ঘটবে, বর্তমানেও ঘটা উচিত। এইভাবে চললে কোশলের আয়ু আর অধিক দিন নয়। মগধের গর্ভে চলে যাব আমরা।

তিষ্য মনে মনে হাসতে হাসতে ফেরেন। শ্রীভদ্র জানেন না, একদা এই তিষ্য মগধেরই আধিপত্য বিস্তার করার জন্য প্রাণপণে করেছেন। সে কথা জিতসোমাকে জানাতে সে বলে—সাম্রাজ্য হবেই পাঞ্চাল, দৈবরাত যে-চক্রবর্তীক্ষেত্রের কথা বলে গিয়েছিলেন এই মধ্যদেশ, প্রাচী-ঘেঁষা মধ্যদেশই সেই ক্ষেত্র। অজাতশত্রু এবং তাঁর দুই দুর্ধর্ষ সচিব বর্ষকার ও সুনীথ থাকতে মগধের সাম্রাজ্য হওয়ায় কেউ বাধা দিতে পারবে না। আমি অমাত্য ছিলাম, আমি জানি পাটুলিতে গঙ্গা ও হিরণ্যবাহর সঙ্গমস্থলে দুর্গ গড়া আরম্ভ হয়ে গেছে। অতি দক্ষ দ্রাবিড় কন্মাররা এসেছে, মহাশিলাকটগ বলে এক ধরনের নতুন অস্ত্র নির্মাণ করাচ্ছে অজাতশত্রু। বড় বড় শিলাখণ্ড বহু দূর পর্যন্ত ছুড়তে পারবে এই অস্ত্র। গবেষণা চলছে রথমুখল নিয়ে। রথের চারপাশে মুখল থাকবে। এই দ্রুতগামী রথ শত্রুসৈন্যের মধ্য দিয়ে চললে বহু লোক নিমেষেই হতাহত হবে।

তিষ্য আশ্চর্য হয়ে বললেন—সত্যিই তো! নতুন অস্ত্র হলে তবেই তো পুরনো অস্ত্রধারীদের ওপর জয়লাভ করার আশা থাকে! এ কার কল্পনা সোমা?

—কুমারেরই।

—কুমার তো তা হলে সামান্য নয়?

—আমি কি একবারও বলেছি সামান্য? প্রকৃত কথা উদ্ভাবনী-প্রতিভার সঙ্গে শুভবুদ্ধি আছে কিনা। হে পাঞ্চাল, শুভবুদ্ধি বিবর্জিত কুমারের প্রতিভা তাই ভয়ের কারণ। তবে এখন শুনছি তথাগতর সঙ্গে সন্ধি হয়ে গেছে...আশা করতে পারি তার কিছু ভালো ফল হবেই।—সোমা হাসল।

অন্যমনস্কভাবে তিষ্য বললেন—তা হলে দৈবরাত ঠিক মানুষটিকে চিহ্নিত করতে পারেননি। পিতা নয়? পুত্র?

জিতসোমা বিষণ্ণ দু চোখ তুলে বলল—দৈবরাত ভুল করেননি পাঞ্চাল। কাল, স্বয়ং কাল এই ভুল করেছে।

শ্রাবস্তী থেকে কপিলবস্ত্র। কপিলবস্ত্র থেকে শ্রাবস্তী ঘন ঘন যাতায়াত করছেন বুদ্ধ। মগধের সঙ্গে সন্ধির পর নিশ্চিন্ত পসেনদিও তাই করছেন। রানি মল্লিকার মৃত্যুর পর এক স্থানে স্থির থাকতে পারেন না তিনি। বুদ্ধর প্রতি আকর্ষণ আরও বেড়েছে। সমান অনুপাতে বেড়েছে অমাত্যদের বিরাগ।

অবশেষে একদিন প্রবাসী পসেনদির রাজছত্র, মুকুট ইত্যাদি রাজসম্বল চুরি করে নিয়ে দীঘকারায়ণ ঘোড়া ছুটিয়ে আসেন। তাঁর পেছনে কোশলসৈন্যের একটি দল। ষিরাঢ়কের রাজ্যাভিষেক হয়। অমাত্যরা কেউ আপত্তি করেন না। কিন্তু আড়ালে পাঞ্চালের কাছে এরা নানা প্রকার অভিযোগ জানাতে থাকেন। বয়োবৃদ্ধ অমাত্যদের নানাভাবে অপদস্থ করছেন বিরাত্য়ক।

—অমাত্য হয়েছেন কিসের জন্য? ভূতি, প্রাসাদ, লোকজন, বহু স্ত্রী, সম্পদ ভোগ করবার জন্য? রাজাকে সুপারামর্শ দেওয়া আপনাদের কাজ নয়? যখন পটমহিষী এবং তাঁর কুমার প্রাসাদ থেকে



বহিষ্কৃত হলেন সামান্য দাসদাসীর মতো, তখন কোথায় ছিলেন ? সুন্দরী শূদ্রা দাসীর অঙ্কে শয়ন করেছিলেন বোধহয় !

কিংবা

—মগধের রাজাকে হাতে পেয়ে ছেড়ে দিলেন আপনাদের মহারাজ ? এর মধ্যে দণ্ডনীতির কোনও ভুল নেই ? হিংস্র শার্দূলকে হাতে পেয়ে ছেড়ে কেউ দেয় মহামর্ষ ছাড়া ? তারপর আবার সেই শত্রুর ঘরে কন্যা পাঠানো। জেনে রাখবেন অমাত্য মহোদয়রা, পাশকের গুটি এখন ওই বিকলাঙ্গ রাজার হাতে। আমরা কোনওদিন ওর সাম্রাজ্য বিস্তারের বিরোধিতা করতে পারব না, কন্যা দিয়েছি বলে। নিষেধ করতে পারেননি ?

—শোনেন তিস্যও। ঠিকই বলেছে বিরাজুক। বয়স অধিক নয়, কিন্তু বুঝেছে সঠিক। শুধু যদি প্রতিহিংসা প্রবৃত্তি আর অকারণ রূঢ়তাকে জয় করতে পারত।

পসেনদি মারা গেলেন রাজগৃহের উত্তর দ্বারের বাইরে এক রথকারের কুটিরে। রাত্রে এসে পৌঁছেছিলেন। রাজগৃহের দ্বার রাত্রে খোলে না। অজ্ঞাতশত্রুর কাছে শেষ আশ্রয় নিতে এসেছিলেন, না সাহায্য প্রার্থনা করতে এসেছিলেন বোঝা গেল না। তার আগেই হৃৎস্পন্দ বন্ধ হয়ে গেল।

অমাত্যদের গোপন প্রার্থনা তিস্য রাজা হোক। ক্ষণে ক্ষণে নানা ছলে নানা বেশে চর আসছে তার কাছে। যে কোনও সুযোগে তাঁরই বসাবেন তিস্যকে সিংহাসনে। বহু শ্রেষ্ঠী, সাধারণজন পাঞ্চাল তিস্যকে চায়। পাঞ্চাল ভাবেন—হায় ঈশ, একদিন রাজাই হতে চেয়েছিলাম, কী অফুরন্ত শক্তি। উৎসাহ, কল্পনা ছিল, গড়তে চেয়েছিলাম আমার সব দিয়ে একটি আদর্শ রাজ্য। বোধহয় একটি রানীর অভাবে তা হল না। —ভাবতে ভাবতে তিস্য আপনমনেই হাসেন—আর এখন ? রানী প্রস্তুত, রাজ্য প্রস্তুত, সিংহাসন ডাকছে, কিন্তু তিস্যই প্রস্তুত নয়। মহাবীর পাঞ্চাল কি শেষে চৌর্যবৃত্তি ধরবেন ? না, কখনও না। মন্দ উপায়ে কখনও শুভফলে পৌঁছনো যায় না।

পরদিন কোশলের রাজসভা পাঞ্চালের তীব্র প্রতিবাদ শুনল। রাজা বিরাজুক ঘোষণা করেছিলেন, কপিলবস্তুর বিরুদ্ধে যুদ্ধযাত্রা করবেন।

—কেন ? পাঞ্চাল তিস্য উঠে দাঁড়িয়েছেন—কেন জিজ্ঞাসা করতে পারি মহারাজ। শাক্যরা কোশলের অধীন, নিয়মিত রাজস্ব দেয়। আমাদেরই মনোমত ব্যক্তিকে গণজ্যেষ্ঠক করে, কী ছলে তাদের সঙ্গে যুদ্ধ করবেন ?

—তারা কোশলের রাজবংশকে, রাজকুমারকে অপমান করেছে। এর চেয়ে বড় কারণ আর কী হতে পারে ? বিরাজুক ক্রুদ্ধ।

—কিন্তু কোশলের রাজবংশ তো আর কোশল নয় মহারাজ।

—অর্থ ?

—কোশলের রাজবংশ একটি ধনশালী কুল। একদা কুলের প্রমুখের হাতে এ রাজ্যের শাসনভার ন্যস্ত হয়েছিল। কথা ছিল সচিবরা, মহামাত্রা মিলে সিদ্ধান্ত নেবেন, রাজা একা কোনও সিদ্ধান্ত নিতে পারবেন না। আমি একজন মহামাত্র, সেই পদাধিকারে আপনাকে নিষেধ করছি—মিথ্যা লোকস্বয়ং করবেন না। মাতুলদের কুলের সঙ্গে আপনার যে মান-অভিমান জড়িয়ে গিয়েছে, সে কারণে আপনি সমগ্র কোশলকে বিপন্ন করতে পারেন না। এই সেদিন মগধের সঙ্গে যুদ্ধ উপলক্ষে কোশল রক্তস্নান করে উঠেছে, আবারও যুদ্ধ হলে তা কোশলের কাল হতে পারে।

জুহু, কাল, শ্রীভদ্র—তিন অমাত্য উঠে দাঁড়িয়ে বললেন—মহামাত্র পাঞ্চাল ঠিকই বলেছেন মহারাজ।

সিংহাসন ছেড়ে রাগে গরগর করতে করতে সভা ত্যাগ করে চলে গেল বিরাজুক।

কদিন পরই কোশলসৈন্য কপিলবস্তুর দিকে যাত্রা করল। কুমার স্বয়ং পরিচালনা করছেন। দীঘকারায়ণ রাজধানী রক্ষা করতে লাগলেন। আর কাউকেই নতুন রাজা বিশ্বাস করেন না।

পাঞ্চাল নিজের গৃহে ফিরে জিতসোমার কক্ষে প্রবেশ করলেন। পৃথিতে সম্ভবত ছায়া পড়েছিল, জিতসোমা মুখ তুলে তাকালেন। মগধ হতে আসবার পর থেকে জিতসোমার শীর্ণতা কাটেনি। চোখদুটি অস্বাভাবিক বড় এবং কালো দেখায়। রক্তজসূত্র দেখা দিচ্ছে মাথায়। এখনও চাকের সন্ধান চলছে। দেশে দেশে সার্থ যায়। ক্রমেই তাদের সংখ্যা, সম্পদ বেড়ে যাচ্ছে। তাদের দেওয়া হয় সন্ধানের ভার। সংবাদ মেলে না।

তিষ্য জানু মুড়ে বসে পড়েন, তারপর প্রিয়ার কোলে মাথা রেখে শুয়ে পড়েন।

—কী হল, মহামাত্র কি ক্লান্ত ?

—সম্ভবত তিষ্য আর মহামাত্র নেই প্রিয়ে।

—কেন ? —সোমা লেখনী রেখে দেন।

ক দিন আগেকার সভার বিবরণ, আজ যুদ্ধযাত্রার বিবরণ দেন তিষ্য। তারপর বলেন—বৃথাই রাজশাস্ত্র লিখছি সোমা, তোমার স্বর্গরাজ্য স্থাপনের কল্পনা কোনওদিন সফল হবে না।

—স্বর্গরাজ্য তো নয় পাঞ্চাল ! সুখ-দুঃখ পাপ-পুণ্যের অভিঘাতময় এই মর্ত্যের উত্তরাধিকারকেই বিবেক ও নিয়মের শাসনে সংযত করে যেতে চাই।

—কিন্তু স্বভাবের মধ্যে হিংসাকে উচ্ছিন্ন না করলে, বাসনাকে বন্দী করতে না পারলে কি মানুষ কোনদিন সুখ পাবে ?

—হায় পাঞ্চাল, তুমি যে তথাগতর মতো কথা বলছ ? হিংসাকে কোনদিন উচ্ছিন্ন করা যাবে কি ? কামনাকেও বিনষ্ট করা যাবে না। সব মানুষ একই সময়ে সর্বতোভাবে সুখীও হবে না।

—তা হলে ? তিষ্য শ্মিত মুখে জিজ্ঞাসা করেন।

—তোমার কি মনে হয় না এগুলি জীবনেরই স্বভাব ? ওই কামনা ! বাসনাজাত ক্রোধ লোভ, দম্ব, ঈর্ষা—এইসব ! যতই এদের দিক থেকে মুখ ফিরিয়ে নেবে ততই দ্বিগুণ বলের সঙ্গে এরা তোমাকে আক্রমণ করবে। এমন কি তুমি দেখোনি ? শোনোনি ?

—তা হলে উপায় ?

—ক্রোধকে ক্ষাত্রেজ, লোভকে বাণিজ্য বিস্তার, দম্বকে মর্যাদাবোধ, ঈর্ষাকে উৎকৃষ্ট থেকে উৎকৃষ্টতর হওয়ার প্রয়াসে পরিণত করা যায় না কী ?

—আর বাসনা ?

—বিস্তবাসনার কথা তো বললামই পাঞ্চাল, শক্তিবাসনার থেকে উদ্ধৃত হোক বিরাট বিরাট কর্মকাণ্ড, মহান সব মানুষ—আর দেহবাসনার রূপান্তর তো সবচেয়ে সুন্দর হবে ! এই যে পাঞ্চাল সারা জীবন ধরে বিশাখার জন্য অস্থির বাসনাকে সোমার জন্য স্থির প্রেমে পরিণত করলেন, এ কী তবে ? দুঃখময় পৃথিবীতে এই অমৃতের জন্যই কি লক্ষবার ফিরে আসতে ইচ্ছা হবে না ?

ক্লান্ত চোখদুটির মধ্যে দীপ জ্বলছে। পাঞ্চাল তাকিয়েই থাকেন। অপরূপ এক আত্মদে ভরে যেতে থাকে—শরীর, মন, অস্তিত্ব, পৃথিবী। কিছু তা হলে পেরেছেন তিষ্য ? কেউ তা হলে শেষপর্যন্ত তাঁকে গ্রহণ করল ! তিনিও পারলেন দিতে এবং নিতে ? জীবনের স্বাদ কী গভীর ! কী মধুর। মন কী যে বিষাদে পরিপ্লুত। নারীরাই—বিশাখা এবং অলাভা, ভদ্রা এবং অম্বপালী, অবশেষে সোমা জিতসোমা তাঁর অর্ন্তজীবনকে গড়ল। একটু একটু করে পূর্ণতা দিল তিনি সোমার মুখাটি নামিয়ে এনে থিরবিজুরির মতো একটি দীর্ঘ চুয়নে বহুক্ষণ স্থির-অস্থির রইলেন।

তিষ্যভদ্র ! তিষ্যভদ্র !—তিষ্যকে তিষ্য ডাকবার লোক এখনো কেউই নেই। সকলেই বলে পাঞ্চাল। হরিৎ উত্তরীয়টি কাঁধে গুছিয়ে নিয়ে তিষ্য দাঁড়িয়ে পড়েন। বিশাখা। অদূরে পূর্বরাম মহাবিহার। বিশাখার শিবিকা থেমে আছে। বিশাখা নেমে এসেছে।

—বলুন দেবি !

—দেবি নয় সাকেতকুমার, সখি বিশাখাকে বিশাখা বললেই তো যথেষ্ট হবে !

শ্রাবস্তীর শালতরুর তলায় সরযু বহে যায়, মল্লিকার গন্ধ ভেসে আসে ।

—আপনি নাকি মুক্কে হতাহত সৈনিকদের জন্য সর্বস্ব দিয়ে দিচ্ছেন !

—সর্বস্ব ? এ কথা কে বলে বিশাখা ?

—সারা সাবখি বলছে ।

—সর্বস্ব নয় । সামান্যই ।

—কখনও সামান্য নয় ভদ্র, আপনার কাজই ঠিক । ঠিক স্থানে পৌঁছচ্ছে । আজ মনে হয় আমি বড় বাহুল্য করেছেছি, যৌবনের অফুরন্ত শক্তির, কল্পনার অপব্যয়...

—এ কথা কেন বিশাখা ?

—জেতবন মহাবিহার তো ছিলই । তা সত্বেও পূর্বরাম নির্মাণ করাতে শক্তি দিলাম । সমস্ত শক্তি ।

—দান করে খেদ করতে নেই বিশাখা ।

শ্রীবা ঋজু করে পঞ্চকল্যাণী নারী বলে—দেবী সুমনার কন্যা সত্য স্বীকার করতে কুণ্ঠিত হয় না । ভদ্র, পিতার কাছে শিখেছিলাম ধন উপার্জন করার সুযোগ ও প্রতিভা সবার থাকে না, তাই যার থাকে তাকে সে ধন ভাগ করে নিতে হয় । স্বকুল, স্বগোত্র, স্বগ্রাম । যদি আরও থাকে তো দানের সীমা আরও বাড়াতে হয় । তাতেই আসে ধনসাম্য । নইলে বসুন্ধরা কুপিত হন, সৃষ্টি নষ্ট হয়ে যায় । পিতার শিক্ষার মূল কথাটি বৃষ্ণিনি । ভগবান তথাগতও বলেছিলেন—যারা সংসার ত্যাগ করে আসছে তাদের জন্য কি দ্বিতীয় সংসার গড়ছো, বিশাখা ? তখনও বৃষ্ণিনি । মোহগন্ত ছিলাম ভদ্র । আজ দেখছি পূর্বরামের মধ্যে চীবরের পেটিকা নিয়ে কলহ করছে ভিক্ষুরা । কয় তলিকা পর্যন্ত পাদুকা পরার অনুমতি পাবে, ডেবজ বলে ঘৃত, মধু, মাংসভক্ষ কীভাবে সংগ্রহ করা যায় এই নিয়ে চিন্তা করছে । বিহার প্রাক্শে একদিন শ্রেষ্ঠীদের পাঠানো অন্ন ইত্যাদি দিয়ে পাকসাক হচ্ছিল মহাভোজের জন্য জানেন ? খের সারিপুস্তর তিরস্কারে থামে । নিমন্ত্রণে কে দধির অগ্র পায়নি, কার ভাগের মাংসে অধি অধিক ছিল এই নিয়ে নিমন্ত্রককে কাটু কথা শুনতে হয় । তিষ্য ভদ্র, প্রতিদিন পাঁচ শত ভিক্ষুকে আহার দিতে প্রতিশ্রুত আমি, আমি জানি মুষ্টিমেয় অর্হন, আদি-ভিক্ষু ও সং-কয়েকজনকে বাদ দিলে সংঘ একটি অলস, পরভোজী, অপদার্থ মানব সম্প্রদায় সৃষ্টি করে চলেছে । শুধু মুণ্ডিত মাথা আর রক্তকাষায়ের জন্য আজ মানুষের শ্রদ্ধা ও দান অবলীলায় নিয়ে যাচ্ছে এবং তাইতে এদের আত্মাভিমান, অধিকার বোধ আরও বেড়ে যাচ্ছে । আমি তাদেরই পুষ্টি করছি ।

বিশাখা স্নান মুখে চেয়ে থাকে ।

—এত বিরাট একটি সম্প্রদায় সকলেই কি সমান হয় বিশাখা ?—তিষ্য সাত্বনা দিতে বললেন ।

—বলেন কী ? এরা যে অনাগারী । নির্বাণ পথের পথিক, কামনাকে জয় করবে বলে এসেছে ! জানেন, খের সারিপুস্ত ও মোগগল্পানের প্রয়াণের পরে এরা কী বলাবলি করছিল ?

—কী ?

—ভালই হল—এঁরা গেলেন । এবার তথাগত গেলেই আমরা ইচ্ছামতো চলতে পারি । এত তিরস্কার, উপদেশ, বাঁধাবাঁধি, নিয়ম আর ভালো লাগে না ।

—বলো কী বিশাখা ?

—হ্যাঁ । এইরূপই অবস্থা । ভগবান নাকি ভিক্ষুগীসংঘ প্রতিষ্ঠার সময়ে বলেছিলেন, নারীদের স্থান দেওয়ায় ধর্মের আয়ু পাঁচশ বৎসর অল্প হয়ে গেল । আমি জানি ধর্মের আয়ু আরও অল্প । কিন্তু তা নারীদের স্থান দেওয়ার জন্য নয় । ...এমনকি ভগবানের সব আশ্রয়ও আমি বুঝতে পারি না । মেনে নিতে পারি না ভদ্র ! পরম খেদে বিশাখা নতমুখী হয়ে বললেন ।

তিষ্য দাঁড়িয়ে থাকেন ।

—আমার কন্যাসমা ভগ্নী সূজাতা মাতৃহারা, পিতার বড় আদরের, সাকেতের গৃহে সে ছিল মুক্ত, সম্রাজ্ঞী । মহাসেটি সুদন্তর ঘরে তার বিবাহ হয়েছে । বিশাল পরিবার, বহু প্রকারের মানুষ সেখানে, হতভাগিনী সেখানে বালিকাস্বভাবে আগের মতোই আহার-বিহার করে । দিনকাল পরিবর্তিত হয়ে

যাচ্ছে তিষ্যভদ্র, আমি আমার অধিকার, মর্যাদা রক্ষার জন্য মিগারগৃহে সংগ্রাম করেছি। ভগ্নী আমার তা পারে না। তার নামে ভগবানের কাছে অভিযোগ এলো সে দুর্বিনীত, কাউকে মান দেয় না। অমনি ভগবান সেখানে গিয়ে তাকে প্রতিজ্ঞা করিয়ে এলেন সে দাসীর মতো থাকবে। ধনঞ্জয়ের কন্যা দাসী ? আমি... আমি ভগবানের সঙ্গে এ নিয়ে কলহ করেছি তিষ্যভদ্র, বলেছি তিনি প্রভাবশালী ব্যক্তিদের ইচ্ছানুযায়ী চলছেন, বলেছি প্রব্রজিতদের গুহায় কন্দরে থাকাই ভালো—স্ববির দেবদত্ত এ কথাটি অন্তত ঠিকই বলেছিলেন। আরও বলেছি, সমাজের শক্তি তাঁর চেয়ে অনেক অধিক। তিনি কি পেরেছেন মহারাজ বিহিসারের হত্যা রোধ করতে ? তিনি কি পেরেছেন নারীদের অধিকার সমাজে প্রতিষ্ঠিত করতে ? পেরেছেন কি রক্তক্ষয়ী যুদ্ধ থামাতে ? অন্ত্যজদের দুঃখ দূর করতে ? তা হলে কেন তিনি বহুজনহিতের কথা, বহুজনসুখের কথা, শ্রামণ্যফলের কথা বলবেন—বিশাখার দু' চোখে অভিমানের অশ্রু।

—শান্ত হও সখি, তিষ্য তাড়াতাড়ি বলেন—শান্ত হও। তোমার সে অপূর্ব স্নেহ কোথায় গেল ? উপাসিকার মহাসম্পদ প্রশান্তি ! তুমি না সাত বছর বয়সে স্রোতাপত্তি মার্গে প্রবেশ করেছিলে ?

—তিষ্য, আমার চারপাশের পৃথিবী যখন ভেঙে যেতে থাকে, আমার সন্তানরা বিপথে চলে যেতে থাকে, তখন আমি মাতা কেমন করে স্থির থাকি ? পারি। নিজেই প্রত্যাহার করে নিতে পারি। কিন্তু জীবনের প্রথম থেকেই কিছু সংকল্প ছিল। নারীদের জন্য, দাসীদের জন্য কিছু করতে চেয়েছিলাম। পারিনি... আমি লক্ষ্যভ্রষ্ট হয়েছি।

সেই বিশাখা। সাকেত সুন্দরী গরবিনী কিশোরী যে হতে পারতো রানী। কোনও পদই যার পক্ষে অধিক মর্যাদার হত না। জীবন তাকে এক ধরনের সার্থকতা দিয়েছে। ভাবতেন তিষ্য। আজ সেই সখী বিশাখা অক্ষমুখী, নিজের শূন্যতার কথা নিজেই বলে গেল। তিষ্যর চেয়ে আপন আর কেউ নেই তার এ কথা বলবার। স্নানমুখী বিশাখাকে শিবিকায় তুলে দিয়ে গৃহে ফিরতে লাগলেন তিষ্য।

সন্ধ্যা বহুক্ষণ অতিক্রান্ত। বর্ষা আসব আসব করছে। মেঘেরা জলসঞ্চয় করছে। কাননের মধ্যে হরিৎ অঙ্ককার। শেষ গ্রীষ্মের কুসুমের সুগন্ধে মন কেমন করে। কী প্রবল আত্মপ্রত্যয় নিয়ে একেবারে অমূল্য জীবন আরম্ভ হয়—ভাবলেন তিষ্য। তারপর একদিন যখন ফেরবার পথ থাকে না তখন উপলব্ধি হয় লক্ষ্যভ্রষ্ট হয়েছি। কিছুই পারিনি। এ কি শুধু মিগারমাতা বিশাখারই অনুভব ? অধিকাংশ কর্মী মানুষেরই তো এই এক অনুভব ! বিহিসার কি পারলেন রাজসংঘ প্রতিষ্ঠা করতে ? চণক কি পারলেন বৈদেশিক আক্রমণের বিরুদ্ধে জম্বুদ্বীপকে সংহত করতে ? ঐক্যবোধ আনতে ? ভগবান বুদ্ধ কি পারলেন পারম্পরিক হিংসা, যা দেখে তিনি উন্মন হয়েছিলেন, তা বন্ধ করতে ? উপরন্তু বলা যায় বহু হিংসার অনুষ্ঠানের পরোক্ষ কারণ তিনিই। হত না বিহিসার-হত্যা তিনি না এলে, অহিংসার বাণী প্রচার না করলে, কারণ রাজগৃহের আপামর মানুষ প্রাণপণে সাস্রাজ্যের গৌরব চেয়েছিল, আজ যে বিরুদ্ধ শাক্যদের ধ্বংস করতে ছুটেছে তা-ও হত না, শাক্যমুনিকে দেখে মুগ্ধ পসেনদির মনে শাক্য-কন্যার লোভ না জাগলে। মগধ-কোশল বন্ধুভাবে এক বিরাট সাস্রাজ্য গড়ে তুলতে পারত হয়ত। হয়ত রূপ পেত রাজসংঘ। হয়ত বা।

তিষ্যর মনে হল পশু-পাখি-বৃক্ষ-লতা এবং সমস্ত মানুষের নির্যাস দিয়ে গড়া একটি কল্প যেন ভেদ করতে চাইছে ক্রান্তিকালের কঠিন প্রাচীর। ব্যর্থতার পর ব্যর্থতা পার হয়ে এসেছে সে। তার পরেও নতুন ব্যর্থতার পাষণ্ড প্রাচীরে এসে মাথা ঠুকে যায়। ব্যর্থতাই কি তবে মানুষের নিয়তি ? কোথায় দৈবরাত ? এতো ভালোবেসে ছিলেন মহারাজ বিহিসারকে যে নির্যাসন সন্তের অভিমানে একেবারে হারিয়ে গেলেন ? আজ তিনি থাকলে ইতিবৃত্ত অন্যপ্রকার হত। কিন্তু না হোক নক্ষত্রালোকে ছাদে বসে তাঁরা তিনজনে অলোচনা করতেন রাজনীতি, মানবনীতি।

কানন পার হয়ে নক্ষত্রালোকিত প্রান্তরে পড়লেন তিষ্য। একটি তীক্ষ্ণ ছুরিকা পেছন থেকে এসে আমূল বিধে গেল তাঁর পিঠের বাঁদিকে। পুষ্পিত বকুলের তলায় তিষ্য পড়ে গেলেন। একটি আর্তনাদের শব্দও মুখ থেকে বেরল না। এমনই নিপুণতা ঘাতকের। শুধু তরুতলে ঝরা বকুলগুলি গাঢ় রঙে রাঙিয়ে যেতে থাকল।

অচিরবতীর শুষ্ক খাত । শিবিরের পর শিবির পড়েছে । রথ, হাতি, ঘোড়া, গো-শকট । শাক্যদের শিশু-বৃদ্ধ-নারীদের গরম রক্তে হাত ধুয়ে প্রতিহিংসার শপথ পূর্ণ করেছে বিরুদ্ধ । শিবিরে শান্তিঃ । সাবধি...ও একমাত্র পথের কাটা যে নির্মূল, সে-সংবাদ পৌঁছে গেছে । হৃদয়ে শান্তির ঢল । গভীর রাতে গাড় কল্লোল জাগে । সুশশ্যায় পাশ ফিরতে ফিরতে কুমার ভাবে এ আমার রক্তেরই কল্লোল । বড় আহ্বাদিত রক্তকণাগুলি । বইছে, নিষ্কণ্টক বইছে । অহো কী শান্তিঃ । আর্তনাদ কিসের ? অশ্বের হ্রেষা, হাতিদের বৃহৎ ? যেন রাত্রি ফাটিয়ে ফেলতে চায় ? অচিরবতীর শুষ্ক খাতে ঢল নেমেছে । উজানে বৃষ্টি । মুঘলধার । পশুগুলি মুক্ত হবার প্রাণপণ চেষ্টা করছে, শত শত সৈন্য পায়ের তলায় পিষ্ট করে ছুটোছুটি করে । তুমুল বন্যায় বিরুদ্ধের সেনা, রথ, পশু, অস্ত্র, শিবির ভেসে যায় । ফেনিল গর্জন করতে করতে বর্ণময় বস্ত্রগুলি উর্ধ্বে তুলে অচিরবতী ছোটে । পাণং ন হানে...পাণং ন হানে...পাণং ন হানে...

এবং মাৎস্যন্যায়ে পূর্ণ অরাজক শ্রাবস্তী নগরী ছেড়ে অবশেষে গান্ধারের দিকেই যাত্রা করেন একাকিনী সোমা । কোলে শিশুপুত্র । সার্থবাহ নন্দিয় যাচ্ছেন উত্তর পথ ধরে । সিদ্ধ সৌবীর ঘুরে গান্ধার যাবেন । পার্সরা বহু নতুন পণ্য আনছে, অনেক মূল্য দিয়ে কিনেছেও পূর্বাঞ্চলের পণ্য । তাই সার্থ যায় । নন্দিয়র সঙ্গ নিয়েছেন পাঞ্চালপত্নী সোমা । কখনও শকটে, কখনও অশ্বে, কখনও পদব্রজে পথ চলেন । শিশুটিকে সাবধানে নিয়ে চলে রক্ষীরা । চলতে চলতে গান্ধারী ভাবেন—সারাজীবন কি তিনি প্রবাসেই কাটালেন ? মধ্যদেশ...এই মধ্যদেশ তাঁকে মুক্তি দিয়েছে, কর্ম দিয়েছে, প্রতিষ্ঠা দিয়েছে, প্রেম দিয়েছে, শোক দিল মমান্তিক বিচ্ছেদের, মমান্তিক মৃত্যুর । ব্যাকুল আশঙ্কায় এখন মাতৃভূমির কোলে ফিরছেন তিনি । পার্সপুরীর রাজা ধারদ্বসুর সামন্তরাজ্য এখন গান্ধার । পরপদানত । তা হোক । মা দেবদত্তার নিঃশ্বাস মিশে আছে তক্ষশিলার বাতাসে । পিতা দেবরাতের ভাবনা । যেমন করেই হোক তক্ষশিলার মহাবিদ্যালয়ে পৌঁছতে হবে । আছেন মিত্র অনঘ আঙ্গিরস । নিশ্চয় সাহায্য করবেন । পিতা দেবরাতের স্বভূমিতে বেড়ে উঠুক তাঁর কন্যার বংশ । তিষ্যপুত্র চণক...তার পুত্র চণক...তার পুত্র, তার পুত্র...সোমা চণকের রক্ত এবং স্বপ্ন নিয়ে নতুন গোত্র জন্ম নেবে নাকি ? সেই চণক্য গোত্রসম্ভব কোনও প্রতিভাধর দূর ভবিষ্যতে যদি চণকের স্বাধীনতার স্বপ্ন বুঝতে পারে, যদি বন্ধন মোচন করতে পারে ।

২৬

...গৌতম জানেন এই তাঁর শেষ যাত্রা । এই শেষবার বেণুবন, কলগুণ নিবাপ, মোর নিবাপ, গিজঝকুট, জীবকাস্ববন...এই শেষ । কেউ জানে না । তিনি একা জানেন । রাজগহ পেরিয়ে চলেছেন মেঘের সঙ্গে সমান তালে । অম্বলটাকা । পাবারিক অম্ববন । দলে দলে মানুষ আসছে । সঙ্গে সঙ্গে ব্যবস্থা হয়ে যাচ্ছে একটি নতুন সংঘারামের । পশুিত শ্রেষ্ঠ সারিপুত্র জন্মস্থান নালকগ্রামের অদূরে এই পাবারিক সংঘারাম ।

বহুজনের হিতের জন্য, বহুজনের সুখের জন্য আমি দীর্ঘ আশি বছর জীবিত হয়েছি ? সাধনা করেছি । প্রথমেই মানুষের করণীয় সম্পর্কে সর্বা-বুঝে যাইনি । আজ সঙ্কল্প রক্তে তোমরা যা জানো তার সবটাই নিমেষের উদ্ভাস নয় । দিনে দিনে তিলে তিলে একে গড়েছি । গড়েছেন এই নালক গ্রামের সারিপুত্র, যিনি অতি সাধারণ মানুষের মতো রক্তবমন করে মারা গেলেন, গড়েছেন মোগগল্পান যিনি ধ্যানরত অবস্থায় নিতান্ত অসহায়ের মতো দস্যুদের হাতে, সম্ভবত অনঙ্গ চণ্ডাল ও তার দলবলের হাতে নিহত হলেন, গড়ছে প্রতিভাবান কিশোর কুমার কাশ্যপ যে মাতৃগর্ভে সজেয এসেছিল, রাজপুরীর সুখে লালিত হয়েও যে এখন অনাগারী, কুট দার্শনিক প্রশ্নের মীমাংসা করছে ছোট থেকে । গড়ে চলেছেন অগঙ্গসাবিকা ধোমা ও উপ্পলবননা তাঁদের বিশ্বাস দিয়ে, গড়ছে বিসাখা মিগারমাতা তার সংশয় দিয়ে । নালক থেকে পাটুলি যাই তবে ? নালক যদি বৌদ্ধবিদ্যার

মহাবিদ্যালয় হয় তবে পাটুলি হবে আর্ঘ্যবর্ডের এক শ্রেষ্ঠ নগরী। শোন হে মগধবাসী, কোনও ঋদ্ধি থেকে বলছি না, বর্ষকার ও সুনীথ যে-দুর্গের পশ্চন করেছেন, দেখে এসো, তার সঙ্গে মেলাও তার অবস্থান। আমাকে বৃথতে পারবে। অগ্নি, জল আর অন্তরকলহ এই তিন ভয় থাকবে এ নগরীর। সাবধান নগরবাসী, সকল ঐশ্বর্যশালী নগরীরই এই তিন ভয় থাকে। বর্ষকার, পূর্বের বিরুদ্ধাচরণের ক্ষতিপূরণ করতেই কি এই ঘোরের নাম দিলে 'গৌতমদ্বার' ? এই ঘাটের নাম দিলে 'গৌতমঘাট' ? তা দাও, কিন্তু সেই সঙ্গে বৈশালীকে পরাজিত করার মন্ত্রটিও তো জেনে নিলে ! জেনে নিলে না অনুমতি নিলে ? ভেদনীতির কথা কি আর তোমরা জানো না ? জানে, লিচ্ছবিরাও জানে, তবু ভুল হয়ে যায়।

—কোটগ্রাম ছেড়ে চলি নাটিকাগ্রামে। ভিক্ষু সালহ, ভিক্ষু সুদন্ত, ভিক্ষুণী নন্দা এই নাটিকাগ্রামের মানুষ। এখন নির্বাণ লাভ করেছেন। না গ্রামবাসীজন, তোমাদের প্রিয়জনদের পারলৌকিক গতি সম্পর্কে কোনও প্রশ্নের উত্তর আমি দেব না। কেন এ প্রশ্ন করো ? অবাস্তর। দূরে দেখা যায় আমার বড় প্রিয় বৈশালী নগরী। না ছোটক, কুটগারশালায় যাব না এখন, আপনাদের নিমন্ত্রণও গ্রহণ করব না, যাব অশ্বপালীর অশ্ববন। এসো মা অশ্বিকা, তোমার নিমন্ত্রণ গ্রহণ করেছি তো। অশ্ববনটি তথাগতকে দেবে ? দাও—সম্মতি দিলাম। বিহারে বিহারে ভরে যাক মগধ। চলো ভিক্ষুগণ—স্মৃতি জাগ্রত রাখো। সমাদর, দান, বহু জনসমাগম এসব উদ্ভাস্ত করে দেয় চিত্ত। স্মৃতি জাগ্রত রাখো। স্মৃতি...। সম্মা সতি।

বর্ষা আসছে। বেলুব গ্রামে বর্ষাযাপন করলেন গৌতম। জীবনের শেষ বর্ষা। তাই বোধহয় নিয়ে এলো কঠিন আত্মিক পীড়া। নিদারুণ যাতনা।

—ভগবন, এই ব্যাধিই কি আপনার শেষ ব্যাধি ? যদি তা-ই হয় ভিক্ষুসংঘকে জানিয়ে যাবেন না ?

—কেন আনন্দ ? সংঘ আমার কাছ থেকে আর কী প্রত্যাশা করে ? যা করণীয় বলে, ধর্ম বলে মনে করেছি সব নিঃশেষে জানিয়ে দিয়েছি, মুষ্টিবদ্ধ তো রাখিনি কিছুই। অতি সরল সহজ, কিন্তু দারুণ কঠিন সেই উৎকৃষ্ট জীবনের দ্বার খোলার সংকেতসূত্র। কঠিন। কিন্তু গোপন, রহস্যময় তো নয় ? হে আনন্দ, মনে করো না আমিই তোমাদের পরিচালক, ভেবো না ভিক্ষুসংঘ আমার আশ্রিত। তোমরা নিজেরাই নিজের আশ্রয়। আত্মদীপ হও। এ দেহ জরাজীর্ণ। ভাঙা শকটের মতো, এখন একে পরিত্যাগ কারবার সময় এসেছে।

তবে ঋদ্ধিপাদ ব্যক্তি ইচ্ছা করলে আয়ুর সীমা বাড়িয়ে নিতে পারেন। এ কী ? এ কথা কেন বললাম ? আনন্দ উন্মন ? শোনেনি কি ? কেন বললাম ? বহুজনের বহু প্রশ্নের উত্তর দেওয়া ব্যাকি রয়ে গেলে—তাই ? মহাকাল তাদের প্রশ্নের উত্তর দিক। সতাই কি সমাজের প্রভাববলয়ের বাইরে যেতে পারিনি ? যদি সমাজের সম্পূর্ণ বিরুদ্ধ স্রোতে যেতাম, যেটুকু সম্পাদিত হয়েছে সেটুকুও হত না, মঞ্চবিম পন্থা আমার, সর্ব অর্থেই মধ্যম। নারীরা ক্রমে পুরুষের ইচ্ছার দাস হয়ে যাচ্ছে, বর্ণভেদ বাড়ছে। আমার ব্যক্তিগত বিদ্রোহ আমি রেখে গেলাম রাজাকে উপেক্ষা করে নটীর নিমন্ত্রণ নিয়ে জীবনের এই অন্ত্য পর্বে, চণ্ডাল সোপাক, নীচকুলজাত সুনীতকে সংঘে গ্রহণ করে নিহাশিত উপালিকে শ্রেষ্ঠ বিনয়ধরের সম্মান দিয়ে। হে বিরুদ্ধবাদীরা, আমি অন্ত্যমি, অস্ত্যমি অন্ত্যমি নইও। কিছু অনুমান করতে পারি, কিছু পারি না। বিপুল চরিত্রজ্ঞান, অন্তর্ভুক্তি দুটি আর করুণা দিয়ে পৌঁছতে পারি অনেক সময়েই স্বপ্নের মূলে। সমস্যার মূলে। আমি যেখানে পৌঁছেছি ধ্যানস্তুিমিত সেই প্রশান্তির পারাবারে বিক্ষোভ ওঠে না। তবু চেষ্টা করেছি লোকচিত্তের কাছাকাছি থাকতে। লোকভাষায় কথা বলতে।

ডেকো না আনন্দ, আমাকে ডেকো না, আমি এখন সমাধিময় থাকলেই ভালো থাকি।

বর্ষাকাল শেষ। মহাবনে বহু ভিক্ষু সমবেত হয়েছেন। তাদের তিনি উপদেশ দিলেন 'ব্যয়ধম্মা ভিক্ষুবে সম্ভারা অপ্পমাদেন সম্পাদেথ'—তোমরা অপ্রমত্ত হয়ে কর্তব্য সম্পাদন করো। ভাণ্ডগ্রাম-ভোগনগর...আনন্দ চৈত্র্য। এখানে বললেন যদি কেউ এসে বলে তথাগত এই বলেছিলেন, তথাগত তাই বলেছিলেন তা হলে বিনয়সুস্তের সঙ্গে তা মিলিয়ে দেখবে। জানবে ৪৩০

নয়ই হল তোমাদের মূলশাস্ত্র। এবার মল্লভূমি পাবা। ভিক্টুসংঘ-সহ গৌতম নিমন্ত্রিত চন্দ্রর অকাননে। কস্মার চন্দ্র বহু আয়োজন করেছেন। তার মধ্যে রয়েছে সুকরমন্দব নামে একপ্রকার গ্রাকের ব্যঞ্জন। বুদ্ধ খেয়ে বললেন—চন্দ্র, এগুলি আর কাউকে দিও না। মাটিতে পুতে ফেলো।

বিষম রোগযন্ত্রণায় কাতর হয়ে পড়লেন তিনি। উপস্থিত সবাইকে বললেন—তথাগত সমস্ত ঐবন যা যা খেয়েছেন তার মধ্যে শ্রেষ্ঠ হল সুজাতার দেওয়া পরমাম্র যা বোধিলাভের পূর্ববাহুে খাই র চন্দ্রর দেওয়া এই পকাম্র যা...। ভিক্টুগণ তোমরা যেন চন্দ্রকে দোষ দিও না।

অসুস্থ দেহেই তিনি পথ চলতে আরম্ভ করলেন। ক্রমে ককুখা নদী পার হয়ে গেল। জলপান রে কিছুক্ষণ বিশ্রাম করলেন। মল্লপুত্র পুকুস তাঁর শরণ নিল। নদীতে স্নান করে আশ্রকুঞ্জ আশ্রয় লেন। আবার চলতে থাকেন। হিরণ্যবতীর তীরে কুশিনারা দেখা যায়। পায়ে হেঁটে নদী পার য়ে মল্লদের শালবন। আর পারেন না। যুথশালের অন্তরালে তাঁর শেষ শয্যা পাতা হল। বৈশাখী র্ণিমার জ্যোৎস্নায় বনভূমি প্রাবিত। শালের কুসুম ঝরছে। সিংহ শয়নে শুয়ে গৌতম নলেন—আমার যা সাধ্য তা করেছি হে আনন্দ। পাঁচ সহস্র বছর পরে সন্ধাম্বের প্রভাব যখন লুপ্ত য়ে যাবে তখন আসবেন আরেক বুদ্ধ—মেত্তেয় (মৈত্রেয়)।

২৭

শোন ও মহানদীর মধ্যবর্তী বিস্তীর্ণ পাহাড় জঙ্গলময় মালভূমির নানান অঞ্চলে বন কামানো ও ঝরানো শেষ হয়ে যায়। ছোট গাছপালা ঝোপঝাড় সবই কেটে পুড়িয়ে দেওয়া হয়েছে। পুরু ইয়ের পরত পড়ে গাভিনঃয় জমি। পরিষ্কৃত এলাকায় লোহার লকুট দিয়ে গর্ত করে বীজ বুনতে নতে আকাশের দিকে তাকান চণক। বৃষ্টি আসছে। বৃষ্টি। নৈর্কৃত থেকে অগ্নিকোণে মোড় নিয়ে টে আসছে পরিমিত বৃষ্টিদায়ী ছাই-রঙা মেঘের দল। দেখতে দেখতে ব্যাখ্যাতীত আহ্লাদে ভরে ঘতে থাকে মন। ক্রমে শস্য ফলে। চারদিকে আশুনের কুণ্ড জ্বলে, রেখা টেনে, ঝুঁট গেড়ে গ্রাম স্তন হয়। ব্রীহি থেকে টেকিতে কুটে চাল হয়। সারনায় সারনায় পবিত্র পাকুড় কিংবা শ্যাওড়া াছের তলায় কালো মোরগ কেটে সূর্যদেবতা সিঙবোঙার পূজো হয়। পূজো হয় গ্রাম-দেবতা ঢামবুঢ়া বুঢ়ামবুঢ়ির। তাঁর কেশবতী শবরী পত্নী রগগা মিশ্রবর্ণের স্বাস্থ্যল সন্তান প্রসব করে। ঐশ্বর শুভজন্য উপলক্ষে আখারায় আখারায় থিমি থিমি চান্দু বাজে। ক্রমে তাঁরা ঝুঁজে পান স্বর্ণপ্রসূ ক গ্যাঙের অবারিত বেলা। নতুন জনপদ গড়তে গড়তে এগিয়ে যান অপরিমেয় লোহা ও তামার াকরের শিরা টেছে নিয়ে, রত্নখনি মাড়িয়ে, তুণশুল্মময় বুরুগুলির ওপর দিয়ে পুবে আরও পুবে। থে পড়ে প্রাচীন সব সাসান-দিরি। খাড়া খাড়া পাথরগুলি পিত্তপুরুষের চিহ্ন নিয়ে স্তব্ব হয়ে াকে। ঙ্গেণক দাঁড়ান তিনি। কারা তাঁর পিতরু ? তিনি কে ? কী যেন তাঁর করার ছিল ? মনে াড়ে, পড়ে, পড়ে না। আশুনে টান টান করে সেকা চান্দুর থিমি থিমি বোল ভেসে আসে। স্তব্ব কানও দুপুরে ভূমি চষতে চষতে শোনে ভিন্ন কিল্লির ভিন্ন পাঢ়ায় ছাগপালক রাখালিয়ার বাঁশের শিি তিরি-লিরি করে বাজছে। উন্নন থেমে দাঁড়ান। মনে পড়ে, পড়ে, পড়ে না। তিনি মিশে যান ারাপারহীন জীবনস্রোতে। বইতে থাকেন পাঁচ হাজার বছর পরেকার কোনও সময়বিন্দুর দিকে। ইতে থাকেন। মৈত্রেয় হবেন বলে।

## টীকা

অসিস্টেড—অতি ব্যয়সাধ্য এবং কঠিন এক সোমযাগ ।

অচিরবতী—বর্তমান স্নাতী ।

অটুটচক্রবর্ত—আটটি নিয়ম যা মেনে নেওয়ার পর মহাপ্রজ্ঞানবতীর নেতৃত্বে তিক্চুসীসঙ্গে স্থাপিত হয় । ১. তিক্চুসের প্রতি সত্ৰম দেখাতে হবে । ২. যেখানে তিক্চু নেই সেখানে তিক্চুগীরা বাস করতে পারবেন না । ৩. সব বিষয়ে তিক্চুসদের অনুমতি নিয়ে চলতে হবে...ইত্যাদি ইত্যাদি ।

অটোলক—Watch-tower

অঙ্কবাঈ—ধাত্রী তখন নানারকম হত, মেয়েদের এটি একটি বহুপ্রচলিত জীবিকা । অঙ্কবাঈ শিল্পকে কোলে নিয়ে যত্ন করবে, শুনবাঈ—মুখ-মা, মালবাঈ বা মণনবাঈ পোশাক পরিচ্ছদের ভার নেবে, ক্রীড়াপনিক ধাত্রী—শিশুর সঙ্গে খেলবে । ইত্যাদি ইত্যাদি ।

অনাগামি—বৌদ্ধ ধর্মে দ্রাবকদের চার শ্রেণীতে ভাগ করা হত । সোতাশম—তিনটি বন্ধন নাশ করলে, সকদাগামি—আর দুটি বন্ধন কাম-ক্রোধ নাশ হলে, অনাগামি—এই পাঁচটি বন্ধন সম্পূর্ণ ক্ষয় হলে, তারপর আরও পাঁচটি বন্ধন নাশ হলে হয় অর্হন ।

অধীচি—বৌদ্ধশাস্ত্রের অষ্ট নরকের অষ্টমতম ।

অরমুখ—লালমুখো । কৌমিতকী উপনিষদে আছে ইন্দ্র বলছেন অরমুখান হতীন সালাবুকেভা: দ্রাবকহম—অর্থাৎ আমি লালমুখো মুনিসের সালাবুক (যায়েনা বা নেকড়ে)দের মুখে দিয়েছি, অর্থাৎ ভক্ষণ করিয়েছি ।

আজ্ঞানেয় অশ্ব—Thoroughbred horse

অসুহ—অসিহীয়

আবুস—সমপর্যায়ের ব্যক্তিকে সম্বোধন ।

আর্থ—অর্থ—noble man, পরে জ্ঞাতিবাচক অর্থেও ব্যবহৃত হয়েছে । ঐরা ভারতের উত্তর-পশ্চিম প্রান্ত দিয়ে প্রবেশ করে দ্রাবিড় সভ্যতা ধ্বংস করে শিঙ্কুর তীরে বসবাস শুরু করেন । এমন ঐতিহাসিক হত । তবে প্রমাণ এখনও গবেষণাধীন ।

ইন্দ্রকীল—নগরভেদনের সামনে সুদৃঢ় স্তম্ভ, যাতে হাতি এসে সোজাসুজি থাকা মাত্রতে না পারে ।

উদকশুদ্ধিক—বিশেষ নদী বা দিঘির জলে স্নান করলে পাশ থেকে রেহাই পাওয়া যাবে এমন বিশ্বাস যার । অনুন্নত শ্মশানশুদ্ধিক, নামসিদ্ধিক ।

উপসয়—উপাশ্রয় । তিক্চুসদের কাছাকাছি তিক্চুসীদের থাকবার জায়গা ।

উপায়কুলল—resourceful

কর্মসাগাম—কর্মকারগ্রাম—কর্মকারদের পরীও হতে পারে, আবার একটি পুরো গ্রাম শুধু কর্মকারদের বসতি এমনও হতে পারে ।  
তুলনীয়—লোণকারগাম, বখিকগাম...

কর্ম্য—estate বা factory

কর্মস্থান—ধ্যানের বিষয়, বুদ্ধ তিক্চুসের ধ্যানের বিষয় বলে দিচ্ছেন তাদের প্রকৃতি অনুসারী ।

কামানো ও জ্ঞানানো—যন কেটে জ্বালিয়ে চাকের জমি প্রভৃতির আদিবাসী পদ্ধতি । ছুয় চাষ ।

ককায়বন্ধন—কোমরবন্ধ । বেস্ট, তিক্চুসের পোশাকের অঙ্গ ।

কাঠকুট্ট—কাঠটোকরা পাখি

কাথপিন—পালি কথপন > কাহন । স্বর্ণ, রৌপ্য ও তাম তিন ধাতুরই হত এই মুহুরা ।

কিলিঙ্কক—মানুষ ।

কিল্লি—গোত্র ।

কুন্তপুনিক—হাড়ি-বাড়িরে ।

কুটাগার—চিলেকোঠা

কুহুস—পারস্যরাজ Cyrus (558-530 B.C.); ইনি পূর্ব দিকে গাণ্ডারাইটিস জয় করেছিলেন এমন অনুমান আছে । সম্ভবত ইরান (পারস্য) ও ভারতের সীমান্ত প্রদেশ তিনি জয় করেছিলেন । এবং সেখান থেকে কয় আদায় করতেন । এই গাণ্ডারাইটিসই গান্ধার হতে পারে । নিশ্চিতভাবে কিছু বলা যায় না

কুলপুত্র—ভদ্রলোকের ছেলে ।

কুলপতি—মশ হাছার ছাত্র যার ডেমন অচার্যকে কুলপতি বলা হত । University Vice-Chancellor?

কেতুকাম্যতা—ambition

কোমারভক্ত—কৌমারবৎস, শিশু-চিকিৎসক । জীবকের উপাধি ছিল, কিন্তু তিনি সবার চিকিৎসাই করতেন ।

খচ্ছ—শুকনো খাবার > খাজা ।

গহপতি—সংকৃত গৃহপতি । সাধারণভাবে সম্পন্ন গৃহস্থকেই বোঝাতো । কিন্তু বিশেষার্থে বুদ্ধমুণে বশিকদের বোঝাত । শুধু বৈশ্য নয়, ব্রাহ্মণ বা ক্ষত্রিয় গহপতিরও উল্লেখ পাওয়া যায় ।

গান্ধারদেশ—বর্তমান পেশোয়ার (পুরুষপুর) ও রাওয়ালপিণ্ডি । রাজধানী তক্ষশিলায় প্রাচীন ভারতের সবচেয়ে বিখ্যাত বিশ্ববিদ্যালয় ছিল । গান্ধাররাজ্যের অন্তর্ভুক্ত ছিল কাশ্মীরও ।

চন্দার আর্বনক—চতুরার্যপত্য—দুঃখ আছে, দুঃখের কারণ বাসনা, বাসনা নিবৃষ্টি করেই মানুষ দুঃখ থেকে মুক্তি পাবে, বাসনা নাশের উপায় হচ্ছে অষ্টাসিক মার্গ ।

সোমযাগ—সোমরস আহুতি দেওয়া হয় এমন ব্যয়সাধ্য কঠিন যজ্ঞ । ব্রাহ্মণদের জীবনে একবার করতেই হত ।

চামু—ধামসা জাতীয় পশুচর্মের বাজনা ।

চতুম্বাসা—আষাঢ়ী পূর্ণিমা থেকে কার্তিকী পূর্ণিমা পর্যন্ত চারমাস বৌদ্ধরা বাস করতেন ।



চেল—বহুবচন বা গ্রন্থ, রুমালের মতো গড়ানো হত।

ছন্দ—বৈদের ভাষা ও ছন্দ

ছয় তীর্থকর—১. অজিত-কেশকবলী—নাস্তিক, চার্বকের মতো। ২. মঞ্চরী গোপাল—বা মঞ্চখালি গোপাল—নিরতিবাদ মানতেন।  
অর্থাৎ ভালো-মন্দ কিছুতেই কিছু হয় না। সংসারের সবগুলি চক্রের ভেতর গিয়ে বাবার পরই দুঃখের অন্ত হবে। ৩। পূর্ণ কাম্যশ, বা পূর্ণ কামসম পাপ-পুণ্য বলে কিছু নেই, কর্মফল নেই—অক্রিয়বাদী। ৪. নির্মহু জ্যোতসুয় বা নির্মহু নাতপুস্ত—মহাবীর নামে পরিচিত। চতুর্থাৎ ও তপস্যার দ্বারা বিলম্বজননমুহুরে পাপ ক্ষয় করা সম্ভব—এই ছিল এর মত। ৫. প্রকুব কাভায়ন পশুয়। কভায়ন—অন্যোন্যবাদী। পৃথিবী, জলবায়ু, তেজ, সূর্য দুঃখ ও জীবন অচল ও কৃষ্ণ পদার্থ। এদের কেউ নষ্ট করতে পারে না। ৬। সঞ্জয় বৈয়ট্রিপুস্ত—বা বেলট্রিপুস্ত—ইনি বিবেকবাদী। অজ্ঞেয়বাদী কথা যায়।

ছোটিকা—তুড়ি।

ঠারে—কাছে, আপন করে।

দর্শনাগ—প্রতি অমাবস্যায় করণীয় যাগ।

দহর তিকু—অন্নবদন তিকু।

বিজ্ঞ—ভ্রামণ, ক্ষত্রিয়, বৈশ্য তিন বর্ণই উপনয়নান্তে উপবীত ধারণ করত, ও বিজ্ঞ আখ্যা পেত।

দর্শনটক—নিঃসন্তান রাজা প্রথমে দাসীদের, পরে অপ্রধান রাণীদের। তারপর অমমহিষীদেরও অবরোধের বাইরে ছেড়ে দিতেন।  
ইচ্ছে মতো বিচার করে সন্তানলভ্য হয়ে আসবার জন্য।

ধরঘসু—দহায়ুস, দহায়বৌস, পারস্যরাজ (522-486 B.C.) অনুমানিক 518 B.C.-র মধ্যে উত্তর পাঞ্জাব অর্থাৎ গান্ধারের কিছু অংশ অধিকার করেন। তাঁর পার্সিপোলিস লেখতে (520-518 B.C.) গান্ধার এবং সিন্ধু উভয়ই উল্লেখ আছে। ৩৬০ ট্যালেন্ট সোনা তিনি রাজস্ব হিসেবে আদায় করতেন। অজ্ঞাতশত্রুর রাজত্বকালেই কোনও সময়ে এই ঘটনা ঘটে। দহায়ুস কীভাবে বিজিত প্রদেশ পালন করতেন জানা যায় না।

নবকরকুটির—ভিক্ষুগণের নির্জনবাস ও ধ্যানের জন্য ছোট কুটির।

নলপট্টিকা—প্যাট, একমকম মাদুর।

নিগমগ্রাম—বাছার হাট আছে এমন গ্রাম। গঞ্জ।

নিয়োগপ্রথা—সন্তান না হলে স্বামীর অনুমতিক্রমে ভিন্ন পুরুষের ঔরসে গর্ভধারণ। পঞ্চশতাৎ বেজাবে জন্মেছিলেন।

পঞ্চকল্যাণী—চুল সুন্দর (কেশকল্যাণী), দাঁত সুন্দর (অহিকল্যাণী)। গড়ন সুন্দর (মাসেকল্যাণী) ছক সুন্দর (হুবি কল্যাণী) ও স্নিগ্ধবতী (বয়ঃ কল্যাণী) কন্যা।

পঞ্চরাজাটহ—খজা, ছয়, উষ্ণীষ, পাদুকা ও চামর।

পর্ব—দাক।

পরিবৃত্তী—রাজাদের চারজন বৈধবস্ত্রী থাকত—মহিষী, বাবতা, পরিবৃত্তী ও পলাগালী। মহিষী সমানে শ্রেষ্ঠ, বাবতা দ্বিতীয়, পরিবৃত্তী পুরহীনী, ইনি ও পলাগালী—একবারেই দুয়োরাণী।

পরিশাবন—ছাঁকনি, ভিক্ষুদের ব্যবহার্য।

পাণং হানে—প্রাণী বধ করে না। বুদ্ধোক্ত পঞ্চ ধীলের প্রথমটি।

পার্স—পারসিক।

পূণ্যশিষ্য—Charity Scholar

পূর্ণিমায় যাগ—প্রতি পূর্ণিমায় করণীয় যাগ।

পোষধ—পালি উপোসথ > উপোস। প্রতি পূর্ণিমা ও অমাবস্যায় পালনীয় ছিল। শুণু বৌদ্ধদের নয়, বর্মশ্রাব অন্য সন্ন্যাসদেরও।

কিন্তু পোষধ হচ্ছে সবম পালন। অনাহারে থাকা নয়।

বাসি—ছোট ঘুর।

বাহাসিদড়ি—মাটি, ভূমি, বসুন্ধরা

ব্যক্তিময়া—Charisma

বির—অরণ্য।

বৃঢ়ামবুঢ়া বৃঢ়ামবুঢ়ি—ভূম্যাসদের গ্রামসংক্রান্ত

বেগাবেগি—তাড়াতাড়ি

ব্রীহি—ধান—হ্রবিড শব্দ

মজাঙ—মাচাং—গ্রামের প্রথমে একটি বড় ঘর যেখানে যুবকেরা রাত কাটায়। নাচ গান এরই চাতালে হয়। অতিথি এলে এখানেই থাকে।

মহানসী—রাবার যোগাড়ে

মাগুলিক রাজা—সার্বভৌম রাজার অধীনে কোনও অঞ্চলের রাজা।

মন্ডুত—Surveyor

লকুট—লক্ষ্যুর বস্ত্র।

শম্বোষ্ঠী—মোটা-ঠেটি অলা

শাক—তরিক-তরিকাবি

সম্মঃ স্তি—সমাক স্মৃতি, ধারণা ঠিক রাখা, অষ্টাসিক মার্গের স্নন্যতম।

সরনা—পবিত্র বৃক্ষ সম্বলিত স্থান

সূমের—বর্তমান ইরাক।

সৌভঞ্জান—সঞ্জানে

হড—মান্দ

যেসব গ্রন্থের সাহায্য নিয়েছি :

1. Political History of Ancient India : H.C. Ray Chaudhuri.
2. The Age of Imperial Unity : History and Culture of the Indian People, Vol. II by Bharatiya Vidya Bhavan.
3. The Vedic Age : , Vol I
4. Buddhist India : T.W.Rhys Davids
5. Social Organisation in North-East India in Buddha's Time : Richard Fick
6. Society at the Time of Buddha : Narendra K. Wagle
7. Genesis of Buddhism—Its social Content : Dr. Bratindranath Mukherjee
8. Studies in the Buddhist Jatakas : B.C.Sen.
9. Buddhist Legends 6 Vol. E.W.Burlingame
10. Tribal Life of India : Nirmal Kumar Bose
11. Introduction to Ancient Indian History and Culture D.D.Kosambi
12. জাতক—মুই খণ্ড—অনুবাদ ইশানচন্দ্র ঘোষ
13. কৌটলীয় অর্থশাস্ত্র—দুই খণ্ড— ডাঃ রাধামেধিনী বসাক
14. ধর্মশাস্ত্র ,, : নারদ মহাশয়ের
15. উপনিষৎ গ্রন্থের ধর্ম—অনুবাদ—,, কৌমিতকী : শ্রীমৎ অনিবার্ণ
16. খেয়ী গাথা—অনুবাদ : ভিক্টু শীলতর
17. মিলিন্দ-প্রশ্ন ,, : শ্রীমৎ ধর্মধার মহাশয়িকির
18. বুদ্ধ কথা : ডাঃ অক্ষয়চন্দ্র সেন
19. ভগবান বুদ্ধ : ধর্মনিশ কোসাঘি
20. তথাগত বুদ্ধ : শান্তিগ্রন্থের ব্যাখ্যাপাখ্যায়
21. বৌদ্ধ ধর্ম : সত্যেন্দ্রনাথ ঠাকুর
22. দর্শন সিংদর্শন ব্রাহ্ম সাংকুতায়ন
23. যজ্ঞ কথা : রামেন্দ্রসুন্দর ত্রিবেদী
24. বেদের কবিতা : গৌরী ধর্মপাল
25. প্রাচীন ভারত : সমাজ ও সাহিত্য : ড. সুকুমারী ভট্টাচার্য
26. পালি সাহিত্যে নারী : ডাঃ বন্দী চট্টোপাধ্যায়
27. প্রাচীন ভারতের অর্থনৈতিক ইতিহাসের সম্বন্ধে : ডাঃ রত্নবীর চক্রবর্তী
28. বাংলার ইতিহাস : ডাঃ নীহাররঞ্জন রায়
29. বিজ্ঞানের ইতিহাস—১ম খণ্ড : সমরেন্দ্রনাথ সেন
30. বৌদ্ধধর্মের ভূগোল : ডাঃ বিমলাচন্দ্র লাহা
31. প্রাচীন ভারতের পঞ্চশরিতর : গৌরানন্দগোপাল সেনগুপ্ত
32. হিন্দুসমাজের গড়ন : নির্মলকুমার বসু
33. সারথী যজ্ঞবীর সর্বদর্শন সংগ্রহ : সত্যজ্যোতি চক্রবর্তী